





濮

圖書在版編目(CIP)數據

儒藏. 精華編. 三五/北京大學《儒藏》編纂與研究中心編. 一北京:北京大學出版社,2010.12

ISBN 978-7-301-11753-8

I. 儒··· Ⅲ. 北··· Ⅲ. 儒家 Ⅳ. B222

中國版本圖書館 CIP 數據核字(2010)第 236820 號

書 名: 儒藏(精華編三五)

著作責任者:北京大學《儒藏》編纂與研究中心 編

責任編輯: 童 祁 王 應

標準書號: ISBN 978-7-301-11753-8/B・0439

出 版 發 行: 北京大學出版社

地 址:北京市海淀區成府路 205 號 100871

網 址: http://www.pup.cn

電子郵箱: dianjiwenhua@163.com

電 話:郵購部 62752015 發行部 62750672 編輯部 62756449 出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 63.25 印張 624 千字 2010 年 12 月第 1 版 2010 年 12 月第 1 次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn

《儒藏》精華編第三五册

首 席 總編纂 季羡林

項目首席專家 湯一介

湯一介

總

編

纂

本

册

主

編

董治安

龐 樸

孫欽善

鄭傑文 王承略

安平秋 (按年齡排序)

《儒藏》精華編第三五册

經 詩經通論[清]姚際恒 部 詩 類

詩經原始〔清〕方玉潤

1

詩經通論

〔清〕姚際恒 撰

商頌 ………………………… 三四三

校點説明

仁和(今杭州市),與毛奇齡交好。一生著述甚豐, 號首源。 恒(一六四七—一七一五?),字立方(一字善夫), 解 經通論》爲《九經通論》中一種,成書於清康熙四十 有《九經通論》、《庸言録》、《古今僞書考》等。 四年(一七〇五)。 間采數則,於詩旨有所補正。 詩 經通論》,十八卷。 祖籍安徽徽州(今歙縣),長期寓居浙 書成後,見其姪姚炳《詩 清人姚際恒 一撰。 識 姚際 《詩

多 總結了前人的研究成果,對各家之說的正誤得失, 有 的 分析,其他問題如訓詁、藝術分析、段意以及 譜 重 有比較 評、校、章末注明 》,正文有十八卷。 一要見解等等,一般逐章論列。 全書主要内容包括:卷首、含《論旨》與《詩 和 辨 析 在此基礎上提出自己的見解。 用 每篇詩後爲題旨及有關 韻 和賦、比、興體。 經文句中一般 此書廣泛 前 問 人 題 韻

> 《詩 文中探求《詩經》的意旨,開闢了説詩的新風氣, 借批朱熹「淫詩」之説,爲聖人之言和 不依傍《詩序》,不附和朱熹《詩集傳》,而從詩的本 論著懷有某些偏見,時 不顧詩歌内容,宣揚封 通論》有保守的 有過激之詞。 建倫理 面,也有偏 道 德 激 概言之,此書 對 漢 的 前 學 人説 辩 面 護 詩 如

「自成一家之言」(周貽徽序)。

本。 藏抄本,校而梓之」。 原書中有題作「增」字的數條,多與姚氏觀點不合, 究所出版之《姚際恒著作集》本。 點本,所用底本是王篤刻本。又有臺灣 鄭 際恒離世已有百餘年。又有一九二七年四 姚氏《通論》藏本,行且付梓以廣其傳。」這 未有刻本。」蘇廷玉序説「世無刻本」,王篤「出 都有説明。 似 一九六一年刊本,及一九九四年臺灣中國文哲 璋覆刻本。 非姚氏本文。 這是最早的刻本,這在鄂、蘇、周等人的 此書有清道光十七年(一八三七)韓城王篤 如鄂山序説"「此書爲侍御家藏,外 一九五八年中華書局出版顧 推 測 周貽徽序記王篤言: 有 兩 種 可能,一是刊書者王 需要説明的是 廣文 頡 時]1] 「家有 書 其家 雙 距 剛 序 局 流 間 標 姚 中 刻

因没有確切證據,仍依原樣。 篤手筆,一是王氏家藏本之前他人傳鈔時所加。

校點者 趙睿才

录制蜀六年,恒以公餘課士。蜀士穎異者衆,求所爲根底之學則十無二三。竊寒者衆,求所爲根底之學則十無二三。竊無其才,先後鏤板,貯之文翁石室。舊有紀聞》、顧亭林《日知録》可以擴其識,●而紀聞》、顧亭林《日知録》可以擴其識,●而紀聞》、顧亭林《日知録》可以擴其識,●而經其才,先後鏤板,貯之文翁石室。舊有經其才,先後鏤板,貯之文翁石室。舊有經其才,先後鏤板,貯之文翁石室。獨對,求所未見者增刻數種,志焉而未之外,求所未見者增刻數種,志焉而未之外,求所未見者增刻數種,志焉而未之。獨世別

崇厲經術,助流教化,學臣之責,亦守土者本。侍御意在嘉惠士林,故不以自秘。夫爲主。今年秋,取新安姚氏《詩經通論》十爲主。今年秋,取新安姚氏《詩經通論》十

有得焉,不復贅云。 工竣,侍御屬弁言,因誌其顛末如此。 工竣,侍御屬弁言,因誌其顛末如此。職,並能匡余之不逮,謂非余之厚幸耶!

山謹序。 道光十七年,歲次丁酉孟冬,長白鄂

▶ 「亭林」,底本二字誤倒作「林亭」,今乙正之。

序

7

道光丁酉小春,同安蘇廷玉序於四川

而作詩之意幾晦。 温柔敦厚、詩》教也。孟子之説《詩》 一年,可以文害辭,不以辭害志,以意逆志, 一年, 一類其辭,或求奇而昧其義,或執一偏而 一。」數語已括其全。後人或泥古 是爲得之。」數語已括其全。後

新安姚首源著《詩經通論》十八卷,力 就本,校而梓之,不以自祕,其嘉惠士林藏抄本,校而梓之,不以自祕,其嘉惠士林 就本,校而梓之,不以自祕,其嘉惠士林 之意,即其羽翼《詩》教之功也,而侍御之 之意,即其羽翼《詩》教之功也,而侍御之 心可見矣。

藩廨。

乎能 枕 其疑已耳。今姚氏不以《序》爲然,並不以 作,朱子非有所受之也,心疑之而因以 之、《序》以爲后妃作、《集傳》則以 疑,並能以 見示。余讀之而 鼎説《詩》解人頤,今乃於君見之,毋亦 善説《詩》,每出 來視學,公餘過從 垣 集傳》爲然,抑豈有所受之耶? (本,行且付梓以廣其傳。] 越日,手一 中祕耶? 寶珊因言:「家有姚氏《通論》 ·疑,非能疑之貴,貴乎疑而 癸巳冬,余外 余與 寶 釋人之疑。即以《關 珊 先後入詞館 躍 益 補 語,輒非恒 然曰:「今而知讀 來蜀 一密。實珊通 解。 年, 復 能 雎 心疑之, 余謂 同 自 寶 爲宫人 · 章 析

> 不敢 思已耳。若姚氏者,真善説《詩》者也。」 蔽,亦惟其是焉已耳,亦存乎人之好學 擊爲能哉! 快,而姚氏 倘復自姚氏啟之,析其疑 之讀是書者亦爲之一快。後人有善疑者, 者,真善疑者 自諸家啟之,析其疑 有所疑者, 全書,綜覈衆説,自成一 而 人不又以所疑疑姚氏? 大 也,不能 有 以 析 所 其 疑。 亦可以無憾也。 與一無所疑者 疑 也。 天下之理無窮, 也 然 耳。 重視古 偶獲創 夫姚 而姚氏之心一快,人 氏善疑古人,安知 家言,則平日之 人讀 人,不敢排 解,而 何異! 而 夫姚 然姚氏之疑, 古人 後 人心 人之心一 氏 不 書 2 豊 以 之靈 能 若姚氏 排 串 非

新刻詩經通論序

於他 訓 詩, 余髫齡就 輒有 長,稍解 ,或然或 雖習誦 所 感 外傅張 不然耳 欲歌 字 而 義 仍 無 欲 每 篠 所 ·讀《夢 泣 原 悟 不不 師 竊 能 莪 首 以《毛 以 自 **>**′< 爲 己。 風 詩 雨 而

傳體 整舊 凡 悟 卷、伏而 年 向 怨之旨究無 他無嗜 者讀《詩》,但 註、大全, 嘉慶癸酉 萬 ,移置他所。 卷,而 誦之,如 好,獨 1秋,霪 亦祇 當 此 書 也 以 歷 於書籍搜羅殆遍 訓詁 獨 於 雨 備 異境, 時得《詩 浹 有鈔本。 先大父文端 取材之路, 旬,書樓滲漏 字 如獲奇 句, 經 於 意或 通 興、 服 即 珍 論 有 世 購 官 所 田 藏 四

> 薦 梓 襲 暇 並 車 聽 而 行 亟 付 命 馳 者 者 珍之,偶於友人聚 爽,居多閒 卒不可得, 頗衆 鋟 子 驟 欣 於坊肆 然,以 Ι. 福徵襄其 未遑也。 未 余亦 以以 之 廣其傳。 , 暑, 檢行 留 爲 藏 見 得 書家 慨然思肩其任,數年來, 心 事 今歲試竣,旋 物 未 洎 談時,拈一二章説之, 色, 亦迄無知者。 曾 通 兩 篋出 聞 籍 閱 欲 月 再 人 此,悉心 由 而 詞 購 錦 是,勸余付 輯 館 以 定定 官, 余益 備考訂 讐校, 無 新 訛 秋 輶

微 歎賞 志 也。 爲 篇 有 ,於是乎益驗, 情 好 裨於《詩》教正 乃 學深思之助。 感 詩 夫詩 讀者於此潛心 窺删 激 之 祖 之爲用, 不 存之本旨,感發善心 能 復 亦 已 與 别 體玩,庶有以得 則是 可 不 耳, 具 天 淺 見先達苦心著論 地 心 書之作也,誠 非 眼 若謂 而 有 無 意 何 旁著圈 窮 標 妨 作者、 懲 奇 標 况 創 舉 示 所 逸 異 謂 白

詩經通論序

過; 《詩》乎?」又曰:「女爲《周南》、《召南》矣 夫子 大也? 乎?」詔門人曰:「小子何莫學夫《詩》!」 如是 其説《詩》者,且數十而未已焉。 雎》之義,又論《樂》而言《關雎》,言《雅 其平日自論,一則曰「《詩》三百」,再則 「誦《詩》三百」,又曰「興于《詩》」,又論《關 頌》。 較 而已。 諸 其與門人問答及見于《孟子》之引 言《易》 經 經中、《詩》之爲教獨大,而釋《詩 引《書》曰「孝乎惟孝,友于兄弟」。 《易》、《詩》、《書》皆夫子前所有, 爲 于《詩》則異是。 韶子曰:「學 獨 難。 Ĕ 「五十學《易》,可無 曷言乎《詩》之爲教獨 謂非夫子 日

曲,雖 也。 人,弟子定曉 倀 論辭義宜詳,而正旨篇題尤爲切要,如 心,流爲風俗,與天地而無窮,未有若斯 失之,抑本無 傳所謂《詩序》者。 不得乎此 曷言乎釋詩爲獨難 甚者也。夫子之獨重于《詩》,豈無故哉 七言,唐爲律,以致復旁流爲幺麽之詞、 爲賦,直接之者漢、魏、六朝爲四言、五言、 經者,一 于《易》、《詩》、《書》三者獨 太玄》、王通《元經》,直妄作耳。 易》與《書》,即夫子《春秋》之外亦不復 春秋》。 倀 所謂《詩序》者,畧舉言之:《鴟鴞》之爲 何異! 同支異派,無非本諸大海,其中于人 嘗竊窺之、《易》與《書》之外不 傳不再。 後世之史固與《書》異體 簡編 然明白,第不知 意夫子當時 惟《詩》也,旁流而爲騷 而 也?欲通《詩》教, 口授也。 日 重于《詩 以《詩 ,則與瞽者之 載 其見于經 在簡 是彼二 》教 楊雄 不可 門 有 無

朱仲晦 克、《黄鳥》之爲殉秦穆、見于《左傳》;《 周 得之。不然,胡爲有「以意 山》必有所本,予謂非也,此 人、《碩人》之爲 妄,由是自爲《集傳》,得以肆然行其説,而 晁説之、程泰之、鄭漁仲皆起而排之。 極 寬泛、填凑諸 淪見該,雖不 惟一語,本之師傳,大抵以 之」之訓乎? 自東漢衛宏始出《詩序》,首 邁》、《思文》之爲 公貽 孟子時已亡。説者咸謂 者真《詩》之序也。惜其他不 其 踳駮,皆不待識者而 陽 所 非焉。 違《序》而 亦承焉,作爲《辨説 王 見 于《 弊叢集。其下宏所自 無一二宛合,而 武斷自用,尤足惑世。 《美莊姜、《清人》之爲惡 書 周公作,見于《國語》。 陰從之,而 *****; 知其非古矣。 載 馳 簡畧示古,以 》,力詆《序》之 逆志,是爲 亦尋繹詩意 孟子之釋《 且 》之爲 固滯、膠結、 盡 違其 然,意此 許 「撰,尤 所 大 穆 渾 得 北 而

畧同, 論。 《集傳》;後之駁《集傳》者,又盡 頌 四 以類夫高叟,妄之失且爲咸丘蒙以《北 之失在于固,宋人之失在于妄。固之失僅 傳》則今世宗之,奉爲繩尺也。 惟《序》則昧者尊之,以爲子夏作也,《 箋可畧,今日折 遵《序》。 爲致多,初學茫然,罔知專一。予以爲傳、 者有《序》,有傳,有箋,有疏,有《集傳 士,將安適從哉? 前之遵《序》者,《 河 不韋《月令》,明爲 》而已。 潛》之序曰:「季冬薦魚、春獻 鄭箋鹵莽滅裂,世多不從, 爲 無關 世人固 天子臣父之證矣。 更端 毛傳古矣,惟事 經旨,雖有 相 可曉然,分 中是非者,惟在《序》與《集 集 循,靡 予嘗論之、《詩》解行 傳 漢 **>** 得失, 人所作,奈 出 有 (别觀之,無 訓詁,與《爾 而 盡 可 極。 反 又無論已。 予謂漢人 備 間 反之 何玷 觀 鮪。 学,特 以 集 弗 本

易; 乎? 《宋史·儒林傳》。 手 言 至 風 漢 耳,其流之弊必將併《詩》而廢之。 王柏 切 淫之書,吾夫子爲導淫之人,此舉世之 夫子「鄭聲淫 坤從而 其始 儒 、齒而 ! 于廢經、《集傳》本以 》,《集傳》所目 ! 于《衛》,且及于他國。 曰:「今世三百五篇, 豈盡定于夫子 復黜《召 取以補亡耳。」于是以爲失次,多所 所删之詩容或存于間巷游蕩之口, 安知後之人不又 ^ ()歎恨者。予謂若止目爲淫詩, 和 集傳 予所 念 之。 與今《詩》次序同 亦 南 以 嗟乎,以遵《集傳》之故, 紕 不 切 繆不 . 及 語,妄以《 「爲淫· 野有死 切 此,爲 明程敏政、王守仁、茅 然 少 釋經 奔者,其説 抱 有 是使三百篇 其 紀、宋 禍 屬》及《鄭》《 起 鄭詩 大者 而 ,而《左 之 而 使 烈 踵 尤 人至于 儼 其 何致 也 在 傳 淫 事 亦 爲 衛 而 移 所 訓 Ħ.

> 言 以 或 爲 大 夫 失 次 所 及 賦 詩, 漢 攙人,同于目 多 ^ 集 傳 **>** 目 不 爲 識 淫 奔 T 乃 何

涉附會 與幾何 者,而 因 詳 篇章 吾 之正旨、篇題,固未能 猶愈于漫加 辭,務守闕疑之訓,俾原詩之真面目悉存 妄、若鑿之中。 其非,庶使詩 于是欲出臆 媿 ,尋繹文義,辨别前説,以從其 述其所以釋《詩》爲獨難 我嘗 不能悉 , 斂手縮 緬 又見明人説《詩》之失在 粉 論 思, 意 得 則仍 **蠧**,遺誤 其不可詳者,寧爲未定之 不致大歧,埋没于若固、 沙渺 筆,未敢昌言。 如 經傳所言 鄰鑿空,欲喜新譚 無畔 有 後世 以 岸,蠡之 逆知 而已。若夫經 之故,且以志 可 也 爲 惟 測 $\stackrel{\sim}{\sim}$ 是 是 詩 于 海 而 涵 則 若 朏 終 泳

原

前

詩經論旨

者閲 也。 也。 在學者亦實無以 惟 與「彼物 言 爲定論 是 曰:「興者,先言他物以引起所詠之辭 可去也 興者,但借物以起興,不必與正意相 、興、比二者,恒有 之即 第今世習讀者一本《集傳》,《集傳》之 比者,以彼物比此物也。」語鄰鶻突, 比 得 有 此物」有 故郝仲輿駁之,謂「先言他物」 蓋 其 賦 有 比、 解 關 細爲區别,使其鑿然歸一 也。 于解《詩》之義,以便學 興之 何差别是 游 賦 説 移 義 甚明,不必言。 不一之病。 由 也。 來 舊 愚 意 歸 此

卷

前

處之? 是也, 比之義 也。 得 亦 純 以無淆亂矣。其比亦有二,有一篇或一 比,比或類興者,增其一 也 也,其云「關關 今愚用其意,分興爲二,一曰「興而比也」, 不兼比者也」。」然辭義之間、未免有 一曰「興也」。其興而比也者,如《關雎》是 起興 其解矣。 是 比之,一曰「比 比 也」,皆兼 則又似興矣。 ,則興、比之義瞭然,而學者 者,有先言比物而下言所比之事者, 如是,使比非全比,興非全興,興 比 但借雷以興起下義,不必與雷相 差足分明。 與正意 嚴坦 若郝氏直 彼 比,其不兼比 叔得之矣。 雎 相關者,此 物 鳩」似比矣,其云「在河之 也, 比 其興也者,如《殷其雷》 然又有 此 謂 物 一旦一比 途焉,則興、比 興、比、 也。 其言曰:「凡曰 類甚多,將 未 者,則曰『興之 全爲 如 賦 而 可 即是 賦 非 則 也 判 或 何 而 可 類 關

战也。 二體,每詩皆有之,混三者而爲一,邪

失傳, 處。 作爲 乎 死屬爲興,必 則 之説《詩》也。 謂 皆信之,不信者始于晁説之。 卿受學,作《毛詩序》」,是東漢 愚以贄禮解之,則爲 如《卷耳》,舊皆以爲賦,愚本《左傳》解之, 物,安可不標之以使人詳求説《詩》之是 一義,則 ! 爲 傳爲子夏作、宋初歐陽永叔、蘇子由 有《詩》即有《序》、《序》在夫子之前。 馬貴 比。 《辨説》 興、比、賦 《詩序》者,《後漢書》云「衛宏從 無一定之解,則興、比、賦亦爲 各爲其興、比、賦。就 《野 與 無此理,則詳 忽吹已冷之燼,又復尊崇,至 極 有 尤 古今説《詩》者多不同,人各 意識 死 不 屬》,舊皆以 可 毁,使《序》幾 賦。 求三體,正是釋《詩》之要。 少者,以其 如是之類,詩旨 其後朱仲 爲興,無故以 衛宏作也。 愚著以 可驗 無生活 謝 其 此本 晦 曼 非 活

王」,又曰「亦以自警」,其首鼠 做之説 篇,並詳本文下。 者,無過《大雅 《詩序》庸謬者多,而其謬之大及顯露弊寶 《序》者之言駁之,則學者可以思過半矣。 蓋自有所不能揜也。 矣。』」按貴與尊《序》若此,而 經,非作文也。 之可耳。 衣》之兩義並存,其舛馳固有之,擇善 于講師之傳授,如《渭陽》之首尾異説,《 王介甫。 刺厲王,又以《國語》有武公作《懿戒 不可解者,可盡信之乎?』愚曰:『《序》非 一人之言也。 或曰:『諸《小序》之説 ,故不敢置舍,于是兩 夫 至于辭 無 子 識妄談,不 以 或曰出于國史之采録,或出 • 有 古人安有鄙薄辭語。 抑》詩、《周頌 序者 語 《抑》詩 鄙 愚欲駁《序》,第取尊 存之, 顧 薄,則《序》所以 固 世 前後 有舛 一駭。 存之日 無者删 猶爲是遁辭, 兩端 諸 · 潛》詩 馳鄙 祖 其末云 詩 其 之, 》以 周 皆 刺 意 而 薄 從 自 爲 釋 絲 兩 凡 口 mi

其 事定無可信矣。 爲 主 漢人。 可可 乎 見矣。《 夫既 《潛》詩 爲漢 觀此 人,則其言三百篇 兩篇,猶必尊信 則全襲《月令》故 其 時 知

也? 也。 《序》者。毛萇,文帝時人。 言之。《鄭風・出其 不見之有乎 自有此説,人方以爲毛公亦作《序》,又何 序》是子夏,❶《小序》是子夏、毛公合作。」 講師傳授,即謝曼卿之屬。 距毛公甚遠。 ,思保其室家」,毛傳謂 心審究,故甘爲古人所愚耳。 中」,女服。 毛公不見《序》,從來人罕言 毛傳不釋《序》,且其言亦全不知 則以有鄭氏之説也。 可類推。 大抵《序》之首一語,爲衛 今而 嗟乎,世人 爲 知《詩序》既與子夏無 東門》,《小序》謂「閔 室家 而其下則宏所自 相 『縞衣』,男服。 讀書鹵莽,未嘗 衛宏,後漢人, 鄭氏曰: 《大 樂」。 兹摘一篇 此絶不 者, 爲 何 宏

> 無稽。 一篇,毛公始分以置諸篇之首。」其言並干,亦與毛公不涉矣。鄭又曰:「《詩序》本

《大序》名後序。 愚 《小序》,尤非。今小、大之名相傳既 序》是子夏作、《小序》是子夏、毛公合作, 焉」,名《關雎序》,謂之《小序》。自『風, 非,《大序》頗爲蛇足,不多置辨。 宋人 定,愚著中仍從舊説,以上一句爲《小 不可曉。又或謂《關雎序》爲《大序》,餘 又以《小序》爲《大序》,《大序》爲《小序》, 也』訖末,名爲《大序》。」然《鄭詩譜》意《大 妃之德」下曰:「舊云起 考》,兹不更述。 數句爲《大序》云。或又以《小序》名前序、古序、 詩序》來歷,其詳見於《古今僞 著 鄭 于《小序》必辨論 氏 于《序》「《 此,至『用 歸 之邦國 雎 其 序》, 無 爲 風

❶「夏」下、《毛詩正義・關雎》引鄭玄《詩譜》有「作」字。

信停 從違 爲淫 《序》焉。 仲 之也。此總由惟事 不滿《集傳》者,且十倍于《序》,仍反 之也。《集傳》思 人多宗之。 -晦得 靡定。 詩,不知已犯大不韙。 》,以《序》實多 以自行己説者, 則人之遵《序》者,又以《集傳》驅 是人之遵《集傳》者,以《序》驅 苟取二書而深思熟審 與《序》異,目《鄭》、《衛》 耳食,未用心思,是以 不 著 滿 爲《集傳》,自此 人 于是,近人之 意 焉,其互 于 是, 而 遵

矣。 豊 其 詩 所目爲淫詩者,受者善之,不聞不樂, 迥不相合。 節。其謂淫詩,今亦無事多辯。 甘居于淫佚 《集傳》使世人群加指摘者,自無 且春 鄭聲淫。」聲者音調之謂,詩者篇章之 曰「美哉」, 秋諸 大夫燕享,賦詩贈答,多《集 世多發明之,意夫人之知 也 無一淫字。 季札觀樂,于《鄭》、 此皆足證 夫子 過 淫

> 邪矣。 證。 乎? 乃其作《論語 邪」。」如謂淫詩,則思之邪甚矣,曷爲 解,則其罪更大矣。見《論語通論》。 其事與其言 曰:「《詩》 一言蔽之耶? 蓋其時間有 亦 盡 何也? 淫者,邪也;惡 今尚 知 三百,一 以爲淫詩、得無大背聖人之 然予謂 以爲刺,此 集 言以 第莫若 註》,因是 正 蔽之, 證 思 而 淫 以 風,詩 無 刺 而 日 夫 派邪」之 之,思 妄爲 子 思 以 之 之 訓 確 舉 無 此

可也。《集傳》每于《序》之實者虚之,有之。實者虚之,猶可也,貞者淫之,貞者淫

有

得失,自可見矣。

必其 《序》者 人畔 者,又有意實不然之而終不能 而 ハ義 而 悉 今有人非前 以 勝 十之五,又有外示 遵《序》,則爲 爲 于彼乃 淫,義 得 人之書,于是 反大劣于彼,于是 《集傳》于其 計 亦左 不從 矣。 自作 出 而 其 陰 况 不 其從 範 仍 使

當存、《集傳》直 著耳,其他更 非,而所違者 互有得失,則可並存,今如此,則《詩序》固 之、《集傳》只是反《序》中諸詩爲淫詩 十之二三。 深刺其隱 無勝 偏 可廢 故 遺 也。 愚謂 《序》處。 其是,更不 也。 且其所從者偏取 序》者莫若《 夫兩 ·可解。 書角立, 要 而 其

其餘 少。 既 《詩》加 詁 鄭 地 可 譌,然自爲三百篇不可少之書。 皆不 獲 》釋《詩》,故不得《詩》之意。 康 》,不論詩旨,此最近古。 鬼神庶鑒之耳。毛傳依《爾雅》作《詩 罪前人,不欲遺誤後人,此素志 則從畧焉。 愚于其 成 集傳》主淫詩之外,其謬戾處更自不 長 傳,俗猶沿稱《毛詩》,非是。 以 于《禮》,《詩》非其所 其姓者,所以 所關義理之大者,必加指 總以其書爲世所共習,寧 别齊、魯、韓《 其中雖不 長 第漢 予謂康成 也,天 〈詩 無 出, 訓 于 姑

> 《禮》釋《詩》,又皆謬解之理也。 故 不辨論。 不用鄭箋,窮經之士亦往往知其謬,故悉 釋《詩》,且不可,况謬解之理乎 長于《禮》,必不以《禮》釋《詩》矣。 詩》 也。 古 非 其間 長,《 有駁者,以《集傳》用其説 禮》 亦 何長 之有 ! 夫以《禮》 苟 今世既 况 使真 其以

又足哂也。 文足哂也。 文是哂也。 文是哂也。 文是哂也。 文是哂也。 文是哂也。 文是哂也。 文是哂也。 大之識見固有明于 其詆鄭尤甚,在當時可謂有識。然仍自囿 其武鄭尤甚,在當時可謂有識。然仍自囿 其武鄭之非,

亦相似。才人解經,固非其所長也。箋,其闡發處甚少,與子瞻《易》、《書》二傳藥,古《詩傳》大概一本于《序》、傳、

嚴坦叔《詩緝》,其才長于詩,故其運呂伯公《詩記》,纂輯舊説,最爲平庸。

别 其 解 宛 識 轉 第 曲 小 總 而 折 未及遠大,然自爲 囿于《詩序》,間有齟齬 肖《詩》 人之意 宋人説 亦 能 而已。 時 出

十餘種,竟少佳者,似亦不必刊也。近日崑山新刊唐、宋、元人《詩》解,約

都仲興《九經解》,其中莫善于《儀禮》,莫不善于《詩》。蓋彼于《詩》,恪遵《序》説,可尺不移,雖明知其未允,亦必委問《集傳》驅之仍使人遵《序》者,此也。大劃《集傳》驅之仍使人遵《序》者,此也。大劃《集傳》驅之仍使人遵《序》者,此也。大調《集傳》驅之仍使人遵《序》者,此也。大調《集傳》亦終不得。蓋彼于《詩》,恪遵《集傳》亦終不得。

裹,彼此互證,無大同異。又暗襲《集傳》一人之所僞作也。名爲二書,實則陰相表《子貢詩傳》、《申培詩説》,皆豐道生

按季明德《詩學解頤》亦頗平庸,與豐氏

之先聲焉。

豐氏《魯詩

世

學》極駡季本。

多襲之。因謂出 佐,乃道生座師,著《詩經通解》者,故二書 甚 更定篇次,紊亂聖經,又啟夫何玄子以 之,無俾後人更惑焉。 此。今世此二書已灰冷,然終在世,故 書,故《通解》中襲之也。 以説之本傳 自爲《魯詩世學》,專宗説,而間及于傳, 允恭爲《傳説合參》,皆盛行于世。 道生又 初爲《詩傳適 張元平刻之成都,李本寧刻之白下,凌濛 所得。當時人翕然惑之,幾于一閧之市 若輩耳。二書忽出于嘉靖中,稱香山黄佐 思之,有學問識見人豈肯作僞,作僞者,正 陋,于斯 多,又襲《序》爲 已極。 也。 家》,鄒忠徹 何苦作僞 又多引黄泰泉説,泰泉即 于佐家,又以見佐有 朱之所 其尤可惡者,在 不 其用意 爲《詩傳闡》,姚 以欺 辨 者。 世 ? 狡 見 獪 此 識 如 意 卑

卡鬱 義《诗汝》,亦 平 戔,谓 有 一伯仲間,何爲駡之? 想以仇隟故耶?

朱鬱儀《詩故》,亦平淺,間有一二

口

所。」觀 執孟 于某代 僞 《風》、《雅》、《頌》。 而 又妄 爲某代某王之世。 時代,始于《公劉》,終于《下泉》,分列某 召南》矣乎?」又曰:「《雅》、《頌》各得 取信 益 》,其法紊亂《詩》之原編,妄以臆見定 書之魔而 肆 而 子「知人論世」之説,而 矣。其 肇敏《詩傳闡》,文辭斐然,惜其 乃 季札 某 其 于人也? 即此亦見其愚矣。其 或 紊亂大聖人 王之世 猖 狂者 不 風》不分、"雅》、《頌》失所, 論樂,與今《詩》編次無 罪尤大者,在于滅《詩》 悟耳。 否乎? 也。不知其親見某詩 夫子曰:「女爲《周南 蓋祖述僞傳説之餘智, 所手定,變更三千載 何玄子《詩經世 苟其未然,將 思以任之, 不 本 抑 意 作 爲 其 何

無三 所未及知 《詩》。固執之弊,人所知也,聰明之弊, 亦 旋 有明豐何二氏譸 而 人失之鑿,亦爲此也。 予謂解《詩》,漢人失之固,宋人失之妄,明 説,可以芟其大半。予嘗論之,固執之士 異,武斷自爲,又復過于冗繁,多填無 不 可 見 去,或云鄭氏割其耳,或云中途害之。 不可以爲《詩》,聰明之士亦不可 遭 可謂 重 燬 勝 有 不妄者也。故歷敘古今説《詩》諸家,于 書 變亂。 「共其 失。 一歎焉。 也。 購 誅 得 不過 之。 大抵 也。如明之豐坊、何楷是矣。 杭城惟葉又生家一帙,子于其後 採 玄子官閩朝,爲鄭氏所害, 何氏書刻于崇禎 巧。然而一往鑿空, 擇,用志不可 其 此書《詩》學固 問之閩 張爲幻,眩目摇心,不能 鑿亦兼妄,未有 ,云,彼閩 謂 漁 印行無多, 不 所必 獵 末年,刻成 過 古 勤 傳 喜 中 以 新 時逃 抑

八

《詩 此 日就 類 同者 並 書不可惑之,又不可 時 ~,故云 一録, 復 好事 口 澌 説 備 句櫛字比, 一一詳註 者 [滅,世] 及他 觀 可備 以 矣。 經、傳、子、詩 以 説 觀爾。 不可見,重刻亦須千金,恐 之有 其 能 關 廣 棄之也。 有志《詩》學者,于 于《詩》者,靡 收 所引《詩 博 于下。 覽 然將來此 凡 不 涉 如 此 之 兼 古 無 書 此 > 收

其大 則 不問 概 以上 何 如 書,必有 論列自漢至 此。 若夫衆説 取 焉 明諸《詩》解,皆能 紛紜,其 解 獨 確 論

予謂 改其本字之音,以叶他字之音也 音之説 口 知有今音,不知有 韻 之,此古 《詩 亦莫不 ,乃于「天」字爲「鐵因反」,以叶「人」 ,而《集 **>** 韻 韻所 善于宋人矣。 一道,向靡有 傳》奉爲準繩焉。 以 亡 古韻變音,强以 也。 如「天」、「人」本 定, 吴才老始爲叶 罔 叶音者, 知 求 蓋 指 其但 歸。 而

得之。 脣。 且世無 故與 歌、麻、尤、蕭、肴、豪屬舌,支、微、齊、佳、 音、音出于口、皆從喉、愕、舌、齒、脣分别 字 灰屬齒,其魚、虞、歌、麻、尤又以 屬喉,真、文、元、寒、删、先屬 以私智揣 之,不知「人」、「將」二字又當作 之,以「明」字爲主 郎 不可游移,亦無 不可通矣。古人用韻自有一定之理,一 今試以「天」字爲主 德」者,又既 而 妄爲 反」,以叶「將」字。 支、微 將 如 如今韻之東、冬、江、陽、庚、青、蒸 此 其 呼「天地」爲「訂 之類,凡直呼其音則自 摩而 説 明 亦 也。 日 共 自 叶 本 邦土殊音之説,亦非人 爲 夫同爲 爲 同 ·, 此 而 其 而 韻 此 韻,侵、覃、咸、鹽 叶 改「將」字之音以 改「人」字之音以 説者。大抵字有 乃 地」,「明德」爲「 不知 彼,彼亦宜 韻 于 奚 古韻之本同, 明 **愕**,魚、虞、 ·何音 叶之有 然 舌兼 字 相 叶 爲 耶 其 可 字 ? 叶 叶 肓

其韻 意貫 耳,究竟不可謂之叶韻。 不 以不相通之韻爲 者尤寥寥無幾。此或古之字音原與今别,今不可考 通者也。 自爲通,見後。 有餘,爲「通韻」者十之一而不足,爲「叶韻 韻之自爲通者而通之也,有入聲與 紛紛之説可盡廢矣。 必 之本 通 改 ,暢然無疑,使古韻昌明于世,其 曰 音 大抵《詩》中爲「本韻」者十之九 不 紐 「本韻」,見上。 通 韻。 捏 者,始 以 一曰「叶韻」,此則其 自此 爲 叶韻者,不相通者也。古人决不 叶 詳見後《詩韻 可加 而三百篇之韻可以 音 也。 以 曰「通韻 叶 若夫 名。 叶 本不 無 愚今分 山,此 入聲 餘 相 以 而 必

苟 辭 可 乎? 知 之妙而 詩 别 用 何 出 與 以 心 天 學者于此 其義 必 眼,無妨標舉,忍使千古佳文 地 非 加 而 也,予亦以 可 卷 無 回評,得 知,知其義之妙 可 以思過 三百篇固詩祖 無 明詩旨也。 類月峯、竟陵 半矣。 而 其旨 且詩 知

> 遂 爾 以 卷 埋 評 没 ,抑亦好學深思之 乎 爰 是 歎 賞 感 激 助 不 爾 能 自

失矣。 不敢爲 《詩》旨者有之,若此者,非惟吾不暇 耳 予謂 正 作是編訖,姪炳以 之、是欲識鳥、獸、草、木之名, 者爲之説 鳥、獸、草、木之實者有之,且或 類,陳言習語,鑿論妄談,吾覽而 會于「不可休息」之義。各詳本文下。 可也,乃解者爲之説曰「上疎無枝」, 女」、「君子」之義。如「喬木」,識其爲高 ,其中有關《詩》旨者,間 不逮:則又不徒如予以 苟因是必欲爲之多方穿鑿以 孔 也。 多 子 如「雎鳩」,識其 曰:「多識于鳥、獸、草、木之名。」 錯解聖言。 曰,「摯而有别」,以 故編 中悉從 所作《詩 聖人第教人識其 爲 所畧,併志 烏名 上所論 採數 識 附 名 可 條 或 因 輒 求其 會 也 足輔 解 也 如 反 而 厭 》來就 于一 深深 爲,亦 于 致 之鄙 此 以 乃 解 > 附 淑 則 解

家學之未墜云。

詩 韻 譜

即同平聲。

句之下,檢此可一覽而辨云。 該之,分本韻、通韻、叶韻三者,各註于詩 三百篇目爲古韻。今從約法,以今韻

本 韻

平聲凡五部

真、文、元、寒、删、先。 魚、虞、歌、麻、尤、蕭、肴、豪。 支、微、齊、佳、灰、魚、虞、歌、麻、尤。 東、冬、江、陽、庚、青、蒸。

侵、覃、鹽、咸。

通用。

聲,與有入聲之入聲,見下通韻。此二聲尤 與去聲通。不與平、上通。其無人聲之去

通 韻

歌、麻、尤。無人聲者自爲通。 庚、青、蒸、侵、覃、鹽、咸。有人聲者自爲通。 支、微、魚、虞、齊、佳、灰、蕭、肴、豪、 東、冬、江、真、文、元、寒、删、先、陽、

0

29

卷

前

新安首源姚 際恒著

是也。

正、變而分大、小耶? 故謂《風》、《雅》有

正、變者,此自後人之説,質之聖人,無

小中又分正、變也。

果爾,當時何不直分

正、變乎!

若夫《雅》既分大、小,未有大、

名之者也。

天行之風遞

運乎

安有

周

豐,分岐邦周、召之地爲周公旦、召公奭之 公、召公也。 詩當日言周、召,只屬採詩地名,不屬 封旦與奭爲采邑,故謂之周公、召公。 此 王,皆該其内。故孔子曰:「人而不爲《周 召,皆雍州岐山下地名,武王得天下以後, 南》、《召南》,其猶正牆 王時當其中,上之爲太王、王季,下之爲武 周南》、《召南》周家王業所本,以文 鄭氏乃謂文王受命,作邑於 面而立也與!」周、

也。

遂以二《南》爲正風,十三國爲變風。

此謬

或

異政,家殊俗,而變風、變雅作矣。」説者

《大序》曰:「王道衰

,禮樂廢,政教失,

或

風

皆無邪,何變之有!

且曰「可以群,可以

」,未嘗言變也。季札論

詩,論其

(得失,

一言以蔽之,曰『思無邪』。」變則必邪,今

《詩》無正、變。孔子曰:「《詩》三百,

詩經通論卷

亦未嘗言變也。 夫《風》者,假天運之風以

臆 他 采 也。 而 諸侯 《詩序》以他詩 也。」此遁辭。 召,則釋 虞》,諸侯之風 化,王者之風,故繫之周公。 召伯者附焉。若《周南》,則固 亦明矣。 爲文王之詩,見《關雎》、《葛覃》爲婦人 召公。」既以二《南》繫之二公,遂以其詩皆 后 測 岐 及 地 在《周南》則以 邑 完妃,在《召南》則以爲夫人? 也。 ? 孔氏曰:「《周 無 (邦地空,故分賜二公以爲采邑。]此屬 ! 非 太姒 二《南》之詩者,不必切合於二公 所證据。 詩第稱文王「作邑於豐 也 孔氏爲 召地後封召公,故以《甘棠》之咏 《大序》曰: 文王 一人,何以 亦皆爲婦人。文王一人,何 也,先王之所以教,故繫之 南》無美周公,或時不作,或録 之説 爲王者,在《召 故知文王之世未封周、 爲 諸 曰:「文王 「《關雎》、《麟趾 侯, 在《周 安 《鵲巢》、《騶 得 南》 皆不可 南 既遷於豐, 無 」,非有 輒 影則 周 封 則 公事 以 U 学之 不傳 所 之 通 爲

> 者而致 名,而 爲? 《召南》,同爲國風 及諸語皆以樂 遂謂二《南》爲《南 也 風,故名之,豈可漫据以亂夫風、雅、頌之 謂《詩》有《南》無《國 處,皆不 在皆是,固辨之不勝辨云。 鼓 南」者,雍岐之南,即 南》」、《左傳》「見舞《象箾》、《南籥》者」, 0 鐘》「以《雅 且以 故 集 公晦,且 愚 能 傳 滅夫十三國之風 謂 出 最 其藩 以 遵《序》 惟 惡 致亡。 也。 用《 以《南 》,十三國爲《風》,甚至 籬 小 風》,皆邪説。 序 南》,而不及他國 周、召地 者 而 此等陳 大抵《詩》因説 莫 又 **≥**, 何 而 若 哉 悪 於 也。 ^ 《禮》「 言習 集 此 而 《周 《鼓鐘 又 或 傳》也。 辨 等 胥 之之 大 因

子 好 逑。 觸 關 本 雎 韻 鳩,在 0 興而 河 比 之洲。 也 窈窕 淑 女,君

參差荇菜,左右流之。窈窕淑女,寤

寐求之。興而比也。

賦也。悠哉悠哉,輾轉反側。本韻。○鍵在此一章。〕如字讀。《集傳》云「叶蒲北反」,非。。 求之不得,寤寐思服。〔旁批:通篇關

鼓樂本韻。之。 參差荇菜,左右芼之。 窈窕淑女,鐘瑟友本韻。之。興而比也。下同。

也。 勝與 焉。]因「德」字衍爲此説,則是以爲后妃 自咏,以淑女指妾媵。 起興。今以妾媵爲與君和 雎鳩」,雌雄和鳴,有夫婦之象,故托以 樂得淑女以配君子,憂在進賢,不淫其 (君對,不可通二也。 「淑女」、「君子」,的的妙對,今以妾 《小序》謂「后妃之德」,《大序》曰: 哀窈窕,思賢才,而 其不可通者四。 「逑」、「仇」同, 無 鳴,不可通一 傷善之心

> 妾媵 也。 瑟喻者 琴。」今云「琴瑟友」,正是夫婦之義。 也。《棠棣》篇曰:「妻子好合, 之」,非若妾媵所敢與后妃言也。《集傳 諸侯娶妻,姪娣從之,未有未娶而先 後謂之不妬乎! 爲與妾媵琴瑟友,未聞后 以妾媵爲與君琴瑟友,則僭亂 人作。夫謂王季之宫人耶? 則亦已矣,豈有以己之坤位甘遜 反之爲「匹」。 今以妾媵匹 云:「故其喜樂尊奉之意,不能自已,又如此云。」蓋遁 何預其哀樂之情! 謂文王之宫 姒氏思淑女而作,欲與《集傳》異,而 並説不去。 《集傳》因其不可通,則 者。前人已多駁之,况「琴瑟 也。 不可通四也。 于此是僞子貢傳出,●以 此迂而 與妾媵 不近情 君,不 以 夫婦 淑女得 爲 人 理之 如鼓 人 宫 他 可 以 可 不 后 通 耶 中 以 友 · 有 ? 否 論 妬 琴 妃 而

「此」,疑爲衍字。

名也。 國,風 而《關 如 證 是也 不可 之乎 若《大明》、《思齊》等篇,實有文王、太姒 偶然,爲周家發祥之兆,自此可以 世子娶妃初昏之作,以見嘉 竟不知何 妬之説,以致後儒兩説角立,皆有難 不 后妃之德」一語,《大序》因而 何 此 知 ,則安知非大王大妊、武王邑姜 于 天地之常經,人道之至正 ? 詩 以 ! 仍 方可謂之善説《詩》矣。 雎》咏 天下,不必實指出太姒、文王 世多遵《序》,即《序》中亦何嘗有 言傳。 人之作,則「寤寐」、「反側」之説 不 歸 大抵善説《詩》者,有可以意會, 曰此全重一「求」字。男必先求 在矣! 可 舊 以言傳,文王、太姒未 淑女、君子 説 如可 也。 此詩只是當 以意會,文王、太 要之, 相配合之原旨, 自 或謂 耦之合初 一時詩 附會 小 也 序 乎 有 正 人美 爲不 如 通 * 謂 實 姒 邦 非 非

> 情之正。 形容君子 求 字 生 此詩人之善言也 求之之意,而又見其哀樂 出 一得、 不 得 二二義 來 反 得 覆 性 以

婦,而 物縱 是雎 見。 泳並 新。 乘居 豈必以 倫,曰「夫婦 之性習,不必 女、君子之好匹。 列女 有别」,則附 關 關」者,彼此 精 业樂,其 雎鳩有 鳩 毛傳云:「摯而有别。」夫曰 而 傳 後 章詩意 夫婦 食魚,有搏擊之象。然此 匹處也」,尤附會。 安能 人又安知詩人之意果如是 因云「雎 匹偶不亂之意自可于言外 字 此 有 于正 只 擇 加 會 關 别」,此「有 以 矣。 于雎鳩上哉 關 相 鳩之鳥, 物之有别者以比 意 雎鳩之和鳴,興 之和聲,在 關,是聲 關 有關 孟 關 子述契之教 别 會 人未嘗見其 和 夫 中見意 字所從出 也。 聲。 于河 謂 擎 詩人 但 之「有 若 耶 釋 洲 或 比 亦 體 夫 云 鳩 猫 相 游 淑

之「摯 字。 也。 别 敬 以「摯」作「至」,謂情至之至。其謬歐陽氏已辨之。 敬,亦若雎鳩之情摯而 説也。《 其摯也。 亦 義,此遽作成婦以後立論,謂之「和樂 以「和樂」貼「至」字,以「恭敬」貼「有别」 物之摯者不淫。」若然,又不取其别 老大 展轉 」,且引匡 曰:「不取其摯,取其别。」蘇子由 夫婦,亦大乖 」,猶云「不亂 按下尚有「求之」與「求之不得」」 今云未嘗見其乘居 「窬」、「窩」等字同,猶 而 《魯靈光殿賦》云「旋室便娟 孟 失真,以至于此也。 集傳》曰:「言其相 有 其無定 浪 2别」而 矣。 衡 疏語,而 「歸歸 群」之 此 舍《經》之「關關」以 論如此。 亦 謂 因 」之旨矣。 有 謂 远 耳 别 摰 一處,則 之善説《詩 大抵皆從 後 與和樂 也。」此依鄭氏 非 窈 而 世言 異 有 窕」字從 歐 非 處 别 以 而 日 陽 所 之 恭 閨 爲 傳 以 謂 取 永

> 何 訓 稹詩云「文牕窈窕紗猶緑」,皆是。 窕」,駱 !見乎 幽 閒」: 賓王 1 「幽」或有之,「閒」 云 椒 房 窈 窕連 則于窈 金 屋 毛 一,元 傳 窕

皆謬。 未聞 河洲 是直 乃能 説者,謂荇菜取 實其太姒求淑女之説。 泥「左右」字,附會爲妾媵 蘋》釋《關 求之過 雅 賦 不應作「流」也。「寤寐求之」下緊 所 供荇菜,備庶 二章毛傳 「流」之訓「求」者。 行菜 按「荇菜」只是承 今惟据毛傳言,不更及《爾雅》。 有之物,故即所 其事,何云興乎! 深。 雎》矣。 爲其祭祀用,故后妃及之,則 曰:「后 毛傳云: 喻其柔,又謂取喻其潔, 自毛爲此説 物,以 妃有《 「流,求 見以起興耳,不 詳下。 上「雎 且下即言「求」, 事宗 助 歸 是誤以《 而 或不從其 廟 鳩」來,亦 雎 鄭氏 求之,以 也。」此本 党也。」若 类 後放此 采 執

添出。 之訓「求」,是已。「取之」二字,則又 云:「流順水之流而取之也。」不從「流」 右無方,隨水而流 「求之不得」,則 此 未即 處 正 得 以 也。 荇 菜 《集傳》 喻 其 左

三章前後四章,章四句,辭義悉協。 今夾此四句于「寤寐求之」之下,「友之」、「樂之」二章之上,承上週一章爲八 方」、「樂」二義快足滿意。若無此,則 「友」、「樂」二義快足滿意。若無此,則 「友」、「樂」二義快足滿意。若無此,則 而不振矣。此古人文章争扼要法,其調 而不振矣。此古人文章争扼要法,其調 而不振矣。此古人文章争扼要法,其調 一章,未免沓拖矣。且因此共一章爲八 章。若綴于「寤寐求之」之下,「友 一章,未免沓拖矣。且因此共一章爲八 未協。

四章、五章兩章言「荇菜」既得而「采

明。今毛必以爲「擇」者,以其可謂之助 之,所謂「固哉爲《詩》」矣! 章爲左右無方之義,此兩「左右」,即 而「擇」,不可謂之助而熟故也。 之」、「芼之」,以興淑 以制荇菜之宜,亦無不可。必執泥 自舊解皆實泥「左右」爲助義,故致上以 右」字用來,不必泥。 「擇」之誤。「芼」爲熟義,非「擇」義,甚 流」訓「求」之誤,又致此末章以「芼」訓 樂之」也。 關雎》五章,章四句。從鄭氏。 此 兩「左右」,亦順承上「左 《詩》多有如此者。 女既 得而「友之」、 按第二 求 謂

下同。
「旁批:三句寫景,凑成一章。」本韻。○賦也。葉萋萋。 黄鳥于飛,集于灌木,其鳴喈喈。葉萋萋。 黄鳥于飛,集,灌木,其鳴喈喈。

葛之覃兮,施于中谷,維葉莫莫。是

以見

后

妃富

貴不忘勤儉也。

上二章言

其

、末章言其儉。 首章敘葛之始生,

斷。

此亦詩人指后妃治葛之事而咏之,

《集傳》云「此詩后妃所自作」,殊武

[IX 是 濩,爲絺 爲綌,服之無 本韻

澣我 見其妙。〕本韻。害澣害否,歸寧父母。 衣。 言告師氏,言告言歸。 〔旁批:不作治葛畢思歸 薄污我 寧 私,薄 本韻。 解

哂。 循「本」字爲説也。 説,良是。然又謂「《小序》以爲『后妃之 序》下字鶻突之故 仲以「本」爲「務本」,紛然摹儗,皆《 謂其在父母家乎! 鶻突。故《大序》以爲「在父母家」,此誤 本』,庶幾近之」,不可解。 「在父母家」,以爲「本在父母家」,尤可 孔氏以「本」爲「后妃之本性」,李迂 《小序》謂「后妃之本」,此「本」字甚 也。《集傳》不用其 按詩曰「歸寧」,豈得 陳少南又循《大序》

必説不去。

他篇 咏,則必謂絺綌既成而作,于是不得 其服澣濯之衣焉。凡婦人出 鳥鳴叢木景象乎? 豈目想之而成乎? 安得見葛之延于谷中以及此原野之間 以首章爲追敘,既屬迂折,且后處深宫, 其旨昭然可見。 澣」而又繼之以「害澣害否,歸寧父 衣,故借歸 章敘 同,固詩人之例也。 后 妃治葛爲 寧言之。 如此,則敘事 服,末 觀其言「薄污」、「 章 若 ·因治 一行,必 作后妃 次 第 服 母」, 亦 潔 而 不 自 其 與 薄 及

得后妃如小家女相 畢,即圖歸寧,以是聯 寧,尤謬。 寧」者。 此篇者,于首章,或謂后妃治絺綌既成, 見后妃之賢而咏之乎! 此 篇解者有重「治葛」者,有重 按重治葛,則遺末章之義,重 人歸寧,乃事之常,此 似 ,毫無意義。 絡上下,尤滯。 又多作治 何足 葛 甫 説 歸

于末章 母 追 而 孝不 之教,或謂尊敬 敘 初 ,或謂潔 衰于父母,或謂勤于女工 夏。 或 謂 清 師傅。 黄 以 鳥 事 鳴, 君子 皆同 動 ,或或 女 囈語 I 原 謂 之 是父 已嫁 思。

以 《集傳》云:「葛葉方盛 處 是必葛又延于灌木,而黄鳥亦集于灌 上。」按已言葛延蔓于谷中矣。 此作詩者義例。下三句借景點綴,足成 地 意,毛傳加「遠聞」字,未然。 章六 耶 鳴其上,夫豈可通! 深宫而聞之,然安見深宫必鄰 ! 章言后妃治葛,則先敘葛之始生 句,與上三句其 而 「喈喈」,只 有黄 義不 意以 鳥鳴于其 必 如其説, 于産 相連。 是 后 妃 和 木

從 此 之 《緇 無 句以言衣敝、「服」作衣服之「服 厭 章鄭氏 衣 倦 **%** 服 亦 訓 可 服」爲「 之無 通 然《禮 斁 整治 」,便爲 • 調調 緇衣》 整 本 引 治

作起。

也。 服。 之衣 服 所 無 服 可 何者未澣」,較《集傳》「何者當澣, 時 以 澣 意 又不必相 り則借 有 三章 未澣」爲直 濯之衣 間 害澣害否」,何玄子謂「何者已澣, 衣」,蒙 也。 何以 此 歸寧以見之? 此言「污」、「澣」與 涉,然 見之? 風 見服 服。 捷。 人之妙致也。 非禮 而 之無 又于 映帶生情,在 衣。 、製」, 何 蓋 見 禮 歸 則 E 其 寧 私 衣 絲 必 服 何者 , 有 綌 婦 澣 于 澣 意 衵 之 其 濯

《葛覃》三章,章八句。一篇精神生動處則在末章也。此詩不重末章,而餘波若聯若斷

彼周行。本韻。〇比也。 采采卷耳,不盈頃筐。嗟我懷人,寡

陟彼崔嵬,我馬虺隤,我姑酌彼金罍,

維以不永懷。本韻。○賦也。下同。

觥 維以不永傷。 陟彼砠矣,我馬屠矣,我僕痛矣,云 陟 彼 高 岡 我 本 馬 韻 玄黄。我姑 酌 彼 何 兕

吁本韻。 彼 用《左傳》之説附會之。 妃求賢審官」,本《小序》之言后妃,而又 行』也。」《左傳》解詩意如 子、男、采、衛、大夫各居其列,所謂 人,則民無観 于是乎能官人。 責。又不 曰:「婦人無外事。 「后妃之志」,亦屬 周行』,能官人也。王及公、侯、伯、 ,重貽后妃之憂傷,如此,則文王之志 矣。〔旁批:四「矣」字有急管繁絃 按襄十五年《左傳》曰:「君子 知臣下之勤勞,闕宴勞之常 心。《詩》云『嗟我懷人,寘 官人,國之急也。 鶻 求賢審官,非后妃之 突。 歐陽氏駁之, 《大序》謂「后 此。《小序》謂 謂 能 「周

楊 罍之酒,而 從之,則馬罷 不盈 官」不倫。 鳴》之解風,十亂之邑姜,非乎?」此謬説,與 荒 罍」,『兕觥』,悉文王酌以消憂也。 者,文王之馬。 酒,携僕徂望,雖曰言之,亦傷于大義 則謂「后妃以君子不在而思念之」, 外事矣。 不可長懷于飲樂爾。」按此仍類婦人預 勤勞而宴犒之,酌以金罍,不爲過禮, 君子,以謂賢才難得, 而言也。『陟岡』者,文王陟之。『玄黄』 章爲「託言欲登山以望所懷之人而 用修駁之曰:「婦人思夫,而 矣。」其説是。 原詩人之旨,以后妃思文王之行役 ,而知求賢之難得,因物託意,諷 然其自解曰:「后妃以采卷耳之 且解下二章尤牽强。《集傳》 欲其不至于常以爲 病而不能 『痡』者,文王之僕。『金 郝氏日 宜愛惜之。 婦婦 進,于是且酌 人無外 事然 念也 陟岡 「求賢 蓋身 因 則 飲 金 往 但 其

言后 求賢,而 序》「后妃」二字耳。 遵大路,亦 直撇去文王、后妃,謂「大夫行役之作」, 夫、嚴坦叔 然曰「遣使求賢」,又多迂折。 是爲解,所以失之。 在 王雪山謂「后妃勞妾媵之歸寧」,楊維 計 臆 閨 傳》雖别,而 程 測。 妃乎?《左傳》無「后妃」字,必 應説 而 閔行 又如 思 謂 頗不類。 到 在 役之艱。」撇去后妃,近是。 「后妃備酒漿而作」,尤鑿 凉 以 道 正旨仍作文王行 州』意耳。」解 上 路, 偽傳曰:「文王遣 諸説,后妃執頃筐 其由蓋 《周南》諸什,豈皆 若 後 世 皆執 詩 至若張敬 下二章 詞 泥《 役, 所 新 使 小 泥 而 同 與 謂

文 近 徒勞苦 主 婦 求賢官 人 此 事。 而 詩 作 固 或者首章爲 ,似爲直捷。 人,以 難詳, 其道 然 且 遠 當依《左 比體,言采卷耳 但采耳 未 至, 閔其 一傳》, 執 笙 終 在

無

稽

恐其 之不盈也。 不 盈 以 亦可 况 求 通 賢 置 周 行 , 亦 惟 恐 朝

《鹿鳴》『示我周行』,破『示』爲『寘』,自 字原有别。 道路之道。」按嚴謂「周行」有二義,一爲 列位,一爲道,猶近是。 位」、《鹿鳴》爲『天道』、《大東》無傳,則 于列位,其義 不安矣。《大東》『行彼周行』,又爲發幣 之行列」,毛、鄭依之。 解 而『道』又《鹿鳴》爲道義之道,《大東》爲 『周行』二字有兩義,一爲列位 鄭皆以爲『周之行列』,惟《卷耳》可 三『周行』,《卷耳》、《鹿鳴》、《大東》也。 寘」、《鹿鳴》、《大東》曰「示」曰「行」,用 見《 爲 道 鹿鳴 章解見上。「周行」、《左傳 路之道 **%** 若謂「道」又一爲道義之道, 尤迂。毛以《卷耳》爲『列 一,則 按《荀子 未 然; 嚴氏云:「《詩》有 均爲 蓋《卷耳》曰 解 蔽 一,一爲道。 道路 篇 》作「 通。 周

引此,以爲言慕遠世,亦不可用「行」。劉氏並祖述之爲解,非也。又《淮南子》諸子引經,隨事取義,不可爲据。蘇氏、可以貳周行」。以用心不可疑貳爲言。「頃筐,易盈也。卷耳,易得也。然而不「頃筐,易盈也。卷耳,易得也。然而不

二章言山高,馬難行。三章言山脊,四章「砠」,毛傳云「石山戴土」,是。

三章言馬病,四章言僕病,皆詩例之馬益難行。四章言石山,馬更難行。二、

《卷耳》四章,章四句。

履綏本韻。之。興而比也。下同。南有樛木,葛藟纍之。樂只君子,福

履將本韻。之。 南有樛木,葛藟荒之。樂只君子,

福

履成本韻。之。 南有樛木,葛藟縈之。樂只君子,福);

通矣。 説可存,不必以僞傳而棄之也。 葛藟,施于條枚。豈弟君子,求福不 周。」然則以妾附后,以臣附君,義 有酒,嘉賓式燕綏之。」《旱麓》曰:「莫莫 嘉魚》曰:「南有樛木,甘瓠纍之。 回。」語意皆相近。惟此疊咏,故爲風體。 云:「南國諸侯慕文王之化,而歸 《小序》謂「后妃逮下」。 且僞傳之説亦有可證者。《南 今按僞 。君子 心 可 並 有 于 此

指文王,奚不可者! 又必謂衆妾所作,后妃,殊乖,故多致諸儒之駁。然即謂《集傳》依《序》説,且以「君子」爲指

尤固。

韻 之不同,安得概謂 必若《桃夭》「室家」、「家室」顛倒以 詩多疊咏體,然其 ,斯無義耳。後放 二章鄭氏謂 此章申殷勤之意。 用字自 之申殷 此。 有 勤之意 先後、淺 乎! 按 風 協 深

《樛木》三章,章四句。

兮。比也。下同。 螽斯羽,詵詵兮,宜爾子孫振振本韻。

螽斯羽,薨薨兮,宜爾子孫繩繩本

螽斯羽,揖揖兮,宜爾子孫蟄蟄本

韻。

韻。

多」,以螽斯爲不妬忌,附會無理,前人《大序》謂「言若螽斯不妬忌,則子孫衆但兼文王言亦可,何必單言后妃乎!

他人不及知也。 作,而非詩 欲以後之詩涉于淫者,皆以爲男女自 爲后妃、宫人作,非詩人作者,蓋有故: 之流耶!」其説 者,多詩人所咏。後放此 充下陳者,盡 《樛木》、《螽斯》爲 鄒肇敏曰:「朱子以《關雎》爲宫人作, 已駁之。 人諷 集 如班姬、左貴嬪、上官昭容 傳 良快。予謂其必謂 故凡《集傳》謂某某咏 刺之辭也。 ***** 亦 衆妾作,豈當時周室 謂 此 詩 本意爲此, 衆 妾 所 諸 詩

數耶? 謂蝗一 以「螽斯」二字爲名。蘇氏謂螽斯 八十一子,朱氏 斯」居上,猶「斯干」、「斯稗」也。 鷽斯」也。《豳風》「斯螽動股」,則 ,亦不知何意。如謂不 一章「螽斯」之斯,語辭,猶「 生百子,皆不知何從數之而 「爾」指人、《集傳》 謂一生九十九子,今俗 便「爾」后 必以 鹿 得此 不可 又以 斯 生

后

妃之世,其時男女又豈盡踰垣、鑽

于歸者,皆「宜室」、「宜家」乎!

即使非

無理。 旨方謂之比也! 且稱螽斯之子孫,亦言螽斯,比體歟? 比體何必以不出正「天保定爾」,臣爾君矣。且欲以通章皆

《螽斯》三章,章四句。

而出也。下同。華。平韻。〕之子于歸,宜其室家。本韻。興華。平韻。〕之子于歸,宜其室家。本韻。興梯之夭夭,灼灼其華。〔旁批:豔甚。

倒。 屬后 四 凶,太似之世亦安能使女子盡賢,●凡 轉平。〕之子于歸,宜其家人。本韻 轉仄。〕之子于歸,宜其家室。 桃之夭夭,有 桃之夭夭,其葉蓁蓁。 妃,竟成習套。夫堯、舜之世 《小序》謂「后妃之所致」。 **蕡其實。〔旁批:實。** 〔旁批:葉。 本韻 每篇 亦 有

近。 乎 所教于宫中者與?」雖屬臆測,于理 人之女。其必文王之公子、公孫 德曰:「之子,指嫁者而言,但不知 妃爲「之子」,亦似輕褻。俱未安。 然《集傳》單指文王,終覺偏。僞傳呼后 也。皆較愈于謂后妃之德化所致矣。 則以爲美后妃而作,即謂咏后妃,亦 傳》不言后妃而言文王,亦可也。 鰥民」何涉,豈不可笑之甚哉! 故《 猶近。 若后妃不妬忌于宫中,與「國 女,外無曠夫。」此雖譎諫之言,然于 鰥民」。按孟子言:「大王好色,内 「不妬忌,則男女以正,昏姻以 已有否耶? 第將嫁教于公宫三月,不知此 此迂而不通之論也。《大序》復謂 愚意,此指王之公族之 、時,國 而 禮 季明 無 集 妃 可 傳 無 理 何 無

將來必能盡婦道也。 女而言,詩人于其始嫁而歎美之,謂其

時,若「 歎其 如 姻 有 時。孔氏曰:「此言『年盛時』,謂以 竟似目不睹下文者。而《大序》所云「昏 但「其實」、「其葉」,又屬夏時,説不去, 附會《周禮》「仲春,合會男女」,曰「桃之 也。」全屬虚衍,竟不成語。其尤謬者, 豊 目 不 行嫁。」❷孔氏恐後人誤解,故明白疏 家」,乃据 议 此。 十之時,非時月之時。下云『宜其 華,正昏姻之時」,絶類婦稚語。 ,霜降之後,冰泮之前,故 時」者,謂男子三十、女子二十之 女子之賢,而知其必有以宜其室家 《集傳》曰:「詩人因所見以起興, 桃夭」者、毛、鄭皆爲喻女 乃猶以桃之有華 睹註疏 時言耳。」●又曰:「正者秋 乎 蓋 鳥 古嫁女在 婚姻之時, 孔 謂 少出 且不 年 又

> 乎? 冬」説 可 据。 詳 種 《匏 且 種 如 有苦葉 紕 繆,豈可勝辨 其 》篇。 説 是 况《周 賦 禮》僞 謂 書 之 尤 興 不

如此。 義。 妥。 盛 其實,又咏其葉,非有他義,蓋餘 喻色,而其實、其葉因華及之,詩例 婦人貴有子也。 女子,開千古詞賦咏美人之祖。 不必定有所喻耳。家人即 而 華」喻色矣,「實」喻德可,喻子亦可,蓋 即即 反 至盛,近滯。 吕東萊曰:「《桃夭》既咏其華,又 《覆歎咏之耳。」如此,又説得太無 大抵説詩貴在神會,不必著迹。 承有實來,唐人詩「緑葉成陰子滿枝」。 毛傳以「實」爲喻德,以葉爲 章、二章、三章桃花色最艷,故 而「形體至盛」語 有實之時,其「葉」 與「室家」、 **城興未** 本以 以 尤 喻 次 取 E 未 形 如

· 「者」、《毛詩正義》卷一之二作「於」。 「言」、《毛詩正義》卷一之二作「月」。

《桃夭》三章,章四句。「家室」一義,不必分别。

則註之。公侯干城。本韻。○賦也。下同。云「隔句叶」及「與某字叶」者,皆本韻,不更註。其他韻批:隔句對。〕隔句叶,謂之「轆轤韻」。後做此。凡盡肅兔罝,椓之丁丁。 赳赳武夫,〔旁

侯腹

心。

〔旁批:又變。〕本韻

狩獵 「誦 矣。」其説特爲有見,可謂不隨附 川媚,則 隱鱗,才固難量。若曰 后妃何與! 益迂而無理。 此篇之義,必有人焉當之。 《小序》謂「后妃之化」。 而得吕望之類也。即是以觀,藏器 武王何止十亂,尼父不 觸日琳 胡休仲 「武夫」于 瑯, 如文 稱 E 王 輝

是也。網之中,西土服。」金仁山主其説,近地。按墨子曰:「文王舉閎夭、太顛于罟

極變。

「童《集傳》但据舊説釋「丁丁」爲極極變。

「童《集傳》但据舊説釋「丁丁」爲極極變。

《兔罝》三章,章四句。

言有本韻。之。賦也。下同。 采采芣苢,薄言采之。采采芣苢,薄

言捋之。 采采芣苢,薄言掇之。采采芣苢,薄

五

· 孫采芣苜,薄言袺之。采采芣苢,薄

乎 ! 已 耶 ! 《大序》因謂之「樂有子」,尤謬矣。 《大序》謂「婦人樂有子」者,本竊毛傳「宜懷妊」之説。 矣。」毛傳謂:「芣苢,車前,宜懷妊焉。」 草相與嬉遊娛樂,而謂之風俗之美,可 桑乃其所宜,今舍此不事,而于原野采 也。」尤無意義。夫婦人以蠶 事,相與采此芣苢而賦其事,以相 爲説曰:「化行俗美,家室和平,婦人無 豈宜男草乎!《集傳》無以言之,虚 之,非能宜子也。故毛謂之「宜懷妊」, 蓋毛公,文帝時人,衛宏,東漢人也。後放此, 尤混。《大序》謂:「和平則婦人樂有子 説《詩》至此,真堪絶 按車前,通利之藥,謂治産難或有 此詩未詳。《小序》謂「后妃之美」, 是以僞傳、説有「兒童鬬草」之説。 《韓詩序》以爲「傷夫也」,「芣苢 俯,豈止解 織爲事,采 人頤 車前 不更 而 樂 衍

> 等,實六章,章二句也。章法極爲奇變。 等,實六章,章二句也。章法極爲奇變。 等明德謂若其爲宜子,何玄子又謂爲墮胎,皆邪説。 新,未嘗惡臭也。此雖舊説,亦不敢從。 前,未嘗惡臭也。此雖舊説,亦不敢從。 以韻分三章,章四句。然每二句只换 又實之以「宋女、蔡妻」焉。按芣苢爲車 又實之以「宋女、蔡妻」焉。按芣苢爲車 以謂分三章,章二句也。章法極爲奇變。

永矣,不可方思。賦而比也。下同。 秣其馬。本韻。漢之廣矣,不可泳思。江之 魏翹錯薪,言刈其楚。之子于歸,言

秣其駒。本韻。漢之廣矣,不可泳思。江之翹翹翹錯薪,言刈其蔞。之子于歸,言

此方謂之「一唱三歎」。〕 永矣,不可方思。〔旁批:三章一字不换,

乎詩人之諷咏,可思而不必義也。不必就用詩「廣」字耳。《大序》謂「求而不必就用詩「廣」字耳。《大序》謂「求而不可得」,語有病。歐陽氏駁之,謂「化不可得」,語有病。歐陽氏駁之,謂「化不可得」,語有病。歐陽氏駁之,謂「化

之説 傳訓「喬」爲「上竦」,未免作俑。 此,孔偶未見耳。「喬」,高也。 此之本、未敢輒改耳。」按《韓詩傳》 『求』字爲韻,二字俱作『思』。 但未見 不可求,不必實泥謂喬木不 木本可休而不可休,以况游女本可求 何不可休?《集傳》又附會爲「上竦無 何則? 詩之大體,韻在辭上。 疑『休』、 曰:「高其枝葉之故。」夫高 章孔氏曰:「疑『休息』作『休思』, 可休也。 借言 其枝葉, 鄭氏爲 如 喬 如

> 《詩》,則又非特「固哉」而已矣! 喬木」之説,皆上竦無枝者耶? 如此説枝」,益謬。然則孟子「喬木故國」「遷于

以秣馬,待其歸而親迎矣,不可得矣,猶 翹」,薪貌,狀薪之錯起不平也。正形容 安得以「翹 以不得其解故 潔者。」意稚 取之。以喻衆女皆貞潔,我又取其尤高 乃曰:「楚,雜薪之中尤翹翹者。我欲刈 是「芻、薪」本屬連言者,薪以爲爨,芻以 上四句,言其女子有夫,彼將刈楚刈蔞 秣馬也。此兩章上二句皆爲秣馬,故云 而先薪以興之,詩意如此。鄭氏不喻, 一錯」字意。 樂府》所謂「羅敷自有夫」也。歐陽謂 刈」也。楚,薪類。蔞,芻類。 二章、三章古者賓客至,必共其芻、薪。 後世因此爲「翹楚」之説,亦非。 題」屬 而 (也。且詩言「翹翹錯薪」, 过折尤甚。向來皆從之, 「楚」與「蔞」乎!「 本言芻 兩章 翹

《漢廣》三章,章八句。 不知敬意安在? 祗欲凑對成文,而不顧其理如此。 因言「悦之至」,遂以「漢廣」四句爲「敬之深」以對之。 不知敬意安在? 祗欲凑對成文,而不顧其理如此。 不知敬意安在? 祗欲凑對成文,而不顧其理如此。

遵皮女賁,戈丰条聿。死見書子,下如調飢。〔旁批:妙喻。〕本韻。賦也。 如邁彼汝墳,伐其條枚。未見君子,惄

有力。 燬。 爲婦 指 指夫之父母也。 不可用之! 文王也。二説皆若可通。蘇氏謂 心文王,作是詩,則「君子」、「父母」皆 雖則如燬,父母孔邇。〔旁批:虚字 魴 《詩》多此句法。〕本韻。比而賦也。 魚 人作,則「 小序》謂「道化行」,全鶻突,何篇 頳 尾,〔旁批:造句奥。〕王室 按此詩有二説。《大序》以 君子」指其夫也,「父母」 僞説爲商人苦紂之虐, 如 轉

> 不類。 章,慨然興歎,乃就孝廉之舉,蓋本 按婦人知有 貧親老,不擇官而 在商世蚤 「君子」何解? 後漢周磐讀《汝墳》之卒 死期孔邇」者,不可通。且于上兩 作,而 又《韓詩外傳》謂「二親不待,家 「父母」則 知 歸 家 事而 心文王,呼爲「父母」,絶 指 仕」,似以「孔邇」 已,國 文王 ~, ~ 事 集傳》本之。 未必 與聞。 章 爲

雖急如 憂。」嚴 未免意 家多 甚 王 王 而 協 事 事 將 乎? 難,惟 滅亡也。 也」,亦甚牽强。 而 按上二説,前一説于「王室如燬」 懈。 氏 殊 火,然父母甚近,不必念家 有關 解 後一説,于「王室如燬 劉向《列 勉强之,無有 「王室如 「君子」、「父母」亦不 係、蓋謂 女傳 且父母遠,固 燬」,謂「王室之 商之王室如 譴怒,遺父 「其妻 一句 嫌其 謂 而 可 怠 母 或 句

一説較勝。 一説較勝。故後通稱。「父母」,則益加親親之辭。故後子,民之父母」,皆是。「君子」,人君之叠,如「豈弟君子,民之父母」,「樂只君

《韓詩》改作「朝」。 「章「調」,一作「輖」,重也。 不必依

之。」雖想像爲説,然亦可存。 之故,往來于商,汝墳之人得見而喜之故,往來于商,汝墳之人得見而喜

《汝墳》三章,章四句。邇」,正應上「不遐棄」意。 三章「魴魚頳尾」,喻民之勞苦。「孔

下同。比而賦也。下同。〔旁批:只一「麟」字,餘俱遠神。〕末句無韻。〔旁批:只一「麟」字,餘俱遠神。〕末句無韻。辨之趾,振振公子。本韻。于嗟麟兮!

麟之角,振振公族。本韻。于嗟麟兮!麟之定,振振公姓。本韻。于嗟麟兮!

通。 迂。 時」,歐陽氏、蘇氏、程氏皆譏其不通矣。 際爲衰世,文王公族亦如鱗應。 即其謂「衰世之公子」,「衰世」二字亦難 摹擬如此。《大序》謂「衰世之公子皆信 雎》之化,以麟出爲瑞應也。 效應之應。 序》「應」字,以爲應對之應。 治世有麟應者,指何世乎? 則爲有《關雎》之德,而致此效也。紛然 重于獸,不將衰世反優于治世乎? 而應禮」。● 世又何不以麟應而以人應乎 如《麟趾》之時」。 《集傳》以爲得之。 意謂古者治世當有鱗應,商、周之 小序》謂「《關 應對之應,則爲古者行《關 其言本難 蓋 雎》之應」,其 其云「《麟趾》之 本于毛傳云「麟 解,故吕氏因《小 效應之應, 可謂誕甚。 嚴氏以爲 然則謂 義 夫人

0

一之三改。「而」,原作「于」,據本書引文及阮刻本《毛詩正義》業

以解也?

麟 爲 神獸 此 詩 以 L', 世不 興 只以麟比王之子孫 比 而歎美之耳。 常出 王之子孫 族 人。 亦 非

以足至 若何也。又「趾」、「子」、「定」、「姓 此,不必論其趾爲若何,定爲若何, 會,悉 則 由 必有以趾若何喻子若何,定若何喻姓 Ħ. 則詩之章法也。「掁振」,起振 何,角若何喻族若何也。 角」、「族」,第取協韻,不必有義,亦 趾」、「定」、「角」爲 定 其 訓 下 而 與 以 者 章、二章、三章 不可通。 也」。不 角 厚,意欲 及上,子、姓、族由近 趾 又何以無 之故 知 ,故訓「振 附會麟 詩 振字豈是仁 解此 解乎? 因言 辭,詩例次 詩 趾 惟是趾、定、 麟 者最 振 ,云「麟信 二爲仁 毛傳于此 而 而 厚義乎 興意。 多 及遠, 敘 舉 穿 厚, 而應禮 麟 角 本 鑿 訓 角 若 爲 附 如

> 疏 中却注公子,純是遠神,亦不可執泥分 並可笑。末句「于嗟麟兮」口中言麟、心 厚」,于《螽 而 遷 也 振 就 于彼 爲 斯》訓「盛 厚, 也,《集傳》則于 于 , 《 螽 貌」,又 斯 亦 兩 然 此 爲 2訓「仁 其説。 因 此

子分配 無此 如 父 等,謬二。 謬 麟 厚,故其子亦仁厚。] 其謬有五。詩本以 性 母 喻公子、公姓、公族,非喻文王、后妃, 仁厚,故 抵 厚,于「定」則云「未聞」,又云「或曰 一。不以麟喻公子等,而 也」,于「角」 一而二矣,安得 比例,謬三。趾 ^ 厚之確 集傳》 謬四。此以趾之仁厚喻 其 解乎? 解此 麟喻文王,又喻后妃,詩從 趾 亦仁厚。 則云「有肉」,何以 詩最多謬誤。 與麟 以麟 謬五。 文王、后 與父母、趾 非二物, 其解 以 趾 云: 「喻公子 于 子 與

此。 衰世 既爲王者之瑞,文王亦王者,何以麟不 蹄,然後爲王者之瑞哉!]按「于嗟」,歎 情語氣。又云:「何必麕身、牛尾 麟兮」云,「言是乃麟也」,尤執滯 比公子, 出 麟比文王、后妃,又以麟爲王者之瑞,麟 尾衝决,比興盡失,全不可通。 且既以 以不生人而止生麟乎? 美麟之辭,若然,則爲外之之辭矣。 也。 而呈瑞乎? 也。 子 謂 則人即鱗矣,古王者之瑞又 此皆徇《序》之過,故迷亂 《序》莫若《集 既以麟比文王、后妃,趾 是盛世反 傳》, 不 洵 而 得 何 馬

《麟之趾》三章,章三句。句叠咏,且不用韻,章法皆極奇變。《漢廣》篇每章四句叠咏,此篇每章

詩經通論卷一

韓城寶珊王篤校訂新安首源姚際恒著

召

南

説見前。

誤盡後世解詩人。〕之子于歸,百兩御音迓。維鵲有巢,維鳩居之。〔旁批:妙語,

平韻。之。 興而比也。下同。

兩將本韻。之。維鵲有巢,維鳩方之。之子于歸,百

兩成本韻。之。 維鵲有巢,維鳩盈之。之子于歸,百

謂 昏,文王爲世子,太姒爲夫人,則《關雎》 説,寸尺不移,其何能闢《序》,而尚欲去 非初昏乎?《集傳》于《召南》諸篇,皆 后妃,在《召南》則爲夫人? 太姒也。」均此太姒,何以在《周南》則爲 風,故以夫人、國君言之。」又曰:「夫人, 《周南》爲「王者之風」、《召南》爲「諸侯 論,其謂「夫人」者,本于《關 不通者也。孔氏曰:「《召南》,諸侯之 之風」,故于《周南》言「后妃」,《召南》言 「夫人」,以是爲分别。 「南國諸侯被文王之化」,凛遵《序》 《小序》「謂夫人之德 此解二《南》之最 若以爲初 雎序》, 旨 意 且

大抵爲文王公族之女,往嫁于諸大夫之諸侯,意指文王女也。其説不一。愚意諸侯之子嫁于諸侯。僞傳謂公子歸于此篇,孔氏謂太姒歸文王。毛傳謂

然均之不可考矣。 家,詩人見而美之,與《桃夭》篇略同。

据 既 無不 有 子,往往墜鷇,殞雞 者,拙鳥也,不能 安見其不自爲 毛傳云:「鳲鳩 然則可謂 于樹上架構樹枝,初不成 會之二也。 且以知其爲 均壹之德」。 月月謂 鳩來 生雛,散飛,則棄而去。 配合,此天地自然之理,非以其性拙 「德如 附會 一章「鵲巢鳩居」,自傳、《序》以 處彼空巢。」按其 鳩性拙不能作巢者,取 女性拙 鳴鳩,乃可以配。」鄭氏因以爲 爲説,失風 均 歐陽氏曰:「今人直謂之鳩 嗟乎,一鳩耳,有何德,而 不 巢,而 壹哉? 不能 作巢,多在 自爲巢,居鵲之成巢。」 而 居成巢乎? 作家乎? 死 人之旨。 此附會之一也。 謂 窠巢,便以 鵲作巢甚堅, 在于物理,容 鳩 屋瓦間, 性 喻女子, 《大序》 拙既 女子從 此附 來 生

也。 此事。 况女之居男室也。 説、雜説不能 謂 又謂 會之四也。 女,而又適見鳩居鵲巢,因以 此譚詩之病也。」若然,是既於道上見嫁 鵲有空巢,而鳩來居,而後人必以爲常, 此附會之三也。 者? 又謂「或于樹上架構 不 上架枝,此即巢矣, 女方謂之有 生雛,散飛,棄巢 鵲」、「鳩」者,以鳥之異類况 刻畫,方可説《詩》,一切紛 能 「鳩生子,墜鷇,殞 其言「巢」與「居」者,以 作 其説名爲擺脱,實成固滯。 家 屋 而 僅舉其説之傳世者數端,其 瓦間」,幾曾見 室 居 殫述。 一家 男 王雪山 ,則作家正 子之家 而去」,今皆未曾見。 其義止此。 何謂 按此詩之意,其言 雞而死」,又謂 不成巢乎? 曰:「詩人偶見 也 樹 屋 鳩 爲興、恐 宜 枝 之居鵲 人之異 瓦 且 屬 不穿鑿, (),夫樹 間 男 女耳 可掃 此 有 以 類 附 無 又 鳩

侯,送御皆百乘」,此滯説,出何典乎?夫嫁女可。毛傳曰:「諸侯之子嫁于諸天子嫁女可,以爲諸侯嫁女可,以爲大天子嫁女可,以爲諸侯嫁女可,以爲大。据愚所説,極似平淺,其味反覺深長。請思磵矣。据上述諸説,無論其附會,即使果然,亦味如卻矣。据上述諸説,無論其附會,即使果然,亦味如

鵲巢》三章,章四句

于以采蘩? 于沼于沚。于以用之?

公侯之事。本韻。○賦也。下同。

公侯之宫。本韻。 于以采蘩? 于澗之中。于以用之,

本韻。故變調見長。〕本韻。被之祁祁,薄言還歸。被之僮僮,夙夜在公。〔旁批:末章每

奉祭祀」,涉泛。《集傳》載或曰「后、夫襲僞説,非附會而何!《大序》謂「夫人云「士以《采蘩》爲節,樂不失職也」,明云「十以《采蘩》爲節,樂不失職」,按《射義》

「髲髢」二字本相連,安得以《詩》之「被」「矮」者,必當時以被禮衣,即呼禮衣爲「被」者,必當時以被禮衣,即呼禮衣爲「被」字,据其謂「古者或剔賤者刑者之「被」字,据其謂「古者或剔賤者刑者之「被」字,据其謂「古者或剔賤者刑者之「被」字,据其謂「古者或剔賤者刑者之「被」字,据其謂「古者或剔賤者刑者之」。 毛傳以「被錫」爲「髲髢」,「被」字,据其謂「古者或剔賤者刑者之「被」字,据其謂「古者或剔賤者刑者之「被」字,据其謂「古者或剔賤者刑者之」。

「祁祁如雲」義同。 「神子」,且惟用一「髮」字乎!《左傳》「以爲吕姜髢」,是書傳惟見「髢」字,亦以以「被」爲「髮」乎!或来見「髮」字也,况以「被」爲「髮」乎!或未見「髮」字也,况以「被」爲「髮」乎!或素見「髮」字也,况以「被」爲「髮」乎!或不是据。《周禮》,爲書傳惟見「髢」字,亦爲「髮」,且惟用一「髮」字乎!《左傳》

《采蘩》三章,章四句。

賦也。下同。 〔旁批:增一句,深深。〕我心則降。本韻。○見君子,憂心忡忡。亦既見止,亦既覯止,是君子,憂心忡忡。亦既見止,亦既覯止,不以之。〕未善呼呼草蟲,趯趯阜螽〔旁批:字法。〕未

心傷悲。亦既見止,亦既覯止,我心則夷。陟彼南山,言采其薇。未見君子,我

本韻。

女,而 斷。 乎? 毛傳 異 以 孰先孰後,不必執泥以求也。 役意,亦合。三百篇中多有重辭,未 有此「喓喓草蟲」六句,爲室家念南仲 役,其妻所咏」,庶幾近之。餘説仍附合《序》 自防者乎! 按 京師,睹召公而 「以禮自防」意,俱非。 趙 同,必不是。 爲 禮自防,何足見其賢與文 爲 大夫 武賦《草蟲》實之。 説者又以《左傳》襄二十七年,子 以嫁時在途言之。 歐 思南仲作,鑿甚。文既互見,又 《小序》謂「大夫妻能 即以 陽氏 妻,豈 未見、既見君子爲憂、喜, 此不 以爲「召南之大夫出 偽 傳 謂 尚慮其 歸 又按《小雅・出 - 通之論 心切」,合召公,尤 有 「南國大夫 此皆當時人 夫方嫁在途之 也 非 以 王 禮 何玄子直 之化 禮 相 大夫妻 自 犯 車》篇 聘 而 耶 防 而 知 行 能 可 不

章取義,不可從也。

邪 還,是以用憂。」庶幾爲近。 歐陽氏 而 之詳也。 蕨,采薇,季春候也。秋暮而往,春暮未 朱鬱儀曰:「草蟲,阜螽,深秋 感時物之變動」、《集傳》從之、未若此 合」。 辭 也。 鄭 氏 前輩説詩,至此,真堪一唾! 歐陽氏本之,又謂「喻 曰「草蟲鳴,阜螽 躍 候也。 而 非所合 從 之一, 謂

《草蟲》三章,章七句。

藻? 于彼行潦。本韻。○賦也。下同。 于以采蘋? 南澗之濱。本韻。于以采

維錡及釜。本韻。 于以盛之? 維筐及莒。于以湘之?

「之」字有力。〕有齊季女。本韻。字。〕宗室牖下。誰其尸之?〔旁批:承于以奠之?〔旁批:承「于」以轉之

《詩》也。其合者有四。「芼之以蘋、 後、蓋《禮》之本《詩》爲説 《禮》解《詩》,而不知《詩》在 篇,爲合。然又有别。毛、鄭 祭,牲用魚,芼之以蘋、藻,所以 毁,教于公宫。祖廟既毁,教于宫室。 鄭氏曰:「古者婦人先嫁三月,祖廟未 禮之于宗室。牲用魚,芼之以蘋、藻。」 祀」、尤汎。且大夫主祭、妻助祭、何 之本《詩》爲説者以解《詩》,非以《禮》解 也。」此皆《昏義》文,毛、鄭引之以 教以婦德、婦言、婦容、婦功。 尸乎? 毛傳曰:「古之將嫁女者,必先 也。古者五十始爲大夫,其 法也。」《序》襲之。 「季女」耶!《大序》謂「承 射義》云:「卿、大夫以 小序》謂「大夫妻能 其云「大夫 采 也。吾用《禮》 蘋 循 前、《禮》在 先 爲 法 妻 惟知 節,樂循 度」。 教成之 祖 安 妻」, 成婦 解 共 此 順 稱 非

祀」,固非矣,又謂「牖下」爲室西南隅, 《集傳》依《小序》,謂「大夫妻能奉祭 于室中而設几筵于户外者! 不于室中者,凡昏事,于女禮設几筵于户外。」孔氏以 下」。若然,父家嫁女之祭亦在牖下可 藻」,即本首章之「采蘋」、「采藻」爲説 列,故《爾雅》云「户、牖之間謂之扆」,扆 豈在室西南隅乎! 尤錯。既曰室西南隅,豈牖下乎! 子之室也。三也。云「季女」,四也。 知。此本末章之「牖下」爲説。鄭氏曰"「祭 **酳婦之禮**。 在户西、牖東也。 「昏禮筵于户西,西上右几」釋之,皆非也。祭安有不 二也。❷ 不云宗廟,云「宗室」。 宗室,宗 士昏禮》:「尊于室中北牖 也。禮正祭在奧,而 其婦 饋舅姑亦「 古人之室,户、牖並 禮云「户西」,非户外也。 此 云「牖下」。 下」,此壻家 席于北

也。似宜從《韓》。不然,「湘」之訓二章「湘」、《韓詩》作「鬺」。鬺,烹

「烹」,恐未允。

賢矣。

三章「季女」,猶言少女,不必泥解。

「季女斯飢」,亦是也。孔氏謂將嫁,故
以少言之。夫嫁豈有不少者,何必以少
言乎! 且前此則更少矣,將何以别之
事!《集傳》主大夫妻言,謂「少而能
乎!《集傳》主大夫妻言,謂「少而能
必,尤見其質之美」。 夫能敬,亦非所以爲
以少言之。夫嫁豈有不少者,何必以少

《周語》謂:「天黿之分,我之皇妣,太姜羅泌云:『齊,伯陵之故國,以天齊淵名。爲美邑姜者,以『有齊季女』之語加之。知邑姜,教成能修此禮,詩人美之。知好邑姜,教成能修此禮,詩人美之。知知為,以是一次,以是一次 一個玄子曰:「美邑姜也。古者婦人

[「]藻」,原誤作「蘩」,據本詩首章詩句改

[「]二」,原作「一」,依文意改。

詩經通論

之名不可知。而其言「濟澤之阿」,則 潦之蘋、藻,寘諸宗室。 季蘭尸之, 也,而棄之,可以承守! 《左》襄二十八年,穆叔曰:『敬,民之主 之,有逢伯陵因之,蒲姑氏因之,而後 晏子云: 『昔爽鳩氏 封于魯地,而太公其繼焉者也。』《左傳》 太姜之祖。逢公,伯陵之後,爲商侯 之侄,伯陵之後,逢公之所馮 『齋』誤矣。」按何氏此説,頗覺新 也。敬可棄乎!』所謂季蘭,意 文王爲西伯 未嘗謂太公未封之前爲齊。 口 齊地之證。 公因之。』按太公本齊後,仍封于齊。 鑿 用 ,伯陵之國」,語本子、傳、諸書之説, (也。《周語》及《左傳》晏子之説 有 据,足以 据舊 時,以女邑姜妻武 説相傳,皆讀『齊』爲 動人。 始居此 濟澤之阿,行 然實穿鑿 惟 地,季蘭 神。」伯 羅 即邑 王。 泌 奇,且 伯 陵 尤 敬 太 姜 大

> 名,以姓稱之。 乎 《左傳》穆叔 詩穿鑿,無理甚多 安得据爲邑姜之名乎! 服 故穆叔特舉所見而言」,則又安可 則「齊」爲莊敬之義甚明,安得以爲 服媚之」,知是女之服蘭也。」揆此傳易 服蘭草也。宣五年傳曰:『蘭有國香,人 齊地也! 而 曰:「詩言『季女』而此言『季蘭』,謂季 「女」字爲「蘭」字者,乃其用字法也, 1 蘭之女 加 人者,故附辨于此以例其 姓 以 杜註云:「獨言濟者,以濟在魯國 曰姜,氏 有 齊,非 而爲之主,神猶享之。」 孔氏 傳云「季蘭」者,杜註曰:「 正 邑姜即其名也。何氏 解 日 可 此詩,其意主于言敬 有吕」,未 据 而 也。 此其意巧 又 古婦人無 、餘焉。 按《周 云 有 而 齊 語 齊國 足 也 ¥ ⊟ 説 他 又 使 爲

《采蘋》三章,章四句。

閩· C) 咸也。 下司。 蔽芾甘棠,勿剪勿伐! 召伯所茇。

本韻。○賦也。下同。

本韻。 蔽芾甘棠,勿剪勿拜!

召伯

所

説。

《甘棠》三章,章三句。 《集傳》云:「召伯循行南國,以布文三之德。」此泥《序》,必謂二《南》爲文王王之德。」此泥《序》,必謂二《南》爲文王王之德。」此泥《序》,必謂二《南》爲文王王之德。」此泥《序》,必謂二《南》爲文王

誰謂雀無角! 何以穿我屋?〔旁〔旁批:重韻句,古。〕□「露」字爲韻。○此也。 厭浥行露。豈不夙夜,謂行多露。

獄,室家不足! 本韻。○此而賦也。下同。非韻、《集傳》强叶之,非。何以速我獄? 雖速我批:奇想,奇語。〕本韻。誰謂女無家! 此句批:奇想,奇語。 一何以穿我屋?〔旁離謂雀無角!何以穿我屋?〔旁

之, ①尤非。 女從! 本韻。 女無家! 誰謂 鼠 何以速我訟? 隔 句叶。「墉」、「家」字不叶。《集傳》强 無牙! 何以 穿我 雖速我訟,亦不 墉 ? 誰 謂 叶

只説得 化也。 前日 始 能 化,有以革其前 曰:「南國之人遵召伯之教,服文王之 化獨及女而 以見此女子之賢,不必執泥謂被文王之 往 許嫁,而見一物不具,一禮不備,因不肯 以 以禮自守,而不爲强暴所污者。」不獨 以致争訟。蓋亦適有此事 亦 禮 此篇玩「室家不足」一語,當是女既 淫亂,因被服 女而遺男,且若是,則此女不 苟必執泥,所以王雪山有「豈有 自守耶? 不及男」之疑也。《集傳》 日 説詩最忌固滯,此 淫亂之俗,故貞女有 召伯、文王之化 而傳其詩,

■「集傳」,原作「傳集」,今乙正之。

是也。

《行露》三章:一章三句,二章章六句。奔,不可通矣。或謂蚤夜往訴,亦非。女子何事蚤夜獨行,名爲貞守,跡類淫必有污辱之意。《集傳》以爲賦。若然,必有污辱之意。《集傳》以爲賦。若然,

謂「節儉正直」,詩中于何見耶? 大夫難解。《大序》謂「節儉正直,德如羔羊」,謬不待辨,即所難解。《大序》謂「節儉正直,德如羔食自公。〔旁批:倒句。〕本韻。

羔裘,乃當時之制,何得謂之節儉!

爲正 《序》他説,而仍曰「節儉正直」,可見 以 美之,而大夫之賢不益一字,自可于言 羔裘而退食,即其服飾、步履之間以歎 是已。此篇美大夫之詩,詩人適見其服 其爲服羊裘,孔氏明辨是羔裘,非羊裘。 之非,而以 詩 外想見,此風人之妙致也。 爲羊性柔順,逆牽不進,象士難進易退, 人之不能擺脱《詩序》如此。若夫或 二章、三章言「革」言「縫」爲節儉,或以 合「《鵲巢》之功致」意。《集傳》 獨 古 攢 直,所謂「豈徒順之,又從爲之辭」 知其正直乎! 美大 爲羔裘婦人所爲 夫,然無 蘇氏駁「德如 一字及 其 寘功,仍 賢 及 又何 以 以 後 用 附

也。謂居于朝廷,非居于家也。」《論語》者,由大夫服之以居,故詩人見而稱之本無据。孔氏曰:「言『大夫羔裘以居』一章毛傳云:「大夫羔裘以居。」此説

敢

遑

處?

本韻

振振君子,歸哉歸

美 ! 爲「大夫燕居之服」,蓋誤 賓客」,則在家 曰 始歸家耳。 館,退食于此,非私家 家」,亦非。 夫服飾本有定制 不見孔疏耶? 「狐貉之厚以 此贅辭也。 大夫自朝退後,各有治 不服羔裘矣。 又謂「美其衣 衣服 居。」註云「在 又謂 也。 有常 解毛 退朝 若請假休沐, 《集傳》 何 服 傳。 家所 有常 而 足 食 事之 見 然 以 其 接

《羔羊》三章,章四句。

敢 或 追? 殷其靁,在 興 也。 下同 本 韻。 南山之陽。 振 振 君 子, 歸 何斯 哉 歸 違 叶首 斯, 句。 莫

敢 湿息? 殷其 殷其 、靁,在 靁 本韻。 在 振振 南 南 Ш Ш 之下。 君子,歸哉歸 之側。 何 何 斯 斯 違 哉 違 斯 斯 莫 莫

何疑。 之曲説 之意。 意。 則 人語意斷不如是。 也,何必美其德耶 冀其早畢事 傳》從之,其爲解曰:「于是又美其德,且 振之爲仁厚、信厚,吾未敢 之「振振」,皆振起、振興意。 敢爲决辭 哉」,是望其歸之辭,絕不見有「勸以義 家 因 仁厚」訓之,而于此 集傳》皆訓 婦 能 謂:「大夫 《集傳》于《螽斯》訓「盛貌」。 閔 小序 也。 嚴氏 蓋 其勤勞,勸以 無 振 ,知其未可以歸也。」此徇《序》 思 》謂「勸 爲振 「振振」,按《螽斯》、《麟趾 曰:「謂冀其蚤事來歸,而不 而還 違 「信厚」。 衆盛之夫之理。 行從政,不遑寧 起、 歸 以 其爲支 又訓 義 也。」夫冀其歸, 義。」按詩 振興意,亦 二義 然而非矣。 蝉 以「信厚」。 若訓「衆盛 解 難 信也。 解。 以 飾 毛傳皆以 故毛傳、 合併 處,其室 説,夫 爲 大序》 于是 衆 復 可 振

偽 説 曰 人 曰:「召公宣布文王之命,諸侯歸焉。」 反 其思夫者,以 「武王克商,諸侯受命于周 爲臣之從 君 焉 廟。 僞

作、振 貌,指衆君子。 僞傳以「振振君子」指文王,猶如所言 起 意 也。 其于振振固皆可通, **偽説以「振** 振」爲 衆 名

于 非踴躍受命氣象,是也。愚謂「何斯 「何斯違斯」二句 何? 何玄子謂其 違 終

斯」二句,似婦人思夫之辭。 是振起、振興及衆盛意,于思夫又不倫。 然 「振振」 可

通; 依偽 故 此詩之義當闕 傳、説, 然于「何斯違斯」二句又不相協。 解 「振振君子」二句似 疑。

殷其靁》三章,章六句。

我 庶士,迨其吉本韻。 摽 摽有梅,其實三兮。 求我庶士,迨其 有梅、〔旁批:倒句。〕其實七兮。 兮。 興而比也。 下同 求

> 今本韻。 兮。

庶士,迨其謂本韻。 摽有梅,頃筐塈之。 之。 〔旁批:變。〕求我

《南》之風,文王之化,可乎! 辭」,三章爲「不待備禮」。鄭氏說不辨。 或美之爲「吉士」,如《野 女求夫,或謂父擇壻,但云「士」可矣。 尤不可通者「庶」字也。 庶, 衆也。 庶士」句,凡四字。「求」字既不可通,而 煩急迫至于如此,廉恥道喪,尚謂之二 爲女求男,此「求」字必不可通。而 乎地,男求乎女,此天地之大義! 太不雅,以 也。《集傳》且以爲女子自作。 陽氏以爲「終篇無一人得及時 章爲「當盛 奈何云「衆士」乎 《小序》謂「男女及時」。 不嫁,至于始衰」,二章爲 爲擇壻之辭。嗟乎! ! 有死 即主擇壻之説 屬》篇 亦可 毛傳解 按「求我 者」, 或 乃以 且 天 因 首 下 其

體 比 于秋、冬非 秋、冬,詳《匏有苦葉》篇。 「唐棣之華」、「華如桃李」,皆是。 若以此 言也。 也。 華而 曲 則 爲 梅實之落 比 解曰 實, 至若以 過 「求衆 亦不 則不及,尤不 此 爲春、夏時,古嫁 倫。 詩 士 爲 而 春、夏非婚嫁時, 比華者,「灼灼其華 擇之, 比體 可以 , 夫女子 然 詩 而 爲 女 爲 詩 及 賦 不 無

詩。 之意與? 者,乃國家之所宜 毖庶邦、庶士。」《立政》曰:「庶常吉士 傑俊,遂賢 興比,其 越尹氏、庶士、御事。」《 位。」或古有是説而《月令》言之,則 「庶士」爲周 書 愚意 有 •大誥》曰:「肆予告我 此篇 又《月令》:「孟夏,命太尉 鹽 良,舉長大,行爵出禄,必 梅、和 乃 家衆 卿、大夫 亟求者也。 職之 羹」及「實稱其位 酒 語 爲 通 君 稱 Ĭ 以 求 則 梅 友 庶 實 庶 厥 邦 士 誊 爲 誥 + 君 之

> 意。 吉者 實 今者既已卜吉,乃可 帝謂文王」之「謂」,即「疇咨命官」之 正 摽有梅》三章,章四句。 以見庶士既得,告語相親之辭也 《左傳》所謂 當 孟 夏,直 賦 枚 其 求矣。 1 事 , 卜吉」之吉 亦 「謂」者,猶 未 可 知 也。 也。

叶。 句 格。〕本韻。○興也。 夙 嘒彼 夜在公。 小星,三五 寔 命不 下同 在 東。 同 肅肅 〔 旁批 宵征 增 句

于留」、《索隱 征 疏引《元命苞》云「昴之爲言留也」。 ,抱衾與 嘒彼小星,維參與昴。 補。 尝云 留即 實 命 昴」。 不 猶 則此 《史・律書》云「北至 當 毛傳云 本韻 音 留 昴 肅 留 肅 也,

是也。 星 間,仰頭見星 而行」也。 篇章 今推 俊 廣其 若宫闈永巷之地,不類 東西 卿 意 以 言之。 歷 爲 歷可 「小臣行役之作 Щ 指,所謂「戴]1[原隰之

若 者,以 三也。 類 九人一夜。按夜,陰象也,宜静。女,陰 通 里,露行見星,如是之疾速 來于何處? 然要不離宫寢之地。 馳道路之辭。 步屧之貌,不類二也。「宵征」云者,奔 也 雖 象! 不可通二也。 衾、裯,安置 衾、裯,豈必待其衾、裯 加 行 疑 也,尤宜静。 也。 禮》云,「 其非。 李 肅、 「抱衾與禍」一 自有役夫攜持,言之者,猶《北 嬪御分期夕宿 据鄭氏 三云者 妾御 速 何則? 何 去于何所? 不知 若爲來往宫闈之辭,不類)所? 乃于黑夜群行,豈成 ,猶後人言 同 莫敢當夕」,此固有之, 邪説 句也。予正 疾 前人之以爲妾媵 不 進御于君,君豈 必謂見星往還,則 謂八十一 ,此鄭氏之邪説。 行 乎 可 貌 征行? 通 「襆被」之謂 三也。 若 衆妾各 幾許 一御女, 爲 以 不可 此 婦 景 渞 作 句

> 安見后 爲渾 爲美后妃之詩乎 委命之辭幾隣于怨,又安見下之感激而 息意耳,「寔 Ш ...厚。 굸 妃之「惠及下」乎! 若 或 命 息 謂 不 偃 衆妾作,則是乃其常分, 在 同」較「我從 牀」以見己之不 《小序》語。 事獨賢」稍 ·得寢 且

《小星》二章,章五 一句。

其後 也 江 有汜。 悔。本韻。○興而比也。下同 之子 歸,不 我 不 我

其後 也 江 一有渚。 處。 本韻 之子歸,不 我與。 不 我 與

其嘯 也 江 有沱。 歌。本韻 之子歸, 不 我 過。 不 我 過

年于國 年」,自宜 怨 ,嫡亦自 此篇《序》謂 而 不與偕行, 媵亦 嫡不 悔」是也。 與之偕行」。 嫡 <u></u> 不 《集傳》 以 。夫既 媵 何 怨 謂 備 數 ! 勝 有 媵 迨 其 無

四

及年而迎之,嫡亦何悔乎! 迂曲難通。

《江有汜》三章,章五句。

下同。批:倩甚。〕隔句叶。吉士誘本韻。之。賦也。批:倩甚。〕隔句叶。吉士誘本韻。之。賦也。野有死麕,白茅包之。有女懷春,〔旁

批:頓住妙。〕本韻。野有死鹿。白茅純束,有女如玉。〔旁野有死鹿。白茅純束,有女如玉。〔旁

也吠!〔旁批:錯互成文。〕本韻。 無使尨

説 總于「女懷春」、「吉士誘」及末章之辭皆 野人求昏而不能具禮,女氏拒之,偽傳。 **麕、死鹿之肉爲禮** 明德説。 尤無以見其貞意也。 稱 爲貞女不爲强暴所污、《集傳》。 何 不去,難以通解。 爲 「懷春」,男稱「吉士」? 男稱「吉士」,女稱「如 此 篇 亦謬。 若以 若以 爲 刺淫之詩、歐 而 來,毛、鄭説。及以爲 爲凶荒禮殺,以 若直以爲淫詩,季 且 玉 · . 末章之辭 陽 則何 氏 爲 死 女 則

者流耶?「 當束帛。 有」,以當儷皮。「白茅」,潔白之物,以 麢 帛必以制。 昏姻之詩。 也 、死鹿乃其山 總而 愚意此篇是山野之民相與及 所謂「吉士」者,其「赳赳武 論之:女懷、士誘,言及時也。 昏禮,贄用雁,不以死; 「林有樸樕」亦「中林」 景象 皮、帛、儷皮、束帛也。 中 射獵 所有,故曰「野 時爲 今死

經 論

其舒徐而無 不諱也歟? 女,言相當也。 使 说感、犬吠,亦情慾之感 定情之夕,女屬

三章「感」、「撼」同

章,詩人咏男。 章,詩人咏女。

三章,詩人述女之辭。

露,故難 此篇章法、句法皆覺兀突,意含不 解。

野有死屬》三章:二章章 应 句,一 章

下同 後倣 音居,不 何 曷不肅 彼穠矣? 尸遮反。 雝 後倣 ? 唐棣 隔句叶。 此。 之華。 本 韻。 王姬之車。 古音孚,不音 0 興 而 比 花 也。 古

句。]平王之孫,齊侯之子。 何彼穠矣? 華如桃李。〔旁批: 本韻 倒字

喻 。〕齊侯之子,平王之孫。 其釣 維何 ? 維 絲伊緡。 本韻 〔旁批: 奇

> 是,則 其娣宜 也。 娶太公望之女,謂之邑姜,則武王之女 此 秋 于東周,此不可也。」亦爲有見。 之地,則召南也。 與太公之子爲甥舅,恐不宜昏姻。 明白,不可以《書》例《詩》。 稱名亦時別。《詩》則凡稱人名皆顯 之説,固合于《春秋》,其主文王之説,不 章俊卿曰:「爲詩之時,則東周也,採 不通,不辨。按《周書》辭多詰曲,故 通者有三。説者曰,「平王」猶《書》 居多,亦可見人心之同然也。其主平王 寧王」。「平正之王」,「齊一之侯」,益 時 而 平王。 武王元女降陳胡公,若依媵禮, 非 此 爲東 彼。 篇或謂「平王」指文王,或謂 媵陳,不當又嫁齊。三也。 周之詩, 凡主一説者,必堅其 然愚按主春秋時平王説 于召 何以在二《南》乎? 南所得之詩 一也。武 即 而 列 則 然 其 是

《何彼穠矣》三章,章四句。

賦也。下同。〔旁批:短音。〕句。騶虞! 末句無韻,下同。○〔旁批:短音。〕句。騶虞! 末句無韻,下同。○

字兩音,謬甚。關虞!《集傳》以上「虞」音牙,下「虞」音五紅反。一關虞!《集傳》以上「虞」音牙,下「虞」音五紅反。一以茁者蓬,壹發五豵。本韻。于嗟乎,

也。 及 王曾騶虞之不若也。」●愚以爲不 句直歎騶 本之賈誼《禮篇》,曰:「騶者,天子之囿 上爲言,一 曰:「是即 騶囿」,「虞」爲「虞官」,其説 此。 虞」爲義獸,謬並 虞者, 《小序》謂 即 뾆 虞 以獸 真 何 無騶虞,尤是確證。 有 不食生物。 所謂騶虞矣。」實泥 可 之司 比 「《鵲 笑 君上,可乎 ! 同。 巢》之應」,毛 獸者也。」又《 歐陽氏 若此,乃是 歐陽氏 1 以「騶」 至 日 正。 獸比 必 集傳 而 刺 傳 爾 君 文 爲 射 以

> 此又一 七騶 論 雞斯之乘,以獻于紂」,以騶虞 南子》謂「文王囚羑里,散宜 天子掌鳥獸官。又不知然 御,六騶屬焉」,則别以 氏据《説文》,以「騶」爲「廐」,引《月令》 亦足證之。 東方朔呼異獸爲「騶牙」、《山 有梁翳,天子之田也」,説者直以騶虞爲 義》云「天子以《騶虞》爲 騶吾」,皆不必援引以證,徒滋紛紛之 咸駕」及《左傳》使「程鄭爲乘馬 騶,鄒,古字通。 説。 未知孰是。《魯詩傳》云「古 但騶之爲 僞傳以爲姓鄒,尤謬。 有 りりり 節, 此 否。 樂官 爲一 生 騶御之官。 海經》有 爲 若夫《淮 得騶虞、 説 備 馬名。 也 嚴

若爲美文王仁心之至,一發五豝,何以此爲詩人美騶虞之官克稱其職也。

0

作「騶」。今據改。《詩本義》文,影印文淵閣四庫全書本《詩本義》卷二《騎本義》文,影印文淵閣四庫全書本《詩本義》卷二

見其 既不用騶虞爲獸之説,即上爲美文王, 爲文王之詩,其始終窒礙難通如此。且 下呼騶虞之官而歎美之,義亦兩截,不 美騶虞之官爲一串矣。 心之至耶 之,以二《南》皆

矢之謂。乘矢爲四。 中三,一矢疊雙,爲五。」無論一發非乘 傳》謂:「中必疊雙,是爲 豝以待公之發」,此亦同賈誼文,謂「 物命,益何以見其仁矣! 五豝以待君之一發,不盡物命」也。《 豕」,必誤。「一發五豝」,毛傳謂「翼五 豝」、《釋獸》「牝豕」、《集傳》謂「牡 若然,則尤巧射侈 四矢;其三 集 取 矢

若是,則殺之雖多亦可矣。 豕 也」,以豝、豵爲田 豐道生引《郊特牲》「迎虎,謂其食 豕, 害稼之獸。 此 别 説,

田

《騶虞》二章,章三句。

賦

也。

侮

不

少。

静

言思

之,

寤辟

有

摽。

本

韻。

0

邶

新安首源 城 寶珊王為校訂 姚 際 恒著

有 也。 隱 汎 彼 柏 微我無酒 舟,亦 汎其流。 ,以敖以遊。 耿 耿不 本韻。 寐, 〇比 如 而

賦

愬 前 ,逢彼之怒。本韻。 後錯綜。〕亦有兄弟,不可 我心匪鑒,不可 以茹。 ○賦也。 〔旁批 以據。 三「匪」 薄言往

可 卷也 憂心 我 心匪石,不可轉 悄悄, 愠于群小。 威儀棣棣 不可選本韻。 也。 覯閔既多,受 我 心匪 也。 席,不 賦 也。

詩

經通論卷三

不能 匪 澣 奮飛。本韻。○比而賦也。 衣 日居月諸,胡 (旁批 仍用「匪」字。〕静言思之, 迭而 微? 心之憂矣,如

若然, 姜作。 于小人 君而 未 豈目淫爲貞乎!」或因是疑有兩宣 此 序》以衛頃公實之、未可信。既知 取其通俗易曉,故其 之意,特因燕尾垂涎,輯閨 頃公,亦當知「仁人」爲何人矣,奚 劉向 以 《小序》謂「仁而不遇」,近是。《 孔子當之。 不知臣乎 上封事、論恭、顯傾陷正人,引是 何不聞有 何得取以釋《詩》! 鄒肇敏曰:「宣姜之不淑甚矣,向 之作,故孟子因「不理于口」, ! 兩 劉向《列女傳》謂 大抵此詩是賢 宣公乎? 原向 書麗 而 範 馬 無擇,泛 以示諷 貴與 者 作 衛宣 姜 曰 受 爲 爲 諭, 而 傳 引 知 大 衛

三九

觀其 遊」、「威儀棣棣」、尤皆男子語。 無 其淺近者言,篇中無一 説 仍謂衛之仁人作。其周章無定,亦可想 人作,又以爲莊姜作。 也。《集傳》既從《列女傳》之説,以爲 是,孟子引婦人詩以言孔子,亦大不倫。 《成群,亦足愠也』,此正合《序》意。 獨 劉向 『憂心悄悄 (以太王詩言文王,其相倫近 語像婦人語。若夫「飲酒」、「敖 不可信乎!」愚按此説是。 也、《列女傳》之説可信、封事之 " 愠于群小」,而 及其註《孟子 語涉夫婦事, 繼 之日『小 然即以 可證 如 亦

柏 舟者,取其堅也 章「柏舟」,自喻 也。 舟不必柏 ; 言

云『石雖堅,尚可轉; 其曰: 『我心匪 二章「我心匪鑒」 二句, 石四四 席雖平,尚可卷」 歐 句、毛、鄭 陽氏之解 解

> 説。 也。」《集傳》曰「言我心匪 能兼容,是以見嫉于衛之群小 善惡皆納,善者納之,惡者不納,以其不 其景。詩人謂衛之仁人其心匪鑒,不能 之于物,納景在内,凡物不擇妍媸,皆納 者,其失在于以『茹』爲『度』也。 反其義,以 心匪鑒,故不可茹,文理易明。 席,故不 者,其意 剛亦不吐,柔亦不茹。」茹,納也。蓋 故録歐陽之説,則其非自見。後做此 可 謂 轉、卷也。 爲『鑒不可茹,而我 石、 席 可 轉、 然則 鑒而不能度物 卷, 鑒 我 口 心 以 心可茹」 而 而 詩曰: 毛、鄭 , 茹, 我 匪 依鄭 石 遇 鑒 氏

書》『算』作『選』,故『不可選』,當爲 終費解。 算」。」此説存之。 《論語》『斗筲之人,何足算也』,《 三章「選」字未詳。 何玄子曰:「古字『選」、『算』通 解者謂 簡 漢

五章「日月」二句,鄭氏謂 一君道 當常

謂 明 濯其衣,言處亂君之朝,與小人同列 也。」亦迂。嚴氏曰:「我心之憂,如不澣 之食甚明。今詩言與彼章同,謂日、 傳》本之,而以言婦人。歐陽氏謂「傷 不明之意。「如匪澣衣」有二説,蘇 胡爲更迭而微,以喻衛之君、臣皆昏 日 八大臣 5垢含辱如此。] 此説爲是。 朘月削」,亦牽强。 如日,而月有盈虧。今君失道而 「憂不去于心,如衣垢之不澣不忘 「彼月而微,此 專恣,其日如月」,甚迂折。 日而微。」●言日、 按《十月之交》 任 了,其 氏 月 月 衛 而

《柏舟》五章,章六句。

心之憂隔句叶。矣,曷維其已! 本韻。○此而紀兮衣兮,緑衣黄裏。〔旁批:妙喻。〕

緑兮衣兮、緑衣黄裳。心之憂矣、曷

賦

也。下同。

維其亡! 本韻。

絲。〕我思古人,俾無訧本韻。兮。 緑兮絲兮,女所治兮。〔旁批:由緑及

締兮給兮,凄其以風。
(旁批:

由絲及

《小序》謂「莊姜傷己」。按《左絺綌。〕我思古人,實獲我心、。 通韻。

傳》: 何 篇 非婦人語而以爲婦人,又以爲莊姜。 姑從《序》説。下三篇同。」夫《柏舟》篇 姜作,宜也。《集傳》曰:「此詩無所考, 氣,又皆怨而不怒,是爲賢婦;則以爲莊 惡之。」詳味自此至後數篇,皆婦人語 人之子也,有寵而好兵。公弗禁,莊姜 郭? 「衛莊姜美而 姜固 無 口 無子。 疑,而反作疑 公子州吁

二章説《詩》定不可泥。如此篇,只

■「此」,原誤作「彼」,今據《毛詩正義》卷十二之二《十

經 論

緑 裹:喻妾爲正 之言例之,以爲上下倒置,較黄裹爲甚, 在其中。 上其黄裳,取協韻,而正嫡不分之意自 衣黄裳」不必與上章分淺深,仍主緑 後可,然則「黄衣緑裳」出何經傳 未免義礙。且如其言,必「黄衣緑裳」 黄裳」,若必依《玉藻》「衣正色,裳間色」 可爲裳,即《儀禮 間 上 色,不可爲 按《易》曰「黄裳元吉」,則黄本 主, 其 而 嫡 意 (衣,黄,正色,不可爲 士冠禮》亦曰「玄裳、 爲側之意。 在 緑 衣 此章「 喻 耶 妾 也 而 衣 緑

黄、可以黑」之意。此章不言「黄」而 而 句全是怨辭而 言「緑」,予謂只重緑衣,亦可見矣。 成此緑也? 也,前此素潔之時,汝之所治,何爲 追思及絲。 三章「緑兮絲兮」,謂此緑也,本絲 猶墨子悲絲,謂 此種 不露意,若無端怨及于緑 情 理,最 爲 其 微妙,令 可可 而 專 以 染

> 艾也? 絲,而女又治之,以比妾方少艾而 嬖之。」不惟執泥 指,皆味如嚼蠟矣。 安知此妾爲少艾,又安知莊姜之亦 人,或謂指 可 思 可笑也! 而 難 君子,或 以 言。 牽纏,絕無 謂指妾,或 《集傳》曰:「緑 「女」字泛 文理,且 謂 指 莊 治 非少 女 姜自 方 絲 亦 爲 又

言「絲」,又從「絲」言「絲綌」,似乎無 無緒,卻又若斷若連,最足令人尋繹。 緑衣》四章,章四句。 先從「緑衣」言「黄裏」,又從「緑衣」 頭

叶。 ○興而比也。 遠送于野。 燕燕于飛,差 瞻望弗及, 泣涕如 池 其 羽。 之子 雨

以泣。本韻。○興而比也 子于歸,遠于將本韻。 燕燕于飛,頡之頑之。 瞻望弗及,佇立 〔旁批:變。〕之

之子于歸,遠送于南。 本韻。 燕燕于飛,下上其音。 〇興而比也 瞻望弗及,實勞我 〔旁批:又變。〕

慎其 (身。 仲氏任只,其心塞淵。 先君之思,以最寡人。本韻。〇 終温且惠, 淑

知歸 歸。莊姜養其子,與之相善,故作此詩。 陳,曰厲嬀,生孝伯,早死。其娣戴嬀, 得臣之妹,曰莊姜,美而無子。 子之殺故歸,莊姜養其子,同傷桓公之 非莊姜所當送歸,明桓公死後,其母見 公薨矣。桓公之時,母不當輒歸,雖 殺桓公,由是其子見殺,故戴嬀于是大 生桓公,莊姜以爲己子。」四年春,州吁 「隱三年《左傳》曰:『衛莊公娶于齊東宫 ,故泣涕而送之也。」孔疏此事甚詳, 是戴嬀者,經云『先君之思』,則莊 《序》謂「莊姜送歸妾」。孔氏 又娶于 日

故録之。

説。 皆非也。『差池其羽』,專以尾言,燕尾 見,而 禮文求之。』此説亦通。 辭,因謂莊姜爲 不出門,詩人所謂「送于野」者,不必 故以『燕燕』爲兩燕及曲爲重言之説者, 若夫單言『燕』者,乃鳥也、《釋鳥》曰 雙歧如剪,故曰『差池』,不必溺兩 蛩蛩、猩猩、狒狒之類,近古之書凡三 以其雙飛往來,遂以雙聲名之,若周周、 涎涎。』按鳦鳥本名『燕燕』,不名『燕』, 燕,白脰鳥」可据,孔鮒亦謂之『燕鳥』。 燕燕, 鳦。」又《漢書》童謡云:『燕燕尾 野,則杜撰可恨。」 『遠送于野』,黄實夫曰:『婦人 適合此經及《爾雅》、《漢書》是也。 炳《識名解 州吁 所逐,亦歸,故同 ₩ E 若僞説執 釋鳥》 燕之 泥 迎 日 送 其 以

二章姪炳曰:「毛傳曰:『飛 而上 曰

衛

也。 也。 毛氏据下章『下上』以釋此,未確 引吭高飛之意,如戴 項頸上向也。』然則 飛 何玄子曰: 頑,舊説 而 頏 同『亢』、《釋 _ 『鳥高 此 按 嬀涕泣 亦當以孤燕言,有 説 飛 文》 直上 .鳥 而長往也。 · 曰『鳥 ,故見其 頡 直 項

音』,雄雉一也,豈亦雙乎 下其音,然則《雄 必從飛論音,亦非也。 『高下其手』之意。 上音,飛而下曰 低昂』訓,以 三章姪炳曰:「毛傳曰:『飛而 之輕 下音。』按『上下』當作 雉》 毛傳實泥『上下』字, 重、疾徐言, 章 或以 日 雙燕飛 『上下其 而 E 上 日

日 居 月 能 昭 有定,寧不我 臨 下土。 乃如之人兮, 顧 本 韻

燕燕》四章,章六句。

一而比

也。

下

同

德音無 我不 逝 序》謂 不贅。 不 卒! 相 日 日 日 居 良 居 好 此 居 「遭州吁之難」,前人已駁,兹 ! 篇與下篇皆莊公在時之詩。 月諸,東方自出。 月諸,出 月 胡能有定,報我不述! 胡能有定,俾也可忘 胡 下, 能有定,寧不 自東 土 是 方。 冒 我 乃 父兮母兮,畜 報 如之人兮, 如 之人 本韻。 本韻。 本韻。 令大

義晦。 有定乎 《集傳》謂「呼日、月而訴之」,甚迂。 非。「俾也可忘」,接「有定」言,謂胡能 曰:「言 云 「其德不良」耳。《集傳》作兩平解, 三章「德音無良」,「音」字不必泥,猶 ! 何 則使我可忘其憂矣。 使我 爲可忘者 耶?」語

日月》四章,章六句。

四 四

章舊

解「日、月」爲喻

君與夫

:承「笑」字。〕中心是悼。本韻。○比而賦終風且暴,顧我則笑。 謔浪笑敖,〔旁

也。下同。 批:承「笑」字。〕中心是悼。本韻。〇比而

批:承「來」字。〕悠悠我思。本韻。終風且霾,惠然肯來。 莫往莫來,〔旁

川遠。 片景。 然風且曀,不日有曀。 寤言不寐,願

言則嚏。本韻。

懷。本韻。 虺其雷。〔旁批:陪句。〕寤言不寐,願言則 禮曀其陰,〔旁批:承上兩「曀」字。〕虺

説見上。

莫來」,意謂其來也,亦無有定,乃莫往而笑者哉!「惠然肯來」,亦起下「莫往但皆出于戲慢之意。」用「然」字起,又用但皆出于戲慢之意。」用「然」字起,又用也。《集傳》曰:「然亦有顧我而笑之時,也。《集傳》曰:「然亦有顧我而笑之時,也。《集傳》曰:「然亦有顧我而笑之時,也。《集傳》曰:「然亦有顧我而笑之時,也。《集傳》曰:「然亦有顧我而笑之時,也。《集傳》曰:「然亦有顧我則笑」,即起下「謔浪笑

莫來也。

《終風》四章,章四句。

獨南行。本韻。○賦也。下同。 擊鼓其鏜,踊躍用兵。 土國城漕,我

心有忡。本韻。 從孫子仲,平陳與宋。不我以歸,憂

于林之下。〔旁批:懈散之况可掬。〕本韻。爰居爰處,爰喪其馬。于以求之?

手,與子偕老。本韻。

死生契闊,與子成説。本韻。執子之

兮、〔旁批:陪。〕不我信音申、本韻。兮! 于嗟濶兮,不我活本韻。兮! 于嗟洵

除君害、君爲主、敝邑以賦與陳、蔡從、侯以和其民,使告于宋曰:『君若伐鄭以吁立、將修先君之怨于鄭、而求寵于諸年州吁伐鄭之事實之、《左傳》曰:「衛州年州吁伐鄭之事實之、《左傳》曰:「衛州

四五

갣

六

宋? 時以 鄭。 之「平陳與宋者」。 主、客無分? 亦以 則 門,五日而還」,可謂至速矣。 經何以云 隱四年夏,衛伐鄭,《左傳》云「圍 之,即伐也。若是乃伐陳、宋矣。 遺蔡? 三也。未有同 公以廬于曹。❶「漕」同。 與「死生莫保」之嘆乎? 絶不相類,五 方中》詩,文公始徙楚丘,「升虚望楚」。 (左傳))曰: 不我以歸」,及爲此「居、處、喪馬」之辭 睦 衛 閔二年,衛懿公爲狄所滅,宋立 是也。 睦衛而助之,何爲以陳、宋並言, 伐鄭爲主,經何以不言 或 于 之 衛 也。 願 「諸侯城衛楚丘之郛。」《定之 故宋人、陳侯、蔡人、衛人伐 按此 也。」宋人許之。 又衛本要宋伐 二也。 事 。平者,因其 與經不合者六。 且何以 陳、宋伐鄭 其後僖 鄭,而 鄭,而言陳、 于是陳、 但言 十二 亂 陳、蔡 四也。 其 而 陳 而 年 戴 東 平 謂 而

> 乎? 城,即 遠,皆 處 毛、 傳》爲誤也 無怪乎季明德求其説而不得,又以《左 不合,直是無可 不合如此,而千餘年以來,人亦必 也,其 鄭 六也。 楚丘 謂 在 非城明矣。 河 升 漕 南。 亦未城,安得有「城漕」之語 鄭氏屈經以就己説,種 墟 奈何,只得且依他説耳。 夫《左傳》曰「廬」者,野 望 州吁之時不獨漕 楚丘 0 楚 丘 與 知其 漕 種 不

伐陳,衛人救陳」。《左傳》曰:「晉原穀 狄滅,亦衛穆公時。 于宣公之年,此正宣公時事。《旄丘》,黎爲 以《陳風》之《株林》爲据。 怨之而作此詩也。 宋所伐,平陳、宋之難,數興軍 按此乃衛穆公背清丘之盟救陳,爲 《春秋》宣十二年,「宋師 舊謂《詩》下迄陳靈 考陳靈 旅,其下

于」,原誤作「干」,今據《左傳》閔公二年文改。

伐 救之,不討貳也。」故曰「不實」。 孔達曰: 『先君 也。」又曰:「宋爲盟故,伐陳,衛人救之。 其父若子否也? 夫,良夫之子文子林父。 故曰「我 之,故曰「平陳與宋」。 軍士怨之以作此詩。 無名,輕犯大國致釁,兵端相尋不已,故 求免焉。 于是晉以衛之救陳討 惟宋可以免焉。』」杜註曰:「宋伐陳,衛 則死之。」」又曰:「君子曰:『清丘之盟, 恒 宋華椒、衛孔達、曹人同盟于清丘,❶ 所惡,出奔。 陳,討貳也。背盟之罪,惟宋可免。 于國, 病、討貳」。 獨南行」。 林父嗣爲 揆此,穆公之背盟争搆,師 所云「孫子仲」者,不知 有約言焉,若大國討,我 于是卿不 若城漕之事,他經傳 卿,穆公亡後爲定公 其時衛有孫 因陳、宋之争而平 衛,衛遂殺孔達以 陳、宋在衛之南, 良夫爲大夫, 書,不 其言宋 桓子良 實 其 即 出

> 此 無 觀之,而穆公之好兵役衆蓋可見矣。 事,亦約略當在穆公時。 見。 時始城漕耳。 穆公爲文公孫,或因楚丘既城, 則城漕自是城楚丘後 合「土國」之事

「土國」句。「踊躍用兵」,喚「南行」句。 擊鼓》五章,章四句。 章「擊鼓」,擊鼛鼓以役衆也, 唤

夭,母氏劬勞! 凱 風自南,吹彼 ❷ 本韻。○興而 棘 心。 比 本 也。 韻。 棘 心 夭

上章爲比,此章爲興,非。 無令人! 凱風自南,吹彼棘 本韻。 四韻變上。○興而比也。《集傳》以 薪。 母氏 聖善, 我

有子七人,母氏勞苦! 爰有寒泉、〔旁批: 本韻。 喻雅。〕 ○興也。 在浚之下。 下同

² 0 穀」,原誤作「穀」,今據《左傳》宣公十二年文改

改。 ·氏」,原誤作「使」,今據阮刻本《毛詩正義》卷二之二

迪

睍睆黄鳥、〔旁批:喻雅。〕載好其音。

《小序》謂「美孝子」。此孝子自作,有子七人,莫慰母心! 本韻。

過小。 之過矣。 若子闕奉養而 怒,要是杜撰。 得爲「小過」,因以爲子闕奉養而 室家」是也。季明德疑之,以爲若是,豈 豈他人作乎!《大序》謂「母不能安其 大」而言。 小序》謂「美孝子」。 過小云者,較《小弁》「親之過 古婦人改適亦爲常事,故 母憤怒,乃子之過, 按孟子曰「親之過 。此孝子自作 非親 小小, 母 日

與下「好音」複。牛」是也。《集傳》以「睆睍」爲聲非,且牛」是也。《集傳》以「睆睍」爲聲非,且視也。睆,亦目視貌,《大車》「睆彼牽视也。睆,亦目視貌,《出目也」,一曰好四章「睍」,《説文》「出目也」,一曰好

《凱風》四章,章四句。

雄雉于飛,泄泄其羽。我之懷矣,自

貽伊阻本韻。○興也

勞我心! 本韻。○興也。 雄雉于飛,下上其音。 展矣君子,實

云能來! 本韻。○賦也。下同。〔旁批:贍彼日月,悠悠我思。道之云遠,曷

名言。」

求,何用不臧!本韻。 百爾君子,不知德行。如字。不忮不

子」難通。故不敢强説此詩也。接此意于上三章可通,于末章「百爾君意。《集傳》則謂「婦人思夫從役于外」,「淫亂不恤國事」,按篇中無刺譏淫亂之「淫亂不恤國事」,按篇中無刺譏淫亂之

《雄雉》四章,章四句。

淺則揭。本韻。○比也。 匏有苦葉,濟有深涉。本韻。深則

有瀰濟盈,有鷕雉鳴。本韻。濟盈不濡

四八

軌,雉鳴求其牡。本韻。○比也。

冰 未泮。 雝 本韻。 鳴 雁 ○賦也。 旭 日 始 旦。 士 如 歸 妻, 迨

須 我 友。 招招 本韻。 舟子, 〇比 人涉 也。 印 否。 人涉 印 否 , 印

非。 刺。 謂 與《序》異,不知即《序》旨耳。 淫亂」。」《集傳》但以爲刺淫亂之詩,欲 姜之所爲,明是夷姜求宣公,故云『並 伋子,但爲公所要,故有『魚網鴻離』之 盈」二句,明是刺辭 「公與夫人並爲 夷 姜,亦是。 《小序》謂「刺衛 此責夫人,云『雉鳴求其牡』,非 孔氏曰:「知非宣姜者,以宣姜本 淫 或連 亂」,其説可從。 且 夷姜、宣姜並言, 宣公」、《大序》 並刺婦 人也。 爲 官 適 謂

説也。鄭執《周禮》「仲春令會男女」,故采、請期,迨冰未泮之時。」此本鄭氏謬三章《集傳》曰:「歸妻以冰泮,而納

昏矣。 可恨乎 冰泮殺内」,正解此詩 前,不逾冬期。若冰泮則涉二月,不可 之時,故云「迨冰未泮」,猶是正月中以 世有此解經者否? 妻,迨冰泮,如納采、請期,迨冰未泮 未泮」爲 謂冰泮正是仲春,可 如歸妻,迨冰未泮」,而 《荀子 請期。《集傳》加 古人行嫁娶必于秋、冬農隙 ·大略篇》云「霜降迎女, 以 改經以就己說,不 語 「納采」。 爲昏, 也 解者則謂 而 按詩 以「迨 如如 明云 冰

蛛絲馬跡,尤妙。三章、四章其義雖別,仍帶涉冰爲説,如三章、四章其義雖別,仍帶涉冰爲説,如四章各自立義,不爲連類之辭。而

《匏有苦葉》四章,章四句。

風、 怒。本韻。 谷風。〕以陰以 習習谷風、「旁批: 采葑采菲,無以下 雨。 鄰 黽 勉 同心,不宜 詩 體。 有終風、 莫 有 凱

違,及爾同死。本韻。○比而賦也。

送 我 ,如兄如弟。 道遲遲,中心 誰 謂 本韻。 茶苦,其 〇賦而比 有違。 甘 如 也 不遠 伊邇, 新 薄

不閱,遑恤我後。本韻。○比而賦也。 我屑以。本韻。毋逝我梁,毋發我笱。我躬我屑以。本韻。毋逝我梁,毋發我笱。我躬

喪,匍匐救本韻。之。此而賦也。 之游之。何有何亡,黽勉求之。凡民有之游之。何有何亡,黽勉求之。凡民有就其深矣,方之舟之。就其淺矣,泳

既生既育,比予于毒。本韻。○賦也。 賈用不售。本韻。昔育恐育鞠,及爾顛覆。 不我能慉,反以我爲讎。既阻我德,

昔者,伊余來塈。本韻。○比而賦也。 我御窮。本韻。有洸有潰,既詒我肄。不念我有旨蓄,亦以御冬。 宴爾新昏,以

風,大風也,《柔桑》詩「大風有隧,有空大谷」。 一章「谷風」,嚴氏曰:「來自大谷之

如賓。 實相 也。」」又《坊記》言「君子不盡 祗,兄不友,弟不共,不相及也。」《詩》 使過冀,見冀缺 葑」二句,《左傳》僖三十三年··「晉白 按,首二句正唤下「怒」字,嚴説是。「采 以『谷』爲『穀」,固已不安,又『習習』爲 怒無休息也。 曰:「采葑采菲,無以下體。」君取節焉 殛鯀,其舉也興 曰:"【其父有罪,可乎?』曰:"舜之罪也 木萎死,非生長 頹」,『頹」,暴風也,非和調也,三章言草 和調、《小雅・谷風》二章言『維風 意,所謂『 盛怒之風 終風』也。 以濟。《康誥》曰:「父不慈,子不 與之歸,言諸文公,請用之。 也 曀曀其陰』也。皆喻其夫之暴 0 又陰又 又習習然連續 舊説,谷風爲生長之風, 馬。 也。其説不可通矣。」 耨,其妻饁之,敬,相待 管敬仲,桓之賊也, 雨,無清 不 明開 絶, 利 霽之 所 遺 口 季 愚 及 謂

音莫違,及爾同死」也。 更奢于色也。故言「我昔者本望爾之德節,不可盡利,猶之男子惟當取妻,不可「下體」喻新昏者,謂采葑、菲者只可取「下體」喻新昏者,謂采葑、菲者只可取民」,引此二句。揆此,「下體」爲根。民」,引此二句。揆此,「下體」爲根。

我屑以」,倒字句也。既去而恩在室之不以我爲潔乎! 應取喻渭清意。「不沚固已湜湜然清見底矣,奈何因新昏而己,謂涇誣以渭爲濁,渭何嘗濁哉! 其己,謂涇誣以渭爲濁,渭何嘗濁哉! 其

「毋逝」二句爲比,非。數于門中」,不閱,謂不在門中也。舊以要恤我已去之後哉!「閱」、《説文》「取毋發。既又思之,我躬且不閱矣,遑暇毋發。既又思之,我躬且不閱矣,遑暇梁與笱,係我平日所取魚者,欲人毋逝、

有亡一例平説,非。舟」、「泳」、「游」、喻「勉求」。舊以深淺、舟」、「泳」、「游」、喻「鬼求」。舊以深淺、

人有子則不出。 五章「育」字、「生」字皆言生子,古婦

謂「豈不念昔者我始來止息之時耶」?「怒」字。「不念昔者」二句,承上直下,一、章「洸潰」,舊謂怒意,是應首章

《終風》六章,章八句。

爲乎中露? 本韻。○賦也。下同。 式微式微,胡不歸? 本韻。微君之故,

胡

式微式微,胡不歸? 微君之躬,胡爲

五二

乎泥中? 本韻。

矣,將安歸乎?歸」。《集傳》增「失國」二字。既失國婦」。《集傳》增「失國」二字。既失國婦人內序》謂「黎侯寄于衛,其臣勸以

應訓「非」。更詳之。然据下句「胡爲」語氣,則上句「微」字又分所當然,非臣子所宜言,亦似有理。訓,謂衛微之。若訓「非」,則主憂臣辱,訓,謂衛微之。若訓「非」,則主憂臣辱,

《式微》二章,章四句。

望人情景如畫。〕賦也。 〔旁批:自問自答,也? 必有以本韻。也。〔旁批:自問自答,何其處也? 必有與本韻。也。何其久

所與同。本韻。○賦也。 狐裘蒙茸,匪車不東。叔兮伯兮,靡

褎

世。『誕』與『覃』通,猶『葛覃』之『覃」 無義。『誕』與『覃』通,猶『葛覃』之『覃』 也、《書》之『誕」從『延』,有延長意。詩 賈,延也。『誕』從『延』,有延長意。詩 章,延也。『誕」從『延」,有延長意。詩 一之伯、叔同處一地,乃多日而不相恤,何 之伯、叔同處一地,乃多日而不相恤,何 之伯、叔同處一地,乃多日而不相恤,何 之伯、叔同處一地,乃多日而不相恤,何 之。『誕』與『覃』通,猶『葛覃』之『覃』 也。』此説存之。

二章「與」,與我伐狄也。能左右之,

曰「以」。

四章「瑣尾」,細微意。「流離」,毛傳衛西,故言非我君之車不東來于衛。如衛西,故言非我君之車不東來于衛。如此解,自直捷。或謂黎寓衛東,言非衛此解,自直捷。或謂黎寓衛東,言非衛。如

貌。 流離 謂 首。」師古註曰: 一字似鮮著落 笑貌」,謬。 鳥 曹氏漢 ,未詳。「褎」,當從毛傳, 若以「流 策 離 曰:「今大夫褎 而《釋鳥》 褎然,盛服貌。」鄭 爲漂散 意 但有鶹 則 然 謂 一之子 鷅, 氏 盛 謂 舉 服 無

《旄丘》四章,章四句。

在前上處。本韻。〇賦也。 簡兮簡兮,方將《萬》舞。 日之方中,

執轡如組。本韻。〇賦也。 碩人俣俣,公庭《萬》舞。 有力如虎,

言錫爵。本韻。○賦也。 左手執籥,右手秉翟。赫如濕赭,公

批 美 也 重 Ш 彼美人兮,西方之人本韻。 有 榛, 上 兀 隰有苓。 句 倒作二句,神味 云 誰之 思? 兮 ! 無 窮。 西 方

> 不去。 者乎? 爲 賢,自必見用也。《集傳》謂 以 恭」。二章謂 言,皆不似。一章「簡」字以 之人矜誇不恭 三章謂「亦玩世不恭之意」。 卑賤之職 當時賢者 小 序》謂 詩中「 爲 而 「自譽其才之無所 ,亦何足爲賢而乃謂 刺不 伶官,故 終思 碩 人」爲 用賢」,似 西 費 周 美美 盛 此詩 若然, 自 爲「簡 王 稱 可 不 如 腎 從 尤 備 如 易 者 此 歎 此 不 其

干 謂 十八年: 奕」,則其 六」是也。《萬》舞、《商頌》曰 方將《萬》舞,故先分别舞人,如「諸 于其宫側 爲武舞,羽爲文舞,兼文、武言。 「干舞」,則單指武 章「簡」、《説 「楚令尹子元欲蠱文夫人 名已久。毛傳謂 而 振《萬》焉。 文》「分别 舞。 按《左傳》莊 夫人聞之,泣 一干、羽」, 「《萬》 之 也。 鄭 舞 侯 氏 按 有 用

謂「二月日夜中」也,亦通。《月令》「仲春之月,命樂正習舞入學」,《萬》舞爲武舞矣。「日之方中」,孔氏引曰:『先君以是舞也,習戎備也。』」足證曰:『先君以是舞也,習戎備也。』」足證

舞」,而以「有力如虎」二句承之,正狀其備」,則此是言文舞。上章言「公庭《萬》指公,非。下「公言錫爵」別稱公矣。

武與?

不 謂 美,亦稱美人。 之人,猶聖人、彦士之稱,後世以婦人色 周 下「美人」謂 人』,託言以指西周之盛王,如《離騷》亦 三者。 必 物 鑿 生各得其所,以 四章「山榛」、「隰苓」,亦當依舊 解。 鄭氏以上「美人」爲周室之賢, 「西方」,西周。「美人」,西 碩人,非也。美人者,美德 《集傳》曰:「『西方美 誳 賢者 處非其位, 解,

「美人之貽」,謂美其人之貽也。婦人指君,可謂循流而忘源矣。《静女》篇以美人目其君也。」徇後世之説,反謂以

句。從《集傳》。《簡兮》四章:三章章四句。一章六

出也。出本思。變彼諸姬、聊與之謀。本韻。○興而以表水、亦流于淇。有懷于衛、靡

批: 父母、兄弟。 《左傳》謂有禮。〕本韻。 出 出宿于涕,飲餞于禰。女子有行, 宿于干,飲餞于言。 問 我諸 姑,遂及伯 ○賦也。 本韻。 下同 姊。 載 脂 ′ 旁 載 埭

辦」而知之也。諸侯娶妻,嫡長有以姪、牽,還車言邁。 遄臻于衛,不瑕有害。本韻。 我思肥泉,兹之永歎。本韻。思須與 我思肥泉,兹之永歎。本韻。思須與 我思肥泉,兹之永歎。本韻。 北衛女媵于諸侯,思歸寧而不得之 此衛女媵于諸侯,思歸寧而不得之 。 遇寶

娣 娣 從 ,故欲歸 也 此 時 寧不 宫中有爲 姑 得, 則 爲 與之謀而問之也 之姑 姪 也 者,有爲之 稱 則

作。 陽諸 夫人 馳 貌 姬 字引《説文》訓「慕」,按《説文》訓「 其曰:「諸姬,周同姓之國也,左氏曰『漢 數處,皆明點事實,加以《左傳》曰「許 變彼 訓 語 , 馳》篇 爲許穆夫人不能救 、賦《載 É 其言似 姬,楚實盡之」。」是已。 亦牽强 可 何玄子以 諸姬」,次章之「諸 以《詩》言之,本風 慕」,未 證 「許人尤之」,曰「控于大邦 据。 曰「歸 馳 整 整 》」,皆確 此篇及《竹竿》一例 况 可 何 唁衛 据。 「孌」字正 氏所 可 信,故 侯」, 然 證 取 衛,思控 即 也 一静 姑、 證 義 云 曰 録 伯 然于「 女 實 「慕 此 「言至 而 姊 其 爲 首 篇 他國之 辨之。 與《 章 順 彼 則 也。 載 無 穆 凡 于

求其 通 謀 糊 也。 定其 姬外 在 衛姬是也。」此 王 《左傳》 (竹竿) 曹風 |姬,内嬖如夫人者六人,自長、少二 許 臆 」,云「問 孌季 一,尚有 「此『諸 人之信從乎 測,未 『伯姊』, 姬,言穆姬望救 宫中相隔遼遠之甚,何云「聊與之 輩次,故 大抵《載馳》篇爲許穆夫 凡 * 既 以 亦惟言此,不及他篇也。 夫人嫁必有媵。 女逝 婉 無 實 我」,云「遂及」 能了然。 鄭 兮孌兮, 姑」、『伯姊 演證 之, 則 姬 兮」,皆屬 但 説 穆姬之長姊齊子,即 、密姬,皆衛 ! 在作者 以 ,不如且還他空說。 于「諸姑、伯姊」皆屬模 尊行 季 説《詩》者宜知 且. 于 女 齊。 」,指齊桓 女言 非不 齊桓宫中之人, 稱 即 斯 乎? 之日『諸 如 飢 桓公夫人 可 自快, 人 同姓,不 何 證 作無疑, 氏 此篇 公宫 也 小 此 贵 可 與 衛 能 衛 日 必 又

五五五

不敢附會,又以來後人之指摘耳。姪、娣中豈無人乎? 然終以詩無實證,媵賦《泉水》,奚不可者? 嫡長有人,之媵所賦乎? 許穆夫人賦《載馳》,其侯失國之事言之,安知此詩非許穆夫人

也。衛女、姬姓、故曰諸姬。
「章「諸姬」即下章之「諸姑、伯姊」

也」,绝不可曉。也」,是此章曰「諸姑、伯姊,即所謂諸姬地」,《集傳》于上章曰「諸姬,謂姪、娣姊」。《集傳》于上章曰「諸姬,謂姪、娣姊」。《集傳》于上章曰「諸姬」,即此「諸姑、伯

四章寫、「瀉」通、輸洩之意。傳》又謂「瑕」即「何」、皆難信。過而有害也。鄭氏以「害」訓「何」、《集三章「不瑕有害」,謂我之歸不爲瑕

出自北門,憂心殷殷。終窶且貧,莫

泉水》四章,章六句。

哉!「哉」、「之」本韻。○賦也。下同。知我艱。本韻。已焉哉,天實爲之,謂之何

王事敦我,政事一埤遺我。我入自之,謂之何哉! 人意人交徧謫本韻。我。已焉哉,天實爲外,室人交徧謫本韻。我。已焉哉,天實爲

之,謂之何哉!
外,室人交徧摧本韻我。已焉哉,天實爲外,室人交徧摧本韻我。已焉哉,天實爲

貧無禮,故先見于屋室。」」也」。徐鍇云:『階、阼升降,所以行禮。一章何玄子曰:「窶、《説文》『無禮居

擠也」,猶云「排擠」。 三章「敦」,敦迫也。「摧」,《説文》

《北門》三章,章七句。

手同 且 ! 行。 北風 本韻。 其凉,雨雪其雾。 如字。 〇比而賦也。 本韻。 下同 其 虚 其 邪,既 而 好 我,

手同歸。本韻。其虚其邪,既亟只且!北風其喈,雨雪其霏。惠而好我,攜

車。本韻。其虚其邪,既亟只且!峭,聽其不可解,亦妙。〕惠而好我,攜手同莫赤匪狐,莫黑匪烏。〔旁批:變得崚

百姓。 此篇自是賢者見幾之作,不必説及

或云,北方賤者亦乘車也。 《無傳》云:「『同行』、『同歸』,猶賤者也。 《集傳》云:「『同行』、『同歸』,猶賤者也。 《集傳》云:「『同行』、『同歸』,猶賤者也。 本取協韻,安得据以遂分貴、賤! 此説 本取協韻,安得据以遂分貴、賤! 此説 本取協韻,安得据以遂分貴、賤! 此説 。 《詩》之固。且云「同歸」,猶賤者也。 《詩》之固。且云「同歸」,猶賤者也。

静女其姝,俟我于城隅。愛而不見,

《北風》三章,章六句。

煒,説懌女汝美。本韻。 静女其變,貽我彤管。本韻。彤管有

〔旁批:變上句。〕美人之貽。本韻。自牧歸荑,洵美且異。 匪女汝之爲美,

何意。也。毛、鄭必反之,牽强爲説,不知也。毛、鄭必反之,牽强爲説,不知

「女」字音「汝」,大非。予姪炳《詩識名爵。《集傳》以上「女」字爲「如」字,下乃美其人之所貽耳。兩章自爲翻駁之茅也。「女」指荑,又云非此荑之爲美,茅也。「女」指荑,又云非此荑之爲美,

《静女》三章,章四句。

篨不鮮! ^{通韻。○興而比也。} 新臺有泚,河水瀰瀰。 燕婉之求,籧

篨不殄! 本韻。○興而比也。 新臺有洒,河水浼浼。燕婉之求,籧

此戚施! 本韻。○比而賦也。 無婉之求,得無網之設,鴻則離之。燕婉之求,得

之文説宣公固非,歐陽氏謂「國人不能身上求解。鄭氏執《爾雅》「口柔、面柔」也。解者當知其爲借意,不可實泥宣公也。解者當知其爲借意,不可實泥宣公。「籧篨」、「戚施」,借以醜詆宣公。

更鄙褻不堪。大如籧篨,後見齊女俯而求之如戚施,依、仰新臺」尤鑿。季明德謂宣公始尊

《新臺》三章,章四句。

心養養。本韻。〇賦也。下同。 二子乘舟,汎汎其景。願言思子,中

瑕有害。本韻。 二子乘舟,汎汎其逝。願言思子,不

至, 其 不 所 地,渡河則齊地矣。 亦未嘗並行也。 可從。 薄,汎 <u>.</u>! ,不當乘舟。 」以爲賦,漫不加考,尤疏。 解則以「乘舟」爲比,謂「如乘舟而無 待于隘 又殺之。」夫殺二子于莘, :『我之求也,此 《集傳》則直載其事,而于「乘 汎 然迅疾而不礙也」,甚牽强, 而殺之」,亦與「乘舟」不合。 且壽先行,仮後 又衛未渡河,莘爲 皆不相合。 何罪 ? 至,二 當 毛傳則 請 乘 殺 衛 我 車

伋 河 之,以爲此詩之證。 與之同舟,舟人不得殺伋。 與《左傳》不合,故造 伋、壽之事,與《左傳》同。 傅母恐其死 中 》,附會 劉向《新序》曰:「使人與伋乘舟于 將沈而殺之。 顯然。 也,閔而作詩。」其後又載 謂傅母作此詩,尤 按向之前説, 壽知不能止 一前 方乘 事以 何玄子引 也, 舟 明 時, 因

> 《詩》,《緑衣》、《新臺》以言 不合者也。 此合者也。 《邶》、《鄘》、及《衛》 大 强迁折,豈 \抵《小序》説《詩》非真 猜 例依從者哉 度,故往 可爲 正當分别求之,豈可 《二子乘舟》以言伋、壽,此 据 往 皆 有 故 摭 合 有 此 衛 有 詩 所傳授, 莊 當 事 不 姜、衛宣 用 · 合。 以合乎 漫無權 闕 不過 疑 如

一子乘舟》二章,章四句。

五九

新安首源 姚 恒 訂

寶珊王篤校

人只! 我特。 人本韻。 我儀。 汎彼 汎彼柏舟,在彼河 只 ! 之死矢靡 之死矢靡它。 柏舟、在彼 興而比也,下同 悪。 中 本韻。 本韻。 .]侧。 河。 **髪**彼 髡彼 母也天只,不 母 也天只,不 兩髦,實 兩髦,實

維

諒

諒

:「衛世子共伯蚤死,其妻守義,父母

小序》

曰:「共姜自

誓。」《

大

序》

維

髦」 乎 《史記》謂『釐侯已葬而共伯自殺』,則是 此疏 爲武斷,類如此。後人無不以東萊之言 誤。《詩小序》乃不知作于何人,安可信 他事及義理之間 時共伯已脱髦矣,詩安得謂之『髧彼 者,子事父母之飾,諸侯既小斂則脱之。 加長于武公,安得謂之『蚤死』乎! 氏曰:「《世家》:『武公和篡共伯而立, 家,天子、諸侯世次傳授,皆据《世本》 未嘗有篡弑之事 二以上。共伯是其兄,則長矣。」吕氏 年九十五以 九十有五矣,猶箴儆于國。』則未必有死 詩序》而疑《史記》耶! 十五年卒。』《楚語》曰:『昔衛武公年 ,因而曰:「共伯見弑之時,其齒又 而 嫁之, 是共伯未嘗有見弑之事,武公 後也,則武公即位四十一 而 或有謬誤,若本紀、世 也。」愚按《史記》摭 弗許。」 宋 此皆謬 儒 無識 無 沭 兩 見

六〇

弑乎? 爲真 代爲武公洗過,亦可笑矣! 當時 之,當是貞婦有夫蚤死,其母欲嫁之,而 武公攻于墓上,共伯人釐侯羡羡,墓道 其改嫁之理。至于共伯已爲諸侯,乃爲 序》爲妄。《序》謂「共姜自誓」,共伯 語而謂《史記》爲誤,愚讀疏語而知《 者亦多矣,寧獨武公哉! 武公不過僅能聰明好學耳,能保其不篡 字不甚重。予別有論「聖」字説,見《書・多方》篇。 聖」之稱 叡聖武公必無篡弒之事,千載而下無故 誓死不願之作 死」之言尤悖矣。 自殺,●則《大序》謂共伯爲「世子」及「蚤 [十五、六歲,共姜爲之妻,豈有父母 而 確,又信東萊而疑《史記》,且 自古聰明能文章之士,其不 ,猶今人言「聰明」之謂,古「聖」 也。 故此 詩不可以事 故東萊 讀 也 詩 淑 實 疏 E

《柏舟》二章,章七句。

也。下同。 道也。所可道也,言之醜本韻。也! 此而賦猶有菸,不可婦也。中冓之言,不可

牆有茨,不可襄也。中冓之言,不可

詳也。所可詳也,言之長本韻。也!

讀也。所可讀也,言之辱本韻。也! 牆有茨,不可束也。中冓之言,不可

交積材木也。」蓋謂室中結構深密之處,類立」,可從。「茨」,即《書・梓材》「既難也。言牆上有茨,本不可埽,以比中籍之言本不可道,不必多爲鑿論也。壽牆上有茨,本不可埽,以比中類,其塗暨茨」之「茨」。茨,所以覆數道塘,其塗暨茨」之「茨」。茨,所以覆數道塘,其塗暨茨」之「茨」。炭,所以覆線、資場、大序》謂「公子頑通乎君母,國人《大序》謂「公子頑通乎君母,國人《大序》謂「公子頑通乎君母,國人

^{■「}入」,原誤作「八」,據《史記·衛康叔世家》改

故曰「中冓」。

《牆有茨》三章,章六句。

維袢也。子之清揚,揚且之顏也。展如之 瑳兮瑳兮,其之展也。蒙彼縐絺,是

人兮,邦之媛本韻。也!

帝本韻。

也?

廣五分,高三分。予家有數枚。漢時,頭,以滿玉爲之,狀如小菱,兩角向下,聞。」按加于笄上,故名「珈」。猶今之釵一章鄭氏曰:「珈,古之制所有,未一章鄭氏曰:「珈,古之制所有,未

信,于此乃知真瞽説也。見。鄙儒以鄭去古未遠,謂其言多可三代玉物多殉土中,未出人間,鄭故未

切切于用髢,可謂善咏髮者。「髢」,髮也,猶今之假髮。以髮美,故不「髢」,髮也,猶今之假髮。以髮美,故不

『宣「邦之媛」,猶後世言「國色」。《切于用髢,可謂善咏髮者。

句,一章八句《君子偕老》三章:一章七句,一章九動魄,傳神寫意,有非言辭可釋之妙。動魄,傳神寫意,有非言辭可釋之妙。此篇遂爲《神女》、《感甄》之濫觴。此篇遂爲《神女》、《感甄》之濫觴。

我乎淇之上本韻。矣。賦也。下同。 美孟姜矣。期我乎桑中,要我乎上宫,送爱孟姜矣。期我乎桑中,要我乎上宫,送

美孟弋本韻。矣。期我乎桑中,要我乎上 爱采麥矣,沬之北矣。云誰之思?

宫,送我乎淇之上本韻。矣。

我乎淇之上本韻。矣。 爰我乎上宫,送美孟庸矣。期我乎桑中,要我乎上宫,送爱孟庸矣。 云誰之思?

慢矣。 記》云:「鄭、衛之音,亂世之音也,比于 事以説此詩,大是可笑。其曰「政散、民 因巫臣之事而引此詩,豈可反据巫臣之 之爲説。 之喜,宜將竊妻以逃者也。」」《大序》本 之曰:『夫子有三軍之懼而又有「桑中」 傳》成二年:「巫臣盡室以行,申叔跪遇 期于幽遠,政散、民流而不可止。」按《左 男女相奔,至于世族在位相竊妻、妾,]。」「桑間」,亦即指此詩。 「濮上」,用 (政散,其民流,誣上、行私而不可止 而不可止」,亦本《樂記》語。按《樂 《小序》謂「刺奔」,是。《大序》謂: 桑間、濮上之音,亡國之音也。 傳所言「桑中」固是此詩,然傳

> 《史記》衛靈公至濮水,聞琴聲,師曠謂《史記》衛靈公至濮水,聞琴聲,師曠謂 「其政散」云云。《樂記》之文紐合二 百「其政散」云云。《樂記》之文紐合二 百「其政散」云云。《樂記》之文紐合二 中於 一處,本屬亂拈,不可爲据。今《大 方》又用《樂記》,尤不可据。朱仲晦但 中執《序》用《樂記》,尤不可爲。 一處,本屬亂去,不可爲明。 一處,本屬亂去,不可爲明。 一個之旨」。 ● 「其政散」云云。《樂記》之文組合二 以為「亡國之旨」。 ● 「世國之旨」。

人乎? 大不可通。地,豈此一人者于一時而歷三地,要三爲淫詩而非刺淫。夫既有三人,必歷三爲淫詩而非刺淫。夫既有三人,必歷三

樓上也。毛傳謂「桑中、上宫,所期之岐註「樓也」。謂期于桑中,要于桑中之云然。「上宫」,《孟子》「館于上宫」,趙「桑中」即桑之中。古衛地多桑,故

「旨」,疑當作「音」。

六二

《桑中》三章,章七句。

鵲之彊彊,鶉之奔奔。人之無良,我以爲兄! 本韻。○興而比也。下同。

以爲君!

本韻

君」,下章「我」字,「國人自我」,亦未允。 自我,而「爲兄」、「爲君」乃國君之弟所 指宣姜也? 大抵「人」即一人,「我」皆 且均曰「人之無良」,何以謂一指頑,一 小君謂宣姜。皆迂。上章「我」字謂「我 公,「兄」謂頑,以「我以爲君」爲「小君」, 言耳,蓋刺宣公也。 我以爲兄」謂「我君以爲兄」,「君」謂 娣刺宣姜」,下章爲「妾刺宣姜」,尤鑿。 《小序》謂「刺衛宣姜」。毛、 陸農 師以 上章爲 鄭 惠 以

「君」字,稚甚! 切合「兄」字、夫娣即妾,何所分焉? 切合「兄」字、

言也。 以上章爲代惠公之言,下章爲國人自之「我」國人自我,雖非,然猶愈《集傳》毛、鄭以上章之「我」爲我君,下章

《鶉之奔奔》二章,章四句

也。下同。〔旁批:妙,結句勿泥。〕貫下句。〕椅桐梓漆,爰伐琴瑟。本韻。○賦日,作于楚室。樹之榛栗,〔旁批:「樹」字足之方中,作于楚宫。本韻。揆之以

觀于桑。卜云其吉,終焉允臧。本韻。堂,〔旁批:「望」字貫下句。〕景山與京,降升彼虚矣,以望楚本韻。矣。望楚與

秉心塞淵,騋牝三千。本韻。而雅。〕星言風駕,説于桑田。 匪直也人。靈雨既零,命彼倌人,通韻。〔旁批:整

也。 德以 僖 爲 魯僖公城楚丘以備戎,史克頌之。 二年經書「春王正月,城楚丘」。 季明 爲 《小序》 僞 魯 傳 地,近是。若此詩則自衛 襲 謂「美衛文公」,是。 季氏之説 以 解 此 僞傳 詩, 按 以

可從

定。 凡類此矣。」皆謂真欲伐之,其固執而 木」,可見喬木 意,非真欲伐之也。《孟子》云「故國 松皆作老龍鱗」也。下「終焉允臧」正 異時直可伐爲琴、瑟之用,猶唐人詩「 言琴、瑟,意主祝其久居于此,所植之木 伐琴瑟」結「椅 如 種樹者求用于十年之後,其不求近功, 章「定」,星名。 椅桐梓漆 鄭氏 曰:「預備也。」蘇氏 ·亦爲故國之徵,豈有伐之 桐梓漆」句,順因桐、梓以 「頂「樹之榛栗」句,「 《爾雅》「營室謂之 其

> 與漕墟相屬,故從虚 虚 宜哉?」 何緣便降至其下, 舊謂沬鄉中小地,今意當在楚丘之傍, 桑木,疑『桑』亦地名。 衛地,信矣。」「觀桑」,姪炳 公且封之。』所謂『出致于虚』者,言出 王 『望楚』,亦第望之而已,猶未身歷楚丘 地以致其告急之詞。命于齊, 篇》云:『狄人伐衛,衛君出致于虚,桓 按此章通是相地形勢,似不應夾 章「虚」,何玄子曰 而降觀之。 察樹 《鄘風》『桑中』, 「按《管子・ 曰:「舊謂 木 而 且詩云 則 虚 土 桑 爲

也』。言文公務農以蕃 靈,星名,不可從。「星言」,猶今人言 「言」字無着落。「匪直也人」,嚴氏 直,猶特也。 星速」、「星夜」。 三章「靈雨」,舊謂「善雨」,是。 《孟子》曰『非直爲 舊謂 育其人,非特 雨 止見星, 觀 或 日 美 則

經

此。 乎! 語。 淵 心塞淵」,婦人亦足當之,文公何不可當 之蕃息,則人之蕃息可 强,至于騋馬 與此詩合。 能。元年革車三十乘,季年乃三百乘。」 訓農,通商、惠工,敬教、勸學,授方、任 或疑文公薄德,不足以當「秉心塞淵」之 也 曰:「文公大布之衣,大帛之冠。 等語爲解,是以執泥不通。《左傳》 不知此 自解者誤援「剛而塞」及「齊聖廣 「塞」,實也。 心 語本不甚重,「仲氏任只,其 與牝馬共有三千匹。 塞實 「淵」,深也。 而 知矣。」此説是。 深 故 能 其義止 致 或 富

《定之方中》三章,章七句。

父母 兄弟。本韻。 朝 蝃 隮 蝀 于 在東,莫之敢指。 西,崇朝 0 比而賦 其雨。 也 女子 女子 ,有行, 有 行,遠 遠

> 兄弟父母 本 韻。 0 比 而 賦 也

不 知命本韻。 乃如之人也, 也。 賦 懷 也。 姻 也。 大無: 信 也

臺》,不當更有此詩也。季明德謂「女子 皆有之,豈亦刺奔耶? 各逞新意,如此亂 通,詩人刺之」,尤爲可恨。 玄子謂刺宣公奪太子伋婦,徒以詩 靈公事。《詩》迄陳靈,不迄衛靈 奔,于此二句未免費解。 則此篇亦作于婦人未可知。必以爲 行,遠父母、兄弟」、《泉水》、《竹竿》二篇 雖 在母家與人 無信」二字,然此豈可据? 近似、《大序》謂文公、尤無据。 經旨 也? 此詩未敢强解。 ,害道惑世,何如 虹暮 私,及 見于東則雨 拈,亦復 既嫁而 《小序》謂 此語乃婦人作, 僞 何難。 猶與所 且安于緘 止,朝 總之,説 傳、説謂 然「女子有 况已有《新 「刺奔」, 也。 私 中 衛 刺 而 何

難通 爲大旱而望虹見乎? 雨 未見,故誤認虹惟 雨 之望雲霓」,亦此 雨 西 亦曰:「霓,虹也,虹見則 而 氣 氏 則 經違。于《孟子》「若大旱之望雲霓」, 止,若朝虹者,在日影初出時,多卧 ,且詩言「雨」,釋之者言「雨止」,明 虹見,則其 應自然。」此説是。《孟子》「若大旱 曰:「朝 爲 雨 「崇」,終也, 有升氣于西 雨終朝 義。今人多見晚虹 止 雨。《集傳》云:「 而 雨止。」然則何 方,終其朝 止矣。」既迂折 謂 終 朝 雨 則 也 方 而 而

《蝃蝀》三章,章四句。

死何爲! 本韻。○比而賦也。下同。相鼠有皮,人而無儀! 人而無儀,不

死何俟! 本韻。〔旁批:變調〕。 相鼠有齒,人而無止! 人而無止,不

相鼠有體,人而無禮! 人而無禮,胡

不遄死!本韻。

也。 意方瑩。」此説是。 儀,人而無儀,則 儀則鼠之不若」,以人之儀喻鼠之皮,非 詩言鼠 嚴 氏 曰:「舊説『鼠 則 只有皮,人則 何異于 尚有皮,人 .鼠? 不可 如此,語 以無 而 無

《相鼠》三章,章四句。

以畀本韻。之?賦也。下同。之,良馬四之。〔旁批:主。〕彼姝者子,何之,良馬四之。〔旁批:主。〕彼姝者子,何孑孑干旄,在浚之郊。本韻。素絲紕

馬五之。彼姝者子,何以予本韻。之?子子一旟,在浚之都。素絲組之,良

韻。之?之,良 馬 六 之。彼 姝 者 子,何 以 告 本之,良 馬 六 之。彼 姝 者 子,何 以 告 本孑孑干旌,在浚之城。本韻。素絲祝

從之,謂大夫乘此車馬以見賢者。然《序》謂「美好善」,意近是。故向來

六七

也。」絕非語氣。 制耶? 嚴氏亦以爲疑,故别爲解曰: 馬起于漢,六馬起于秦,當時已有秦、漢 主,「五」、「六」則從「四」陪説。 法自是如此,不可泥。 「四」、「五」、「六」,由少而多也。 疑。「郊」、「都」、「城」,由遠 女子。今稱賢者以姝,似覺未安。 風·東方之日》亦曰「彼姝者子」,以稱 乘善馬而來,凡有四輩、五輩、六輩 風》「静 女其姝」,稱 以首章「四馬」爲 女 以 而近也。 姝。 不然,五 詩人章 ^ 鄭

《載馳》之前何耶? 文公時詩列于《定中》之後可也,列于馳》之間故爾,他無所考也。」此説亦誤。爲文公時詩,蓋見其列于《定中》、《載無据。《集傳》曰:「此上三詩,《序》皆以無据。《集傳》曰:「此上三詩,《

《干旄》三章,章六句。

也。下同。至于曹。大夫跋涉,我心則憂。本韻。○賦至于曹。大夫跋涉,我心則憂。本韻。○賦載馳載驅,歸唁衛侯。驅馬悠悠,言

綿繚繞。〕視而不臧,我思不遠。本韻。既不我嘉,不能旋反。〔旁批:其辭纏

思不閟。本韻。既不我嘉,不能旋濟。視而不臧,我

百爾所思,不如我所之! 本韻。因誰極? 本韻。大夫、君子,無我有尤!我行其野,芃芃其麥。控于大邦,誰

《左傳》謂「許穆夫人賦《載馳》」。

歸唁爲辭耳。」餘見下。 夫人蓋欲越愬于方伯,以圖救衛,而託 嚴氏説此詩最善,曰:「味詩之意,

之,全不可執泥。《集傳》以其直言馳驅一章凡詩人之言,婉者直之,直者婉

親唁其 嚴氏 也。 大夫奔走來追夫人而還,此何 許,蘇氏謂許大夫之弔衛者,夫人 涉」有二説: 必將以不可 許之大夫 至 此 衛 曰:「首章婉而未露。」 二説皆可 説《詩》, ,遂謂:「許穆夫人真至衛,未至,而 兄, 有 雖大夫之往 歸之義 奔走 鄭氏謂 真 通。 跋涉而來者,夫人知其 可發笑! 乃《集傳》獨以爲 來告,故心以 衛大夫 而 不足以 按「大夫 來告難 . 意見 爲 郭? 解 將 憂。」 許 憂 歸 跋 于

誰

肯

來

至

?

方圖

之,必

有

所

濟

猶未遽言之也。」 未必非,始微露已之意見與許人别,而二章、三章嚴氏曰:「言爾未必是,我

之所 而 不得不言其情矣。下章發之。」 國 思 四章嚴氏曰:「蓋至是始慨然 五章嚴氏曰:「末章乃言其情,謂 無 而 他,思所 求其能救衛者。 以救衛耳。 誰 我將 可因 ·藉? 控 告 我

> 也。 其救 所思 之援,其説非迂遠難行也,非閟 所思爲有理,而許人真狂穉無謀矣。」 以爲然。 三章章六句,二章、四章章八句。」此本引或説,非 説甚明。 雖意有所主,爲首引之,勢并上章而賦之也。」」其 賦《載馳》,義取控引大國,今「控于大邦」乃在卒 「《左傳》,叔孫豹、鄭子家賦《載馳》之四章。 四句,四章六句,五章八句。 孔氏曰: 載馳》五章:一章六句,二章、三章章 衛 其後齊桓卒救衛而存之,然後信 蓋 言賦四章者,杜預云:『并賦四章以下。 則 在 《集傳》乃謂「今從蘇氏」,是未見孔疏,而 語耳。 蘇氏録章句之後,又載「或言四章,一章、 此, 爲 不通曉于事。 非徒歸 也。 以 許 今欲 之 塞不 求 小 大 而 賦詩 然彼 夫 通 或 責

衛

瞻彼淇奥,緑竹猗猗。有匪君子,如

下同。 學。」本韻。 切 呵 一分。 如 磋 有匪君子,終不可諼本韻。 如 瑟兮僴兮、〔旁批 琢 如 磨 旁 批 (議容。) 虚 寫。 兮。 赫 興也。 未 成

言語妙旨。〕 言語妙旨。〕 言。〕善戲謔兮,不爲虐本韻。兮。〔旁批: 長之,如金如錫,如圭如璧。本韻。〔旁 证君子,如金如錫,如圭如璧。本韻。〔旁 正君子,如金如錫,如圭如璧。本韻。〔旁

《小序》謂「美武公之德」,未有据。

姑依之。

當此。予以爲不然,于《柏舟》篇已略論學者于此每疑武公弑兄篡位,不足

建大功,亦此類也。」 民,故美之。齊桓、晉文皆篡弑 國,得爲 其駱賂士,以 今閲 美者,美其逆取 孔 氏 日 襲 : 「按《世家 攻共伯。」而 順守,德 而立,終 殺兄 武武 流 公

亦屬虚 磨」不涉。 切如 言其言語 皆美其儀容而贊之,與上「切、磋、琢、 物,言其德也。 三章「如金 瑩,會弁如星」,實指武 證,不涉自修。 文學也,猶玉之于琢磨也。《詩》曰:"如 狀武公用功于學也。 寬綽」二句亦言其儀 **,磋,如琢如磨。』謂學問也。」其言可** 「切、磋、琢、磨」,皆所以冶器,屬 狀。 二章 如錫,如圭 此詩三章之章法也。 金、錫現成物, 圭、璧已成 上二章文變。「充耳琇 其首章「瑟、僴、赫、咺」, 重述一遍。 荀子曰:「人之于 容,「善 如璧」文仍首章, 公之服 三章文變。 飾 而言。

据。 《集傳》則以「切、磋」屬骨、角,「琢、磨」 當又云 先後,並不可解。又全引《大學》之文以 屬玉、石,又以「切、磋」與「琢、磨」各分 磋,玉謂之琢,石謂之磨」,亦自有義。 分,而《爾雅》分之曰「骨謂之切,象謂之 大抵皆治玉、石、骨諸物之名,本不必 赫、咺」别爲贊儀容之辭,與上義不連, 知其分「學」與「修」之理! 咺」爲「威儀」,此古文斷章取義,全不可 釋此詩。按《大學》釋「切磋」爲「道學」, 亦不 得 竹」爲篇蓄是。使爲緑色之竹,二章不 詩》,今以其爲解《詩》而 琢磨」爲「自修」,「瑟僴」爲「恂慄」,「 不謬哉 豈有「切、磋、琢、磨」四字平列,而 章「緑竹」、《爾雅》謂 「青青」矣。 平釋爲 四 「切、磋、琢、磨」四字 事也。《大學》 用以解《詩》, 「緑」爲王 又「瑟、僴、 非 芻 赫

白金。 銅也。 稱 準書》、《漢・食貨志》猶皆稱「銀錫 《爾雅》曰「黄金謂之璗,白金謂之銀,錫 斧、斤、戟、刃,而量安能聲中宫乎? 黄鐘之宫。」假如以今之錫,豈可攙和作 戟、刃之屬。「稟氏爲量,煎金、錫,聲中 銀,故曰金幾分,錫居幾,以爲斧、斤、 攻金之工皆曰「金、錫」,金即銅,錫即 錫即屬于銀,統名「白金」也。《考工記》 名,其鐵、鉛以賤故不列「三品」之内,而 黄、白、赤三色。 上,白金爲中,赤金爲下」,即三品之義。 黄金」,金也。「白金」,銀也。 銀亦曰「錫」。 之鈏」,始分銀、錫之名,而單以 「漢武帝造銀錫爲白金」,其稱皆近 三章 此周末秦人之論也。然《史・ 金本爲金、銀、銅、錫、鐵、鉛之總 錫」,即銀。 《史·平準書》「黄金爲 《禹貢》「惟金三品」,爲 古 人銀、錫不 「赤金」, 銀爲 分, 平 又 自

論

字,後 玄子于此詩論錫亦見及之,益信其有同然。然予論有 之妙如此,其心坎非後世人所易測也。 時,而覺其寬綽,又不言其言語若何,而 異何處,不全同也。 亦疑之而無 「不寬綽厥心」,則古蓋以「寬、綽」爲善 與 言「善戲 《説 鉛近,與 此予昔時《庸言録》中語,今録于此。又閱何 世鮮 文》則 謔」,皆一往摹神。古人體 用 可爲 矣。 銀 釋錫 「寬、綽」、《書・無逸》曰 則 辭,故如是云耳。今世 「猗」,倚也。倚車 絶遠,豈銀、鉛之間 曰「銀、鉛」之間

矢弗諼 考槃 考槃 ! 在 本韻。 在澗,碩人之寬。 阿,碩人之邁。 ○賦也。下同 獨 獨寐 寐 寤言,永 寤歌,永

矢弗過 考槃在陸,碩 人之軸。 獨 寐 寤 宿,永

!

本韻

矢弗告 本韻

之詩。《小序》謂「 傳》不從,是。 此 詩人贊賢者隱居自矢,不求世用 刺莊公」,無謂。《集

寬」、「之邁」、「之軸」,亦貼居處言。 原,架屋以處之意耳。 寬」謂「碩大寬 爲擊器,義亦不蒙。 當云「在澗」、「在谷」,且云「在陸」矣。 水盤結,故名之與? 宫」、《雜記》「路寢 寬」謂屋宇寬廣也。 成樂」,未允。陳氏 永矢弗諼」謂自誓弗忘習隱初志、《集 在澗」云云者,正謂或依澗、谷,或于平 「槃」爲器名,不可從。使爲擊器,則不 「槃」,疑是架木爲屋之名,或以其依 一章「考」,成也。《左傳》「考仲子之 廣」,删去「人」字,可駭。 《集傳》解「碩人之 成則考之」是 毛傳訓「考槃」爲 以「考」爲扣,以 「碩 又下句接以「之 人」指隱者, 也。 Ш

淇奥》三章,章九句。

傳》謂「不忘此樂」亦非。

也。」此近是。『窩』同,因阿而言窩,見其爲斂藏之處『窩』同,因阿而言窩,見其爲斂藏之處安茅屋穩」也,亦鑿。李氏曰:「『邁』與安茅屋穩」也,亦鑿。李氏曰:「『邁」與强。楊用修引《説文》「草也」,諺云「心强。

意。 反説 益 之卷,收藏不用」,此以後 于其中也。「弗告」,猶不以姓名告人之 集傳》本于歐陽氏 非。 《集傳》謂「不以此樂告人」,皆非。 三章「軸」、《集傳》謂 軸,車軸也,軸以運車 軸 ,正是行 物 也。 「盤桓不行」,乃 嚴氏 世 書 取義盤旋 謂「如 軸 爲言, 軸

《考槃》三章,章四句。

〔旁批:敘得詳核而妙。〕本韻。○賦也。下同。侯之妻,東宫之妹,邢侯之姨,譚公惟私。碩人其頎,衣錦、褧衣。齊侯之子,衛

古頌美人無出其右,是爲絶唱。〕韻。巧笑倩兮,美目盼本韻。兮。〔旁批:千如瓠犀,螓首蛾眉。〔旁批:一句二義。〕本如瓠犀,螓首蛾眉。〔穷批:何如蝤蠐,齒

勞!〔旁批:意妙。〕本韻。 慎鑣鑣,翟茀以朝。大夫夙退,無使君慎鑣鑣,翟茀以朝。大夫夙退,無使君

妙。〕本韻。 河水洋洋,北流活活。施眾濊濊,鱣妙。〕本韻。

此徒以莊姜後事論耳,安知莊姜初嫁 何嘗不盛,何嘗不美,又安知莊公何嘗 姜,美而無子,衛人 亦但謂《碩人》之詩爲莊姜咏。 「初,衛莊公娶于齊東宮得臣之妹,曰 相得 《小序》謂 而 謂之「閔」乎! 「閔莊姜」,詩中 所爲賦《碩人》也。」 《左傳》云: 其云「無 無閔意, 莊 時

七四

子」,尤襲傳顯 執 泥 亦 《左傳》耳。《大序》謂「終以 据 後 事 然。 爲説 不可 執 泥。 《小序》 無

之,賦《碩人》。」孫文融亦曰:「此當是 姜初至衛時,國人美之而作者。」所見皆 **僞傳曰:「衛莊公取于齊,國人美**

作

賦

也。 也。 加 乃禪衣也。《士昏禮》云,女登車,「姆爲 或作「穎」,或作「絅」,或作「景」,皆同, 錦者在塗之服也。」非也。「褧衣」,「褧」 同。 加 景,乃驅」,即此也。 若嫁時加褧,則爲塗間辟塵也,又 禪衣于外、《中庸》謂「其文之著」是 鄭氏曰:「國君夫人翟衣而嫁,今衣 一章「衣錦」,夫人用錦衣而嫁,貴 古婦人平時盛

新 昏 相得,代爲摹儗之辭,最爲妙筆 三章「大夫夙 退」二句正 美君、夫人

> 乃 曲 解以 爲 諷 党员可 通乎

勝臣。 也。 也。 傳謂 莊公又娶戴嬀生子,則非 國來媵者,其本國大夫之女亦媵也。 則莊姜之姊妹亦嫁于他國而不來媵 人說禮,必謂夫人之親姪、娣,此迂 ·喻意解,謬。 以以 一,此詩云「邢侯之姨,譚公維私 即 盛飾,非。「庶姜」,媵女。「庶士」, 四 河水等興比庶姜、庶士也。 章 媵女不必定是親姪、娣,亦有他 以衛莊姜言之,可證者二。 一此體 是賦,末章又似興、 「孽孽」,旁出之意。 莊姜之同姓 或 也。 比 漢 毛 而

費紛 之下補閔 (相霄壤,不知何苦爲此 紛 解此詩者皆紐 斡 莊 旋 純絶 姜而咎莊公不見答之意,徒 不切合,而末章結束處 于《序》説,必于每章

碩人》四章,章七句。

批:風致語行以曲折,口角宛然。〕本韻。○期,子無良媒。將子無怒,秋以爲期。〔旁即我謀。送子涉淇,至于頓丘。匪我愆即我謀。送子涉淇,至于頓丘。匪我愆以之蚩蚩,抱布貿絲。匪來貿絲,來

批:不曰人曰賄,妙。〕本韻。○賦也。筮,體無咎言。以爾車來,以我賄遷。〔旁涕漣漣。既見復關,載笑載言。爾卜爾乘彼垝垣,以望復關。不見復關,泣

賦也。

而賦也。
一句,不可說「說」字爲韻。也! 比也,女之耽兮,不可説「說」字爲韻。也! 比女兮,無與士耽! 本韻。士之耽兮,猶可説兮,無食桑葚! 〔旁批:賦中之比。〕于嗟兮,無食桑葚! 〔旁批:赋中之比。〕于嗟

之,躬自悼本韻。矣!至于暴矣。兄弟不知,咥其笑矣。静言思爽意。〕夙興夜寐,靡有朝矣。言既遂矣,爽意。〕夙興夜寐,靡至勢矣。〔旁批:實言不三歲爲婦,靡室勞矣。〔旁批:實言不

反是不思,亦已焉哉! 本韻。宴,言笑晏晏。信誓旦旦,不思其反。本韻。則有泮。〔旁批:就本地作喻,妙。〕總角之則有泮。〔旁批:就本地作喻,妙。〕總角之

娶皆在秋冬。期,願子無怒,秋以爲期可也。古之嫁期,願子無良媒來請期耳。既無良媒請期也,子無良媒來請期耳。既無良媒請

言「三歲」,説不去矣。 既不清,且桑未落及落只在數月間,下之盛衰,不可指時言。若指時,則賦、比之處

老」字來,言汝曾言「及爾偕老」,今偕老四章「老使我怨」,「老」字即承「偕

此。 此。 之説 婦」,豈便老耶 《集傳》泥之,謂「不 徒使我 夫方「總角之晏」 怨 而 己。 詩 ·知老 以 人之 及 而見 詞 一 三 多 歲 棄 是 爲 如 如

《氓》六章,章十句。

莫致之! 本韻。○賦也。下同。 籊籊竹竿,以釣于淇。 豈不爾思,遠

兄弟父母。本韻。〇《集傳》誤作「父母兄弟」。 泉源在左,淇水在右。女子有行,遠

其水滺滺,檜楫松舟。駕言出遊,以玉之儺。〔旁批:簡,妙,風致嫣然。〕本韻。 淇水在右,泉源在左。巧笑之瑳,佩

寫

我憂。本韻

「女子有行,遠父母、兄弟」,又云「駕言水》及此篇皆許穆夫人作。按《泉水》云增以「不見答」,臆説也。何玄子謂《泉增以「不見答」,應説也。何玄子謂《泉

之説爲非,而信其媵之作者之或是也。 故思于兩篇重句,益知主許穆夫人之作 其嫡夫人之作,如此 此或許穆夫人之媵,亦衛女 出 之作而 之作,或前 遊,以 竹竿》四章,章四句。 寫 兩 我憂」,此篇亦皆有之。 篇 或後,用其 重複者。 則 用 語可 餘詳《泉水》。 其 一而 語 也,必無 思歸, 乃可耳。 夫 兩 和

未有以見其必然也。
五六」。《序》蓋本《傳》而意逆之耳,然
「初,惠公之即位也少」,杜註云「蓋年十

七六

《禮記》註之誤。「容」、「遂」及「悸」義皆 故以 未詳,不敢强解。 俗名「解錐」。《集傳》謂象骨爲之,蓋循 今世有傳者,大小不等,其身曲 興比童子。「觿」,成人佩 或用 章「支」,「枝」同。 角,故字從角。後以玉爲之。 芃蘭枝 以 加 葉 末鋭, 解 細

傳訓「狎」,近之。

《芃蘭》二章,章六句。

下同。語:)誰謂宋遠? 跂予望本韻。之! 賦:語。)誰謂宋遠? 跂予望本韻。之! 賦:

語。〕誰謂宋遠? 曾不崇朝! 本韻。 誰謂河廣? 曾不容刀!〔旁批:奇

子,衛之戴、文俱未立也。是矣。是在衛未渡河之先。時宋襄公方爲世位,夫人思之。」嚴氏以其言「河廣」,則不止,故作是詩。」鄭氏因謂:「襄公即不止,故作是詩。」鄭氏因謂:「襄公即不止,故作是詩。」鄭氏因謂:「

易,故爲奇語。或謂河方冰時,布一束乃斻、航本字也。一蘆葦可渡,甚言其一作「艅航」。隋因餘杭舊名,置杭州,縣。「餘杭」,舟名,謂以餘杭渡峽也。縣。「餘杭」,舟名,謂以餘杭渡峽也。縣。「餘杭」,舟名,謂以餘杭渡峽也。一章「杭」,「統」直,方舟也,後作思,故爲奇語。或謂河方冰時,布一束

七八

哉! 不特「固哉」矣。 之葦,便可履之而渡。如此説《詩》,呆

《河廣》二章,章四句。 二章「刀」,「舠」通,亦作「刁」、「舠」。

殳,爲王前驅。本韻。○賦也。 伯兮朅兮,邦之桀本韻。兮。伯也執

心首疾。本韻。〇興也。 其雨其雨,杲杲出日。願言思伯,甘

想。〕願言思伯,使我心痗。本韻。○賦也。焉得諼草,言樹之背?〔旁批:奇

「王」字也。不然,衛人何以爲王前驅桓五年經也。」此説是。何也? 据詩宣公之時,蔡人、衛人、陳人從王伐鄭,宣小之時,蔡人、衛人、陳人從王伐鄭,

是可是 l 甚近。 生,風飛散亂,故以髮似之。今言『蓬華華如柳絮,聚而飛如亂髮。』按,蓬草叢華如柳絮,聚而飛如亂髮。』按,蓬草叢

聚而飛』甚迂。」

三章「首疾」,頭痛也,猶言「疾首」。

四章毛傳曰:「諼草令人忘憂」,此語內章毛傳曰:「諼草令人忘憂」,此語尊名。故傳本其意,謂欲得令人善忘憂草名。故傳本其意,謂欲得令人善忘憂草名。故傳本其意,謂欲得令人善忘憂草名。故傳本其意,謂欲得令人善忘憂草名。故傳本其意,謂欲得令人善忘憂草名。故傳本其意,謂欲得令人善忘憂草之草,不謂『諼』爲草名。故《釋訓》云之草,不謂『諼」爲草名。故《釋訓》云之草,不謂『諼」爲草名。故《釋訓》云之草,故思焉得能忘之草而植之北堂可得,故思焉得能忘之草而植之北堂可得,故思焉得能忘之草而植之北堂可得,故思焉得能忘之草而植之北堂可得,故思焉得能忘之草而植之北堂平,故思焉得能忘之草而植之北堂

得」? 戒矣。 也。 對,一草一木,正不誤。自鄭漁仲又誤 必不可得,故下仍接之曰「願言思伯」云 尺童子而亦不信者,此傳訛之絶可笑者 字之失,而直犯孔氏「不謂諼爲草名」之 忘憂草,則不止于毛氏于「忘」下增「憂」 于昔人傳訛,若其以「合歡」與「萱草」 也,又名合棔。故嵇康《養生論》云: • 《集傳》曰:「諼草,合歡。」按,合歡,木 終不似草,又作「蘐」,然實無此字也。 又曰:「食之令人忘憂」,增「食之」字尤 云,則非實語明矣。 《説文》又見「諼」字 合歡蠲忿,萱草忘憂。」其忘憂之説本 一卉耳, 憲」即萱。 萱草一名合歡」,朱遂仍鄭之誤也。 况萱草是處有之,詩何爲言「焉 焉得者,以其必不可得也。惟其 無論諼之非萱,今即以萱言之, 何以能令人忘憂? 同音,遂以諼爲草名,因 即詢之三 以

> 誤 諼爲 怪 也。 故背爲北堂。解者亦從未分析及此。 孟 痗 寧不求此草,而但願言思伯,雖至于心 接不去,于是曰:「然終不忍忘也,是 則萱草易得,取而食之可也,則于下文 叠如此。若其以爲合歡木,則又旁出 之令人忘憂。 大 子豈欺我哉! 而 也。《集傳》既云「食之令人忘憂」,然 誕,不知亦曾食之有騐 而誤以萱爲忘憂草,又因而誤以 「背」,堂背也。 草誤 不辭耳。」嗟乎,「遁辭知其所窮」, 也 ,又因而誤以諼草 古今以來,以誤及誤 是又以誤 堂 面· 向南,背向北, 否? 而及于《詩》 爲 因 其 歎 以 以 又

《伯兮》四章,章四句。

有狐綏綏,在彼淇梁。心之憂矣,之

「嵇康」,原誤作「稽康」,今正

0

子無裳。本韻。○興也。下同。

子無帶。本韻。 有狐綏綏,在彼淇厲。心之憂矣,之

子無服。本韻。

有狐

綏綏,在彼淇側。

心之憂矣,之

也,永以爲好也

云「在梁,則可以裳矣」,又不可解。子」指人,《集傳》以爲指狐,更可笑。且正相反,不知從何取義,可怪甚矣。「之正相反,不知從何取義,可怪甚矣。「之是。《集傳》曰「獨行求匹之貌」,與毛傳「綏緩」,「緩緩」,兩相安意。其説「章「綏綏」,毛傳曰:「匹行貌。」按,

也,永以爲好本韻。也。〔旁批:綢繆語。〕 投我以木瓜,報之以瓊琚。本韻。匪報

有狐》三章,章四句。

賦也。下同

投我以木李,報之以瓊玖。本韻。匪報之以瓊瑶。本韻。匪報也,永以爲好也。投我以木桃,〔旁批:「木」字因上。〕報

詩。 之亂 也。 服 之,則爲再造之恩,乃僅以果實喻 力能 合者有四。 衛人思欲厚報之而作是詩。」按此説 謂:「齊桓救而封之,遺之車馬、器服焉 衛人始終毫末未報齊,而遽自儗以 投之甚微,豈可謂之美桓公乎 公亦不過爲之城楚丘,及贈以車馬、器 而 報 以爲衛人作與? 以是爲衛君作與? 已,乃以爲美桓公之救而封之, 而 《小序》謂「美齊 齊乎? (伐其喪,實爲背德,則必不作 衛被狄 二也。 難,本未嘗滅,而 既 衛人,民也, 桓公」。《大序》 衛文乘齊五 日 桓公救 ! 重寶 其 何 而 子 此 桓

安耶! 安心。四也。或知其不通,以爲詩人追 思桓公,以諷衛人之背德,益迂。且詩 思桓公,以諷衛人之背德,益迂。且詩 中皆綢繆和好之音,絶無諷背德意。 中皆綢繆和好之音,絶無諷背德意。 以爲朋友相贈答亦奚不可,何必定是男 以爲問友相贈答亦奚不可,何必定是男 以爲詩人追

了好。 「桃有羊桃,李有雀李,故言木以别」,漫 「桃有羊桃,李有雀李,故言木以别」,漫 「桃有羊桃,李有雀李,故言木以别」,漫 「桃有羊桃,李有雀李,故言木以别」,漫 「桃有羊桃,李有雀李,故言木以别」,漫 「桃有羊桃,李有雀李,故言木以别」,漫 「桃有羊桃,李有雀李,故言木以别」, 工具,以别之。「木桃」、「木李」乃因木瓜 瓜」以别之。「木桃」、「木李」乃因木瓜 瓜」以别之。「木桃」、「木李」乃因木瓜 瓜」以别之。「木桃」、「木李」乃因木瓜 瓜」以别之。「木桃」、「木李」乃因木瓜 瓜」以别之。「木桃」、「木李」乃因木瓜

《木瓜》三章,章四句。●

「木瓜三章章四句」,底本原脱,今據文例

ハ

經通 論卷五

得其所」之謂

哉

室卑之故,不

爲《雅》

而

爲《風》,

則豈

安首 源 姚 際 恒

新 城 珊 王 一篤校 訂

王

謂

我何

求。

悠悠蒼天,此何人哉?

説也。 《風 爲《 卑之故,不爲《雅》而爲《風》也。 《風》、《雅》自有定體,其體《風》 夫《雅》之 所 於是王室遂卑,與諸侯無異。 《雅》而 》,其體《雅》即系 孔子曰:「《雅》、《頌》各得其所。」 傳 爲 曰:「自平王徙居 風》。」按此乃歷 得, 則《風》之所 **小之**《雅 》,非以王室 故其詩不 東都王城 來相傳瞽 苟以 即系之 亦 得。 王

> 心 哉 謂 心 如醉。 ? 我 摇 何求。本韻。 摇。 彼 興也。 彼黍離離,彼稷之苗。 黍離離,彼稷之穗。行邁 本韻。 本韻。 下同 知我者謂我心憂,不知我者 知我者謂我心憂,不知我者 悠悠蒼天,此何人本韻。 行 邁)靡靡, 靡 靡, 中 中

謂 心 我 如 噎。 何 彼黍 求。 本韻。 離 悠悠蒼天,此何人哉? 離,彼稷之實。行邁靡靡,中 知我者謂我心憂,不知我者

周襲 兮。」一商一周,何以皆托黍、稷爲辭,豈 子《麥秀歌》曰:「麥秀漸漸兮,禾黍油 之語皆甚 是 商乎? 《小序》謂「閔宗周」。按《史》載 此 詩 一拗 本爲閔宗周 曲 非 也。 不順,不應作此平易 按《尚書》載箕、微 作,而 後 箕 油

又泥箕子之歌爲説而偶中者耳。之,僞爲箕子之歌耳。若夫《小序》,則

伋、壽事 詩人求之不得,憂懣不識于物,視彼 氏駁之曰:「使果爲行役之久,不應黍 者牛鬼蛇 犒秦師,過故宗廟、宫室而 《序》説,謂:「秦逐犬戎,平王命尹伯封 之,亦以 尹吉甫信後妻之讒,殺孝子伯奇, 穗」、「實」爲歷時所見,行役之久。 嚴 封 離然,反以爲稷之苗。」曹植 相傳《韓詩》云:「《 求而不得,作《黍離》詩。」此 離』也。」不知毛傳已言之。 同 向《新 爲 憂離之詩以求之」,無稽之甚。 相類,皆依託妄言。 而 神,至此 尹伯封作。又稍 稷 序》謂「衛 異,説者 而 黍 極 離 伋 矣! 見害,弟壽 》,伯封作也。 變其意 而僞 亦曰:「昔 之「苗」、 黍、稷並 其 以合 亦 説 其 與

> 篇格 取變文換韻,而「黍」爲首句不變,與他 穗,稷之實」,殊鑿。 三輩,則當離 「稷」之「苗」、「穗」,「實」合初、終言, 正見錯綜法 爲 人自黍 調多同,何必泥耶! 何玄子且 亦鑿。 離 曲 見 見 時 爲實之曰:「黍有早、晚 大抵此 而 稷之苗,之穗,之實 又《韓詩》以爲「視 或植稷之苗,稷之 爲一時所 且寫黍、稷

《黍離》三章,章十句。

役,苟無飢渴 牛下來。 批 子于役,如之何 棲于桀。 句法錯落。〕 鷄棲于塒。 君子于役,不知其期。 君子于役,不日不月。 〔旁批:日落懷人,真情實况。〕 日之夕矣,牛羊下括。 7勿思 本韻 ! 本韻 曷其 賦也。下同 日之夕矣,羊 君子於 有佸?

之妻所作」,雖鑿而亦略近。此婦人思夫行役之作。僞説謂「戍申者

《君子于役》二章,章八句。

其樂只且! 賦也。下同。 君子陽陽,左執簧,右招我由房。 本韻。

其樂只且! 君子陶陶,左執翿,右招我由敖。本韻。

人其事不可考矣。 「房」之一字爲説,更鄙而稚。大抵樂必 「房」之一字爲説,更鄙而稚。大抵樂必 《集傳》謂「疑亦前篇婦人所作」,此据 仕」,此据「招」之一字爲説,臆測也。

房中之樂。「敖」未詳。得」,蓋本此。後作「揚揚」。「房」,疑即《史記》稱「晏子御意氣陽陽,甚自

《君子陽陽》二章,章四句。

本韻。哉? 興而比也。下同。我戍申。本韻。懷哉,懷哉! 曷月予還歸我戍申。本韻。懷哉,懷哉! 曷月予還歸

月予還歸哉? 之子,不與我戍甫。本韻。懷哉,懷哉! 曷之子,不與我戍甫。本韻。懷哉,懷哉! 曷

曷月予還歸哉? 其之子,不與我戍許。本韻。懷哉,懷哉!

其同出 舅,甫、許則非,安得實指爲平王及謂 嘵 天之仇」。此等語與詩旨絕無涉,何 王法必誅」,及謂「平王與申侯爲不共 民怨之而作此詩。」《集傳》因謂 母家乎? 爲? 則《序》亦恐臆説。 据《序》謂:「刺平王使民戍母家,其 四岳,俱爲姜姓。 然据二、三章言「戍甫」、「 孔氏解之曰:「言甫、許者, 申侯爲平王 既重章以 申侯 戍 13 戍

不得而知之也 申乃實事也,亦可變换,然耶否耶? 也。」按《詩》于閒文自多變换,戍甫、戍 文,因借甫、許 以 言申,其 實不 戍 甫 許

通 歐 陽 《集傳》謂「指室家」,則謬矣。 氏謂「國人怨諸侯不 彼其之子」,鄭氏謂「處 戍申」,皆 鄉 里者」, 可

爲 蒲 三章「蒲」、毛傳曰「草也」。 柳」,屬木,非草矣。 《集 鄭氏 傳 從 以

《揚之水》三章,章六句。

其 嘆矣。 中谷 興也。下同。 有蓷,暵其乾矣。有女仳離 嘅其 嘆 矣 遇人之 艱 難 本

其 八歡音夙。 中谷 有蓷, 暵 條 其脩 其獻矣,遇人之不淑本 矣。 有 女仳離,條

> 其泣矣。 中谷 啜其泣矣,何嗟及本韻。 有 蓷 暵 其 濕 矣。 有 女化 矣! 離 啜

女」。《集傳》謂婦人自作,絶不類。 此詩 閔 婦人遭飢饉而作,故云「有

淑」。末更無 婦人」也。先言「艱難」,夫貧也。 閔嫠婦之詩,猶杜詩所 無確義可知。 「不淑」,夫死也。 別離」以 離」共文,故知當 别」而遂爲别也。 流離失所」之義。 献」、「泣」亦然 爲夫棄其妻,其實不然。 「仳離」、「仳」字未詳、合來恐只 「乾」、「脩」、「濕」由淺及深,「 後 人語,未可以「仳」之音 可 因以 言,故 《禮》,問死 孔氏 爲别義。」如此説,其 「化離」爲「别離」,故 毛傳訓爲「别」, 變文曰 謂「無食無兒 曰:「以『仳』與 愚意,此 曰「如 「何嗟 歎 何 再言 或 近

中谷有蓷》三章,章六句

爲,我生之後逢此 ○比而賦也。下同。 有 兔爰爰, 雉 〔旁批: 百罹 離 于 羅 奇語。 尚寐 0 我 無 生 之初 吡! 尚 本 無

庸,我生之後逢此百凶。 造,我生之後逢此 深。 字從口,從言之「訛」亦同,《小雅》「或寢 肆,而耿介之人常被其禍。」亦 難取,雉介而易執。 兔,又比雉,似未安。 此亂世,如雉陷于羅 昔尚幸世無 ·我生之後逢此百罹」,謂今時不幸,遭 兔 國 有兔爰爰,雉離于罿。我生之初 有兔爰爰,雉離于罦。 比 名 作此 歐陽氏曰:「『我生之初尚無爲」,謂 他 爲合從,實無肯爲 國 詩 者大抵 之卒,以雉 事, 間緩 百憂。 軍 網也。」按以一人比 世亂 蘇氏 尚寐 尚寐無覺! 如兔之爰爰也。 我生之初 若桓 王出力者,故 比 則 曰:「兔狡 無聰! 歟 輕狡之人 ? 王好戰 求之過 吼 尚無 尚無 本韻。 本

> 笑也! 《集傳》偏以「不如無生」意解之,是 傳》句句增出「死」字,大失詩旨,絕不成 《苕之華》「不如 聰」,不聞之意。 吡」,不言之意,「無覺」,不見之意,「 知,故願 或訛」即此。 此詩不欲爲「不如無生」之直率,而 熟寐以無聞見。 吼, 無生」自勝多矣。《 方寤 凡 人寤 動 而 奇想奇語, 則憂,寐則不 有 聲 也 集 口 較

《兔爰》三章,章七句。詩人以「我生初、後」爲言,此詩史也。而桓、文迭興,霸升王降,天下大亂矣。而桓、文迭興,霸升王降,天下大亂矣。

他人父。謂他人父,亦莫我顧! 本韻。〇興 縣縣葛藟,在河之滸。終遠兄弟,謂

0

[「]幸」,原脱,今據文淵閣四庫全書本《詩本義》卷三

也。下同。

《系·苏蓝,王丁之胥。 系 意见诗,谓他人母,谓他人母,亦莫我有! 本韻。 縣縣葛藟,在河之涘。 終遠兄弟,謂

末章直敘。〕本韻。 他人昆。謂他人昆,亦莫我聞! 〔旁批: 條縣葛藟,在河之漘。終遠兄弟,謂

《序》必謂「刺平王棄其九族」,甚無 《序》必謂「刺平王棄其九族」,甚無 大所」解,較可。 《序》必謂「刺平王棄其九族」,甚無 大所」解,較可。

《葛藟》三章,章六句。一章、二章因「昆」而先及「父」、「母」也。「終遠兄弟」一語例之,則末章乃直敘,「母」,由「母」而「昆」也。以三章皆有以三章之義例之,則由「父」而以三章之義例之,則由「父」而

韻

兮!〔旁批:摘取、佳。〕 彼采蕭兮。一日不見,如三秋本韻。

兮! 彼采艾兮。一日不見,如三歲

本

義之正,當作懷友之詩可也。 論。《集傳》謂「淫奔」,尤可恨。 讒,則人臣之不被讒者幾何! 見君者亦多矣。必欲日日見君,方免 君遠處深宫,而人臣各有職事,不得常 人思夫,亦奚不可,何必淫奔! 日不見于君,便如三月以至三歲」,夫人 《小序》謂「 懼讒」, 無 据。 且謂 豈爲 即謂 婦 通

于秋,故言「三秋」。艾必三年方可治于初夏,採于盛夏,故言「三月」。蕭採「歲」,本取協韻。而後人解之,謂葛生「葛」、「月」,「蕭」、「秋」,「艾」、

易懷人,亦見詩人之善言也。一定字樣,四時而獨言秋,秋風蕭瑟,最此,然亦巧合,大有思致。「歲」、「月」,病,故言「三歲」。雖詩人之意未必如

《采葛》三章,章三句。

子不敢! 本韻。〇賦也。下同。 大車艦艦,毳衣如菼。 豈不爾思,畏

謂

予不信,有如皦日!

〔旁批: 誓辭之

異室也?《集傳》謂「周衰,大夫猶能以豈「異室」之謂乎? 古大夫何爲使夫婦男女之訟焉」,頗爲迂折。且夫婦有别,「男女淫奔,故陳古以刺今大夫不能聽。」本韻。

周人 論也。 刑 逃亡也。 然以「爾」與「子」皆指其夫,思夫自可, 然于「同穴」之言不可通。 何云「畏而不敢」乎? 偽傳、説皆以爲 人,死後何人爲之同穴哉? 爾」,指室家。「子」,指屯之者。「奔」, 政治其 八從軍,訊其室家之詩,似可通。 季明德謂「棄婦誓死不嫁之詩」, 、私邑者,故淫 奔者畏 淫奔苟合之 此目睫之 而 歌 Ž,

布衣。 一章「大車」,牛車。「毳衣」,毛

《大車》三章,章四句。

丘中有李,彼留之子。彼留之子,貽

我珮玖。本韻。

固難 當時作詩者,婦人、孺子皆有之,故間有 與「來食」,而彼且不棄我,貽我以佩也。 麥、李,彼且留而不出,故望其「來施施」 後以此協其韻也。 辭,蓋詩人意中必先有「麻」、「麥」字而 字只爲助辭,其非共「子」字爲人名亦自 充」,亦皆是也。如此説《詩》,千古無敢 知此意,必欲執泥求解,是自惑矣。 趁韻者,此等處正不必强解耳。拘儒不 「子」,「之子」既非人名,則「子嗟」、「子 「子嗟」、「子國」「子」字,即下「之子」之 二章「子」字自可明。 」亦必非人名。 「嗟」、「國」字只同助 風》之「孟弋」、「孟庸」、《鄭風》之「子 然請玩此篇末章「之子」二字,則上 《小序》謂「思賢」,可從。 解,然「留」字是「留住」之「留」。 意謂丘園之中有麻、 「子」字既明,則 愚按此 如

> 《丘中有麻》三章,章四句。 《丘中有麻》三章,章四句。 《丘中有麻》三章,章四句。 《丘中有麻》三章,章四句。 《丘中有麻》三章,章四句。 《丘中有麻》三章,章四句。 《丘中有麻》三章,章四句。 《丘中有麻》三章,章四句。

鄭

餐本韻。兮。賦也。下同。韻。兮。適子之館兮,還,一字句。予授子之韻。兮。適子之館兮,還,一字句。予 又改爲本

緇衣之蓆兮,敝,予又改作本韻。兮。適子之館兮,還,予授子之餐兮。 緇衣之好兮,敝,予又改造本韻。兮。

誣。如此詩、《序》、傳皆謂「國人美武予嘗謂解經以後出而勝,斷爲不

適子之館兮,還,予授子之餐兮。

八九

國人 之而作此詩」,若是,第以其德己也,私 衣 也,豈得謂之好賢乎 何玄子又以爲「武公有功周 季明德始以 二、「適 所宜施 集傳》、《詩緝》皆從之,無異 ?館」、「授餐」皆合。 于君上者哉! 爲「武公好賢之詩」,則「改 不然,此豈 室,平王愛 説不去矣。 説

《緇衣》三章,章四句。當作章六句。「還」字,妙有層次,亦使文不排熟。「緇衣」下加「敝」字,「適館」下加

畏本韻。也。賦也。下同。 一句懷也,〔旁批:一宕。〕父母之言,亦可 是敢愛之,〔旁批:一宕。〕畏我父母。本韻 以母子兮,無踰我里,無折我樹杞!

兄之言,亦可畏也。 豈 敢愛之,畏我諸兄。 將仲子兮,無 踰 我牆 本 韻 無折 仲 可 我樹 懷 也 桑 諸

> 人之多言,亦可畏也。 豈敢愛之,畏人之多言。本韻。仲可懷也, 以神子兮,無踰我園,無折我樹檀!

理乎 賦, 耶 故不爲 公與弟共叔段。 爲比,謂無與我家事,無害我兄弟也。 杞」言。今以「無踰我里,無折我樹 不從之,而故爲强解以不合此 言鄭事多不合,以爲淫詩 也,其合者吾從之而 詩,以意逆志,無論其爲鄭事 敢愛此杞」,不得以 仲可懷」爲「祭仲之言 之言」二字,非語氣,而 謂我豈敢愛弟 《小序》謂「刺莊公」。 其曰「豈敢愛之」,語 也。 是「豈敢愛之」明接上文,謂「豈 然則豈有比、 以「豈敢愛之,畏我父母」爲 而不誅,以父母之故, 爲比,昭 已。今按,以 可懷 「懷」字亦不 賦 則合,吾 氣自承上「折 予謂就 然矣。 相連 既既 也 詩之旨 爲辭之 且 安 此 淫 詩 莊

切。 段,獨不畏父母乎」,蓋譎諫也。」如此 言也,而詩人代公言之,若謂『公縱不 祭仲之辭以諷之。」又曰:「公未嘗 辭,可謂迂折之甚矣。 祭仲有殺段之謀,乃反其意, 合,其曰:「公非拒祭仲 諸家主此説者、嚴氏最爲 也 國人 設爲 委 知 曲 有 公 公 以

大有廉恥,又豈得爲淫者哉! 謝男子,而以父母、諸兄及人言爲可畏, 此雖屬淫,然女子爲此婉轉之辭以

而 壓折,非『采折』之『折』。」此解尤明。 將仲子》三章,章八句。 季明德曰:「篇内言『折』,謂因踰牆

無居 美且 叔于田,巷無居人。〔旁批:奇語。〕豈 旁批:又接得好。〕不如叔 本韻。 ○賦也。下同 也,洵

叔 于 狩,巷無飲酒。 豈 無飲酒,不 如

> 叔 也, 洵美且 好 本 韻

叔也, 叔適野,巷 洵美且 武 無 服馬。 本韻。 豈無服

馬,不

如

可乎! 之,始得。 泥「叔」字,則謂叔之左右 傳》曰「京叛大叔段」是也。 《集傳》本之,以爲「不義得衆,國人愛之 得衆」,尤非。既不義矣,安能 莊公之意。《大序》于下篇謂「叔 也。餘説見下篇 「叔」之一字耳 不義,民久怨之,可知。乃云得衆人愛, 而作」。按莊公入京,京人即畔叔,《左 《小序》謂「刺莊公」。 大抵以 一切不義得衆之説删去 然何可泥也 此 詩 主叔段者,第以 篇 近習之人 是必其多行 中絶 得 如 衆 不 必 乎 無 口 而 刺

叔于田》三章,章五句。

叔 于 田, 乘乘馬,執 轡如 組 兩 如

暴虎,夾入親愛語意。〕本韻。 將叔無 叔在 藪,火烈具舉,檀 狃,戒其傷如。 裼暴虎 〔旁批:此章言 ○賦也。 ,獻于公 下同

忌。 又良 行。 〔旁批:此章言射獵,詞調工絶。〕 御本韻。忌,抑磬控忌,抑縱送本韻 叔在藪,火烈具揚。本韻。 叔于田,乘乘黄,兩服上襄,兩驂雁 叔善射忌,

手。 忌。〔旁批:此章言射獵,描摹尤妙。〕 叔發罕本韻。忌,抑釋掤忌,抑鬯弓本韻 叔在藪,火烈具阜。本韻。 叔于田,乘乘鴇,兩服齊首,兩驂如 叔馬慢忌,

虎。」匡稱善説《詩》者,不曰 國人」,然則此 匡衡封事曰:「鄭伯好勇 兩馬在車中曰「服」,在旁曰「驂」。 兩篇亦未必爲叔段矣。 叔段 而 國 人暴 而

爲《長楊》、《羽獵》之祖。 描摹工 豔 ,鋪張亦復淋漓盡致,便 首章以

「執轡」藏「兩服」二字。

大 叔于田》三章,章十 句。

乎翱翔。本韻。 清人在彭,駟介旁旁,二矛重英,河上 ○賦也。下同

人在消,駟介麃麃,二矛重喬, 本韻 河上

作好。〔旁批:變文渾古。〕本韻 乎逍遥。 清人在軸,駟介陶 陶,左 旋 石抽

中軍

《傳》有明文,豈能知爲《春秋》「鄭棄 《清人》」,是時師已潰散,而 此言,可見詩人之意 据《左傳》「高克奔陳,鄭 微 婉 如 賦 此。 人爲 詩 者 之 使 猶 其 非 爲 賦

作「衆」意。未詳孰是。 風》「行人彭彭」、《小雅》「出車彭彭」,皆 師」之事哉! 「在」字。「彭」、《説文》「鼓聲」。又《齊 「彭」、「消」、「軸」,必非 左旋右抽」及「中軍」正言兵車,故上言 于此見釋《詩》之難 軸 地名,不可 也。 泥

九二

「在軸」。「消」,未詳。

《清人》三章,章四句。

命不渝。本韻。○賦也。下同。 羔裘如濡,洵直且侯。 彼其之子,舍

其之子,邦之司直。本韻。 羔裘豹飾、〔旁批:變。〕孔武有力。 彼

羔裘晏兮、〔旁批:變。〕三英粲兮。

彼

其之子,邦之彦本韻。兮。

此鄭人美其大夫之詩,不知何

指也。

義也。 諸侯之侯。當時稱諸侯者,亦取 一章「侯」、《韓詩》云「美也」。 此 美 即

三章「三英」,自是裘飾,如紽、 緎

《羔裘》三章,章四句。

之類。

兮,不寁故本韻。 遵大路兮, 摻執子之袪兮。 也。賦也。下同 無

我 惡

兮,不寁好本韻。 遵大路兮, 摻執子之手兮。 也。 無 我

魗

也。 豈可据以解《詩》乎! 悦,又非棄婦矣。 又曰:「宋玉賦有『遵大路,攬子祛』之 傳》謂「淫婦爲人所棄」。 夫夫既棄之, 悦置于前者,❷以男女不應于大路爲私 句,亦男女相悦之辭也。」●然則男女相 何爲猶送至大路,使婦執其袪與手乎? 然則亦何以置于後乎! 《序》謂「君子去莊公」,無据。《集 且宋玉引用《詩》辭, 然其不以男女相

辭,今不可考,不得强以事實之。 此只是故舊于道左言情相和好之 執袪言「故」,執手言「好」,下字不

女」,原誤作「子」,據朱熹《詩集傳》改。

女」,原誤作「子」,據朱熹《詩集傳》改。

失分寸。

《遵大路》二章,章四句。

雁奇。〕本韻。○賦也。下同。 卯。〕將翱將翔,弋鳧與雁。〔旁批:先寫鳧戶,批:態。〕視夜,明星有爛。〔旁批:生曰〔旁批:態。〕昧旦。〔旁批:寅。〕子興士曰〔旁批:態。〕昧旦。〔旁批:寅。〕子興士曰〔旁批:態。〕鶏鳴,〔旁批:丑。〕

批:住語。」本韻。 《旁 在 御,莫不 静 好。 《旁 與子 偕 老。 琴 瑟 在 御,莫不 静 好。 《旁 本韻。之。宜讀。 《旁批:承上字。〕言飲酒, 本韻。 《 資。 《 旁批:承上。〕言加之,與子宜

末章有急管繁絃之意。〕知子之好之,雜佩以報本韻。之。〔旁批:知子之好之,雜佩以報本韻。之。〔旁批:知子之來之,雜佩以贈叶韻。或謂「貽」字

> 美。此詩人閒筆涉趣也。 「明星有爛」,好指時言也。 「明星有爛」,好筆。「女曰雞鳴」,番矣。 「明星有爛」,妙筆。「女曰雞鳴」,番矣。 「世時旦」,則稍遲矣。此賢婦也。「將興而視夜,則又遲矣。此賢婦也。「將興而視夜,則又遲矣。此賢婦也。「將與而視夜,則又遲矣。此賢婦也。「將與而視夜,則又遲矣。此賢婦也。「將與一,就與一,

三章見不止于閨房之雍和已也,其飲酒而琴瑟間作,乃見其莫不静好矣。食也。既食而飲酒,故根「宜」字來。既薦鳧、雁也,故根「弋」字來。「宜」,宜于三章「加」,「籩豆有加」之「加」,指熟

《女曰雞鳴》三章,章六句。

如此。

好

賢

用以遺贈之具,婦亦有以

成成之

九四

批"預摹一筆。〕佩玉瓊琚。彼美孟姜,洵有女同車,顏如舜華。將翱將翔,〔旁

都。

本韻。

○賦也。下同。

玉將將。彼美孟姜,德音不忘。本韻。 有女同車,顏如舜英。將翱將翔,佩

耶 實長 以他女妻之,他女必幼于文姜,而經謂 明係曲 故又謂非文姜,其 之「孟姜」者,刺 之辭多有相 也。 小序》 [車]爲親迎,然親迎豈是同車乎 孔氏謂前欲 又謂「孟姜」爲文姜,文姜淫亂殺 豈亦文姜乎? 而 此依《大序》謂「忽有功于齊 賢 或, 且 謂「刺忽」,必不是。 ,故詩人多以「孟姜」稱之 忽已辭昏,安得言親迎 同者,如《采唐》曰「美孟 何 忽 周章無定説如此。 應娶不 以 以 文姜妻之,後又欲 贊 是必 其 ·娶,何必實賢 當時齊國 德音不 解者 大

嫁者、「孟姜」指適夫人也。其説存之。依舊説。季明德謂「同車」爲姪、娣之從嚴氏謂其文重複、當爲兩人。然其解仍嚴氏謂其文重複、當爲兩人。然其解仍

《有女同車》二章,章六句。

見狂 且 Ш Щ 有 有 扶 橋 本韻。 蘇、隰、 松,隰 〇比 有 有 而 荷華。 賦 游 也。 龍。 下 同。 不 不 見子充,乃 見子

見狡童

本韻

九五

起而全叛之,以爲淫詩,則更妄矣。 矣。《集傳》以《序》之不足服人也,于是然則以上篇爲辭昏者,其非確亦可知人」亦可通之,故後人多作「用人」解。人」亦可通之,故後人多作「用人」解。不類忽辭昏事,因云「所美非美」,則「用不類忽辭昏事,因云「所美非美」,則「用人」解。《小序》謂「刺忽」、《大序》謂「所美

嘗拘。 葉扶 者,以「荷華」亦佳卉也。宋儒尤重之,以周茂 美,使「山」、「隰」倒置,比物錯互,非也。 蘇」爲小木而以喻不美,以「荷華」喻美, 大者喻美,在隰之卑弱者喻不美,初 下章則又以「橋松」喻美,以「游龍」喻不 叔有《愛蓮説》也。 ·狂」、「狡」,義甚明。然人不敢爲此 子都」、「子充」,「荷華」、「游龍」 蘇,乃大木也。「扶蘇」、「橋松」 扶蘇」,毛傳謂小木,非也,蓋謂枝 自解者拘之,于是不得不以「扶 不知詩意只以在山之高 比 比

> 韻矣。 助辭趁韻,亦可悟「童」字上以「充」字趁亦爲古之美人。觀「子都」下以「且」字姣。」「子充」恐只是趁下「童」字韻,不必好。」「子充」恐只是趁下「童」字韻,不必

《山有扶蘇》二章,章四句。

也。〇下同。諷況。〕叔兮伯兮,倡予和本韻。女。此而賦諷况。〕叔兮伯兮,倡予和本韻。女。此而賦之。 養光:大見衰

蘇氏曰:「木槁則其蘀懼風,風至而呼「叔兮」,又呼「伯兮」,殆非人理。」言之污人齒頰矣。「淫詩」,尤可恨。何玄子曰:❶「女雖善淫,不應《小序》謂「刺忽」,無据。《集傳》謂

^{■「}玄」,原避清聖祖玄燁諱作「元」,今回改。下同,不

亂被伐 隕 志矣。」 兮伯兮,子苟倡之,予將 亦 矣。 不 此説 而 可 望救 以 如 可存。 人 久 也。 君 于 不 他國,亦可。 能 愚按,或謂 故 自 懼 立 而 和 于國 相告 女。」 賢者憂 其 蓋 邶 有 風 附 或 異 叔 之

旄丘》亦有「叔兮伯兮」是也。

《蘀兮》二章,章四句。

使我不能餐本韻。兮。賦也。下同。 彼狡童兮,不與我言兮。維子之故,

不能息本韻。兮。「不能餐」來,無人解此。〕維子之故,使我「不能餐」來,無人解此。〕維子之故,使我

似未安。或謂刺祭仲、祭仲此時非童《小序》謂「刺忽」,呼君爲「狡童」,

也,前人已辨之。

之理! 無 不能 既不食 共食禄」,然則賢 我食」只順下凑合成文。 與我言」,以 居,猶言「寢、食俱 미 寢食俱廢耶? 「不能餐」指飲食,此章言「不能 人之意,隨筆 以從容謀事」,亦甚牽强。 人爲文。 人怨不與我食者。 二章「不與 餐」猶之「不與我食」也。 禄,又何必 以 不食禄 此 至寢 我 即 嚴氏不從,以 轉换,絕不拘 食」,此 食俱廢之義,其「不與 人豈有 承上章「不能 廢」也。 懟 如 君,豈得 此 毛傳謂 憂時 句 以 勿爲所瞞, 只重 難 不 困苦, 爲賢! 爲 不 通, 泥 蓋 食禄 上章「 息」指 一共 皆 上章言 餐」來, 繩 與 蓋 食 束 不 以 懟 賢 以 起 似 知 則 至 不 君 世 且

可謂之善説《詩》。

《史》載箕子《麥秀歌》,襲此。

《狡童》二章,章四句。

子惠思我,蹇裳步有。子下我思,豈同。○賦也。下同。 無他人!本韻。狂童之狂也且!無韻。下無他人!本韻。狂童之狂也且!無韻。下

無他士! 本韻。狂童之狂也且! 子惠思我,褰裳涉洧。子不我思,豈

鄭。《左傳》曰:「謀伐鄭,將納厲公也。」傳》言淫詩之妄也,故多從之。然其實傳》言淫詩之妄也,故多從之。然其實傳》言淫詩之妄也,故多從之。然其實傳》言淫詩之妄也,故多從之。然其實不然。《春秋》,突以桓十五年奔蔡。其不然。《春秋》,突以桓十五年奔蔡。其一六年,公會宋公、衛侯、陳侯于窦,不得爲嗣位,其立也正,國人初不怨之。且年長于突,不得爲嗣位,其立也正,國人初不怨之。且年長于突,不得爲嗣位,其立也正,國人初不怨之。且年長于突,不得爲嗣位,其立也正,國人初不怨之。且年長于突,不得爲嗣位,其立也正,國人思大國,以為於其立。

子、子太叔之言而云,而《集傳》以爲 矣。因嘆《序》説「思見正」,本循韓 鄭六卿餞韓宣子而子太叔賦之,豈敢以 「士」字亦説不去。或謂「童」指祭仲,尤謬,不辨。又 或 詩,又不一顧之,皆非也。 或者仍惑《集傳》,以爲淫詩。 本國之淫詩贈大國之卿哉! 而 望 他 國 來 見正,豈非 夢 按《左氏》 語 必不然 耶 Ħ.

褰裳》二章,章五句。

子之昌兮,俟我乎堂兮,悔予不將本兮。賦也。下同。 子之丰兮,俟我乎巷兮,悔予不送本韻。

予與行。本韻。 衣錦褧衣,裳錦褧裳。叔兮伯兮,韻。兮。

駕

予與歸。本韻。 裳錦褧裳,衣錦褧衣。叔兮伯兮,駕

是諸侯皆助突伐忽,今乃謂國人怨突篡

九八

伯」,指送者、《士昏禮》有送者,不必定是兄弟,即 私之衆哉?」 作」,則是奔也。豈有奔其人而乃具禮服以待車馬者 何玄子曰,「朱子謂「婦人與男子失配,既乃悔之而 送者之長幼而言也。 時,衣錦衣、錦裳、且有加衣如此。 「叔、 悔不能送將也。 ·俟堂」,男子親 且堂上非所私之地,既稱「伯」,又稱「叔」,何所 此 女子于歸自咏之詩。 迎也。 乃駕予而行以歸之矣。 于是復自言其登車之 女子在房觀之, 「俟巷」、

《丰》四章:二章章三句,二章章四句。

中,何分遠邇? 妙義請參。〕 人甚遠。本韻。〇興也。下同。〔旁批:人在室人甚遠。本韻。〇興也。下同。〔旁批:人在室東門之墠,茹藘在阪。其室則邇,其

不我即。本韻。 東門之栗,有踐家室。豈不爾思,子

者。吾以爲貞詩亦奚不可。男子欲求此詩自《序》傳以來,無不目爲淫詩

雖萌其心而遂止,亦不得爲淫矣。所以寫其人遠也。女子貞矣,然則男子有「室邇人遠」之嘆。下章「不我即」者,此女,此女貞潔自守,不肯苟從,故男子

遠」,又以見人遠之非果遠也。 字屬 彼言「室遠」,此偏言「室邇」,而以「遠」 下章始露之。 所引「豈不爾思,室是遠 思」字,乃覺無非思,尤妙。 人,靈 其室則邇,其人甚遠」,較《論 心妙手。 「子不 又八字中不露 · 我 即」,正釋「 而 」所勝爲多。 「思」字于 人

《東門之墠》二章,章四句。

韻。〇興也。下同。 〔旁批:初號。〕既見君子,云胡不夷!本〔旁批:初號。〕既見君子,云胡不夷!本 風雨淒淒,〔旁批:晦。〕雞鳴喈喈。

本韻。 〔旁批:再號。〕既見君子,云胡不瘳! 風雨瀟瀟,〔旁批:晦。〕雞鳴膠膠。

〔旁批:三號。〕既見君子,云胡不喜!〔旁批:三號。〕既見君子,云胡不喜! 風雨如晦,〔旁批:黎明。〕雞鳴不已。

《小序》謂「思君子」,此何必言。

故曰 已矣。 凄」、「瀟瀟」 時尚晦 其衆和耳。 此,無人領會,可與語 何? 高 大也。 「如晦」。 「如晦」,正寫其 階」爲录聲和。 再鳴,則聲漸高,「膠膠」,同 三號以後,天將曉,相續 惟 其 可 爲「如晦」,則「 初鳴聲尚微,但覺 知。 而 明 也。 心賞者,如 詩意之妙如 惟其明, 何 淒

《風雨》三章,章四句。

學不嗣音! 本韻。○賦也。下同。 青青子衿,悠悠我心。 縱我不往,子

寧不來! 本韻。 青青子佩,悠悠我思。 縱我不往,子

三月本韻。兮! 挑兮達兮,在城闕兮。 一日不見,如

青」者,順承上文也。 以青」,故曰「青衿」。其于佩亦曰「青聞往教」是也。又《禮》云「父母在,衣純師之于弟子也,《禮》云「父母在,衣純師之于弟子也,《禮》云「禮,聞來學,不師之一弟子也,《禮》云「禮,聞來學,不

《子衿》三章,章四句。

而比也。下同。 與女。無信人之言,人實廷女! 本韻。〇興與女。無信人之言,人實廷女! 本韻。〇興

一人。無信人之言,人實不信!本韻。揚之水,不流束薪。終鮮兄弟,維予

皆已死,而原繁謂厲公曰『莊公之子猶曰:「《左傳》莊十四年,忽與子儀、子亹曰。《序》謂「閔忽之無忠臣」。 曹氏

明矣。 有八人』,不得爲『鮮』,然則非閔忽詩

《揚之水》二章,章六句。

員。本韻。○賦也。下同。 我思存。縞衣綦巾,〔旁批:妙飾。〕聊樂我我思存。縞衣綦巾,〔旁批:妙飾。〕聊樂我出其東門,有女如雲。 雖則如雲,匪

我思且。縞衣茹藘,聊可與娱。本韻。 出其闉閣,有女如荼。雖則如荼,匪

不说! 而皆謂之淫,罪過罪過,人孰無母、妻、 矣,女不必淫。以「如雲」、「如荼」之女 矣,女不必淫。以「如雲」、「如荼」之女 所繫思,而室家聊足與娛樂也。男固貞 鄭國春月,士女出遊,士人見之,自言無 鄭國春月,士女出遊,詩絶無此意。按

《出其東門》二章,章六句。

野有蔓草,零露漙兮。有美一人,清

下同。揚婉兮。邂逅相遇,適我願本韻。兮。

興也。

子偕臧。本韻。 如清揚。〔旁批:回文之祖。〕邂逅相遇,與如清揚。〔旁批:回文之祖。〕邂逅相遇,與野有蔓草,零露瀼瀼。有美一人,婉

美耶? 爲邂逅賢者作,然則賢其「清揚婉兮」之《小序》謂「思遇時」,絶無意。或以

此似男女及時昏姻之詩。

《野有蔓草》二章,章六句。

也。下同。 世。下同。 世。下同。 世。下同。 世。下同。 世。为,本韻。所之外,洵訏且樂!」維 「且往觀乎,本韻。洧之外,洵訏且樂!」維 「且往觀乎,本韻。洧之外,洵訏且樂!」維 「是主觀乎,本韻。洧之外,洵訏且樂!」 「是主觀乎,本韻。淯之外,洵詩,

「且往觀乎,洧之外,洵訏且樂!」〔旁批:韻。矣。女曰:「觀乎?」士曰:「既且。」溱與洧,瀏其清兮。士與女,殷其盈本

女,伊其相謔,贈之以勺藥。詩中敘問答,甚奇。 此亦士語。〕維士與

明矣。「士」、「女」字甚多、非士與女所自作「士」、「女」字甚多、非士與女所自作《序》謂淫詩、此刺淫詩也。篇中

> 多,蓋古時已然,故詩人所咏及之焉。 多,蓋古時已然,故詩人所咏及之焉。 是予《庸言録》。其花香,根葉不香,何 見予《庸言録》。其花香,根葉不香,何 見予《庸言録》。其花香,根葉不香,何 見予《庸言録》。其花香,根葉不香,何 是一,也。漢人醫方有「白芍」,無牡 根藥中用此甚廣,故獨擅藥名,即今所 根藥中用此甚廣,故獨擅藥名,即今所 根藥中用此甚廣,故獨擅藥名,即今所 根藥中用此甚廣,故獨擅藥名,即今所 根藥中用此甚廣,故獨擅藥名,即今所 根藥中用此甚廣,故獨擅藥名,即今所 是一,四學上,四學「牡丹」。詳 完始得木勺藥于宫中,因呼「牡丹」。詳 完始得木勺藥,即今牡丹,古名勺藥。自唐玄

然漢儒之誤

宋儒之罪實浮

有關國是, 故予謂漢

而叛之,于是

人

不敢 欲 以 之餘習,不則且爲明之豐坊、 于 妄 多 漢 亦可諒予志矣! 也。 解 無 儒 數千載以 説處此? 多 故寧甘寡昧, 矣。 或 日: 上之詩,是仍踵 曰:生數千載 子既 所不得辭。 兩 何楷 不 許 以 漢、 也 下 可 何

《出其東門》亦類《漢廣》之義,率皆嚴

德,尚矣。 《女曰雞鳴》大有脱簪之風

無邪」而

己。

且鄭

詩之善者亦未嘗少于

國

也。

《緇衣》之好賢、《羔裘》之美

溱洧》二章,章十二句。

男」

魯

氣

更

經 通 論

新安首源 姚 恒著

韓城寶珊王為校訂

匪雞 既 則 鳴矣, 鳴,蒼蠅之聲!〔旁批:審聽。 旁批: 寤。 虚。〕 朝既盈

齊

實。」本韻。 ○賦也。下同

實。〕本韻 匪東方則明,月出之光! 〔旁批: 東方明矣、〔旁批:再寤。 虚。〕朝既昌

〔旁批:工語。〕會且歸矣,無庶予子 **蟲飛薨薨,〔旁批:將曉。〕甘** 與 口

倒字句。」本

《序》亦安可從也? 勸桓公。」衆説不一,皆無確 「美乙公之王姬。」僞説謂:「衛 《序》謂:「思賢妃,刺哀公。」朱鬱 据。 然 姬 則

未安。 可通。 雞則 蠅之聲耳」,以見其荒淫昏亂」,似是。 太史奏雞鳴,公乃謂『此非雞之鳴,是蒼 二章放此。 鳴」,忽下斷語,又稱君爲「子」,皆 此似刺齊侯之詩。嚴氏謂「上二章 舊説皆謂三章爲賢妃之辭,「匪 三章「爲語其所昵之辭」,亦

可。何也? 起,誤以蠅聲 曰:「舊説以爲古之賢妃警其夫,欲令早 有聲,雞未鳴之前無 此詩 大旨,予從 (妃誤 爲 蠅 雞聲。 以 夜 中雖 蠅 蠅 嚴氏。若夫嚴 蠅 以天將明乃 聲也。」此説 間有之,今小蠅 爲 氏 飛

薨薨 爲蚊 謂君 是紛 蠅 乃 二章爲 字之誤。 蚊則天將明飛而有聲,即下所謂「蟲 君誤指 夏夜,故云 而生,與蚁實異。《説文》「秦謂之蜹,楚謂之蚁」,似未 小,望之如霧。《荀子》所謂「醢酸而蜹聚」者也。 雞聲,將有蒼蠅之聲矣。」因歎詩 以 聲在雞鳴後,與下「月光」不一例,于 飛 、聲,真堪捧腹。《埤雅》蜗,喜亂飛,似蚊 惟 蠅聲爲雞聲,解《詩》者又誤 毋謂雞聲爲蚤,過此以往,不但 」是也。 而 云 大 ,皆無不可。 「幸其尚蚤」。 有聲」,是誤 蟲 者 季明德以一章爲「疑其已遲」, 解。 有 蒼 鳴 聲。 自嚴氏爲此説,後 蠅。 聲 朱鬱儀謂「月」字乃「日」 耳。 然 或 亦不 乃謂 秋 以 謂賢 何玄子曰: 蚊聲爲 夜 必 妃誤 有蟲 「蠅以天將明 泥 蠅 聽,或 鳴,此 人 人均 蒼 以 「賢妃 聲也。 本謂 蠅 因 疑 飛 謂 必 之 而

三章「會且歸矣」,君謂朝會者且欲

使 鄙 謂 天 (明方起 而稚 人憎予 「吾會朝即 而 則將散而歸矣」,並無理。 治 ~ 事 矣。 ,尚留戀于色而 與子也,是倒字句 集傳》主賢妃言,謂「 歸,庶無 無 庶 予子僧」, 爲吾子所憎 爲 辭 法, 也 謂 以 俟 庶 君 也 嚴 見 幾 不 君 氏 無

活現。 辯,使人不見詩之妙,何耶? 《詩》者不知領會微旨,專 妙處須於句外求之,如以辭 於寢,問「夜何其」,亦同 雞聲,以月光爲東方明,真情實境, 起,故終夜關心,乍寐乍覺,誤以蠅 之妻作亦何不可。 有之事,惟知者可與道耳。 解爲難,且將怪作者矛盾矣。 增此詩謂賢妃作亦可, 此亦夏月廿四、五、六、七等夜 總之,警其夫欲 在字句紛 此意。 《庭燎》不 即 而 愚謂 謂 賢 紛 聲 令早 此 乃 寫 大 解 安 常 來 爲 夫

《雞鳴》三章,章四句。

批: 我謂我儇本韻。兮。賦也。下同 多以「我」字見姿。〕並驅從兩肩兮,揖 子之還兮,遭我 乎 峱之間兮。 ′ 旁

兩牡兮,揖我謂我好本韻 子之茂兮,遭我乎峱之道兮。 兮。 並驅從

兩 狼兮,揖我謂我臧本韻。 子之昌兮,遭我乎峱之陽兮。 兮。 並驅從

《秦風》之「奉時辰牡」,安在其爲「荒」 矮 之意,以爲見齊俗之尚功利則可,若必 男子所有事、《豳風》之「于貉」、「爲裘」, 則尤不當刺。第詩之贈答處若有矜誇 曰「不自知其非」,曰「其俗不美」,無乃 人觀場之見乎 《序》謂「刺哀公」,無据。按田 且此無「君」、「公」字,乃民庶耳, 獵亦

《還》三章,章四句。

俟我于著乎而,〔旁批:實。〕充耳以素

〔旁批:虚。〕賦也。 乎而,〔旁批:實。〕尚之以瓊華本韻。 下同 乎而

以瓊瑩本韻。乎而 俟我于庭乎而,充耳以青乎而,尚之

以瓊英本韻。 俟我于堂乎而,充耳以黄乎而,尚之 乎而

居? 况即謂女至壻家,安知其前壻不 壻家而非女家乎?《鄭風・丰》篇亦有 其「刺不親迎」之説,以爲「女至壻門,始 凡美者皆可爲刺矣。 親迎,必欲反之爲刺,何居? 至女家耶? 見其俟己」,安見此「著」與「庭」、「堂」爲 「俟我乎堂」句,解者皆以爲女家,又何 《序》謂「刺時不 又可異者, 吕氏祖 親迎」。按此本言 若是,則

知其爲何人。 「瓊」赤玉,貴者用之。「華」、「瑩」、 此女子于歸見壻親迎之詩,今不可 觀充耳以瓊玉,則亦貴人

似玉」,亦不可解。 世,尤謬。《集傳》本之皆以三者爲「石造英爲「石似玉」,又以分君、卿、大夫、已自可笑。而又以瓊華爲「石」,瓊瑩、已自可笑。而又以瓊華爲「石」,瓊瑩、民,取協韻,以贊其玉之色澤也。毛

《著》三章,章三句。「華」、「瑩」、「英」贊之,虚、實位置如此。「青」、「黄」,紞之三色。瓊惟一玉,而以「著」、「庭」、「堂」,三地。「素」、

在我闥兮,履我發本韻。兮。 東方之月兮。彼姝者子,在我闥兮。在我室兮,履我即本韻。兮。興也。下同。 東方之日兮。彼姝者子,在我室兮。

襄公」,説詩者果可以群逞臆見如公」,僞傳《説謂「刺莊公」,何玄子謂「刺。《小序》謂「刺衰」,孔氏謂「刺哀

是乎!

兩章韻頭耳。執泥「日」、「月」求解,皆兩章韻頭耳。執泥「日」、「月」求解,皆此刺淫之詩,以「日」、「月」爲興,作

《東方之日》二章,章五句。

之,自公召本韻。之。賦也。 東方未明,顛倒衣裳。本韻。顛之倒

之,自公令本韻。之。賦也。 東方未晞, 顛倒裳衣。本韻。倒之顛

夙則莫。本韻。○比也。 折柳樊圃,狂夫瞿瞿。不能辰夜,不

而妄論古,可笑也。末章難詳。爲番,何言「無節」乎! 此泥後世晏起起,雞鳴時正東方未明,可以起矣,並不起,雞鳴時正東方未明,可以起矣,並不

《東方未明》三章,章四句。

子由歸。既曰歸止,〔旁批:刺辭。〕曷又懷南山崔崔,雄狐綏綏。魯道有蕩,齊

止? 比而賦也。下同。

子庸止。既曰庸止,曷又從本韻。止? 葛履五兩,冠綏雙止。魯道有蕩,齊

如果。 19. 何? 必告父母。本韻。既曰告止,曷又鞠何? 必告父母。本韻。既曰告止,曷又鞠善,蓺麻如之何? 衡從其畝。取妻如之

韻。止?何? 匪媒不得。既曰得止,曷又極本何? 匪媒不得。既曰得止,曷又極本析薪如之何? 匪斧不克。取妻如之

「曷又」字,其爲刺辭亦甚顯然。襄公、文姜之事。又四章皆有「既曰」及襄中曰「魯道」,曰「齊子」,明是齊

謂「通篇刺文姜」,然則「雄狐」之説爲刺魯桓」,未免割裂,辭意不貫。季明德語。《集傳》謂「前二章刺齊襄,後二章

何? 何玄子謂「惟首章首二句刺齊襄,何? 何玄子謂「惟首章首二句刺齊襄,所以監。惟嚴氏謂「通篇刺魯桓」,似得之。蓋謂齊人不當以「雄狐」目其君也。其型:「雄狐綏綏然求匹,喻魯桓求昏于齊也。」又曰:「齊人不敢斥言其君也。其點。惟嚴氏謂「通篇刺魯桓」,似得之。歸咎于魯之辭也。辭雖歸咎于魯之辭也。其則襄公者深矣。」如此,則辭旨歸一而意亦周匝。

《南山》四章,章六句。字,即承上意而以「止」字足之。屨相伍必雨,冠綏必雙。下句不用「伍」屨,「金伍」之伍。葛

心忉忉。本韻。〇比而賦也。 無田 甫田,維莠驕驕。 無思遠人,勞

無田甫田,維莠桀桀。無思遠人,勞

心怛怛。本韻。○比而賦也

而 弁本韻。兮。非比,然未詳。 婉兮孌兮,總角艸兮。 未幾見兮,突

据。 比體,惟知者可與道耳。 又以末章爲比。按末章明是賦,必無此 影響之論。而《集傳》説理,于詩尤遠, 德而求諸侯」云云,《集傳》且謂「戒時 多同句,而上二章之辭則全不合。 亦云「猗嗟孌兮,清揚婉兮」也。按《詩》 魯莊公」,以末章云「婉兮孌兮」、《猗嗟》 小而務大,忽近而圖遠」云云,大抵皆 《大序》謂「無禮義而求大功,不修 此詩未詳、《小序》謂「刺襄公」,無 何玄子謂「刺

《甫田》三章,章四句。

旁批:心。〕通韻。○賦也。下同 盧重環,其人美且鬈。 本韻 令令、〔旁批:聲。〕其人美且仁。

重鋂,〔旁批:形。〕其人美且偲。

旁批:形。]本韻

從者曰『公子彭生也』。 公怒,射之,豕 傳》載莊八年,齊侯田于貝丘,見大豕, 羊傳》載莊四年,公與齊侯狩于禚。《左 所弑。此足爲襄公好田之證。」 人立而啼。 公懼,墜于車,因遂爲無知 《序》謂「刺襄公」。何玄子曰:「《公

説是。 [思]古通用。」按以上「鬈」字例之,則此 之貌。《春秋傳》所謂『于思』。『偲』、 文》:「髮好也。」「偲」、《集傳》曰:「多鬚 「令令」,即環、鋂之聲。「鬈」、《説

《盧令令》三章,章二句。

從如雲。本韻。 敝笱在梁,其魚魴鰥。 〇比而賦也。下同。 齊子歸止,其

敝笱在梁,其魚魴鱮。齊子歸止,其

從如雨。〔旁批:承「雲」。〕本韻。

從如水。〔旁批:承「雨」。〕本韻。 敝笱在梁,其魚唯唯。齊子歸止,其

重耶! 此指文姜詩。「歸」指于歸,「從」指 一年,執若不能防閑其妻之罪爲尤 公之世,故以爲刺莊公,非也。因以 公之世,故以爲刺莊公,非也。因以 公之世,故以爲刺莊公,非也。因以 公之世,故以爲刺莊公,非也。因以

韻脚耳,不必泥。(鰥」與「鱮」取换魚,必河之魴」是也。「鰥」與「鱮」取换字,蓋魴爲魚之絶美,《陳風》曰「豈其食字,蓋魴爲魚之絶美,《陳風》曰「豈其食」。一章、二章「魴鰥」、「魴鱮」總連「魴」

况魯桓不能制妻,乃况從者,何耶? 不下「從」者。 夫詩意本取敝笱不能制魚鄭氏謂「行相隨順之貌」,若是,則爲比非「唯」字正義,然于詩旨則合,姑從之。 三章「唯唯」,毛傳謂「出入不制」,雖

可從。

「雨」、「水」,亦皆陰氣,故比從者。「魚」,陰類,故比文姜。「雲」、

《敝笱》三章,章四句。

載驅薄薄,簟茀朱鞹。魯道有蕩,齊

子發夕。本韻。○賦也。下同。

四驪

濟濟,垂轡濔濔。

魯道

有蕩,齊

子豈弟。〔旁批:意。〕本韻。

文水湯湯,行人彭彭。魯道有蕩,齊

有蕩,齊子遊敖本韻。子翱翔。本韻。汶水滔滔,行人儦儦。魯道

亦貫。二句指襄公。《集傳》皆以爲指文姜,意二句指襄公。《集傳》皆以爲指文姜,意《小序》謂「刺齊襄」,因以前二章上

《載驅》四章,章四句。

猗嗟昌兮,頎而長兮。 抑若揚兮、〔旁

韻。兮。賦也。下同。〔旁批:先虚言射。〕批:摹神。〕美目揚兮,巧趨蹌兮,射則臧本

展我甥本韻。兮。日射侯,不出正兮,〔旁批:此言射而中。〕日射侯,不出正兮,〔旁批:此言射而中。〕

《小序》謂「刺莊公」,是。 批:此言射而貫,貫必有力,故言「禦亂」。〕 則貫兮,四矢反兮,以禦亂本韻。兮。〔旁

之之語。」此説似有理。『展我甥兮』,自是莊公初至齊而人驟見賓射,故所言者皆賓射之禮。又詩曰朝齊而因以狩也。古者諸侯相朝則有朝齊而因以狩也。古者諸侯相朝則有及齊人狩于禚』,此詩疑即狩禚事,蓋公及齊人狩于祥』,此詩疑即狩禚事,蓋公

階、降階、就位、復位之時。」
「章「巧趨蹌兮」,何玄子曰:「蓋升

二章何玄子曰:「『儀』,賓射之儀。

者,發必中時,故『不出正』也。」『既成』,言終事也。『正』所以射于侯中

《集傳》于「美目揚兮」釋曰:「揚,目

魏

美也。」何居? 之動也。」于「清揚婉兮」又曰:「揚,眉之

綜入妙。 三章皆言射,極有條理,而敘法錯

《猗嗟》三章,章六句。

(也。) 《) (也。) (也。) (以縫裳。 本韻。 要之襋之,好人服本韻。之。以縫裳。本韻。 更之襋之,好人服本韻。之。

以

是褊心,是以爲刺。本韻。賦也。好人提提,宛然左辟,佩其象揥。維

首二句,以爲賦也。不知此是興。詩人乎!《序》之以爲「儉嗇」者,誤泥首章儉爲美德,「與其奢也寧儉」,夫子不云何糾糾葛屨」二句,併爲「刺儉嗇」,非也。此詩「刺褊」,已見本文。《大序》因此詩「刺褊」,已見本文。《大序》因

之女,武斷殊甚。《集傳》亦謬從之。儉嗇」,何耶? 毛傳以「女」爲嫁未三月傳》既以爲興,是已,乃亦依《序》謂「刺取興多有難詳者,不必執泥强求。《集

夫人者。 此詩疑其時夫人之妾媵所作,以刺

一章「糾糾」,毛傳曰:「猶繚繚也。」 《集傳》曰:「繚戾寒凉之意。」以傳「繚 是要之襋之,使好人服之。「好人」,猶 履霜,則摻摻之女手亦可以縫裳矣。于 履霜,則摻摻之女手亦可以縫裳矣。于 履霜,則摻摻之女手亦可以縫裳矣。于 人,指夫人也。以見其服事之勒 此。

其服 以 然安諦 爲 二章于是承「好人」 刺 飾 耳。 也。 佩其象揥也。維是其心褊急,是 其儀容宛然左避 而言,見 而 退讓 其提提 也,

《葛屨》二章:一章六句,一章五句。

下同。無度,殊異乎公路。本韻。〇興也。無度。美無度,殊異乎公路。本韻。〇興也。

如

玉。

美如玉,殊異乎公族。本韻

也。 興義甚明。彼蓋直以每章上二句爲 爲説也。此篇不惟絶不見刺意,且亦 以引起所咏之辭也。」則采莫爲他物矣, 亦無咏人采莫、又采桑、又采藚者,其 儉意。乃謂魏君親采莫與桑與藚 「儉之」之説,●豈不稚甚可笑乎! 刺儉」,何耶? 《集傳》既 《小序》謂「刺儉」,此蒙上篇之誤 以 其曰:「興者,先言他物 爲 興,而亦依《序》謂 且詩 以 賦 爲 無 而

> 亦無此理。 以「殊異乎公路」爲刺辭。方美而忽刺,以「殊異乎公路」爲刺辭。方美而忽刺,笑。又毛、鄭諸解以「美無度」爲美辭,急之態」,併連上篇褊急以入此篇,尤可「刺儉」之意于何而見? 又曰「儉嗇、褊

地詩人贊其公族大夫之詩,托言采物而見其人以起興也。當時公族之人物而見其人以起興也。當時公族之人。 。正意在末章「公族」二字。「公路」、「公行」,亦公族官名,取换韻耳。 路」、「公行」,亦公族官名,取换韻耳。 路」、「公行」,亦公族官名,取换韻耳。 此,安知魏之制度同于晉乎。 《汾沮洳》三章,章六句。

園有桃,其實之殽。心之憂矣,我歌

「儉之」、《毛詩正義》卷五之三作「刺儉

0

批:總不知。〕其誰知之、蓋亦勿思。 横排宕之致。〕心之憂矣,其誰知之? 批:答不知我者。〕本韻。○興也。下同。 子日 不知我者,謂 何其?〔旁批:詩如行文,極縱 我 士 也 驕。 本 韻。 彼

批"摹神。〕本韻。彼人是哉,子曰何其? 心之憂矣,其誰知之? 行 國。 袁 [有棘,其實之食。心之憂矣,聊 不知我者,謂我士也罔極。 其誰知之,蓋亦 以

而 無德教」、《集傳》承之、大抵皆依摹上 《小序》謂「刺時」,《大序》謂「國 小

篇爲説也

此賢者憂時之詩。

殽,國 爲興,是已。然毛傳謂「園有桃,其實之 園有桃,則其實之殽矣。心之憂,則 袁 有桃」二句,毛傳、《集傳》皆以 得其 力」,非是。 《集傳》

> 歌且 之無人也,故直接以「心之憂矣」云云。 果實之賤者,園有之,猶可以爲食,興國 詩》之興體不一,在乎善會之而已。 園有桃》二章,章十二句。 謡 亦 無 意義。 此 蓋 桃、 棘

來無止!」本韻。○賦也。 嗟,予子,句行役夙夜無已。 彼 彼 妃兮,瞻望母本韻。 岵兮,瞻望父本韻。 下同。 兮。 上慎旃哉,猶 兮。

來無棄!」本韻 「嗟,予季,句行役夙夜無寐。 上慎旃哉,猶

來無死!」本韻 「嗟,予弟,句行役夙夜必偕。上慎旃哉,猶 陟 彼 岡兮,瞻望兄 本韻。 兮。

峐。」 屺同。 《小序》謂「孝子行役,思念父母」,是。 爾雅》:「有草木, 毛傳反之,非。「父曰」以下, 岵;

四

皆父 不歸 止 于上二章皆預纏「死」字,無謂。 于彼 也。 于其 而 無 不 臨 來 行 死」,則加激切矣。 也 教 戒之辭。 「無棄」,謂無 無 止 棄 我 謂 傳 而 無

《陟岵》三章,章六句。

本韻。兮!」 一畝之外兮,桑者泄泄兮,「行與子逝本韻。兮!」^{賦也。下同。} 本韻。兮!」^{賦也。下同。}

矣。 解 間。」亦得此 之貌」,蓋 君子思隱,則何爲及于 古稱,採桑皆婦人,無稱男子者。 「閑閑」之義日 異,故指男女之私者必 曹植詩云:「美女妖且閒,採桑岐 此類刺淫之詩、蓋以「桑者」爲 已 意。 知桑者爲 古西北之地多植 「閑閑然男女無别往 女子,微見其 婦人耶? 曰「桑中」 桑, 若 毛 婦 與 來 傳 爲

> 知矣。 《鄭風》中、《集傳》必以爲淫詩,今在《 風》,遂不之覺,于此見 之呼其妻,亦未 將與之還 也 則其謂《鄭風》爲淫詩者,其非淫詩可 此 描 摹桑者閑 而 往 正 可知也。 類 閑、 其 其 意。 泄 因歎此詩若雜 有 泄 不然 耳 之 而 態 無目。 則 而 魏 夫

《孟子》云「五畝之宅,樹之以桑」,此十畝者合兩宅而言,故曰「之間」。

《十畝之間》二章,章三句。

批: 且漣 不 ·狩不 只是借形君子,莫認作實。 猗。 坎坎伐檀兮,寘之河之干兮。 獵,胡 不稼 瞻 不 爾 穡,胡取禾三百廛 庭有 懸 貆兮?❶ 寫 西北 河 兮? 水清 旁

[「]懸」、《毛詩正義》作「縣」。本詩下二「懸」字同。

也。下同。 家如畫。〕彼君子兮,不素餐本韻。兮! 興

兮,不素食本韻。 且 不狩不獵 直 猗。 坎坎伐輪兮,寘之河之漘兮。 坎坎伐輻兮,寘之河之側兮。 不嫁 ,胡瞻爾庭 兮! 不穡,胡取禾三百 有懸特兮? 彼 億 河 君子 兮? 水 清

且 兮,不素飱本韻 不狩不獵 淪猗。不稼 不得 謂「刺貪」者,指「不稼」以下而 貪鄙,無功 《小序》謂「刺貪」。《大序》謂「在 進仕」者,指章首三句 ,胡瞻爾庭 而受 兮 ! 不穡,胡取禾三百 禄,君子不得進 有懸鶉兮? 言 而 彼君子 仕 禾 也。 河 言也。 兮? 水清 謂 位

> 爲 力作 車之處,仍只君子不得進仕之義,與下 爲説,添出「若俟」字,殊非語氣。 獵 終不合。 義不蒙。 比者,蘇氏解。 漣」,此倣《左傳》「俟河之清, 爲贊河水耶? 毛傳云「若俟河水清 仕,伐檀以自給,而置于河干,可也, 水清且漣猗」一句竟無著落。 此, 諸 事 ? 何 ,庸夫類爲之,皆自食其力,君子 即 以 而「河水」一 從 見其賢? 謂伐檀宜爲車,今河非 事力作 如伐 句雖竭力曲解, 既 有 檀 難 人壽幾何」 及 通 言君子不 稼 而 以 用 爲 且 何 河 亦

時,即所見以爲興,而下乃咏其事也。車,用置于河干而河水正清且漣猗之執求之。只是咏君子者適見有伐檀爲興也。興體不必盡與下所咏合,不可固興也。興體不必盡與下所咏合,不可固

此詩美君子之「不素餐」,「不稼」四

以伐檀爲實事。

夫君子之人豈必從事

今按之,以爲賦者,毛、鄭解、《集傳》從之。

貪」與「不得進仕」各自爲義

,兩不相

又首三句,解詩者不

爲賦

則

爲

比。

則

始露其旨。若以爲「刺貪」,失之矣。小人,乃反襯「不素餐」之義耳。末二句句只是借小人以形君子,亦借君子以駡

《伐檀》三章,章九句。

賦也。下同。 土、〔旁批:津津。〕爰得我所。本韻。○此而 我肯顧。逝將去女,適彼樂土。樂土樂 我肯顧。逝將去女,適彼樂土。樂土樂

國,爰得我直。本韻。 我肯德。逝將去女,適比樂國。樂國樂我肯德。逝將去女,適比樂國。樂國樂

我肯勞。逝將去女,適彼樂郊。樂郊樂碩鼠碩鼠,無食我苗! 三歲貫女,莫

《碩鼠》三章,章八句。此詩刺重斂苛政,特爲明顯

郊,誰之永號。

本韻。

唐

瞿。本韻。○賦也。下同。無已大康,職思其居。好樂無荒,良士瞿月其除。〔旁批:感時惜物詩肇端于此。〕 蟋蟀在堂,歲聿其莫。今我不樂,日

荒,良士蹶蹶。本韻。 月其邁。無已大康,職思其外。好樂無

荒,良士休休。本韻。 月其慆。無已大康,職思其憂。好樂無

二字,既非君上,亦不必盡是細民,乃士「民閒終歲勞苦」之詩。觀詩中「良士」《小序》謂「刺晉僖公」。●《集傳》謂

)「僖」,原誤作「昭」,據《毛詩正義》卷六之一改。

大夫之詩也。

意。 過甚也。 告語之辭,鑿矣 上四句言及 每 蘇氏以 句,上四句一意 時 其 行樂,下四 前 後 不類,作 下四 句 又戒 句 臣 無

《蟋蟀》三章,章八句。

人是愉! 本韻。〇興也。下同。婁。子有車馬,弗馳弗驅。宛其死矣,他山有樞,隰有榆。子有衣裳,弗曳弗

人是保! 本韻。掃。子有鐘鼓,弗鼓弗考。宛其死矣,他掃。子有鐘鼓,弗鼓弗考。宛其死矣,他山有栲,隰有杻。子有廷内,弗洒弗

鼓瑟 且 以 永 ? Ш 日。宛其死矣,他人入室 有漆,隰有栗。子有酒食,何不日 〔旁批:漢 魏 詩 鼻 祖 。〕且以喜樂, ! 本韻

傳》謂「答前篇之意,而解其憂」,亦謬。《小序》謂「刺晉昭公」,無据。《集

《序》曰:「『宛其死矣』之言,非臣子所 前篇 若此,豈有定見者耶? 必 昭公之將亡而私相告語之辭。 施于君父者。」何玄子因以爲諸大 不中禮之詩」,差可通。然未有以 然也。 先言及時 樂 而 已,何 爲 樂,後 謂答之乎 言無 季明德謂「刺儉 過 1 甚 朱之 解《詩》 夫哀 見 此 其 辨

若有之,則以子孫 考,烏得鑿然以 之「委蜕」,佛家之「本空」矣。 刺時君之敗亡者,意本近是。 達者流,未 若直依 可 詩 爲 詞 爲刺某公乎 訓 作及時行樂 爲「他 且 一其人 人」,是《莊子》 解, 無 故諸家謂 然無 子 則 耶? 類 所 曠

也。 作樂可以 且 人憂則苦日 《集傳》云「人多憂則覺日 三章「且以 永長此日」,既昧 長,樂則 永日」,猶 嫌 云「盡 日 「永日」之義、 短 ,嚴氏已 短 此 一、飲食 日

譏其反説矣。

《山有樞》三章,章八句。

^{賦也。下同。} 于沃。既見君子,云何不樂! 本韻。○比而于沃。既見君子,云何不樂! 本韻。○比而揚之水,白石鑿鑿。 素衣朱襮,從子

揚之水,白石粼粼。我聞有命,不敢于鵠。既見君子,云何其憂! 本韻。

以告人!〔旁批:正是告人處。〕本韻

從《序》故予謂遵《序》者莫若《集傳》也。 矣。」嚴氏此説得詩之正意。《集傳》誤 曆文弒昭公,迎桓叔,晉人發兵攻桓叔, 昭公,無叛心也,後《序》言過矣。 異時 昭公,無叛心也,後《序》言過矣。 異時 昭公,無叛心也,後《序》言過矣。 異時 昭公,無叛心也,後《序》言過矣。 異時 昭公,無叛心也,後《序》言過矣。 異時 昭、昭公微弱,國人將叛而歸沃。」嚴氏 强,昭公微弱,國人將叛而歸沃。」嚴氏

> 父之黨,必不作此詩以洩漏 懼,早爲之備也。若真欲從 矣。此微詞以洩其謀,欲昭公聞之 者,「君子」指桓叔。嚴氏曰:「設言 取敗也。」 人,其意謂國中有將與爲叛以應曲 石鑿鑿」,喻隱謀之彰露也。 章「揚之水」,水之淺而 其事、且自 沃,則是 緩者。 「子」指 而 沃 潘 戒 者 其 叛

四句。《揚之水》三章:二章章六句,一章國人將叛而作,則爲反詩矣,可乎哉!

而賦也。下同。 大無朋。本韻。椒聊且,遠條本韻。且! 比大無朋。本韻。椒聊且,遠條本韻。且! 比

本皆作「實」,疑誤,今正之。大且篤。本韻。椒聊椒聊之實,蕃衍盈匊。彼其之子,碩舊

二九

且,遠條且,

故無疑也。「蕃衍」,曰「碩大」,曰「遠」,似指桓公,●蕃衍盛大,子孫將有晉國焉。」觀詩曰蕃衍盛大,子孫將有晉國焉。」觀詩曰

可也。

《椒聊》二章,章六句。

良人本韻。何! 與也。下同。〔旁批:惝怳。〕見此良人。子兮子兮,如此〔旁批:惝怳。〕見此良人。子兮子兮,如此 綢繆束薪,三星在天。 今夕 何夕?

綢繆束芻,❷三星在隅。〔旁批:即在

子兮子兮,如此邂逅本韻。何!天。〕今夕何夕? 見此邂逅。〔旁批:變。

《綢繆》三章,章六句。 章「子兮」合指,三章「子兮」指男。 一章、皆一意也。一章「子兮」指女,二之,「在隅」言其方,「在户」据人在户中肅謂「十月」,亦是。其曰「在天」統言肅謂「十月」,亦是。其曰「在天」統言

)「公」,據《毛詩正義》卷六之二鄭箋、孔疏,當作「叔」。

▶ 「楚」,原誤作「薪」,據《毛詩正義》卷六之二改。 ▶ 「芻」,原誤作「薪」,據《毛詩正義》卷六之二改。

也。下同。 不比焉? 人無兄弟,胡不佽本韻。焉? 興無他人,不如我同父。本韻。嗟行之人,胡無他人,不如我同父。本韻。嗟行之人,胡無人,不如我同父。本韻。獨行踽踽。豈

不比焉? 人無兄弟,胡不佽焉? 無他人,不如我同姓。本韻。嗟行之人,胡無化人,不如我同姓。本韻。嗟行之人,胡

你我耳。「人無兄弟」一句,是夾入成章 所,可共行乎,然終不如我兄弟也。使他人 可共行乎,然終不如我兄弟也。使他人 可共行乎,然終不如我兄弟也。使他人 兄弟也,即上「他人」,以見他人莫如我 兄弟也,即《常棣》「凡今之人,莫如兄 完立意。「嗟行之人」以下意貫至末。 弟」之意。「嗟行之人」以下意貫至末。 此我,而人無兄弟者胡不依助我乎? 此我,而人無兄弟者胡不依助我乎? 此我,而人無兄弟者胡不依助我乎? 此我,而人無兄弟者胡不依助我乎? 此我,而人無兄弟者胡不依助我乎?

> 乞人耳。又「不如我同父」,明是有兄弟人口氣,乃曰 笑。且世安有望行路之人而閔憐我者乎? 無兄弟而見助乎?」按上既曰「豈無他人可與同行,不 于是嗟歎行路之人,何不閔我之獨行而見親,憐我之 與同行也哉,特以其不如我兄弟,是以不免于踽踽耳。 句,皆不合,而《集傳》尤謬。其曰: 者,不重,亦不必泥。 如我兄弟」,下又仍望他人閔我憐我,自爲乖反,甚可 此無兄弟者自傷其孤特」並謬。 註疏及蘇、嚴 「然豈無他 氏 若是,則 解此 人之可 四

《杕杜》二章,章九句。

維

曰「猶居居也」。《爾雅》曰:「居居,究居」曰「懷惡不相親比之貌」,●釋「究究」《序》謂「刺在位」之詩。毛傳釋「居

「懷」,原誤作「壞」,據《毛詩正義》卷六之二改。

《羔裘》二章,章四句。 《羔裘》二章,章四句。

有所!本韻。〇興也。下同。能蓺稷黍。父母何怙? 悠悠蒼天,曷其能蓺稷黍。父母何怙? 悠悠蒼天,曷其肅肅鴇羽,集于苞栩。王事靡盬,不

有極! 本韻。 能蓺黍稷。父母何食? 悠悠蒼天,曷其能蓺黍稷。父母何食? 悠悠蒼天,曷其離蕭鴇翼,集于苞棘。王事靡盬,不

有常!本韻。 能蓺稻粱。父母何嘗? 悠悠蒼天,曷其離蕭鴇行,集于苞桑。王事靡盬,不

以詩中「王事」二字而信其説。君子下從征役,不得養父母之詩」。今君子下從征役,不得養父母之詩」。今

《鴇羽》三章,章七句。

豈曰無衣七兮! 〔旁批:起得兀突飄

亦奇。〕同。〔旁批:二句只一意,無他襯句,章法忽。〕不如子之衣,安且吉本韻。兮。賦也。下

《小序》謂「美晉武公」,是美者其詩人美之,傳之于世,人則以爲刺耳,正不人美之,傳之于世,人則以爲刺耳,正不理悖倫,未有如此之甚者」,甚無謂。篇理悖倫,未有如此之甚者」,甚無謂。篇謂「《小序》之陋固多,然其顛倒順逆,亂謂「子之使」,竟以「子」屬「天子之使」也,是美者其詩、一天子」謬。

《無衣》二章,章三句。

肯適我? 本韻。中心好之、〔旁批:真情。〕 有杕之杜,生于道左。彼君子兮,噬

曷飲食本韻。 之? 興也。下同

肯來遊? 有杕之杜,生于道 本韻。 中心好之,曷飲食之? 周。彼君子兮, 噬

之」,是。 《集傳》謂「此人好賢而不足以致

首二句是興,不必作比 解

言也。 衣、授餐」亦然。 惟思以 賢者初不望人飲食,而好賢之人則 飲食申其殷勤之意。 此真善體人情以 《緇衣》「改 爲

《有杕之杜》二章,章六句。

葛生蒙 楚, 蘞蔓于野。 予美亡此,誰

與? 獨處。 本韻。○興 也。

葛生蒙 棘, 蘞蔓于域。 予美亡此,誰

與? 獨息。 本韻。○興也。

予 美亡此,誰與? 角枕粲兮,錦衾爛兮。〔旁批: 獨 日。 本韻。 難 賦 堪 也。

下同。

妙。〕百歲之後,歸于其居。本韻 夏之日,冬之夜。〔旁批:不 露 思字

本韻。 妙,見時光流轉。〕百歲之後,歸于其室。 冬之夜,夏之日。〔旁批:此 换句特

獻公二十三年之間 夫征役而思之者多矣。 《小序》謂 「刺晉獻公」是。 凡十一戰,則婦人 曹氏

百歲之後同歸于居」,便非語氣。 者,即偕老之意。若夫已死,而自云「己 居,矢其志之守義 不得共處,百歲之後擬同歸于 「思存」爲是。 此詩 『或謂「思存」,或謂「悼亡」,据 末章「百歲之後」,謂 無 他也。 云「百歲」 九泉之 此時

倣此。 爲比,皆非。 曰、「我其誰與乎? 但獨處而已。」後章 一章首二句是興。或以爲賦,或 各以二字爲文,遞轉 「誰與? 獨 處」,何玄子 而下, 以

《易》「匪寇,昏媾」句法同。

人尋繹如此。 四章言「夏」、「冬」者,取時變之大, 其無時不思,此一義也。末章轉换,亦 長者言之,此又一義也。云「日」、「夜」 其無刻不思,此又一義也。以 人尋繹如此。云「日」、「夜」 人尋繹如此。

《葛生》五章,章四句。

下同。
 不苓,采苓,首陽之顛。人之爲言,胡得焉! 本韻。○興也。亦無然。人之爲言,胡得焉! 本韻。合旃,哉態亦復摇曳。〕無信! 通韻。舍旃,舍旃,芴亦〔旁批:通篇以叠詞重句纏綿動聽,而姿亦〔旁批:通篇以叠詞重句纏綿動聽,而姿亦〔旁批:通篇以叠詞。人之爲言,苟

亦無與!本韻。舍旃、舍旃、苟亦無然!采苦、采苦、首陽之下。人之爲言、苟

人之爲言,胡得焉!

人之爲言,胡导焉!亦無從! 本韻。舍旃,舍旃,苟亦無然!亦無從! 本韻。舍旃,舍旃,苟亦無然!

人之爲言,胡得焉!

東」乎?

山之南」,然則下何以云「首陽之山之南」,然則下何以云「首陽為「首首二句是興。以爲比,非。

《采苓》三章,章八句。

四四

新安首源姚際恒著 韓城寶珊王篤校訂

時,君、臣習狎,容有之耶!

《車鄰》三章:一章四句,二章章六句。

當與君並坐也。然亦武斷。

何玄子謂

·鼓瑟者並坐」,亦非語氣。 意或草創之

美之而作」,以詩中有「並坐」字,謂臣不

可見。僞説謂「襄公爲諸侯,周大夫與燕, 公」,故此云「美秦仲」,以其爲《秦風》首耳。 其臆測亦 「美襄公」,無有定也。《小序》謂下篇爲「美襄

批:「未見」一章。〕寺人之令。通韻。○賦也。 阪有漆,隰有栗。既見君子,〔旁批: 有車鄰鄰,有馬白顛。 未見君子、〔旁

其耋! 見」二章。〕並坐鼓瑟。今者不樂,逝者 本韻。○興也。下同。

簧。今者不樂,逝者其亡! 阪有桑,隰有楊。 既見君子,並 本韻。 坐鼓

《小序》謂「美秦仲」,劉公瑾疑爲

詩經通論卷七

公于狩。本韻。○賦也。下同。 駟鐵孔阜,●六轡在手。公之媚子,從

舍拔則獲。〔旁批:迅快自喜如見。〕本韻。 奉時辰牡,辰牡孔碩。公曰「左之」,

遊于北園,四馬既閑。

本韻。

輶車

鐮,載獫歇驕。本韻。 公。其曰「媚子從狩」,恐亦未必爲 《小序》謂「美襄公」,然未知爲 何

鐵」、《毛詩正義》作「驖」。下同。

美也。

《駟鐵》三章,章四句。《駟鐵》三章,章四句。《駟鐵》三章,章四句。《秦風》諸詩「歇其驕」解,非古人語氣。《秦風》諸詩「歇驕」,依舊解作犬名爲是。若作

本韻。○賦也。下同。
本韻。○賦也。下同。
本韻。○賦也。下同。
本韻。○賦也。下同。
本韻。○賦也。下同。
本韻。○賦也。下同。
本韻。○賦也。下同。
本韻。○賦也。下同。

期?胡然我念之。本韻。 轡飾。〕言念君子,温其在邑。本韻。方何爲爲、驪是驂。〔旁批:兩驂。〕本韻。龍盾之賜、驪是驂。〔旁批:兩驂。〕本韻。龍盾之我」句。〕本韻。騏、駵是中,〔旁批:兩服。〕我」句。」本韻。

> 人,秩秩德音。本韻。 批:弓檠。〕言念君子,載寢載興,厭厭良臣。〕文韔二弓,竹閉緄縢。〔旁盾」二句,言矛盾。〕蒙伐有苑。虎韔鏤膺,盾」二句,言矛盾。〕蒙伐有苑。虎韔鏤膺,

非也。 之」,意近是。何玄子曰:「襄公當幽王時爲西垂 以《孟子》「其良人出」、《唐風》「如此良 予初亦疑「厭厭良人」爲婦目夫之詞。 此詩『言念君子』,則襄公自念其臣子。」 詩或代爲其人言,或代爲其室家言。 大夫之臣亦可稱「大夫」也。 之大夫,未爲諸侯也,而所遣者亦大夫耶?」此駁非。 甲,婦人能閔其君子焉。」一詩作兩 此良人,作爲式穀」,何也? 若爲室家 人何」證之,殆合。然《黄鳥》哀三良,亦 「殲我良人」、《雅》之《桑柔》亦曰「維 序》謂:「美襄公、國人則矜其 偽傳謂「襄公遣大夫征戎 鄒肇敏曰:「凡勞 而勞 車 而

君子也」。」二説皆通。
之日,良人請問十二紀。』註亦謂『良人,稱。《吕氏・紀序意》曰:『秋甲子朔,朔何玄子曰:「先秦之世,『良人』爲君子通代述,則種種軍容固無煩如此覼縷耳。

蓋馬 言兩 曰『馵』,因其白之在足也。 也,何玄子曰:「《爾雅》謂 『駵』,因其駵之在體也。」亦有理。 有駵色,有白色,故曰 即「馵」特變字耳,故「騏」字不 服曰「騏、馵」,此章曰「騏、駵 二章戎車爲駟馬,兩服、兩驂。 『駁』。 『駵,白 此章 上 駁」。 上 章

彼鉤膺也。補傳爲長。」二説皆是。寫緄縢」,則皆言弓耳,不得以此『鏤膺』爲為室之胷也。」嚴氏曰:「此首言『虎鞮』,弓室之胷也。」嚴氏曰:「此首言『虎鞮』,言章「鏤膺」,補傳曰:「鞮以虎皮爲

乎作《序》者不知之,以爲兩義也。 一篇之中,氣候不齊,陰晴各異,宜 。一篇之中,氣候不齊,陰晴各異,宜 典奥,于斯極矣。漢賦迥不能及。「言 典學、于斯極矣。漢賦迥不能及。「言

《小戎》三章,章十句。

○興也。下同。

○興也。下同。

○興也。下同。

○興也。下同。

宛在水中坻。本韻。水之湄。遡洄從之,道阻且躋,遡游從之,难 蒹葭淒淒,白露未晞。所謂伊人,在

宛在水中沚。本韻。 水之涘。遡洄從之,道阻且右,遡游從之,水之涘。遡洄從之,道阻且右,遡游從之,在 蒹葭采采,白露未已。 所謂伊人,在

經 通 論

歎哉! 加 知,遑言其他! 在」,乃以爲皆不可得,何耶? 深企願見之狀,于是于上「在」字加 見之詩。「在水之湄」,此一句已了 下求之而皆不可得」。 人隱居水濱,亦以此知之也。《集傳》曰「上 曰「在水」,下曰「宛在水」,愚之以爲賢 「宛」字,遂覺點睛欲飛,入神之筆。 「遡洄」、「遡游」兩番摹儗,所以寫 此 自 是賢人隱居 既昧詩旨,且使人不見詩之妙,可 詩明先曰「道阻且長」,後曰「宛 水濱 如此粗淺文理,尚不之 前 慕 而 上 其 思

蒹葭》三章,章八句。

錦 衣 狐裘,顔 終南 何有? 如渥丹,其君也哉? 有條有梅。 君子至止, 本韻。〇

興也。

下同。

黻 衣繡裳 終南 小序》謂「戒襄公」。按此乃美耳, ,佩玉將將,壽考不忘! 何有? 有紀有堂。君子至止, 本韻。

> 無 戒意

《終南》二章,章六句。

下同。 人! 穴,惴惴其慄。本韻。 車奄息。維此奄息,百夫之特。 交交黄鳥,止于棘。 如可贖兮,人百其身。本韻。 彼蒼者天,殲 誰從穆公? 本韻。臨 〇興 我 良 其

穴,惴惴其慄。 車仲行。維此仲行,百夫之防。本韻。 可贖兮,人百其身。 交交黄鳥,止于桑。 彼蒼者天,殲我良 誰從穆公? 臨其 子 如

穴,惴惴其慄。 車鍼虎。維此鍼虎,百夫之禦。 可贖兮,人百其身。 交交黄鳥,止于楚。 彼蒼者天,殲我良 誰從穆公? 本韻。 臨其

國人哀之,爲之賦《黄鳥》」,見文六年 「秦穆公卒,以子車氏之三子爲殉,

《左傳》。

則是 孟明,豈有死之日而忍用其良!」 子瞻,其《過秦穆公墓》曰:「穆公生不誅 其罪有所歸矣。」其言蓋本之蘇氏,曰: 自殺從之,非後主之過。」此唐以上人所 公而刺穆公者,是穆公命從己死, 不爲盟主也宜哉,死而棄民。」鄭氏 三章明言穆公,又《左傳》曰:「秦穆公之 而不改,其亦異于魏顆矣。」子由又本之 「三良之死,穆公之命也。 康公從其 從死,自殺以從死。」孔氏曰:「不刺 君之賢否也,何必爲穆公回護 歸 康公從父之亂 以穆公尚爲賢主,康公庸鄙, 其罪。不知從死乃秦戎狄之俗,非 知此,偏是宋人有此深文,何也? 集傳》云:「今觀『臨穴惴慄』之言 朱又執「臨穴惴慄」之詞,爲 命,迫 而納之于壙, 而歸 故 日 按詩 此臣 舉 康 罪

> 慄,亦自人情,不必爲之諱也。 元,其事出于穆公之命,三人自殺,要皆之,其事出于穆公之命,三人自殺,要皆宗,爲秦人視其擴語。今平心按康公迫死。鄭氏則以爲三人自殺,其臨

《黄鳥》三章,章十二句。

本韻。 心如 心欽欽。 心靡樂。本韻。 語。 秦君遇賢,始勤終怠」,稍近之。 醉。 山 ○興也。下同。 鴥彼 山有苞櫟,隰有六駁。 晨風》三章,章六句 《集傳》屬之婦人,亦無 有 《序》謂「刺康公棄其賢臣」,此臆測 本韻。 本韻。 苞棣, 隰有樹檖。 晨風,鬱彼北 如何! 如何! 如何! 如何! 如何! 林。 如何 未見君子,憂 未見君 未見君子,憂 謂。 忘我實多。 忘 忘我實多。 我實多。 偽説 子, 憂

二九

我戈矛,與子同仇。本韻。○興也。下同。 豈曰無衣,與子同袍! 王于興師,修

《無衣》三章,章五句。同」之意也。如以爲賦,則夾雜矣。 首二句,毛傳謂興,是,取下「與子

路車乘黄。本韻。○賦也。下同。我送舅氏,曰至渭陽。何以贈之?

我送舅氏,悠悠我思。〔旁批:變。〕何峄車乘黃。衤鶕(屬世)下同

句也。未知果然否?《大序》謂「即位之詩。《小序》謂「念母」,以「悠悠我思」秦康公爲太子,送母舅晉重耳歸國以贈之? 瓊瑰玉佩。本韻。

亡之感。

「增」「悠悠我思」句,情意悱惻動

後思而作」,尤迂。

《渭陽》二章,章四句。

權輿! 本韻。○賦也。下同。每食無餘。〔旁批:食。〕于嗟乎,句。不承好食無餘。〔旁批:食。〕于嗟乎,句。不承於我乎,夏屋渠渠,〔旁批:居。〕今也

·食」。〕今也每食不飽。本韻。于嗟乎,不承於我乎,每食四簋,〔旁批:單承上

陳

筆。 渠渠」句, 會,初不有礙。 餐」意。二章單承食言,由「無餘」而 具,近世楊用修力證之,謬也。 者,以食可減而 承上接下,在有 「不飽」,條理井然。 屋之非食具,而 自鄭氏不喻此意,以「夏屋」 此賢者嘆君禮意寖衰之意 章先言居,再言食,即「適 即藏「食有餘」在内,故是 其上一言居,下皆言 居不移故也。 餘、 知此詩意之妙 無餘之間, 其「每食四簋」句, 又「夏 然即 미 爲 以 者 知 屋 意 至 妙

權輿》二章,章五句。

子之湯兮,宛丘之上兮。 洵有情兮,

詩經通論卷七

而 無望本韻。 兮。 賦 也。 下同。

其鷺羽。 坎其擊鼓 本韻。 , 宛丘之下。 無 冬無夏,值

其鷺翿。本韻。 坎其擊缶,宛丘之道。 無 冬無夏,值

屬君大夫之列。 爲大夫,不與《序》同。 刺幽公」,恐「子」字未安。 此詩刺游蕩之意昭然。《小序》謂 然具此樂舞,自 毛傳謂「子」

《宛丘》三章,章四句。

娑其下。〔旁批:畫。〕本韻。 東門之粉,宛丘之栩。 ○賦也。 子仲之子,

下同。

本韻。 績其麻, 穀 穀旦于差,南方之原。 旦 市漢王符《潛夫論》作「女」。 于逝,越以 鬷 邁。 此句不用韻。 本 韻 也婆娑。 視 爾 不 如

荍,貽我握椒。 本韻

多不修 蓋 娑」,舞貌,巫者必舞 何玄子謂 巫、女覡也。不然兩「婆娑」亦叠。 原」,又云「市」亦重叠。若果爲「女」字,則 論》曰「 于仲之子」當爲男言。 舞 以 也」二字未順,而上既云「南方之 事神, 舊傳大姬好巫,而 又按其于「市」作「女」,亦疑是。 大序》謂 中饋 詩刺『不績其麻,女也婆娑』。 「陳風 以欺誑 休其蠶 男女淫荒 巫、 男既婆娑,女也婆娑,是爲男 細民」云云,足證 覡盛行」, 也。 織,而起學巫、覡, 陳俗化之。 漢王符《潛夫 是 寬泛 似近之。

矣! Φ韻。 豈其食魚,必河之魴! 豈其取妻,必齊之以樂飢。〔旁批:倒字。〕本韻。○賦也。下同。以樂飢。〔旁批:倒字。〕本韻。○賦也。下同。

東門之粉》三章,章四句。

豈其食魚,必河之鯉! 豈其取妻,必

宋之子! 本韻。

一章甘貧也,二、三章無求也。唯能甘一章甘貧也,二、三章調異意同。又因飢而言章云「可以」即「豈其」、「必」之意也,二、三章三一豈其」、「必」即「可以」之意也,二、三章明二、三章詞具」、「必」即「可以」之意也,二、三十八一章,也有言政妻,皆飲食、男女之事。

猶飢樂,謂雖飢亦樂也,猶 斷。 知古文有倒字法也。 以樂作「樂」,意與「療」同,撰字,更武 傳》云「玩樂忘飢」。 飲水,曲肱而枕,樂在其中」之意。 衡門》三章,章四句。 且飲水果可 「樂飢」,毛傳云「樂道忘飢」。《集 以 療飢乎? 大抵皆不 倒字趁韻爲多。 皆添字,非。 孔子「蔬 樂飢, 鄭 氏

東門之池,可以漚麻。彼美淑姬,可

與晤歌。本韻。○興也。下同。

與晤語。本韻。東門之池,可以漚紵。彼美淑姬,可

與晤言。本韻。 東門之池,可以漚菅。彼美淑姬,可

謂「可以」,即「豈其」、「必」之意,是矣。可與晤對、咏歌耳。又是上篇注脚,所之意。取妻不必齊姜、宋子,即此淑姬,玩「可以」、「可與」字法,疑即上篇

《東門之池》三章,章四句。

星煌煌。本韻。〇興也。下同。東門之楊,其葉牂牂。昏以爲期,明

東門之楊,其葉肺肺。昏以爲期,明

星皙皙。❶本韻。

便見之湯。二章,至 此詩未詳。

人知本韻。之。知而不已,誰昔然矣!墓門有棘,斧以斯之。夫也不良,《東門之楊》二章,章四句。

或

本

思予。本韻。也不良,歌以訊本韻。之。訊予不顧,顛倒也不良,歌以訊本韻。之。訊予不顧,顛倒也不良,歌以訊本韻。之。〔旁批:變。〕夫

民間之事矣。蘇氏曰:「陳陀,陳文公之云「夫」,云「國人」,則爲君國之事而非一《小序》謂「刺陳陀」,❷是。觀詩中

- ●「晳晳」、《毛詩正義》卷七之一作「晳晳」。
- ●「陀」、《毛詩正義》卷七之一作「佗」,下同。

韻。

〇比而賦也。下同。〔旁批:倒字。〕

經 通 論

爲「疇昔」,大謬。 此乎?」可謂善説此詩矣。《集傳》以「誰昔 國人莫不知之。知之而不去,昔者誰爲 門》刺焉。『夫』,指陳陀也。佗之不良, 人追咎桓公,以爲智不及其後,故以《墓 臣矣,而桓公不去,以及于亂。 子免而代之。桓公之世,陳人知陀之不 子而桓公之弟也。 桓公疾病,陀殺其太 是以國

以比 國有不良,必須去之。 一章「墓門有棘」,必須「斧以斯之」,

歌以訊之」,非别有歌,意即此詩 二章鴞止于梅,亦比佗之 在 或 也。 也。

予不顧」,猶「不顧予」。

《墓門》二章,章六句。

心焉忉忉。本 防有 鵲巢, 卭有旨苕。 韻。 ○比而賦也。 下同。 誰 侜予美?

中 唐有甓, 卬有旨鷊。 誰 侜予美?

> 心焉惕惕。 本韻

> > 四

公實之,●不知是否。 《小序》謂「憂讒賊」,《大序》以陳宣

苕生于下濕,不于丘。 也。」此説似通。何玄子以「鷊」爲鳥名,亦近是。 『防』,陵霄曰『苕』。 鵲巢于木,不于防。 『鷊』,謂綬草,亦生下濕,非卭之所産 朱鬱儀解每章首二句曰:「水隄曰 唐中,非甓所也。

《防有鵲巢》二章,章四句。

心悄兮。 月出皎兮,佼人僚兮。 賦也。下同。 舒窈糾兮,勞

心慅兮。 月出皓兮,佼人懰兮。 舒慢受兮,勞

心慘本韻。 月出照兮,佼人燎兮。 〇三章皆同韻。 舒夭紹兮,勞

宣」,原誤作「靈」,據《毛詩正義》卷七之一改。

之詩。 徵舒, 意更巧妙, 存之。 未 有 以 自 事 《小序》 何玄子因以三章「舒」字爲指 實之者。 以 來,皆作男女之詩 朱鬱儀以爲 刺靈 夏 而

此法。 此法。 似方言之聱牙,又似亂辭之急促, 此法。 他因, 以在三章一韻。此真《風》之變體,愈 此意奇者。每章四句,又全在第三句使 出愈奇者。每章四句,又全在第三句使 出愈奇者。每章四句,又全在第三句使 是一。 此真《風》之變體,愈 此法。

《月出》三章,章四句。

批:答以疑辭。〕賦也。下同。問者信辭。〕本韻。匪適株林,從夏南。〔旁問者信辭。」本韻。匪適株林,從夏南。〔旁批:先作明爲乎株林,從夏南?〔旁批:先作

車,朝食于株。〔旁批:再答以信辭,不更駕我乘馬,説于株野。本韻。乘我乘

||東東、空景語、時。 |路「夏南」字,仍若疑辭,妙絶。]本韻

刺陳靈公淫夏姬之詩。

之忠厚哉! 心,故以從其子言之。詩人之忠厚如此。」按夫死從子,夏姬在子家,言夏姬此,在写家,言夏姬此,不可言

兩句,字法亦參差。短章無多,能曲盡處亦不雷同。「説于株野」,「朝食于株」絶妙。曰「株林」,曰「株野」,曰「株」,三年數。」,以章承以平緩,章法

其妙。

《株林》二章,章四句

如之何 泗]滂沱。 彼澤之陂,有 本韻。 〔旁批: ○興也。 先傷之。」 蒲與荷。 下同 寤 有美一人,傷 寐 無 爲 涕

中心悁悁。本韻。大且卷。〔旁批:後寫其形貌。〕寤寐無爲,大且卷。〔旁批:後寫其形貌。〕寤寐無爲,人,碩彼澤之陂,有蒲與蕑。有美一人,碩

大且儼。寤寐無爲,輾轉伏枕。本韻。彼澤之陂,有蒲菡萏。有美一人,碩

見殺,則興意不合。未詳此詩之旨也。于此? 是必傷逝之作。或謂傷泄冶之何」,云「涕泗滂沱」,苟男女相念,奚至謂「與《月出》相類」。但詩云「傷如之謂「與《月出》相類」。但詩云「傷如之

檜

信

思

?

中心是悼! 本韻。 出有曜。豈不爾思?

意近之矣。 意近之矣。 《小序》謂「大夫以道去其君」,以詩 「豈不爾思」句也。《大序》謂「君好絜 中「豈不爾思」句也。《大序》謂「君好絜 中「豈不爾思」句也。《大序》謂「君好絜

出有曜」,然後見其『如膏』,且亦聽朝之三章「日出有曜」,陸農師曰:「言『日

既

誤

解

「鄭聲淫」,豈陳聲亦淫耶?

陳

詩十篇、《集傳》以爲淫詩者六。

三六

澤陂》三章,章六句。

《羔裘》三章,章四句。『狐裘在堂』異矣」,亦新。時也。而反以燕游,又與『狐裘以朝

一本韻。兮。 一本韻。兮。〔旁批:此句上章無。〕 歸本韻。兮。〔旁批:此句上章無。〕 歸本韻。兮。〔旁批:此句上章無。〕 庶見素衣兮,我心傷悲兮,聊與子同 庶見素衣兮,我心傷悲兮,聊與子同

句,「與子同歸」諸句,必實有其人,非虚無乃近于杞人耶? 二也。玩「勞心」諸傳」以及「傷悲」、「蘊結」之如是? 此人一也。思行三年喪,皆然也,非一人事,何時人不行三年喪,皆然也,非一人事,何時人不行三年喪,皆然也,非一人事,何時人不行三年喪,皆然也,非一人事,何以及「傷悲」、「蘊結」之如是? 此人

乎! 《玉藻》「縞冠、素紕」、《間傳》鄭註 見而 毛、鄭已自齟齬。然鄭爲縞冠亦非也。 冠、素紕,既祥之冠也」爲説。 以布爲素者,則知素冠非練也。」据《玉藻》「縞 以練冠者練布爲之,而經傳之言素者皆謂白絹,未有 鄭氏不以爲練冠而以爲縞冠,孔氏曰:「鄭 之,下當接以「我心喜悦」之句方合, 從無「素衣」之文。毛傳曰「素冠,故 何得以「素紕」爲素冠乎! 絲白緯曰縞」,●此何得以「素冠」爲縞冠 乃云「傷悲」,何耶? 衣」,混甚。鄭氏据《喪服小記》「除成喪 素冠」之文。毛傳云「素冠,練冠也。」 不可得,設想幸見之也。既幸 《玉藻》鄭註云,「紕,緣邊也」, 三也。 舊訓「庶」爲「幸」,是思 四也。 五也。 喪禮從 觀此,則 云 喪禮 二黑 此 無 見 今

日纖」。 「黑絲白緯日縞」、《禮記・間傳》鄭玄注作「黑經白

裳也。 《小記 裳。 七也。 也。 鄭自撰,以《士冠禮》云「主人玄冠、 裳也。」按朝服緇衣、素裳,禮無其文, 緇 明改《詩》之「素衣」以爲素裳乎? 服、緇帶、素鞸」,以爲鞸從裳色,故知 之「朝服」爲説,其于「素衣」、「素鞸」 已毫不相 喪服斬衰,有衰 言祥祭之日得以借用其服,非朝服爲 衣、素裳。 《檀弓》説既練之服,云『練衣黄裏、 喪禮從無「素鞸」之文。 然則《士冠禮》止言「素鞸」,非言 祭也 》「除成喪者,其祭也 要絰、繩屢、 即使爲素裳,非言素衣也。 且 則喪服始終皆無 涉,且 鄭之解「素衣」、「素鞸」,唯 朝服、縞冠」爲説 然則此言『素衣』者, 朝服,吉服也,《小記 裳、經帶而已,不言有 角瑱、鹿裘」,亦不 鞸」,可爲明證。 朝服、縞冠」 孔氏 日 日 : 何得 朝 素 素 朝 服

裘」。 也。 深衣也」。 常服,又皆有可證者。「素冠」、《孟 皆不必辯也。 年之人,何不直言「齊衰」等項而 誤而又誤。 喪」言,此期、功之喪皆是,非言三年也。 而 弁服云「素積、緇帶、素鞸」。《玉藻》云 重輕,不關 而忌之也。 人多素冠、素衣,不似今人以白爲 亦白色也。「素衣」、《論 後之祭服,如是之迂曲乎? 祥祭之服 許子 主人玄冠、朝服、緇帶、素鞸。 言 《曹風》「麻衣如 且《小記》之説本以「成喪」 此 曰『冠素』」。又皮弁,尊貴所服 《鄭風》女子 也,安得 爲祥 于色也。「素鞸」、《士冠禮》 九也。不特此 古人喪服唯以 十也。 祭 以朝 服 耶 而「素冠」等之爲 亦著 雪」,鄭云「麻衣, 服惟 1 語》「素衣、 也,詩 麻之升數 可 爲 「縞衣」。 笑 則 祥 以 思行三 也。 必言祥 祭之服 對 喪服 子 亦 殤

鞸,君朱,大夫素」,則又不必言矣。

訓急,孔氏謂「急于哀戚」,甚牽强。 六爻曰「係用徽纆, 實 也。「棘人」,其人當罪之時,《易・坎》 見其人而言,因素冠而及衣、鞸,即承上 爲「刺不能三年」乎?「素冠」者,指 亦可,何必泥「素」之一字,遂迂其説 或如諸篇以爲思君子可,以爲婦人思男 心」、「傷悲」之詞,「同歸」、「如一」之語, 素」字,以「衣」、「鞸」爲换韻,不必泥 樂樂」,拘樂之意。若如舊解,以「棘」 「樂樂」爲瘠貌,尤不切合。 此詩本不知指 何事 于叢棘」是也。 何人,但「 所 以

《素冠》三章,章三句。

子之無知! 本韻。〇比也。下同。 隰有萇楚,猗儺其枝。夭之沃沃,樂

隰有萇楚,猗儺其華。夭之沃沃,樂

子之無家! 本韻。

子之無室! 本韻。 隰有萇楚,猗儺其實。夭之沃沃,

非飾辭乎! 《序》謂「疾恣,思無情慾者」。解者 《字》謂「疾恣,思無情慾者」。解者 《字》謂「疾恣,思無情慾者」。解者

展意此篇爲遭亂而貧窶,不能贍其 要子之詩。指萇楚而比之,不能如彼之 [無知」、「無家室」之累也。以正意論, [無知」是「無家室」前一層意,正意在 [無知」是「無家室」之累也。以正意論, [無知」是「無家室」之累也。以正意論,

匪風發兮,匪車偈兮。〔旁批:起得飄

三九

忽。」 顧 瞻周 道 中 心怛本韻。 兮。 賦 也

匪風 飄兮,匪 車嘌兮。 顧 歐瞻周 道,中

心弔本韻。 誰能亨魚? 溉之釜鬵。 兮。 賦也

懷之 好音。〔旁批:風致絶 誰將 勝。〕本韻。 西歸? 0

説爲何? 謂『周道逶遲』耳。」然「西歸」、「好音」之 謂 『周道』但謂適周之路,如《四牡》所 《小序》謂「思周道」,是。《辨説

先有之,且意味亦酸腐矣。 爲比。「若烹小鮮」,出于《老子》,不應 三章首二句是興,乃覺其妙。 或 以

匪風》三章,章四句。

曹

蜉蝣之羽,衣裳楚楚。心之憂矣,於

我歸 處。 本韻。 ○興也。 下 同。

蜉蝣之翼,采采衣服。 心之憂矣,於

言,奇。〕心之憂矣,於我歸説。本韻。 我歸息。本韻。 蜉蝣掘閱,麻衣如雪。 〔旁批:實指麻

刺曹羈,皆臆測。 公,此在共公前也。 憂國之詞也。 《大序》謂「刺昭公」,第以下篇刺共 大抵是刺曹君奢慢, 或謂刺共公,或謂

升數爲别。 閱得玉」,是『閱』、『穴』字通也。」「麻 服,布皆是麻,未有木棉也。 衣」,鄭氏謂「深衣」是也。 「掘閲」,朱鬱儀曰:「《管子》云『掘 古禮服、 吉、凶唯以 喪

蜉蝣》三章,章四句。

百赤芾。 彼候 本韻。 人兮,何戈與祋。 ○興也。 彼其之子,三

四 0

維鵜在梁,不濡其翼。彼其之子,不

稱其服。本韻。○興也。

遂其媾。本韻。○興也。 維鵜在梁,不濡其味。彼其之子,不

下同。

傳明矣。
《大序》謂「共公遠君子而好近小人」。按《左傳》僖二十八年春,晉文公人」。按《左傳》僖二十八年春,晉文公人」。按《左傳》僖二十八年春,晉文公人」。按《左傳》信二十八年春,晉文公人」。按《左傳》謂「共公遠君子而好近小

候人尚何戈與祋,任其職則必供其事,有兩「彼」字,亦非。按此亦興意,言彼或謂候人即在「三百赤芾」之中,然詩明或謂候人即在「三百赤芾」之中,然詩明一章毛傳謂候人爲「賢者」,似鹵莽。

《候人》四章,章四句。彼「三百赤芾」者何爲耶?

儀一兮。其儀一兮,心如結本韻。兮。興也。 鸤鳩在桑,其子七兮。淑人君子,其

帶伊絲。其帶伊絲,其弁伊騏。〔旁批:此門鳩在桑,其子在梅。淑人君子,其

鳲鳩在桑,其子在棘。淑人君子,其實寫前後言儀處。〕本韻。

上言儀卸出末句。〕本韻。 儀不忒。其儀不忒,正是四國。〔旁批:從

上言正國,卸出末句。〕本韻。是國人。正是國人,胡不萬年。〔旁批:從農國人,以不萬年。〔旁批:從

無据。唯何玄子謂曹人美晉文公,意雖刺意。或謂美振鐸,或謂美公子臧,皆刺。《小序》謂「刺不壹」。詩中純美,無

也。 當之。 邦畏 命,以 其 月,晉侯有疾,曹伯之竪侯獳貨筮史,使 人,事在僖二十八年。 不禮焉。 鳩』而自居于『子』者,亦猶文王 之待曹國 于『鳲鳩』者,以 此詩之作,蓋在曹伯復國之後。 命晉侯爲侯伯曰:『王謂叔父,敬服 三篇氣象皆衰颯不振,不應此 》晉文公爲公子時, 曰『正是四國』則亦唯晉爲 『以曹爲 頗 (力,小 頌之辭。 愚按,曹爲蕞 綏 有 襄王策命中所謂『以綏四國』 似 四 及即位,伐 與他國 處。 解』云云。公悦,乃復曹伯。 邦懷德,皆怙文王如父也。 國。」遂盟 又「正是四國」及「胡 今録 鳲鳩養子均平,頌文公 無異 爾國、凡詩 曹,執曹伯以 而 諸侯于踐 也。 出亡,過曹 存之。 于是周 尊之爲『鳲 盟 四篇,前 篇獨 之時,大 主,始足 其取 士。 襄 界 王 興 後 萬

> 年」等 其時小國于霸主尊之若天子與? 此 ! 句, 今何氏 皆 近 謂頌晉文,頗覺脗 頌天子語, 曹 君 合 安得 有

鳲鳩》四章,章六句。

周 京。 冽 彼下泉,浸彼苞稂。 本韻。 ○比而賦也。 下同 愾 我 寤 歎,

彼

彼京周。 冽 彼 本韻 下泉, 浸 後被苞 蕭。 愾 我 寤 歎, 念

冽 彼 下泉,浸彼苞蓍。

愾

我

寤

歎

彼京師 芃芃 黍苗, 本韻 陰雨膏之。 兀 或 有 王 郇

此曹人思治之詩。

《大序》必

謂

共

伯

E 勞本韻。

之。

公時,無据

兀 章郇伯爲文王子,曹人必不 遠及

0 畀宋人之事在僖公二十八年。 原作「九」。 檢《左傳》,晉文公伐曹 今據改 執 伯

詩 經通論卷八

安首 源 姚 際 恒

城 珊 王 篤校 訂

翢

本。

雖

爲王業之本,然

既

不可

于

以

繫于諸風之末?

蓋

爾 月

風

》志

王

一業

之

翢

風》

者何

?

七

7》一篇

也

何

《周》、《召》,又不可雜于諸

國

,故繫于

末

也,猶之繫《商頌》

于《周》、《魯》之後之

然何以不

人《

雅

》,其體

爲

風

非

與

豩

無

與,

而

同

爲

^

爾

風》

者

何

蓋

也,故不入《雅》

也

自

餘

爲

周

公之詩,

又或謂 風》。 之事 事, 雅 風 當一 《豳風》之後, 或謂豳公爲諸侯,故不得入周、召之《正 周公未之國,不可以名《魯風》。 公、召公之謂 《周南》。又其體爲風,不可 南》之詩以二公未 周 篇以戒成王。後人因取公所作 三分《七月》之詩以當之,或因謂 比敘己志而作《鴟鴞》。 國之風云 公而作之詩 又或妄以《豳雅》、《豳頌》爲言 或謂 居《變風》之末,言變之 非美、刺成王,故不得入成王之《 尊 或謂周公以冢宰攝 君、臣相誚, 周 周公居東都,思先公憂勞 公, 以《豳 也,則 爾。 使專一國, 附 此《豳風》之大旨也。 焉 封前之地 不 周 風》惟一篇,合之可 ·得爲 公之詩 諸説皆所 政, Ē, 故并 以 入《雅》。 而 作《 未 下亦周 可 故 名, 故附 可 爲 正 1,及凡 豳 爲 不 本 盡 非 風》 爾 民 īF. 于 又

JU 四

冠以《豳》號。並邪説。節,或謂《雅》、《頌》之中,凡爲農事皆可全篇,其爲風、雅、頌,隨事而變其音全篇,其爲風、雅、頌,隨事而變其音

> 鵙, 猗彼柔桑。 載黄,我朱孔陽,爲公子裳。 公子」。〕本韻 旁批:隱三月。〕取彼斧斨 八月載 七月流 績。 〔旁批:如 火,八月萑 〔旁批: 畫。」本韻。 葦。 補 麻。]本韻。 本韻。 〔旁批:應上 七月 伐遠揚。 蠶 月條 載玄 鳴

莎雞 俗。〕本韻 我婦子,日 穹室熏 我牀下。 旁批: 五月斯 振 羽; 鼠 寒向 〔旁批:無「寒」字,覺寒氣逼人。〕 爲改歲,人此室處。」〔旁批: 螽 空寫三句,奇横。〕十月蟋 七月在野,八月在宇,九月 動 .'墐户。〔旁批:奇語。〕「嗟 股"〔旁批:體物。〕 六月 在

四五

本韻。 斷壺 壽。 逐月嘗 月剥棗,十月穫稻; ,九月叔苴,采荼薪樗, 六月 〔旁批:佳語。〕本韻。七月食瓜 新,妙!]本韻。 食鬱及薁,七月亨葵及菽 爲此春酒,以介眉 (旁批 食我農夫。 食譜細 八八月 本 韻

我農 重穋,禾麻菽麥。 于茅,宵爾索 百穀。」〔旁批:俗。始終循環。〕本韻 夫,我稼既同,上入執宫功。 九月築場圃 綯。本韻。 ,十月納 〔旁批:穀譜。〕本韻。 禾稼。 亟其乘屋,其始 本韻。 本韻。 黍 稷 嗟

暑,妙 羔羊。 旁批: 併及藏冰。 九 二之日鑿冰沖沖,三之日納 !〕本韻。四之日其蚤,獻羔祭韭。本 月肅霜,十月滌場。 躋彼公堂,稱彼兕 鄭重語 結 [。]本韻。 上多言備寒,此補 朋酒 觥 萬萬 斯 壽 響,曰 于凌陰。 無 殺 備

《小序》謂「陳王業」、《大序》謂「周

詳且 周 及之,尤無謂。 已遠,豈能代寫其人民風俗至于如是之 此揣摹附會之説也。 公 公詩及爲公咏之詩,遂以爲周公作, 非 遭 悉耶? 變, 也 故 豳 陳 篇中無言后稷事。《大序》 風》與 后 《集傳》皆誤承之。 稷、先公風 周公何與 周公去公劉之世 化之所 以 下有 由

傳》云:「周之先公已用此以記候,故周 可 之天下,遂以爲一代之正朔。] 其言 論,反因是以失詩之妙, 新,非有别義。 禦寒,故以秋、冬言之,農事則以春 「日」爲言,殊不可曉。 卒歲」言衣,「三之日」至末言食。 解 十一月至二月,此四月,篇中皆 章首章以衣、食開端。「七月」 吾見求其義者既 愚意只是變文取 可歎也。 尤 無 \wedge 至 確

章「蘩」,毛傳云:「白蒿也,所以生

物否? 啖白 得其 歸也 于採 也 齊,未可 公子嫁爲媵,故治蠶 爲 非謂 桑 一蒿 解 悲,遠離父母,又何其板腐哉 或以爲春女思男, 此採桑之女,在豳 來? 時 如此,則詩之情境宛合。 「公子」,豳公之子,乃女公 食桑,故以此啖之。」幾 且寫 忽然傷悲,以其將及公子同 蠶 啖 彼講格物之學者, 小兒女無端哀怨,最 也。 《集 以 傳》謂: 備衣裝之用, 公之宫,將隨 何其媒慢 **香** 從來 有 曾 此 見 牛 子 神 女 或 不 于 而

裳」,説見 取 猗 葉 但 三章「蠶月」,三月也,亦變文取新 「就樹以採其葉」是 存 孔氏 條 上 日 H 「猗也、低小之桑不斬其 猗 本 蘇 氏, 也。 謬。 《集傳》謂 「公子

衣無褐」。蠶桑以爲衣,取獸爲裘,亦兼四章此章言取獸爲裘。首章言「無

應上 且若 狸,狐 爲褐 狸」,亦無此重叠文法也。 狐」、「 集傳》曰:「貉, 摶 貉 「爲公子裳」。 曰「往取狐、 先言「于貉」者, 與 以 狸」三者爲一物,有 狸 自爲裘,狐狸以 「于貉」, 亦别,稚子皆知。 狐 猶 狸」,又曰「取彼狐、 狸 Ŀ 往取貉也,鄭 也。」不惟貉 下之「于耜」、 共尊者」是也 「爲公子裘」, 此 乃以「貉 格物否? 非 氏 狐

六 孟 月則已依人之宇下,九月依人之户内, 矣,六月莎雞 時寒,皆于物類上見。 十月蟋蟀且 室之俗,又因 冬蚤 句, 五章此章主言時寒,以見其 莎雞」、末言「蟋蟀」,中三句兼 寒如 氣直 此。 人 已振 衣 下,文義自明。 我之牀下矣。 、褐之餘 五、六、七、八、九、十 羽 矣,七月 Ŧi. 而 月斯螽已動股 及之 猶在野, 以見豳 首言「斯 也。 改 歲 地

四

八

淺。 褐,六月作 隨時變化而異其名。」按陸璣云:「斯螽 野,八月在宇,九月在户』也。」此又以 候,故《豳詩》云『六月莎 字,于下始出,以爲文字之奇, 爲知文者,謂「七月」三句全不露 笨伯哉! 後人皆從之。 野」,至『十月入我牀下』,皆謂蟋蟀也。」 之文變爲深奇矣。 之妙,不 「七月」三句單承「莎鷄」言,益不足 「紡績娘」。 《集傳》曰:「斯螽、莎雞、蟋蟀 第從無人能 之。 羅願曰:「莎鷄鳴時,正當絡 則 而 顧 然,故點 若 聲如紡 青,或謂之蚱蜢。 世 以 夫蟋蟀,則人人識之。 眼 如此。 解及此,則使古人 螽、莎雞 絲,故又名絡 蟋蟀于後。古人文 鄭氏曰:「自『七月在 。 且有· 雞 不 振羽,七月在 道破 莎雞 入人床 則又癡叔 今世自 緯。」今人 亦甚 一色青 絲之 平 與論 詡 平

> 亦 之思,古今一也。 以冬成也。 否?《豳詩》皆夏正,十月曰「改歲」者, 斯螽,六月變爲莎雞,七月變爲蟋蟀,整 羽」,二物同在六月,經傳有明文,何 變化乎? 六月「蟋蟀居 非 一月一變乃可。 物 依其言,則必如《詩》五月之 今人于孟冬便有徂年傷暮 壁」、《詩》言「六月莎 物之變化 《集傳》引吕氏 世 有此 乎 ? 格物之學 且《月令》

也。「 爲廬,在 其 見《孟子》「五畝之宅」下。「索」, 云「綯索」,亦倒字法。《集傳》曰 也。 乘 屋」,治野 七章「上人執宫功」,治邑居也。「亟 綯」,《爾 綯,索也。」全相反,絶 田。 二畝半爲宅,在邑,非。 廬 雅》「絞也」。「索綯」,猶 也。 《集傳》謂二畝半 可 怪。 「「索, 繩

六章「叔」,當訓

「收」,聲之轉也

晝往 按「于茅」、「索綯」,亦非 以爲治屋用也。 孔氏曰「爲蠶用」,恐亦臆説。 之」,尤謬。「于茅」、「索綯」,豈爲治屋 上入都邑而執治宫室之事矣」,連上章, 註》又曰:「綯,絞也。」何不檢至此! 以「索」讀本字,「綯」訓「索」字, 爲索也。茅或爲蠶用。古人藉物 用? 治屋用索何爲? 鄭氏于「于茅」、 合本章,混 「索綯」曰:「以待時用」,不言其何所用。 絞」,則爲「絞絞」。 取茅,夜 而 「綯」本訓「絞」,今「索」又訓 爲 而絞索,亟升其屋 註疏竟不睹,亦奇。 ,謬。解見上。又曰「故 通乎不通?《孟子集 一事。茅非 又曰「可以 然總未有 則 爲 而 「索 用

是用 飲 八章「朋 酒 禮》云「尊兩壺 兩 樽也 酒」,毛傳曰 C 按殷世質朴,不 于房 「兩樽 户 日 間 朋 有 知 女

索則不知其何用

也。

設 必有之。農人躋堂稱觥,以慶君上,非 彼」以下,另是一事。 有 必至豳公之堂也 與「朋酒 學校」,近是。 兩 此 歲 禮 樽 時 否 伏臘 |句明不相涉。 「公堂」,毛傳 其 0 云 而 邠 田 朋 蓋殷曰序,豳公國中亦 民 家作苦」之意 酒」,當 尤 其云「稱彼兕 處 田 是 野 了,亦未 朋 耳。 儕 觥」, 必 「躋 酒 謂 備

皆知之矣。 言衣食之原,所謂 意于旁聲,作繪者 討好,討好 文,正筆處少,閒筆 筆,人未必細檢 意。六章至八章終後段言食之意。 後段言食。 史記》得此意,所 此篇首章言衣 全 二章至五章終前段言衣之 獨 在閒 是 而 每 正 以 留 知之也。 筆處,亦 處多,蓋 章 食之原,前 筆 傳于千古。 心 中凡凡 于畫 也 猶擊 以 大抵 角 二章至 爲正 正 也 段言衣, 鼓者 古人 筆 此 筆、 首 不 易 爲 閒

言 關 五. 此 月 别 又别,何其筆 之桑並採無遺 女,作閨情詩,無以 寒之意,筆端 由 而 趣,溢 載 「言衣食 傷,描摹此 女之採 正 衣 人自 章 裘 又 日 ,若不相 條桑」,曰「遠揚」,曰「女桑」,寫 終 爲 筆, 以 績 「爲公子裳」,仍應上「公子」。 中 之以 可 補 及 于紙上,而章法亦復渾然。 餘 唯 筆。 桑, 知 田 爲 句, 關 俱 人物 載 つ改 獵 妙! 女盡 自一執 王業之本」正 尤 閒 四章 ,與上章「始求柔桑」境界 玄載 言麻,古絲 自五 爲 歲」、「人室」,與 筆 閒 由 態 雖正寫「玄黄」帛成, 超 則 復 在 而 懿 黄 月至十月,寫 極 絶。 加 野 由 又 篚 章 妍 我 衣裳以 使 而 閒 後 妙 起 從 朱 至人 麻 意 讀 遠 在 春 孔 者竟 世 以 也 室,人亦 並 只言物, 而 及 日 陽 衣若 咏 至 裘,又 益 重 閒 以 大 \equiv 忘 採 忽 遠 也 相 小 句 地

> 筆,餘 事, 田 穀 同 物,非食之正 細詳述,機趣横 菜、豆、瓜、果,以及釀 禾 八 如 一称,黍 章,言 如 家 此 以 與 三字以 見豳 歡樂,尊君、親 也 食若 俱閒 後 食,中 稷 ,併及公、私作勞,仍點「播 民忠厚之意至今猶未泯 兩 筆。 應 不 重穆,禾麻 品 相 人 正旨。 六章 唯 生。 也,故爲閒筆。 關, 九九 字 上,口 然 正 若 分 月 八 相關。 酒、取 寫 相 須知皆是佐食 菽 築 章併及 老、壯食物, 麥」四 照 角 場 應 津津 薪 圃 而終之 七 靡 藏冰 句 + 六 也 章 不 月 章 瑣 使 稼 凡

中 藏 堂 火、寒風,似《 婦 又 冰,祭、獻 稱 子入室,茅、綯、 觥, 有似《採 鳥 語、蟲鳴,草榮、木實,似《月令 似庠序 執 五 桑 行 圖 功, 禮 志 升屋 ***** 似 **%** 田官、染職、狩 國家 田 一,似 養老、慈幼 家 風 典 樂 俗書。 制 圖 其 流

爾、旬氏下之臣と也。 謂》、《穀譜》、《酒經》。 一詩之中無不具

備,洵天下之至文也。

按《 棲息 此 也。 春令民畢出,如在野而動股、振羽也。 冬令民畢入,如在宇、在户,而入床 一夫授五畝之宅,其半在田,其半在邑。 詳明也。 可在野,猶《書》所謂「厥民 御纂詩義折中》,「聖人觀物 前此説《 豳民習此久矣」云云,自是此 而言,方有意味。七月秋暑未清, 增」「七月在野」三句,應兼指農 詩》者似亦見及,而未 因」也。 以 宜 章 下

《七月》八章,章十一句。

迨天之未陰雨,徹彼桑土,綢繆牖户。

今此下民,或敢侮予。本韻。

李瘏。 日子未有室家。「旁批:上章下不所。」 李瘏。日子未有室家。「旁批:上章下雨所漂摇。子維音曉曉。「旁批:上章下雨所漂摇。子維音曉曉。「旁批:承上「予」 李明譙譙,子尾翛翛。子室翹翹,風 子明譙譙,子尾翛翛。子室翹翹,風

「辟」爲「避」,以「居東」爲「居國之東」,因公曰:『我之弗辟,我無以告我先王!」別公居東二年,則罪人斯得。于後,公問。「王亦未敢誚公。」按「于後」之辭,是既誅管、蔡而作,恐成王猶疑其殺二叔,故作詩貽之。「王亦未敢誚公」,迨風雷之變,乃之。「王亦未敢誚公」,迨風雷之變,乃之。「王亦未敢誚公」,迨風雷之變,乃之。「王亦未敢誚公」,迨風雷之變,乃為詩以貽王,名之曰《鴟鴞》。王亦未改。「莊」爲「避」以「居東」爲「居國之東」,以「辟」爲「避」、以「居東」爲「居國之東」,以「辟」爲「居國之東」,以「辟」爲「居國之東」,以「辟」爲「居國之東」,以「辟」爲「居國之東」,以「辟」爲「居國之東」,以「辟」爲「居國之東」,以「辟」爲「居國之東」,以「路」,以「居東」爲「居國之東」,以曰《金騰》曰:「管叔及其群弟乃流言

而 民 武 室乎 室 鴞 大 矣。」夫《書》不云「王亦未敢誚公」乎? 則所云『未雨綢繆』者謂何?」不知此謂 蔡後,殷人 之説曰:「《洛誥》『朕復子明辟」可證。」 且如彼説,其尤説不去者在「既取我子」 此是已。然「取」字終作 子」爲「民」,益謬。 雖 郭 庚 爲 主 句,「子」自指管、蔡。今以指成王,爲 成王尚未知周公之意,則王心之蔽深 」,則旨益露矣。又曰:「既誅管、蔡, ? 此 雖 武 以「毀室」屬鴟鴞言,此又言「下 詩 庚」。 誅,殷民不靖,正當蚤爲計耳。 又曰:「使此詩作于殷人畔後, 不知此乃指前日而 爲 尚未靖也,安得不慮其毁王 未誅管、蔡之前 庚既已誅 何解 豈猶慮其 言,且誅管 作 乎? 一旦以 或以 鴖 Ŧ.

言,本意重在「室」,故下復言「子」二句,一章「恩斯勤斯」二句承上「子」而

不必。《集傳》爲補之曰:「况又毁我室乎!」下章則單言「室」矣。古人文自是如此。

《鴟鴞》四章,章五句。

枚。 悲。 末章地。〕本韻。○賦也。 賦中興。〕 我來自東,零雨其濛。 本韻。蜎蜎者蠋,烝在 我徂 〔旁批: 互字句。〕制彼裳衣, 敦彼獨宿,亦在車下。〔旁批 東山, 慆慆 不歸。 下同。 我東 桑野。 日 起二句,不 歸 〔旁批 勿士行 我 心 用 韻 西 爲

伊可懷本韻 室,蠨蛸 雨其濛。 我徂東山,慆慆 曲盡 在户。本韻。 果贏之實, 也! 荒涼之態。」本韻 不歸。 町畽鹿場 亦施 于宇。 我來自東,零 亦 熠燿宵行。 可畏也, 伊威在

中 自我不見,于今三年! 室,我征聿至。本韻。 雨 興。 其濛。 徂 爲末章 鸛鳴于垤,婦歎于室。〔旁批: 東 Ш 地,應上章之意。〕洒掃 慆不歸。 有敦瓜苦,烝在栗薪。 〔旁批:閨情冶 來自 賦

何?〔旁批:應前「獨宿」、「婦嘆」。〕本韻。之語,妙絶。〕本韻。其新孔嘉,其舊如之為批:賦中興。凱旋詩乃作此香艷幽情歸,皇駁其馬。本韻。親結其褵,九十其儀。爾其濛。倉庚于飛,熠燿其羽。之子于雨其濛。倉庚于飛,熠燿其羽。之子于東其

非矣。蓋不知詩意之妙也。説見下。也」猶是,謂「四章爲男女之得及時」則公作,未然。《大序》謂「一章言其完也,公作,未然。《大序》謂「一章言其完也,《小序》謂「周公東征」、《大序》謂

事行陳銜枚」。
「章「勿士行枚」,當如鄭解,謂「不

必

重章「熠燿」,螢也。「宵行」,夜行也。人人知之。《集傳》因下「熠燿其羽」,遂疑「熠燿」非蟲而以「宵行」當之。陽,猶《小雅》「交交桑扈」、「有鶯其語。楊用修已極駁之,謂下「熠燿其羽」,遂疑「熠燿」非蟲而以「宵行」當之。四、人人知之。《集傳》因下「熠燿其羽」用字法也。既言「可畏」,「預燿」,一個個人,一個個人。

皇」,謂墓門闕也。凡闕者,壘土爲之,垤皇」,●謂寢門闕也。又曰「葬于垤之隆起,蓋小丘也。《左傳》曰「斂及于猶首章以「蠋」興「獨宿」之意。「垤」,土猶首章以「觸鳴于垤」興「婦嘆于室」,

皇,劍及於寢門之外」一語。

詩經通論

耶 ? 《集傳》又附會爲「將陰 之,皆不離高叟之見耳 鄭氏謂「鸛將陰雨則鳴」,亦鑿謬。 就食之」,尤可笑。 塚」,夫螘 之垤」,則 垤 詩已言「零雨」矣,豈 又謂「將陰雨則穴處先知之」, 塚其大 西北不爾可 (方言) 幾何, 曰「楚、鄧 幾曾見鸛食 雨,蟻出垤,而 知。 而 特「將雨」乎 鸛 毛 以 可 傳謂 南 (蟻來 鳴 其 總 ? 亦 1

四章「倉庚于飛」二句,興下「之子于

歸

娶者,意味索然。 實,瓜苦在薪,乃秋時景,忽又入春 之何」曰「不知其何如」,竟不成語,令人 其情樂而獻之。」其意稍 善,至今則久矣,不知其何如也 此章言其歸之樂也。 鄭氏謂「嫁取 鄭氏 之候」,謬。且 日 解者謂 近。 「其新 但其解 軍 了、又極 中 果 來時 乎 羸 如 序 甚 新 結

> 之辭 發嘔。 《詩》不合人情,亦何貴有《詩》哉 如之何」,杜詩已爲注脚矣,曰:「夜闌 情耳,俗云「新娶不如遠 秉燭,相對如夢寐 也。古今人情 彼 不知「如之何」者, 一也,作詩 歸」即 乃 此 者 是 意 亦 勝 猶 于

奚當也!
察乎此,泛然依人,謂三百篇爲詩之祖,人作從軍詩必描畫閨情,全祖之。不深人亦從軍詩必描畫閨情,全祖之。不深

《東山》四章,章十二句。

而賦也。下同。國是皇。哀我人斯,亦孔之將! 本韻。○比國是皇。哀我人斯,亦孔之將! 本韻。○出既破我斧,又缺我斨。周公東征,四

或 是 叱。 既 既 破 破 哀我人斯 我 我 斧 斧,又缺 ,又缺我銶。周 ,亦孔之嘉 我 錡 周 公東征 公東征 本韻 四 四

五四四

或 是 哀我人斯,亦孔之休 本韻

《大序》謂「周大夫」,非也。 然非此解。見下。 士作者,以有「我斧」、「我斨」等字也。 軍士答周公前篇」,尤武斷。 此 中有「哀我人斯」句,明是民矣。 「四國」「四國」解見下。 之民美周公 其以爲軍 《集傳》謂

斧、斨爲殺伐之用、《集傳》從之。 此二者爲大罪」,得之。 矣,又將危及我成王」也。 斨並言,乃豳人所用以採桑者。 又錡 戈、矛、戟,無言斧、斨、錡、銶者。 已不信,謂:「詩人言兵器必曰弓、矢、干 流言、既破毁我周公、又損傷我成王、 以斨、錡、銶比成王。 篇云「伐柯伐柯,匪斧不克」,尤可證。 屬,銶爲 每章首二句,是比。以斧比周公, 木 屬,皆非 猶云 既危我周 兵器。」是已。 自歐陽氏 鄭氏 日四四 誤 氏 或 以

> 然其 之下復言『多方』,則四國 謂「四方之國」。 斧、斨」,則迂矣。 商、奄、非也、其時奄已封 國」,商與管、蔡、霍也。 方》篇曰『告爾四 「行師 有除 「國多方」,既于『四國』 何玄子曰: 道、樵 况非此 毛氏謂 魯 蘇 非泛指四 解乎 矣。 之事 《集傳》 管、蔡、 故用 四

《破斧》三章,章六句。

匪媒不得。本韻。 伐 柯伐柯,其 柯 伐 柯, 〇比也。 匪 則 斧不 不遠。 克。 我觀之子, 取 如 何 ?

豆有踐。 周人喜周公還歸之詩。

本韻。○比而賦也

同。 蓋必當時習語,故首章全用爲比。 取妻如 齊風》曰:「析薪如之何? 之 何 ? 匪 媒 不 得。」與此 匪斧不

經 通 論

此也。 章爲得見周公之易,亦臆解。 離。《集傳》分首章爲欲見周公之難,次 句皆爲比體,承上「取妻」而言。 籩豆有踐」,言周公歸,其待之之禮 我觀之子」,明指周公,則此當不異,而 籩豆有踐」亦不似同牢語 **湾** 則「其 豆有踐」矣。「之子」,指周公也。 通篇正旨在 單 則不遠」矣。 承 伐 柯 此二句。 爲 今我觀此之子, 比 也。 謂 舊解太支 且以末 伐 按下篇 柯 者 如

伐柯》二章,章四句。

裳。 九罭 ○興也 之魚,鱒 魴。 我 覯之子,衮衣 繡

〇 興 也。 鴻 飛 遵渚、公歸 無所,於女信處。 本 韻

鴻 飛遵陸,公歸不復,於女信宿。 本韻

是 以 有 衮衣兮,無 以 我公歸 兮,無 使

〇 興

我 狀 心 悲本 如 見。〕賦也。 韻 兮 ! 旁批 : 忽 急 調 扳

留

Ŧī.

乎? 是已。 焉。 其説 時信處、信宿于女耳。 魴」爲興,追 不得,心悲而 周公居東已二年,豈方喜 人喜得見之」,又未然。下章皆言公歸, 答西人,亦鑿。《集傳》以爲皆東人作, 以公西歸而 鴻飛」二章爲 鴻遵渚、陸」爲興,見公歸將不復矣,暫 、曉東都人之詞,于末章又言「東都」 公以 甚支離。 《大序》謂「周 解此詩者、最多執滯。于「九罭」 蓋此詩東人以周公將西歸,留 但以首章爲 我爲 憶 心悲」,前後不貫。嚴氏 作。 其始見 「女」也。 西人謂東人,末章爲東人 鄭氏以「鴻 大 首章 「周公居東之時,東 夫刺朝廷之不 也。二章、三章以 「女」者,指公 以「九罭」、「 末章乃 飛」二章 得見 便即 道 知 歸

《狼跋》二章,章四句。

傳》只取大意,得之。 曹》只取大意,得之。 皆非。《集 大、或以爲西人指東人。皆非。《集 以爲鴻不宜在渚、陸,或以爲鴻當在 或以爲鴻不宜在渚、陸,或以爲鴻當在 或以爲鴻不宜在渚、陸,或以爲鴻當在 以爲如歸之服。于「遵渚」、「遵陸」

《九罭》四章:一章四句,三章章三句。

音不瑕。本韻。 《孫碩膚,德寫几几。〔旁批:意。〕本韻。〇比而賦也。下同。寫几几。〔旁批:意。〕本韻。〇比而賦也。下同。

此美周公之詩。

詳求,亦不必詳求耳。 傳以爲「有胡」,殊混。嚴氏以爲「落傳以爲「有胡」,殊混。嚴氏以爲「落反。章法奇變。狼之跋胡、疐尾也,毛反。章法奇變。

安首源 姚 恒

小

雅

之體 之體 同耳。 論。 曰"二《雅》之别,先儒皆未有至當之 或主聲音。唯嚴氏 也。 也 雜 竊謂《雅》之大、小,特以其體之不 大小《雅》之分,或 乎《風》之體者,爲《雅》之小。 蓋優柔委曲、意在 明白 乎《雅》之體者,爲《雅》之 正大,直言其事者,《 主辭體者近之, 主政事,或主道 言外者,《風》

> 耶 ? 《六月》、《車攻》、《吉日》,非純乎《雅》者 證。 乎《風》者耶? 雅》、《小雅》之氣象自見矣。」其餘言大小 兼《國風》、《小雅》而不言兼《大雅》,可 亂;若《離騷》者,可謂兼之。』言《離騷》 《國風》 並 《棫樸》、《旱麓》、《靈臺》、《鳧鷖》,非雜 其大段焉耳。 稱,謂其體之多同 》之正、變,非是,不録。 咏『呦呦鹿鳴』、『文王在上』,則《大 何以載于小?」愚按此其小者,亦 出 於《 色而 或 何以載於大?《天保》、 不淫、《小雅》怨誹 風 也。 而 何玄子辨之曰: 世 太史公亦 以 三風 而 騒 不

説 正」、「雅小雅」,可通乎? 云 于二《雅》尤不可用也。 正《小雅》、正《大雅 集傳》云「雅者,正 也」是已, 若是,則「正 故知 正 一、變之

是將。〔旁批:幣。〕人之好我,示我周行。吹笙。〔旁批:樂。〕本韻。吹笙鼓簧,承筐呦呦鹿鳴,食野之苹,我有嘉賓,鼓瑟

本韻。

○興也。下同。

酒,嘉賓式燕以敖。本韻。孔昭。視民不恌,君子是則是傚。我有旨孔昭。視民不恌,君子是則是傚。我有旨働呦皰廰鳴,食野之蒿,我有嘉賓,德音

華祖。華祖。我有旨酒,以燕樂嘉賓之心。女子。「旁批:末章合樂酒。〕鼓瑟鼓琴,和鼓琴。「旁批:末章合樂酒。〕鼓瑟鼓琴,和鼓琴。「旁批:末章合樂酒。」

臣、嘉賓」。 凡燕賓取此詩而歌之,非此詩之爲燕賓 詩,意兼四方之賓及鄉之賓言之,不 者,以《儀禮 有嘉賓」,可證。《序》必以「嘉賓」連言 燕禮 嘉賓」即「群臣」耳。《彤弓》篇亦云「 此燕群臣之詩。《小序》 》、《鄉飲酒禮》作於《詩》後,正 按「嘉賓」,詩之言也,實 燕禮》《鄉飲酒禮》皆歌 謂「燕 知 此 我 則 群

> 矣。 也。 每蹈此病。 而 而 作 言乎? 《集傳》則專 總之、說《詩》不可据《禮》、《集傳》 也、《彤弓篇》之「嘉 《序》界于兩歧,實贅,然猶 謂 燕賓客而作,益 賓」豈亦 兼 凡 可

途路耳。 東》「行彼周行」之「周行」同,猶云指我東》「行彼周行」之「周行」同,猶云指我道」,皆非。此與《大道」,《集傳》訓「大道」,皆非。此與《大一章「周行」,大路也。毛傳訓「至

行,而君子則「是則是傚」也。「民視」,謂小民視之,不敢習爲偷薄之有「示」字,不應又作「視」。蓋「視民」猶有「示」字,不應又作「視」。蓋「視民」猶二章「視」,鄭氏謂古「示」字。按上

句。看他作法。 司。看他作法。 司。看他作法。 一事則用「人之好我」二句,二章言一事 三章又合作樂、飲酒而言之。故首章言 三章文合作樂、飲酒而言之。故首章言

《鹿鳴》三章,章八句。

本韻。○賦也。 王事靡盬,我心傷悲。〔旁批:一章一義。〕 四牡 騑 騑,周 道 倭 遲。 豈 不 懷 歸?

王事 **靡盬**。 四 牡 騑 不遑啟處。 **騑**,嘽 嘽 駱馬。 本韻。 ○賦也。 豈 不 懷 歸 ?

事靡盬,不遑將父。本韻。○興也。 翩翩者雕,載飛載下,集于苞栩。王

翩翩者鵻,載飛載止,集于

· 苞杞。

王

是用作歌,●將母來說。〔旁批:變。〕本韻。駕彼四駱,載驟駸駸。豈不懷歸?事靡盬,不遑將母。本韻。○興也。

○賦也。

《詩》者,因作「君探其情而代之言」。試但据《左傳》,謂「勞使臣」之來。後之解曰:「《四牡》,君所以勞使臣也。」《小序》因以爲勞使臣之詩焉。故襄四年穆叔因以爲勞使臣之詩焉。故襄四年穆叔此使臣自咏之詩,王者採之,後或

將 歌之,流而又流也。 也,勞使臣,流也,《燕禮》、《鄉飲酒禮》 酒禮》皆歌此詩及下《皇皇者華》,則 偏取逆乎? 代使臣咏 因《鹿鳴》而及之耳。此詩作于使臣,源 此 詩 平心 極 不順。 讀 若夫《儀禮 去, 作使臣 解《詩》何不 ・燕禮》《鄉 自咏 極 取 順 順 第 飲 而

甚迂。「不遑啟、居」同。舊解以「啟」作「跪」,作、息皆匆遽不得暇也。下《采薇》篇二章「啟」,作也。「處」,息也。言

五章獨言「將母」、《集傳》謂因上章三章「將」,奉也,持也,奉持之意。

「是」,原爲墨丁,《毛詩正義》卷九之二作「是」,今據

0

單言「母」,即此意。母,生我劬勞」,上句並言「父母」,下句之文。然不止此,實有義在。「哀哀父

《四牡》五章,章五句。

爰咨諏。本韻。
也。我馬維駒,六轡如濡。● 載馳載驅,周懷靡及。〔旁批:總上文意思。〕本韻。○興懷靡及。〔旁批:總上文意思。〕本韻。○興

爰咨謀。本韻。○賦也。下同。 我馬維騏,六轡如絲。 載馳載驅,周

我馬維駱,六轡沃若。載馳載驅,周

爰咨度。本韻。

爰咨詢。本韻。 我馬維駰,六轡既均。 載驅載驅,周

《小序》謂「君遣使臣」,是。

解亦有異同,不必盡從。然以爲無别,「諏、謀、度、詢」,《春秋》内、外傳所

究問之意,則有然耳。爲計畫之意,「度」爲酌量之意,「詢」爲則又不然。大抵「諏」爲聚議之意,「謀」

《皇皇者華》五章,章四句。

则兄弟! 〔旁批:起下四章義。〕本韻。○如兄弟! 〔旁批:起下四章義。〕本韻。○

弟求本韻。矣。賦也。

死喪之威,兄弟孔懷。

原隰裒矣,兄

也永歎。本韻〇興而比也。

字,未知是否。賦也。下同。餘本韻。劉氏謂「戎」疑當作「戍」,戍亦禦也,以協「侮」(侮」,從之。 每有良朋,烝也無戎。「務」,叶韻。兄弟閱于墻,外禦其務。《左》、《國》俱作

❶ 「濡」,原爲墨丁、《毛詩正義》卷九之二作「濡」,今據

六一

六二

友 生。 亂 本韻 〔旁批 既 思兄弟也,非 安 且. 寧 雖 是 有 反 兄 弟

如

且湛。本韻。 妻子好合,如鼓瑟琴。兄弟既翕,和 寶爾箋豆,飲酒之飫。兄弟既具,和樂且孺。本韻。

樂

其然乎!本韻。 宜爾室家,樂爾妻孥。是究是圖,亶

管、蔡之失道」,蓋本《左》、《國》爲 伐鄭、富辰諫 時召公作,非也。《左傳》: 然不言何人作。 而 公思周德之不類,故糾合宗族于 叔之不咸,故封 ,外禦其侮。」如是,則兄弟雖 **,**莫如兄弟!」其四章曰:「兄弟閱 詩曰:「常棣之華,鄂不韡 小序》謂 曰]: 『不 「燕兄弟」、《大序》謂 建親戚以藩屏周。 鄭氏 可 誤解傳, 周 昔周公弔 韡。 襄 以爲周 王以 説 成周, 凡今 闌 穆 狄

親 也。 親 而 兄弟之樂絶。 有 之詩曰:「兄弟閲 乎?』。《 如兄弟」,故封 衰,厲王 也,去周公歷九 人有言 國語》謂 子又 以関 懿德也,猶曰『莫如兄弟』」,又曰:「 屏 有 合其宗族于 周。 所 又韋昭云:「 所 : 「兄弟讒 鄭、唐二君以爲穆公所作,失之 侮。」雖無 渝 管、蔡而 或 懿 無道,骨 周公之詩。《左傳》曰:「周之 召穆公亦云。 周、召以從 親 語》:「富辰 扞禦侮者,莫如 成周,復作《常棣》之歌以 建之。 故召穆公思周德之不類, 王矣。 周 肉 親兄弟。 于墻,外禦其侮。」』」 閱,侮人百里。」周文 之有 召 明文,亦是謂周公作 恩缺,親 康公之後、穆公虎 其懷 諸 懿 周公作《常棣》 諫 今周 姦,無 曰:『不 柔 其後周 也, 親 親 德 天 禮 既 親 下 乃 猶 廢,宴 也 不 可 按 公 猶 可

《魚麗》爲文、武時詩也。穆公也。鄭之以爲康公者,以《鹿鳴》至矣。」按韋説尤明。然鄭本謂召康公,非

。《集傳》于首章謂「此燕兄弟之樂歌」,于次章謂「此詩蓋周公既誅管、蔡而作」,分兩義説,甚失註《詩》之體,蓋而作」,分兩義説,甚失註《詩》之體,蓋。令一人之作豈可如此! 當併合而去。「此周公既誅管、蔡而作,後因以爲云。「此周公既誅管、蔡而作,後因以爲云。「此周公既誅管、蔡而作,後因以爲之。不知《大、小序》,于次章切合《大序》也。不知《大、小序》出于兩人,故屬兩也。不知《大、小序》出于兩人,故屬兩也。不知《大、小序》出于兩人,故屬兩本。

之謬。又云「不,猶豈不也」,並謬。蒂也。《集傳》以「鄂」爲「鄂然」,本毛傳以「花萼」名樓,取此。「不」,「跗」仝,花以「花萼」名樓,取此。「不」,「跗」仝,花以「花萼」名樓,取此。「不」,「跗」仝,花

不相值則兄弟必求。故下「脊令」亦用二章「原隰裒」,只説原隰廣野之地,

之詞,又不達文義矣。 「原隰」之下各有「兄弟」字,豈可爲蒙上間」,令人可畏復可笑也。且「死喪」、一人」也。《集傳》謂「尸裒聚於原野之一人」也。《集傳》謂「尸裒聚於原野之了,謂少其人,猶後世詩「遍插茱萸少寡」;言。「裒」,損少意,《易》云「裒多益

語辭」,益非。是實字,此不當作虚字。《集傳》謂「發亦是。毛傳訓「兹」。按下云「烝也」,烝亦是。毛傳訓「兹」,沒下云「烝也」,經

章主言兄弟,不得不屈朋友,不必泥。外侮,朋雖衆也,無以兵相助矣。此兩外侮,那雖衆也,無以兵相助矣。此兩四章「烝」,衆也。「戎」,兵也。言有

矣,乃雖有兄弟反不如友生,何哉? 蓋亦不如兄弟。此章言喪亂既平而安寧弟」之意也。三章、四章言「每有良朋」弟。」三章至此章,皆反覆明其「莫如兄弟。」三章至此章,皆反覆明其「莫如兄

兄弟 已亡,所 與 周 旋 者 唯

已,故 此 爲深痛。皆反覆明其「莫如兄弟 友 生

之意。 舊解謂安寧之後,乃有視兄弟不如友生 上「莫如」,此「不如」,正相

者。 之語,酷似周公當日情事,故主爲公作。 汎駡世情,殊無謂。 觀「喪亂既平」

六、七、八章又追思兄弟之宜和樂也。

子」陪説,以見一家内外之和樂也。 然有不全"「良朋」陪説,屈之也,「妻 上以「良朋」陪説,此又以「妻子」陪説。

《常棣》八章,章四句。

本韻。 之,終和且平。 求友聲, 矧伊人矣, 不求 谷,遷于喬木。〔旁批 嚶其鳴矣,求其友聲。 伐木丁丁,鳥鳴嚶嚶。 本韻。 ○興而比 佳語 友 也。 生! 本韻。 似閒非 相彼 鳥矣, 神之聽 閒 猶

> 粲洒 寧適不來,微我有咎? 速諸父。 掃 陳饋 適 八 不 簋。既有肥 -來,微 本韻。 我 弗 牡,以 ○興也。 顧 ? 速諸舅。 本 下同。 於

飲此湑本韻。矣。 〔旁批:以「我」字作助字,妙!〕迨我暇矣, 湑我,無酒酤我。 弟無遠。 民之失德,乾餱以 伐木于阪,釃酒有衍。 坎坎鼓我, 蹲蹲 愆。 **籩**豆有 本韻。 1,踐,兄 有酒

戚也。 篇中曰「八簋」,曰「民之失德」,自是天 下數章互見也。 不及者,反覆言朋友之義,故不暇及,以 爲言,非也。下二章言 章言朋友也。二章言諸父,親也,諸舅, 此 三章言兄弟也。解者唯以朋友 燕朋友、親戚、兄弟之樂歌。 深得前 燕饗之事。 虚後實之妙。

鳥鳴」比朋友,以「伐木」興「鳥鳴」也。 章「伐木」是興,「鳥鳴」是比;

伐木許許,釃酒有萬。既有肥羜,以

致。 幽谷 章 亦作比朋友義,皆非。 神矢詞解,自可。 相 法 奇變。 應爲樂,若幽谷則不堪,故 ,遷于喬木」二句承上起下,綽有 「神聽」二句又接得出人意外,作盟 舊解皆以 爲興,或以 鳥以 據 喬 以一出 木而 伐 木 妙 嚶 自

也? 云: 顧 微我弗顧」謂 興,亦承上來,又不必與下旨有 恩意之有不至也。」迂拙之甚 上「鳥鳴」之爲比自 也」,「微我有咎」 詩全要圓通無滯 「謂寧使彼適有故而 二章、三章下二章惟以 自反之意,較前益 寧得 不來乎,無乃不我肯 方佳。 明。 謂「無 不來,而無使我 「伐木」爲 此處「伐木」爲 深。 乃以我有咎 寧 適不 關 集 **八興**,則 會 傳》 也。

《伐木》三章,章十二句。從《集傳》引劉

也。 福 不除 下同 天保定 俾爾 爾, 多益,以莫不 亦孔之 古 庶。 俾爾 本韻。 單 厚 , 0 何 麺

天百禄。降爾遐福,維日不足。本韻。 天保定爾,俾爾戩穀。罄無不宜,受

不增。本韻。 天保定爾,以莫不興。如山如阜,如

公先王。君曰卜爾,萬壽無疆。本韻。古蠲爲饎,是用孝享。禴祠烝嘗,于

如月之恒,如日之升。如南山之壽,用飲食。群黎百姓,徧爲爾德。本韻。

不爾或承。本韻。如松柏之茂,無「旁批:妙喻。」不騫不崩。如松柏之茂,無

木》,皆君所以下臣也。 序》云「下報 此 臣 致 祝 上」,遂謂 于君之詞。 ~ 臣 鹿 亦宜 鄭氏 鳴》 歸美于 至《伐 因《 小

時之燕 矣。 此 如 而皆以此 則出 此 以 **説**《詩 况前五詩者,所用異時。 崇 于有 而 君 答耶? 作 一之尊 耶 意,而非平時愛君之本 固 ? 執 而 已甚。 蓋有求其説 將先作此 福 禄 之, 季明 以 不知 德 而 隨其 不 其 歌 者 燕 何 若

「如南山之壽」,皆涉複也。「如南山之壽」,「聞」、「陵」無大異。又云「酣」、「阜」、「岡」、「陵」無大異。又云「爾」之也。忠愛之至,故多複辭。

天保》六章,章六句。

啟 亦莫本韻。 居、玁狁之故。 采薇 采薇,薇亦作 岸 靡室靡家 本韻。 ○賦 岸 殲 也。 狁之故。 日 下同 歸 日 歸, 遑 歲

亦憂止。本韻。憂心烈烈,載飢載渴。本韻。采薇采薇,薇亦柔止。曰歸曰歸,心

我戍未定,靡使歸聘。本韻

憂心 亦陽本韻。 孔 采薇 疚 ,我行不來 采薇,薇 啃 王事靡盬,不 亦 剛 本韻 啃 追 啟 日 歸 處 \vdash 歸, 本 歲

敢定居? 君子之車。 彼爾 維 本韻。 一月三捷。 何? 戎車既駕, 維常之華; 本韻。 四牡業業。 彼路 斯 何 岢 ?

本韻。 翼翼 人所 象 腓 駕彼 。〔旁批:此車戰之法。〕本韻 弭魚服。 四牡,四牡騤騤。 豈不日戒,獨狁孔 君 子所 依 棘 几 牡 小

載渴載飢。我心傷悲,莫知我哀。本韻。霏霏。〔旁批:全逗後世詩意。〕行道遲遲,昔我往矣,楊柳依依,今我來思,雨雪

止 役」,非。 歸之詞,豈方 」,「今我來思,雨 此戍役還歸之詩。 明 遣 言「曰 即 已逆 雪 霏 歸 《小序》謂 料其 霏 日 歸 等 歸 歲 時 遣 乎 亦 既 莫 戍

歷,益妄。 歷,益妄。 一月三捷」,亦言實事,非逆料之詞 又「一月三捷」,亦言實事,非逆料之詞

《采薇》六章,章八句。

我 彼旄本韻。矣。 難 來矣。 ,維其棘「棘」叶韻,餘本韻。 我出我車,于彼郊矣。 我出我車,于彼牧矣。 召彼 彼旟旐斯,胡不斾斾。 僕 夫,謂之載矣。 矣。賦也。下全。❶ 自天子所, 設此族 王事 矣; 憂心 建 多 謂

仲,玁狁于襄。本韻。 旐央央。天子命我,城彼朔方。赫赫南旐央央。天子命我,城彼朔方。赫赫南王命南仲,往城于方。出車彭彭,旂 悄悄,僕夫况瘁。

本韻

載塗。王事多難,不遑啟居。豈不懷歸,昔我往矣,黍稷方華,今我來思,雨雪

畏此簡書! 本韻。

薄伐西戎。本韻。心忡忡,既見君子,我心則降。赫赫南仲,吧孽草蟲,趯趯阜螽。未見君子,憂

也; 不爲天子,而以天子歸之殷王,殊迂。 不敢臆斷。 西戎,而此篇言之,又不同也。《采薇》 言之,似乎仝也,《采薇》不言南仲,不言 同,難以臆斷。《采薇》言玁狁,此篇 亦仝爲還歸之作,但二篇似 雨雪霏霏」,此篇「雨雪載塗」,似乎同 而「春日遲遲」諸句又不仝也。故曰 《小序》謂「勞還率」,非。 若鄭氏 以爲文王詩,因文王 乎同, 此與上 又不 亦 篇

「全」,當爲「仝」之誤。

0

六十

武 》有「南 知其 明 德 非宣王也,何 及 仲太祖」一 僞 傳 説 皆 曉曉爲 語。 以 爲 然正 宣 王 以 此語 因 常 而

以南 謂 在厲 既不知爲何時人,則亦不知此詩 因以《鹿鳴》至《魚麗》爲文、武 史之矛盾如此。 又 宣 云 [仲爲文王時人,益不足憑。 王 在懿王時。 則 王命將 据《常武》爲宣王詩,其云「南仲太 南 一時。 仲 在宣王之上世 **参** 史 征 伐玁狁,則又在 · 匈 奴傳》又引《出車》 若鄭氏謂文王 \wedge 漢 奴傳》云在襄 書 可 人表》有 知,但不必 宣王 時詩,故 時人,止 故南 爲 之詩, 南 王 何 時。 中 時 文 仲 Ŧ

當作『怳』。」于《常棣》篇又曰:「况,發語 辭。」一「况」字作三解,何居? 司 二章 况, 《集傳》曰:「况,兹也。 與《常棣》篇「 况 也 或 之

> 之語 當時天子有此簡書,其中有 恤之謂也。 救之」,此用《左傳》而誤 命,則亦謂之「簡書」耳。 『豈不懷歸,畏此簡 人伐邢,管敬仲言于齊侯 「戒命。 ,非隣國之簡書也。 四 鄰國有 簡 請救邢以從簡書。」此第 書」, 急 天子 以簡 書」。簡 策 也 書相召 命 其後隣國有 日 也 「同惡相恤」 書,同惡 閔 「《詩》 元年 則奔 毛 傳 戒 謂 相 云 命 狄 謂

我 日。 有杕之杜,有睍 出車》六章,章八句。 本韻。 日月陽止,女心 其實。

王事

靡

繼

傷

止

夫

止 心傷 興也。 悲。 有 ·杕之杜,其葉萋萋。 卉木萋止 · 女心悲 止,征 王 事 夫歸本韻 靡 盬 我

追本韻。

岸

興也。

嗣

陟彼 南 Ш ,言采其杞。 王 事 靡 盬, 憂

下全。 不遠。 我父母。 〔旁批: 本韻。 檀車幝幝,四牡 想像甚妙。〕本韻。 痯痯,征 〇賦 也。 夫

斓)本韻 恤。 匪 載 岸 本韻。 匪 來,憂心孔 卜筮偕止,會言近止,征夫 疚。 期逝不至, 而

之説。 子、小人不仝日』,此其義 歌,全時,欲其同 勞使臣」一語也。 者,本于《四牡篇》、《左傳》謂「天子所以 豈不甚迂乎! 鄭氏遂附會之,曰:「遣將率及戍役,同 勞還役」,亦非。 ,異日,殊尊卑 此室家思其夫歸之詩。《小序》謂 大抵《小序》皆謂「勞」 心也。 也。《禮記》 勞之而代其妻思夫, 然則篇 反而勞之, 也。」悉支 篇皆勞乎? 口『賜 君

《杕杜》四章,章七句。

旨且 多。 魚麗 本韻。 于罶,鱨鯊。 ○賦也。 下同 君子有 酒,隔 句 叶

本韻。 魚麗 于罶, 魴鱧。 君子有酒,多且旨。

魚麗 于罶, 鰋鯉。 君子有酒,旨且有

本韻。

物其多矣,維 其 嘉 本韻。 矣。 旁批

描 層,此畫家渲染法。〕 物其旨矣,維其偕本韻。 矣。

物其有矣,維其時本韻。

矣。

上、下通用乎 皆用之,故云。 之樂歌」,謬。彼見《燕禮》、《鄉飲酒禮》 理,前人已辨之。《集傳》謂「宴、饗通用 謂 「文、武始于憂勤,終于逸樂」,贅説失 此王者燕饗臣 然豈作者預立其程,使 工之樂歌。 《大序》

《魚麗》六章:三章章四 句,三章章

南有嘉魚、烝然罩罩,君子有酒、嘉賓

式燕以樂。本韻。○賦也。

式燕以衎。本韻。賦也。 南有嘉魚,烝然汕汕,君子有酒,嘉賓

下同。變。〕君子有酒,嘉賓式燕綏本韻。之。興也。變。〕君子有酒,嘉賓式燕綏本韻。之。興也。南有樛木,甘瓠纍之,〔旁批:興意

用字淡,妙。〕君子有酒,嘉賓式燕又本韻。思。〔旁批:君子有酒,嘉賓式燕又本韻。思。〔旁批:又變。〕

與前篇全意。

《南有嘉魚》四章,章四句。

也。下同。 家之基。樂只君子,萬壽無期。本韻。〇興家之基。樂只君子,萬壽無期。本韻。〇興

家之光。樂只君子,萬壽無疆。本韻。 南山有桑,北山有楊。樂只君子,邦

南山有杞、北山有李。樂只君子、民

可了了考,化了了丑。终又甘之父母。樂只君子,德音不已。本韻。

不眉壽? 樂只君子,德音是茂。本韻。 南山有栲,北山有杻。樂只君子,遐

南山

有枸,北山有楰。樂只君子,遐

通用之樂」,辨見《魚麗》。 《小序》謂「樂得賢」,「與」之與「得」,所差幾何? 如篇《南有嘉魚》爲「樂與賢」,此篇爲「樂此說《詩》,不近稚乎!《集傳》謂「樂為「樂與賢」,此篇爲「樂此說《詩》,不近者子,保艾爾後。本韻。

此臣二頌天子之詩。❶

《南山有臺》五章,章六句。

也。下同。 寫兮。燕笑語兮,是以有譽處本韻。兮。興寫兮。燕笑語兮,是以有譽處本韻。兮。興寒。

蓼彼蕭斯,零露瀼瀼;既見君子,爲龍

❶「二」,依文意當作「工」。

爲光。其德不爽,壽考不忘。本韻。

豈弟。宜兄宜弟,令德壽豈。本韻。 蓼彼蕭斯,零露泥泥,既見君子,孔燕

沖沖。和鸞雝雝,萬福攸同。本韻。 蓼彼蕭斯,零露濃濃,既見君子,鞗革

明矣。 賦。 也。 君敢 歌」,恐未然。 氏謂 又昭二十六年:「宋華定來聘,通嗣 侯賦《蓼蕭》,叔向命晉侯拜二君曰: 以 之不宣,令德之不知,同 拜齊君之安我先君之宗祧也 享之,爲賦《蓼蕭》。 在 昭子曰:『必亡! 此諸 「諸侯答天子《湛露》、《彤弓》之 !』 觀 侯朝天子,天子美之之詩。 《左傳》襄二十六年: 此, 則 非 宴語之不懷, 諸 弗知, 福之不受,將 侯答天 又弗 嚴

《蓼蕭》四章,章六句。

無歸。〔旁批:佳語。〕本韻。○興也。下同。湛湛露斯,匪陽不晞,厭厭夜飲,不醉

載考。〔旁批:古。〕本韻。 湛湛露斯,在彼豐草, 厭厭夜飲,在宗

令德。本韻。 湛湛露斯,在彼杞棘,顯允君子,莫不

鄭于首章引《燕禮》「宵則兩階及庭門皆與之宴,爲賦《湛露》。不拜,又不答賦。時行人私焉。對曰:『臣以爲肄業及之也。昔諸侯朝正于王,王宴樂之,于是也。」」故《小序》謂「天子蓝陽,諸侯用命也。」」故《小序》謂「天子燕諸侯」,是。鄭氏据二章「在宗載考」之文,遂謂「宴鄭氏据二章「在宗載考」之文,遂謂「宴鄭氏据二章「在宗載考」之文,遂謂「宴鄭氏据二章「在宗載考」之文,遂謂「宴鄭氏据二章「在宗載考」之文,遂謂「宴鄭氏据二章「在宗載考」之文,遂謂「宴鄭氏」

一七二

賦也。

設大燭」,若然,此亦仝姓乎!

則在 《唐風》「子有鼓鐘、弗鼓弗考」。 寝」,聽朝之所也。路寢其宗室耶? 宗 室。又曰「蓋路寢之屬」,益可笑。 室、尤非。「宗室」、宗子之室也。 及燕之時皆用之。 鐘,所謂「金奏《肆夏》」也。 入門、客出 也。「載」,再也。「考」,擊也,擊鐘也。 室其路寢耶? 亦有宗室乎?《集傳》即依毛傳,謂宗 「不醉無歸」,固已疎矣。又以「宗」爲宗 寢。 **鳧鷖**》亦云 二章「在宗載考」,宗,宗廟也。《大 古朝、聘、享皆于廟,則燕亦在 《儀禮》,後世之書,不可以 「既燕于宗」。 。毛傳以宗子之法 。若《燕禮》 。再考 王者 解

《湛露》四章,章四句。

彤弓弨兮,受言藏之。我有嘉賓,中

下同。心脫之。鐘鼓既設,一朝饗本韻。之。

心好之。鐘鼓既設,一朝醻本韻。之。心喜之。鐘鼓既設,一朝右本韻。之。形弓弨兮,受言橐之。我有嘉賓,中形弓弨兮,受言載之。我有嘉賓,中

侯」也。《左傳》文四年:「衛甯武子曰:『古宴。』」故《小序》謂「天子錫有功諸形弓一,彤矢百,玈弓矢千,以覺報彤弓一,彤矢百,玈弓矢千,以覺報諸侯敵王所愾而獻其功,王于是乎賜之諸侯敵王所愾而獻其功,王于是乎賜之

皆非。「早朝」、《集傳》引吕氏説謂「言其速」,即饗之,同在一朝也。毛傳謂「一朝」猶即營之,同在一朝徵之」,謂既賜彤弓之日

命宥』,註云『以幣物助歡也』。」『宥』、『侑』通,皆助也。《左傳》言『饗醴二章「右」,嚴氏曰:「助也。『右』與

《彤弓》三章,章六句。

且有儀。本韻。〇興也。 菁菁者莪,在彼中阿。既見君子,樂

百朋。本韻。〇興也。 菁菁者莪,在彼中陵;既見君子,錫我

詩,其餘則不可以臆斷也。面,尤不切。大抵是人君喜得見賢之謂「亦燕飲賓客之詩」,篇中無燕飲字謂「亦燕飲賓客之詩」,篇中無燕飲字

言其既樂而且以儀將之也。猶「享多來皆承見君子者言」,是「樂且有儀」自來皆承見君子者言」,是「樂且有儀」自

鄭必 謬。 等皆兩貝爲朋,其一不成貝,不爲朋。」 不加考,從之,非也。前人所論如此。 朋」是兩 《漢 是誤以五等爲五貝耳。 三章 偶之義。 「百朋」, 食貨志》:「貝有五等: 鄭氏謂 兩 貝 爲 五五 朋 《集傳》 貝 從 爲 朋」, 其 來 漫 四

《菁菁者莪》四章,章四句。

成我服。 征 是常服。 ,以匡王國。 比物四驪,閑之維則。維此六月, 六月棲棲,戎車 本韻。 玁狁 本韻。 我服既成,于三十里。 孔熾,我 ○賦也,下仝。 .既飭。 是用急。 四牡 騤 騤, 王 于 王 于 既 載

之服,以定王國。本韻。其武之服。共武奏膚公。本韻。有嚴有翼,共武之服。共武四牡修廣,其大有顒。薄伐玁狁,以

出征,以佐天子。本韻

玁狁匪茹,整居焦穫。本韻。 侵鎬及

戎十乘,以先啟行。本韻。方,至干涇陽。織文鳥章,白旆央央。元

甫,萬邦爲憲。本韻。 佶且閑。薄伐玁狁,至于大原。文武吉姞且閑。薄伐玁狁,至于大原。文武吉戎車既安,如輊如軒。四牡既佶,既

矣? 張仲孝友。〔旁批:如許大篇,結得行永久。飲御諸友,炰鼈膾鯉。侯誰在行永久。飲御諸友,炰鼈膾鯉。侯誰在于甫燕喜,既多受社。來歸自鎬,我

此已行之矣。 《小序》謂「宣王北伐」,是篇中「王出征」乃王親征。鄭氏以「于」訓 于出征」乃王親征。鄭氏以「于」訓 于出征」乃王親征。鄭氏以「于」訓 世紀二乃王親征。鄭氏以「于」訓 明日行之矣。

也,言常之屬也。毛傳謂戎服,戎服何一章「常服」,「常」,旂屬也,「服」,屬

章三「服」字,凡三義。爲衣服,與下章「既成我服」亦複矣。通傳》謂「戎事之常服」,並非。且以「服」謂之常服乎!鄭氏謂「韋弁服」,《集

度。 甫 武之臣征 仲孝友」誇其有賢客也。毛傳云「使文 鯉」亦非燕禮所設也。 「侯誰在矣? 張 此道吉甫之意。 自鎬,爲日永久,于以「飲御諸友」焉。 言「吉甫燕喜,既多受祉」矣,又以 而 在 而 傳。 内非外也? 吁,張仲何人? 安知張仲仕而非隱? 又安知 六章「燕喜」,天子燕之而有喜也,故 伐,與孝友之臣處内」,此 作 者又何人? 私燕曰「飲」,「魚鼈、膾 本以餘 其仕 亦 附

《六月》六章,章八句。結,見其章法之妙,而適以傳其人也。

爽。 率止,本韻。 叔 涖 止,其車三千,本韻。 **簟**第魚服,鉤膺鞗革。 薄言采芑,于彼新 乘其四騏。 田, 四騏翼翼,路車 師干之試。 本韻。 于此菑 ○興也 畝 方叔 有 方

带斯皇,有瑲葱珩。本韻。○興也。率止,約軧錯衡,八鸞瑲瑲。服其命服,朱叔涖止,其車三千,見上。旂旐央央。方叔叔治,其車三千,見上。旂旐央央。方叔薄言采芑,于彼新田,于此中鄉。方

叔 允方叔,伐鼓淵淵,振旅闐 率止,見上。 涖 止,其車三千,見上。 鴥彼飛隼,其飛戾天, 鉦人伐鼓,陳 師干之試。方叔 師 闐 鞠旅。 亦集爰 本韻。 本韻。 止 ○興也。 方 顯

壯 叔 其 猶。 涖 蠢 爾蠻荆,大邦爲 止 〔旁批:「老」、「壯」字並用不覺。〕 執訊 獲醜 讎 戎車嘽 方叔 嘽 十,嘽嘽: 元老,克 焞

> 來威。本韻。○賦也。 焞,如霆如雷。顯允方叔,征伐玁狁,蠻

> > 荆

作 其北伐之聲靈可以不戰而 章言節制之嚴,四章歸功于大將,而 班師之謂 而作,大概作于出師之時。 非也。 此宣王命方叔南征蠻 也。 篇中「振旅」,只訓軍之人,非 一、二章言軍容之盛, 來 荆 或謂 服 詩 也。 人 班 師 美 時

則魚皮可以飾車也。」
云『歸夫人魚軒』,服虔注云『魚,獸名』,馬,不言器械,不當獨言矢服。《左氏》

云「三命赤韍,蔥珩」,本此。 二章「服其命服」,三命也。《玉藻

字「壯」字二句中正對映,用來却隱而無之「執訊獲醜」及「蠻荆來威」也。「老」猶」,言其尚謀不尚力而勇愈壯,以起下四章「元老」,尊稱之也。「克壯其

方叔雖老而其謀則壯也」,何其索然!迹,令人可思,所以爲妙。《集傳》云「言

《采芑》四章,章十二句。

田車既好,四牡孔阜。東有甫草,〔旁徂東。〔旁批:先言「東」。〕本韻。○賦也。下同。我車既攻,我馬既同。四牡龐龐,駕言

之子于苗,選徒囂囂。建旐設旄,搏批:從「東」出「甫草」。〕駕言行狩。本韻。

同有繹。本韻。 駕彼四牡,四牡奕奕。赤芾金舄,會

柴。如字,與上「調」通韻。 決拾既依,弓矢既調,射夫既同,助我

矢如破。本韻。 四黄既駕,兩驂不猗。 不失其馳,舍

到。〕徒御不驚,大庖不盈。本韻。 蕭蕭馬鳴,悠悠斾旌。〔旁批:二語神

也大成。〔旁批:結得莊重。〕本韻。 之子 于征,有聞無聲。允矣君子,展

因田獵而選車徒焉」,是。《大序》謂「宣王復會諸侯于東都,

「甫草」爲「圃田」,謬。
防,故有取于圃田之草也。《集傳》直以按,「甫」,「圃」仝,鄭説是。田必芟草爲「甫草者,甫田之草也。鄭有圃田」。「甫草者,甫田之草也。鄭有圃田」。「丰草」,毛傳謂「大芟草以爲二章「甫草」,毛傳謂「大芟草以爲

雷「即毛傳『大芟草以爲防,褐纏旃以爲 事,此不應遽言「積禽」,亦非。何玄子 三句「同」協也。不知東、蕭韻不相通, 三句「同」協也。不知東、蕭韻不相通, 三句「同」協也。不知東、蕭韻不相通, 三句「同」協也。不知東、蕭韻不相通, 一等」,與首句「依」協,意以二句「調」與 皆無人聲,故爲通韻。《説文》以「柴」作 皆無人聲,故爲通韻。《説文》以「柴」作

門」之意。防限之設必有門,故用柴」,

未知然否。

亦自宜作正説矣。 七章「不驚」不可作反説,則「不盈

《車攻》八章,章四句。

也。下同。 牡孔阜。 吉日維戊,既伯既禱。田車既好, 升彼大阜,從其群醜。 本韻。 〇賦 几

 鹿 農 農 。 吉日庚午,既差我馬。 漆沮之從,天子之所。 獸之所 本韻。 同, 鹿

群或友。 瞻彼中原,其祁孔有。 悉率左右,以燕天子。 。 儦儦俟俟,或 本韻。

此大兕。 本韻。 既張我弓,既挾我矢。發彼小豝,殪 〔旁批:互文。〕以御賓客,且以酌

石鼓爲宣王 此宣王獵于西都之詩。 獵 碣,或即此時也。 舊傳岐陽 詩 中

漆沮」正近岐陽。

《吉日》四章,章六句。

詩經通論卷十

新安首源姚際恒著 韓城寶珊王篤校訂

小 鴻雁于飛,肅肅其羽,之子于征,劬勞 雅

于野。爰及矜人,哀此鰥寡。本韻。○比而賦

皆作。 也。下同。 鴻雁于飛,集于中澤,之子于垣,百堵 雖則劬勞,其究安宅。本韻。

始」之意。

我 、劬勞,維彼愚人,謂我宣驕。 本韻 鴻雁于飛,哀鳴嗷嗷。維此哲 人,謂

是。然美之者何人乎?《集傳》因以爲 《小序》謂「美宣王」。 謂宣王,亦近

> 使臣言,末章「謂我劬勞」,亦代使臣 「我」也。「宣驕」,即「可與圖終,難 「之子」,指使臣也。篇中三「劬勞」皆屬 此詩爲宣王命使臣安集流民而作。 與慮

爲興,下一章爲比,不可解。 《鴻雁》三章,章六句。 「鴻雁」,皆比意。《集傳》以上二章

七八

其説是也。

廷制作,不應忽採民謡一篇雜入其中。」

陳道掌曰:「《鹿鳴》至此二十餘篇,皆朝

指使臣,下二章「劬勞」自相謂,亦非。

謂「流民美使臣之詩」,然以首章「劬勞」

以「之子」爲流民自相謂,亦不類。嚴氏

以爲「此」者也。 「之子」,明指他人。

寡」,「此」者,上之人指民而言,未有

流

民

喜

而作此詩」,非

也。

「哀

此

鰥

自

今

个。庭燎之光。君子至止,鸞聲將將。本夜如何其? 〔旁批:問夜自妙。〕夜未

子至止,鸞聲噦噦。本韻。 夜如何其? 夜未艾。庭燎晣晣。君

韻

〇賦

也。下同。

《卜序》謂「美宣臣,因以籖之」,乍子至止,言觀其旂。本韻。〔旁批:妙旨。〕 夜如何其? 夜鄉晨。庭燎有煇。君

伊 無見也。 規橅《小序》「箴之」之説取義,並 之時所咏」,季明德因謂「刺不早朝」,皆 兩義説。 川、嚴 《小序》謂「美宣王,因以箴之」,作 坦叔因 其「箴之」之意未明言,詩中亦 朱鬱儀因 謂 「規宣王過 謂「此姜后脱簪、 勤 非。 又足 珥

《庭燎》三章,章五句。

載止。嗟我兄弟,邦人諸友。莫肯念亂,沔彼流水,朝宗于海,鴥彼飛隼,載飛

誰無父母! 本韻。○興也。下同。

不可弭忘。本韻。 截起載行。心之憂矣,載揚。念彼不蹟,載起載行。心之憂矣,

屬猜摹,更不能悉詳也。也。不知作何歸著。其餘諸解紛紛,悉興」也,謂憂亂者,以詩中「莫肯念亂」興」也,謂憂亂者,以詩中「讒言其亂之詩」。謂規宣王者,以詩中「讒言其亂之詩」。謂規宣王」,《集傳》謂「憂

耳」,是。《集傳》云「疑當作三章,章八句,卒章脱前兩句《沔水》三章:二章章八句,一章六句。

皆比 爰 在 有 于渚 意 鶴 鳴于九皋,聲聞于野。〔旁批: 檀。 章法絶 旁批:二比。〕本韻。 本韻。 其下維 比。〕魚潛 蘀。 樂彼 (旁批: 在 之 淵,或 通篇 園,

?。〕他山之石,可以爲錯。 〔旁批:

四

比。

本韻。〇比也。下同。

比

批: 上。 或 潛在 其下維穀。 即爲錯。〕本韻。 鶴 .淵 鳴于九皋,聲聞于天。 本韻。 他山之石,可以攻玉。 樂彼之園,爰有樹檀。 魚 在 于 (旁 見

然。 鄭氏 後能 近。 高 德 宜 進 言賢者自 賢之意 也,則以 審 也。 退不常也。 也。 謂 爲 陸農 烝民》皆謂「美宣王」,于《小雅》諸 《序》于《大雅 《小序》謂「誨宣王」,「誨」字意 心,通篇 至于謂 師。』《鶴 「教宣王求賢人之未仕者」。 誨 [有聞 「他山」二句,言必藉賢 師 誘故 曰:「《記》曰: 「樂彼」三句,言用舍位 亦差可通。「鶴鳴」二句, 宣王之詩,未有 也。「魚潛」二句,言賢者 也。」此解 鳴》二章,皆比 雲漢》《韓 「誨」字意也。 能 以 博 見其必 而不 以 成 賦 似

> 篇 倫乎 或 1 以 爲 規 ۲, 或 以 爲 _ 誨 <u>_</u>, 何 不

也。 説《詩》之魔也。 《大》、《中》、《論語》,立論腐氣不堪,此 善」。 當知其惡」,「他山」二句言「憎當知 齊家」章。 句言「理之無定在」,「樂彼」三句言 頸尾黑」。 庸》「鬼神之爲德」章,第二比合《論語 下之理其庶幾乎?」後二比雖言用 仰之彌高」章,後二比合《大學》「修身、 理」,迥不類。蓋其意以第一比合《中 鶴鳴」二句言「誠之不可揜 (兩翼,翼末黑毛垂于後,有似乎尾,故 彼第見立鶴,未見 混。 解此 又曰:「引而伸之,觸類而長之,天 篇 且此言用人而上言「誠」言 按,鶴 以《詩》爲言理之書,切合 最紕繆者,莫過《集傳 兩翼 又其小者曰「鶴身白, 末端 飛 鶴、立者常斂 黑,非 」,「魚潛」二 尾 黑 其 愛

誤以爲尾黑耳。格物者固如是乎? 陳

晦叔《經典稽疑》已駁之。

《鶴鳴》二章,章九句。

所止居? 本韻。〇賦也。下同。 祈父,予王之爪牙! 胡轉予于恤,靡

之。〕胡轉予于恤,有母之尸饔?〔旁批:一 祈父,亶不 聰!〔旁批:三呼而 責所底止? 本韻。

末始露情。〕本韻

則無此文矣。」議論是而細。 《小序》謂「刺宣王」,毛、鄭以戰于 一、「千畝之戰,諸侯之師皆無恙,而王 一、「千畝之戰,諸侯之師皆無恙,而王

祈父》三章,章四句。

逍遥。本韻。賦也。下同。永今朝。〔旁批:始且妙。〕所謂伊人,於焉於今朝。〔旁批:始且妙。〕所謂伊人,於焉於於白駒,食我場苗。 繫之維之,以

永今夕。所謂伊人,於焉嘉客。本韻。 皎皎白駒,食我場藿。 縶之維之,以

〔旁批:四句四「爾」字,纏綿之音。〕本韻。公爾侯,逸豫無期。 慎爾優游,勉爾遁思。公爾侯,逸豫無期。 慎爾優游,勉爾遁思。

賢者,亦至矣,豈不能留乎!或必欲以合《序》意。諸家從之。觀此詩所以留王」,未見其確。鄭氏謂「不能留賢」,以正,未見其確。鄭氏謂「不能留賢」,以此思賢者之詩。《小序》必謂「刺宣此思賢者之詩。《小序》必謂「刺宣

留 刺 「,庶 王 可 則 耳 謂 大 夫欲 留 之, 以 見 王 之不

其不識 將勤 語 耶 器,恐不能常守其逸豫。 餌,亦不得爲賢矣。 然語太直率,少含蓄。 少哉!」以上「賁然來思」句觀之,近是。 是,則反 也」,以漢 優游遁思,終以 子苟來,將待爾以公、侯,其 集傳 爾爾 也。 氣。 哉哉 勞國 三章「爾公爾侯」二句,毛傳 》謂 侯耶,何 游 嚴 願其不仕矣。亦非。 哉以 氏 「猶言 事 人辭意,凡以己語 高語釋《詩 無 曰 : 謂 待時耳」,較爲 自樂,願 有逸豫之期。 『横來、大者 「爾賢者若爲公爲侯, 逸樂 當云「爾乃公、侯之 》,大是笑資。 無 賢者果公、侯 此時慎勉爾之 加 期 保 以 所釋自 王,小者侯』 蘇氏 重 今爾肥 宛 爲 反 曰「爾 也」,非 樂顧 耳。 合。 多不 宜 曰 口 贵 若 遯 則

> 意。 詩》之下字皆有 末章 四 章 Ħ 丁其 句 人」,則 眼 曰 目如 伊 人」,猶欲留 此。 其 人不可留矣。 之之

白駒》四章,章六句。

族 ! 邦之人, 黄鳥黄鳥 本韻。○興也。下仝。 不 我 無無 肯穀。 集于 言旋 穀,無啄我 言歸, 粟 復 我 邦 此

兄! 本韻。 邦之人,不可與明。言旋言歸,復我諸邦之人,不可與明。言旋言歸,復我諸善,其爲,無集于桑,無啄我粱! 此

父! 邦之人, 本韻 黄鳥黄鳥,無 不 可 與 處。 集于栩,無啄我 言 旋 言歸, 黍 復 我 諸 此

此詩。」若是,民仍歸 朱鬱儀曰:「宣王之世,諸侯兄弟有失所 民適 小序》 異 國, 不 謂 得 「刺 其 宣 (所,于 于宣 王。 王 是 則 思 集 歸 傳 非 故作 刺 謂

荒 而 也。「黄鳥」,黄雀 又必欲切合刺王之意者。 ,禮意衰 來依 于王室 薄 ?,思返 者。 也, 故 及 或 其 非黄 而 季 Œ 賦 车 , 鶯 不 是 詩。」 知 政 孰 體 是 此 怠

《黄鳥》三章,章七句。

啄粟。

也。下同。 就爾居。爾不我畜,復我邦家。本韻。○賦就爾居。爾不我畜,復我邦家。本韻。○賦

就爾宿。爾不我畜,言歸斯復。本韻。我行其野,言采其蓬。昏姻之故,言

爾 新特。 我行其野,言采其葍。 此 詩 誠不 與 E 以富,亦祗以異。 篇相類,亦未詳。 不思 本 韻 舊 《小 姻, 序》 求

求人爲 謂 且呼王爲「爾」,亦不似。 「刺 宣王」。 王 卿 而不 蘇氏 獲者 因 謂 所 作」, 「甥舅之諸 《集傳》 似)謂「民 臆 侯, 測。

固類,然無所關係也。適異國,依其昏姻而不見收恤」,于此

《我行其野》三章,章六句。

矣。 植物。〕兄及弟矣,式 起。〕本韻。 〔旁批:再敘天倫。〕賦也。 秩秩斯干,幽幽南山。 如竹 苞 矣,如松茂矣。 相好矣,無相 〔旁批: 下同 〔旁批: 猶 以 形勝 本 韻

本韻。 室。〕西南其户。爰居爰處,爰笑爰語。 似續妣祖,築室百堵,〔旁批:始及巢

本韻。 風雨攸除,鳥鼠攸去,君子攸芋。練。〕本韻。 風雨攸除,鳥鼠攸去,君子攸芋。 約之閣閣,椓之橐橐。〔旁批:一往密

如翬斯飛,君子攸躋。本韻。如跂斯翼,如矢斯棘,如鳥斯革。本

韻

噦其冥。君子攸寧。本韻。 殖殖其庭,有覺其楹。 噲噲其正,噦

下莞上簟,乃安斯寢。〔旁批:從上

八三

批: 、旁批: 旁批: 從 出 此兩章幻。〕本韻 正言 寢 寢 出 「夢」。〕維熊 乃寢 夢」。〕: 乃 興,乃 本 維 韻。 羆 占我 吉夢 ,維虺維蛇。 夢。 維 何? 旁

祥。」二「祥」字爲韻。 羆,本韻。男子之祥,維虺維蛇,女子之罷,本韻。男子之祥,維虺維蛇,女子之 大人占之:〔旁批:言占夢。〕維熊維

之瓦。 又謂 成 乃生女子, 載寢之地, 載衣之裼, 王營洛時作。 〔旁批: 武 無非無儀,唯酒 小序》謂 王 説女職千古至言。」本韻 按 南 「宣王考室」。 何玄子踵之。 Ш 食 自是終 是 議,無父 南 朱鬱 Ш 鄒 在 肇 儀 母 載 敏 謂 弄

京

小則謂

武王、宣王者近是。若謂

在洛

傳》但 可見。 民間 不言 武 羊》篇亦有「大人占之」語,其 Ш 則 王詩 南 解 語耶? 何 Ш 之,則 [曰「此築室既成,而燕飲以落之」, 故不 王 不 無 應 着 若依 其 落 然則篇 厠 非顯然 于 宣王 何 序》 氏 中「室家君 矣。 因 諸 謂 以 詩 宣 然謂 中,而 南 王 非武 面 也。 王」者豈 武 所 下《無 王者, 王益 對 集 之

漢反 語。 樂章之《新宮》耳。 並 亦 宫》,然則此何詩 永平二年詔 百篇之詩 儀禮》有《新宫》,此當時之樂章,非三 有 無「宮」字,不應全不合也 **僞傳、説及** (有之乎!」尤不足据。 《集傳》疑《新宫》即此詩。 不必合詩者,然詩中唯有「室」字, 也。《左傳》宋元公所賦,亦 亦曰『升歌《鹿鳴》,下管《新 鄒氏、 也? 鄒氏 何 豈古所無者,後 曰:「後漢 氏 並 或又謂命名 祖 此 之。 亦必 明 前 帝 即 按 人

室方在 咏之。王雪山 下之固如竹之苞,上之密如松之茂」,築 爾」,此善于解虚字也。《集傳 眼 不見其睫」也 章「如 下,此處豈宜先爲形容! 竹 曰「如」非 苞」二句,因 喻,乃枚 其 》謂 地 所 所 此 舉 有 室 mi

鳥、鼠不能穿矣。 版築之事。墻堅密,則風、雨不能侵, 三章此章言築墻也。「約之」二句言 二章此章言築室也。先統言之。

阿,非。傳》分「鳥革」言棟宇,「暈飛」言檐革,暈飛」,棟宇、簷阿皆可形容。《集革,暈飛」,棟宇、簷阿皆可形容。《集

室之慶莫過于子孫繁衍,故言其生男爲頌禱之詞,猶後世作上梁文也。居六章、七章堂室之制已備言之,下乃五章此章言室成,蓋燕寢也。

出 子、女子,且必 望後世之人知之也。 妻子則隱言之,此尤作者之自得,而不 此處當言妻子。于兄弟則 合,無過兄弟、妻子。 首章已言兄弟, 不道,而已在隱約之間。 安寢」,即接入夢,其與 妃寢處,方能誕育。 搆,深見作者用意之精妙。正大之言 借夢言之。 先啟後,爲父母光。 「乃生女子」二章結之。 之而知之。于是,下始以「乃生男子」、 可見,乃借物類之熊、羆、虺、蛇比之。 妙 以 何以見其 筆! 奇幻,斯爲至文。又室成而 又居此室者,一家和樂 可比于熊、羆、虺、蛇,則 原 何 其男、女之善,方可 以知,則 今但輕輕言「莞簟 然男、女之善于何 后妃寢 起雅去俗,妙 如 又借大人占 明言之,于 此層 處 與 層 后 又 而

八章、九章今世傳有三代玉璋,長一、

瓦礫也。 器,則瓦非瓦礫而已。」彼意亦恐人疑瓦質重大,或是 瓦,索麻線于其 以紡塼解之,不可以塼爲瓦。 可穿絲 地」,取地卑之義,亦以其陰類相感也。 瓦形,或即是此,未可 大,豈初生子所能弄哉! 一湖 州 斯干》九章:四章章七句,五章章 至 風俗,婦人以麻線爲業,人各 予又見三代古玉,長闊寸許, 繩,故初 長 不過 三寸。 生子可弄。 上」,尤可笑。瓦質 知 其制 也。「載寢之 孔氏曰:「璋爲全 瓦 不一 黄 東發 毛 有 如 傳 孔

牛 ? 濕。 本韻。 來思,其 誰 九十其犉。〔旁批:起得兀突。〕 爾 ○賦也。 無羊? 三百 角 濈濈。 下同 爾 維 4 來思,其 誰 謂 耳 本韻 爾 濕 無

五句。

或降于阿,或飲于池,或寢或訛。爾

牧 情,深得人、物 批:此兩章是 則具。〔旁批:露正旨。〕本韻 來思 本 韻。 群牧 兩忘之妙。]三十維物,爾 何 蓑 圖,或寫 何 笠, 或 物態,或寫人 負 其

到。〕本韻。 〔旁批:此章雖圖繪亦不能羊來思,矜矜兢兢,不騫不崩。麾之以肱,羊來思,矜矜兢兢,不騫不崩。麾之以肱,

本韻。 矣,室家溱溱」。〔旁批:末章忽出奇。〕 大人占之:「衆維魚矣,實維豐年,旐維旟 牧人乃夢,衆維魚矣,旐維旟本韻。矣。

室,考牧,皆是既廢而中興之事也。《小序》謂「宣王考牧」,亦近是。考

二章祭饗謂之「牲」。畜牧,凡以爲

閒筆,所以爲佳。 祭饗也。 「爾牲則具」一句是正意,餘皆

夾雜 順 隹 閒 此 嶇險仄之處不傾跌 尤妙。「不騫」**,**不虧損 争先而實緩,「矜矜兢兢」四字描摹 羊牛,又或併言禽獸耶? 本甚明白。 牧人聽羊牛之降阿飲池及寢訛 「以」字貼取薪,下二「以」字貼取鳥言, 採 者,羊性剛逆,尚能馴擾,則牛性之本 者可知矣。 以言畜、《詩》之觸處圓通 薪 並言,以見其 三章「爾牧來思」,「爾羊來思」,人物 鳥也,故以「雌 T 鳥,所 解者何爲不知,或以雌 必 兩相 也。 有之事。 雄」言 得,亦兩相忘也 也。 彼篇 羊之步履 如 「不崩」, 以言南山 雌雄 鳥。 此。不言 上二 物 其 雄 言 崎 餘 理

詞以終之,故法亦仝上篇。此就牧人言詞以終之,故法亦仝上篇。此就牧人言

之。 獻之于王,所謂「癡人前 旟、旐所以聚衆,故爲民庶。 頌禱必及之。 或以爲牧人真夢 夢通乎國計民生,此豈 年豐民庶,家給人足,尤爲治 尤,尤 魚麗爲萬物盛 幻。 畜牧 然 蕃 ,或且以爲占夢者得 何 盛 多之象,故爲豐年。 以 固 遽 一常人思 不 富 及,則 得 或 説夢」也。 之 平 假微賤之 慮 一端 攸 借夢 所 賴 及 而

《無羊》四章,章八句。

斬 具 ,何用不監 爾 瞻。 節 彼 南 憂心 Ш 1 如恢,不 本韻。 維 石 、巖巖。 ○興也 敢 戲 赫赫 談。 師 尹 既 卒 民

多 平謂何! 節彼 民言無嘉,憯莫懲嗟。本韻。 南 〔旁批: 山,有實其 怨。〕天方薦 猗。 赫 赫 瘥 〇興也 師 喪亂 尹 宏 不

是維,天子是毗,俾民不迷。不弔昊天,不尹氏大師,維周之氏,秉國之均,四方

責之。妙,妙!〕本韻。○賦也。下同。 民與臣言之,以見其任重如此,正所以深宜空我師!〔旁批:二言「師尹」,此特分

瑣姻亞,則無膴仕。本韻。 仕,勿罔君子。 式夷式已,無小人殆。 瑣弗躬弗親,庶民弗信。本韻。 弗問弗

第三章。〕不自爲政,卒勞百姓。本韻。不寧! 憂心如酲,誰秉國成?〔旁批:應不弔昊天,亂靡有定,式月斯生,俾民

蹙靡所騁!〔旁批:凄苦。〕本韻。 駕彼四牡,四牡頊領。我瞻四方,蹙

相醻本韻。矣。 方茂爾惡,相爾矛矣。既夷既懌,如

「王」字。〕不懲其心,覆怨其正。_{本韻。} 昊天不平,我王不寧! 〔旁批:始出

此鞠訩」。〕式訛爾心,以畜萬邦。本韻。家父作誦,以究王訩。〔旁批:應「降

也。其實未斬、未威也。如曰「國既卒斬」及下篇「褒姒威之」是如曰「國既卒斬」及下篇「褒姒威之」是「赫赫」意。❷ 詩人愁苦,必用危言聳聽,一章「憂心如惔,不敢戲談」,正應土

諸語。 「章以「不平謂何」起下「秉國之均」

「上」, 疑爲「上」之误。

三章「不弔昊天」應上「天方薦瘥」,

而尹氏不恤也。

矣,故亦戒其「無」,應上君子弗仕意。 其事而言之。蓋此輩不唯仕,而且膴仕心而休廢之,以小人危殆也,故戒其「勿」。小人則平其誣罔君子也,故戒其「勿」。小人則平其誣罔君子也,故戒其「勿」。小人則平其誣罔君子也,故戒其「勿」。小人則平其

上「式夷」。子可以回天意及順民情也。「如夷」,應子可以回天意及順民情也。「如夷」,應五章二「君子」即上「君子」,言用君

師」以下六句。誰乎? 尹氏大師也。 六章「誰秉國成」,應三章「尹氏大

『夷、懌』爲小人喜、怒不常,今不從。」愚相醻酢,何至相疾如仇讐哉! 舊説夷平悦懌,則同僚相與歡然,如賓主之夷平悦懌,則同僚相與歡然,如賓主之

正。「夷」字亦應上二「夷」字。按上言其惡,下言其夷懌,正是一反一

「懲」字。 顧亂之,何也?「懲其心」,應前「懲嗟」指尹氏甚明。古人文極有條理,而解者

愛王切矣,其責恨尹氏深矣。 章及王,餘俱指尹氏。觀此,則家父之章及王,餘俱指尹氏。觀此,則家父之章之我師」不得其養之意。通篇唯末二堂我師」不得其養之意。通篇唯末二葉之所以致此鞠訩也。「爾」指尹氏,尚来。「訩」,應上「鞠訩」「訩」字,謂窮究來。「訩」,應上「鞠訩」「涵」字,謂窮究來。「訩」,應上「鞠訩」「八百五十章」

四句。《節南山》十章:六章章八句,四章章

) 「八」,原誤作「七」,此下所解説在第八章,今據改

孔之將。 ,癙憂以庠。 IE 月 繁霜 念 我 本韻。 獨兮,憂心 我 心 ○賦也。 傷 京 民 京。 之 訛 哀我 小 亦

愈,是以有侮。本韻。〇賦也。自我後。 好言 自口,莠言 自口。 憂心愈自我後。 好言 自口,莠言 自口。 憂心愈父母生我,胡俾我瘉。 不自我先,不

止,于誰之屋?本韻。○賦也。 其臣僕。哀我人斯,于何從禄? 瞻烏爰

^{興而比也。} 帝,伊誰云憎?〔旁批:大議論。〕本韻。○ 天夢夢。既克有定,靡人弗勝。有皇上 一體彼中林,侯薪侯蒸。民今方殆,視

莫之懲 雏 知 ! 山 烏之雌 蓋卑,爲 召彼故老,訊之占夢。 雄 岡 ! 爲 本韻。 陵。 〇賦 民 之訛 也 具 日 言 子子

敢不蹐。維號去聲。斯言,有倫有脊。哀今謂天蓋高,不敢不局。謂地蓋厚,不

之人,胡爲虺蜴? 本韻。○賦也

姿。]本韻。 仇,亦不我力。〔旁批:六句中用「我」字弄 不我 克。 瞻彼阪 彼求 〇興而 田 一,有菀 我 比也。 則,如 其特。 不我得。 天之 我仇 如

周,褒姒威本韻。之! 賦也。然厲矣? 燎之方揚,寧或滅之? 赫赫宗然闻矣? 燎之方揚,寧或滅之? 赫赫宗

子 棄爾 ! 本韻。 輔。 終其永懷,又窘 載如 〇比也。 字。 輸 陰 爾 雨。 音在。 其車 既載, 將伯 助 13

韻。 批: 作比 〇比也 無棄爾輔,員于 一往摹神。〕終踰 ,妙。]屢顧 爾僕,不 爾 絶險,曾是不意。本 輻。 〔旁批 輸 兩 : 承一純 載。 (旁

北而賦也。乱之炤。憂心慘慘,念國之爲虐! 本韻。○魚在于沼,亦匪克樂。潛雖伏矣,亦

彼有旨酒,又有嘉殽。 洽比其鄰,昏

姻孔云。念我獨兮,憂心慇慇。本韻。○

助せ

領矣。 《小序》謂「大夫刺幽王」,是。詩中明有褒姒,而《集傳》猶疑之,以爲東遷明有褒姒,而《集傳》猶疑之,以爲東遷明有褒姒,而《集傳》猶疑之,以爲東遷明有褒姒,而《集傳》猶疑之,以爲東遷明有褒姒,而《集傳》猶疑之,以爲東遷

言之。 言『好言」、「莠言」,承上「訛言」

誰之屋」相應,猶之興意而倒于下也。方,蹙蹙靡所騁」意。「于何從禄」、「于三章「瞻烏」二句,即前篇「我瞻四

語,故承之曰「維號斯言」。「號」去聲,「出門即有礙,誰云天地寬」也。此必古、章「謂天蓋高」四句,即唐人詩曰

猶名號之號。

非宜 字必有其義,今此二字義無考矣。 猶前篇不畏尹 自得。且「威」與「滅」字微不仝,古人用 云「寧或滅之」,故順承以爲言耳。 否? 不知以上文讀之,非過也。 又疑宗周未威,何遽 一。不知當時作詩者皆有骨 八章「褒姒威之」,或疑直斥 氏 而自紀作者之名也。 作未來語,得毋過 力之人, 時 上文 細

「輔車相依」是也。「伯」,長稱也。「雨」在上,取協韻也。「輔」,《左傳》云下,謂其車方載,又窘于陰雨之時。下,謂其庫方載。又窘陰雨」,義連謂當深思遠慮也。「又窘陰雨」,義連調當深思遠慮也。「又窘陰雨」,義連

猶南人言舟,大有「風利不得泊」,及「青皆言其行之迅速而無難也。北人言車,言有輔既員輻矣。「屢顧」至末一氣讀,言有輔既員輻矣。「屢顧」至末一氣讀,

乎」,贅,不可用。絕!《集傳》謂「一説,王曾不以爲意悟峰、戀,黄知橘、柚」之意,妙絶,妙

又逢 與此夭夭仝義。」 正 有 廬 形日》篇曰『非天夭民,民中絶命』,**●**正 獨」義連。 也。」此解是,正與下「哿矣富人,哀此惸 望 佌 蓄積蕩然矣。 繼 佌 幽 十三章嚴氏曰:「厲王之亂,民之室 其後者愛養培植之,今乃不幸, 然之小屋,方有蔌蔌然之少穀。 王之亂,是天爲夭孽以 「夭夭」,何玄子曰,「《商書 宣王勞來還定,于是彼 極害之

下可。 《正月》十三章:八章章八句,五章章

此日而微。今此下民,亦孔之哀。本韻。○批"《春秋》用之。〕亦孔之醜。彼月而微,十月之交,朔日辛卯,日有食之,〔旁

賦也。下同。

于何不臧! 本韻。用其良。彼月而食,則維其常,此日而食,用其良。彼月而食,則維其常,此日而食,不月月告凶,不用其行。四國無政,不

收,妙。〕本韻。 [旁批:以五字句别得直是怕人。〕哀今之人,胡憯莫懲? 本韻。 聚子內史,蹶維趣馬。 楀維全,性。 如土,番維司徒。 家伯維宰,仲皇父卿士,番維司徒。 家伯維宰,仲皇父卿士,番維司徒。 家伯維宰,仲之勝夫。本韻。 聚子內史,蹶維趣馬。 馬岸爲谷,深谷爲陵。 [旁批:寫冢崒崩。高岸爲谷,深谷爲陵。 [旁批:寫極,妙。〕本韻。

矣。〔旁批:可恨在此。〕田卒汙萊。本韻。曰予不戕,禮則然通韻。時? 胡爲我作,不即我謀? 微我墻屋,抑此皇父,〔旁批:單提皇父。〕豈曰不

《高宗肜日》。今正。「肜」,原誤作「彤」。按《尚書》無《彤日》篇,引文出自

皇父孔聖,〔旁批:再提。〕作都于向。

0

居徂向。〔旁批:倒字句。〕本韻。批:哀公用之。〕俾守我王。擇有車馬,以擇三有事,亶侯多藏。不慭遺一老,〔旁

背憎,職競由人。本韻。 口囂囂。本韻。下民之孽,匪降自天。噂沓 正勉從事,不敢告勞。無罪無辜,讒

批:八字句收。〕本韻。天命不徹,我不敢傚我友自逸。〔旁羨,我獨居憂。民莫不逸,我獨不敢休。本終,我獨居憂。民莫不逸,我獨不敢休。本

王東遷之兆也,可感也夫! 問,上木繁興,徙世家巨族以實之。人蘇忿生之田,向、盟、州、陘』是也。去人蘇忿生之田,向、盟、州、陘』是也。去人蘇忿生之田,向、盟、州、陘』是也。去時懷土重遷,傷其獨見搜括,故賦是也。是人蘇忿生之田,向、盟、州、陘』是也。去東遷之兆也,可感也夫!

三章「高岸爲谷」二句,承「山冢崒

崩」而言。

直改作「冢宰」,更非。宰也。」鄭氏則以冢宰釋之。《集傳》本本皆作「維宰」。蘇氏曰:「維宰,未知何本皆作「維宰」。蘇氏曰:「維宰,未知何

也。五章以後單言「皇父」,此言徙民

居

田

正在此。

「以居徂向」,本是「徂向以居」,取協韻「以居徂向」,本是「徂向以居」,取協韻

七章此言被讒也

七子輩也。 八章「民莫不逸」,「我友自逸」,皆指

《十月之交》八章,章八句。

浩浩昊天,不駿其德。降喪饑饉,斬

九四

有 伐 罪,既伏其辜,若此無罪,淪 四 ○賦也。 國。 本 下同 韻。 昊天疾威,弗 慮弗圖 胥以鋪。本 舍彼

惡! 君諸 莫知我勩; 本韻。 侯, 本韻 周宗既滅,靡所止戾。正大夫離 莫肯朝夕。庶曰式臧,覆出爲 三事大夫,莫肯夙夜,邦

畏,不畏于天! 靡所臻。 如何昊天,辟言不信? 凡百君子,各敬爾身。 本韻。 如彼 行邁, 胡不 相 則

譖言則退。本韻。 日瘁。凡百君子,莫肯用訊。 戎成不退,饑成不遂,曾我贄御,憯憯 聽言則答,

本韻。 旁批:兩對。]本韻 哀哉不能言! 哿矣能言! 巧言如流,俾躬 匪舌是出,維躬是瘁。 處 休。

罪 于天子, 亦云可使, 怨及朋友。 維曰于仕,孔棘且殆。云不可使,得 本韻。

> 本韻。 從作爾室?」本韻。 謂 鼠思泣 爾 遷 于王都」, 血,無言不疾! 曰「予未有 昔爾出居,

誰

贄御之臣所作」,是也。 是言乎!《集傳》謂「正大夫離居之後, 事大夫,莫肯夙夜」,豈已身爲大夫而若 刺」,非也。 《小序》謂「大夫刺幽王」。云「大夫 詩中云「正大夫離居」及「三

皆在位爲惡之人,何由以飢死 罪伏辜者反舍之」也。 彼有罪,既伏其辜」者,亦倒句,猶云「有 無罪皆以飢死」,謬。 中之事。《集傳》根上「飢饉」,謂「有罪 一章「昊天疾威」以下,别言刑罰 詩之所謂有罪者 乎? 「 舍 不

準人」,亦大夫之職 「三事」、《書・立政》篇 擇三有事」爲三卿,此「三事」爲三公, 二章「正大夫」,上大夫也, 也。 爲「常伯、常任、 《集傳》以前篇 即

《尚書·立政》、《周官》篇。 居」,猶前篇皇父出而「作都于向」之類。 事之大夫也,今分之,並謬。 大夫,亦謬。且「三事大夫」 不 ,且皆謬。 又 以 大 夫 爲 連言,謂 「正大夫 詳古 卿 今 中 文

「三事大夫」、「邦君、諸侯」言之。 三章「凡百君子」,總上章「正大夫」、

樸拙 其躬 人也 也!」不能爲巧言,故曰「匪舌是 而已。 指忠者曰:「哀哉此不能言之人 !」全以口舌爲事,故 不從口舌上見也。 五章此承上「譖言」而言,作兩 如此,則使其身處于安樂矣。 指佞者曰:「可矣此 如此,則 E 巧 能 出 適 言 言 對 以 • 之 瘁 文 如 謂

猶後世云「清議」也。《集傳》欠明。便辟,則見怨于責善之朋友。「朋友」,諛佞便辟,則得罪于天子;亦將云諛佞諛佞便辟,則得罪于天子;亦將云諛佞

矣 ! 血 復舊都,不願遷徙,所以至于鼠 泣 宜 思之,復恨之曰:「爾昔之出居于外, 而王都廬室亦被毁乎? 予未有室家」之答也? 其人 昔」,前日也。 也。 血 仍歸于王都。 作室乎? 七章離 ,無一言不 于是復自 居者,不 奈何 此當犬戎 見疾于人如此!」既而 嗟 彼云: 日: 「 ·居于 以 無室爲辭也!」 主都 「王都已 我 不然, 攻 憂思 也 幽 八尚思 何以 王 思 而 無室家 故 之 而 至 謂 時 安 于 誰

考,或誤,不必强論。 八句,三章章六句。此篇名《雨無正》不可《雨無正》七章:二章章十句,二章章

視謀猶,亦孔之卭。 日斯 沮 旻天疾威,敷于下 本 韻。 謀 臧 本韻。 不從, 士。 ○賦也。 不臧覆 謀 猶 下仝。 П 用。 一遹,何

通論

伊于胡底? 本韻。 具是違,謀之不臧,則具是依。我視謀猶,具是違,謀之不臧,則具是依。我視謀猶,則

行邁謀,是用不得于道。本韻。 用不集。發言盈庭,誰敢執其咎? 如匪我龜既厭,不我告猶。謀夫孔多,是

謀,是用不潰于成。〔旁批:對上。〕本韻。維邇言是聽,維邇言是争。如彼築室于道、我哉爲猶,匪先民是程,匪大猶是經,

五德言之。凡八「謀」字。〕本韻。胥以敗。〔旁批:爲此「謀」字,故借《洪範》哲或謀,本韻。或肅或艾。如彼泉流,無淪哲或謀,本韻。或肅或艾。以彼泉流,無淪國雖靡止,或聖或否。民雖靡膴,或

《小序》謂「大夫刺幽王」、《集傳》謂

一章「謀臧不從」四句,指王言。「以王惑于邪謀,不能斷以從善」,皆是。

人群然和之如此。

二章「謀之其臧」四句,指臣言。小

多」二句,意只類興,莫認作實事。 三章「我龜既厭」二句,起下「謀夫孔

四章「邇言」,便辟習近之言。

五事之「謀」而以「聖、哲、肅、艾」連言陪 五事之「謀」而以「聖、哲、肅、艾」連言陪 五事之「謀」而以「聖、哲、肅、艾」連言陪

「本有二《雅》,●先有篇目,非先有《小雅》而後以《小旻》六章:三章章八句,三章章七句。篇名以「旻」加「小」字,不可詳。《集傳》引蘇句。篇名以「旻」加「小」字,不可詳。《集傳》引蘇一、一、一、一、一、一

「本」,郝敬《毛詩序説》作「未」。

去「天」字,加「小」字與? 然必用「小」字,又明」二字,故改「小」字。此篇或以「旻天」涉汎,故「宛」、「弁」二字,故加以「小」字。《小明》以其「明乎!」其説是也。愚按,《小宛》、《小弁》以其止此詩從之也。《頌》有《小毖》,又焉得有「大毖」

E。 先人。明發不寐,有懷二人。本韻。○ 宛彼鳴鳩,翰飛戾天。我心憂傷,念

韻。之。與而比也。 負之。〔旁批:奇思。〕教誨爾子,式穀似本負之。〔旁批:奇思。〕教誨爾子,式穀似本中原有菽,庶民采之,螟蛉有子,蜾蠃

斯征。夙興夜寐,無忝爾所生。本韻。○題彼脊令,載飛載鳴。我日斯邁,而

月

交交桑扈,率場啄栗。哀我填寡,宜

0

于谷。本韻。戰戰兢兢,如履薄冰。本韻。○ 温温恭人,如集于木,惴惴小心,如臨

賦也。

弟相 是也。 王。 乃闢 必 先人」諸語。 其説,「遭亂相 理尤甚。」按「彼昏不知」二句明是 于酒,下不能 此 欲 孔 爲 其「刺王」之言,弗思甚矣! 戒以勉禍」,寬汎殊甚。且謂「説者 安 爲 小序》 疏、蘇傳、《詩 《集傳》則謂「大夫遭時之亂, 刺王之言,故其説穿鑿 見彼 同 姓兄弟刺王之詩,故有「念我 》謂「刺 嚴氏謂 爲「穿鑿 戒以勉禍 其子,上不能紹其先」, 緝》皆引《序》作 幽 「刺不能自强 王。 破 」,亦何嘗 碎, 註 疏本 幽 破 無 王 誤作 和王, 碎,無 理 而 刺 尤 如 兄 昏 「宣 愚

一章若爲刺幽王,則先人指宣王也。

嚴

氏

説

四章嚴氏曰:「一曰『先人』,一曰『所侯,申侯挾之而去。」興法,亦奇。嚴氏曰:「以比宜臼奔申興法,亦奇。嚴氏曰:「以比宜臼奔申

難知之事也。」生』,以其所親見者勉之,言非上世久遠生』,以其所親見者勉之,言非上世久遠四章嚴氏曰:「一曰『先人』,一曰『所

獨于罹。何辜于天? 我罪伊何? 心之弁彼鸒斯,歸飛提提。民莫不穀,我

《小宛》六章,章六句。

憂矣,云如之何? 本韻。○興也。

矣,疢如疾首。本韻。○賦也。 焉如擣。假寐永嘆,維憂用老。心之憂焉如擣。假寐永嘆,維憂用老。心之憂寒,怒

我,我辰安在? 本韻。興也。 依匪母。不屬于毛,不離于裏。天之生依匪母。不屬于毛,不離于裏。天之生

上。〕心之憂矣,寧莫之知? 本韻。○異也。求其雌。譬彼壞水,疾用無枝。〔旁批:對求其雌。譬彼壞水,疾用無枝。〔旁批:對

相彼投兔,尚或先之,行有死人,尚或

涕既隕之。本韻。○興而比也。 堪之。君子秉心,維其忍之。心之憂矣.

「當」、《史記·日者列傳》作「審」。

罪,予之佗本韻。矣。賦而比也。 舒究之。伐木掎矣,析薪杝矣。舍彼有舒究之。伐木掎矣,析薪杝矣。舍彼有君子信讒,如或醻之。君子不惠,不

本韻。○比而賦也。 我梁,無發我笱! 我躬不閲,遑恤我後!言,耳屬于垣。〔旁批:名論。〕本韻。 無逝善 莫高匪山,莫浚匪泉。君子無易由

詩尤哀怨痛切之甚,異於他詩也。 代作,哀怨出于中情,豈可代乎 然何至以爲「小人之詩」? 親之仁」許之? 又思雖曰「固哉高叟」, 宜臼自作,宜臼實不德,孟子何爲以「親 之以 何事。 一臼事也。然謂其傅作,有可疑。 作 未嘗深許之可知也。 耶 《小序》謂「刺幽王」,不言何人作, 爲仁 ? 《大序》謂「太子之傅作焉 而孟 爾。 子特原其被廢之情,姑 又云「舜其至孝矣」,則 意者其果宜 ! 三,則 况 詩 此 口

鞠爲茂草」,此豈伯奇之言哉!事僅見《琴操》,不足据。且「踧踧周道」趙岐註《孟子》,以爲伯奇作。伯奇

衡》謂 支,不用十二時也。 賴 字有「小運」之説,是禄命之説始見 干、支紀日,不紀年、月、時。 樹」,亦屬增添。「辰」,日辰也。 之邦爲「桑梓」,非也。毛傳以爲「父所 豈特如人之視桑、梓而已! 之「八字」云。詳見《庸言録》。 末,而盛于唐。 年、月,以地支係時,始于漢。 「辰,時也」,鄭氏 唯庚寅吾以降」謂庚寅日也。 其用,亦必恭敬之。以興父、子相與, 「日月所會」,皆影響之説。 三章「維桑與梓」二句,似言桑、梓人 「覩禄命 而 然亦只用年、月、日之干 曰「謂六物之吉凶 知骨體」,許慎訓「 宋始以 時 以干、支係 今稱父母 配之, 王充《論 毛傳 古唯 離騒 于漢

《小弁》八章,章八句。彼之有罪而予之他人耳。「加」,似無意義。「予」、「與」同。謂舍上章「佗」,即「他」,謂音「唾」訓

00

賦也。

奇語。〕本韻。

匪其止共,維王之卭。本韻。

甘,亂是用餤。〔旁批:「甘」、「餤」字相應,

小

雅

天泰憮,予慎無辜! 本韻。○賦也。 如此憮!❶ 昊天已威! 予慎無罪! 昊如此憮!❶ 昊天已威! 予慎無罪! 昊

韓城寶珊王篤校訂新安首源姚際恒著

在染柔木,君子樹之,往來行言,心焉遇犬獲^{本部}之。^{興而民也}

簧,顏之厚本韻。矣。興也。

數本韻。

之。蛇蛇碩言,出自口矣。巧言如

將多,爾居徒幾何?本韻。○賦也。職爲亂階。既微且尰,爾勇幾何? 爲猶被爲亂附。 既微且尰,爾勇幾何? 爲猶

此幽王時之大夫以小人讒謀啟亂,

將甘心焉,而賦是詩。

以信讒如食之甘,則亦惟亂是餤而已。二章「餤」、「啖」同,毛傳訓「進」,非。

●「憮」、《毛詩正義》卷十二之三作「幠」。下同。阮元

詩經通論卷十一

下,又起末章將獲是人而殺之之意。「躍躍毚兔,遇犬獲之」矣。比意亦在四章「他人有心,予忖度之」,猶之

殺之而甘心焉矣。 問益多,所與居之徒衆能有幾何,我將微、尰之疾,復言有幾何之勇,乃讒謀將微、種之疾,復言有幾何之勇,乃讒謀將

《巧言》六章,章八句。

〇賦也。下同。 不入我門? 伊誰云從? 維暴之云。本韻。不入我門? 伊誰云從? 維暴之云。本韻。

于人,不畏于天。本韻。

一人從行,誰爲此禍? 胡逝我梁,不人唁我? 始者不如今,云不我可。本韻。

一人從行,誰爲此禍? 胡逝我梁,不

彼何人斯?

其爲飄風,胡不自北,胡

爾之安行,亦不遑舍。爾之亟行,遑韻。餘本韻。

難知也。〔旁批:偏爲此軟緩之調。〕壹者不爾還而入,我心易也。還而不入,否脂爾車。壹者之來,云何其盱?本韻。

物,以詛爾斯!本韻。好之辭。〕及爾如貫,諒不我知。出此三好之辭。〕及爾如貫,諒不我知。出此三伯氏吹壎,仲氏吹篪。〔旁批:偏作和

之來,俾我祗本韻。

也。

人罔極。作此好歌,以極反側。本韻。 爲鬼爲蜮,則不可得。有靦面目,視

念生之田與鄭人而附會耶? 若是,又 「蘇」者,得毋以《左》隱十一年桓王以蘇 詩則無之。又不言何王之朝。其云 然上篇亦有「亂是用暴」句矣。「蘇」字, 然非關暴公者,以詩中「維暴之云」句也。 其謂暴公者,以詩中「維暴之云」句也。

同爲刺讒,卻絶不相似也。似,三百篇何嘗不相似? 此篇與上篇文意相似,疑出一手」,則又謬。若論相非幽王之世矣。《集傳》云「此詩與上篇

指其名,以「暴」呼之耳。

梁」本借設之辭。他篇亦可知。 二章觀下章「胡逝我陳」則「胡逝我

折,非語氣。 人不慙愧,于天不敬畏也。《集傳》作轉 三章「不愧于人」二句,本直下,謂于

何人斯》八章,章六句。六章「還」,自王朝還也。

哆兮侈兮,成是南箕。〔旁批:妙喻。〕彼譖人者,亦已太甚。本韻。○此而賦也。 萋兮斐兮,成是貝錦。〔旁批:妙喻。〕

彼譖人者,誰適與謀? 本韻。○比而賦也。

其女遷。本韻。○賦也。〔旁批:較前意深。〕捷捷幡幡,謀欲譖言。 豈不爾受,既

天,視彼驕人,矜此勞人! 本韻。○賦也。驕人好好,勞人草草。本韻。蒼天蒼

詩。凡百君子,敬而聽之! 本韻。○興也。楊園之道,猗于畝丘。寺人孟子,作爲此批:刺讒諸詩無如此之快利,暢所欲言。〕批:刺讒諸詩無如此之快利,暢所欲言。〕旁,我們有人者,誰適與謀? 取彼譖人,投

讒,特一説耳。或是本爲士夫,以被讒人傷于讒,故作是詩」。按謂寺人傷于《小序》謂「刺幽王」,《大序》謂「寺

と三文。 畀有北有北不有受投畀昊」,今據《毛詩正義》卷十二「投畀豺虎」至「有昊」,原誤作「虎投畀豺豺虎不食投

0

安得有人譖之? 或同類則可。説也。然如《序》説,寺人最近于王,又被讒,作此詩以恨讒人而儆君子,又一而宫刑者,又一説也。或是寺人見人之

注矣,曰「載翕其舌」。
 二章「成是南箕」下,《大東》篇已自子及大夫果多以讒廢者」,殊令人不解。
世。于末章忽引劉氏曰「其後王后、太世。于末章忽引劉氏曰「其後王后、太

一章八句,一章六句。《巷伯》七章:四章章四句,一章五句,

也。下同。 予與女。將安將樂,女轉棄予。本韻。○興予與女。將安將樂,女轉棄予。本韻。○興

予于懷。將安將樂,棄予如遺。〔旁批:俱習習谷風,維風及頹。將恐將懼,真

(前深。)本韻

木不萎。本韻。 死,無生長之意。舊説『谷風』爲生長, 風及頹」,頹,暴風 以『震風、凌雨』喻不安也。二章言『維 斷,繼之以雨,喻連變恐懼之時,猶後 大谷之風,大風也。 亦絶類《風》? 友相怨之詩,然何以列于《雅》,而其 習習』爲和調,難通矣。」 習習谷風,維 《小序》謂「刺幽 忘我大德,思我小怨。 不可解。 Ш 崔 也。三章言草、木萎 王」,汎甚。 又習習然連續 嵬。 嚴氏曰:「來自 無 草 不 此 死, 通韻 古 不 體 用用 無

《谷風》三章,章六句。二章爲興,下一章爲比,何也?三章皆言「習習谷風」,《集傳》以上

我劬勞! 本韻。〇比而賦也。 蓼蓼者莪,匪莪伊蒿。哀哀父母,生

蓼蓼者莪,匪莪伊蔚。哀哀父母,生

我 、勞瘁 ! 本韻。 〇比 而 賦 也

怙,無母何恃? 民之生,不如死之久本韻。 〇比而賦也。 餅之罄矣,維罍之恥。<
〔旁批 出則銜恤,入則靡至。 矣! 無父何 奇想。」 本

字,何必王褒!〕本韻。 勞」、「勞瘁」,勾人淚眼全在 之德, 昊天罔 我育我,顧我復我,出 父兮生我,母 極 ! 兮鞠 〔旁批: ○賦也 入腹 我。 本韻。 實言 拊 此 我 無數「 我。 所 畜 以一 欲報 我, 我

獨 何害! 南 山 一烈烈, 本韻。 ○興也。 飄風 發發。 下同 民 莫不穀,我

南 Ш 律律, 本韻 飄風弗弗。 民莫不穀,我

獨

謂 勞苦」合「刺王」之意。 不知詩云 「民 不 穀、我獨何害」,則止係一人之事,豈 「民人勞苦,孝子 小序》謂 刺幽王」,亦混。 不得終養」,以「民人 《大序》 莫

> 見 古 氏 得 事 有 則 不 適在 爲 不可考,而孝子之情感傷痛 當 知「南山」二句是興,非 」,据末二章「南山」、「飄 謂 泛言「民」乎? 心昭也。 二二親 遠,何爲只在南 役所而二親齊病亡者。 病亡之時,時 集 Ш 傳》從 地耶? :賦也。 在 風 . 役 之,非。 所,不得 而 咏詩 若 且亦 云也 則 行

父母,罍喻子,正是反見。 罄竭,則罍無 養父母而貽親之辱也。《集傳》以 注水於罍也。 蓼莪》六章:四章章四句,二 三章餅小,罍大,皆盛水器,餅 所資,爲罍之恥 餅喻子, 罍喻父母 ,猶子不 章章 絣 所 絣 喻 既

八句。

直如矢; 有饛 君子所履,小人所視。 簋 飧,有捄棘匕。 周 道 睠 如 焉顧之,

興 也

澘

出

本

韻

0

既 以 履 來,使我心疚。本韻。○賦也。 霜。 小 佻佻公子,行彼周行。 東, 杼柚其空。 糾糾葛 本韻。 既 往 可

我憚人。本韻。薪是穫薪,尚可 憚人,亦可息本韻。也。興而比也 有冽氿泉,無浸穫薪。 契契寤 載 也。 歎, 我 哀

之子,百僚是試。 **粲衣服。本韻。舟人之子,熊羆是裘。私人** 東人之子,職勞不來。西人之子, 本韻

亦 以其長。 下忽入天文志,光怪陸離,非人世所有。〕 有光。 或以其酒,不以其漿。 本韻。 跂彼織女,終日七襄。 ○賦也。下同。 維 鞙 天 鞙 〔旁批: 有 佩 漢,監 璲, 不 以

以 天 畢 服 箱。 ,載施之行。 雖則 本韻。 七襄,不成報 東有啟 明,西有長庚。有捄 章。 睆 彼牽 牛,不

南有箕,不可以簸揚。

維北

有斗,

不可 維北 以 挹 有斗,西柄之揭。 酒 漿。 本 韻。 維 南 本韻 有 箕, 載 翕 其

愁怨如此。若東遷之後,則不能爾矣。 時、號令猶行于諸侯、故東國諸 是已,謂「譚大夫作」則無 大序》謂「東國困 于役 可稽。 而 傷 侯之民 幽王之 于財」

意。 之所瞻視,喻爲政 砥」二句。 (賴焉,今則不然也。 謂道路平直,君子之所履行,小人 章「有饛簋飧」二句,興「周道 周道,周行之道路也,亦 平直,君子行之而 興 如

二章「杼柚其空」,唯此一句,實寫

正旨。

若 寫其 漿」,「佩璲」句,鄭氏謂「美其佩而 酒漿」句,毛傳謂 雖 暴侈 五章「或以其酒」四句,單言四人,皆 鞙 奢 取意。 然之佩璲,亦不以爲長也。 「或醉 或用其 于酒,或不得其 酒 ,曾漿之不

之以 以 德」,二義 太多,未宜用 鞘然之佩,而 酒,而 不 西人 · 貫。 曾 西 人曾不以爲 集 不 以 傳》云: 爲漿; 東人 長。」增 東 人 或或 或 與 餽

哀也。 意。 不必 適 啟明諸星,亦以「有星名而 惟牛、女,下唯箕、斗耳。 之行」,不必有取義。 勞,無可諉也。 此之無義處,正借以 斗之義反覺平常,不見其奇妙矣。 解,不但毫無意義,且使上下牛、女、箕、 女、牽牛及之,亦望中所 見 也。 天河爛 有義。蓋 又因織 六章「維天有漢、監 又跂織 「跂」、「跂予望之」之謂。「睆」、 然 女 女,不覺動 有光,即所見以抒寫其 及牽 是 啟明、長庚、天畢 時 牛,以 方中夜,仰天感歎 陪其 蓋其所 亦有 見,故 「杼柚其空」之 從 上 見 光」,此 無實用」爲 來 下,其味 取義者 其 解者,于 日 輸 文因 載 孰知 載 施 織 悲 句

視也。《集傳》依舊説,皆非

噬; 徒 解 自 不 斗西其 不可易。 可 七章後四 用 加 柄,反若有所挹 己。 句 。 歐 箕張 陽氏 其 曰 : 舌 取於東。」其 反若有 箕、斗, 所

《大東》七章,章八句。

弘予? 本韻。○賦也。 四月維夏,六月徂暑。先祖匪人,胡

其適歸? 本韻。○賦也。 秋日淒淒,百卉具腓。 亂離漠矣,●奚寧忍予? 本韻。○賦也。

獨何害! 本韻。○賦也。 冬日烈烈,飄風發發。 民莫不穀,我

知 其尤。 山 有 本韻。 嘉 卉, ○興也 侯栗 侯 梅。 廢 爲 殘 賊, 莫

相彼泉水、載清載濁。我日構禍、曷

❶ 「漠」、《毛詩正義》卷十三之一作「瘼」。

興與

《四月》八章,章四 句

潛 寧 夕 從事。 陟 彼 北 王 事 Щ 靡盬, 憂我父 ,言采其 杞。

本韻。 濱,莫非王臣。 溥天之下, 大夫不均, 莫 非 三 王 ±. 我從事 本 韻 率 獨 土之 賢

我 方將。 四 牡 旅力方 彭彭,王事旁旁。 剛,經營四 方。 嘉 我 本 未 老,鮮

或出 掌。 或慘慘劬勞。本韻。 偃 在牀,或不已于行。 本韻。 入諷 或燕燕居息,或盡瘁治國。 議,或靡事不爲。 或湛樂飲酒,或慘慘畏咎。 或棲遲偃仰 本韻。 〔旁批:「或」字 或 或王 不 本韻。 知 ПЦ 本 事 或息

一。」但此爲爲士者所作,以怨大夫也, 孟 子曰:「勞于 末更無收結,尤奇。〕本韻 主 事 而 不得養父母

十二疊,甚奇。

也

云 能 穀 ? 本 韻。 0 興 也

莫我 有。 滔 匪 鶉 滔 本韻。 匪鳶,翰飛 江 漢, ○興也 南國之紀。 戾天。 匪 盡 鱣 瘁 匪 以 鮪 仕

逃于 天」二句,他爲四句。]本韻。 淵。 山有蕨薇、隰有杞 〔旁批 即《大雅 • 〇比也。 旱麓 君子作歌, 》「鳶 飛 維 戾

也。

下同。

母。

本

韻。

賦

偕

偕士子,

行役言,非。 身歷南國,而 此 疑大夫之後爲仕者遭小 或主思祭祖言,亦鑿。 嘆其 無所容身也。 人構 或單主

以

告哀

本韻。○興也

國者 而忍其子孫如此 ,故曰:「先祖非人乎? 一章「先祖」,必先朝之大夫有功于 也! 指王而言。 胡不念之,

痱 訓病,若「腓」則屬足肚 二章「腓」, 當依《爾 雅》作「 痱」。

或 身 歷 六章西京之人何緣忽及江漢? 南 或 荆、 揚之地,即 所 見而 起 其

文矣。《集傳》謂「大夫行役而作」,謬。故曰「偕偕士子」,曰「大夫不均」,有明

之賢。《禮記》曰:『某賢于某若干純。』」二章「獨賢」,王介甫曰:「取數多謂一人,而此詩則一人所作也。 一章「偕偕」,同也。 時行役之士非

句。末舊分三章,今當爲一章,以其文法相同也。《北山》四章:三章章六句,一章十二

當作「痕」。兮。興也。下同。自底本韻。「疷」,何玄子謂古「昬」、「昏」字同寫,則此無將大車,祗自塵兮。● 無思百憂,祗

出于熲。〔旁批:句古。〕本韻。 無將大車,維塵冥冥。 無思百憂,不

憂,祗自重本韻。兮。 無路百 無將大車,維塵雝音壅。兮。 無思百

憂」而自病,故戒其「無」。觀上下同用此詩以「將大車」而起塵興「思百

可用。 乎? 其《辯説》又謂「《序》不識興而誤 多。此尤興體之最明者。 爲比」,何也? 行役,甚可笑。 句,並無行役之意,是必以「將大車」爲 將小人」,甚迂。《集傳》則謂「行役勞苦 作比意,因大車用「將」字,遂曰「大夫悔 而憂思之作」。觀三章「無思百憂」二 「君子任重」及「小人任重」諸説,皆不 無」字及「紙自」字可見。 或亦以「大車」爲比,謂 且若是則爲賦,何云 自《小序》 他篇若此 興

三章「維塵冥冥」,障蔽昏晦也。暫已,慮其甚病,無聊之至也。此賢者傷亂世,憂思百出。既而欲

亦同爲冥冥,不能出于光明也。「熲」,大光。「不出于熲」,謂思百憂則二章「維塵冥冥」,障蔽昏晦也。

一 「祗」、《毛詩正義》卷十三之一作「祇」。

無 將 大車》三章 章 兀 句

矣,其毒大音泰。 不懷歸,畏此罪罟。 明 明 在 二月初吉, 上 照 臨 念彼共人,涕零如雨。 下土。 本韻。 載 寒暑。 ○賦也。 我 征 徂 下同。 心 西, 之憂 至

不懷歸,畏此譴怒。 矣,憚我不暇。 聿云莫? 念我獨兮,我事孔庶。 昔我往矣,日月方除。 念彼共人, 睠睠懷顧 本韻 曷云 其還,歲 心之憂

不懷歸,畏此反覆。本韻 矣,自詒 事愈蹙? 昔我往矣,日月方奥。 伊 歲聿云莫,采蕭 戚。 念彼共人, 穫菽。 興言出宿。 曷云 其還, 心之憂 政

直 是與。 爾君子,無恒安處 神之聽之,式穀以女。 ! 靖 本韻 共 爾 位 正

是正 直 爾 君 神之聽之,介爾景福。 子 ,無恒安息 靖 本韻 共 爾 位 好好

> 説,非 尤爲渾厚矣。 勞逸不均,與《北 辭,不必泥 其詩乎? 世既亂,何爲而仕? 退無 也。 、据,此 序 中「自治 也。 蓋「自詒伊 士君子出 謂 中下之人,何足爲賢而 此詩自宜以行役爲主, 大 山》同意,而此篇辭意 伊 夫 戚」 處之道早宜自審, 悔 既仕,何爲而 ,戚」,不過自責之 仕 于 語 亂 摹儗爲此 世 悔 傳 ?

進

此

時必 恭 爾位」之人,大抵謂僚友之共處者,當 有所指也。 章「共」,「恭」同。 「共人」,即「 靖

苦何 足。」亦善于論文也。 其忠厚之意藹 勉之以 共爾位」,故避之。 能 四章、五章「君子」,即 「靖共」,祝之以「式穀」、 盡 須 得此 然可見。 正言收束,意乃完 呼之以「君子 「共人」。 孫文融 以 下云 怨

《小明》五章:三章章十二句,二章章

義

未詳」,又引王氏指幽王之説,何耶

人君子,其德不回。本韻。○賦也。下同。 故鐘喈喈,淮水湝湝,憂心且悲。淑人君子,懷允不忘。本韻。○賦也。下同。 故 鼓鐘將將,淮水湯湯,憂心且傷。淑

人君子,其德不猶。本韻。 鼓鐘伐鼛,淮有三洲,憂心且妯。淑

本韻。 批:妙音。〕以《雅》以《南》,以籥不僭。 批:妙音。〕以《雅》以《南》,以籥不僭。

之,然亦未敢信。《集傳》既云「此詩之以《左傳》有「南征」之説也。後人多從以《左傳》有「南征」之説也。後人多從嚴氏謂「古事亦有不見于史者」,此遵嚴氏謂「古事亦有不見于史者」,此遵嚴氏謂「古事亦有不見于史者」,此遵

是矣。 籥耳。「籥」,管籥也,吹以 詳,或《大雅》與? 後世子孫必以用之爲樂矣。唯《雅》未 聲」,則鼓、管依于磬,故言「笙、磬」,以 札觀樂,所謂「見舞《象》箾、《南》籥者 然二《南》亦非如禮所言以爲歌,蓋以爲 出于三百篇後,不可据以解三百篇 雅》言「鼓瑟吹笙」,則瑟依于笙、《商頌》 琴、瑟則不言同音矣。此固夫人知之。 僭」,謂以籥《南》,以籥《雅》也。《集傳 統堂上、堂下之樂。 上、堂下之樂皆和也。 然别有妙旨:笙在堂上,磬在堂下,言堂 南》,二《南》也。 鞉鼓淵淵, 嘻嘻管聲」, 又曰「依我磬 四章「笙、磬同音」,以其異器也。 此《南》籥也,故承之曰「以籥不 二《南》爲文王之詩, 大抵諸禮作樂之説, 詩人之善言如此。 然尤有妙旨:《小 應舞也。 也。

以籥與雅、南爲三者,謬。釋「不僭」之義,曰「言三者皆不僭也」

《鼓鐘》四章,章五句。

以侑,以介景福。本韻。○賦也。下同。盈,我庾維億。以爲酒食,以享以祀,以妥我蓺黍稷。我黍與與,我稷翼翼。我倉既我蓺黍稷。我黍與與,我稷翼翼。我倉既

孝孫有慶,報以介福,萬壽無疆!本韻。之始。〕祀事孔明。先祖是皇,神保是饗。剥或亨,或肆或將。祝祭于祊,〔旁批:祭,或齊蹌蹌,絜爾牛羊,以往烝嘗。或濟濟蹌蹌,絜爾牛羊,以往烝嘗。或

保是格,報以介福,萬壽攸酢!本韻。客,獻酬交錯。禮儀卒度,笑語卒獲。神莫莫。〔旁批:摹神。〕爲豆孔庶,爲賓爲英、武辨爨踖踖,爲俎孔碩,或燔或炙,君婦執爨踖踖,爲俎孔碩,或燔或炙,君婦

下,妙於无痕。〕工祝致告,徂賚孝孫。本韻。我孔熯矣,式禮莫愆。〔旁批:承上接

時億!本韻。
式。既齊既稷,既匡既敕,永錫爾極,時萬茲芬孝祀,神嗜飲食。卜爾百福,如幾如

聿歸。: 後。〕諸父兄弟,備言燕私。 具醉止,皇尸載起。 工祝致告。 禮 諸宰君婦,廢徹不遲。〔旁批:祭之 儀既備,鐘鼓既戒,孝孫徂位。 〔旁批: 本韻。 應之章句而倒之。」 鼓鐘送尸 本韻 神保 本 神 韻

其盡之。子子孫孫,勿替引本韻。之!神嗜飲食,使君壽考。本韻。孔惠孔時,維將,莫怨具慶。本韻。既醉既飽,小大稽首。將,莫怨具慶。本韻。既醉既飽,小大稽首。樂具入奏,以綏後禄。本韻。爾殽既

意。而説者猶争之,何也?《集傳》不祭祀,自始至終,極其繁盛,無一字刺句,以見黍稷之所由來也。其餘皆詳敘爲」一句耳。不知此句正唤起下「黍稷」古以見今之不然」。按此唯泥「自昔何古以見今之不然」。按此唯泥「自昔何

當 乎 ! 也。 其爲公卿。不知鼓鐘送尸 用《序》説 無,祝稱「萬壽無疆」,《天保》篇亦云「 1 彼第以《儀禮 爾, 勇 萬壽 是已,然 無 少牢饋 疆」,此豈臣子所 以爲公卿之詩 ,《儀禮》 食》例之,謂 又 非 君 所 可

持。 此農事既成,王者嘗、烝以祭宗廟

悉辯。 幽王」、《集傳》皆謂指公卿,並謬,不幽王」、《集傳》皆謂指公卿,並謬,不

爲酒食,以享祀事。也。再言倉、庾,見收成也。然後入以也。再言倉、庾,見收成也。然後入以一章從「自昔」言黍、稷起,見始事

精氣謂之神。」朱子謂「神保」蓋尸之嘉保」,何玄子曰:「本其生存謂之祖,言其目。「神保是饗」,此迎神初獻也。「神目。「神保是饗」,此迎神初獻也。「神

三獻畢也。故曰「神保是格」。言君婦,則知亞獻也。言賓客獻酬,則知三獻也。言賓客獻酬,則知三章「君婦」,后也,以祖考故稱「婦」。

西章「我孔熯矣,式禮莫愆」,以此二 四章「我孔熯矣,式禮莫愆」,以此二 也。是夾敘法。長篇大文用此略頓,承 上起下,文章之妙法,後人鮮知。古人 上起下,文章之妙法,後人鮮知。古人 上起下,文章之妙法,後人鮮知。古人

甫。 「天」,原爲墨丁,據《毛詩正義》卷九之三《天保

時之位 格」,以見其終也。諸宰徹諸饌,君婦徹 時在主祭之位。 私」二句,爲末章起。「燕私」,祭畢,同 女御之屬、鑿也。「諸父、昆弟、備言燕 在「諸宰」之後,遂謂君婦爲九嬪、世婦、 籩豆,諸宰徹于先,君婦徹于後,故言 具醉止」也。「神保聿歸」應上「是饗是 諸宰」在「君婦」先。 Ŧī. 章此 也。 。又云「工祝致告」,告以「神 祭畢 此「孝孫徂位」,復未祭 也。 。何玄子以「君婦」 上 一章「徂 齊孝孫

《楚茨》六章,章十二句。 以見前之飲福、獻酬,是爲「前禄」也。 以見前之飲福、獻酬,是爲「前禄」也。 以見前之飲福、獻酬,是爲「前禄」也。 《少牢》兩篇皆從此脱胎。 姓燕于寢也。

批:經制。〕本韻。○賦也。下同。孫田本韻。之。我疆我理,南東其畝。〔旁孫田本韻。之。我疆我理,南東其畝。〔旁

上天同雲,雨雪雰雰,益之以霡霂。 上天同雲,雨雪雰雰,益之以霡霂。 上天同雲,雨雪雰雰,益之以霡霂。 上天同雲,雨雪雰雰,益之以霡霂。 上天同雲,雨雪雰雰,益之以霡霂。 上天同雲,雨雪雰雰,

是烝是享,苾苾芬芬。祀事孔明,先執其鸞刀,以啟其毛,取其血膋。本韻。 祭以清酒,從以騂牡,享于祖考。本韻。

嘗,此獨言烝,蓋言王者「烝祭歲」也。此篇與《楚茨》略同。但彼篇言烝、

祖是皇。報以介福,萬壽無疆。本韻。

四四

屬之曾孫,此豈爲公卿咏者 集傳》亦 Ш 孫 」、「禹甸」言起,以疆理 以爲大指與《楚 凡 祭者皆得 稱 之。 耶 案首 南、東之 相 ? 而 制 從 以

莫泥 南、 云: 者,此言「 與上篇「曾孫 賦之制, 之謂,猶後世言「阡陌」也。 南者亘于北,東者亘于西, 畝身。凡有四方,言南、東以 我疆」二句,此初制 以 何 東 無定,故阡 東」者,則因地勢之宜、《左傳》云 如直言「 山」字。 章借終南 「南北 西爲 故曰「禹 我疆 日 阡, ^[2]别: 一阡,東 禹平水土,始定 南 我 Ш 南北 東」之爲 甸。 陌 爲 理 上篇「曾孫」指主祭 之爲南 言,言畿内之地 西日 爲 則指 爲 此篇言「曾孫」, 徹法也。 陌 明也 陌 盖. 成王 爲 即 」, 或 東 該 風 則壤,成 縱 由 亦 北、 也。 其 日 「畝」, 所 無 畝 耳, 西。 河

> 是也。 趨 詩》多曰「南畝」、《王制》曰「東田」,皆 物 也。 土之 南常 又取東 宜 下, 而 布 言 南 其 東 向 利 陽,易于生長之義。 南 者 是 亦 也 順 其 又 西 水之所 北 常

大,春 方 霂」以言 則 二章上 收成以 夏亦可知矣。 雨 宜 雨 章言由 小。 小。 爲 祭祀 「雰雰」以言雪大,「 「優、渥、霑足」皆 制,此 也。 章言生長,下 田 事: 冬雪 承 होत्र 霡 官

井田 之外 中 一之制 於其 因 四章公田,百畝 田 以 有 温 獻 所 廬」, 皇祖 未 埸 及 而 耳。 也。 種 一夫各得 中二 瓜 其瓜 菜 + 焉,此《孟子》言 因民 畝 畝 爲 半,廬 獻之,而 廬 舍 故

公,「既灌然後迎牲」。 五章先言酒,繼言牲,故《郊特牲》

六章此篇與《楚茨》篇互相備。 《楚

二 石.

毛、取膋,蓋益詳云。 茨》但言牛羊剥亨,此言騂牡及鸞刀、啟

自不同。 稍略而加以跌蕩,多閒情别致,格調又 上篇鋪敘閎整,敘事詳密。此篇則

《信南山》六章,章六句。

介攸止,烝我髦士。本韻。○賦也。下同。本韻。今適南畝,或耘或耔,黍稷嶷嶷。攸我農人,〔旁批:古農田逸事。〕自古有年。(,後甫田,歲取十千。我取其陳,食

女。本韻。 田祖,以祈甘雨,以介我稷黍,以穀我士田祗臧,農夫之慶。本韻。琴瑟擊鼓,以御田既臧,農夫之慶。本韻。琴瑟擊鼓,以御以我齊明,與我犧羊,以社以方。我

耕逸事。〕禾易長畝,終善且有。曾孫不至喜。攘其左右,嘗其旨否。〔旁批:古省曾孫來止,以其婦子,饈彼南畝,田畯

傷句。〕怒,農夫克敏。「敏」字叶韻,餘本韻。〔旁批:

二六

本韻。 稻粱,農夫之慶。 坻如京。乃求千斯倉,乃求萬斯箱。 曾孫之稼,如茨如 報以 梁。 介福, 曾 孫 萬 壽 之 庾, 無 黍稷 如

雨」,皆夏時也。也。詩云「或耘或耔」,又云「以祈甘也。詩云「或耘或耔」,又云「以祈甘此王者祭方社及田祖,因而省耕

孫語 切。 所 耔」,亦農人適南畝 皆農夫自我也。 畝」,且「曾孫來止」爲農夫語氣,若作 章云「曾孫來止」,今不 「我取其陳,食我農 氣亦不似。 而進之之事,●併咏於此云。 章「倬」,大也,毛傳謂 「烝我髦士」,當亦 「今適 而耘、耔也。不特 當當 人」,二「我」 南 先云「適 畝, 明貌」,不 有 南 下 或 字

^{) 「□」,}原爲墨丁,顧本補「擇」字。

言。 便文 同。 詞, 亦未 Ш 曰 : 後于《大田》篇下云「或疑《楚茨》、《 吹《豳雅》,擊土鼓,以樂田 可 順祈之,非别爲雩祭也。 明 齊明」爲 執以 》、《甫田》、《大田》四篇 何耶? 齊」爲「齊明」,便文以 「《周禮》籥章,『凡國祈 以 知其是否也 然于此 解《詩》,安知《曲禮》不以《詩》之 叶 曲 韻耳。」按《曲禮》後世之書,不 「明粢」,而謂《詩》以《曲禮 禮》『稷曰 齊 處既 明」,《 以 祈 引爲注,後 甘 集傳 明粱」,此言『齊明』, 其説 雨 **※**云 只是祭田 即爲《 協韻 之謬,固 年于田 畯』,是也。」 又作 齊, 乎 豳 祖 1 信 此 不 雅 與 一,則 南 疑 心 粢 而

之人順 事以 于嘗其饁食,古王之愛民重農 出 三章此曾孫始來省耕而咏之也。 呼王者 黍稷,黍稷莫先于祭祖,故田 爲「曾孫」也。 王者省耕, 如此。 間 田

> 此 當 詞 言 且祝之以「萬壽無疆」乎? 者愛民重農則有之,從未有祝 異,豈如 孫 蓋誤泥《楚茨》篇「報以介福」之上爲「孝 也。 何止「固哉」而已乎? 爲 有慶」係下祝上,則此云「農夫之慶」 也 上 四 章「黍稷稻粱,農夫之慶」,農 祝下也。 制舉之文有一定程 集傳》謂「歸 報以 介福,萬壽無疆」,祝上之 夫詩人語 美于下,厚報之」, 意,隨文各 式,且爲 大有不通 民者,而 夫自 H

甫田 》四章,章十句

我覃 碩,曾孫是若。 中耜,俶 大田 既方既阜,既堅既好,不稂不莠。 多多 載南 稼, 既 畝 本韻。 種 本韻 既 〇賦 戒、既 也。 播 厥 下同 備 百穀,既 乃 事 本 庭 以

且

0 與」,原爲墨丁,據朱熹《詩集傳》卷五

及 我 祖 私。 有 有 渰 神 (旁批 萋萋, 興 ,秉畀炎火。 :正以無理 雨 祁 本 祁 韻 語見其忠懇。 雨 我 公田

至喜。 有滯 彼 之多全用閒 稷,以享以祀,以介景福。 有 不 曾孫來止,以其婦子,饈彼南 穂,伊寡婦之利 穫 來方禋祀,本韻。 一種,此 ·情别致。泥句下便非。〕本韻 有 不 斂 穧。 以其騂黑,與其 〔旁批:描摹收 本韻 彼 有遺 畝,田 秉,此 穫 畯

公卿爲「上」乎?爲公卿,此云「頌美其上」,何也? 豈以兲答前篇之意」,誤而又誤。且以前篇大答前篇之意」,誤而又誤。且以前篇此王者西成省斂也。《集傳》謂「農

一章此追敘方春始種而言。

義,以此押韻。何爲蟲名,恐非。 蛸,食節賊,食根蟊。」按「賊」乃賊害之 以,食節賊,食根蟊。」按「賊」乃賊害之

> 也。」按 詩》、《漢書》「興雨」皆作「興雲」,可不 證 當 語 以 非 與 出之,非 即上篇「千倉、萬箱」之意,而别以 從矣。後人主「興雲」之説 雨 隨 毛 「彼有 降」,不得言「興」,不知 雲之 此 謂 鰥 指 傳 而 寡共 有渰 嗟,是安可與言《詩》哉 等 其 雲言、《韓奕》之詩 專 不穫穉」至末, 意獨 亦 爲言,且以「粒米狼戾」爲反襯 此 雨 以 謂 何 之也,非謂其 不棄於地 萋萋, 雖 渰爲 萋 解 玄子曰:「渰、《説文》雲 其有餘而 在雲,言興 特 (萋然。 雲興貌,似 佳。 兼 也 興 雲 極形 因 不 日『祈 爲 雨 盡 而 知《吕覽》、《 正 雨 而 祈祈, 意 不費之惠也, 取 其粟之多也, 無 解 謂 者,謂雨 之雲祈祈 專在 也,非 雲興 祈如 据。 者 不知,偏 雖 《雲』可 祈祈, (雨耳。 雨,言 雨 妙筆 專 宜云 其 韓 然

《大田》四章:二章章八句,二章章

九句。

師。本韻。○賦也。下同。福禄如茨。韎韐有奭,〔旁批:韻。〕以作六福禄如茨。韎韐有奭,〔旁批:韻。〕以作六瞻彼洛矣,維水泱泱。君子至止,本韻。

室。本韻。〔旁批:韻。〕君子萬年,保其家鞞琫有珌。〔旁批:韻。〕君子萬年,保其家瞻彼洛矣,維水泱泱。君子至止,見上。

每章六句,三句一韻,首、末句協,甚爲創格。福禄既同。君子萬年,保其家邦。本韻。○瞻彼洛矣,維水泱泱。君子至止,見上。

王以豐、鎬逼近戎狄,乃遷都于洛。』此迎故太子宜臼于申,立之,是爲平王。如故太子宜臼于申,立之,鄭人共立其王于驪山下。鄭桓公死之,鄭人共立其王于驪山下。鄭桓公死之,鄭人共立其三于驪山下。鄭桓公死之,鄭人共立其

于鄭氏之以禮説詩,未可用也。 是之世子未賜爵,視天子之元士以君其候之世子未賜爵,故知諸侯子未賜爵。 。」按武公新喪父,故服靺韐。 是傳》謂『周之東遷,晉、鄭焉依』,故服士服也。』按武公新喪父,故服靺韐。 」被武公新喪父,故服靺韐。 一個,此言「靺韐」,故知諸侯子未賜爵命, 一個,此言「靺韐」,故知諸侯子未賜爵命, 一個,此言「靺韐」,故知諸侯子未賜爵命, 一個,此言「靺韐」,故知諸侯子未賜爵命, 一個,此言「靺韐」,故知諸侯子未賜爵命, 一個,此言「靺韐」,故知諸侯子未賜爵命, 一個,此言「靺韐」,故知諸侯子未賜爵命,

珌」、《説文》「珧、蜃甲」,不可用。 玉琫、玉珌。毛傳謂「天子玉琫而珧「琫」、「珌」字皆從玉。今世傳有古

《瞻彼洛矣》三章,章六句。

興也。下同。 心寫兮。我心寫兮,是以有譽處本韻。兮。 裳裳者華,其葉湑兮。我覯之子,我

裳裳者華,芸其黄矣。我覯之子,維

韻。矣。 其有章矣。維其有章矣,是以有慶本

其四駱。乘其四駱,六轡沃若。本韻。 裳裳者華,或黄或白。我覯之子,乘

左之左之,君子宜本韻。之。● 右之右之,君子有之。維其有之,是以似本韻。之。而玄子亦以此詩爲美鄭武公,曰:「詩曰『維其有之,是以似之』,知其賦象賢也。終周之世,唯周公之後有魯公,鄭桓之後有鄭武足以當之。末章,毛傳鄭石』,毛傳本此。觀下文單以『維其有之」爲言,明是指武公帥師興復之事。」此說亦存之。此說亦存之。

章。『或黄或白』,當是『左之』、『右之』承土『六轡沃若』而言。❷ 兩章宜爲一一説:「『左之左之』、『右之右之』,

必謂共爲一章耳。 之興。」亦似有理。但謂與上章承接,不

《裳裳者華》四章,章六句。

天之祜。本韻。〇興也。 交交桑扈,有鶯其羽。君子樂胥,受

邦之屏。本韻。〇興也。 交交桑扈,有鶯其領。君子樂胥,萬

此天子饗諸侯之詩。《左傳》成十彼交匪敖,萬福來求。〔旁批:規。〕本韻。 兕觥其觩,旨酒思柔。〔旁批:妙義。〕

① 「土」,疑當作「上」。② 「土」,疑當作「無不」,今據《毛詩正義》卷十四之一

露》矣,其在周之上世乎? 按此詩頌不忘規,異于《蓼蕭》、《湛

如此。有如鶯之羽與領也。古用字多拘折有如鶯之羽與領也。古用字多拘折一章、二章「有鶯其羽」、「有鶯其領」,

云「來求」,義既複,味亦索然矣。應此句。若以此爲「受福豈不多」,下又也,亦倒字句也。下章「萬福來求」,正也,亦留字句也。下章「萬福來求」,正「那」,語辭。「受福不那」,猶言不受福「那」,語辭。「受福不那」,

飲酒,所以寓鑒戒之意,使人不敢剛而四章兕性剛,好觸,故以其角製爲觥

性。 敖 豈亦用罰爵乎 鄭氏謂「兕觥」爲「罰爵」,非也。 觩,飲此甘美之酒,當思所以柔 用兕觥、非兕觥爲罰爵也、「躋彼公堂」 也。 彼交于事者匪 觩,角曲 ! 「思」,非語詞 貌。 一敖,則 故 曰,待此 萬 福來求矣。 児觥之 罰爵偶 和其德

《桑扈》四章,章四句。

子萬年,宜其遐福。本韻。〔旁批:畫。〕君

禄艾本韻。之。 乘馬在廐,摧之抹之。❷ 君子萬年,福

乘馬在廐,抹之摧之。君子萬年,福

0

2

成十四年。今據改。「四」,原誤作「三」。檢《左傳》,衛侯饗苦成叔,事在

[「]抹」、《毛詩正義》卷十四之一作「秣」,下同。

禄 本 韻 之。

初昏。 仲 也。 之、然以比莊姜、戴嬀、猶之乎皆雌 于飛」,曰『倉庚于飛』,曰『雄雉于飛 有『在梁』二語,詞旨昭然。 其左翼。 之詩證之,其第七章曰:『鴛鴦在梁,戢 鴦于飛』耳。 此雌、雄連言者,惟『鳳 日 皆單舉一鳥。 婦 匹取義,而《左傳》載齊懿氏之卜妻陳敬 也,其妻占之曰『吉,是謂「鳳凰于飛」 也 鳴鏘鏘」,亦以 『鴻雁于飛』,則以有大、小之異。其 今解以『燕燕』爲一燕,惜何未知。 「疑爲幽 凡《詩》言『于飛』者六: 然則此詩雙舉『鴛鴦』以興夫婦, 詩忌 之子無良,二三其德。』是詩 《卷阿》咏 王娶申后 鑿,然有可取者。 曰『燕燕 雄鳳 雌 凰于飛」及此『鴛 而 鳳 于飛』,雖 皇之于 作。 凰 詩人追美其 ,雖不從 以《白 曰『黄鳥 飛比夫 何玄子 重 西己 燕 亦

> 敏,謂 近 王,較鄒自勝。 言秣其馬」,亦同。」 愚按此説始于鄒 禱頌之意。《漢廣》之詩曰『之子于歸, 『乘馬』二章,皆咏親 何 理者絶少。 疑 焉 咏成王初昏。 1 興 重 恐其埋于荆榛中,故 何氏解《詩 于 迎之事 飛 而 何氏 不 》純 而 重 因 因以 鑿,似 以 畢 爲 致其 羅 此 出 肇

刺 幺 王」,不辯

自《瞻彼洛矣》至此篇,《小序》皆

鴛鴦》四章,章四句

女蘿

施于松上。

未見君子,憂心怲怲

既

見君子,庶幾有臧。

本韻。

詩經通論卷十一

新安首源 寶珊 姚 王篤校訂 際恒

有頻者弁,實維 未見君子,憂心奕奕; 伊何? 他。 爾 本韻。 酒 既 蔦 既 與 阚

殺既 見君子,庶幾説懌。本韻。 女蘿,施于松柏。 殺既嘉, 豈伊異人, 兄弟匪 時,豈伊異人,兄弟具 有頻者弁,實維 何期 ○興而比也。下同。 ? 來。 爾 本韻。 酒 既旨, 蔦 與

> 殺既 雨雪, 樂酒今夕,君子維宴。本韻。 阜, 有頻 先集 豈伊異人,兄弟甥舅。 者 維霰。 弁, 實維在首。 死喪無 日, 爾 本韻。 無 酒 既旨 幾 相 如彼

爾

霜堅冰」之義,則何以云? 固可不忌,然「如彼雨雪」二句,確同 傳》謂「燕兄弟、親戚之詩」。 「豈伊異人」語,及云 「兄弟匪 《小序》謂「諸公刺幽 王」,是。 又每章 他」,亦 「死喪」 《集 有 履

善辭也。

小

雅

《頻弁》三章,章十二句。

來括。 逝兮。 賦 也。 間關車之聲《左傳》作「轄」。 本韻。 〔旁批:曼音靡麗。〕 雖無好友,式燕且喜。 匪 兮,思孌季女 饑 匪 渴,德音 本韻。

○興也。 德來教。 依彼 本 平林,有集維 韻。 式燕且譽,好 鷮。 爾無射。 辰彼 碩 本

舞。 食庶 本韻。 幾。二「幾」字同 雖 無 旨 ○賦也。 酒 式 韻。 飲 庶幾。 雖無德與 雖 無 女,式歌且 嘉 殽 式

●其葉湑 興也。 彼 高 岡,析 兮。 鮮 其 我 覯 爾, 柞 薪。 通 我 韻。 心 寫 析 其 本 韻 柞

○興也。 騑,六轡如琴。 高山 仰止,景 覯爾新昏, 行行止。 以慰我 本韻。 心。 四 本 牡 韻 騑

閼氏 詩 女以 謂 豔 且. 君子,故作是詩 妻驕 已甚矣。」閱此可 不 賦《白華》者安在,豈真以不賢 褒姒 誳 間其寵, 之計 小序》謂「大夫 扇,寵不再移,其 王復故 嫉 耳。 妒 無 則是張儀傾 后 以 道 而 嬖易嬖,其 周 誳 鄒肇敏 以 刺 以别選新 擊 幽 ク思 節。 爲倍義 鄭袖、 王。 曰:「思 得賢 ^ 何 集傳 昏 《大序 女以 而 見 能 陳 一, 無 平 得 黜 淑 紿 配 教 戀

> 姒爲 故 ? 足哂焉。 此 燕樂其新昏之詩」。 (后」,依《序》略變,仿彿《關 何玄子謂「幽王宫人思賢 若是, 則 雎》, 女 何 代 歸 又 褒 或

四

《車轄》。」固取 然不可知其爲何人事矣。 逆之。宋公享昭子,賦《新宫》,昭子賦 子,以妻季平子。 按《左》昭二十五年,「宋元夫人生 此詩之得賢女爲昏也。 权孫昭子如宋聘,

《車舝》五章,章六句。

讒言。 營營青蠅,止于樊。 本韻。 ○興而比也。 下同 贵 弟君子, 極, 無信

國。 營營青蠅,止于 本韻。 榛。 讒 人罔 極 覯 我

四

營營青蠅,

止于

棘。

讒

人罔

交亂

柞」,原誤作「析」,據《毛詩正義》卷十四之二改。

0

二人。本韻。

著也。 《小序》謂「大夫刺幽王」,近是。

《青蠅》三章,章四句。

彼 弓矢斯張,射夫既同,獻爾發功。 韻。 殺核維旅。 後,方知此起之妙。]起二句無韻。 有的,以祈爾爵。本韻。 鐘鼓既設,舉醻逸逸。 賓之初筵,左右秩秩。 本韻。 酒既和旨,飲酒孔偕。本 本韻。 ○賦也。 〔旁批: **邊**豆 大侯既 下同 本韻 有楚, 閲 至

爾 韻。 純 洽 百禮。 時。 嘏,子孫其湛。 賓載手仇,室人入又。 籥舞笙鼓,樂既 本韻 本韻。百禮既至,有壬有林。 其湛曰樂,各奏爾 和奏。 酌彼康爵,以奏 烝 衎 烈祖, 能。 錫 爾 以 本

賓之初筵,温温其恭。見。其未醉止,

遷,屢 威 醉,不知其 威儀抑抑。 作三層寫, 儀反反。 舞僊 秩。 一層深一 本韻 既醉止,威儀怭怭。 既 〔旁批:「屢舞 醉止,威儀 層。〕本韻。 幡 其未醉止, 是日 態。 舍其坐 既

韻 批:良言實理。〕醉而 字通韻,餘本韻。 醉,不知其郵。側弁之俄,屢舞傞傞。 批:應首章「籩豆」。〕屢舞僛 飲酒孔嘉,維其令儀。 賓既醉止,載號載呶。 既醉 而 出,並受其福。 不出,是謂伐德。本 本韻。 亂我籩豆、〔旁 僛。 是 **万旁** 曰 「呶」 既

本韻。 匪 式 批:奇語。〕本韻。 監,或佐之史。 勿從謂,無俾大泰。 由 勿語。 凡此飲酒,或醉或否。本韻。既 由 彼醉不臧,不醉 醉之言,俾出 三爵不識,矧敢多又。 怠。本韻。 童殺。 反 匪言勿言, 恥。 立之 本韻。 ′ 旁

衛武公飲酒悔過」,出《後漢書》注

引《 武 韓 公刺 詩 時 未 知 是 否 0 ^ 小 序 **>** 因 以 爲

射 酒 爾 賓射也。 言射初 7,射必 爵」, 也 燕 射, 章此 燕飲,下六 罰不 以 前人分别 燕,即 章言 鄭氏 勝者爵也,亦是 唯 謂 燕射也。 句 射 「大射 諸 言大射之事。 乃 名,皆非。 飲 酒 燕必 也 按君 0 以 「以 前 唯 毛 八 飲 祈 傳 句 即 大

射 爵 畢 康爵 几 言祭,後六句 賓載 一句,子 時 而 二章 燕 」二句,尸酢主人及酢 之祭皆 言祭,以見古非射非祭不 手仇」二句,賓客獻尸也。 康」, 亦在 此章言惟祭乃飲酒 孫 獻 安也。「時」,時祭也 其内, 飲 言飲福之事。「其湛 P 酒 也。「子孫」,即主人。 也。 以其 以上二章,一 飲酒,故曰「 賓也。 也。 飲 前 「酌 又 八 見 彼 句

言此以爲戒飲之發端云

僛 舞 僛,故亂及籩 欹 蹁 僊 至 以 也 古 乎 唐 由 盤 舞傞傞」,甚至冠弁亦不正矣。 極 旋 僊 極 是 歡 人 淺 傾 躚 屢舞則 是 自 醉 心 飲 入深,備 不 貌 則 爲 詩 三百篇 也。 章、四章 」, 致 休貌。 且 得 猶 酒 中 之不同。 眼 無 酒 亂 貌 是 目。 有 不可,故皆以 故 復 誠 其 僅 畫,豈 以下三章皆言飲酒之失也 極形 豆也。 酣 中 意 二章皆以 僊僊之狀矣。亦 有 再 遷 亦惟 而 有 必起舞 也 楚之籩豆矣。 日 徙 始 屢 容 漢 畫 知 其 終日 舞 其 日 醉 亂我籩 處 亦 坐 之中 「舍其坐遷,屢 傞傞,故 態 舞言。 人謂之「屬某 以屬 甚 處 「屢舞」言其醉, 原 之妙。 耳。 側弁之俄, 本 多,此《醉 又有由 豆, 屢 于三 然舞, 使弁側 一个 「傞傞」, 唯 白 其 X 舞 僊 初 謂 起 屢 僛 僛 舞 醉 可

圖 心 也

《集傳》云:「則將罰汝使出 志,不畏于人,無所恐也。 鳥足以恐之? 且醉者正 必無之物以恐之也。」既曰必無之物,又 醉之言」二句,謂其醉言無實,如可使出 以史,則彼醉者所爲不善而不自 爲耻哉! 醉否也。 不善,故立之監而佐之史,所 不醉矣。「三爵不識」二句,謂三爵之禮 童羖然。此必無之 不醉者反爲之羞愧也。」語義欠明。 至三爵已昏然無所記矣」,夫人量有寬、 亦不識,况敢又多飲乎 虚。 五章「既立之監」二句是正 有或醉者,或不醉者: 今彼醉之不善者,胡反以 《集傳》云:「故既立監 欲令皆 物,甚言其不實也。 非也 ! 《集傳》謂「飲 若猶有恐,則 以其 童羖矣,設言 以伺察 言立 謂 變易情 凡 醉 而 知 制 一由 佐 不 者 其 使

> 其記 情,不可泥于字句之間。 耶 ? 者多因寬量 句多折拗,不似後人馴順也。 致不近人情,何貴釋《詩》哉 已昏醉,則 何 何事也? 以 以「不識」爲 知 亦不能 其 一,飲 大抵 而 11: 再飲 不 止所 無 爵 釋《詩》必 所記,更不 乎 荷泥 何 致 ? 由 ; 于 至 醉 字 而 句 近 知 失 德 欲 便

賓之初筵》五章,章十四句。

韻。○興也。下同。 領其首。 王在在鎬,隔句叶。 豈樂飲酒。本頒其首。 王在在鎬,隔句叶。 豈樂飲酒。本

酒樂豈。本韻。 魚在在藻,有莘其尾。 王在在鎬,飲

王在在鎬,有那其居。本韻。〔旁批:皆變。〕

《小序》謂「刺幽王」,非。阿《序》者

二三七

經 通 論

時安得 武 樂」,他經未見,唯見于《周禮》,此僞書, 子踵之,因以「豈樂」爲愷旋 固無 得如此説。然云「在 及「有那其居」句,似有祝其永遠在是而 不足信也。「愷旋」,疑秦、漢之説,武王 奠安之意,然未敢以爲必然也。 「天子燕諸 大抵習爲 豊」、「愷」同,亦樂也。 王初都鎬之作,亦可。味二「在」字, 疑。 有之! 鄒肇敏以爲武王 曲 侯,而諸侯美天子之詩」, 説,不悉辨也。 必欲以 · 鎬」,其 其云「軍旋作愷 爲武王詩,則謂 飲 爲 之樂。 至。 西周王 集 傳 何玄 *

俗云「這箇」之類。諸解于《桑扈》篇「受 安」,豈可隨文改訓如是乎 不那」,「那」字訓「多」,此篇「那」字訓 三章「那」,語 詞,猶晉人云「阿堵

魚藻》三章,章四句

錫予 法。〕本韻。○興也 何予之? 本韻。 采菽 采菽, 之 ? 玄衮及黼。〔旁批:上作兩疊文 雖無予之,路車乘馬。又 筐之筥之。 子 來 何

載驂載駟,君子所届。 朝,言觀其旂。通韻。其旂淠淠,鸞聲噦噦。 觱沸檻泉,言采其芹。 本韻。 ○興也 本韻。 君子來

子。 子,福禄申本韻。 寫 服 本韻。 飾有 赤芾 别致 在股,邪 樂只 妙義。〕彼交 君子,天子命之。 之。 幅 賦也。 在 下。本韻。)匪紛, 〔 旁批 樂只君 天子所

右,亦是率從。本韻。 天子之邦。樂只君子,萬福 維柞之枝,其葉蓬蓬。 ○興也 放同。 樂只 八君子,

游哉,亦是戾本韻。 子葵之。 汎汎楊舟,紼纚維之。 樂只君子,福禄膍 矣。 興也。 本韻 樂只君子,天 之。優哉

《小序》謂「刺幽王」,非。《集傳 謂

「何錫予之」、「天子命之」是也。盛王,諸侯來朝,加以錫命之詩,詩云「天子所以答《魚藻》」,亦鑿。大抵西周

予之」句自明。

予之」句自明。

小為漢,是泥其詞而誤也。觀「又何為以爲薄,是泥其詞而誤也。觀「又何為之」之文,轉出所與之物。解者謂意一章「雖無予之」、「又何予之」,承上

《采菽》五章,章八句。 章,亦作「辯」。毛傳云「辯治」,未聞。 四章「平平」,《韓詩》作「便便」,安順

胥遠本韻。矣。興也。 騂騂角弓,翩其反矣。兄弟昏姻,無

矣,民胥傚本韻。矣。賦也。爾之遠矣,民胥然本韻。矣。爾之教

相爲瘉。本韻。○賦也。 此令兄弟,綽綽有裕。不令兄弟,交

民之無良,相怨一方。受爵不讓,至

于已斯亡。本韻。○賦也。

多奇。〕如食宜飫,如酌孔取。本韻。〇比也。老馬反爲駒,不顧其後。〔旁批:取語

下同。

猷,小人與屬。本韻。 毋教猱升木,如塗塗附。君子有徽

居婁驕。本韻。 雨雪瀌瀌,見明曰消。 莫肯下遺,式

姻」,此爲臆解。昏姻者指何人乎? 恐姻上好讒,以兄弟爲尤重也。何玄子謂單言兄弟,以兄弟爲尤重也。何玄子謂單言兄弟,以兄弟爲尤重也。何玄子謂以,此詩爲刺讒矣。然詩中幽王好讒,必以此詩爲刺讒矣。然詩中幽王好讒,必以此詩爲刺讒矣。然詩中幽王好讒,必以此詩爲刺讒矣。然詩中幽王好讒,必以此詩爲刺讒矣。然詩中幽王好讒,必以此詩爲刺讒矣。然詩中幽王好讒,必以此詩爲刺惑矣。然詩中國王,《大序》謂「不

人惑其説,故及之。

故正言君子若有徽猷,則小人並屬之而大章此承第二章「爾教」、「民傚」而一、章此承第二章「爾教」、「民傚」而一、章此承第二章「爾教」、「民傚」而一、章此承第二章「爾教」、「民傚」而一、章此承第二章「爾教」、「民傚」而一、章此承第二章「爾教」、「民傚」而一、章此承第二章「爾教」、「民傚」而

加以恩澤,則疑怨可釋,如雨雪見日而七章雨雪陰凝,喻兄弟疑怨。王若

難通。 消 肯貶下而遺棄之,更益以長慢」,迂折 言,于「莫肯下遺」意不貫,則解之曰 數數驕慢,何哉? 讒言遇明者自止」。 也 今乃莫肯以 恩澤 集 既 傳》 下遺 以 引張 雨雪」喻 其 居 説, 處 示 讒 謂 猶

《角弓》八章,章四句。

之 ? 淡,妙。〕彼人之心,于何其臻? 自瘵焉。俾予靖之,後予邁本韻。 自暱焉。 有鳥高飛,亦傅于天。 有莞者柳,不尚愒焉。● 有菀者柳,不尚 居以凶矜。「矜」通韻,餘本韻。 俾予靖之,後予極本韻。 小序》謂「刺 息焉。上帝甚 幺 王」,或謂 (旁批:喻得 上帝甚蹈,無 焉。 ○興而比 易 子 靖 厲王。 興也。 興也。 也 無

^{) 「}愒」,原爲墨丁,今據《毛詩正義》卷十五之一補。

侯相與憂危之詩。 可訓耶? 大概是王待諸侯不以禮,諸之,非也。君雖不淑,臣節宜敦,不朝豈之,非也。君雖不淑,臣節宜敦,不朝豈

天」, 晏安也。《集傳》曰:「上帝,指王也。又 錯互,學者宜從本書,不必言矣。 作「上天甚神」。古人引《詩》,類多字句 别解「上帝」爲「王」,混亂之極。 諸書,以「蹈」作「神」,又不言出何書。 不言何王。『蹈』,當作『神』。」既從《國策》 亦可參證。謂上帝甚蹈厲,不可自暱于 郝仲輿謂猶《樂記》「發楊蹈厲」之「蹈」, 解釋則可以依之。如以「上帝」爲「上 玄子曰:「『劇』同。 劇者,古以爲勞倦之 「動」。蹈者,足動而履之之謂,故訓動。 王甚神」,是贊之,非刺之矣。「極」,何 則上帝指天也。 |章「上帝甚蹈」、《戰國策》、《荀子》 「蹈」,毛傳訓 且言 而又

意,晉人所謂『小極』。」

《集傳》也。《大序》「不欲朝」之意,故遵《序》者莫若傳》訓「過」,曰「求之過其分」,曲解以合語,調「過」,曰「惑」過其分」,無所議。《集

凶禍而可憐也」,亦曲解以合《序》。傳》謂「乃徒然自取凶矜也」。「凶矜,遭矜之地。「矜」,危也,亦無可議。《集

《菀柳》三章,章六句。

直如髮。我不見兮,我心不説! 本韻。 彼都人士,臺笠緇撮。彼君子女,綢

一「六」,原作「八」,今正。

<u>=</u>

之尹、吉。我不見兮,我心苑結!本韻。 彼都人士,充耳琇實。彼君子女,謂

邁! 本韻。 髮如蠆。〔旁批:倩句。〕我不見兮,言從之髮如蠆。〔旁批:倩句。〕我不見兮,言從之

不盡之意。〕我不見兮,云何盱本韻。矣!則有旟。〔旁批:重加摹寫一層,真有形容匪伊垂之,帶則有餘。匪伊卷之,髮

一章「周」,舊説謂「忠信」,《集傳》謂言,蓋想舊都人物之盛,傷今不見而作。也。詩云「彼都」,明是東周人指西周而也。詩云「彼都」,明是東周人指西周而何止衣服乎! 此襲《禮・緇衣》爲説

子女」、《集傳》謂「都人貴家之女」。据所戴,以在國言。」如此分疏,亦通。「君出田時所戴,以在野言。緇撮,居家時出田時所戴,以在野言。緇撮,居家時高京」。當從《集傳》。

乎 ! 耶 ! 地風 矛盾。此言「如髮」者,以髮之本末而言 見古人罕譬之妙。且以「髮」喻女,亦本 謂 與「臺笠緇撮」相當,何得以此爲 家。今雖不必如是分疏,然 其鬢邊短髮,未然 也。咏其「卷髮」者,以其綰髻也。孔疏 又此咏其髮之直,後又咏其髮之曲,亦 蠆」,用字分明,安得泥此以爲咏其髮 無隆殺」,此説是。如此 辭義,此章言庶 「其性情密緻、操行正直、如髮之本末 光。此云「如髮」,下以髮云「如 又此咏其髮,後又咏其髮,亦復。 「綢直如髮」,毛謂「密直如髮」,鄭 民之家, 解,殊有味,正 下三章乃 「綢直如髮」 貴家

禮法。」按人皆謂尹氏、姞氏之女者,猶人之家女,咸謂之尹氏、姞氏之女,言有尹氏、姞氏之女,言有尹氏、姞氏,周室昏姻之舊姓。人見都三章「尹吉」,鄭氏曰:「吉,讀爲姞。

互爲昏姻。《集傳》載之,可發一哂!
王、謝,唐言崔、盧也」,誤認尹氏、姞氏女也。李氏何人,乃曰「尹、吉猶晉言
謂周室之人皆與尹、姞舊姓爲昏,娶其
謂周室是姻。其謂周室昏姻之舊姓者,

爲也。 人,獨讓三百篇,後人不能爲,亦不敢婚、螓首、蛾眉」是一例語。此等語咏美蠐、螓首、蛾眉」是一例語。此等語咏美

《都人士》五章,章六句。

言歸沐。本韻。○賦也。下同。終朝采緑,不盈一匊。予髮曲局,薄

終朝采藍,不盈一襜。五日爲期,六

之子于狩,言韔其弓。之子于鈞,言日不詹。本韻。

意之妙。〕本韻。 薄言觀者。〔旁批:承「釣」言,大有言不盡其釣維何? 維魴及鱮。維魴及鱮,

家之樂,不知何取義也。 此婦人思其夫之不至,既而敘其室

固哉! 西哉! 西哉! 西哉! 一章「五月、六月」, 吁, 何其 不必定泥爲六日而咏也。鄭氏以其不 明,今六日尚不瞻見。只是過期之意, 也。「六日」, 調笑之意。言本五日爲 也。「五日爲期」二句:「五日」, 成言

遞語,殆簡而又簡。亦只「維魴及鱮」一句,上下皆虚衍及過如章單言釣,不言狩。已從簡言釣,

《采緑》四章,章四句。

Dr.

芃芃黍苗,陰雨膏之。悠悠南行,召

伯勞本韻。之。興也。

云歸本韻。哉! 賦也。下同。 我任我輦,我車我牛。我行既集,蓋

· 我徒我御,我師我旅。我行既集,蓋

云歸處! 本韻。

伯有成,王心則寧。本韻。〔旁批:快。〕召

語意不明。如是,則下章何以云「歸」云此。《集傳》謂「徒役南行,行者作此」,宜王命召穆公營謝,功成,徒役作

發曰:「詩中明言美召公,而《詩序》乃以「有成」乎?《小序》謂「刺幽王」,黄東

幽王,此類亦何訝晦菴之去

音孔膠。本韻。

○興也。

《序》耶!」

此篇與《崧高》同一事分大、小雅

者,此爲士役美召伯之作,彼爲朝臣美者,此爲士役美召伯之作,彼爲大篇也。嚴申伯之作。此爲短章,彼爲大篇也。嚴明伯之作。此爲短章,彼爲大篇也。嚴明伯之作。此爲短章,彼爲大篇也。嚴者,此爲士役美召伯之作,彼爲朝臣美

《黍苗》五章,章四句。

隰桑有阿,其葉有沃。既見君子,云

隰桑有阿,其葉有幽。既見君子,何不樂! 本韻。○興也。

之,何日忘本韻。之! 賦也。 心乎愛矣,遐不謂本韻。矣。中心藏

詩,詞意大概與《菁莪》相類』,今細味 也。 章但皆曰『隰桑』耳,隰者卑下之地,其 沚」,而『中陵』,有離潛向升之象。 有不同者。《菁莪》取興自『中阿』而『中 『云何不樂』,又皆未有是事 乎! 在 高明之位可知。 何玄子曰:「朱子謂『此 此思見君子之詩,亦 况『其樂如何 不知 喜見君子之 而假設之 其 何 此三 所 實

《隰桑》四章,章四句。

之子之遠,俾我獨本韻。兮。 之子不猶。本韻 上二「白」總以「白雲」,妙筆。〕天步艱 英英白雲,露彼菅茅。〔旁批:二比。 白華菅兮,白茅束兮。 〔旁批:一比。〕 比而賦也。 下同。 難

嘯 歌 傷 滤池北流,浸彼稻田。 懷,念彼碩人。本韻 〔旁批:三比。〕

> 維彼碩人,實勞我 樵彼桑薪,卬 心。 烘于煁。 本韻 〔旁批: 四 比。

鼓鐘于宫,聲聞于外。 念子燥燥, 視

有鶖在梁,有鶴在林。 (旁批: 六比。」

我邁邁。本韻

維彼碩人,實勞我心。

本韻

鴛鴦在梁, 戢其左翼。 〔旁批: 七比。」

之子無良,二三其德。 本韻

有扁斯石,履之卑兮。 〔旁批:八

之子之遠,俾我底本韻。兮。

逆謀? 托 預驪 后能爲《白華》之忠厚,胡不能戢父兄之 作自可。 按此詩情景凄凉,造語真率,以爲申后 《爲之作是詩」、《集傳》以爲申 刺,故《序》不可易也。」何玄子駁之 山之大惡? 《小序》謂「刺幽王」、《大序》謂「周 宜臼能爲《小弁》之親愛,胡乃 郝仲輿曰:「愚幼受朱傳,疑申 讀古《序》,始知二

比。

通

年,距 在 被 故録何氏之駁于此,俾人無惑焉。 論爲允。」愚按郝氏佞《序》,最屬可恨, 賦《白華》,亦如後世之賦《長門》耳。』此 亦未可知。 梁、在林之咏,當時或廢處深宫。其 廢,未必大歸。又幽王遇弒 一廢后 山之事,不可 時蓋已九 鄒肇敏謂:『觀于宫、于外、 載。 舉 以 此時申后存亡 責 申 事在十一 启 申后

《集傳》謂:「二物至微,猶必 比己之潔,「菅兮」、「東兮」者所以 夫、婦益疎。 義,白華、白茅何所分焉? 詳。如「白華」、「白茅」,舊解皆以爲白 與茅之用也。 何之子之遠 華喻后,白茅喻妾。按,白者取潔 二物,更可見。 章凡《詩》興、比之義,大抵不能盡 而俾 愚意,「白華」、「白茅」皆以 且下章總言「白雲」、「露 我 獨 耶?」又象以 比意不楚。 相須爲用, 比

> 澤于我,不如白雲也。 而 露之,使其滋養生長,又以比王無 華、茅已白矣,又有英英之白 恩 雲

矣。」此類悍妒之婦駡夫,古人必無此 之者亦卑矣。如妾之賤,則寵之者亦 也。《集傳》云:「有扁然而卑之石,則 人踐履,何其甚卑,見其不可以卑爲 七章此則以「鴛鴦」比己與王也。 八章「有扁斯石」二句,言此扁 六章此則以「鶩」比妾,以「鶴」自比 ^{五章}「鼓鐘于宫」即所見以喻之。 石 賤 履 尊 爲

白華》八章,章四句。 此詩八章,凡八比,甚奇。 語意。

勞如 彼後車,謂之載本韻。 何 黄鳥,止于丘阿。道之云遠,我 本韻。 飲之食之,教之誨之; 之。興也,下同

後車,謂之載之。 不能趨。本韻。飲之食之,教之誨之,命彼 縣蠻黄鳥,止于丘隅。豈敢憚行,畏

後車,謂之載之。 不能極。本韻。飲之食之,教之誨之,命彼縣蠻黄鳥,止于丘側。豈敢憚行,畏

謂:「此微賤勞苦而思有所托者,爲 出使,小臣爲介,依托于卿大夫,而望 之」者,稱王之命也。 平日教養之事。先言「飲、食」,後言 此疑王命大夫求賢、大夫爲咏此詩。 事,豈真誤讀《大學》「可以 以自比也。」謂禽鳥亦有教、誨及 飲、食、教、誨,後車以載」,然于末二句 「之」字,自我而言。 教、誨」者,先養後教也。 《小序》謂「刺 而以此詩爲鳥言耶? 亂」,無刺意。《集傳 「飲、食、教、誨」,言 又按舊解謂「大臣 人人而 「命後 可嘆也 不 後 如 車之 鳥言 五.

食爲先,奚足録焉!「命」字「謂」字不合,且意志卑陋,以飲

緜蠻》三章,章八句。

言嘗本韻。之。賦也。下同。 幡幡瓠葉,采之亨之。君子有酒,酌

有兔斯首,炮之燔之。君子有酒,酌

有兔斯首,燔之炙之。君子言獻本韻。之。

言醻本韻。之。 有兔斯首,燔之炮之。君子有酒,酌言酢本韻。之。

詩」,亦只得如此説。但必以「瓠葉」、云「君子」矣。《集傳》第混云「燕飲之刺意。毛、鄭謂「庶人」之禮,則篇中明「獻」、「酢」、「醻」,主賓之禮悉具,毫無「君子有酒」句與他篇同。而下三章言「君子有酒」句與他篇同。而下三章言

有

酒

酌

人豈知,或偶舉二物爲言,無不可耳。「兔首」爲薄物,未免執泥古人之意,後

《瓠葉》四章,章四句。

下同。其勞矣。武人東征,不遑朝本韻。矣。賦也。其勞矣。武人東征,不遑朝本韻。矣。賦也。漸漸之石,維其高矣。山川悠遠,維

其没矣。武人東征,不遑出本韻。矣。漸漸之石,維其卒矣。山川悠遠,曷

遑他本韻。矣。 峭。〕月離于畢,俾滂沱矣。 武人東征,不峭。〕月離于畢,俾滂沱矣。 〔旁批:用事奇

將士東征,勞苦自嘆之詩。《小序》

「幽王」,亦無据。

而去,水患之多可知矣。」此正指既雨後泥,其常性也。今其足皆白,衆與涉波三章《集傳》引張子曰:「豕之負塗曳一章「不遑朝」,猶「不能晨夜」之意。

若謂喜 哂。 歷 雋。」此説甚佳,存之。 武人有家室而今東征,是以行役久病, 性負塗而今涉波,月行中道而今離畢, 溺』矣。蓋二者皆以不得其所爲興:豕 例此也。 豕性或喜群聚卑濕之所有之, 山零雨,特就歸途所遇而言,不可以 畢,將雨之騐也。」何居? 不遑他 義,認爲苦雨,與鸛鳴蟻垤之説同一可 爲言也。 雨、既雨,諸説 雨暘,武人何沾沾以此爲苦? 愚謂出師 事。 雨至于游泳波漣,觧不『載胥及 乃《集傳》又曰: 兩 紛如,總因泥下『離畢』之 日久,三年六月,不知幾 兩 相况, 意直捷 「豕涉波 姪炳曰: 而 味深 若

《漸漸之石》三章,章六句。

無 生 ! 苕之華,其 「旁批:悲 葉 極。」 青 青 本韻 知 我 如 此 不 如

本韻。 可以飽!〔旁批:尤刻鑿,匪夷所思。〕 「以飽!〔旁批:尤刻鑿,匪夷所思。〕

此時也,與《兔爰》略同。 此遭時饑亂之作,深悲其不幸而生

傳》曰 是道 能 百物彫耗如此。」按二説似皆 集傳》較近。 深 得其解。 也 三章「牂羊」二句,但 見三星之光而已。 羊瘠 三星在罶 則 毛傳曰:「牂羊墳首 首 大。 ,言不可久也。」《 覺 罶中 言飢饉之餘, 其 非 奇 無 確 妙 雨 義 而 然 集 無

《苕之華》三章,章四句。

經 四 何 方? 草不 黄? 本 韻。 ○興也。 何 日不 下同 行? 何 人不 將

獨爲匪民! 本韻。 何人不矜? 哀我征去

彼曠野。哀我征夫,朝夕不暇! 本韻。 匪兕匪虎,〔旁批:順承上「匪」字。〕率

彼周道。本韻。 有機之車有芃者狐,率彼幽草。有棧之車

·, 行

此虎 非是 執 字,則以二句爲倒字法,曰「率彼曠 朝夕 非兕非虎耶」,亦可也。 行于周道 匪 泥「匪」字求解。 虎, 字用 按詩人從不説 在途,與下以狐「率彼幽草」興 也。 征 三章「匪 與兕 伐不息,行者愁怨之詩 何爲久不得歸 一,同爲 來,全不 以 虎禽獸 一児匪 兕虎 下率彼 一例語。 必泥,猶 無 孔氏 虎」,順承上「 理 異 如如 一乎? 謂: 宿,常循 從來人皆不知, 曠野」,興 如必欲泥 此 云 「今非是兕, 解 後 二此 便 彼 匪 兜 征 空野 與 棧 民 也

理 如 (千古少善説《詩》者 爲 ? 禽 狐 何 賦,下章爲興,豈有 異 獸」,亦已主 蓋 亦沿舊解 且 例 語 亦 此 之誤,故致 拙 因悟《大序》 解矣。 陃 詞 又 《集 同 與 此 而 謂 傳 下 體 也 異 以 視 有 之 此 民 芃 大

《何草不黄》四章,章四句

附論《儀禮》六笙詩

也。 牡 華 面 文 》、《皇皇者華》。 笙詩 鄉射禮》《燕禮》皆工 **華** ,樂《南陔》、《白華 曷謂之「笙詩 六笙詩者、《儀禮》所載《南陔》、《白 丘 麗》,笙《由庚》。 」所 泰》、《 由名也 歌《南 由庚》、《崇丘 ? Ш 笙入堂下, 磬南、 有 《儀禮 》、《華黍 歌《南 臺》,笙《由 歌 《 鹿 >、≪由 有嘉 鳴 鄉 後 儀 飲 魚 間 北 四 酒

儀禮》之書作

于周

末、去三百篇之

章、且 作樂者 諸詩 竹諸 用以 以 者所 故歌于堂上,用三百篇之詩,笙于堂下, 貴,匏竹爲賤;以堂上 陔》三篇則 用此六詩。 上,匏竹在 笙」,皆可騐。 魚麗》諸詩曰 詩》中。 下一代皆有樂章也。此六 器者 日 妄 吹笙者也。 六笙詩 亦不 此《儀禮》作樂用 入。 取 「歌」,以《南陔》諸詩 「,則準 三百篇 今愚 敢 獨 下,貴人聲也。」樂以 既 本 既 褻 奏之、《由 不 取其 概 無 ^ 「歌」,以《 諸 《儀禮》本 用 在 從删 郊特牲》云:「歌者 以 其 律吕 三百篇之意 爲歌,用其施 協 詩 百篇 |爲貴,堂下爲賤。 去,論之曰,古之 第存 别 于律吕,以 詩之大略 庚》三篇則 由庚》諸 中,係 製 文,以《鹿 爲詩 詩者,樂中 其篇名于 也。 「樂」,以 人 作 也 于匏、 ?,猶漢 、聲爲 間 鳴》 序》 在

四〇

之什。 子乎? 《南山有臺》之中,故以之附于其後。既 之後,見《儀禮》此文,認以爲三百篇中 《詩》旨亦不 見《儀禮》以《南陔》、《白華》、《華黍》笙 篇更奚與哉 用,言臣之忠,可 其間,用意 不見笙詩之辭,第据其名妄解其義,以 丘》、《由儀》笙 于《鹿鳴》三篇之後,故以之共爲《鹿 所遺者,于是妄以六篇之名入于詩中。 言「孝子」,因前後諸詩爲忠,故以 示《序》存而詩亡。 已 其 于《由 、義,第泛言萬物得所之意,以 遠,其 見《儀禮》間 于《華黍》爲宜黍、稷,此不 庚》、《崇丘》、《由 甚稚 云 相 作樂 一于《魚 自序《詩》者又出《儀禮 涉,况其爲笙詩,于三百 也,何由及于家 于《南陔》、《白華》皆 夫諸 歌 麗 歌 ^ ***** 以《 鹿 詩既 鳴 南有嘉魚》、 由 儀 学諸 爲 庚》、《崇 朝 則 庭 之 必 廟 孝 鳴》 厠 與

育長。可見。由是傳之于世、《詩》有三百十國家治平景象而已。其彷彿杜撰,昭

亦不信 既 緯諸書,亦無不言三百五篇者。 式曰:「臣以三百五篇諫。」以及 昌邑王曰:「大王誦《詩》三百五 之樂章甚多,不止 用爲笙詩者則盡失之,此即問 取其可施于禮義者三百五 「古《詩》三千餘篇,及至孔子,去其重, 何由失? 口 詩》自秦後未有一篇缺失,不應 大射》皆云「奏《肆夏》」、《禮記》、《左 證 失矣、《序》何 「詩三百」,舉成數言之。 漢 按 也。况人謂《序》作于周人。 世從 古所傳《詩》唯三百五篇。 此又不待言者也。 無三百十一 由存?《序》 此六篇。 篇之説。 《史記》言: 篇。」龔遂 既存矣,詩 之童稚 且《儀禮 グ漢之 唯經 篇。」 皆歷 讖 子 所 歷 王 謂 而 且.

乎其 第 則當 之俱亡耳,不若三百 以 歌」,于《肆夏》之三曰 傳》于《文王》之三、《鹿 有 又云「下管《新宫》」。 説 斷 夏》等篇名亦入于 然巨帙,傳之于學士大夫、朝夕絃 奏《貍首》」及「公人、《鶩》」。 辭 此諸樂章所習者爲工瞽之徒,附于樂 章,唯用三百篇 行,又篇帙寥寥無多,故樂亡 ,自信爲確 人枉生疑障,議 奏《陔 亦 時作 家竟不 也 獨 同 存也。 樂,被于八音諸器 笙詩六篇, **%** 鄉 一知之,于此六篇紛 然 此即 飲 幸而序《詩》者不以《 無 酒 疑 論 三百篇,若人之,又令 《南 **×**, ≪ 爲 者 蠭 此等皆樂章名,皆 篇經聖人手定, 同是一 歌,甚 陔》。 「金奏」,亦可騐。 燕 起矣。 鳴》之三曰「工 禮 不 》、《大 知 大 明矣。 皆係别 類。 《燕禮 此愚之 何 射》又云 而詩 以 觀 射 誦 從 《 左 與 有 肆 褎

各出意見。

郝氏曰 也。 知别 朱謂 和 不 氏 据《儀禮》用 董氏、鄭 父以「亡」作 禮》所用 生,聲由 而 成章。 故曰 無辭之證也。」以上辯「無 曰:「樂以 『笙』,曰『樂』,曰 不言『歌』,則 義 若本無其 爲 =毛傳 皆 樂章 · 「辭生 儀 「歌」。 。 亡。 樵氏 辭 之爲笙詩,前 禮》 謂 所謂 生。 「有其義 而 字,亦略 人聲爲主,人聲即所歌之詩 曰『笙』, 無」,謂「本有聲而 主 夫他 辭,則亦無由 以 于心,聲托 鼓 有 有聲 口 其 爲 辭 瑟 吹 無 説 『奏』,未可 不 而 而 然 面 見及,而 而 詞 而 亡,何 曰『樂』,曰『奏』, 已 亡 後 辭 歌 無 也。 辯之矣。 其辭」,鄭氏 于 朱仲 奏乎其 有 」者,手彈 詞 器。 有其 聲,聲無 辯之者,嚴 以獨 明矣」。 辭之非 不虞其不 以 晦 此爲 義 無 樂由 從之。 中 劉 矣。」 其 儀 心 故

别

爲

怪誕之論者。

鄒肇敏

謂六篇之辭

于是,後人又有求其説而不可得,

即

在《小雅》之内,《南陔》即《天保》云

何玄子踵其意而變之,謂《南陔》即

云。

草蟲》云云。皆不備録。

競出新意,逞奇

乎? 《投壺》魯鼓、薛鼓之節,而亡之耳。」此 更何足與辯哉! 爲經,三百篇爲傳,顛倒惑亂至于如此, 悉依《儀禮》正之,嗟乎,則是以《儀禮》 篇次爲失,于是復移易之,沾沾自喜,謂 陔》諸名,自非爲譜,何貿貿也? 爲鼓而無辭,則《貍首》、《騶虞》亦無 虞》,以鼓爲之節也。 是,而惜其不知爲非三百篇之詩 **尤可笑。射與投壺所歌者,《貍首》、《騶** |《儀禮》|工歌之序爲据,❶謂毛公所移 : 既謂之譜,自無有辭。 「意古 經篇 題之下必有譜焉, 若以《南陔》諸 既 也。 有 至于 南 辭 如

雅》末焉。 所」之《雅》《頌 舊,勿令别 篇名直從删去,俾還「三百 巧,❷滔滔奚 製樂 止 章,以亂聖人「各得 爰詳述其意,附諸《小 更足嘆 也 ! Ŧi. 故 篇 愚 將 其 之

此

⁰ 」,原爲墨丁,顧本補作「鬭」。 一,原爲墨丁,顧本補作「執」。

詩 經 通 論

詩

新安首源姚 寶珊王篤校訂 際恒著

雅

大

説見《小雅》。

降 委屬 命維 本此。〕本韻。有周不顯,帝命不時。 ,在帝左右。 屬,連成一 新。〔旁批:每四句承上語作 文王 在上,於昭于天。 本韻。 片, 曹植《贈白馬王彪詩》 ○賦也。 下同 周 雖舊邦,其 -轉韻 文王 陟

亹亹文王,令聞不已。

陳錫

哉周,侯

周之士,不顯亦 文王孫子。 本韻。 世。本韻。 文王 孫 子, 本支百 世 凡

多士,文王以寧。 此王國。本韻。 世之不顯,厥猶翼翼。 王國克生,維周之楨,濟 本韻 思皇多 士 生

帝既命,侯于周 有商孫子。本韻。商之孫子,其麗不億;上 穆穆文王,於緝熙敬止。 服。本韻。 假哉 天命,

將 蓋臣,無念爾祖 于京。本韻。 侯服于周,天命靡常。 厥作裸將,常服 本韻 殷 就輔冔。 士膚 敏, 王之 裸

鑒于殷,駿命不易 求多福。 〔旁批:此以第二句承上第三句,奇變。〕宜 無念爾祖,聿修厥德。 本韻。 殷之未喪 本韻 師 永言配 克 配 命,自 上

虞殷自天。通韻。 〔旁批:奇語。〕儀刑文王,萬邦作孚。 〔旁 命之不易,無遏爾躬。 上 天之載 宣昭義 無 聲 問,有 無

ĮЦ 四

批:須知此語一更不可作轉。〕本韻。

「戒成王」,則亦可以想見爾。
詩,以爲周公作,近之。《集傳》因以爲集。」與此同,皆誣文王也。《吕覽》引此年,大統未曰:「文王誕膺天命,惟九年,大統未曰:「文王誕膺天命,惟九年,大統未曰:「文王誕膺天命,惟

不、《説文》「大也」。 皆作「丕」,謂古字通,從之。後放此。 命文王耳。「不顯」,「不」字,楊慎、陸深 下以後之辭,雖原本于文王,不可泥爲 下以後之辭,雖原本于文王,不可泥爲

云: 耳。」既不以爲勉,如何又加 勉 貌」,增「强」字,非。 無 也,純亦不已,而 「亹亹,勉 勉 二章「亹」,《爾雅》訓「勉」,毛 功?《中庸》云「不勉而中」,非 也。」《集傳》云「勉 又云:「文王非 人見其若 「强」字耶? 有 按 傳 强 所 之 勉

「不顯亦世」,倒句法。庸》,不信周公乎?《集傳》亦謂周公作也。是。《集傳》乃爲此斡旋之説,豈信《中

美于文王也。 三章此章單承「凡周之士」言,而歸

不通。 四章嚴氏曰:「侯,維也。服、釋文》四章嚴氏曰:「侯,維也。服,來之,

爾 謂:「此殷士今皆爲王所進用之臣,豈得 曰:『得 。」其自爲迂拙 一 念 傳》 不敢斥言,猶所 爾 五章「王之蓋臣」,承上「殷士」言, 無 祖 曰:「于是呼王之蓋 念爾祖文王之德乎!」蓋以戒 文王之德 如 此 乎!」義自明順。 謂『敢告僕夫』云 臣 而告之

六章言殷「克配上帝」,與上「永言配

二四

六

大命之難得也。 命」對照,更覺可畏。所以宜鑒殷而知

旨 云:「天畀人以是日,聽人之爲善爲 事 可畏哉!」正此意。 哉! 微妙,無聲氣可尋,若是,亦何 七章「上天之載,無聲無臭」,非 正言其 可畏也。 予《 庸 關 言 寫 録 天

《文王》七章,章八句。

^{賦也。下同。} 易維王。天位殷適,使不挾四方。本韻。○ 明明在下,赫赫在上。天難忱斯,不

生此文王。本韻。 于京。乃及王季,維德之行。大任有身, 華仲氏任,自彼殷商,來嫁于周,曰嬪

多福。厥德不回,以受方國。^{本韻。} 維此文王,小心翼翼,昭事上帝,聿懷

天

監

在下,有命既集。

文王

初

載,天

在渭之涘。文王嘉止,大邦有子。本韻。作之合。〔旁批:佳語。〕本韻。在洽之陽,

批:總上二句。〕纘女維莘,長子維行,篤生有命自天,命此文王,于周于京。〔旁迎于渭。本韻。造舟爲梁,不顯其光。本韻。大邦有子,俔天之妹。文定厥祥,親

殷商之旅,其會如林。矢于牧野,維武王。保右命爾,燮伐大商。本韻。

師尚父,時維鷹揚。凉彼武王,肆伐大商,牧野洋洋,檀車煌煌,駟騵彭彭。維予侯興。上帝臨女,無貳爾心! 本韻。

會朝清明。本韻

蓋芝本、醴源 明》頌二 事,亦所 不到耳。」 此 敘周家二母 母 以告成王與! 而 ,文詞之妙,所謂意到 未及尚父,邑姜已在其中, 以 及文 毛維 黄曰:《大 王、武王之 而

一章「挾」,猶持也。《集傳》訓

經耶 也。 嫁 氏 《書》爲叠言,胡文理淺事尚不 汭」,詳其 汭,嬪于虞』。」按,《書》曰「降」,言其下 言,以釋上句之意,猶曰『釐降二女于潙 文理,其層次毫忽不 子周. 禮 也。 復有 曰:「重,謂懷孕 「京」,京師之地 」,成婦也。 然 惟 此詩正與之同。「來嫁」,始嫁也。 二章「摯仲氏任」,鄒肇 精 則 嫁 」二句,《集傳》云:「嬪于京, 「身」,毛傳 曰「嬪」, 言其 如 摯任 身,故言『重』。」古 長 地名也。 此。 女,餘皆爲 非 周 ^ 耶?」此説良是。「 集傳》但曰「身,懷孕 也。」孔氏曰:「以 曰:「重平聲。 也。 」,國名也。本地名爲 · 苟。 曰「虞」, 詳其國名 成婦也。曰「 媵, 乃皆誤以《詩 古人立言悉 敏 自 人解 日 一之知 殷 : 以 也。 「漢 析 而 潙 有 鄭 談 來

也」,甚粗。

附之國」,向來從之,非。「文王由方百起」是也。鄭氏謂「四方來「文王由方百起」,爲方百里之國,孟子曰

稱。 譬喻物曰磬作,然也。」《集 妹」,尊稱之也,猶 磬也。」「俔」不訓「磬」。 而毛傳用之,恐涉附會 云:「俔,譬也。」字亦誤。 爾雅》云「天子造舟、諸侯維舟」云云、 造舟爲梁」,當時適 説文》云「諭也」。 女將歸,故《易》卦名《歸妹》。 五章「俔」,未詳。《 孔氏 王 有此 曰「天王」之義。 韓 曰:「如今俗語 事,故詩及之。 「妹」,少女之 又引《説文》 詩 傳》云:「俔 》作 磬」。 一天

女維莘也。「纘」字,略斷,「女維莘」倒曰嬪于京」言之,謂得纘大任之業者其「于周于京」,總第二章大任「來嫁于周,、亦章「于周于京,纘女維莘」 連 讀。

字法也。

「維」,●非。侯,謂武王也,《集傳》以「侯」爲侯,謂武王也,《集傳》以「侯」爲諸七章「維予侯興」,鄭氏解「侯」爲諸

八句。《大明》八章:四章章六句,四章章《大明》八章:四章章六句,四章章

諱,妙。〕本韻。○此而賦也。 公亶父,陶復陶穴,未有家室。〔旁批:不公亶父,陶復陶穴,未有家室。〔旁批:不善縣縣瓜瓞,民之初生,自土沮漆。古

迺慰迺止,迺左迺右,迺疆迺理,迺宣

迺畝。 自西徂東,周爰執事。 本韻

其繩則直,縮版以載,作廟翼翼。本韻。 乃召司空,乃召司徒,俾立室家。本韻。

門將將。迺立冢土,戎醜攸行。❷本韻。 迺立皋門,皋門有伉。迺立應門,應

亦饒姿態。〕
禦侮。〔旁批:以上四句直收,章法甚奇,有疏附,予曰有先後,予曰有奔奏,予曰有虞,予曰有奔奏,予曰有

是。《集傳》謂「周公戒成王之詩」,則臆《小序》謂「文王之興本由大王」,亦

[「]侯」,原闕,今據朱熹《詩集傳》卷六補。

[「]醜攸」,原爲墨丁,據《毛詩正義》卷十六之二補。

題與一次的一型之。 測矣。孫文融曰「若周公戒成王詩,豈

應稱古公耶」是也。

以晉侯比文王,以韓子比四輔矣。 安。《左傳》昭二年,已賦《縣》之卒章, 方商,甫尊文王,尚未追王大王,是彼時 克商,甫尊文王,尚未追王大王,是彼時 克商,甫尊文王,尚未追王大王,是彼時 克商,甫尊文王,尚未追王大王,是 以末章

電也。復,重窑也。」絶不明。雨,穴則以隔土氣。《集傳》云:「陶,窑所爲,而以瓴、甓之類甃之,復則以拒風货。「穴」者,土中室也。復、穴雖皆土復。「穴」者,土中室也。復、穴雖皆土

「趣馬」,亦官名。古不乘馬而走,「趣」字或省作「走」耳。古不乘馬而走,「趣」字或省作「走」耳。「華馬」,龍野王作「趣馬」,是。

菜也。 美菜。 《公食禮》言君待其臣 知其如飴乎?」 應言其宜 食之物非其類矣。 之『堇』也。説者皆祖之。若爲驪姫『寘 鳥頭,且引《晉語》驪姬 甘如飴,言美、惡皆宜 堇肉』之『堇」,則與酖 于肉』爲證,蓋 三章嚴 《七月》言食農夫以 雨、露所濡,甘若齊實。 毒 氏 物 日 也。 以 : 此堇 且 詩人稱周原之美,不 内 毒物不可食,何由 毒同 爲《爾雅》『芨堇』 也。 一,皆以 『真酖于酒,真堇 則》言婦 茶,則茶 類 孔氏 堇,則堇 與茶菜可 堇、荼皆 養舅姑, 謂 堇 非

四章此章言其定民居、田畝也。

所有之官,天子有之,諸侯亦有之,故武五章「司空」、「司徒」、「司馬」,商世

正《牧誓》呼此三官,而此詩以築室之故 是以禮爲證。然宗廟之重于室家,亦自 定以禮爲證。然宗廟之重于室家,亦自 定以禮爲證。然宗廟之重于室家, 是以禮爲證。然宗廟之重之辭也,不必 。 曰「作廟翼翼」,特重之辭也,不必 。 曰「作廟翼翼」,特重之辭也,不必 。 可「作廟翼翼」,居室爲後。」釋 定以禮爲證。然宗廟之重于室家, 正,而此詩以築室之故

如此,又可見詩人立言之有次第也。讖語云「先打墻,莫思量」。今可見古亦木工言,必須築室畢,然後築墻。彼傳上章言治宮室矣,此言築墻也。予嘗聞上章言治宮室矣,此言築墻也。予嘗聞

則天子、諸侯皆立之。當時所命名,後因以爲天子門名耳。社當時所命名,後因以爲天子門名耳。社一一章郭門曰「皋門」,正門曰「應門」,

與昆夷之事實言,今不可考矣。觀二八章「肆不殄厥愠」二句,必指當時

實可知。「厥」字同,可見彼爲事實,則此章亦事「厥」字,與下章「虞芮質厥成」二句二

假,益無是處矣。 之心耳。解者離上句釋之,便紛然摹乃爲之「蹶厥生」,大約是謂動其生讓畔乃爲之「蹶厥生」,大約是謂動其生讓畔其義自承上句「虞芮質厥成」來,而文王其義自承上句「虞芮質厥成」來,而文王

《緜》九章,章六句。

右趣平聲,本韻。之。興也。 芃芃棫樸,薪之槱之。濟濟辟王,左

我,髦士攸宜。本韻。賦也。 濟濟辟王,左右奉璋。本韻。奉璋

我

也,文亦至文。〕周王壽考,遐不作人?倬彼雲漢,爲章于天。〔旁批:天文

紀四方。本韻。

工能官人」,差些,蓋襲《左傳》釋《卷耳》王能官人」,差些,蓋襲《左傳》釋《卷耳》此言文王能作士也。《小序》謂「文

向」,泛甚,蓋本之歐、蘇。 向」,泛甚,蓋本之歐、蘇。 一章、二章此二章言文王得助祭之事 向」,泛甚,蓋本之歐、蘇傳》循《序》「官 左右趣之」,汎謂其趨蹌也,下則單指 「左右趣之」,汎謂其趨蹌也,下則單指 也。鄭氏皆指文王祭言,是。觀兩章皆 也。鄭氏皆指文王祭言,是。觀兩章皆

三章此章言文王得征伐之士也。

治而作人材也。 四章此章言文王法天之文章,以興文

玉」,皆人力勉然之事,又以見文王益加玉章此承上章而言。「追、琢」,「金、

玉其相」,人文也。 漢,爲章于天」,天文也。「追琢其章,金勉乎其文而綱紀此四方也。「倬彼雲

《棫樸》五章,章四句。

瞻彼旱麓,榛楛濟濟。豈弟君子,干

禄豈弟。本韻。○興也。

豈弟君子,福禄攸降。本韻。○興也。 瑟彼玉瓚,黄流在中。〔旁批:華語。〕

景福。本韻。○賦也。清酒既載,騂牡既備,以享以祀,以介

所勞本韻。矣。興也。 瑟彼柞棫,民所燎矣。 豈弟君子,神

福不回。本韻。〇興也。 莫莫葛藟,施于條枚。豈弟君子,求

《小序》謂「受祖」,《大序》因以爲

五

篇 則以 福 周之先祖 因 與上篇 季申以 爲 祭祀 文王,或又以爲武 百福干禄」。 亦相似,大抵咏其祭 世修 及其助祭者以見其作人之 后稷、公劉之業,大 《集 王。 。 傳》、《詩 愚 祀 意,此 而 王 獲

禄,而爲之回護,併此亦不一思,何也? 且士人干王者之禄,王者則干何人之 道,猶曰『其争也君子』云爾。」絶可哂。 個護曰:「『干禄豈弟』,●言其干禄之有 回護曰:「『干禄豈弟』,●言其干禄之有 一例語。禄自我干,福自我求,故福禄 一例語。禄自我干,福自我求,故福禄 一例語。禄自我干,福自我求,故福禄 一例語。禄自我干,福自我求,故福禄

下三章則皆以祭祀獲福言之。曰:「豈弟君子,遐不作人?」亦見魚、鳥文藻掞及天、淵之意,故亦亦見魚、鳥文藻掞及天、淵之意,故亦漢,爲章于天」,此言「鳶戾天,魚躍淵」,

《旱麓》六章,章四句。

,則謂文王爲近也

嗣徽音,則百斯男。本韻。○賦也。下同。篇眼目。〕思媚周姜,京室之婦。本韻。大姒思齊齋。大任,文王之母,〔旁批:一

净。〕本韻。
 惠于宗公,神罔時怨,神罔時恫。刑事,至宗公,神罔時怨,神罔時恫。刑事,不顯亦臨,無射

肆戎疾不殄,烈假不瑕,叶韻。不聞亦

❶ 「禄」,原爲墨丁,今據朱熹《詩集傳》卷六補

四句。

式,不諫亦入。〔旁批:妙旨。〕本韻。

斁,譽髦斯士。通韻。 肆成人有德,小子有造。古之人無

《小序》謂「文王所以聖」,●是。嚴 以得聖,由其賢母所生,止是首章之意 以得聖,由其賢母所生,止是首章之意 以得聖,由其賢母所生,止是首章之意 以得聖,由其賢母所生,止是首章之意 以得聖,由其賢母所生,止是首章之意 以得聖,由其賢母所生,止是首章之意

嗣其「思齊」、「思媚」也。「大姒嗣徽音」,媚」者,言其爲婦道也。「大姒嗣徽音」,一章「思齊」者,言其爲母道也。「思

當言「刑于寡妻」矣。

聖處。下三章皆言文王之聖,正見其所由

《思齊》五章:二章章六句,三章章

賦也。下同。 眷西顧,〔旁批:雋語。〕此維與宅。本韻。○國,爰究爰度。 上帝耆之,憎其式廓。乃國,爰究爰度。 上帝耆之,憎其式廓。乃民之莫。維此二國,其政不獲。維彼四民之莫。維此二國,其政不獲。維彼四

天立厥配,受命既固。本韻。剔之,其壓其柘。帝遷明德,串夷載路。灌其栵。本韻。啟之辟之,其檉其椐。攘之惟之解之,其菑其翳。修之平之,其

無喪,奄有四方。本韻。則友其兄,則篤其慶,載錫之光。受禄對,自大伯王季。維此王季,因心則友。本對,自大伯王季。維此王季,因心則友。本語甚奇。〕柞棫斯拔,松栢斯兑。帝作邦作語甚一、資其山、〔旁批:將上帝看作家人,

維此王季,帝度其心,貊其德音。本韻。

「聖」,原誤作「興」,今據《毛詩正義》卷十六之三改。

五四四

本镇。 于文王,其德靡悔。既受帝祉,施于孫子。 此大邦,克順克比。〔旁批:斷續得妙。〕比 其德克明,克明克類,克長克君。^{通韻。}王

旅,以篤周祜,●以對于天下。本韻。
阮徂共本韻。王赫斯怒,爰整其旅,以按徂先登于岸。」本韻。密人不恭,敢距大邦,侵

萬邦之方,下民之王。本韻。池。」本韻。度其鮮原,居岐之陽,在渭之將,「無矢我陵,我陵我阿,無飲我泉,我泉我不無失我陵,我陵我阿,無飲我高岡。本韻。

援,與爾臨衝,以伐崇墉。」本韻。 帝謂文王:「詢爾仇方,同爾兄弟,以爾鉤不長夏以革。不識不知,順帝之則。」本韻。 帝謂文王:「予懷明德,不大聲以色,

馘安安。本韻。是類是禡,是致是附,四方臨衝閑閑,崇墉言言。 執訊連連,攸

是肆,是絶是忽,四方以無拂。本韻。以無侮。本韻。臨衝茀茀,崇墉仡仡。是伐

生以見其爲聖也。《小序》謂「美周」,泛混。大抵上篇《思齊》與此篇皆咏文王。《思齊》則述《思齊》與此篇皆咏文王。《思齊》則述

于岐周之地修治林木,上帝遷此明德之二章「串」,或作「患」。 大意謂大王

從兹堅固也。 立厥配」之大姜爲助,而我周所受之命君,所患之夷亦滿路而不恣,内又有「天

能友 兄」,因以「篤慶」,「錫光」,描摹家 段,藹然致祥光景也。 王之心也,故受大伯之讓 言王季先及大伯。 季以來,由大伯讓于王季,而文王興,故 爲邦而 柏兑,往來道通,人物蕃盛,于是始成 上糾纏作解,古人作詩要無此意 作對」,猶「對于天下」也。 矣。 三章「帝」,上帝也。 有君矣。故曰「帝作 下單承「則友」言,「則友 「因心」者,王季因 舊解皆切合受讓 作、 域拔而松、 而不辭,則 自大伯、 邦作對 庭 王 是 大

無使其然,「誕先登于岸」謂先据高以制猶跋扈也,「歆羨」猶覬覦也。「無然」謂也。文王爲西伯,紂使之征伐。「畔援」也。文王爲西伯,紂使之征伐。「畔援」

恭」,即 釋氏 《詩》不可説 况可入釋氏之理耶! 下 何接得去? 獄」固 也 之教也。 畔援、歆 于 非, 是 人理障,且下「密人不恭」如 又以「道」爲「岸」、「彼岸」、 集傳》説作 密人之不恭 解《詩》不可入吾儒之理, 羨之類。 「道」無論。 則征 「岸」,鄭氏 之。

通。 即上「侵阮 按既云「遏密」,又云「出以侵密」,無異 《集傳》云:「文王安然在周之京,而所整 時,蓋從伐密之侵阮來,在伐密以 醉夢語,可怪殊甚。 之兵既遏密人,遂從阮 書紀年》爲地名以 「鮮原 六章此言定都也。 」,必是地 徂共」也,乃云「侵密」,尤不 且侵阮本謂 證,此書不可 名,今無考。 謂依其在周京之 疆 而出以侵密。 後也。 信。

遏旅之時,不大其聲音與色相也,不長七章帝謂予懷文王之明德,其整旅、

二 石.

從乎!
庸》説理。不知《中庸》斷章取義,豈可謂「德之深微,不暴著其形迹」,全本《中謂「德之深微,不暴著其形迹」,全本《中

《皇矣》八章,章十二句。

韻。○賦也。下同。 日成本韻。之。經始勿亟,庶民子來! 本日成本韻。之。經始勿亟,庶民攻之,不經始靈臺,經之營之。庶民攻之,不

鳥翯翯。王在靈沼,於牣魚躍。本韻。王在靈囿,麀鹿攸伏。 麀鹿濯濯,白

虡業維樅,實鼓維鏞,於論鼓鐘,於樂

辟廱。本韻。

以前,民不附乎? 大王遷岐,何以從之《小序》謂「民始附」,混謬語。文王瞍奏公。本韻。

如歸

市也?《大序》謂「民樂其有

靈德

四章

辟廱」,非天子之學,戴仲培、

且使「靈」字之義反説得小家矣。然而成,如神靈之所爲也。」此係臆解,然一章《集傳》云:「謂之靈者,言其倏

三章「論」,論鐘、鼓之節度,不必改其自得而無畏人之意,寫物理入妙。鶴也。 鹿本駭而伏,魚本潛而躍,皆言

作「倫」。

形所 即毛傳「水旋丘如璧」之説,亦非實。然 文王爲作樂之地焉。 者,築城池,建垣翰,以成京師,而 者,作樂之地也。故莊子言歷代之樂曰 章曰「鎬京辟廱」,正可證。謂之「辟廱」 也。《文王有聲》上章曰「皇王維辟」,下 果未然也。 鄭在其後,而皆不之信,則《王制》之説 子之學日 禮」,皆不言天子之學。 王 如 楊 非。「公」,公庭,毛傳訓「事」,非。《國 文王有《辟廱》」,是矣。「鎬京辟 有 壁 有此説,而以《魯頌》「泮水」爲半璧之 用修皆闢 用牛 自來矣。「鼉鼓」,甚新,則知革音 聲》篇曰「武王于鎬 曰『辟廱』,以節觀者」,鄭氏于《文 辟廱」,毛傳輯《王制》之時,❶ 矣。乃或反疑之,作爲别解, 大抵「辟」,君也,「廱」,和 之。 今按毛傳第言「水旋 然則辟廱 自《王制》曰「天 京行 既非學, 辟廱之 亦法

> 云「公」,皆取協韻耳。 在周之庭」。或云「公庭」,或云「庭」,或風》云「公庭萬舞」,《頌》云「有瞽有瞽,

四句。《靈臺》四章:二章章六句,二章章

于京。本韻。〇賦也。下同。 下武維周,世有哲王。 三后在天,王

配

王之孚。本韻。 王配于京,世德作求。永言配命,成

思維則。本韻。 成王之孚,下土之式。永言孝思,

本韻。 批:第三句應上第三句,變。〕昭哉嗣服。 批:第三句應上第三句,變。〕昭哉嗣服。 姻兹一人,應侯順德。永言孝思,〔旁

天之祜。本韻。 昭兹來許,繩其祖武。於萬斯年,受

「輯」下,顧本有「于」字。

二五七

老

二五八

有佐。本韻。 受天之祜,四方來賀。於萬斯年,不

遐

王也。《小序》謂「繼文」,是。蓋咏武

乎? 《詩》多拗字,處處皆然,且下言「三后」 也。 武 即 文、武者乎? 此不通于文義也。其云 中有文王,豈有下言「三后」而上又言 「下,義未詳,或亦字當作『文』。」無論 上武,何以謚爲武,而其樂亦名《武》 曰「武王之心上文不上武」。 嗟乎,既不 止「下」義而已! 此不通于字義也。 「『下』 義未詳」,吾患其「武」 義未詳,豈 〈集傳》爲此猜疑之説,故嚴氏因爲之解 乎前人者維周也,以其世世有 下「繩其祖武」之「武」,謂下世而 傳箋解此亦皆明。《集傳》忽云: 武王取天下以武,故謚以武,樂亦 章「下」,後也。「武」,繼也,迹也, 哲王 能

不足嗤已!

五章「繩其祖武」,兼祖、考言。《集不足嗤已!

本章「繩其祖武」,兼祖、考言。《集工工章「繩其祖武」,兼祖、考言。《集工工量、元章「繩其祖武」,兼祖、考言。《集工工量、元章「繩其祖武」,

《下武》六章,章四句。

厥成。本韻。文王烝哉! 賦也。 文王有聲,遹駿有聲,遹求厥寧,遹觀

文王受命,有此武功。既伐于崇,作

邑于豐。本韻。文王烝哉! 賦也。

追 來 孝。 城 本韻。 伊 淢 作豐伊 王后烝哉 匹。 賦 匪 也 棘 其 遹

后維翰。本韻。王后烝哉! 賦也。 王公伊濯,維豐之垣。四方攸同,王

王維辟。本韻。皇王烝哉! 賦也。 豐水東注,維禹之績。四方攸同,皇

北 無思不 鎬 京 辟 服 廱 自 本韻。 西自 皇王烝哉 東。 本 韻。 賦也 自 南 自

王成本韻。之。武王烝哉! 賦也。 考卜維王,宅是鎬京。維龜正之,武

以燕翼子。本韻。武王烝哉! 興也。 豐水有芑,武王豈不仕! 詒厥孫謀,

謂文王遷豐,武王遷鎬,是矣。崇」而言。此詩豈重此句哉!《集傳》《小序》謂「繼伐」,以詩中「既伐于

盛升進之意。舊説謂「君」,非。如「王「烝」、《説文》「火氣上行」,贊其熾

字,故 休 謚 乎! 惟 作豐之屏翰也 在 也。中四章皆言武王,鄧潛谷説 后 水 兀 章,「作豐 今爲推廣之:言「武王」者,本其崩後之 末言「文」、「武」者,以見文始之、武終之 **贊之**曰「文王 維豐之垣」,謂作豐之籓籬 武王」字,故下贊之曰「武王烝哉」。 東 武 也;「聿追 生 而 謂營洛 始 注 王 爲 言 三、四 首二章 皇 君而 也。 可當,文王不敢當 露 」,直言鎬在豐水之東也。 王 伊 「鎬京」字,正見文筆隱顯 與 匹,《 兩章皆言「王后烝哉」。 言 言「王后」、「皇 來孝」,孝文王 詩 即 周 烝 ; 也。 「四方攸同」,大君之象, 哉 中 君 爲匹,此謂營鎬 皆 也 書·洛誥》「作周 四章詩 有「文 末二章詩中 又 也。 E 也; 王」字,故 中有「王后」 王」者,本其 也。 五章、「豐 君 「維翰」, 哉 與豐爲 如此。 四 皆 之 几 可

妙 其孫之謀,而燕安輔翼其子耳。」 官者,言無 穀,喻養成人材也。武王豈 是營鎬 「述用 然七章始言「宅是鎬 而 寫其氣象如此也。 材也。 不 用之,無遺 豐水之傍以 材 京」,則 也。 有不任之以 潤 蓋 澤 以 欲 孔 生 前 傳

王時詩乎! 正不必。夫曰「武王」,人豈有不知爲成正不必。夫曰「武王」,人豈有不知爲成正時之詩,愚謂

《文王有聲》八章,章五句。

何, 也。 夙,載生載育,時維后稷。 句。〕履帝武敏歆,攸介攸止。 奇,古人爲文已如此,又何疑焉。〕本韻。 下同 克禋克祀,以 厥 初生 民,時維 弗無 姜嫄。 子。 〔旁批: 本韻。 本韻。 旁批 借 載震 生 民 倒 〇賦 見 載 字 如

誕彌厥月,先王如達。不拆不副,無

不康禋祀,居然生子。〔旁批:奇句。〕本韻。菑無害。本韻。以赫厥靈,上帝不寧。本韻。

實覃實訏,厥聲載路。本韻。冰,鳥覆翼之。見上。鳥乃去矣,后稷呱矣。之平林,會伐平林。二「林」同韻。誕寘之寒之平林,會伐平林。〕隔二句與下「之」叶。誕寘其弄姿,疊出奇致。〕隔二句與下「之」叶。誕寘其弄姿,疊出奇致。〕隔二句與下「之」叶。誕寘

麥幪幪,瓜瓞唪唪。本韻。蘇之荏菽,荏菽旆旆,禾役穟穟。本韻。麻誕實匍匐,克岐克嶷,以就口食。本韻。

室。本韻。實知實理。即有邰家秀,實堅實好,本韻。實顯實栗。即有邰家種之黄茂。實方實苞,實種實褎,實發實種之黄茂。實方實也,實種實。,實際豐草,

以 之秬 歸 肇祀。 **胚**,是穫是畝。 誕 降嘉種,維 本韻 秬 恒之糜芑,是任是負。 維 秠 維 糜 維 世。

誕我祀如何? 或舂或揄,或簸或

祭脂 蹂 ; 本韻 釋之叟叟,烝之浮浮, 本韻。 取無以 載 載 燔 載 載 謀 烈 載 惟 興 取 蕭 嗣

上 言后 後 后 穀 此詩」。 從之,謂「周公制禮,尊后稷配天,故 之功起于后稷,故推以配天」。 配 何」及「以興嗣歲」、「上帝居歆」等語,正 居歆。 後 ·耕。」按詩言「以歸肇祀」、「誕 稷,以祈農事也,是故啟蟄 也」,引《左》襄七年孟 ,

庶無罪悔。

本韻。以

込于今。

見上。 卬盛于豆,于豆于登,其香始 稷 世 以 ·小序》謂「尊祖」,《大序》謂「文、武 后稷 種 祈 何玄子謂「此詩郊祀 固 穀 與下「今」叶。 穀 紕謬 配 成,始修 之祭然。 天,即 無 理 解詩 一,而 祀事,興嗣 胡臭亶時 鄭氏 獻 後 中所言爲 子曰: 人 以《大序》言 而 后 以此詩 郊,郊 稷,以 《集傳》 升, 我 來歲, 郊 后 祀 后 本 稷 韻 如 而

> 然也 將詩 之用 詩中無一字及之,更不足辯 郊 祀 語 后 、詩用混而爲 按詩 稷 集傳》又謂「受釐、頒胙之禮 以 語 祈 自詩 穀 者 語 亦取 一,吾未 一詩用 詩 自 義 有 以 詩 以見其 用 證 此 今

以

此

詩,周公述始祖后稷誕生之異,

《其播種百穀之功而肇修祀典也。

耶 ? 妃, 字拗難 也,丹朱不肖,何不傳弟而 稷之生其異如此,是有聖德 氏,帝嚳也。 而 嫄,何也? 舜始用之? 歷 且詩何不言帝嚳之子而言其 來相傳 章姜嫄,高辛氏之世妃,或云 解, 似謂 此皆可疑也。 與 如此。 或曰:堯官之矣。 堯爲弟兄,何以堯 弗 使其 然有可疑。 無 「以弗無 子。 而 必 宜有 傳 鄭 不 異 高 母 天下 元 姓 用 后

[「]興」,原爲墨丁,今據《毛詩正義》卷十七之一補

乎? 迂鑿。 記》後,不足信。 踐之而心動如孕者。」《史記》必有所本, 嫄 所感也。 蓋棄之者怪之也,怪之者以其非人 禋祀所求而得之子,如是多方以棄寘 帝武」之義,如毛傳謂履高辛氏之迹, 歐陽氏以來,辨其不經者多矣。然「履 是依」,其微辭正可想見,亦是明證。 頌》亦述姜嫄 與詩句合。《列子》亦云。但《列子》僞書,在《史 從于帝而見于天」,亦自可通。 誕寘之隘巷」一章作何解? 出 ,而于詩第三章則不敢于議 而 生子 作「被 野 庶民之家尚不如此,奚况 「履帝武敏歆」,按《史記》曰:「姜 ,見巨人蹟,心欣然説,欲踐之。 若鄧潛谷、季明德以 , 則又過矣。 故鄭氏 事,櫽括此詩爲言曰「上帝 謂「祓 循之爲解。又按《魯 除 其 人惟 無子之疾」, 知 豈有從 爲姜嫄 帝子 其如 道 自

> 過正 其奇文可也。 之。然曰「誕 也? 文勝耳。不如且依舊解,存其異迹, 生、《魯頌》亦曰 上古世事本多奇異,而詩人形容或不 ,如後人作文,喜取異事妝點,使其 或謂 羊七月而 「彌厥月」,則「如達」明 「彌月不遲」可 生,此 亦 七 證 月 大 謂 故 無 抵

三章「腓」,「芘」同。「字」,乳之也。文也,其于無人道之感意亦顯然。 二章「居然生子」,「居然」二字非拗

縮筆,有意到筆不到之妙。乃去矣」,亦但言鳥去,不言人收。皆用乃去矣」,亦但言鳥去,不言人收。「鳥「會伐平林」,但言伐木,不言人收。「鳥」「常」「茈」同。「字」,乳之也。

所 所 后 嫄之國也。 也。」 稷 以 得 于 五章「即有邰家室」,毛傳曰:「邰,姜 羅泌駁之曰:「昔者帝嚳取于有 封后 邰。」孔 稷 堯見天因邰而 人者,或 氏 曰:「邰國當自有君。 時君絶 生后稷,故國 滅,遷之他

存之。 也。 駘,固齊地,乃有逢伯陵所居,大姜祖 之駘至周猶在,豈得云以是而封稷哉! 然及太王復取于有駘氏曰大姜,是姜姓 曰 駘氏, 曰姜嫄, 生后 爲『有邵』,未可知也。」羅説是,何説 耳。吕,姜姓也。《國語》云:『堯胙四岳 「有吕」,「吕」、「台」相似,疑但當作「吕」 于瑯琊,固不同也。」何玄子曰:「瑯琊之 不知稷封之駘在于武功,而姜姓之駘 固姜姓,或是訛『有吕』 爲『有台』,轉訛 國,命爲侯伯,賜姓曰姜,氏曰有吕。』 · 粉。 然大姜之『有台』,据《列女傳》作 説者咸謂帝堯以其母國封之。 在 嫄

本此。「以興嗣歲」,祈來歲也 七章「軷」,爲祭行,《月令》冬「祀行」

也。」終言「后稷肇祀」,至于今承而行 八章「卬」,我也。 鄭氏曰:「我后稷

> 之,幸得 無 罪 悔 也。 以 是作 收, 意 淳

辭質。

《生民》八章: 四章 章十句, 四章章八

詩 經 通 論

詩經通論卷十四

新安首源 韓城寶珊王篤校訂 姚 際 恒著

大 雅

兄弟,莫遠具爾。 維葉泥泥。〔旁批:取興自佳。〕本韻。 ○興也。〔旁批:爲末章地。〕 敦彼行葦,牛羊勿踐履。 或肆之筵,或授之几。本 方苞方體 戚戚

聲脾臄,或歌或咢。本韻。 洗爵奠斝。本韻。 肆筵設席,授几有緝御。 **醯** 臨 以 薦,或燔或炙。 ○賦也。下同。 或獻 或

賓以賢。本韻。

敦弓既句,既挾四鍭。

本

敦弓既堅,四鍭既鈞。

舍矢既均,序

四 鍭 如 本韻 樹 、 (旁批: 形容貫革, 妙。」 序 賓 以

考維祺,以介景福。 本韻。 台背,以引以翼。〔旁批:有致,如畫。〕壽 賓」字。〕酌以大斗,以祈黄耇。本韻。 曾孫維主 一,酒 醴維 醹、〔旁批: 應上二 黄耇

祭畢 惟言優老,非養老之禮,而「乞言」尤 者,養老、乞言,以成其 説。《大序》謂:「内睦 附會,詩中無之也,乃其自撰,則謂「 謂「逐句生意,無復倫理」,是。 玄子曰:「此未免爲末章『曾孫』二字所 少壯者不堪,又可苛求于高年乎!」 曰:「夫孔熯之餘,再欲逞破的之技,即 「《雅》有《行葦》,昭忠信也。」此本之 ·而燕父兄、耆老之詩」。 《小序》謂「忠厚」。 燕毛之禮,在祭畢賓興之後,如《楚 福禄焉。」朱仲 九族,外尊 按《左傳》 鄒 蓋 末 日 敏 涉 章 晦 黄 爲 何 疑

六四

説駁朱,皆是。 矢序賓』之事,其非燕毛之禮甚明。」二茨》之燕,不及異姓,而况篇中又有『舍

何氏 《後漢書》寇榮曰: •「昔文王葬枯骨,公 客之詩,而醻酢、射禮亦並行之,終之以 及草、木、牛、羊六畜且猶感德。」一 尊優耆老焉。 寇榮皆本《列女傳》。 劉敦行韋,世稱其仁。」按雜説所傳,王符、 行乎? 牛、羊踐葭、葦,惻然爲痛之。』」 弓工妻謁于平公曰:『君聞昔者公劉之 車以避葭葦。」一徵之《列女傳》曰:「 越春秋》曰:「公劉慈仁,行不履生草,運 一徵之王符《潛夫論》曰:「公劉厚德,恩 文執而求之也。 ,搜考可謂博矣,今載于此,以備 何玄子謂此詩美公劉。一徵之《吴 然則是詩者,固燕同、異姓父兄、賓 古禮不可考,不得以後世 雖未必爲此詩正 一解,但 一徵之

説。

也。以「行」如字訓「道」,恐非。 一章「行葦」,當音「杭」,謂成行列

釋算,故略之不言。「敦弓既句」一段,此終射也。蓋初射不「敦弓既句」一段,此終射也。蓋初射不三章「敦弓既堅」一段,此正射也。

與引翼而出,所以優老也。不射,恐其寥落,而酌大斗以祈其年,相不射,恐其寥落,而酌大斗以祈其年,相

《行葦》四章,章八句。從《集傳》。

也。下同。「殺」,妙。〕君子萬年,介爾景福。本韻。○賦既解以酒,既飽以德。〔旁批:不言

飽

」,妙。〕君子萬年,介爾昭明。

既醉以酒,爾殽既將。

〔旁批:

不言

昭 明 有 融,高朗令終。 令終 有 俶,公

告。

攝 以 威儀。本韻 其告維何? 「籩豆 静 嘉。 朋 友 攸 攝

永錫

爾類。 威儀孔時,君子有孝子。 本韻 孝子 不

永錫祚亂。 本韻。

其類 維 何? 室家之壺。 君子 萬 年,

景命有僕。本韻 其僕維 其糺 維 何? 何? 釐爾. 天被 女士。 爾 禄。 君子 釐 爾 女 萬 ±, 年,

從以

孫子」。本韻。

之,非謝答之辭也。 答《行葦》」、《行葦》既未必爲祭詩,又何 《孟子》,絶可笑。《集傳》謂「父兄所以 答也? 且後數章皆從「公尸嘉告」而 醉酒、飽德,人有士君子之行」,規 《小序》謂「太平」,泛混。《大序》 謂

> 夢見! 于言尸之飽也。此豈後世摛詞家所能 德」,則與 此祀宗廟禮成,備述神嘏之詩 章「醉 生人異,在不即 酒」,言尸猶 與生人同。「 不離間,真

意。 《集傳》從之,非也。 承鄭之誤而誤者。何也? 而以善名終。」此説是,即「以永終譽」之 女以光明之道,又使之長有高明之譽, 景福」爲「五福」,故孔氏遂牽合之。 自孔氏釋「令終」爲「考終命」,則又 三章「高朗令終」,鄭氏曰:「天既 鄭氏妄以 與

考叔,純孝也,施及莊公。」引證亦明。 廣之以教道天下也。《春秋傳》曰:『穎 毛傳以「類」訓「善」、《集傳》從之,亦非。 (既醉》八章,章四句。 五章「類」,鄭氏謂「族類」是,曰:「謂

清,爾殽既馨。公尸燕飲,福禄來成。本韻。鳧鷖在涇,公尸來燕來寧。爾酒既

○興也。下同

宗,福禄攸降。公尸燕飲,福禄來崇。 湑,爾殽伊脯。公尸燕飲,福禄來下。 欣,燔炙芬芬。公尸燕飲,無有後艱。 多,爾殽既嘉。公尸燕飲,福禄來爲。 旨。而《集傳》本之,因謂「祭之明日 日,今《有司徹》是其事也。天子、諸侯 尸之禮,大夫謂之『賓尸』,即用其祭之 而賓尸之樂」,然又有誤。孔氏曰:「 燕,成王之時尸來燕也。」 此説可爲 下曰:「祭祀既畢,明日又設禮而 鳧鷖在渚,公尸來燕來處。 鳧鷖在亹,公尸來止熏熏。 旨酒欣 鳧鷖在潨,公尸來燕來宗。 鳧鷖在沙,公尸來燕來宜。 《序》謂「守成」,泛混。鄭氏于上章 既 爾 爾 本韻。 燕 本韻。 本韻。 本韻。 與尸 酒 酒 繧 既 既

之事,疏語分别明了,惜乎其未閲耳。是謂在明日也。」此「公尸燕飲」,是繹祭年言『辛巳,有事于大廟。壬午,猶繹」,則謂之『繹』,以祭之明日。《春秋》宣八

詩。 子之禮,而不追王其尸,服以先公之服, 耳。其云「公尸」者,組紺以 後會涇。 故稱「公」與? 則去涇近矣。」按此 而入渭。 而 唯首章涇是水名,餘俱從涇上推説 後至涇。武王 章嚴氏曰:「渭水東流、先會豐 豐水自南而入渭,涇水自 文王居豐,在豐水之西,則 説 居鎬,在豐水之東, 則謂武王祭祀之 上第祀以天 西北 越 而

《鳧鷖》五章,章六句。

佑命之,自天申本韻。之。賦也。下同。德。起二句無韻。宜民宜人,受禄于天。保假《左傳》、《中庸》作「嘉」。樂君子,顯顯令

嚴氏分爲六章,章四

季

四方之綱。本韻。因方之綱。本韻。受禄無疆,由群匹。〔旁批:對上。〕本韻。受禄無疆,率以,宜君宜王。不愆不忘,率由舊章。本韻。皇,宜君宜王。不愆不忘,率由舊章。本韻。

明德分爲三章,章八句。庸》引此詩首章可證。歸

皆不必從

耳,豈可用于此詩! 或是成王之朝,而忘,率由舊章」二語耳。然何自而嘉忘,率由舊章」二語耳。然何自而嘉忘,率由舊章」二語耳。然何自而嘉忘,率由舊章」二語耳。然何自而嘉正之德,祭武王之詩。此出時藝作《中王之德,祭武王之詩。此出時藝作《中王之德,祭武王之詩。 此出時藝作《中王之德,祭武王之詩。 正時卿士,媚之綱之紀,燕及朋友。百辟卿士,媚之綱之紀,燕及朋友。百辟卿士,媚

其子孫之辭」,絕不可解。
三章、四章《集傳》云「此與下章皆稱願

其所用則不敢强解。

《假樂》四章,章六句。此分章從舊本。《中

下同。
 失斯張,干戈戚揚,爰方啓行。本韻。○賦也。
 矣。 迺裹餱糧,于橐于囊,思輯用光。 弓倉。 迺裹餱糧,于橐于囊,思輯用光。 弓

〔旁批:描摹極有致態,亦復精彩。〕本韻。韻。何以舟之? 維玉及瑶,鞞琫容刀。迺宣,而無永歎。陟則在巘,復降在原。本邁宣,而無永歎。陟則在巘,復降在原。本篤公劉,于胥思原。既庶既繁,既順

俾几,既登乃依。本韻。乃造其曹,執豕于處,于時廬旅,于時言言,于時語語。本韻。 萬公劉,于京斯依。蹌蹌濟濟,俾筵處,于時廬旅,于時言言,于時語語。本韻。 萬公劉,逝彼百泉,瞻彼溥原。 迺陟

篤公劉,既溥既長,既景迺岡,相其陰

「之」字爲韻

牢,酌之用匏。本韻。

食之飲之,君之宗之。

徹田爲糧,度其夕陽,豳居允荒。本韻。陽,觀其流泉,其軍三單。 度其隰原,本韻。

取 夾 鍛。 ,芮鞫之即。〔旁批:分明圖畫。〕本韻 其 (皇澗, 遡 篤公劉 本韻。 ; 于 止基 其 過 豳 澗 迺 斯 館。 。二「澗」字韻 理,爰衆爰有。 涉渭 爲 亂 旅 本 取 韻 厲 迺

之,何耶? 古 **豈至周、召之時而後有此** 視《商頌》諸作,同 劉》皆豳之遺詩,其言曰:「《篤公劉》下 無戒辭,召康公亦未有据。 公之事也,而係之以文王之事。 此皆後 而終之日『以迄于今』。《縣》之詩,述古 人之作。《生民》之詩,述后稷之事 人之作也。 、佩服、物用、里居之詳,《七月》之詩 有追述先公之事者,然皆明著其爲後 小序》謂 若《篤公劉》之詩,極 金仁山 召 康 蹈厲,《七月》亦然, 謂《七月》及《篤 公戒 哉! 成王」。 《集傳》漫從 且周詩 道岡 按 也, 詩

> 之者? 王 理。 以 音、名物,圖畫 百歲而 上至天文、氣 與 詩 知決爲豳之舊詩 然則此詩者 而 言情、狀 又其 周 (末無 候,下至草木、 召之徒 所不能及。 物 固 如此之詳,若身 一當 日 也。」 語 傳 追述之意。 之以 豳民咏公劉 按此説 安有 昆 蟲 陳 深 去 之 親 其 吾 之 有

也。 遂 窋 窋 平 亂 安 西 之孫,乃自戎、狄處遷,非 以失宫而 于 大王爲狄 匪 迫逐公劉。 章毛傳云:「公劉 戎,而遷其民邑于 戎、狄之地 居匪康」。 犇于戎、狄之間,❶公劉 所 公劉乃 侵,遷岐 而遷之,非迫逐 居 避 豳 于 山,公劉自 中國之難, 邰 焉。」非也。 而 遭 爲 夏

0

失官而犇戎狄之間」。「官」,當爲「官」字之誤。《史記‧周本紀》載「不窋以

琫」,刀上玉飾。 詳。 「舟」,毛傳 佩 玉及瑶」,言佩 刀也。 「珌」,刀下玉 謂 帶」, 一 」,刀鞘 玉 或 飾。 也 謂 佩

傳謂「下曰鞞」,混「鞞」爲「珌」,非是。言「珌」。「容刀」,謂鞞之容此刀也。毛雅》「鞞琫有珌」是也。此但言「琫」,不

「或云,容刀謂鞞、琫之中容此刀耳」,琫刀」,謬。又上既解「鞞」爲「刀鞘」,又云作「蹕」耳。《集傳》解「容刀」爲「容飾之「珌」又與「蹕」同,非鞞也,蓋誤以「鞞」

郡。 杜佑 地 大 理 云: 詩『百泉』而得名。」何玄子曰:「不 家言衆水所聚爲得水也。」曹氏 三章「百泉」,嚴氏曰:「泉,水 在唐爲百泉 「百泉在漢爲朝那縣 縣 屬 平凉郡。 屬 當是 也。 安定 其 据

> 乃涇 平凉 國。 凉 窋 矣。」 窋城 公劉自邰遷豳,而百泉遂茫然不知 而 竄 流 厥後 來 而後達于今西安府之邠州。 于 、又有 者 所經, 西 公劉往遷于豳,蓋道 也。 戎, 不窋 其 而百泉則入于涇 故詩人咏及之。舊説 地 塚。 即 今慶 春秋 陽 時爲義渠 府 小水,自 慶陽, 是 邠 也 戎 平 州 但 經 有

故營建 動 人既依乎此,則 「乃造 『依』,神所依也。《祭統》云『鋪 (豕、酌 也。 四章何玄子曰:「京即上章『京』字。 其 依神也」,正此 『登』,謂登進神之衣 『濟濟』,言齊也。 甫畢,即 曹」至末, 匏,禮簡 宗 是舉遷 廟之禮 不 言與群臣 諱 詩 義。」 妙。 廟之禮。『蹌』, 『筵、几』,乃供 亦依乎此矣。 此説 服于坐也。 燕 「君之宗 飲 筵、設同 可存。 之事。

字之義全未清楚耳

爲刀上玉飾,何能容刀,尤謬。

總于諸

稱「宗」。合上四「之」字,皆指群臣言。以異姓之臣言,稱「君」,以同姓之臣言,之」,謂公劉以一身爲郡臣之君宗也。●

也。 皆治公畢然後治私,故孟子讀「雨我公 朝變更之號焉。 百畝之制,因取此詩「徹」之一字以爲本 商之臣敢變商之法乎! 行之,故于此治田爲糧,以爲國用。 并田起于三代,商人行助法,公劉倣 數」,迂鑿未然。「徹」,毛傳訓「治」。 分。周之徹法 同養公田。 曰:「一井之田九百畝。 田」之詩而謂「雖 單」爲「無羨卒」,「丁夫適滿三軍之 古「寓兵于農」之義如 夫七十畝,公劉想亦同。不然,爲 五章「單」,盡也,謂三軍盡 耕則通力而 自此始。」其説謬也。 總之,商、周皆有公田, 周亦助也」。 八家皆私百畝 作,收則計畝 其後周公增爲 此。 出于 鄭氏 是 助 按 而

> 與? 《孟子》之文明相反乎! 均分其粟爲九處,公取其一,八家取 私 私 也 多寡衡量,誰爲之分? 而齊作? 及我私」,既無公私之分,又何先後之别 文于前,何也? 且詩云「雨我公田,遂 畝」矣,更不分「公事」與「私事」矣,不與 八、則是八家皆公九百畝、非「皆私 而作,計畝而分,是八家合耕九百畝 百畝,如今之「當官事」是也。 子曰:「井九百畝,其中爲 事。」八家各自耕百畝 百畝,同養公田 能相 如其説,九百畝之廣地安能 語》「哀公問于有若」章註 友助 其中勤 而 情、作止,誰 親 ·。公事 睦乎 適以 ,同出力耕 而乃引《孟子》 ! 畢 公田 必不可行 若謂 然後 爲之察? 敢 通力 其

「郡」,疑當作「群」。

口 六章「爰衆爰 混 謬如 此。 (有)以 餘詳《論 下、嚴 語 通 論

皇澗 向水 鍜,既定其止居,乃疆 而 所 始、終」,不勝重複矣。 新附民也。 芮水之外而居之。] 沈無回曰:「末章 而來者遂日衆而 在 續 過 以 澗 將治其宫室,于是先 而 居 兩 來者愈多 澗之旁不足以容之,于是又 者。 邊 以 新附之民,公劉作 既 居 而 者,或有遡過 愈有,于是或有 日 來止之旅日 有 其 也 田 里。 舊作 氏曰:「其 澗 以益、 水取 其相 而 夾 總其 皇澗 開 就 率 厲 居

公劉》六章,章十句。

贵 豈弟君子,民之攸歸。 弟 君子,民之父母。 泂 泂 酌 酌 彼 彼 行潦,挹 行潦,挹 本韻 彼 本 彼 韻。 注 注 兹 〇興 兹, 也 可 可 以 以 下 濯 餴 同 壘

> 君子、民之攸塈。 泂 酌 彼 行 潦 挹 本韻 彼 注 兹 可 以 濯 溉

豈

有道也」,依倣《左》隱三年「周、鄭交質 中語,益鄙淺 見其必然。《大序》謂「皇 《小序》謂「召 康公戒成王」,未有 天親 有德,饗 以

·倫,取蘇氏之説曰:「流潦,水之薄也,然 沐 可 賤之水,苟挹之于彼而注之于此,則遂 父母之無棄子也。」或又 用者。是以君子之于人未嘗有所棄,猶 苟挹而注之,則可以 此意亦足。或譏其 豈弟之君子,豈不爲民之父母乎! 」只 潦,挹之于彼而注之于此,尚可餴饎 必執泥求之。《集傳》曰: 以 則 餴 《詩》之取興,多有微 饎。 可 以 孟 事上帝。』」按此二説曲合興 子曰:『雖 以行潦比君子爲 餴饎,言物無不 日 有惡人,齋戒 微 「言遠酌彼 :「雖行潦 相 關 者 可

義,未免迂滯。人必有喜其説者,故

詳 焉 。

《泂酌》三章,章五句。

游 子,俾爾彌爾性 來歌,與上「阿」叶。以 有卷者 伴奂爾 阿, 游 矣,優 ,似先公酋本韻。矣。賦也。 飄 風 自南。 游 矢其音。本韻。 爾 休矣。 豈弟君 豈弟君 ○興也。 子,來

子,俾爾彌爾性,百神爾主本韻。矣。賦也。爾土宇販章,亦孔之厚矣。 豈弟君

賦也。 子,俾爾彌爾性,純嘏爾常。本韻。矣。 爾受命長矣,茀禄爾康矣。豈弟君

賦也。

弟君子,四方爲則。本韻。○賦也。 有馮有翼,有孝有德,以引以翼。豈

弟君子,四方爲綱。本韻。○賦也。 顒顒卬卬,如珪如璋,令聞令望。

豈

鳳凰于飛,翽翽其羽,亦集爰止。 藹

〇比而賦也。 離君子使,媚于天子。

本

奇。〕本韻。○比也。 〔旁批:一章皆比意,全在空際描寫,甚矣,于彼朝陽。本韻。菶菶萋萋,雝雝喈喈。 《里鳴矣,于彼高岡。梧桐生隔句叶。

閉且馳。矢詩不多,維以遂歌。^{本韻。}君子之車,既庶且多。君子之馬,

康公從」,政附會此而云,不足信。《大年》,以爲「成王三十三年,遊于卷阿,召相近,則亦謂周公也。或引《竹書紀相近,則亦謂周公也。或引《竹書紀以然。按《書・立政》曰:「繼自今立政,必然。按《書・立政》曰:「繼自今立政,

既

七四

也。 説 指賢者,非矣。「豈弟君子」從來指王, 求賢、用吉士之意。 通篇皆作「求賢」解,因以「豈弟君子」爲 勸王之辭。 豈弟君子,四 應此篇獨指賢者。 得後 自鄭氏切令《大序》「求賢」之説, 半。 用 賢,求吉士」,❶ 唯五章 按此篇自七章 方爲 則 亦見用 首章至六章,皆 且如是,則章章 無 則仍 至 意 賢意, + 義 祝勸之 · 章 万 且 一,始 然 亦 誊 辭 只

公歸 成王」,因 故作《卷阿》之詩,反 政之後,成王 噫,何其武 以每章「豈弟君 斷 涉 也 歷尚淺,任用非 覆 歌 咏,欲 子」鑿實爲 以 動

下之重

負

以

聽王之所自爲。

康

公

慮

周

爲鑿

一説,謂

「周公有『明農』之請,將釋

天

則「四

方爲綱」豈贊臣語耶?

嚴氏

更

美賢

臣,豈對君廢歌之體?

况

四四

方

爲

佐

天子』云爾。」皆是。

二章「彌」、《釋文》「益也」。「彌爾

凰 性 指文、武,當曰「先王」,抑亦可 作「終命」,亦不 君子,又曰天子,猶 至,故以爲喻』,理或然也。」又云:「既 謂 七章《集傳》云:「鄭氏以 充 足 其 性 可 説 使 人理障。 無 曰『王于出征 虧 間 爲『因 也 互 先公」 稱 不 與? 時 可 似 鳳 解

喻賢 之上鳴焉; 盛 亦 置 空之筆,不着 菶萋萋」,鳳凰申之以「雝雝 朝 在 也,其意不盡。 朝陽」,向西 陽, 高岡 人適彙集于朝宁之地,誌一時之極 九章 梧桐生其 鳳凰之鳴在于 適當朝陽,而 今鳳凰言「高岡 色)相,斯 爲 (上, 而 「夕陽 又于梧桐申之以「菶 爲至文。 高 鳳 鳳 岡,梧 凰 凰 詩意本 喈喈」, 棲 梧桐 棲 止其上 于 Ш 桐之生 向 梧 鏤 桐 東

^{● 「}用賢求吉士」、《毛詩正義》卷十七之四作「求賢用士

陽二 陽。 毛傳 從之,豈不鑿而 太平之時。 鳳 岡 生 凰鳴高 萋」,不特盛貌,有棲止之義。 更無 而 雖漫引《莊子》「鳳凰 朝 ,梧桐生 4 幾曾見梧桐不 温 究不 見 梧 陽? 着 桐 一之氣, 知所合一也。 未見「梧 落,只得以之喻君 岡」喻賢者居高 不 一朝陽? 且 生 其 謬乎 者 亦 Ш 生山 語 則 喻君 不 岡、太 桐 鳳 知 持 凰、 兩 岡,又必 非梧桐不棲」 嚴氏 德。 可 于是,鄭氏 平 位 詩 喻太平 加 則 ,且以「 解者至 桐 是 ·則于「 亦 後 以 太 兩 鳳 平 生 也 凰 朝 今 以 朝 而 鳴

甚 此 有 餘 遺 上 章 意。 賢, 十章末章言王 H · 爲 上 欲 一既以爲比矣,此又以爲 興 集 王 傳 多 盛 此 日 朝 其 章 雖多吉士,猶 承 車 馬 所 章之 以侍之也。● 興 之事 興也」。 恐 ,

> 舛。 而 傳》云:「意若曰 「不多」貼「矢詩」言,雖 不 雝 厭其多矣。」並不可解。 又 喈喈」興衆 以 菶 是以足以待天下之賢者 多 而 閑習,更 興 童 君 稚 子 亦 不 之 知 車 口 **^** 集

六句。《卷阿》十章:六章章五句,四章至

綏 ○賦也。下同 虐,憯不畏明。 四 方。 民 亦勞止, 汔 無縱 詭隨 柔遠能邇,以定我王。 可 小 以謹 康 無 惠此 良。 中國 式 本 遏 寇 以

爲民 綏 虐,無俾民憂。 叮 逑。 民 民 或 亦勞止,汔可 亦勞止,汔 無 縱 縦 詭 詭 無棄爾勞,以爲王休。 隨 隨 可 '小息! , 以 謹 小 以謹 休 ! 芒 惽 惠此 惠此 極 怓。 中國, 京師, 式 式 遏 本 遏

「侍」,疑當作「待」。

二七五

,無俾作慝。敬慎威儀,以近有德。本

王也。」
當云「召穆公刺厲王用事小人以戒當云「召穆公刺厲王用事小人以戒「同列相戒」,稍寬泛。今合兩家之説,傳》謂「乃同列相戒之辭」,亦是,但云《小序》謂「召穆公刺厲王」。《集

陰爲詭隨以惑上意,而實爲寇虐以害生不及也,亦危之之辭。王所用之人,必曰「可」者,又見唯此時爲可,他日恐將可小康」,亦安于時運而不敢過望之辭。「治一章開口説「民勞」,便已凄楚。「汔

之以遠大也。二句則每章各出一義,此則正告之,望上八句皆一意,而以承接見變换。唯末此二句,則其意最重乎此可知也。各章此二句,則其意最重乎此可知也。各章民,戒以無縱之而式遏之。每章皆提唱民,戒以無縱之而式遏之。每章皆提唱

三章末二句,教之以近君子也。二章末二句,姑誘之以勉其終也

四章末二句,深責之也。

詩之旨也。

「句言王雖愛女而我用大諫之,述作此君之留戀此小人,被二字描摹殆盡。末君之留戀此小人,被二字描摹殆盡。末

《民勞》五章,章十句。

遠,是用大諫!本韻。○賦也。下同。猶之未猶不遠。靡聖管管,不實于亶。猶之未上帝板板,下民卒癉!出話不然,爲

天之方難,無然

憲憲。本韻。

天之方

批:此詩多用正言,極文章變化之妙。〕韻。矣。辭之懌矣,民之莫本韻。矣。〔旁蹶,無然泄泄。本韻。辭之輯矣,民之洽本

我囂 ,詢于芻蕘。 囂。 我雖 異事,及爾 我言唯 本韻 服, 同僚。 勿以爲笑 我即 Ì 爾謀, 先民 聽 有

熇,不可救藥。本韻。 子蹻蹻。 匪我言耄,爾用憂謔。 多將熇天之方虐,無然謔謔。 老夫灌灌,小

蔑資,曾莫惠我師。本韻。 人載尸。民之方殿屎,則莫我敢葵。 喪亂 天之方懠,無爲夸毗。 威儀卒迷,善

孔易。民之多辟,無自立辟! 旁批: [旁批·空喻一句。]本韻 天之牖民、〔旁批:正言。〕如 取喻奇。〕如璋 如 携 圭 無 本韻 如取 日 壎 益 如 箎, 如 牖 攜 民

維翰。本韻。懷德維寧,〔旁批:空一句。〕

价人維藩,大師維垣,大邦維屏,大宗

無俾城壞,無獨斯畏!本韻。宗子維城。本韻。〔旁批:正言絶大議論

敢馳 昊天曰旦,及爾游衍。 蓋 召穆公,此篇爲凡伯,亦臆度之見。 時唯召穆公、凡伯 刺 驅。本韻。昊天曰 敬天之怒,無敢戲 厲王用事小人而 《小序》謂「凡 爲老 伯刺厲 明,及 〔旁批:正言。〕本韻。 豫。 其旨歸 臣,故分 爾 敬 王。 于諫 出 天之 王。 上 按 王 渝, 篇 厲 本 也 爲 此 \pm 無

未然。智自用之意,毛傳謂「無所依繫」,亦以「板」爲「反」,恐未然。「管管」,似小以「板」爲「反」,恐未然。「管管」,似小一章下句用「下民」,故上句用「上

若無倫次然,正見意志迫切也。「出話不然」之意來。篇中正、反間雜,「出話不然」之意來。篇中正、反間雜,

五章毛傳曰:「蔑,無也。資,財也。」

《集傳》曰:「資,與咨同,嗟歎聲 且上「殿屎」既爲呻吟,此又爲嗟歎乎 下 接 以 莫 惠 我 師 甚 明 白 也。」謬。 易

《集傳》曰「言是六者皆君子之所恃以 宗」、「宗子」,此五者也。「懷德維寧」空 安」,大有語 説一句,借以 適子也。「价人」、「大師」、「大邦」、「大 七章「大宗」,君之宗族也。「宗子」, 病 聯絡 上下,足成六句耳。

處,甚嚴而精 八章「昊天日 明」四句,言天人相接

板》八章,章八句。

其 命 介匪諶 多辟。 蕩蕩上帝,下民之辟。 二「辟」字韻,而 靡 不有 初,鮮克有終。 音義不同。 疾 威 天 上 生烝 本韻 一帝,其

國

文王曰 咨,咨女殷 商 ! 起 二一句 無 韻 曾

賦

下同

是疆 姿態。〕天降滔德,女興是力。 、旁批:末二句,衍作四句 禦,曾是培克,曾是 在 ,以「曾是」字弄 位 本韻 曾 是 在 服。

禦多懟,流言以對,寇攘式 侯祝,靡届靡究。 文王曰 咨,咨女殷商! 本韻。 内。本韻。 而 秉 義 類,疆 侯作

側,本韻。爾德不明,以 國,斂怨以爲德。不明 文王曰 咨,咨女殷商 無陪 爾 德, 無 女炰 卿。 時 本 無 烋 韻 于 背 無 中

中 沸 晦;本韻。式號式呼,俾晝作 酒,不義從式。 如 羹。 ,覃及鬼方。本韻 文王 文王曰咨,咨女殷商 小大近喪,人尚乎 日 咨, 咨女殷商 叶韻。 既 愆 ! 一夜。本 ,由行。 爾 天不 如 止 蜩 韻 如 靡 湎 内櫐于 蜅 明 爾 如 靡 以

曾是莫聽,大命以傾 殷 不 用舊。本韻 文王曰咨,咨女殷 雖 無 老成 商 本韻 人,尚 匪 上 有 帝 典 不 刑。

遠,在夏后之世。本韻。 沛之揭,枝葉未有害,本實先撥。 殷鑒不沛之揭,枝葉未有害,本實先撥。 殷鑒不文王曰咨,咨女殷商! 人亦有言,顛

君臣 嚴氏 章」。 詩之『蕩蕩上帝』也。《序》以爲『天下蕩 義 後世詞人弔古之作,非當時臣子惓惓之 者 託言文王歎商,特借秦爲喻耳。 以感悟其君,雖敝壞已極,猶幾其改圖, 也。 傷 無綱紀、文章」,則非詩之意矣。」 一之義 曰:「臣子作詩皆發于憂國之忠,欲 《小序》謂「召穆公傷周室大壞」。 蘇氏曰:「《蕩》之所以爲《蕩》,由 《大序》謂「天下蕩蕩 而 已,非 無 所逃于天地之間也。」此 諫刺之比。 無 如此,殆 、綱紀、 或謂 類

説得之。「天生烝民」以下,謂天之生民故于章首不言文王以起發其意也。」此曰咨,咨」,此不然者,見實非殷商之事,曰咨,否,氏曰:「以下諸章皆言『文王

其 善,而少能以善道自終」,似迂。 于詩意爲近。 「初」,謂文王也。 命 難 信, 無 《集傳》謂「人降命之初皆 不 有 「終」, 初 而 謂厲王 鮮 克 有 也。

之之辭如見。

「曾是」字,怪時事作詩而題爲咏史也。「曾是」字,怪一一章作文王咨殷商之辭,猶後世指

乎! 明爾 也。」按班、顏之解已得詩意,但背、側、 者不殺。』顏註云:『言不别善惡,百逆背 蔽惑,則不能 曰:『詩云「爾德不明,以亡陪亡卿」,「不 佳字,皆指小人之斂怨言也。 何玄子曰:「反面 『背』爲前後、左右之稱,背可謂 仄 德,以 三章「時無背無側」、「以無陪無卿 者,有堪 其不該 無背無仄」,言上不明, 知善惡,亡功者受賞,有罪 明矣。《漢書· 爲卿大夫者,皆不知之 爲背,不正爲側,俱 五行志 舊 之前 暗昧 説

有而猶之無也。「無陪無卿」者,不知則」者,彼實背、側,不知其爲宵、側,故則」者,彼實背、側,不知其爲背、側,故際、卿四字俱就小人身上説。」「無背無

七章「雖無老成人」二句,雖指紂時非倒句也,乃倒意也。」夜作晝,造語妙甚。 此與綢直如髮同,夜作晝,造語妙甚。 此與綢直如髮同,

言,意實作者自謂。

鄭氏訓「揭」爲「蹶」、「撥」爲「絶」、未然。實既無土滋,而枝葉必隨之以敝壞也。害也,而其本實先已撥開于土矣。言本害也,而其本實先已撥開于土矣。言本

詩經通論卷十五

韓城寶珊王篤校訂新安首源姚際恒著

雅

大

賦也。下同。 亦職維疾。哲人之愚,亦維斯戾。本韻。○哲不愚」。〔旁批:實理。〕本韻。庶人之愚,哲不愚」,〔旁批:實理。 人亦有言,「靡抑如威儀,維德之隅。人亦有言,「靡

慎威儀,維民之則。本韻。四國順本韻。之。訏謨定命,遠猶辰告。敬四國順本韻。之。訏謨定命,遠猶辰告。敬無競維人,四方其訓之。有覺德行,

德,荒湛於酒。女雖湛樂從,弗念厥紹。本其在于今,興迷亂于政。本韻。 顛覆厥

韻。罔敷求先王,克共明刑。本韻

弓、矢、戎兵,用戒戎作,用遏蠻方。本韻。著筆閒雅。〕本韻。維民之章。修爾車馬、本韻。夙興夜寐,灑埽庭内。〔旁批:忙中肆皇天弗尚,如彼泉流,無淪胥以亡。

爾出話,敬爾威儀,無不柔嘉。白圭之玷, 爾出話,敬爾威儀,無不柔嘉。白圭之玷, 商可磨也,斯言之玷,不可爲本韻。也! 無易由言,無曰苟矣! 莫捫朕舌,言 無易由言,無曰苟矣! 莫捫朕舌,言 不可逝本韻。矣! 無言不讎,無德不報。 本韻。惠于朋友,庶民小子。本韻。也!

可射本韻。思!〔旁批:大有神理。〕莫予云覯!本韻。神之格思,不可度思,矧韻。相在爾室,尚不愧于屋漏。無曰不顯,祖爾友君子,輯柔爾顏,不遐有愆。本

您于儀。本韻。不僭不賊,鮮不爲則。本韻。 辟爾爲德,俾臧俾嘉。 淑慎爾止,不

一八

子。本韻。 投我以桃,報之以李。彼童而角,實虹小

民各有心! 本韻。 其維愚人,覆謂我僭。 之行。「行」字通韻。其維愚人, 卷之話言,順德德之基。本韻。其唯哲人, 告之話言,順德 崔染柔木, 言緡之絲。温温恭人, 惟

莫成? 本韻 知,亦既抱子。 示之事。 於乎小子,未知臧否! 匪 面 命之,言提其 本韻。 民之靡盈,誰 耳。 匪手攜之, 借 夙 知 未 而

不遠, 無 教,覆用爲虐。 心慘慘。 大悔。 昊天孔昭,我 於乎小子,告爾舊 昊天不忒。 本韻。 誨 爾 天方艱難, 曰喪 諄 借曰未知,亦聿既耄。 諄,聽 生靡樂。 П 遹其德,俾民大棘。 止 我 就貌。 視爾 聽用 八厥國。 我謀、 夢夢 匪 本 用 取 爲 庶 我

此刺厲王之詩,不知何人所作也。

則

外

見

廉隅

也。

若作「懿」,則爲美,「

威

儀

」句既淺俚,且下句義亦不貫,豈

本韻

《序》謂「亦以自警」,與韋説同 乎作《懿戒》以 相 毛傳訓「密也」。 哲婦」,亦未嘗有作爲「抑」也。 「抑抑 而 威儀」同、未嘗有以「抑」爲「懿」之説。 樂》篇皆有「威儀抑抑」之文,與此「抑 公刺厲王。」今按,以此詩當《懿戒》, 詩中實多刺厲王之辭,則先之曰:「衛 《大雅・抑》之篇也。『懿』,讀爲『抑』。」 下至于 年數九十五矣,猶箴儆 不可信者有五。《詩·賓之初筵》及《假 舍我,必恭恪于朝夕以交戒我!』于 他詩用「懿」字,如「好是懿德」、「懿厥 同。 按《楚語》左 惟其嚴密,故曰「德隅 師長、士,苟在朝者,無謂 自做。」韋昭曰: 若「懿」自訓「美」, 史倚 相 于國 日 : 曰:『自 」,内嚴 昔 然又以 我 衛 懿 義 卿 武 抑 武 其 LI 而

《楚語》云《懿戒 之詩,何以不入《衛風》併不入《小雅》而 是,固不待識者而知之矣。 詩中既 孫繩繩,萬民靡不承」、「天方艱 弓矢、戎兵,用戒戎作,用遏蠻方」、「子 切干王之尤著者,如 未知,亦聿既耄」、「 不合,二也。篇中 不言刺王乎? 國順之」、「其在于今,興迷亂于政」、 大悔」等語,决非自警之辭。 誨爾諄諄,聽我藐藐」、「聽用我謀, 如曰「借曰未 明矣。 警、《楚語》何以反言「自警」 王,克恭明刑」、「修爾車馬、 而 之 其 四 遂 》,今篇中 則 德,俾民大棘」等語 也。 不别其 知,亦既抱子」、「借 句 可 視爾夢夢,我 句刺 曰「四方其訓之」、 知《楚語》所指 若爲衛武公自 義乎 王 無「戒」字 無 難,日 語 心 刺 甚明。 警也」。 居 ? 實録 哉 地,而曰 而 聽用我謀 詩 大 也。 雅

四

近

罔敷求先

厥國」、「回

自

篇,此必無之理。 事,善惡無豫于物,不應作 公時爲諸侯庶子耳,未爲國君,未有 以宣王三十六年即位,則厲王之世, 與王事又不相涉也。若然,何難作 自警既使人誦而聽,然則聽刺王之義 自警則自警,未有兩 篇,自警一篇,而必以兩 則實爲刺王之辭,于是立 刺王期王改悟,然則自警爲侯事, 作《序》者見相傳説《楚語》如此, 安得以《抑》詩當武 二也。 一等語 其謬有三。夫人刺王 「衛武公刺厲王」,又曰「亦以自 或曲説謂「追刺」,何以云「其在于今」、 乎? 乎? 詩中毛傳、鄭箋 一也。 則武公無 不 事夾雜可爲文者。 可 孔氏曰:「武公 通 公之《懿 刺 詩刺王。」此 事夾雜 句 厲 五. 則刺王, 王 兩岐之 句 也 一之事 爲 刺 何

ĮЦ

警,則絶 辨《序》 説 以 毛 刺 用 辨,但恐人惑其說,故略 倒,黑白錯互,可笑殊甚 實爲刺厲王,乃反以 此 韋昭之言也。 『自警』者得之也。」雖非武公刺厲王, 詩考之,則其曰『刺厲王』者失之,而 在 ,亦不肯趨公事,故又戒鄉邑之大夫 戒 也。」按鄭氏解「質爾人民,謹爾侯度 尚可用乎,否乎? 爲 明明可見者,奈何自《序》出而舉世 厲 「自警之所以爲得者,《國語》左史之 《序》前 不虞」曰:「侯,君也 武公作乎?三也。 王 也。」按此非《國語》左史之言,乃 曰:「此詩之《序》有得有失。 無 此 固 **意**,乃 又曰 語 無 及 此説,鄭 : 于武 反 「詩曰『謹爾侯度』, 尤可異者,朱氏之 爲 以 功 失。若武公自 爲 舉 亦不 如是,則《序》 與 得。 而辨之。 此本 此 自 時萬民 依《序》, 警 是非 不 意。❶ 必 多 顛 日

> 之説乎 此。 何解 其 既耄」,四也。」 嗟嗟,文義之不通而尚云 鄭氏 美《賓筵》所悔相表 忽然耄矣,凡詩語 通經學乎! 法度,用 及 何爲指其一處而言之乎? 「亦聿既耄」,承上章而言。 國既卒斬」,亦侯國乎? 美、《賓筵》所悔,與此皆 邦國之君 年九十五,「既抱子」則 國」乃天下之通 ? 又曰:「詩意所指,與《淇澳》所 解謂:「下災異生兵寇,將以 試平心讀之可見,何嘗是使 備不 又曰:「『曰 上章曰「亦既抱子」,此云 平 億 女 度 一章深一 萬 裹,五也。」按《洪 而 稱,《節 民 至之事。」義 喪厥 之事 在壯 又曰 層,皆然也, 「既耄」爲 國。 無 南 方抱子時, 慎 1: 「『亦 涉。 Ш 年,將作 滅 人 爲 詩 也。 告 王。 。 自 君 指 云 聿 如 之

云「取其得」者,正墮《序》之雲霧不必去其《序》之失而後此詩之意明。其其失而取其得,然後此詩之意明。」子謂曰:「既有得失,其佐騐明白如此,必去曰:「既有得失,其佐騐明白如此,必去蛭》悔飲酒,此詩刺王荒湛于酒,豈以筵》悔飲酒,此詩刺王荒湛于酒,豈以

「小子」,是武公自謂。按鄭氏以「小子」,是武公自謂。按鄭氏以「小子」,是古人爲天子未除喪之稱,此固近鑿。若嚴氏爲天子未除喪之稱,此固近鑿。若嚴氏爲大子未除喪之稱,此固近鑿。若嚴氏爲世子作明矣。」何玄子曰:「又有引《天孫、《卷耳》之詩,謂古人亦『爾』其君。」保》、《卷耳》之詩,謂古人亦『爾』其君。」以表述《卷耳》之詩,謂古人亦『爾』其君。」以表述《集傳》者,謂臣不可稱君爲

不煩多説矣。去,還是自警,還是刺王? 必得其解,去,還是自警,還是刺王? 必得其解,將十章、十二章「於乎小子」下文平心讀「小子」爲斥王者,但其書不傳耳。今試

猶俗云「聰明人慣作懞憧事」是也。 「章「靡哲不愚」,此一句古今通病,

十章「民之靡盈,誰夙知而莫成?」 一大若不自盈滿,能受教戒,則豈有既蚤 成,由不知也。」此解爲順。《集傳》曰: 成,由不知也。」此解爲順。《集傳》曰: 成,由不知也。」此解爲順。《集傳》曰: 何若不自盈滿,能受教戒,則蚤成;豈 知而反晚成者乎!」未允。

十句。《抑》十二章"三章章八句,九章章

) 「曰」,原誤作「田」,顧本改作「曰」,是,今從之。

二八六

矜? 本韻。○比而賦也。叶第一、第三句。 倉兄填兮,倬彼昊天,寧不我叶第一、第三句。 倉兄填兮,倬彼昊天,寧不我此下民,叶上句。通篇轆轤韻。 不殄心憂。 本韻。 菀彼桑柔,其下侯句,捋采其劉。 瘼

哀,國步斯頻 國不 · 冺。 四牡騤騤, 民 靡 1 有黎, 具禍 旗 本韻。 旐 有翩。 ○賦也。 以 亂生不夷, 燼。 於乎 有 靡

生厲 徂 〔旁批:恨詞。〕本韻。 何往? 階,叶第一、第三、第五句。 國步蔑資,天不 本韻。 君子 ○賦也。 我將。 實維,秉心無 靡所 至今爲梗? 止 競。 一疑,云 誰

唐,叶: 本韻。 天僤怒。 第一、 憂心慇慇,念我土宇。 ○賦也。 自 第三句。 西 阻東,靡所定處。 其第五 一句通 韻。 我生不辰,逢 孔棘我圉。 多我

淑 爾 序爵 叶 爲謀爲毖,亂况 第一 誰 第三、第五句。 能 執 熱, 斯 逝不以濯 載胥及溺 削。 告 爾 ? 憂恤 其 本 韻。 何 能 誨

賦

也。

〇比而賦 民 句 代食。 通 韻。 如 也 彼 本韻。 遡 荓云不逮。❶ 風 ,亦孔之僾。 稼穡維寶,代食維好。 本韻。 民有肅 好是稼 心 穡 本韻 叶 力 第

力,叶第三、第五句。 穡 卒痒。 天降 維 此 惠君 喪亂,滅 哀 恫 民 中國,具 以念穹蒼。 我立王。 人所 瞻。 贅 卒荒。 降此 本韻 本 韻 蟊 〇賦 靡 秉 心 也。 有 官 旅

有肺腸,俾民卒狂。本韻。〇賦也。猷,考慎其相。維彼不順,自獨俾臧。自

興也。
學也。
一時彼中林, 性性其鹿。朋友已譖, 不

賦 狂 也。 以 喜 維此 聖 匪 言 人,瞻言 不能,胡 百里。 斯畏 維 忌? 彼 愚人, 本 韻 覆

維此良人,弗求弗迪。維彼忍心,是

0

顧是復。民之貪亂,寧爲茶毒?本韻。○

賦也。

○^{賦也。} 雖,時亦弋獲。既之陰女,反予來赫。 本韻。 達爾朋友,予豈不知而作! 如彼飛

^{賦也。} 云不克。民之回遹,職競用力。本韻。○ 云不克。民之回遹,職競用力。本韻。○ 民之罔極,職凉善背。爲民不利,如

○賦也。

隧篇》,稱爲「芮良夫之詩」,故《小序》謂《左傳》文元年,秦穆公引《大風有

發也。」 貪利生事 斥言王,而 芮伯刺 厲 以致 但 王 斥 當時執政者信用非人, 禍亂,大抵爲榮夷公輩 何 玄子曰 : 篇 中不敢

也。一章「填」,填塞之意,愴怳填塞

于

胸

亦倒字句,猶云「黎民靡有」也。有孑遺」之意,以八字縮爲四字,簡妙,二章「民靡有黎」,猶「周餘黎民,靡

以「資」作「咨」,非。
三章「茂資」,無所資賴也。《集傳

下。 濯以 也。 其體乎? 爲執持熱物,幾曾見人執持熱物之後必 「不以 水乎? 謂 或亦知 五章「執熱」,執勞煩熱也。「逝」,往 逝濯」也。 執勞煩熱之人誰 「逝不以濯」,亦倒字句,猶云 「執熱」爲執持熱物之非,孫 餘詳《孟 自來解 子通 能 此皆以「執 不往 論 引此 而 洗濯

時,誰能執守此熱以往而不思澣濯 解 文 爲「熱 一通者。 融 解 爲 不 熱 可 氣盈身,如執 解」,何玄子解爲 之然, 「盛暑之 鍾 伯 」,竟 敬

蟊賊」以害稼穡言也。 六章「好是稼穡」諸句,爲下章「降此

如陷山谷然。」毛傳直訓爲「窮」,未明。九章「維谷」,嚴氏曰:「言進退皆窮,

其附會如此!」

其附會如此!」

其附會如此!」

本爲二物。《集傳》乃曰:『荼,苦物』。本爲二物。《集傳》乃曰:『荼,苦報 蟲。皆 惡孔氏曰:『荼,苦葉。毒,螫蟲。皆惡

子」,非。 穢也。或謂「小人以內汙之事誣君 十二章「征以中垢」,謂行以中藏之汙

文來。謂聽彼之言則喜而對之,誦古人十三章「聽言則對,誦言如醉」,根上

中心如醉。」一字不可解。
「王使貪人爲政,我以其或能聽我之言「王使貪人爲政,我以其或能聽我之言之言以告之則昏昏如醉。《集傳》曰:

爲爾作歌,以冀爾之一悟也。也,謂雖必以予言爲非,然不能自已,既以「善詈」連言,非。「雖曰匪予」,匪,非以「善背」,謂覆爲背善,且詈我也。從來「善背」,謂覆爲背善詈」,「背善」即上章

六句。《桑柔》十六章:八章章八句,八章章

聽?本韻。○賦也。下同。 「中華今之人? 天降喪亂,饑饉薦臻。本韻。何辜今之人? 天降喪亂,饑饉薦臻。本韻。

自郊徂宫。上下奠瘞,靡神不宗。后稷不旱既大泰。甚,藴隆蟲蟲。不殄禋祀,

克, 上帝不臨。耗斁下土, 寧丁我躬?「臨」

字通韻,餘本韻。

帝 霆 本 韻。 如 則不 雷 旱既大甚,則 我遺。 周 餘 黎民,靡有孑遺。昊天上 胡不相畏,先祖 不 可推。 兢兢業業, 于摧? 如

正,則 本韻 我 無 所。 早既 不 我助。父母先祖,胡寧 大 大命 八甚,則 近止, 靡瞻 不可沮。 靡 赫赫炎炎,云 顧 忍予? 群公先

本韻 正 惔 如 則不我聞。 焚。 早既 我 大甚,滌 心 憚暑,憂心 昊天上帝,寧俾 滌山川。 如熏。 旱魃 爲虐, 群 我 公先 遯? 如

祈年孔 旁批 敬 恭 既 夙,方社不 明神 大 雜 甚,黽 ,宜無悔怒。本韻 長句有姿。」層 莫。昊天上帝 勉 畏去。 胡 不 知 寧 其 滇 則 故 我 我 以

旱既大甚,散無友紀。鞠哉庶正,疚

無不能止。瞻卬昊天,云如何里? 本韻。哉冢宰,趣馬師氏,膳夫左右。靡人不周,

卬昊天,曷惠其寧?本韻。止,無棄爾成。何求爲我,以戾庶正? 瞻「雲漢」。〕大夫君子,昭格無羸。大命近「雲漢」。〕大夫君子,昭格無羸。大命近

叔美宣王」,未有考也。此述宣王憂旱之詩。《小序》謂「仍

章《棫樸》篇以雲漢

喻

文章,

則

E

也,此 其趣馬也、 紀」、未聞「友」之訓「綱」也。 散 旱故,將離散無紀矣。 正, 疾哉冢 前 爲章」,此以雲漢言旱,則曰「昭 無 遂止也。 紀 七章「散無友紀」,君以 諸臣 也。《集傳》 周救 者無人不肯周 宰」,此兩 師氏 也 只是各爲救旱之義,非 、膳夫也、左右之臣 句 曰「友紀,猶 歎 亦倒字句,謂 救 庶 臣爲 無 正 解 冢宰也、 友,今以 口 以 庶 緇 友

周 給 百姓 也

雲漢》八章,章十句。

重。〕維 匹 主、客。〕維申及甫,維周之翰,四 方于宣。本韻。 崧 織降神 高維嶽 験極 生甫及 ○賦也。 于天。 申。 下同 〔旁批 〔旁批: 或 急轉見 起得莊 丁蕃,

是式。 南邦,世執其功。本韻 亹 王命召伯,定申伯之宅。 亹申伯,王纘之事,于邑于謝 本 韻。 登 南 是 或

命 作爾庸。 傅御 王命申伯,式是南邦。 ,遷其私人。本韻。 本韻。王命召伯,徹申伯土田。王 因 是謝 入,以

城, 几 牡蹻 寢廟既成,本韻。 申 伯之功,召伯是營。 蹻,鉤膺濯濯。 既成藐藐 本韻 本 .韻。 王錫申伯, 有俶 其

南 士。 王 本韻。 一遣申 伯,路 錫爾介圭,以作爾寶。 車乘 馬,我圖 爾 居,莫如 往近王

> 舅, 南 土是保。 本 韻

于誠 歸。 申 伯信邁、王餞于郿。 本韻。 王命召伯,徹申 申伯還 伯 土 疆 南 以 謝

峙其粻,式遄其行。 本韻

邦咸喜,本韻。「戎有良翰」。 之元舅,文武是憲。本韻。叶首句。 申伯番番,既 入于謝, 徒 不 御 顯 嘽 申伯,王 嘽 周

兀 好,以贈申伯。 國。 申伯之德,柔嘉且直,揉此 本韻。 吉甫作誦 其 詩孔碩,其 萬 邦,聞 風 肆

出 傳》較是。 詩,不當列 出封于謝,而尹吉甫作詩 序》謂「美宣王」。《集傳》謂 録 一封于 耶 此尹吉甫 謝, 或駁之,以爲如朋 于《大雅》,非 何等大事,贈送之篇 所作詩,已言之矣。 也 以送之」。 「王之元 王之元 友送行 可 <u>~</u> 小 舅 舅 無 之 集

章「甫」,舊皆謂甫 侯。 嚴氏 則以

于

又

名稱 詩之人,二『甫』字同,必 稷』,稷以官,契以名,漢稱『絳、灌』,絳 降』,猶《烝民》言『天生仲山 吉甫所作,則此詩以『申、甫』並言,乃 然《烝民》之詩美仲 何玄子爲之覈實曰:「或謂吉甫既爲作 以封邑,灌以 ·嶽降』之文,以 爲 大申伯 仲 仲 世 道始衰之甫侯以匹之,非所以褒揚 Ш Ш 不 無疑 詩發端 激神 文辭難以例拘、《舜典》稱『 甫 類,故以『申』、『甫』皆爲國。 或者疑『甫』爲字,『申』爲國,則 也。 曰 也。」並存之。 相,申伯亞于山 姓,皆不類也。」此説似是。 福 ,亦可以見甫之爲仲山 且申伯光輔 辭害義 興 舊 説 山甫,篇中亦明著 謂『 子 矣。 姜氏之先 無自贊之理。 中興,而遠 甫」耳。 此詩言『 則 執著 Ш 申 爲 取 甫 四

> 不類。 俊 降 如此 快 自 此 得, 宣王與厲王時文章風氣已有升 下 與《桑柔》、《雲漢》之古构 皆 吉 甫 所 作, 理 明 詞 稍

凡《詩》皆可 風」、《風》不可稱「雅、頌」 此《雅》也, 稱《風》,第《 而 二其 風 雅 肆 : ||《頌 好 可 則 知

《崧高》八章,章八句。

心 王之世矣。〕本韻。 是懿德。 兹天子,生仲山甫。 翼 翼 仲山甫之德,柔嘉維則,令儀令色,小 天生烝民,有物有則。 〔旁批:三百篇説理始此,蓋在宣 古訓是式,威儀是力。 天監有周,昭格于下,保 本韻。 ○賦也。 民之秉 天子是若, 下同 好

戎祖 明 命使 考,王躬是保。 王 命 賦 仲 「賦」字叶韻,餘本韻 Ш 甫,式是百 本韻。 辟,首二句 出 納 王 命,王 韻

二九

喉舌。賦政于外,四方爰發。本韻。

仲 Ш 匪 一甫明 肅 肅 本韻。 ,以事一人。本韻 王命 ,仲山甫將之。 之。 既明且哲,以 邦國 保其身。 若 否,

〔旁批:釋「不茹」、「不吐」一層。〕
茹,剛亦不吐,不侮矜寡,不畏彊禦。本韻。〔旁批:「人言」一層。〕維仲山甫,柔亦不〔旁批:「人言」一層。〕維仲山甫,柔亦不

批:上舉「德」,此「補衮」,句多寡不等。〕態。〕衮職有闕,維仲山甫補本韻。之。〔旁愛莫助之。〔旁批:多用「之」字,見纏綿之民鮮克舉之」。我儀圖之,維仲山甫舉之,民鮮克舉之」。我儀圖之,維仲山甫舉之,

仲山甫,城彼東方。本韻。懷靡及,本韻。四牡彭彭,八鸞鏘鏘。王命中山甫出祖,四牡業業,征夫捷捷,每

式 遄 其 牡騤騤,八 歸。 本韻。 吉甫: 鸞喈喈。 作 誦 仲 穆 Ш 如 甫 徂 風。

> 心。〔旁批:此更佳。〕通韻。 〔旁批:亦用「風」字。〕仲山甫永懷,以慰其

之見。 詩乎? 《序》必謂「美宣王」,駁《集傳》謂 按「美」與「送」所争亦無多。 甫作 其心」,並不及「美宣王」之意,何緣 相送,非關獻納,何登于《雅》」,真 詩美之。 宣王命樊侯仲 詩末句明言「仲山甫永懷, 《集傳》謂「作 山甫築城于齊,尹 詩 郝仲 送 僚 之。 不 以 腐 輿 侒 慰 友

乎? 是 好是 曰:『天生烝民,有物有則,民之秉彝,好 經之義,今録于此。 放』字便見頂上文來,中加一『必』字便 懿 句可不用釋。 懿德。』孔子之釋詩也。 德。』孔子曰:『爲此詩 故有物必 章予向有《庸言録》中一則,論 有則 『有物有則』句上用 曰:「孟 民之秉彝也, 者 子引《詩》 『天生 其知 道 釋 故

睛欲 字,而惟用 見二『有』字是側落,非 者,真可愧死,况乎猶有誤解者哉 妙,而『秉彝』、『懿德』諸板實字 彝』下加一『也』字,『好是 故。字,便使二句有磁 兩句, 飛。計本文十六字,釋之亦 有用數十百字尚未 四 虚字,餘俱本字。後 引 平對。 ,針、珀 懿德』上 如 此 亦 吸 民 明 復 草 加 之 之 晰

「賦政于外」而言。「邦國若否」二句,承上章王命」而言。「邦國若否」二句,承上章「出納

烝民》八章,章八句。

佐戎辟。本韻。○賦也。下同。 虔共爾位。本韻。朕命不易,榦不庭方,以之,纘戎祖考,無廢朕命。本韻。夙夜匪懈,重有體。〕有倬其道,韓侯受命。 王親命重有體。〕有倬其道,韓侯受命。王親命重疾奕梁山,維禹甸之。〔旁批:起得莊

> **簟** 弗 錯 其 善用前文。〕 靷淺幭, 鞗革金厄。 本韻。 介圭 四 牡 一、人覲于王。 衡。 奕奕,孔 本韻。玄衮赤舄,鉤 修 王錫韓 且. 張 〔旁批:古人已 侯,淑 韓 侯 膺鏤錫, 入覲 旂 經章,

籩豆有且,侯氏燕胥。 本韻。何? 維筍及蒲。其贈維何? 乘馬路車。酒百壺。其殽維何? 炰鼈鮮魚。其蔌維酒百壺。其稅維何? 炰鼈鮮魚。其蔌維

莫如韓樂。本韻。孔樂韓土,川澤訏訏,魴蹶父孔武,靡國不到。爲韓姞相攸,

仍歸封 姞 鱮 尋。〕慶既令居,〔旁批:對「侯氏燕胥」。〕韓 和燕譽。 甫 國本旨,其聯絡 因 麀 本韻 取妻及擇壻 鹿 噳 噳 有 熊 脱 于 韓,見 有 卸 羆 處幾 韓 有 於無 土之美, 貓 有 跡可 虎。

受北 本韻。 賦 大 是 作 收,有體。]本韻 或 百 溥 獻 因因 彼 蠻。 其 韓城, 貔 以 本韻。 其伯。 皮,赤豹黄羆。 燕師所完。以先 王 錫韓侯,其 實墉實堅,實畝 旁批: 追 祖 其 了實籍。 新, 奄 受 歸 命, 貢

侯,按 受王 据 差 舉爲宣王 命諸侯」。《集傳》謂 冷序》 近,但未 ,然則亦非全無据耳。 但謂 命 錫 小 而 序》謂「 一誇大也 命」之語已見于詩,不 宣王,涉泛。 歸,詩 見其必 尹吉甫 人作 然。 惟 「韓侯 謂 此 且 美 集傳》駁其 尹吉甫作,筆 以送之」。 宣 初 謂 立 王 能 來朝, 也 錫 必 能能 更 命 標 按 始 錫

> 顯 父餞之,詩人美之之作。 此 韓 侯 初 立 覲 宣 王 , 遣 其 歸 國,

也。 起。 從 箋及疏之失可勝駁 詩,固矣! 平大亂,命諸侯。」以宣王配 討不庭」,本此。《常武》「徐方來庭 下,命辭也。「不庭」、《左傳》 來庭」,「不庭」之反。「戎」,汝也 美韓侯復禹之功」語 梁山」言起。言梁山,歸功于「 毛傳曰:「禹治梁山、除水災; 法律森然,亦做《信 章封韓侯,從韓地言起。 嚴氏 則是毛傳 耶 ! 爲 「王親命之」以 非,亦固。 南 而 Ш 禹 曰「以王命 惟 一》篇 言韓, 以 如 禹 孔 此 宣 起 甸 地, 疏 法

漢宣帝葬其地,因 亦作「屠蒯」。《漢志》註云: · 里。 」 三章「屠」、「杜」古通用。 曰杜陵,在長 「古杜 晉有: 安南五 杜蒯 伯國

四 章「汾王之甥」,指韓姞。 或謂指

笑。 殊妙。 有親迎 也。 也。 蹶 但從「韓侯顧之」上見筆意在 以至于歸,首尾周匝,而不言若何于歸, 也。」兩點「蹶父之門」,唯恐人不知然。 于蹶父之門,韓侯回顧 父, 見其鮮 此言御車 韓侯顧之。 ,脱却于歸 予方賞之,適閱嚴氏 明粲爛,盈 然 入門時。 則蹶父之父 爛其盈門」,韓侯之門 節,不覺索然。 而視之,增「回」字可 滿 詩由親迎言起 于蹶 曰:「其妻出 隱 固 父之 躍之間, 使詩 尚 帝 只 門 女

謝,山 然則召伯、山 統之,故命 司空,王命以其衆爲 六章《集傳》曰:「韓初 甫 城齊。」按韓爲 以 甫亦司空耶? 築 韓, 非 築此 以其爲司空也。 燕之 城 封 屬 ,如召伯 時, 國,召公 召公爲

儭

貼之辭,不必實然

五章爲擇壻而

言。

「靡

國不到」,此

詩人

詩中宣王册命韓侯,韓侯入覲天

如此詩不入《大雅》,而必標曰「美宣王」子,韓侯取天子甥女爲國戚,皆絕大事。

《韓奕》六章,章十二句。然後人《大雅》耶?

本韻。 夷來 出我車,既設我旟。 求。 ○賦也。下同。 江漢浮浮,武夫滔 〔旁批:倒字句,下 匪安匪舒,淮夷 滔。 匪安匪遊, 同 本 韻。 來 鋪 既 淮

有争,王心載寧。本韻。 江漢湯湯,武夫洸洸。經營四方,

海。本韻。因來極。本韻。于疆于理,至于南匪棘,王國來極。本韻。于疆于理,至于南漢一命。〕式辟四方,徹我疆土。本韻。匪疾漢一命

漢再命。〕文武受命,召公維翰。本韻。無曰王命召虎,來旬來宣。〔旁批:在江、

告

靡

〔旁批:起下章。〕本韻。 予小子,召公是似。肇敏戎公,用錫爾祉。

年!「命」字通韻,餘本韻。 于周受,命自召祖命。虎拜稽首,天子萬岐周。〕起二句無韻。告于文人,錫山土田。釐爾圭瓚,秬鬯一卣。〔旁批:三命在

其文德,洽此四國。本韻。 子萬壽! 明明天子,令聞不已。本韻。矢 虎拜稽首,對揚王休。作召公考,天

夷。 也。 指摘 此篇 知 也。 雖徐 常武》明言征徐國,何必取南、北 有 爲 据詩所稱爲説,自允。《集傳》必 按此篇平淮 宣王命召穆公平淮夷,詩人美之之 《常武》云『淮浦』、『淮濆』,指所經 平淮 淮 本近 鄒肇敏曰:「《江漢》明言伐 而 不知有徐矣,所以 南之夷,下篇爲 准,然如其説,則二篇 夷,下篇平徐國,亦夷 平淮 來後 北 之

歷之地,未嘗指淮夷也。」

若此哉? 故伐淮伐徐,以兩詩考之,知 公此 徐,一是命將伐淮,二師想一時並發,王 芑》之南征次之,故曰『征伐玁狁,蠻 成 令王既北伐定徐,則淮夷之膽已破, 以行者也。 則將本國之六師,而穆公則徵兵江、漢 夷,故《常武》、《江漢》二篇,一是自將 亦易易耳,何必侈言于 相犄角,假令穆公先平淮,則還兵北伐 來威」,此其證也。 也。 並發也。」此説 行如發蒙耳,何必張大其功而寵異 劉汝楨曰:「宣王淮上之役,武 蓋《六月》北 何也? 夷在淮之南、北, 可存。 伐,首 蠻 荆既平,乃伐 王之親行? 事 四 夷,《 功 穆 假 荆 淮

先祖之有文德者也,謂文王也。」爲説雜爲「文德之人」,非。《集傳》曰:「文人,五章「文人」,自指文王。毛傳但訓

而複,亦非。

《江漢》六章,章八句。

下同。韻。既敬既戒,惠此南國。」本韻。○賦也。皇父:「整我六師,以修我戎。「戎」叶韻,餘本皇父:「整我六師,天命卿士,南仲大祖,大師

處,三事就緒。」本韻。 戒我師旅,率彼淮浦,省此徐土。不留不戒我師旅,率彼淮浦,省此徐土。不留不

雷如霆,徐方震驚。本韻。震驚徐方,如匪紹匪遊,徐方繹騷。本韻。震驚徐方,如脈絡蘇業業,有嚴天子。王舒保作,本韻。

浦,王師之所。本韻。如虓虎。鋪敦淮濆,仍執醜虜。截彼淮如虓虎。鋪敦淮濆,仍執醜虜。截彼淮王奮厥武,如震如怒。進厥虎臣,闞

批"以本地喻。〕本韻。如山之苞,如川之王旅嘽嘽,如飛如翰,如江如漢,〔旁

家精語。〕濯征徐國。本韻。 流。本韻。 緜緜翼翼,不測不克,〔旁批:兵

「徐方」二字一上一下,絶奇之調。〕本韻。本韻。徐方不回,王曰還歸。〔旁批:八句同,天子之功。本韻。四方既平,徐方來庭。王猶允塞,徐方既來。本韻。徐方既

然」。 獨兵威然也。《序》所謂『因以爲戒』者, 末章云:「言王道 序》因謂「有常德以立武事,因 是已,「常」字作者之意則不可知。 字,故不可用,名爲《常武》耳。 無「常武」字,必因其「赫 爲戒然」,按此尤屬影響之論。 説。《大序》謂「有常德以立武事,因 黷武意。毛、鄭亦無戒王之説。 序》者其爲腐儒之見明矣。《集傳》 按詩中極 《小序》謂「召穆公美宣王」,此 誇美王之武功,無戒 甚大,而遠 赫明明」皆爲雙 方懷之,非 武 然則 以爲 其 句 以 臆

有美而 歸」收束,正見其首尾完善處,乃以爲戒辭,非夏虫之 傳》之意,謂「王曰還歸」是所以戒之。 按詩以「王曰還 朱也,蓋喜其同爲腐儒之見耳。 以立武則可,以武爲常則不可。 《序》謂召穆公作,何也? 蓋 穆公特名其篇。《集傳》謂詩人作此,此又依 是也。」又其言曰:「詩中無『常武』字,召 且夷已平,不歸將安之? 尤可笑已。 有戒也。」故予謂佞《序》者莫若 有二義:有常 此 或依 所 《集 以

正言。 軍以平之,詩人美之,作此詩。餘説見 此宣王自將以伐徐夷,命皇父統六

大夫無一不盡職以就緒也。鄭氏謂「三大夫無一不盡職以就緒也。鄭氏謂「三事為」、《雨無正》及《詩・十月》篇「擇三有事」、《雨無正》及《詩・十月》篇「擇三有事」、《雨無正》之臣」。按此即《書・立政》篇「作三事」

四章「鋪」,布也。「敦」,頓也。布頓

浦」,絶斷其出人之意。 兵于淮水之濆。「截」,絶也。「截彼淮

也。「濯征」,有洗濯其腥穢之意。也。「不測」,不厭詐也。「不克」,陣堅也。「潔翼」,不單

《常武》六章,章八句。

本韻。○賦也。下同。 疾,靡有夷届。本韻。罪罟不收,靡有夷瘳。 此大厲。 邦靡有定,士民其瘵。 蟊賊蟊 瞻卬昊天,則不我惠。 孔填不寧,降

宜有罪,二「罪」字韻。女覆説本韻。之。「田」。女覆奪之。此宜無罪,女反收之。彼人有土田,女反有之。人有民人,叶上

人。本韻。匪教匪誨,時維婦寺。本韻。舌,維厲之階。本韻。亂匪降自天,生自婦二「城」字韻。懿厥哲婦,爲梟爲鴟。婦有長二財之報,對婦人以,哲婦傾城。〔旁批:妙語。〕

胡 爲慝? 鞠 人忮忒, 譖始竟背。 織。 如賈三倍,君子是識。 本韻 豈 日 不極, 婦無 伊

,休其蠶

祥,威儀不類。人之云亡,邦國殄瘁。本韻。 語自佳。」舍爾 其幾矣。人之云亡,心之悲本韻。矣。 「罔」,下同。心之憂矣。本韻。天之降罔, 天之降罔,維其優矣。人之云亡,叶上 天何以刺? 介狄,維予胥忌。不弔不 何神不富?〔旁批: 拗 維

昊天,叶上「先」。 自今本韻。 爾後。本韻。 觱沸檻泉,維其深矣。心之憂矣, 矣。不自我先,不自我後。 無不克鞏。無忝皇祖,式救 藐藐

由以 謂凡伯作,未見其然。《集傳》謂 嬖褒姒 寺」字,故爲此説。 致亂,寺則史無其文。詩以「婦寺」 此刺幽王寵褒姒致亂之詩。《小序》 ,任奄人,以致亂之詩」,以詩中有 按褒姒實有其人,實 刺幽

> 以 連言者,大抵内有女寵,寺人 以客爲主,尤無謂。 後世事,與《詩》旨無涉,皆題外閒文,且 爲深切,有國家者可不戒哉」,按此自論 有先見之明矣。《集傳》又于三章下 始有之。 周以前未聞有寺人之禍,自秦皇用趙 因緣爲奸,不過帶言之,非所重也。 歐陽公嘗言宦者之禍甚于女寵,其言尤 奄人,與褒姒並舉爲言,然則何人乎? 詩人因「婦」而及「寺」,亦可 密邇 今實 自必 引 高

寺。 誨」,謂不待教誨而 太子事,故曰「維厲之階」。 譖言豈必在多乎 譖言,故下曰「譖始竟背」,非謂多言也。 《集傳》毫不明。 三章「長舌」,猶言長于舌,指其善爲 • 能 此正指譖申后、廢 爲 譖亂者,惟婦 「匪 教 與 匪

商賈之行也。 四章「君子」,指有位者,卿大夫不當

識

論

謂賢臣或死或去者,今不可知矣。較《集傳》爲明。「人之云亡」,必有所指,變異乎? 神何以不福王而有災害也?」曰:「王之爲政既無過惡,天何以責王見曰:「王之爲政既無過惡,天何以責王見曰:「王之爲政既無過惡,

八句。●《瞻卬》七章:三章章十句,四章章

卒流亡。我居圉卒荒! 本韻。○賦也。 旻天疾威,天篤降喪。 瘨我饑饉,民

潰回遹,實靖夷我邦。本韻。○賦也。 天降罪罟,蟊賊内訌。昬椓靡共,潰

孔填不寧,我位孔貶。本韻。○賦也。 皋皋訿訿,曾不知其玷。兢兢業業,

維昔之富不如時,每維今之疾不如兹。相此邦,無不潰止。本韻。與「茂」叶。○賦也。如彼歲旱,草不潰茂,如彼棲苴。我

句。

〔旁批:篇中多以長句見態。〕彼疏斯

1100

躬!「頻」通韻,餘本韻。〇比而賦也。 云自中。溥斯害矣,職兄斯弘。不裁我云自中。溥斯害矣,職兄斯弘。不裁我

尚有舊! 本韻。○賦也。 今也日蹙國百里,於乎哀哉,維今之人,不 寺先王受命,有如召公,日辟國百里。

用小人」,涉泛,無著落。「蟊賊」,指褒姒也,故曰「内訌」。謂「任任用小人」。按此詩仍指褒姒爲主。此刺幽王之詩。《集傳》謂「刺幽王

緣爲奸者。相惑亂也。」「昬椓」,指内小臣、奄人因曰:「司馬氏曰『師多則人讃』,蓋謂以言曰:「司馬氏曰『師多則人讃』,蓋謂以言以文》「讃也」。毛傳作「潰」非。何玄子《説文》「讃也」,指褒姒。「訌」,

❶ 「瞻卬」至「八句」,原脱,依本書體例補

亂義。曹氏曰:「草散亂則茂盛,故歲旱四章「潰茂」及「潰止」之潰,皆訓散

無币澤,則草不潰茂。」舊以上「潰」字訓

之《召旻》以别《小旻》而已。」《召旻》七章:五章章五句,三章章七句,今正之。蘇何。舊謂四章章五句,三章章七句,今正之。蘇何旻》七章:五章章五句,二章章七

詩 經通 論卷十六

新 安首 城寶珊王篤校訂 源 姚 際 恒 著

周 頌

頌

以其

(成功告于神明者也。) 孔

氏

曰

此

《大序》曰:「頌者,美盛德之形容,

《商頌》雖是祭祀之歌,祭其先王之廟,

特釋《周頌》耳,魯、商之頌則異于是。

咏僖公功德,又與《商頌》異也。」又曰

魯頌》之文尤類《小雅》,比于《商頌》,

功告神,其體異

于《周頌》也。《魯頌》主

述其生時之功,正是死後

頌

功,非以

成

作者,有在 蓋 非也。《序》、傳亦同 者,其作在周公攝政、成 有 詩》所以 徒作 因禮 蘇 氏 而 而 多滯 作 不 昭 : 用 頌》,非 也。 王 《周頌 者也。」鄭 其意。 時 作 》皆是 如《 :者,必 《頌》有在武王時 氏 風》、《雅》之詩 王 曰:「《周頌 所 即位之初。」 以 施 此 于禮 拘,

文之德,對越在 於穆清 廟 天。 肅 雝 駿 顯 奔 相 走在 濟 廟,不顯 濟 多 不

世 以 體 異 也。」按孔、蘇二氏説周、 文 告神明,而《魯 制 可謂明了矣。 人 又 獻 異。」蘇 頌,特 氏 效 頌 日 》乃用 -魯 耳, 商、周 非 以 魯、商《頌》之 爲善禱。 商、周之舊 頌, 後 用

當有 承,無 人和之,所謂「一唱三嘆」,則成四韻。 ,未爲不可也。 唱三嘆」恐不必如是泥 韻。 射于 今多無韻者,舊謂 〇賦 斯 也 解,即一人唱, 韻。 句 爲 按《 頌 章,一 愚謂此説是已,然 一人和,便已成 奏樂所 歌此句,三 歌,尤

傳》偏從《序》,何邪? 《小序》謂「祀文王」,是。《大序》謂 。《小序》謂「祀文王」,是洛邑既成,兼祀文、武,此詩專祀 一」,是洛邑既成,兼祀文、武,此詩專祀 一」,是洛邑既成,兼祀文、武,此詩專祀 一」,是洛邑既成,兼祀文、武,此詩專祀 一」,是洛邑既成,兼祀文、武,此詩專祀 武王」,又曰「文王騂牛一,武王騂牛 武王」,又曰「文王騂牛一,武王騂牛 武王」,以曰「文王騂牛一,武王騂牛

「静」其義各殊,安得以「静」釋「清」乎!傳》仍之,釋「清」爲清静。夫「清」與是。自杜預始以爲「清静之廟」。《集宮也。天德清明,文王象焉。」此釋清廟宮也。天德清明,文王象焉。」此釋清廟

居 ? 明」, 必以 儀度 之德,故可以對越文王在天之靈也,不 越在天」緊頂「秉文之德」來,惟其秉 辟王」則説不去,又釋爲「容貌之美」,何 傳》釋爲「衆」,亦非也,于《棫樸》「濟 集傳》于下篇《維 、對也。「不」,皆作「丕」。 整 「駿奔走在廟」句泥「在天」、「在廟」 何居? 然「濟濟辟王」之「濟濟」,亦只是 齊,非容貌之美也。皆誤。「 「濟 濟」,整齊之意。 清》, 又釋「清」爲 文

《清廟》一章,八句。

〇賦也。 思我文王,曾孫篤之。無韻,或下二元之字爲韻。 思我文王,曾孫篤之。無韻,或下二元之字爲韻。 王之德之純! 假以溢我,我其收之。駿

告文王」,乃贅語、蓋欲切合「六年,周公此亦祀文王之詩。《小序》謂「太平

孰非告太平乎!制禮、作樂」之説也。凡祀告文王諸詩,

後 周 兩事 違,而爲曾 我,我今其承之,以大順文王之德不 不可 異,是爲與天爲一。 之辭,于此詩上二句曰 邦,其命 之人從未敢以人比天,此 也,純亦不已」,將「天命」與「文德 爲天也」,下二句曰「蓋曰文之所以爲 此文王」諸語 二氏皆 天監在 世 文王中道而 作實字用,固 ·,謂「文王之純」與「天之不已」 此篇文氣一直下,謂天命文王 乃大顯 如此 維 下,有命既集」,「有命自天, 新。 孫者益宜篤承之也。 解。 也。 文王之德, 崩,天命久而不已, 有周 上四 自《中庸》引用爲説 已難 按「天命」「命」字必 不顯,帝命 句,●猶之「周雖 通,詳下。 「蓋曰天之所 自後 更以 世意見。 溢 不時 且前 歐、 説 及 以 Ŧ. 無 作 以 蘇 敢 其 文 理

> 理 説,猶見《詩》之真 歐、蘇爲前宋之儒,故尚能闢鄭,不從 世。 前 諸 解 至今天下人從之,乃 先得我心,于是毅 何以彼皆不訓「道」 道」。 詩,然于「天 深刻談理 「不顯」對,「不已」與「純」對,有如是 中 障, 篇 古之人 庸 可嘆哉 之引《詩》 必以「天命」與「文德」對,「於穆」 ^ 即微鄭亦如是釋矣,况又有鄭 **>** (中庸) 嗟乎、《詩》之言「天命」者多矣, 引《 者乎 又未嘗深刻談理, 詩 命」「命」字難 亦 **>** 1 「假以溢 者, 在 斷 面目,後此之人, 章 《禮記》中, 自 然直 可 而此獨 取 盡 鄭氏依《中庸》 盡 義 我,我其收之」, 没《詩》之真 据以 解,更不復 贵 訓「道」 通,乃 亦起于 凡《禮記 作 可 据 解 訓 陷 乎 乎 以 之 與 其 解

❶ 「上」,原誤作「土」,今據文意改。

傳》而若自爲説者,更奇。 《烝民》,宣 据傳以改經,失理甚矣! 當依本詩作解,不必惑于 我其收之」,杜預 「何」、「遐」爲聲之轉,不聞「何」、「假」 假」,使也。 左》襄二十七 之詩也 乎不可用于此詩 公作, 豈亦説 左傳》、《禮記》皆然,不可爲据,自 又曰:「『恤』之爲『溢』,字之訛也。」 而旁及也。」其解 逸詩 「「何」之爲「假」, 一,故予謂漸開説理之端。 也。 「溢」,歐陽氏 年引《詩》曰「何以 但古人引《詩》,原多異 理 以 乎 也。 爲逸詩。 亦自 故 聲之轉也。」按 所引《詩》 且不明標《左 中 明 及也, 順。 即 恤 此 此詩 我

維清,句。緝熙文王之典。句。肇禋,

維天之命》一章,八句。

韻。○賦也。句。迄用有成,維周之楨。「禋」字通韻,餘

也」。 《象》』,《象》與《清廟》相對, 用。 晦不 之、《武》樂則干、戚以舞之,所以並 故《明堂位》註《象》,謂《 堂位》《祭統》皆云『升歌《清 樂亦爲《象》,故《禮記 樂名,言『奏《大武》』耳。其實《大武》之 于《武》之篇不可復言『奏《象》』,故指其 **嘗深考而明辨之**,則 亦爲《象》矣。 本非闢《序》,今節録其説 云『舞《大武》』,謂《武》詩則簫 ! 其曰:「《序》者于此云『奏《象舞》』, 從,以爲詩 《小序》謂「奏《象舞》」,妄 今按其説,莫詳于孔 謂《武》詩爲《象》,明《 但《記》文于『管』之下 中無 此 何 ·文王世子》 意,是已。 以 可爲闢《序》 疏矣。 使後人 大武》之樂 周 俱是詩篇 廟》,下 也 管 頌 武 以 孔 明

《象》』,若是此篇,則與《清廟》俱是文 《象》耳。」按孔説謂《禮 《象》非文王之事,故知『下管《象》』者, 吹管而舞《武》、《象》之樂也』,皆《武》 其聲,又爲之舞』,于《祭統》註云『象管, 歌』、《象》則『下管』,明有父子、尊卑之 之事,不容一升一下。今《清廟》則『升 篇者,以彼三文皆云『升歌《清廟》,下 註云『《象》,周武王伐紂之樂也,以管播 武》」可也,亦不得謂之「《象舞》」。 武王之武功也。 謂《武》詩。但《序》者避此《象》名,不 上下之義行焉』,言君臣、上下之義,明 述其意,云『正君臣之位,貴賤之等,而 象》」皆指《武》詩甚明。 《文王世子》于『升歌、下管』之後 武》樂並解之也。 故鄭併《武》解其意,于《文王世子 且謂《 必知彼《象》非 記》諸篇「下 武》詩爲「《 蓋《象》者, 蓋用 覆 此 王.

居》云「下管《象武》」,則直言《武》,此尤 樂象功,乃獨象其 功豈足以盡文王! 之舞,武王制焉」,似以用兵時刺伐屬 獨于此篇下云『象舞》,象用兵時 此佞《序》之過也。鄭註、《禮記》皆是, 此篇,反以鄭註爲《武》詩及孔疏爲非, 之説,謂《禮記》諸篇所言「《象》」者,即 王者,謬矣。文王雖未嘗無武 「舞」名乎! 武》、《夏》籥序興」爲句,斯誠何 武,0此 何况《維清》之詩于《象舞》何 諸儒好穿鑿者誤信《序》「《象舞 又《墨子》曰「武王因先王之樂,命 而 説者猶以「下管《象》」爲句, 後世 是《武》詩 事,當時原詩安得即 刺 伐耶! 文王之德至矣, 且 不可謂 又《仲尼燕 功,而 刺 武 文 以

「武」,疑係「舞」之誤。

《象》自屬《武》詩而不可混人《維清》之曰《象武》」,董子曰「武王作《象樂》」,則

類矣。且「清」字爲起韻。王之典」爲句。若曰「維清緝熙」,則不王之典」爲句。若曰「維清緝熙」,則不「緝熙敬止」言文王也,故「緝熙文

《維清》一章,五句。

風文辟公,錫兹祉福,惠我無彊,本韻。○ 三旁批:神味無窮。〕「刑」、「王」、「忘」本韻。○ 念兹戎功,繼序其皇「邦」、「崇」、「功」、「皇」本韻。 之。無競維人,四方其訓本韻。之。不顯維 之。無競維人,四方其訓本韻。之。不顯維 之。無競維人,四方其訓本韻。之。不顯維 之。無競維人,四方其訓本韻。之。不顯維

謂「祭于宗廟而獻諸侯助祭之樂歌」。按謂成王或可,但不必即政耳。《集傳》《小序》謂「成王即政,諸侯助祭」。

孫也。 武斷。 故歐陽 侯語。 其崇之」亦是周公語氣,若爲王語,不當 王時孟津諸侯固多存者,不應專戒其子 功」謬,助祭可言「大功」耶? 天下之武功;《集傳》謂「助祭錫福之大 云爾矣。「念兹戎功」,謂諸侯協力平定 侯之樂歌,而 戒其君之辭。 爲君敕其臣之辭,「無 勉之以念祖父之功」,嚴氏駁之, 此詩當是周公作,以爲獻助祭諸 方其訓」、「百辟 又 氏 八詔諸 分兩章: 末因以勉王也。 然以一詩作兩人語,未 侯 以不忘前 以「繼序其皇之」以 競維人」以下爲 其 刑 王,亦不類 不類告諸 其「 蘇氏 謂成 維

學》語皆同,皆與《詩》旨無涉,悉爲閒「維天之命」引《中庸》語、《淇奥》引《大庸》語,于「前王不忘」引《大學》語,與庸、語,于「前王不忘」引《大學》語,與《集傳》于此篇「不顯維德」引《中

之引孟子語,更不盡辨也。文。其他如《鴟鴞》之引孔子語、《靈臺》

《烈文》一章,十二句。

賦也。 有夷之行,本韻。子孫保之。末句無韻。○ 突、軒舉。〕彼作矣,文王康之。彼徂矣岐, 天作高山,大王荒之。〔旁批:起得兀

岐山 以又有文王? 皆非也。 以無先公?《集傳》謂祀大王,詩 之也。」又爲之覈實如此。 者,以所重在岐山,故止挈首、尾二君言 豈容無祭,祭豈容無樂章。 六四爻曰『王用享于岐 此 曰:「天子爲百神主。 蓋 之祭。」此説可存。 《小序》謂「祀先王、先公」,詩中 祀岐山之樂歌。 山」,❶則周本有 岐山王氣攸鍾, 按《易 鄒肇敏 季明德曰:「竊 不言及王 升卦》 本之爲 何 何

> 往 傳》作『彼岨者岐』。今按《後漢書 曰:『彼徂者岐,有夷之行。』註云:『徂, 浮傳》無此語。 之,何也? 經文,以就 .岨」字。」 也。」 蓋誤以朱輔爲朱浮,亦 徂」,沈括《筆談》改作 我解,最爲武斷。 王伯厚曰:「《筆談》引《朱浮 《西南夷傳》 「岨。 《集傳》 朱輔 妄改

《天作》一章,七句。

郊祀天地,不但于成王無與,即武王亦靖之。〔旁批:通首密練。〕無韻。○賦也。《詩》康,夙夜基命宥密。於緝熙,單厥心,肆其康,夙夜基命宥密。於緝熙,單厥心,肆其康,夙夜基命宥密。於緝熙,單厥心,肆其

▶ 「用」,原誤作「周」,今據阮元刻《周易正義》改。

則毛、鄭輩必以「成王」作「成其王」解, 涖民,故稱『昊天』焉。」此一證也。 文王之孫也。文王有大德而功未既,武 后,文王、武王也。成王者,武王之子, 證 之德,及武王能明文昭、定武烈。」此 爲王之成王。 經術之疎謬可知矣。此詩「成王」,自 其説,宋儒且引此詩以爲合祀之證,其 王有大功而治未成,及成王承嗣,仁以 「成、康没 泥于凡《頌》皆爲成王時周公作耳。 也。 康王之時,頌夸作于下」,●班固 ·天者,而言「二后」,何耶 賈誼《新書》曰:「后,王也。 而頌聲寝」。②此一證也。 《國語》叔向曰:「道成 ?

之? 儀式型文王之典,日靖四方,伊嘏文我將我享,維羊維牛,維天其右本韻。

昊天有成命》一章,七句。

韻。○賦也。 于時保之! 此三句無韻。或云,此詩以三「之」字爲王,既右饗本韻。之。我其夙夜,畏天之威,

時有此説云。經》「宗祀文王于明堂以配上帝」,蓋當經》「宗祀文王于明堂以配上帝」,本《孝

天右,文王又右,不可通矣。「右」之不爲尊」,「右」亦不訓「尊」,蓋以右爲尊耳。然則屬文王言,此本鄭氏。然鄭以「石」訓屬文王言,此本鄭氏。然鄭以「石」訓屬文王言,此本鄭氏。然鄭以「石」訓屬文王,既右饗之」,亦主天言。先爲不嘏之王,既右饗之」,亦主天言。先爲不問,後言「右對。《集傳》以「既右饗」「,故可如此解。今《集傳》以「既右饗」「事」,首」亦不訓「尊」,蓋以右爲尊耳。然則「持」,首以中爲主,故言「非」,奉也,養也。「將」貼「羊」,

[「]夸」,王應麟《困學紀聞》卷三《詩》作「聲」。

^{)「}寖」,王應麟《困學紀聞》卷三《詩》作「寢」。

不得訓「助」也。依訓「助」者,如「既右烈考,亦右文母」,

《我將》一章,十句。

周。 下 河喬 同。 薄言震之,莫不震疊。 嶽 時邁其邦,昊天其子之? 允王維后 ! 無韻。下同。 懷柔百 實右序有 〇賦 神, 也。 及

7矢。我求懿德,肆于時夏。允王保之!明昭有周,式序在位,載戢干戈,載橐

傳》舉《周禮》:「周制,十有二年,王巡守此武王初定天下,始作巡守。《集

之乎! 意。 記》諸篇。《王夏》、《昭夏》、《納夏》、《章 夏》、《族夏》、《裓夏》、《鰲夏》。」予《通 《肆夏》、《昭夏》、《納夏》、《章夏》、《齊 也。 夏》、《齊夏》、《族夏》俱杜撰。《祴 説。以「三」作「九」。《肆夏》襲《左傳》、《禮 『《三夏》,天子所以享元 論》曰:「九《夏》即襲《左傳》『《肆夏》』及 之意。《集傳》以「夏」訓「中國」,❶未然。 殷 曰:「陳其功于是,大而歌之。」此得古文 周禮》 國。 《周禮·鐘師》:「九《夏》:《王夏》、 「懿德」,文也。三句有偃武修文 「時」,是也。「夏」,大也。 》『賓醉而出,奏《陔》。 無 据稱周公所定,然則武 亦爲閒文矣。 論 《周禮》僞 「干戈、弓矢」,武 書 侯』而 不足 王時 据, 附會 夏》襲 鄭氏 即 爲

0

[「]肆於時夏」注云:「夏,中國也。」今據補。「傳」,原爲墨丁,顧本補作「傳」。按朱熹《詩集傳》

從何玄子本分章,下做此。

時邁》二章:一章八句,一章七句。

《渠》,詩中無之,尤不必論也。」 可不 禮》皆云『奏《肆夏》』,則《肆夏》者,春秋 《肆夏》之三』,《國語》云『夫先樂,金 夏』可置而弗道矣。 計九《夏》惟一《肆夏》,餘杜撰者六, 射儀》『公入,鶩』。 以『陔』作『祴』,取音近。《鶩夏》襲《大 後來所用,與初製此詩之旨原無交涉, 時用之,或即此詩與否,不可知。 自趙文子始也』、《儀禮》、《大射》、《燕 本非『夏』名而妄加者二,則《周禮》『九 而奏《肆夏》』,又云『大夫之奏《肆夏 『行以《肆夏》』,《郊特牲》云『賓入大門 《肆夏》、《繁》、《遏》、《渠》』,《玉藻》 必論。若《國 語》之《繁》、《遏》、 其二『夏』字皆增。 惟《左傳》云『金奏 然

> 反。 降福 明。 帝是皇。❶ 本韻。 簡 鐘鼓 執 簡 競武 ○賦也。 喤喤, 磬筦將將, 降福 ,威儀反反。 自彼成、康,奄有 \pm 無競維 烈。 既醉既飽,福禄來 不顯成、康,上 四 穰穰。本韻。 方,斤斤其

應有 豐、武王廟在鎬 例 只一王,如成王崩,康王祔之武王廟,不 妄説也。惟新主未成 按成、康各有專廟,何得謂袝于武 知。而此祭非祫非 祭三王之説者,鄒肇 並祭出何典禮,得毋 謂 「祀武王、成王、康王」,是已。 兩王也。朱允升曰:「祭三王無其 然武王有世室,則必有專祭矣。 《小序》謂「祀武王」,固非。 其 成、康亦祔于武 禘,故止及三王耳。」 敏 鹵 廟, **| 莽耶** 曰:「文王 乃袝廟,然亦 《集傳 後之主 」廟,此 廟 廟 可

^{) 「}上」,原誤作「土」,今據《毛詩正義》改

乎 ? 也? 此 昭 分或合,昭 成王、康王而推本于武王也。」按祭禮 詩,周公豈不曾作,而直待昭 祭祀、武王 來,其功則能崇天下,其德能 孫之善繼也。」吕涇野亦曰:「自成、康 者,范景仁曰:「祀武王 不知何故而 二王袷食于武王廟之詩 亦 王 以 季明德 主祭成、康之説者、朱鬱儀曰:「 測,毫 後 祭武 王 其必享之。」然則祀武 舉此祭耳。」按時祭不當給, 曰:「此蓋昭王時以成、康 獨祀成、康二王,此何 無稽 世室 据。 而 配 而述成、康,見子 也。」又曰:「但 主祭武 以 成、 王之 和 康 王之説 敬 與? 王之 臣 以 説 或 祀 作

之。 聊 耶否耶? 詩 以二王並言。」愚按「日祭」雖出《國語》, 《執競》之詩當是于日祭上食時歌之,故 數、歲祀。』❷劉歆曰:『祖、禰則 祀、時享、歲貢,終先王之訓也。』●《楚 康 而 兩及之,然則成于昭爲祖,康于昭 按日祭之典雖于他經無 語》觀射父曰:『古者先王日祭、月享、時 也。 存之以逆此詩之難可 作 祖、禰日祭」僅見于劉歆之言,其然 已乃恍然悟 但二 《周語》祭公謀父曰:『日祭、 然何氏搜索及此, 詩 而 以 日 一,此即 \pm 也 並 所見,而《國 所謂 言 亦爲難能 『日祭』之 則 日祭。』 又 爲 心 禰 語 疑

《執競》一章,十四句。

思文后稷,克配彼天。立我烝民,莫

王

祀

廟之始無聞焉。

《執競》之詩爲成、

0

則

有《昊天有

成命》及《下武》二詩,而康

康

備

七

廟。然武王崩,周

人祀之于廟

駁乎

!

袷祭止一尸,其辭在己亦疑之,何待人

何玄子曰:「昭王之世,始以成、

[「]數」、《國語》卷十八《楚語》下作「類」。「終」下、《國語》卷一《周語》上有「王」字。

育 夏。「牟」、「界」、「夏」、本韻。〇賦也 匪 ; 爾 無 極 此 疆 本 韻 爾界、「旁批:妙語。」 叶 第 一句。 貽 我 來 牟, 陳 常 帝 于 命 時 率

序》 以 《集傳》猶不之信,但曰「言后稷之德真 故 之爲《頌》曰:『思文后稷,克配彼天』」, 也 可 郊,一祈穀之郊,此祈穀之郊也。《小 可配天」,意以 頌》從簡,豈同《雅》體鋪張其辭 謂 知 配天」,指此 謂「后稷配天」,此詩中語,是已。 稚見矣。 周公作也。 按《孝經》云: 此郊祀后稷以 也。 無祀天之文也。 郊祀有二:一冬至之 《 國 「昔者周公郊祀 配天之樂歌,周 語》云:「周文公 古人作 乎 后 公作 稷

子之常道于中國」,竊恐詩意正不明順大之樂歌也。《集傳》云「陳其君臣、父時,是。夏,大。爲陳此常行之禮于是時,是。東,大。爲陳此常行之禮于是「陳常于時夏」,郊祀每歲常行。

如此。

《思文》一章,八句。

字。」本 何求? 本韻。 人 將受厥明。 成,來咨來茹 本韻。 嗟嗟 叶 韻。 如何新畬?〔旁批:神味 叶 臣 叶「茹」。 年」。 Ι, 賦 明昭上帝, 迄用康年。 也。 嗟嗟保介,維莫之春, 敬 「庤乃錢鎛,奄觀銍艾。」 於皇來牟,本韻。 爾 在公。 本 韻。 全 王 命我衆 叶 在 釐 亦 虚 又 爾

乎? 迂。 詩」,若是,則當在《雅》,何以 言之,而呼臣工、車右,如以 斥言之例 嗟臣工』正指公、卿、大夫之屬。 見》諸詩是已。 詩既 鄒肇 《小序》謂「諸侯助祭遣 無祭事,天子于諸 乎? 敏 日: 二 《集傳 明堂朝 至耕籍 ***** 謂 覲 豊容 卑告尊 侯 ,則《我將 戒農 列 于 何 廟 無詩! 于《頌》 不 官之 敢 不敢

·益可据矣。」其説 則 義 益 顯 然。 近 是。 其 爲 耕 籍 而 戒 農

間。 有御 謀來 人保 是保介爲車右,本無與于農 見勸農之事,故敕 之禮,天子親載耒、耜,措置之于參乘 即引《月令》以 執兵也。」孔氏曰:「知『保介』爲車右,故 之事,即 者,此人與之同 『御』,明保介即車右也。 『天子親載耒耜、措之于參保介之御 保介」,鄭氏 人專 者與車右 介之與御者二人間。 度,即 今以耕籍之義解之。 介,甲也。 主 耕籍之禮也。「茹」,度也。 于 戒 御 曰:「車右也。《月令》孟 其 二人而已,今言『保介』 證之。彼説天子耕籍 車也。」: 車 車右,勇力之士,披甲、 從 之 而 耕籍以 世 置 其説 田 以農事敕車 一在 不敕 器 君之車上 起下文也。 事,此 甚 于 公」,公家 其 爲 御人,以 八間,常 詳 大 與 止 之 春 田

> 得 于武王之世,安可 耕籍之説。夫《月令》作于秦人,此 莫之春」,夏正三月也。 事 春,于夏爲孟春,以合《月令》孟 官之副,不知何者爲 然皆爲籍田 介爲籍田之官,杜 有來牟乎! 而 傳》者並 「保介見《月令》、《吕覽》,其説 出 措 耒 而言,蓋農官之副也。」 不 耜 閲 于 註 撰 以 車 疏,或閱之不能了了乎? 殊甚。 後證 農官之正乎? 右 鄭氏 故 前,且寅 夫保介 敕 謂 之 春 周 也 天子 以 月 詩 之莫 爲

臣工》一章,十五句。

厥百 也。 穀。 噫嘻 亦 服 成 駿 爾 王,既 發 耕,十千維耦。 爾 昭 私 格 終三 爾 本韻 率時 里。 叶「穀」。 本 韻 0 叶

小序》 謂 春、 夏祈穀于上帝」。 按

賦

四

農官之詩」,辨見上。春爲祈穀,夏則雩矣。《集傳》謂「亦戒

郊而 合,存之。 辭,而顧于成王,何取乎?」其説 即欲敕農官,何不于始祖之廟舉始祖 宫而言。 語,是此詩作于康王之世,乃主作龜 也。」』愚以此詩章首有『成王昭格』之 夫郊祀后稷,以祈農事也。 又《左》襄 對定公曰:『臣聞天子卜郊,則受命于祖 而 後耕。 禰 何玄子曰:「康王春祈 龜 獻曰:「吾乃今而後知有卜筮。 廟,因戒農官之詩。《家語》孔 不然,周自 七年: ●『夏四月, 三卜郊,不 于禰宫,尊祖、親考之義也。』 今既耕 而卜郊,❸宜其不從 后稷 以農事開 啓蟄後郊,❷ 穀也。 既 國 爲 得

命之也。」季明德駁曰:「農事,古人所《集傳》曰:「成王始置農官而常戒

明矣。 者民 治 如 萬爲盈數,故舉之以言,非謂三十里内 三十,以極望爲言,則「十千維耦」者,以 見極于三十,每各極望則徧及天下矣。❹ 也。」孔氏曰:「各極其望,謂人目之望所 大發其私田 田 駿發爾私,終三十里」,毛傳曰:「私,民 野田, 此,非可鑿然以典制求之。是「三十 十千人也。」按傳疏之説甚明,詩意只 也,言上欲富其民而讓于下 與「十千」之義各別,不得聯合以解, 食,豈待 治農之官,自古有之。 自鄭氏篤信《周禮》,引之曰:「凡 夫間有遂,遂上有經,十夫有 耳。 成王 終三十里,言各極其望 而始置哉!」是也 况 武 ·, 欲民之 王

[「]左」,原誤作「在」,按以下引文出自《左傳》,今正

[「]後」、《春秋左傳注疏》卷三十作「而」。

徧」,原誤作「偏」,今據《毛詩正義》孔疏改。卜」,原誤作「不」,今據《春秋左傳注疏》改。

六

也。 井。 《考工記 孔 亦誤,當云「五千耦」。 孟 爲此 夫,夫有百步,三夫爲里,則 夫,以百乘 三里又少半里也。」按《周禮》 子曰 有 ,方百步,積 氏又疏之曰:「計此萬夫之地,一 萬 乃云「三夫爲 澮,澮 此萬 説,必不可据。 嗟 夫合三十里之地, 百四十 一川之間 上 「方里而 乎,詩意 夫百畝,一井八夫,三 有 ·匠人》「九夫爲 大之地,方三十三 畛 百,是萬 夫耳, ; 有道;萬 萬夫,故有萬耦。云「萬 百 萬夫方之,是廣、長各 果 井」,則 言三十里者,舉 夫 如 安 一里」,尤 有 也。 詳見《周 是 得 洫 夫 乎 有 只 三十里爲 既 有 井 洫 萬 得 百夫 廣、長 111 上 夫! 十里 里 謂 禮 且. 句 之説 有 以 少 通 而 爲 成 111 涂 夫百 皆 數。」 半 之 論 增 本 上 今 ; 耦 地 廣 襲 百 百 里 有

箋、 乎, 奇, + 誤,欺世乃如此 里 遵之而習讀之,不可曉 稚子塗鴉何異 鄭謂三十三里少半里,今言三十三里有 夫之地, 周禮》「萬 四旁有川 萬夫有川」之文,非 有奇。 里萬夫之地,四旁有 里亦非百 孔疏 無論 遂之官, 又誤也。 溝洫 言 君言 . 萬 毫釐 非謂萬夫之地也。 其 用 言『三十里』, 夫 」,是爲四川,當有 不 夫有川 夫 貢 司稼之屬,其 不詳來歷,不解文義,直 當從鄭之妄説也,且 私」, 不 非 法 也 ! 解。 百 無公田 乃以 夫之 民言「公」,正 《集 其 是一川萬夫,今作 謂 鄭、孔謂三十里 曲 也。 註 傳》本之曰: 川,内方三 以 故 舉 紐 職以 兀 經,而 百 妄合,誤 成數 又曰: 旁有 鄭引《周禮 皆 乘 四萬夫矣。 謂 萬 百 後 川 見 也 夫 之 $\bar{+}$ 其 爲 私 此 世 于 而 而 也。 與 百 鄭

論·請野節》。 云「溝洫用貢法」,亦誤。辨見《孟子通 質戒國中之農官而不及郊野乎? 又其 爲戒農官。國中地少,郊野地多,何爲 爲戒農官。國中地少,郊野地多,何爲 相忠愛處。乃因詩無「公」字,遂認「私」

《噫嘻》一章,八句。

三七

三八

詩經通論卷十七

韓城寶珊王篤校訂新安首源姚際恒著

在彼無惡,在此無斁。《中庸》作「射」,音本韻。〇比而賦也。 象之間,絶不著迹。〕我客戾止,亦有斯容。振鷺于飛,于彼西雝。〔旁批:全在意

妬。 後 曰 : 人悉從之,無異説。 庶幾夙夜,以永終譽。 于薊,封舜後于陳,封禹後于杞,●而 「《序》似臆説。 《小序》謂「一王之後 武王 自季 本韻。 一既有 明 來 德 〇賦 助祭」。 天下,封堯 始不從, 也

> 者 ? 子。 專爲 焉。 雝之客,蓋指禄父,而夏之後不與。 故 王 子禄父爲殷公,以撫殷餘民,而不改其 耳。」鄒肇敏踵 陳 也 棄之不屑 色之證也。 色,故『亦有斯容』與『亦白其馬』皆不改 由 武 使之觀樂辟雝以 之後,何爲不 與 王之世 夫由後 武 周之嘉賓孰先武庚者,無問其賢否 杞、宋爲三恪。 鷺,白鳥也。 朱 庚 在 而 道 發,蓋 觀 尤爲宛轉 而 後儒見武庚以叛見誅,舉而 虞,商均在夏,三恪莫敢 ,必以『我客』屬 之, 其意 知鴟鴞毁室,罪存不貰。 及 ,則武庚固殷之冢嗣, 武 陳 殷人尚白,武王立 養德,庶幾其能忠 而 庚庸 此 耶 爲説曰:「武王西 盡致矣。 ? 來 愚不知天命, 助祭,獨 竊意此詩 嗣 封之微 何玄子 言 受 順 何

周

頌

❶ 「禹」,原誤作「商」,今據季本《詩説解頤正釋》卷二十

作也。 乎? 微 又 時武 家,故《有客》之詩曰『亦白其馬』。商尚 宋也,統承先王,修其禮物,作賓于王 與《有瞽》、《有 爲言,則武庚亦必仍舊制,安見非武 微子在成王時來助祭也。」愚按《微子 是則微子之封宋自成王始命之,此以 來助祭也? 意者其衣服、車旂之類皆用白與? 此 命》篇語乃僞古文,不足据。若以尚 命,殺武庚,命微子啟,作《微子之命》』, [也,鷺乃白鳥,而『我客』 『有客』 似之。 子來助 踵 之、《序》説原有 知其爲微子也。 庚來助祭, 兩家之意 何以知其爲微子也? 微子之 仍 祭 與季、 于祖 《書序》曰:『成王既黜殷 而别爲説 客》皆一時之詩,爲微子 而必成王時微子來助祭 廟 鄒揣摩之説 可 何以知其在成王時 周 疑者三: 周有三恪 人作詩美之。 周 無 成王 異 也 対封 知

> 宋事 庚,且有《左傳》以證。《左傳》皇武 馬」,似指殷後而不指夏後,三也。 之容,自也。●《有客》篇明言「亦 客」,不言「二客」,二也。此篇言有 喪,拜焉」之語,然則只説得宋,遺卻 説者,乃引《左傳》「天子有事 膰焉」,亦來助祭之證。《集傳》引《序》 勢所自然也。《商頌》亦稱「嘉客」,指 事,膰焉。有喪,拜焉。」按周之隆 曰:「宋,先代之後,于周爲客。 天子 來矣。以今揆之,微子之説較優于 助祭,何以 愈于杞,蓋一近一遠,近親而遠疎,亦 三者,故或以爲武庚,或以爲微子,所 此稱「客」,指殷後也。 則宜爲微子而 獨二王後,一也。 非 武庚也。 宋國之臣 詩但言「 ,膰焉。 「有 宋 白 振 有 自 夏 有 子 武 理 白 此 其 我

[「]自」,依文意,疑當作「白」。

《振鷺》二章,章四句。

孔皆。本韻。○賦也。 秭。爲酒爲醴,烝畀祖妣,以洽百禮,降福耕。爲酒爲醴,烝畀祖妣,以洽百禮,降福

祭者。 誤泥 百禮」乎? 且 蜡」,亦揣摩之説,亦犯一詩兩用之弊。 乎?」是也。 爲辭,毋乃不類之甚,而祖妣 享祀之禮,而告神登歌,乃首舉『豐年』 亦是闕疑之意。鄭氏謂 祭言之,蓋亦雜而 〈集傳》曰:「此秋、冬報賽田事之樂歌 祀田祖、先農、方社之屬 「烝畀祖、妣」句也。 小序》謂「秋、冬報」,不言其所祭, 何玄子駁曰:「使當大祲之時,用 蘇氏以爲「秋祭四方,冬祭 亦未有一 無主矣。 詩用爲二時之 「嘗、烝」,謬,蓋 下不云「以 也。」盡舉諸 何玄子懲其 獨 無 恫

> 無 報」,以闕其 弊,單以 確證,仍不若且 爲 「冬報 所 疑之爲得 八蜡」, 依 《序》,謂 也。 立意 王介甫主祭上 古 [是, 「秋、冬 然亦

《豐年》一章,七句。

既備 本韻。 雝和 業設處,崇牙樹 鳴,先祖是聽。 乃奏,簫管備舉。 ○賦也。 有瞽有瞽,在周之庭。 羽,應田 我客戾止,永觀 本韻。 縣 鼓,鞉 起二句無韻。 喤喤厥聲,肅 磬 厥 柷

然自以微子爲重。《書》亦曰「虞賓在、云爾、非謂以新樂始成之故合乎祖也。」云爾、非謂以新樂始成之故合乎祖也。」因以爲「大祫」、祫亦合也。又曰:「《序》因以爲「大祫」、祫亦合也。又曰:「《序》

位」,重先代後也。

此詩微類《商頌·那

《有瞽》一章,十三句。篇》,固知古人爲文亦有藍本也。

韻。○賦也。 就學以祀,以介景福。 清縣鱨鰋鯉。本韻。以享以祀,以介景福。 清與漆沮,潛有多魚。本韻。有鱣有

謬,竊取《序》意,若示與《序》别者,《集傳》直録《月令》之文以釋詩,已不潛矣,與詩意違,謬四。

《潛》一章,六句。

尤陋。

「雝」。天子穆穆。本韻。○賦也。下同。有來雝雝,至止肅肅。相維辟公,叶上

「牡」。綏于孝子。本韻。於薦廣牡,相予肆祀。假哉皇考,叶上

「人」。克昌厥後。本韻。 宣哲維人,文武維后。燕及皇天,叶上

韻,後「紙」韻。前後相關,音調纏綿繚繞,尤爲奇變。又凡四章,二、三、四章皆「有」韻,而二、四兩章皆先「有」一、齊」。 亦右文母。本韻。○此詩每句有韻,甚奇。經我眉壽,介以繁祉。既右烈考,叶上

而以其祖配之」。后稷所自出爲嚳,詩祖,后稷也。据《禮》「禘其祖之所自出《小序》謂「禘大祖」,謬。周之大

「烈考、文母」,于禘義尤萬里。 于 嚳、稷,前人已辨之。 今按 篇 末

鈴

以

用,豈名「徹」乎! 語 而歌《徹》上之文,頗爲蛇足。 》,而又引《周禮》鐘師「及徹,率學 「以《雍》徹」,可證。《集傳》亦援《論 章蘇氏曰:「周人以諱事神,文王名 此武王祭文王徹時之樂歌。 《周禮》之妄也 此詩徹 孔 時 子

尚未有此,亦一説。 其文也。」愚按或謂周公始定諱,武王時 之所謂諱,不以其名號之耳,不遂廢 武 章「烈考」,亦文王,《集傳》是。 此詩曰『克昌厥後』,何也? 王,嚴氏主之。「烈考」、「文母」

相

八偶,子

豊 可

與母

對

而

且

居母上

?

右爲尊,故謂

神

在

右,猶云「如

其上」也。毛傳訓

「助」,于此

處難通

雝》四章,章四句。

多祜。 嘏。本韻,叶上「祜」。「以介眉壽」下,凡三句一韻。 漢《柏梁詩》本此。 功德碑》本此。❶賦也。 多以 央央, 鞗革有鶬,休 載 烈文辟公,綏以多福,俾緝熙于純 見辟 享。本韻。 王 以介眉壽,永言保之,思 此八句惟一句 求 厥 有烈光。 章 龍 出韻,餘皆 旂 率見昭 陽

首也。「有鶬」,毛傳謂「有 接之辭,豈可作發語用也! 之詩也。 按當云成王朝諸侯,始來助祭乎武 又曰「發語辭」,夫既訓「則」,則不當 合之詩中「率見昭考」之句,則「載」之訓 ·始」無疑。《集傳》訓「則」,不知何謂, 發語辭」矣。若爲虚字之「則」,則乃 《小序》謂「諸侯始見乎武王 貌 詩首「載」字,毛、鄭皆訓 其謂 金 飾 貌者、《韓奕》「鞗 法度」,鄭 「鞗革」, 「始」。 廟 王 承 云 廟

奏」,疑當作「秦」。

也。❷當于後二説中求之。謂「聲和」,蓋本《商頌》「八鸞鶬鶬」而言革、金厄,●蓋依像金厄而言也。《集傳》

《載見》一章,十四句。

下同。然。〕有萋有且,敦琢其旅。本韻。○賦也。然。〕有萋有且,敦琢其旅。本韻。○賦也。有客有客,亦白其馬。〔旁批:起得翩

有客宿宿,有客信信。

言授之繁,以

福孔夷。本韻。 薄言追之,左右綏之。既有淫威,降擊其馬。無韻。

乎? 《書》載武王十三祀,王訪于箕子,乃 《洪範》。此詩之作,其因 用五福,威用六極」,遂用其意,言前 惟鄒肇 《小序》謂「微子來見祖廟」,向來從 淫威、降福」,亦即 一敏 曰:「愚 以爲箕子 來 就『箕疇』中 朝而 見 陳 廟

> 《序》曰:「微子在武王之世,既不爲周 微子,則當爲成王之朝是也,何曾必 羇,又不爲周也臣,又未爲周也客,何 朝,故此説與《序》説皆可 當爲成王之朝,謂箕子則當爲武王之 《洪範》,尤巧而確,存之。 之非常之凶 武王之朝乎? 來見祖廟乎?」此説則非矣。 蓋祝之也。」此説甚新。 禍,今當酬 以「威」、「福」合 以莫大之福 通。 蓋謂微子則 上所謂 鄒 又 也

幣無方』也。《禮記》云:『籩豆之薦,四玉。旅,爲陳。蓋來朝之享禮,所謂『旅曰:「有萋有且,薦其籩豆也。敦琢,爲曰:「有萋有且,歎琢其旅」,鄒肇敏

2

篇補。

^{■ 「}厄」,原誤作「也」,今據《毛詩正義》卷十八之四《韓

[「]鸞」,原爲墨丁,今據《毛詩正義》卷二十之三《烈祖

也。 《郊特牲》曰:『旅幣無方,所以别土 玄子 常貨,各以其國之所有,則致遠物 漆、絲、纊、竹、箭,與衆共財 樸》『追琢其章』,豈『選擇』之謂乎!」按 且」,皆可互證,何以作『敬慎』解?《棫 又按《巷伯》『萋兮斐兮』、《韓》『籩豆有 此觀之,『萋且』、『敦琢』之義 皮,示服猛也。 宜而節遠、邇之期也。 東帛加璧之禮,則此詩言『有萋有且』之 之『且』。 鄒釋此二句詩,可謂發千古之矇矣。 曰『有萋有且』。《禮器》言諸侯助祭之 『萋』,當作『緀』,『且』,即『籩豆有且』 之和 ,、《郊特牲》言諸侯朝享之事,而皆言 以鐘次之,以和居參之也。 虎豹之 因 氣 鄒言《巷伯》「萋斐」,遂謂: 且乃薦帛之具,薦緀于且,故 也 内 東帛加璧,往德也。』以 金,示和 龜爲前 見情 也 列, 曉然矣。 也; 其 也。」 先知 地之 餘

矣。」亦通。 即爲束帛,『敦琢其旅』之即爲加璧,明

有客》三章,章四句

無開。厥

後。

嗣武受之,勝殷遏劉,耆定爾

功。

於皇武王,無競維

烈。

允文文王,克

○賦也。

也。 詩也。 自《大武》。 武》,即此詩也。 篇所云「下管《象》」,或云「下管《象 《大武》,亦名《象武》。《墨子》曰:「武 因先王之樂,命曰《象武》。」凡《禮記》諸 而舞《大武》。」或疑《象》自《象》,《大武》 「升歌《清廟》,下管《象》,朱干、玉戚,冕 詳見《維清》篇。 以其武,又或云《象舞》焉。 小序》謂「奏《大武》」,是。 《左》宣十二年,楚莊王曰「武王 按管爲吹,或吹或舞,皆此 謂之「象」者,象其武 又《明堂位》云: 即 干

又作《武》,其卒章曰『耆定爾功』」是也。克商,作《頌》曰『載戢干戈,載櫜弓矢』,

《集傳》曰:「《春秋傳》以此詩爲武王所作,則篇內已有武王之謚,而其説程,遂分上二句爲一章,下五句爲一章,遂分上二句爲一章。」以「卒」作「首」,以此爲《大武》之首章。」以「卒」作「首」,以此爲《大武》之首章。」以「卒」作「首」,以此爲《大武》之首章。」以「卒」作「首」,以此爲《大武》之首章。」以「卒」作「首」,以此爲《大武》之首章。」以「卒」作「首」,以此爲《大武》之首章。」以「卒」作「首」,以此爲《大武》之首章。」以「卒」作「首」,以此爲《大武》之首章。以此爲《大武》之首章。以此爲《大武》之,

《武》一章,七句。

王,繼序思不忘! 本韻。○賦也。 庭止。維予小子,以夜敬本韻。止。於乎皇乎皇考,永世克孝! 本韻。念兹皇祖,陟降明皇考,永世克孝! 本韻。念兹皇祖,陟降

> 除喪之辭。 于先王之廟而作此詩。」按首二句 也。」《集傳》本之,曰:「成王免喪,始朝 方在喪之辭,曰「嬛嬛在疾」也。 袝主于廟」,似爲得之。 何玄子引殷大白《副 曰:「除武王之喪,將始即政,朝 小序》謂 「嗣王朝 于廟」,然不言何 墨》曰「武王既葬 蓋以首三句爲 鄭 于 時。 氏 而 廟

《閔予小子》一章,十一句。

其身。無韻。○賦也。 紹庭上下,陟降厥家。休矣皇考,以保明多少宛轉曲折。〕維予小子,未堪家多難。未有艾! 將予就之,繼猶判涣。〔旁批:未有艾! 將予就之,繼猶判涣。〔旁批:

朝于廟,因作此詩以道延訪群臣之意。」廟,以咨群臣之詩。《集傳》曰:「成王既此、此成王既除喪,將始即政而朝于

三五

細甚。 道其延訪群臣之意耳。」如此讀詩,發端,而意止屬望昭考。至《小毖》篇始何玄子曰:「此詩雖對群臣而作,以延訪

《訪落》一章,十二句。

德行。本韻。 將,學有緝熙于光明。佛時仔肩,示我顯將,學有緝熙于光明。佛時仔肩,示我顯將,學有針別子,不聰敬止。本韻。 日就月

爲答之之言。」愚向者亦不敢以一詩硬臣之戒而述其言。」于下章云:「此乃自臣之戒而述其言。」于下章云:「成王受群之也。《小序》謂「群臣進戒嗣王」,只説此群臣答《訪落》之意,而成王又答

乎! 作兩 言,又述其自答之言,豈不迂而 光明」,此三百篇言「學」之始。 臣工述之耳。「日就月將,學有 皆以爲成王,謂其既受群臣之戒而 下章則純乎成王語,故敢定爲此説。 敬之」直陳,意甚警切,下皆規戒之辭, 敬之》二章,章六句。 人語 且凡頌詩豈必王者自作,大抵皆 T, 惟此 篇 則宛肖。 上章 緝 述其 且

尤奇。〕本韻。○賦而比也。 爲古奥之辭,偏取草蟲等作喻,以見姿致, 多難,予又集于夢。〔旁批:憤懣、蟠鬱,發 螫。 肇允彼桃蟲,本韻。拚飛維鳥。未堪家 螫。 予其懲而毖後患。 莫予荓蜂,自求辛

誅管蔡之後,自懲以求助群臣之詩。「亦《訪落》之意」,皆近混。此爲成王既《小序》謂「嗣王求助」、《集傳》謂

鴞之説 本 之説已自難信,而郭璞復實之以生鵰、 其所棲不過一枝,不云桃枝也。《爾雅 鳥,亦鳥也,安得以蟲名? 且《莊子 璣曰:「俗語,鷦鷯生鵰。」 按鷦鷯 者。」郭璞曰:「鷦鶥小鳥而 螫」,猶言「自己求之」也。「肇允 荓蜂 于我。 鳥」,不云大鳥 附 「拚飛維鳥」,毛傳云:「桃蟲,鷦 知 」爲小鳥,勢必以「鳥」爲大鳥,增添 《爾雅》。 鷦 會更何疑 鷯 ,幾曾見鷦鷯 又 又云:「鳥之始小 此嚴氏説,甚明。「自求 何 物物 也。 所 若鷦鷯生子爲鵰、鴞, 生乎? 生子爲鵰、鴞來? 今爲彼説,以「桃

其

鳥 字以就 微,而臣服後乃鴟張也。 之小物忽變而爲飛鳥,以喻武庚其 化爲鳥也。」其見與予合。 曰 :「猶言向爲鼠,後爲虎,不必謂 ,詩決不又云「拚飛維鳥」矣。 已説 可 乎 ! 總之, 《詩緝》載 若使 桃 蓋 張 始 謂 蟲 氏 甚 蟲 爲

德」,言無肯德于我。 「莫予荓蜂」,

倒提「予」、「我」字以便文耳。「莫我

也

已」。

古文「莫予」、「莫我」之類,

莫予荓蜂

自

求

辛

螫」,猶云「莫予

《小毖》一章,八句。

彼

也。」

蟲

生鵰

場。」陸 而終大

雖

有依 隰 南 目 侯 以。 畝 徂 其土。 畛。 有嗿其饁、〔旁批:摹神。〕思媚其婦, 載 本韻。 **芟載** 〔旁批:寫一家及工 侯主侯伯,本韻。 〔旁批:工語。〕 ○賦也。下同 作,其耕澤澤。 侯亞 有略其耜 千耦其 作 侯旅,侯疆 人 儼然 載

濟 厭 祖 其 濟 傑。 妣,以洽百禮 ,有實其 播厥 本韻。 百穀,實涵斯活。 積 厭厭其 萬億及秭。 本 苗 绵绵 綿其麃。 驛 驛: 爲 酒爲 其 穫

且詩第云

例此。 也。 年》同。 用應亦不殊。」蓋 《集傳》謂「此詩未詳所 謂「孟冬臘先祖、五祀」,本《月令》文,以 第以詩中「烝畀祖妣」一語耳。 謂「秋成之祭,薦新于宗廟 詩無耕籍事,亦未見有祈意也。 秦世事釋周世詩,當乎,否乎? 然又曰:「然辭意與《豐年》相 《小序》謂「春籍田 然彼簡此詳,亦不 以「萬億」四 用」,闕疑之爲 而 祈 而 社 得 歌 句與《 執 總不若 何玄子 此 劉 似 彼 公瑾 今按 以 得

意,無祈意。 大抵此篇與下《良耜》相似,皆有報

則以「澤」作「釋」,何如依本字,謂「方春一章「澤澤」,鄭氏訓「解散」,若是,

何云「去草間苗」乎?●云「去苗間草」。始耕之時,未嘗有苗,「芸」同。《釋文》惟爲「除草」。《集傳》土脈動,潤澤可耕」之爲得乎?「耘」,

禮 文》云:『胡,牛頷 當云「胡壽」矣。又《解頤新語》曰:「《説 皆與「遐」通。使「胡」爲「壽」、《少牢》不 也 登,其香始升」是也。「胡」,毛傳曰「壽 字從食,只是飯食之類,所謂「于豆于 使飶爲芬香,不當又云「其香」矣。「飶」 亦只是老人之狀,非訓「壽」也。 「且 今老者或有此狀,故詩人取之。」然据 」。「胡」之訓「壽」,亦未聞。按《儀 • 士冠》曰「胡福」、《少牢》曰 三章「飶」,毛傳曰「芬香也」,非是。 豆有且」之「且」,薦也,謂非謂 垂也。』●老狼亦 「胡壽」, 垂胡。

^{●「}牛」,原誤作「生」,據《説文解字・月部》改。●「去草間苗」,朱熹《詩集傳》卷八作「去苗間草」。是。

也,蓋自后稷以來已如斯矣。 親始有此薦也,非謂今豐年始獲此豐年

《載芟》三章:二章十二句,一章七句。

其饟伊黍。本韻。○賦也。下同。穀,實函斯活。本韻。或來瞻女,載筐及筥,穀 髮 良 耜,俶 載 南 畝。本韻。播厥百

韻。止。批:田家圖。〕本韻。荼蓼朽止,黍稷茂本批:田家圖。〕本韻。荼蓼朽止,黍稷茂本其笠伊糾,其鎛斯趙,以薅荼蓼。〔旁

比如櫛,以開百室。本韻。 穫之挃挃,積之栗栗。其崇如墉,其

故當秋時而追述春耕,預言冬穫也。」曰:「此詩爲報社稷,必陳農功之本末,「殺時犉牡」,是王者以大牢祭也。嚴氏、,有捄其角。以姒以續,續古之人。無韻。 社 有室盈止,婦子 寧本韻。止。殺時犉

1° 二章「其笠伊糾」,謂以繩糾結于項

下也。

穫聲」,恐非。 三章「挃挃」,亦積實之意,毛傳謂

一章六句。《良耜》四章:●一章七句,二章五句,

考之休。叶上「俅」,本韻。○賦也。 解、〔旁批:器。〕旨酒思柔。不吴不敖,胡羊徂牛。鼐鼎及鼒,二句叶上「基」。 兕觥其

即以《有司徹》證之,其云「埽堂,燅尸尸」連言。一也。彼既以「賓尸」爲言,説,具見《春秋》、《儀禮》。今以「繹、賓子、諸侯名「繹」,大夫名「賓尸」,此舊子、諸侯名「繹」,大夫名「賓尸」,此舊

「四」,原誤作「三」,今正。

0

= = +

也。 以言「廢徹 即徹,至繹之日始徹于門外。 從之,鼎先出 基;『自羊徂牛,鼐鼎及鼒』,羊先出 徒爲之説曰:「『自堂徂基』,尸儐于 俎 故使士」,非杜撰禮文乎? 天子之繹獨 一》不用 意測。 飲酒之詩,甚混。 亦不可据《儀 据舊解,絲衣、爵弁爲士服,然何以 非 别 「繹、賓尸」之説,是已。 故且闕疑。 殺 不遲」 潔 使士? 牲 而 一如正祭乎? 先夕省視 **鼒從之。」意謂正祭** 一乎? 禮 鄭氏曰:「繹禮 》以解《詩》也。 鄒肇敏「王 即《儀 也 三也。 今何 然則詩 禮》 佞《序》 但謂祭 蠟祭」, 果 日 而 以 如 不 何

之屬無尸,其謂有尸者妄也。孔氏曰:《序》大異。古祭天地、日月星辰、山川按其言「尸」與《序》同,其言「靈星」與按其言「尸」與《序》下有「高子曰『靈星之尸也』」。

之,而 此耳。 説者 晏註 天下 引 子 甚矣末世之好誣也! 斥爲「固哉」者。 即公孫丑所引論《小弁》之詩,而孟子所 無 立 宗之,以爲祭靈星之詩。」愚按《漢志》張 戦 同 疑,而詭托之高子者也。 靈 漢 夏作,高子爲孟子同時人,子夏何爲 以爲 立靈 國時人語耶? 星 爲固執 ,附會「靈星」即「農祥」,故樂從 • 明之鄒氏、何氏或竭力以證其説, 祠,他史傳無見,則 未知高子之言是此否? 郊 星 祀 即祭農祥之星。 祠。』史傳之説『靈星』,惟 志》云: 而不可從矣。 無論其僞,即使屬真, 高高 又按人謂《序》爲 祖 詔 宋陳祥道宗 是漢人之 孔謂漢 又按,高 御 史,其 而 或者

《絲衣》一章,九句。

於鑠王師,遵養時晦。時純熙矣,是

本韻。「熙」、「之」、「嗣」、「師」叶。○賦也。批:句雄健。〕載用有嗣,實維爾公允師。用大介。我龍受之,蹻蹻王之造。〔旁

《桓》爲六章,其説支離,未可信。 十二年,隋武子曰:「《汋》曰: 『於鑠王 武》也。特以《左》宣十二年,楚子以「耆 能酌先祖之道以養天下也」。按《左》宣 于詩之言「遵養」者亦不切,故《序》説皆 也。」《序》似襲之,而增以「養天下」,其 之《大武》耳。又《漢書·禮樂志》曰: 子所云缺一、二、四、五章,故以《酌》 樂歌之次第」,其説當矣。不知者以楚 曰「三、六之數與今《頌》篇次不同,蓋 定爾功」爲《武》之卒章,《賚》爲三章, 明分《酌》之與《武》,不得以此詩爲《大 師,遵養時晦。』《武》曰:『無競維烈』。」 周公作《勺》、《勺》言能酌先祖之道 《小序》謂「告成《大武》」,又謂「言 杜預 屬

統》、●他經、傳亦無見也。不可用也。《集傳》云:「頌武王之詩,但不可用也。《集傳》云:「頌武王之詩,但於政節樂之名,如云《武宿夜》云爾。」其疑取節樂之名,如云《武宿夜》云爾。」其疑取節樂之名,如云《武宿夜》云爾。」其於,●他經、傳亦無見也。

《酌》一章,八句。

叶「天」。之。賦也。「方」叶。克定厥家,於昭于天,皇以間本韻。王,保有厥士,于以四方。本韻。「邦」、「王」、王,保有厥士,屢豐年。天命匪解。桓桓武經萬邦,屢豐年。天命匪解。桓桓武

又云「《桓》,武志也」,亦泛混。似亦因楚《小序》謂「講武類碼」,純乎杜撰,

^{● 「}武宿夜」,鄭玄注云:「《武宿夜》,今據改。宿夜」,鄭玄注云:「《武宿夜》,武曲名也。」又,朱熹「武宿夜」,原作「武宿武」。檢《禮記·祭統》,作「武

乎 ? 耶? 子以 自無 教于天下乎? 《大武》一篇僅 百一二十年,其間初 据楚樂章之篇次,見上。反疑《詩》之失舊 至于此 篇次蓋已失其舊矣。」嗟乎,何其無學識 曰:「又篇内已有武王之謚,則其謂 餘掇拾其殘編斷簡而已,其 四、五四章乎? 若然,孔子僅 「《雅》、《頌》各得其所。」則《雅》、《頌》尤 《詩》三百」,其 `作者亦誤矣。」辨見《武》篇。 春秋 此 闕失也。 頌 此 楚子在魯宣公時,孔子去宣公僅 《詩》三百五 也! 武 篇 傳》以此爲《大武》之六章,今之 王之功,固亦闕疑,然又曰: 爲《武》之六章 《左傳》杜註竟未曾閱, 不然,何以云「各得其所」 可謂不察而妄談矣。又 存三章,而失其一、二、 無 篇經孔子手定,故 闕失可知。 無若秦火者,何以 而 何以 云。 從闕失之 又 曰: 且 明《詩》 集 既 武 傳 以 Ŧ 乃 H

> 事 類、馮」之詩,豈後世取其義而用之于其 不 此 愚謂佞《序》者莫若朱也 也歟?」仍依戀于《序》 誤爲誤也 爲 誤 何 以 ! 獨 又曰:「《序》以爲『講武、 信 其 前 説 而 乎 不忍置,故 ? 况 乎 以

同。 之』,蓋儼然 即明堂祀武之樂歌。」此意亦新,存之。 言夏喪邦而殷代之,與此處『間之』不 政,不集于享,天降時喪,有邦間之。』蓋 左右之曰『以』。『於昭于天,皇以 曰:「按《多方》之誥曰:『乃惟 「《多方》云『有邦間之』。」鄒肇敏 桓》一章,九句。 彼『之』字屬夏,此『之』字屬天。 間」,毛傳曰「代也」。嚴氏 以武配 泛天也。 愚意《桓》 有 夏圖 駁 間 Z 厥

我徂維求定,時周之命。於繹思! 二四字文王既勤止,我應受之。敷時繹思。

之命」,是武王語氣也。 字,故知爲武王。又以詩中皆曰「時 文、武之功」,尤謬。此篇與下《般》詩皆 之功而言其大封功臣之意。」其言「大封 説詩何疑乎! 賚,善人是富」爲辭矣,則愚謂其依篇 以錫予善人也。」則直本《論語》「周有 無大封之義也。又曰:「齊,予也,言 豈能測之,乃据此以釋詩,可乎! 王」字,其云「我應受之」及「我徂維求 文、武之功,則必作于成王,詩 王」,下言「我」者,武王自我也。 武王初有天下之辭,二篇皆無「武王」 功臣」固不能出《序》之範圍,而云「頌 何人作,亦不知其意指所在 賚」字而 小序》謂「大封于廟」,此 爲言也。 《集傳》曰:「此頌文、武 按,此等篇名實 此篇上言「文 一千載 即 若謂 因篇 詩 不 頌 唐

見上。
「《春秋傳》以此爲《大武》之三章」,辨定,時周之命」,豈成王語氣耶! 又曰

諸侯所以得天下之意也。 此武王初克商,歸祀文王廟,大告

《贅》一章,六句。

之對,時周之命。無韻。○賦也。 翕河。〔旁批:寫得精采。〕敷天之下,裒時 家三、寶田,陟其高山,隨山喬嶽,允猶

第,不得拘求之。《诗》原無次意,固在《時邁》之先也。《詩》原無次克商,巡守柴望嶽、瀆,告所以得天下之克商,巡守柴望嶽、瀆,告所以得天下之克商,巡守柴望嶽、瀆,告所以得天下之,。《小序》謂「巡守而祀四嶽、河、海」,

《般》一章,七句。也。」是。也。」是。河,名爲逆河」,然則翕河即逆河爲九河,同爲逆河」,就則翕河即逆河爲九河,同爲逆河」,註云『同合爲一大爲九河,同爲逆河」,注云『同合爲一大爲九河,同爲逆河』,河自大陸北『播

頌

新 安首 源 珊 姚 王 際 恒

冤哉!

《魯頌》有

何非何失?

商、周之

可掩者,亦《春秋》之法也。」嗟乎,豈不

爲此

誣妄之説,多其曲

折

乎

又

日 何

1

頌》,始指

其實焉。

然

則

以

前

心

「夫子因其實

而著之,是非、得失自

有

不

于天 樂」,此非揣 説,且因之謂「魯于是乎有《頌》,以 公以天子之禮樂,此本《明堂 以美其君,亦謂之《頌》。」按謂 是乎有《頌》,以 知 其無廟頌,謂 下,故 集 傳》云: 賜 摩杜撰之説 伯 爲 「自作詩以美其君,亦 禽以 「成 廟樂。 王以周公有 天子之禮 乎 其後 成王 又自 位 樂, 于是, 大 **>** 爲 之 魯 勳 賜 作 邪 謂 明 廟 周 詩 绺

> 哉 ! 過,爲《春秋》之法,既冤魯, 吾誠不知其何心也! 説夫子存《魯頌》所以彰 又冤夫子 君

無疆 下 同。 ,思馬 駉駉牡馬,在坰之野。 有驈 斯臧。 有皇,有驪有黄,以 本韻。 ○賦也。 薄言駉 下同 車彭彭 者,本韻 思

騅 有駓,有騂有騏,以車伾伾。 駉 駉 牡馬, 在 坰之野。 薄 言 思 駠 無 者, 期 思 有

三五

頌諸侯,安見諸侯之不可

有

頌

而

天下之民可以頌天子,一國之民亦可

今《魯頌》多變而

爲頌其君上,若是,則

頌爲廟頌,惟天子有之,諸侯不得有也。

馬斯才。本韻。

馬 驒 斯 有 作。 駱 駠 駉 有駵 本韻 牡馬,在 有 雑,以 坰之野。 車 繹 薄言駉 思 無 者 斁 以思 有

駰 馬 有 斯 徂 騢 駉 ,有驔有魚,以 駉 本韻 牡馬, 在 坰之野。 車 - 祛祛。 薄 言駉 思無 邪 者 思思 有

《大序》謂「季 僖公非賢君,而 作《頌》」,更無稽 美伯禽牧馬之盛,然亦 小序》謂「頌僖公」。 孫行父詩命于周,而 季 明德本之,以 無所 黄 据 東 發力 也。 此 史克 詩 若 爲 辨

一言以蔽之」,不言《駉篇》也,蓋可知矣。篇輒張皇言之,試思聖人言「《詩》三百,滅,然與此詩之旨則無涉也。學者于此斷章取義,以該全《詩》,千古遂不可磨斷。同爲一例,語自聖人,心眼迥别,「無戰」同爲一例,語自聖人,心眼迥别,「無難」「思無邪」本與上「無疆」、「無期」、

駉》四章,章八句

公明 結句無韻。 見姿。〕鼓 明。 有駜 興也。 本韻。 咽 有 咽 駜 下同 ,醉言舞。 影 振振鷺,鷺 彼 乘 黄。 本韻。 于下。 夙 于胥樂兮! 夜 (旁批 在 公,在

醉言歸。本韻。于胥樂兮!公飲酒。本韻。振振鷺,鷺于飛。鼓咽咽,公飲酒。本韻。振振鷺,鷺于飛。鼓咽咽,有駜有駜,駜彼乘牡。夙夜在公,在

讀。〕本韻。于胥樂兮!有穀,治孫子。〔旁批:四句實可作七言公載燕。本韻。自今以始,歲其有? 君子公載燕。本韻。自今以始,歲其有? 君子

爲美伯禽君、臣,説見上篇。「振 辭,無以定其爲何公何事也。」季 尤不切合。《集傳》云:「燕飲 云「僖公」,未有据。 《小序》謂「頌僖公君、臣之有 云「君、臣 而 一之有 振 明 禱 鷺」, 德 道 頌 道 以 之

器乎? 亦興 一章「醉言歸」不言舞,**●** 醉言舞」始言舞事,不應先言舞器。 也 集 傳 以 爲 鷺 羽 上何 之 舞。 以言 下 舞 又 文

《有駜》三章,章九句。

小無大,從公于邁。本韻。○賦也。 三觀其旂,其旂筏筏,鸞聲噦噦。本韻。無言觀其旂,其旂筏筏,鸞聲噦噦。本韻。無

匪怒伊教。本韻。○興也。 馬蹻蹻,其馬蹻蹻,其音昭昭。 載色載笑,馬蹻蹻,其馬蹻蹻,其音昭昭。 載色載笑,

道 泮 一、屈此群 飲 酒 思 樂 泮水, 既飲旨酒,永 醜。 本韻。 薄采其 ○興也。 茆。 錫 難 魯侯 老。 戾 順 止,在 彼 長

不孝,自求伊祜。本韻。○賦也。民之則。本韻。允文允武,昭格烈祖。靡有民之則。本韻。允文允武,昭格烈祖。靡有機穆魯侯,敬明其德。敬慎威儀,維

夷 如) 攸服 皋陶,在泮獻囚。 明 明魯侯,克 矯矯虎臣,在泮獻 明其 本韻。 ○賦也。 馘。 既 作 本 韻。 泮 淑 問 淮

于訩,在泮獻功。本韻。○賦也。 彼東南。本韻。烝烝皇皇,不吴不揚。不告彼東南。本韻。烝烝皇皇,不吴不揚。不告濟濟多士,克廣德心。桓桓于征,狄

固爾猶,淮夷卒獲。本韻。○賦也。博,徒御無斁。既克淮夷,孔淑不逆。式,是,是以下,,以以下,以以,以以,以,,,以以,以,,以以,,以以,,以以以,以以,,以以以,以以,以以以,以以,以以,以以以,

大賂南金。本韻。〇興而比也。 我好音。憬彼淮夷,來獻其琛,元龜象齒,報彼飛鴞,集于泮林。食我桑黮,懷

説,則泮宫其前此矣,故以爲「修」也。詳也。蓋本《王制》「泮宫」爲諸侯學宫之非頌僖公,又詩言「既作泮宫」,非「修」《小序》謂「頌僖公能修泮宫也」,既

^{●「}二」,原誤作「三」,此句所言「醉言歸」爲本詩第二

明据。 僖公,則過矣。 若《序》因末篇 敢因此篇 信 至 乃 冬從齊侯 哉 得 于 夷 釋歸。 事 如 魯 ·,見于《費 此 此篇爲伯禽,亦有据。 《魯頌》四篇,末篇爲僖公詩,有 齋 爲伯 會于淮,而爲齊執。 也,奈何舍其可信 謂 詩言縱夸大,不應 頌 爲僖 禽 伯 (誓》。 而 禽 以 公,而概以前三篇爲 之詩 前二篇皆爲伯禽。 若僖 , 蓋 公則 而 吾固未 以 從 伯 明 醜 其 年 禽 九 爲 不 有 口 美 月 年 征

芹、藻爲興,謂既作泮宫而 其成宫之後發祥而獲吉也,故飲酒 水有芹、藻之屬,故 爲水名,可證。 通典》載「魯 ,獻馘于是,獻囚于是,獻功于是。 泮水之宫,非學宫。 泮宫」,●宋戴 郡泗水縣,泮水出焉」, 魯侯新作宫于其上,其 仲培、明 詩 人作頌,因 其説 淮 楊 夷 誠 用 攸服,言 然。 修皆 以 采 泮 按 以

> 以直 以 如 水 宫也,文義自明。 從邁之多賢言,非關學也。 即 和樂耳。 學者,以詩 謂使「淮夷攸服」乎? 説者曰:「漢 宫,則諸侯 宫,晉之虒祈之宫也。 宫」,言泮水者水名也,言泮宫者泮 儒之説,未可 此。 · 乃 盻 形 繼 「其馬 如 折其 以「桓桓于征 托 自 王 泮 半璧,以其半于 以比 踽踽,其音 又「濟濟多 水之前 非。詩 中『匪怒伊教』一語。」夫先 作 信 制》以爲諸侯之學宫, 淮夷之獻 學宫乃其常事,詩 也。 有 名泮宫者、猶 曰「泮水」,又曰 , 狄彼東 林 昭昭」,不 使「泮宫」爲諸 士,克 今解之者曰: 琛焉 而 辟 林 南 廣 離,故 又 H 有 此 德 過 通 有 楚之渚 宴 心,下 何 四 那 自 遊 水 説 儒 以 侯 此 旨 鴞 泮 指 之 之 學 口 謂 便 漢

類。 也。 甚乎 此 薄采其芹」,就泮水所有以興作泮宫之 之形,其水幾何,恐未必遂多芹、藻之 多水草而 爲半璧之形而又以半璧之形,呼其林 又曰「泮林」,明是泮水之林。 水」爲「泮宮」之水,顛倒不順,一也。 意,必當時魯人原得入而游樂焉,故 "拌林」,可通乎? 安得 撰 云。若以爲魯侯所製之「泮水」,則 觱沸檻泉,言采其芹」,于水澤之地 首曰「思樂泮水,薄采其芹」, 無 以泮水之「泮」 1 又此詩 「泮」以名之,何其 思樂 曰:「此美僖公之修泮宫,述魯人 理。 若泮宫本爲泮水之宫,今以「泮 云也。 又以「半于辟 爲魯人所咏,言「思樂泮水, 于 此 今以爲築土所製半壁 乎 亦將爲半林乎? 1 半 展 故孔氏知其弊, 轉曲 于辟 今既以 之水 折 廱 可笑 猶之 而 己 泮 爲

之辭 在國 也。 當時解「泮宮」者,又或以謂 實,流爲 心 泮水」,固是思樂「泮水之外」否乎? 泮宫必在 疏之者每 云:「類,即泮。 全璧之形,泮宫爲半璧之形。 而其言遂牢不可破。 泮,諸侯 謂于類宮之中告后稷,將 《有事于上帝,必先有事于頖宫」云: 察耳。 水」爲「泮水之外」。 「頬,班 都中者? 詩曰「從公于邁」,曰「魯侯戾丘 水 云 丹青,不信然乎? 也 作《序》者祖 郊外之地。若大學校,豈有不 致 鄉射之宫。」鄭氏 思 也,所以班政 。」此因説詩 難 樂泮水』,故 通 四也。 周 一,必 學也。」《說 爲之迂 述《王制》以説詩, 後人且繪辟廳 此四者人自不細 試問 者 教。」孔氏 知『 不 以配天也。」 又《明堂位》 周學,或以 詩言「思 口 順 泮 註《禮記》 苑》云: 其説, :水』即 其 俗 疏 語 爲 樂

絶倒。 氏 囚、獻均、獻琛皆是末祝其未來事,尤堪 此,則安得信《王制》謂諸侯學鑿然 云「此章以下皆頌禱之辭」,謂獻馘、 此飲于泮宮而頌禱之辭」,于第三章 亦復二三其説 諸 侯 《集傳》知于僖公不合,故但 鄉 射之宫,或 可見原 以 謂 無一定之説 后 稷 廟 不 而 獻 可 如 鄭

《泮水》八章,章八句。

緒。 德 穋, 稙穉菽麥。 不 有 遲。 稷有黍,有稻 不 〔旁批:異代。〕本韻。 П 閟 本韻。 宫 本韻。 有侐 是生后稷,降之百福。 實實實 奄有下 上帝是依,無災無 有 和。 枚枚。 國,俾民 奄有下 ○賦也。 赫赫 土,纘 稼 下 姜嫄, 害, 同 黍 本韻。 稷 禹 彌 之 其 月

翦商。本韻。至于文王,纘大王之緒,致天后稷之孫,實維大王,居岐之陽,實始

本韻。 子, 之届 敦商之旅,克咸厥 俾侯于魯。 ,于牧之野。 大啟爾宇,爲 功。 無 貮 王曰 無 虞, 叔父,建 上帝 周 室 臨 爾元 輔 女 1

太。 其 是饗是宜 承祀,六轡耳耳。本韻。 田 福女! 附 皇皇后帝,皇祖后稷,本韻。 庸 乃命魯公,俾侯于 上,降福 本韻。周公之孫,莊公之子,龍 本韻 既多。 本韻。 周公皇祖,亦 春秋 東。 匪 錫之山 解,享祀 享以騂犧, JIJ, 旂 土

尊將 臧 批:巧語。〕本韻 崩,不震不 洋洋,孝孫 1 將、毛魚、胾羹、籩、豆、大房。 秋 保彼東方,魯邦 而 載嘗,夏而 騰。 有 慶。 三壽作朋,如 俾 爾 楅 是常。 熾 衡,白牡騂 而 昌, 本 尚 韻。 如 俾 不 《萬 爾 虧 壽 而

三萬,貝胄朱綅,烝徒增增。戎狄是膺,公車千乘,朱英緑縢,二矛重弓。公

徒

歲,眉 荆 韻。 俾 舒 是 俾爾昌而大,俾爾耆而艾! 爾 壽無有害。 而 則 富 我 本韻。 敢 黄 承 髮台背,壽 本 韻 俾 萬有 千 而

率從,魯侯之功。本韻。蒙,遂荒大東,至于海邦,淮夷來同。莫不蒙,遂荒大東,至于海邦,淮夷來同。莫不泰山巖巖,魯邦所詹。本韻。奄有龜

諾,魯侯是若。本韻。 蠻貊。本韻。及彼南夷,莫不率從。莫敢不蠻貊。本韻。及彼南夷,莫不率從。莫敢不

齒。本韻。 大夫、庶士,邦國是有。既多受祉,黄髮兒周公之宇。本韻。魯侯燕喜,令妻壽母,宜周公之宇。本韻。魯侯燕喜,令妻壽母,宜

《小序》謂「頌僖公能復周公之字案斯所作,孔曼且碩,萬民是若。本韻。足尺。松桷有舄,路寢孔碩。新廟奕奕,祖來之松,新甫之柏,是斷是度,是尋

周公廟 公廟 尾不 庸主 廟」,不知 奚斯所作。」豈修舊廟乎? 强名曰「修」。今無故而拾《序》之殘 者,以諸侯原有學宮,不因僖公而作,故 閟宫則非 僖公耳。」影饗闕疑,要亦自可, 爲頌禱之辭,而推本后稷之生以下及于 春秋,諂諛之意多,規諫之風 此 也 亦曰「修」何耶? 曰:「閟宫時蓋修之,故詩人歌咏其事以 亦修耳,何云「作」乎? 新廟」、《集傳》未喻斯旨,遂使詩之首、 即 用詩 相 而 也 亦 頌之,則此 多非 非。 也。《泮水序》以 何廟, 《春秋》閔二年,「吉禘 通,成爲兩截矣。 其 亦未 大廟,魯原有之,若是,則 「復周公之字」句, 或謂 末章云:「新 時可 爲 后 非 稷 知矣。 意當時 也。 廟固謬,或 爲「修泮 蓋 所作 悶 少。 大抵時至 禰 廟 然謂 宮」即 廟,莊 奕 子 唾,

邪 以 詩 即 大褒美之。 后 説 當爲僖公祀禰 以是年薨,故亦謂「新廟」也。 公祀禰 稷 必是奚斯在閔公初立之時作,兹 配,及以天子禮樂祀周公,悉 廟 又或謂僖公始僭郊祀之禮, 而 追 廟,而史臣作《頌》以 述其作者 而言也。 然則 夸 此 関 因

王、文王溯來,借以 應得此等冒頭 而後及于本國魯公之始封 、三章祀先公直從姜嫄、后稷、大 也 鋪 張 祖宗以 來之 如此 盛 長

郊也。 犧,❷是饗是宜」,此祈穀之郊,非冬至之 ^{|章}「皇皇后帝,•皇祖后稷,享以 祈穀之郊,諸侯皆得行之。 騂

騂,言其無不備也。 猶後言「朱英、緑縢」之意。❹ 白牡,周公牲。 四 章「白牡騂剛」,●見周亦不專 騂剛,魯公牲」,鑿 且以「白騂成 毛傳 文 遂 用 謂

> 器 壽 形 沙 尊腹」,曾見尊腹畫全牛之形者? 爲犧首之形。毛、鄭不見古器,故 古事、⑥毫無稽據也。⑥ 日 也 副。」尤爲飾説。此絕類三家村 敢與文、武同。 大出 飾 作朋 :「白牡,殷牲也。 于尊,其羽婆娑然,絶可笑。 何据 」,當如《集傳》後一説,謂「與岡、 ,●而《集傳》猶云「犧尊,畫 解之者以「沙」作「娑」,謂 而 分之 魯公則 耶 ? 周公 **^** 犧尊,尊足 集傳 無 有 所嫌,故 王禮,故 復爲 宋 老 云「有 時 牛 刻 或 用 之 占 説 説 鳳 耳 不

補。

占」,依文意當作「古」。

剛」,原爲墨丁,據原詩 犧」,原爲墨丁,據原詩補。 原爲墨 丁,據本書文例補

縢」,原爲墨丁 據原詩 補。

稽據」,原爲墨丁,顧本補作「稽據」,今從之。 老人」,原爲墨丁,顧本補作「老人」,今從之。

語耳。 陵等 而 爲三」。 春 秋 時宜 或有 此 巧

以爲周公。意或取周公之事以夸大僖 公之能法祖耳。 五章「戎、狄是膺,荆、舒是懲」, 孟子

剛 升降也。 冗,而辭亦趨美熟一路,文章風氣洵 曰「春秋匪解」,又曰「秋而載嘗, 」,皆是也。 」;曰「黄髮、台背」,又曰「黄髮、兒 此三百篇中最爲長篇,然序事 曰「享以騂犧」,又曰「白牡、騂 以語句多,不無複雜之病,如 夏而 楅 有 近

如此。

章十七句」。 今按第四章本無脱句,又正之。 從《集傳》。 十六句,二章章八句,二章章十句。 閟宫》九章:四章章十七句,一章章 《集傳》謂第四章脱一句,故謂「五章, 章

商

頌

《魯》後者,以其爲前代也。次第 周之大師」,本《魯語》閔馬父語也。 《序》謂「正考甫得《商頌》十二篇于 《魯頌》應附《周》後、《商頌》 又附

遠 句用韻。 秋時人作,又不足置辨。虞廷賡歌,每 爲至文。 樸于敷腴,運清緩千古峭,文質相宜,允 處 《商頌》五篇文字,風華高貴,寓質 孰謂商尚質耶? 妄夫以爲春 《商頌》多爲此體,正見去古未

强 通 。」按《商頌》無闕文,亦無疑義。 《集傳》曰:「多闕文、疑義,今不敢

等」,原爲墨丁,據朱熹《詩集傳》卷八補

0

三四四

本韻。 恭朝 淵 且平,依我磬聲。 我 烈 夷懌。 夕,執事有恪。 祖 庸鼓有斁、《萬舞》有奕。 本韻。 嘒 嘒 管 聲 。 與 本韻。 那 本韻。 ○賦也。 與,置 湯孫奏假,綏我思成。 。自古在昔,先民有作,温 〔旁批:二句錯綜。〕 於赫湯孫,穆穆厥聲! 我鞉鼓。 本韻。 顧予烝嘗,湯 奏鼓 我有嘉客, 簡 簡 既 鞉 孫 鼓 和

佞説。 未然。 是玉磬乎? 何人祀。鄭氏以爲大甲,金燫氏 歌之樂」,尤 ↑●皆揣摩之論。 九音耶? 决無王磬在堂上,❷石磬在堂下 堂上之樂,以笙爲主,堂下之樂,以 《小序》謂「祀成湯」,是矣,但 磬有 夫樂惟有八音,今分玉石,不 玉,有石,古人隨 孔氏 謬。 集傳》曰「周以磬爲堂 (因以爲非石磬, 「磬」,鄭氏 磬在堂下,玉、石 用 謂 以 何以 玉 要 爲 不 武 成 知 日 是 知

云「依我磬聲」也。聲爲主。故《小雅》謂「笙」、磬同音,此

《那》一章,二十二句

鶬鶬。 韻。 《商頌》多夾五言見姿。〕自天 爾 穰,來假來饗,降福無疆。 和羹,既戒既平。 斯所。 綏我眉 嗟嗟烈祖! 本韻。 以假以享,我受命溥將。 本韻。 壽,黄耉無疆 ○賦也。 既 載清 鬷假無 有 秩斯祜,申 酤,賚 言,時靡有争。 顧 我思成; 降 予蒸嘗, 康,豐 錫 衡, 無 (旁批) 湯孫 年 穰 有

湯,故《集傳》云然。然一祭兩詩,何所上篇末皆云「湯孫之將」,疑同爲祀成别于上篇,又以下篇而及之耳。然此與

0

[「]王」、《毛詩正義》卷二十之三鄭箋作「玉」,是。「丁」,原誤作「下」,顧本作「丁」,是,今從之。

歟 分别 樂之時則歌《那》,既祭 祖》則及于酒 成湯之樂,然《那》詩則專言樂聲,至《 ?」此説似有文理。 ? 輔 廣 氏 I 饌 焉。 日 : 「《那》與《烈祖》皆 商人尚聲,豈始 而 後 歌《烈祖 烈 祀

《烈祖》一章,二十二句。

子。 文定 乘,大糦是承。 域彼 以 員 帝 何。 本韻。 本韻。 是記 命武 維 不肯平淡、必借事以見異趣, 天 命 本韻,與 河,殷受命咸 四 海。 古人。〕本韻。 湯,正域彼 玄 武丁孫子,武王靡不勝。 商之先后,受命 鳥,降而 河一叶。 本韻。 本韻。 四方。 ○賦 宜,本韻 四 邦畿千里,維 生商, 海來假,來假 方命 也 不 〔 旁批 與 厥 殆,在武 公祈 殷 土芒、芒。 民 奄有 龍旂 不知 所止, 祈 百

詩明言「武丁孫子」,孫子者,對湯

自謂。 傳》 而言。 之辭,絕非理。 「武丁孫子」若謂武丁之孫子 不之信,第爲泛説, 于是,以「武王靡不勝」亦 商之先后」,是 何 然,屬祭 湯 耶 ? 也 爲 自贊 其

乳蕃 降。 鳦 毛 焉,故詩曰 簡 章 儘 天 帝,帝率與之祈于郊禖而 今人居 所 其 卵 傳 狄,蓋 自 句》曰:「玄鳥感陽而至,其來主 亦合。 滋, 明 而 命,以玄鳥至而 湯之先祖有娀氏 毛傳曰:「玄鳥, 順 數千載下,豈能逆測古事。 生,而《史記》承之,諸緯 故 以 ,何必喜怪耶? 『天命玄鳥,降而 玄鳥至 重 氏乃以之説 自《吕覽》創 其至日,因 日 生焉。」依毛 有 女簡 鳦 經,不 爲異説,以 事 也。 以 生契,故 又蔡邕《月令 高 用 狄 生商』。」 禖 事。 配 春 可 而 高 分 解詩 辛氏 一爲于 玄 契 與

經 通 論

也。 文説 之好異也。「武王靡不勝」,湯有武 [云]通,語助辭。] 湯暨武丁會諸侯之地而 亳,此云『景員維河,殷受命咸宜』者,舉 鬱義曰:「湯有景亳之命,高宗亦自河 王」,正見其繩祖武也。 故曰「武 實 似 經 此詩實無吞卵而生之文義,不必 不不 謂 湯」。武丁伐鬼方,故 履 必 迹 先立 而 生者,不必 主見,如《生民》 「景員維河」,朱 言也。 爲 亦曰「武 『貝』 之闢 詩 與 爲 徂 異 文

《玄鳥》一章,二十二句。

將,帝立子生商。 敷下土方,外大 潛哲維商,長 國是疆 本韻。 發其 ○賦也。下同 ,幅隕既 祥。 洪水芒芒, 長,有娀方 禹

有截。 達; 率履不越,遂視既 玄王桓掇,受小 本韻。 發。 或 是達,受大 相土烈烈,海 或 外 是

> 量。 日 本韻 躋,昭格遲遲,上帝是祗; 帝命不違,至于湯 齊。 湯 帝命式于九 降不 遲, 聖

四

敬

或 「綴旒。 政優優,百禄是遒。本韻 受小球大球、〔旁批:音節高華。〕爲下 何天之休,不競不絿,不剛不柔,

不震不動,不戁不竦,百禄是總。 龍,敷奏其勇、〔旁批:對「敷政」,句移 受小共大共,爲下國駿 麗。 本韻。 何 上。 天之

達,九有 下。」,昆吾夏桀。 我敢曷。 武王載斾,有虔秉鉞,如火烈烈,則 有截。 苞有三蘖、〔旁批:巧語。〕莫遂莫 韋顧 本韻。 既 伐,〔旁批: 連 莫

韻。 子,降予註疏本作「予」,今坊本作 實維 昔在中葉,有震 阿衡,實左右商王。 且 業。 于」。 本韻 本 韻 卿 允也 天

龎 毛詩正義》卷二十之四作「應」。

曉。 然詩 大禘 之所 自出 語 臣 爲王,無廟也,豈認相土爲廟耶? 彼意似謂禘不及 禘不必所自出耶? 也。 王,爾祖其從與享之。」詩未有 與祭,徵之于《盤庚》曰:「兹予大享 不 自出,似非禘矣。《集傳》謂 ,以其祖配之。」今惟言契而 愚按袷祭之説更不如禘,抑或商 中未嘗有 小序》謂「大禘」。 按禘者,据《禮》文:「禘其 及群廟之主,此疑爲祫祭之詩」。 及 群 群廟之主,惟給及之, 廟之主 説者 語。 謂 相 祖之 不言 阿 褅 一个按 土未 更難 衡 則 所 契 功

云『猶結也』。「旒」,毛云『章也』,章爲證。「綴旒」、「駿龎」,何玄子曰:「綴,鄭序,謂湯與契等齊也。《韓詩外傳》曰:齊,謂湯與契等齊也。《韓詩外傳》曰: 三章「至于湯齊」,蘇氏曰:「至湯而

冕飾。 存。 也。 也。 者,下國恃湯以爲安,如倚賴于磐 共、大共、駿龎之義未詳。」按諸義皆未 之供」。 也。《説文》:『龎,石大貌。』爲下 爲冕,下國 旒』與彼意相 然」,言諸侯反繫屬 甚僻奥,何遽云「未詳」耶? 曰:「小球、大球之義未詳。」又曰:「 「共」,「供」同,即《無逸》「萬 《齊詩》以『駿龎』作『駿 以馬比先王,不倫甚矣。]其説 襄 《集傳》曰:「湯齊之義未詳。」 十六年《公羊》曰『君若綴 爲 似,而 級旒者,取其相繫屬之 詞 于大夫也。 有正、反之異。 驪, 此言『綴 邦 . 或 惟 皆 謂 石 験 又 義 正 然 旒 可 馬 龎 湯

一章九句,一章六句。《長發》七章:一章八句,四章章七句,

引《齊詩》作『駿駹』。」二者相合。疑姚氏引誤。 「駹」。王先謙《詩三家義集疏》云:「董氏《讀詩記》

下同。 荆之旅,有截其所,湯孫之緒。本韻。〇賦也。 撻彼殷武,奮伐荆楚。 罙入其阻,裒

常。本韻。 彼氐羌,莫敢不來享,莫敢不來王,曰商是彼氐羌,莫敢不來享,莫敢不來王,曰商是維女荆楚,居國南鄉。昔有成湯,自

脱下一句。《集傳》謂「《商頌》多闕文」,然亦惟此耳。辟,勿與禍適。本韻。稼穡匪解。此句無韻,或天命多辟,設都于禹之績。歲事來

濯厥靈,壽考且寧,以保我後生。本韻。 商邑翼翼,四方之極。赫赫厥聲,濯

本韻。〔旁批:較《魯頌》自簡古。〕 斲是虔,松桷有梴,旅楹有閑。寢成孔安。 陟彼景山,松栢丸丸。是斷是遷,方

《小序》謂「祀高宗」。按鬼方在荆

州之 方」,固 不遷之廟,祔而祭之之詩 地 自 即 無疑。 今貴 州。 此蓋 [《]易 後 也 世特爲 稱 高 高 宗 宗立 伐 鬼

其阻」,與之合,可見非暫事也。 「高宗伐鬼方,三年克之」,此詩云「罙入傳作「深」,是訓「冒」者未然。《易》稱「楚」是國名,故人得兩稱也。「罙」,毛「差」是國名,故人得兩稱也。「罙」,毛

天下。」也,亦倒句。孟子曰:「武丁朝諸侯,有也,亦倒句。孟子曰:「武丁朝諸侯,有四章「命于下國」,謂爲下國所歸命

説耳。 者, 在 無故自疑,以 章文意略 送,明 而 無 獨 六章《集傳》曰:「此章與《閟宫》之卒 非 疑 是魯以 欲 商,又何也? 同,未詳 實其《 起人之疑,何也 商 爲 何 商 藍 謂 頌》 E°。」按 本耳,何 其 多 商 ? 云「未詳」 疑義」之 在 凝焉! 且不疑

三四九

詩經原始

〔清〕方玉潤

校 撰點

	卷首下 三五
	詩旨 三五
金	卷之一 六〇
	國風一 六〇
校點説明	周 南 六〇
詩經原始自序	關睢
卷首上 一	葛覃
凡例 一	卷耳
詩無邪太極圖説 五	樛木 六九
十五國風輿地圖 八	
大東總星之圖 一一	桃夭 七〇
	兔罝 七二
	芣苢 七三
楚邱定之方中圖 一二	漢廣 七四
公劉相陰陽圖 一二	汝墳 七七
豳公七月風化之圖 一三	麟之趾 七八
諸國世次圖 一五	卷之二 ····································
附作詩時世圖 二〇	國風二 八二
	召 南 八二
1	

緑衣 一一〇	柏舟 一〇八	邶 一〇八	國風三 一〇八	卷之三 一〇八	騶虞 一〇四	何彼穠矣 一〇三	野有死麕 一〇一	江有汜 〇〇	小星	摽有梅	殷其靁	羔羊	行露	甘棠	采蘋	草蟲	采蘩	鵲巢	
國風 四 一三九	卷之四 一三九	二子乘舟 一三六	新臺 一三五	静女 一三三	北風 一三二	北門	泉水 一二八	簡兮 一二七	旄丘 一二五	式微 一二四	谷風	9.	雄雉 一一九	凱風 一一七	擊鼓 一一六	終風 一四	日月 一二二	燕燕	

目録	河廣 一六七	芄蘭 一六五	竹竿 一六四	氓 一六二	碩人 一五九	考槃 一五七	淇奥 一五五	衛 一五五	載馳 一五三	干旄 一五一	相鼠	蝃蝀 一四九	定之方中 一四七	鶉之奔奔 一四六	桑中 一四四	君子偕老 一四一	牆有茨 一四〇	柏舟 一三九	鄘 一三九
\equiv	將仲子	緇衣	鄭	丘中	大車 一八一	采葛 一八〇	葛藟	兔爰	中谷有蓷 一七七	揚之水 一七六	君子陽陽 一七五	君子于役 一七四	黍離	王	國風五 一七二	卷之五 一七二	木瓜	有狐 一六九	伯兮 一六八

溱洧 二〇五	野有蔓草 二〇四	出其東門 二〇三	揚之水 二〇二	子衿	風雨 二〇〇	東門之墠 一九九	丰 一九八	褰裳 一九七	狡童 一九六	蘀兮 一九五	山有扶蘇 一九四	有女同車 一九三		遵大路 一九〇	羔裘 一九〇	清人 一八九	大叔于田 一八七	叔于田 一八六	詩經原始
陟岵	園有桃 二二二	汾沮洳	葛屨 二一九	魏	猗嗟 二一七	載驅 二一~	敝笱 二一元	盧令令	甫田	南山 二一	東方未明 二一〇	東方之日 二一〇	著	還	雞鳴 二〇七	齊二〇七	國風六 二〇七	卷之六 二〇七	Ш

目。録	秦	國風七 二四二	卷之七 二四二			有杕之杜 二三八	無衣	鴇羽 二三五	羔裘 ······ 二三五	杕杜	綢繆	椒聊	揚之水 二三一	山有樞	蟋蟀	唐 二二八	碩鼠 二二七	伐檀	十畝之間 二二匹
五	月出 二六二	防有鵲巢 二六一	墓門 二六〇	東門之楊 二五九	東門之池 二五八	衡門 二五七 	東門之枌 二五六	宛丘 二五五	陳 二五五	權輿 二五四	渭陽 二五三	無衣 二五二	晨風 二五一	黄鳥 二五〇	終南。 二四九	蒹葭 二四八	小戎 二四五	駟驖 二四四	車鄰

破斧 二九三	東山 二九〇	鴟鴞	七月 二七七	豳 二七六	下泉 二七五	鸤鳩	候人 二七二	蜉蝣 二七二	曹 二七一	匪風 二七〇	隰有萇楚 二六九	素冠 二六七	羔裘 二六六	檜 二六六	國風八 二六六	卷之八 二六六	澤陂	株林 二六三	詩經原始
白華 三一八	南陔 三一八	南陔之什 三一八	魚麗 三一六	杕杜 三一五	出車 三一二	采薇 三一〇	天保 三〇七	伐木三〇五	常棣 三〇二	皇皇者華 三〇一	四牡 三〇〇	鹿鳴 二九八	鹿鳴之什 二九八	小雅 一 二九八	卷之九 二九八	狼跋 二九六	九罭 二九五	伐柯	六

目 録	庭燎 三四一	鴻雁 三三九	吉日 三三八	. 車攻 三三五	采芭 三三二	六月 三二九	菁菁者莪 三二七	彤弓 三二六	彤弓之什 三二六	小雅 二 三二六	3之十 三二六	港露 三二二二		由儀 三二二	崇丘 三二二	由庚 三二二	南山有臺 三二〇	南有嘉魚 三一九	華黍 三一八
t	小弁 三七三	小宛	小旻 三六九	小旻之什 三六九	/ \	卷之十一	雨無正	十月之交	正月	節南山 三五四	無羊 三五二	斯干 三四九	我行其野 三四八	黄鳥 三四七	白駒 三四六	祈父 三四四	祈父之什 三四四	鶴鳴 三四二	

小雅 四 四〇七	卷之十二 四〇七	裳裳者華 四〇五	瞻彼洛矣 四〇四	大田	甫田四〇一	信南山 三九九	楚茨 三九五	鼓鐘 三九四	小明 三九三	無將大車 三九二	北山 三九一	北山之什 三九一	四月 三八八	大東 三八五	蓼莪 三八三	谷風 三八二	巷伯 三八一	何人斯 三七八	巧言 三七六	詩經原始
漸漸之石 四三〇	瓠葉 四二九	緜蠻 四二八	白華 四二七	隰桑 四二六	黍苗 四二五	采緑 四二四	都人士 四二三	都人士之什 四二三	菀柳 四二一	角弓 四二〇	采菽 四一八	魚藻 四一七	賓之初筵 四一四	青蠅 四一三	車舝 四一一	頍弁 四〇九	鴛鴦 四〇八	桑扈 四〇七	桑扈之什 四〇七	八

目録	生民 四六二	生民之什 四六二	大雅 二 四六二	卷之十四 四六二	文王有聲 四五八	下武 四五七	靈臺 四五四	皇矣 四四九	思齊 四四八	旱麓 四四六	棫樸	緜	大明 四三八	文王四三五	文王之什 四三五	大雅 一 四三五	卷之十三 ·························· 四三五	何草不黄 四三三	苕之華 四三二
九	韓奕 五一四	烝民 五一二	崧高 五〇八	雲漢 五〇四	桑柔 五〇〇	抑	蕩 四八九	蕩之什 四八九	大雅 三 四八九	卷之十五 四八九	板	民勞	卷阿 四七九	泂酌	公劉 四七四	假樂	鳧鷖	既醉	行葦 四六七

噫嘻 五五〇	臣工 五四八	思文 五四七	執競 五四四	時邁 五四三	我將 五四一	昊天有成命 五三九	天作 五三八	烈文 五三七	維清 五三四	維天之命 五三二	清廟 五三〇	周頌上 五三〇	頌一 五二九	召旻 五二五	瞻卬 五二三	常武 五二〇	江漢 五一八	詩經原始
酌 五七三	絲衣 五七一	良耜 五七〇	載芟 五六八	小毖 五六七	敬之 五六五	訪落 五六五	閔予小子 五六四	武 五六三	有客 五六一	載見 五六〇	雝 五五九	潛 五五八	有瞽 五五七	周頌下 五五六	 頌 二 五五六	卷之十七 五五六	振鷺 五五二	-0

目		殷武	長發	玄鳥	烈祖	那	商頌	閟宫	泮水	有駜	駉	魯頌	頌 三 	之十八.	般	賚	桓
録																	
y .	, ,																
		六〇〇	五九六	五九五	五九四	五九二	五九一	五八六	五八三	五八二	五八〇	五七九	五七九	五七九	五七七	五七六	五七五

校點説明

風

陟岵》:「人子行役,登高念親,人情之常。

則

以《詩經》爲詩,重

一視闡

發其文學意義。

如

論

第。 書》行世,其中影響最大的 次,終年七十三歲。 四),方玉潤以「軍 王國才、李孟群、曾國藩等人。 震 天資聰穎,但 黝 八年(一八八二),方玉潤一直在隴州爲官,著書 石 ,將以應當世之求,遂辭父母而出」(趙藩《方玉潤 光緒九年,被委派權 咸 ,自號鴻濛子,寶甯(今雲南廣南)人。 方玉潤(一八一一—一八八三),字友石,一 離開雲南至湖南、湖北、安徽等地,先後投 方玉潤「乃起從戎念,著《運籌 豐五年(一八五五),太平軍攻佔南京,天下 科場不順,十多次參加科舉考試 功」銓選 方玉潤勤於著述,有《鴻濛室 釐 是《詩 隴州 梅湖,是年八月 州 經原始》。 同治三年(一八六 同。 神機智略》 此後至光 方玉 卒於 均 落 字 潤 差 緒 奔 叢 講

> 論《詩 得意盡? 有代表性者。 已經超乎《詩經通論》之上,成爲清代《詩 況當日遠離父母者乎?」《詩經原始》以文學觀點評 千載下讀之,猶足令羇旅人望白雲 臨行勗己之言,則筆以曲而愈達,情以婉而愈深。 若從正面直寫已之所以念親,縱千言萬語,豈 經》,受到 詩妙從對面設想,思親所以念己之心,與 姚際恒《詩 經 通 論 》的 而起思親之念 影 響,其 經》研 一能 究 成 頗 就 道

首二字爲題,總括全詩大旨爲立 衆説,折衷一是,留爲 無定解, 初五日日記述及計畫著作《詩經原始》的 另據《星烈日記匯要》卷三,方玉潤在同治八年七月 欲探求古人作詩本 同治辛未年小陽月朔日」,是年方玉潤已届 詩經原始》是方玉潤 臆測者多,故較他 旨 家塾課 而 原 其始意也。 經尤爲難 晚年著作,卷首自序署 本,名之曰《原始 一《序》,題下如古 釋。 其 愚擬 情况:「詩 例 先 花 始 廣集 甲。 蓋

古人説詩,多

以《詩

經》爲

經,方玉潤《詩

經

原

樂府 所記 序》、《集傳》之間,其餘諸家亦順及之。末乃集釋名 也、 次録本詩,亦 此 人心脾矣!」後來《詩經原始》一書的 亦點亦圈,以 物,標明音韻。 疏 明白也。 時已經成型(向達《方玉潤著述考》)。 比也惡套。 體 正 同。 而 詩 不 向達先生據此認爲《詩 清 仿《古樂府》一 後乃總論作詩大旨,大約論斷於《小 用傷序,使讀 眉目。 本詩之上有眉評,旁有批,詩之佳 庶全詩聯屬一氣而章法段法又自分 然後全詩 者 解二解 可無遁義,足以 覽 之例,而 而 經原始 體 得作詩之意。 例,與此 》的 不 用 雛 中 一處 形 泌 興

始》,也是雲南本。 雲南本石 爲《雲南叢書》本。 雲南圖書館收入《雲南叢書》,列爲「經部第七」,是 開 冬,成於一八七三年孟夏,書前有牌記「同治辛未冬 雕於隴東分署」,是爲隴東分署本。 詩 經原始》最初刻於隴州,始於一八七 印。 後來《叢書 一九二四年,上海 集成 續 編》所收《詩 泰東書局 一九一 一年仲 四年, 經 又 原

雲南本流傳雖廣,但與隴東本相校,多有錯訛

參校。 頌 公劉 集成續 字條脱「表也」至「蓋」之間四十一字。 乎」,「不敢」誤作「下敢」,《商頌· 言之,而呼臣工、車 字誤作「給」; 其寵,則是張儀 遺 續修四庫全書》影印隴東分署本爲底本,以《叢書 漏之處。 敦行葦,世稱其仁」,「仁」字誤作「人」,《周 臣工》總評「詩既無祭事,天子于諸侯何不敢斥 ·編》影印《雲南叢書》本(以下簡稱「雲南本」) 如:《小雅 《大雅·行葦》總評「昔文王葬枯骨, 傾鄭袖、 右,如 陳平給 車 以卑告尊不敢斥言之例 牽》總評「思得變女以間 閼 氏之計耳」,「給 殷武》集釋「極 本書校點,以

字: 印; 韻 的 確 眉評匯於每首詩集釋之前,用【標出「眉評」二 原書中的旁批 也用〇標出; 知爲某章的, 勾 原書中的圈點删 用[]標出章數,有涉及集釋、標 A 相 應 正 文之下,用 除。 小 字排

校點者 鞏曰國

詩經原始自序

之世風: 之詩 謂 世 之樂官耶? 其時周公殁已數百餘年,安得更次《國風》列 鄧氏元錫説。 而 中樂。」又謂:「得之國中者,雜以 Ш 謂 周 遠]1] 無 公制禮作樂,定二《南》爲化本,因列 封域次《國風》,列之樂官,以導化移俗。 年湮,古無明文,不可 之《周南》,得之南國者,則直謂之《召 ,始自商太甲,下迄陳靈,在周定王初。 詩》三百篇編自何人? 化所及民俗之詩,被之筦弦,以爲房 論 《何彼穠矣》爲東遷後作,即《甘 是謂《三百》爲周公編也。 即朱文公亦云:「周公采文王 得而攷已。 昉於何代? 南國之詩, 第攷 顧或 國

次《豳》,小異。其時孔子年甫八歲。 陟之政,於是特舉其籍而討論之,去其重複 之,遂謂孔子既不得位,無以行帝王勸懲黜 子删之,存三百五篇。 種種紕謬,均不可通。 之風屬人。且其時周王在上,周公安得自命王者風乎? 但案周公自采詩而自繫之,不應以王者之風屬己而以諸侯 周公所采,分繫周、召之詩,後又引《小序》曰「《關雎》、《麟 尚 樂、《詩》之篇次悉與今同。 且孔子未生以前,三百之編已舊,孔子既生 侯之風也,先王之所以教,故繫之召公」,以爲「斯言得之」。 趾》之化,王者之風,故繫之周公,《鵲巢》、《騶虞》之德,諸 棠》一詩,亦屬召公身後事。 而後,三百之名未更。 百之編屬孔子矣。 正其紛亂,以從簡約,而 坐明廷 而 與 聞 斯 或又謂古詩三千餘篇,孔 何紛紛無定解若是歟? 咏否耶? 司馬氏遷説。 吴公子季札 示久遠。 惟《豳》次《齊》,《秦》又 不識周公此時 朱子既以 《集傳》承 是又以三 迨杏壇設 來 二《南》爲 魯

自

序

嘗有 也? 爲聲教。 義,分編 陳靈世去孔子尚五六十年,其間必有博學聞 不 反魯,年近七十。 至聖如 木之名」也。 書》 詩》、《書》作者名且不著 詩 誦《詩》三百」,未聞有三千説也。 恒 邇之事 删 日「《詩》可 不與樂官師摯輩審其音而定正之,又何 縱 雖 名 大抵 雅言《詩》,一 孔 詩説 博 斷 四始,以 盛德之士,應運挺生,獨 故列 子亦諄 採 自 古 父,遠之事 哉? 列 嗚乎盛矣! 唐、虞,而 人載 國士夫莫不《風》、雅》相 或, 以 諄 成 樂傳既 興,可以 則 以 然則三百之編 籍, 一代雅音,上貢 而 日 二《南》爲家庭訓 作詩之人 君,並 多 「《詩》三百」, 著書之人無 ,況編纂乎? 久,未免殘 然而 不著撰 觀,可以 多 編《詩》之人, 識 亦 能 於鳥 厥後 人姓 群,可 ,果何始 朝廷,垂 無 缺 精 再 傳焉。 上, 且 尚 聞 失次 吾意 探 自 則 焉。 氏 以 爲 雖 六 衛 曰

復證 《序》之僞託 然而 故作 焉。 體其 《雅》三《頌》,則知其爲宗廟朝廷之樂, 爲風 始,而 前 事 不事 之,大肆 唯 氏駁之於前,朱晦翁辯之於後,而其學遂微。 而 夫子終不言也 誤 尚 謳 僞《序》始 -者之名 虚聲。 吟以 政治 讀 朱 無異 其他 以身心性命之微而已矣。 迨秦火既烈, 俗所由 得其 雖 「鄭聲淫」一語 其 議,宋以後始有疑者。 心傳 文 得 駁《序》,朱亦未能 倫 説 附會 河詞 出 不 失 如誦二《南》,則識 變,而察其治亂之幾 行之正 以 必問 與 而 I 玷 托名子夏,又曰孔子。 夫人物賢 而 拙 且. П 葩 授,涵濡乎六義之旨, 而 無 夫古人爲學,務 焉。 訓詁 ,遂謂鄭詩皆淫 編纂之人無 當者。 經,則 誦 詳 否以 列《 出 其失又有 略,在 於是説《詩》門 其爲 一一一字 國》 及功德隆 歐陽 由 》範 焉。 風化 所弗論 重 詢 則 而 氏、鄭 韋 實 唐 甚 盡 而 誦 知 所 也 於 以 又 唯 深 其 反 由

遠引 後得 嘗 大可 皆《集傳》、《辯説》有以 復乘 如 微 徒懸疑案於兩間,而無 窮經之士,莫所適從。 盡背朱 乃 悟,十得二三矣。 夫子雅言「無邪」之旨,自漢迄今未有達詁, 顧 ,紛然争起,以爲《傳》固常獲咎風人也,不 作 反 不揣固陋 力淺,義少辯多,亦不足以 姚氏 間 掩卷 痛 而 .. 詩 ,辯論於《序》、《傳》二者之間,頗有 本意 而 而 而 遵《序》,故前之宗朱以 唯其是者從 .際恒《通論》一書,讀之,亦既繁徵 可惜 出 從《序》。 三嘆,徒致憾於尼山 ,反覆涵泳,參論其間 乎其際,則《詩》旨因之愈亂,是 而 哉! 止 ,不顧《序》,不顧《傳 而剖抉未精,立論 輾 愚少時讀《詩》至此,未 而 轉相 以致明季僞子貢《傳》 一人焉 啟之也。 非者正 循,何時 鍼肓 正樂時也。 起而 攻《序》者,今 ,名之曰《原 嗚乎 務求得古 而 正 未 以,亦不 能已? 之,不 起 ! 允,識 最 以 領 石 亦 無 勤 而 本意

爲二千餘年説《詩》疑案,至是乃可以息 憾者,於是亟邀同 始》一書所由作也。」乃言於古扶風郡守李公 辯,既有《序》出,《詩》必明辯而 已之論耳。 亦不外乎是。 始》,蓋欲原詩人始意也。 争耳。 無敢辭 伯觀詧。 嘆曰:「是非妄異乎古人也,乃詩 何 如 因 前 余時唯唯 觀詧固 蓋未有《序》時、《詩》可 書其端委如 循文按義 書成,以質萬子伯舒。 人助貲勸梓,用公同好, 退退 恒以誦《詩》不得其解爲 則 而 此 默 雖不 古人作詩 云。 然赧然,無敢 後詞。 ·知其於詩 以 大旨, 萬子 中不 誦 此《原 喙 而 信 容 而 以 無 作 要 人

户

1氏書。 同治辛未年小陽月朔日,古滇方玉潤黝

詩經原始卷首上

凡例

諸載 幾。 作,見于《國語》。 惜其他不盡然。」意夫子當日言《詩》,必有明 穆,見于《左傳》,《時邁》、《思文》之爲周公 莊姜、清人》之爲惡高克、黄鳥》之爲殉 又皆衛宏所託,未可據以爲信。 一、詩必有題,題必有序,此定例也。今 書》,《載馳》之爲許穆夫人,《碩人》之爲美 一百既 曉 然者 姚氏云:「《鴟鴞》之爲周公貽王,見 籍,求其可以爲《詩》序者,亦屬寥寥無 無題,復無 在 知 若此者,真《詩》之序也 序,而世所傳大、小《序》, 何時 失去耳。 不得已而 孟子云: 秦 于 致

> 也。 《詩》固有 **倀無所適從焉耳**。 之,亦將使讀者開 補其闕。 章取義言之,非謂全詩大旨可以臆斷 而作事或當然之想,因復爲擬一序題下, 不以辭害意,以意逆志。」固己,然此特爲 今古序既失,不得不本「以意逆志」之訓 非敢 無題而 謂即古序也,蓋 自明者,是亦僅 卷瞭然,不至如 識者諒諸 尋繹詩意 耳 瞽者之倀 ·, 非 也 盡 得 然 夫

聯屬。 漢樂府「一解」、「二解」之例,以清段落 成篇,不肯分開。 頤 詩首尾不 而 得其要領者。今之經文,多分章離句,不 乃可上窺古人義旨所在,未有篇法不明而 成韻 也。 一、讀《詩》當涵泳全文,得其通章大意 是編每詩無論章句多寡短長,均 在明者固可會而貫通,在初學殊 能 解之者又往往泥於字句間,以 相貫。 唯於每章下細 無 怪 説《詩》者之難 注 畫 明 庶 聯 於 致 難 使 屬 解 全 綴 相 能 如

精 陣 心 探 思自能默會貫通,不煩言 開 古人作 闔 得 變 以 化 詩大旨,則讀者之心思與作者之 ,後乃細 氣 讀 下, 先覽 求 字 全篇 句 而自 研 鍊 局 解耳 勢、次 之 法 觀 大 而 筆

也。 少。 詩 之,所謂 興 口 賦 俾 比 非 題及文勢爲之,亦行乎其所不得不行已耳 會,或因物 小 0 知用 也之類 判然三體 兒學 其 更可笑 然非執定某章爲興,某章爲比,某章 觀 、賦、比、興三者,作詩之法, (中有) 意所 比也。 漢、魏諸 概 語 句 者 在 可 不能明言者,則 以 行删除 而 以 「賦 或一二句比,或通章比,皆相 句强 起興,或 른 作,其法自見。 分晰言之也。 而 爲分解也。 興」、「興而 至賦 唯於旁批 因 體逐章皆是,自 不得 時而 學者不知古 夫作詩必 比」之類, 不借物 故編 感 略 興,皆 爲 斷 中興、 點 以 不 明 興 爲 無 有 喻 如 可

煩

焉耳。 以 批,更用 惜竭盡心力,悉爲標出。 難免,即 譏 於世 振 讀 者之精神,使與古人之精神合而 古經 圈點,以 古人精神亦非借此不能 然 而 何 奇 待圈 清眉 文共 評 目 欣 ? 賞,書 既加 月峰、 豈 飾 眉評 生 觀 出也。 竟陵 一結習 乎? 復 久 爲 着 已 亦用 故 古 旁 貽 所 不

間 《序》,而其所論 也。 使 所論 宗朱《傳》,近日又將反 或衆説有互相發明,足以起予者,亦旁及之, 自 然非薈萃諸家 群 附 來說《詩》,唐 故姚氏起而論之,其排《傳》也尤甚 説 ,只以三家爲重。 全 、讀書 同 文 歸 於後,用備 貴 致耳。 ,辨其得失,不足以 又未能 有 以前悉遵古《序》,宋以 特 參觀 識,説《 辭或傷煩 三家定則群喙息。 盡 而趨《序》,均 與古合。 非 詩 好 ,所不暇 > 務 異 折衷 是以 也,亦將 持 兩 正 編 於 失 後 是。 論 其 中 排 道 獨

見 唯 棋 月 酌 附會穿鑿處 ,用「案」字别之。 悉 藉是以發明《詩》旨也 、《詩》稱 當 間 亦 有 多識,箋注之功,似 疑 最 義未安者,亦嘗參 蓋 足以增 不徒以 厭。 多 是編 識 未 務 所 可 博 以 泯。 採 雅 己

若聊 年後 之人 之誚 亡 各以私意自定古音,其能免非古而自命爲 然近世儒者如顧亭林、江慎修、戴東原輩,又 可信乎? 百之音,識者譏之,以其非 韻 該 日 而韻亦因之以亡耳。吾人生古人數千百 前 古 尚 即 乎? 「此古音也」,「此今韻也」,縱極精微,其 、音韻 可 韻 今韻以上該乎古,其有合有不合,今 欲求古人數千百年上之音,强 矣 《集傳》本吴才老《韻補》,以叶三 自命爲古而不足以 覽 一道,古必自有定本。 而 而 所 自 分譜, 識 也。 則 古而自命 以 姚 氏 喉 信 、愕、舌、齒 雖亦知以今 乎今,則何 爲古也。 自《詩》 爲 古 之

> 唇 明,不敢强作通人,以誤學者。 本 今韻合,則今之人仍未能 ·韻、通 五. 聲,分本韻、通韻、叶韻三者, 韻 、轉韻、叶韻 四 盡識 者,然悉照今韻 也 兹編 亦 未 亦 能 標 分 與

據? 即肖。 儒 外 不 固 可 但三代制作,去今已遠,後人以 之固即失之妄,又安能 谷之變遷焉。 存之,庶學者可一覽而 意,不 相 ,非考據即 因 尋 討 近 其無題無序, 一、六經中唯《詩》易讀,亦 一、《詩》原有圖 然其大要亦頗不 唯山 而 比 故 得。 他書 JII 往 講學兩家,而兩家 唯制 封域,萬古不易,建置 往穿鑿附 即 明 作 亦由於詞旨隱約,每多言 白 度、名物諸圖 詩時世 顯 有譜,二者均 望其 爽,因 得其時勢之升降、陵 易 會 也。 膠 能得詩 圖 略加考訂 唯《詩 意仿 柱 性 又況 贵 則 鼓 情 盡 人言外意 瑟,不失 ",與 不 在 圖 雖多,尚 説 》難説。 所略。 可 詩 而 詩 未必 廢。 諸 備 絶 口

哉 案論其下。 辯,徒啟 書》以來説《詩》之當理者,得若干條,仍逐條 卷首,以 本擬 口 舌紛争,無 便觀 薈萃群 蓋發明義藴,非吹求小疵也。另 覽 説 而 益 條論之,又嫌其 興 觀要旨。 爰 集《虞 鄰 於

貲則張子衡方伯岳齡、李勤伯都 劂 嗜 賢,未免有乖世好,詎敢出 都 振 春 司 有 直 冬,告竣於癸酉孟夏,凡閱月 亦不 潭 馬 刺 刺 轉步蓮及羅鳳翔誠之司馬驤、 菖蒲、未始 初 刺 觀 家植、張少 豫剛、蕭 振河、林 詧□□、王 史鸞諸君,共贊厥成。 是書持論,務抒己見,不得不小 能 以 扶 麟 自 無 竹司 風 遊 主 人,於是群相慫恿 子萱幕 香 望侯大令之焜、 一焉。 馬 圃 、勤、張 司 其役經始於辛 府壽 馬大勳、沈 而 潛 光與 問世? 參訂 園 轉慎、 十有 黄 周 現 明 寶 則 府 大 隴 篆 喻 勸 萬 荔 鷄 隴 丕 州 然 瀬、 蓂 未 伯 筠 躍 海 付 異 牧 而 前 亭 助 舒 周 高 樓 生 仲 剞 虀


> 李生培之茂才沖霄、王生鏡堂選拔秉鈞,均與 院馬 之益 力焉 馬 方照、毛子林刺史鳳枝、楊仲 居多。 生喜亭明經康樂、邊 校讐 則 汧 隴 及門 生 次 諸 Щ 臨 學博鼎 子, 廣 文觀: 如 五 昌二 化 峰

監

司

有

四




其作之之方,不外《舜典》命夔數言曰:「詩 以制之,故哀而不至於傷,樂而不至於淫。 思有哀樂,皆二氣之所感。唯恃有無邪之思 蔽以一言,則此一言也,實作詩者之真樞也, 不唯正變,且分大小,而正變亦隨之。 頌,皆因體以定名。 風雅者知所用志焉。 要言,盡於是矣。故以之環列極旁,使有志 於是貞者存而淫者去,此《詩》之大要也。 有正而無變矣,然其體與聲有時而異,或變 言志,歌永言,聲依永,律和聲。」千古學《詩》 而可無圖乎? 「《詩》三百,一言以蔽之,曰 『思無邪』。」三百 《詩》亦何太極之有? 然夫子不云乎: 圖即以思爲極。思有貞淫, 風有正變,雅亦有正變。 由是而爲風、爲雅、爲 。頌似

Ŧī.

之《野 之類。 故首 言或 變者 也。 近 方 比 謂 起 思 而 本 何 謂之變耳。 而 也 以 乎 乎 興 近 爲 比 而 有死麕》。 雅 風 難 或或 故 天籟之聲。 無 乎 人 雅 但其 非 又 雅 以言 别 Ī 如 如 者 而 風 亦 何 必 與 因 乎? 風之本 顧 頌之中,亦復有變頌 因時 《悶 如之,頌何不然? 、體裁有異常格,音律因之變换,即 也 頌 時 盡 如《 語 以故正風之中亦有變風,如《召 可 變風之内不無正 宫》與《商》之伍 ? 出 獨 而 魯》之《有 判 形 詩 感興, 於衰世之音,而 而 無 然别之乎? 歌 乎天者, 容者,則假物 非 爲俗。 詩》,聲教 比 體近乎風者則風之體 乎? 興會不能作,或因 ~《 皆興 篇。 嘘 本 泮 然則 也。 氣 時 也。 水》之類 然則 不 體,如《鄭·緇 存 而 而 勢之風 以譬之,是之 或有 謂之 四始 中 焉。 顧 聲出 成聲;風之 賦、 有 可 變 分 謂 不 淫邪、 夫所 或 尚 乎風 比、 物 布 風 能 不 變 近 發 衣 南 之 有 謂 兀 明 以 興 得 而

《舜 焉。 告成 者, 裊 矣。 乎雅 子教人學《詩》之旨,又無過此數言之詳 父,遠事君,且並 用,可以 也。頌則隆冬收閉 相 神會之,自 也,有類 融隽永,肅穆無間。 學《詩》,誠 不 越 如四序 諷 ,典》數言奉爲矩獲,自 、功矣。 然其要則 断 也 故 者 也,有類 舉 則 乎夏. 興 繼 首 且夫聲之爲道,始 雅 了; 可 得其命 而昌大條達,充滿 讀者 風 之 能守 春,由是而 氣發揚與秋令之廣大 總歸之以「 也, 體 以 乎 多識 試 春 觀 此 而 名 近 取 ,萬物盡藏,一歲長養, 故《詩》之體象 風之風 雅 一言 於草 乎 可 取 風 頌 以 頌 義之實也。 、雅、頌三音,口 夏而 能 以 思 可 者 木鳥獸之名 群 八音克諧,用 無 人 爲 珠 而 則 秋 天 可 也 之宰 輕 聯 邪」一語 亦 而冬之不 地; 以 颺 而 焉 頌 怨, ,然後 雅 和 繩 若 而 終 之 者, 婉 貫 清 彌 其 則 則 Ħ. 咏 而 裊 焉 爲 夫 事 口 明 大 風 冲 口 己 而

者,不亦宜哉? 蓋思者,可以通天地而感鬼者,不亦宜哉? 蓋思者,可以懲勸並施,特出,徒從事於風雲月露,以炫藻采而騁才思,或流於淫而不知,或近乎邪而不覺,而欲望或流於淫而不知,或近乎邪而不覺,而欲望或流於淫而不知,或近乎邪而不覺,而欲望,於風盛人人,不既深且遠哉!




天下, 以 絡 侔,未嘗不想見當 風》,始悉各國 論 説 不 東 是圖,與諸家所繪輿圖又異。 岐,自當仍圖之岐 目 不可不資乎地圖 遷 間 以 便 同,亦難臆定,爰闕之以俟後攷。 其 於左,俾覽者自擇焉。 く觀覽。 ~, 乃 也。 察形勢,仍復按之歌詩,當自有得 Ш 自 頗知]1] 來《詩經》,均首列《十五國 改封陝、 又周、召舊封,本在岐境内,其 脉 大 然按之地界方位 絡 地 風 、關隘 尚 山 洛間。 也明矣。 時歌 Ш 攸殊 海 下爲是。 險 融 詠 夷 隨 結 而詩則多採之 情 也。 形 因以己意, 地變遷,迥不 形。 勢。 唯太 舛訛 覽者尋 愚 足跡 是讀《詩 [興地 歸 原,説 頗多, 僅 讀 其 附 於 創 幾 圖 各 於 後 爲 心 脉 相 或 遍 無

太原府陽曲縣。『至于大原』,逐出之而已,不窮追也。」大原。』《傳》云:「大音泰。大原,地名,亦曰大鹵,今在《附録》〔周氏斯盛曰〕語云:「薄伐玁狁,至于


閒周 也。 州即 陽之地,似 以《小雅· 引鄭氏云:「其地在今邠 狁,由冀州太原而出乎? 阻 陽」,指此地而言。 安定涇陽縣,今原州百泉縣笄頭 理 今在大原府陽曲縣。」是《禹貢》冀州之太原也。 未實指何地,至朱《傳》始云:「大原,地名,亦曰大鹵 志,改就清析。 曰〕案、《大全》原圖,地界方位舛訛頗多,今參攷輿圖地 詩 至于涇陽」,非自冀州大原 案,大、太二字,音本不同。 詩》「至于大原」在雍州。 人所 ,黄河介其中,安得飭戎車日行三十里逐雍州涇 漢爲邠州 斯 朱子在南渡後未至北方、《集傳》偶誤耳。 唐原州故城。 且 攷 盛輯《山 云「至于大原」者,指 國 六月》篇「薄伐玁狁,至于大原」,毛、鄭、孔俱 大原當 語 唐 || 宣 西通志》,以經文焦、穫、鎬、方,皆近 惟玁狁舊列於太原之北、長城之外者 爲原 亦距涇陽不遠,意即《禹貢》雍州之原 漢唐以來又以河南地爲五原郡。」則 涇陽東北至太原二千餘里,山 三王料 州 民於大原 州,唐有 而非冀之太原。 《禹貢》「原隰底績」,蔡《傳 周都豐、鎬,玁狁「侵鎬及方 而 《禹貢》「既修大原」在冀州 原州 人。 山也。」則《詩》所云「涇 而 《地理志》: 涇原節度使,今固 」,似爲鎬 言 非冀州 其説似近於 備禦之計 涇 〔《彙纂 明嘉靖 之太原 陽纖 小水出 Ш 原

0


未必遠料之於晉國也。又攷《前漢·地理志》:太原未必遠料之於晉國也。又攷《前漢·地理志》:太原有定指,而唐徐彦《公羊解》云:「此地勢高大而廣平,故謂之大原。」則古屬通名,似難專指陽曲也。豈朱子故謂之大原。」則古屬通名,似難專指陽曲也。豈朱子故謂之大原。」則古屬通名,似難專指陽曲也。豈朱子故謂之大原。」則古屬通名,似難專指陽曲也。豈朱子故謂之大原。」則古屬通名,似難專指陽曲也。豈朱子故謂之大原。」則古屬通名,似難專指陽曲也。豈朱子故謂之大原。」則古屬通名,似難專指陽曲也。豈朱子故謂之大原。」則古屬通名,似難專指陽曲也。豈朱子故謂之於晉國也。又攷《前漢·地理志》:太原



朱子曰"漢,天河 在漢旁。牽牛, 星名。啟明、長 庚, 皆金星也。以 其先日而出, 故謂 之 啟 明以其後日 而入、故謂之長 庚。天畢, 也。箕斗二里,以 夏秋之間見於南 方。云北斗者,以 其在箕之北也。或 口, 北斗, 常見不 隱者也。南斗柄固 指西, 若北斗而西 柄,則亦秋時也。



_



因,又参日中之景,又参日中之景,又参日中之景,又多日中之景,以是人之景,以正典,以是韩可以黎而度其正中,夏祖中,夏祖中,夏祖十月位强。此方之馆。此是中,明宫军,故谓之皆。此是皆,未子曰皆,故谓之德。此是皆




		圖	さ	化	風	,	月	七	公		豳		
十月	九月	八月	七月	六月	五月	四月		四 之 日		三之日	二之日	一之日	
	肅霜		流火。		斯螽動股。	秀葽。	春日遲遲。	春日載陽。			栗烈。	觱 發。	霜露之變
下蟋蟀人我 牀	在户。	在 葦。 在 宇。	鳴鵙。在野。	莎雞振羽。	7			有鳴倉庚。					草木之化
塞穹塚 向	築授 場衣 圃。						1	蠶月條桑。		納于凌陰。	鑿冰沖沖。		以知天時
我稼既同, 蘑稚。		其養養。					伐遠揚。	采蘩,取斧折, 女執筐求柔桑。	舉趾。	于耜。	載續武公。	于貉。	男服事乎内
或其乘屋。 書爾于茅, 東國, 東國,		爲公子裳。,									獻 新 五 五 其 豵 ,	爲公子裘。	下以忠利上上以誠愛下
以爲此 民 民 民 此 至 成 成 成 。 。 。 。	食 采	剥斷棄壺。	烹葵及菽。	食鬱及薁。					饁彼南畝。				食力而助弱
萬稱躋 曰朋 壽彼公羔斯 無兕、 一、 一、 一、 一、 一、 一、 一、 一、 一、 一、 一、 一、 一、							3		獻				其 無 響 也 節

 \equiv

風》春日之事云。 職子曰:《七月》之詩,皆以夏正爲斷。朱子曰:《七月》之詩,皆以夏正之日,謂二陽之月。變月言日,言是 一之日也。餘放此。曹氏粹中曰:公 門,非敢遽以爲三月也,特以備見《豳 間,非敢遽以爲三月也,特以備見《豳 風》春日之事云。

微仲幾子	太丁	祖甲弟	1	小 辛	祖丁祖辛	河亶甲弟	雍 己 州甲	太甲孫嫡	主癸	報丁	曹圉	契	商〔宋附〕	諸國世次圖
宋公稽	帝乙	廖 辛		小乙 第小辛	南庚子甲	祖乙	太戊	沃丁	湯 乙即 天	報乙	冥	昭明		
丁公	紂(宋	庚 丁弟	· 廪 辛	武丁	陽甲 子祖丁	祖辛	仲丁	太庚弟万	外 丙 子 次	報丙	振	相土		
潘	(宋)微子兒魚	武 乙 :	,	祖 庚	盤庚湯甲	沃 甲 ^{弟祖} 辛	外 壬 弟 丁	小 甲	仲 壬 弟 丙	主壬	微	昌若		
穆王	武王	〔岐周〕太	公非	慶節	后稷	周〔豳附〕	辟公	景公	文公昭公	桓公弟公	移公弟	宣公宣公	哀公	煬 公 第 公 第 公
共王	成王	王	高圉	皇僕	不窋		剔成	昭公帝孫庶	共公	襄公	殇 公子	宣公宣公	戴公	厲公子 公
懿王	康王	王季	亞圉	差弗	鞠《左傳》作		優 弟剔 成	悼公	平公	成公	期 公子		武公	釐公
孝 王 弟共 王	昭王	文王	公叔祖類	毁隃	[豳]公劉			休公	元公	昭公	湟		宣公	惠公

415

孝公弟公	多り		幽公	周公	. ‡	哥公封	报 王	安王	哀王	悼 王		定王郎王	惠王	平王	夷王懿王	詩經原
惠公	正と弟		魏公弟公	伯禽		爵。		烈王	思王泉王	敬王弟		第 王	襄王	桓王孫王	萬王	始
隱公	壹ク		厲公	考公	7			顯 王 弟烈 王	考 王 ^{弟哀} 王	元王		靈 王	頃王	莊王	宣王	ii ii
桓公弟公		白即懿公	獻公萬公	煬 公 弟				慎靚王	威烈王	貞王		景王	匡王	釐王	幽王	
邶	武成王	易王	湣公	簡公	惠公	昭公	桓侯	哀侯	召公五世	召公封燕侯	平公	穆公	定公弟公		莊公	
	孝王	子噲	釐公	獻公	悼公	武公	莊公	鄭侯	惠侯	爵。	頃公	共公	哀公	成公	閔公	
	王喜	昭王	桓公	孝公	共公	文公	襄公	繆侯	釐侯			康公	悼公	襄公	僖 公	
		惠王	文公	成公	平公	懿公	宣公	宣侯	頃侯			景公	元公	昭公	文公	六

詩經原	鄭伯爵。	元君嗣君	成侯	昭公	班師襄公	襄公獻公	穆公	懿公	桓公宣公弟	釐侯	 庭伯	康叔	衛侯爵。	鄘以上二國;
經原始卷首上		君角	平侯	懷公弄公	君起爱公	靈公	定公	戴公顽子	弟桓公	共伯	靖伯	康伯		以上二國,封爵世次未詳。
			嗣君	慎公孫公	悼公 季出父	出公靈公	獻公	文公戴公	惠公	武公弟伯	貞伯	考伯		
			懷君	聲公	敬公	莊公出公	殤公弟公	成公	黔牟石公	莊公	顷侯	嗣伯		
	悼公子公	靈公	昭公弟	釐 公	属公	哀公	太公	齊侯爵。	共 公聲公	定 悼公 公	i フィイ	文人/厲公	属公昭公	桓公
	簡公	莊公	懿公弟	襄 安公	文公	胡公泉公	丁公	I	幽 属公 2	默 成公 分 弟	- 1	息い	子亹昭公	武公
	平公第公	景公弟至公	惠公弟	桓公孝	公公	獻 公 弟 公	乙公	4		^Y 登 公		虚ノン	子嬰骨》作子儀	莊公
七	宣公	晏孺子	頃公	孝公	莊公	武公	癸公	5	君 之 名	衰 籠公 公	1 身公弟	と、靈公	子儀左	昭公

烈公	定公	悼公曾孫公	靈公	惠公子	(量) 武公	見り	 官 戻	孝侯	穆侯	厲侯	唐叔	唐即〔晉〕,侯爵。	魏畢公高之後,封爵	康公	
孝公	出公	平公	成公弟 2	懷 公 寒	鬳	大は、自治し	「由夭」亘	鄂侯	殤叔穆侯	靖侯	〔晉〕侯變	?。〔曲沃附〕	,封爵世次未詳。		
静公	哀公曾孫公	昭公	景公	公子	奚齊默公	表 子	汉 穆 侯	哀侯	文侯穆侯	釐侯	武侯		0		
	幽公	頃公	厲公	襄公	弟	- 1	主台	小子侯	昭侯	獻侯	成侯				
慎公	胡公	陳侯爵。	始皇帝	武王	出子	懷公與公弟公	惠公孫	せる	共 宣公 公		出子	莊公	非子	秦伯爵。	
幽公	申公		二世皇帝	照襄王武	獻公 公 要公	靈公孫公	悼公	担と	弟		武公雷公長	襄公	秦侯	13	
釐公	相公弟公		子嬰二世皇	孝文王	孝公	簡 公 零 公	厲共公	5/2	建 经	1	子,	文公	公伯	1	
武公	孝公子公			莊襄王	惠文王	惠公	躁公	を	夏 康公	Ê	德 公 弟 公	甯公 孫公	秦仲	2)

靖公聲公	平公	文公	莊公	惠伯	孝伯	振鐸	曹伯爵	檜祝融之後,封	哀公	穆公	厲公桓公弟公	夷公
伯陽	悼公	宣公	釐公	石甫	夷伯	太伯		祝融之後,封爵世次未詳。	惠公孫公	共公	利公石	平公夷公
	聲公弟位	成公第宣公	昭公	繆 公 弟 甫	幽 伯 弟夷 伯	仲君			懷公	靈公	莊公弟公	文公
	隱公平公	武公	共公	桓公	戴伯 第 伯	宫伯			潛公	成公	宣公弟公	桓公

附作詩時世圖從《傳說彙纂》錄出。

商詩五篇。

太甲之世

頌一篇。

那鄭氏康成謂:太甲祭湯 也。 孔 氏 類達

謂"《那》之作當太甲時。 〇朱子不詳

其世。

仲丁以後

頌

一篇。

烈祖孔氏穎達謂:《箋》稱祭中宗,諸侯來

助,明是其後,或子孫之時,未知當誰世。

〇朱子不詳其世

頌一篇。

玄鳥孔氏穎達謂:

祖庚之世

禮三年喪畢, 給於太祖之

序言袷高宗,明是爲高宗而作袷,故

祖庚以後

知是袷於契之廟也。

〇朱子不詳其世。

頌二篇。

長發 殷武孔氏穎達謂:《玄鳥》、《箋》以

後。《殷武》既在後,則知《長發》之作,亦 爲高宗始祫。《殷武》云祀高宗,則亦在其

周詩三百六篇。

在後矣。〇以上二篇,朱子不詳其世。

文王之世

正風二十三篇。〇孔氏穎達謂"二《南》之詩,文

〇朱子皆同,而以《甘棠》亦爲文王時詩。 王時作,惟《甘棠》、《何彼穠矣》武王時作。

(周南)

關雎

樛木 葛覃

桃夭 苤苢

螽斯

卷耳

汝墳

漢廣

兔罝

 $\overline{\circ}$

出車

麟之趾

召南

鵲巢

草蟲

行露

羔羊

殷其靁 小星

摽有梅

江有汜

騶虞

野有死麕

正

小雅八篇。○孔氏穎達謂"《鹿鳴》等三篇,此

年;《出車》、《杕杜》還而勞之,在受命五年;《伐 文王《小雅》,《采薇》爲伐昆夷而作,事在受命四

之,未可定也。〇朱子皆不詳其世。 木》、《天保》無文王之謚,或當時即作,或後爲

四牡

鹿鳴

皇皇者華

采薇

天保

伐木

杕杜

采蘩

采蘋

武王之世

靈臺

正風二篇。

【召南】

甘棠孔氏穎達謂:《箋》云美其爲伯之功,謂

武王時也。○朱子以爲文王時詩。

何彼穠矣孔氏穎達謂:《何彼穠矣》,太公 已封於齊,武王時作。 〇朱子同,又疑爲

東遷後詩。

南陔

正小雅四篇。

白華

華黍孔氏穎達謂: 此三篇蓋武王之時。○

朱子皆不詳其世

或在其後,不可定也。 言謚,又不言王,但經無謚者,或當其生存之時. 王」、《靈臺》云「王在靈沼」、皆言王。《旱麓》不 ○朱子皆疑爲周公所作。

正大雅三篇。〇孔氏穎達謂:《棫樸》云「濟濟辟

旱麓

棫樸

421

魚麗孔氏穎達謂: 此篇武王時詩。 〇朱子

不詳其世。

正大雅三篇。〇孔氏穎達謂:三篇皆言文王之

謚,皆文王後作之。○朱子以《縣》爲成王時詩

《思齊》、《皇矣》疑爲周公所作。

皇矣

成王之世

思齊

變風七篇。○鄭氏康成謂: 成王之時,周公避流

言之難,其詩爲豳國變風。 〇朱子亦以爲成王、

周公時詩。

豳

鴟鴞

七月

破斧

東山

伐柯

正小雅十篇。

狼跋

九罭

常棣鄭氏康成謂"周公弔二叔之不咸,召公

爲作此詩。 〇朱子同。

由 庚

南有嘉魚

崇丘

南山有臺

由儀

湛露

菁菁者莪孔氏穎達謂:《由庚》以下,周

彤弓

公、成王之詩。 則《南有嘉魚》至《菁菁者

莪》從可知也。 〇朱子皆不詳其世。

正大雅十二篇。

文王

大明孔氏穎達謂: 《文王》、《大明》二篇

成王時作。 〇朱子同。

下武孔氏穎達謂:成王時作。○朱子同。

文王有聲孔氏穎達謂:《文王有聲》舉其

行葦

生民

謚,則成王時作。

〇朱子同。

既醉

假樂

鳧鷖

有瞽

雝朱子以爲武王時詩。

振鷺

豐年

噫嘻朱子疑爲康王時詩。

泂

酌

公、成王時詩。 〇朱子同。

卷

阿

鄭氏康成謂:

《生民》及《卷阿》,周

頌三十一篇。 ○鄭氏康成謂:《周頌》者,其作在周

公攝政、成王即位之初。○朱子亦以爲多周 公

所定,而間或有康王以後之詩。

清廟

維天之命

維清

天作

烈文

昊天有成命朱子疑爲康王時詩。

我將

時邁朱子以爲武王時詩。

執競朱子疑爲昭王時詩。

臣工 思文

懿王之世

般

桓

變風五篇。

齊

雞鳴鄭氏康成謂: 人變風始作。 〇朱子不詳其世。 哀公政衰,懿王烹之,齊

載見

有客

武

閔予小子

小毖 訪落

酌

絲衣

載芟

良耜

敬之

賚

還孔氏穎達謂:《還》,《序》云刺哀公,則哀

公時詩也。 〇朱子不詳其世。

著

東方之日

東方未明孔氏穎達謂:三篇亦爲哀公時

詩。 〇朱子不詳其世。

夷王之世

變風一篇。

邶

柏舟《序》:衛頃公之時,仁人不遇,小人在

側。○鄭氏康成謂: 頃公當周夷王時。 則平王

〇朱子不詳其世,又疑爲莊姜詩

之世。

夷王、厲王之間

變風四篇。○鄭氏康成謂:夷王、厲王之時,檜之

變風始作。 〇朱子不詳其世

檜

羔裘

素冠

隰有萇楚

匪風

厲王之世 變風二篇。

陳

宛丘《序》:刺幽公也。○鄭氏康成謂: 公當厲王時。○朱子不詳其世。

幽

東門之粉《序》:幽公淫荒,風化之所行, 男女棄其舊業,亟會於道路,歌舞於市井。

〇朱子不詳其世。

變小雅四篇。○鄭氏康成謂:刺厲王、十月之

十月之交朱子以爲幽王時詩。

交》、《雨無正》、《小旻》、《小宛》是也。

雨無正朱子不詳其世,疑爲東遷後詩

小旻

小宛以上二篇,朱子不詳其世。

變大雅五篇。

民勞《序》: 召穆公刺厲王。○朱子同。

板《序》:凡伯刺厲王。○朱子同。

四四

秦

車鄰鄭氏康成謂:非子曾孫秦仲,宣王命爲

大夫,國人美之。〇朱子不詳其世。

蕩《序》:召穆公傷周室大壞。○朱子同。

抑《序》:衛武公刺厲王。○朱子以爲衞武

公作此自警,當在平王之世。

桑柔《序》:芮伯刺厲王。○朱子同。

變風一篇。

共和之世

唐

蟋蟀《序》:刺晉僖公也。 ○鄭氏康成謂:

召公共 和 之時。 〇朱子不詳

宣王之世

其世。

變風五篇。

鄘

柏舟孔氏穎達謂"衛武公時作。

〇朱子同。

當周公、

鴻雁《序》:美宣王也。 〇朱子同。

庭燎《序》:美宣王也。〇朱子不詳其世。

沔水《序》:規宣王也。 〇朱子不詳其世。

鳴《序》:誨宣王也。 〇朱子不詳其世。

鶴

其世。

陳

衡門

東門之池

東門之楊孔氏穎達謂"《衡門》誘僖公。 《東門之池》、《東門之楊》從上明之,亦僖

公時詩也。○朱子皆不詳其世。

變小雅十四篇

六月《序》:宣王北伐也。 ○朱子同。

采芑《序》:宣王南征也。 ○朱子同

古日《序》:美宣王也。 〇朱子同。

車攻《序》:宣王復古也。○朱子同

祈父《序》:刺宣王也。 〇朱子不詳其世。

白駒《序》: 大夫刺宣王也。○朱子不詳

二 五

黄鳥《序》:刺宣王也。

〇朱子不詳其世。

幽王之世

變小雅四十篇。 〇孔氏穎達謂:《小雅 》自《節·

南

我行其野《序》:刺宣王也。〇朱子不詳

其世。

四十篇皆幽王時詩。

山》下盡《何草不黄》,去《十月之交》等四篇,

節南山朱子亦以爲幽王時詩

正月朱子不詳其世。

小弁朱子亦以爲幽王時詩。

巧言朱子不詳其世。

何人斯朱子不詳其世

爲

巷伯朱子不詳其世。

谷風朱子不詳其世。

爲

大東朱子不詳其世。 蓼莪朱子不詳其世。

北 四月朱子不詳其世。 山朱子不詳其世。

小 無 明朱子不詳其世。 將 大車朱子不詳其世。

斯干《序》: 無羊《序》: 宣王考牧也。○朱子不詳其世。 宣王考室也。 〇朱子不詳其世。

變大雅六篇。

雲漢《序》:仍叔美宣王也。 〇朱子亦以爲

宣王時詩。

松高《序》: 尹吉甫美宣王。 烝民《序》: 尹吉甫美宣王。 宣王時詩。 〇朱子亦以 〇朱子亦以

宣王時詩。

韓奕《序》:尹吉甫美宣王。 〇朱子不詳

其世。

江漢《序》: 尹吉甫美宣王。 〇朱子亦以

爲

宣王時詩。

常武《序》: 召穆公美宣王。 〇朱子亦以爲

宣王時詩

二六

鼓鐘朱子亦以爲幽王時詩

楚茨朱子不詳其世。

信南山朱子不詳其世。

甫田朱子不詳其世。

瞻彼洛矣朱子不詳其世。

裳裳者華朱子不詳其世。

桑扈朱子不詳其世。

鴛鴦朱子不詳其世。

東秦朱子不詳其世。

青蠅朱子不詳其世。

魚藻朱子不詳其世。

采菽朱子不詳其世。

菀柳朱子不詳其世。

都人士朱子不詳其世。

采緑朱子不詳其世。

季苗朱子以爲宣王時詩。

隰桑朱子不詳其世。

白華朱子亦以爲幽王時詩。

縣蠻朱子不詳其世。

瓠葉朱子不詳其世。

漸漸之石朱子不詳其世。

有一套 未予下羊美世。

苕之華朱子不詳其世。

何草不黄朱子亦以爲幽王時詩。

卬》、《召旻》。○朱子同。

變大雅二篇。○孔氏穎達謂:

幽王《大雅》、《瞻

瞻卬

平王之世

召旻

地

變風二十八篇。

緑衣孔氏穎達謂"當莊公時。○朱子同。

衛

淇奥孔氏穎達謂:《淇奥》美武公。 則武公

時詩矣。○朱子同。

考槃孔氏穎達謂: 莊公時詩。○朱子不詳

其世。

碩人孔氏穎達謂: 莊公時詩。 ○朱子同。

王

黍離孔氏穎達謂:平王時詩。 〇朱子不詳

君子于役《序》:刺平王也。 〇朱子不詳

其世。

君子陽陽孔氏穎達謂:平王時詩。 〇朱

子不詳其世。

中谷有 蓷孔氏穎達謂: 平王時詩。 揚之水《序》:刺平王也。 〇朱

〇朱子同。

子不詳其世。

葛 萬《序》:王族刺平王也。○朱子不詳

其世。

鄭

緇衣《序》:美武公也。○朱子同

將仲子《序》:刺莊公也。○朱子不詳

其世。

叔于田《序》:刺莊公也。 〇朱子亦以爲莊

公時詩。

大叔于田《序》:刺莊公也。

〇朱子亦以

爲莊公時詩。

羔裘孔氏穎達謂: 莊公時詩。

其世。

遵大路《序》: 莊公失道。 〇朱子不 詳

其世。

女曰鷄鳴孔氏穎達謂: 莊公時詩。

〇朱

子不詳其世。

唐

有樞《序》:

刺晉昭公也。

〇朱子不詳

其世。

揚之水《序》:刺晉昭公也。 ○朱子亦以爲

〇朱子不詳

昭公時詩。

椒聊《序》: 刺晉昭公也。 〇朱子亦以爲昭

公時詩。

綢繆孔氏穎達謂: 昭公時詩。 〇朱子不詳

其世。

杕杜孔氏穎達謂: 昭公時詩。 〇朱子不詳

其世。

羔裘孔氏穎達謂: 昭公時詩。 〇朱子不詳

其世。

鴇羽《序》:昭公之後,大亂五世。君子下從

征役,不得養其父母,而作是詩。 〇朱子

秦 不詳其世。

駟驖《序》: 美襄公也。 〇朱子不詳其世。

小戎《序》:美襄公也。○朱子同。

蒹葭《序》:刺襄公也。〇朱子不詳其世。

終南《序》: 戒襄公也。〇朱子不詳其世。

平王、桓王之間

葛屨

魏

變風七篇。○鄭氏康成謂:當周平、桓之世,魏之

變風始作。

〇朱子不詳其世。

汾沮洳

陟岵

園有桃

十畝之間

伐檀

桓王之世

碩鼠

變風三十三篇。

和

日月《序》:衛莊姜遭州吁之難。

〇朱子以

燕燕孔氏穎達謂: 州吁時詩。

〇朱子同。

爲莊公時詩。

終風《序》:莊姜遭州吁之暴。〇朱子以爲

擊鼓《序》: 怨州吁也。 莊公時詩。

凱風孔氏穎達謂: 州吁時詩。○朱子不詳

〇朱子同。

二九

其世。

雄雉《序》:刺衛宣公也。 〇朱子不詳其世。

匏有苦葉《序》:刺衛宣公也。○朱子不

新臺《序》:刺衛宣公也。〇朱子不詳其世。

二子乘舟孔氏穎達謂:

宣公時詩。

子不詳其世。

詳其世。

谷風孔氏穎達謂: 宣公時詩。 〇朱子不詳

其世。

式微孔氏穎達謂: 宣公時詩。 〇朱子不詳

其世。

旄丘孔氏穎達謂: 宣公時詩。 〇朱子不詳

其世。

簡兮孔氏穎達謂: 宣公時詩。 〇朱子不詳

其世。

泉水孔氏穎達謂: 宣公時詩。 〇朱子不詳

其世。

北門孔氏穎達謂: 宣公時詩。 〇朱子不詳

其世。

北風孔氏穎達謂: 宣公時詩。 〇朱子不詳

其世。

鄘

牆有茨《序》:公子頑通於君母,國人疾之。

〇朱子同。

君子偕老《序》:刺衛夫人。

謂宣公夫人。○朱子同。

桑中《序》:衛之公室淫亂。 〇朱子不詳

其世。

鶉之奔奔《序》:刺衛宣姜也。 ○朱子同。

衛

氓《序》: 宣公之時。 〇朱子不詳其世。

竹竿孔氏穎達謂: 宣公時詩。○朱子不詳

其世。

芄 蘭《序》:刺惠公也。○朱子不詳其世。

 \equiv

静女孔氏穎達謂:

宣公時詩。

〇朱子不詳

其世。

○鄭氏康成

伯兮鄭氏康成謂: 宣公時詩。 〇朱子不詳

其世。

有狐孔氏穎達謂: 宣公時詩。 〇朱子不詳

其世。

王

免爰《序》:桓王失信諸侯。 〇朱子不詳

其世。

采葛鄭氏康成謂: 桓王之時。 〇朱子不詳

其世。

大車孔氏穎達謂: 桓王時詩。 〇朱子不詳

其世。

鄭

有女同車《序》:刺忽也。〇朱子不詳

其世。

寒裳孔氏穎達謂:《褰裳》,思見正突初立事

也。 〇朱子不詳其世。

陳

墓門《序》:刺陳佗也。〇朱子不詳其世。

莊王之世 變風十五篇。

王

丘中有麻《序》: 莊王不明,賢人放逐,國 人思之,而作是詩也。○朱子不詳其世。

鄭

山有扶蘇《序》:刺忽也。○朱子不詳

其世。

蘀兮《序》:刺忽也。○朱子不詳其世。

童《序》:刺忽也。○朱子不詳其世。

丰

東門之墠

風雨

子衿孔氏穎達謂"《丰》、《東門之墠》、《風

雨》、《子衿》,或當突篡之時,或當忽人之

後。朱子皆不詳其世。

揚之水《序》: 君子閔忽之無忠臣良士,終

以死亡,而作是詩也。 〇朱子不詳其世。

狡

齊

南山《序》:刺襄公也。〇朱子同。

甫田《序》:大夫刺襄公也。○朱子不詳

其世。

盧令《序》:襄公好田獵,故陳古以風焉。 0

朱子不詳其世。

敝笱《序》:刺文姜也。○朱子同。

載驅《序》:齊人刺襄公。○朱子同

猗嗟《序》:刺魯莊公也〇朱子同。

變風五篇。

釐王之世

鄭

出其東門

野有蔓草

溱洧孔氏穎達謂:此一篇厲公時詩。 〇朱

子皆不詳其世。

唐

無衣《序》:美晉武公也。〇朱子亦以爲武

惠王之世

變風十二篇。

鄘 定之方中《序》:美衛文公也。

木瓜《序》:美齊桓公也。○朱子不詳其世。

衛

載馳《序》:許穆夫人閔衛之亡。○朱子同。

干旄《序》:衛文公臣子多好善。

○朱子同。

相鼠《序》:衛文公能正其群臣。

蝃蝀《序》:衛文公能以道化民。

〇朱子同。

〇朱子同。

鄭

清人《序》:刺文公也。○朱子同。

唐

葛生《序》:刺晉獻公也。○朱子不詳其世。

三

有杕之杜《序》: 刺晉武公也。○朱子不

公時詩。

詳其世。

○朱子同。

采 苳ベ序》:刺晉獻公也。○朱子不詳其世。

陳

防有鵲巢《序》:宣王多信讒,君子憂戄

渭陽《序》:康公念母也。○朱子同。

其世。

無衣孔氏穎達謂"康公時詩。〇朱子不詳

權輿《序》:刺康公也。○朱子不詳其世。

焉。○朱子不詳其世。

月出孔氏穎達謂"宣王時詩。 〇朱子不詳

其世。

曹

蜉蝣鄭氏康成謂:周惠王時,昭公好奢,曹

之變風始作。○朱子不詳其世。

襄王之世

變風九篇。

衛

河廣《序》:宋襄公母歸于衛,思而不止,故

作是詩。○朱子同。

秦

黄鳥《序》:國人刺穆公。○朱子同。

晨風《序》:刺康公也。○朱子不詳其世。

曹

候人《序》:刺共公也。○朱子同。

鳲鳩孔氏穎達謂"共公時詩。○朱子不詳

其世。

下泉《序》:曹人疾共公。○朱子不詳其世。

頌四篇。

魯頌

駉《序》:頌僖公也。○朱子同。

有駁《序》:頌僖公也。○朱子不詳其世。

泮水《序》:頌僖公也。○朱子不詳其世。

閟宫《序》:頌僖公也。○朱子同。

定王之世

變風二篇。

三三

陳

澤陂《序》:言靈公君臣淫於其國,男女相 株林《序》:刺靈公也。○朱子同。

也。 之後,難以全攷。故自漢、唐諸儒,訓詁 歸,餘説則存而不論也。 序及毛、鄭、孔氏舊義,而大指仍以朱子爲 古義》,引證雖博,而僞説滋繁矣。今輯古 餘不見諸經者,都爲未定之辭,此據理之論 其說,傳流最古。至朱子一以經文爲據,其 朱《傳》而亦微有不同。 歐陽修祖鄭《譜》而駁議,許謙、劉瑾 然古《序》與經並出,毛、鄭、孔氏羽 《彙纂》曰:案,作《詩》之時世,經秦火 説,憂思感傷焉。○朱子不詳其世。 迨明何楷作《世本 互

於各詩之下,閱者可以隨

時領略其義矣。

余既各有

考正

所定詩體正變,亦未爲確

[案]作《詩》時世,本難全攷。

即諸

儒

而兹復録此篇於卷首者,一 以見説《詩》之難得通論 可以互相印

也如是。

四

詩經原始卷首下

詩旨

《虞書》:詩言志,歌永言。聲依永,律

和

古至今,詩體千變萬化,其能外此四字否〔案〕四字亦括盡《詩》旨《詩》教。自《禮記》:温柔敦厚,《詩》教也。

「養」化程し故し賣″寺》と去。″寺》思無邪」。 《論語》:《詩》三百,一言以蔽之,曰耶? 古人立言,何其簡而賅也!

恐人誤認爲邪,而以爲口實,特標一言以 子所收之淫詩,教人以讀之,雖 之逸志爲也? 而亦收之,是直誨淫而已,安見其懲創人 賴有刺淫諷世諸作乎哉? 發人心固已,而其所以能懲創逸志者,不 者可以懲創人之逸志。 爲之説曰:善者可以感發人之善心,惡 正云耳。不料朱子竟以爲邪正兼收,復 立之準,庶使學者讀之,有以得其性情之 刺淫諷世與寄託男女之詞,未能 不能有正 衛》爲淫詩,而後 [案]此聖人教人讀《詩》之法。《詩 而 無邪,三百雖經删正,而 夫子本懼後人誤讀《鄭 儒 偏指《鄭》、《衛》爲夫 夫《詩》之足以感 若謂淫奔者 宣聖其如 盡汰, 其間 故

之何

方,不能專對。 誦《詩》三百,授之以政,不達; 雖多,亦奚以 爲? 使于 四

(案)古者天子巡狩,命太師

陳

詩

以

默驗諸 云然。 體 陵夷,今愈不古若矣。 懷抱而已,非皆有關國政也。 漢、唐後作者雖多,然皆徒逞才華,藉抒 之爲教,豈不益重也哉? 是以夫子之言 且有以是卜人休咎,毫釐不爽者,則《詩》 詩作樂,往來贈答,一時風雅 列國士大夫出使朝聘,燕享會盟,莫不歌 觀 振。不然,日誦三百,夫何爲哉? 會聖言,務求聲詩何以與國 民風、《詩》之有關國政也 歌咏 心,有得 迨戰國競尚游説 ,自能與古爲一,而聲教因之復 於己、然後見之事 學者誦《詩》,尚當 前 久矣。 此 政相關 互相競尚 無怪 風 遂 爲,與 詩 邈; 其 道 後

面

之名。 邇 之事父,遠之事 詩 影可 以興,可 君 以 觀, 多 可以 識 於鳥 群 潤 可以怨。 草

乎? 而 在 群、怨,即從事父事君來。不能 而欲其興、觀、群、怨,吾不知其所可者安 工,何嘗有關君父之大哉? 也。 立也歟! 子謂伯魚曰:「女爲《周南》、《召南》矣 人而不爲《周南》、《召南》,其猶正牆 [案]今人作詩,只從 聖人一言,固早有以 鳥 賅其全歟 潤草· 殊知 事父事君 木上用 興、觀、

立歟? 多 長人才思,而 廷大經大法、偉烈豐功,可 人倫始基。 1,非如《雅》、《頌》鉅觀 〔案〕二《南》皆房中樂,且其篇什 殊知二《 古來聖帝明王,其發施 何以不爲之即至如 南》所咏,皆夫 ,所言皆宗 以擴 婦婦 人識 面 詞,爲 牆 廟 朝 無 而

頌》各得其所。」

耶 ? 習文義、竊取浮詞、供我言論、佐我文章 於閭 見諸 時。 莫不 建 厚」之旨,體之於心而咏之於口,即以 必 而 有 不 能 則始基立矣。始基立而王道聖功皆由此 諸倫常夫婦之間,而皆可 己。 亦宜 將 得 行乎邦國之内。 ,猶謂二《南》爲不足爲者,豈理也歟? 子 Í 乎 於此 有以得 肇端宫闈,一室燕寢,即 里之間,不能行於間里之間 事業者,能慎始以要終也,其 故人不能行於家庭之際,即不能 哉? 故不爲二《南》則已,欲爲二《南》, 心 「吾自衛反魯,然後樂正 乃可謂之學,非 而 大型 不知謹 蓋聖賢爲學,身體力行,必 于式化之端,「温柔 謂之正牆面 其 所 爲,而 以自信其無 如後 對 人不 欲 而 过越帝 《雅》、 異 立也, 過 即 可 日 愧 見 敦 誦 行 得 之 天

> 《雅》、《頌》諸樂,固各有 細 以正樂爲删 也。 遷誤讀正樂爲删詩云耳。 哀公十一年丁 舊觀,故曰「各得其所」,非 久年湮,殘闕失次,夫子從而正之,俾 曰「三百」,不聞有「三千」説耶? 云删詩當在此時,乃何以前此言《詩》,皆 讀之耶? 奈何後人不察,相沿以至於今,莫不 詩,何不即《論語》諸文而一 巳,時年已六十有九。 其所在,不幸 :有增 夫曰 一删於其 正樂,必 此蓋史 際 復 歲

案〕夫子反魯在周敬王三十六年,魯

害志。以意逆志,是爲得之。《孟子》: 説詩者不以文害辭,不以辭

婉,不肯明 顯易,故 人,皆非其志之所在。 案〕詩辭與文辭迥異。 即辭可以得志。 言,或寄託以 若徒 寓意,或甚 詩辭多隱 文辭多 泥解 以求, 明白 言 約 而 微

《詩》矣。然而自古至今,能以己意逆鮮有不害志者。孟子斯言,可謂善

讀

(志者,誰哉?

以 四 《詩》有六義焉: 樂,其政和,亂世之音怨以怒,其政乖,亡 情發於聲,聲成文,謂之音。 歌之不足,不知手之、舞之、足之、蹈之也。 足,故嗟歎之,嗟歎之不足,故永歌之,永 志 者 婦,成孝敬,厚人倫,美教化,移風俗。 地、感鬼神、莫近於《詩》。 國之音哀以思,其民 ,發言爲詩。情動於中而形於言,言之不 足以 日 ,政教失,國異政,家 風刺上,主文而譎諫,言之者無 《大序》: 詩者,志之所之也。在心 興,五 戒,故 日 雅,六曰頌。上以風化 曰 《風 一 曰 **%** 困。故正得 風,二曰賦 殊俗,而 至於王道 先王以是經夫 治世之音安以 變風 三日 失,動天 罪, 衰 下,下 禮 聞之 故 爲

> 者,正也,言王政之所由 風。 澤 義。發乎情,民之性也,止乎禮義,先王之 刑 作 之形容,以其成功告於神明者也 小,故有小雅焉,有大雅焉。 而 也。 矣。 壞其舊俗者也。 政之苛,吟詠性 言天下之事,形四方之風,謂之雅。 是以 國史明乎得失之跡,傷 一國之事,繫一人之本,謂之 情,以 故變風發乎情,止 風 興廢也。 其 頌者,美盛 上,達於 人倫之變,哀 政有大 乎 禮 德

托。 學者分别觀之可耳。 駁;「政 子夏,此其 補《論語》、《虞書》所不及。若云《序》出 雖多襲《樂記》語,要自是説《詩》正 如「國史明乎得失」一節,誠 故舍彼 案」此序 有 大小」數 庶 而 幾。 録此。 總 論《詩》旨,純 至《小序 語,亦爲章 唯其 中 有 則 如朱 氏 駁參半。 純 未 所指。 論 乎 注所 僞 口

詩之理 土,籥 吟,皆有詩之情而 已 衢》、《順則》之謡,《元首》、《股肱》之歌,詩 之義已備矣。 具。 黄 以 雷之動 氏 而 葦,皆有詩之用 未 櫄曰:有天地,有萬物,而詩之理 著也。 風 之偃,萬 未動 嬰孩 也。 之嘻笑,童子之 而 物之鼓舞, 未 桴以蕢,鼓 文 也。 皆 謳 康 以

何故?

謂善形容《詩》之本體者矣。 [案]詩情原自充滿兩間,無以感之

王道 無 民之不作也。 天子不采風,樂官不達雅,國史不明變,非 雅》之變自幽、厲始。 頌》雜於武王之間。 哉 廢、詩》不作焉。 歐陽 職 氏 詩者之罪 修曰:《風》生於文王,而《雅》、 詩出於民之情性。 也。 《風》之變自夷、懿始, 王通謂諸侯不貢詩, 霸者興,變風息焉; 情性豈能

> 風、 尚 雅 則作如 案〕此亦運會所關。 頌之體竟 不作 也。 亡,以 迨 漢後詩道復昌, 民雖有作而 至於今,則 時 又 而 不

示有 惟 人女子能道者,故曰 厚 複,故謂之風。 隸、婦人女子之言。 初 以 無 典則,其體抑揚 鋪 加損 鄭氏 所尊,故曰頌 張 也。 勳德而已。 樵 日 風者,出於風 : 雅出於朝廷士大夫,其言純 六義之序,後 頓 其意雖遠,其言淺近 雅。 挫 其 ,非復小夫賤 解嚴,其聲有節,以 頌者, 土,大概 先次第 初無 小 隸、婦 聖 誳 夫 誦 重 賤 人

之所 蓋祇知風雅頌之所從 第,不容或紊。 極篇》中 由 〔案〕《風》、《雅》、《頌 名 ·兹不贅。 耳 説見鄙 而 此云聖人初無加 人所著 出,而未 》之編,自 I 詩 識 無邪 風 損者 雅 有 頌 次

三九

降之故, 刺 及之,而 美 故 (惡之間 也 未 唯視 能 知 乎 要 其 體 亦 所 之 不 以 何 外 然,亦 如 諷 耳 刺 尚 美 鄭 爲 惡 氏 舊 時 説 雖 世 疑 所 升

風 記 則 後 其 風 爲 而 次。 可 + 辭 葉氏 以 焉。 作 惟《 雅 於 適 也。 故列 朝 曰 : 爾 廷,繫於政 兼 諸 於風、雅之間 有 詩 風、雅 各 具一 事 之制。 體 明其不 以 爲雅 故 以 皆 則 爲風 以 又 先

築王

姬之館於外,書秋盟於首戴,皆曰變之

已從先儒正

變之說,則當如《穀梁春秋》書

戎》之美襄公,亦

可

謂之變風

乎?

必不得

之變風可也、《緇衣》之美武公、《駟驖》、《小

有

正

刺刺

者爲

變,則《邶

》、《鄘》、《衛》之詩,謂

他

經不

載

焉

獨

出

於《詩序》,皆以美者

爲

鄭

氏

又

日

:

風

有

正

變,仲

尼未嘗言

而

之詩

、欲往而不

往,《大車》之詩,畏之而

不

正

也

蓋

言事

雖

變常

而

終

合乎正。

河

廣》

葉氏 古 翢 故 蓋 記 有 風 日 頌。 風 明 雖 案』《豳 翢 於 知其 土 雅 此 周官》不 譜 而 二,未識 翢 農 七月》 暗於彼者歟? 頌, 政 外, 致 · 得 其三。 啟 其解,妄 又 實 漢、 口 兼 宋 以 風 贵 諸 分 爲 雅 X 頌 之 儒 祭 爲 聰 賽 \equiv 疑 用, 議 體

風 之體 嚴 氏 爲 粲 雅 曰 之小。 : 純乎 雅 太 之 史公稱 體 爲 雅 \sim 或 之 風 大,

性,能 澤 言 正 敢;《氓》之詩,反之而 善 得之。 也。 也。 雖 則 衰, 以 聖人亦録 ^ 見其用心之謬,行己之乖 (序)謂 禮 人猶 然詩之必 義 自 能 變風 之而 閑 以 雖 禮 出 存 不 義 乎 變風 有 棄 自悔。 自 情 時 也 性, 防 而 何 也。 不 也? 止 此 倘 乎 見 所謂變之 禮義,此 終蹈 中人 見 反 夫 而 之 爲 平 Ŧ.

案]風雅正變,原 不 在 時世 升 降 諷

乎

《大雅》不可與《風》、《騷》並言也。兼《大雅》。見《小雅》與《風》、《騷》相類,而謂兼之」,言《離騷》兼《國風》、《小雅》,而不問,若《離騷》可

《風》。 固可 大、小《雅》之分, 其可得乎? 亂」者,特舉小雅之變者言之耳。 細咏之,其體自見 雅》之詞,則未盡 兼《風》。《大雅》 案〕太史公所云「《小雅》怨誹 讀者試即《泂 然。 酌 》、《卷阿》諸詩 亦未 而欲 嘗 執 蓋《小雅》 不 是 可 若 以 而 兼 辨 IF. 不 而

之問 調之説,朱子晚年之所不 分,以所作之人而 同之説,有體製不同之説。 注 .亦未一。有腔調不同之説,有詞 王氏柏曰:風、雅之别,即朱子答門人 後《詩 傳》二十年, 分。 諸説皆可參考,惟 取。 風 或以 雅頌之分,其 至於《楚詞 地 分, 氣 以 腔 時 不

> 則所謂 説 則 之人不同等説,皆有條 思之詞; 審矣。 鬼神宗 體製、詞氣,所謂以時、以 其言曰:「風則閭 雅則燕享朝會、公卿大夫之作, 廟、祭祀歌舞之樂。」以 而不紊矣。 巷風 地 土、男女情 此 例推之, 、以所作

異。 製, 因是以别者,但不可泥而求之耳 大、小《雅》之分乎? 體製不同,故詞 事原一貫,理本 案〕詩之腔調生於詞氣,詞 相通 氣 至時 與 一,豈可 腔 地與 調 亦 執一 大 氣 亦 以 之 生 有 辨 體 以

音。 衰 情,情皆可見。 作詩,先須成樂之文,乃成 樂本效人,非人效樂。 羽之異。依人音而制樂,託樂器以寫人,是 ,故神瞽有 孔氏 人音有大小高下之殊,樂器有宫徵 穎 達曰:原 以 知其 聽音而 趣 夫作樂之始,樂 **但制樂之後** 知治 也 亂 爲音。 樂記 ,觀樂而 **>** ,則人之 日 能 寫 其 商 寫 人

乎?」是樂音之得其情 發以 哀 唐》 心 散。 感者 日 思思 是情之所感入 其聲噍以殺; 深哉! 其有陶 也 於樂也。 其樂心感者,其 唐 氏 季札 之遺 見 民 歌 聲

使 漸 然後 詠 有 非 下,舞蹈 人人淪 歎 美 習 思勉之所能 **必誦詩。** 所 刺 之 朱子曰:詩者,樂之章也。 肌 風 而 之疾徐,所以養其耳目,和其心志, 以 浹 喻之旨。 節 感人者又易入。 所謂樂者,蓋琴瑟壎篪之類,以 髓 夫詩之音律者。 及者 而安於仁義禮智之實,又有 其言近 而 至於聲音之高 然詩 易曉,而 故 本性 必 學 從容 樂,

下 詩 依 達 樂 也 水,以 未 於 而 又 曰 : 作 間 有歌 也。 巷。 律 詩 和聲,則樂乃爲 也。及其歌 三代之時 之作,本爲言 學者諷誦其言 禮 也 樂 未 未 志 詩 用 有樂也 而 以 而 於 른 求其 作, 朝 廷,而 方 非 志 其 以

> 愚 以 詩之本而樂者其末也 百 未知古樂之遺聲,今皆可 有餘年,古樂無 也 其聲者有矣,未有不得其 所謂「思無邪」,孟子所謂 之言詩,主於聲者少而發其 詩、成於樂」,其求之固有序 則 詠 以 詩之作本乎其志之所存。 聲樂之所 「樂云、樂云」之意哉? 其 五. 爲 篇 就使得之,止其鐘鼓之鏗 聲,執其 詩 皆可協之音律而 出 助 乎志者也,樂出 器,舞 於 復 詩 可 者爲多。 蹈 考,而 其 被之 推 以 節 志 況 欲 乎詩者也,志 而 而 得其 義者多。 矣。 意 然 今去 絃 鏘 以 以 得 能 逆志 歌 之乎? 聲 涵 猶 而 通 志 是以聖賢 乎? 江孔、孟 曰「興 求 已,豈 養 其聲 」者,誠 而 詩 其 仲尼 不 故 者 千 聖 得 於 則

詩 而 尚可 得諸聲音 (案)古人作樂,將 以 神會 形 容 而音譜之,況三百五篇之 之 際 以狀萬 者 也 物之性 雖 無 聲之

傳世。 樂 不 即 兩 證 有 於音律 小,但 難 間 詞 得 詞 復 有 以 失 而 一時未 始知後世 韻 而 若或亡之耳。 , 時 見 審音,由音以定樂,雖 乎? 於今。 不逢時,乃著《泰律篇》一書以 至 王又不以 ,則亦有待焉耳 特古樂既亡,後人 前明吾鄉 未嘗無人可 是爲 倘有 重 應 葛 一, 故 三代 氏 運 與共復古 任 中 者 無 其 -選,精 制作, 出 復 散 則 考 在

意, 過 而 所舉之詩可也。 者,不必分别所作之人、所采之詩,如諸 二言爲立身之本,如南容、子路,善引《 之理,如子貢、子夏,善學《詩》者,當 鳶飛戾 一喻小臣之擇卿大夫有仁者依之,夫子推 至 如孔子、子思,善論《詩》者,當達 於 氏樵曰:善觀《詩》者,當推 爲 天 魚 君 躍 止. 「緜蠻黄鳥 于 於仁 淵 _, 不 一,與 或 過 ,止于丘隅」,不 人 喻 惡 交止於信 人遠 詩 外之 取 詩 詩 去 經 中

可

以言《詩》也。

之説。 察乎 **忮不求」。學《詩》至此,奚以多爲?「維嶽** 復,不過「白圭」,子路終身所誦,不過「 分别所作之人、所采之詩乎? 也,左氏以爲孟明之功。 武之德,「夙夜匪懈,以事一人」,仲山 如 而 降神,生甫及申」,宣王 巧笑倩兮,美目盼兮」,而子夏能悟於禮後 (磋,如 民之喜得 地。 論《詩》若此,尚何 琢 觀《詩》 如磨」,而子貢能達於貧富之間。 其所,子思推之,上察乎天,下 如此,尚 詩也,夫子以 引《詩》若此,奚 何 疑乎? 疑 乎? 達是,然後 南 爲文、 「如切 一前詩 容三 必 不

子曰 世 凡 有則」,夫子曰:「爲此 深 夫子爲《詩》之説,率不 求 范氏浚曰:「 ·曲取、穿鑿遷就之論興,而 「詩之好仁 高 如 Ш 此。」「天生烝 仰止,景行行止」,夫 詩 者,其 過 以 明 知 大義。 《詩》之論 道 民,有物 乎?! 後

刀口

始不明矣。

《詩》、引《詩》乃可。 也 斷章以 又誤矣。 一一世可 彼 案」《 無 取 不 義,而 蓋 概 詩》多言 可 觀《詩》、學《詩》、 論 以 哉 釋《 貫 通。 詩》 若執此 外 則 然 務探 有 唯 以 會 引《詩 觀 釋《詩 詩 心 詩 人意旨 者 》,則 \approx 即 皆 學 此

邪」,詩· 來尚 安知 矣。」 祀 洧 之思觀之,閔惜懲創之意,隱然自見於言外 日 朝 :「仲尼謂 諸篇,幾 或 聘 非 也 人 氏 之所用 日 即 世 甯 以 此 祖 俗 「《樂記》所謂 有編鄭、 篇 謙 無邪之思作之,學者亦以 於勸 『《詩》三百,一言以蔽之, 之 也。 乎?」曰: 所 讀 『桑間 矣,夫 (詩記) 用 衛樂 也 『桑間 子取之, 曰:「《桑 濮上之音』,鄭、 「《詩》,雅樂也 曲 雅 於雅音中之理 鄭 濮 不 上之音」, 同 何也?」 中 · 》、《 溱 部 無 思), 祭 其 邪 無

> 備 聲亟欲放之,豈有删詩示萬世,反收鄭聲 答顔子之問,乃孔子治天下之大綱 正 借使仲尼之前,雅、鄭果嘗 獨 其 乎 聲 能 ? 六藝乎?」 樂之時,所當 知之。 雖 桑中》、《溱洧 已降 仲尼録之,所以 於煩 正 促, 者 談諸 ,無大於此 而 猶 篇,作於周 止 龐 謹世變之始也 於 雜,自衛 矣。 中 也 道),於鄭 之衰, 論 反魯 荷 以 卿

之實迹 則皆 者比 不 諷 則 洧 無題之詩。 ? 然,夫子論樂必 非 無 刺淫 淫。 也。 [案]《溱洧》乃刺淫之作,《桑 且 所 乎? 刺 新臺》、《 蓋 作 何也? 凡皆 鄭、 要知其 衛 非 衛 淫 風 所以 曰「放鄭聲 静 夫使鄭 之 奔 不 風雖淫 女》諸 風 詞 淫 諷 誠 不 世 則 風 淫 口 詩, 云 前 \wedge 不淫, 鄭、 一,豈有 桑 耳 以 所收 非 中 非淫 不 衛之詩 衛 **>** 則《 中》 辯 何 正 淫 也。 風 所 溱 奔 實

詩 者 朱 是 白 已 亦 時 而 狐 剖 如 明顯易 耳 又 晦 悉放之, ,均在所删之列,何以尚存 此 翁 疑 决,止引荀 是 反 收 葩 反 不 盡 定,未 淫 經 覆 見之事,不 則《緇衣 鄭 詞 氏 一大厄時 辩 聲 乎? 論 雖 卿 有 而 稍見及於此, 中聲之説以證之, 而 以 悉 》好賢、《風 蓋放者,放其 知後 得 愈堅其 放之也 也,豈不恨 乎 中 儒 也 何 一定不移 雨》懷 爲 0 而 以 使 哉 經? 故 嘵 、聲之 不 盡 則 能 嘵 友 又 鄭 之 啟 此 諸 淫 仍 明 不 聲

其 彼 IF. 詩 非 作 以 》三百篇, 之,而 無 自見於言外,則曷 者 朱 以 邪 子 乃 作 之思鋪 日 所 我 詩 以 以 之人所 勸 孔子之 無 爲 善懲 陳淫亂之事 吾 邪 警 之思 思皆無 惡,其 稱 懼 若日 懲 讀 思 之,則 創 要 無 彼 邪 之資 歸 邪」也, 雖 而 也 無 彼 以 閔 邪? 不 之自 今必 有 惜 出 以 邪 懲 若 狀 之 創 曰 於 爲

樂也。 之正, 於龎 然其 改。 夫 之美 詳 詩 等之鬼神,接何等之賓客耶? 用 土 歌 雅 篇皆雅,則邪 則是詩之爲桑間,不 謡,其 則 於 風 以 ,則未知《桑中》、《溱洧》之屬,當 《南》正 雅》、《鄭》若干篇,自 雜矣。 説 與 耳。 至於《桑 龎 觀 古 朝廷之樂也; 見於序義傳記,皆有可 强 先 雜之名,畏之又太甚,顧乃文以 民 領 己 王 風,房中之樂也,鄉 今必日 風 無 而 在樂官者,以 今於《雅》、《鄭》之實察之,既 雅 正錯糅,非復 中》、《小序》之文與《樂 置諸《雅》、《頌 施 固 頌之正 於 不問 三百篇皆祭 事, 爲 商、周之《頌》,宗 施 美惡 而變風 無據。 衛 爲 用 孔子之舊 反魯以 而 可 亦 学之 樂 悉 以 異 祀 古 考。 又特 今必 也; 列 存 識 朝 則 者 來 是 以 時 聘之 里巷 以 至 矣。 古 太 曰 三 百 記》合, 未 訓 於 之有 風 不 師 薦 廟 也。 反 所 之 刺 不 嫌 陳 何 觀 之 變 夫

謂禮 百,而 於中 爲 知 不可 有 樂既亡,無 合於《韶》、《武》之音,其誤蓋亦如此。 子虚》、《上林》,猶有 其 以 龎 何詞之諷 義 而 聲者,太史公所謂孔 雜 知 止乎禮義,則又信《大序》之過者。 之止 之甚 不求,《大車》有所 其 必不 所考正,吾獨以 而 也,若《桑中》、《溱洧 不自知也。 而何禮義之止 然耳。 所謂 又 畏 子皆弦歌之,以 以 其以二 其 諷也、《漢廣》 而 爲 乎? 理與詞 不敢 近 於 一詩爲 が,猶有 則 勸 推之, 然古 吾 猶 不 知 誳 夫 所 求 11-

則是非 矣。 明 細 於三地,又豈一 咏 語 則 ,且《溱 且 其 (案)晦 其 爲 夫子 詞 他 己而言也;《桑中》一 所 ^ 所 洧》、《桑中》二詩, 翁 溱洧》之詞 謂 此 以 淫 論,不 必 人所能 奔 標 之 唯 無 詞 曰「惟 誤讀 邪 者 爲哉? 二詩 亦 「鄭聲 時 亦並 士 語 無 與 而 爲 女, 未嘗 期三 不 淫 訓 明

> 者 争,則豈夫子所能 淫 翁竟錯會聖言, 正 恐 則 其 未 詞之鄰於淫,人 免 啟 致 人 逆計哉 啟 以 説 淫 詩 邪 門 或誤 之 户 思 數 耳 認 百 爲 年 乃 淫 之 晦 而

及; 当。 《序》,以「求賢審官,知 禄」。 哉 其言 族」;見「黄耈台背」,謂「養老」; 耈」,謂「乞言」,見「介爾景福 謂「仁及草木」,見「戚戚兄弟」,謂「 食教載」。《行葦》之《序》,見「牛羊勿 之志,固不倫矣,況詩中 凑合而成,多就詩 見有「漢之廣矣」之句, 親 朱子又曰:《 見有「命彼後車」之言,以 **^** 隨 桃夭》之詩,謂 暱 文生 太 甚, 義, 甯 中採 小 無 后 序》大無 復 妃 婚 摭言 臣 倫 所 所 下之勤勞」爲 姻 謂 理。 語 得 以 以 義 不能 「嗟 」,謂「成 施 爲「德 爲「不 《卷 理, 時 見以 於 我 使 或 是 懷 親 耳 發 無 臣 人 后 其 祈 睦 踐 能 廣 明 後 妃 熈 福 黄 九 飲 所 大

有 ? 《有女同車》等,皆以爲刺忽 作。 中? 詩 却 爲 序》冠於篇首,不敢議其非,至解説 凡 君之意? 暴之類,皆無其實。 許多詩盡 娶齊女,亦是好的意思。 戲 傅會以爲此人。《桑中》之詩,止 古 民」爲后妃所致,不知文王刑家及國,其 、未必一刺者皆以爲刺,未必是言此 之詞,豈 飾 如 此,豈 7,或 辭以 其 中無詆譏之意者,皆以 《子衿》詞 幽、厲之刺,亦有不然。《甫田 他 謂 爲刺 曲護之,其誤後 謬誤 專 補 況其失 有刺 凑 后 忽而 ,不可勝 妃所 而 意 人之惡,反自 成,亦· 輕儇,豈刺 國,正坐 作。 至目爲狡童,豈詩 能 致 有 説。 考之於忽,所 見後來失國, 邪 此 學多矣。 ? 爲 理 柔 而 後 陷於 作。 學校之 傷 其 懦 世 是 今思古 他 ,何狡之 但 不通 《大序》 一》諸 鄭忽 流 淫者 變 見《詩 人 謂 便將 詞 蕩 人 風 篇 愛 不 而 淫 ? 之 相 必 化 諸

家,遂成聚訟,豈偶然哉?争始也,故存之。以見葩經不幸,遇此二此篇本不欲録,以關《序》、《傳》得失,著此為本不欲録,以關《序》者,則何以故?〔案〕《小序》之謬,誠如公論。但《詩〔案〕《小序》之謬,誠如公論。

人意思盡穿鑿壞了。 人? 只緣序者立例,篇篇作美刺説,將詩有感物道情,吟咏情性,幾時盡是譏刺他年。

壞耶? 指 己事,又非公之所識。 是公所知。 爲 淫 案〕詩本吟咏性情,不盡 詞, 不 然詩多寄託 更將 詩 以故《鄭風》篇 人 男女,不 意 思 譏 刺 盡 他 描 寫

規,和之於《頌》以要其止,此學《詩》之大旨參之列《國》以盡其變,正之於《雅》以大其《集傳序》曰:本之二《南》以求其端,

以昌之,涵 也 之道,其亦不待他求而 審之言行樞機之始,則脩 於是乎章句以綱之, 濡以 體之。 察 得之於此矣。 身及家、平均天下 之情 訓詁以紀之,諷 性 隱微之間,

録之以爲《詩》教 且有與夫子面牆之訓 案〕學《詩 》規 模 大要不 互相發 、明者, 出此 數 大 語 亟

傳 者,而 詆 源 於指斥,有 風之爲體 廢,而十五《國風》之《序》不可廢也。《雅》、 頌》之作,其意易明,則序之辭 不能 斥尤多。 文公之解經,於《詩·國風》諸篇之《序》, 馬 能 序 氏 明其 者 臆 端 ,比興之詞多於序述,風 料 乃 聯 臨 以愚觀之、雅》、《頌》之《序》可 爲 章 當 曰 曰:《詩 何人所作,先儒多疑之。 累 時指 爲 句 其 而 意之所 事 》、《書》之《序》,自 也 無一言 苟 歸乎? 非 序作之之意 可 其 略。 喻之意 夫《芣 至於 至 史

具乎? 辭耳。 《序》,以爲 以《詩傳》考之,其指爲男女淫泆奔誘,而 而 觀之,則《桑中》、《溱洧》, 上,而《四 異,若捨《序》以求之,則文王之臣民亦 臣」、「遣戍役」而作也,四詩之旨,辭 作也、《四牡》、《采薇》之詩、《序》以爲「勞使 以爲「刺晉昭公也」,而其詩語 叔段之辭耳。 詩、《序》以爲「刺莊公也」,而其 不過慨歎禾黍之苗穗而已。 苢》之《序》,以爲「后妃之美也」, 不過形容采 陟岵》之詩、《序》以 必以 此 爲奔者所自作,使聖經 且詩之可删 詩之賴《序》以 牡》、《采薇》不得爲 「閔周室之顛覆 掇芣苢之情狀 《揚之水》、《椒聊》二詩、《序 孰 爲「征役者不堪 明 有 何 而 也。 大 者 《叔于田》之二 嫌 IE. 己。 於 也。 ,則愛桓叔之 爲 其 雅 淫 詩 而 而 ^ 録 爲 矣。 《鴇 者? 語,則愛 其 黍 其 刺 命 詩 離 辭之 同 即 奔? 羽 学之 自 而

者,莫

如

孔、孟,

慮

亦

莫

如

孔

孟

是

内,子何以

定其

《序》求

詩意於辭

之

不出

於

此

而

序

作,有害於温 序者之意,必 是非乎? 存之,則 已,而夫子猶存之,則 之名 學者 曰 : 外,文公求 者 二 得 無 文 無 以 **^** 作 之説 而 讀 亂 己 八辭,則 春秋》所記,無非 以 不 有 詩 自 而 柔 以 有 曰 : 見 知 詩 以 處 古 是 存之。 無 當 敦厚之教。 四。 爲 所 於淫 不容録文、 贊 其 也。 邪 而 知 詩 《詩 時 删 之,反得 淫 二之訓 意 不 詩 事 淫 何 謔之地 愚以 哇 得 於 或 變之 人 無 詩 等 不 其 之 辭 必 之 曰 焉 武 意 意 之 其 經 實 爲 篇 篇 繁 爲 亂 愚 所自賦 意也。 之淫 疑其 傳 鬼 濮之實,而文以 蓋深絶其 濮,里巷狹邪之所作也。 者之本意,而夫子所不删者, 難 則 有「害意」之戒焉 風 文王》、《 頌》,祭祀 鄘 神,用之於 明 以 》言季札 雨》、《 乎 一辭欠莊重,然首尾 其 邪 衛》、《 也。 ? 使章章如《清 一辭之 可乎? 聲於樂以 褰裳》、《子衿》、《揚之水》諸 大明 來 以是觀 朝 如《木瓜》、《采葛》、《遵大路 不 鄭 聘 何 聘 ×, 能 請 雅樂之名,將薦 等之賓客乎? 之所用 或又 皆 之,則 則 不 則 在 觀 爲法,今欲 奚 廟 鄰 以 周 焉 日 邪 無 ×, 平 其辭之不 樂, 知 也、《鄭 之可 :二《南》、《雅 夫子於《鄭 則 邪 臣 刺 字及婦 諸 而 也。

史以

記

事

有治

不能

前

棄

幺

厲

也

至

於

一爲

削之而

臣

賊

子之事

不

如

是,

而

垂

鑒

於後

世,故

不

温

柔

敦

厚

乎乎?

或

則

夫

身

爲

淫

亂

而

復

自

决

非

淫

泆

之

奔

果

#1

於

作

工》,則

奚

意

閑

乎

?

是

以

使篇

如

能

不

戾

其

謂

欲

使

其

避

諷

訕

不爲

刺

時

而

也

又以

爲

?

如

此

夫子

猶

作

詩

以

序

其

事者,凡

詩

古

雅

樂矣。

所

歌

者《邶》、

愚

以

爲《左

諱

其

鄭

衛

》、《衛

×, «

衛

》,桑

之於何等

人,而

謂

篇

雖

歌之。 夫《關 之用 鄭 類 及 伯 取 通 詩也,而兩君相見歌之。以是觀之,其 遏》、《渠》,宗廟 妻主祭之詩也,而射禮歌之。 飲 至 而 使 卿 義。 酒 於 其 穆 伯 是 有 也 與作 古 之 燕禮歌之。 爲 韓 享 叔 賦 也 雎 《文王 《左傳》 《鶉之奔 宣 趙 不 然其大不倫者, 樂 里 人 》、《鵲巢》,后妃夫人之詩 ·拜《肆 子 詩之意,蓋 巷 然 歌 孟 工 ·, 子 子,太 鄭 狹 詩 亦 》、《大明》、《緜》,文王 載 伯 邪 安 合樂之意,蓋有 配天之詩 鹺賦 《野 夏》、甯武 奔 《采蘋》、《采蘩》,夫人大 列國 如 所 能 》、楚令尹 叔 晉,子展 用 有判 歌 賦《野 聘享 異 亦以 則 有蔓草》,子太叔賦 然不 也,而天子 或 子不 周 賦詩,固 有 子 之 賦 樂 來 相 《肆夏》、《 蔓 淫 拜《彤弓》之 韋 譏 安 不可 將 合,不 草 賦 邪 得 誚 也 仲 享元 有之? 多 興 詩 子》; 曉 大 斷 歌 周 乎? 鄭 可 如 而 者。 明》 之 繁 夫 鄭 章 侯 鄉 六 强

> 詩,未 詁 爲淫奔之人所作也,然所賦皆見善於叔 趙武、韓起,不 褰 - 》,子柳 ,當如《序》者之説 裳》, 嘗不 子 賦 施之燕享, 游 蘀 賦 聞 **学**分》。 ^ 被 風 譏,乃 也 雨 此 而 \approx 六詩 此 子 知《鄭》、《衛》 六 皆文 旗 詩 賦 之旨意 公所 ^ 有 女 斥 向 訓 之 口

曲 傳》固失,古《序》亦未 探古人作詩本旨,庶有以得其真耳。 然其回護《序》者,則亦 在,又安足以服文公心 彼,不若兩平視之,舍却《序 案〕此駁《集 傳 嘗不失。 可 未能 哉? 謂 痛 分 》、《傳 切言之矣。 要之,《 欲直 别 得 失所 此 而

皆是 之風 之鼓 居 ? 土不齊 也, 動 章氏 《大序》、《集傳》所 萬彙 然未 潢 曰 : 則 無 盡 各國之風 所 其 六 不 義 義 被,無 也。 先 言二説原文節 氣不 風 蓋 所 風 不 而 乃 風 天 故 之 各 地 而 去 義 國之 陰 示 各 録。 或 陽 何

聲氣 間 詩 濫 不 出「衛侯之妻」一句,而不見答于衛莊公,全 夫《碩人》一篇,正是稱美衛莊姜,中間 子 諒 焉哉,天實爲之,謂之何哉」、「母也天只,不 差荇菜」與《樛木》、《螽斯》之三疊; 詞之表。 不滯于事,義雖 和 列國之音亦不同。天子巡狩列國,太史陳 循 風 · 説 出。 止 人只」重復咏之,如《麟趾》三章止更易 婉 以 淫 其 化 姓族數字,而咏歎不已,皆風之類 因之。 點 不類 觀 流 微諷誦 志,衛音促數煩志 民風 出 習而 《猗嗟》一篇,全是稱美魯莊 前 雖使人興起而人不自覺。 展 者,此 善者矯其偏 莫之 我 諫 禮 寓 甥兮」一句, 則 託物而 返 也。 于音律之間,意嘗超 一焉。 也 但列國之風化不齊, ,齊音傲僻驕志 《記》 不着于物,指事 而歸之中,不 是故風之體輕揚 而 曰:「鄭 不 能 防閑 也 如一已 如「參 公,中 · 善 止 于言 。」是 聲 若 其 點 好 者 而

風之體,率類此。母,亦不説出。美中含刺之意,却在言外。

之氣。 中 之聽其言者,不覺其人之深而 委婉舒徐。 也。 又曰:《詩》之在二《南》者,渾融 如南 本之以平易之心,出之以 風之觸物,而物皆 暢 咸化育于其 茂。 含蓄 凡 温 柔

雅 民之秉彝,好是懿德』是也。」朱子 小大,故有小雅焉,有大雅焉。]程 雅者,陳其正理,如『天生烝民,有物有則。 雅者,正 ,燕饗之樂 爲深至。 《詩》,罕與倫匹。 爲未當,故節録其辭而 又曰:雅之義 案〕此論 也,言王政之所 唯以「南」字取義爲「南風」之南 也; 風 大雅 體,精微 云 而形容二《南》氣象,尤 何?《大序》曰 朝 不取 由 會之樂,受釐 興 人 命名之義 妙。 廢 也。 曰:「小 子 近 政有 曰 世 陳 說

孚; 者乎? 乎? 之于風 《出車》之兵 戒 政 子、兄弟、夫婦、朋友之恩義,倫孰 皆 燕饗之樂,果足以該 道 朝會受釐陳 前 江 采芑》,安見其爲政之大乎? 既醉》之燕禮 ,燕 之詞 孰 暢 德之精,皆大雅之體也。 小 漢》、《常武》之征 《棠棣》、《伐木》、《蓼莪》、《白 達。 有 雅 彼《鹿 饗 則 大于 世 之 《湛 朝 」。」論 惟 體 整 會 | 彝倫 戒 斯者乎? 戎、《楚茨》、《信南 露》、《彤弓》之燕饗,《采 也 鳴》、《天保》,君 肅 分屬,其 雅 一、未必 與 ; 而 之義備是也。 天 政事之間 小雅異也? 顯 人 明 伐,未必大于《六月》、 小雅 大于《魚麗 應感感 亦 謂 未 較 小 尚 否也? 之際, 識 之于頌,則 其 雅 有諷 臣 小、 中 不 爲 山》之田 又安見其 然 **心》、**《嘉 上下之交 或 知 華》,乃父 大 政之小 以 有 《鳧鷖 諭之意 皆 近 雅 雅 大 政 薇 之小 于 性 于斯 之 體 魚 事, 爲 與 命 大 風 較

> 變無 嘗 與 無 頌 大雅正變之義,俱不待言矣。 朝 者 所 會,大 則 與于時 又爲 雅 世之盛衰,要在 未 小、大雅之變體 嘗 無 燕饗。 小、 也 一辨其 大雅 小 之 雅 未 M

世,言理未周。 故論正變不 小,則陋説 而 體之所以異,亦往往由時世 (案)大、小 也 兼 ,何足以 若以 時世,言義不 雅 正 政 變之分, 爲 之大小爲雅 訓 備 古 升降之故。 大 專 體 以 異。 時

也; 也。 均之美文王 頌之體 議。」果足以 者也。」吕氏 頌者,美盛 《清 又 曰: 如《天作》與《雅》之《緜》,均之 其 廟 》、《維 詞 頌 也; 德之形容,以 盡 曰:「頌者,美之詞 則 之 頌 天之命》與《雅 簡,其義 之義 義 酌 引》、《桓 云 乎? 何 ? 味 其 》與《雅》之《下 則 未 成 <u>~</u> 雋 也。 》之《文王》, 功 大 也, 永 告 序 美 蓋 而 無 于 太 不 頌 神 所 日 明 有 諷

乎? 哉 ? 武》, 《閟宫》與《商》之伍篇,則皆近乎雅,而其體 之》、《小毖》,雖非告成功,而謂之爲雅可乎 則頌也。故謂爲變頌也亦宜 而 均之美武王也。試取 《魯》之《有駜》、《泮水》,則近乎風, 盡也。 否乎? 頌之體于是乎可 雅之詞 俱昌 而同誦 大,在頌 識 矣。 之, <u>~</u> 何 敬 其 同

也。 揚先聲。凡此皆頌之變焉者也。若《商 似箴銘、《閟宫》不唯 予小子》似祝詞、《訪落》、《敬之》、《小毖》 祭祀樂,安得謂之爲變耶 頌》伍篇,則頌之源 然而篇中所舉,未盡 (案)頌 有變體 可謂創 耳。 似大雅,且開 雖 其義也。 非 論,亦實確 告成功,實 漢賦 蓋 一 関 襃 論

旨乎?

表。言若有限,意則無窮也。讀《詩》者先言之。性情心術之微,悉寓于聲歌咏歎之又曰:《詩》,聲教也。言之不足,故長

格局 者。 中間 自 奚以爲?」 優 成法具在 游 和 拘之 總不可以迫狹 ,有言近 諷 夷其性情,于以仰窺其志,從容 詠 也。 也。 玩而 而指遠者,亦有言隱 噫 ! 否則,「 味之,久當自得之也。 心神索之,不可以 賜、商可與言《詩》,其 誦《詩》三百, 雖多,亦 而 吟哦, 道 指 理 近 其

輒以道理論《詩》旨,烏能有合詩人意拘之,非諸儒所能識。而宋儒則尤甚,動是諸儒之所知。讀《詩》不可以道理格局是諸儒之所知。讀《詩》不可以追狹心神索之,

《大雅》首《文王》,而天人之道著,《頌》首 正,《小雅 清廟》,而 又 曰 : 幽明之感孚。 》首《 ^ 風 鹿 首 鳴 **^** 觸 ×, 雎 而 君 而 臣 夫婦之倫 之 情 通

案〕此四始之義,亦諸儒所未道。

于此乎在 漏 魚飛躍之真 昭 過 而 明 點 有 綴 孰謂《大雅》終不可 又 夙夜之匪 日 融 景 ,而矢音遂歌,亦莫非《大雅》之音 ,觸處皆道。 物 鳶 機也。 之詞 魚 懈 派飛躍 爾。 焉。 果 能 惟 乃知 自後 則自求 作乎? 小心昭 子 思 於 世 昭 子 詩 多 事,不 福 家觀之,不 陟 降 發 之道,即 说明之, 愧 即 屋 為

多主 中。 其 古 以 句 而 下。 可 多發之,然《泂酌 天 其 言 得 竊 人 餘 此 案」説《 唯 意 外 自 耶? 奥 解《詩》必循文會意,乃可得 可 有 風 意 藴 想 兩道,非 類《 雅 知 爲 兹特摘其 詩》當觸 言。 正 矣。 而 小 變,固 欲 雅 可 》、《卷阿》與《民勞》諸 夫天人奥藴 解《詩》者 例言。 又 其 處旁通,不 一義之善者録之, 而 由 論《大雅》體,多 且 人 章氏 類 事 亦悉如之, 乎變 政 説《 、《大雅》 績 可 以 小 (詩》, 其 泥 雅 環 於 分

景 顯 有 所 事 移 亡」,即《詩序》「先王以 怨言若慕, 誨言若愬 也。 亦 能 以 風俗」之謂也 雅、頌 婉言中而意則直也。 體 大 由 正 奏,不可紊 日 一變焉。 發 氣之鼓盪其 裁 小 億 又曰:《孟子》云「王者之迹熄 風 雅頌各得 有 度 其悲喜之情,而 正變,而 每托物表志,感物起 而 而 (雖分三體,而一氣元音實相貫注 顯言中而 分風、 之者。 雅 蓋 亂。 由 《詩》之爲教,聲教 其 雅、頌 其 雅 況 凡詩 間 (所),則其義 原 意甚 如十二律之次第相 而 其言雖 也。 實由音節 ,諷言若譽。 頌 以 微者。 寓 人之咏歌,非質言其 或其言若微而意則 是 自 及雅之大小與詩之 觀夫子正樂,不過 意 厚 直 興,雖 淵 有 人 亦 故 而 以 微 倫 可 意則 有 辨 美言若懟, 段 假 ,美教化, 要之, 知 也 體 心而《詩 自 目前 非 已。 生, 裁 然 恒 由 之 實 節 亦

怨,可 緇 出 於性 存 常 倫 以 情之正。 理 事 所 父、 厚人倫者,誰歟 關 事 係 故孔 君 也。 可 子謂 白《 以 三百》後,求 從 其 政 可 興,可 專 對 群, 詩 莫 之 非 可

口

王

迹、

?

師

蓋 指 即 也 此 時 以 反 人 (之旨 信 顯 起予哉?❶ 惟 反 以 所 爲 言之。 不 直言之,本託 形 淫 爲 難 又 能 彼。 言 曰 : 實言,而假 無 詞,使作者之志 復 以意逆志,故不免逐 ,或勢不 誦 存 中間 而説《詩》者不悟其 也,又安望 詩 凡託爲婦 游女 言也 》讀《書》, 敢言,每借虚 静 反質 意 如商、賜告往之來 咸 女 爲 晦 人女子之辭者, 言之,本微言也 當 響尋聲,而詩 塞 比 論 意,本婉言 以 而 喻者,又皆 其 爲實 不達矣。 世。 八、託 或

故 詩》,多 足 以 案」前條 感 膠 滯 人 鮮 於 見詩 通 無 人立言,多寄託 形 詎 能 後 得 會 條 心 見 於言外。 後 微 婉 説

> 學者不 可不反覆 以 參觀 也

者,所 也。 聽。 之風 音以繫文王之風,存北音以繫紂之風,而 風 之辭、《揚之水》、《椒聊》爲從沃之語,夫 作,夫子不删,志淫風 興 不删,著亂 容於没 有 於 衰。 陳 詩 也。 使其 貞 世 南 顧 以 非 以 氏 而 或 正 志 也。 詩 二帝,時 觀 有 炎 無淫,有治 以 本也。 其 而 尚 善 民 武 風之甚 北 存 有不 風 是以《桑中》之篇、《溱洧 者 日 鄙 : 而 之並 淫奔之詩,録之不 非上古, 而季札 善 殺 孔 入夫子之删, 也 而無亂 也。 兼 伐 子 陳, 之聲,文 删 而 \wedge 聽之以 古 故 詩 存之, 叔于田》爲 或 也。 不 口 皆淫 所 能 以 王 必將 文 以 使 知 猶 觀 不 而 一而 王 其 存 四 古 譽段 能 之 方 中 存 可 或 之 列 学之 乏 止 化 之 太 有 不 南 化 以 或

被

0 之」,疑當爲「知」。

當 聖人 之所 之拘儒 音,去其煩 慕乎色也,《 素」, 得 失之矣。真希元《文章正宗》,其所選詩 風未嘗被之樂也。 千古之陋,歸之正旨。 人之作,而漢代之風,略具 女日 桑中》之詩,明言淫奔,東萊吕氏乃爲之諱 黄氏日鈔》云:《國風》之用於燕享者唯二《 詩 惟 於《春秋》之傳乎?《舊唐書 之經,是何異 古 何 删 人之趣。 雞 歡 不 以 者 鳴》 達 異 讀 且 枉駕 則 乎《 衡門》不 此旨,乃 相 濫者,此夫子之所謂 亟 之,「不 且 夫子之所言正者雅頌,而 警 惠前綏」, 唐 録 如《 以 之。 詩 唐 勤 願 古詩 太子 謂 如 《將 生 然 外 Ш 淫 飲 也,《 蓋 病 也。 有 宏謂 + 奔之 (乎此。 美 仲子》畏 亦《邶 樞 其 九首 酒 出 一》之篇 選 以 作 商 其 南 高宗諸子傳》。 其 理爲宗,不 」》,雖 被 今以 而 未及乎風 不 詩 臣 删 》,而列 辭 東 人 指 服 當 弑 也。 一埽 爲 言 紈 非 君 録 雄 希 比 雅 國之 也 音 也 後 於 其 雉 良 與 不 元

> 乃太甚,豈非 落,使徐、庾不 之枉,恐失《國風》之義。六代浮華,固當 劣,必以坊淫 兔絲 飛」之義 女蘿 執理之過 正俗之旨嚴爲 情 得爲人,陳、 牽 同 牛織 車 晕》。 乎? 女, 隋 繩 意 + 不得 削 昉 九 雖 《大 作 爲 矯 無 東 甚 昭 艾 明 優

以 見一 採 贵 可 詩 奔 之作,乃敢舍朱《傳》而 及後細繹《鄭》、《 將仲子》之畏 者 觀 口 觀 與 二有 邪 或 陳 所 案」愚 口 國之風 自 風 IE 詩 以 兼 俗 作 歸 不 聽 收? 之 向 同 風 少 尚 哉 詩 來 時讀《詩》, 人言及《桑中》之諷 化 縱云 衛》諸詩, 以 如 作。 陳 删 著 是足已, 詩 詩 且 之經, 如《 無 不 則 編 别 妨 没其實,亦 將 詩 溱 尋 並 亦 貞 以 又 然 洧 何必定 詩 無 嘗 淫 垂 與 学之 後 所 爲 並 訓 脩 謂 謂 刺 世 是 萬 見 採 淫 世, 論 過 可 奔

于

文、武 之言 矣。 樂,何以爲之歌《邶》、《鄘》、《衛 風 教 展 亦爲之歌 同 野有 風 野 楙 王》,爲之歌《鄭》,爲之歌《齊》,爲之歌 化、移 俗、美教 賦《將仲子 雨 有 》,爲之歌《 》,爲之歌《秦》,爲之歌《魏》,爲 若謂《國 史以 使不 *, 子 蔓 蔓草》, 而 亦 可 風 草 棄 紀 微 耶? 引 俗也,曾是 人 旗 化、厚人倫 \approx 幽 事 有 、樂,何 《賦《有 以 風 ×, 萬 子 有治 鄭 陳》,自《鄶》以下雖 家不 不 爲 太 六 鄭 甯 證 叔 卿 詩 伯享趙 夫 以 女 入樂, 不 惟 淫 賦 餞 乎? 子 同 施 則 能 是, 哇 韓宣子,子 將 正 之燕 車 無 又 褰裳 則 並 *, 子 孟 鄭 以 亂 況 樂 必不 季札 著 子,太 厚 伯 享 固 正 *, 子 》,爲 而 柳 ? 如 人 樂 然 請 不 無 口 賦《 晉 黄 遊差 游 叔 之歌 與 譏 之歌 之 容 雅 觀 以 事 氏 賦 賦 子 周 移 美 删 蘀 賦 而 録

> 以 旁觀,共 心得,全 儒,亦爲 而《 頌 不與《雅》、《頌》 Ś 或 則二《南》固 而 風 不 證 憑 前 無 及《風》。此或《雅 考據 得 人 缺 所 失,故有 以 黄 或 有 氏 爲是非, 而 舉 如 之所 此。 其 並 此 舉 大 弊 之 謂 總之,讀 而 而 耶 人 細 》、《頌》有 又不肯 ? 樂 者 者 可 書 顧 也 氏 四 未 有 通 何 失 面

説》, 肆 仲皆 漢 集。其下宏所自撰,尤極踳駮,皆不待 傳,大抵 且 而 一二婉合, 違 然 知 衛宏,始出《詩 其 姚氏 行 力詆《序》之妄,由 起 其 非 其説 所 而 以 是,從 際 古矣。 排之,而 簡 而 而 恒《 古 略示 其 時 詩 滯膠結,寬泛填 自 序》。 復 所 朱仲 經 古, 宋晁説 通論 陽 非 以 違《序》 是自爲《集傳》,得 晦 首唯 渾 · 序略 亦 之、程泰之、鄭 淪 武 承焉,作爲《 語 見 而 斷 〉湊,諸 該 自 陰 Ē 19 從之,而 用 本 之 自 識 弊 不 辨 者 叢 師 渔 無 東

遵《集傳 因 前 之遵《序》者、《集 》,後之駁《集傳》者,又 傳》出 盡 而 反 盡

之而 反之以 世者,有《序》,有《傳》,有《箋》,有《疏 之士,將安適從哉? 集傳》,特爲致多, 世 仍遵《序》。 更端相循,靡有止 初學茫然, 予嘗論之、《詩》 罔 知專 極,窮 》,有 解 行 經

失,可 事 惟 予以爲《傳》、《箋》可略,今日折中是 訓 在《序》與《集傳》而已。 詁,與《 備 觀 而 爾雅》略同,無關 弗 論 。《鄭箋》鹵 《毛傳》古矣,惟 莽滅裂,世 經旨,雖 非 有 多 得

恨者。

予謂若

止目爲淫詩亦已耳,其

流

之

弊,必將併《詩》而

廢之。 王柏之言曰:「今

子夏作也,《集傳》則今世宗之,奉爲 不從,又無 論 己。 唯《序》則 昧 者尊之,以 繩 尺 爲

咸丘 妄。 也。 間 觀 予謂 蒙以《北 《周 固之失,僅以 頌 漢 人之失在 潛》之序曰:「 山 四言爲天子臣父之證 類夫 于固,宋人之失在 高 叟, 妄之失,且 季冬薦 魚 春獻 矣。 爲 于

鮪

本不韋《月令》,明爲漢

人

所作,奈何玷

起

爲

遵矣。 吾夫子爲導淫之人,此舉 衛,且及于他國。是使三百篇 我 夫子「鄭聲淫 西 河 ! 集傳 世人固 」一語,妄以 紕 繆 可 不少,其 曉然分别觀之,無 鄭詩 世之所 大者尤 爲訓 爲淫,且 切 淫之書 监 在 誤 及 事 而 歎 干 讀 凛

耳。」于是以 詩,容或存于閭巷游蕩之口,漢儒 世三百五篇,豈 爲失次,多所 盡 定于夫子之手? 移易,復 取 所 以 黜 删 補 ^ 召 T.

爲淫奔者。 南 • 野有死 其説 屬》及《鄭 儼載于《宋史 》、《衛 風 ※ 集 ・儒 傳 林 》所 . 傳》。 Ħ

以 明 程 敏 致、 王守仁、 茅 坤 輩 和 之。 嗟 乎!

遵《集傳》之故 而 至 于 廢 經。 集 傳》本以

釋經,而 而 禍 之烈,何致若 使 人至于廢經,其 是! 安知後之人不又有 分始 念亦不及此。

踵其事者乎? 此予所以切切然抱杞

也

蓋

不能獨抒己見,即不

得不借人以

朱,攻朱者必從《序》,非

不

知

其兩

有

所

失

〔案〕自來説詩諸儒,攻《序》者必宗

涵 譚,終涉附會,斂手縮筆,未敢昌言。 于鑿,於是欲 測 宋憂也。 若夫經之正旨篇題,固未能 目悉存,猶愈于漫加 定之辭,務守闕疑之訓。俾原《詩》之真面 固、若妄、若鑿之中。 而 爲《詩》序者,而不能悉得,渺無 丁,他何言哉 左傳》 黜其非,庶使《詩》意不致大歧,埋没 泳篇章,尋繹文義,辨别前説,以從其 海,其與幾何! 乃以爲失次,及漢攙 列 或 夫季札觀樂,與今《詩》次序同 大 出 夫 臆論,則仍鄰鑿空,欲喜 我嘗緬思,如經傳所言 所 又見明人説《詩》之失 賦詩,多《集傳》目 粉 其不可詳者, 甯爲 蠧 遺誤 有以逆知 人,同于目 畔 後 岸。 世 也。 一而已。 于若 惟 蠡之 是 是 在 新 可 而

> 優。 廢 而 義,固未有所 高 依歸 士矣。若篇中所云以遵《集傳》故 竟其委, 迨思意窮盡 經,則真庸妄流 論 義理不足故也。 獨惜 耳。 以欺世 姚氏 其 所 發 而 起 見 好,亦 文 未 而 其 贵 然在 真 兩排之,可謂 短。 無可説時,則 可同 由 ()往往 於 當 是其於詩 日 胸 時 並 發 中 語 則 其 智 哉? 加 古 慧 端 膽 又 至 故 有 識 不 於 傑 本 爲 能 餘 俱

詩經原始卷之一

風

或

音節 若乎風。 以 物 氣和則聲徐,氣勁則聲肅。 其竅之所感,而聲亦因以異焉。 氣,而萬物之生機賴之以宣暢也。 章氏潢曰:天地嘘育萬物,莫疾乎風,所以節宣陰陽之 聲,而其聲又足以動物也。 上之化以有言,而其言又足以感人,如物因風之動以有 垂 集傳》云:風者,民俗歌謡之詩也。 一聲教 觀 觸之而撓折者多矣。 民風。 亦異焉。 詩》體 用 於是採其善者列於樂官,以時存肆,資觀 至廣也。 有三: 可以知政治之得失,而考俗尚之美惡者,莫 古帝王知其然,故巡狩列國,令太史陳詩 日 然則國何以僅十有五? 風, 此又各國之風尚不 日 和則物觸之欣欣向榮,勁則 雅 故凡歌 '', 曰 是本之氣而形之聲 頌。 然吹萬不同, 謡之體皆風 謂之風者,以其被 而 風 同,而 獨 司馬 居 體 首 皆隨 感而 詩 也 謂

> 哉! 少。 時 風之正變,不係乎此也。 未嘗無正風。 古詩三千,夫子删 詩》者反覆涵泳,而自有得於心焉。 異。 詩存則國存,詩 舊説又以二《 然體亦有以國異,聲亦有以時異者,是在乎善讀 蓋正變以體異,不以國異,以聲異,不以 之,存三百 南》爲正風、十三國爲變風者, 別删則 二《南》固風之正,十三國中亦 國 亦不得 餘篇。 不 是 删 删 也。 者多 何容心 而 亦非。 存者

周 南

此 南者,何也? 者,均繫之日 名,與旦無涉 弟旦采邑,故 居之,故國號曰周。 雅以南」之詩及《記》「胥鼓南」。 集傳》因之。 皆 風 影 南 周 地地 響 爲和 臆 名,在《禹 測之見, ,舜之解 周。 也。 日 章氏潢則以 古《序》云: 亦日 然而十 凡其 周公。 至武王有天下,又分其 貢 非 愠 時所採民間 ※雍 當 日 三國皆日 南, 薰 州 時 南爲樂名, 而此時之周 風 命 岐山 名本 言化自 詩之正 又謂八方南爲正 之陽。 風,周 歌 意 而 謡 也。 北 取 風 得 則 周 與 而 證 故 召 自 周 地 大 南 於「以 日 謂 也。 獨 周 初 以 王 南 南 日 地 地 爲 始

之曰「周南」。 亦諸侯也,安見其爲王者風乎?《關雎》以前,周公 侯之風何所分? 周、召之繫何所屬? 且其時文王 風也,先王之所以教,故繫之召公。 之詩獨爲正風也。 國,各成風氣,各存音節,尤不可以相混。 茂淳質之風,亦不能與之並賡而迭和。又況豳與各 渾含蓄,多中正和平之音,不獨與他國異,即古豳樸 地又多文明象,且親被文王風化。 爲豳,東則列國,唯南最廣,而及乎江、漢之間。 者,周以南之地也。大略所採詩皆周南詩多,故命 原有其會。 來姚氏之譏,以爲尊《序》莫如朱矣。夫天地元音, 説,陳陳相因。 猶未生,《甘棠》而後,召公則已死。 者之風,故繫之周公,《鵲巢》、《騶虞》之德,諸侯之 夫婦昏姻、男女子息之謡,故被諸筦絃,可以用之鄉 人,用之邦國焉。 南》其奚擇哉? 一公,其屬之生前乎? 文王雖有聖德,非運際翔洽,亦不能使 何以知其然耶? 朱《傳》不能正,又從而和之,無怪其 若舊説云《關雎》、《麟趾》之化,王 世之欲正人倫而敦風化者,舍二 聖人取之以爲房中樂,以其言皆 抑屬之死後乎? 周之西爲犬戎,北 故其爲詩也,融 吾不知王者、諸 以二《南》分屬 此周以南 此等陋 其

至二《南》,詩之盛極,千載下無能爲繼,此豈特房中至二《南》,詩之盛極,千載下無能爲繼,此豈特房中里巷歌謡涵元氣而譜正聲,洋洋如是之盛也。 故詩

窈窕淑女,琴瑟友之。以下皆言既得情景,而用字 哉,輾轉反側。三章 窈窕淑女,鐘鼓樂之。 五章 自有深淺不同處。 生出「不得」一層,文心乃曲。 女,寤寐求之。 二章 參差荇菜,興而比。下同。左右流之。 窈窕淑 窕淑女,君子好逑。承明正意,仍是總冒。一章 關關雎鳩,在河之洲。興起,却兼比意。 關 雎 四章 樂得淑女以配 參差荇菜,左右采之。 求之不得,根上「求」字,忽 參差荇菜,左右芼之。 寤寐 思服。悠哉悠 君子也。 窈

《集傳》又謂「宮人之咏大姒、文王」,皆無鄭氏」,今仍之。《小序》以爲「后妃之德」,右《關雎》五章,章四句。姚氏際恒曰「從

盛 或 香 君 姒 確 有以 一,而 者 妃 耶 證 故故 則 ? 無 以 化 不 以 竊謂 頌 中 宜焉。 民 爲 體 亦 成 風 房中樂,用之鄉 爲宜。 無 者 俗,使之咸 然非文王、大姒之德之 肾操 語 此 及 詩 宫 自 蓋 闈 民 歸 唐 間 況 於正, 人,用之 邑之咏 者也 文王 則 民 邦 大 初

間

歌謡

亦何從得

此中正和平之音也

耶

?

聖人取之,以冠三百篇首,非

强以

其

爲

夫

爲 讀 周 婦 治之風 文王、大姒之德化及民,而 是詩者,以 家發祥之兆,未嘗不自宫闈 之始,可以風天下而厚人倫也 也,亦 爲咏文王、大姒也可, 無 不 可。 又何 必定 因 始耳。 以 蓋蓋 考 成 其 即 將 此 爲 翔 以 見 故

哀窈窕,思賢才,而無傷善之心焉。」因「德」字衍爲此《大序》曰:「樂得淑女以配君子,憂在進賢,不淫其色。【附録】〔姚氏際恒曰〕《小序》謂「后妃之德」。

嘉

,耦之合初非偶然,爲周家發祥之兆。

自

[此可

以

正

誰

氏作歟

乎? 在矣。 《大序》因而附會爲不妬之説 《子貢傳》出 則 聞 媵 和,如鼓瑟琴」,今云「琴瑟友」,正是夫婦之義。 匹,今以妾媵匹君 不知仍歸舊說也。 之,未有未娶而先有 其哀樂之情! 爲宫中之人作。 對 媵 四 説 友之」亦非妾媵所敢與后妃言也。 通,而 亦已矣, 豈有以己之坤位甘遜他 后與妾媵可以琴瑟喻者,不可 爲與君琴瑟友,則僭亂,以 ,今以妾媵與君對,不可通二也。述、仇同,反之爲 爲與君和鳴,不可 則 雎 此 是 此詩 鳩雌雄和 迂而 以 關 爲后 雎 只是當時詩 以爲姒 不近情之論也。 家 謂文王之宫人耶? 妃自 鳴,有 夫謂王季之宫人耶? 淑女、君子 ,不可通三也。 要之,自《小序》有「后妃之德」一 通 妾媵者。 氏思淑 咏 夫婦之象,故託以起興,今以 人美世子娶妃初昏之作 以 也。 淑 女而作,欲與《集傳》異,而 相 ,以致後儒兩説角立,皆 后妃爲與妾媵琴瑟友,未 《集傳 女指 前人已多駁之。 「淑女」、「君子」,的 配 通四 《常棣》篇曰 合之原旨 並說不去,于是乎偽 妾媵。 岁 諸侯娶妻,姪娣 人 也。 而 其不可通 淑女得 後謂之不 夫婦 其 竟不 不 況 若以 人不 否 妻子好 可 ,以見 琴 則 知 何 的 通 語 有 瑟 從 妾 妾 何 預 以 妬 妬 妙 者

滿意而又不涉於侈靡,所謂樂而不淫也。平中正之音,細咏自見。取冠《三百》,真絶唱也。〔三平中正之音,細咏自見。取冠《三百》,真絶唱也。〔三平背矣。〔四、五章〕〔友〕字「樂」字,一層深一層。快足不濟矣。〔四、五章〕此詩佳處全在首四句,多少和

鳩 亂,偶常並遊而不相狎,故《毛傳》以爲「摯而有別 名王雎,狀類鳧鷖,今江、淮間有之。 關,是聲中見意,亦 有 女傳》以爲「人未嘗見其乘居而匹處」者,蓋其性然也。 姚氏際恒日》《毛傳》云「摯而有别」,夫曰 食魚,有搏擊之象。 關 會也。 若云「有别」,則 弱 通。 關關關,雌雄相應聲。 然此但釋鳩之性習,不必於正 雎 鳩〔《集傳》〕 附會矣。 生有定偶而不相 孟 子述契之教 雎鳩,水 「摯」,猶 或云彼此相 鳥, 一、《列 是雎

休。 《集傳》「 也。 子由曰: 倫曰 衡疏語,而謂之善説《詩》,亦老大孟浪矣。 恒 多附會云。 足已,而又必牽引《毛傳》及《列女傳》,以致姚氏辯論不 而 得」二義,此遽作成婦以後立論,謂之和樂恭敬,且引匡 字,以「恭敬」貼「有别」字。 而恭敬,亦若雎鳩之情摯而有别也。」以「和樂」貼 舍經之「關關」以爲說也。 今云「未嘗見其乘居匹處」,則非所以比夫婦,亦大乖 比夫婦? 於雎鳩上哉! 關關」之旨矣。 有别」一語展轉失真,以至於此也。 日 》因云「雎鳩之鳥,人未嘗見其乘居而 其無定論如此。 〕窈窕,字從穴,與「窬」、「窩」等字同 此訓詁家惡習也,本不足録,然存之亦足見箋疏之 夫謂之有别,猶云不亂群之謂耳,非 「夫婦有別」,此「有别」字所從出 生有定偶 「物之摯者不淫。」若然,又不取其别, 而後人又安知詩人之意果如 窈窕〔《集傳》〕窈窕,幽閑之意。 詩人體物縱精,安能擇 歐陽永叔曰:「不取其摯,取其别。」蘇 而不相 大抵皆從《傳》之「摯而有别」, 亂,偶常並遊 《集傳》曰:「言其相與和 按下尚有「求之」與「求之不 ,豈必以夫婦字加 而不相狎」二 [案]釋鳩性 匹處也」,尤附 是耶? 物之有别 異處之謂也 ,猶後世言 此亦因 〔姚氏 取 《列女 至 其 深 只 而

!之意,《魯靈光殿賦》云「旋室便娟以窈窕」,駱賓王

見乎? 是。《毛傳》訓 閨 椒房窈窕連金屋」,元稹 〔案〕「窈窕」字雖從穴,然與「便娟」等字對用 「幽閒」。 「幽」或有之,「閒 詩云「文牕窈窕紗 則於窈 猶 緑 宛何 詩

釋窈窕固不可,即竟以窈窕爲閨閣,亦豈可乎? 淑 善

則仍是閨閣

幽静之意,非

窈窕即

深閨

也。

脱却閨閣

以

如釵股,上青下白,葉紫赤,圓徑寸餘,浮在 也 逑匹也。 荇〔《集傳》〕荇,接余也。 根生水底,莖

水面

(李

氏樗曰〕荇菜,是水有之,黄花,葉似蓴,可爲葅。 左

水之流而取之也。 右〔《集傳》〕或左或右,言無方也。 〔姚氏際恒曰〕《毛傳》曰:「后妃有 流〔《集傳》〕流,順

荇菜爲共祭祀用 關雎之德,乃能供荇菜,備 ,故后妃及之,則是直賦其事,何云興 庶物 ,以事宗廟也。」若然,以

乎? 泥「左右」字,附會爲妾媵助而求之,以實其大姒求淑女 是誤以《采蘋》釋《關雎》矣。 自毛爲此説,鄭氏執

皆謬。 之説。 所見以 按荇菜只是承上雎鳩來,亦河洲所有之物,故即 或不從其說者,謂荇菜取喻其柔,又謂喻其潔 起 興耳, 不 必求之過 深。 《毛傳》云:「流,求

> 耶? 過泥。 文義亦有所不通。 深,次序井然。 則采而得之,末章則既得而熟薦之。 又添出。 之流而取之也。」不從流之訓求,是已。 左右皆流而無方也,正以起下「求之不得」意。 左右無方,隨水而流 寤寐求之」下緊接「求之不得」,則此處正以荇菜 即毛之訓流爲求,詩下文何不接云「寤寐流之,流 若鄭説以「左右」爲助義,非唯不得詩之佳處,即 [案]流即荇菜之隨水而流。 至後兩「左右」字,不過相承而下,不 此處求之尚未必得,何 未即 得也。 《集傳》云: 詩人用字,自有 「左右流」,言其 「取之」二字,則 遽云事宗 流 至下章 順 喻 廟 可 淺 水 其

之物而已,則恐非詩人意也。 唯謂荇菜非取其柔潔,不過承上雎鳩來,以爲河洲所有 考據家亦不可言《詩》,即此亦見 之不得」? 詩 説《詩》如此,豈不可笑? 人何獨有取於荇菜耶? 而又明言「求之」,不用「流 愚嘗謂講學家不可言《詩》, 且姚氏亦以此爲興而比矣, 夫河洲所有之物亦多矣! 斑。 一字,則何以故 姚氏駁之當已。

之也。

耳。

服猶懷也

輾

轉 反

側臥不安貌。

芼熟而薦

使

非

柔且

潔

,則何比之有?

此又好爲排擊古人者之渦

也。」未聞流之訓求者。

且下即言求,上亦不應作流也。

作」,不知

何

所

證

據。

以

致駁之者云:

爲「后妃之本」、《集傳》遂以爲「后妃所自

右《葛覃》三章,章六句。《小序》以

通,而 今韻 叶 韻。 韻十九效。 韻。 古恒通用。 流尤。 屋。 【標韻】鳩今韻十一尤。 案:二韻今亦不通。 通韻。 側職。 求同。 采今韻十賄。 後凡標韻,皆今韻,倣此,不重注。 叶 本韻。 韻。 老今韻二十號。 案: 得今韻十三職。 屋、 洲、逑並 友今韻二十五有。 職二韻,今雖 同。 樂今 服 本 不

「后處深宫,安得見葛之延於谷

中,以

及

告師氏,言告言歸。 **濩,爲絺爲綌,服之無斁。**一篇之主。二章 于飛,集于灌木,其鳴喈喈。略點景物。 害澣害否,歸寧父母。 葛之覃兮,施于中谷,維葉 葛之覃兮,施于中谷,維葉萋萋。 葛覃 因 歸寧而 薄污我私,薄澣我衣。 三章 敦 、莫莫。 婦本也。 是刈 一章 黄鳥 言 是

爲萬世婦德立之範耳 觀 見周家王業,勤 母,所服私衣,亦不過澣濯舊物 服之者敢有厭心哉? 因擀衣而念絺綌,因絺綌 前 蓋 屬矯强,非情之正,豈得爲一國母儀乎? 至于刈濩,以見一物之成,亦非易易,而 儉,亦不至歸寧尚服澣衣 縱勤勞,豈必親手「是刈是濩」? 此原野之間鳥鳴叢木景象乎?」愚 感成 咏初昏,此賦歸 此亦采之民間,與《關 風。 聖人取之以 儉爲本,以故 寧耳。 縱至歸寧以見 次《關 雎》同爲房中樂。 因歸、 而想葛之初生 縱或有之,亦 民 寧 雎 間 而 而澣、 后即 \approx 己。 婦 亦欲 謂 道 衣 父 亦 可 節 后

下污澣。〔三章〕歸寧。正面三「言」字,兩「薄」字,兩唐人多有此體。〔二章〕治葛既成,以至「服之無斁」,起【眉評】〔一章〕追叙葛之初生。三句爲一截,

「害」字,説得何等從容不迫,的是大家閨範賢媛口吻。

以婦 鸝留 者。 祖廟 應節 其餘則私 人有 猶捼莎 撋之以去其污,猶治亂 莫莫茂密也。 熟時來在桑間,故里語曰:黄栗留,看我麥黄葚熟。 衣 衣[《集傳》]私,燕服也。 日 絡 名商庚,一名鵹黄,一名楚雀。 ,禮衣不可 德、婦 覃延也。 副褘,盛飾以朝事舅姑,接見於宗廟 既 趨 也,或謂之黄栗留 【集釋】葛〔《集傳》〕葛,草名,蔓生可 也。 毁,教於宗室。 **製**厭也。 時之鳥也。 也。 言、婦容、 (王氏安石曰)治污曰污。 瀚也。 [姚氏際恒日]私,袒 施移也。 刈斬也。 師女師也。 害何 婦功,祖廟未毀,教於公宫三月, 灌 而 薄猶少也。 ,幽州人謂之黄鶯。 木叢木也。 日 也 衣,禮服也。 黄鳥鸝也。 獲煮也。 1 亂也。 〔毛氏萇曰〕古者女師教 歸 齊人謂之搏黍。 寧歸問父母安也。 服。 [陸氏德明日]煩撋 污〔《集傳》〕污,煩 締絡 喈喈 〔毛氏莨曰〕婦 〔陸氏璣 衣,蒙服,非禮 澣濯 ,進見於君子, 精 和 也。 名倉 日 爲 聲 日」黄 絺 當葚 絲 也。 應應 庚 私 不 綌

> 叶。 微。 遇 濩 韻。 同。 通韻。否二十五有。 萋 與上莫、獲亦叶。 八齊。 本 韻 喈九佳。 給十一 陌。 歸 通韻 母同。 五 斁同。 微。 亦隔句 本韻。 私 本 叶。 四支。 韻 莫七遇。 斁,又 五.

長。 瘏矣,我僕痛矣,云何吁矣。 彼兕觥,維以不永傷。 三章 我馬玄黄。 人之人自我也。 虺隤我馬指夫馬。 從此生出。 虚收有神。 采采卷耳,不盈頃筐。 **真彼周行。** 卷耳 呼夫馬 四章 維以不永懷。二章 我姑 念行役而知婦情之篤 曰「我」,親之之詞 酌彼 一章 金罍,此「我」字乃懷 陟 嗟我懷人,後三章 陟彼 四「矣」字,節短音 彼 耳。 崔 陟 砠 鬼,我 彼高岡, 矣,我馬 我 也。 姑 酌 馬

官」,皆因《左傳》引此詩謂「楚于是乎能「后妃之志」,《大序》以爲「后妃求賢審石《卷耳》四章,章四句。《小序》謂

韻】谷

一屋。木同。

本

韻。

二韻隔

句

求賢 依之。 據 ? 此 貢 不 途 謂 無 與 自 官 爲 後、皆善於説《詩》,爲夫子所許。 誤之也。 或於言外 求賢 敢 勞苦 舊 人」,遂 文王 辭 解 悟及切磋,夫子言繪事,而子夏悟及禮 則則以 直 審官,非 説 耶 以 況周 審官」是 亦言 求賢官人,以其道遠未 歐 斷,遂以首章爲比體。 而 無 解 别 陽 解 殊知古人説《詩》,多斷章取義 作。」旋 異。 此 行 后妃諷君子愛惜人才爲言,仍 惟《集傳 外 有會 氏 「周行」爲「周之行 詩 可訓 后 别有 姚氏 始駁之云:「婦 何 妃責。」其説 乃曰:「且當 心,如夫子論 又疑 等 行 》謂 會 際 事 列,執筐終非男子。 心 執筐終 恒既 一后 而 耳,豈 妃以君 乃 知 是矣。 以 依《左 近 其 貧富 至,閔其在 人無 列」,毛、 此皆左氏 可 婦 非 婦 執 左氏 子 '', 而 人事, 外 然 傳 不 執 爲 而 在 譜 解 子 又 其

雖 之僕。金罍 以后 酒 不 之辭耳,則「酌 以不永 妃,則執筐遵路,亦豈后妃事耶? 計 身在閨門而 王陟之。 又爲楊氏 人」,差爲得之。 而 人念夫行役 葛覃》之後,一 日 必 思念之」,下皆「託言登 程應説 擕僕徂望,雖 以 飲 妃思文王之行役而言。 ,同爲房中樂,可以被諸管絃 辭 酒非 懷」、「維以 玄黄者,文王之馬。 害 用 到 意 婦 而憫其勞苦之作。 思 兕觥,文王酌以 修 涼 可 人 彼金罍」一語當屬 在 所 以見女工之勤 也。 然婦 事,然非杜 州』意耳。」 道 日 駁,曰:「原 不永傷」者, 路,若後 言之,亦傷 故愚謂 人思夫, 山 康 然仍 世 消 以 此 陟 詩人之旨, 痡者,文王 無以解憂, 聖 聊 憂 大義。 詩 望 詩 而 岡 这也。 泥定 以 下。 以 詞 陟 所 當是婦 人 且 了者,文 編之 懷之 自 見 所 岡 而 維 歌 后 故 飲 説 解 謂 蓋

必 之家庭之際者 無不可通也。 人借夫婦 執定后 妃以 情 以 寓 也。 爲 言 君 臣 如 則求賢官人之意 朋友義 必 以 爲託 也乃可, 辭 則 亦 不 詩

《眉評》〔一章〕因采卷耳而動懷人念,故未盈 能寬。末乃極意摹寫,有急管繁絃之意。後世杜甫「今 下三章皆從對面著筆,歷想其勞苦之狀,强自寬而愈不 下三章皆從對面著筆,歷想其勞苦之狀,强自寬而愈不 下三章皆從對面著筆,歷想其勞苦之狀,强自寬而愈不 下三章皆從對面著筆,歷想其勞苦之狀,强自寬而愈不 下三章皆從對面著筆,歷想其勞苦之狀,强自寬而愈不

耳。 通。 列」,毛、鄭依之。 行大道也。 月中生子,如婦人耳中璫,或謂之耳璫。 曰〕葉青白色,似胡荽,白花,細莖蔓生,可煑爲茹 (本草)即今蒼耳。 鹿鳴》、《大東》也。 《鹿鳴》「示我周行」,破「示」爲「寘」,自不安矣。 [郭氏璞曰]亦名胡枲,江東呼常枲。 集釋】卷耳〔毛氏莨曰〕苓耳也。 〔姚氏 嚴氏云:《詩》有三「周行」、《卷耳》、 頃欹也。 際恒 鄭皆以爲「周之行列」,惟《卷耳》可 日日 周行、《左傳》作「周之行 筐竹器。 幽州人謂之爵 真舍也。 〔朱子曰〕據 「陸 氏 周 四 璣

耶?

按《說文》「崔、大高也,嵬、高不平也」,只言其

崔嵬字皆不從石,安得謂之石戴土、土戴石

皆不可通。

高,于

義爲當。

虺

隤〔許

氏慎曰〕隤,下

一隊也。

酒

器

,刻爲雲雷之象,以黄

金飾之。

兕觥

以兕觥

爲

爵

得也, 是。 子引經, 道路之道、《鹿鳴》乃道義之道,此 解,非也。 道義之道,一爲道路之道,則未然。 義之道、《大東》爲道路之道。 行。 (大東))日「示」、日 一字有兩義:一爲列位,一爲道。 土山之戴石者」、《爾雅》云「石戴土」,相互異。 鹿鳴》。按《荀子·解蔽篇》曰:「頃筐易盈也,卷耳易 卷耳》爲列位、《鹿鳴》爲大道、《大東》無傳,則 大東》「行彼周行」,又爲發幣于列位 爲列位,一爲道,猶近是。蓋《卷耳 陟升也。 然而不可以貳周行。」以用心不可疑貳爲言。 〔案〕朱子亦曰《詩》有三「周行」,此及《大東》皆 隨事取義,不可爲據。 又《淮南子》引此,以爲言慕遠世,亦不可用 崔嵬〔姚氏際 「行」,用字原有别。 按:嚴謂「周行」有二義: 恒日〕崔嵬、《毛傳》云 蘇氏、劉氏並祖述之爲 而道又《鹿鳴》爲道 「周行」當以大道爲 均爲道路也。 》曰「寘」、《鹿鳴》、 ,其義尤迂。 若謂「道」又一爲 愚以 周行 解見 毛以 爲 諸

痛人病不能行也。

黄同。 韻,又 **浦、**吁並同。 韻。 嵬十灰。 標 體也 觥八庚。 韻】筐七陽。 本 **隤、罍、**懷並同。 .韻。 傷陽。 [案]此 人十一真。 通韻。 詩除 首句 本 砠 七虞。 韻。 行 外, 陽。 句 尚 句 **屠**、 陽。 通 用

樛木 祝所天也。

之。樂只君子,福履成之。三章 內有樛木,葛藟縈只君子,福履將之。二章 南有樛木,葛藟荒之。樂福履綏之。一章 南有樛木,葛藟荒之。樂 南有樛木,葛藟纍之。此。樂只君子,

似矣。 心」。《集傳》因之,謂「衆妾之頌 「后妃逮下」,《大序》遂衍爲「無嫉妒之 右《樛木》三章,章四 然詩 詞 並 無 樂 德意 句。 ,而何以 《小序》 后 妃, 見其 謂

> 化 以 近。 無嫉 作,則固矣。 之實指文王,亦奚不可? 夫婦,義本相通。詩人亦不過藉夫婦 依附之意,如蔦蘿之施松柏,似於夫 喻君臣義。 而歸心于周。」其説亦是。 妒心耶? 而僞傳又云:「南 其詞愈婉,其情愈深, 觀 纍、荒、縈等字,有 國諸 而必歸諸衆 侯慕文王 總之,君 即 婦 纏 妾 情 臣 之 綿 爲

自見。 【眉評】三章只易六字,而往復疊咏,慇懃之意

綏安 璣曰」 也。 只 語 成 助辭。 也。 藟,一名巨苽,似燕薁,亦延蔓生。 集釋】樛木木下曲日 就也。 荒花 福 履 覆 也。 「嚴 氏粲曰〕動罔不吉,謂之福履。 將 猶扶 樛。 助 也 藟 葛類。 纍猶 旋繞之周 〜 陸 繫 也 氏

將同。本韻。縈八庚。成同。本韻。【標韻】纍四支。綏同。本韻。荒七陽。

六九

参典 斯 美多男也

繩 振 鳌 一蟄兮。 繩兮。 振 兮。 螽 斯 二章 羽,詵 章 螽斯 螽斯羽,揖揖兮。 詵兮。 羽,薨薨兮。 比。 宜爾子孫,人比意 宜爾子 宜爾子孫, 孫,

其辭。 之也。 螽斯 文王。 會之詞 謂 女 斷 妒忌則子孫衆多」。《集傳》從之,而微 「后妃子孫衆多」、《大序》因言 學 無 后 爲 土 稽。 妃 右《螽斯》三章,章四句。《小序》謂 讀者細咏詩 比,未嘗顯頌君妃,亦不可泥而 詩人美之固宜。 耶 不 以螽斯爲不妒忌,固 ·妒忌 ? 且謂 周家媵妾縱多賢淑,安見其 當是之時,子孫衆多,莫若 此 而 詩 子孫衆多,亦 詞,當能得諸 爲衆妾所作,則 但其措詞 有説歟? 「若螽斯 屬擬 言外 亦 尤 僅 議 借 爲 孟 易 求 附 即 不

蒸。

繩同。

本

韻

揖十四缉。

蟄同。

本

韻

標

韻

詵

+

真。

振

同。

本

韻。

薨十

飛聲。 子,皆不知何從數之而得此數耶? 爾 以爲指螽斯,亦不知何 干」、「斯稗」也,不可以 子。〔姚氏際恒日〕「螽斯」之「斯」, 蝗屬,長而青,長角長股,能以股相切作聲,一生九十九 穎達曰〕此言「螽斯」、《七月》云「斯螽」,文雖顛倒 生八十一子,朱氏謂一生九十九子,今俗謂蝗 也。 臣爾君矣。 也。 陸璣疏云:「幽州人謂之春箕。」〔《集傳》〕螽斯 集釋】螽斯〔毛氏萇曰〕螽斯,蚣 繩繩不絶貌。 《豳風》「斯螽動股」,則又以 詵詵和集貌。 「螽斯」二字爲名。 意。 揖揖 如謂不便爾后妃,天保定 會聚也。 振振盛貌。 語解,循「鹿斯」、「鷽 爾,指人,《集傳》必 「斯」居上,猶「斯 蟄蟄多之意。 蝑 蘇氏謂螽 也。 薨薨 一生百 八孔氏 其 群 斯 實

之子于歸,實賦。 桃 之夭夭,興中有比。 桃夭 宜其室家。 喜之子能宜室家 灼 虚想。 灼 其 華。 也 章 錬字 桃 法

之

眉評]詩只平説,唯六字鍊得甚新

七〇

宜其家人。三章 桃之夭夭,其葉蓁蓁。之子于歸,至。二章 桃之夭夭,其葉蓁蓁。之子于歸,宜其家

哉 ? 盛 證 説近是。 傳》此章專言「文王之化,自家而 夫」爲言。 男女以正,昏姻以 取其色以喻之子,且春華初茂 此皆迂論難 妃不妒忌,豈待人言,亦豈待煩言 亦本孟子「太王好色,内無怨女,外無 「后妃之所致也」、《大序》因言「不妒忌 盡 于 時 桃夭之時,則又泥 即使 耳,故以爲比,非 右《桃夭》三章,章四句。 《小序》 歸 也。 然又引《周禮》仲春令會男女以 然必謂不妒忌者何哉? 妬忌,亦與小民昏姻 通,不足以發詩意 僞 傳 時,國 又 以 而 心 鮮 爲 謂 無 通。 美 桃 鰥民 后 夭 即芳龄 桃夭不 時之子可 妃 也」。 也。 國, 何 而 而 涉? 後信 夫 ^ 集 渦 后 此 則 日 噩

> 雎》同 也 淑 如 雖不知其所咏何人,然亦非公侯世族、賢 而 後,别爲一樂可也。 體稍輕,故不 特《關雎》從男求女一面説 呼后妃爲之子,恐詩 舅 名 可。 宜室宜 此 面說,互相 雎》美后妃矣,而此又美后妃乎? 媛,不 之甚耳。 爲房中樂,如後世催 家, ·足以 掩映,同 可 . 得 蓋此 謂 與《關 當。 德 然以如花勝玉之子, 亦 色雙 人輕 爲美俗。 即謂之 雎》並,次《 咏 新 薄 美,艷稱 ,此從女歸男 妝坐筵等詞。 昏 亦 樂 詩, 不 而 而 至猥 此 螽斯 與《 一時。 不淫 詩 歸 褻 且. 氣

陰子滿枝」,亦以見婦人貴有子也。
【眉評】〔一章〕豔絶。開千古詞賦香奩之祖。

貌。〔孔氏穎達曰〕夭夭言桃之少,灼灼言華之盛。桃【集釋】桃木名。夭夭少好貌。灼灼鮮明

是少 凡華艷者鮮實,桃夭不然,春開夏結,其實多而味美,故 而 則不乖,順 惟 然淑以其德之蕴於中者言,宜以其效之著於外者言。 順之意。 或 \Box 亦可以觀感應之機矣。 應於下,故于歸之際,見者知其必有以宜室宜家焉。 姑,敬不違於夫子,慈不遺於卑幼,義不咈於夫之兄弟, 後可以謂之宜也。 以以 少 「有蕡其實」,彼于歸者之有子似之。 其 而 (有是德,故可必其有是效也。 而 喻 有華者,故辨之言桃有華之盛者,由桃少故 未華,或華 此女少 〔朱氏善曰〕之子所謂宜,猶后妃之所謂淑。 則 無逆。 而色盛也。 而 此非勉强 不 然由后妃教化倡於上,之子則效 少。 蕡實之盛也。 此詩夭夭、灼灼並言之,則 歸婦 所能也,必孝不衰於舅 人謂 宜者,和順之意,和 嫁日 〔朱氏道行曰 蓁蓁葉盛貌。 歸。 宜 此 和

室同。本韻。蓁十一真。人同。本韻。質四質。【標韻】華六麻。家同。本韻。實四質。

肅肅兔罝,椓之丁丁。赳赳武夫,公侯兔罝 美獵士爲王氣所特鍾也。

深。 罝,施于中林。 赳 干 赳武 城。 此 夫,公侯 層 淺。 赳赳武夫,公侯腹心。 好 章 仇。 肅 此層深。 肅 兔罝,施 二章 于 肅 中 此層更 肅 · 逵。 兔

夫」耶? 望、閎夭、太顛 得吕望之類。 此篇之義,必有人焉當之,如文王 後儒如金仁山、 夭、太顛於罝網之中,授之政,西土 會、毫無徵實。 人,而其才之可用猶如此。」亦 云:「化行俗美,賢才衆多,雖 章牽涉后妃,此尤 「后妃之化」,不知武夫於后妃何與? 極野處,亦斷不至與置兔野人同秉 右《兔罝》三章,章四句。《小序》謂 夫擬. 姚氏 人必於其倫, 諸公,亦可謂之「赳 胡休仲多主是説,以 按《墨子》曰:「文 無 亦以爲然。 理 可 厭 吕望 屬 置 然 諸 一狩 虚 兔之野 王 集 一行附 赳 赳 賢 則 服。 舉 獵 爲 赳 縱 武 閉 吕 而 誦

看出。落落數語,可賅《上林》、《羽獵》、《長楊》諸賦。貌。〔一、二、三章〕干城、好仇、腹心,即從上「肅肅」字、寫出軍容嚴肅之【眉評】〔一章〕「肅肅」二字,寫出軍容嚴肅之

武貌。 橛也。 同 丁,核杙聲也。 巡注:兔自作徑路,張罝捕之也。 丁丁 [《集傳》]丁 心 同 [許氏恒日]擊橛於地中,張罝其上也。 德,可爲心膂之助也 逵九達之道。 集釋】罝罟也。〔《爾雅》〕兔罟謂之罝。 〔《爾雅》〕機謂之杙。 好仇仇與逑同,匹也。 李氏巡注: 腹心 赳 李氏 杙謂 赳

林十二侵。心同。本韻。城八庚。通韻。隔句叶,謂之轆轤韻,下倣此。丁九青。虞。通韻。隔句叶,謂之轆轤韻,下倣此。丁九青。

芣苢 拾菜謳歌,欣仁風之和

鬯也。

采采芣苢,薄言襭之。三章 采采芣苢,薄言袺之。 采采芣苢,薄言掇之。采采芣莒,薄言掇之。采采芣茁,薄言

大謬。姚氏際恒駁之,謂「車前非宜男藥,謂治産難或有之,謂其「樂有子」,則云:「芣苢,車前,宜懷妊焉。」車前,通利云:「芣苢,車前,宜懷妊焉。」車前,通利子矣」,皆因泥讀芣苢之過。按《毛傳》

古絶唱 自覺其 實,自 歌 試 無 以 草 數 歌 枝 詩 不 三五五 無 家 論 平 其 室 是 語 知 互 限 所 可 柳 一答,餘 其 心 其 指 和 詩 即 無 不 枝、 鳴天籟,一片好音 初讀之亦 愈俗 若實 實 平 漢樂 静 情之何 五,於平 所 説 之旨矣。 ,情真景 必 ·, 婦 櫂 而 指 是 氣, 細 音裊裊,若遠 府《江 愈佳 歌等詞 矣。 而 實 愈 繹 人無 涵 心雅,愈 ? 以 按 真 毫 而 原 泳 ^ 也。 之, 移 然 事 故 無 南 殊 集 自 繡 此詩,恍 類 又 而神之何 1,相 知 意 曲 傳 也 無 得 野、 興會 夫佳 無 義 多以方言 此 其 故 與采 若 **云**: 風 ,尤足令人 辭 詩 知乎此, 妙 首「魚 實 索 然 近, 詩 和 聽 以 之 焉。 化 而 然 不必 此芣苢 不害其 以 解 日 田 妙 忽 矣。 愈 家 麗 此 入韻 曠 行 戲 斷 唐 可 盡 則 正 中,群 詩 俗 蓮 忽 婦 低 爲千 以 人 皆徵 則 讀 而 可 在 美 續 女, 葉 賦 與 咏 此 者 П 其 岢

> 謳 未 此 枝 婦 其 歌 以 事 可 詞 人 畀婦 自 > 以 知 猶 也 0 賦 相 有此 今世 女輩 樂。」其 詩 則 人 遺 臆 自咏 ,俾自歌之, 南方婦 風 斷 八説 云 矣。 不 其 爲無見。 女登 或 蓋 風 此 互 山 俗 詩 採 相 如 即 然必 茶 娱 此 當 時《 結 或 謂 伴 亦 作 竹 爲

换,而婦女拾菜情形如畫如話。 【眉評】一片元音,羌無故實。通篇只六字變

者爲 貯之而執其 故 前。 日 瞿。 車 韓 前 集 氏嬰日〕直 (陸氏璣曰)車 當道 釋】芣苢《爾 衽 也。 也 日 襭以衣貯 掇 車 前, 拾 前 也 瞿 雅 之而 名當道。 》一苯 日 捋 芣 扱其 取 苜。 苜 其子 馬 喜 衽 **注** 在牛跡 舄。 於帶 也 」生於兩 馬 間 袺 上生 舄, 也 以 衣 旁 車

七曷 捋同。 標 韻 一彩十期。 本 韻 袺 有二十二 九屑 五. 襭同 有。 叶 本 韻 韻 0 掇

漢廣 江干樵唱騐德化之廣被也。

寫景 駒。 思。 方思 泳 歸 思 ,言秣其馬。 漢 翹錯薪,言刈 翹 漢之廣矣,不 南 不可以 有 三咏 江之永矣,不可 錯薪,言刈 有 游 喬 泳思。 江景,有「篇終接混 女,不一 木,不可休 進一層言情。 可 江之永矣,不可 其蔞。 可泳思。 其楚。 求 思。 息。 方 之子于歸,言秣 思。 人事是主。 言情。 茫」意,而章法尤 漢 江之永 〔吴氏曰〕《韓詩 之廣 再 漢之廣 咏江景。 方思。 矣,不 矣,不 之子 一章 》作 可 其 可 于

域 翹 前 下諸家,莫不 日 錯 廣所及」、《大序》因謂 可 薪 右《漢廣》三章,章八 思 '求,以見文王之化之廣 非 數語 犯 游 禮 矚 本此, ,終無著落,豈 求 地 而 川 以 不 楚 爲 可 得」。 江 亦 「化行乎江 句。《 漢 於 虚 矣。 女子無 游 《集 衍 小序 女 哉 然 傳 ? 非 漢 之 翹 復 謂 夫 以

説。 唯歐 其歸 者。 愛慕 以忘勞耳。 Ш 樵 爲 女爲 共其 煞 乃 也 夫」也」。 女子自有 近之。 唱 而 風 ,多唱山 不言采 賓客 是也。 陽氏 當其 文在 殊知 芻 景 之情,有近乎淫者 求之, 豈 而 薪 親 ? 此 佳 ,薪以 夫, 矣。 雅 然 説 前 蘭贈勺而 迎矣,猶 姚 謳,響應林谷。 近世 處 其 詩 後 俗 11X 雖 彼 禮 氏 既 往往 即 兩 之間 詞 楚、 爲爨,芻以 將 際 爲 也 一楚、粤、滇、黔間,樵 説 大 爲 以游女 往 哉? 恒 執 川 川 樂 自 而 **VIJ** 抵 云擔 入神,有 楚、 謂「古者賓客至, 鞭所 楚、刈 蔞, 府 相 男 音 「, 亦 矛 女相 所 下 川 爲 柴刈 亦 節 欣慕」之意, 蓋勞者善歌 盾 謂 秣馬」,是以 文 蔞 賓客,而 蔞 有 無 則 學 ,

北不 贈答、 **写**羅 草,豈 忽 以 而 以 詞 自 士 秣馬 又謂 作 敷自 以 禮 大 然 可 爲 夫 天 自 私 子 所 又 所 之 籟 持 心 所 差 有 其 欲 游 必 大

採薪 疊 抒 付 歎 次即言刈楚,爲題 不 迹 總之,詩人之詩,言外別有會心,不可 可 可泳,長更無方,唯 或 相求。 懷 |咏江漢,覺烟水茫茫,浩渺 樵。 而 能 風》多里巷詞、況此 即 餘事。 聊 及者。 以之比文王德廣洋洋也亦無不可。 故首 寫 故取之以況游 然則太史取之,抑 幽 愚意此 章 中間帶言游女,則不過借 思, 先言 自適其意云爾。 正 有徘 詩 喬 面。 木 亦 Ш 起 女不可求之意 必當時詩 [謳,猶 徊瞻望,長 三兼言刈蔞,乃 興 又何 爲 無 能 際,廣 . 哉? 採 終篇 以 人歌 樵 歌 禮 地 以 浩 自 世 蓋 不 忽 以 以

章〕後二章刈楚、刈蔞,乃寫正面,仍帶定游女,妙在有中間插入游女,末忽揚開,極離合縹緲之致。〔二、三中間插入游女,末忽揚開,極離合縹緲之致。〔二、三中間插入游女,末忽揚開,極離之,為下刈薪張本。

發情止義,所以

爲

貴

也

持,則尤見周家德化所及,凡有

血

氣莫

不

三歎有遺音」者矣。

方桴也。 蔞蒿也。 海。 漢陽軍大别山入江。 二字俱作「思」。 字作「思」。《詩》之大體韻在辭上。 [《集傳》]江 漢陽今湖 [《皇輿表》]永康軍今四川 集釋】喬高也。 廣 翹翹薪錯起不平 水 漢陽府。 出 漢〔《集傳》〕漢水出興元府嶓冢山,至 永 康軍 〔《皇輿表》〕興元今陝西漢中 泳〔《集傳》〕泳 岷 休息[孔氏穎達日]疑 山,東 貌。 成都府灌縣。 流 楚荆屬。 疑「休」、「求」爲韻 與 漢 潛 水合,東北入 行 永長 秣飼 也。 也 息 也。 府 江

叶。 二養。 馬 永二十三梗。 十 或謂四 方七陽。 標韻】休十一尤。 馬。 句 爲 叶 叶 韻。 韻 叶 韻 韻。 古 案: 蔞七虞。 韻 則 求同。 二句意本不相 隔 然 句 叶。 今韻 駒同。 本韻 泳二十 否。 連,而 本韻 楚 廣 六 四 韻 二 十 語 敬。 自

七六

汝墳 南國歸心也。

王室如燬。雖則如燬,父母孔邇。三章既見君子,不我遐棄。二章 魴魚赬尾,奧句。子,怒如調飢。一章 遵彼汝墳,伐其條肄。遵彼汝墳,伐其條杖。全詩皆比。未見君

化 如 歸,與文王之化何與? 婦人喜其君子行役而歸。」夫婦人喜其夫 序》,謂:「汝旁之國,先被文王之化,故 則 道化行而不言其所以行之之故。《大序》 思夫,而 家説《詩》,必先 人,然後獨 而後思其夫,豈不被化即不思其夫 以 此説《詩》,能無令人疑議? 爲 右《汝墳》三章,章四句。《 鄭 婦 重 又 人作。 其 申己見。 覺 辭 無 有 甚 然 《集傳》因之,兼用《小 關 後 付寬 故此 係 説 婦人被 思夫,以 故 詩 大 先言 帽 本 欲 子壓 大抵學究 文王之化 小序》謂 致 文王之 説 耶? 婦 倒 衆

解。 謂 傷,莫不引領延伫,若大旱之望雲霓,所 尚無定識耳。 以父母爲己之父母。 耶 苟 愛民若子,實能容衆而不我棄,乃知帝王 如遺耳。 近,故首先 而事之矣。及聞西伯發政施仁,視民 焚燬,天下臣民皇皇無 説差近。 故、往來於商、汝墳之人得見 解,以父母屬文王矣。 言,又何自 文義不相連貫 ? 無 怒如調 唯何玄子曰「時蓋文王以脩職貢之 大 縱 過 使 一旦得 而姚氏 嚮化,歸心愈 飢」是也。 來? 大 何至以「不我 愚謂、 是爲喜,而 亦不之覺。 晤君侯,見其 以爲想像 於是復 商辛無道,王 紛紛擬議,原無定 汝旁諸國,去周尤 定,莫不欲得 而 亟,唯恐 又引嚴氏説, 以 王 遐棄」爲欣幸 而 且 家人慰辭爲 室如 而喜之」 得,蓋其 婦 濶達大度 人思夫, 室久 其棄予 燬 明 之 如 主 如 之 更

依父母 何也? 自 謂 則又情不自禁 人喜見其夫之詞。 虐,天命未改,詩 君之擇臣, 嗟我勞人, 赬如 勞, 曰: 有真 詩旨隱而不露哉? 耳。 也,不覺欣欣然有喜色而 父老苦 以 西伯近在咫尺,不啻如赤子之 臣 此馬援所謂「當今之時,非 亦 其 商 魴 擇 人不 尾,然 久 君 辭 日「王室」日 矣,王室其 且 敢顯言,故託 也。 躍 亦將 然紙上矣。 然 有 而 「父母 所 如 商 群 歸 燬 爲 政 相 乎。 也 誰 婦 雖 旧 慰

無限安慰意。 章〕「不我棄」,寫出無限欣幸意。〔三章〕「孔邇」,寫出章〕「不我棄」,寫出無限欣幸意。〔三章〕「孔邇」,寫出

汝州 陽 河 府 南 汝州。 天息山、逕蔡、潁州 潁 州 集 《釋】遵 宋蔡州 條枚 循 [《集傳》]枝曰條,榦曰枚。 ,今河南汝寧府。 也。 入淮。 汝 水名。 [《皇輿表》]宋汝州,今 宋潁州 [《集傳》]汝 今江 〔孔氏穎 南鳳 水 出

> 焚也。 也。 云: 江東呼爲鯿。 生之餘。 也。 達 故知勞則尾 宗周之闕,而夏肄是屏。 故傳言飢意,箋以爲思義,相接成也。 食,意又惄然,故又以爲飢。 作輖,重也。 曰 怒,飢也。 〕大木不可伐其榦,取條而已。 肄[孔氏穎達日]肄,餘也。 怒〔孔氏穎達曰〕《釋詁》云: 孔甚也。 遐遠也。 元赤。 赬赤也。 然則 (王氏安石曰)調飢 《左傳》: 邇 新 魚 名。 怒之爲訓 近也。 [孔氏穎達日]魴魚之尾不赤。 又 曰: 如 魚 怒是飢之意,非飢之狀。 本 赬 [陸氏璣曰]魴,一名魾 杞,夏餘 尾 《左傳》曰: ·爲思 飢 枚细 怒,思也。 衡流 調〔《集傳》〕調 而又飢 耳。 也。 者可以全伐之 而 彷徉。 但 是 晉國不恤 ,飢之甚 《釋言 肆爲 飢 之思 燬 復

真。棄同。本韻。燬四紙。邇同。本韻。 【標韻】枚十灰。飢四支。通韻。肄!

四

麟之趾,振振公子。于嗟麟兮! | 章 麟之趾 美公族龍種盡非常人也。

角,振振公族。于嗟麟兮! 三章 麟之麟之定,振振公姓。于嗟麟兮! 三章 麟之

有時? 應也 謂 肖 厚」,尤可怪。 耶 雎 即謂「衰世公子」,亦殊謬戾。 世之公子皆信厚如麟趾之時」。 族,非專咏 應《麟趾》。 王 云應而《麟趾》則云應乎? ? 者 \sim 而 化 麟 關 ? 足 有 右《麟之趾》三章,章三句。《 《集傳》云「麟性 行, 之,未 或 趾》則實美周家子姓 雎》之應」。 其 即 有 則 使 不通 文王子也。 何者? 不 .其應,亦當應《螽斯》,而 有物 郅 分麟 ·善乎? 已爲 治 時 善 《關 與 以《麟趾》兼言子姓 矣,而 歐陽氏、蘇氏所 而 趾 天下父賢 顧 足 雎》未必 爲 厚,故其 不 何以《螽斯》 《大序》謂 二物,豈 族,其 何 善者。 夫既 以 麟何 云 專 趾 而 何 《小序》 謂 泳 咏文 衰 物 亦 子 以 且 《關 譏 性 以 不 以 世 不

則由 盡 以 潤 必公姓,麟角必公族 數層,體例然耳。 之應矣。一言而自相矛盾 瑞」,是又明明以之比子姓族爲文王后 以爲美文王后 麟 即 至詩中大旨則姚氏際恒云:「蓋 能得意旨哉? 也,何必麕身牛尾 爲美子姓族也,則現以麟爲文王 下文「于嗟麟兮」之「麟」 注 隆 興比 世不常出 比文王后妃,以 武 脚。 一準,龍種自與常人殊」,可爲 親 王、周公、郕 及踈。 而歎美之耳。」杜詩云「高帝子孫 夫文 王 言趾、定、角,則自下而上。 妃 大凡詩 王之子孫亦 叔、康 爲 非 而 也,而下文云「是乃麟 趾定角 開國聖主,其 也。 謂麟 馬蹄,然後爲王者 家咏 叔 又將 輩 唯言子、姓、族 趾 分配子姓族 當當 也如是,豈 各非常人,所 必公子,麟定 物,一意 誰 后妃 屬 子若 麟爲 此 同 詩 在 而 神 尚 孫 分 妃 則

子 歎美其人,而非神獸不足以相擬 窺之,早有以 振公子中,德 (比,口中雖美麟兮不置,其實神注諸 而不已也。 卜其後之必昌,故欲作 雖 未 顯 而 器宇自異。 乃借 詩 詩 公 麟 以 人

【眉評】三「麟兮」,咏歎有神。

羅網 振 行必擇地,詳而後處,不群居,不侣行,不入陷阱,不罹 也。 或作顛。 遷就于彼也。 傳》于此訓「振振」爲「仁厚」,于《螽斯》亦然,是因 振」爲「仁厚」,然則「定」與「角」又何以無解乎? 知「振」字豈是「仁厚」義乎? 貌」,又兩爲其説,並可笑。 ,振起振興意。《毛傳》訓「仁厚」,意欲附會麟趾 〔陸氏璣曰〕鱗,色黄,員蹄,音中鐘吕,行中規矩. ,王者至仁則出。 集釋】鱗〔集傳〕鱗,屬身牛尾,毛蟲之長 《釋畜》云: 《集傳》則于此訓「仁厚」,于《螽斯 一的 趾足也。 顙 曰顛。」顛亦額也。 定額也。 且其以趾之故,故訓 振振「姚氏際恒 〔孔氏穎達曰 角気集 訓 此 《毛 二定 振 不 日日 而

角

,角端有肉

韻 徑。 姓二十四敬 標 麟十一真。 韻』趾 四紙。 煞尾三麟字自叶 通 韻。 子同。 角三覺。 本韻。 韻 族 屋。 定二十五 通

乎? 耶? 歸美后妃,仍復謂之《周南》,豈不與命名義大相左 南 以爲《關雎》之應后妃,亦不爲無助。 傳》遵之,以爲首五詩皆言后妃之德,《桃夭》下則文 序》章章牽合后妃,唯《漢廣》、《汝墳》及文王。 言外以見意,非穿鑿附會以求之也。 障,旨被塵蒙,不得温柔敦厚旨,而 不謂然? 風》,則必一國之風,非一家之俗又可見。今既篇篇 日 王家齊國治之效,而天下亦漸平焉。 《風》? 風,則必里巷歌謡 諸 夫子説《詩》,曰興,曰觀,曰群 且文王脩身齊家以治其國而至于天下平,疇 詩皆爲后妃作,直可曰《周 以上《周 且可曰《太姒頌》矣,又何以爲《周南 何必牽引《大學》以 南》詩,凡十有 非朝廷 釋風詩,致使詞 雅、頌 頌》矣,而 何 日 可 末仍本《序》, 所謂 如此,是《周 怨 以 知。 識 篇。 往 諷 何 *? 日 者無 爲理 以 往 刺 《小 《國 從 爲 義 夫

自

正。 風焉。至於《汝墳》兼及境外,見遠人嚮化,爲天下 罪,聞之者足以戒」,其意亦可想已。愚案:《周南》 前後諸詩小異,即謂爲正風之變也亦宜。此亦天地 和順,中正温敦,得天地太和翔洽氣,所以爲風之 以是爲終焉。編詩之意,大略如此。至其音節優柔 歸心之漸。《麟趾》則歎美公族,乃發祥所自始,故 也。《兔罝》游獵、《芣苢》邨謳、《漢廣》樵唱,則郊外 録,得失斯見。首六章皆咏婦德,見風化起自家庭 咏君妃者何哉? 嘗顯言稱頌,所以爲風也。然既采之民謡,而又兼 王之游獵、《麟趾》見公族之日盛,要皆假物咏歎、未 趾》及公室。蓋《螽斯》美后妃之多男、《兔罝》喜文 十一篇,皆周人自咏其國風,唯《螽斯》、《兔罝》、《麟 然元音,不可强而爲之者也。 唯《漢廣》氣體差濶而肆、《汝墳》興中有怨,與 夫民有民俗,國有國風,兼收並

詩經原始卷之一

召

或

風

南

者,有與公無涉者,均謂之《召南》,蓋皆召以南之詩 周、召二公之號由此起。其所採民間歌謡,有與公涉 武王得天下後,封旦於周,即封奭於召,以爲采邑。 與《周南》同爲《國風》之正,而居三百之首者也。若 同。且先天下而被文王之化者,又莫不同。 故亦南之而已。召與周近,地同俗同,故詩之音亦略 者之化,自西自東,自南自北 於外,其詩得之南國則謂之南」者,均不可從。 序》謂「南,言化自北而南」,與《集傳》謂「召公宣布 召,地名,與周邑皆在岐山陽,故南面地方最廣。 ,無思不服,何以獨行於 此所以 夫王

> 鵲巢 昏禮告廟詞也。

王耶?

兩御之。 維鵲有巢,維鳩居之。比。之子于歸,百 一章 維鵲有巢,維鳩方之。之子

鳩起興,終無定解。 三説均似可通。 后妃之化,故嫁於諸侯而其家人美之」。 更謂「南國諸侯,被文王之化,其女子亦被 功以起家,德如鳲鳩,乃可配焉」。《集傳》 「夫人之德也」。《大序》衍爲「國君積德累 右《鵲巢》三章,章四句。《小序》云 然詩本咏昏姻,而何以鳲 自《序》、《傳》來,説詩

南歟? 以有召公循行南國,宣布於外之事? 侯擅使大夫宣政列國,此何如臣? 且文王時,上有商王,周、召未得分封,又何 而諸儒乃以誣文 天子在上,諸

之。之子于歸,百兩成之。三章

于歸,百兩將之。二章

維鵲有巢,維鳩盈

乃其自 之異類 依 男 鳩 煌 室 耳 以 之異 異 之説 姚氏 女同 者 桑,其子七兮。」凡娶婦者,未有 居男室也」,則與舊説何異? 則 一,所 鳩 爲 類況 無 而 以 鵲 際恒 大厦 又冀其肯堂肯構 性 爲 類可乎哉? ,至舉其附會者四,可謂 類 不 謂 乃 況 解 以 慈而多子。 人之異類也。 美觀 鳩 也 鳥革暈飛、 取 鵲 詩意,又以 人之異 最 以 辨 鵲 譬 攻《 了、又況 巢鳩居況女居 成 鳩 新 香者 序》、《傳》,力駁 異 竊 昏 類」,男女縱不同 此不通之論 物 意 《曹》之詩曰 鵲 蟬 人 r, 故詩 爲「言鵲鳩者,以 其言巢居者,況 也 善營 也。 也。 聯 鵲 ,而 巢自 鵲 人咏之,後 起,無 當時之人,必 巢,故以 蓋 男室矣。 何 痛 新 喻 以 也。 且 切言之矣。 不祝 昏 他 鵲 不極 爲 謂「以 體 者 人 然則 巧 配 爲 女之 竟 鳩 必 成 鳥之 鳩 其 夫 意 而 乎 比。 鳥 以 多 在 治 室 男 有 拙 輝 何 謂

> 别。 邀賜 疑其爲告廟 文,即有歌 筵,告于莊 用者,但無攷耳。 語 咏詩詞,與《關 之富,又頌其子婦之賢 爲典要耳。 近 祝詞。 第,爲 關 雎 共之廟。」既 **>** 子娶婦 詞 古昏禮必告廟,祝版樂章當 似 否則,公族子姓 此亦禮之相 雎》雖 也 後 世 而《左傳》曰:「圍 其 催 同 内, 妝 有 了; 賦 、花 詩 告 因 初 未 人既 而 ,寵遇天王 香,而 燭 則 可 致者。 等 有文,既 知。 美其宫室 詩 義 愚故 旨 布 然細 此 得 几 有 則 迥

爲巢而 耳,有 架構樹 鳩,乃可以配。」鄭氏因以爲「均壹之德」。 直謂之鳩 以 毛傳》云: 來, 何德, 無不附會爲説,失風人之旨。 枝 居 附録』「姚氏際恒 者 成 初 「鳥鳩 巢乎? 拙鳥 而 不 且 成 以 不自爲巢,居鵲之成巢。]安見其不自 也,不能作巢,多 窠巢, 此 知其爲均壹哉? 附會之二也。 便 以 日 二鵲 生子 巢鳩居, 在 《大序》曰 往 歐 屋 此附會之一 往 陽氏 瓦間或 墜 嗟乎! 自《傳》、《序 曰 :「今人 於樹 「德如鳲 殞 雛 也 鳩 而 上

詩 經 原 始

乎? 鳩者? 不刻 鵲、鳩 鳩 之傳世者數端,其他雜説不能殫 其説名爲擺脱 上見嫁女,而 居,而後人必以 附會之三也。 死」,又謂「鵲生雛,散飛,棄巢而去」,今皆未曾見。 巢矣,何謂不 作家正宜屬女耳。 作家而居男子之家也。 拙 容 死 以鳩之居鵲巢況女之居 有 不 能作巢者,取喻女子。 鳩 鵲 畫,方可說《詩》。 者,以鳥之異 女子從男配合,此天地自然之理,非以 來處彼空巢。」按: 作 又謂「或於樹上架構樹枝」,夫樹上架枝,此 巢甚堅,既 又 成 王雪山 實 爲常, 適見鳩 巢乎? 成 又謂「在屋瓦間」,幾曾見屋 類況人之異類 固 生 日: 此譚詩之病也。」若然,是既 滯。 雞, 居鵲巢, 且男以有女,方謂之有室家, 男室也。 切紛紜,盡可 又謂 其謂鳩性拙既無據 「詩人偶見鵲有空巢而 散 此 然則 飛, 附會之四也。 「鳩生子,墜 述。 因 可 則 其 也。 以爲興,恐無 謂 棄而 義 按此詩之意,其言 女性 埽却矣。案:此 其言巢與居者 止 去, 此 拙 鶖 在於物 且. 僅舉其説 性 不 不穿鑿 殞 瓦間 謂 拙 能 此 於道 鳩 不 作 鳩 事。 理 來 此 即 則 能 性 有 家 而

刺 ,不及《關雎》遠矣。 眉評 取譬只在首二語: 二《南 》皆以昏詞 餘 皆敷 爲首 衍。 如《易》上 且 美中

説駁人甚佳,自論未允,已見前論

,讀者可共參觀

經 首 乾」、「坤」,下經首 咸」、「恒」,陰陽爲 // 道所始 也

而孝。 鳥名, 也。 方有之也。 百 名布穀。 集釋】鵲鳥名。 兩 車 將送也。 [《埤雅》云] 鳲 兩 輪故謂之兩。 性善營巢, 盈滿也。 鳩性 百 而 舉 成 而 預識吉 慈、祝 禮成 成 數 N S 也 言其 鳩性 鳩 名

將同。 本 韻。 盈 八庚。 成同。 本韻

【標韻】居六魚。

御

六

御。

叶

韻

方七

陽。

采蘩 夫人親蠶事于公宫也。

虚摹蠶畢人歸。 于以用之? 公侯之宫。二章 公侯之事。 夜在公。虚摹親蠶人衆。 于以 采蘩? 一章 于以采繁? 于 沼 被之祁祁,薄言還 于 沚 被之僮僮 于以用之? 于澗之中。 一, 夙

祭祀言。 人奉祭祀爲不失職,故毛 右《采蘩》三章,章 《集 傳》既 從其説,又疑 四 句。 、鄭、孔三家皆 《小序》以 爲 親 夫 蠶

是也。 青而 必有公桑蠶室,近川而爲之築宫,仞有三 言」,豈禮也哉?《集傳》不得其解,乃引 祭,則必有一番敬謹以將事意。 用 事 于蠶室,奉種浴于川,桑于公桑,風戾 素積,卜三宮之夫人、世婦之吉者,使 尺,棘牆而外閉之。 尚有「愛敬無已」之心乎? 咏還歸句,夫豈「陶陶遂遂」之謂乎? 人然。不欲遽去,愛敬之無已也。]讀者試 詩卒章曰「薄言還歸」,亦非祭祀意。夫曰 祁』以生蠶也。今覆蠶 祭義》曰:「反祭之後,陶陶 耳。 高 世婦 泥「采蘩」、「公」、「宫」等字以爲祭祀 案《禮 了**繁白而繁,《七月》之詩**曰 殊知蘩乃生蠶之物,陸氏 卒蠶,奉 · 祭義》:「古者天子諸侯, 繭以示于君,遂獻繭 及大昕之朝,君皮 種尚用蒿」云。 何曲爲之説如 遂遂,如將 今日「 佃云「蒿 『采蘩祁 以 人 于 且. 弁 蠶 抑 薄 食 復

尤盛 飾也。 徐 僕婦衆多,蠶婦亦盛,祁祁然舒容緩步,徐 人,但見首飾之招摇往還而已。 宫夫人、世婦皆入于室,其僕婦衆多,蠶婦 祁」者,歸婦如雲也。 者,猶言朝夕以供蠶事也。曰 生蠶也。 先公。」此詩正爲此賦 之,以黼黻文章。 之。及良日,夫人繅,三盆手,遂布于三宫 而後,三宫夫人、世婦,又皆各言還歸,其 蠶室也。 近川也。 夫人、世婦之吉者使繅。遂朱緑之,玄黄 夫人。夫人遂副褘而受之,因少牢以 而 , 僮僮然朝夕往來 歸,亦不辨其人,但見首飾之簇擁如 曰「僮僮」者,僕婦衆多也。曰「祁 「于沼于沚」、「于澗之中」者,以 曰「公」者,公桑 曰「事」者,蠶事也。 服既成,君服以祀先 蓋蠶 也。 以供蠶事,不辨其 事 也。 曰「采蘩」者,以 方興之始,三 曰「宫」者 「被」者,首 曰「夙 0000 事既

雲而 疑 此周之所以王且久也。 女工是重。 有《葛覃》,召亦有《采蘩》,均之蠶桑爲本 義已。 召地 此蠶 創業如此,流澤可 去周未遠,故風 事始終景象,如是讀者可 後世有天下國家 知。 尚 略 嗚乎 同。 周 無

覃》可謂異曲同工。 〔三章〕末章事煩,偏虚摹之。此文法虚實之妙,與《葛【眉評】〔一、二章〕首二章事瑣,偏重疊咏之。 責者,其尚以

此爲法乎哉?

傳》訓 胡。 僕之僮, 日 曰 海人謂之旁勃。 蒿,春始生,及秋,香美可生食,又可 也 澗。 ,猶言朝夕也。 游 辣敬, 集釋】蘩白蒿也。 胡,旁勃也 被〔《集傳》〕被,首飾也。 僮僮者,僕婦 無 攷。 故《大戴禮・夏小正》傳 公公桑也。 姚氏亦不 沼 衆多之貌耳。 池 也。 [陸氏璣曰]凡艾白色爲皤 能詳。 祁祁《 事蠶事也。 編髮爲之。 [案] 僮從人,蓋 蒸。 《詩》「祁祁如雲」, 夙 早 曰:「蘩,游 名游胡,北 也 **僮** 澗 Ш 夜夕 夾水 《 集 僮

衆多貌。

宫同。 歸 同。 標韻】沚四紙。 本韻。 本 韻。 僮 東。 事四真。 公同。 本 通 韻。 韻。 祁 中 五. 東。

草蟲 思君念切也。

心 我 續。 見君子,我心傷悲。 未見君子,憂心惙惙。 子,憂心忡忡。 則夷。三章 心則説。二章 我心則降。 喓 一一一一 ,趯趯阜螽。 亦既 一章 陟 彼 亦既見止,亦既觀止,我 見止,亦既 陟彼 亦既 南 Ш 南山、言采 見 工於賦物。 ,言采其薇。 止 一,亦既 覯 止 未 ,頓挫有 其 覯 見君 蕨。 止 未

居,感時物之變,而思其君子如此」。《集被文王之化,諸侯大夫行役在外,其妻獨「大夫妻能以禮自防」。《集傳》以爲「南國「大夫妻能以禮自防」。《小序》謂

方嫁 染,此 夫,而 繼 其 在 無 謂 詩 九 情作也。 見 男女情以寫 者,有謂其爲既嫁之婦言者,亦有 此,真堪 月 素 餘 外, 論 其惟恐爲淫風所染,因取此物以 詞 何 首》「行 情 歷 在 一; 何 形 紛紛異説尚多,有謂其爲未嫁之女言 春 草 皎 尚成婦道耶? 必 過呆相、《小序》則節外生枝。 而 以 景 途 蟲 皎」等篇 妻遂 牽及「文王之化」者何 嘗 而 然皆虚想,非真實覯。《古詩十 而 行 至微,非自警之物 自慰其 唾」,未免過 有 憂思 君臣念耳。 言者,更無足道。 重 幾幾乎不 以 行 ,皆是此 禮 行 幽思無已之心。 既未能見,則更設爲既 自 姚氏謂「前輩説 防 激 螻蛄 始因秋蟲以寄恨 - 自保 意 ,然亦未 意 ? 夕 夫臣子思君, 此蓋 其 即 鳴 哉? 爲淫 其 即 悲」、「明 爲 此善言 詩 夫 謂其爲 自警。 過 詩 俗 偶 至有 人託 婦 細 也 所 至 思 咏

> 其 以 自 而 意,使讀 未 而 生 興 、夫,縱極工妙,何足爲風詩之正耶? 歌咏之,亦不覺其忠君愛國之心油然 愈深,詞以 可顯言,故每 一,乃所以 者,非是之謂歟? 者 自 益 爲詩之至也。 得 隱 假思婦情以寓 其 而 意 益顯。 於言外, 不然,彼婦自 然後 孔子云「詩 則 其忠君愛國 世之 情 以 人 愈 從 思 曲 口 而

飛、飛不能 **醬。」郭璞曰:「常羊也。」陸璣云:** 屬,奇音,青色。 蟲 在茅草中。 今人謂蝗子爲螽子。」〔陸氏佃曰〕今謂之蛙 釋蟲》云:「阜螽,醬。」李巡曰:「蝗子 謂 之負蠜 集釋】喓喓聲也。 遠。 趯 趯躍貌。 忡 草蟲鳴,阜螽躍而從之,故阜螽曰 〔孔氏穎達 忡 猶 衝 阜螽蠜也。 衝 日」《 也 草蟲〔《集傳》〕草 小大長 釋 覯 蟲 遇 孔 也 也。」陸 短 氏穎 如 「草 嵷,亦跳亦 降下 蝗 璣 蟲, 也,好 蟲,負 達 云 日 蝗

味苦, 可生食,今官園種之,以供宗廟祭祀。〔項氏安世曰〕 也,莖葉皆似小豆,蔓生,其味亦如小豆。 黑色,可 蕨 薇,今之野豌豆苗 陸氏璣 山間人食之,謂之迷蕨。〔陸氏璣曰〕薇,亦山 夷平也。 食如葵。」微〔《集傳》〕薇,似蕨而 日 〕周秦曰: 也、蜀 「蕨,齊魯曰虌,初生似蒜,莖紫 人謂之巢菜,東坡改名爲元修 藿可作羹,亦 差大,有 菜 而

叶 韻。 悲四支。 標韻』蟲 蕨六月。 夷同。 惙 東。 九屑 通 韻 螽、 説 忡 同 並 同。 通 韻 降 薇 江。 五

采蘋 先也 女將嫁 而 教之,以告於其

于 宗室牖 于 以 彼 于以采 湘 行 下。 之? 潦 蘋? 誰其尸之? 維 章 錡 及 于以盛之? 南澗之濱。 釜。 有齊季女。三章 二章 于以采藻? 于以奠之? 維 筐及筥。

引《禮 哉 ? 室。 《毛傳》云「古之將嫁女者,必先禮之于宗 妻能 祭,牲用魚,芼之以蘋藻,所以成婦 祖廟未毁,教于公宫,祖廟既毁,教于公 室,牲用魚,芼之以蘋藻」者得之。 名以實之,尤爲穿鑿臆斷,均不可從。 爲齊國之「齊」,又引《左傳》季蘭爲邑姜之 又謂其「美邑姜也」,於是訓「有齊」之「齊」 之,遂不顧其詞之自戾也如 妻,皆有意分屬二《南》於王者諸侯之説誤 妃,於《召南》則章章牽合諸侯夫人及大夫 明是未嫁少女,而乃以爲大夫妻者,何 未嘗讀「季女」句者。 右《采蘋》三章,章四句。 教以 《序》、《傳》於《周南》則章章牽合后 循法度」。於是《傳》、《説》皆因之,若 · 昏義》云:「古者婦人先嫁三月, 婦德、婦言、婦容、婦 夫既謂之季女,則明 《小序》謂「大夫 是。 功。 何玄子則 鄭氏 教成之 順

家告廟詞,此特女家祭先文耳。 無文,與《鵲巢》異曲同工。蓋《鵲巢》爲 敘祭品、祭器、祭地、祭人,循序有法,質 詩 非 説 咏 極 祀事 爲 明晰, ,乃教女者告廟之詞。 可 無疑義。 而愚則 衆論 觀 更 其 謂 壻 紛 實 歷 此

【眉評】〔一、二章〕祭品及所采之地,治祭品及所治之器。〔三章〕祭地及主祭之人,層次井然,有條不紊。〔《集釋》「湘」〕毛氏鳳枝曰:案湘,《韓詩》斥「鷊」。

紛

可可

無煩置喙其間已。

不可 大如箸,長四五尺。 蘋爲大萍,是也。 (陸氏璣曰)藻,水草也,有二種。 種,大者曰蘋,中 生,謂之聚藻。 茹。 集釋】蘋萍也。〔嚴氏粲曰〕《本草》: 不 可 茹 豊可 二者皆可食。 郭璞以蘋爲水上浮萍。 者曰荇菜,小者水上浮萍。 其 以 種,莖大如 供 祭祀乎? 行潦 其一 釵股,葉 種,葉如 流潦。 濱 蘋可 厓 如 筐筥皆 雞 茹 蓬蒿,好 也 水蘋 毛 蘇,莖 氏以 而 藻 萍 有

> 牖下可. 既曰 下。 西 楣 也。 也。 南隅最爲深隱,故謂之奥,而 在户西牖東也。 其婦饋舅姑,亦席于北牖下,若然,父家嫁女之祭,亦 隅 氏德明曰〕錡,三足釜。 人之室,户牖並列,故《爾雅》云:「户牖之間謂之扆。」 扆 連文,故知釜屬。 傳》〕錡、釜有足曰錡、無足曰釜。 淹以爲葅也。 竹器,方曰 相連爲之室。 ,後楣之下,以南爲堂,以北爲室與房。 ,所謂奥也。 室西南隅, 豈牖下乎? 大夫士祭於宗室。 似宜從《韓》。 案《士昏禮》「尊于室中 知。 筐, 又云:《集傳》謂 「姚氏際恒 圓 〔姚氏際恒日〕禮,正祭在奧,而此云「牖 〔季氏如圭曰〕堂屋五架,中脊之架 又户東而 《説文》曰:「江淮之間謂 日 不然,湘之訓烹恐未允。 筥。 宗室〔《集傳》〕宗室,大宗之廟 牖 曰〕湘、《韓詩 湘 牖 牖下爲「室西南隅」,尤錯 下〔《集傳》〕牖下,室 〔《集傳》〕湘, 西,户不當中 牖豈在 祭祀及尊者常 北牖下」,此 〔孔氏穎達 室西 作 壻 烹也, 南隅乎? 而 釜曰錡。」「陸 大夫房 鬺 錡 處焉。 近東, 酳 日〕 绮與 婦之禮 釜べ集 粗 鬺 東室 西 則 熟 烹 古 西 日 在 南 釜 而

主也。齊敬也。季少也。

【標韻】蘋十一真。濱同。本韻。藻十九

馬。女語。叶韻。皓。潦同。本韻。筥六語。釜七麋。下二十

甘棠 思召伯也。

層尤輕。 章 二章 蔽 蔽 芾 芾甘棠,勿翦勿敗,召伯 蔽芾 甘棠, 甘棠,勿翦勿拜,召伯? 勿翦勿伐,召伯所茇。 所 所説。 憩。 此層 此 重 層 此

之下。 文王 惜之矣。 棠 陌 也。」夫召伯 召伯 · 一 樹 ? 隴 政 畝之間 右《甘棠》三章,章三句。《集傳 循行南國,以布文王之政,或舍甘 其後人思其德,故愛其樹而不忍 也。 韓氏嬰又謂 人縱愛惜,亦不勝其保護 而 其所税駕 循 聽斷焉 行 南 國,已在武 ,百姓大悦」,劉氏 而言憩止者 一召伯 出 就 王 蒸 一時,非 何 庶 》謂 於 11 而 棠 向 愛 甘 布 傷 阡

故,故 肌髓者 之譽? 爲天 者,一 之感 農教 愛惜 忘哉 其平日學道愛人之心尚不能勃然而 敗之,即一屈 處也,而 得見,唯此樹尚 其後農享其利,人樂其庥,每思召伯而 出 所 人咏之,亦即 而 云亦 人爲. 稼 而獨不忍傷此甘棠樹者,必其當日 ? 就 子大臣 樹尚 不 一,固非 民於田 或 略同,均不知爲政大體也。 忍伐 覺覩 愚謂 則其僞亦甚矣,安在其能久 盡 何 且 力 如 抑 如是,則其他 而 樹 召伯之政,其浹洽人心、深入 而 小以見大耳。 隴 一時 溝 耶! 之,亦有所不忍。 敗之哉? 思 幢幢然繁陰茂葉,葱蒨 臨 之間 洫 一事。 人,以爲此召伯 民治事必 時 以博 夫民之不 ,當出而憩止其下, 而人之所以 不 更可 君子觀 一時愛民 有公室,豈 唯不 忍 知已。 忘 則 忍 常常 召 興者 於此, 召 其 伐 憩 珍重 而 勤 伯 伯 勸 德 而 1 如 不 政 口 既

豈情也哉?

【眉評】他詩鍊字,一層深一層,此詩一層輕

層。然以輕而愈見其珍重耳。

也。 也。 説舍也。〔王氏質曰〕説,或爲稅,止。《詩》「稅」意多通 如人身之拜,小低屈也。〔嚴氏粲曰〕挽其枝以至地 旦]伯 赤白美惡。 甘棠〔陸氏璣曰〕甘棠,今棠梨也。 羅氏中 敗折也。 翦翦其枝葉也。 ,長也,爲諸侯之長也。 集釋】蔽芾芾、茂盛。 行曰〕止於其下以自蔽,猶草舍耳,非謂作舍 白色爲甘棠,赤色澀而 憩休息也。 伐伐其條幹也。 拜屈也。 **麦**[《集傳》] 麦,草舍也。 蔽,謂可蔽風日也。 〔陸氏佃日 酢,俗語澀 〔施氏士丐曰〕 伯〔羅氏中 〕其子有 如 杜 也 行 是

。憩八霽。通韻。拜十卦。説霽。通韻。【標韻】伐六日。茇七葛。通韻。敗十

用

「説」字。

行露 貧士卻昏以遠嫌也。

足。二章 讀「汝」字。上二「女」皆本字。 謂女無家,何以速我獄? 女無家,何以速我訟? 誰謂雀 厭浥行露,豈不夙夜? 無角,何以穿我屋? 誰謂鼠無牙,何以穿我墉? 從。三章 雖速我訟,亦不女此 雖速我獄,室家 謂行多露。 奇語似民謡。 誰 一章 不 誰

《集傳》先云:「女子有能以禮自守,而不 《詩》者莫不遵而從之。 句。 和」及毛氏「昏禮財帛不過五 室家之禮耳。 有所不足,則我亦終不汝從。」是所争者, 云:「汝雖能致我於訟,而求爲室家之禮, 爲强暴所污者,自述己志以絶其人。」後又 略解此詩者,多執「室家不足」一語爲辭。 不得其解,不敢隨聲以附和。 自《大序》以「强暴侵陵貞女」爲言,説 右《行露》三章,一章三句,二章章六 意蓋 本康成「媒妁之言不 余嘗反覆詩詞 兩」之意,以 何也? 而

使

而

乎? 夫昏 見此 乎? 從。 之士 子 許 不 在 君子 獄 以 嫁 其 可 見 禮 雖遭獄訟 也 女亦 嫁 其 既 訟 ,亦當卸 爲 以 於酆、夫家禮不備、女以 女之賢」,是又本劉向《列女傳》「申 兹 姚 備 説 乃 稱 得 行 敬 氏 氏 而 將 物不 家 而 以「室家 婦道 而 際恒亦 慎 詩 猶 潢 屈 且. ,猶守正不從 有 爾 裝飾 謂之爲 致於訟 避 云 真,一 足,不必問 無,此女果賢,雖寄廡賃 而 之儀,舉 至 則 禍 從 此,豈 著 「《行露 云,此「當 求 不足」故,反生 而 之乎 禮不備,因 爲 賢,吾不 布裙,操作 禍 室 女終持義 獨 而 猶 ? 其 人。」以守 家之禮 学首 爲 揚之」之説 不 人之爲 爲輕禮 是女既許 亦 高 免。 知其賢果 章 不肯 尚 叟之 似似 而 悔 亦 不 有 故 强 正 前 往 違 往 易 誚 爲 所 屬 暴 下 以 也。 君 制 一,以 備 君 比 己 安 致 春 女 擇 相 與

絶之, 故作 肯違 復自 者: 獄 欲 也 自 角 沾 之故 言其 子 巨族,以女强妻貧士,或前已許字 食貧自甘,不敢妄冀 有 尚 訟 何 防, 臆 不 速 污 大抵 是懼 則 有懷 我 此 制 斷 悔 而 然立 可 穿我日 屬 西己 獄 辱 詩 前 相 另圖 不 不 未 貞 三代盛 哉 以 吾 從 刑遠禍之心, 屋、鼠 女,其 是 慎 可 其 嘗 志 見志。 身 ? 明。 哉 擇 别 明 中委曲 雖 也 ? 雀 而 則 嫁 明 時 嚴 本 、言尚 無 者。 愚細 以 不免有速訟 必 首章借行露爲 ,賢人君子守 無牙,尚穿我 而 此 後 非禮 角 獄 速 致 詞 女 二章 爲 而 繹 而 訟 我 士 禍 果 實 有 其 既 穿 詩 懼 以 之 賢 婉。 則 當時 見。 所以 屋,不 意 獄 以 由 我 而 首 耳,我 乎? 禮 相 云 尚 明己 墉 雖 似 必 正 不 然 比 迫 自 於人,中 謂 雀 無 有 不 能 可 不 亦 之事 守, 贵 今既 夫 人 本 志 懼 勢 3H 得 敢 只 免 家 其 妄 泛 而

首也。 歟 ? 能 此詩人微意也。 者,則以吾家素貧,不足與豪富爲禮 誰 摇,足以風天下而勵後世,非俗之至美者 能以禮自持,不爲財色所誘,不爲刑 家與否,吾不可知。 角不得也;女無家而速訟,不謂之有家者 違禮 其信 此《召南》所以媲周風而爲十三 哉? 以相從乎? 似此非 太史取之,以士處貧 而吾之終不可以相從 必不然矣。 禮相迫,雖速之訟,其 然女之有 國之 法所 木 耳。 而

【眉評】借「行露」比起,已將避嫌遠禍意寫足。

以下乘勢翻入,毫不礙手。

決,繫之於圜 人 氏 之夫家也。 證於埆核之處。 時 H 」鼠 集釋】厭浥濕意。 無 速召致也。 牡 ± ム 人 周禮謂之圜土。 調 「陸 氏 土,亦爲獄 獄 佃 日 〔孔氏穎 行露道間露也。 」鼠 有齒 囚證未定,獄事未 達日 牙牡齒也。 而 無牙。 二獄 者埆 〔輔氏 家女 「楊 也。

廣曰〕牡齒謂齒之大者。塘牆也。

從冬。 麻。 三覺。 家同。 標韻】露七遇。 叶韻。 屋一屋。 本韻。 隔句叶 獄二沃。 隔 露同。 句叶。 足同。 二字自 墉二冬。 通 爲 韻 訟二宋。 韻 牙六 角

委蛇委蛇,退食自公。 三章 慈羊之缝,素絲五總。蛇,自公退食。 二章 羔羊之缝,素絲五總。 委蛇委委蛇。 一章 羔羊之革,素絲五緎。 委蛇委兹蛇。 一章 羔羊 美召伯儉而能久也。

儉正直」之有? 爲之解者曰羊性柔順,逆服狐貉不將如狐貉乎? 且羔羊亦何「節以爲「召南之國,化文王之政,在位皆節儉以爲「召南之國,化文王之政,在位皆節儉以為「召南之國,不知何所取意。《大序》謂

裘? 分明 毛氏 義。 此 裘 以 别 而 兹 Ŧi. 而 乃 二二字 官 失其制。」意謂羔裘以黑素絲英縫 **紽」、「五緎」、「五總」,究竟無説以釋** 有 風 而 《集傳》乃承而用之者何哉? 倒 不 大夫之賢不 會 退 以素絲英裘,成何制 爲 萇曰:「紽,數也。 夫詩 人之妙致也。」其 退 進 凡製 此篇美大夫之詩。 食,即 倔 縫 心,較之諸家似覺圓 ,象士之難 不 仍 , 所 人措 失制 强之爲正 衣以 無 謂 其服 着 益一字,自可於言外想見。 詞,必有指 無縫爲妙 落, 裁 試 進 飾步履之間 縫 問 則 直 易 解 滅 羔 。 固 其附 退,以 。 詩人適 古者數 「委蛇委蛇」之神 盡針 ,況羔裘純 度? 裘 實、斷 大可 露縫,豈 會 通。 線迹」是 爲 無 絲 以 笑,而 良 見其 姚氏 正 然 非 理 可 以 歎美之, 直 黑,尤 英裘 「素絲 取 嗤 虚 可 尚 際 服 也 知 也 衍 成 其 其 節 怕 夫

得之貌

使服

Ŧi.

縫之裘,而

無

雍容自得

之

是之謂

乎?

至於「委蛇委蛇」,則

雍

容

貌

無以

見其德之美。

使服

五縫之裘,雖

裘而 亦何足 言其 其 夫朝 也。 素絲 如羔 <u>T</u>. 總。」然則紽 愚 者皆羔 緎, 狐 人 意 總」之言,明是一裘 裘 五. 在 服 縫 羔裘本當日常制,諸侯視朝之服 所 序 爲 羊 · 非 以 三十 縫之仍不肯棄,非 見其爲賢哉? 裘,而皆委蛇以 也。」胡氏 言「節 亦 組 然, 用之,唯 遂不 ,揜其縫際 泛然也。 年,人 也、 且又雜以「正直 儉」二字,必 成 緎 稱儉 語。 褎飾 也、 桂 觀 曰:「合二爲一謂 日蛇。」毛氏 德 而 總也,皆縫 案,郝氏 與 退 蓋 五 載 君異。 五縫之矣。 此 節 食,亦何足 有 紽 詩 儉 所 在 」字,並謂 五五 所咏, 深 禮 何? 本 敬 使凡 之之 曰 : 又曰 經 》, 晏子 夫 緎 必有 異 在 之 ? 位 織 德 能

雍容之貌而不於自公退食之地見之,且

有

見其 恒見之,亦無以見其德之純。 (服如是,其貌如是,繼見其服如是,其 兹則廷臣 初

無 貌 所 亦 矜 如 亦 是,久見之其服與貌仍 無 所 掩,不矯强 亦 不虚 無 飾 不如是, 但 覺

敢

其舒容安度 而自有餘裕焉。 此雖 外儀 乎

非 内德藴焉矣,此雖末節乎全德見焉矣。 道 純 德 懋 而 臻 乎自然境 者,不足以 夫 語

敷 ? 此。 吾故謂 其召公之謂歟? 必有其 人在也。 詩人所以一再咏 其 召公之謂

「咏,有歷久無改厥度之意 眉評』「一章」摹神。 〔一、二、三章〕三章迴環

之不已也

諷

皮縫際也。 集釋】羔羊小曰羔,大曰羊。 總合衆皮爲 也 革皮也。 縫

革 + 陌。 韻 緎 皮四支。 十三職。 食 紽 同。 五. 歌。 通 蛇支。 韻 縫 叶 一个。 韻

> 總 公同。 通韻

殷其靁 諷衆士以 歸 周 也。

之下。 靁,在南 振振君子,歸哉歸哉。二章 或遑。 殷其 何斯違斯? 山之側。 振振 靁,在南 君子,歸哉 山之陽。 何 莫或遑處。 斯 違 歸 斯 ? 殷其靁,在南山 哉。 何斯違斯 莫敢 振 章 振君子 追息。 ? 殷其 莫

德,且 也。 政,不遑甯處,其室家能閔其勤勞,勸以 其德耶 有『勸以義』之意。 按詩『歸哉歸哉』,是望其歸之辭,絕不見 勸以義」。 右《殷其靁》三章,章六句。《小序》謂 《集傳》因之,而更爲説 冀其早畢 ? 二義難 《大序》乃以 事 以合併,其 且冀 而 還 其 歸。」姚 爲「大夫遠 歸 可 爲 也 氏 支],何必 辭 駁 又 云 美 行 飾 美 其 義 從 説

九五

歸哉歸哉。三章

其 則 避 斷 振 振 説以『振振』爲衆多貌,指衆君子。 子』指文王 克商,諸侯受命 布文王之命,諸侯歸 振 歸 集 意 婦婦 振 句 以 振 古 乎 紂 傳 。」蓋 蓋 起、 爲思夫辭 爲 乃 人無 來 訓信 爲臣之從君焉。僞傳 皆訓 義 衆 謂 미 振 北 通,然 當 何 盛 思衆盛之夫之理。 一,猶 興 吾 海 意,于思夫又不 信信 厚」也。 傳 斯違斯」句 意,亦爲衆盛 之濱 闕 聞 耳。 如所言振 》之云「美其德」者 于周 疑 于『何斯 西 厚」,於是後 伯 嘗讀《孟 聞 姚 嗟 廟。」僞 焉。」爲 善養老者。』太公避 文王 嗟 似婦 氏 作振 違 1 意 又 斯』二句何?」 作 子》曰:「 傳 説 倫 駁 人思夫之辭 曰:『召召 人反 此 起 故《毛 故 以 之日 曰:『武 若『衆盛 興 姚 意 日 其 氏 不 振 其于振 也 伯 公宣 敢 思 傳 泥 振 直 夷 解 僞 王 夫 × 振 君 振

何

斯

違

斯

?

莫敢或遑」,意是避難

來

仁,其 下。 説 ? 乎? 則 所 慕,有似 南 相 起 乎 紂 歸恐後之心 起興,而 爲咏耳。 乎來」者,非 非。 見,特以歸哉屬諸侯及受命于克商後 Щ 招 來? 而 居 所謂 之陽」、「之側」、「之下」者,抑 振 而來歸者之辭 所謂 蓋 號令由 東 蓋 興之士 靁發殷殷群蟄啟户。 靁 吾聞 其 海 此 南山 當 振振振 霆所以 振 之濱,聞 焉。 時 詩 何何 興 近 西伯善養老者。』」所謂 必 者 文王政令方新 乎 而 起 爲 偽 傳 與 説 斯 君子」者,非聞文王作 ? ,岐周地 喻號令也。 舞之意,則 遠,猶靁霆發聲 伯 違 也。 文 日 夷、太公輩 斯? 王 歸 然則「殷其 作 近終 雖 哉 莫敢 天下 非 興 有 歸 故詩 文王 南,故 古訓 作 不 哉」者, 或 ·勝其· 耳。 聞 自 發 頻頗 靁, 遑 借 聲 又 每 政 高 盍 有 來 意 總 以 則 施 何 在 歸 歸 而

以其僞傳而少之也。 之辭,非諸侯口吻,然亦近似而幾矣,不得

【眉評】呼朋引類,相率來歸,如聞其聲,如見

其人。

斯斯,此地也。遑暇也。振振興起也,又衆盛貌。【集釋】殷殷雷聲。何斯斯,此事也。違

韻 陽七陽。 下二十一馬。處六語。 標韻】靁十灰。 追同。 本韻。 哉同。 側 叶韻。 十三職。 本韻 息 首尾句 同。 叶。 本

摽有梅 諷君相求賢也。

求我庶士,迨其謂之。三章 摽有梅,頃筐塈之。庶士,迨其今兮。二章 摽有梅,頃筐塈之。兮。全詩皆比。一章 摽有梅,其實三兮。求我告。,追其實七兮。求我庶士,迨其吉

「男女及時也」。毛、鄭以下諸家,莫不本右《摽有梅》三章,章四句。《小序》謂

猶就其 及時 而猶謂 者有三: 咏昏姻不曰 此必無事也。亦嘗細玩此詩,不類男女詞 求男爲 先通媒妁以自薦,情近私奔,三也。 上,尤爲親暱 士而曰「我庶士」,加「我」字於「庶士」之 曰 之世,而猶煩貞女之亟亟自慮 兇暴之人,斷不至是。 强暴之辱貞女,恐非大無道之世 亦何至迫不能待乎? 而 耳。及《集傳》則甚而言之曰 之,然猶不過曰「女求男恐其嫁不及時」已 實,比興殊多不 何 至有强暴之辱乎? 而有强暴之辱也。」夫女嫁縱不及時 其能 詞氣言之。 有乖乎陰陽之義者也。 以貞信自守者,吾不信也。 可醜,二也,亟亟難待,至於 倫,一也,求壻不曰 而其大不合者,則以 桃 曾謂文王化行俗美 以迫不能待之女, 而曰 女嫁縱欲 梅,不曰 「懼其嫁不 如是 然則詩 一而又遇 及時, 郭? 華 且 此 吉 極 而

求庶 數數覯 梅 賢哲之凋謝,故寓言摽梅,使求賢者及 云 之乃所以近之耳。枚卜卜吉,左氏卜吉之 衆職之稱,故曰求士,而又曰 碩果不食、《易》之象《剥》也,非「其實七」、 延訪之耳」。二説庶幾得之。 如太公、伯夷、太顛、閎夭、散宜生輩 逸、借肥遯以韜光者、固自不少、然求 矣。蓋商、周之際、剥復之秋也。山林 語,今既迨吉,豈不可 久而自存,不至爲時 「其實三」之謂乎? 庶常吉士,則《周官》 「今兮」、「謂之」,則又欲其及時而延訪 何 和羹、書》之喻賢也,非摽梅之謂乎? ,豈可多得乎哉? 士之詩」也,章氏潢亦云「或者 姚 又況幾經 氏 際 恒云「此篇 喪亂,幾經沉 所摇落如碩果之不 若不及早旁求而 擇而用之? 乃卿大夫爲 「我庶士」,親 何者? 淪 詩 至於 其 亦亦 其賢 人 隱 時 延 能 之 傷 君 鹽

> 哉 ? 位,使勿再事優游 巖阿 訪 亦何足慮,而 之, 以 詩人有念於此,故作詩以諷當時在 則鹽梅和羹之士日漸剥落,有老 至於 盡焉 特如 耳。 而有遺珠之憾 需 雖然,士之遇 材孔 亟之世 云 也 與 不 遇 死 何

眉評】一層緊一層。

日也。壓取也。謂諮訪之意。【集釋】摽落也。梅木名。迨及也。今今

覃。今十二侵。通韻。塈五未。謂同。本韻。【標韻】七四質。吉同。本韻。三十三

小星 小臣行役自甘也。

昴。 在公。寔命不同。一章 惠及下也」。《大序》謂「夫人無妒忌,惠 嘒 肅肅宵征,抱衾與禍。 彼小星,三五在 右《小星》二章,章五 東。 嘒彼 句。 **寔命不猶**。二章 肅 小 肅 《小序》以爲 星,維參與 宵 征 夙 夜

中詞 之言,以爲「小臣 咏,亦青樓移枕就 知何所見而云然也。 矣」、《集傳》亦謹 及賤妾,進御於君,其命有貴賤,能盡 之以夜也。 者何哉? 然而詩旨原自分明,無如諸公之錯會其解 乃其常分,安見爲后妃之惠及妾媵乎?」 猶後人言襆被之謂。 云: 君之象哉? 勞逸之懸殊也 可指,所謂 我從事獨賢」稍爲渾厚。 命之不同」,則 意,唯「衾禍」句近閨 山川原隰之間,仰頭 戴星 夫「肅肅宵征」者,遠行不逮,繼 「夙夜在公」者,勤勞王事也。 姚 氏 一而行 大小臣工之不一,而 既 守其 行 際 人之意, 豈深 知 也。 恒解此 役 命 『實命 且即 説 作」, 不同,而 而 『抱衾 詞,餘皆不類,不 若謂衆妾,則是 見星,東 使此 不敢 詩,引章 因 不 推 同」,則 句爲 宫 禂』云者, 仍克 廣其 進 西 歷 俊 閨 然詩 其心 朝 御 盡 較 歷 意 閣 其 野 卿 於

> 事,此 泣 無 毫無怨懟詞,不失敦厚遺旨,故 于役乎? 人苟得其 死,度後人之不能 士勤勞而無怨? 心,各安其分,不敢有怨天心,不敢 人,嘗罷李平,廢廖立爲民。 方,使之各盡所長,烏能令趨 何 「吾終爲左袵矣。」平聞之,亦發憤 如 (平,則 此詩 器 識 雖 雖 乎? 以 廢 復用己也。 蜀漢諸葛武 命自委,而 棄終身猶 藉 非 文 及亮卒,立 王 嗟嗟 可 循分自安, 不敢怨,況 侯 承 平 風 亦 奉 日 有 也。 稱 公之 忽 用 用 得 王 垂

孔圖 志》云: 爲言留,言物成就繫留」是也。 蓋 毛氏萇曰〕參,伐也。 初昏或將旦時也。 》云「參以斬伐」,故言「參,伐也」。「昴六星,昴之 (集釋) "曹微貌。 「參,白虎宿,三星直,下有三星,鋭,曰伐。」《演 征 昴,留也。 行也。 三五〔《集傳》〕三五言其 衾被也。 參昴 〔孔氏穎 西 禍 禪被 方二宿之名 達 日》《天文

.標韻】東一東。公、同並同。本韻。昴

九九

+ 韻 留。」《索隱》云:「留,即 苞》云: 尤。 》亦同,從之。 「昴之爲言留 姚 氏 際 恒 禍、猶並同。 曰 》《毛傳》云: 昴。」則此當音留。 〔案〕程氏《音 也。」《史 本韻 律 昴 書》云: 留 也。 北 疏 引《元 于

過 也悔。一章 與,其後 不我過,其嘯也歌。 三章 江 有汜,之子歸,不我 也 江 處。二章 有 江有渚,之子歸,不我與。 汜 商婦 江有沱,之子歸,不我 爲夫所 以。 不我 棄而 以 無 ,其後 懟 不我 也

樂,樂 然矣。 媵,後悔容或有之,善處亦屬常情,唯 且 Z 嫡不以媵 一倚 嘯者悲歎之辭,非 有紅江 柱 而至於「嘯且歌」,恐非嫡婦待妾意 然 而 如 備 有 嘯」、《王風》「條其嘯矣」,皆借 數,勝 嘯 汜》三章,章五句。《序》 歌 一句 無怨,嫡亦自悔」,是則 和樂意 何 . 哉? 也 蓋 列 嫡 女傳》 之 處 待 謂 Mi

生遭際淪落不偶之心,亦未可

知

相從。 歎 此 不必 釋日 之於 且 歸 無帶」之類,不必定婦 以 唯 悲 歸」句作于歸 之必爲媵妾作者 又安知非棄婦詞 「之子」,如《有狐》詩云「之子無裳」、「之子 望其 黄 歌 而 必 也者,還歸之歸,非于歸之歸也又明矣。 末一章寓 過爲 自 江 久當自悔 無 以 氏 始則 漢商 解 廬 所 震 發鬱積 耳。 舍 戚 與 日 事 戚 而 不以備數,繼則 無聊之心 : 人,遠歸梓里而 解耳。 `,且有以處我,嘯歌以俟 之地,非遇勤 「岷隱云『不我以』,正是置 否則,詩人託言棄婦 也。」以前二章作或然之想, 氣,又安見其爲 不 他 之過。 而必爲媵妾作耶? 諸 無所據,特泥讀 殊 ,庶幾乎得之矣。 人而 妾乃作此 知妾婦 後稱之。 勞也。 不 棄其妾,不以 融 與偕行,終 稱夫 融 詩 己乃 以 意 一之子 然則 亦曰 以 寫 哉 然 其 自 寬

女爲 人 而 忠厚之旨 自 詞之激切則更過之。 悔 人所棄,而仍不忍忘其夫,猶幸其萬 有 以 也。 處 我 與前《 我 且 嗚乎! 小星》篇 嘯 歌 以 自遣 同 讀此 命意 列則 詩者

流復還本水者名汜。渚小洲也。沱江之别者。【集釋】汜江決復人爲汜。〔邢氏昺曰〕凡水歧

口

以

怨矣。

並同。本韻。 渚六語。與、處並同。本韻。沱五歌。過、歌渚六語。與、處並同。本韻。沱五歌。過、歌

野有死麕 拒招隱也。

誘之。 束,有女如 無使尨 野 有死 也 玉。二章 麢 林 吠。 一,白茅 有樸 人椒,野 舒 包之。有女懷 而脱脱兮,無感我 有死 鹿。 春,吉 白 茅 帨 純

右《野有死麕》三章,二章章四句,一

《傳》 若必 感我 乎? 哉 ? 臆斷 爲貞 麢 惡 季明 章三句。 吉 純 而 潔白之體乎? 「貞女不爲强暴所污」説也。 土 能 乃 死 束,有女如玉」亦 無禮者, 鹿爲昏禮者,毛、鄭也。 爲 德也。以爲刺淫詩者,歐陽氏也。 謂 謂 帨,勿吠 女不爲强暴所污者、《集傳》也。 口「强 ,原無一定。 獨 至其拒暴之詞,則曰爾姑徐徐來,勿 女而懷春,尚稱貞女,天下有是貞女 赳赳武夫,亦屬不倫。 抒 爲淫詩 其爲凛然不可犯 自來解此詩者,不一其說。 所 古序也。 暴」, 見 我尨,言何 仍 與 姚氏際恒能知衆説之非 所謂 經與 夫所謂「惡無禮」者, 主 可 以 Ш 謂 刺淫之詩,則「白 傳 爲凶 野爲 爲失德 者,誰 互 婉 相 而 荒禮殺, 昏之説, 詩曰「吉士」, 以爲淫詩者 矛盾 唯章氏潢云 意 女而 其信耶? 何 切 以 可乎 至謂 有污 也。 以 茅 即 紛 死 爲 IIII

0

遠矣。 本無 也。 肯出 芻 犯 范 其色且如 懷 本無瑕矣。 春」,則其情近乎淫矣。 勿迫於己」者,差爲得之。 以 氏 春 野 東」也 林有樸 惟「有女懷春」,故吉士得而 瑕 意若日 非禮。『白茅純東』,亦以比德,與『生 處義曰:「女子之德,潔白如玉,不 之 有 而 東、其人如 」、「如玉」二語而 女,以 也 愚意此必高 死 用世,故託言以謝當世求才之賢 而 麢 前 玉也,吉士甯不誘之」,又誤 樕、野有死鹿」矣,然「白茅」則 [惟「野 語意各别,斷斷不可相混。 誰 諷 誰 亦比體也。 其 能 玉』同意。」 士之炫才 (包之? 有死 玷之? 人逸士,抱璞懷貞,不 屬」,故白茅得以 爲 曰「如玉」,則其 也。 然謂 求用,而 「有女如玉」,質 詩人不 則 爾吉士縱欲誘 其識 「懷春之女 誘之。 夫日 過 過章 V 託 欲 氏 德 懷 解 包 口 故

> 容? 遯? 所以成文、武之世之大也。 地之大,何所不容? 賢遺老高尚其志不肯出 其爲文、武? 安知孤竹二子外,不更有 堯、舜? 不甚相遠也。 自信能窺詩旨,要之,循章會意,其大要 詞又甚婉,故使讀 爾,吾亦將去此而 引我吠尨,不至使 Ш 我,我其能禁 招 隱時 然正唯有此高 然巢、由並生堯、舜之世,何害其 即夷、齊同避文、武之朝,又何 ',姑徐 爾 或又謂文、武盛時,何勞 徐 以 者猝 他適矣。 山中猿鶴 以 無 聖德 云來,勿勞我衣冠,勿 誘 人逸士而能容之,乃 難 哉? 而 領 如天,亦何所不 食粟者哉? 此詩 會。 共相驚訝 亦 惟 意 愚 望爾 極 古 未 深 也 天 名 亦 害 爲 肥 敢 云 人 Щ

【集釋】屬獐也。〔陸氏德明曰〕屬,本亦作一章〕拍合正位,仍是比。以下言拒之之詞,意微而婉。【眉評】〔一章〕四句翻起,通篇全用比體。〔二、

也。 是嘉 能濕,江河間以作柱。」,鹿獸名,有角。 香,故以起下懷春 「古者皮幣,諸侯以聘享。」又《小雅·鹿鳴》以宴嘉賓: 釋木》云:「樸樕,心。」某氏曰: 又作麇,麈也。 帨巾 儀也,故以 也。 尨犬也。 起下「女如玉」。 意。 青州人謂之麏。〔案〕慶有麝,可合 樸 樕 小木 「樸樕、斛樕也、有心 脱脱舒緩貌。 也。 〔案》《史記 〔孔氏穎 ₩ ⊟ : 達 感動

東二沃。 標韻】麝十一真。 玉同。 誘二十五有。 通 韻 叶韻。 脱七曷。 春同。 樕 本韻。 帨八霄。 屋。 隔句 鹿 吠十 同。 叶

微詞。 維絲 伊緡 平王之孫,齊侯之子。 何 王姬之車。一章何彼穠矣? 彼 何彼穠 穠矣? 齊侯之子,平王之孫。 唐 棣之華。 諷 王 姬車 二章其釣 服漸 曷不 侈 華 肅 維 也 如 雝 何 桃 ? ?

乎? 文王 指爲 之意以將之,然後德 是美其色之盛極也,「曷不肅雝」,是 嫁,不敢挾貴以驕其夫家,而 然此詩果如《集傳》諸家所 未封 而 秋時 恒 德之有未稱耳。 可疑者」。此論出,則衆説紛紛可息喙矣。 而下嫁於太公之子乎? 此皆至明至顯無 可見人心之同然也。] 章氏潢亦云:「若必 非彼。 云:「此篇或謂平王指文王,或謂 平王。 王 孫,不知邑姜乃武王元妃,果以姜女 齊,則齊將誰指乎?」又謂「武王女, 文王時,非特不當作正義,而太公尚 右《何彼穠矣》三章,章四句。 曰:未也。 姬 然按主春秋時平王説者居多,亦 下嫁,其色之豔如 凡主 有穠豔之色,尤必有 一説者,必堅其辭,是 詩不云乎,「 色雙美,可 云美王姬之下 桃 何彼穠矣」 又能 如 以 李 姚氏 敬 相 疑 即 何 且 其 其 和 此 春 際

乎? 其所以 胄 未 召 觀 之子、平王之孫,共此絲蘿之美 慶之心。 非 琴瑟鐘鼓之中,不失窕窈好逑之意;芳容 溯 王之孫,齊侯之子,色相配、年相 雝 如 南 而 其 之,美 互 不 見 彼 南 也 何 「爲詩之時則 聯姻締, 乃祖若父婚嫁時,車 耳。 。」愚謂 以 豔 肅 之 當姬 稱 能 能 一治,而桃夭華葉之美,自具室家 盛 雝 中 其 今則: 結此絲蘿之美者,豈不以王侯 乎,而 故 附 氣 下嫁日 含 如 名 此 象 刺 如絲之合而 桃 徒使人嘖嘖 雖 時 ,其爲 德雖 南》後 如李之穠 召南 如 彼 東周 ,從旁觀者,誰 故 王 未見,第 亦 春 也,採 乎? 姬 而 非 乎 秋 服 爲 地 其 稱羨,以爲齊侯 豔 之世 % 緒乎? 非 有 舊 詩 章 曷 而 即 變遷 不甚 乃 之 氏 不 不曰 無 所 若 一而 也 地 俊 所 肅 駕 新 也 已矣。 盛 無 風 由 此 疵 則 卿 肅 之 遷 疑 此 世 之 之 相 及 車 而 平 召 又 議 雝

> 則 咏 淳 疄 德意亦漸侈矣。 ,雖未必 漓 趾》之盛 亦 因之。 即 於淫泆 則 使二《 其 盛 編詩微 ,然以 南 亦 何 **>** 所 意,固 足 視 收 周 貴 盡 ? 初 有 全 此 關 在 盛 詩 歟 雎 時 所

公諸兒。 有,其 穠,如 氏璞曰〕江東呼夫移。 日 二唐 齊侯來迎共姬。 八華 或 白 容反。 棣, 薁李也, 一名雀梅, 亦曰 集釋】穠盛也。 《春秋》〕莊 《韓詩 或赤,五月中成 》作茂。 公十有 緡綸也,合絲爲之。 平王即平王宜白。 石 茂,音 實,大如李子 經 年,王 作 車下 戎。 禮。 姬 李。 〜 陸 歸 唐 可 于 所 棣 齊侯 氏 在 食。 德 陸 Ш 明日 (《左 即 氏 中 「郭 襄 皆 璣

緡 華 - 六麻。 十一真。 標 車 韻 孫 同 十三元。 穠 本 二冬。 韻 通 李四 雝 同。 紙。 本 子 韻 同 隔 本 句 叶

騶虞 獵不盡殺也。

彼茁者葭、壹發五豝。于嗟乎、句。翳

豝、豵

爲

田

豕

害

· 稼之獸

似

矣。

然

既

日

害

夫豕畜於家,不生於野,何獵之有?

引《郊特牲》「迎虎

謂

其

食田

豕

也」,以

豐道

豕,均無足辯。

又謂

一歲曰豵,亦小

家也。

稼

則

殺之正

宜

其多

何

Ŧi.

豝

而

僅

發

平

章 彼 茁 者蓬,壹發五豵。 于嗟 乎,

虞

右《騶虞》二章,章四 句。 <u></u>

云: 騶 書 鬥 掌鳥獸之官及《禮 騶 乎不倫,固 虞也。 爲 有 鵲 名也審矣。 雖 騶 是 巢》之應」、《毛傳》以《騶虞》爲 心 亦 有 附 即 有以騶虞名獸者,而 豝、釋獸》云牝豕、集傳》云牡 「虞爲 會文 不 真 待 所 《淮南 虞官 辯 謂 王 化 而 • 騶虞矣。」以 射義》合。 與韓、魯説 自明也。 子》與相 行 之故。 如《封禪》 非詩之所 惟歐 獸 是騶虞 騶虞 集 小 比 陽 傳 序 君 義 天 氏 》謂 謂 等 非 子 以 倫 更

武也。 發,乃 三闋, 沾以 取左 若 天子不合圍 餘,而致誠敬之心或不足也。 獲之禽非 郊,入獻禽以享烝,非徒陳師鞠 天子農隙蒐狩,將以奉祭祀,致 Ŧi. 氏因之,以爲獸雖 氏 心之仁愛及 周禮 一, 亦 萇 發而 耳。是一行圍 日 不盡殺 非 車一發而 車三發,徒三 • 發 故大獸則公之,小 「虞 大司 獸 Ŧi. 中 人翼 雖 豝 種,乃可 1,諸侯 五豝,則仁心又安在乎? 之意 馬》:「中冬教 物,不忍盡 Ŧī. 爲節,恐以博仁 Ŧi. 豝、矢唯 取獸五,非矢一發 Ŧi. 也 豝,以待君之發」, 不 刺,乃鼓 而所射之獸不一類,所 以享烝 豝,矢唯 云 掩 群,亦 爾 一發 而 殺之意。 大関。 而 退 一發,以 奉祀。 之説 心。」似 不 豊 愛之譽則有 田 私之,獲者 以 過 旅 禽 獵之禮 是爲 獵 以 饁 也 而 一發之 日 若 愚 不盡 示 潤 中 鼓 見 歐 名 威 獸 戒 案 君 陽 毛 夫

信歟? 譽哉 君而 不 且 之廣,爲王道之成也 文王,故曰澤及昆蟲草木,而有以見化 之仁即文王之仁,指在虞人而神注國 ·美國 舉豝、 呼騶虞。騶虞之仁即國君之仁,國 君而美虞人,亦如郝氏所云不敢斥 豵 曰 此 爲 則 例 正詩人之辭,不可以辭害意 「壹發五豝」之咏,詩 而餘獸 可知 耳。 至 古 末 君 無 足 育 與 君 句

名也 未題「騶虞」, 通章以麟爲比,故末句單數「麟兮」不爲突。 眉評】末句與「于嗟麟兮」 末句不得突出爲比, 故 相似 知「騶 而實不 虞 此詩 斷 同。 非 發 獸 端 彼

初生者。 嚴氏粲曰〕葭,蘆葦,又名華。 集 蓬〔許氏慎曰〕蓬、 釋】茁〔《集傳》〕茁, 蒿 也 生 物 出 而 壯 四 盛之貌。 名。 葭, 葦之 葭

虞同 本 韻 句 六 自 麻 爲 韻 豝 姚氏既分「于嗟乎」爲句 同。 本 韻 乎 七

> 有善叶 二章之虞叶 本句自叶,非定後 也。 叶 而自叶者,有三章煞句爲韻者,有後章韻前章者。 合矣。〔案〕古人用韻甚活,有以隔句叶者,有 章韻前章之法,不得此説 章以簋、飽爲韻,而輿字則合前章,正與此詩 詩 字則合前章。《集傳》不得其解,乃以首章之虞叶音牙, 韻。 虞〔姚氏際恒 而 者,何孟浪耶? 「乎」字 音》云:首章以葭、豝、虞爲韻,二章以蓬、縱爲韻 麟 甚多,不可枚舉。 字兩音,謬甚。 又謂之無韻者何哉? 字 三章煞句爲韻、《麟之趾》三章是也,且與 權輿》之篇,則無説矣。 朱《傳》虞字首章音牙,二音五 應。 與 者,不能以輿 後章應前章, Ħ. 紅反。 日》集傳》 章韻前 〔程氏以恬曰〕末句與上音遥應,不入 「虞 而叶 字疊用,如《行露》首章兩 皆本 詩之中而兩變其音。 簋、 而强求之上句,宜 章。 則《權輿》與 以 蓬 韻 首章以渠、餘、輿爲韻,二 上虞音牙,下 飽也。 顧 耳 東。 氏知之而 若姚 故 紅 此 愚以 豵 反。 氏 是。 虞音 同。 直 爲此 未 其 顧 然二 以 盡 迷謬而 一音疊 氏《詩 及至《秦 五. 本韻。 章首 耳。 露字是 律。 爲 古 紅反。 而 無 詩 人後 隔 用 韻 蓋 皆 句 不 雖 虞 本

乎? 如此。 且商、周之際,紂之淫風流行,民初被化未純,故其俗 之世, 子懼嫁不及時,而有强暴之辱,竟迫不能待者有之, 者」。然其中言强暴欲侵陵女子,而致訟者有之,女 蘋》,言夫人大夫妻也。《甘棠》以下,由方伯能布文 教,故繫之召公」。《集傳》因之,以爲「《鵲巢》至《采 序》謂「《鵲巢》、《騶虞》之德,諸侯之風,先王之所以 立。二《南》所咏,不過夫婦、昏姻、草木、鳥獸,亦 甯獲咎後儒而無附和之嫌。 亦不可以不辨。 據,後生小子何敢妄議? 但事關風化,道係人心者, 尚有强暴侵陵事乎? 十四篇,而言强暴者三,是何强暴之多也! 以文王 且女子拒暴不及,而曰爾姑徐徐來者亦有之。詩僅 王之化,至是而所施者溥,所謂其民皥皥而不知爲之 至不爲之而猶面牆立歟? 二《南》。 爲之解者曰:女子陰柔易化,男子陽剛難馴 而强暴徒在在梗化也如是,謂之熙皞世,得 以 殊知周家世德,人民服化已深,時至文王,豈 以爲不爲《周南》、《召南》,則猶正 上《召南》詩,凡十有四篇。《小 夫與其得罪先聖而有誣經之誚,無 前賢大儒説詩如此,必有所 蓋昏姻者,夫婦之始,而 孔子教人學《詩》,必首 面 何 而

> 之功。 也。 乎文王者,有無關乎文王者。 有係乎召伯者,亦有無 節,較之《周南 咏文王,亦無非文王之化,不必定指召伯,罔非 星》、《騶虞》是也。係乎召伯者,《甘棠》、《羔羊》是 係乎召伯者。 往,及美儉德、嗟行役而頌畋獵者又各一。其間 女詞以寓君臣義者四,供蠶事于公宫,思仁政于已 己意哉? 邪之念。 夫學詩者不可不有無邪之心,而作詩者未必先存無 此。其所見未嘗不是,然而腐矣,況章章牽合之歟? 也 夫婦者,倫行之基。 周 步不可行,非面牆而立之謂乎?《集傳》説多本 ,何有於家? 家且未齊也,何有於國與天下? 其餘則皆山林野夫、閭巷婦女之詞。 》亞也 故可與《周 即説詩者亦求如詩之意焉已耳,詎可 愚觀《召南》十四篇,賦昏姻者五,託言男 關乎文王者、《殷其靁》、《摽有梅》、《小 **¾**稍 迫而直,無輕颺和緩之致,故又爲 南》並列爲萬世詩教祖。 人於此而未嘗學焉,則身且未修 然不必 至其音 多以 诏 有 伯

詩經原始卷之三

邶

或

風三

行,北踰衡漳,東南跨河,以及兖州桑土之野。邶、鄘、衛,三國名,在《禹貢》冀州。西阻

及

太

王弟康叔之國也。衛本都河北朝歌之東,淇水之始封,及後何時并入於衛,諸家均未詳。衛則武謂之邶,南謂之鄘,東謂之衛,以封諸侯。邶、鄘商之季而紂都焉。武王克商,分自紂城朝歌而北

野

處漕邑。文公又徙居於楚邱。

朝歌故城

在今

府淇縣,所謂殷墟。

衛故都即今濬縣。

北,百泉之南,至懿公爲狄所滅。戴公東徙,渡河

滑衛

縣輝

楚邱則

山東兖州

府城武縣。

大抵河

北

東其故國之名且編之衛國前、《序》與《傳》都莫名 其故。或謂因其詩所得之地而存之,或謂因其聲 之異而存之,或又謂以寓存亡繼絶之心,如楚既 滅陳,而九年《經》書陳災,《穀梁》以爲存陳意也。 愚謂邶自有詩,特世無可攷,故詩難徵實。諸家 又泥古《序》,篇篇以衛事實之,致令邶詩無一存 者,而乃謂徒存其名也,豈不過哉? 至編次在衛 者,而乃謂徒存其名也,豈不過哉? 至編次在衛 者,而乃謂徒存其名也,豈不過哉? 至編次在衛 者,而乃謂徒存其名也,豈不過哉? 至編次在衛 者,而乃謂徒存其名也,豈不過哉? 至編次在衛 者,而乃謂徒存其名也,豈不過哉? 至編次在衛 者,而乃謂徒存其名也,豈不過哉? 至編次在衛

柏舟 賢臣憂讒憫亂而莫能自

遠也。

隱憂。 也。 鑒,不可以茹。亦有兄弟,不可以據。 往愬,逢彼之怒。二章 汎彼柏: 我心匪席,不可卷也。 微我無 舟,亦汎其流。 酒,以 遨以 我 遊。 心匪 威儀棣棣,不 耿耿不 一章 石,不 寐, 我 可 薄 心 如 口 轉 有 厞

〇八

選 衣。 日居月諸,胡迭而微? 心之憂矣, 也。 静言思之,不能奮飛。五章 三章 少。 憂心悄悄,愠 静 言思之, 寤辟 于群小。 有標。 觀閔 如 四 匪 音 既 澣

思 讒 其 之、《集傳》更疑爲莊姜詩。今觀詩 心存危亡之慮,日進忠言 當此之時,必有賢人君子目擊 朝、忠賢受禍、然後日淪於亡 之辭,安知非即邶詩乎? 語及衛 非婦人語,誠 言仁而不遇也」。《大序》遂以衛頃公實 語,欲居危地而 未亡也,國勢必 國 難 右《柏舟》五章,章六句。《小 有 事,不過賢臣憂讒憫亂而莫能自遠 舍,憂 拊 膺自 如 心 姚 痛 如 氏際恒所駁。 孱。 清 焚, 故 濁 耿 君昏臣聵, 僉壬滿 作爲是詩,以寫 無分、欲適他 耿 邶既 而 不寐,終 不見用,反 而不可救 時 爲 然亦 事之非, 衛所并 序 詞 夜 邦 無 ***** 其 遭 自 Mi 固 曰

> 乎! 然,邶 此也。 其國 不能 於灰 千年下,猶不能瞑目於九京也 之意,又何賴有此存亡繼絶意哉? 爲衛詩,且以爲婦人作,則邶真亡矣。不 編 存其名於十三國之上? 而 腔忠憤、不忍棄君不能遠禍之心。 不 詩 盡悉 燼。 未嘗無人。 彰,乃序此詩於一國之首,以存忠良 ,既憫其國之亡,而又不忍臣之終没 吾恐邶之忠臣義士,含冤負屈,雖數 國既入於衛,而詩又皆衛詩,何必 而 無 亦將使後之讀詩者知人論世, 邶 如 事 ,説詩諸家,不察其意,乃以 ,猶幸此詩之存,可以想見 所謂寓存亡繼絶之心者, 以爲是存亡繼絶 古聖 徒 嗚 雖

觏見也。 可以茹,我心匪鑒,故不可茹,文理易明。 國,汎汎然於水中流,其勢靡所底止,爲此而有隱憂,乃 繼以 就衛事言,然解「匪鑒」二句甚明晰,故録之。 以其不能兼容,是以見嫉于衛之群小而不遇也。 仁人,其心匪鑒,不能善惡皆納。 物,納景在内,凡物不擇妍媸,皆納其景。 義以爲「鑒不可茹而我心可茹」者,其失在于以茹爲度 意謂石席可轉卷,我心匪石席,故不可轉卷也。 句,毛、鄭解云「石雖堅,尚可轉,席雖平,尚可卷」者,其 見仁人用心所在。 傳》曰〕簡擇也。 「不可選」之「選」,當作「算」。 詩曰「剛亦不吐,柔亦不茹」,茹,納也。 「耿耿不寐」,未免傷於迫切,非仁人心也。 「斗筲之人,何足算也。」《漢書》「算」作「選」。 集釋】柏 閔病也。 〔何氏楷曰〕古字「選」、「算」通用。 舟以喻國也。 匪 (王氏安石曰)君子與小人異 鑒 〔歐陽氏修曰〕「我心匪 亦通,存之。 善者納之,惡者不納 舊説以爲自喻,下 而毛、鄭反其 悄悄憂貌。 詩人謂 蓋鑒之于 然則 惟舟 趣,其 石 此雖 衛之 《論 四 故 鑒 即

> 侮之。 人同列,其忍垢含辱如此。」此説爲是 氏曰:「我心之憂,如不澣濯其衣。 謂「憂不去于心,如衣垢之不澣,不忘濯也」,亦迂。嚴 而不明之意也。 云:「彼月而微,此日而微。」〔姚氏際恒曰〕喻君臣皆昏 [孔氏穎達曰]寤覺之中,拊心而手摽然。 少」者,以著小人之衆也。 (嚴氏粲曰)微,不明也,日月食則不 故曰「覯閔既多,受侮不少」。 匪澣衣〔姚氏曰〕此句有二説。 辟拊心也。 言處亂君之朝,與 明。 其 曰「既多」、「不 《十月之交》 日月二句 亦拊 心貌。 蘇氏

韻。 少、標並 銑。 卷、 茹六御。 【標韻】舟十一尤。 選並 同。 同。 據同。 本 韻。 本 韻。 怒七遇。 微 流、憂、遊 五微。 悄 通 十七篠。 衣、 韻。 並 飛 同。 轉 小 並 十六 同。 同。

本韻。

其已。 緑兮衣兮,緑衣黄裹。 一章 緑衣 緑兮衣兮,緑衣黄裳。心之憂 衛莊姜傷嫡妾失位也。 心之憂矣,曷維

爲小人所

温固 則

其理

也。

日

「憂心悄悄,愠于群

小。

小人得志

爲讒誣以

病君子。 故

君子既

病矣,則又從而

以風。我思古人,實獲我心。四章我思古人,俾無訧兮。三章 絺兮綌兮,淒其矣,曷維其亡。二章 緑兮絲兮,女所治兮。

婦。 《序》說,下三篇同」。 《集傳》既從之,而又以爲「無所考,姑從 微 不宜 皆能言之,故不復贅,但擇其當者録之而 數篇皆婦人語氣,又皆怨而不怒,是爲賢 裏,而隱以興妾蒙寵 首章曰間色之緑,不當爲衣,猶不正之妾, 已。其解首二章,則孔氏穎達之言最善: 今從之。莊姜之賢,詩之怨而 人失位而作是詩」,蓋指州吁之母而言也。 衛莊姜傷己也」。《大序》云「妾上僭 則以爲莊姜作宜也。」其言極爲有見, 一嬖寵。 緑 右《緑衣》四章,章四句。《小序》謂 衣 以邪干正 今間色爲衣,而見正 ,猶妾以賤陵貴。 而 姚氏際恒以 顯,夫人反見 不怒,諸家 爲:「此 色反爲 疏 故心 夫 而

可思 猶墨子悲絲,謂其「可以黄、可以黑」之意。 素潔之時,汝之所治,何爲而染成此緑也 裳,但取協韻而已。然其義既有可通,則 見棄,猶班婕妤秋扇捐篋之意也。 綌暑服,今當淒然寒風之時,喻不適時 而追思及絲。 二句全是怨辭而不露意,若無端怨及于緑 亦何妨分也。 謂次章不必與上章分深淺,仍主緑上其黄 妾之位不易,而莊公禮遇有薄厚也。 前以表裏興幽顯,此以上下喻尊卑,雖嫡 處下,以興妾蒙寵而尊,夫人反見疏而卑。 緑今爲衣,緑 之憂矣,何時其可以止也。二章曰間色之 人,能處嫡妾,實得我心,言當於人心也。 云:「緑兮絲兮」,謂此緑也,本絲也,前此 而難以言。 而在 唯其解第三章則大有 此種情理,最爲微妙,令人 至末章,則嚴氏粲曰: 上,正色之黄反爲裳而 我思古 姚氏 絲 而

<u>-</u>

怨」。 仍 中而序諸邶風之内? 莊姜作,亦 妾之分,其詞 女子之情饒怨。 之以俟後攷 統觀 諸 無疑矣。 温 説 詩之旨,無餘 柔敦厚 此詩但 而何以不編於衛詩之 如 則其意又不可 刺莊公不 此 ,故曰「詩 藴 矣。 能 定爲 可 正 解 以 嫡

却又若斷若連,最足令人尋繹。從「緑衣」言「絲」,又從「絲」言「絲綌」,似乎無頭無緒,從「緑衣」言「絲影」,又

過也 下曰 裳。 【集釋】緑間色。 《記 曰: 衣 正 色,裳間 黄正 色。 色。 衣 治 上 理 日 也 衣。 訧 裳

亡同。 反。 叶 韻 本 韻 韻】裏四 風 絲四支。 一東。 紙。 心十二侵。 已同。 治同。 本 訧十 叶韻。 韻 尤,叶子其 裳 七陽。

燕燕 衛莊姜送歸妾也。

音。 惠,淑慎其身。先君之思,以勖寡人。 我心。三章 弗及, 佇立以泣。二章 于 飛,頡之頏之。 野 之子于歸,遠送于 燕 瞻 燕 望 于飛,差池其羽。 弗 仲氏任只,其心塞 及, 泣 之子于歸, 涕 南。 如 燕 雨。 遠于將之。 燕于飛,下上 瞻望弗及, 之子于歸, 淵。 章 終温 燕 四 實 瞻 燕 遠 其 送 且. 望

薨矣。 大歸。 娣戴 子。 娶于 孔氏穎達曰:「隱三年《左傳》曰: 送歸妾,是也。 知 州吁殺桓公。 歸 嬀 又娶于陳, 曰厲嬀, 生孝伯, 早死。其 是 齊,東宫得臣之妹,曰 右《燕燕》四章,章六句。 戴 莊姜養其子,與之相善,故作此詩。 生桓公,莊姜以 桓公之時,母不當輒 《嬀者。 由是其子見殺,故戴嬀于是 即證以史傳,亦無 經云『先君之思』,則莊 爲己子。」四年春, 莊姜,美 歸。 ^ 《序》謂: 雖 『衛莊公 不合者。 而 莊 無 姜 鳥

Ĕ

觀 可 而送之者,又豈尋常婦人女子離別之情所 不能置者,非獨其情可矜,而其德尤可慕 泣涕而送之也。」 然莊姜之惓惓於戴嬀而 殺,故歸。 莊姜所當送歸。 7同日並論哉? 末 章歷 叙其賢可見。 莊姜養其子,同傷桓公之死,故 明桓公死後,其母見子之 然則莊姜之涕泣

愈覺難舍。 語意沉痛,不忍卒讀 眉評 前三章不過送别情景,末章乃追念其賢, 且以先君相勖,而竟不能長相保,尤爲可悲。

也。」差池不齊貌。 之燕也,古人重言之。《漢書》童謡云『燕燕尾涎涎』是 燕,又名息。」郭璞曰:「一名玄鳥,齊人呼則曰燕,即今 燕燕, 虬。」孫炎曰: 頡頏《説文》:「頡,直項也。」頏, 以歸寧者有時 集釋】燕鳴也。〔孔氏穎達曰〕《釋鳥》云: 鳥 嚨 也 何 歸大歸也。 氏 而反,此即歸不復來,故謂之大歸 「别三名。」舍人曰: 楷 日 鳥高 〔孔氏曰〕大歸者,不反 飛直上,故見其 舊説同亢。 「萬周、名燕 項 《釋 寯 頸

周

之辭。

也。

向上也。 言有引吭高飛之意。 佇立久立也。 上下低

昂高下之意

反。 緝。 七塵。 一真。 泣同。 心十二侵。 人同。 【標韻】 羽七麌。 叶韻。 本 通韻 韻。 通韻。 頏 七陽。 音十二侵。 野二十一馬,叶上與反。 淵一先,叶 將 同。 南十三覃,叶 本 一均反。 韻 及 尼 + 雨 L 四

東方。 四 兮母兮,畜我不卒。 俾也可忘。三章 胡能有定,寧不我報。二章 月諸,下土是冒。乃如之人兮,逝不相好。 不古處。 章 日居月諸,照臨 乃如之人兮,德音無良。 日月 胡能. 衛莊姜傷己不見答於莊公也。 有定,寧不我顧。 日 居月諸,東方自出。父 下土。 胡能有定,報我不述。 乃如之人兮,逝 日居月諸,出自 胡 一章 能 有定, 日 居

辰。 不已 道 獨 如 相慢 古夫婦之相處者以處我, 經之 而 莊 蓋 不 自 篇終乃 之號泣于旻天、于父母耳。 何 忘 公而 聽 相 無 訴 ,何哉? 君 常,而 其 伉 乃 侮,是其心志回惑而 幽懷,見三光照臨下土,罔非地 則 乃再訴之,再訴不已更三訴之,三訴 處 雖 蓋 右《日月》四章,章六句。 乎? 作。 云 情 能 憂 儷 報 惟 乎 我 極 情 使之有定哉? 「報我不述」,則用情 不謂 有 ? 《辯説》駁之,是已。 則 ? 而《大序》乃以 以 吾亦末如之何也已矣。 自 呼 無 絶不一 乃如之人兮,是終不以 倫紀間乃 呼父母 天,疾痛則呼父母, 禮,我不 我顧 而 日惟謔浪笑敖 敢以 有 然志 無 歎其 此怨極也 爲 所定 如是 而 遭 此 又何厚哉 我報 雖 無禮咎君, 生我之不 夫仰 州 亦 無 也 吁 莊 定, 不不 如舜 俾 不 義 之難 姜爲 日 訴 古 寧 知 來 以 ? 而 我 天 月

並

同

本韻

者 我惟 可 謂 也 善 以 古夫婦之道 處 人 倫之變, 相 而 處 不 而 失爲 己。 性情 若 莊 之正 姜者

方七陽。 述也 也。 反。 叶 報 標韻】土 答 集 韻。 良、忘並同。 也。 釋】逝 冒 畜養也。 二 十 七慶。 發語辭。 號。 本 卒終 處 韻 好、 六 胡、 也。 語。 寧 報 出 顧 皆何也。 並 不 四質 七遇 同 述言 卒、述 本 叶 不 冒 韻 果 欲 覆 Ŧī. 稱

是悼。 **寤言不** 來,悠悠我思。二章 終風 寐, 章 且 終風 願言 暴 終 風 則 顧 衛莊姜傷 且 嚏。 我 1霾,惠 則 終 三章 笑。 風 所遇 且 然肯來。 謔 曀 一曀,不 浪 曀 不 其陰 笑 淑 日有 敖 也 莫 虺 往 中

莫

其靁。

寤言不寐,願言則懷

四章

虺

四四

來,而 哉 ? 貌處。 處 無 其來,又似狂風 似 章寫莊公爲人狂蕩暴疾之象,殊非可以禮 等語,豈子所宜加 若依《序》言,則「顧我則笑」、「惠然肯來」 靁 子之意。 朱子以爲詳味詩辭,有夫婦之情,未見母 而笑又不出於正,徒見其爲「謔浪笑敖」有 不至此,況非賢母所能出諸其口者。首二 莊 有 也則又奚若? 狂 悠然思哉? 姜遭州吁之暴」,毛、鄭以 風終日 時 右《終風》四章,章四句。 《序》以爲 其往來也亦無定,有時乎惠然而 其來也又不以時,則莫知其往,莫 其言笑也無常,每顧人也則必笑, 而 仍定爲爲莊公作。 止,至於「終風且 疾暴 終 我之遇人也如是,我 而已。 故下二章又云,驟 日陰晦而已。 于母哉? 而予 一曀」,因 州吁縱暴,當 心 後皆從之。 其説良是。 安能 而予 加 曀 之 心 雨 無 知 曀 迅 悼

> 不直。 也。 作比,詩意乃長,詩境乃寬 天日乎? 其陰」,加 ○《集傳》云二詩宜在《燕燕》前,是。 矣。四章宜分兩面解,「終風」諸句作 鬱,結而成疾。 我之度日亦若是乎? 否則 以 中夜披衣,起 虺虺之靁, 專 怒莊 則懷抱終 公, 則 而 有 ,即詩 無可 殊未 則 不 何 何 寐 意 解之 有 筆 時 味 憂 開 亦 始 :興不 耶 心 克 霽 曲 日 抑 見 ? 而 時

曀曀 令》民 也。 抱不釋之意。 也。 虺 虺 浪放蕩也。 曀陰而風日 陰貌。 多 雷將發 【集釋】終風 鼽 嚏 〔孔氏穎達曰〕言曀復曀,則陰曀之甚也 而未震之聲也。 注〕鼽 曀。 悼傷 者,氣窒 終日 有又也。 也。 [風也。 一於鼻。 霾 懷〔徐氏光啟日 雨 嚏鼽 暴疾 土 嚏 一蒙霧 者,聲 嚏。 也。 也 ◎禮 發 謔 於 月月 惠 戲 口 順 言

二十號。悼同。通韻。霾九佳。來+灰。思四【標韻】暴二十號。笑+八嘯。敖即傲字,

支。 九佳。 通 韻 曀 八 霽。 嚏同。 本韻 靁十灰。

通

韻

鼓 衛戍卒思歸 不得

設想。 忡。 帥。 漕 兮,不我活兮。于嗟洵兮,不我信兮。轉合當 與子偕老。追憶叙別室家盟誓之言。 其馬。于以求之? 于林之下。解散情形,不堪 下不能如約之苦。 陪。 平 此軍獨留,是以有憂。 二章 三章 擊鼓其鏜 陳與宋。 我獨 死生契濶,與子成説。 南行。 五章 ,踊躍用 所伐之國。不我以 主。一章 兵。 總提二句。土國 從孫子仲,所從之 爰居爰處,爰喪 四章 執子之手, 歸,憂心 于嗟濶 有 城

也」,故不敢確指其事,但以爲衛人從軍者 怨州吁」,鄭氏以 雖《集傳 右《擊鼓》五章,章四句。《小序》 不 隱 能 四年 無 疑 州 以 吁 伐鄭之事 爲 「恐或 謂 然 實

防隘 也。 論過 自言 叙南行之故,繼寫久留懈散之形,因而 當是救陳後晉、宋討衛之時,不能不戍兵 意,乃戍卒嗟怨之辭,非軍行勞苦之詩。 旅,其下怨之而作。 盟救陳,爲宋所伐, 又何存乎? 故姚氏疑爲衛穆公背清丘之 再舉,未見其敗。 師豫爲喪亡之言以刺之,然則圍鄭還至秋 「不我以歸」? 陳與宋」? 獨云陳、宋而不及蔡? 亦何可謂之爲「 語,已大不相符。夫所謂平者,平其禍 云:「按此 久 州吁圍鄭,是要宋與陳、蔡同行,何以 細,但即「平陳與宋」及「不我以歸」二 其 所 而不歸,故至嗟怨,發爲詩歌 事 爲 韋 與經不 而 若云衛人惡州吁,故未 鄭 른 此詩爲不實,删之可也, 僅五 言頗 平陳、宋之難,數興軍 合者六。」愚謂 至姚 日而 近似。 氏 還,何以謂 際 然細 恒 始 不 駁之 必 出 追 亂 平

得詩 久當 不 憶 免咨嗟涕洟而 遠,永斷 征伐敵國,亦尚 大役,無過土工城漕,然尚爲境内 偕老」者,今竟不能共申前 濶别者,今竟不能生還也。 意諸 室家叙别之盟。言此 歸 也, 軍 歸期,言念室家,能不愴懷? 又何 尚 - 悉回 堪 與子 必 ,我獨久戍不歸,是曩以 不能自己。 有凱還時。 沾 共 沾 期 據 偕老, 行雖遠 一時 此戍卒思 盟 曩所云「與 惟 也。 以 事 而苦,然不 此 樂 邊防 夫國 事 承平。 以 歸 未 子 爲 實 不 戍 即 家

有成言也。

活生還也。

洵信

也。

信與申同

不費力,此種最宜學。《飲馬長城窟行》機局相似。連用「于嗟」字反轉上意,毫《飲馬長城窟行》機局相似。連用「于嗟」字反轉上意,毫

然擊 也。 , 頭 集釋】鎧鼓聲也。 衛邑名。 躍用 兵,想見州吁 (王氏 應麟 好兵喜鬪之状也。 日》《通 踊躍用兵〔曾氏鞏曰〕鏜 典》: 滑州白馬縣 土 土功

> 氏。 文子林父,相繼 文仲也。 衛國漕邑,戴公廬于漕即此。 否也,存參。 子仲,字。 〔姚氏際恒曰〕衛穆公時有孫桓子良夫,良夫子 爰於也。 時軍帥· 爲卿。 也。 所云孫子仲者,不知即其 契濶隔遠之意。 〔毛氏萇曰〕孫子仲,謂 孫子仲〔《集傳》曰〕孫 成説 父若子

濶、活並曷。 韻。 二十一馬。下同。 仲 送。 手二十五有。 【標韻】鏜七陽。 宋二宋。 本韻。 本韻。 忡 老十 洵十一真。 一東,叶敕衆反。 兵八庚。 九 皓 濶七曷。 叶 行七陽。 魯吼 信同。 説 反。 叶 九屑。 本韻 韻。 叶 轉 韻 韻。 轉 馬

劬 善,我無令人。 有子七人,母氏勞苦。 勞。 凱 一章 風自南,吹彼棘 凱 風 凱 二章 風 孝子自責以感母 自 南,吹彼棘薪。 爰 小 有 寒泉,在浚之下。 棘 睍 睆黄鳥,載好 心夭夭,母氏 心 母氏 也。 聖

八

共音。有子七人,莫慰母心。四章

若爲淫 耶 ? 均以爲衛之淫 悱 中 彰 流 夫七子自責,而母心遂安。 適,遂目爲淫,恐天壤 婦 作,較《序》差精。 不能安其室。 亦不得謂爲不賢也。 《集傳 本 行 詞 惻 親之惡也,又豈孝子所樂聞哉? (改嫁,原屬常然,故曰小過。 幾諫 右《凱 沁 無 ,母難自守,是欲 》以 孟子曰:「《凱風》,親之過小者 心,歎 風 淫 詞 ,未嘗顯彰 所染,則豈 爲七子自 風》 ,言外亦 爲 諸家 四 風流行,雖有七子之母,猶 純孝 「章,章 然何以見其 親過。 責 解 感 無 且子自責之心,原欲 小過已哉? 間 掩親 淫意。 之辭 此,遂無異説。 人,更何必誣 四 無 句。 處而 之過者乃適 今乃以 子 ,非美七子之 爲 讀之者 固 非 序》、《 淫 稱孝, 淫風 乃一改 蓋 爲 風 古來 也。」 況 流 人 淫 方 傳 Ħ 詩 以 母 惟 13: 風 行

> 過, 然,慾心已動,詎能速挽? 心 有所迫。 將以表賢母耳 守其志,幾至爲俗所摇 愚謂七子之母,猶欲改節易操者, 淫起見也。 念頓回。 而 致傷子心? 難 舍者。 或因貧乏,或處 其惻然不忍别子之心,必有較子 此 詩之存,豈 而謂之爲淫也得乎? 仁者之言,恐不其然。 。然一聞子言,母 獨 患難,故不能 故知其斷非爲 以 美孝子,亦 其 中 故 不 堅 必

【眉評】言婉而意愈深。

經注》: 者。 故曰 者 薪,其成就者。 能吹之,使其心夭夭然和以 賢 凱風。 夭夭〔蔡氏下曰〕棘非能 淑之稱。 濮水枝津, 集釋】凱風「李氏巡日 凱,樂也。 令善也。 聖善〔嚴氏粲曰〕聖 東逕浚城南, 棘小木。 浚 茂也。 衛邑。 順者,而 而 〔毛氏萇曰 〕南風 北 棘 〔王氏 一者,明 去濮陽三十 薪 凱 長養,萬物喜樂, 風 [毛氏莨曰]棘 應麟 達 有母 〕棘,難長 之稱。 之道 日》《水 五里。 善 便

城側 有寒泉岡,即《詩》「爰有寒泉,在浚之下」。 非也。 睍 睆 〔毛氏萇曰〕睍睆,好貌 世謂 之

二蕭。 韻。 十二侵。 下二十一馬,叶 勞四 標 心同。 韻】南十三覃。 本韻。 通 後五反。 韻。 薪十一真。 心十二侵。 苦七麌。 人同。 叶韻。 通韻。 音 本 夭

雄 雉 期友不歸,思以 共 勖 也

音。聲譽。 之懷矣,自貽伊 雄雉 于飛,雄飛興起。 展矣君子,實勞我心。二章 阻。一章 泄 雄雉于飛,下上其 泄其羽。文采。 我

日月,徒耗歲月。 悠悠我思。 道之云遠,兼隔關

瞻彼

Щ 不忮不求,何用不臧。歸重不如修德,雖伏亦佳,至 曷云能來。三章 百爾君子,不知 德行。

衛 宣 雄雉》四 大 序 章,章 謂 淫 ·四句。 亂 不 恤 尒小 或 事 序 》謂 ^ 集 刺

理名言。

四章

宜務。 高、雌 則 ? 騫,以致遠隔,誰實使之? 令聞之廣譽也。 者,喻文采之光煇也。 世者,非男女雌雄之謂也。 身,故取以喻丈夫之有志高 雉者,雄飛之象也。而雉又有文采可以章 之辭,則「雄雉」二字不可 字,故求其説 末章難通,不敢 傳》則以爲婦人思夫從役于外之作 相思之作,則「百爾君子」實難通 「知其雄、守其雌、爲天下谿。」是雄 展矣君子」者,誠哉其爲君子也。 所爲也。 吾人之所以自立者,名固當争,實尤 以喻卑之意。 今以務名之故,蹉跎歲 姚氏 而不得 强 而下云「自貽伊阻」,又曰 際恒云:「上三章 説。」總因泥讀 且詩首章「泄泄其羽 耳。 「下上其音」者,喻 解。 蓋以 乃自貽耳。 騫而 《老子》 爲 如 月,更 欲顯 友朋 以 雄 但欲高 殊 爲 雉二 可 以喻 阻隔 日 名當 知雄 非 夫 相 通 婦 勖 何 或

得哉? 友朋 也。 他 關 此 淫 婦 心,毋枉己 讀 也,是不 邦廣 人作 古人 亂 類是也 Ш 誠能 相 詞 是 詩當 望而 求 古 即 徒 知修德立行 且以 未嘗見,即男女情亦何可 反求 人譽,不知自 以馳逐於外而不反求諸内者之過 使 而 相勉之詞,不知諸儒何以認 眼 雌 啟貪求之念,則 爲 光 諸身,毋忿 伏 刺宣公淫亂不恤 四射,不可 亦 以 勝 爲實至名歸 雄 返 使我 飛,又 人而 死於句下者, 何 勞心? 生嫉 何 人 國事作。 信哉? 必 者 而 忌 遠 之過 不 爲 此 自 之 滴

勉,亦以共勖。 「三章」三章言難來之故。〔四章〕末則自言懷想之至。〔三章〕三章言難來之故。〔四章〕末則自

展 可 用 誠 爲 也。 儀。 集 **忮**害也。 釋 泄 雉野 泄 李氏 雞。 求 貪也。 樗 雄者 日 泄 有 臧 泄 冠,長 善也 自 得 尾 也 而 其 阻 羽 文明 隔 也。

> 侵。 行 七陽。 心 標 同 臧 韻】羽七麌。 同。 本 韻 本 韻 思 阻 四 支。 六語 來 通 + 韻 灰。 通 音 + =

泮。 卬 同 始 求其牡。 盈,有鷕 厲,淺則揭。 心 否。 日。 昏 匏 四 」媾須時,不脱水字。 知淺深。 轉 章 有 雉 人 大 苦葉,匏 匏有苦葉 正 鳴。 而 意, 不識倫類。 知淺深是 人涉卬 映 不 帶 知 葉興起 淺 雉 通 不不, 卬 鳴。 深。 三章 二章 刺 篇 世 主 濟 士 濟 禮 腦。 須 如 盈 招 雝 義 有 我 歸 招 雝 不 澌 深 章 友。 妻,迨 鳴 濡 舟 滅 涉 子, 雁 軌 也 0 共 有 濟宜得 冰 旭 雉 瀰 深 涉 未 鳴 則 濟 H

傳》但泛指爲淫亂之人,所見亦是。 未 刺宣公也,公與夫人並爲 有以 右《匏有苦葉》四章,章 見其 爲 刺 宣 公夫人之 淫 亂。 四句。 詩。 辯 《序》謂 故《 説 但 **※** 集

類之辭 世 微 明 絶 不 際 中 盈 是全詩總冒。 水 所見,直是一篇諷世座右銘耳。 實指宣公之説,故致前 類之理? 非 分 相 不 恒亦 之 其 濡 以 ,若規若諷 顯 須當有識 而 雉 喻 可 屬 亦 類 軌 人,惟其不度世道淺 鳴求 解。 則 以爲《序》説可 而 矣 涉世 特其 不 自以 知 又以 詩 凡此皆固執「雉 其牡」又似非泛泛然者,故 而自以爲不濡,並 量,度時務,知其淺深 自 製 詳味詩詞,非不連屬,亦非不 ,提出深淺二字作主,以 岢 次章反承不識淺深,明明濟 爲偶,以喻反常亂 忽斷忽連、故難驟解。 檢 局 爲 有四章各自立義、不 也 離 「四章各自立義,不 奇變幻,措 從。 雉 後文義 深,故 鳴 鳴求其牡 而 句 帶 前 自 詞譎 首章借 引 出 後 至 倫 生轇轕 而後行, 起 越 鳴 文 肆 以 義 見涉 詭 姚 鳴 禮 無 雉 以 相 爲 涉 雁 犯 求 愚 隱 爲 連 連 絶 氏

專刺宣 待。 意 讀 也 刺 觸 此 幹 歸 濟險,必得同心,「卬須我友」,詎 已,如欲涉身 紀,則必自昏媾始。 婦之初不以禮 絲不亂。 追冰未泮」,此其時 物警 雖刺 世 正,大開大合,章法脉絡,原自井然, 詩 可 濟爲先。 妻意,「濟盈」句引起人涉卬否意。 者觸 也 故不欲整綱 ,即謂之自警也亦無不可。 ,斯得之耳 可,謂之刺宣公也亦 心,風詩 公,亦未 世乎? 意以爲吾人處世 處旁通 同舟之内,苟無 處 合,他可 義旨 實自警耳。 必 事 一、悠游 飭 非 ,則必如 紀則 古之昏禮多在春前 也。 ,大都如是。 刺宣公。 想知。 涵 已,如 不欲涉身處 1泳,以 一,倫行爲重。 詩 濟 可。 良 川然。 人之意未必 大 朋,覆可 士人應世, 欲 求其言外 謂之 是 可少哉? 時感事 故謂之 整 在 警世 綱 乎善 世之 事 立 飭 反 削 夫

人之意趣。 倫物,詞旨隱約,局 正、轉分二層説,通篇以涉水喻處 眉 評】[一章]正起。 陣離奇,忽斷忽連,若規若諷,極風 〔二章〕翻承。 世。 中 間 插 三、四 入雉 雁 章 喻

雁鳥名。 貌。 牡。 秋冬農隙之際,故云「迨冰未泮」。《荀子・大略篇》云 故昏禮用焉。 之牡,其 轍 \exists 壺千金。」濟渡處也。 盧,性善浮,腰之可以涉水。 霜降迎女,冰泮殺内」,正解此詩語 也。 厲 〔孔氏穎達曰〕王逸云: 今詩言求其牡,是不特以雌求雄,且以飛之雌求走 寒衣而 【集釋】匏〔陳氏子龍曰〕匏, 求牡〔《爾雅》〕《釋獸》正例: 無倫也甚矣。 〔鄭氏康成曰〕雁者,隨陽而處,似婦 涉日 冰未泮〔姚氏際恒日〕古人行嫁娶必于 揭。 涉行渡水也。 以喻亂倫之人不顧匹偶如是。 瀰 水滿貌。 「以手曰招,以言曰 《鷃冠子》: 也。 鷕 飛曰雌雄,走曰牝 似瓠而圓,亦曰 属揭以衣而 雌雉聲。 「中流失船, 招 招 召。口印 人從夫 號召之 軌 車 涉 壺

【標韻】葉十六葉。涉同。揭九屑。通

我

也。

否二十五有。 牡 韻 二十五有。 盈八庚。 友同。 叶 鳴同。 韻 本韻。 本 日 十五 韻 軌 四 泮 紙,叶 同。 居有反。 本

谷風 逐臣自傷也。

舟之。 喻。 菲, 何有何亡,黽 恤我後。旋又自歎自解。 我梁,毋發我笱。 如兄如弟。奈爾新昏何。二章 誰謂荼苦,其甘如薺。 簡捷,不忍遽去。 同心乃可同死。一章 勉 同 **湜**提其 無以下體。 心,不宜有怒。 習習谷風,以陰以 就 其淺 沚。 勉求之。 不遠伊邇,薄送我畿。 比。 矣,泳之游 宴 行道遲遲,中心有違。 不忘舊地舊物。 爾新昏,不我屑以。 德音莫違,及爾 同心是 三章 家計 雨。 心苦逾茶。 之。 有無不論。 涇以渭濁,借 夫婦常 以陰陽失調興起。 就其深矣,方之 我躬不閲,遑 治事 理。 宴 同 爾 淺深皆宜 望其短送。 凡民 采葑 死。 新 毋 入題 涇自 香, 有 采 浙 黽 惟

喪,匍 有洸 覺可傷。 勞。 有旨蓄,亦 我爲 既生既育,比予于毒。今乃相仇。 推原其故。 有 匐 潰,既 不念昔者,伊余來 放之。 以 承上 治 我 肄。 御冬。 昔育恐育鞠, 一轉落有 濟人之危。 宴爾 力。 無聊賴中忽念及瑣細事, 四章 塈。 既 新 及爾 阻 昏 回應「同 我 不 「,以 顛覆。 我能 德 賈 我 Ŧī. 心。 临, 反 章 御 昔頗 用 六章 我 不 愈 有

此詩 婦 姜有寵 既云「未有以 上,淫於新 之士,未 有 刺 則未見爲失。《大序》以 夫婦失道也。」今味詩詞,夫失道有之, 匍 作」。 通篇皆棄婦 右《谷風》六章,章八句。 而夷姜縊 可 匐 昏 與言, 救之」,非急公嚮 前後 而 見化其上之意」,後又言「宣 棄其舊室」。 兩説, ,是以其民化之而《谷風》 辭 而 贵 ,自無異 迥不 婦 人所 相蒙, 爲「衛人化其 議 義 朱子《辯説》 小 能言 胞 然「凡 序》曰: 何也? 與 哉 爲 民 懷

> 貞鬱勃 於其君 有詩無 故知其 婦所能 抑難 大凡如此 傳》及諸家訓之甚詳,故不再贅,兹僅發其 胎於此,未 無罪見逐之狀。 濟 又「昔育恐育鞠 「傾、患 於顯訴,不得 八爲託 氣。漢、魏以 ,或遭讒間遠逐殊方,必有 人,或言近旨遠,借 任 難 哉 可遽認 相 詞耳。 ? 恤 是 之人,未能 ,及爾顛覆」,亦 則 爲 不託 語 大凡忠臣義 雖卑 真 降,此 雖 也。 ф 爲 -詞巽 夫婦 幗 以 自 種 至其文義 誳 而 任 尤 語 詞,以 世,莫 志 多。 中 士不 非有扶危 而 則 時 贵 丈夫 番 然 · 見 諒 非 露 棄 寫 集 脱 皆 寃 忠 其

時 道勤勞,見無可棄之理。 章〕三乃推言見棄之故,在色衰,不在 冒。 而 〔二章〕次言見棄,即從辭别起,省却無數筆 相 眉評』「一章」通章全用 棄於安樂之後。 [五章]五言夫但念勞於貧苦之 〔六章〕末即 比體。 德失。 瑣 先論 事 見夫之忍且 四四 夫婦 章」四 理 作

薄,因追憶及初來相待之厚,掉轉作收,章法完密。

然未與 門内 故 下 濶厚 蘆 非。 Ш 取其葉作葅及羹,亦佳。 令》「孟夏苦菜秀」是 故 小,有臺,一名葑,一 之暴怒無休息也。 陰又雨,無清明開霽之意,所 也,盛怒之風也。 至 施 ,一 陜 云「薄送」,蓋望之之辭,非真送也。 《周 至 體 者 西 短者爲蕪菁。 葑蔓菁也。 一高陵縣人渭 禮》九畿及王畿千里 根 渭 高 非。 名萊菔,所謂温菘也。 也。 集釋】谷風 滙 陵 時則 會 茶苦菜,蓼屬。 畿郊畿也。 [涇,亦 亦覺其清 〔陳氏子龍曰〕《埤雅》云: 又習習然連續 舊説谷風爲生長之風,以 菲 名須,俗謂之臺菜。 也。 入于 渭 蓝 (嚴 水名 類 涇水名,出今甘肅平涼府 河。 薺 也 〔孔氏穎達 氏粲曰〕來自大谷之風,大風 ,皆期限之義。 也。 謂曀 「陶氏 出今甘 〔邢氏景曰〕茶味苦,《月 湜 沚 梗長葉瘦,高者謂菘,葉 〔郭氏璞 不絶,所謂終風 曀 渚也。 湜 弘景日 其 曰〕畿者期限之名 清 肅 《集傳》以 陰 渭 貌。 其紫花者謂 也。 日 屑 經云「不 源 〕薺,味甘,人 蕪菁似 潔也 即 涇 縣 谷爲穀者, 皆喻 土 濁 鳥 爲送之 也。 渭 鼠 瓜 ·遠 」, 菘 其 笄 清 也。 Ш 逝 之 夫 又 頭 而

> 手足並 息也。 御 魚者 之也。 黄氏 當 也 也。 行,急遽甚 梁堰石障水而空其中曰 正 閱 洸 日 容也。 武貌。 婦三 也。 月廟見, 方 潰 「許氏慎 慉 怒 養 色。 然後 也。 梁。 日 執婦 二方, 肄 阻 符竹 勞 卻 功, 併 也。 也。 船 器 故 也。 承 婦 塈 鞠 梁以 初 息 匍 窮 來 也。 也 匐 取 日

售同。 冬。 二十五 同。 死 四 弟同。 窮 救二十六有,叶 紙。 有。 標 本韻。 東。 通 韻 後 本韻 韻 同。 通 雨 覆 韻 七遇。 違五 本 居尤反。 沚四紙。 屋。 肄四真。 韻 微。 怒 毒 舟十一 同。 畿 二沃。 叶 以 同。 塈同。 本 韻 同。 尤。 韻 通 本 本 本韻 韻。 讎十 韻 游、 韻 體 求 薺八 八 薺。 並

式微 黎臣勸君以歸也。

中露? 式 微 式 章 微 式微式微, 胡 不 · 歸 ? 胡 微 不 君 歸 ? 之故 微 胡 君之 爲

躬,胡爲乎泥中?二章

因以 徒爲 也。 之,則未免失之刻矣。 歸 虚 君,不肯久事暴露乎? 當周旋左右與共 今日之君,辱 之詞,則律以主憂臣辱、君辱臣死之義,是 被逐後,不久狄亦自退,故可歸 能歸,故《序》但云「寓於衛」耳。此必 又加「失國」二字,反較支離。 據,故可從。 黎 一無主,所謂當今之時,社稷爲重君 計 侯寓於衛,其臣勸 勸也。 使諸 共 此 狼 式 啚 臣 狽 恢 微》二章,章 形 非 夫既以是詩 在泥塗之君也,今日之臣,不 復,振 而《辯説》又以 乎? 爲君故,其誰肯久羇 患難 此式微之世 君乎君 以 《集 ,而乃以 殊知狄 四 而屬之黎國臣 歸 句。 傳》既從其説 平,尚 無「黎侯」字疑 也。」此必 蓋失國則不 不歸 人既退,國 此 《序》云: 也 歸咎其 乎。 思早作 其臣 人國 黎侯 有所 爲 輕 子 黎

> 之,故 無遠志 侯平素必優游頑懦以致被逐,迨至狄 心,溢於言表,至今猶聞其聲也 作 ,徒望人憐而人又不我憐。 此 以 勸 其 歸,其一片憂國 一愛君之 其 臣 退 憂 仍

國莽讀過。 【眉評】語淺意深,中藏無限義理,未許粗心人

泥中 此或後人因經而附會其説耳,不可從。 式微者,微乎微者也。 猶言泥塗 集釋】式發語辭。 也。 〔毛氏萇 微 猶 非 微衰也。 日 也。 中 中 露、 露 〔《爾雅 泥 猶言暴 中, 衛 邑 露]式微 也

東。 流離之子。 其久也,必有以也。二章 何多日也 叔兮伯兮,靡 旄丘之葛兮,何誕之節兮? ! 旄丘 叔兮伯兮, 褎如充耳 一章 黎臣勸君勿望救於衛也 所與 何其處也,必有與也。 同 狐 三章 裘蒙戎,匪車不 瑣兮尾兮, 叔 四 今伯 兮, 何

我也 諸臣 之心 勸 不 是 而 於我。我之不敢東向以求人者,正爲 之又久,途窮裘敝,終不見來,始知其無 其久也,又必有所挾以安吾國也。 蓋 也 臣 如 真 人 不 其 君 責 無 至無 謀歸故國之爲愈矣。 絶 方且褎然盛服,袖手旁觀 ,蓋其處也,必有所待與我以伐狄也 至,猶登高以望之曰: 始 愚謂 衛 右《旄丘》四章,章四 與前篇同一憂國愛君之心。 意 與同心故耳。 猶有奢望之心,故雖時物變遷,待 伯 於 己不自 可望,不能不以 不 我 能 也。 修 振,人又 方 人既若此,我 伯 我之流離尾 連 此勸 何咎? 句。 詞若責 率 衛非 之 置若] 《序 君早歸 職 必無意於 復 若作責 人, 意實 瑣 迨至遲 》謂 但 以 何望。 甚矣 罔 救 望 衛之 耳。 聞 救 意 之 黎

散

眉評】[二章]姚氏際恒曰: 自問自答,望 人情

觀

,則忠臣

之意泯

矣

景 如 畫

二六

縣

服貌。 優。 下曰 充耳 君子狐青裘豹褎,玄綃衣以裼之。 作「覃敷」,可 言非我君之車不東來。 蒙戎亂貌,言弊也。 較優,從之。 (曹氏漢策曰)今大夫褎然爲舉首。 誕」與「覃」通,猶「葛覃」之 也。 東。 旄 以 塞耳 鄭氏謂笑貌,謬。 丘。 褎 誕 集 姚 也。 「姚氏際恒 姚 釋】旄丘 〔王氏應麟 氏際恒日 證。 與[姚氏際恒日]與,與我伐狄 氏 炳曰 覃,延也。 〕能左右之日 〔孔氏穎 日 不 東黎在衛西,故入衛必向 〕《毛傳》訓 日》《寰宇記》: 瑣細也。 《集傳》訓多笑貌 褎, 「覃」也。 誕從延,有延長 當 達日》《釋丘 從《毛 注: 以。 誕 尾末也。 師古注曰: 《書》之「誕 旄 君子,大夫士也 傳》謂 狐裘公玉 丘 <u>\tilde{\</u> 濶 在 蓋本鄭 也。 澶 盛 流 褎然,盛 州 前 敷」亦 服 無 此説 義 貌。 臨 高 東 漂 較 河 後

紙。 語。 叶 與 標 韻 同 韻】節 本 戎 韻 九 東。 屑。 久二十 東、 日 同並同。 Ŧi. 四 有 質。 叶 舉 通 本韻 里 韻。 反。 處 以 子 六 四

本韻。

上處。 美人兮,西方之人兮。然我之所懷,則别有在。所 是。二章 俣,公庭萬舞。 思爲誰? 山有榛,隰有苓。云誰之思,西方美人。 公言錫爵。 簡兮簡兮,方將萬舞。 日之方中,在 分别舞人、舞名、舞時、舞地。 蓋西京聖王耳。反覆咏歎,神味無窮。 左手執籥,右手秉翟。 簡兮 文舞又如是。 有力如虎,執轡如組。 賢者自傷失位 均能盡職,故受榮寵。 一章 而抒所懷也 赫如 碩 四章 渥 武舞 三章 彼 俣 前 如

句。 説 不 則以爲賢者自作,且有輕世肆志之心,立 伶官」之辭,惟《序》則以爲刺不用賢,《傳》 ·恭,何 各異。 從《集傳》。 右《簡兮》四章,三章章四句,一章六 以 姚氏際恒 稱賢 《序》、《傳》皆言「賢者仕 必非賢者自作,乃詩人 亦主《序》言,以爲玩 世 於

耶 ? 其胸 盛 蓋 裕如也,而可不謂之爲賢乎? 籥必左手,翟必右 必如虎, 轡必如組, 方爲稱職。其文舞也, 觀其自叙,將欲 贊美賢者耳。 事錫爵於公,無慢容亦無怍色,顔 日,再擇舞地,而舞分文武。其武舞也,力 上學歟? 此皆傳注者之過,非經過也。 鼓三撾,解 之士,變而 故並下文亦疑其爲誇大詞,遂使才德兼 傳》誤訓「簡兮簡兮」以爲「簡易不恭意 世 所 毫自恃其賢玩世不恭,以 臆 ,而慨然想慕文、武、成、康之至治不 挾者大,所見者遠,故不禁有懷西京 特其抱負不凡,有不盡 ,餘亦未見有玩世不恭意。 衣磅礴一流人物,夫豈三代以 爲 輕 愚觀末章,非賢者不能自道 狂 習舞,先簡舞人,次定舞 手,乃能 傲慢之徒,如禰 如儀。 致懈 是 又何當有 而 及其既 乃公事 如 正 乃《集 止者。 渥 平羯 優

經原始卷之三

或以 明主 日 章忽追憶及於「西方美人」,更疑其爲思遇 其 復 人」、「如虎」等句,遂指爲誇大詞。 賢者所能辭。 得 一以見 思焉。 爲賢,要非當日賢者所肯受,亦非當 見於今日,因借美人以 用。 後 於是多方擬議,或以爲 儒 可不嘅哉 不 察 見 喻聖王而獨 詩 中 又見卒 有 狂 碩 寄

有高乎一世之志。 【眉評】〔一章〕從將舞叙起。〔四章〕慨然遐想,

武言。 籥也。 萬 也。 氏曰〕孔 名已久。 一月日夜中」也,亦通。 ·舞〔《集傳》曰〕萬者,舞之總名。 謂方將萬舞,故先分别舞人, 萬舞爲武舞,與諸説異,存參。 鄭氏謂干 〔姚氏際恒曰〕萬舞、《商頌》曰 【集釋】簡〔姚氏際恒曰〕簡、《説文》: 氏引《月令》「仲春之月,命樂正習舞入學」, 《毛傳》謂干羽,按干爲武舞,羽爲文舞,兼文 ·武則單指武舞,因引《左傳》「振萬」之 碩 人碩,大也。 如諸侯用六是 武用干戚,文用 「萬舞有奕」,則 日之方中 〔朱氏道 分别之 也 行 其 羽

> 赤貌。 [《集傳》曰]苓,一名大苦,葉似地黄,即 名。 爵」,重君命也。 人獻工。主人,宰夫也。 其顏色之充盛也。 而 威儀説。 日 有 小。 力如 稱 《賓之初筵》云 人而曰 [孔氏穎達曰]樂雖吹器,舞時與羽並 渥〔孔氏穎達曰〕渥者,浸潤之名。 虎 轡韁也。 可 碩, 知。 重其品 榛似栗而小。 錫爵[徐氏鳳彩曰]工告樂備,則 「籥舞笙鼓」是也。 俣俣大貌。 組織絲爲之,言其柔也。 也。 然必錫之於君,故曰 愚謂 〔朱氏曰〕指形體,亦 碩 隰 人不 今甘草 下 翟雉 濕 必重,看 赭赤色,言 日 執,故 羽 也 隰。 「公言錫 也。 籥 得 如 對 苓 赫 主 舞 笛 帶 下

青。 麇。 錫 ,叶直角反。 舞、虎、 人十一真。 標韻】舞七慶。 組並 爵 通 十藥。 同。 韻 本 叶 處 韻 韻 六語。 籥十 榛 十一真。 通 藥。 韻。 翟十二 苓九 俣七

毖彼泉水,亦流于淇。^{從衞地起。}有懷于泉水 衛媵女和《載馳》作也。

遊 歎 脂 餞 知諸 衛 此乃是勸其行,想亦無害。三章 如話,是商 母兄弟。 靡 ,以寫我憂。 載舝,還車言邁。 于 姬之無能爲,故 禰。 思須與漕, 日不思。 量語。 但還 夫人若行,我當祖餞。 二章 須。 四章 入衛事。 我心 日 問我 聊 出宿于干,飲餞于言。 與 悠悠。 謀。 遄臻于衛,不瑕有害。 諸姑,遂及 變彼諸 一章 我思肥泉,兹之永 自寫胸臆。 女子有 姬,聊與之謀。 出 〈伯姊。 宿 于沸 行 駕言出 遠 直 載 父 飲 白

竿》一 夫 證 未見有父母終意。 故作此詩以見志。」《集傳》因之。 思控大國之作。 ,而且多複句,非一人作。 人媵妾之詞, 女嫁于諸侯,父母終,思歸 右《泉水》四章,章六句。《序》言: 例,與《載馳》爲許穆夫人不 而終不敢定。 姚氏 何氏楷則以此篇及《竹 際恒駁之,以 又疑 愚玩 甯 能救衛 而 然詩詞 爲 此詩 不得, 許穆 爲 無

于言。 則但 于言」。 《載馳》互相唱 須與 《竹竿》不過想 故 則但問諸姑、伯姊。 立言,亦各有體。 詞鋒相對,語無 我有尤」,此則云「問 姬,聊與之謀」。 此則云「思須與漕,我心悠悠」。《載馳》云 釣之處,而 與《竹竿》雖 控于大邦,誰 ,歸唁衛侯」,此則云「飲餞于禰」,「飲 又知其爲妾和 八漕。 謀彼諸姬。 嫡、媵 《載馳》云「驅馬悠悠,言至于漕」, 嫡欲 此 同爲 口 歸 則直傷 慕 因 和 虚設 吻, 《載馳》云「大夫君子,無 信衛 嫡欲馳至於漕,勝則但思 ,非夫人作也 故 也。 思歸之詞,而意旨迥 誰 嫡本欲咎大夫、君子,媵 或 各如其分,絕不 非唱和 極」,此則云「孌彼 嫡本欲控于大邦,媵 我諸姑,遂及伯姊 《載馳》云「載馳 衛 侯,媵則 風 事 景人物及當年遊 ·, 且 而 但錢 爲 何? 蓋 衛 媵 相 于 至其 亦衛 禰、 諸 餞 載 與

有何關 氏 當 所 歸甯不 女,故同 謂 序《載 既 證 疑 得 也。 爲媵作,而又以爲無證,不知其 係,而必存之以爲後世法耶? 關 馳 而 》後,而乃編諸《邶 心,亦人情之常耳。 唯此詩既與《載馳》爲唱和 作」,則婦女之歸 甯與 風》内, 若但云「 不 則 歸 何 不 則 姚 思 甯

非真餞也。餞既不成,則唯有思漕以寫我憂耳。身分。〔三、四章〕餞于禰,又餞于言,是虚想餞地而已,非爲衛,何謀之有?〔二章〕問及諸姑、伯姊,不失妾媵非爲衛,何謀之有?〔二章〕凡事動謀外戚,是婦女聲口。然

可

解。

若謂 衛也。 國耶? 可 淇水名,出今彰德府林縣。 從。 歸 育、則 夫人欲控大邦,妾欲謀諸同姓,亦 諸 集釋』毖泉水出貌。 沸 姬 地名。 問我 周 同 諸 姓 〔王氏應麟曰〕《地理志》,《禹貢》導 姑 或 並 也。 及伯姊可 衛,姬 變 泉水即今輝縣百泉 何氏楷 姓。 也 故 引《説文》訓 何 互相 欲與 必謀之同姓 商 謀 酌 以復 語 慕 也。

膏塗車 此。 日: 姑伯姊 輩也。 明 氏穎達曰③《鄘》云「以廬於漕」。 行語,非妾自道 害」,謂我之歸 也。 〔王氏應麟曰〕《隋 姓二國往媵之亦有侄娣,皆謂之媵,凡八人。案: 衛于同姓之國也。 姑伯姊,則夫人之媵妾輩也。 伯姊〔劉氏瑾曰〕夫人之嫁,必有姪娣二人爲媵,而 曰》《寰宇記》,大禰溝 沇水東流爲沸, 何」、《集傳》又謂 亦 柏人縣有干山 衛 遄疾也。 寫瀉通,輸洩之意 邑。 牽,使滑澤也。 語意絕不相侔。 詩 豈 (案) 如是之重 不 臻至也。 也 東郡臨 衛文公爲狄所 爲 志》邢 瑕」即 此云問我諸姑者,商夫人之行於同 言 瑕 肥 在曹 Щ 邑 過 牽 泉水名 複 而《集傳》與姚氏均謂諸 州 何 ·州冤句 有 而 冗雜 瑕害[姚氏際恒日][不瑕 柏人,邢 陸 内邱縣 沸 有 爲 氏德明 前云「謀彼諸姬」者,謀 廟。 耶? 害。 逐 亦 漕是衛邑,須與漕連 可 時 縣 州堯 有干言山。 衛 通。 北 較 禰 廬於漕,故所思在 E 干、言二地 地。 七十 鄭 亦 Ш 但 奉, 氏 縣。 地 此是夫人可 須、漕〔孔 里。 以「害 名。 車 脂以 李公緒 姬即 軸 至 諸 此 頭 名 姑 訓 脂 有 金 諸 復 諸 同 氏

干十四 通 反。 韻 叶 寒。 標韻】淇 韻 泉一先。 言十三元。 禰 八霽。 四支。 歎十四寒。 通韻。 弟 思同。 同。 通韻。 邁十卦。 姊 謀十一尤,叶謨悲 四 紙 悠十一尤。 害九泰。 通 韻

同。

我 之何哉! 自外,室人交徧摧我。 人交徧 王事 艱 出 適我,政 已 自 謪 焉 北 北 我。 王事 門 哉,天實爲之,謂之何哉! 門,憂心殷殷。 已焉哉,天實爲之,謂之 事一埤益我。 ,敦我,政事一埤遺我。 賢者安於貧仕也 已焉哉,天實爲之,謂 終窶且貧, 我人自外, 我人 莫知 何 室 章

政務之煩,而能以一身肩之,則其才可想而不見知於上者之所作。觀其王事之重,
在《北門》三章,章七句。此賢人仕衛

哉? 矣。 門」者,抑又何故? 品誼之懸殊爲何如 揣摩時勢以求一 若使朱買臣、蘇季子二人處此,不 天,不敢怨懟於人,而可不謂之爲賢 所得行 所爲,亦未可知 位富厚者,以誇耀於妻嫂,不洩其憤焉 庸衆遇我者,以庸衆報之,亦屬事所常然。 詩之所以 重禄勸士之謂何,而衛乃置若罔聞焉。 之憂,外不足以謝勤勞,而有敦 止,詎肯終受室人交謫哉? 而詩乃隨遇安之,盡心竭 |終窶且貧」,内不足以畜妻子 而衛之君上乃不能體恤 夫以國士遇我者,以國士報之, 而已。 作也。 迫至無 售,必力争夫世之所 然則衛之政 也? 邶在 可 奈 力,爲所當爲、行 然 一衛北,此或邶士 何,則歸之於 必曰「出自 以彼方此, 事 周至,使其 不 而有交謫 迫之苦。 知 從可 謂 如 乎 則 不 何 ? 以 知 此

【眉評】〔一章〕「莫知」二字是主。〔二章〕室家

勢利之情如畫,可謂摹寫殆盡。〔三章〕委之於天而已。

也。 貧别。 也。」 迫 事,上所命之事 也 日 」則貧窶爲 適之也。 〕窶、《説文》: 窶謂無財可 摧 集釋】窶〔孔 《説文》: 也。 無禮 以爲禮,貧謂 猶 此「終窶 擠 政 皆也。 也。 居 氏穎達 事 也。 猶 〔范氏 且 云排 埤厚也。 貧」爲二事之辭,故 日〕《釋言》云:「窶,貧 王 無財 (日)政 擠 事 可以 「范 事, 讁 氏處 自給。 責 所治之事 也。 義 〔何氏 日 窶與 王 敦

通 艱 元 八十五删: 韻 遺 標 四支,叶 適十一 叶 韻 門 居 夷回 陌。 銀 反。 十三元。 反。 益、讁並同。 通 摧 韻 十灰。 殷十二文。 之四支。 叶 本韻 貧 哉十灰。 + 敦十三 真

北風 賢者見幾而作也。

同 行 北 其 風 其 虚 其 涼 邪 雨 既 雪 其 亟 雱。 只 且。 惠 而 章 好 北 風 攜 其 手

> 烏。 喈 我,攜手同 其 邪, 雨 姚氏曰: 雪其 既 亟 車。其虚其邪,既 霏。 「變得峻 只 且. 惠 《峭,聽 而 章 好 其不可 我, 莫 攜 赤 解, 亟只 手 匪 亦 同 妙。 狐 且。 歸 惠 莫 其 而 好 厞 虚

聞是 禍。 應。 抑 者 妖孽 異頻 及 云: 亡 邶言爲是,與首篇《柏舟》憂讒憫 百姓。」是。蓋見幾唯賢者乃早,百 相率 也。 爲邶言乎? 而 「此篇自是賢者見幾之作,不 蓋 謡 雖 必 時 興,率皆不祥兆,所 右《北 彼知其將亂 日 谏 也。 愚觀 而去其國也。 ,皆不可知。 一時位不 去。 風 赤狐、黑烏,當時 詩 》三章,章 若以 詞 同 明 ";始 ,亦各行其志焉已矣。 哲 而 詩 總之敗亡兆耳。 則 但不知其爲衛作乎? 以保 不忍去,此 編《邶風》内, 氣 謂 六 象 身, 或 句。 愁慘 或有其怪, 家將亡,必 姚 忠貞 亂 則 氏 見 之作 繼 姓 必 則當 而 其 故 則 豈 説 際 將 相 賢 或 能 怪 及 恒 爲

【眉評】〔一章〕氣象愁慘。〔二章〕妖孽頻興,造

語奇闢,似古童謡。

階疾聲也。 名鴉,其名自呼,體全黑。 變化,其爲物妖淫,故詩以刺 脩曰〕「其虚其邪,既亟只且」者,言無暇寬徐,當亟去也。 陸氏德明日〕《爾雅》作徐。 集釋】雾雪盛貌。 狐 獸名。 [陸氏佃日]舊説以狐 惡。 亟急也。 惠愛也。 烏〔陸氏佃 只且「歐 虚 寬貌 有媚珠,善 曰〕鳥,一 陽氏 邪

同。 音徐 六魚。 通韻 【標韻】涼七陽。 且 狐七虞。 同。 本 韻 烏同 **雱、**行並同。 喈九佳。 車六魚。 霏 本韻。 通 五微 韻 歸 邪

静女 刺衛宣公納伋妻也。

彤 首 且 異 管 踟 有 蹰。 静 女其姝,俟我於城隅。 煒 匪 摹神。 女之爲美,美人之貽。 三章 ,説懌女美。二章 一章 静女其變,貽我 自 愛而 牧 歸 不 荑 見,搔 () 洵美 彤 管。

搔首 以爲誠 雖 散處後宫。 起。吕氏大臨 地 至此,真堪絶倒。 蹰」何可與「寤寐 思念之切,亦何無恥之甚耶? 君所好也。」已屬勉强穿鑿。 有静德,又處於幽閒 女相期會之詞。 示法戒」。 時」,毛、鄭推原其意,謂「陳静女之美德 更主之,以爲「此述古者以刺 搔首踟蹰」與《關雎》之「寤寐 横 ,抑豈静女所能至也? 渠張 不見,必説不 右《静女》三章,章四 ,則豈俟 子亦所不免,觀其 《集 城隅者,後宫幽閒之地 《傳》則 曰:「古之人君,夫人、媵 人於城隅者哉? 夫曰 思服」 去? 且媵 從歐 而待 静 女進 口 然主 女,而又能執 進御, 陽氏 句。《序》 日 於是紛紛之 詩 此 御 並 而 衛 夫「搔首 説 思服」 論 君 日 語 吕 此 君 王, 斥 「後宫西 者甚多, ? 氏 有 也。 城 謂 何 祖 道 隅 彤 説 同 至 爲 煩 踟 爲 妾 論 管 謂 謙 何 男 女 以 刺

四

之? 彤管以 見,已 所謂 城隅即 北 果 爲 得 宣 爲 氏 隅之新臺以 彤管之誡 之色,以 寰宇記 城 作静而 也 姜 此 新 穎達曰: 隅 初 臺 無 城 城 案《水 不勝 禮之極 然使非 隅 ,待其至於 新 爲 來,未始不静 隅 且變,則 爲 法。 也。 静 而 臺 其 一在 俟我 納媳張 「伋妻自齊始 相俟。 不 經注》:「鄄城 地也,静女即 女」,果 搔 其 不 乎? 能 所 濮 不 首 幺 料 謂 静 即 州 惟色可取,性 河, 本。 踟 閒 俟 事 而 何 宣公只聞 鄄 詩 欲不俟諸 蹰 念彼姝」可 且 而且姝,亦未始不 變至於 我 所 故先述 而 城 當 之思。 一姝,則宣公亦 於城隅之静女也, 指 因 宣姜 來,未至於衛,故 縣 其 而 北岸有 臺以要之。」此 北 初 無 了其美 何 城隅 其 也 十七里。」孔 及 來, 禮 亦 謂 見。 幺 可 其 雖 乎? 而 止 新臺。」 閒 何以 而 悦,而 既 未 於 窈 何 欲 然 亦 見 之 城 執 窕 必 不 守 知 則 日

> 以相 之 顧惜 直 斥君非,故 之足重耶 難自舍。 犯 相,不遺餘 公好色無 女方執彤管以 ,則此 刺無隱 廉恥 · 貽贈 念陷 心 自取 禮 ?亦重夫 則未免 ,又不啻珍重 之也。 難 力矣。 亦 愚故 逆 測識 自 相 理 而自納之,亦「悦懌女美 止 知 有 貽 又況美人自外攜 特 亂 此 佳 耳 煌 美人所貽 迨至 其 倫 亦 人難 而愛惜之。 煌乎其不 醜 爲 詞 無 下章《新臺 宣 隱 態 如 再 一公發 意 世 得 可 耳。 微, 間 之意,竟不 謂 可 也 尤 描摹 不 夫豈 來 窮 以 物, 肯 形 土 非 則 明 盡 官 物 物 殊 禮

美二 |字是罪案。[三章]愜心滿意之至。 眉評】「一章」「城隅」二字是題眼。

好貌。 城 IE. 北 日 搔 建新臺地。 彤 集釋】静閒雅之意。 首 管〔毛氏萇曰〕古者后夫人必有女史彤管之 煩 不言新臺 急則 手 爬 其 者,微詞也。 首 姝美色也。 踟 蹰 行 踟 不 蹰 城 前 也 黄 隅 指 氏 變

物、《易》曰「藉用白茅」。 也。 法,事無大小記以成法。 「姚氏炳 此茅其藉彤管者歟? **煒**赤貌。 日 」荑,茅也。 牧郊外也。 古茅所 洵 歸 信 亦貽 以 也 藉

通 十六銑。 韻 標 異 管 領】姝 四 + 了真。 四 早。 七虞。 貽 同上。 通 隅、 韻 本韻 蹰 煒 並同。 Ŧi. 尾 本韻 美 四 變

有 新 泚 臺。 刺 齊女之從衛 河水 瀰 瀰 宣公 地。 也 燕 婉 之

浼。 求,籧篨不鮮。 則 離之。雅譬。 燕婉之求,籧篨不殄。二章 燕婉之求,得此 新臺 有 戚施。三章 洒 魚網之設 河水浼

醜

喻。

章

詩。」 既 新臺於河 刺 引 衛宣公也。」《大序》謂: 事 其 右《新臺》三章,章四 見《春 説 上 而 以 秋 要之。 傳》, 爲 於 詩 古 國人惡之,而 未 無 有 句。 可 考, 「納伋之妻,作 疑。 小序》云: 不 而《集 知 何 作 意 傳 是

此臺中 與地, 惡,以 又得 其明 敷 ? 夫人 篇以 愚謂 能 以 疾人乎? 本意,亦豈能 腼 乃爲伋也母。 一而 雖 暴,亦 然立於人世乎? 對 無 佳 且 爲 刺宣公爲主,而 有 此 終,不可 至逆 當其初 直 麗 人亦覺 娘於中? 主,而 刺宣姜之作, 峻 而 無 刺 鎖 也。 爾夫 夫此 理 如 厥 貯 聘,本 何。 愈醜宣 亂 辭咎哉? 此 燕婉 非 改行易節,宣姜豈 其 其下 醜 倫,爲千古笑。 稍有廉 中, 或 所 疾之人,其俯 可遂 曰 : 而乃柔情 河水 爲 謂 色 則 帶及 非 使其 公。 伋 魚 無 但 此 Ш 一,而 恥者所 故國 瀰 也 、雙,亦 人夫人。 111 宣公也。 何也 執意 非 網之設 妻,迨 瀰, 岢 尤 新 懦 人明 知 爲 互. 志,將 ? 甘 臺 不從,宣公 不忍聞 雖 仰 其 生 此 相 乎? 至新 鴻則離 心遺臭, **《静** 指其 未之聞 婦 古 色。 得 日 篇 罨 不足 非 以刺 此 從 醜 即 何 其 其 尚

之之甚,故亦不暇爲之隱約其辭矣。將掩鼻而去之也。詩人之意如此。蓋惡盛,難洗君羞。千載下有從新臺過者,猶之」,所得非所求,醜亦甚矣。吾恐河水雖

【眉評】談笑而道之。

也。 臺。 詩 使仰。「歐陽氏脩 戚 云:「腆,古文字作殄。」是 洒《韓詩 》作 〔鄭氏康成曰〕鮮,善也。 施 編以爲囷狀,如人之擁腫而 燕安也。 泚〔劉氏彝曰〕泚,水中臺影鮮明之貌。 泥。 亦醜疾名。 [孔氏穎達日]腆與殄古今字之異,故 集釋】新 》作 浘,盛貌。 漼 婉順也。 鮮 《晉語》云: [日] 籧篨,偃人,不可 貌。 臺説見前。 殄〔鄭氏康成曰〕殄,當作腆。 浼浼平也。 也。 籧篨 洒高峻也。 「籧篨不可使俯, 鴻雁之大者。 不能俯,故又以 《爾雅 疾之醜者也。本竹 〔陸氏 使俛。 〔陸氏德明日〕 四 日 方而 《儀禮 戚施 名疾也。 離 瀰 戚 漁,《 施,僂 麗 瀰 不可 高 ジ注 也 腆, 席 盛 日

> 韻。 反。 叶韻 離四支。 標韻】泚 浼十期,叶 施同。 四 本韻。 瀰 美辦 同。 反。 鮮 殄 + + 六 六銑 銑 叶 想止 叶

養養。 親惡,於理固無有害。二章 心無疑哉? 思子,不瑕有害。 一子乘舟,汎汎 何不乘舟遠逝,使無踪影可 一章 二子乘舟 二子乘舟,汎 從此而更長往,可以遠禍 其景。 誳 衛 伋、壽以 覓。 願言思子,中心 汎 我願如: 其 逝。 遠行 此,子 可以掩 願 其

是詩。 獨以 《傳》皆以爲伋、壽争死事,國 衛 後至,二子亦未嘗並行。 于莘,當乘車往,不當乘舟。且壽先行,仮 地。 爲 右《二子乘舟》二章,章四句。《序》、 皆不相合。」古人亦未嘗見不及此, 古今説者都無異 事與詩不合,疑之曰:「夫殺二子 詞。 衛 未 人傷之而作 而 渡河,莘爲 姚 氏 際 恒

人,不可使仰。

明其俯仰

有媳云耳

行耳。 之所 則其 以 但 雖 往 以爲孝之大。使二子能見及此,必乘舟同 古之人有行之者,舜是也。 身,亦且陷親不義,其於理又何當哉? 若沾沾固守小節,不達權變,非 當於理、雖違親命、亦於天理人情無傷。 當迂迴以求其用心之所在,然後得其意旨 婉,不可泥詩以求事,尤不可執事以言詩。 舍却二子,亦無他解。 劉向《新序》。 不極人倫之變,而卒能保身以格親 乘 求 兇,亦 ,汎然遠逝,共適 存。 迹尤 其 舟 解不得,故多方附會以爲之説。 意以爲孝子事親,當先揆理。 爲 無從 詩非賦 顯然可見。 比 皆不免「固 ,歐陽氏説。 要而 二子死事也,乃諷二子以 一般之。 他邦 但 哉」之誚。 況序於《新臺 或造偽序與詩 詩人用意甚微而 以 奈 避禍 何 焚廪浚井, 徒 患。 徒有害於 拘 然此詩 小 心 苟有 一》後, 盗 所 節 夫 非 或 賊

形,音流簡外。

亦豈 事以 豈不 同 蓋二義均有可通故也。 無意哉? 未行之先,或傷之於既死之後,則難臆定。 殉 能得 案詩,固自不合。 痛 一死,與晉世子申生先後 哉 意旨? 詩意若 吾 原 唯其 此,亦非甚隱。 二子之行 即諸家曲爲之説 詩之作,或諷之於 也,二子 如 出一轍, 姚氏 其能 執

【眉評】情迫意切,無限事理包孕其中。指點情

氏説 漾漾, 莘亭, 〔王氏應麟曰〕《水經注》: 景古影字。 憂不知 白衛適 集釋】二子謂伋、壽也。 〔劉氏瑾曰 所 齊之道。 定貌。 〕葛洪始加 縣東 逝 京相璠曰: 往 有二子廟,猶謂之孝祠。 也。 **彡爲影字。** 不 乘舟渡河如 陽平縣北十里有 瑕 見《泉水》姚 養養猶 齊 也

養。叶韻。逝八霽。害九泰。通韻。 【標韻】景二十三梗,叶舉兩反。養二十二

三七

詩 經 原 始

舊説云:

疑。 所 今細玩之,大抵皆忠臣智士、孝子良朋、棄妻義弟之 邶 故 顧 水 爲 淫之作,非淫奔者比。 女雖生於衛, 贵 而 者,有不必皆衛詩 殷,此編《詩》次第也。其十九首中,有可實指爲 不變也。 能 《擊鼓》、《静女》、《新臺》、《二子》八詩,的爲 周》、《召》,而《邶》更居三國之首。 爲。 既 云者,時變事變,詩亦與之俱變,故其音與體不得 同 可 非 衛人所作仍繫之邶者,存其音耳。 何以謂爲衛詩耶? 》則衛女之作於他國者,不唯非邶人,抑且非衛風 誰氏筆。《式微》、《旄丘》則外臣之羈於衛者、《泉 爲邶? 衛所能亂。 而八詩中,又僅莊姜四首爲自作,餘四首尚不知 人衛,詩皆衛事,而仍存其名,且居 而 以 中間淫亂之詩,僅《静女》、《新臺》二篇,又刺 何以雜乎邶而不嫌於亂乎? 而衛爲殷墟,邶又朝歌舊地,故以 上《邶》詩,凡十有九篇。 不 而嫁於許,詩亦作於許,其音與邶 甯惟是,黎臣偶寓於衛,不久當歸,衛 然則莊姜非邶産,亦非居於邶,其音 而 亦編 舊説又謂邶既亡,不得有詩 不知何以居變風之首。 入其中者, 首《邶》 邶雖滅而 如莊姜四 故愚謂邶 變風之首 衛 所 《衛 音存 詩十 更不 衛詩 以 蓋變 事 詩 淡次 無 及 首

> 篇次能無錯簡? 言,不敢妄生疑議, 群籍蕩然、《詩》豈獨全? 之偶關乎衛者而亦亂乎其中,則不可解。 於邶與衛之分,而又以衛詩雜入邶音之内,且以他國 併入衛之後,均之邶音,均可謂之邶風。 事 可爲邶人作。 九首,除莊姜自作四首及黎臣二首 也可知已,何必巧爲之辯歟 ,抑或作之於其國未併入衛之先,或作之於其國 或以邶人而歌邶風,或以邶 觀於本風莊姜諸作已自顛倒錯亂 故曲爲之説。 諸 儒過信「反魯樂正」之 然古序尚可僞爲 衛女一首外,餘 唯既别其音 秦火而後, 人而 咏 衛 既 皆

詩經原始卷之四

風四

或

鄘

鄉縣 服 虔所謂 西南三十二里有 説見前篇。 鄘 在 紂都西者,非。 ○王氏應麟 鄘城,即 曰 蓋西亦迫 鄘國。」案此則王 「《通典》: Ш 衛 州 新

柏舟 貞婦自誓也。

婉而摯。 我儀。 髦,實維我特。 汎 之死矢靡他。 彼柏舟,在彼中河。 章 汎 彼柏舟,在彼河側 之死 矢靡慝。 母也天只,不諒人只 髧彼兩髦,實維 母也天只,不 **髪**彼 兩 1

諒人只! 二章

得而 《序》之非,以爲《史記》可憑,《詩序》無據。 理。然則詩將誰屬? 姚氏又云"「此詩 死,共姜爲諸侯世子妃,恐無夫死 爲世子,則《序》言尤悖。愚謂共 之蚤死? 且共伯時已爲諸侯,而猶謂 殺,時年較武公長,亦四十餘,又烏 共伯爲武公襲攻,人釐侯羨羨,墓道 伯既蚤死矣,武公即位時年已四十餘,焉 記》謂衛武公襲攻其兄共伯之言,以爲共 諸家悉從之。 而嫁之,故共姜作此以自誓」。 世子共伯蚤死,其妻共姜守義,父母欲奪 嫁之而誓死不願之作。」其言較妥。 不可以 篡弑之? 右《柏舟》二章,章七句。 事實,當是貞婦有夫蚤死,其母欲 吕氏祖謙更因《序》疑《史 姚氏 際 恒 又 因此 《序》謂 《集傳》及 伯 而 再 即 得 更疑 夫婦 醮 而謂 使 自 之 蚤 之 衛

又皆冠於二風之首。嗚乎! 二國得此二爲烈婦守貞不二之詞,皆可以爲後世法,個。邶、鄘二國不幸早亡,事雖無考,而固。邶、鄘二國不幸早亡,事雖無考,而因。邶、水一國系,與是是襲閥亂之作,一人貞吉,從一而終,無論貴賤,均可風世。

柱乎?
【眉評】《邶》之《柏舟》曰「汎汎其流」,則爲中流
在之舟,以喻人心之定也。然置此詩河」,則爲中流自在之舟,以喻人心之定也。然置此詩
於《静女》、《新臺》、《牆茨》之間,不可謂之中流破中

詩,然後可以不亡,豈漫然哉

爲鬌,男角女羈」,注: 也。 之,年雖成 三髻也。』《喪大記》「小斂,主人脱髦」,注: 象形。 囟音信。 集釋】髡徒坎切、髮垂貌。 〔孔氏穎達曰〕夾囟故兩髦 人猶 親死 垂於兩邊。 然後去之。 「夾囟日 若父死脱左髦,母 角 二許 兩響 氏 也。 慎 兩 也。 日 髦 「幼時翦髮爲 内 午 頭 翦髮夾囟 則 達 心》「翦髮 會腦 死脱右 日 羈 蓋

> 髦, 也 (黄氏佐日)特如萬 辭。 ,以是爲慝,則絶之甚矣。 親没不髦謂 特 一陸 氏 德明 此 也 日〕特、《韓 人之特 。」儀匹 蓋婦 也。 詩 人稱夫之 作 諒 直 信 云 也。 辭 相 當 只 值 慝 語 也。 邪 助

韻。側十三職。特、慝並同。本韻。歌。叶韻。天一先,叶鐵因反。人十一真。通《標韻》河五歌。儀四支,叶牛何反。他五

也。 之言,不可讀也。 言之長也。 可襄也。 理或然也」。 公子頑 所可道也,言之醜也。 牆 有炭,不 右《牆有茨》三章,章六句。《大序》謂 中冓之言,不可詳也。 通乎君母 二章 可 衛宫淫亂,未必即 所可讀也,言之辱也。三章 牆有茨,不可 埽 ,國人刺之」。 也。 中冓之言,不可 一章 東也 所可詳也, 牆有炭,不 《集傳 止宣 中 道

牆有茨

刺衛宫淫

亂無檢

也。

經 淫亂 之以著於經也,何哉? 言,尚可道哉? 广 在 不 早有以見及於此,故録之以 漢、唐吕雉、武曌之類,皆宣姜後塵。 此 而 而 而 又一宣姜也 人不忍道、不忍詳、不忍讀者,而 頑,而爲《牆茨》、《偕老》之羞。 静女》、《新臺》之誚,其繼又失身於 知者 厂鄘 然者,風人所不道,而謂聖人取之耶 發,凡淫亂之詩,均可 ,使後世爲惡者知雖閨中之言,亦無 宣姜爲 不彰也。 衛 之君,自以 》,《衛》詩 ,其人心 故自肆 尤甚。 其爲訓 而 中 非 而 不 爲 蓋廉恥至是而 其始既失節於宣公, 不反。 則 而 能 秘於閨門之中,世 戒深 刺之者,或在《邶》,或 無 無 有,意者邶 所 楊氏時曰:「自 作如是觀。 矣。」斯言不 聖人所以著之於 憾,故多指 爲 萬世 盡喪,有詩 其中冓之 聖人猶 戒 鄘 聖人 其瑕 無 後世 獨 公子 而有 或 隱 古 ? 而 爲 得 録

> 不存其名之一證也 彰君惡哉? 而 刺之。 至衛本國人不敢非其大夫,況 此二國 雖亡,是非 未泯 不 顯

塈茨。 也。 蓋謂室中結構深密之處 《周禮》一茨牆則翦闔。 標韻 集釋】茨〔《說文》〕以茅蓋屋。 掃 + 九 皓 道 中 同。 **韩**〔《説文》云〕交積 〔《書》〕惟 醜 二 十 五. 其塗 有

材

讀同。 叶韻 辱二沃。 襄七陽。 通韻 詳、長 並同。 本 韻 束

如 離合,乍陰乍陽。 之皙也。 如雲,不屑髢也。 如之何?一章 Ш 如 君子偕老、書法。 河。 胡 君子偕老 然而 造語奇。 玼兮玼兮,其之翟也。 天也? 玉之瑱也,象之揥也,揚且 瑳兮瑳兮,其之展 象服是宜,子之不淑,云 副笄六珈。 刺衛夫人宣姜也 胡 然而 帝也? 委委佗佗, 也 神光

四

展如之人兮,邦之媛也。便有輕之之意。三章彼縐絺,是紲袢也。子之清揚,揚且之顔也。

乎? 愚謂 與君 悉具 理 知其爲宣姜,不可移刺他人。 姜,而《辯説》又未盡以爲然,以爲無可考。 九 及其終也又爲公子頑配。 以 之人也。 方爲之解脱,終覺勉强難安。 老」,幾與下文詞義不相連屬。 句, 爲 也 寫 (其中。 此詩的 子同 ,豈知全詩 服 右《君子偕老》三章,一章七句,一 其始也爲伋子妻,其繼也爲宣公妾, 一章八句。《序》與《集傳》皆言刺 國母 飾之盛,而 與君子偕老,則當與君子同德 德,乃可與君子同服 儀。 何也? 刺宣姜無疑。 題 今宣姜之於君子也何如 眼 發端 夫人者,與君子偕老 即 在此句,貞淫褒貶, 一語忽提「君子 但讀首 則其所與爲偕 詩全篇極 非的然不易 天子命 諸儒雖 一句 服 偕 章 多 即 力

廣攬遐觀,驚心動魄,

傳神寫意,有非言辭

不儼然 謂 下降而帝子之來臨,何其盛 也 至其藻采之工,音節之妙,則姚氏際 欲與之偕老,抑豈可得乎? 已,豈尚 復前日母儀之可重矣。 人 目 也,則襢 而眉益秀,象作揥則玉爲瑱,不啻天人之 將如此法服何哉? 老之人,尚不知誰屬,其不淑 爲《神女》、《感甄》之濫觴,山、河、天、帝, 轉移 而 城 以 ,副笄以飾其首,闕翟以章之身,髮 清 誰 而 謂歟? 而 傾 而 一國母儀乎? 堪 衣而蒙以縐絺, 绁袢而爲之束素 輕 人 愈 可 息朗,額 重 國,何其媚 與君子偕老乎? 不 是詩也、《春秋》法寓焉矣。 同 加加 也 故當其嚴妝而奉祭祀 廣 如 及其靚妝以見賓客 也! 而 是 則即此服飾之間 彌 ?,則其· 也! 此非宣姜之 豐,又不啻傾 也亦甚矣,又 望之者又非 即 人 其 望之者 亦可 恒謂 君 如 知

所能釋」者。

嬌姿。二面對觀,褒貶自見。神帝女之下降。〔三章〕其淡妝也又如是,不過國色之落到不淑,起下二章意。〔二章〕其嚴妝也如是,儼若天落到不淑,起下二章意。〔二章〕其嚴妝也如是,儼若天

達曰〕以玉爲之,惟祭服有衡笄。 於頭上,垂於副之兩旁,當耳,其下以紞懸瑱。 紞懸瑱。 次長之稱。 兼用衆物成其飾也。 中,未出 據此言侯伯夫人爲六,王后則多少無文也。 飾之最盛者,所以别尊卑。 曰〕鄭氏云:「珈,古之制所有,未聞。」按,加于笄上,故 日]王后首飾曰副。 珈 五分,高三分,予家有數枚。 [孔氏穎達曰]言六珈,必飾有六,但所施不可 ,猶今之釵頭,以滿玉爲之,狀如小菱,兩角向下, 集釋』副 人間,鄭故未 [馮氏復京曰]衡、笄二物,衡垂於當耳,笄横 笄衡笄也。 祭服之首飾,編髮爲之。 副,覆也,以覆首。 [《爾雅》]《釋詁》「審也」注:副者。 見。 垂於副之兩旁,當耳,其下以 鄙 〔鄭氏康成曰〕如今步摇上 儒 漢時,三代玉物多殉土 以鄭去古未遠 珈〔毛氏萇曰〕珈,笄 亦言副,貳 〔姚氏際恒 〔劉氏熙 〔孔氏穎 謂 其言 也, 知,

鬒黑也。 之象服 骨 切切也。 晳 曰 妻髮美,使髡,以爲吕姜髢」是也。 鬄也,猶今之假髮。 不用,猶云不消得髢。 色、皆備 下,如王后焉。 氏穎達曰〕 之服也。 山 多可 **揄翟,闕翟也。** 班鮮盛貌。 委委佗佗〔郝氏敬曰〕委委,舒徐。 也。 揥 白 如河〔郝氏敬曰〕委委如河,佗佗如山。 信,于此 也。 ,則所謂予欲觀古人之象,日月星辰之屬。 揚「張氏彩 揥〔孔氏穎 成章 不屑,不切于用 〔鄭氏康成曰〕象服者,謂 胡然 如雲多而美也。 象鳥羽 翟祭服刻繪爲翟雉之形也。 Ė 乃知真瞽説 〔鄭氏康成曰〕侯伯夫人之服,自 (嚴氏粲曰)鄭氏云:江淮而西,青質五 揄。 而天,胡然 而 H 達 哀十七年《左傳》曰 揄 畫之,故謂之象服也。 日」以象骨搔 眉 〔《集傳》〕訓屑爲潔,非。 翟 也。 目 則 也。 以 畫 〔陳氏推曰〕不屑,只薄之 不屑屑,[《説文》]動 踈 而 揄雉 此 秀爲美,故以 帝言 **揄翟、闕** 言其製尚詳,存之。 首, 瑱塞耳也。 闕 佗佗,安重。 因 「衛莊見己氏之 其服 翟刻 以爲飾,名之 〔毛氏萇 翟也。 象服 飾 淑 揚 而 容貌之 揄 見 不 善也。 象象 翟 人君 法 稱 畫 日 如 髲 作 而 度

視清明 展衣也。 傳》曰〕以 其精尤細 曰〕展衣,夏則裏衣縐絺。 從檀爲 記 作襢衣。 》曰「世婦以襢衣」,是《禮記》作襢衣也。 ,見者驚爲天人帝女,胡爲而在此也。 也。 IE 〔孔氏穎達 展衣蒙絲絡而爲之繼袢,所以自斂飭 靡者總也 「鄭氏康成 顏額角豐滿也。 蒙覆也。 質細而縷縐 曰〕《玉藻》云「一命檀衣」、《喪大 日〕展衣宜白。 **縐**締當暑之服 [孔氏穎達日]葛之精曰絲 維神束縛意。 展衣字悮、禮 也。 瑳亦鮮 「鄭氏康成 展爲聲悮 也。 盛 《集 記 清

元。 六銑,叶諸延反。 宜四支,叶牛何反。 叶 髢八霽。 標韻」珈 韻 揥、 六麻,叶居何反。 袢十三元。 何 皙、帝 五歌。 並同。 叶 顏十五删。 韻。 佗五歌。 叶韻。 翟十二錫 媛十三 河同。 展十 叶

桑中刺淫也。

爰采唐矣,沫之鄉矣。云誰之思? 美

淇之上矣。一章 爰采麥矣,沫之北矣。云 中,要我乎上宫,送我乎淇之上矣。 三章 之東矣。云誰之思? 美孟庸矣。期我乎桑 誰之思? 孟 上宫,送我乎淇之上矣。 二章 姜矣。 庸, 東、又匪一其地也、曰孟姜、曰孟弋、曰 葑,匪一其采矣, 曰沬鄉、曰沬北、曰 陷其身於所刺之中。是誤讀詩詞,而未嘗 詩,不應曰「期我」、「要我」、「送我」, 所自作,則與《序》異。蓋其意以爲刺人之 深探其旨耳。 可止」。《集傳》亦主其説,而惟以爲 在位,相竊妻妾,期于幽遠,政散民流 刺奔」。《大序》謂「男女相奔,至于世族 更匪一 右《桑中》三章,章七句。《小序》 期 美孟弋矣。期我乎桑中,要我乎 我乎桑中,要我乎上宫,送我 其人。而期而要而送之者,則 夫詩之所咏, 曰唐、曰 爱采葑矣,沫 又自 奔者 而 沫 不 謂 乎

之人 身以 未必 自咏 其 此姜與弋與庸則尚 亦不外此姜之孟、弋之孟與庸之孟 沬之鄉、沬之北、沬之東耳。 即所思之人, 不外此唐與麥與葑耳。 同會於一席之地。 而 期 而 必 真 不過代詩中人爲之辭耳。 賦 所 於桑中之上 自 地 如是之巧且奇,同期於一日之中, ,則詩中之事亦非賦詩人之事。 其 期 有其事,特賦 冉 即 事 陷 時三地之人之事,則其人必 三人同 而 冉 所 也 於所刺之中可知矣,而 謂 而 地 ,何哉? 浙 期 言與 會 \equiv 乎 我要我送我,又豈 於 人 ? 是詩 在神 詩 畢 此 淇 乎? 上,豈 人虚 集 賦 此 靈恍惚、夢想依 所遊之地,不外此 於此乎? 後 中人亦非真有其 詩之人既 想。 世 抑三人三 一所謂 人 且詩 所采之物, 猶謂 耳。 中事 真 非 不 無 以 時 之爲 能 時 題 姗 賦 詩 所 而 詩 中 分 各 詩 姗 即 亦 期 稀

> 間 取 此 不 隆 也。 不 俗 時變,故必有是 國之音者,則又何故? 又何必爲 云 畫樓西 以 詩 替 可不深長思也 與 知 猜疑莫定耶? 而後爲是詩。 其 「聞其音而 李氏 爲 亦 濮 國之將亡乎? 戒 其 上 商隱詩云「來是空言去絕蹤 固 類 動 此 畔 也, 疑 輒 不徒 桂堂東」,使真 並 是疑非、若遠若近之詞 藉 知政治之得失,讀其詩 心 詩與 稱, 然則刺淫之詩亦謂之亡 爲 使 而 淫者 空言 雖 後 風 古來 未 成 夫音由心生,詩 爲 發 亦 必 是俗,亦必 轉移 即即 專 亡 有其 鍋 指 國之音,桑 時因 世 作詩者 此 人在 運 一,聖人 詩, 心 因 工,又 "; 使 「則 亦 隨 尚 爲 是 而

期所要所送之地則一,章法板中寓活。【眉評】三人、三地、三物,各章所咏不同,而所

書 》所 所謂 集 沫邦者也 唐 蒙菜也,一 宫〔王氏應 名 兔 絲。 麟 日 沫 |《通 衛 典》: 邑 也

四 五

是鄘國之姓。 國,漢有庸光及膠東庸生,是其後也。 葑蔓菁也,見前《谷風》篇。 《公》、《穀》作「定弋」,蓋杞女,夏后氏之後,亦貴族 衛 州衛縣有上宫臺。 鄘爲衛所滅,故其後有仕於衛者 要猶迎也。 庸《補傳》曰: 弋《春秋》「定姒」, 傅氏 鄘本庸姓之 日 孟 庸 也 當

叶韻。 通 東。 韻 宫同。 標韻】唐七陽。 與上三韻叶,後二章應。麥十一陌。 同。 通 本韻。 韻。 葑二冬。 下二章同。 鄉、姜並 同。 東東。 上二十三漾。 本韻。 北十三 庸 中

鶉之奔奔 代衛公子刺宣公也。

爲兄。一章 鵲之彊彊,鶉之奔奔。人之無鬼,我以

良,我以爲君。二章。

「刺衛宣姜」。《集傳》以爲衛人刺宣姜與右《鶉之奔奔》二章,章四句。《序》謂

何人? 勉强。 但 蓋刺宣公也。」兄與君似無所礙,而君之弟又 『我』皆自我,而『爲兄」、『爲君」,乃國君之弟所言耳。 良」,何以謂一指頑一指宣姜也? 公,而我爲君之弟,姚氏際恒曰"「均曰「人之無 以兄爲頑,則君無所指。即上說解君爲小君,甚 謂人之倫行無傷耳。 所託,言之無傷,然必其人倫行先喪 爲此惡言以刺之,有是理乎? 雖 之,諫之不從諱之可也,逃之亦可也, 公,親生母也。親有過子唯當泣涕而 此言出,天理絶,人道盡矣。宣姜之于惠 反以爲君。 曰人之無良,鶉鵲之不若,而我反以爲兄, 頑 非 時不得其解耳。 匹 以君爲惠,則兄將誰 耦 此皆難 而 君即小君,指宣姜也。 相從,故爲惠公之言以刺之, 通之論 且其詞義亦甚 且其詞意甚率,未免 也。 屬? 大抵 [人] 即一人, 詩 必有 以 嗚乎! 人指 日 所謂 難 或 而 而 善 解。 官 乃 諫

四六

隱 較《集傳》爲婉,唯君未有解。 公子刺宣公作,庶幾有合於詩耳。孔氏穎達 君語 而 尚 有傷忠厚。 曰:「言人行無一善者,我君反以爲兄,而不之禁也。」亦 雖 可爲詩乎哉? 而 不論焉可也。 :,方和平不失温柔之旨。 且當作代 無良,我不敢不以爲兄,不敢 猶作未盡 《牆有茨》一章,雖 辭。 ○即使姑從姚説,亦必 或有别解 此則 直 ,則未可知 唾 而怒駡之, 臼 直 言 不以 存 衛 日 無 爲

【集釋】鶉鸙屬。〔寇氏宗奭曰〕鶉初生謂之羅 第,至初秋謂之早秋,中秋以後謂之白唐,蓋一物而四 鶏,至初秋謂之早秋,中秋以後謂之白唐,蓋一物而四 鶏,至初秋謂之早秋,中秋以後謂之白唐,蓋一物而四 之貌。〔陸氏德明曰〕《韓詩》云:「奔奔彊彊,乘匹 之貌。〕

元。君十三文。通韻。 【標韻】彊七陽。兄八庚。轉韻。奔十三

定之方中 美衛文公再造公室也。

後北。 矣。 木。 日。 人,秉心塞淵,謀慮。騋牝三千。 倌人。星言夙駕,説于桑田。 相其陰陽。 爰伐琴瑟。 作于楚室。 登高望遠,以察來脉。 定之方中,月。 終焉允臧。二章 降觀于桑,觀其流泉。 器用。 地。 作于楚宫。 樹之榛栗, 椅桐 一章 望楚與堂,景山與京。 靈雨既零,課雨。 升彼虚矣,以望楚 富彊。 卜云其吉,卜其 勸農。 揆之以日, 梓漆,樹 匪直 命彼 也

《傳》乃以魯僖公城楚丘備戎事實之,則小 帛之冠,務材訓農,通商惠工 民同勞,共 宣姜子,乃能於流離播遷後,痛自損抑,與 人之好逞異説惑世 是詩」,與《春秋傳》合,固 文公徙居楚丘,營立宫室,國 「美衛文公也」。《集傳》云「衛爲狄所 右《定之方中》三章,章七句。《序》謂 圖 恢 復。 而誣 史稱其大布之衣,大 民者也。 無 疑義。 敬 人悦之而 教勸 文公亦 而 僞 作

邦。 不數 其 詩 乘 授 興 秉 自 力 則 無 不禁反覆咏歎,三 再造之功不可泯 也,在 (卜築楚丘也,始則騐中星而 ·, 可 逸,躬親 升 常,亦足見人君撥 彝,非關 云「秉心塞淵 方任能 規模宏 其後 | 墟 隴 年 謂 而 其子 盛 孔 戎馬寖强,蠶桑尤盛,爲河北 而 矣。 氣 課農,星言税駕,率以 元年革車三十乘,季年乃三百 察 子適衛,猶有「庶哉」之歎 遠,經營具備,而 類。 地 」一語,實爲致治根原。 然究其所以致此之由 雖 也。 利, 一致意於其際 衛之亡也,以其母, 日 終 天道福善禍 亂 愚於是歎人生自 則 反正,尤宜 教 樹畜 尤 焉 重天時 不 爲 淫 而 常。 敢 有要。 一本自 盡 自 而 暇 其 繼 觀 有 則 巨 故 則

築之始。〔三章〕終言勤勞以致富庶。「秉心」句是全詩築之始。〔三章〕終言勤勞以致富庶。「秉心」句是全詩

漕虚 度也。 蓋地 以竹筒針 〔《集傳》曰〕漆木有液 參日中之景以正南北也。 郡,猶在 星 木高二三丈,皮白,葉似椿, 宜琴瑟。 日椅,大類 今東郡界中。 宫室,故謂之營室。 (傅氏寅曰〕堂,是今博州堂邑。 晉侯登有幸之墟 鄭志》:張逸問楚宫今何地? 集傳》曰〕 也。 也。 有故墟高,可 集釋】定星名。 樹 此星昏而正 濟北 [孔氏穎達曰]文公自漕徙楚丘,故知 八尺之泉,而度其日之出入之景以定東西,又 入木中取 梓〔蕭氏炳曰〕梓樹,似桐 同]景,測 故曰 而 杜預 小 也。 景以 登之以望,猶僖公二十八年《左傳》稱 别 之。 云 濟、 中,夏正十月 楚宫楚丘之宫也。 也。 黏黑,可 河 楚丘,濟陰成 正 堂〔毛氏萇曰〕楚丘 [《集傳》云]定, 爰於也。 間 方面 桐有 椅桐 也。 花似槐,子若牛李,六七月 飾器 青桐、 也,與 答曰: 楚丘在 博、 也。 「陸 揆日〔《集傳》云〕揆 物。 虚 而葉小,花紫。 濮 白 一既 武 氏 於是 二州 〔毛氏萇日 桐 璣曰〕梓 縣 「蘇 北方之宿, 孔 景 西南、屬 赤 時 迺 氏頌 有堂邑者。 連 氏穎 濟、河 可 桐 岡」之景 境。 升漕 寶桐 以 日 達 濟陰 白 誉 誉 墟 虚 間 日 景 漆 治 室

四

八

同。 類。 字 謂桑木。 卞 騋 牝馬七尺以上曰 達曰〕以命之使駕,故知主駕者。 靈 辨土宜哉? 望之而已,獨未身歷 楚丘之傍,與漕墟相屬而降觀之。 桑亦地名。 言 國馬供用,牝牡俱 爲塞實。 也。 恒日〕星言,猶今人言星速、星夜,舊 人爲何官也。 「觀其 雨、瑞 . 騋馬 無著落。 日〕兖地宜桑,如 蓋升望景皆遠觀山勢,降觀則近察流泉,如《公劉 或曰,景,山 [鄒氏泉日]懷國家根本之圖而 流泉」之觀。 與 雨 建國家久遠之策而不狃乎近慮,所以爲淵深 按,此章通是相地形勢,似不應夾入桑木。 牝 降 《鄘風》「桑中」,舊謂沬鄉中小地,今意當 馬 [愚案]桑不惟地名,且似水名,如桑乾之 説舍止也。 而 星〔范氏處義曰〕謂戴星命駕。 應物者也。 名,見《商頌》。 有。 故疑爲水也。 桑間、濮上可驗也。 楚 騋。 丘 或七尺六尺,舉騋牝以 〔孔氏穎達曰〕三千言其 ,何緣便降至其下,察樹木 秉操也。 倌人主駕者也。 京高邱 諸侯之禮亡,未聞信 靈 且詩云「望楚」,亦第 謂 不事乎虚文,所以 雨 塞 雨 「姚氏炳日 也。 〔黄氏一 實 止 也 見星,則言 桑〔蔡氏 互. が姚 孔 總數。 正 見,故 淵 氏穎 氏 日 」舊 際 而 疑 深 在

> 千並同。 楚六語。 陽。 室、栗、漆、瑟並同。 轉 標 韻。 韻】中一東。 叶 通 零九青。 韻 韻 堂七陽。 本韻。 人十一真。 宫同。 京八庚。 虚六魚,叶 本 韻。 田 桑、臧 先。 日 起吕 四 並七 淵 反 質

姻 有行,遠兄弟父母。二章 母 兄弟。 也。 蝃 大無信也,不知命也。 蝀 一章 在東,莫之敢指。 朝隮于西,崇朝其 乃如之人也,懷昏 女子有行,遠父 三章 雨。 女子

蝃

蝀

代衛宣姜答《新臺》也

此詩若以刺淫爲辭,則「遠父母兄弟」及考《大序》固屬附會,《小序》亦未得其要。序》,而又疑《大序》之歸美文公爲未有。序》,而又疑《大序》以爲「衛文公能以道化其民淫奔之恥,國人不齒」。《集傳》本《小其民淫奔之恥,國人不齒」。《小序》謂

大無信」、「不 知命」之言,終覺費

是矣。 刺宣 爽 子,而又遠自齊東,來嫁衛西,父母兄弟均 臺》,互相解嘲,亦諷刺中之一體也。 意同者曰 氏楷以爲 何 無 也,是不知天緣之自有命在也。 無所依。 新臺》相爲唱答耳。 新臺》,此不當更又有詩。 不知命」之言頗爲近似。 從,其 之美,罔顧 夙 日,予之失節,豈得已哉? 三姜,故詩人又設爲宣姜之意代答《新 約 但此詩舍却宣姜别無 如父母兄弟遠在他方, 亦 刺宣 當其初來,亦以爲兩姓昏姻,不 和,彼此意異者曰答。《新 詎 如 料 蝃 倫常之重,竟奪子婦,是 一公奪 衛君其人心懷回 蝀 之在天末,氣本淫邪 仮 唐人唱酬 婦事,則「大無 然《邶風》已 姚氏際恒 予固 他 測 詩體、彼此 無所控 予時 解 ,只戀 解。 弱 臺》以 其意 一駁之 雖 蓋 無 信 告。 而 信 新 女 與 有 欲 何

> 晴 遽定,故但申其意旨如斯 去,全詩豁然,毫無滯 莫之敢指,一 而 忽爲 雨 ,亦末如之何 任其 (朝見 礙。 西 也 而 而 特無實 已矣。 暮 見 證 東,忽爲 依 未 此 敢

以比宣公,可謂巧 眉評】天地淫邪之氣,忽雨 譬 而 忽 晴, 東西 無定。

雄,雄 璞曰: 雨。 此義。今人多見晚虹 方,終其朝則雨氣應。 〔孔氏穎達曰〕《釋天》云: 螮蝀謂之雩,螮 天地之淫氣也。 然成質,似有血氣之類,乃陰陽之氣不當 而暮東也。 ¥ 崇,終也。 煇九 姚氏際恒日 日 俗名爲美人。《音義》云: 集釋』〔《集傳》曰〕蝃蝀,虹 虹,闇 日 〔陸氏德明 隮 者爲雌,雌 謂 注以 在東者,莫虹也。 終 〕虹,暮見于東則雨 朝 而 《孟子》「若大旱之望雲霓」,亦是 爲 日 雨 雨 □蝃 虹 也 Ė 止,若朝虹者,在日影 霓。 蝀、《爾雅 蓋 鄭 忽然雨 氏 朝 虹雙出 虹隨日所映,故朝 曰 也。 隮 止,朝見 見, 》作 隮, 朝 色, 交而 蝀 而與雨交,條 有 如 螮 升 升 鮮盛者 虹 人也。 蝀,音 于 自 交者, 氣 西 也。 下 于 初 則 而 《周 同 西 爲 升 爲 郭 西

時,多卧而未見,故誤認虹惟止雨。

姻同。 麇。 母二十五 本韻。信十二震。命二十四敬 韻】指四紙 有,叶 滿補 反。 弟 八薺。 叶 韻 通 人十一 韻 通 韻 雨七 真。

相鼠刺無禮也。

何爲? 人而無禮,胡不遄死? 三章 止,不死何俟? 二章 相 鼠 一章 有皮, 相鼠有 人而 無儀。 齒,人而 相鼠有體,人而 人而 無止。 無儀,不 無禮 而 無 死

也 以 夫麟鳳尚有威儀,龍馬必多精神。 人之所 鼠之皮,則未免輕視禮儀,獸皮之不若矣。 皮,人而 刺無禮」,諸家皆然。唯舊説多云鼠 異 倘 於禽獸者,禮義以制心,威儀 右《相鼠》三章,章四句。 去 無 此威儀禮 儀,則鼠之不若。以人之儀 義 而不之檢,則是卑污 《序》以 以 飭躬 尚 喻 有 爲

> 電文公訓誥臣民之辭,亦頗近是,存之。 職而已矣。雖欲求爲禽獸之長而不可得, 是一之。 以自立於天地之間? 固不如速死之爲愈以自立於天地之間? 固不如速死之爲愈以自立於天地之間? 固不如速死之爲愈以自立於天地之間。 固不如速死之爲愈

也。 遄速也。〔吕氏祖謙曰〕韓愈《聯句》云:「禮鼠拱而立。」上容止鼠,見人則交其前兩足而拱,謂之禮鼠,亦或謂之拱鼠。

四紙。通韻。本韻。體八薺。禮同。死四紙。止、俟並同。本韻。體八薺。禮同。死【標韻】皮四支。儀、爲並同。本韻。齒

干旄 美好善也。

四之。彼姝者子,何以畀之。一章 孑孑干 不完,在浚之郊。素絲紕之,良馬

者子, 城。 旟 在, 素絲祝之,良馬六之。 浚之都。 何 以予之。 素 二章 絲組之, 子 良馬 孑干旌,在 彼姝者子,何 五之。 浚 彼 以 之 姝

也。 也。 作」、《集傳》與 之,則雖 道之君,略分下交之臣,不肯 廷,或伏處城郭,或遠在郊畿,非 道仁人君子之深謀碩畫, 之情所以 無不宜。惟《蝃蝀》非是,此又不 公敬教勸學,授方任能,則以此詩屬之,亦 而 美好善」,從之。惟《大序》謂 此二三有道仁人君子,又不肯共 而賢大夫所賴以贊襄國政者,二三有 夫人君 右《干旄》三章,章六句。《小序》以 有 隔而三代之風所以 深 朝夕所與圖議 謀 姚氏均有 碩畫,亦 無 所 相 國 疑。 由 與以有 政者,賢大 親詣 達。 邈 「爲文公 也。 然史稱 有 可不 此 好 而 成耳。 立 上 往 善 兹 夫 何 訪 闕 時 下 知 文 爲

> 者,亦有以哉 樂者比。 久矣。 道仁 賢大 深,望治切,非復前日之淫亂無禮,耽于泆 深思而切盼之,不禁形爲歌 也,但不知其將何策以獻耳。 圖治,孜孜不倦者,亦可知已。爾二三有 深幸之心者也。 城邑,廣詢周諮,以臻上理,則其君之勵 幸文公之世而 夫則乘車馬 人君子,亦如西方美人之繫人懷思 其亦可以無事深秘開 故其終能 有 蓋衛之君臣,至是而 建 此樂取人善之君若 恢復衛 旌旄 遠適郊畿 室 詠,以 而 此詩 誠 再造 而 紀 人 布告之 近 臣,其 、所爲 侯 慮 服 事 時 世

此 名。 旄,以 旌 須以縷縫之使相連。 旗之旒終 紕 旄 集 織 牛尾注於旗干之首,而建之車後 組 釋】子子特出之貌。 也。 也。 〔孔氏穎 終謂 繋於 四之兩服兩驂 達曰〕以素絲爲線縷,所 旌 旗 之 干 體 旄魚集 也。 謂 董氏追曰 終 傳 浚 末 》曰〕干 之垂 以 衛 邑

族,以 旟 者子」,皆稱女子。 人也。 馬 而 由 之干旌。 其注旄於干首,謂之干旄。 方美人,亦稱聖王。 在 祝之。 少 《周 而多,言其盛極也。 車 象鶉火。 が姚 中 禮 故初言紕,中言組 其實皆旟也。 爲服,在 》』《司 氏際恒 [朱氏善日]鳥隼,於旟畫 常》 日 車外爲驂。 今稱賢者以姝,似覺未安。 則 []《邶風 鳥隼 稱賢以姝,亦無所疑。 都下邑曰都。 祝屬也。 以其析夏翟之羽以爲綏,謂 爲 ,終言祝也。 》「静女其姝」、《鄭風 旗。 姝美也。 [《考工記》] 鳥旟七 (王氏安石曰)組成 五之、六之 鳥隼爲飾。 子,指所見之 **界**與 〔案〕西 公》「彼姝 九也で 以

城 韻 真。 同。 四、

、

東

並 組 本韻。 七虞。 韻」旄 同。 五同。 祝一屋。 四豪。 本 . 韻。 子 六同。 郊三肴。 六語。 旟六魚。 告二沃。 通 通韻。 韻。 都七虞。 旌八庚。 通 紕 韻 通 兀

載 馳 衛 許穆夫人自傷其國不能救 也

載 馳 載 騙 歸 唁 衛 侯。 驅馬悠悠,言至

> 有行。 于漕。 三章 五章 既不我嘉,不能旋濟。 君子,無我有尤。 野,芃芃其麥。 嘉,不能旋反。 陟彼阿丘,言采其蝱。 許人尤之,衆稺 大夫跋涉,我心則 控于大邦,誰 視 而 百爾所 不 視而 臧,我思不遠。 且 憂。一章 狂 思,不如我所之。 不臧,我思不閟 女子善懷,亦各 因 四 誰 章 極 既 我 不我 行

夫

其

紛紛 章四 或 甯未 疇 與未歸 詩爲許穆夫人自傷不能救衛之作,事 春秋傳》,諸家能言之矣。然夫人之歸 不 一句, 破 之聞 思 如聚訟 右《載馳》五章,一章六句,二章三章 恤 衛,及歸 其 四章六句,五章八句。 ? 家 is 然,真 即 而禮 己 殘 使 而 迫 流 有所制,事 未至爲 可笑也。 不 離 暇 几 思,遑遑 許 散 夫宗 不得施 大夫所阻 野 從舊本。 或 處 而 傾覆, 漕 歸,其 夫人 又 衛 見 此

Ŧi.

四

許 諳 狼 愚 夫 夫 難 又 使 力 己 已 自 無 能 不 口 何 許 爾 歸 見 狽 如 能 傷 人 忘 率 行 人 人 口 斷 大意。 耳 事 難 或 唁 不 雖 之 何 而歸,若無 歸 耶 多 即 不 之勢。 衛侯。 之言: ? 富 大夫縱 能 至, 事 時 無 至 欲 亦 兵强 旋 首章言「大夫跋涉,我 救 謀 今既 將 此 亦 控 也。 反 蓋 衛 安 將 即 非 大 足足 夫人初 然 以 雖 了,又不 極 顧忌,成 止 不 詎肯 閟 「陟 謀 邦 然則 濟 馳 而 跋 乎? 以 能 塞 亦 我之所 驅 大 彼阿 涉 制 邦 如 能代控 以 不 不 河 以 聞 詩 狄 將 臧 通之謀,特 願 而 至 衛 何 此 而 何 丘,言采其 則率 婦 爲 誰 ,我之憂 救宗邦 我 一於漕 事 破 時 思 以 我所 大邦、 憂方 人 控 則 必必 體 欲 賦 忽 ? 而 師 ? 歸 ? 心 並 遣 難 嘉 此 赴 故 此皆未 夫 思 視 其 則 非 無 而 日 我 蝱 難 釋 而 或 人 何 于 能 臣 憂 大 而 亦 : 也。 行 代 以 責 以 時 大 遠 無 又 抑 爲 雖 或

雖責許 業。 遠 婦 以 知。 謀,終不如吾一女子所思尚得 救 爲 多言 既 何 懷 公之柔 療 桓 爾大夫君子尚其無我尤哉? 見 衛 哉 鬱 果 男子,能 也 人 不 而 復 義 夫人 力 善 能 但 各 積之氣已矣。 亦 ,亦當爲控 憤 懦 大夫乎? 謡 衛 不 馳驅赴義,是無 有 以 煽 將 雖 知 之 無 道 而 行其野 子 以 處 成 氣 能 其 亂 所 無 巾 媿許之君若 霸 誰 人 視 雖 如 而 幗,實勝丈夫。 ,於芃 實責穆公耳。 可 大邦,共扶危亡 心, · 非 不激於男子 爾 然後歎夫人之所 許人之好爲 然吾 因 許 非 稺 依 芃隴 能 人之尤而 狂 雖 即 而 也, 弱 惑 臣 狂 誰 乎? 麥間 女子 耳 凡 稺也; 其 實 何 議 聖 觀 要 爾 而 至之 者? 一,以 非之也 其 猶 論 也。 則 使 亦 此 白 X 見 後 存 也 則 計 成 而 取 雖 我 頗 耳 齊 於 之 夫 穆 此 啚 霸 無 又 口 而 善

極佳。〔四章〕再開一筆,局尤舒展。〔五章〕至此乃説倒裝文法。〔二、三章〕纏綿繚繞,含下無限思意,文勢【眉評】〔一章〕馳驅乃跋涉大夫,非夫人也。是

明主意,仍作虚想之詞。

閉也。 傳》云: 跋涉〔《集傳》曰〕草行曰跋,水行曰 反,麥盛貌。 丘偏高曰丘。 「弔失國曰唁。」若對弔死曰弔,則弔生 集釋】店〔孔氏穎達日〕 控告也。 行道也。 因依也。 尤過也。 昭 極至也。 涉。 公二十五年《 嘉善也。 芃芃 日 穀 蒲 閟 唁 紅 梁

同。 八霽。 一
尤。 尤,叶尤其反。 轉 悶 四 真。 標韻】侯十一尤。 韻 叶韻。 麥十一 通 反十三阮。 思四支。 陌。 韻。 極 蝱 漕 之同。 十三職 八庚。 四 遠同。 豪,叶 叶 行七陽。 祖 本韻。 韻 通 一侯反。 狂 尤 濟 憂

乎? 或者事雖衛事,詩則鄘詩。除《載馳》一篇外,衛詩。即《載馳》雖作自許,而亦爲衛發,何以謂之鄘以上《鄘風》,凡十篇。案,此册大半皆

之正乎? 遠甚。 《定之方中》甚典質不佻,《干旄》亦雍容大雅,其變風 近於鄘,故鄘作較多。 前多邶風,宣、惠以後多鄘風。 列,則其詩爲鄘 餘皆鄘人作也。 然自許詩,非關鄘俗,附載《定中 惟《君子偕老》差奇麗 至《載馳》沉鬱頓挫,感嘅唏嘘,實出衆音 詩也無疑。 觀《桑中 其詩尚廉厲而寡文,不及邶風 》盛稱孟庸之族,與姜、弋並 且同咏衛事,而 ,而又開後人繁縟 蓋文公廬漕 城 宣、惠以 楚,地 派

《地理志》: 墟。 下,猶獨置衛君,凡九百年,最後絕。 叔封畛土略,自武父以南及圃田之北竟,封 都,康叔所封, 更名衛。 吕氏曰: 王氏應麟曰:《地理 成公徙於帝邱,今濮陽是 衛自康叔受封,至君角,凡四十世。 志》: 《左傳》: 河内朝歌縣,紂 祝佗曰: 也。 秦并天 了於殷 分 所

淇奥 美武公之德也。

五. 五. 衛

Ŧī.

瞻 竹 有 會 戲 虚擬成德。 呃 如 兮。 謔 弁 彼 如 匪 磋 簣。 君子 如 淇 兮,不爲虐兮。 如 儀 星 奥,緑竹 琢 ,終不 寬兮綽兮,猗 淇 有 如 實寫 奥, 匪 有 磨 君子,如 服 青 匪 可 緑 飾。 諼 青。 君 虚 竹 言語妙旨。 寫 子 兮。二章 猗 瑟 功 終終 重 有匪 猗 一分僴 勤 金 較 如 不 君子,充耳 兮。 瑟兮僴兮, 有 錫, 可 兮, 瞻彼 匪 諼 儀 如 赫 君 今。 容妙 圭 淇 兮 子 旨 如 奥,緑 咺 琇瑩 赫 如 章 璧。 兮。 分 切

爲此 矣,試 言 以 墨守宋學者,胡不 其 表 成 緑 、又不 尊 德,金錫則 實 竹 右《淇奥》三章,章九句。 問問 嚴之象, 興起斐然 篇 磨 知 中 而 作 有 充 致之精。 比 何 半 君 耳 其精 取 妝 點 子 而 此 點 塵 飾 言彼 純 腐 而 乃能 光昌 次章言威 熟 氣 圭 學 誦 否 己之容。 璧 此詩 成 問 ? 之? 而 方 使 儀 切 道 兹 磋 首 宋 冠 世 學 章 之 温 弁 人 以 極

> 咨做 妙也。 賢 然? 佐周 乎心 差,又何嘗有道學嫌 可 語默無不雍 勉强之迹。 咺 已 然 潤 謂 ,猶有矜嚴之心; 0 知其學之日進 而 固 於朝 平戎 至矣。 性 不 均 然 各帶 史稱武公修 見 ,内美既充,外 轉 則 有勳 受戒 面 念間 初 即 故篇末 容中道。 盎 其 年 背者。 武 儀 哉 王 不 篡 公一 無 容 室。 . 怠。 弑 疆 又言及善謔 康叔之政,百姓 以 終乃寬 哉? 生學 詩之摹寫有道 也。 故 容必盛,未 《國語 贊 晚 今觀 但 美之。 成 術 始 即 此 聖 詩 兮綽兮, 义 ,次序本 雖 威 古人用筆之 德 詞 ,以見容 瑟 儀 稱 有 蓋 育 一、僴 動 英雄 其 德 德 和集 氣 静 耄 絶 赫 不 末 成 容 間 不 而 11-無 啐 根

【眉評】[三章]寫儀容又變。

劉 氏彝曰 集 奥 釋 謂水涯 奥 隈 也。 彎 曲 之地 爾 雅 猗 厓 猗 内 爲 集傳 奥 日

其精 瑟、僴、赫、咺别爲贊儀容之辭? 以切、磋屬骨、角、琢、磨屬玉、石、又以切、磋與琢、磨各 象謂之磋、玉謂之琢、石謂之磨」,亦自有義。《集傳》則 石 使其滑澤也。 記 猗 也 如 詩 釋爲四事也。 豈有切、磋、琢、磨四字平列而知其分學與修之理? 分先後,並不可解。 磨〔朱子曰〕切、琢,皆裁物使成形質也。 (大學》釋「切磋」爲「道學」,「琢磨」爲「自修」,「瑟僴」爲 恂慄」、「赫咺」爲「威儀」。 、骨諸物之名、本不必分。《爾雅》分之曰「骨謂之切、 ,始生柔弱而美盛也。 , 豈不謬哉? 皮弁也。 瑟彼玉瓚」之瑟。 謂弁之縫 Ě 也。 充耳瑱也。 且 「姚氏際恒日〕切、磋、琢、磨四字,大抵皆治玉 其 [毛氏萇日]皮弁所以會髮。 ,中飾之以玉 《大學》非解詩,今以其爲解詩而用 匪色。」匪 而 瑟矜莊貌。 琇瑩美石也。 復磋,琢 又全引《大學》之文以釋此詩。 僴威嚴貌。 者,有文章之謂 匪 ,皪皪而處 此古文斷章取義,全不可 而復磨,言治之有叙 ・斐通。 〔曹氏粹中日〕瑟,鎮密 與上義不連,亦不得 天子玉瑱,諸 〔王氏安石曰〕《考工 咺 ,狀似星也。 宣著貌。 「鄭 磋、磨,皆治物 氏康成 切 侯以石。 而 磋 **簀**棧 諼 以 益 日 也。 據 按 又 琢 平 忘 解 致

> 也。 較、若應爲敬則落手憑下式,而頭 式上,故曰重較。 (姚氏 生質之温 〔《集傳》曰〕言其鍛鍊之精純。 (范氏處義曰)較高五尺五寸,式高三尺三寸。 《禮記·檀弓》注: 際 恒 潤。 E 猗,倚 寬宏裕也。 [吕氏大鈞曰]古人立乘,若平 也。 簣,謂 亦 通。 綽 牀第。 圭 開 得俯 璧 重 大也。 即 較 [《集 牀 卿士 棧 傳》 猗 也。 較既出於 之 歎 日 门言其 車 金錫 則 也 也

青九青。 叶韻。 謔 錫十二錫。 十藥。 標韻】猗四支,叶於何反。 僴十五澘。 虐同。 瑩 璧十一陌。 八庚。 通韻 星九青。 **呾**十三元。 通 韻 通 綽十藥。 韻 諼 磋 五歌。 同。 簣 + 叶 磨同。 韻。 陌

考槃 贊賢者隱居自樂也。

獨寐寤宿,永矢弗告。三章歌,永矢弗過。二章 考槃在陸,碩人之軸。弗諼。一章 考槃在阿,碩人之邁。獨寐寤弗諼。一章 考槃在澗,碩人之寬。獨寐寤言,永矢

Ŧi.

所 居 陵厲 帝 何 曠 在 兩相 樂其樂,故《考槃》之繼《淇奥》,兩 先公之業,使賢者 可 下,亦唯學乃能善一身。 之自樂難忘 者之好學不倦也;《考槃》者,窮而 淇奥》後歟 處 以 適 溪 自樂之詞,詩意甚 王 刺。 無 駕 爲 澗 益 意 平陸,亦不過老屋三間, 右《考槃》三章,章四 之有? 耳。 吾之安樂窩矣。 之間,陋 前 馭 窮與達均不外學,蓋 六合。 不知《序》何 其志豈不甚壯? 也。 詩意若曰: ? 且隘· 然自 不知《淇奥》者,達 即 窮則獨善其身,達 豪傑 退 碩 明 矣。 以 而 之士 結廬 夫真 人視之則 謂 窮處」,豈 能善其 句。 即 無 唯學斯 刺 亦 或 所 人 風 不 然 莊 此美賢 深 謂 馳 游 在 雨 非 身然後 公不 神宇 傍 騁 甚 怨 塵 以 相 碩 則 而 能 在 牀,亦 曲 境 中 寬 形 兼 其 能 者 在 人所 善 亦 下 而 内, 阿, 原 也 實 能 天 善 者 繼 H. 繼 無 隱

> 紛擬 或獨 際。 運 樂 達亦何加? 必無意蒼生, 告,乃無 好弗踰也,雖有 是,所安即在是,雖終其身弗忘也,雖有 息 人之所以爲碩哉? 忘君心,程子。 行 轍 爲 議 故或 也。 寐 環 實僅一室之内。 ,或謂 而寤 中 可與 獨 碩人 總不出 寐 宿 況敢 告 其不忘 皆以 亦未 /之軸 均有 而寤言,或獨 者 所 耳。 有 必 得 編衷窺 此 君惡 以樂其天也 怨 有 盤旋 其或游 亦弗 在 於 望 碩 澗 鄭 人 闕 人 碩 不 告也。 八乎? 在 氏。 自處 人,詎 廷。 寐 過 心 阿、在 而 數 象外,亦只 或 寤歌 窮無 畝之宫, 如是,未 諸 非不 謂 所樂 其不 儒 陸 識 損 紛 欲 他 在 更

(李氏日)邁與窩同 子之宫」、《雜記》「路寢成則考之」是也。 〕槃者,架木爲屋,盤 集釋】考成也。 陸 結 高平日陸。 之義 が姚 氏際 也。 恒 阳 軸 日 曲 〕《左傳》「 槃〔黄氏 〔張氏彩 陵 日 阿 日 邁 正 仲

此樂告人,非不以告人也。得於心而難於言,雖言人亦旋轉不出乎此之意。 井告[朱氏善曰]弗告,謂不必以者,言其旋轉而不窮,猶所謂游於環中者也。亦有任其

未必信也。

〔姚氏曰〕弗告,猶不以姓名告人之意。

義均可通

屋。 韻。 軸、宿同。 阳 五歌。 韻】寬十四寒。 告二沃。 邁、 歌、 通韻。 過 言十三元。)並同。 本 韻。 諼同。 陸 通

朱堵 犀,螓首蛾眉。 手如柔荑,膚如 碩 河 礁, 翟 東宫之妹,邢侯之姨,譚公維私。 人其原,衣錦褧衣。 水 碩人敖敖,説于農郊。 碩人 洋 洋、北 弗 以朝。 巧笑倩兮,美目盼兮。 頌衛莊姜美而賢也。 凝 流 活活 脂,領如 大夫夙退,無使 齊侯之子, 施眾濊 蝤蠐, 四牡 濊 监 鱣 有 君 傳神阿 衛侯 如 勞。 驕 鮪 瓠 章

> > 淋漓

莊姜。 《序》因襲《傳》意而加一「閔」字於上,故 儀之盛,以深寓其閔惜之意云爾。]夫娶妻 無一語及不見答事,但言其姻族、容貌、禮 盛且備,而猶不見親於莊公,則莊公之爲 貴,容貌有如是之美,車服媵 見、恐非詩 必於色,聯姻必於富與貴,此真流俗人之 人豈非狂惑人哉? 姜美而能賢,非閔之也。案 公不見答之意,以爲莊姜族類有如是 云:「初,衛莊公娶于齊東宮得臣之妹,曰 集傳》解此,於每章下必補閔 其姻族、容貌、 右《碩人》四章,章七句。 美而無子,衛人所爲賦《碩人》也。」 人意也。 媵妾之盛,不禁心摇 嚴氏 使莊公之見莊姜,即 、粲亦云:「此 送又 ~,《春 此衛人頌莊 莊姜而咎莊 如 秋傳》 是 之 目 之

之異。 富,而 乎? 也。 月者 貴與 乎? 乎? 謂 而 賢焉者也。 耶 咏 揚 恃 炫 不咏其賢者,詩之所以善咏乎賢者 人 ? 乎? ,遂恃美挾貴以驕其夫,即可 此 婦 遂 美 之不賢而可謂之碩人乎? 不覺 必 詩 姻族、容貌、 夫所謂 莊姜 抑 自 下 曰 : 與 亦通焉。 滃雲,繪龍者必 然則詩何以不咏其賢,而 有 不 更 氣 富 也。 是 固 無 然 柔聲以 餘於富與美與貴之外,蓋 其富貴本其所自有,固不 詩 不 矣。 碩 而 當 詩發端不曰「碩 若 也,非 徒恃其貴,恃其美,恃 也 且詩 媵妾之盛,不覺 者,有德之尊 與之暱 又使莊姜之事莊公, 有 餘 然 亦未嘗不言其賢 莊 點睛,此 慕耶 則 姜之咏 詩 即 ? 非 可 當《碩 爲 免 稱 繪事之妙 僅 故 人其 曰 : 而 趾高 莊 也。 題 歎 狂 也 詩 姜 誰 足爲 眼 其 美 惑 頎 也 既 托 之 爲 且 其 咏 咏 氣 僅 誚

> 成,而 爲 情。 耶 美人耳,詩又何必浪 者,此類是也。 標 生色。 人所関歟? ? ,下可從旁摹寫,極 詩蓋咏其新昏時耳,安知其不見答而 至不見答於莊公,皆後 月 自 畫 現。 龍 既 不然,莊 詩 就, 古 費筆 有 然 意 言 鋪 後 姜 陳,無 墨 在 點 亦 日 而 不 此 睛 事 爲 過 而 非 之 意 滃 非 爲 寫 富 雲 初 在 此 來 照 貴 彼 己 碩

多。 章〕車服之盛。 容之美。 到底不露一賢字,而賢字自在言外 . 眉評】〔一章〕閥閱之尊,外戚之貴。 千古頌美人者,無 體貼入微。 [四章]邦國 出 此 二語。 一之富 唱 [二章]儀 也。 一勝之

氏際恒日〕錦衣,夫人用錦衣而嫁,貴也。 必 云女登車,「姆爲加景,乃驅」,即 褧 夫人翟衣而嫁,今衣錦者,在塗之服也」,非 加禪衣于外,《中庸》謂 或 作類,或作絅,或作景,皆同 集釋】頎長貌。 「其文之著」是也。 錦文衣也。 此。 ,乃禪衣也。 古婦人平時 褧 襌 鄭 也。 代氏日 **企** 若嫁 也。 盛服, 褧衣, 昏 「國君 時 禮 加 姚

謂之蝤 褧 之飾。 曰〕敖 倩,口 頸 白 夷茅之始生曰荑,言柔而白 譚 邢 不露見,車之前 盛 [《集傳 蛾 白 白 蘇 也。 也。 也。 而 而 公孔 侯邢,周 則 氏 體 轍 爲 敖, 輔之美也。 比 柔。 (蔡氏下日 「蠐,梁益之間謂之蝎。」以 蓋 領 翟 傳》〕蛾、蠶蛾 塗間 日〕譚 日 次 厭 猶 氏 翟車 頸 整 翟 鐮者,馬 穎 公之後。 瓠 頎 也。 一辟塵 齊 也,次其 近齊。 達 也。 後設 頎 犀 也。 日 〕蝤蠐,桑蟲也。 也。 蝤 也,又不同。 〔《集傳》曰 盼 一《春 降以 銜外鐵, 茀 也。 蠐 (黑白 螓 位杜 八羽使相 私公 蔽 説 秋》「譚 孔 自隱 鄭 其 氏 也。 分明 説 眉 也。 預 集傳 氏 氏 迫 〕瓠犀,瓠中之子,方正潔 駕 蔽, 細 穎 [孔氏穎達日]婦人乘車 君 康成 日 也。 在木中 也 也。 而 子奔 门邢國 東宫太子所居之宫。 凝脂脂 達 》日) 以 謂之茀, 蝤 長 朱纏之也 曰 曰〕螓,謂 蠐 夙 敖 曲。 苔 幩 姊妹之夫曰 食桑之腴, 白 在 孫 退 」,則譚,子 敖 鏣 寒而 而長,故 炎曰: 廣 倩〔《集傳》〕 因 〔《玉藻》 「鄭 平 節 以 蜻 凝, 襄國 也。 翟 氏 蜓 陽 鑣 故色 羽爲 亦言 康 以 也。 日 鏣 鐮 比 成 東

陸

著網

尾

發

發

然。

韓

詩

作

鱍。

菼

薍

也,

亦

謂

之荻

然後 流也。 大者爲王 其甲可以摩薑,大者不過七八尺。 下,背上腹下皆有甲,大者千餘斤。① 者,《左傳》曰 選云: 也。 不 日 據衛之河 適小寢, 出 衛境亦 而 鱣 視朝, 鮪,小者爲鮇 鮪形似鱣 《集傳 釋 也。 賜 有 退適 服 河,知 我先君履,西 Ĭ 施設 路寢 頭 河 鮪。 鱣 此 小而尖,似鐵 八孔氏 心聽政。 也。 是 魚 齊 發 似 罛 發「陸 地者,以 至於河」, 穎 龍,黄 使 魚罟。 達 人視大夫。 益 日 兜鍪,口 氏 州 鮪 色, 庶姜庶士類之 齊 人謂 是 德 〔孔氏穎 鋭頭 濊 明 河 所 亦在 濊 以 之鱣。 在 大夫退 署入水 得 齊 口 一發, 頷 達 有 西 在 下。 日 魚 鮪 北 頷 河

聲

知

君

朅 長 李云、蘆、薍共爲一 葦類之異名。」郭璞曰: 〔孔氏穎達曰〕葭、蘆、菼、薍、《釋草》文。 也。 武 貌 庶 姜 謂 姪 草。 娣。 如郭云, 孽 「蘆,葦也。 孽 盛 則 飾 蘆、 也。 薍 薍 似葦而 李巡日 別草。 庶 士 小。」如 媵 揭 「分别 臣 揭

0 斤」,原作「斥」,據《詩集傳》改。

敖四豪。 眉 私 [四支。 同 孽、朅 通 韻 通 郊三肴。 韻」頎 通 韻 並同。 韻 活七曷。 夷四支。 Ŧi. 倩十七霰。 微。 騎二蕭。 韻 衣同。 濊 脂 同 同。 上。 鑣、 盼 妻八齊。 十六諫。 蠐 發 朝 八齊。 六月。 並 同。 姨四 通 犀 勞四 揭 韻 支。 同 九

氓 爲棄婦作 也。

通

沃若。 我謀。 以 見 于嗟女兮, 垝垣,以 無良媒。 女之耽兮,不可説 復 爾 車 關 氓 比。 來,以 之蚩 送子 望復關。 載 將子 于嗟鳩 無 笑 涉 蚩,抱布貿絲。匪來貿絲,來 與 我 載 無怒,秋 淇,至于頓丘 賄遷。 士 言。 不 耽。 也。 兮,無食桑葚。興起下二句 見復關,泣涕漣漣。 爾 二章 三章 士之耽兮,猶 以 1 爲 爾 桑之落矣,其黄 桑之未落,其葉 期。 筮, 匪 我 體 章 愆 無咎言。 可 期,子 説 乘 也 既 彼 即

> 有泮。 五章 極,一 漸 兄弟不知,咥其笑矣。 夙興夜寐,靡有朝矣。 不思其反。反是不思,亦已焉哉。 而 車 隕 一三其 帷 及爾偕老,老使我怨。 比。 比。 裳。 へ 德。 總角之宴,言笑晏晏。 自 女也不 我 四章 徂 爾,三 爽,士貳其行。 三歲 言既遂矣,至于暴矣。 静言思之,躬自悼矣。 歲食貧。 爲婦,靡 淇則有岸,隰則 信誓旦 淇 六章 室勞矣。 士也 水湯湯, 旦, 图

焉。 以 《羽林郎》、《陌上桑》及《古詩爲 守禮以待媒,乃情不自禁私訂 事述之足以爲戒,故見諸歌咏將以爲 作》之類,皆詩 臣,此則實賦,必有所爲而 似而實不同。《谷風》寓言,借棄婦以 氓直起,亦某甲某乙無 曰「子無良媒」者,是其初亦未嘗 右《氓》六章,章十句。 人所咏,非棄婦作也 知之人耳 此與《谷風》相 作 香姻 焦仲 如 漢 後 特 樂 世 觀 卿 喻 不 其 其 府 逐

者耳。 也。 耳。 故至 至而 將送 心 媒妁則違禮已甚。 又蚩蚩战乎 云以 欲援情以自戒,則其情愈可矜已。李白 爲情所累,以致一誤再誤,至於不可説,轉 衰,以見氓之所重在色不在情,己又未免 則喜,亦情之所不容已者,女殆癡於情焉 至,則必至乘垣以 歲爲婦」,甘苦備嘗而猶不免於見棄,此其 ,則又昭然而若揭。 誠 夫事 愆期而不之顧,敢負約哉? 不至之心也。欲至不至,將送未送, 而未送之謀也。 媒若果至,則秋以爲期焉,未爲 不 色事他人,能得幾時好」,況所事者 故其自歎,則以桑之榮落喻色之盛 在 既 己 而 有約,則心 在 宜其有《白頭吟》也。 氓 相望。 然其不敢顯然背禮之 矣。 曰「至于頓 曰「送子涉淇」者, 自難 然知我者其 不見則憂,既 待。 丘」者,欲 遲久 亦無 (誰? 不 詩 見 不 口 媒

> 無識 然口 也。 總角,「信誓旦旦」,盟猶 終也,而豈知其爲男子之無良乎? 兄弟雖親亦將啞然相笑,以爲是婦德之不 以爲戒也 差,所託非人,以致不終,徒爲世笑。 情誤,固非私奔失節者比。 豈尚至是? **隰浩浩未始** 如是之速耶? 而失身以事人者,何以異是? 予之至是,予之不思耳。 縱言已,心豈能忘? 此女始終 無涯,斯人 「亦已焉哉」,尚何言哉? 夫淇水悠悠亦尚有岸,原 也 在耳, 詎料其反 而 特其一 乃恝然 使其思之, 念之 總 相 故可 士之 回憶 爲 雖 棄 復

子。 見憐 法。 情至之文。 訂約。〔二章〕懷想一段。 [五章]歷叙勞苦反遭見棄,自怨自艾,如泣 段,已有悔意。 眉評』「一章」直起,與一 〔六章〕跌宕,語極有致 [四章]色衰愛弛 落到合諧。 一昔 有 付之一歎 霍 家奴 (三章)色盛 段,歸 同 如訴 咎男 起

詩 經 原 始

爽差也。 願也。 多則 復關 也。 體 日》寰宇記 頓 車之傍如 乘,有蓋無帷裳。 輿 也 丘 地 堤,在南三百步。 致 漸 遠廣志》: 地 醉。 垝毁 賄 集 漬 名。 裳, 財也。 釋 極 耽 也。 以 至 頓 至也。 澶 爲容飾,故 帷 相 丘,本 氓 此言帷裳者,婦人之車故也。 氏 州 沃若潤澤貌。 裳 樂 垣 民 臨 應 也。 牆也。 車飾。 靡不也。 衛邑, 也。 麟 1 河 縣 日 龜卜。 説 或謂之幃裳,或謂 復關 蚩 在 〔孔氏穎 復 解 地 淇 蚩 也。 城,在 歸 水南。 理 咥笑貌。 統 甚桑實也。 無 志 關 蓍筮。 達日〕丈夫之車立 知 隕 南黄 名。 貌 落 愆 東 〔王氏 也。 河 郡 過 體 泮 貿 之童 北 也 頓 兆卦之 以 鳩 涯 買 阜 丘 徂 韓障 食 應麟 容。 也。 也。 縣 將 也 往 葚

日 耳 ,言其懇惻款誠 韻】蚩四支。 絲同。 本 韻。 謀十一

旦

兩

角

晏晏和柔也。

旦

日

「鄭氏康成

日

二以

信

相誓

未冠,則

婦人總角

未笄

也。

以

無笄,直

結其髮,聚之爲

總角「孔

氏穎達日》《甫

田》云

一總

角丱兮」,是男子

總

四 諫。 屑。 尤。 韻。 先。 怨十四願。 寢,叶知林反。 極十三職。 垣 真。 支。 十三元。 丘 日|十五翰。 通 暴二十號。 哉十灰。 一字自 叶 同 韻 韻。 岸十五翰。 德同。 關 落十藥。 本 叶 耽十三覃,叶特林反。 十五删 韻 韻。 通 湯 反十三阮,叶 笑十八嘯。 韻 本 七陽。 韻。 期 隕 泮同。 若同。 漣 四 + 先。 裳、行 勞四豪。 支。 孚絢反。 軫,叶子貧反。 悼二十 本韻。 宴十七霰。 媒十 言十三元。 並 叶 同。 號。 灰。 朝 叶 韻。 二蕭。 甚二十六 晏十六 本 通 通 貧 説九 遷 韻 韻 韻 思 通 +

竹 竿 衛 女 思 歸 也。

左。 致之。一章 行,遠兄弟 巧笑之瑳,佩玉之儺。 籊 籊竹竿, 父 泉源 母。 以 二章 在左,淇水在右。 釣于淇。 淇 水 豈不爾 在 右 淇 思, 水滺滺 女子 泉源 遠

檜楫松舟。駕言出遊,以寫我憂。四章

是已。 不過 求工而自工者,迨至工時自不能磨,此類 乎不同。 則遭亂以思歸,一 馳》、《泉水》,與此篇雖皆思 和夫人之詞」,均未嘗細咏詩辭 氏際恒以其語多重複,非一人筆,疑爲「媵 楷則謂「《泉水》及此篇皆許穆夫人作」,姚 不必定求其人以實之也。 而造語之工,風致嫣然,自足以擅美 「不見答」意。蓋其局度雍容、音節圓暢, 衛女思歸」、《大序》增以「不見答」。 可 得哉? 右《竹竿》四章,章四句。《小序》 本記 俗儒 此不惟非許夫人作,亦 説詩,務求確 事珠,欲 則 無端 求 陶情寄興之作, 解,則三百詩詞 而 詩固有以無心 衛之作,而 念舊,詞 也。 無 一時, 何氏 所 意 \sim 謂 迥 載 謂

似柏

【眉評】仙骨姗姗,風韻欲絶。

緩也。 滺滺 儺、《説文》云:「行有節也。」徐鍇云: 瑳、《説文》云:「玉色鮮白也。」笑而見齒,其色似之。 其色瑳然,猶所謂粲然,皆笑也。 源即百泉也。 流貌。 集釋】籊籊〔《集傳》曰〕籊籊,長而殺也。 腰 身褭 「陸氏 難也。 瑳[《集傳》曰]瑳,鮮白色。 德 〔何氏楷曰〕巧,工也。 明日〕滺本亦作浟。 儺 「佩玉所以節步。」 (嚴氏粲曰)難,柔 笑而 檜 猶 木名 好 見 也 ム 泉

懲十一尤。舟、遊、憂並同。本韻。有。母同。本韻。左二十哿。難同。本韻。本韻。右二十五

芄蘭 諷童子以守分也。

兮, 童 我知。容兮遂兮,垂帶悸兮。 子 垂帶悸兮。二章 佩韘。 芄蘭之支, 童子佩 雖 則 佩 韘,能不我甲。 觿。 雖 一章 芄 蘭之葉, 則 佩 觿,能不 容兮遂

刺 下 位 道人心之大轉關 見先進恂恂退讓之風,無復存者。 本傳而意逆之耳。 亦進闕黨童子 (序)言而無辭以爲之説耳。 刺 童子之好躐等而進,諸事驕慢無禮 刺君,不應直以「童子」呼之。 L也少。」杜註云:「蓋年十五六。」《序》即 云「不知所謂,不敢强解」? 惠公」。 有、芄 蘭》二章,章六句。 按《左傳》云:「初,惠公之即 而 教之之意。 ,非細故也。 然惠公縱少而無禮,臣 《集傳》何至 聖人存之, 《小序》 此詩不 蓋 此亦 亦震 於 世 以 调 謂

與「狎」同音,詩中借「甲」爲「狎」,「甲」即「狎」也。 【眉評】〔集釋中「甲」字條〕毛氏鳳曰:案「甲」

以 也。 解 結。 芄蘭生莢支,出於葉間 之有白汁,可 集釋】芄蘭草名。 成人之佩,非童子之飾也。 啖。 支、枝同。 ,垂之如 [《集傳》日 編狀 〔沈氏括曰〕支,莢 姚 〕一名蘿 氏際恒 觽 錐 三三上 也,所 摩,蔓

> 玦也。 從韋。 之狀。 大指, 《祭義》云「及祭之後,陶陶遂遂,如將復入然」,蓋舒緩 也。 能不足以長於我也。 之」,蓋循《禮記》註之誤。 古或用角,故字從角。 近是,其義亦通 説,然實無沓名也。 《詩》言「拾決」,大抵一物異名,上古必以韋爲之,故字 〔嚴氏粲曰〕容, 日]容儀可 角爲之,何不可以骨爲之耶? 不等,其身曲而末鋭,俗名解錐。 玦。 言其才能不足以知於我也。 所 鄭氏謂 案、《士喪禮》「纊極二」、《大射儀》「朱極 後用玉,今世有傳者,俗名指機決,又非所佩之 業□《集傳》曰〕韓,決 以鈎 觀,佩 弦豐 「沓,所以 雍 玉遂遂然垂其 容也。 體。 甲〔《集傳》曰 〔毛氏萇曰〕甲,狎 後以玉爲之。 **が 验**沓手 《離騒》云「遵赤水 然骨與 也。 氏際恒日〕韘、《毛傳》謂 知〔《集傳》曰〕知,猶 指」,蓋 紳帶,悸悸然有節度。 以象骨爲之,著右 容、遂、悸〔毛氏萇 角 《集傳》謂 〕甲,長也。 今世 無大分别,既 彷 也。 有傳 彿《儀 而 姚 者,大小 容 氏以 言其才 禮》爲 與」, 骨 可 爲 手 智 以 爲

四真。悸同。本韻。葉十六葉。韘同。甲十七【標韻】支四支。觿、知並同。本韻。遂

治。

跂予望 謂宋遠? 誰 之。 謂 河 河 廣 一章 廣? 曾不崇朝。二章 宋襄公母思歸宋不得也 誰 謂 葦杭 河 之。 廣 ? 誰謂宋遠? 曾不容刀。

無謂 鄭氏 立 雖 廟 其言河廣,則是衛未渡河之先。 時宋襄公 襄公之爲太子,請於桓公曰:「請使目 則夫人於已出之後而爲復往之思,似覺其 方爲世子,衛之戴、文俱未立也。 從嚴説 宋襄公母歸于衛,思而不止,故作是詩 無 絶 一。」公曰: 義 因謂「襄公即位、夫人思之」。 嚴氏以 右《河 而 ,夫人不可以無情,況有子乎? 從鄭説,則爲母思其子,本乎慈; 不往,止乎義。 廣》二章,章四句。《小序》 何何 故 公?」對 於義較優。然桓公 曰:「臣之舅 在 夷 謂

> 難杭。 鄭説 耶? 母,雖千乘而不顧,母之念子,從一葦 衛 而始思往,又何以 兩相望,難乎爲情,正在此際。 ,愛臣,若終立,則不可以往。」子之念 ,則猶未免世俗之見云。 母也則止於慈,子也則盡 襄公之心,安知非此詩 見爲慈乎? 乎孝。 有 《集傳》 若即位 以 動 從 後 而 兩

【眉評】飄忽而來,起最得勢,語亦奇秀可歌。

本字也。 百 不特「固 冰時,布 有餘皇。」一作「艅航」。 杭,舟名,謂以餘杭渡峽也。 浙江水惡,乃西百二十里後峽中渡,因 曰〕杭、斻通,方舟,後作航。《史》秦始皇南遊至錢 斛曰刀。」〔嚴氏粲曰〕刀、舠古字 鯛」。鯛,小船也。 哉」矣。 束之葦,便可履之而渡。 釋】葦蒹葭之屬。 蘆葦可渡,甚言其易,故爲奇語。 刀小船 《釋名》云"「二百斛以上曰艇,三 隋因餘杭舊名置杭州,乃斻、航 也。 餘、艅通。《左傳》: 〔孔氏穎達曰〕刀、《説文 杭度也。 通 如此説詩,呆哉! 用。 置 餘 「姚氏際恒 或謂 杭縣。 氏 「吴國 河 餘 方

經原始卷之四

日 〕亦作 刀、舠

標 韻】杭 七陽。 望同。 本 韻。 刀 四 豪。

朝 本韻

伯 兮 思婦寄征夫以詞也

樹之背。 前 願言思伯,甘心首疾。三章 沐,誰適爲容? 二章 驅。 伯 一章 兮揭兮,邦之桀兮。 願言思伯,使我心 自伯之東,首如飛 其雨 其雨, 杲杲出 痗。 伯 焉 得諼 也 四章 蓬。 執殳,爲 草? 贵 無 日。 言 膏 Ŧ.

可見。 詩不過 婦人思夫之詞,且寄遠作也, 曰:「居 人、陳人從王伐鄭。」故曰「爲王前 自伯之東」,鄭 右《伯兮》四章,章四句。 鄭 而 婦 氏曰:「 相 離則 人思夫作 在王國之東,非 思 衛宣公之時, 期 耳,何録 而 不 至則憂。此 觀 此詩不特 乎? 次 蔡 衛 驅」。 章辭 東 范氏 也。 衛 爲 日 意

> 詩者,其亦以窮兵黷武爲戒歟 子,寡人之妻,傷天地之和,召水旱之災,故 天下之務。 使非爲王從征,胡以 疾」,頭已痛矣,而心尚無恙也。 已亂矣,然猶未至於病也。 此詩室家之怨切矣。始則「首如飛蓬 其室家怨思之苦。 詩,則言其君上閔恤之情,亂世之詩,則録 其勤勞,哀傷慘怛,不啻在己。 聖人重之。 皆叙其室家之情、男女之思以閔之,故其民 心痗」,則心更病矣。 悦而忘死。 人之情也。 如不得已而行,則告以歸期,念 兵者,毒民於死者也。孤人之 文王之遣戍役,周公之勞歸士, 聖人能通天下之志,是以 以爲人情不出乎此 其憂思之苦何如哉 至是? 後之帝王讀是 繼 是以治世之 至於「使我 則 甘 心首 能成 也。」 髮

調。 [四章]奇想 眉評』〔二章〕宛然閨閣中語,漢、魏詩多襲

【集釋】伯伯叔尊稱,或其夫字。揭武貌。集

堂面向南,堂背向北,故背爲北堂。 等字,皆寓言,非真物也。 文》以諼爲 藼者,尤非。 事,故曰焉得也。《毛傳》謂「諼草令人忘憂」者,非。 首疾頭痛也。 曰 英桀也。 (案)此諼下接草者,猶言善忘之草耳。草斷不 前 驅。 Q(范氏處義曰) 殳長尋有四尺, 在車之左, 故 蓬草名,叢生,風飛散亂。 諼〔孔氏穎達曰〕諼,訓爲忘,非草名。 詩家多用斷腸、忘憂、埋憂、填恨 背「姚氏際恒日」背,堂背也 海病也。 杲杲日色明也。 可 以 忘

日四質。 驅同。 本韻。 疾同。本韻。背十一隊。痗同。本韻。 韻】朅 東一東。 九屑。 蓬同。 桀 同。 容二冬。 本 韻。 殳七虞。 通 韻。

有狐 婦人憂夫久役無衣也。

矣,之子 無裳。一 有 狐綏綏,在彼淇梁。心之憂矣,之子 章 無 有 狐綏 二章 綏,在彼淇厲。 有 狐 綏 綏 ,在彼淇側。 心之憂

心之憂矣,之子無服。三章

之,不解何故。 而難歸耳。 婦人憂之,以爲久羈逆旅,必至金盡裘敝 久役在外,淹滯不歸,或有所戀而忘返,故 而終遲疑不渡,故曰「綏綏」也。 性善疑,雖日在「淇梁」、「淇属」、「淇側」, 之無裳、無帶、無服矣。 曰「無裳」、「無帶」、「無服」,則明明憂其夫 欲嫁之? 夫曰「之子」,則明明指其夫矣。 寡婦,何以見其爲鰥夫,更何以 寡婦見鰥夫而欲嫁之」,不知何以見其爲 其妃耦焉」,已非詩意。《集傳》竟以 刺時」。《大序》以爲「衛之男女失 右《有狐》三章,章四句。 本無他義,亦少深情,聖人存 以 有 狐作比者,狐 《小序》 見其 此必其夫 為「有 時 爲 喪 謂

日〕緩,本訓安。則緩緩,安緩之意也。狐性多疑,緩緩【集釋】狐獸名,性淫而多疑。 緩緩〔嚴氏粲

則 獨 行 而 遲疑 也 梁橋 也。 厲深水可涉 處 也。 帶 所

以

申

束

衣

帶 九泰 標 通 梁 韻 七陽。 側十三職。 裳同。 服 本 韻 屋 计 厲 蒲 八 北 霽。 反。

韻

叶

之以 以 匪 篇 以 尋常 亦 辭 報 爲 男 意 中 果實爲 瓊 好 也 投 絶 女 並 贃 右《木瓜》三章,章 玖。 小永 也 我 相 不 遺之詞,而《序》言「美齊桓公 無 以 木 以 喻乎? 一章 相 匪報也,永以 贈 男 瓜 木瓜,報之以 爲 類。 答之辭」,又 女情,安 好也。二章 諷 投我以木桃,報之以 豈有感人再造之恩,乃 衛 故《集傳》反之,以爲「疑 人以 知其 · 四 句。 爲好也。 瓊琚。 報 不 投我 如《静 齊 知 也 此詩本 其 匪 以 何所 女》類 報 木 李,報 也,永 瓊 朋友 謂 也 瑶 ? 僅 ?

小事

以諷之,使其自得之於言外意。

詩

焉? 爲玩 琚。 諷衛 詩。 且又乘齊五子之亂 我,如此 事以言。 得齊桓之大功,思厚報之而 因,蓋病在「美」字耳。 雖僞,必有 字,而何必 以然,不可概指爲淫奔。如此詩 意 而未當。 集傳》於詩詞稍涉男女字, 也。 説 猶非 人以 好,結我 此詩之所以 夫詩 詩 大功,知 敢 報 衛人始終並 設使 如 所傳。 指 以 中固有淫奔者,然非 此,未 齊桓也。 其 以 此報 齊投 爲《静女》 何 恩 作 以爲美齊 免 情 齊之木瓜,欲令齊 而伐其喪,則背德孰 以 我 也 孔氏 有傷 未報齊。 報之?」此言雖 而 此詩 以木 ,明言之不敢 已。 類 忠 穎 即 瓜,我 桓 不能,乃假 非美齊桓 耶? 厚 達 況今救 以 恐 非惟 公,非盡 曰 絶 實 爲 一、以 報 無男女 見 非 淫 小序 故 不 以 奔之 沂 而 長 其 詩 其 似 封 以 瓊 小 衛 乃 無 所 人

黑色。 也 曰〕琚處佩之中,所以貫蠙珠而上繫於珩,下維璜衝牙者 文》云「瓊,赤玉也」,姑並存之。 瓜、狀如柰、春末開花、深紅色。 瓊,玉之美者」,疏云「瓊是玉之美名,非玉名也」、《説 玖〔《集傳》曰〕玖,亦玉名也。 瑶〔《集傳》曰〕瑶,美玉也。《説文》云「美石」,存 瓊〔《集傳》曰〕瓊,玉之美者。 【集釋】木瓜〔《爾雅》〕楙木瓜。〔蘇氏頌曰〕木 据佩玉名。 其實大者如瓜,小 [陸氏德明日]玖,玉 〔嚴氏粲曰〕傳 (羅氏中行 者 云 如

韻。李四紙。玖二十五有,叶舉里反。叶韻。報二十號。好同。本韻。桃四豪。瑶二蕭。通《標韻》瓜六麻,叶攻乎反。琚六魚。叶韻。

爲列國所罕有。次贊隱者自樂,三頌莊姜之美且淫靡,今觀衛詩十篇,無一淫者。首篇美武公之德,以上衛詩,凡十篇。説者謂鄭、衛之俗

乎其間哉? 謂 夷姜外,實多賢婦人,豈有淫亂國 皆編入邶、鄘二國,非衛本國人詩。 瓜》報德,皆馴雅可歌,未見其爲靡靡之音也。 淑守禮,不可謂非賢婦人。他如《伯兮》寄遠,《木 賢,皆極一 淫靡者,豈以刺宣姜諸作及《桑中》數詩耶? 時之秀。即宋桓夫人,雖被出歸 衛有宣姜,衛之大不幸也。 而 可 有此賢婦人出 知衛 可嘅也 衛, 除 宣姜、 其所 而慈

七二

詩經原始卷之五

風五

或

王

戲。 冀州之南也。 徙居東都王城,於是王室遂卑,與諸侯無異,故其詩 臼 爲東都。 四方來者道里均故也。 成王,周公始營洛邑,爲時會諸侯之所,以其土中, 之地、在《禹貢》豫州大華、外方之間、北得河陽、 ,宜臼奔申。 晉文侯、鄭武公迎宜臼於申而立之,是爲平王。 集傳》:「王,謂周 至幽王嬖褒姒,生伯服,廢申后及太子宜 周室之初,文王居豐,武王居鎬。 申侯怒,與犬戎攻宗周,弑幽王 自是謂豐、鎬爲西都,洛邑 東都洛邑王城畿内六百 於 里

不爲雅

而爲風。

然其王號未替也,故不曰『周』而曰

得。 之後而序於三衛之末? 變風所由始。 雅、頌體且不辨,何以言詩? 豈以時勢之盛衰、國家之强弱分風、雅、頌耶? 也。」案風、雅、頌本以詩體分,不以時 識,無怪其多謬誤也。 頌,雖魯侯服亦有頌。 王』。」姚氏際恒 『雅、頌各得其所。」夫雅之所得,則風 是二者皆變風之首,而世道之升降亦寓焉。 風、 雅自有定體,其體風即系之《風》,其體 》,非以王室卑之故,不爲《雅》而爲《風 王城者,周東轍 \Box 「此乃歷 然則《王》何以不列於二《南 其體風,雖周王城亦爲風。 三衛者,殷故都也,首之見 來相 況義意宏深,尤爲難 也,次之識王政所由 傳瞽 勢别。 説 也 之所亦 其體 雅 孔子 風

黍離 閔宗周也。

求。 摇摇。 者謂我心憂,不知我者謂我 離,彼稷之穗。 悠悠蒼天,此何人哉! 彼黍 知我者謂我心憂,不知我者謂 離 離 ,彼稷之苗。 行邁靡靡,中 行邁靡 何求。 一章 心 如 醉 靡 彼 悠 悠蒼 黍 我 知 中 我 離 何 心

天,此 知 行 我 邁 者 靡 何 謂 靡 人哉 ··, 中 我何 ! 二章 心 求。 如 噎 悠悠蒼天,此何人哉! 彼黍離離,彼稷之實。 知 我 者 謂 我 心憂,不

哉 ? 可從。 詩》云 猶以 之顛 以 特 於 世者,所爲目擊心傷,不能無慨於其際焉。 成、康之舊,一旦灰燼,蕩然無存。 宗周,過 閔宗周也」。 王室之尊下等侯服 無 爲 覆 太 右《黍 如當時之君臣苟且偷安,罔 朱氏 「《黍離 惟是周轍既東,無復西幸。 , 徬徨不忍去」, 是爲得之。 「偶中」,未免失之過刻 故宗 \pm 善日 離 創造之於岐,文王光大之於豐 》,伯封作」,則又怪誕 廟宫室 《大序》謂「周大夫行役至 三章,章十句。《小 「周之王業、公劉 盡 ,甘心而 爲禾 黍。 也。 不顧者 思自 開 有心斯 文、武、 無稽不 閔 而姚氏 及《 序》 拓之 周 「, 何 韓 室 於 日

之心。 矣夫 寂無 足以 奔走而 其 者,故不得已而形諸歌咏以寄其悽愴無 魯承周公之遺烈,衛憑康叔之威靈,亦皆 突 輯旅,光復舊物。諸侯見王之有志,孰不 見 舉舊都棄之而 民 武 論未嘗不正,然當 而 而 已 也 而 土 ,既皆王室之舊勳,齊藉太公之故基, 王 左右王室。 耶? 一成就之於鎬 咏歎之,則其情亦 憂之,且追怨之,豈容付之無可 !」此又以恢復事 地則先王之土地 一人以爲言。 觀其 服從? 爲子孫者 謂宜請於平王,號令諸侯,整師 呼天上訴,一 即安於東,行役之大夫既 當是時,晉之義 而王自棄之,爲之臣者又 ,正當守之而 ,皆在西都八百里之内。 時情事 噫 ! ,其人民 可見矣。 責之行役大夫,持 周轍之不西有由 咏不已,再 ,則必有難言 不去。 則先王之人 和,鄭之掘 詎 得 三反 今乃 奈何

形哉? 載上事,而得其實在情

渾懷古諸詩,往往襲其音調。 此專以描摹虚神見長,憑弔詩中絶唱也。唐人劉滄、許此專以描摹虚神見長,憑弔詩中絶唱也。唐人劉滄、許此專以描摹虚神見長,憑弔詩中絶唱也。唐人劉滄、許

深也。 秀也。 《爾雅 稷[《集傳》]稷,亦穀也。 黄、黑四色,粒多而黏,穀之可爲酒者 云: 而 餘,穗黑色,實圓重。 黏 「黍,似粟 者 也。 集釋】黍〔《集傳》曰〕黍,穀名。 Ě 噎 孔 〕 築 稷 以 而非粟也。」〔黄氏 大暑 氏 也。 穎 而種,故謂之黍。」《本草》唐本注 達 〔嚴氏粲曰〕《説文》曰: 邁 旦 行 一名穄,似黍而小,或曰粟 噎, 也。 咽 靡 一正曰〕黍,有丹、白、 喉 靡 閉 也 猶 塞 遲遲 苗 之 離離 似 貌。 「黍,禾屬 蘆, 也 垂 言憂 高丈 貌 也。 穗

尤。 噎 真。 九屑 求同。 通 標 韻 通 韻】苗二 韻。 本 穗 · 韻。 四 寘 蕭。 天一先,叶 醉 摇 同 同。 本 鐵因反。 本 韻 韻。 實 人十 憂十 四 質

> 于塒。 其有佸? 之何勿思 君子于役,苟無飢渴 君子于役,不知 日之夕矣,羊牛下來。君子于役,如 君子于役 雞棲于桀。 一章 君子于役,不日不月。 ! 其 婦 二章 日之夕矣,牛羊下括。 期。 人 思夫遠 曷至哉? 行無 定 雞 也。 棲

作哉? 何必 之,亦有所不 旨何在? 使三百詩人,篇篇皆懷諷 皆鑿也。 謂 不已,用 詩言情寫景,可謂真實樸至。 刺平王」,僞説以爲「戍申者之妻作」, 定求 右《君子于役》二章,章八句。《小序》 情 詩到真極,羌無故實,亦自可傳。 於陶 其 而 ·忍也。 人 得 以 情淑性之意又何存? 其 正。 實之, 又況夫 即 詩 刺 而 之所爲教,又 婦遠離, ,則於忠厚之 後 宣聖雖欲 謂 有 鬍 懷思 係 此 删

眉 評】傍晚懷人,真情真境,描寫如畫。 晉、 唐

田 家諸詩,恐無此真 つ實自

宿。 [李氏巡日]弋, 橜也 日〕今寒鄉穿牆棲鷄。 佸 集釋】塒〔《集傳》〕鑿牆而 會也。 桀 杙 也。 「《禽經》 (爾 云〕陸 雅 》 鷄 棲 鳥 日 棲 日 塒。〔郭氏 於弋 棲,水 爲 鳥 日 璞

思四支。 標 :韻 通 韻】期四支。 韻 。月六月。 塒 桀九屑。 同。 本 韻。 括七曷。 來十灰。 渴

同

只且 其樂只且 ! 君子陽陽, 章 君子陽陽 君 左執簧,右招我 子 陶 陶, 賢者自樂仕於伶官也。 左執 翿 由 右招 房。 其 我 樂 由

敖

仕 恒 曰: 此據『招』之一 右《君子陽陽》二章,章四句。 「《大序》謂 記君子 一字爲 説 遭 亂 臆 測 相 也 招 姚 氏 爲 ^ 禄 集 際

> 耶? 之所以存而 欲居尊以任事,則其時 陶斯詠,有以自樂。 可 賢人君子,多隱仕於伶官,以其得節禮樂, 傳》謂『疑亦前篇婦人所作』,此據『房』之 房之中,或侍遨遊之際,無不揚揚自得, 可考矣。」此種 作樂者亦 字爲 以 陶 然爲國 情淑性 説,更鄙 作 不 詩 而 削 詩 以摹寫之。 而收和樂之功。 使賢 而稚。 歟 亦可無俟深考。 ? 其樂而何害其爲賢 人君子樂 大抵樂必用詩,故 勢亦可想知。 然其人其事 處下 故或處 蓋三代 位,不 此 也 陶

貌。 羽 美在中,所以鼓中聲也。 曰 也。」 以樂記》云「絃匏笙簧」,則簧之爲物,笙竽有 翻《釋言》云:「翻, 【集釋】簧〔嚴氏粲曰〕簧,笙之舌也。 敖同 遨,遊 纛 只 也。」孫炎日 且 語 助 辭 「纛,舞者所持 陶 陶 「陳氏 焉。 和 樂之 其 暘

(標韻)陽 七陽。 簧、 房並 同 本 韻 陶

七六

四 爲 豪 韻 翿 敖 並 同 本韻 且 六魚。 二句自

揚之水 戍卒怨也。

戍申。 懷哉懷哉,曷月予還 之水,不流束楚。 不流束蒲。 ,曷月予還歸哉? 三章 揚之水,不流 懷哉懷哉,曷月予還歸哉? 彼其之子,不與我戍許。 彼其之子,不與我戍 束 薪。 歸哉? 彼其之子,不與我 二章 揚之水 一章 懷哉懷 甫 揚

背枕 實强 即當 服 家」,致啟《集傳》忘讐逆理之論,是皆未嘗 言戍申、戍甫、戍許,而《序》偏云「戍 屏 盛。 黄 蔽。 日形勢而一思之耳。 右《揚之水》三章,章六句。 河 面 京洛形勢,左據成臯,右控崤函 而三國又非楚敵,不得不戍重兵 俯嵩 高。 則 申、甫、許實 夫周轍既東,楚 經文明 爲南 明

> 無期。 下 者,有由然矣。 是哉? 調不 戍耶? 可知。 吴、魏 令久戍不歸, 以 務之甚。 置乖方,籌謀未善。 已者,以徵調 也。 相保守,然後東都可 均,則勞逸異勢,瓜 相持,兩家重鎮 平王此時,不申、甫、許之是戍 不惟小民怨咨,亦足見秉國者之措 此 其所以致民怨嗟、見諸歌 吾 東都之不 恐 則 不均,瓜代又難 平 何異 若沾沾謂其篤於母家, 王 若宗周形勝,則豈 小兒夢囈 再 君 必屯襄、樊, 以立國 振 臣 代難 而 竊 西 必耳 必, ! 相 轍 觀 笑於 不識 之 咏 則 則 於 難 夫徵 往 生 而 而 地 時 致 慮 歸 不 何 事 或

怨諸 戍屯兵以守也。 案〕姚氏際恒曰: 候不成 集釋】揚悠揚也,水緩 申」,皆可通。 申 鄭氏謂 〔梁氏益曰〕申,伯爵,初爲侯,平王 《集傳 處 鄉里者」,歐陽氏謂 》謂 流之貌。 「指室家」,則謬矣。 彼其之子

即吕 氏春 氏以爲吕侯後爲甫侯,是也。 木也。 母 昌府許昌縣是也。 吕。』《括地志》: 《春秋 吕 '申姜國,楚靈王遷之。今信陽之方城内也。 爲蒲柳, 尚先祖爲四岳,佐禹治水有功,虞、夏之際受封於 ·東門之楊》。 秋》: 也,亦姜姓。《書》「吕刑」、《禮記 〔陸氏佃 州屬 皆通。 「吕在宛縣西。」蒲 南陽府,信陽軍 而 荆 日〕楚者,楚 「故呂城 〔案〕「蒲草」見《陳 州 [《皇輿表》] 潁昌 許[《集傳》]許,國名,亦姜姓,今潁 亦以此木得名。 在鄧 屬 地所出, [嚴氏粲曰]毛以爲草,鄭 州南陽縣西四十里。」《吕 〔王氏應麟曰〕《史記》: 汝甯 府 • 澤陂》,「蒲柳」見 其一 府 》作「甫刑」。 甫[《集傳》]甫 並 許昌 名荆,故楚人 隸河 縣,今開 南 ≪皇 而孔 楚 輿 封

蒲 佳。 七塵,叶滂左反。 歸 五微。 韻】薪 轉 韻。 + 許六語。 真。 楚六語。 申 叶韻 同。 甫 七麇。 本 韻。 通 懷 韻 九 許

州

隸河南

中谷有蓷 閔嫠婦也。

歎矣。 谷有蓷, 矣,何嗟及矣。 三章 暵其濕矣。 條其獻矣,遇人之不淑矣。 二章 中谷有蓷,暵 嘅其歎矣,遇人之艱 暵其脩矣。 有女仳離,啜其泣矣。 其乾矣。 有 女 化離 有女仳離,嘅 難 矣。 中 條 谷有蓷 其 _ 啜其泣 歗 矣。 中 其

近是。 矣。 興,而自述其悲歎之詞」,閨閣 爲東周大病。 爲心,而荒政不講,以致小民流離失所,尤 作。夫一夫不獲時予之辜,固王者之所以 聖人删詩至此,存之以見王政之惡,人民 有人,而此云「有女」者,則 可閔者正多也。《集傳》又謂「婦 謂「凶年饑饉,室家相棄」。 杜詩此 右《中谷有蓷》三章,章六句。《大序》 惟《小序》謂爲「閔周」,未免小題大 類 然遽以此爲 甚多,何 必定指 非其 「閔周」,則周之 《集傳》因之 嫺 爲自 自 吟咏 人覽物 咏 作 固 可 自 起 ? 知

之困 獨鰥 大可 吾亦末如之何也已矣。 之讀《中谷有蓷》而無以動其悲憫之懷者 悲。 寡,皆吾兄弟之顛連 ,至於此 張子云: 極 則 凡 其 天下 無 而無告者也。」世 以 疲 爲 國之故 癃 殘 疾、 惸 亦

先言 日 郭璞曰:「今茺蔚也。」陸璣《疏》云: 死 案、《本草》:「益母、茺蔚也。」 元明皆云 春間,是也。 之生於溼者亦不免也。 淑〔《集傳》〕古者死喪饑 脩〔《集傳》〕脩,長 何如,曰 艱 【集釋】 推〔孔氏穎達曰〕《釋草》云:「崔,蓷。」 萬物 難」,夫貧也。 「不淑」。 者 莫暵乎 也。 暵溼〔《集傳》〕暵溼者,旱甚 《韓詩》及三《蒼》説悉云益母。」 再言「不淑」,夫死 或日 火。」 啜 饉,皆曰不 泣 乾也。 立貌。 仳 暵 (孔氏穎 别 也, 淑。〔姚氏 歗 「舊説及魏博 流 蹙 離 也。 П 達日」《易》 失 出 《禮 所之狀。 際恒 聲。 ,則草 》,問 士周 日 不

脩 + 尤,叶式竹反。 韻 乾 + 四 献十八啸。 寒。 歎、 難 淑 並 同。 屋 叶 本 韻

> 濕十 四 緝。 泣、及並同 本韻

兔爰 傷亂始也

爲。 我生之後,逢此百憂。 生之後,逢此百凶。 兔爰爰,雉離于罿。 有兔爰爰,雉離 我生之後,逢此百 有兔爰爰, 雉離于羅。 于罦。 尚寐無聰! 我生之初 罹。 尚寐無覺! 我生之初,尚 尚 我生之初, 寐 尚 無 無 吪 無 尚無 一章 造。 有 我

天下 不動 至求死? 君子不樂其生」。《集傳》遂謂 中肩,君臣之義滅矣,下則室家 者,亦不過不欲言、不欲見、不欲聞 王失信,諸侯背叛,搆怨連禍, 洶洶 以 右《兔爰》三章,章七句。 死耳」。 時 所謂 事日非,上則諸 夫逢時 「無吪」、「無覺」、「 多難、縱欲 侯背 《序》謂 王師 「庶幾寐 相 叛 無 無聰」 生,何 已 傷 耳。 敗 「桓 而

西京 者死。 女仳 但 彼 業 無 横 居 莫 見,而思愈苦。 言,且並 亦鮮倫常之義,以致賢者退處下位,不 申、甫是戍,忘讐黨惡,君無父子之恩 不醒之爲愈耳。 頻 事 行 高 我 |蒼夢夢,有如聾聵,人又何言? 不 求 痛 盛 幸 哭哉? 興 也 以 聞 死 離,夫婦之情乖矣; 所謂 聽政; 耶 世,法制雖衰,紀綱未壞,其時尚 遭 於是狡者脱而介者烹,奸者生而 , 兄弟之親 不欲耳 而 此亂離 迨東都既遷,而後桓、文繼起,霸 王 百凶 此詩意也。 緇 小人幸逃法網 古之傷心 聞 愈墜,天下乃從 ,不能不回憶 並見、百憂俱集時 迨至 而 又遠矣。 目見之,故不 長 中 人能 何 睡不醒 則謂 至 反得 其 無爲 生 如《集傳》云 始 他 初 此多故。 不 蓋 我同 如 猶及 也。 人 肆 無 長 惟 志 由 昆 聲 幸 聞 睡 無 見 詩 良 而 欲 民 於 亦

用也。

欲無叱。 傳》 雅》「或寢或訛」即此。 (黄氏震曰)古注: 謂之罿。 言之意。 覆車 雉 孔氏穎達日〕無 網網 性耿 眉 集 可 罿, 罬也。 後説較通 [姚氏際恒日] 吡字從口,從言之訛亦同。 釋】 評】詞意悽愴,聲情激越,阮步兵專學此 以 介。 掩兔者也。」 一爱爱《集傳 離 吡,動 罬謂之罦,罦,覆 麗 罗 八孔氏穎 所拘 叱,方寤 也。 也。 造 制, 羅 蓋 》曰〕兔性 亦爲 爰 動 動 網 達 爱然而 而 則憂,寐則不 也。 也 日 有 車 》釋器 聲 陰狡。 也。」孫炎曰: 罹 覺 也。 緩。 憂 寤 也 無吡,不 也。 爰爰,緩 雉 知。 《集 ≪小 種。 吪 庸 故

意。

通 叶 反。 上,叶 韻 韻 造二 良何反。 標 + 韻 罿 號。 吪 羅 東。 憂 五歌。 五歌。 十 一 庸 二冬。 尤,叶 叶 爲 韻 四 支,叶 笑反。 凶 罦 同 + 吾 禾 覺十 尤,叶 反 聰 九 罹 步廟 東。 同

葛 民 窮 無 所 依 也

七九

漘。 人父。 我 藟,在河之涘。 人母,亦莫我有。二章 聞 終遠兄弟、謂他人昆。 緜 緜 他人 葛藟,在河之滸。 父,亦莫 終遠兄弟,謂他 緜緜葛藟,在 我 顧。 謂他人昆,亦莫 終遠兄弟, 一章 人母 緜 河之 謂 緜 謂 他 葛 他

依? 與涘 自 謂 愕然而不之顧。 本蔓生,必有所依而後附。今乃在河之滸 不協,即 家族,而 解,但依《集傳》謂「世衰民散,有去其鄉里 [庇本根,而本根已失,奈之何哉? 去鄉里,遠其兄弟,則舉目無親,誰 「刺平王棄其九族」,則不惟「亦」字語 與 右《葛藟》三章,章六句。此詩不 漘 欲 詩 流離失所之作」,斯得之矣。 ", 無 謂 意 他 喬 亦甚索然,反無謂也。 木高 人之父以爲父,而 即欲謂他人之母以爲母, 枝以引其條葉,雖 其 若必 葛 故人 父反 可 必 因 藟 氣 深 足

> 僞託 當必 民情 而民 而 其 因無九族之親者,亦奚不可。 有任其咎者。 母亦恝然 如 況昆弟 此,世道 乎? 而 可 不 知。 即謂平王之棄其九族, ·我親。 則 更澹 誰 則使之然哉? 父母且不可以 焉 如 無 聞 也。

眉評】沉痛語,不忍卒讀。

夷,而下爲水,洗蕩齧入若脣也。 達曰〕《釋丘》云:「涘爲厓。」漘〔許氏謙曰〕岸上面平達曰〕《釋程》滸〔毛氏萇曰〕水厓曰滸。 涘〔孔氏穎

叶韻。 **漘**十一真。 昆十三元。 聞十二文。 標韻】滸 涘四紙。 七塵。 母二十五 父同。 有。 顧 有同。 通 七遇,叶 果 叶 Ħ. 反。

采葛 懷友也。

艾兮,一日不見,如三歲兮。三章 彼采蕭兮,一日不見,如三秋兮。二章 彼采彼采蕙兮,一日不見,如三月兮。一章

思。 是。 詩之在衰朝,亦世情之中流砥柱也。 歲之感也。若泛泛相值,轉面頓忘,或市 懷作也。 託,遂使天下後世士夫君子,皆不敢有 古懷友佳章,自《集傳》以爲「淫奔者」所 利相交,勢衰即去,豈尚能作此 夫良友情親,如同夫婦,一朝遠别,不勝相 存乎? 至《小序》謂爲「懼讒」,尤不足與辯。 此正交情濃厚處,故有三月、三秋、三 右《采葛》三章,章三句。 不知此老何以好爲刻薄之言若 此詩明明千 語? 故是 而 可 寄

【眉評】雅韻欲流,遂成千秋佳語。

艾必三年方可治病,故言「三歲」,雖詩人之意未必如屬。〔《爾雅》〕「艾,冰臺」注:艾蒿。〔姚氏際恒曰〕或云「乾奠、然後爇蕭合馨香。〕是蕭所以供祭祀也。 艾蒿 一名蕭。」陸璣云:「今人所謂荻蒿者是也。」《郊特牲》:

此,然亦巧合,大有思致。

秋十一尤。叶韻。艾九泰。歲八霽。通韻【標韻】葛七曷。月六月。轉韻。蕭

大車 征夫歎也。

予不信,有如皦日。三章是子不奔。二章 教則異室,死則同穴。謂不敢。一章 大車啍啍,毳衣如璊。豈不爾思?大車檻檻,毳衣如菼。豈不爾思? 畏子

《序》言,以爲「陳古以刺今」,則無以處「 周 論 縱有情,誰爲收屍而合葬? 此皆難 畏」,則無以釋「死則同穴」之語。 室而分居? 則異室」之言。蓋夫婦雖有別,亦何至異 也。 人從軍,訊其室家之詩,似 右《大車》三章,章 惟姚氏際 如從《集傳》,以爲「淫奔 恒云:「僞傳、説皆以 四 句。 可 此詩若從 通。」此雖 蓋男女 有 以 穀 理 所

之歟? 迄無甯 出 室家而與之訣絶 於僞 歲。 説 周 衰 而 恐此 世 詩 亂,征伐 意真切, 詎 如此。 生永無團聚之期 然其情亦可慘矣。 不 得 一,周人從 以其 ,故念其 係 而 軍 少

穴壙也。 此言行之貌,互相見也。 始生也。 玉顏色也。 〔孔氏穎 衣〔姚氏際恒曰〕毳衣,毛布衣。 達 集釋】大車〔姚氏際恒曰〕大車,牛車。 爾指室家。子指主之者。 皦白 曰〕哼哼,行之貌,故爲重遲。 禾之赤 也。 苗 謂 之 琳,玉 琳音門。 菼〔《集傳》曰〕菼,蘆 色 〔孔氏穎 如 哼哼重遲之貌。 之。 上 言行之聲 達曰〕琳 穀 生 也。

質 通 韻 穴九屑。 標韻】檻二十九豏。 **享**十三元。 日 四質 琳、 通 奔並 韻 菼 二十七感。 同 本 敢同。 室 四

丘中有麻,彼留子嗟。彼留子嗟,將其丘中 招賢偕隱也。

子。 子 來 或 施 ,將其來 彼留之子,貽我佩 施 章 食。 丘 中有 二章 玖。 丘 彼留子國。 中有李,彼留 彼 留

慨然? 麻即 爲助 指? 韓 即 嗟」、「子國」既爲人名,則「之子」又 此真逆理悖言,不圖先賢亦爲是論, 名矣,則一婦人何以私其父子二人耶? 爲父子二人。惟《集傳》反其所言,以爲 「婦人望其所與私者」之詞,殊覺 「子嗟」、「子國」既爲父子,《集傳》且 思賢」,毛、鄭因之,且以「子嗟」、「子國 子 望 云盤 其 望 辭 右《丘中》三章,章四句。《小序》謂 故姚 遺 其 可 惟是《序》、《傳》 來施 我 也, 之土可 氏 以 以 佩玖。 或 施,有麥即 爲 稼而 亦可 「嗟、 上下 食之意。 國皆 爲 -文自 望其來食,有李 助 亦 助 辭 有 乎? 辭 相 所 中 呼 疑,「 可異。 間 應,猶 何所 從 且 能 有 其 子 無

賢 訓 將 並 丘 或 助 互 中有 相 釋 有 有 耶 辭 人放廢,或越在 」、「彼留」云者,乃虚擬之辭耳。 李可 ? 人間者是也 招 ,又非思賢,乃招賢以共隱耳。 意其來以就食而 或 麻可以 集,退處丘 其國不可 以 即 相 彼 績 贃 國 遺 而 以 之國 袁 他邦,或尚留 衣,有麥可以 ,其樂孰甚焉 久留也。 以自樂,所謂 互相爲禮耶? ,猶言彼留 何不就 本 ? 種 國。 子於 「嗟」 桃 周衰, 而 花 我 爾 似 食, 故 亦 其 古 源 此

施從外來。」 爲布者。 集釋】麻〔《集傳〕〕麻,穀名。 施施喜悦之意。 〔吕氏祖謙曰〕孟子曰 子可食, 皮可 施 績

李 叶 四紙。 · 韻。 標韻】麻六麻。 麥十一 子同。 陌。 玖二十五有,叶 或 嗟同。 十三質。 舉里反。 施 四支,叶 食 同 叶 時遮反。 通 韻 韻

> 與覆亡者相去幾何哉? 東都一徙,王綱不復再振。 或 樂仕進,或退處下位,或遠隱丘園。 殘破之餘,以致室家相棄,兄弟不保,戍卒怨於前, 散 後作,故其音怨以怒,而又哀思無已,則 風 而 夫歎於後也。 垂老别》、《哀江頭》、《哀王孫》等篇,與此 怒矣。 》者,能無俯仰嘅歎於其際哉? 轍。 ,於是小人得進而用事,如狡兔爰爰無所忌憚。 也 可知。 杜作人稱 以上王詩,凡十篇。 後世杜 《兔爰》猶及西周之盛,而 其始蓋由朝常紊亂,國是日非,君子不 甫遭天寶大亂,故其中有《無家别 「詩史」,而此册 無怪其音之哀以思,不止怨 國雖未亡而下等列侯,其 實 案, 朝廷之上無與爲 開 此册 《黍 其 其民 先。 離 先後 詩皆 剿 之困 讀 如出 亂 但 $\widehat{\Xi}$ 故 征 傷 且. 離

鄭

難,是爲桓公。 以封其弟友爲 徒。 集傳》: 又得號、檜之地,乃徙其封 「鄭邑本在西都畿 采地,後 其子武公掘突,定平王於東都,亦爲 爲 幽 王. 司 内咸林之地。 而 徒 施舊 而 死 號於新邑 於犬戎之 宣王

司

八四

間,以 南開. 風 鄭初封固在西周圻内地,即 分,巖險聞天下,故春秋戰争之多者,無如鄭。」案 也。 是爲新鄭。」咸林在今陝西西安府華州,新鄭即今河 首 初封 封 殷、周三都外,即次及於鄭焉 桓公時,王室多故,謀及史伯,寄帑於號、檜之 陰謀鬱成大國。 府 在圻 新 鄭縣 内, 風 然何以次於王? 所以次王。 然新鄭即成皋、滎陽、虎牢之 新徙亦密邇東都,故觀 且周之衰,鄭爲 胡氏紹曾 日 之

緇衣 美鄭武公好賢也。

子之館兮,還予授子之粲兮。三章 缁衣之茸兮,敝予又改作兮。適子之館兮,還予授子之粲兮。一章 緇衣之好兮,敝然之好兮,敝。 過子之館兮,還予授子之粲兮。一章 緇衣之好兮,敝

異説。惟季氏本以爲「美武公好賢之詩」,「國人美武公」、《集傳》、《詩緝》悉從之,無右《緇衣》三章,章四句。《序》、《傳》皆謂

也。 前席 徒以 難於 映,爲萬世美談。此《緇衣》之詩所 宜以改衣、適館、授粲屬之國人耳。 好賢無倦之心,殆將與握髮吐 成輔國宏猷。 貌,親賢以道尤以心。賢所以樂爲用 而 得謂之好賢哉? 授粲,而不適其館,隆以禮貌之謂 飛鳳翥之士日來吾前,而吾但爲之改衣、 矣。愚謂改衣、授粲非在上者之所難,特 宜爲此言,即周 粲,此豈臣下 姚 又能折節下交,屢適賓館,居則虚衷以 氏謂爲後説勝前賢,不然改衣、適館 即謂之美武公也,亦奚 衣食餌 「適子之館」而不 出則憑軾而 國士,而 施 國人好之,形諸 人亦不當出此詞。 於君上哉? 武公則於改衣、授粲外, 過門。 或 惲煩焉耳。 夫使龍 士且望望然去,尚 羅 不可? 賢 無論鄭人 歌 哺後 以 咏,寫 何? 是 禮 其説 先 惟 由 不 而 作 相 其 以 共 是

館 也。 日 以黑則爲鄉,又復再染以黑乃成緇。」緇衣〔孔氏穎 纁,五入爲緅,七入爲緇」注:「染纁者三人而成,又再 ,釋皮弁而服 〕緇衣,即《士冠禮》所云「玄服,❶朝服,緇帶,素韠」是 卿士旦 集 釋』緇黑色。 朝於王,服皮弁,不服緇 以 聽其所朝之政 〔《周禮・考工記》〕「三人爲 也。 衣。 館舍也。 退適治事之 粲餐 達

叶 同。 早,叶古玩反。 本 標韻】宜四支。 韻。 黎十五 蓆 + 翰。 陌 爲同。 叶 叶 韻。 祥 籥 本韻。 反。 好二十號。 作 館 + 十四四 藥。 造

也。

蓆大也。

我樹 亦可畏也。一章 敢愛之? 桑。 將仲子兮,無 將仲子 豈 畏我父母。 敢愛之? 將仲子兮,無踰我牆,無折 踰 諷 我里,無 世 仲可懷也,父母之言, 畏 以 我諸兄。 禮自持也 折我樹杞。 仲 미 豈 懷

之多言。仲可懷也,人之多言,亦可畏也。無踰我園,無折我樹檀。豈敢愛之? 畏人也,諸兄之言,亦可畏也。二章 將仲子兮,

非。 以 此詩難保非采自民間閭巷,鄙夫婦相愛慕 不能斷。 爲奔,亦不得謂之爲淫。 公、叔段事,是矣。 等字耳。《集傳》從鄭漁仲説,以爲無與莊 聽」,特以詩中有「父母」、「兄弟」、「仲子」 刺莊公不勝其母,以害其弟,祭仲諫 爲淫詩 蓋女心既有所畏而不從,則不得謂之 右《將仲子》三章,章 乃曰:「按,此詩言鄭事多不合, 則合。」是其識 而又以爲淫 亦尚游 姚氏 八句。《序》謂 知其然,仍 移未定耳。 奔詩 而弗 亦

●「玄服」,阮刻本《儀禮》、阮刻本《毛詩正義》(以下簡稱

得乎? 前,心 知已。 理自 其 而 侯得 父母、兄弟有 富 貴 心,斯能 復 歸。 之以 在 功名孰 見 雖不能無所動,而惕以人言可畏, 然其義 許 故《左傳》子展如晉賦 使其 是善於守身法也,而謂之爲惡 爲 於他 以 非 涉 所不 禮 爲 世 有合於聖賢守身大道 可 慎 或 懷 法。 本國淫 敢欺 其 歟 而 守。 夫使人 ? 可愛? ,則慾念頓消 詩,豈尚 此 故 非 成或非 心無所 惟 此詩 淫 舉 能 詞 義之 以 以 一、故太 畏, 斷 自 理 而 而 當 賦 衛 即 也 天 制 則 口

二十五 也 梓杞也。 氏 穎 達日》(地官・ 檀 無折 家 我樹杞 爲 集傳》〕檀,皮青滑澤,材彊韌,可 集于苞 釋】將 里 也 杞」、「言采其杞 遂人 》云: 請 柳屬 杞 也。 柳屬 也。 仲子男子之字也。 「五家爲鄰,五鄰爲里。」是 「南山有杞」、「 也。 至 」、「隰 氏 有 應 爲車 在彼杞 杞桋」, 麟 日 二杞 里行孔 枸杞 有

> 隊。 Ŧī. 未,叶於非反。 母二十五 韻 有,叶 里 叶 四 韻 滿 紙 彼 反。 杞 同。 叶 韻 本 韻 懷 九 佳。 愛十一 畏

美且 豈無飲酒? 叔 野,巷無服馬。 也,洵美且 武。三章 叔于 田 叔 一、巷無 于 不如 仁。 $\dot{\mathbb{H}}$ 豈無服馬? 叔 一章 居人。 刺 也, 莊公縱 洵美 叔 豊 于 無居 弟田 狩, 且 不如 好。 巷無 人 獵 二章 ? 叔 自 似也,洵 飲 喜也 不 酒 如 叔

也。 意。 游 也 而驕,多行不義,誰則使之? 獵 可 「刺莊公」、《集傳》及諸家皆謂 知 其實此詩的 無 詩人不必明斥公非,但極 右《叔于田》三章,章五 度,則其平日之遠 即 叔之驕縱無忌,實莊公故 刺 莊 公無疑。 君 句。 子 而 莊公實使之 力摹寫 叔之恃 狎 無刺 《小序》以 伍 叔之 莊 縱 小 其

適

則請 儔 弋獵地也,其所交者,更不宜近飲酒 惡之意亦可見。不然,叔以 義 子吕所云「欲與大叔,臣請事之,若弗與, 誇大詞以動莊公,使其早爲之備,亦如公 仁」、「美且好」、「美且武」者,詩人故 飲 親,京城大叔之貴,其所好者,不 而 也。 酒 人真能得衆心歟? 昧 ,以及服馬之不足相勝乎? 其義焉 除之,無生民心」之意云耳,而謂此不 而何以 可 也 日事田獵,至于巷無居人、 讀詩者慎勿泥其辭 國君介弟之 應 曰「美且 在 爲 服 馳 此 馬 騁

田。 服 預 乘也。 日 爲田除害也。 狩, 圍守也。 集釋】田〔《白虎通義》曰〕四時之田總名爲 [孔氏穎達曰]《易》稱「服牛乘馬」,俱是駕用 巷里: 冬物畢 塗也。 成, 獲則取之, 狩冬獵 日 無所 狩。 〔杜氏 擇 也。

【標韻】田一先。人十一真。仁同。通

之義,故服馬猶乘馬

也

厚反。 滿補反。 韻。 狩二十六宥。 叶韻 武七慶。 野二十一馬 叶韻。 酒二十五 叶 有。 上與反。 好 + 馬 九 皓 同 叶 上 許

大叔于田 刺莊公縱弟恃勇而勝

衆也

揚。 黄。 發罕忌。 驂如手。 送忌。二章 叔在藪,火烈具舉。 「將叔無狃,戒其傷女。」一章 兩服上 叔善射忌,又良御忌。 叔于田,乘 抑釋掤忌,抑鬯弓忌。 三章 叔在 襄,兩驂鴈 叔于田,乘乘鴇。 一藪,火烈 乘馬。 檀裼暴 執轡如 、具阜。 行。 抑磬控 叔 虎,獻 組 在 叔 兩服齊首,兩 叔 兩 馬 藪,火烈具 于田,乘乘 忌,抑縱 于公所。 慢忌,叔 驂 如舞。

篇虚寫,此篇實賦,前篇私游,此篇從獵與前篇同爲刺莊公縱弟游獵之作。但前與前篇同爲刺莊公縱弟游獵之作。但前

肉

其兄 也。 之以 叔 不 盡致,便爲《長楊》、《羽獵 T. 義之人,人又何愛之有 以 公所。」暴虎,危事,太叔至親 識 而 惟不 爲誅 無狃 作者苦心云。 愈 ,則姚氏所謂 若謂國人愛之而恐其或傷 則 蹈 矜 心之論,如《春秋》書法,微 於危耳。 ,戒其傷女。」豈真愛之耶? 怒其無禮,而且勞 其 恃勇無君之心已可概見 勇 也。 描摹工 詩 詩 人 日 窺破 耶 豔 ? 襢 》之祖」, 鋪 此 而慰之日 裼 隱,故特 至 張 而 门則好 暴 其 亦復 叔 虎 庶 意 詞 莊 以 勇 實 獻 幾 淋 所 氣 咏 公 此 能 之 不 在 之 縱 將 時 漓 驕 于

與 逌 也 藪 日〕五御之法,有舞交衢者, 服 澤 諧 也。 襢 和, 集釋】兩驂車 楊八孔氏穎 八孔氏 然服 穎 制 達 於 達 日 衡 日 鄭 不 衡外兩馬曰驂。 李 得 有 巡 圃 如 蓋 日 田 舞。 詩 ,此言 所 襢 其言舞 謂 裼 在 如 脱 如 藪」,蓋 舞 者, 驂 衣見 舞 也。 董 體 圃 也。 驂 氏 日 田

> 慢遲也。 央夾轅 事乘此。 簫」疏 弓囊也,與韔同 處。 控 抑 鴈 日 鴇[《集傳》]驪白雜毛曰鴇,今所謂烏驄也。 〔梁氏益曰〕拔,矢末也,所謂栝 襢 〕黄,馬之上色。 謂 語 行〔《集傳》〕鴈行者,驂 彇 掤 助 云 云 控制 與簫同,弓之梢末,所 孫炎曰: 矢筩 者名服 兩 「弓頭稱剡,差斜似簫,故名曰簫,又謂之弰。」 不 發發矢也。 蓋。 逸。 服 磬控〔范氏處義曰〕磬,謂使之曲 馬, [孔氏穎達日]車 襢 縱送〔《集傳》〕舍拔 《明堂位 兩 春 去裼 秋傅 邊 名 罕 衣。」狃習也 騑 - 希也。 少次服後,如 **ĕ** 作「冰 馬, 謂 也。 弭 亦 有 「周人黄馬蕃鬣。」言吉 也。 0 日 釋 亦 轅 驂 **常曲** 鬯 解 日 作筈,箭 而四馬駕之,中 馬。 鴈 縱 乘 也。 (《集 禮 行 黄 覆 也。 》「左手執 阜盛 襄 傳 彇曰 「陸 掤 折如磬。 本受弦 忌、 氏 鬯 送 也 也 集 佃

黄七陽。 舞 所 六語 同。 標 藪二十五有,叶 狃二十五· 襄、行、 韻 馬 <u>二</u> 揚 有 並同。 叶 素苦反。 女古反。 馬, 本 叶 韻 滿 舉 女六語 補 六 反。 語 射 三 十 虎 組 叶 七麇。 七 韻 禡 麇。

阜並同。 叶 韻 御 韻。 六 御, 鴇 十九皓,叶 叶魚駕反。 掤十蒸。 本韻。 弓一東,叶姑宏反。 慢十六諫。 補苟反。 叶韻。 首二十五有。 控一送。 罕十四旱,叶虚旰反。 叶韻。 送同。 手、藪、 本

陶。左旋右抽,中軍作好。 三章 清人在彭,駟介旁旁。 二矛重英,河上乎逍遥。 二章 清人在捎,駟介麃麃。 二矛 野翔。 一章 清人在消,駟介麃麃。 二矛

向 幸 惡高克而使之擁兵在外,此召亂之本也 名,或以爲非地名,皆不可考。 明文,固勿庸議。 傳》,高克棄師奔陳,鄭人爲賦此詩。 而 師 右《清人》三章,章四 以禦之? 散 將逃, 或 由斯以 即彭、消、軸,或以 得 無 觀 恙。 句。 ,高克亦無能 使其反戈相 《序》本《左 惟鄭文公 事 爲 輩 有 地

> 能無所議焉。故刺之。 人固早有以知其必不然也,若文公者則不上諸軍直同兒戲,即使作亂亦易制服。詩「逍遥」,曰「左旋右抽,中軍作好」,所謂霸耳,何以見惡於文公耶? 詩曰「翱翔」,曰

將軍之左,執轡而御馬者也。旋,還 日喬。 疊而見。 好容好也。 之士在將軍之右,執兵以擊刺者也。 夷矛長二丈四尺,並建於車上。 旁馳驅不息之貌。一一矛酋矛、夷矛也。 軍〔《集傳》〕中軍,謂將在鼓下,居車之中,即高克也。 陶陶樂貌。 集釋】清邑名。 翱翔遊戲之貌。 左旋右抽〔《集傳》〕左,謂 駟 **應** 應 武貌。 介四馬而 英以朱羽爲矛飾,重 車也。 抽、拔刃也。 被甲也。 **酋矛長二丈** 喬矛之上勾 右,謂 勇力 御 中 旁 在

屋,叶音胄。 通 韻 標韻】彭七陽。 消二蕭。 陶四豪,叶 麃、喬、遥並同。 徒侯反。 旁同。 英八庚。 抽 十一尤,叶 本 韻 翔 七陽。 ·輟救 軸

反。好二十號。叶韻。

羔裘 美鄭大夫也。

不渝 彼其之子,邦之彦兮。 三章 子,邦之司直。二章 其 或則 謂此詩非專美一人,必當時盈廷碩彦濟美 **豈無可以當此詩者?** 但今不可考耳。 未必然,當時鄭之大夫如子皮、子産之徒, 朝服以章身。故詩人即其服飾之盛,以想 刺朝」,陳古以風今也。《辯説》謂詩意恐 舍命不渝」者,君子安命,雖臨利害而 (徳 誼 一章 時,或則順命以持躬,或則忠鯁而 羔裘如濡,洵直且侯。彼其之子,舍命 儒雅以聲稱,皆能正己以正人,不媿 右《羔裘》三章,章四句。《序》以爲 經濟文章之美,而咏歎之如 羔 裘豹飾,孔武 羔裘晏兮,三英粲兮。 有力。彼其之 此。曰 事上, 愚 不

孔甚也。晏鮮盛也。三英裘飾也。彦士之美稱。也。禮,君用純物,臣下之。故羔裘而以豹皮爲飾也。養也。舍處也。渝變也。飾〔《集傳》〕飾,緣袖美也。〔姚氏際恒曰〕此即諸侯之侯。當時稱諸侯亦取

晏十六諫。粲十五翰。彦十七霰。通韻。七虞。叶韻。飾十三職。力、直並同。本韻。【標韻】濡七虞。侯十一尤,叶洪鈎反。渝

遵大路 挽君子勿速行也。

不寁故也。 我魗兮,不寁好也。二章 遵大路兮,摻執子之袪兮。無我惡兮, 一章 遵大路兮, 摻執子之手兮。

無

是。 哉? 朋好之心,則豈無故而云然哉? 《序》言爲正、《集傳》謂「淫婦爲人所棄」者 其舊者亦深矣。」此 詩人豈徒勉君子遲遲其行也,感於事 安得不去乎?『不寁故也』,『不寁好也』, 後,無非祭仲、高渠彌、祝聃之徒也,君子 謙曰:「武公之朝,蓋多君子矣。 固非,即姚氏以爲「故舊道左言情」者亦未 然,區區道故常情,何煩大聖人之删 勢,據理言情,深得古風人意旨所在。 公,尚權謀,專武力,氣象一變。左右前 蓋道左而挽留賢士,且殷殷動以故舊 右《遵大路》二章,章四句。 此詩當從 又曹氏粹中 Ė 雖無 「申公、白生强起穆 所據,而揆時 至於莊 吕氏 而 而 不 度 祖 存 懷

> 道矣。 者、詞婉而意愈深耳。」嗚乎! 子之意。而詩不言念先王,但曰『無我惡』 生曰『獨不念先王之德歟』,即此詩欲留君 可以觀世

曰〕猶言倉卒也。 是袪之本,袪是袂之末,俱是衣袖。 集釋】摻擥也。 魗與醜同 袪袂也。〔孔氏穎 寁速 也。 (嚴氏 達 曰」袂

叶韻。 叶韻 標韻】袪六魚,叶起據反。 手二十五有。 魗同。 好十九皓,叶許口反。 惡七 遇。 故同。

贈之。 有爛。 在御,莫不静好。二章 之,與子宜之。宜言飲酒,與子偕老。琴瑟 女曰鷄鳴,士曰 知子之順之,雜佩以問之。 將翱將翔、弋鳧與鴈。一章 女曰鷄鳴 昧旦。子興視 賢婦警夫以成德也。 知子之來之,雜 知子之好 弋言 夜,明 以 加 星

之,雜佩以報之。 三章

賢乎? 鼎足 歸 詩不 缺 天理人心之善,未嘗或息於兩間。 和樂之音,堪與《關 其德,婦人之職於是乎 宜家以和樂,三章則佐 下,皆婦人之詞。首章勉夫以勤勞,次章 美者皆述古,而惡者皆刺今,則變風 (序》以爲「陳古以刺今」,不知何所見而 可取之詩,而何以知政治得失耶? 而三。 不備也。 惟變風之正,直可與《關雎 夫婦相警戒之辭,人皆知之矣。 彼其意蓋 右《女曰 此則 不意鄭俗淫哇之際, 相夫以成内助之賢,房中雅 何者?《關雎》新昏、《葛覃 鷄鳴》三章,章六句。 觀 謂《鄭風》無美 其詞義,「子興視夜」以 雎》、《葛覃 盡 夫以親賢樂善 而 乃有 ·》爲 可 詞 》、《葛 不 耳 配 聖人 謂之 此 此詩 中正 中無 夫 可 而 覃》 此 删 見 爲 成 使 云 而 人

> 言,是一往無能 狂 詩,特標此一 瀾於 既 倒 篇於舉世不爲之中, 砥 回之人心矣,而 中 流 以 不 移 必 何 如《序 可謂 以 爲 世

勸

也。

又以 搏而 末懸 珩,下 也。 之矰。 中 謂天將曉而 言刜也,以弋飛鳥。 禮 明,然將曉而明大者,惟啟明耳。 明星,謂之啟明。 昧爽之交, 日夕, 昏明之際。 也 方,日 司弓矢》「矰矢,茀矢,用諸弋射」注 兩組貫珠 鳧水鳥,如鴨。 繋三組,貫以 【集釋】昧日[[呂氏祖謙曰]《列子》曰 繳,繩 玉 雜 兩端 琚。 佩 小星不見,惟明大之星 也。 上繫珩兩端,下交貫於瑀,而 皆鋭,日 其末各懸 集傳 矰,高也,取向上射飛鳥之義 〔嚴氏粲曰〕今俗 璸 刜羅之謂 「李氏巡日 珠。 衝 一玉,如半璧 佩 牙。 中 者 組之半,貫 明 結繳以 兩旁組半各 〕野日鳧,家 左 星公爾雅 弋〔許氏謙 一爛然。 所謂曉 右 佩 羅, 疏: 而 玉 一大珠, 也。 取而 内 雖 星 結 》》《釋天》: 懸 日 下 向 不 繳於 也。 鶩。 刜 繫於 上 日 指 玉 日 將 》周 毛氏 殺 茀之 横 矢謂 爲 璜。 瑀。 旦, 加 日 之 啟

璜,行則衝牙觸璜而有聲也。 順愛也。 問遺也。

問 九皓。 韻 + 加六麻,叶居之反。 問。 好 同。 韻 通 韻。 旦十 本 .韻 Ŧī. 好二十號。 翰。 贈二十 宜四支。 爛 同。 報同。 五. 徑。 鴈十 叶 韻。 本韻。 順十二震。 六諫 老十 通

行,顔. 瓊 孟 琚 姜,德音不 有 如舜英。 彼 女同 美 有 女同車 車 孟 忘。二章 姜,洵 將翱將翔, 顔 如 美 舜 諷鄭太子忽以昏齊也 華。 且. 都。 佩玉將將 將 酁 章 將 翔 有 女 彼美 佩 同 玉

後以 謂 辯説》以爲「忽之辭昏,未爲不正,至其失 集 刺忽也」。 傳 以 無大國之援 右《有女同車》二章,章六句。《小序》 勢孤 又 疑 援 爲 弱 淫 衍之者曰:「忽不昏於齊, 亦未 奔之詩。 而 見 有可 逐,故國人刺之。」 刺之罪也」,故 夫 日 同 車 則

「孟姜」 助計。 也。 何? 謂? 其 又未嘗不爲忽幸。 者,事前勸之也。 是之威儀 有 絶 世李延年歌於漢武 如是乎? 迨後文姜淫亂,幾**覆魯國** 弱,以至失國,似不昏於齊者,爲忽失計。 齊者,從事後 已甚詳。 世 御 「德音不忘」,蓋欲諷忽以 輪之禮,曰 而 曰 : 曰 : 又 則 獨 是彼美孟姜者,又安知其後之淫亂 不 有辨乎? 曰: 盛 且 本 立 誳 故首章言其「美且都」,次章言 ·待辯 飾 齊族 曰「德音不忘」,是豈 忽以昏齊, 論之也; 昭 而 彰耳目乎? 之貴 佩 顧 事後論忽,固 事前勸忽,則不過爲援 自 玉 傾 帝 明 Ĺ 日 淫 則 誳 非刺 矣。 有。 城 ,則不昏於齊者 有 奔 忽 速娶之耳。 北 矩步之節, 再 而 以 然 刺忽 忽 前 方有佳 顧 越 宜 則 以 是勢孤 人駁 傾 國,有若 昏 以 此 淫 不 X 奔之 昏 詩 於 昏 之 國。 後 援 齊 於 古 齊 謂 日

惜, 此 豈 而又何刺乎? 意 不 知 爲忽幸,而終以忽之辭昏爲有見也。 然 傾 城 忽已 與 傾國? 辭 昏 而 詩 佳人難再得。」亦是 仍存 者,一 爲忽

嫁之有? 從嫁者,皆非。 美好閑習之言。 女,而以文姜爲主,故特著之。 人即所見以咏之而已。 月令》: 仲夏,木槿榮。 名槻,一 集釋】女同車或謂同車爲親迎,又謂侄娣之 此當是初議昏時,齊必盛飾數女以炫忽。 名椴,齊、魯之間謂之王蒸。 無論同 司馬相. 車非親迎禮,忽已辭昏,又何 如《上林賦》云: 舜〔陸氏璣曰〕舜,一名木槿, 孟 姜指文姜也。 都[孔氏穎達日]都 「妖冶閑 五月始華,故 同 車 都。」 雖 者 詩 從 數

將、姜、忘並七陽。 通韻。魚。都七虞。叶韻。行七陽。英八庚。翔、魚。都七虞。叶韻。行七陽。英八庚。翔、《標韻》車六魚。華六麻,叶芳無反。琚六

山有扶蘇 刺世美非所美也。

充,乃見狡童 狂 且 Ш 一章 有扶 蘇, 山 有 隰 橋 有荷 松, 華。 隰 有游 不見子都, 龍。 不 乃見

耳。 高 自殺其身者,亦豈尠哉? 然」,庶幾近之。 謂 之美者,則何以故? 時亦見狡童、狂且爲美而不見子都、子充 狡童、狂且,較其妍媸,宜若易辨也。 華,亦有游龍。 流弊,舉以爲戒,故藉草木起興,以見 下妍媸莫辨,是非顛倒,以至覆家亡國,而 在采之者辨之而已。子都、子充之美,與 固 刺忽」,無據。 此亦目前 有天下 有扶 右《山有扶蘇》二章,章四句。《小序》 蘇,亦有橋 或 至 家責者,尤當三 大小互見,美惡雜 然不必定指忽也。 理,勿容穿鑿 《大序》謂 是非混 松; 詩 隰之卑固 則妍媸 人不過泛言 而 所美 復 附 而 陳 會者。 莫辨 然 夫天 非 有 細 山之 荷 有 要

兮,倡予要女。

和

女。

一章

蘀

兮蘀兮,風其漂女。

叔兮伯

直以 《序》固謬執涉於附會,然猶未至如《集傳》 爲「淫女戲其所私」者之猥褻不堪 也

和」,則非詩意。

詩言「叔兮伯兮」,是以

未始不可。

然必曰「君

弱

臣

强,

不

倡

而

右《蘀兮》二章,章四句。《序》謂

刺

忽,

鴻 幹樛屈,著土處便有根,如龍也。《本草》云: 葒草,一名 竦 以爲喻。 不見於書,疑亦以美著也。 蘇乃茂木耳。 無枝 如 日 集釋】扶蘇《毛傳》謂小木,非也。 馬夢 橋,亦作喬。 狂醜惡人也。 而大,即水紅也。 子都〔季氏本曰〕子都,古之美男子,借 游 且 龍 狡童狡獪小兒也。 語 〔張子曰〕龍是葒草,其枝 辭。 子充(董氏道曰)子充 橋松〔《集傳》〕上 蓋枝葉扶

童同。 虞。 且 標 六魚。 你韻 】蘇 叶 七虞。 韻 松二冬。 華 六麻,叶 龍同。 芳無 反。 充一東。 都七

通

韻

兮蘀兮,風其吹女。 蘀 兮 誳 朝 臣 共扶危 叔兮伯兮,倡 也 子

之心。 耶 ? 徒爲 其倡,不患無和之者。」蓋小臣 扶持之乎? 之心,呼諸大夫而告之。言槁葉風 以嚴氏粲之言爲近,曰:「此小臣有憂 齒頰, 詎可以之釋經? 伯何所倡而女又何所和? 行淫之女, 豈有呼叔 予者望諸 不見諸大臣 而無救君之力,大臣有扶危之力而無急難 久矣,豈可坐視,以爲無與於己,而不 ,袖手旁觀者盈廷皆是,以故義奮忠貞 《集傳》則更以爲「淫女之詞」。 當此 叔伯大夫矣,而 國是日非、主憂臣辱之秋,而 而激於下位也。 叔伯諸大夫其亟圖之。 而又呼伯者? 此詩解者雖多,要 言之不徒污人 何以謂之 忽之世,權臣 有憂國之心 吹 患無 相 不 且 天下 爲 國 與 能 叔 忽

呼諸 惜 難自 專 何 忽世,其亦可矣。 乎 能 擅 立,故不如早爲之備,先發以制 或 叔 久 ! 存? 伯大夫而告之矣。 小臣有是心 君 微 然蘀 弱 寸,苟一 去 而 而附諸蘀 煽 無 動 是力,則不得不 故以 如 以 風 是詩 爲 吹 命 残殘蘀 人也。 者 而 屬 亦

落葉謂之蘀。此云蘀槁者,謂枯槁乃落也。 要成也。曰〕《七月》云:「十月隕蘀。」《傳》云:「蘀,落也。」然則【集釋】蘀〔毛氏莨曰〕蘀,槁也。〔孔氏穎達

叶 韻 標 漂二蕭。 韻 い 吹 四支。 要同。 本韻 和 二 十 箇, 叶 户 圭 反

狡童 憂君爲群小所弄也。

我 子之故,使我 不 能餐 彼 狡童兮,不 右《狡童》二章,章四句。 兮。 不 章 能息兮。二章 與 彼狡童兮,不與我食兮。 我言兮。 維子之故,使 《序》謂 刺刺

矣。 言且 無如 矣。 《扶蘇》章之狡童、狂且,即此章之狡童也 不類。 私之人耶? 明,何至 其 忽」。 並無其意。不知何以見爲淫女反言以 絶,未至於使我不能 絶而戲其人之詞。 或謂 君故,至不能餐,又不能 國君所用 「未至」之義,詩無其文,即悦己之衆,詩 人人也。 向非 食也無足爲怪 何,乃私相憤恨,曰彼狡童之不 言不屑與,況同食哉? 指祭仲,則 呼君爲 昔人已辨之。《集傳》又謂「淫女見 疑忽又疑仲,而 大抵 非人,恃寵 維君之爲 狡童者無禮,固屬 特是作於何朝 狡 祭仲 童 特 而 曰悦己者衆,子 者,愈壬宵小之謂 而 在 餐與息 誰 所慮者君耳。 驕,目 當 竟 爲 息,是寢 時 至 哉? 年已老,亦 也。」則 大臣憂 疑 無 何 爲淫 朝臣 非 代, 詩 食 意 俱 則 女 吾爲 與 之 也 雖 不 其 廢 而 久 戲 見 殊 亦 即

可考。

【集釋】息安也。

三職。息同。本韻。 【標韻】言十三元。餐十四寒。通韻。食

褰裳 思見正於益友也。

型1.。二章 裳涉洧。子不我思,豈無他士? 狂童之狂他人? 狂童之狂也且。一章 子惠思我,褰裳涉溱。子不我思,豈無

者,亦有以狂童指祭仲者。 人思大國之正己也」,於是有以狂童指 遂以忽、突争國事實之,曰「狂童恣行,國 淫女語其所私者」。 思見正也」,而不言其見正之故。《大序》 右《褰裳》二章,章五 童 而 日 狡, 皆誤認狂童爲狂 則爲狡 句。《小序》曰 《集傳》則 獪 小兒也無 云 突

> 遺之以 若夫狂 焉 乎? 相觀 子其 子在 是什以餞韓宣子,而宣子能無怪之耶 義,當如是耳。不然,《左傳》子大叔之歌 褰裳可涉渡也。 才而 知所裁者,非子不能正其狂也。子慎 也。詩人有望於良友之裁成其子弟也,故 所以裁之。 狂簡,不知所以裁之。」是狂童者,後生有 疑,狂僅日 也 可。 益 陳曰 惠 未知所裁之稱。以其不知所裁,故思 而無如子弟輩之狂,日見其狂 童 詩,曰:子弟之待正於君也久矣, 然思我而來臨乎? 善乎? 「歸與! 自來此詩無是解者。 ,何狡之有? 狂 此名師益友之未可以 一,則爲醜惡狂人也亦無 抑豈 若其無意,則豈無他人之 無他 歸與! 亦何狂之足慮? 士之 溱洧雖深, 吾黨之小子 愚 砥 礪於成 循 日 文按 ? 而 未 無

【集釋】惠愛也。溱鄭水名。《水經》:「潧水

一九七

今汴梁之洧川縣也,近鄭州。 益曰》《地理志》云: 潧,云潧水出 出 鄭 縣 西 北 ,南入于洧水。」「陸氏德明 鄭、溱水出 「洧水出陽 桂陽 也。 城 Ш 洧 東 亦鄭 日 南 〕《説文》: 至長平人潁 水名。 梁氏 溱 作.

紙。士同。本韻。 【標韻】溱十一真。人同。本韻。洧四

丰 悔仕進不以禮也。

二章 兮,駕予與 章 子之丰兮,俟 子之昌兮,俟我乎堂兮。 衣錦褧衣,裳錦褧裳。 歸 裳錦 四 褧裳,衣錦褧衣。叔兮伯 我 乎 巷兮。 叔兮伯兮,駕予 悔 悔予不將兮。 子 不 -送兮。

句。 伯 女也,則 叔偕行矣。 此詩斷非 右《丰》四章,二章章三句,二章章 至乎 堂上矣;女之歸 堂上非行淫地 淫 詩 也,何則? ,叔伯豈送淫 男 以男之俟 也 則 與 兀

際恒。 俟乎堂而女不行耶 禮之優,以致今日而有敦促之辱。仕進 言賈禍,故借昏 子隱處不仕,朝廷初或以 此必寓言,非 耶? 與行」、「駕予與歸」,則又何嘗不和、不隨 之際 此,亦可 成吟,以寫其胸中憤懣之氣。 行,後被敦迫,駕車就道,不能自主,發 中必有他故。 故《序》云:「 不將之悔乎? 是邪正二説,均不可通。 而陰不和,男行 耶 可 ? 總之,詩意前 則俟巷、俟堂、歸竟歸耳,又何不送、 知 矜已。 又況車馬禮服具備 以 刺 咏昏也。世衰道微,賢 詩既不言,事亦難考。 爲女子于歸 不然,昏禮縱缺,亦何至男 L 女 爲 亂 而女不隨。」然詩 也。 悔不 辭, 昏姻之道缺,陽 行,後被强 自悔 禮 自 往聘,不 從前不 咏之詩 則 而 更非 又不 云「駕 歸, 愚意 受聘 敢 肯 君 至 顯 憤 速 此 子 倡

·集釋】丰豐滿,嘉其貌之揚也。 昌 盛壯 貌。

將亦送也。 **褧**禪也。 〔鄭氏康成曰〕以禪縠爲之中 衣

裳用錦,而上加禪縠焉。

庶人之妻嫁服也

本韻。 韻。 反。 送一送。 裳七陽。 【標韻】丰二冬,叶芳用反。 叶韻。 行同。 昌七陽。 本韻。 衣五微。 堂、將並 巷三絳。 同。 叶 歸 胡 同。 本 貢

思 ? 甚遠。一章 東 子不我即。二章 門之墠,茹藘在 東門之墠 東門之栗,有踐家室。 有所思而未得見也。 阪。 其 室則 邇 豈不 其 人 爾

也 矣。然有謂女奔男者,亦有謂男求女者。 玩似淫詩,故自《序》、《傳》來,無不目爲淫 就首章而 就 右《東門之墠》二章,章四句。 次 章 觀 而 , 曰室邇人遠者, 男求女之詞 論 曰「子不我即」者,女望 此篇乍

> 氣象。 情以 字,又安知非朋友自 則 可,而何淫之有哉? 見,遂無求見之心,則雖謂之發情 敢隨聲附和,指爲淫詩。 思念,更不待言。 是君又未嘗不有望乎臣也。 近,天威甚嚴,有不可以驟進者,,君之責 男之心也。一詩中自爲贈答而均未謀 而未得見」之辭 人遠,頗有高 臣,則如唐玄宗云「卿自不仕,奈何 必非 寫 故此詩雖不敢遽定爲朋友辭,亦不 君臣朋 淫 者自 人雅士跡邇 作 友義。 云耳。 可 詩中有懷想情而 知。 相思念乎? 臣之望 然有所 古詩人多託 故但曰「有 市城、心出 至朋 君 思 堂 止義也 而 且 無男女 友 誣 男女 所 室 不 塵 兩 我, 廉 面 得 表 思 濔 相 雖

日 畦也。 墠 ,除地去草也。 集釋】墠〔《集傳》〕墠,除地町町 茹 藘 「陸氏璣 封土爲壇 曰〕茹藘, 蒨 除地 爲墠。 草也。 者。 町 齊 町,言 「梁氏益 人謂之 有

町

茜 千乘之家。」阪 一今圃 人或 作 畦 [郭氏璞曰]陂陀不平。 種 蒔。 貨殖 傳 <u>*</u> 「巵 踐 一茜千 行列 右 貌 亦 比

韻 栗四質。 【標韻】 墠 室同。 十六 銑。 即 十三 阪 職。 十三阮。 通 韻 遠 同 通

風雨 懷友也。

反晦。 既見君子,云胡不 云胡 不 風 鷄 夷 雨 鳴 淒 不 淒 章 己。 鷄 風 瘳。二章 三號。 鳴 雨 喈 瀟 喈 瀟 既 鷄 見 初 風 號。 君 鳴 雨 子,云 膠 如 既 膠。 晦 見 天將 君 胡 再 子, 號。 不 明

大夫 則 以 真 序》、《傳》諸 其 無 爲「思君子」也,獨《集傳》指爲「淫詩 淫 互 良甚矣,又何辯耶? 右《 似 相 風 傳習燕享之會,至賦 不必待晦 雨 家,及凡有志學詩 **>** 三章,章 翁而始知其爲淫矣。 四 且鄭本 句。 以 者 言 亦 此 · 國 賢 志。 詩 莫 使 士: 自

> 索然。 不足以 如之! 世,則必待亂 時最 屬懷友,皆可以 抒懷,故爲千 尤 不 解,亦皆化 獨《序》以 可以促膝談 可 易懷 以 故此詩不必定指 見君 不 此詩 人。 辩。 爲 盡 子,義旨 風 秋 人善 世 心。 況故 咏, 夫 雨 絶調 如險 而 風 喻 於言情,又善 始思君子,不 則意味無窮矣 雖 友 亂 雨 也。 初夷,如 非 有無限 良 世 晦 不正 爲 一,遂 若必 朋 冥 忽、突世 獨 病初瘳 使 大, 意趣 愁懷,鬱結 以 朝 處 詩 遇 亂 於 風 聚 無 味 即 雨 作,凡 索 會 聊 反 何樂 世 景 喻 覺 以 此 川 蜀 則

【長睪】皆含↑兆氐祭亘ヨ〕皆爲衆聲和,刃鳥已。此何如友誼耶? 而乃以爲淫也,豈不冤哉?【眉評】深宵風雨,聯床話舊,不覺情親,曉猶未

以 聲尚微,但覺其衆和耳。 日 夷爲悦,心悦則夷平 廖 膠,同聲高大也。 集釋】喈喈 (姚氏 憂則鬱結 嚴氏 夷平也。 際恒 粲 日 也 日 []膠 一嚴 」階爲 膠,擾 膠 氏粲曰》《毛 膠 衆聲 擾 姚 是 和 氏 雜 際 初 鳴

意,謂 知。 之病,至此 止 也。 也 詩 群 姚 意如此,無人領會, 日 鷄之聲也。 氏際恒日 如 而 晦。 愈 也。 惟 〕鷄三鳴後,天將曉,相續不已 其 如 廖《集傳》》廖,病愈也。 爲如 晦 可與心賞者如 姚 海,則 氏際恒 淒 淒、 日 瀟 何 如如 瀟 如何? 晦,正 時 言 尚 也 晦 寫 積 己 可 思 其

韻 韻 瀟二蕭、 晦 韻】淒 隊, 膠 三肴。 八齊。 叶 呼 洧 瘳十 喈 反。 九 佳。 已 尤 叶 四 夷四 憐蕭 紙 支。 反。 喜 同。 叶 通

子衿 傷學校廢也。

叶

不 不往,子寧不來? 嗣音? 一日不見,如三月兮。三章 青青子衿,悠悠我 一章 青 青子 二章 心 佩、悠悠我思。 佻兮達兮,在 縱我不往,子 縱 城 闕 我 寧

學校廢也」。唐、宋、元、明諸儒皆主其説,有《子衿》三章,章四句。《序》謂「刺

吾德音 學校 詩。 聞行 忘 恣 年 然予縱不能與諸及門互相助益,諸及門 彼青青子衿者相從 不能 學校久廢不脩,學者散處四方,或去或留 未嘗錯,特謂刺學校則失詩 言,當是師之于弟子也」。 校無據,疑 非之心,終難昧矣。 又云「廣青衿之疑問」,仍用《序》説 而《集傳》獨以爲淫詩。 則 ,則其 少佻達,日 廢久矣,予不能再赴講席而廣教,思 復 知,各有淵源,甯 曰:學問之道未 雖 聚如平日之盛,故其 郭? (志荒 亦思友之詩。 日之暫違,不啻三月之久别,予 矣。 其所 事登臨 此 以 有素,能無繫予心哉? 姚氏際 吾所以 ,或城或闕,遊縱 不 不 可孤 思日 迨至《白鹿 來 玩『縱我不往』之 愚謂《序》言 者,吾知之矣。 陃 師 人 恒以 憂思,刻不 來吾前 自安也。 語氣。 傷之而作是 爲 洞 刺刺 此蓋 是是 賦 學 自 尊

之心念及門也。 爲何如哉?

用素。 青,而重言青青者,古人之復言也。下言「青青子佩」, 衣》云:「具父母衣純以青,孤子衣純以素。」是無父母者 謂青組綬耳。《都人士》「狐裘黄黄」,謂裘色黄耳。 [孔氏穎達曰]衿,與襟音義同。 衿是領之別名 衿〔《爾雅》〕衣眥謂之襟。 集釋】青青純緑色。 [孔氏穎達日]衿色雖 [孫氏炎日]交領也 《深

達七曷。闕六月。月同。 佩十一隊,叶蒲眉反。 韻】衿十二侵。 思四支。 通韻 心 音並同。 來十灰。 叶 本 韻。 韻

揚之水 闕疑。

不流 言,人實不信。二章 女。無信人之言,人實廷女。一章 東薪。 揚之水,不流束楚。 終鮮兄弟,維予與 終鮮兄弟,維予二人。 無信人之 揚之水,

右《揚之水》二章,章六句。 此詩終不 其私而已矣。 慎無信人之言,而致疑於骨

猜,本實先撥,又況骨肉 不可自殘,譬彼弱 不覺愈加親愛,遂相勸勉,以 詩,不過兄弟相疑,始因讒間,繼乃悔悟, 通。 謂其所私之言」,其於「兄弟」字,更不 非閔忽詩明矣。」至《集傳》則以爲「淫女相 與士也。且忽兄弟甚多,不止二人,何以 與女」,是兄弟二人自相告誡之辭,非言臣 可解。 他人雖親,難勝骨肉。 女」,何堪再離? 女豈謂人言可信 『莊公之子,猶有八人』,不得爲鮮。 忽與子儀、子亹皆已死,而原繁謂厲公曰 云維予與女? 士,終以死亡」。 昔人辯之已詳,兹不多贅。 《序》以爲「君子閔忽之無忠臣良 曹氏曰:「《左》莊十四年, 然詩云「終鮮兄弟,維 水難 「人實廷女」,以遂 流 無多,「 束薪。 爲根本之間 竊意 維予 兄弟 然則 哉 ? 與 相 此 可 子

其事以實之,則當闕疑以俟知者。 之,以爲世之凡爲兄弟者戒。若必求其人肉間也。語雖尋常,義實深遠。故聖人存

真。人、信並同。本韻。 本韻。 薪十 【標韻】楚六語。女同。本韻。 薪十

思存。 閣,有女如荼。 如 藘, 出 聊可 其 東門,有女 衣 出其東門 與娱。二章 綦 巾, 雖 則 聊 へ如雲。 如荼,匪我思 樂 不慕非禮 我 員。 雖則如雲, 色也 章 且 出 其 縞 匪 闡 衣 我

平遊覽, 棄,民人思 関 序》言無當於經固 亂也。公子互争,兵革不息,男女 右《出其東門》二章,章六句。《序》謂 絶 保其室家焉」。 無干 - 戈擾 已。《集傳》云「人見淫 攘、男奔 然詩方細 女竄 氣象。 咏 太 相

> 情乎? 且出 嬈豔 自有 防 如 出 士風流自賞,不屑屑與人尋芳逐豔 口 女,盡屬淫奔,亦豈 奔之女而作此詩」,是以「如雲」、「如荼」之 雲 遊 哉! 而道,並未暇思,於此可 非 冶 而 伉 睹 禮 ,徒亂人心乎? 又如荼,終無 儷,雖荆 此繁華,不覺 色不可 ,則將無所 以 釵 非 布 可 岸 禮 裙 有 哉 人繫 動 自足 慨 故東門 ? 詩固 耳。 於心,以爲 . 見。 我 爲 晦 知足亦善自 心 樂,何必 翁釋 心 此詩 懷,豈 爲 遊,女則 色動 詩,隨 人 亦 生 矯 妖 貧 日

裹頭之巾。 青而微白,爲艾草之色。 然則編是薄繒,不染,故色白 左佩粉帨 編,細繒也。」《戰國策》云: 集釋】編白繒也。 一,粉帨即 員與云同,語辭 巾 也。 巾 此 「强弩之餘,不能穿魯縞。」 〔孔氏穎達曰〕《廣雅》云: 也。 . (馮 巾 也。 宜 氏復京日〕案《禮 量 爲 綦者,青色之小别 佩 曲 巾 城 ,或以爲婦人 「陳 氏飛

也。 華也。」顔師古曰:「菅,茅也,言美色如芳茶之柔也。」 草秀出之穗。 會,白常、白旗、素甲、白羽之矰,望之如荼。」〔李氏 鵬 曰〕《漢・禮樂志》曰:「顔如荼。」應劭曰:「荼,野菅,白 日 茶〔毛氏萇曰〕茶,英茶也。 之外 有副 言英荼者,英是白貌。 城 回 一曲以 障門者,謂之閩。 〔孔氏穎達曰〕茶是茅 《吴語》: 「黄 署 池 城 樗 之 臺

魚。藘同。娱七虞。通韻。 闇七虞。荼同。且六十一真。員文。通韻。闍七虞。荼同。且六【標韻】門十二文。雲同。存十三元。巾

野有蔓草 朋友相期會也。

草,零露瀼 婉 兮。 野 邂 有蔓草,零露漙兮。 逅 瀼 相 遇,適 有美 我 一人,婉如清揚。 願 兮。 有美一人,清揚 一章 野 有 邂 蔓 逅

曰「思遇時也」,庶幾得之。《大序》又衍爲右《野有蔓草》二章,章六句。《小序》

相

遇,與子偕臧。二章

云爾。 之詩無疑。 猶《簡兮》之稱「彼美」、《干旄》之咏「彼姝 皆取士君子邂逅相遇爲義。「有美」云者, 蓋 見於《韓詩外傳》:孔子遭程木子於郯,傾 此,宣子以爲「孺子善哉,吾有望矣」。 偕臧」,又豈苟合者所能言哉? 然循文按義,男女邂逅固似苟合,而「與子 《集傳》則言「野田 不爲孔子地乎? 不中道相見。」孔子乃詠此詩以曉之。 趙孟以爲受其惠,鄭餞韓起,而子 鹺又賦 見於《左傳》:鄭享趙孟,而子太叔賦此, 相苟合以適己願」,愈解愈紛,愈不成語。 思不期而會焉」,則明明附會說矣。 君之澤不下流,民 而語,顧子路東帛以贈,子路對 若如晦 士固 翁所言,縱不爲鄭卿 有一見傾心,終身莫解, 是知此詩必爲朋友期會 草露之間 窮於兵革,男女失時, ,男女邂 況其詩兩 日 地,獨 近,私 迨至 士

刺

亂

兵革

不息,男女相棄,淫風大行」。

右

溱洧》二章,章十二句。

《序

"》謂

片言相投,生死不渝者,此類是也。 又何

男女相逢始適 願哉

【集釋】邂逅不期而會也

願 + 四願,叶 韻 五 》 專十四寒,叶 遠反。 叶 韻 Ė 瀼七陽。 一兖反。 婉十三阮。 揚、臧並

同

本

韻

洧 刺 淫 也。

乎 謔,贈之以勺藥。 女 士與女,殷其盈矣。 既且。」「且往觀乎! 1 士與女,伊其將謔,贈之以勺藥。二章 日 :「觀乎?」士曰: 溱與洧,方涣涣兮。 洧之外,洵訏且樂。」維士與女,伊其相 一章 女曰:「觀乎?」士曰: 洧之外,洵訏且樂。」 溱與洧 「既且。」「且 士與女,方秉蕳兮。 灣其清矣。 往 觀

返也。 始, 花地多 尚有 在。 士與 不 談,男女戲謔,恬不知羞,則其俗 此詩人自敘其國俗如此,不必言刺而刺自 革不怠男女相 俗淫亂 **豔詩之祖。聖人存之,一以** 美景,競相出游,以至蘭勺互贈,播 非。姚氏云:「篇中『士』、『女』字甚多 然《集傳》又以爲「淫奔者自敘之詞」,則 何云刺亂? 此詩及《出其東門》,正敘鄭俗游覽之盛, 、女所自作明矣。」 蓋刺淫,非淫 采 想鄭當國全盛時, 以見淫俗有難終,殆將以爲 鄭聲淫,爲 7,耕稼. 在三百篇中别爲 蘭贈勺事耶? ,乃其風聲氣習流傳已久,不爲兵 人少。 使「兵革不息,男女相棄」,豈 棄而後然也」,庶幾近之矣。 聖王 每值 故《辯説》以爲「鄭 士女務爲游 所 種,開後 風 必 日 見淫 放, 融 流 和、 萬 而 詞 世 蕩 觀 詩 世戒 又何 冶 爲 良 所 而 萌 也 自 遊 難 美 辰

存乎?

即所謂木勺藥也。 丹,古名勺藥。 草》注曰:「勺藥有二種,有草勺藥,有木勺藥。」〔姚 秉蕳,又秉勺以贈 蕳爲采蘭,尤誤。 恒日〕秉蕳者、《禮・内則》「佩帨、茝蘭」,「男女皆佩 下之時。 [日]《集傳》又謂 也。 》作「洹」、《説文》作「汎」。 其花香,根葉不香,何得混云香草乎? 集 秉者,身秉之,不必定是手執也。 秉蘭[陸氏璣曰] 蘭即 釋】涣涣春水盛貌。 自唐玄宗始得木勺藥于宫中,因 蘭生谷中,豈生水中乎? 「勺藥,香草也」,亦謬。 ,亦不合矣。 瀏深貌。 〔王氏應麟曰〕三月桃花 殷衆也。 勺藥 〔陸氏德明日〕 蘭,香草 劉 將相將也。 也。 《集傳》以 勺 氏瑾曰 [案]後 ,藥即 且手中 〔姚氏 〕涣、《韓 呼 今牡 氏際 説 牡 本 既 秉 容 際 水

叶 藥並同。 標韻】涣十五翰,叶于元反。 乎 七虞。 本韻。 且 清八庚。 六 魚。 盈同。 通 韻。 蕳 本韻 十五. 十藥。 删。

以上鄭詩,凡二十一篇。案:《鄭風》

篇而 諒予一片苦衷也。 昭雪之者,此豈一時一人之憾? 使得罪後儒,不敢冤誣前聖。 賢士、義夫、烈婦,悉含寃負屈於數千百載上而無人 慕之詞,無不以桑中、濮上之例例之,遂使一時忠臣 悉斥爲淫。舉凡一切君臣、朋友、師弟、夫婦互相思 察,但讀「鄭聲淫」一語,遂不理會「放」字,凡屬鄭詩 録,存之篇末用爲戒耳。 之鄭矣。其《溱洧》一篇,尚存不删者,以其爲鄭實 但經删定,淫者汰而美者存,故鄭多美詩,非復昔日 得謂爲淫耶? 亦貞女謝男之詞。 相思慕之詞。 古目爲淫,今觀之,大抵皆君臣、朋友、 己。 然《將仲子》乃寓言,非真情也。 其類淫詩者,僅《將仲子》及《溱洧》二 然則聖言非歟? 《溱洧》則刺淫,非淫者所自作,何 此所謂放鄭聲也。 世之有志風雅者,當能 愚故特爲標出 竊意《鄭風》實淫 師弟、夫婦互 即使其真 宋儒不

● 「十」,原作「千」。 據雲南本改。

當尚論乎其世者,此耳。

詩經原始卷之六

風六

或

亦

地,在《禹貢》爲青州之域。 集傳》:「齊,國名。本少昊時爽鳩氏所居之 周武王以封太公望,東

至于海,西至于河,南至于穆陵,北至于無棣。太

德、棣等州,是其地也。」然則何以次於鄭? 内地,而齊其霸首也,故次鄭以齊。 魚鹽之利,民多歸之,故爲大國。 公,姜姓,本四岳之後。既封於齊,通工商之業,便 今青、齊、淄、潍、 學者讀其詩,又 鄭爲畿

> 鳴,蒼蠅之聲。 鳴矣,朝既盈矣。 鷄 鳴 審聽,實情。 賢婦警夫早朝也。 一章 初寤,虚景。 東方明矣,朝

匪鷄則

鷄既

既昌矣。匪東方則明,月出之光。上章聽,此章

夢。 視,視聽莫不關 倒字句。三章 此乃實景,進一層法。 心。 二章 蟲飛 會且歸矣,無庶予子 薨薨,甘 與 子 日

活現。 早起,故終夜關心,乍寐乍覺,誤以蠅聲爲 賢妃,刺哀公」,朱鬱儀謂「美乙公之王 御於君 鷄聲,以月光爲東方明。 大夫妻作也亦無不可。 君之詞,姚氏際恒又謂爲賢妃作也 無確據。 姬」,僞説謂「衛姬勸桓公」。 右《鷄鳴》三章,章四 可謂善於説詩矣。 ,有夜漏以警心,有太師 故《集傳》但以爲古賢妃告戒於 總之,警其夫欲令 句。 真情實景,寫來 然 衆説不一,皆 愚謂賢妃 《序》謂「思 以奏誡,豈 可,即

早也。 之意。 婦關 煩 耳。 不欲 則興 之間,不必以辭害意也。若必巧爲之辯, 大小不類,此又詩人之詞多在可解不可 畏,不敢留於 憎夫子,且及其婦。 東方明哉 今絶作也 乍 會索然矣。 全詩純 與子 心,常恐早朝遲誤,有累慎德,不惟 寐 此章則真恐其遲,故進一層言, 前二章摹寫其以早爲遲,其實時 乍覺,誤 同 用 夢 此 逸 虚 ,特恐朝 正 欲 以 「會且歸矣」,亦心切早 寫 士夫之家 蠅聲爲 也。 極 故尤爲關心,時存警 至謂 回環摩盪之致,古 會 鷄 人歸致召人咎 聲, 鷄 鷄 聲 鳴待旦,賢 以 與蠅 月光 非 尚 朝 解 爲

【集釋】會朝也。

叶莫縢反。 八庚。 昌 標韻』鳴八庚。 一七陽。 憎十蒸。 光 同。 叶 韻 轉韻 盈、聲並同。 薨 十蒸。 本韻。 送 明

還 刺 齊俗以弋獵相 矜 尚 也

兮。二章 驅從兩狼兮,揖我謂我臧兮。 乎峱之道兮。並驅從兩牡兮,揖我謂 肩兮,揖我謂我儇兮。 子之還兮,遭我乎峱之間兮。 子之昌兮,遭我乎峱之陽 一章 子之茂兮,遭我 三章 並驅從兩 兮。 我 好 並

公。 耶 ? 刺之刺也。 齊俗急功利、喜夸詐之風,自在言外,亦不 哂,因直述其詞,不加一語,自成篇章,而 詩亦輕利。 寥數語 譽己也,「並驅」,則人己皆與 「子之還兮」,己譽人也,「謂我儇兮」,人 右《還》三章,章四句。 此不過獵者互相稱譽,詩人從旁微 然詩無「君」、「公」字,胡以 ,自具分合變化之妙。 至其用筆之妙,則章氏潢云: 神乎技矣! 《序》謂 有能 獵固 知 也。 [便捷, 刺 其 然 哀

集 釋】還便捷之貌。 峱 山名。 〔許氏慎曰〕

臧善也。 云: 似犬。〔孔氏穎達曰〕舍人曰:「狼,牡名貛,牝名狼。」 峱 肩是大獸。 曰〕《大司馬》云「大獸公之」,《七月》云「獻豜于公」,則 Ш 「三歲豕,肩相及者。」本亦作豜,音同。 在齊地。 儇利也。 從逐 也。 茂美也。 肩〔陸氏德明 昌盛也。 日 〕肩、《説 〔孔氏穎達 狼獸名, 文

十五有。 通 韻 標韻】還十五刪。 、臧並同。 茂二十六宥。 好 十九皓,叶許厚 本韻 道十九皓 間同。 反。 叶 叶 肩一先。 徒厚 韻 反。 昌 **儇**同。 七陽。 牡二

著 刺 不 親 迎 也 陽、狼

乎 瓊 而 而 充耳 華乎而。 尚之 我於著乎 以黄 以 一章 乎而,尚之以瓊英乎而。 瓊 瑩 而 俟 乎 充耳 我於庭 前。 二章 以 乎 素乎而,尚之 而, 充 俟 我 耳 於 三章。 堂 以 以 乎 青

> 例也 《丰》詩之「俟堂」,又當别論,不可以此 堂,以次而漸進至於内室,則其爲壻家之 著與庭、堂爲壻家而非女家乎? 説,以爲『女至壻門,始見其俟己』,安見此 否則,此詩直當删 著、庭、堂,非 女家固有,但 家,又何居?」愚竊謂爲 丰》篇亦有『俟我乎堂』句,解者皆以爲 又謂:「更可異者, 吕氏祖謙刺不親迎之 親迎也」,得之。 「此本言親迎、必欲反之以爲 右《著》三章,章三句。《序》謂 禮貴親迎,而 女家之著、庭、堂可 觀其三俟我於著、於庭、於 也,又 而 姚 齊俗反之,故可刺 氏 何存耶? 不然。 際 恒 刺 知矣。 著、庭、堂 則 「刺時,不 《鄭風 何居?」 以 女 至

云: 兩塾門。」著與宁音義同。 「門屏之間謂之宁。」李巡曰: 集釋】著門屏之間也。 充耳「孔氏穎 〔孔氏穎達曰〕《釋宫 「門屏 之間 達 日 謂 元 IE 門内 耳 用

素 有見,故録之。 傳》本之,皆以三者爲石似玉,亦不可解。 瑩、瓊英爲石似玉,又以分君、卿大夫、士,尤謬。 瓊瑩、瓊英爲三種物,已自可笑。 華、瑩、英、取協韻以贊其玉之色澤也。 華、瓊瑩、瓊英〔姚氏際恒曰〕瓊,赤玉,貴者用之。 斑。 ,或用玉,或用象。 絲爲紞,以懸瓊華之石爲瑱。 然則漢儒之好附會而無識,即 看來是以線穿垂在當耳 [朱子日]古人充耳 而又以瓊華爲石,瓊 《毛傳》分瓊華、 〔案〕此説甚 此 亦見 《集 瓊 以

堂七陽。 反。 叶韻。 【標韻】著六御。 黄同。 庭九青。 英八庚。 青同。 素七遇。 轉韻 瑩八庚。 華六麻,叶若無 通 韻

東方之日 刺荒 淫 也。

我室兮,履我即兮。一章 東方之月兮,彼姝 者子,在我闥兮。 右《東方之日》二章,章五句。 東方之日兮,彼姝者子,在我室兮。 在我闥兮,履我發兮。二章 此詩刺淫, 在

> 公。 必有 正當以爲戒也。 作, 詎能無故? 士庶之家尚且不可,況宫闈乎? 此詩之 來暮往,則終日昏昏、内作色荒也可知。 公」,僞傳、説謂「刺莊公」,何玄子謂 所指,非泛然也。故孔 雖皆無據,而寢闥之内,一任彼姝朝 然言者雖不可考,而聞者 氏 謂「 「刺襄 刺 哀

行也。 闥。」發行去也。〔孔氏穎達曰〕行必發足而 跡而相就也。 【集釋】履躡也。 [《集傳》日]言躡我而行去也 闥 (陸氏德明曰)《韓詩》云: 即〔《集傳》〕 即,言此女躡 門 去,故以發爲 屏 之間 我之

月六月。 闥七曷。 發六月。 室同。

【標韻】日四質。

即十三職。

通

通韻。

東方未明

刺無節

也

召之。 一章 方未明,顛倒 東 方未晞, 顛 衣 裳。 倒裳衣。 顛之倒 之,自公 倒之顛

不能辰夜,不夙則莫。三章之,自公令之。二章 折柳樊圃,狂夫瞿瞿。

皆所以害政也。夫『東方未明』,起而 爲之,則用力少 考。蘇氏轍曰:「爲政必有節,及其節 見。」此又就緩之無節者言之。總之,爲政 言其興之早,已見得他日不免又太晚意, 其衣裳,可謂急矣。然猶有以爲緩。 無節,亦必有所指。但《序》無據,故 則玩心生而怠氣亦乘,政於是乎不可爲 無節,緩急均有所害。蓋奉令莫知所從, 故曰無節。 急之無節者言之也。 黄氏佐曰:「此雖只 『自公召之』者,則政將何以堪之?」此就 不然,未明而起,爲政之常,何刺 右《東方未明》三章,章四句。此詩 詩固 詳言其急,而緩自見焉耳。 玩末章『不夙則莫』一句可 /而事 舉。 苟爲無節,緩 顛 不 之 倒 急 刺 惟 而 可 而

知,而不早則晏,言無節之甚。

藩也。 以晞爲乾。《蒹葭》云「白露未晞」,言露在朝旦,未見日 有限,見之則躩然而驚。晝夜之限非不明也,乃不能 柳,柔脆之物,折之以爲藩籬,非 之圃,其外樊籬謂之園。 時日之光氣始升也。 氣,故亦爲乾義。此無取於乾。故言明之始升,謂將旦 之光氣。《湛露》云「匪陽不晞」,謂見日之光而始乾,故 「折柳」二句,插入不倫,故姚氏以爲難詳。 【集釋】晞明之始升也。〔孔氏穎達 圃菜園也。 [郭璞日]謂藩籬也。 柳〔許氏慎曰〕柳,小楊也。 **瞿** 瞿 驚 顧 之貌。 〔 程子曰 堅固 也。狂 種菜之地謂 曰〕晞是 夫亦知其 樊 日

本韻。本韻。一先。今八庚。轉韻。圃七遇。瞿、莫並同。號。召十八嘯。通韻。晞五微。衣同。本韻。號。召十八嘯。通韻。晞五微。蔣韻。倒二十

南山 刺襄公淫其妹而魯不能

不克。 庸 止,曷又鞠止?三章 從其畝。 兩 止 由 ,曷又極止? 歸 止,曷又從止? 二章 南 緌雙止。 既 取 山 取 崔 妻如之何? 妻如之何? 歸 崔 止,曷 雄 四章 魯道有 狐 又懷 綏 析薪如之何? 綏 蕩,齊子庸止。 匪媒不得。 必告父母。 蓺麻如之何? 止 ? 魯 道 章 有 蕩 既 既 葛 日 既 匪 曰 屨 齊 得 斧 告 衡 子 Ŧi. 日

着 明德 《集傳》分「前二章刺齊襄,後二章刺 哉?《小序》 原 桓」,姚氏以 姜,事甚顯。 「懷」字 其 夫 則 何玄子謂「首章首二句 右《南山》四章,章六句。 此詩直刺 婦 刺 謂「通篇 成昏之始」,則尤穿鑿不自然。 文姜,二章 爲)謂「刺 而 「未免割裂,辭 刺文姜」,而「雄 解者猶 襄公」,只籠統言之。 刺 紛 魯 紛 相 刺 不 ,下二章又追 意 一,豈 齊 狐 不 襄,首 貫」。 一句 又 章 魯 怪 無 季 文

匹,喻 其兄 妁言 魯 極。 以 惟 而從兄乎? 章言文姜即淫,亦不當順從其兄。 矣,則亦可以已矣,而又曷懷之有乎? 也。使其有一知恥,則其 魯桓、文姜、 愚意殊不謂 之,以爲「如此則辭旨歸一,而意 歸咎于魯,所以刺襄公者深矣」。 斥言其君之惡,而歸咎于魯之辭 公縱淫,不當自淫其妹。 而 嚴 故此詩 妹 成 而 氏 狐」目 魯桓求昏于齊也」,又曰「 粲謂 事 成 耦矣,則亦可以 乎? 此 不可謂 「通篇 昏 齊襄三人者,皆千古無 然。 其 後二章言魯桓以父母命,憑 君 配,非苟合者比,豈 既 也。 試 刺 取 專刺 問問 魯桓」,蓋 而 其日 此事豈一人咎 得之,則當禮 已矣,而又曷返 妹既歸 人也。 淫斷斷不至 雄 謂 狐 齊人 亦周 也 綏 人而 齊 首章言 今既 不 姚 綏 人 一於此 以 有 有 哉 匝。 不 恥 氏 不 辭 然 閑 聞 夫 齊 歸 次 取 雖 敢 襄 Y 求

平也。 興; 後 母 興,欲言魯桓被禍,則先以「蓺麻」興告父 禍乎? 之,俾勿歸齊,則亦可以已矣,而又曷從其 飾 魯桓之懦而 人齊,至令得窮所欲 知知 其辭而歸咎於一哉? 以 欲言文姜成 臨之,「析薪 有此無恥三人而已。 故不覺發而爲詩,亦將使千秋萬 故欲言襄 無志 也。 」興媒妁以 耦,則以冠履 公之淫, 而 何哉? 無止極,自取 又何暇爲之掩 鼓之,而 則 詩人之大不 以 之雙者 雄 殺 狐 無 世 爲 起 身 如

之貌。 通。 氏穎達曰〕對文則飛曰雌雄,走曰 也。 『魯道有蕩』。 水南逕鉅平縣故城 《左傳》曰「獲其雄狐」,亦謂牡爲雄也。 兩 【集釋】雄 魯道適魯之道也。 也。 今汶水上夾水有文姜臺。」齊 〔孔氏穎 狐狐,邪媚之獸,故以比襄公。 東西南 達曰〕屨必兩隻相配,故以 流,城東有魯道。 〔馮氏京日 化牡牡。 》《水經注》: 散則 子指、 綏綏求匹 《詩》所 可 文姜 以 孔 汶 謂 相

> 至也。 作横。 之緌。 命屨 兩爲一 得良田,耕不厭熟。 禮書,二組屬於笄,順頤 屨相伍必兩,冠緌必雙。 屨,所謂五兩也。」〔姚氏際恒云〕五伍通,參伍之伍。 其畝,蓋古法也。」 而以「止」字足之。 南北耕曰由」。 功屨、 物。 《韓詩》云「東西耕曰横」。 庸用也。 散 〔曹氏粹中曰〕《屢人》「辨外内命夫命婦之 屨」注云: 〔曹氏粹中曰〕《齊民要術》云: 鞠窮也。 蓺樹也。 亦通。 縱横七遍以上,則麻生無葉。 而 「有纁屨、黄屨、白屨 下句不用「伍」字,即承上 下結之謂之纓,纓之垂者謂 緌冠上飾也。 克能也。 衡從[陸氏德明日]衡,亦 從、《韓詩》作「由」,云 極亦窮也。 〔許氏謙 、黑屨、 種 衡從 麻欲 意 日 葛 散 又

佳。 通 畝 韻。 二十 通 五有。 標韻】崔十灰。 韻 克十三職。 雙三江。 母 同。 得、極並同。 本 庸 綏四支。 韻。 二冬。 告二沃。 本韻 從 歸 同。 Ŧī. 微。 轔 通 懷九 屋

甫田 未詳。

=

詩 經 始

忉忉。 未幾見兮,突而弁兮。 三章 人,勞心怛 無 田 甫 但。二章 田 無 ,維莠驕 田 甫 田,維 婉兮孌兮,總 驕 莠 無 桀 思遠 桀。 角丱兮。 人, 勞心 無 思遠

然。 是,其如上二章何哉? 言義理者不同。《集傳》勉强串合,終非自 文敷義,又恐非詩人本旨。且前二章與後 詞,非實據 求大功,不修德 淺,盡人能 (小序)謂「刺襄公」。《大序》謂「無禮義 章,詞氣全不相類,此中必有所指,與泛 故何玄子以爲「刺魯莊 右《甫田》三章,章四句。 也。 識。 《集傳》不從,是矣。 而求諸侯」。 惟意旨所在,則不 姚氏以爲「未詳 公」,末章 率皆擬 此詩詞義極 可 議 而 知 似 順 之 而

田 猶《多方》「宅爾宅,田爾田」, 集 釋 田 耕治之也。 〔孔氏穎 今人謂佃食,古之遺 達 日」「 田 甫 識

過諸儒遠矣,從之。

變少好貌。 忉 語 也。 忉 憂勞也。 甫大也。 **丱**兩角貌。 桀桀猶驕驕也。 莠害苗之草也。 弁冠名。 怛 驕 旧 驕 慘切 張 皇之意。 婉

屑。 十七霰。 怛七曷。 標韻】驕二蕭。 弁同。 通韻。 轉韻。 變十七霰。 忉四豪。 **丱**十六諫 通 韻。 桀九 見

人美且鬈。二章 刺。 風」意。 襄公好田 而 見以咏之。 刺荒也」。《大序》曰:「襄公好田獵畢弋 不修民事,百姓苦之,故陳古以 盧令令,其人美且仁。一章 然此詩與公無涉,亦無 右《盧令令》三章,章二句。《小序》謂 蓋 而 游獵自是齊俗所 詞若歎美意實諷 死於田,事見《春秋傳》,故當 盧重鋂,其人美 尚 所謂「陳古 刺 八旦偲。 盧重環,其 與《還》略 詩 風 即 馬。」 所 以

盧令令

刺好田也。

事,此以聲容爲美觀。作法又各不同耳。同。當以《集傳》爲是。但彼以馳逐爲能

犬也。 守犬。 通 傳》〕偲,多鬚之貌。 内之狡兔。 用 耳 《説文》引《詩 髮好貌。」 《戰國策》云:「韓國盧,天下之駿犬。 令令犬頷下環聲。 集 釋」盧田 韓盧逐東郭,俱爲田父之所獲。」是盧 鋂 》作「獜」。 令春 介許 1大也。 氏慎 秋 傳》所謂 (董氏直日)《韓詩 〔孔氏穎達日 日〕鋂,大 重環子母環也。 「于思」, 鎖 也 二大有 即此字,古 東郭逡,海 》作 偲 鬈 田 「盧泠 爲 犬 《説 集 田

五 删 標韻】令八庚。 鬈 一先。 轉 韻 仁十一真。 鋂 + 灰。 通 韻。 偲 四 環十 支。

通

韻

如 雲。 敝 笱 章 在 敝 深,其 笱 敝 笱 刺 在 魚 魯桓 梁,其 魴 鳏。 公不 魚 齊子 能 魴 防 鱮。 歸 閑 文 止,其從 齊 关美也。 子 歸

齊子歸止,其從如水。 三章此,其從如雨。 二章 敝笱在梁,其魚唯唯。

不能 能防 歸 詩 方人笱,而 生,爲天下笑。 文姜,縱之歸齊而己復從之,以致自 **笱不能制大魚比起**,是明 而謂 公,豈待其子而後刺 多在莊公世,故《集傳》以此詩爲刺莊公不 患。」朱子曰:「桓當作莊。」 蓋以文姜如齊 微弱,不能 刺文姜也。」《大序》謂"「齊人惡魯桓公 齊, 當作於公與夫人如齊之頃 防閑其妻之罪大。 閑 「歸」爲「于歸」,則又不可 右《敝笱》三章,章四句。 致公薨于齊。 其 母。 何見 防閑文姜,使至淫 豈知 若謂「歸」爲「于歸 其爲 不能 乎? 詩 不能 且桓公時,文姜已 人 防閑其母之罪 明謂 制 不 姚 耶? 於此 氏 《小序》曰 而 解。 魯 亂, 主 未薨 相 爲二 故知 」,則 時刺桓 不 詩 《序》説 戕 能 以 此 敝 魚 其 制 或

甯 如水」,非 ,故僕從 曰「其 歎僕 加 、從如雲」、「其從如雨」、「其 盛 從之盛,正以笑公從 如 此 其 極 也 婦 從 歸

之鰱 不能 不如 魚也。 似 文》:「笱,曲竹捕 孔叢子》云: 魴,厚 制 也 滔 也。 茹。」「陸 集釋 歸 而頭 唯 〔張子曰〕反歸于齊 〔輔氏廣曰〕唯唯,言其出人之自如 唯〔陸 大,魚之不美者。 衛 敝 氏佃日 人釣 魚。」魴 氏德 壞也。 得鰥魚 〕鱮性旅行,故其字從與。 明日 鰥 符罟也。 大魚也。 也。 唯 其 故里語 唯 大盈車。」是 韓韓 鱮 〔許氏謙 티 : (陸氏璣 〔孔氏穎 詩 》作 網魚得 也。 則鰥 遺遺,言 曰〕鱮, 曰」《説 達 亦謂 爲大 日

六語。雨七麌。通韻。唯四纸。水同。本韻。【標韻】鰥十五删。雲十二文。通韻。鱮

載驅 刺文姜如齊無忌也。

發夕。 載 章 薄 薄 匹 驪 簟 濟 弗 濟,垂 朱 鞹。 轡 魯 濔 道 濔。 有 蕩 魯 道 齊 有 子

> 儦 魯道有蕩,齊子翺 蕩,齊子豈弟。 儦。 魯道有蕩,齊子遊敖。 二章 翔。 汶水 三章 湯 汶水滔 湯, 四章 行 滔 人 、彭彭。

車亦 乎 ? 爲乎? 也。 盛車 則刺 丘 齊侯于禚」,四年,「夫人姜氏享齊侯 不可掩。夫人之疾驅夕發以如齊者,果誰 文姜爲主,不必牽涉襄公,而 蓋至是,而夫人之如 人姜氏會齊侯于防」,又「會齊侯于 發夕」、曰「豈弟」、曰「翱 」,五年,「夫人姜氏如齊師 服,與文姜播淫於萬民」而 夫 案《春秋》魯莊公二年,「夫人姜氏 可言茀,不必以前二章 右《載驅》四章,章四句。 且《碩人》云「翟茀以朝」,是婦 人即以刺襄公,又何 爲襄公也。夫人爲襄公而 齊肆無忌 翔」、曰 上二句屬 必 憚 襄公之惡自 此詩以 如 後謂之刺 矣。 七年,「夫 舊 遊 一説 如 穀」。 于 襄公 人之 專刺 詩 祝

樂 而 不 正 難 臭千古。 至今汶水上有文姜臺,與衛之新臺可 不顧行人訕笑,豈尚知 其時 洗厥羞矣。 己。 避言僕從之衆「如雲」、「如 而 忘返,遂翱翔遠遊,宣淫於通道大都, 也。 此詩 雖濯 在莊公之年,其會兄也,竟至 上章在桓公之世,其歸 盡 汶、濮二水滔滔 人間有羞恥事哉? 雨」、「如水」 流 浪,亦 甯也 以 並

蔽、皆 道曰 弗以 茀。 户 車之蔽曰茀。 濟 也。 達 濟美貌。❶ 竹 日 〕報與茀,皆草爲之。 韋 竹爲之。 1 | 夏 [孔氏穎達曰] 簟字從竹,用竹爲席,其 靶後户,禦以簟衣軾,蔽以簟衣後户。 前謂之禦,後謂之蔽。 集釋】薄薄疾驅聲。 官 朱鞹《爾雅》 《詩》所謂 〔毛氏萇日 校 人》云: 《詩 「簟茀」是也。 「凡軍 四驪,言物色盛 》所謂 郭璞注: 輿革前謂之報,後謂之 簟方文席也。 事, 朱 物馬 「鞹」是 鞎 驪馬黑色也。 以 而 也。 韋 頒 也。 中靶車 文业 〔陳氏祥 **弗**車後 之。 孔 禦與 方。 氏 注

> 色。 豈弟樂易也。 萊蕪縣,西南入濟。 琅邪朱虚縣東泰山,東至安丘人潍。 濔 云:「物馬齊其力。」言「四」言「驪」,道其物色俱 濔柔貌。 汶水名。 [毛氏萇日]垂轡,轡之垂者。 [曹氏粹中日]汶水有二。 〔嚴氏粲曰〕樂易,安舒恬 説者主欽義,以爲在齊 桑欽以 南魯北。 許 然 濔 氏以 爲 無 濔 慙 出 盛 衆 爲 恥 泰 也 也。 之 Ш 出

敖四豪。 七陽。 反。 叶 【標韻】薄十藥。 彭、 韻 通韻 翔 濟 並 八薺。 同。 本 濔、 鞹同。 韻 弟 滔 並 夕十 同 四 陌 本 韻 儦 叶 二蕭。 祥 湯 龠

猗嗟 美魯莊公材藝之美也。

揚兮。 兮,美目清兮。 猗嗟昌兮, 頒而 巧趨蹌 兮,射 儀既成兮,終日 長兮。 則 臧 兮。 抑若揚兮,美目 一章 射 侯。 猗 嗟 不 出 名

❶ 「濟濟美貌」,當移至下文「濔濔」前。

兮。 正 舞則選 展 我 甥兮。 兮,射則貫 章 兮。 猗 嗟 四 矢反兮, 孌兮,清 以 揚 禦 婉

亂

之論 也 莊公,而歎其威儀技藝之美,不失名門子 如是耳。 以爲美。 待人本意,盡情説壞。 觀之,而以 而又可以爲戡亂材。 展 我甥兮」一句,以爲微詞。將詩人忠 有以啟之也。 右《猗嗟》三章,章六句。 意本贊美。以其母不賢,故自後 非好立異,原詩 至詩中言射,錯綜入妙,有目 爲 刺耳。 愚於是詩不以爲刺 於是紛紛議論 誠哉,其爲齊侯之甥 是皆後儒深文苛 人作詩本意,蓋 此齊人初見 並謂 刻 厚 口 而

【眉評】「一章」描摹莊公,如見其人。共賞,故不再煩辭費。

以

所言,皆以賓射爲主。案:《春秋》莊四年冬,「公及齊人【集釋】射,古者諸侯相朝,則有賓射。故是詩

於衆也。 侯。 狩于 方之亂也 矢,皆得其故處,此之謂復射。 棲皮曰鵠 采侯、獸侯,天子大射用皮侯,賓射用采侯,燕射 名猶稱也。 鵠以皮爲之,正則布爲之。 禚」。 是也。 四 此 矢 侯 詩 疑即 正 「鄭氏康成 展誠 〔劉氏瑾曰〕《周 狩 也。 禚 事, 曰〕禮,射三而 甥姊妹之子曰 蓋公 必四矢者,象其 《射義》注「畫 禮 朝 齊 梓 而 咋 人》有 甥。 因 布 以 能 每 日正 選異 狩 禦四 射 用 也 四 淵

韻。 靈 翰,叶扃縣反。 反十三阮,叶孚 十七霰。 眷反。 名八庚。 【標韻】 昌七陽。 婉十三阮,叶許願反。 叶 韻 清、成、正、甥並同。 長、揚、蹌、 絢反。 選十七霰。 亂 臧並同。 本 十五翰, 韻 貫十五 本 叶

兄淫己妹、皆千古罕有事。 宣同爲世大惡,非尋常比。 而 一咏魯事者四,皆以襄公故也。 以 上齊詩,凡十一 詩 一則以父納子媳,一 篇 人播爲歌咏,聖人載 襄公縱淫, 此 詩 則以 與衛 僅 +

如乎? 吾不能不於此三致嘅焉。 乎鄭,鄭俗不過采蘭贈勺,爲士女游觀之常,而齊何詩衆目爲淫,《齊風》人不以爲怪,何哉? 且淫無過萜經,皆有關於倫常大故,不僅係乎風化已也。然衛

耳。 州 地陿隘,而民貧俗儉,蓋有聖賢之遺風焉。 冀州雷首之北,析城之西,南枕河曲,北涉汾水。 亦不得比《邶》、《鄘》之於《衛》,殆亦《檜》、《鄭 勤 至獻公,國已强大,政 實晉詩。 爲晉而作,故列 封同姓,後爲晉獻 鄘》之咏衛事,其詩確有可指,此則不著時君世 衛》也。」今案: 篇中公行、公路、公族,皆晉官,疑 ,即其 ,與晉氣象迥乎不侔,必非晉 然則 集傳》: 地也。 何以編之《齊》、《秦》間乎? 又恐魏亦嘗有此官,蓋不可考矣。」案: 「魏,國名。 蘇氏曰:『魏地入晉久矣,其詩 於《唐風》之前,猶《邶》、《鄘》之於 公所滅 漸奢侈。 而 本舜、禹故都,在《禹 取其地。 而魏詩每刺其君 詩 無疑。 繼齊 今河 且《邶》、 而霸,先 中 周 初以 疑 府 系, 》例 貢 其 皆 解 儉 晉

> 秦而 同 此方新云爾 不同,先之所以 居 《齊》、《秦》之間。 强 者, 晉 也。 見聖 魏 既 帝遺風 且其地爲舜、禹故都,與 入晉,則爲晉 猶未 盡 泯 地。 ,霸國 故與《唐》 業於 他 或

葛屨 刺褊也。

縫裳。 刺。二章 提,宛然左辟,佩其象揥。 糾糾葛屨, 要之襋之,好人服 可 以 履霜 之。 維是褊心,是以 摻摻. 一章 女手, 好 人 可 爲 提 以

手,若在士庶之家,亦何足異? 説《詩》者過也。 褊矣。故可刺。詩言本自分明,而《序》 嗇, 嗇之過則必至於褊。 儉,美德也,何可刺? 傳》乃混而釋之,致啟後人疑議。 右《葛屨》二章,一章六句,一章五句。 夫履霜以葛屨,縫裳以 然儉之過則必至於 今不惟嗇,而 惟 以 此不善 象掃 女 與 又

汾 沮

洳

美儉德也

貴耳。 之好 陋 民同,其規模狹隘固不必言,而心術之鄙 爲 人,爲而服之,則未免近於趨利,下 何 如 哉? 故 儉 亦當有節焉, 乃爲 與

【眉評】〔二章〕明點作意,又是一法。

提安舒之意。 猶美人,指夫人也,以見其服事之勤如此。 [《集傳》] 揥,所以摘髮,用象骨爲之,貴者之飾也。 古人以右爲尊,故讓者辟右就左,大人之儀容也。 佐曰〕猶今言大人不當親細事也。 履〔《集傳》〕夏葛屨,冬皮屨。 襋衣領。 好人 〔《集傳》〕好人,猶大人也。 〔黄氏 【集釋】糾糾[毛氏萇曰]糾糾,猶繚繚也。 宛然讓之貌也。 摻摻 左辟「徐氏鳳彩曰」 [姚氏際恒日]好人 猶纖 纖也。 亦通。 要裳 提 揥 葛

霽。 職。 刺四真。 服 標 屋,叶 韻】霜 蒲北 七 反。 陽。 叶 裳 同。 韻 本韻。 辟 四真。 襋 揥八 十三

通

韻

度。 言采其桑。 彼汾沮 美無度,殊異乎公路。 彼其之子,美如英。 洳,言采其莫。 一章

其之子,美如玉。 異乎公行。二章 彼汾一曲,言采其蕢。彼 君縱勤 哉? 即 褊,此篇美儉。二詩互證,義旨乃明。 公族子姓,各有賜莊,躬親樹畜,詩人於采 桑,爲子孫計,已足見其爲勤 是爲卿大夫發,《序》何以刺及其君? 更謂「其君儉以能勤,刺不得禮」,豈不謬 能儉也。《小序》不知,乃以爲刺,《大序》 儉無可議,編乃足刺。 卿大夫,亦不過於汾水彎環間,課農樹 右《汾沮洳》三章,章六句。 前篇 且詩言「公路」、「公行」、「公族」,明 與儉、斷不至親手采莫,以失其度。 美如玉,殊異乎公族。 三章 故既刺其褊,復美 彼其之子,美無 儉也。 美如英,殊 彼汾一方, 此 必 蓋 刺

輩也。 《集傳》諸解,以爲「此人美則美矣,然其 又能勤與儉,毫無驕奢習氣,殊異乎公族 以爲「彼其之子」,身居貴胄,德復粹然,而 嗇褊急之態,殊不似貴人」。 出流品,則其德詎可量 莫、采桑、采藚之際,得睹勤勞而歎美之。 公族之人,其所美者何在? 不相貫。 矣,又何云美? 方美而忽刺,上下語氣 蓋世禄之家,鮮克由禮,而此獨 即姚氏所云,詩人託言采物以美 耶? 既儉嗇褊急 若毛、鄭及 亦甚忽突。 超 必 儉

語意方貫。 【眉評】〔一章〕「殊異」是美詞,非刺詞,上下文 故不足以服群議

也

也。 人河之處即魏之舊國。] 沮 洳 水浸處下濕之地。 〔王氏應麟曰〕《水經》:「汾水西至汾陰縣北,西入于河。 陸氏璣曰〕莫,莖大如箸,赤節,節一葉。 【集釋】汾水名,出 太原 晉陽 Щ 西 南 莫菜 入河

> 公行,諸侯之官,故魏、晉有之。《周禮》六官,皆無公 夫,使訓卿之子弟。」是公族,王君之同姓也。此公族, 成十八年《左傳》曰:「晉荀會、樂黶、韓無忌爲公族大 掌公之宗族。晉以卿大夫之適子爲之。〔孔氏穎達曰〕 復。」陸璣《疏》云:「今澤蕮也。」公族〔《集傳》〕公族: 氏穎達曰〕郭璞云:「水蕮,如續斷,寸寸有節,拔之可 預云「公行之官」是也。 庶子,讓公族而爲公行。服虔云:「軞車,戎車之倅。」杜 公許之。冬趙質爲軞車之族。」是其事也。 之適,以爲公族,其庶子爲公行。趙質請以括爲公族,即 路與公行一也。宣二年《左傳》云:「晉成公立,乃宦卿 以其主兵車之行列,故謂之公行也。〔孔氏穎達曰〕公 卿大夫之庶子爲之。公行〔《集傳》〕公行,即公路也。 度,限也。 謂之莫。 以取繭緒 ,其味酢而滑。 公路〔《集傳》〕公路者,掌公之路車。 無度〔《集傳》〕無度,言不可以尺寸量也 賣水舄也,葉如車前草。 五方通謂之酸迷,河、汾之間 趙質自以爲 晉以 孔

族、公行之官。是天子諸侯異禮也

趙質」、《左傳》及《毛詩正義》均作「趙盾」。 下二處同。

0

韻 通 韻 曲二沃。 標 方七 韻 **藚、**玉二沃。 洳 六 桑 御。 同 莫 英 族一屋。 七 八 遇。 庚。 度、 行 通 七 路 韻 陽 並 同。 轉

我獨醒 我 謂 實之食。 何。 何 接心憂,省卻 其。 我士也罔極。搔首問天,合眼放步,有世人皆醉 士 而 其誰. 其 也 在 在國 袁 之慨。 誰 心之憂矣,其誰知之? 騎。 儉 有 右《園有桃》二章,章十二句。魏之失 知之? 知之,蓋 而 心之憂矣,聊以 桃 袁 君之褊與急。 無數筆墨。 以下純以清空之氣。 有桃 彼 ,其實之殽。 在 人是哉,子曰 嗇 其 亦 與編 我歌 誰知之,蓋亦 賢者憂國政 勿思。 且謡。 且不在卿大夫之儉, 觀前二詩可見。 興起。 行國。 一章 彼人是哉,子 何其。 舉世皆然,更無 日 不知我者,謂 心之憂矣,急 勿思。二章 不 袁 非 知 有 也 心 我 棘, 之憂 夫 其 曰 而 如

慮哉? 業始 詩 以爲 失 者憂之,發爲歌詠,亦望當國者有以 省 意 以爲儉之善。故聖人歎爲無間然 本。 能 用 而 德,從而 致美乎黻冕,卑宫室而盡力乎溝 日刻,而國勢愈孱,尚不自. 士 節 而 魏 其實以爲殽,興國有民雖寡 固 而不適宜,謀 夫之能勤 語 有 比 君 禹之菲飲 儉 基 正之耳。 氣 一,不過 ,或以 終未 非 ,外務宏施,乃可以收人心 一章而三義者。 豈知爲 和之,相率以吝,計 儉乃嗇 且 得。 爲賦。 如 食而致孝乎鬼神 儉,俗之美者也 ○「園 小利而 是。 國貴遠圖,不貴 程子 耳。 而 朱子亦不能定,以 有 Ĭ 舉國 不 何 桃 其實主興者居多, 中節。 以 或或 「」」「」 知其 煩賢 較 不 能用 知 瑣屑,務 悪 以 有 失。 以至 小 者 雖 爲 渔,乃 以 而 桃」,亦 也 利。 之切 衣 周 則治, 故賢 人心 矯 爲 服 立 家 其 簡 美 所 或 内 切 而

有桃 耳。 均就 治。 矣。 作 深以爲憂,而 而 過,毫無意義。 國之無人也,故直接以『心之憂矣』云云。」 棘,果實之賤者。 今不能用,故心憂之。」姚氏際恒云:「桃 也。 遠 心之憂,則我歌 適樂國,君 而後可以爲殺,國必有民 今務爲 至《集傳》謂「園必有桃,則其 論 詩,未嘗即 刻 當局乃以爲過。 嗇 愚謂 雖 剥 園有之,猶可以爲 有 土 詩人之意若 削 當日 且 一,誰與 及民, 謡 情 矣」,尤 興利? 事 民 此詩之所以 而 而 且 後 介實之殽 避 含 可 一思之 食,興 旁觀 以 袁 勿 碩 鼠 爲 必 滑

手,所謂悲愁之詞易工也 横排宕之致。」〔二章〕此詩與《黍離》、《兔爰》,如出 眉評』「一章」姚氏際恒 曰:「詩如行文,極 縱

猶 集釋】殺食也。 | | 「何居」,蓋 述 譏己者反問 其語 解。 「張氏彩 之詞,言 日」何 不喻 其 其 志

> 也。 棘《集傳》一棘,棗之短者

棘 通 韻。 十三職。 標韻】桃 哉十灰。 食、國、極並同。 四 其 豪。 四支。 殺三肴。 知、 本 韻 思 謡 並 同。 蕭。

通

驕

同。

予季 來無死。」三章 棄。」二章 ·嗟 ! 子行役,夙 章 行役, 夙 陟 陟 予弟行役,夙夜必偕。 彼岵兮,瞻望父兮。 彼 陟岵 屺 夜無已。 陟 兮,瞻 彼 夜 尚 孝子行役 無 兮, 寐。 望 上慎旃哉,猶 瞻望 母 上 兮。 而思親 慎 父曰:「 一兄兮。 上慎旃哉,猶 旃哉,猶 母 日: 「 也 來 嗟 兄 無 曰: 來 嗟 下。 予 無

所 詩 登高念親,人情之常。若從正 以 妙 從對 念 右《陟岵》三章,章六句。 親 面設 ,縱千言萬語,豈能 想,思親 所 以 念己之心,與 道 面直寫己之 人子行役, 得意盡 ?

臨 其用意尤重在「上慎旃哉」一語。親以 雲而起思親之念,況當日遠離父母者乎? 心者,又不僅在思親之貌與親之情而已。 祝之子,子以是體夫親。 而 而可不謂之爲賢乎? 愈 行 勗 己之言,則筆以 千載下讀之,猶足令羇 曲 其能以親 而 愈達 旅 一,情 心爲己 望 以 是 婉

猶尚 止 也。 Ш 無棄而加切耳。 也 必 偕 「無草木, 無 謂 止謂 必與 同 峐。 無止于彼 役者 妃同。」 偕 而不來也。 無 無棄謂無棄我而 獨 》:「多草木、岵。」上 行 也 記念爾 無 死 較 雅 不 無 歸

庚。 叶 止 同。 韻。 標韻 韻 本 寐。 韻 偕九佳, 四 岵 真。 屺 七慶。 四 棄同。 ,叶舉里反。 紙。 父同。 母二十五有,叶 本韻。 死四紙。 本 韻。 尚 七陽。 叶 已 滿 韻 彼 兄八 四 紙。 反。

十畝之間 夫婦偕隱也。

兮。二章 十畝之外兮,桑者泄泄兮,行與子逝一章 十畝之閒兮,桑者潤潤兮,行與子還兮。

地偕 妻,亦未可知也。」此語 疾 惡《集傳》指美詩爲淫詩,此詩絶無 故指男女之私者,必曰『桑中』也。」姚氏最 及于婦人耶?」又云:「古西北 淫之詩。 其友歸於農圃。 人,無稱男子者。若爲君子思隱,則何爲 此詩者,皆謂賢者不樂仕於其朝, 必挈眷偕往,不必定 而乃以爲淫,則何異惡人之狂 者哉? 隱 右《十畝之間》二章,章三句。 ,則當指桑茂密處、 蓋以桑者爲婦 後又曰:「不然,則夫之 惟姚氏際恒以爲:「 招 朋 庶幾得之。 人,古稱採桑 類 婦女之勤 也 而 地多植桑 賢者 反自蹈 蓋隱 而 自 深意, 呼其 於蠶 既 皆 類 思 來 擇 者 狂 婦 刺 與 解

代淳 子長 事者 風。 往 相 爲 而 故語其婦曰 不返 鄰里,然後能妥其室家,以成 矣。 此 隱者微 世有此 意 境,吾 也。 姚氏 將 與

識,指以爲淫,豈不冤哉?

閉閉

《集傳》〕

閑閑,往來者自得之貌。 宅,樹之以桑。」此十畝者,合兩宅而言,故曰「之間」也。 集釋】十畝「姚氏際恒日」孟子云:「五畝之 也。 逝往 也。 行猶將也。

外九泰。 標 泄八霽。 韻 门間 + 逝同。 Ħ. 删。 轉韻。 閑、 還)並同。 本韻。

洲

泄

猶閑閑

伐檀 傷君子不見用於時,而又恥

受無

功

禄

也

兮? 漣 反襯「不素餐」,筆 猗。 坎坎伐檀兮, 真之河之干兮, 河 三句比起。不稼不穡,胡取禾三 狩 不獵 極 胡胡 噴 薄 瞻爾 有 力。 庭 彼 有懸 君子兮,不素餐 貆兮? 水清 白 四 廛 且. 句

> 億兮? 兮, 兮。 兮? 彼君子兮,不素飱兮。三章 **禾三百囷兮**? 河之漘兮,河水清 君子兮,不素食兮。二章 河水清 點明正意。一章 不狩不獵 且 一直猗。 不狩不獵,胡瞻 ,胡瞻爾庭有懸特兮? 且淪 坎坎伐輻兮, 真之河之側 不稼 猗。 不穑, 坎坎伐輪兮, 寘之 不稼 爾 胡取禾三百 不穡 庭有 胡胡 懸 鶉 取

爾」。 也。 也; 以 以 會通之也。《小序》謂「刺貪」。《大序》 不相蒙,天下豈有此文義? 又,首三句或 「在位貪鄙,無功而受禄,君子 爲 ,皆就其一二句以爲言,未嘗即全詩 爲 謂「不得進仕」者,指 賦 賦 右《伐檀》三章,章九句。 刺貪」與「不得進仕」,各自爲義,兩 謂「刺貪」者,指「不稼」 者、毛、鄭解、《集傳》從之。 ",或以 爲 比,或 以 爲 章首三句而 興,亦無定解。 則以 此詩 以 不得 下 伐檀 解 進 而 者 爲 仕 示 謂 而

二二六

見以 置 信。」「不素餐兮」,孰大於是? 豈必伐檀 實 咏合,只 興者,姚氏際恒云:「興體不必盡 **真之河干而** 稼穑、狩獵 用之,則安富尊榮,其子弟從之,則孝弟忠 君子之不耕 知 漣 亦 進仕爲言,與下義終隔。 爲得之。 之論以釋之,則又可笑之甚。 伐檀宜爲車,今河非用 無 事 河 于河干,而河水正清且漣猗之時,即 爲興。」此求 强 干 着 伐檀,非 添 落。 似 是咏君子者,適見有伐檀爲 蓋以爲比體也,然仍主君子不得 「若俟」 而 君子必如小人力作而後食。 《毛 無用? 而 後食哉? 食也久矣。 」二字,則尤失之愈遠 喻君子不得進仕,乃喻 傳》云:「若俟河水清 其解而 此不通之論也。 即使伐檀 不得 車之處」一 且「河水」 孟子云:「其 ,姑爲是影 惟蘇 ,亦何至 與下 氏轍 語,差 車用 以 句, 所 殊 爲 夫 且 所 君 君 云

> 皆是。 衆共 子仕 定解哉? 義」,非刺 稼 意甚明,事 愈不可問 者,又恥無功受禄,將有志 亦借君子 河水清且漣猗,則 報,今但尸 四四 如伐檀爲車 排之,俾居 於閒 句, 間 故詩 貪 曹之 有 以 正 位 亦易見,何至二千餘 也。 駡 姚 一二賢人 無 ·, 而 氏 秩也。 小 所 人傷之,作 間散. 此必魏廷貪婪充位,比比 所云「借小人以形君 人,乃反襯『不素餐』之 雖 用 乃 車也將焉用之? 力 寘之河干之地,但見 八君子 無 ,故又以 君子食禄,必 爲 而他適 之地。 清操 此 以 素餐爲 年 刺 一則國 自矢者 彼君 紛 時 有 紛 子 無 所 詞

穎達曰 干厓也。 稼 穡 〔許氏慎日〕禾之秀實爲 〕以稼穡相對,皆先稼後穡,故知種 集釋】坎 漣 風行 坎 水 成 伐 文也。 木聲。 稼,穀 猗與 檀 木 可 一分 名 收 之日 日 同,語 真 穡 稼,斂之 與 孔 辭 置 也 氏

熟食日 也。 億。 伐檀爲之。 輻,在車輪中輳轂者,老子所謂「三十輻共 廛。」與 廛〔孔氏穎達曰〕一夫之居曰 \mathbf{E} 日 地官・遂人》云:「夫一廛,田百畝。」揚子云:「有 穡。 ,相次有倫理 特獸三 1%。 八此同 若散則相 誓》云「舍 貉子也。 也。 孔氏曰: 直〔蘇氏轍曰〕水平則流直。 歲 也, 日特。 通。 素空也。 狩 亦 我 「鄭氏 《説文》: 《大田》云「曾孫之稼」,非唯種之 穡 通 淪 事」,非 小風水成文,轉如 禾 康 餐食也。 成 「飱,水澆飯也。」 員 廛,謂一 唯 曰]冬獵 倉 斂 也 之也。 夫之田 輻 鶉 日 〔季氏本日 ? 禽鳥 億十 輪 轂」也,亦 胡 百首畝 屬。 宵 也。 何 萬 田 田 也。 也 飱 或 日 日

直 貆十 淪 禾 億、特、 应 、鶉並同。 寒。 標韻】檀十四寒。 餐同。 食 並 飱十三元。 同。 轉 韻 叶 干同。 韻 輻 轉 韻。 輪 漣一先。 屋。 + 側 真。 + 廛 $\dot{\Xi}$ 漘、 同

碩鼠 刺重斂也。

樂郊。 肯顧。 苗。 貫 得 國樂國,爰得我直。二章 女,莫我肯德。 我 所 三歲貫女,莫我肯勞。 碩 逝將 樂郊樂郊,誰之永號。三章 鼠 碩 章 鼠,無 去 女, 碩 鼠 食我 逝 適 彼樂 碩 將去女,適彼樂國。 鼠 黍。 碩鼠 士。 無 三歲貫女,莫我 逝將去女,適彼 食 樂土樂土,爰 碩 代我麥。 鼠 無 三歲 食 我 樂

著之, 紛逃散 鑒諸 其弊遂至刻削小民 貪殘之效。其始皆由錯悮以 右《碩鼠》三章,章八句。 以爲後 ,而有此 世 咏。 刻 而不知足,以致境内紛 不久國亦旋亡。 嗇者戒。 嗇爲儉之故 此詩見魏君 有國 者 聖

也 食粟豆。」舍人、樊光同引此詩,以 有 鼦 鼠。 許慎 集釋】碩大也。 孫炎曰:「五技鼠。」郭璞曰: \(\frac{1}{2}\) 鼦 鼠 五 技, 〔孔氏穎達 能 飛 不 能 鼦 上 曰〕《釋獸》於鼠屬 鼠 「大鼠,好在 屋 爲 彼 能 五 游 技 不 之鼠 能 田 渡 中

之雀鼠。 是也。 谷,能 璣《疏 鼠 訓 缘不能 之爲大,不作鼫鼠之字,其義或如陸云。 言其方物,宜謂 其形大,故《序》云『大鼠』也。 「今河東有大鼠,食人禾苗 窮 木,能走不能先人,能穴不能覆 此鼠非鼫鼠也。]案: ,亦有五技,或謂 魏國,今河北 此經 身。」 歲 作 縣 碩 陸

也。直猶宜也。永號長呼也。

其

八久也。

貫習熟也。

顧

念也。

爱於也。

德

歸

恩

土七虞。 國、直並同。 標韻】黍六語。 所六語。 通 韻 叶 韻。 苗二蕭。 女同。 麥十一陌。 勞四豪。 顧 七遇, 德十三 叶 郊三肴。 果五

號

四豪

通

韻

遠、《十畝之間》則高尚偕隱。 殘且迫急耳。 百里,足以致王。 褊急,故傳世不永。 ,孝子也。 以 上魏詩,凡七篇。 恥食素餐,志士也。《園有桃 若謂國小無人,抑又不然。 魏地縱陿,何 其説大謬。 而 止百里。 湯以七十里,文王 且 説者謂魏以 《汾沮洳》之公路 蓋其失在貪 》則思深慮 《陟岵》思 地 陿 以 而

唐

之晉所滅亡哉? 新 而用之,則此數人者同心爲國,將民風丕變,政令一 與公族,皆貴 則 「雖舜、禹遺風,不難再振於今日,又何至爲區 而 能 惜乎,其有人而不能用耳! 勤,富 而 能 儉,德美如 玉。 誠 能信

以唐 晉相 晉。 侯號晉,十七傳至晉侯緡,爲曲沃武公所并。 曲沃及絳,皆在今絳州。」劉氏瑾曰:「叔虞封唐,燮 樸,憂深思遠,有堯之遺風焉。 封弟叔虞爲唐侯。 州之域,太行、恒山之西,太原、太岳之野。 爲唐,以寓意焉。」案:唐詩多作於曲沃并晉之世,兩 繼唐之統。 能滅晉之宗,而不能滅唐之號,能冒晉之號,而 唐,蓋仍其始封之舊號耳。 ,惡之深故絶之甚也。 吞,一興一亡,其名無所專繫, 後徙曲沃,又徙居絳。 集傳》: 君子欲絶武公於晉而不可,故總名其 「唐,國名。 南有晉水,至子燮,乃改國 本帝堯舊都,在《禹貢 或 其 唐叔所都,在今太原 有無詩而名存,聖人閔 其詩不謂之晉而 地 土瘠民貧, 放黜晉號而係之 周成 然武 勤 謂之 號 王以 不 儉 () 冀 府 公公 質

事 黜之所以 鄘 其君之無罪 是也 ,《春秋》之法寓焉矣。 觀此 見并族 亦有有詩而名滅、聖人惡其君之得國不正 見滅,存之所以寓興亡繼絶之心者,邶 ,則《春秋 滅宗之罪者,晉是也。 》褒貶,豈待詩亡而後著哉? 孟子云:「《詩》亡,然後《春 然則 詩雖 咏

蟋蟀 唐人歲暮述懷也。

休。 士瞿 其 樂無荒,良 其 不樂,日月其邁。 除 星。 今我不樂,日月其慆。 蟋 好樂無荒 無 蟀在堂,歲聿其莫。今我不樂,日 已大康,職 土 章 蹶 蟋蟀在堂,歲聿其逝。 蹶。二章 ,良士休休。 無已大康,職思其外。 思其居。 蟋蟀在 無已大康,職 三章 好樂 堂,役車 無 荒, 今我 其 好 月 思 良

也。 過 H 放 月之舍我 (其懷,恐躭逸樂,致荒本業。 其人素本勤儉,强作曠達,而 右《蟋蟀》三章,章八句。 而 逝不復回者,爲樂不 此 真 可 故 又 緩; 不 唐 方 以 敢 風

> 可從。 《序》好附會而 無荒 謂 可荒 不中禮」,今觀詩意,無所 俗,固如是耳。而《序》以爲「刺晉 聖人取之,冠於《唐風》之首,以爲唐堯 又更以職業之當修勿忘其本業者,爲志不 「儉不中禮」,安見其 焉 無 可 已,則 也。 此 又無理,往往 必如 亦謹 彼 守見道之人 瞿 必爲僖公發哉 謂 瞿 良士,好樂 刺 如是,斷不 ŗ, I僖公儉 亦 所作 無 所 舊 而

既思 聿遂也。 主 後,則 當九月。 盈,幽州人謂之趨織,里 云「九月在户」,此言在堂,謂在室户之外,與户相近,時 也 其 歲 職,又 瞿 集釋】蟋蟀〔陸氏璣曰〕蟋蟀, 遂將 歲未爲暮,而言「歲聿其莫」者,言其過此月 莫晚也。 瞿 暮耳。 思 卻 其 顧 職 之貌 〔孔氏穎達曰〕《七月》之篇説蟋 除 之外。 去也。 語 邁 日 趨 躝 去 大康過 也 織 蹶 鳴,懶婦 釋 外 一名蛬,一 於樂也 詁 「蘇 驚 氏 蹶 轍 是 名蜻 日 也 職 動 蟀

詩 原 始

過 則 官 也 念,亦懼意也。 也。 收 納 巾 禾稼 車 ※注 休 訓 休 亦用 安閑之貌。 蹶 此車,故役車休息,是農工畢也 「 役 蹶 車,方 敏 也。」役車「孔氏穎達 〔季氏本 箱 可可 載 日〕休休,以 任 器 以 供 役 日」《 安 爲 春

叶韻 韻 慆四豪,叶佗侯反。 標韻】莫七遇。 逝八霽。 邁十卦。 除六魚。 憂十一尤。 外 九泰。 居同。 叶 蹶 韻 八霽。 瞿七 麇。 通

掃。 子有 是保。二章 矣,他人入室。 三章 不日鼓瑟? 車馬, 子有鐘鼓,弗鼓弗考。 Ш 山 有 樞 Ш 栲, 弗馳弗驅。 有 ,隰有榆。 Ш 且 有 隰 以喜樂,且以 漆, 有 刺 杻 隰 唐人儉不中 子有衣裳,弗曳弗婁。 宛其死矣,他 有栗。 子 宛 有廷内,弗洒 永日。 子有 其死矣,他 禮 酒食, 人是 也 宛其 偷偷 死 何 人 弗

藥。 對。 贵 爲 詩之憂,亦無煩待 將亡,必望其急早修政 敗亡者」,姚氏所主。 然以破唐人吝嗇不堪之見,則誠對 蜕、釋氏本空一流人語,原不足以爲世訓 無常,子孫易敗,轉眴之間,徒爲人有。 矣,而豈知其適成唐人面目而已。 而解其憂」、《集傳》。 何如及時行樂之爲善乎? 不過爲子孫長保此富貴計耳。 作此,以誚之曰:子以好樂 富者徒儉而 有勸其及時 「刺昭公」、《小序》。 故二詩可以並 蓋前作唐人自以爲憂深思遠 有《山 有樞》三章,章八句 不中禮之詩,與 行樂,自 何異 存也。 人解者 又或 或以 速 以 夢 以 死 收 中説夢? 爲「答前篇 序説紛紛 此類《莊子》委 爲「刺時 無 亡 拾人心 詞 前 乎? 荒爲戒者 氣 豈知富貴 篇 此 抑 故詩 樂得 針 誳 或或 揚 時 君之 之意 症 鋒 唐 則 以 良 相 人

間, 意旨迥别。 在人善會之而已。

栲山樗. 語曰: 旦)杻 皮色白 皆相似,皮及理異耳。 柘,其葉如榆,爲茹,美滑於白榆也。 今官園種之,正名曰萬歲。 , 枝葉茂好, 二月中 櫄、 者 也 集釋】樞 名粉。」 樗、栲、漆,相 郭璞 日: 婁 荎 亦曳 也。 栲,似樗,生山中,亦類漆樹。 榆白榆也。 似如 葉 也 陸 考擊也 疏 璣《疏》云: 華 一。」杻檍也。 宛 坐 《爾雅》疏曰: 如 榆之類有十種,葉 見 楝 貌 而 樞,其 細 〔陸氏 愉 蘂 針 正 樂 榆 刺 也 白 俗 璣 之

本韻 韻。 並 同。 栲十九皓。 叶 標韻】樞七虞。 韻。 漆 杻二十五有,叶女九反。 四質。 榆、 栗、瑟、日、 妻、驅、 愉 並同。 室並 考、保 中同。 本

沃。 既 揚之水,白石鑿鑿。 見 君 揚之水 子,云 何不 諷昭公以備 · 樂 ? 素 衣朱襮,從子于 曲 章 沃也。 揚之水,

> 聞 子,云何其憂? 白 石皓皓。 有命,不敢以告人。 三章 素衣朱繡,從子于鵠。 二章 揚之水,白石 粦巛 既見 粦巛 君 我

如

言。 哉 ? 諸歌 詩爲 氏説 此詩 至。 句。 潘父陰主之將爲内應,而昭公不知。此詩 人者、民爲之隱而欲其事之成也」。 敢直言自取滅亡?《小序》不知,以爲 正發潘父之謀,其忠告於昭公者,可 人將叛歸沃之詞」。 叛黨。 若真欲從沃,則是潘父之黨,必不作 況此詩發人隱謀,有關君 則此 詩人諷刺他人,多意在言外,不 以泄漏 咏,遍傳國中 右《揚之水》三章,二章六句,一章 嚴氏粲云:「時沃有篡宗國之謀,而 詩爲忠告;從《集傳》説 是非不言而自見,讀 其事也。」二説大相反。 矣,而 《集傳》更謂「不 猶謂「爲之隱」 或 者可 禍 福,豈 從嚴 既 則 敢告 肯 或 . 四 此 形 明 切

删 存微意矣。

服之。 朱 必以繡 喻桓叔,亦通。 能驅百姓歸沃,沃以强盛。 事已成,將 曰〕子,指叛者。 水」,水之淺而緩者。 以見意,故泄其謀欲昭公知之也 劉氏敞曰〕非揚之水不能使白石鑿鑿,非昭公微弱不 郊特牲》云: 繡即朱襮也。 黼爲領。 巾衣者,朝服祭服之衣也。 集釋】鑿鑿 孫 有成命也。 炎 「繡黼丹朱中衣,大夫之僭禮。」知諸侯當 曰:「繡刺黼 朱襮〔孔氏穎達曰〕《釋器》云: 繡黼唯諸侯乃得服之耳。 君子〔姚氏際恒曰〕君子,指桓 鵠〔《集傳》〕鵠 「白石鑿鑿」,喻隱謀之彰露 不敢告人「嚴氏粲日 巉露貌。 [案]此説 文以 褗 [姚氏際恒日] [揚之 曲 大夫中衣亦用素,不 領。」是襮爲 沃邑也。 以水喻昭公,以石 子「嚴氏粲 蓋蓋 命聞 「黼領 領 反辭 叔。 也。 其

條

通 沃,叶居號反。 韻 標韻】鑿十藥。 皓十九皓 憂十一尤,叶一笑反。 繡二十 襮二沃。 -六宥, ,叶先妙 沃同。 叶 韻。 反。 樂十藥。 鵠二 粦巛 +

> 真。 人同。 本 韻

椒聊 憂沃 盛而晉微也

衍盈 無朋。 且。二章 匊。 椒 聊之實,蕃衍盈升。彼其之子,碩大 椒聊且 彼其之子,碩大且篤。 遠條 且。 一章 椒 椒 聊之實,蕃 聊且,遠

詩意。 晉弱 年,昭公封成師於曲沃,至莊十六年,曲沃 亦遠在三四十年之間。 伯始爲晉侯。 謂其爲叛晉哉? 案:《春秋》惠二十 弱,不得不極言沃之盛以警之也,而 以桓叔爲彼,則必以昭公爲君。 棄舊君而樂桓叔 而發無疑。 右《椒聊》二章,章六句。 詩不云乎,「彼其之子,碩大無 中間幾七十年。 ,以見其俗之薄」,則大非 惟輔氏廣謂 事未至而慮已周 「當時民情 此詩爲沃盛 此詩 憂晉 之作 何以 朋 之 几

於 其 非 忠於昭公者 織 :見微知著之君子,不足以爲此,其所以 有 之遠 而 盡 慮之深耳。 何 將 如乎? 詩 人忠 聖人存之,正以 厚視 若謂民罔常懷, 同 叛 黨, 懷 見 可

乎哉?

之高也。 机,其朻者名聊也。 非 實味辛而香烈 文理。 [姚氏際恒日]案此説是。 集釋】椒〔《集傳》〕 「遠條且」,歎其條之遠也 按《爾 雅》云: 聊 朻、《説文》: 何何 「机, 檕梅。 氏楷 曰〕聊,舊以 椒,樹似茱萸,有針刺,其 則是「椒聊且」,歎其枝 「高木也。」聊即 朻 者,聊。」檕梅 爲 語 助 机之高 辭, 名 似

條同。本韻。匊一屋。篤二沃。通韻。【標韻】升+蒸。朋同。本韻。聊二蕭。

綢繆 賀新昏也。

良 人。 綢 子兮子兮,如 繆 東薪 ,三星在天。 此 良 人人何。 今夕 何夕 章 綢 見 此 繆

此粲者何。三章在户。今夕何夕,見此粲者。子兮子兮,如兮子兮,如此邂逅何。二章 綢繆束楚,三星束芻,三星在隅。今夕何夕,見此邂逅。子

耳。「今夕何夕」等語,男女初昏之夕,自 然天籟反難索已。 作,不可廢也。 深義,只描摹男女初遇,神情逼真,自是 新昏多矣,皆各有命意所在。 男女失時之言,始見其爲欣慶詞 有此惝怳情形景象,不必添出國亂民貧、 右《綢繆》三章,章六句。 若必篇篇有爲而作,恐自 唯此詩 此賀新昏詩 也。 詩 無 絶 甚 咏

言。〔《集傳》〕此爲夫語婦之詞也。 子兮〔姚氏際恒髮人〔馮氏復京曰〕《儀禮》鄭注云:「婦人稱夫曰良。」謂「參」,是也。〔案〕參星中三星最明,俗通謂之三星。謂「參」,是也。〔案〕參星中三星最明,俗通謂之三星。

四

指男 曰〕一章「子兮」指二女,❶二章「子兮」合指,三章「子兮」

叶韻。 叶韻。 通 韻 標韻】薪 楚六語。 芻 七 户七麌。 十一真。 隅 同。 近二十六宥 者二十一馬,叶章與反。 天一先。 叶 人十一 狼 口 真 反

焉 ? 我同姓。 他 杜,其葉菁菁。 人? 不依焉? 二章 人無兄弟,胡不佽焉? 一章 有杕之杜 不如我同父。 嗟行之人,胡不比焉? 杕杜 ,其葉湑 獨行 景景, 豈無他人? 自傷兄弟失好而 湑。 嗟行之人, 獨 行 踽 無助 人無兄弟, 踽 胡 有杕之 也。 不如 不 豈 比 無

云: 「此似不得於兄弟而終望兄 言我獨行無偶,豈無他人可共行乎? 右《杕杜》二章,章 九句。 姚 弟 氏 比 際 助 之 恒

胡

特」之類,與經乖反,豈能信從? 彼而録姚説,不復更爲之詞也。 明是有兄弟人語。 意。《集傳》不用《序》言,是矣。 所云「君不能親其宗族,骨肉離散,獨居 者,義止於是,不可别生枝節。 然終不如我兄弟也。 氣,又多不合。 無兄弟,將爲沃所并」,徒形附會 棣》『凡今之人,莫如兄弟』之意。」解此詩 『他人』,以見他人莫如我兄弟也,即《常 兄弟者胡不佽助我乎? 也,則嗟彼行道之人 如詩言「不如我同父」,明 而《傳》乃曰「自 胡不親比 使他人而 『行之人』即上 我,而 如《大序》 苟如兄弟 而釋詩 而 愚故 無當 傷 舍 語 無 孤 而

踽 踽 無所親之貌。 【集釋】杕 特也。 比輔也。 杜 赤棠也。 伙 助 也。 湑 湑 亦盛

⁰ 「二女」,姚際恒《詩經通論》無「二」字。

貌。 **買** 無所依 貌。 〔曹氏粹中曰〕《説文》云: 睘

畏,驚視也。」獨行多懼,故睘睘也

比四真。 四 一敬,叶 標韻】湑六語。 桑經反。 伙同。 叶韻。 本韻 踽七麌。 菁八庚。 父同。 通韻。 姓二十

羔 裘 刺在 位不能恤 民也。

豈 維 子之故。 無他人? 羔裘豹袪,自我人居 維子之好。二章 一章 羔裘豹褎,自我人究究。 居。 豈無他人?

見。 無他人? 豹袪」,指卿大夫而言也無疑。 去,則其大夫之賢否可知,即民情亦大 去之意也亦無疑。民欲去其大夫 「居居」、「究究」,義雖 且見《爾雅》,自足爲據。 右《羔裘》二章,章四句。 維子之故」,亦其民欲去而 難 而朱子乃謂 詳, 此篇「羔裘 即下云「豈 而 理 實 不忍 不忍 可 可

> 乎? 誤,遂 爲詁 闕疑,意恐不免有門户回護之見也 爾 雅》是集諸儒訓詁 ,既以《爾雅》爲不足信,則 即此亦見其矯强自用。 廢斯篇而 不 釋。 成 夫訓詁原 書,其間容或有 輔氏 又何 集 以 古 所信 爲 訓 得 以

惡也 也。 豹飾。 氏萇曰〕究究,猶居居也。〔《釋訓》云〕居居、究究 頭之小稱,其通皆爲袂也。 居居,懷惡不相親比之貌。 袪,袂也。 集釋】羔裘豹袪〔《集傳》〕君純羔,大夫以 [孔氏穎達曰]袂是袖之大名,袪是 自居居〔毛氏萇曰〕自,用 褎猶袂也。 究究[毛 袖

候反。 反。 叶韻 【標韻】袪 叶 韻。 褎二十六宥。 一六魚。 居同。 究同。 故七遇,音 好二十號,叶 口叶古慕

呼

鴇 羽 刺 征 役苦民也

肅 肅鴇羽 集于苞 栩。 王 事 **靡** 盬 不能

經 原 始

靡 其 盬 所 蓻 有極? 不 盬 稷 ? 不能 黍 能 章 蓺 二章 父 黍稷。 蓺 肅 母 稻 肅 粱。 何 肅 鴇 父母何食? 怙 ? 肅 翼, 父母何嘗? 鴇 行,集于苞桑。 集 悠 于 悠 苞 蒼 悠悠蒼 棘。 天 悠悠蒼天, 曷 王 天,曷 王 事 其 事 靡 有

曷 (有常?

之。 始 勤 信 篇中有「 矣 同 從征役,不得養其父母之作」。 刺 其説 則 此 勞 則 時 王 姚氏際恒又以 呼 而 恨 痛 右《鴇羽》三章,章七句。 爲之上者,猶不知所以 事, 詎分君子、小民? 舊 居 天 蓺 晉 總之,此等議 樂 處之無定,繼則 籲 黍稷」等語,似與君子不類 昭公之後,大亂 之難 地。 復。 人不傷 詩中有「王事」二字 論,無關 民 心, 情 念征 Ŧi. 至 何煩 世。 此詩《序》 體 此,答 役之何極 不得養親 風人要旨。 何氏 恤 泣訴? 君 而 怨 安輯 子 楷 而 極 而 下 謂 疑 以

> 切也。 之。 쪰 不於此可見歟 之於天,不敢 民 則 又何樂 論者謂 養生送死之無望, 有 此 ? 唐 懈 邦 人 王 而 質朴,猶有 事 不 他 ,則忠厚之心 適 仰 事 堯之遺風 俯 而 育之 詩 又何 但 歸 難

二三六

徐州 櫟也。 行列。 也。 蠱。」然則蟲害器、敗穀者,皆謂之蠱。 雁而大,無後趾。 日》《説文》日 堅緻之意也。 蠱,字異義同。 止則爲苦。 人謂櫟爲杼,或謂之爲栩。 Ŧ 【集釋】肅 其子爲皂斗,殼可以染皂者 故從鴇。 氏 逢 集止 日 蓺樹也。 《左傳》云: 鴇相 一《本 《詩》曰 〔陸氏璣曰 也。 肅 草 次 羽聲。 ->注: 也。」蓋鴇性 苞叢生也。 鴇 怙恃也。 「於文皿蟲爲蠱,穀之飛亦 〕鴇鳥連啼,①性不樹止 行」,以 凡 鴇〔《集傳》〕鴇,鳥名。 云 盬 粱 群居 是也。 *米, 行列 〔孔氏穎 此 栩〔《集傳》〕 是盬爲不攻牢不 故 如 皆 也。 也。 雁 〔陸氏 是 達 粟 自 日 粱 陸氏 然而 類 璣 栩 粟 柞 一,樹 日 青 類 有 佃 爲 爲 似

⁰ 啼 《毛詩正義》作「蹄」。

穗大毛長,穀米俱麤於白粱。 嘗食也。 常復其常也。粱,殼穗有毛,粒青,米亦微青,而細於黄白粱。 黄粱,

本韻。行七陽。桑、粱、嘗、常並同。本韻。所六語。通韻。翼十三職。棘、稷、食、極並同。【標韻】羽七麋。栩同。黍六語。怙七麋。

無衣 代武公請命于王也。

且燠兮。二章 豈曰無衣六兮? 不如子之衣,安兮。一章 豈曰無衣六兮? 不如子之衣,安且吉

武 特 顛 使,而作是詩」。 篡國,爲王法所必誅,《序》乃以爲美之,其 晉武公。 正之。 倒 公所自作,則非。 順逆、亂 右《無衣》二章,章三句。《序》謂「美 始并晉,其大夫爲之請命天子之 其説是矣。 倫悖理,未有如 朱子辯之,以爲武公弑 詩詞 然《集傳》以 傲 慢 此之甚者,故 無禮已甚, 此詩 君 爲

凡頌禱 也。 抑氣 難 詩人蓋著其惡,使後之人知其有無君之心 庶安且吉,可以 者,特以子之所賜,衆心始服,而吾服之, 吾非不能爲是七章之衣,而必待命于子 無天王。特以晉人屢征不服,不能不 公隱微,自恃强盛,不惟力能破晉,而 之也,烏在其爲美哉? 此蓋 禮惡詞以爲頌美其上,是欲美之而適 然則此爲詩人美武公詞乎? 豈有直稱天王爲子,而欲請命服 武公縱極跋扈,當其請命天子,亦將斂神 又以爲武公自作。 命以懾服衆心,故體其意而 讀 《小序》不識,乃以爲美。 如 君上,必揚其美而掩其惡。 此 ,無怪紛紛臆説,莫 辭,然後可 傳世永遠耳。 均兩失之。 飾 美觀 爲是詩 詩 亦非 測其旨矣。 晦翁駁之, 稱 詩意深微 而 人窺 於 君爲子, 杜 似此 也。 朝乎? 見 藉王 曰 : 且 以 武 Ħ 醜 無

綱至此,埽地極矣。 公賂王,王即錫命,故武公得而輕之。王皆節外生枝,杜撰費解,悉不可從。○武皆即外生枝,杜撰費解,悉不可從。○武有以子指武公者,有以子屬天子之使者,

意不重此,不可執泥。燠缓也,亦安意耳。服,比於天子之卿,亦幸矣。〔案〕此特變文以成章耳。與七爲節。子天子也。六、〔《集傳》〕天子之卿六命,以七爲節。子天子也。六、〔《集傳》〕天子之卿六命,以七爲節。子

【標韻】七四質。吉同。本韻。六一屋。

燠同。本韻。

有杕之杜 自嗟無力致賢也。

好之,曷飲食之。二章 有杕之杜,生于道周。彼君子兮,噬肯來遊。中心杜,生于道周。彼君子兮,噬肯來遊。中心村,生于道左。彼君子兮,噬肯

俊顧我 是。 以反己自思矣。 輔」,雖未必遽見爲然,而凡爲武公者, 也 好者無力,而有力者不好,則亦末如之何 不可,而又不肯禮賢下士,以致仁人君子 以致賢者,富貴而尊顯之,爲願所適,無施 後能飲食致敬,聊表好賢之誠,使天下賢 足以致賢,而心則誠好之,但不知如何 居貞遠遯,不肯來遊,是誰過歟? 天下事 以爲「此人好賢而恐不足以致之」,其説 已矣。 然詩中具有二義,本意云,吾勢雖 右《有杕之杜》二章,章六句。《集傳 而來遊乎? 故《序》以爲「刺武公不求賢以自 言外見彼有勢力,足 可 而 不 古

氏穎達曰〕言道周繞之,故爲曲也。 【集釋】 噬發語辭。 曷何也。 周曲也。〔孔

號。食四真。叶韻。周十一尤。遊同。本韻。【標韻】左二十哿。我同。本韻。好二十

葛生 征婦怨也。

此,誰 獨 之日。 夜。百歲之後,歸于其居。四章 冬之夜,夏 予美亡此,誰與獨旦。 三章 處。 葛生蒙楚, 蘝蔓于野。 一章 與獨 百歲之後,歸于其室。 息。 葛生蒙棘,蘝蔓于域。予美亡 二章 角枕粲兮,錦衾爛兮。 予美亡此,誰 五章 夏之日,冬之 與

其歸 夏 征 緊要,可置 孤 之非必不出其時耶? 然此等處無關 未見此詩之果作於其時」,然亦安知此 刺晉獻公好攻戰,則國 [婦思夫久役于外,或存或亡,均不 棲,不 難 與否,更不能必。於是日夜悲思 己。 右《葛生》五章,章四句。《序》以 禁傷心,發爲浩歎。 暇則展其 而 弗辯,但 衾枕,物 以 人多喪」。 爲 征 猶 以 婦 粲 爲 。朱子 怨 爛,人是 此 可 可 生 詩旨 冬 也。 知 謂 無 詩 爲

> 令人扼腕 百篇多少好詩,純被此種迂儒説壞。 枕衾粲爛,其嫁未久,更覺腐 爲思存,或以爲悼亡,已極可歎。又或謂 見此詩景況。 憐無定河邊骨,猶是深閨夢裏 歸一穴而 復見理,惟有百歲後返其遺骸,或與 ! 已,他何望耶? 説《詩》諸老不察其情,或 唐人詩云:「 論 人。」可 難 堪。 (吾同 能 以 不 以 想 可

流轉,眴息百年,人生幾何,能不傷心!【眉評】〔四、五章〕二章句法只一互换,覺時光

細。蔓延也。予美婦人指其夫也。域塋域也。【集釋】蘇〔《集傳》〕蘞,草名,似栝樓,葉盛而

本韻 碼,叶羊茹反。 韻。 處六語。 粲十五翰。 標韻】楚六語。 叶 韻。 居六魚。 爛、旦並同。 棘 十三職。 叶 野二十一馬, 韻。 本韻。 域、 日 四質。 息 叶 並同。 夜二十二 上 室同。 一與反。 本

米苓 刺聽讒也。

采苓采苓,首陽之巔。人之爲言,苟亦無然。 得焉!一章 采苦采苦,首陽之下。人之爲 言,苟亦無與。舍旃舍旃,苟亦無然。人之爲 高言,胡得焉!二章 采葑采葑,首陽之束。 人之爲言,苟亦無從。舍旃舍旃,苟亦無然。人之 人之爲言,胡得焉!三章 采葑采葑,首陽之東。

旨未露其意,安知其必爲驪姬發哉? 聖主,未嘗不 古人君聽讒多矣,其始由於心之多疑 晉獻公好聽讒言」,蓋指驪姬事也。 而進讒,勢至順而機又易投也。若夫明哲 察,數數訪刺外事於左右。故小人得乘機 人之爲言,未敢遽信爲然,必審焉而後聽。 右《采苓》三章,章八句。《序》謂 察 彌 而 兼 聽。 但其心虚 然詩 而 故 自 好 刺

> 然,置焉可也,而必排而斥之,過矣。 者。 驪姬則讒之尤者,晉獻公則尤聽讒之甚 指亦非一端,安見其必爲驪姬發哉? 不遠 焉而 其心公,故人之進言亦必姑舍其然,詳察 後信。 故足以爲戒也。朱子不以《序》言爲 而自息矣。 造言者既有所憚 詩意若此 ,所包甚廣 前 難 人,則讒 介,所 但

之南」,豈曰首山之南之頂,成何語乎? 巔 「首陽之巓」矣,則「陽」字必 既名首陽,又名雷首,則何不可單名首山? 陽」之稱乎?〔愚案〕山陽有一名而數易其稱者。 矣。豈泛名其山則曰「首山」,主山南而言則又獨得「首 似首陽二字同爲山名。 曰〕《集傳》以首爲山名,陽爲山之南。《春秋傳》亦曰 在河東蒲坂縣南。〔李氏樗曰〕亦名雷首山。 趙宣子田于首山」。 Щ 頂 【集釋】首陽山名。〔孔氏穎達曰〕首陽之山 也。 《集傳》 》既釋 然此詩下章又云「首陽之東」,則 《論語集注》亦嘗指首陽爲山 巔 爲 屬 Щ 山名,不當更釋南 頂」,又訓 旃之也。 但 〔劉氏瑾 詩 爲「山 此山 明

苦菜也。從聽也。

葑二冬。東一東。從二冬。通韻。 苦七麌。下二十一馬,叶後五反。與六語。叶韻。 十一真。通韻。旃一先。然、焉並同。本韻。 《標韻》苓九青。顛一先。言十三元。信

歌者略見大概。即《采苓》刺讒於浸潤易入思,於《羔裘》不恤民而民不忍去,《鴇羽》苦役民而民原,於《羔裘》不恤民而民不忍去,《鴇羽》苦役民而民厚,於《羔裘》不恤民而民不忍去,《鴇羽》苦役民而民厚,於《羔裘》不恤民而民不忍去,《鴇羽》苦役民而民但呼天。而且《葛生》思婦,無怨懟之言,《椒聊》智生,有憂深之慮。即《揚之水》聞人奸謀,未嘗不反辭士,有憂深之慮。即《揚之水》聞人奸謀,未嘗不反辭也,勸以姑舍其言,無遽信從,亦非深於道而有體之中,勸以姑舍其言,無遽信從,亦非深於道而有體之中,勸以姑舍其言,無遽信從,亦非深於道而有體之中,勸以姑舍其言,無遽信從,亦非深於道而有體之中,勸以姑舍其言,無遽信從,亦非深於道而有體之中,勸以姑舍其言,無遽信從,亦非深於道而有體之中,勸以姑舍其言,無遽信從,亦非深於道而有體之中,勸以姑舍其言,無遽信從,亦非深於道而有體之中,勸以姑舍其言,無遽信從,亦非深於道而有體

四四

詩經原始卷之七

秦

或

風七

又徙於雍。秦,即今之秦州。雍,今京兆府興平縣 近鳥鼠山。初,伯益佐禹治水有功,賜姓嬴氏。其 持為附庸而邑之秦。至宣王時,犬戎滅成之族,宣 王遂命非子曾孫秦仲爲大夫,誅西戎不克,見殺。 王遂命非子曾孫秦仲爲大夫,誅西戎不克,見殺。 及幽王爲西戎、犬戎所殺,平王東遷,秦仲孫襄公以 及幽王爲西戎、犬戎所殺,平王東遷,秦仲孫襄公以 及幽王爲西戎、犬戎所殺,平王東遷,秦仲孫襄公以 及幽王爲西戎、犬戎所殺,平王東遷,秦仲孫襄公以 及幽王爲西戎、犬戎所殺,平王東遷,秦仲孫襄公以 及幽王爲西戎、犬戎所殺,平王東遷,秦仲孫襄公以 及幽王爲西戎、犬戎所殺,平王東遷,秦仲孫襄公以 大龙、東西戎、克,即有岐、豐 之地。襄公遂有周西都八百里之地。至玄孫德公, 以供於雍。秦,即今之秦州。雍,今京兆府興平縣

審也。宜從《紀要》爲是。

《眉評》毛氏鳳枝曰:案:漢右扶風雍縣,在今鳳翔所城南七里。秦德公元年,初居雍城大鄭宫是翔所城南七里。秦德公元年,初居雍城大鄭宫是知。犬丘亦名廢丘,項籍封秦將章邯爲雍王,都廢止。朱《傳》遂謂德公所徙之雍亦在興平。秦莊丘。朱《傳》遂謂德公所徙之雍亦在興平,秦莊

車鄰 美秦君簡易易事也。

有車鄰鄰,有馬白顛。

未見君子,寺人

坐鼓瑟。「今者不樂,逝者其耋」。送秦君之詞。之令。一章 阪有漆,隰有栗。既見君子,並

簧。「今者不樂,逝者其亡」。 三章 阪有桑,隰有楊。 既見君子,並坐鼓

若平 矣。 則白 句。 亦可 君富 邊 歲 失今不樂,逝者將耋。 其簡易而歎美之,以爲真吾主也。曰:秦 復公孫述之盛陳陛 備,禮數尚寬。 所宜有也。 「美襄公」,以秦仲初爲大夫,寺人等官 月何 幅,如光武初見馬援,袒幘 相依 生。 貴 及其覿面,乃又不然。 此詩《序》謂「美秦仲」。 顛,日處深宫,非傳宣不能 右《車鄰》三章,一章四句,二章 哉? 而尊嚴,豈勝述哉? 鼓瑟者可 而 總之,秦君開創之始,法 度曲。 則 且其人必恢廓大度,不 是其心之推誠相 以 不甯惟是 衛而後見。 並 而耋者將 坐 而 君臣相與, 車 調音 而 ,君勸臣曰: 劉公瑾 人,可謂 則鄰鄰, 坐迎之,非 故臣下樂 亡,如 與, ,鼓簧者 毫 制 疑 章 無 此 歡 盛 馬 飾 雖 非 爲

> 知。 鄙俗 何以 始有 箝制 不務經綸,日事宴樂。 之」,則何異馬援所云「子陽乃井底蛙 也可 能開 聖人存之,以見嬴秦始基固若是耳。 車馬及此寺人之官,國人創見而 ,亦斷斷不至如此。 創宏業耶? 知。若如諸儒 即秦 開創若 所云,「是時秦君 唯其 士大夫,雖 君臣 此,後效可 相得, 耳, 誇 美 日

見時如此簡易。不惟盡寬禮數,且能備極宴樂。【眉评】〔一章〕未見時如此嚴肅。〔二、三章〕既

耳,非與君並 坐者,同 寺人也。 額有白毛,今謂之的顙。 日》《左傳》: 坐,非 集釋】鄰鄰衆車聲。 寺人是在内細小之臣。 齊有寺人貂,晉有寺人披。 坐也。 並. 肩 而 坐 也。 寺人内小臣也。〔孔氏穎 案並 白 並坐 坐者,乃鼓瑟者並 顛《集傳》〕白顛 是諸侯之官 (黄氏佐日)並

韻。漆四質。栗、瑟並同。耋九屑。通韻。桑【標韻】鄰十一真。顛一先。令八庚。通

七陽。楊、簧、亡並同。本韻。

駟驖 美田獵之盛也。

于狩 之,舍拔則 車鸞鑣,載 駟 一章 驖 孔 獲。一章 阜,六轡在 奉 獫 時辰 歇 驕 牡,辰 遊于北 三章 手。 牡 公之媚 袁 孔 四四 碩。 子,從 馬 公曰左 既 閑。 公

於此 疾 有事,奚足 然時代無可考,詩詞 知 同 舉欣欣然有喜色而 美襄公,始命,有田狩之事,園 病 公,則必襄公以後詩也。 也 樂也。」今秦始 百 與? 右《駟驖》三章,章四句。 即 姓 民之欣欣 異? 何以能 聞 王 車馬之音,見 孟子不云乎:「今王 有 田獵也?』此無他,與 然有喜色而 田 相告曰:『吾王庶 亦 狩 不露始 事 ,其與 田 羽毛之 命 獵 此詩《序》謂 相告者,亦 民 囿之樂」。 亦 意 同 時 美,0 幾 樂 田 君 惟 既 民 無 獵 口 恒

> 以 以王而久,秦之所以 詩至此,不禁有懷《兔罝》 可 有素已。 「公之媚子」, 從于狩者,不 知 也 惟 初 則 膺 嗜 聞 侯命, 腹 好 帝而 心 爲 舉行 干 何 促者,其 野 城 如 人,知 之 大 耶 寄, 典, ? 由 其 周 君 而 來蓋 之 子 相 乃 所 讀 日 率

嬖。 孔甚也。 也。 秋 用 驪,馬赤黑色驖。」非特有取於色,蓋亦取 在手者惟六轡耳。 獻鹿豕之類。 牝,皆以牡爲貴。 ,四馬當八轡矣。 鬻 時 人 是也。 集釋】駟驖 獻 阜肥大也。 時 節之獸以供 辰時 奉〔孔〕 媚子〔朱氏道 言六轡者,以 辰牡[《集傳》]冬獻狼,夏獻麋,春 也。 〔陸氏佃曰〕《説文》曰" 氏穎 六轡 (孔 膳, 牡 達 故 (曹氏粹中日)祭祀之牲 日」「奉 虞 駿馬内轡納之於觖,故 行 人 氏 / 亦驅 日 穎 一媚 是 達 其 時 時 子 日 堅 節 牡 , 指 「馬 壯 每 之獸以 謂 左右 馬 深 鐵 有一 黑色 虞 也 不 便

❶ 「毛」、《孟子》作「旄」。

射耳。 閑 膘而言。 殺,皆自左膘射之達於右,則左當人君之左,指禽獸之左 之,君從左以射之。 調習也。 碩肥大也。左之〔何氏士信曰〕御者從右以 〔案〕射必左出,故左之乃易中耳。 輶 輕 也。 《公羊傳》解第 鸞鈴也。 鑣 殺、第二殺、第 馬 銜 也。 拔矢括也。 獫 歇 逐

袁 叶 韻。 十三元。 標韻】阜二十五有。 牡二十五有。 閑十五删 碩十 通 韻 手同。 陌。 鑣 獲同。 狩二十六 蕭 叶 驕 韻。 宥。 同。

歇、驕。

以車載犬,蓋以休其足力也。

驕〔《集傳》〕獫、歇、驕,皆田犬名。

長喙曰

獫,短喙

日

小戎 懷西征將士也。

本

韻

駕 游 此 下懷駕車 我 環 騏 脅 小 馵。 驅 戎 ·西征之人。 後收 陰靭 車内外兼寫。 車箱。 鋈 在其板屋 續 五楘梁朝。❶ 言念君子,温 馭兩驂者。 ,亂我心曲 文 茵 馭 其 兩 暢 如 服 念其 轂 玉 者

> 遠。 伐 句。 居處之非。 厭 竹 在 盾 閉 有 邑。方何爲期? 之合,鋈以 良人,秩秩德音。念其德音之美。 二章 騏駠是中, 花,盾。 緄 縢。弓檠。 一章 **俴駟孔群**,馬甲。 虎韔鏤 觼軸。 騧 四牡孔阜,六轡在手。 言念君子, 載寢 驪是驂。 胡然我念之。 膺。弓室。 **驂轡飾。 公矛鋈錞**。 此方言兩服 言念君子, 交韔二弓,弓。 載興。 念其歸期之 兩 承上駕 温 厭 其 龍 我

下豈有此文義? 惟僞傳以 義,中間並 或代爲其人言,或代爲其室家言。 戎」之詩,得之。 矜其車甲,婦人能 美襄公。備其兵甲,以 右《小戎》三章,章十句。 無遞换,上下語氣全不相貫,天 鄒 閔 氏 其 肇 君子焉。」一詩 討 敏 西 曰:「凡勞詩, 爲「勞大夫征 戏。 《序》 或 而此詩 謂: 人 則 兩

❶ 「楘」,原作「婺」,據《毛詩正義》改。

四五

功。 裘 案: 襄 秦 後 以 玉 不 堪 此,尚覺寒。 祖之賜裘帽於全斌也。無怪 能 之君子,身處板屋 帽,坐氊 念及,其何以堪? 處?」即 公勞 人第一關係文字下屬厮役走夫之徒 儒 復 念君子』, 宋全斌伐 今詩云「在其板屋, 亂我心曲」,以 父 編及 不 察,又以爲從役者之家 讎, 士 也。 解 一帷中, 獨 片苦衷,不幾爲其所没,千 念西 裘 雄 蜀 則 全斌 帽, 長 ,屬汴大雪。 襄 征 謂左右 於 公自念其 拜賜 馳 將 一,而 西 襄公能作是詩,即 賜 士,衝冒 歸 方者,有 全斌。 感泣 期 又未能 其能承君 臣 太祖 一, 故 「我 霜雪 人所言 仍諭 子 由 被 所 也 衣 然 一, 何 必 向 諸 服 紫 則 命 宋 載 將 偶 如 有 將 以 如 貂 愚

章同 眉評】(一章)首章寫車制 機軸,而寫法各異。 〔二章〕次章寫駕車。 章 末兼及懷 人。 下

繫 欲 馬

下

誰

復能諒之耶?

章」三 及,況下此者乎。 一章寫 戏器 刻 劃 典奥 瑰 麗已 極 西 京 諸 賦 迥 不

四

六

能

傳》 進退。 [曹氏粹中曰]兩服馬駕勾衡之下,旁有兩驂馬,齊於服 軫之兩端,當服馬脅之外,所以驅驂馬使不得 [《集傳》]脅驅,亦以皮爲之,前係於衡之兩端,後係於 分其穹,每分以皮束之使堅,是謂 其後則乘前軫 輈 八尺。 車之制,廣皆六尺六寸。 《集傳 衡與軫 之頸 出 使不得外出。 無定處。 (陳 則 游 車之進 氏鵬飛曰〕朝,車轅也。 兵車則軫深四尺四寸,故曰「小戎後收 此 環,靭環 》〕謂車 集釋】小戎兵 懼驂 環牽之。 ,護服馬脅以 引兩驂馬之外轡貫其中而執之,所以 之外 退以轅爲主,懼輈之不堅也,故 直 前 也。 《左傳》曰 逼 後兩端横 懼駿之内 後 出 以皮爲環,當 軫。 也,故以 止驂之人,欲 其平地任載者爲大車,則 車 「如驂之有靳」是也。 梁 木, 所 也。 朝則 其前駕於服馬之衡之上 環 亂 貫 以 ?穹其上 服馬 兩服之背上,游 俴 驂 五楘。 收 入則 淺 外 斂 也 轡、以 也。 此皮從而 所 ,故以 以以 載 游 便服馬 者 收 也。 内 環 轅 韋二條 也。 人也 軫 其 約之 (集 軫深 制 移 則 出 驅 也 駿 之 前 凡

馬 卻

駠。 兵車 也。 馵。 大 軸者也。 暢戰〔《集傳》〕暢,長也。 處義曰〕以虎皮爲車中之褥,有文之可觀,故謂之文茵。 飾 之,以其陰映此朝,故謂之陰也。 矛 之,欲其輕易便於旋習 觼環之有舌者。 盾,合而載之,以 黑 色,故曰駁。 傳》〕鋈續,陰板之上有續靷之處,消白金沃灌其環以爲 一條,前 **冰**場 曰 也。 其白之在體也。 三隅矛也。 「何氏楷 ·曰暢轂。 君子指西征大夫也。 陰〔《集傳》〕陰,揜軌也,軌在軾前,而以板横側 〔嚴氏粲曰〕靷端作環相接謂之續。 騧 繋驂 大車之轂一尺有半,兵車之轂長二尺二寸,故 驪, 日》爾雅 上章曰馵,因其白之在足也。 馬 騏馵〔《集傳》〕騏,騏文也。 鋈 黑色也。 之頸,後繫陰板之上也。 爲車上之衛。 **軜** 擊內轡也。 錞 中兩服馬 也也。 矛底端平日 》謂駠 盾干也。 轂者,車輪之中外持輻内受 孔 日駁。 也。 聊《集傳》」赤馬黑 甚 必載二者, 倭駟馬甲,以薄金爲 也。 騎驪《集傳》〕黄馬 鐓 靷 蓋馬 、鋈則 《集傳》〕 [《集傳》] 靷 群調 有駠色, 以白金爲飾 文茵、范氏 馬左足白 備 鋈 此章日 和 破毁 也。 續 畫 有白 鬣 以 龍 駠, 也。 办 於 日 日 集 皮 揜

> 也。 弓,以 也。 子也。」案:本風《黄鳥》哀三良,亦曰「殲我良人」、《雅 楷 韔 也。 之《桑柔》亦曰 日 載寢載興 裹,命之曰秘。 羽 恥 〕秋甲子朔,朔之日,良人請問十二紀。 曰〕先秦之世,良人爲君子通 於盾之上也。 [《集傳》]交韔,交二弓於韔中,謂顛倒安置之。 秩秩 鏤 蒙雜也。 備 「陳氏祥 壞也。 膺[《集傳》]鏤 八有序也。 起居不甯 「維此良人,作爲式穀」,皆以良人爲君子 道 曰 伐中干也。 所 閉〔《集傳》〕閉,弓檠也。 虎 以] 秘以 韔 備 也。 膺,鏤 損 (《集傳》)虎韔, 傷 竹爲之,狀 盾之别名。 厭 也。 金以 厭 稱。 組 繩 安 飾 爲吕 馬 也。 如弓 當 也。 以 注:「良人,君 苑文貌,畫 氏紀·序意 智帶 良人「何 虎 然,約 《儀 皮爲弓 縢約也。 也。 禮》作 必二 於弓 交 氏 室

沃。 屋。 韻 曲二 轂 【標韻】收十一尤。 中 屋。 沃。 東。 馵七遇, 叶 驂 韻 十三覃。 叶 阜二十 之録反。 輈同。 叶 五 韻 有。 玉二沃。 本 韻。 合 手 十五 同。 續二 屋 合。 本

叶姑宏反。 軜 韻 口 群 邑 十二文。 縢十蒸。 + 四 緝 錞 興同。 通 + 韻 真 人十一真。 期 膺 四 + 支。 蒸。 之同 音十二侵。 弓一 東 本

兼 葭 惜招隱難致 也。

叶韻

采采 且躋 晞。 虚活 展 在 洄從之,道阻且右。 争。 水一 之筆。 白 所謂伊 兼 方。 遡游從之,宛在 葭 遡游從之,宛在水中央。 露未已。 妙 ! 蒼 虚點其地。 蒼 人,在水之湄。 妙 ! 白露 所 遡游從之,宛在水中 章 謂 爲 遡 霜 伊 水 洄 兼 人,在 中 從之,道 興起。 葭 遡洄 坻。二章 淒 水之涘。 實指居處,仍用 淒, 從之,道 所謂 阻 白 且 伊 兼 露 長。 遡 葭 未 阻

風 》中,氣味絕不相類。 右 蒹葭》三章,章 八句。 以 好戰樂鬥之邦, 此詩 在 秦

> 《序》 飯。 紛議起也 乎遠矣。《序》本有指,辭不能達,故致紛 日 爲招隱,作此見志。 遺老,隱處水濱不肯出仕。 自 忽遇高 思之而即至者。 雖若可望不可即,味其意,實求之而不遠, 遂謂「伊人猶此理」。 異 「伊人」、曰「從之」、曰「宛在 謂 蓋秦處周 者 「刺襄公、未能用周禮 矣。 超遠舉之作, 然意 地 特無心以求之,則其人倜 不能用 必 一爲賢惜,一爲世 有 可 鑿之又鑿,可爲 謂 所 周 鶴 指 禮。 詩 立 非 元,玩 人惜之,託 鶏 吕氏 周之賢臣 泛 群, 翛然 然者。 其 祖 望。 詞, 噴 謙

絶唱。 多有餘音。此則興盡首章,不可不知 古人作詩多一意化爲三疊 眉評】三章只一意,特换韻耳。 一,所謂 也 其實首 唱 三歎 1章已成 佳 者

謂之薕。 集釋】兼 (陸氏佃曰)今人以爲簾箔,因以得名。 [《集傳》] 兼, 似 在而 細 ,高數 尺,又 葭 蘆

葦。」 也。 也。 〔陸氏 遡 湄 水草之交也。 加 佃日〕孔氏云: 逆 流 而 上 也 躋 「初生爲葭、長大爲蘆、成 升也。 遡 游 順 采采 流 而 盛 下 也。 而可 采 晞 則 也。 爲 乾

右

言其迂迴

也

韻 韻 反 采十 淒 【標韻】蒼七陽。 沚 八齊。 四 賄。 紙 已四 晞 叶 五 韻。 紙。 微 霜、方、長、 涘同。 湄 四四 支。 右 二十五 坻四支。 央並 有,叶 同。 通 本 羽

佩 何 有 狐 玉 裘。 將 ? 南 將,壽考不忘。二章 有 顔如 何 終南 紀 有 有 渥 ? 堂。 一丹,其 祝襄公以收 有 條 君子 君也哉?一 有 梅。 至止, 民 君子至 望 黻 也 章 衣 繡裳。 止 終南 錦

衣

辭 襄 公。 首 有 末 《終南》二章,章六句。《序》謂 姚 句,嚴 氏 又以爲「有美無 氏 粲云:「其者,將 戒」。 今玩 然 之 詩 戒

> 然終南 禱之。 之有 君臨 此 何 蓋 德 句 辭。 可 衣服之盛,容貌之美,固不待言。 與梅耳。 子命以治其民,而無如何,於是作此以 必周之耆舊,初見秦君撫 至 美中 以 以 亦 必不然之事也 作 副 雄 木 哉者,疑而未定之意。」愚案: 末 云「壽考不 邦 寓 形 曰 : 疑 民 視六合,不獨號令一方也。 而 乎? 所以 戒,非 望,百 後 勢尊嚴宏厰,爲天下冠,君此者 而 崇隆者終 成 未定之辭, 成 山之高,乃無 忘」,則是勸 專 君此 世毋忘周天子之賜 此 頌禱。 山之高也。 邦 南, 則 日「其 不然,秦臣頌君, 必 其何有乎? 有 戒 德此 西土 負 也無 君也 山之名耳。 君子至止 一,皆膺 民, 非將以 君其脩 疑]哉」? 也 如 章 可。 Ш 頌 天 此

Ш 中 南 也。 集釋】終南 〔孔氏穎達 Ш 日 名。 昭 四 〔毛氏萇 年《左傳 日 ₩ El 一終 南 荊 周 Ш 之名 中

南。 錦 境。 南 衣 九州之險。」是 以 合而言之曰中南也。 狐 其幹屬天下之中,故 裘諸侯之服 足此一名. 也。 中 條山楸也。 ≪玉 南 日 中,勢踞鎬京之南,故曰 也。 一藻》曰 案: 君 材美可 Ш 衣狐 在今郿、鄠 作車 白 裘, 版。 錦 諸

廉角 赭」,言其有樂意而顏色赤澤也。 衣以裼之。 也。 堂〔《集傳》〕堂,山之寬平處也。 渥丹[季氏本曰]渥丹,猶《簡兮》所謂 紀〔《集傳》〕紀 黻 繡 〔毛氏 , 山 渥 之

長日〕黑與青謂之黻,五色備謂之繡。

將將佩玉聲。

並同 十四四 寒。 本韻 標韻】梅 哉十灰。 十灰。 叶 韻。 裘十一尤,叶莫悲反。 堂七陽。 裳、 丹

黄 鳥 哀三良也。

百 其 奄 其身。 慄。 息 交交黄鳥 彼 維 蒼者天, 殱 此 章 奄 止于: 息,百夫之特。 交交黄鳥,止于桑。 我 棘。 良 人! 誰從穆公? 臨 如 其穴,惴 口 贖 誰 兮, 子 從 惴 穆 車

雖

日

時勢,亦人心爲之也。

聖

人存

此,豈

楚。 其穴 公? 我良人! 可贖兮, 夫之禦。 ()惴惴; 誰從穆公? 子車鍼虎。維此鍼虎,百 子車仲 人百其 臨其穴,惴惴其 其慄。 如可贖兮,人百其身。 三章 行。 身。二章 彼蒼者天, 殱我良 維 此 仲行,百夫之防 慄。 交交黄鳥,止 彼 蒼者天 殱 如

所欲。 不 古 雖 大一統,人命至 封建,國君得以專制一方,生殺予奪,惟 爲秦俗如此,非 從死,命出穆公,或以爲康公迫死,或又 左傳》,鑿鑿 良 無 敢 違。 法 知 右《黄鳥》三章,章十二句。 , 封 似此苛政惡俗,天子不能黜,國 愚民猶自矜恤,況賢 哀哉,良善其 建 亦 有據,自不必言。 虐政。 重 關君之賢否。 非 秦、漢 何 天 子不得擅生殺 以 人乎? 堪 後 食竟不 總之,古 ! 或 此詩 若後 以 能 封建 \equiv 事 世 意 以 良 見

獨爲三良悼乎? 亦將作萬世戒耳。

夫也。 惴 也。 車,字異義同。 惴 子車氏也。〔孔 懼貌。 禦猶當也 集釋】交交飛 防 奄息名也。 (《集傳 氏穎達 而往 防 特傑出 曰〕《左傳》作子輿。 來之貌。 當 也。 言 之稱。 從穆公從死 人可 穴壙 以 當 輿、 也。 百

韻。 七 慄四質。 標 桑七陽。 禦六語。 通 韻】棘 韻 行、防同。 通韻 天一先。 十三職。 本韻。 人十一真。 息、 特同。 楚六語。 身同 穴九 屑。 虎 轉

晨風 未詳。

樹 何 苞櫟,隰有六駁。 欽 檖 欽 如 何 鴥 彼晨 未見 如 何 忘我實 風 君子,憂 如 何 鬱彼 ? 多。 未見君子,憂心靡樂 忘 北 心 二章 林。 我實多。 如 醉。 未見 Ш 有苞棣 如 君子,憂 何 如 隰 山 何 有 心 ? 如 有

忘我實多。三章

二説未 可 不如闕 之,男女情與君臣義,原 其君子之詞 其賢臣 露其旨,人固 固無據,以 古《序》大相反。 右《晨 也 甚相遠。 風》三章,章六句。 疑存參。 」,僞傳謂「秦君遇賢,始勤 爲婦人思夫者 ,又引《扊扅 難以意測。 惟《集傳》則以爲婦人念 今觀詩詞,以爲刺康公者 且其詩 歌 本相 無甚精義,置焉 與其 《序》謂 亦未足憑。 》以 通 安逞臆説 證 秦 康 詩 終 俗 既 怠 公棄 不 總 與

青白如 羅 欽 也。 欽憂而不忘之貌。 駁。 實似梨而小,酢可食 集釋】鴥疾飛貌。 駁 (集 晨 傳》 風鸇也。 也。 |駁,梓 集傳》〕檖,赤 榆 鬱茂盛貌。 也。 其 色

同。 叶 標韻 韻 風 何 五 歌 東,叶 多同。 乎 愔 反。 本 林 十二侵。 櫟十二 欽

Ŧi.

叶奪名反。駁三覺。樂十藥。叶韻。棣八霽

楼四真。醉同。通韻。

無衣 秦人樂爲王復仇也。

贵 我 同 兵,與子偕行。 三章 澤。 日 戈矛,與子同仇。 無 贵 衣? 日 王于興師,修我矛 無 衣? 與子同裳。 與 一章 子同 戟,與子 袍。 王于興 豈 日 無 王 師,修 偕作。 于 衣 ? 興 師, 我 與子 二章 甲

意也 《序》意與詩 之民苦戎久矣,逮秦始以禦戎有功 用兵,秦人以其君好攻戰,亟 子者, 豈待言 老子弟欲 同欲」,意是 右《無衣》三章,章五 夫秦 修 地爲 敵 情 而 愾, 不 而 後 周 協 辭 見 同 地 不能 哉 仇 ,則秦人固 然《集 怨 達,故朱子 句。 於戎 而 《傳》亦 用 無 《序》謂 以以 兵,而 如 周 未 周 報 人 7,其 喻 以 王 周 不 之 父 唐 爲 天 詩 與 刺

> 年,與 討賊 共伸 得所 庸。 于河曲 秦君 復仇 所謂 所難 刺 爲己任」者也。 師 尚 小 絶 以 可 忿 意 也 已哉? 意 兼 志 伐 同 ? 連 而 西 春秋 同仇大義,豈 晉戰 報 戎也,我 袍 年動衆,詎皆君父同仇而 ,獨《無衣》一詩,毅然以 征 故作是詩 忘大讐, 及周王矣。 伸在 、況君 也。 于武 二百 取 夫與 少梁 此 康公好 父乎? 然則《序》所謂 秦人願修戈矛,與子周師 城、報令狐役 四 則 非 以 其 也。 + 不 不能 民 子善哉? 明 蓋 餘 興 所 戰,又 志,曰:朋友無 民 師 年,天下 十年,又與楚人滅 王誠于此,而 不 欲 無名, 有 屈 皆私 勤 也。 在 此謝氏 溯自公之二 王 彼 刺 天 無 何 爲 固 怨,徒 也 心 六年,戰 如報 下 臣子 復 故故 枋得 君 不 大 知 能 衣 義 復 無 獨 有 興 者

【眉評】〔一章〕起極矯健。

釋】袍〔孔氏穎達曰〕《玉藻》云: 纊爲

組爲 氏德明 傳》〕澤,裏衣也。 、袍。」純著新綿名爲襺、雜用舊絮名爲袍。 曰〕澤,如字。 以 其親膚,近於垢澤,故謂之澤。 《説文》作襗,云「袴也」。 澤

(集 戟車 「陸

戟

也

庚 反。 同。 作 叶 + 韻 韻』袍四豪,叶步謀反。 澤 叶 + 韻。 陌 裳 叶 七陽。 徒 洛 反。 兵 矛十一尤。 戟 八 庚。 同, 叶 行八 訖 仇 約

贈之? 乘 が黄。 我 送舅氏, 瓊瑰 渭 章 陽 玉 佩。 我送舅氏,悠悠我 日至渭陽。 康公送别舅氏重耳歸晉也。 何 以贈之? 思。 何 路 以

車

存亡之感」,蓋 情之常。 右《渭 陽》二章,章 姚 氏 悠 謂 悠 「非 我 思 惟 四 句。 思 一句, 母 兼 情真意摯, 見舅思 有 諸 母 舅

> 戰河曲 心不知 孝矣。 也。 及此 其良 存 交戰,每 後晉可定而霸業以成。 豊 不能及。 穆公之爲重耳 手渭陽,樽 則怨欲可消而兵革自息矣。 往復讀之,悱惻 ,其亦《春秋》意也夫! 真知詩情者哉? 也 心 然此種深情 耳。 ! 何往,又何故耶? ,昏姻之好,變爲仇讐。 乃未幾而脩 主晉 《大序》謂「及其 此亦事後論人則然。 酒 使循是良心,養其端而充之, 惜 而 也, 别, 客 動人,故知其有無限情 觸景即 秦,多 且與 雖 怨於晉,既戰武 雖然,康公此詩,可謂 日 以 故《春秋》於秦、晉 甥情, 抑揚焉。 即 生,稍移易焉 紀綱僕 論者謂 位乃思 惜乎,其智不 實奉父命。 若當其攜 則念母之 三千,然 怨欲 此詩之 而 城, 作 害 又 E 懷

令人想見攜手河梁時 眉評】詩格老當,情致纏綿,爲後世送别之祖 也。

Ŧi.

逕長 縣,本秦舊縣,渭水 里。 安城 路車諸侯之車也。 北。」注: 釋】渭水名。 「即咸陽 南 去縣 〔王氏應麟 三里。 也。」《郡縣志》: 乘 黄 秦 四馬皆黄也 成陽 日〕《水經》: 在今縣 「京 兆 東二十 府 渭 咸 陽 水

新 齎反 標韻】陽七陽。 佩十一隊,叶 蒲眉反。 黄同。 叶韻 本 韻 思 四支,叶

權 輿 刺康公待賢禮殺 也

食 食。 四 于嗟乎! 簋。 於我乎,夏屋渠渠。 今也 不承權 每 食不 輿。一 飽。 居。 今也 單承上食。 章 於 每 我 食 乎, 無 于 餘 嗟 每

乎

不承

權

輿。

二章

!

乎: 不 居 只 至,不税 餔 争禮貌間耳。 右《權 歠 孔 事 子 冕 爲 輿》二章 恐 魯 而 非 行。 司 賢 而 寇,不 者 此 一,章 不知者以 詩 志 五句。 所較 用, 也。 7,不過 從 然 賢者 爲爲 而 孟 祭,燔 子 品 去就 肉也 不 品 肉 安

> 哉。 其知 藉是乘幾 彰君過耳。 不飽,康公禮貌縱衰,何至此 者以 蓋賢 者 爲 而 爲 康公之失,當不止是。 每 作 無 也。 欲 禮 微 也 不然,食至無餘 罪 。」是詩之作 行,不 極 欲爲 耶 苟 亦猶 故賢 去, 而 者 且 恐 是

法變换不測。 眉評】起似居、食雙題,下乃單 於此可悟文法化板爲活之妙。 承,側 重 食 面

局

之盛 升。 而起。 作量自權始,以準 朱子從之,是。 無明訓,鄭則以爲大具以食我。 也 方 故 日 集釋】夏大也。 簠 謂 圓 始 日 日 承繼也。 權 簋。 量 輿。 由 簠 此 盛 簋 而 渠渠 生,造 權輿始也。 稻 [《集傳》]簋,瓦 梁, 王肅 **簋盛** 車自 深廣貌。 以爲屋室之屋,而 [輿始 黍 一稷。 胡 案: 以 器,容斗二 氏 四 蓋 夏 簋 軫 桂 屋,毛 禮 由 此 食

通 韻 標韻 **簋**四紙 渠 ,叶己有反。 六魚。 餘 同 飽 十八巧。 乎 七 虞。 叶 韻 輿 六

見。 哉。 鳥》致三良之哀、《權輿》有無食之嘆。其爲國大可 驖》、《小戎》諸詩,武勇甚矣,而《蒹葭》一 在也。 秦之爲秦與周之爲周,其薄厚不甚相遠哉 使非賢人君子,烏能爲是? 以上秦詩,凡十篇。案是册《車鄰》、《駟 惜秦俗尚武,有賢而不能 蓋西京舊治,大有 用耳。 詩 以故 ,又何澹 《黄 想

正。 三恪,是爲胡公。大姬婦 其子滿,而封之於宛丘之側,與黄帝、帝堯之後共爲 舜後裔,故在二國前。説者謂檜、曹《匪風》、《下泉 曹,皆小國,故居諸國之末。 事,其民化之。今之陳州, 東不及孟諸。 貢》豫州之東。 二詩,有思治心,未便居於陳國先,蓋亂極則思治,理 然也。 武王賴其利器用,與其神明之後,以元女大姬妻 《集傳》: 若謂變 周武王時,帝舜之胄有虞閼父爲周陶 「陳,國名。 其地廣平,無名山大川。 風 託 於陳靈 大皞、伏羲氏之墟,在 人尊貴,好樂巫覡歌舞之 即 而陳爲伏羲舊治,又帝 ,恐非序詩本意。 其 、地也。」案: 陳、檜 西望外方, 夫變 《馬

> 此耶? 賢者,又不能不謂變中之正矣。則又何以解其《株林》等詩,❶變亂極矣。而「衡門之下」,乃有棲遲風中不能無正,亦由正風中必有變也。此册《墓門》、

道。無冬無夏,值其鷺翿。三章 埃其擊缶,宛丘之無夏,值其鷺羽。二章 埃其擊缶,宛丘之無望兮。一章 埃其擊鼓,宛丘之下。無冬無望兮。一章 埃其擊鼓,宛丘之下。無冬無

信。 衆無關。 經之意。但樂舞非細民所宜,威望 蕩,意固昭然。然《小序》謂「刺幽 氏以爲「『子』字恐未安」,朱子亦 故《集傳》泛指「游蕩人」,固是慎 右《宛丘》三章,章四句。 使間巷鄙夫,終歲執羽舞翮 此詩刺 以 公 亦 爲 於宛 於 未 庸 敢 姚 游 解

「株」,原作「珠」,據雲南本及《毛詩正義》改

二五五五

之上,亦屬 而 冠夫《 常 然,何 陳 風》之首,以 /煩詩 人諷 爲游 詠,重 蕩 一勞大 者

耶? 丘 蕩,洵足爲樂,奈失儀何? 失,故過 游樂,君擊鼓 録 此必 宛丘 陳君 下者相 而 臣舞翮,無冬無夏,威 與其臣下,不務政治,相 與指 而 其何以 誚 日 子之 爲民 儀 望 游 與 盡

乎? 終日 明 民未必敢輕君上,故泛指游蕩人而言,使 乃不自檢束如是,無怪其民視 子」者,外之之辭,亦輕之之意耳。 辩 游蕩者聞 「子」字爲君、爲臣,或下指人民,終屬 蓋在上者,下民之所瞻望者 而 知 所警戒焉足矣。 而 輕 之。 也。 若必 然 小 日 今

子。 隱公曰: 〕子者,斥幽公也。〔孔氏穎達曰〕隱四年,公子暈 傳、箋互異,説已見前論。 集釋】子〔毛氏萇曰〕子,指大夫。 「百姓安子,諸侯説 子。」則諸 湯蕩也。 侯之臣 宛丘鼠集 「鄭氏 亦呼 君 康 謂 成 日

呆相,豈免「固哉」之誚歟?

傳》」四· 植 中,古陳國。」 宛丘 也。 翻翳也 在陳州宛丘 方高中央下日 鷺 羽 洵 以 信也。 鷺羽爲舞者之翳 縣南三 宛丘。 望人所瞻 里。」《括地 〔王氏應麟 也。 望。 志》: 缶 坎擊鼓聲。 日 一》。郡 瓦器,可 「縣在 縣 志 陳城 以 值 節

鼓七麌。 缶二十五有。 標韻】湯二十三漾。 下二十一馬,叶後五反。 道十九皓。 翿二十號。 上**、** 望 羽 並同。 七 叶 塵。 叶 本 韻。

東門之枌 巫 **覡盛行也**

其下。 麻,市也婆娑。 東門之枌,宛丘之栩。子仲之子,婆娑 一章 穀 二章 旦于差,南 穀旦 于逝,越以 方之原。 不績 鬷

視爾如荍,貽我握椒

明 舊業,亟會於道路,歌舞於市井」。 刺 陳俗尚巫、覡,而《序》泛云「男 右《東門之枌》三章,章 四 句。 女棄其 此 詩

其蠶 以 也。 示 大 相 娑鼓舞,神弦 男女聚觀,舉國若狂 必盡學巫、覡事哉? 細民。」以爲「足證詩意」。是則然矣,然豈 姚氏際 亂,何至歌舞 從之,但不信爲刺幽公耳。夫男女縱極 云: 差」,諏吉期會也。 之子」,男覡也。「不績其麻」,女巫也。 愛悦 邁觀 約 中 續其麻,女也婆娑」,今多不修中饋,休 大 又一 相 枌、栩相蔭,可以游息其下也。 織,而起學巫、覡,鼓舞事神,以欺 類,而 也。 也。 恒 姬 引漢 俗 婦 視如 此 人尊 也 市 鄙 與《鄭 響 王 井,會於道路,成何 俗荒 而 , 荍而貽之椒, 則又觀者互 貴 符《潛夫論》曰: 故 星鬼 「越以鬷邁」,男婦 ,好樂巫 耳。 • 溱洧》之采蘭贈勺, 可 亂,則尤過之。 亦不過巫、覡盛行, 以 降 東門、宛丘 觀 也。 一覡歌 也。 「穀 舞之事 舊 世 「子仲 詩 一,其 在諸 旦于 畢 界 傳》 集 婆 誑 地 刺 淫 !

> 謹所尚歟! 其民化之。」蓋謂此也。爲民上者,可不知

葵。 善也。 作男。 鬷 恒舞于市耳。 椒芬芳之物也 大,色粉紅,有紫文縷之。 〔姚氏際恒云〕下「市」字果爲「女」字,則「子仲之子」常 衆也。 紫色。 案: 績麻乃婦女事,不必改市爲女也。 集釋】子仲之子《集傳》作子仲 差擇也。 邁 〔羅氏願曰〕荆葵,比戎葵葉小,花似 行也。 此子當作男覡也無疑。 市解見上。 荍〔《集傳》〕荍,芘芣也,又名荆 名錦葵,大抵似 逝往也。 婆娑舞貌。 越於也。 蓋女巫亦 五銖錢 菔 之女。 花

六麻。 韻 荍二蕭。 娑 標韻】栩七麌。下二十一馬。 五 歌 椒同。 轉 韻 本 韻 逝 八 霽。 邁 叶韻。 + 卦。 通 差

衡門 賢者自樂而無求也。

衡門

之下,

可

以棲遲。

泌

之洋洋,可以

二五七

詩 經 原 始

樂 飢 ? 豈其取妻,必宋之子? 章 之 姜 ! 贵 其 食魚 二章 必 贵 河之魴? 其 三章 食魚 必 贵 河 其 之 取

水悠洋 樂。 挽狂 世 誘 縱 云 居 衛 衛之有《考槃》、秦之有《蒹葭》,是皆從 風,尤難自拔。 可,奈何以 反其所望乎? 愿 雖 ,甘貧而無求於外之詩。 不爲之中而己獨爲之,可謂中流砥 「誘僖公也」? 夫僖公,君臨萬民者也。 淫 澜於既倒,有關世道人心之作矣。然 而 所處者不過衡 陳則委靡不振 右《衡門》三章,章四 ,食不必鯉與魴,妻不必宋子 亂,實多 無立志,誘之以政焉 無求於世之志勸之? 君子。 而此 陳之有《衡門》也,亦猶 茅 ,巫、覡盛行,其狂 獨 陋 澹焉 秦雖强悍,不少 室,所飲者 句。 不知《序》何 無 而 欲,超然 此賢 進 贵 於 不 惑之 非 道 者隱 而 過 柱, 高 舉 泉 自 以 齊 所 也

> 其意 種詩 姜。 ,反引而他屬 則其爲 不 可多得 志 也何 亦 可嘅 斷 如哉? 不 可 也夫 少。 聖 而 人删 序者不 詩, 喻 此

Ŧi.

八

姜齊姓。 淺也。 古文横,假借字也。 棲遲 集釋】衡 子 宋姓 游息 門横木爲門也。〔孔氏穎 也。 衡、 横 泌 義同 泉水也。 門 惟 横木爲 洋 洋 達日 水 之,言其 流 衡

姜同。 本韻 標韻】遲四支。 鯉四紙。 子同。 飢 同。 本 本 韻 魴 七 陽

東門之池 未詳

彼 姬 晤 美淑 可可 歌 東 與 姬 門 晤 章 之池,可 ,可與晤言。 語。 東 門之 二章 以 池,可 漚 東門 麻。 之池 以 彼美淑 漚 紵。 口 以 姬 彼 漚菅。 美淑 可 與

不可 解。 右《東門之池》三章,章 《序》謂: 刺 時,疾其君之淫昏, 四 句 此 詩終

臣 説各不一。 不必齊姜、宋子,即 會遇」之詞 而 以 思賢女以配君子。」《集傳》則以爲「男 從朱説, 佐 政,乃反 從《序》説,則君有惡,當 姚氏 思淑 又疑 此 女以 淑姬, 即 上篇之意,取 配 可 君。 與 晤 亦 奇 思 對 想 賢 妻 女

哉。

則男女會遇,豈

有

淑

姬

?

通

佳 比 故 池 求之意耳。 不必宋子、齊姜者,設爲是詞以 對合曲而歌,尚得爲賢乎哉? 士 斷 構,不 賢 此 淑 無是理! ,甘貧樂道,乃忽睹彼淑 士, 詩 姬 闕疑可 以 必再煩多辯 未爲 配 詎 衡 不可 至於姚説則尤謬戾。 也。 料姚氏認以 門 隱 即或詩人寓言,以 己。 士,豈 然其 辭意淺率,終 爲真 姬, 非千 即 ()竟欲 秋 見 前 欲 衡門 笑 心 云 思 淑 取 柄 取 不 與 女 非 外 妻 隱 東 晤 1

似 茅 而 集釋』漚 滑 澤,莖有 一漬也。 白 粉, 柔 紵麻 韌 宜 屬。 爲 索 菅〇 也 集傳》」菅 濮 氏 之

> 菅也。 黄 日 華者,俗名黄 》《左傳》云: 「雖 芒, 有 即 絲 麻,無棄菅 蒯 也。 白 蒯 華 者 蒯 俗 與 菅 名 謂 白 芒, 苕 也 即

韻 語 標 同。 韻】麻 本 韻 六麻。 菅 歌 + Ŧi. Ŧi. 歌 删 轉 言十三元。 韻 紵 六

語。

東門之楊 未詳

期,明 煌煌 東 星皙皙。二章 門 章 之楊,其葉 東門之楊,其 牂 牂。 葉 昏 肺 以 肺 爲 期 昏 以 明 星 爲

謂 改爲「男女期會 昏姻字,亦未見其爲女不至之意。 昏姻失時,親迎女猶有不至者」。 玩其詞,頗奇奥,隱約 右《東門之楊》二章,章 眉評】辭意閃爍,似古迎神曲 而有負約不至者」,尤 難詳,故 四 句 非 淫詞 闕 ^ 詩未見 序》 集傳 之。 亦 非 無 謂 昏

二五九

姻

詩

也

貌。 肺 集 肺 釋】牂牂 《集傳》〕肺 盛貌。 肺 猶 明 牂 星 牂 啟 也。 明 也。 晳 煌 哲 煌

猶

煌

大

叶 標 韻】牂七陽。 煌同。 煌

也。

明

普計反。 哲十二錫。 叶韻。 本韻。 肺十 隊

知之。 不 梅,有鴞萃止。 顛倒思予。 門有棘 知 墓門 而 不 已,誰 夫也不良,歌以訊之。 斧以斯之。 刺桓公不能早去佗也。 昔然矣。 夫也不 一章 良, 墓 訊 門 或 有 子 人

實 陳國 臣 闕之,不 聊 賊子得以倖逃公論,其可乎哉? 右 小,君臣 備採 惟 墓門》二章,章六句。 録 詩 以當信史。 人苦 無 事可 心埋 書,只此 没 朱晦 無 傳 數詩 翁必 此詩 亦 歌 將 欲 史也 使亂 案: 疑 詠 事 而

其大 須爲 所謂 無良 等句,則必有忠言直諫早悟桓公。 乎?」案:此乃釋首章。 莫不知之者。知而不之去, 昔者誰 門》刺焉。 據,而詩與事合,固自可信。 代之,於是 二章皆刺桓公。 而不悟,以至亂作,乃思良言,夫何益哉? 公,以爲桓公之智不能及其 桓公不去,以及於亂。 曰:「桓公之世,陳人知佗之不臣 謂其「無 左傳》: 細審乃知其得失也。 概 .師傅,乃刺桓公不能去佗耳。 不 置良師傅意。《序》之解經,往往得 前 良 陳侯鮑卒,文公子佗殺太子免而 『夫』,指佗也。 措 陳 師 辭 亂。 傅, 又非,故詩旨反因之而晦 始不知人,次又拒 以 《序》因 至於不 是以 次章「歌以 佗之不良,國 以 義 此詩 然詩 後 國人追咎 _ 故故 爲 奈公迷 矣。 雖 非 蘇 訊之」 諫, 以《 刺 刺 無 此 墓 X 桓 實 無 而 轍 佗

【集釋】斯析也。〔孔氏穎達曰〕《釋言》云:

注: 鴞,大如班鳩,緑色,入人家凶,賈誼所賦鵬鳥是也。 肉甚美,可爲羹臛,又可爲炙。 斯,離也。」〔孫 莊子》「見 濮氏一之曰〕斯、《莊子》:「斯而析之。」鴞〔陸氏璣 「鴟、鴞二物。」又云:「鵬似鴞。」本章云,其實一耳。 彈 而 炎曰]「斯, 求鴞炙」是也。 析 之離。」 〔濮氏一之曰〕《楚辭》 萃集也。 是 斯 爲 訊告 析 義 E 也。 也。 其

顛

倒狼狽之狀

矣同 下句「訊」字,皆「誶」之訛,此句「之」字亦「止」字之訛 曰:《釋文》云:「本又作誶,徐音息悴反。」《廣韻》、《正 醉字雖遂切。引《詩》曰「歌以醉止」。 諸家皆詳辨之。 本韻 標韻】斯四支。 萃四真。 顧七遇。 知同。 訊〔程氏以恬〕《音 予六魚。 本韻。 叶韻 今案,此及 已 韻 四 攷 紙。

防有鵲巢 憂讒賊也。

焉 忉 忉。 防 有 鵲 章 巢, 中 邛 唐 有 有 旨苕。 甓, 邛 誰 有旨鷊。 侜予美? 誰 侜 心

予美? 心焉惕惕。二章

詩託 矣。 確 私 乃謂「予美」指 患之意。可謂深得風人義旨矣。」而朱子 讒人,一言奸之誣善以害人,皆作詩 常懷憂懼,中心惕惕而不能自解也。 侜張予美,而生彼攜貳之心 讒 處,莫不假託男女夫婦 曰:「予美,心所賢者。 而 人之遇晦翁,詩人之大不幸也 、皆可 無 而 且 疑。 興甚遠 中 苕生下隰,而今則曰「邛 憂其或間之之詞」,豈不異哉? 蓋鵲本巢木,而今則曰「防有鵲巢」 右《防有鵲巢》二章,章 以 唐 惟《序》以宣公實之,則 僞造而爲謡,又況 非甓瓴之所,高丘豈旨鷊所生。 ,凡屬君親朋友,意有難宣之 所私 者,定此詩爲「男 詞婉轉以達之。 一言下之誑 ·四句。 耶? 無根 有旨苕」矣。 ,可嘅也! 浮詞,不 不 予是以 此 - 得其 女有 者憂 程子 夫風 君 詩 以

【集釋】防隄也。《周禮・稲人》以瀦畜水,以

中 防 如小綬,具 [《集傳》]鷊,小草,雜色如 瓴 故 侜 美,故邛爲 而 劉氏瑾曰〕案《埤雅》,鷊本鳥名,亦名綬 知中 -庭也。 止水。 取 張 義乎? 也。 也 是 「郭 邛丘 中 唐 與 五色。 丘。 濤 庭。 ,堂塗也。 氏 惕 同。 也。 璞 旨 惕猶切切 孫炎云: 《傳》所釋「鷊 日 美也。 〔孔氏 忉 甔 〔孔氏穎 忉 甎 憂貌。 綬。 「堂塗,堂下至門之逕也。」甓 類達 也 苕苕 也, 「董氏追曰 達曰〕以 今江 日」土之高 草之名」,豈因其 饒 中 也,好 東呼 唐〔毛氏萇曰〕中, 唐是門内之路 爲,咽 生下 〕鷊,舊作 爲 處,草 瓴 濕 甓 下 似 有囊 生 鷏 鷊 侜 鷊 尤

韻。甓十二錫。鷊、惕並同。本韻。【標韻】巢三肴。苕二蕭。忉四豪。通

月出 有所思也。

悄兮。一章 月出皓兮,佼人懰兮。舒懮受月出皎兮,佼人僚兮。舒窈糾兮,勞心

舒夭紹兮,勞心慘兮。 三章 另出照兮,佼人燎兮。

之處。 怪歟 派。 詩 出 用字聱牙, 含毫有意,固非迂儒俗士所 則忠臣、孝子、義弟、良朋,必 水之濫觴也。不料諸儒認 念雖深,心非 詞,而一 人所 一月下美人,並非 東萊 右《月出》三章,章四 此風詩之旨深微幽遠,託興 哂? 種 不識, 幽 句句用韻,已 淫 使充是心於君親朋友之間 思 蕩。 牢愁之意,固結莫 以 爲 實有 且從男意虚想,活 方言, 句。 開 以 所遇,蓋 能 晉、 豈非少 爲真、豈不爲 有情難自己 窺 此 唐 也 詩 出 解。 雖男女 巫 無端, 見多 峭 至其 山 洛 現

石 僚 旦 好 貌 悄 集釋】皎月光也。 言不説而 窈幽遠-也。 静 默 糾 愁結也。 懰 佼人 佼與姣同, 好 貌 悄憂也。 慢受俱憂思也 美人也 〔王氏安

慅 通猶悄 也。 燎明也。 夭紹糾緊之意。 慘憂也。

八嘯。 悄篠 叶 韻 紹篠。 皓十九皓。 韻 皎 慘(《集傳》)慘,當作燥。 + 懰 -七篠。 有。 受同。 僚同。 怪四豪。 糾 九皓。 三 十 通章 五 照十 有

株 林 刺 靈公也。

夏南。 一,朝 胡 食于株。二章 一章 爲乎株 駕我乘 林? 馬, 説于株野。 從夏南。 匪 適株林, 乘我乘 從

車

旁指 態。 肯直 孔 難 而 此 安,故多隱約其辭,故作疑信 寧、儀行父,淫於夏姬。 這人隱,抑亦善摹人情,如 而 詩故作疑信之詞、非特 蓋公卿行淫,朝夕往從,所 右《株林》二章,章四句。 疑之者。 即行 淫之人,亦自覺 事見《春秋傳》。 詩人忠厚,不 靈公與 言以 私 見 必 忸 答 有 其 忸 怩 從 之 怩 臣

> 可不必 不必 者 人存此,亦信史歟! 行焉,則何至有徵舒射 廐之難? 心,人皆有之。 上,毫無遁形, 而 飾 更露淫字,而宣淫無忌之情已躍然紙 其 入陳也。 私。 可謂 詩人即 使陳靈君臣知所羞惡 女戎召亂,足爲 神化之筆。 體此情,爲之寫照, 然羞惡之 炯 戒。 即 楚亦 而 檢

南。 《郡縣志》: 夏南「孔氏穎達 州 志》陳縣注: 南頓縣西南三十里,有夏亭城。 説 【集釋】株林夏氏邑也。 舍也 「宋州柘城縣,本陳之株邑、《詩》株林是也 「陳有株邑、蓋朱襄之地。」《寰宇記 E 徵舒,字子 南, 〔王氏應麟 城 以 北 氏配字,謂 五里 日」 有株林。」 *****: 之夏 郡 陳 或

二 十 一 本韻 標韻】林十二侵。 馬 野 同。 本 韻。 南十三覃。 駒 七 通 韻 株 同。 馬

二六四

陂 傷所思之不見也

之何。 伏枕。三章 無 陂,有蒲 爲,中心 有美一人,碩 彼澤之陂 寤 與崩。 寐 悄 無 们。 二章 有 爲,涕 有美一人,碩大且卷。 大且 蒲 與 泗 一份。 一滂沱。 彼澤之陂,有 寤寐 有美一 一章 無 爲, 彼 蒲 輾 澤 寤 傷 菡 之 轉 寐 如

淫女貌 類 傷 詩 子不得於其父,皆可藉此以抒懷。 存作,非悼亡篇 沱」,縱極 時,男女相悦」。 逝作,或又謂 也。 」,誠然。 右《澤陂》三章,章六句。 蓋起 乎? 曰「碩大且卷」,曰「碩 相思,亦何至是? 然《月出》非淫詞,此亦必 極 曰「傷如之何」,曰 幽 也。 傷泄 《集 豔 繼 大抵 冶 傳》謂「與《月 乃傷 之見 臣 殺,均 不 感,故知 故姚 大且 《序》謂 · 得 二涕 於其君 詩 與 氏 儼 出 人所 爲 興 以 泗 非 意 淫 思 爲 滂 相 刺

> 得,假此 類 觸 言,或實有所指,或虚 靈荒淫,國 甚多 爲淫,則天下後世之文,爲美人所冤者 緒即來。 贵 以自鳴者? 如必 亂 篇篇 後世《江南曲》、《子夜歌》,此 極 矣,豈 俱 有 所 無賢 以 爲 寄 而 興。 見一美人字,即 人君子,思治不 言耶? 興之所到 但 陳

髮美也 莊 芙蕖也。 貌 集釋】陂澤障也。 涕 悁 泗自 悁 猶 目目 悒 悒 涕,自 也 鼻 蒲水草, 菡 日 泗。 萏 荷 蕑 可 華 爲 蘭 也 席者。 也 儼 卷鬢 荷 矜

十五 儼二十八琰。 枕二十六寢 標韻 卷 一荷 五 歌。 悁 同。 何、 通 通 沱 韻。 韻 並 同。 萏二十七 本 韻 蕑

季札請觀 以 上 周樂,至《陳》, 陳詩,凡 十篇。 日 國 無主 案: ,其能久乎?」 春 秋 吴

詩經原始卷之八

或

風

檜

!》、《國語》作「鄶」、《地理志》作「會」。 陸氏德明日 〕檜,本作鄶。 Ξ 氏 應麟 日》左

曜。

豊不爾思? 中心是悼。 三章

爾

心

君妘姓、祝融之後。周衰、爲鄭桓公所滅而遷國焉。」 禹貢》豫州外方之北,滎波之南,居溱、洧之間。其 檜實滅於鄭武公,非桓公也。 集傳》: 「檜,國名。 高辛氏火正祝融之墟,在 然則國亡在 東轍

耳。

嚴氏粲曰: 檜世次莫考,詩不言何君,曰夷、厲

之初,何以詩序於春秋之後?

國小而又無事

可

表

何以知其 之間者、《鄭

非幽

也。 也。

當幽之時,仲爲檜君,言不刺仲

譜

平王初,鄭

武此始

加滅檜。

前乎平,

或

[小而迫,正臣子相助爲理之秋,更不必

得有《匪風》之思也。 也。 讀檜詩,實仲亡國事。 前乎幽 ,又何以知其非宣也。 非幽非宣,夷、厲當之矣。 因重訂其詩如左。 周道復興之時,不 然愚

羔裘 夕也。 傷檜君貪冒,不知危在 日

思? 忉忉。 羔裘逍遥,狐裘以朝。豈不爾思? 我心憂傷。二章 章 羔裘翱翔,狐裘在堂。 羔裘如膏,日 豈不

勞

燕,而 君好絜衣服,過之小者也,何必去? 傳》從之無異辭,惟不言大夫去耳。 小而迫,君不用道,好絜其衣服,逍 「大夫以道去其君也。」《大序》以 右《羔裘》三章,章四句。《小序》云: 不 能 自 强 於政治,故 作是詩 爲 即云 遥 夫國 集 游 或

二六六

出有

是驕 君若 爲奇 以 與 辭罰 時 知 游惰,又冒昧 絜,實貪侈耳。 恃險,皆 君,乃形諸歌詠以見志也。 不聽,夫 「子、男之國,虢、鄶爲大。 桓公爲 狐 賄 其人之將襲己 爲鄭有。詩之作正其 ,安知其臣 而 此必國勢將危,其君不知, ,號、鄶受焉。 罪,無不克矣。」桓公從之,乃 以 ,終日游 裘」,而 貪,必將背君。君以成周之衆,奉 周 周 有驕侈怠慢之心,加之以 然後去。 難之故,寄帑與 司 也。 徒, 且曰「如 宴,邊幅是脩 不有宫之奇其人者犯 日 問 也,又何以異? 此與虞公受晉璧馬 「逍遥」,曰「翱翔 去之而 其後,武公卒取二 於史伯,史伯 膏」、「有曜」,非 時也。 虢叔 、賄,不敢 又不 ,臣下憂之 案《國語 恃勢,鄶 曰「羔裘 · 忍 猶 然當 遽 以 東寄祭 對 顔 貪 不 或 絶 寶貨 徒 而 非 日 諫 而 許。 冒。 仲 其 直 是 不 惟 好 地 鄭 而

> 其世次 不惟説詩不精,論世亦欠其詳 隱衷,遂使忠臣智士一片苦心 而猶 則百里奚輩 遠 諫,又安知其臣不有百里奚其人者 去。 不 微茫,姓 敢無憂國念,此詩之所以存 玩味詩詞,「豈不爾思 也。 氏 唯其心戀戀故主, 無考、《序》又不 中 也 隱 心 而 能 耳。 雖 是 潔 不彰。 抉發 去國 身而 悼 惜

翔七陽。 服。 狐裘〔《集傳》〕錦衣、狐裘,其朝天子之服 集釋】羔 標韻』遥二蕭。 堂、 傷並 裘鼠集傳 同。 本 朝 韻 同。 》〕緇衣、羔裘,諸 膏 忉 兀 _ + _ 豪。 也 通 侯 之朝 韻 曜

素冠 傷檜君被執,願與同歸就

戮

也

十八嘯。

悼

號。

通韻

章 庶見素衣兮,我心傷悲兮,聊與子同歸庶見素冠兮,棘人樂樂兮,勞心慱慱兮。

一六八

如一兮。三章 庶見素鞸兮,我心藴結兮,聊與子

服。《孟子》:「許子冠素。」又皮弁,尊貴 中有「素冠」等字耳。殊知素冠,古人常 之喪乃素冠,短喪之服 何乍見一「素冠」,即以 君朱,大夫素。」經傳所載,不一而足。 今 玄冠,朝服,緇帶,素鞸。」《玉藻》云:「鞸 所服,亦白色也。 「素衣」,則《論語》云: 云:「其人當罪之時,《易·坎》六爻曰 不可通之説也。 色之冠,何以别其喪之長短乎? 豈三年 論素冠之爲喪服與非爲喪服,今僅憑一素 素衣霓裘。」「素鞸」、《士冠禮》云:「主人 刺不能三年。」後之説者,莫不遵從,以詩 係用徽纆,寘于叢棘』是也。『欒樂』,拘 右《素冠》三章,章三句。《小序》謂 至於「棘人」,姚氏 不素冠 爲三年喪乎? 乎? 此必 際 無 恒

歸

如一者,非其所親,即素所愛敬之人,故

素服耳。

而幸而見之以至於傷悲,願與同

《玉藻》:「縞冠、素紕,既祥之冠也。」詩思 矣。 必其人以非罪而在縲 據,不能直斷 爲婦人思男也亦可」,是其心亦尚游移無 人何事,但云「或如諸篇以爲君子也可,以 謂詳且明矣。 句方合,今乃云「勞心慱博」以及「傷悲」、 見其人,則當幸見之下直接以我心喜悦之 後之祭服如是之迂曲乎? 且思其人即 三年之喪,何不直言齊衰等項,而必言祥 冠」、「素衣」、「素鞸」之文。説長不録。 者之號明矣。 樂之意。」然則「棘人」,乃罪人之稱,非 藴結」等語,何哉? 其駁《小序》之非,可 姚氏 又云:考喪禮始終,從 所以 然亦不敢定此詩所指爲何 即「素冠」非喪者之服亦 然。 竊以 **艘之中**,適所 爲棘· 人素服 無 服者 素 得 明 喪

知。惜其國史無徵,言不足信,始存一解見之,不勝悲痛,願與同歸就戮,亦未可篇之義,或檜君國破被執,拘於叢棘,其臣至「勞心慱傳」而不能自已也。然律以首

於此云。

古者田 易之布帛,而猶存其蔽前者,重古道不忘本也。 樂並同見篇中。 以韋爲之、冕服謂之載,其餘曰轉。 【集釋】庶幸也。 漁 而食,因衣其皮。 慱 博憂貌。 素冠説見篇中。 先知蔽前,後知蔽後。 舞[《集傳》]轉,蔽 〔孔氏穎達 棘人樂 後王 日 膝

衣五微。悲四支。歸微。通韻。韠四質。結九【標韻】冠十四寒。樂、傳並同。本韻。

質。

通韻

隰有萇楚 傷亂離也。

子之無知。一章 隰有萇楚,猗儺其華。夭隰有萇楚,猗儺其枝。此。夭之沃沃,樂

其實。夭之沃沃,樂子之無室。三章 之沃沃,樂子之無家。二章 隰有萇楚,猗

儺

甚合。 重而 如杜老之《哀王孫》、《哀江頭》等篇,舉其 之安也。而公族子姓之爲室家累者,則尤 歧,故有家不如無家之好,有知不 者,莫不扶老擕幼、挈妻抱子,相與號泣 民逃,自公族子姓以及小民之有室有 得。以賦重不必怨及室家也。此必檜 以爲「政煩賦重,民不堪其苦」者,亦未爲 詩也。《小序》之誤,不必深辯。 輕者自見耳。 右《隰有萇楚》三章,章四句。 觀前二篇,當是爲公室發者居多, 即《集傳》 如 此 遭亂 無 路 知 家 破

[吕氏祖謙曰〕天,如「厥草惟夭」之夭。 沃 沃 光澤貌。其枝莖弱,引蔓於草上也。 猗 儺柔順也。 夭 少好貌。子如小麥,亦似桃。 〔陸氏璣曰〕葉長而狹,華紫赤色,子如小麥,亦似桃。 〔陸氏璣曰〕葉長而狹,華紫赤色,

子 指萇楚 也

家同。 標 本 韻】枝 韻 實四質。 四支。 知同。 室同。 本韻 本 華 六 麻

道,中心弔兮。 誰將西歸? 懷之好音。三章 匪 風 章 一發兮, 匪 風 匪 二章 風 匪 傷周道不能復檜 飄 車 兮, - 偈兮。 誰 匪 能 車 亨 顧瞻 - 嘌兮。 魚? 周 也 道 溉 顧 之 瞻 中 金 心 周

怛

則所存 之。 發 散 以 泛作「思周之作」,未嘗即檜 存 轉 心 因 則是詩 慘怛 可 右 從無 風 以 亦不久耳。 而 匪風》三章,章四句。 一,妻 不 發,行不能遽偈,因 常、欲住 存 。 可以作可以不作,采風者亦可 孥 相 何 弔 檜當國 無 也 無家,欲 時 ? 也。 以其言・ 破家亡, 逃何往 凡 時 此詩諸 車 物 勢 ·而偈 中 不 而 人民 一, 所 無 能 一論 儒 物, 自 謂 離 皆 今

難安。 於其 也。 其誰 亨魚 我小 天。 自傷 鄭。 日: 非周 以 傷 也 而今已矣,悔無及矣,不能不顧瞻周 而旋亡。 且物之發 爲 周 匪 也。 鄭桓公之謀伐虢與 道 特 乎? 周之興也,豈能無望哉? 蓋 思周道之陵遲,則豈詩人意旨 際 將 國亦與之俱興矣。 其或王綱再振,鄭 轍 風 恐思之殷然,遇之漠然,不 西 此何如景況乎? 而 之不能 **,**則真末如之何也已矣。此檜 之東不至此。 使周轍 雖然,文、武、成、康之靈,昭然在 物自發矣,匪車 歸 也 有,則我願 乎? 旋旋 興 轉不 復 不東,檜 有,則我願慰之以 其 定。 或 爲之溉其釜 搔首茫茫 必 奚以 檜 也。 果誰爲之咎 而 不敢加兵於檜 行之偈也,漂摇 也 亦 行自偈矣。 久 見其然耶? 未必受迫於 不 矣,然 料 其誰 周 能 諸 驚也。 興 好音 道 儒 也? 臣 無 未 自 慨 幾 但 能 則 而 而

中。 爲近 氏德明曰〕《説文》云:「大釜也。 風 者,以其俱是食器,故連言耳。 日 關東謂甑曰鬵。」然則鬵是甑,亨魚用釜不用甑,雙舉 鬻。」〔孔氏穎達曰〕《釋器》云:「贈謂之鬻。」孫炎曰: 日 [《集傳》]作適周之路,亦通。 飄。 有鐶 集釋】發飄揚貌。 **嘌**漂摇不安之貌。 ,别架三足於下,可烹可蒸,俗名釣鍋之説 偈疾驅貌。 溉 案: 鬵非釜非甑,腹形若 滌也。 怛傷 曰鼎大上小下若甑 **答**金屬。 也。 周道説見篇 飄。 (陸 П

曹

韻 韻 驚十二侵。 標 飄二蕭,叶匹妙反。 韻】發六月。 音同。 嘌並同。 本韻 **偈**九屑。 弔十八嘯。 怛 一七曷。 叶 通

耶? 諸 未易 有 作於西京之際者,蓋亂始 儒以爲亂極思治之作。 與談風 讀書如此粗率,烏能論世? 以 上檜 雅。 詩,凡 彼第見《匪風》有 四 殊知檜亡在東轍之初,詩 篇。 也。 「顧瞻周道」、「懷之 案 何 總之、迂儒拘士 以 是册僅四 云亂 極 思 篇

俗

何異隔靴搔 故别爲訂正,與舊說又大異。 謂之曰思周也。 好音」等語,遂不問其所懷者何人,所瞻者何事, 癢? 後之人又從而益之,以爲亂極思治 縱極論説,於詩緊要毫不相關。 考古者或不無所取焉。

愚

而直

後,皆有意於二詩也。 偶與相符 小事微,詩亦無足重輕。 美而深長思之,何以云檜以下無譏焉。 如此,非定自夫子也。 案:此論似聖人編《詩》,以《檜》、《曹》殿《國風》之 於《曹》之卒篇曰:「思治也,傷天下之無伯也。」愚 於《檜》之卒篇曰:「思周之道也,傷天下之無王也。」 秋之終也,夫子之删詩,繫《曹》、《檜》於《國風》之後。 即其地也。]陳氏傅良曰:檜亡東周之始也,曹亡春 北,雷夏、菏澤之野。 云爾。 集傳》: ,非有深意也。 至二詩之有念周京,各有意在,編而存之, 「曹,國名。 周武王以封弟振鐸,今之曹州 且使二詩具有深意,季札當數 但季札觀樂時、《詩》之次序已 不然, 亂極 采風者録之,聊以備 其地在《禹貢》兖州陶丘之 思治 此可見其國 ,何國蔑有 國之

好附會也如此 豈 獨二小國爲然乎哉? 愚故備論之,以見説詩者之

蜉蝣 未詳。

矣 歸 心之憂矣,於我歸説。 三章 ,於我歸 處。 蜉蝣之羽,衣裳楚楚。 章 息。 蜉 二章 蝣之翼,采采衣服。 蜉蝣 掘 心之憂矣,於我 関,麻 衣如雪。 心之憂

娱 奢也」、《集傳》改爲「時人有玩細娱 足爲重? 何 天下刺奢之物甚多,詩 已甚,何奢之有? 慮者」,均於詩旨未當。 而出、朝生暮死之微蟲耶? 如 而忘遠慮」,亦視乎其人之所關輕 耳。 右《蜉蝣》三章,章四 若國 但曰「時人」,詩豈必存? 君,則所係匪 取以爲比,大不相 人豈獨有取於掘 蓋蜉蝣爲物,其細 . 句。 輕,小 即以爲「玩 《序》謂 良 而忘遠 曹既 又 重爲 類 「刺 何 細 土

無徵,難以臆測,闕之可也。

木棉也。 深衣也。 云: 整齊貌。 寸,甲下有翅能飛,夏月陰雨時地中出。 方土語也,通謂之渠略。 身狹而長,有角,黄黑色,朝生暮死。 「掘閱得玉。」閱、穴,字 集釋】蜉蝣〔《集傳〕〕蜉蝣 吉凶唯以升數爲别。 [姚氏際恒日]古禮服 采采華飾也。 似甲蟲,有角,大如指,長三 通也。 掘 閲 喪 [朱氏鬱儀日]《管子》 麻 服 [陸氏璣日]蜉 ~ 渠略 衣 ,布皆是麻, 〔鄭氏康成 楚楚鮮明而 也,似 蛣 未有 日 四

九屑。 翼十三職。 雪、説並同。 標韻】羽七麌。 服 一屋,叶蒲北反。 本韻 楚六語。 息職。 處同。 叶韻。 通 韻。 閱

赤芾 子,不稱其服。二章 彼 候 章 人人兮, 候人 維 鵜在 何戈與祋。 刺曹君遠君子而近小人也。 梁,不 維 鵜在梁,不濡其咮。 濡 彼其之子,三百 其 翼。 彼其之

四章朝隮。此小人。婉兮孌兮,季女斯饑。此君子。彼其之子,不遂其媾。三章 薈兮蔚兮,南山

曹,數之以其不用僖負羈,而乘軒者三百 者,非僖負羈 饑,言賢者守貞 隮,言小人衆 案:僖二十八年春,晉文公伐曹。 三月入 然否」,不亦甚哉? 非爲此詩而來? 人,即詩所謂「三百 「三百赤芾」有合於《傳》,而疑之曰「未知 共公遠君子而 右《候人》四章,章四 而 多 何? 近小人」,與《左氏傳》合。 而 而 而朱子《辯説》猶云但以 反 氣 赤芾」是也 燄 晉文之數曹罪 困 「窮也。 盛 句。《大序》謂 也。 夫所謂 日 日 婉 薈 安知 孌 蔚 賢 斯 朝

再 官。 **市**(《集傳》〕 帝, 冕服之韠 赤芾 集釋】候人〔《集傳》〕候人,道路迎賓送客之 珩。 命 赤赤 芾 蔥 珩。 也。 大夫以 命,緼 上 芾 赤 黝 芾 珩 乘

> 軒。 韻 職。 下胡大如數升囊。 洿澤。」陸璣《疏》云: 〔孔氏穎達曰〕郭璞曰: 水中魚梁也。 而棄之,令水竭盡,魚陸地,乃共食之,故曰淘河 服一 鵜〔《集傳》〕鵜, 隮同躋,八齊。 標韻』投九泰。 屋,叶蒲北 味喙也。 若小澤中有魚 「鵜,形如鶚而極大,喙長尺餘,頷 反。 洿澤,水鳥 饑五微。 「鵜鶘 媾寵也。 芾 味二十六宥。 五. ,好群飛,入水食 物。 通韻 便群 也,俗所謂 朝 叶 隮雲氣升騰 共抒水 韻 媾 淘 同。 魚 也。」梁 翼 滿 河 十三 故 其 也。 本 胡 名

帶伊絲,其弁伊騏。二章 棘。 儀 兀 在桑,其子在梅。 或 兮。 鳲鳩 淑 三章 人君 其儀一兮,心如結兮。 在桑,其子七兮。 鳲鳩 子,其儀 鳲 鳩在 追美曹之先君德足正人也。 淑人君子,其帶伊絲。 桑,其子在 不 龙。 鳲鳩在桑,其子在 興。 其儀 淑 榛。 一章 不 人君 太、正 淑 子,其 鳲 其 鳩

子,正

是國人。

正是國人,胡不

萬年。

四

章

意。 似? 曹伯 耳 德。 感 有 國」之語耳。姚氏取之,以爲「意雖鑿, 策命中有「王謂 子謂「曹人美晉文公之復曹伯」,亦以 振鐸」,或謂「美公子臧」,皆無確據。 則 者哉? 平專一」,而不指爲何人,似亦不 刺 人 似處」。 明 不壹」。 何德之有耶 明 非歌 氣 右 ,亦因疾爲筮 然詩卒章 至《集傳》則 象。 有 鳲 此詩 其 頌功烈者比。 然愚案,詩詞寬博純厚,有至 鳩 詩中純美,無刺意。 人在 外雖表其儀容,内實美 專 云「正 四 ? 重 叔父,敬服 非 章,章六句。《 又謂「美君子之用 内 史所誑,豈真 且文公譎而不正,其復 是國 德 虚 河詞 以 晉之霸,晉之功 頌,晉 人,胡 也。 王命,以 П 不萬 文何 有德於 必深考之 小 環 或 謂 序 諷 何玄 其 綏 年」, 心 謂 周 詠, 曹 德 美 均 心 頗 王 相 兀

> 胡不 之説 非 未知其所以然也。 矣,何云「胡 疑而問之之詞也,以爲爾能「正是國 其先公之德之純以刺之,故 自明矣。 首,如《衛》之《淇奥》,《鄭》之《緇衣》,則 後三詩 開 福爾子 者 國賢君,未足當此,故以爲「美振 亦 所混,故啟 否則,後人因曹君 庶 不」? 孫 幾焉 於億萬斯年,不然,頌 《小序》蓋得其影 人疑。 故特正之。 惜其 (編詩: 若移置本 失德,而 日「胡不」者 失次,爲 風 其德 追 鐸 之 述 義 前 而

【眉評】[四章]全詩皆美,唯末句含諷刺意。

騏〔《集傳》〕騏,馬之青黑色者。弁之色亦如此也。也。如結〔金氏履祥曰〕如結,言心不放。 弁皮弁也。勝,今之布穀也。飼子朝從上下,暮從下上,平均如一勝,今之布穀也。飼子朝從上下,暮從下上,平均如一

梅十 灰。 標 絲 韻】七四 四支。 ム質。 騏 同。 同。 通 韻 結 九屑。 棘 十三職 通 韻

忒、國並同。本韻。榛十一真。人同。年一先。

通韻

傷晉霸 彼晉 曹 人帖然心服乎? 此詩之作,所以念周衰、 無道,則禮樂征伐自諸侯出。今晉文入 夫天下有道,則禮樂征伐自天子出。天下 同被大國之伐而傷周 ,執其君,分其田,以釋私憾,甯能 雖 右《下泉》四章,章四句。 此與《匪 强 也。 文敢擅 使周 征伐? 而 不衰,則「四 王之不能救 又況承王命 或 有王」, 己也 使曹 而 風》 布

> 《集傳》又謂「王室陵夷而 泛泛,皆未嘗即其 此,而《序》謂「共公侵削」,已屬懸揣。 之見浸下泉,日蕪没而 也。不能不愾然寤歎,以念周京,如 君, 嘗承是命治諸侯而有功矣, 而 王恩者,有九州之伯以制之。 可以觀,讀其詩不知其人,不論其世,而 一時 勢 而 自傷耳。 小國困弊」,尤爲 一論之也。 昔者郇國之 詩意 今不 夫詩 苞 若 然 何 稂

也。 田 達曰③釋水》:「沃泉縣出。 溉之草,得水 而不成,則嶷然,謂之童粱。 苞草叢生也。 「水泉從上溜下出。」此言下泉,是《爾雅》之沃 也。 蕭 【集釋】例寒也。 [孔氏穎達曰]此稂是禾之秀而不實者,故 蒿也 而 稂童粱,莠屬也。 病 蓍筮草也。 愾 歎息之聲也。 下泉泉下流者也。 〔許氏慎曰〕 今人謂之宿 縣出,下出也。」李巡曰: [陸氏璣曰]禾秀爲穗 周京天子所居 蓍,蒿屬,生千 田翁,或謂 〔孔氏穎 非 也 守

觀之有哉?

有伯 美貌。 國在晉地。 伯 釋地》曰: 文王之後,亦不知其爲何時人矣。〔王氏應麟曰〕《春秋 伯則其後也。 五尺,士三尺。 歲三百莖、《易》以 ,治諸侯有功。 ,是九州中有九伯也 郇伯公 解 [李氏樗日]《王制 縣西北 故鄭氏謂其爲文王子,而《集傳》則改爲 [陸氏璣曰]似藾蕭,青色,科生。 集傳》〕 [季氏本曰]郇雖文王之子所封,而郇 爲數。 有 够城。 郇 天子蓍九尺,諸侯七尺,大夫 伯,郇侯,文王之後,嘗爲州 《左傳》, 》謂 二百 盟于郇、《説文》, 一十國爲州 芃芃

膏 蕭。 二十號。 周 標 十一尤。 韻】稂七陽。 勞同。 叶 本韻 韻 蓍四. 京八庚。 支。 師 通 同。 韻 本 蕭二 韻

遠 篇。 大抵曹、 而陳氏乃謂《曹》之卒篇,傷天下之無伯也。 君子而近小人、《鸤鸠》則追美其先公德足以正人、 風》則 其一未詳,可 以 檜 傷周無王, ●不足以制霸。 上曹詩,凡 或 ,形勢略同,其亡也亦相似。 讀 者三篇 四 而已。 篇。 案: 候 是時晉文正盛 人》則 是册 何哉? 刺 亦 風》、 其 止 四

豳

《下泉》,均傷天下無王不足以制 此反覆玩味,則 能望其救。 無不顯矣 采風者每於此觀世變焉。 作詩者之真意出 霸,小國受害,亦不 即删詩者之微義亦 讀詩者亦當於

一七六

以冢宰攝政,乃述后稷、公劉之化,作詩 遂爲天子。 實,乃相土地之宜,而立國於豳谷焉。 不窋生鞠陶,鞠陶生公劉,能復修后稷之業,民以富 隰之野。 而 \pm 居岐山之陽,十二世而文王始受天命,十三世 衰,棄稷不務,棄子不窋失其官守,而自竄戎狄之間 作之詩以附焉。 ,謂之《豳風》。 集傳》: 虞、夏之際,棄爲后稷,而封 武王崩,成王立,年幼,不能涖阼,周 豳,國名, 而後人又取周公所作,及凡爲周公 據《下泉》方玉潤序: 翢 在今邠州三水縣,邰 在《禹貢》雍州 於邰。 十世而太王徙 岐 一篇,以 傷周無王 山之北,原 在今京兆 及夏之 而 戒成 公旦 武 王

不足以制霸也。」疑乃《下泉》之誤 匪風」、《曹風》無。

0

676

作也。 農民。 《破斧》、《九罭》、《狼跋》,則又衆人爲公而作之詩。 公劉世遠 穑之事. 府武功縣。」案:《豳》僅《七月》一篇,所言皆農桑稼 皆 不得爲正,故爲變風。 樂,手所親訂歟? 居齊後秦前,不知何時移殿諸國之末。意者夫子正 前,俾知稼穡艱難,並王業所自始,而後人遂以爲公 也 非美成王,亦不得入成王之正雅。 紛紛議論 名,有正不能無變,既漓又當返淳。天下淳風,無過 不能,故凡典籍之關於公者,恒三致意焉。 豳》。凡以爲公故也。 如是。 其無所繫屬,故並 無稽妄談,悉不可從 此《七月》之詩所以必居變風之末者也。 至《鴟鴞》、《東山》二詩,乃爲公作。《伐柯》、 非躬親隴畝久於其道者,不能言之親切有味 周公生長世胄,位居冢宰,豈暇爲此? ,或謂豳公爲諸侯,故不得入周、召之正風, ,亦難代言。 蓋夫子一生,志欲行周公之道 附《七月》後,而 居變風之末,言變之可正也。 此必古有其詩,自公始陳王 當季札請觀周樂時,篇次本 又或謂君臣 統而 且詩以風 名之日 一相消, 其餘 一而 且

七月 陳王業所自始也。

桑。 染絲。 葦。 子, 饈彼南畝。食。田畯至喜。❶ 公。 之日于貉,田 流火,九月授衣。 卒歲? 三之日于耜,四之日舉趾。 日 二之日其同,載 莠葽,五月鳴蜩。 公子同歸。 遲遲,點綴風景。采蘩祁祁。女心傷悲,殆及 女執懿筐,遵彼微行,爰求柔桑。 觱發,二之日栗烈。 四章 七月鳴鵙,八月載績。 蠶月條桑,取彼斧斨,以伐遠揚,猗彼女 七月流火,天時。九月授衣。人事。 我朱孔陽,爲公子裳。爲衣。 五. 兼寫閨情。 獵。 月 斯 纘 取彼 八月其穫,十月隕蘀。 **冬**蛐 春日載陽,有鳴 武 二章 動 功,言私 狐狸,爲公子裘。成裘。 股, 無 七月流 衣 紡績。 六 無 月莎鷄 其豵,獻 褐, 治蠶。 一章 三章 載玄載黄, 火,八月 倉庚。 衣。 同 振 一之 兀 春日 七月 我 何 月 崔 以 婦

^{● 「}至」,原作「既」,據雲南本及《毛詩正義》改

冰。 月納 獻 宵爾索陶。 我農夫,我稼既 采荼薪樗,食我農夫。 六章 造語華貴。 及薁,七月亨葵及菽。 我 八月剥棗,十月穫稻。 一之日 羔 牀 爲改歲,入此室 月 上 禾 下。 在 祭 言御寒,此言避暑,文法變换。 韭 七月食瓜, ,八月在宇,九 穹窒熏鼠, 冰 黍稷 亟其 九 沖 月 沖,三之日 同 重 乘屋,其始 肅 · ; 上入執宫功。 處。 一稷,禾 霜 塞向 八月斷壺 + 御寒。 爲 食譜細碎,逐月嘗新。 月在户,十月蟋蟀 此 墐户。 月 納 麻 春酒 五章 九月築場圃 播 菽 滌 于 四之日其蚤 凌 麥。 場。 百 以 九 畫爾 嗟我婦子 穀。 陰。 六月食鬱 月叔 介眉 穀 朋 譜。 于茅, 七章 併 酒 妙 ! 及 苴 壽 斯 藏

盡 人能 七月》 言。 八章,章 其大旨所關, +句。 則 王 此 氏 詩 云: 之

饗,日

殺

羔羊。

躋

彼公堂,稱彼兕觥

萬

.壽

無

疆

結語堂皇,莊重不佻。

八章

章_? 其音節 章。 者爲 言。 其義 弱。 以知 如 章,頌也。 又以爲,或者但以《七月》全篇,隨事 六章之半,雅也。 自一章至二章,風也。自三章四章五章 雅」、「豳頌」之説,一詩而 子子,夫夫婦婦,養老 事乎外,上以 仰 又不 觀 故王氏不取,朱子亦疑之,是矣。 風,正禮節者爲 其祭祀 天時,以 鄭氏乃三分此詩以當之,以其道 星日 無餘 然,則《雅》、《頌》之中,凡爲農事 無文義則無音節 或 以 天下豈有此文義,亦豈有此「籥 霜 藴矣。 也 爲 授民 露之變,俯察昆 誠愛下,下以 時,其燕饗也簡。」數語 風 或或 又至六章之半至七章 事。 唯《 以 雅,樂成功者爲 女服 而慈幼,食力 周 ,無音節則不成 爲雅,或 分三體,無 禮 忠利 事 蟲草木之化, 籥章 乎内,男服 上。 以 爲 而 $\stackrel{\cdot}{\approx}$ 父父 而 頌 頌 至 而 豩 盡 助

稱

觥

其

雅、頌三體,本不 美盛德之形容,以其 政之先務,非有近於雅乎? 述,皆豳俗,而陳於王前則足以知戒,非 今《七月》卒章,農 今《七月》所陳,又農功之緩急,即 曰風者,諷也,上以 言者無罪,聞者足戒。 ,乃渾然合而成一之謂 頌三體而 頌禱君 至謂本有是詩而亡之,則無中生 曰雅者,正也,言王政之所由 書,本不足信。 處 以 謬 親 無或遺 相混。 孰 豳」號。 功既 以 總 甚 成功告於神明者 以 致敬 馬 畢,獻 誤 一,但非 ? 而《七月》一詩, 諸儒又泥其辭 風化下,下以 讀《 愈疑 神 夫詩之分風 明 至於頌,則 羔 今《七月》所 也。 周禮》之過 截然判而 者,何. 愈遠、愈辯 祭 韭 何 躋 如 廢 以 也 堂 言 興 風 爲 實 不 曰 Ŧ 風 而 雅、頌 變,非 處,有 水》,頌 今玩 也。 讀風 又可 婉 非 變風矣。 詩獨不 之、《頌》亦未嘗 在 何至三千餘年竟無一人道 湛露》,雅兼 詩》有變體,不 惟 風 其辭, 故 雅 詩變體,然後可以 詩 以 風因 有 典 變體,亦 ·可兼 又兼 爲 以 中 核 頌 山 獨是此體在三百篇中不可多覯 頌 實爲變體,故 俗變也。 所無 野 處 有 詩 乎? 乎 雅 處,有 乎風者。 有有 樸

可

以

讀風

詩

變體

矣。

可

以

讀一

詩而

兼三體

之

風

也。

雅、

頌

口

兼

風

體

風

《魯頌

有駜》、《泮

頌乎?

知

乎此,

可

以

讀

不有之。《小雅

蓼蕭

獨《風》爲

然也、《

雅》亦有

及

此

耶?

夫

厥旨甚明,格亦易辨

體乎?

也。

而

别

爲

册者,未爲過也。

拙

處,

有

疎落

處

有風

華

蕭

散

處,有精

緻

處,有

凄

真

誠

即即

風

體

亦

絶

無

而

僅

有者

刺上。

之 ?

三之謂

兼

風

雅

有

滋

以

疑

不敢辯,

唐

凡禮》僞

作

者,

皆可

冠

此一

詩

而

兼三體之説

又曰

變風

詩

以體

愈支,愈

無

是

處,有 華 二七九 貴處

有

悠揚 官染 升 鳴 具備 志 未見臻此 要旨,然亦足見三代聖哲,胸 晉、唐後陶、謝、王、孟、韋、柳田家諸詩 食譜》、《穀譜》、《酒經》。 》,養老慈幼,躋堂稱 工,不求奇而自奇云。 屋,似風俗書,流火寒風,似《五 ,草榮木實,似《月令》; 處,有 其中又有似《采桑圖 ,洵天下之至文 職,狩獵 境 界。 重 藏 處。 冰,祭獻 姚氏 無體 也。」: 際 觥 不備,有 一詩之中, 執 此 恒 婦子入室,茅 功, 似庠序禮 雖 云 羅 末 萬象,筆 似 家樂圖 節 美必 或 鳥 無不 典 語 無 從 有 歸 制 行 紬 蟲 田

至八章終後段言食之意。 段言衣,後段言食。 正 筆處少,閒筆處多。 正筆、閒筆,人未必細檢而知之也。 附 録』「姚氏際恒日」此篇首章言 二章至五章終前段言衣之意,六章 蓋以 人皆知之矣。 正筆不易討好,討好全在閒 大抵古人爲文: 獨是每 衣食之原 章中 前 凡

果,以 爲正 相關。 皆是佐食之物,非 妙在只言物,使人自可 閒,遠而益遠。 此又爲補筆。 原,所謂正筆也。二章至五章言衣,中唯「載玄載黄,我 筆 如此也。 法亦復渾然。 始求柔桑,境界又别,何其筆妙! 忘其爲「言衣食爲王業之本」正意也。 極妍,後世咏採桑女,作閨情詩,無以 朱孔陽」二句爲正筆,餘俱閒筆。二章從春日鳥鳴, 古唯《史記》得 女之採桑,自執懿筐起,以 九月築場圃,十月納禾稼,黍稷重穋,禾麻菽麥」四 爲公子裳」,仍應上「公子」,閒情别趣,溢于紙 一處。 「遠揚」、 筆, 及釀 自五月至十月,寫以漸寒之意,筆端尤爲超 亦猶擊鼓者注意于旁聲, 餘俱 兩「人」字正相照應。 酒 曰 り間筆。 「八月載績」一句,言麻。 「女桑」,寫大小之桑,並採無遺。 取 四章則由衣裳以及裘,以及田獵 此意,所以傳于千古。 五章終之以改歲入室,與衣若相關若不 薪 食之正 靡不瑣 六章分寫 知人。 品 至忽地心傷,描摹此 細詳 也。 物 老壯食物,凡 六章至八章言食,中 由在野 作繪者留 述,機趣横生。 故 雖正寫玄黄帛成,日 爲 此首章言 復加。 三章 閒 古絲麻並 而 筆。 心于 至入室,人亦 Ė 菜、豆、 使讀 七 閒 上,而 女、盡 「條桑」、 畫 與上 1衣食之 然須 章「稼 重 角 者竟 而 也 也。 故於是 飲食。 同」以 厚之意,至今猶未泯也。 旨。 唯 耘耕之事。故男功之正少,女功之正多也。絲麻之外, 假深戒。首章已言其始,七章略言其終,不復説其芟耨 蠶之事。 麥,飲食之常,故禾稼爲男功之正,菜果則其助。 服之常,故蠶績爲女功之正,皮裘則其助。黍、稷、菽 氏穎達曰〕民之大命,在温與飽。 賓主次序詳略之殊。 後饗燕。 食之事而言之者,廣述先公禮教具備也。 閒於政事,然 故男功之助多,女功之助少也。 始盛,故於是而預爲禦寒之備。三陽之月,陽氣始盛, 有 [章之末,説田獵習戎,卒章之初,説藏冰禦暑。 節易過,恐失其時,殷勤言之。 田家歡樂,尊君親上,口角津津 八章併及藏冰之事,與食若不相關若相關,而 皮裘,可衣者少,黍稷之外,果瓜之屬,可食者多。 後,併及公私作勞,仍點「播 一而豫 首章爲其總要,餘章廣而成之。絲麻、布帛,衣 卒章説飲酒之事,得其次也。 耕稼者一年之事,非時月之功,民必趨時,不 爲治田 之備。 首章: 以上總論全篇用筆作法。 先衣而後食,故以 〔朱氏善曰〕三陰之月,陰氣 先公之教,急於衣食。 故二章、三章皆言養 八章所陳,皆論衣 然,使人如見豳 百穀」三字,以 以上統論全詩 七月爲首 非衣 養蠶 終之 民 應 冗孔 服 忠 正

以

多。 計也。 外,專以此致其助。 可以供老疾、給婚嫁、奉君上而已,非績麻以爲布,則 之小者猗取之,蠶盛而大小畢取,此蠶事之成也。蠶事 年養蠶計也。 也。 此 見食稻、食肉乃老者之常,而 室,則老幼貴賤同之,所以廣其愛也。 於衣食之奉,必先老而後幼,先貴而後賤。 上而爲公子之裳,其風俗之厚如此。 無以爲少者壯者之供也。 既成,又於鳴鵙之候而績其麻以爲布。蓋蠶之所成者, 其未生者,此蠶事之始也。 章:〔朱氏善曰〕上章於春日而求桑以養蠶,爲今年授 寒至而後索衣,飢至而後索食,則其爲計亦 候,在於酉月,而慮之於建寅之日。 曰〕果酒嘉蔬,非不可以及少也,而供老疾、奉賓祭之意 五章:[朱氏善日]感時 豳 瓜瓠苴荼,老者未必不食也,而不可以爲常,於以 大寒之候,在於丑月,而圖之於建申之時。 人之老所以無 此章於八月在葦既成而豫蓄之,以爲曲薄爲 上章求穉桑以養其始生者,采白 凍餒也歟? 有常食以養之而又有美味以助之: 物之屢變、盡人事之當爲、豳 蠶績皆成,然後染之,且以供 此章於桑之大者條取之,桑 果 七章: 酒嘉 其爲豫備可 蔬 **豈一日之積哉**? (朱氏善日)稼之 六章: 〔朱 則 又於常食之 獨於改歲 晚 收成 高以 矣。 氏 之 民 固 明

見勸勉 既 之民亦自力於農桑之事以樂其生,至於歲終休暇之時 以農桑教民,而使民給足於衣食,然未嘗以爲惠也。 眉 忠愛於君。 孝於神。 冰,其供上役也爲甚勤。 於始終。 之也,有以見其歡欣鼓舞之意。 乘,若可以少緩也,而復念夫農功之當始。 其所以然,此所謂皞皞也。 爲是足報其上也。上以誠愛下,下以誠事上,而兩不 殺羊爲酒、祝君之壽、以致其尊君親上之誠、亦未嘗以 同,若 壽」、祝其親也。 故開冰也,獻羔祭韭,以薦寢廟,君既得 戒飭之意。 可以 此所以爲厚也歟! 其務閑也,殺羊舉酒 可謂上下相親之甚矣。 少休 也, 「萬壽無疆」,祝其君也。 事有始終。 而 即 肅 以上分論各章義旨。 念夫邑居之當脩。 霜滌場,其畢農 八章:〔朱氏善曰〕鑿冰 而祝其壽、民 而其憂勤 於其亟而乘之也,有 〔輔氏 艱難,則 廣 於其築而 復 周之先公 以致 功 曰」「以 有 也 屋 以 其 爲 無 之 致 知 周 誠 藏 間 以 方 介 其 甚

始。 成裘,而「獻豜于公」,忠愛之忱可見矣。 裳,仍帶定「公子」字,妙! [二章]以下四章,皆跟衣字。 間着懷婉之詞,何等風韻 眉 評】[一章]首 章 [四章]此兼言田 此章先言蠶事,爲女功之 衣 食雙起,爲 〔三章〕此 (五章)此言卒 農民 事,集腋以 言紡績 重 務 成

> 下 之樂無踰此矣。 以下專言食。 歲 八章〕至此農功既 可 ,樸直之至。 以 禦寒完 [七章]此章穡 衣 然其體物微妙,又何精緻乃爾。 一面 畢,可 事 以 耐 獻羔薦 自 事 五. 正 月 面, 廟 以 後半 登堂 至十月,一氣説 兼及 稱觥,田 「六章 治

不能 象,日 也。 之詩 以易乎朝會之期耳。 子之説誤之也。 證 爲冬,秋不可以爲夏,天固不能改乎時與月,而 交」,將以爲夏之時乎? 吉」、「四月維夏」、「六月徂暑」、「六月棲棲」、「十月 之詩咏夏之時,此章歸諸邠公猶近似也。 日、皆當謂爲夏正、而詩即謂之爲夏詩斯可矣。 星退於七月,萬古不易。 七月也。後凡言月者,放此。〔章氏潢曰〕「七月流火. ,試即《七月》一章觀之,「三之日于耜,四之日舉趾 也。 但以「七月流火」爲夏之七月,則三百篇凡所 ,周公訓告成王而作也。 月星辰 集釋】七月〔《集傳》〕七月,斗建申之月,夏之 曾謂武王、周公有是事哉? ,敬授人時,雖欲改 非周正不建子也,特改歲于建子之月 而其時與月未之改也。春不可 抑周之時乎? 雖欲不謂之爲夏正,不可 注云:夏七月也,蓋火心 月與時 以令臣 且 要皆因周 然則「二月 一不必 民,而 他 如 有 以 云 正 初 周 時

中。

時亦改歲于十月之終歟? 咏而玩之,似不必謂夏正也 夫以十月而入執宫功,將入此室處,想夏時亦然。 秦、漢、唐、宋,莫不然也。 月中,天時人事,恐前乎周而唐、虞、夏、商,後乎周 月食鬱及薁、七月亨葵及菽」、「八月載績」、「九月築場 年,歲差當退十六七度,故六月而後,日在鶉火,大火昏 火,故昏而大火中。 於地之南方,至七月之昏,則下而西流矣。〔劉氏瑾曰〕 [《集傳》]流,下也。火,大火,心星也。以六月之昏,加 論周改歲不改月,頗有見。然詩所咏自夏正也。 固以此爲夏之時也。然第五章「曰爲改歲,入此室處」, 圃,十月納禾稼」,「一之日于貉」,「二之日其同」,十二 「六月棲棲」、「十月之交」諸篇,俱可無疑也。〔案〕此説 「七月流火,九月授衣」不當謂之爲夏正,而《三百篇》如 火星退於七月,萬古不易」,亦非。 春日載陽」,「蠶月條桑」,「四月秀葽,五月鳴蜩」,「六 堯典》云:「日永星火,以正仲夏。」蓋堯時仲夏日在鶉 七月則日在鶉首,而昏時大火西流於地之未位, 知周特改歲于十一月,而未嘗改月與時,豈特 |述豳俗,乃當夏、商之時,而言「七月流火」者 及周公攝政時,凡一千二百四十餘 曾謂周而獨不然乎? 解見後。 流火 其日 豈夏 先儒 而 美也。 口 歸

明矣。

氣而然,則失之褻。 母爲悲也。〔輔氏廣曰〕舊説以「女心傷悲」爲感春陽之 子猶娶於國中,而貴家大族連姻公室者,亦無不力於蠶 衆多也。公子〔《集傳》〕公子,豳公之子也。蓋是時公 之終,即二之日也。于往也。 桑之務。故其許嫁之女,預以將及公子同歸,而遠其父 者尤重農事,知其爵爲大夫也。 選俊人主田,謂之田畯。典農之大夫謂之農夫。 曰:「農夫,田官也。」郭璞曰:「今之嗇夫是也。」然則 田官也。〔孔氏穎達曰〕《釋言》云:「畯,農夫也。」孫 修田器也。 觱 發 風寒也。 之月也。變月言日,言是月之日也。 月」之説,大謬。 蓋據周公時所見而言耳。 陽之月。一之日〔《集傳》〕二之日,謂斗建丑,二陽 `則又失之僭,且於下「爲公子裳」、「爲公子裘」有 遵循也。 舉趾舉足而耕也。 栗烈氣寒也。 一之日〔《集傳》〕一之日,謂斗建子, 微行小徑也。 以「殆及公子同歸」爲欲與公之女 [案]此則章氏「火星退於七 耜田 褐毛布也。 倉庚黄鸝也。 饁 繁白蒿也。 餉田 器也。 後凡言日者放此。 山功也。 于耜,言 卒歲歲 祁 田 懿深 以王 祁 畯 官 炎 往

郊 原 始

哉! 其解。 碍。 耶 採桑,倍惹春愁。 者,或 恐其將與女公子同賦于歸,則所與者不過一二人,豈舉 詩之所謂「公子」也。 吻 思男,何其媒慢! 將及公子同于歸 媵,故治蠶以備衣裝之用。 公子也。 於下文皆可通也。〔姚氏際恒曰〕公子,豳公之子,乃 爲憂,而遠其父母爲悲也。 者,詩人不過代擬一女心中之公子其人也。 祁」,女子衆多,焉知其誰爲許嫁 [採桑諸女盡爲媵妾哉? 也 知後日將以公之公子爲歸耶? 議,婉轉以求合經文,皆以辭 故 然而未必然之詞也。 此少女人人心中所有事,並 先生不 以「公子」爲「女公子」,是「女」字爲後人所添,非 案〕數説皆泥讀「公子」字,而未嘗體會「殆及 且寫小兒女無端哀怨,最爲神肖。 此採桑之女,在豳公之宫,將隨女公子嫁 取 也。 而 無 或以爲悲遠 以 端 如此則詩之情境宛合,從來不 以此女爲許嫁之女,則「采蘩祁 爲許嫁之女,預以將及公子同 而 念及終身, 不唯見當時風俗之厚,而 諸儒欲求其解不得,於是多 而于採桑時忽然傷悲,以 女當春陽 而誰非許嫁人耶? 離父母,又何 而害意也。 不爲褻,亦非 抑别 無端 別情 有謂于歸 而 或以爲 感 無限,又值 曰「殆及 曰「公子 動目 其 爲 板 春 者在 僭 前 且. 神 女 得 其 爲 女 腐 又 歸

枝落之采其葉也。

斧斨尽集傳巡斧,隋銎。

斨

方銎

先儒 三月也。 塵腐氣,亦文章中之設色生姿法耳,又何必沾沾辯其 於田野樸質之中,愈見 取大桑,復猗取女桑,大約當在建辰之月,蠶盛之時 在, 葭爲葦。 男爲女公子耶! 政不外人情, 或疑此 〔劉氏瑾曰〕蠶月,雖不可指定某月,然其既條 詩獨闕三月,蓋已具於蠶月之間矣。 豫畜萑葦,可以爲曲 非 如 在葦即蒹葭也。 後 丰 儒之拘 神摇曳,可以化舊爲 滯 也。 而 不 [毛氏萇日] 藍爲 蠶 通 也。 月治蠶之月, 且 著 條 而 此 桑 爲 句

駝、妥二音。 也。」〔孔氏穎達曰〕斯,其斧也,唯銎孔異耳。〔案〕隋 [陸氏德明曰]隋,孔形狹而長。 銎,音穹。 遠揚遠枝揚起者也。 銎,《説文》云: 猗取 「斧孔 葉

名。 也 存條曰猗。 〔王氏應麟曰〕「四月 玄黑而· 女桑小桑也。 有赤之色。 秀葽」,諸儒不詳 朱 鵙 赤 伯勞 色。 即即 陽 題鳩 明 其名, 也。 也 惟 葽 績 《説 草 組

謂 知其爲遠志。 蟬爲蜩,宋、 蜩蟬 衛 謂 之螗蜩,秦、 也。 〔孔氏穎 晉 達曰》《方言》曰:「 謂 之蟬。」是蜩、 蟬

文》引劉向説

,以爲苦葽。

曹氏以

《爾雅》、《本草》證之:

四

王

月

中

解

其尊者是也。 先言于貉者,往取貉 不敢直達君 子爲公所鍾愛者也。 子,微有不同。 此格物否? 物,方俗異名耳。 蟋蟀〔毛氏萇曰〕斯螽,蚣蝑 陸氏璣曰 見《唐 「爲公子裳」。 文法也 -飛而 爲裘爲裳,何不以奉君公,而必以奉公子? 斑色,毛深厚温滑,可 [姚氏際恒日]于貉,猶上下之「于耜」、「于茅」。 亦 于 貉音鶴,本作貈。 豵 别, 振羽,索索作聲。 〕莎鷄,如蝗而斑 蟋 上,聊 歲豕也。 稚 蟀 且 [《集傳》日]貉,狐狸 公子裘 蓋上虛擬公子名色,此實指公家衆公子 若曰 子皆 [案]此二公子與上「公子同歸」之公 以 穫禾之早 [≪集 也。 往取 知。 奉諸公子,其 言公子則公心尤悦,且野人獻忱, 豣三歲豕也。 傳 鄭氏謂搏貉以自爲裘,狐 姚 乃以貉、狐、 狐狸,又曰 色、毛翅數重,其翅正赤、六 爲裘。 (嚴氏粲日)蟋 氏際恒 -者可 也。 《正字通 斯 螽 穫 莎鷄,羽成而 也。 П 莎 《淮南子》 日〕「爲公子裘」,應 也。 吻 取 狸 鷄) |) | 3 斯螽、 彼狐 固 不 惟貉 隕 一者爲 蟋 如 蟀,促織 似 狸, 蟀 是 墜 振訊之。 耳。 非狐 也。 貍 莎 一物 亦 蓋公 独, 鋭 物 無 狸 貉 也 有 纘 蘀 隋 此 以 爲 頭 若改 之。 其説近是。 人時 更。 墐 蟀, 時 長 而 而 以 變

也。

繼

也

之月耳。 然愚謂周 蟀居壁」、《詩》言「六月莎鷄振羽」,二物同在六月,經傳 竟不能格耶? 世有此格物之學否? 六月變爲莎鷄,七月變爲蟋蟀。 有明文,何云變化乎? 絲,故又名絡緯,今人呼紡績娘。 一塗也。 青, 翅鳴 化而 幾曾見三物爲一物之變化乎? 物隨時變化 或謂 夫時首孟 也。 異 不惟不改時與月,且並不改歲,蓋改建於孟 改歲〔案〕改歲之説,已見上「七月」章氏 人其名。 之蚱 〔姚氏際恒曰〕《集傳》云: 穹空隙也。 而異其名。」 蜢。 動 春,萬古不易。 股,始 (案)三蟲皆眼 依其言,則必 莎 鷄, 躍 窒塞 按,陸 色青褐, 而 以 整 若夫蟋蟀,則 股 也。 斗 選云: 整 前 且《月令》「六月蟋 如詩五月之斯 鳴 柄 六月作聲, 斯 微物,何格物家 也。 指 向 月 斯 螽、莎 辰 北 振 螽, 變乃 出 羽 隨 人 牖 蝗 鷄、 時 人識 如 能 可。 螽 注 也 類 變 春 紡 蟋 飛

狐與

狸

重

疊

尖鼻, 曲穴。

落

也

冬成也。 耶? 周孟 正於仲冬,不獨時令不合,即 今人于孟 春,斗未指子,而遽建子,故不 而此之云改歲,則姚氏際恒 餘 俱穿鑿附會,不 冬便 有 徂 年 可從。 傷 暮之思,古今一也。」 農 功 鬱棣屬。 云: 亦 錯 得 「改歲者,以 爲時 何 以 之正 薁 敬 蘡 授

也 孔 氏 穎 達 曰〕鬱,棣屬者 是唐 棣 之類 屬

也

薁

樹高 鬱類,而 五六尺,其 小 ·别耳。 實大如李,正赤,食之甜。 二者 相 類 而 同 時 熟, 故 蘡薁者 言 鬱 薁 亦是 也。 其

也。 人年老者必有豪眉秀出者,故知眉謂 豪眉 也。 葵菜名。

菽豆

也。

剥擊

也。

介

助

也

眉

壽

豪眉

壺

收 瓠 也。 ,聲之轉 叔【《集傳》〕叔,拾也。 也。 苴 麻子 也。 荼 が姚 苦菜也。 氏 際 恒 H 樗 惡 叔 木,可 當 訓

爲 新 也。 禾〔《集傳》〕禾者,穀連 藁秸之總名。 禾之秀

實而 者 稻 在野日 秫苽粱之屬皆禾也。 稼, 先種 後熟日 〔孔氏穎 重,後 種 達 任先熟日 曰〕禾是大名 一 零,再 言 非 禾

黍、稷、重、穋四 、麥之上更言禾字,以 種 而已。 總諸禾也。 麻與 一菽、麥則 [許氏謙曰]麥非 無禾稱, 故 納 於

麻 徒

宫 於十月、蓋總言農事 功 姚氏際恒 曰〕「上入執宫功」,治邑居 畢耳。 同聚 也 猶言所納之備 也,「 亟 其 也。 乘

屋」,治野廬 也。 集傳》謂「一畝半爲 廬 在 田 一畝半爲

宅在 均 力政,以 邑,非。 歲上下,豐年 「梁氏益 日 則 公旬 周 禮 用 三日 地 官 馬,中 均 人》職: 年 則 公旬 Л.

用

日

焉

,無年則公旬

用

日

焉。」〔案〕

後

説

亦

可

參

氏

朋

而 酒

傳 索繩索也]鑿冰, 謂 綯 取 冰 (爾 於 雅 Ш 也。 絞 也 沖 沖, 乘 鑿 升 冰 也 之 意。 鑿 《周 冰 《集 禮

正歲十二月,令斬 冰 是 也。 納 〔《集傳》〕 納, 藏

藏冰所以備暑也。 陵陰冰室 也。 〔蘇氏 轍 百〕古 者藏 也

冰 發冰,以節陽氣之盛。 夫陽氣之在天地,譬 如火之著

其盛 於物也。 在 下,則納冰於地中。 故常有以解之。 十二月陽氣藴伏,錮而未發 至於二月,四陽作 ,蟄蟲起

陽始用事,則 達 ,陰氣將絕,則冰於是大發,食肉之禄,老病喪浴,冰 亦 始啟 冰 而 廟 薦之。 至於 四月,陽氣 畢

雨 無不及。 雷 出 不震,無災霜 是以冬無愆陽,夏 雹, 癘疾不降, 無伏陰, 春 民不夭札 無 凄 風 秋 也。 無 蚤 苦

薦寢 蚤 朝 廟是 也。 也。 韭菜名。 朋 酒 獻 姚 羔[《月令》]仲春 氏 際恒 日 朋 酒 獻羔開冰,先 毛 傳 曰

兩 樽 日朋。」 以《鄉 飲酒 禮 云「尊 兩壺 于房 户 間 有 玄

是用 民 尤 處田野,亦未必備設兩樽。 兩樽也。 [案]殷 世質朴,不知已 其云 加朋 有 此禮 酒」,當是 否?

儕 邠 爲酒 乃「歲時伏臘 田 家作苦」之意耳。 公堂「姚

際恒日〕公堂、《毛傳》謂學校,近是。 蓋 殷 日 序, 豳 公

二八六

陽七陽。 穫十藥。 雪。 陽、 遲四 馬。 股 尤。 本 上。 韻 麻 韻 薁 叶 七麌 韻 裳 叶韻。 葦 叶 鼠 支。 屋。 音孤。 標 發 酒 韻。 六語。 並 五尾。 六月。 -+ 鵙 蘀、 菽 羽 同。 祁 庚 韻 + = 同。 八八庚。 壺 同。 五 耜四紙。 同一 五. 貉 户 叶 七虞。 本 微。 火二十哿。 烈 有。 並同。 本韻。 同上。 錫。 野二十一馬。 韻。 東。 韻 九屑。 悲 筐、 行、桑 並 七 壽 苴 支。 績 功、豵、公並同。 趾、子、喜並同。 二十六 子四紙。 本韻。 桑 葽二蕭。 六魚。 同。 棄十九 褐七曷。 陽。 歸 衣 宥。 微。 宇農。 本韻。 樗同。 五 斨、 **貍**四支。 微, 皓。 蜩 處 叶 揚、 通 歲 叶 陽。 語。 同。 韻 韻 稻 户 夫 上 黄 桑 同。 聲。 虞。 同。 裘 叶 本 本 轉 本 七 並同。 瓜六 火見 韻 + 韻。 韻 韻 韻 讀 陽。 下 叶 本 叶 如

> 茅三肴。 九皓。 直反。 虚良反。 韻。 韻 沖東。 甫 麥十 韭二十五 慶。 羊陽。 綯 四 陰十二侵,叶於容反。 陌。 稼二十二禡。 豪。 有。 堂同 叶 通 叶 韻 韻 韻 觥 庚。 同 叶 屋 霜陽。 東。 韻。 疆陽。 屋。 叶 功 場同。 穋 同。 韻。 叶 穀 韻 屋, 同。 本 蚤十 叶六 韻 本 叶

予所畜 彼桑 摇 予羽 勤 全詩主意在此二句。 斯 予維音曉曉。 土,綢繆牖 譙 ,鬻子之閔 鴟鴞鴟鴞, 租,予 譙 子 鴟鴞 口 尾 偷偷。 二章 斯。 卒瘏, 日予未有 既 户。 周公悔過 此詩純用比體。 取 一章 我子,無毀我室。 今此下民,或 予手拮据,予所 予室翹翹,風 心以做的 迨天之未陰 四章 成王 室家。 敢 也 雨 捋茶, 侮 雨 恩斯 所漂 徹

周

公救

亂

也

成

王

未

知周公之志,公乃

右《

鴟

鴞》

匹

章,

章

五

句

序》

謂

二八八

以

爲

最有

據

而

從之。

爲

以

遺

間,豈應以片言半語,遽然興師以征之?」 公退避之説。夫周公之攝政也,以 之子」、「禹避舜之子」,以證此「避」字。 自誅之、請亦未必見從。」末又引「舜避 又謂"「成王方疑周公,公固不應不請 古注,後《覆蔡沈書》又改從鄭氏,讀「辟 論《金縢》僞書不足信,即使足信,亦無 「避」,云:「三叔方流言,周公處骨肉之 王。」蓋本《金縢》爲文。 唯「弗辟」之説,初依 後主庸材 行 起而征之,公 乃 懿親 使未畔 即即 ? 以 《辩 殷 觀後 也。 成 知 不敢 公必 畔 王 而 説 幼 周 漢 堯 後 無 有 而 不得取代,庸身自逝。』周公豈廣陵之不若 里 服 之禱久矣。』三代聖人,夭壽不貳,武 書 品 輔其間 致 豫,命也,豈太王、王季、文王之鬼神 子曰: 『不知命,無以爲 以成德; 相 氏辯之詳矣。 至於舜、禹之避,時 襁褓,政攝自公,東征還後仍秉國政,歐 測聖心,而 公志,公乃爲詩 事哉? 媪 ·其可疑者大要有三:袁氏枚云:「孔 疑 退避爲聖德之大歟? 同, 詎得以例周公? 之 武 見,則有之矣。 乃 侯,豈成 爲此 以身代死,古無此法,後世 反致 處危時,故勞以 不經之談者也。 以 疑於公乎? 王 遺王」者,皆後人以 睿知,又有姜、召二公夾 廣 蓋 君子。」又曰: 陵 若夫《金縢 建功 乃知「王未 處 王 胥 順 又況 境 曰 : 勢迥 贵

之東征

安知非請

命

而

後

行

耶

諸

葛

武

侯

兩

次

出

師

表

而

後

不

請

而擅自出

征

也。

以

但知誅

畔者耳

,非爲流言遽誅

需

其

王

不

村

死

流言,公豈尚使以監殷

乎?

事,非

未畔之初

即有流言也。

未能

行

政故也。

三叔流言

》僞

以

品

故

讓

不

陽

王方

私

意

知

甚也 禮,祝嘏詞説,藏於宗祝,是謂 哉?」一也。 握 許 將敬之物也。 日後邀功免罪之計,其居 之私室可也。 公之事已畢。 禱矣,武王已瘳,已身無恙,公之心已安, 悖德之事 **圭璧之誘,於昭於天者,何其啟寵納侮之** 材藝,不謙。 公有所不知而躬蹈之乎?」二也。 太王、王季、文王,甘其 爾汝者,古人挾長之稱,而圭璧者,所以 果 我 則以璧與圭,不許我則屏璧與 ! 三也。 餌以劫嬰兒,既驕且吝,慢神蔑祖 又可 終以圭璧要之,不順。若曰 又曰:「周公既不告廟 公呼先王爲爾,不敬。 乃納之於太廟之金縢,預爲 此私禱之册文焚之可也,藏 勿論 其餘 稱 然則公之誅管、蔡 名築壇,諸多 爾汝之稱,又貪 心尚 幽國。 可問 圭。 又曰 豊周 自夸 乎? 違禮 而 一,而 其 : 私 如

> 耶 ? 所由 憂懼,爲未雨之綢 得,遂可告無罪 咎自責,並望成王以戒將來。 之不得已也。 之過,不亦宜乎?」周公之誅管、蔡,周公 之説,以新人耳目耳。而豈知其誣公之甚 《金縢》蓋竊其文而益以祝詞 者王孫賈嘗以是問諸孟子矣,●孟子應之 民或尚有能侮予如前日事者,予可不倍加 不祥孰甚。 不云乎:「周公,弟也,管叔,兄也。 亦非信史歟? 曰: 然」。 作也。 夫天下唯聖人爲能知聖人也。 然則周 叛服 故其詞 我知公心既傷且悔,唯 於先王也。 無常,可慮方深。 公實録莫《孟子》若也, 繆耶? 悲而 曷可以無信也? 志苦,情傷 此《鴟鴞》之詩 蓋骨肉相殘, 並 勿謂罪 雷風感悟 今此下 周公 而 孟子 人斯 有引

0

[「]王孫賈」、《孟子·公孫丑下》作「陳賈」。

嘅於其際焉。 儒所見從未逮此,予不能不反覆吟咏,致待天雨、反風、禾則盡起而後悟矣。 何諸切,託爲鳥言感人愈深。 王之迎公,固不

捋取也。 安石 鴟類。 也。 勤 桑 子而食者也。 止」、「翩彼飛鴞」、「爲梟爲鸱」,蓋梟之類。 篤厚 土 日 譙 桑根 【集釋】 鴟鴞〔《集傳〕〕鴟鴞,鵂鶹,惡鳥,攫鳥 [吕氏大臨日]鴟鴞,惡聲之鷙鳥也。 □與 也。 譙 茶 在 苕,可 藉 巢 者 也 。 也。 租 殺 鬻養也。 〔《爾雅》〕《釋鳥》:鴟鴞,鸋鴂。 賦 也。 之租 綢 繆 翛 同, 纏綿 翛 閔 蓋 敝 憂也。 也。 鳥食也。 也。 拮据手口 翹 蓄積也。 迨及也。 翹 卒 危 盡 也。 恩情愛也。 也 共作之貌。 郭璞 租 徹取 「有鴞萃 嘵 (王氏 瘏 注: 也。 嘵 病

【標韻】子四紙。室四質。叶韻。勤十二

急也

文。 租 户 翛、翹、摇、 曉並同。 並 、猪並同。 閔 同。 + 予 軫,叶眉 家六麻 六 語 貧反。 ,叶古胡反。 通 本韻 韻 叶 韻 据 叶 六 韻 魚。 雨 七 塵。 茶 譙 七 弌 虞。

東山 周公勞歸士也。

其濛。 零雨 也。 町 東 敦彼獨宿,亦在 贏之實,亦施于宇。 制彼裳衣,勿士行枚。 Ш 畽 二章 慆慆 其 我 鹿場,熠燿宵行。 徂 我 濛 東 我 東 不歸。 Щ 徂 鸛 日 東 鳴 歸,我 車下。 慆慆不歸。 山 于 我來自東,零 慆 垤,婦 伊 心 此言夫念婦。 蜎蜎者蠋,烝在 亦可 威 慆 西 歎于 不 在 悲。 我來. 歸。 畏 室,蠨 也,●伊可懷 虚 室。 雨 自 我 一章 冒下文 其濛。 蛸 東, 來 洒 在户。 自東, 桑野。 零雨 掃 我 筆。 穹 果 徂

^{● 「}亦」、《毛詩正義》作「不」。

苦,烝在 上 之子于歸,皇駁其馬。 我來自東,零雨其濛。 一,我 筆,情 孔 征 嘉 一栗薪。 韻悽然。 | 幸至。 ,其舊如之何? 三章 此言婦念夫,皆爲末章地。 自我不見,于今三年。 我徂東山,慆 親結其褵,九十其儀 倉庚于飛,熠燿 姚云:應前「獨宿」、「婦 慆 有敦瓜 頓住 其 不 羽。 歸

年,故 其 美周 征」,則與詩情不符。《大序》又謂「士大夫 征 勞者聞之,莫不泣下。 詞,無所謂美也。 蓋公與士卒同甘苦者 其室家互相思念,及歸 而 、歸思之切如此,不啻出自征人肺腑 致 凱還以勞歸士之詩。《小序》但謂「東 公而作」,尤謬。 其 右《東山》四章,章十二句。 死 旦歸 力者,蓋 來,作此以慰勞之。 可 詩中所述,皆歸 想見。 則平日之能得士心 而得遂其生還之 朱氏善曰 此周公東 因代 士與 使 沭 有

其既歸 鳴,而· 也。 歸而 苦而不敢言者,我則有以慰勞之。 既 犯,饑渴之困頓,裳衣之久而垢敝,室廬之 上之不我知也。 樂以天下,憂以天下,然而不王者,未之有 途之時,而上之人能與之同其憂, 莫喜於 敢言者,我則有以發揚之。莫苦於歸 而既至也,則覩天時之和暢,聽禽鳥之和 久而荒廢,室家之久而怨思,皆其心之所 至也,則凡道途之遠,歲月之久,風 人之心,而天下之人亦樂於效力,而 非公曲體人情,勤恤 「聖人之所以能感人者,以其以己之心 歸 相 其是之謂歟?」此可謂善説詩矣。然 而 人情和悦,適與景會。 而 見之時,而上之人能與之同其樂。 新昏,尤可樂。此皆其心之願 相見,固可樂。未有室家者,其 《東山》之詩述其 民隱,何能言之親切 舊有室家者, 及其歸 雨 歸 而在 而 之陵 不 而 患 度

如 手,則不過一篇《從軍行》、《漢鐃歌》而 之作而 足以見聖德之感人於無間哉? 此 ? 孰作之乎? 而 姚 氏 謂非 假使此 公作。 詩 嗚 出於旁代之 乎 非

章〕既歸情事,室家團團,幽豔乃爾。 【眉評】〔三章〕歷寫未歸景物,荒涼已甚。〔四

負,因 枚, 自 股 佃 不移之貌。 蠋 曰 慆慆言久也。 陸氏佃日 者 日》《釋蟲》 西 〕治歸裝也。 如箸, [《集傳》]蠋,桑蟲如蠶者也。 徂 ,俗呼喜子。 濕化生,今俗謂之濕生。 東以征 集釋】東山「嚴氏粲曰」三監在周之東,周公 銜之有] | 爾 果 之,軍屯 雅》曰 羸 勿士 零落也。 繣 亦 「蠨蛸,長踦。」郭璞曰: 栝樓也。 如蜘蛛布網垂絲,著人衣當有 結 項 行 「伊威、委鼠。」一 必 中,以 枚〔鄭氏康成 依 濛 施 Ш 蠨 微雨 延也。 止 爲固,故 烝 蛸 語 也。 也。 發 小蜘蛛也。 名鼠婦 語 伊 「今小蜘 以東山 旦〕士, 辭。 裳 蜎 威 衣 蜎 鼠婦 孰 亦 〔陸氏 言之。 〔程子 動 事 親客 蛛 日 獨 也。 貌。 也 鼠 長

> 多也。 之縭。 駠白日 耳。 聚。 至。 結 白身黑翅。 鳥 諸 用字法也。〔案〕宵行固非蟲,熠燿亦非螢,乃螢之光 下「熠燿其羽」言倉庚,猶《小雅》「交交桑扈,有鶯其羽 爲辭語,而又自造一 氏際恒曰〕熠燿宵行,夜行也,人人知之。 八丈作十五町,町間分十四道,通人行。 種 熠燿其羽」,遂疑熠燿非蟲, 也。 法》曰 縭 老先生之竟不知也,豈 荆 舉其光而螢自見,亦以爲眼前物人易知耳。 鹿場町畽無人,故鹿得以爲場。 則 縭 「陸氏璣 州 駁 縭當是帨。 伊尹作爲區田,一 · 綏也。」孫炎曰: 河内之人,謂之喜母。」町 縭〔孔氏穎達曰〕《釋器 垤小丘也。 曰〕鸛,鸛 蟲名,甚奇。 九十 立不爲詩 雀也。 皇馬色黄白日 其儀尽集傳》言其儀之 畝之中,地長十八丈,分十 而以宵行當之。 禕,帨巾也。」〔案〕昏禮言 似 人所 楊用修已極駁之,謂 鴻 畽 而 暗 熠 董 大,長 哂 皇。 睡,爲田里所 《集傳》因 燿宵行 婦 氏迫 耶 既以蟲名 人之禕 駁馬色 頸赤喙 日 鸛 不料 回》[] **が** 謂 水 下

【標韻】山十五删。歸五微。二句無韻。

薪十 枚十灰。 韻。 下馬。 東 行 同。 儀同。 東。 一真。 垤九屑。 本韻。 叶 濛同。 韻。 通韻 通 年 韻。 一
先
。 室四質。 宇七麌。 畏 五未,叶於非 本韻。 蠋二沃。 嘉六麻。 通 窒同。 户同。 韻。 歸微。 野二十一馬。 何五歌。 飛 反。 至四真。 本 悲四支。 微。 韻 懷十灰。 歸 通 宿 場 同。 韻。 叶 衣 七陽。 韻 屋。 微。 縭 叶

破斧 美周公伐罪救民也。

銶。 之休。三章 我人斯,亦孔之嘉。 二章 我斧,又缺我錡。 或 是皇。 周公東征,四國是遒。 既 破 哀我 我斧,又缺我斨。 人斯,亦孔 周公東征,四國是吪 之將。 既破我 比。 哀我人斯, 周公東 一章 斧,又缺 征 亦孔 既 破 哀 兀

望救於公,如大旱之遇雲霓也。蓋三叔挾右《破斧》三章,章六句。此四國之民

是乎? 辭伐 之大者哉? 我,只知惟逆是誅,非爲流言啟釁。 公,形爲歌詠之作。 爲 言破毁我周公,又將犯闕危逼 所 殷 自謂能得公心之大。 後世儒者,動以被謗東征,師出 我利器,使無所用 彼盜器者然,破我斧矣,又缺我斨,是先 旦得 罪 匡 以 可 罪 固 畔,其民陷於叛逆莫能 勝 ¨, 親 **覩旌旗拯民水火**,非惟 夫罪人肆毒,何所不至。既播 即我 誅 賦 哉 東征 小民亦保全良多。 ? 其力而業自廢耳。 ,烏能收功立效之速 此 然而公之心則大公無 嗚乎 固 四 ! 或 人民 自拔也久矣。 我嗣 是豈知公心 四國疆土有 有名爲議 使非 歸 王 奈何 美 則 周 其 損 如 如 流

也。 恒日 四四 其 時奄 集釋】斧斨解見《七 國,商與管、蔡、霍 E 封魯矣。 集傳 也。 》謂「四 月》篇。 毛氏謂管、蔡、 方之國」。 兀 或 商、 何玄子 姚 奄,非 氏

逌 下 日 : 日》《齊詩》作 復言多方,則四國非泛指四方明矣。」皇医也 書・ 多方》 四四 篇 [國是匡」,賈公彦引以爲據。 日 : 『告爾四國多方。』 既 于 四 (董 將 國 大 氏 之

爲善 也。 民於是斂聚,不流散 爲聚,亦堅固之義。 也。 錡 鑿屬。 嘉 善 也。 吪 化 《釋詁》云:「遒,斂聚也。」言四國之 也。 銶 也。 木屬。 休美也。 [李氏樗日]化其惡 道〔孔氏穎達 日」道 而 使知之 訓

四 尤 支,叶巨何反。 遒同。 標 韻】斨七陽。 休同。 叱五歌。 本韻 皇、將並同。 嘉六麻。 叶 本韻。 韻 銶十 錡

伐柯 未詳。

不得。一章 伐 柯 如 何, 伐 柯伐 匪斧不 柯,其 克。 則不 取妻. 遠。 如 何, 我觀之 匪 媒

不敢强解。《序》以爲「美周公,周大夫刺右《伐柯》二章,章四句。此詩未詳,

子, 籩豆有

踐

亦含糊 年,罪 又以 疑議? 悉牽强支離 以此詩難曉,而「我覯之子」一句又與下章 以刺朝廷耶? 國,且有「是皇是吪」之歎,獨於朝廷,乃多 不 朝 有踐』者,言周公歸其待之之禮。」如此也, 相戾,且皆非詩詞中所有意也。 看,則與《九罭》之「我覯之子」一 而終易,而爲是「深喜之詞」。 同,故推求其意,以爲東人欲見周公,始 不暇,何至遲留未歸,猶煩周 雖東征,權猶在手,一朝凱撤,朝廷奉迎之 知,姜、召二公豈未之知乎? 廷之不知也」。 爲「周人喜公還歸之詩」,曰: 人斯得,心已大白於天下,雖 不可 恐無是理,斷不可 無 曉。 朱子初説 總之,諸儒之説 確切 夫周公之德之美,他 通暢之語故。 亦用《序》義。 信。 大夫之作詩 賦 然總作 況東 姚氏 且 此 一比 當日 『籩豆 詩 甯闕 際 在 征 者, 難 又 比 恒 後 几

之以 俟識者。

【集釋】柯斧柄也。 標韻】克十三職 **籩**竹豆也。 同。 本 豆木豆 也。 十三

得

遠

阮。 踐十六銑 。通韻

九罭之魚,鱒魴。 鴻飛遵陸,公歸不復,於女信宿。三章 章 鴻 飛 遵渚,公歸 東人送周公西歸也 興。 我觀之子,衮衣繡 無所,於女信處

裳。

是以

有衮衣兮,無以我公歸兮,無使我心悲

句。 留 魴,朝廷之士,始見衮裳。 以送之也。 而 於兹 覩此衮衣繡裳之人乎? 此東人欲留周公不得,心悲而 右《九罭》四 世 其意若 夫鴻 飛 章,一章四句,三章 在天乃其常,然時 曰:九罭之魚 今我 東邑, 無怪其不 乃 作 能 何 有 是 章 而 遵 久 幸 頗

> 耳。 是乎? 歸乎? 東人 **豈無** 大幸 心悲耳。此與宋民之遮道擁留司馬相公, 渚遵陸,特其 出於至誠也。 日 是以想我東人之得觀此衮衣也,我東 不忍去者,特爲女東人作信宿 「公無歸洛、留相 朱晦翁雖能 也。 所乎? 如 此 詩意甚顯。 我東人庶得長覩冠裳不至臨 然則 其誠,東人於公當更何 殆不復東來矣。 暫耳。公今還朝 使非上下交孚,何以得民 何策 見及,而訓 天子,活百姓」者,同 而 《序》乃不 使朝 廷 釋詩義,亦 其所 無 留 知,殊 以 以 也 相 我 如 以 天子, 岐而 可 公西 人之 夫? 遲遲

所入有九囊也。」鱒〔許氏謙 \overline{Z} 赤 色 「緵罟謂之九罭。 【集釋】九罭 道横貫 瞳、多獨 九罭, 九囊網也。 行, 見 魚網 日》《爾雅 網 輒 也。」孫炎曰: 孔 避。 氏穎 翼 魴 達 鱒 見 日 灸汝 魚 謂 墳》。 魚之 目

暢明,故特正之。

衮也。 衣。 天子之龍一 三日 衮 衣 六日 華 繡 遵循也。 ·蟲,雉 藻。 裳 升一 (《集 也。 七日粉 降,王公但有降龍 渚小洲· 傳》 四 米。 日 一衮, 火。 也。 八 衣 五. 日 裳 信再宿 黼。 日 九 宗 章: 以 彝, 九 龍首卷然 日 日 虎 黻 日 信 蜼 皆 龍 也 繡 皆 故謂之 於 日 繢 Ш 於

韻 所、 處並 衣五微。 標 同。 韻 本 魴 歸同 韻 七陽。 悲四支。 陸一 裳 屋。 同。 通韻 復、宿 本 韻 並同 渚 六 語。 本

狼跋 美周公也。

舄 几 几。 狼 跋 其胡 章 狼 載 疐其 虚其! 尾。 尾, 載跋 比。 公孫 其胡。 碩 膚, 公孫 赤

碩

膚

,德音不瑕。

之矣。 多牽涉 進退跋疐 右《狼跋》二章,章 成 唯 無 朱氏 王不 所往 信 善 日: 「 周 而不病。聖人之周於德 公, 物 愚 四 之累於形 句。 殊 不 取 解 此 已數 者,其 詩 者, 辯

> 度也。 綸巾羽扇,指揮群材 乃是周公本色。 能及也。」數語頗能 非道隆德盛者,固不足以 難 者 公孫碩膚,赤舄 「, 其 而 不懼 進 退從容 ,處大變 詩 几几。」令人想見諸 無所 而 道得三代聖人氣象出 亦善於形容盛 ,從容得意時,有此氣 不 往 憂 斷 而 語 不 此,非常人所 大 宜 事 德, 而 蓋 不 葛 E 臨 疑 君 大

疐路 諸 也。 孫音遜,讓 也。 侯與王同。 《集傳》〕老 「鄭 也。〔李氏巡日 集釋】跋 氏康成日〕舄 也 几几安重貌 狼 碩 躐 有胡,進 大 有三 也。 也。 鉛卻 等 頓 胡 膚 耐 赤舄 日 頷 美也。 躐 疐。 其 下 爲 懸肉 胡 ⟨≪ 説 上 赤 則 也。 文》曰」 退 冕服 舄 而 冕服之舄 載 跲 之舄,則) 路,躓 其 則 尾。 也

瑕六麻,叶洪孤反。 叶韻。 【標韻】尾五尾。 几四紙。 通韻。 胡七虞。

二九六

以上豳詩,凡七篇。案《豳風》僅《七月》

泣而迎公于郊者,有是事哉? 吾不知諸儒之視成王 疑亦當釋然。 料也。三叔懿親,不使監殷,孰與爲監? 其流言毀 概論之耶? 至於東征,事之變者也,然非公之所及 非變在事。且《七月》與《鴟鴞》以下,兩不相涉,何一 體,且並不識聖人苦心。夫豳詩之所以爲變者,以其 矣。若編次在《雅》前《風》後,冀變之可以爲正,危之 當以孟子爲法則,可無疑於周公之事,而豳詩亦可讀 全信,況《金縢》之出自秦火後乎? 誤之也。孟子曰:「盡信《書》,則不如無《書》。吾於 爲何如王,而論周朝爲何如朝? 尚能東征以討其罪乎? 迨至三年,罪人斯得,縱有 謗,乃畔者之常,何損於公? 使成王終疑不悟,公豈 公諸詩,君臣相誚,不得爲正。 《武成》,取二三策而已矣。」孟子之世,《武成》尚不可 詩而兼三體,非《風》正格,故曰變也。其變在格 篇,其餘皆附存耳。文中子以豳爲變風,遂並謂周 '以復安,有非周公不可者,則不刊之論云' 而猶謂終疑不悟,必待雷風之變,始感 非惟不知《風》詩變 皆《金縢》僞書有以 吾願諸儒讀書,

詩經原始卷之九

雅

小

其 因 裁而定。 時藝,有正鋒則必 其言似是而幾矣。 純乎雅之體者,爲雅之大,雜乎風之體者,爲雅之小。」 主 道 變焉者也。 詩,各有其體,原不相混。 言外者,風之體也。 「《雅》之大小,特以其體之不同耳。 八 詩 之 純 德 [事異,或以人殊,或由世變,則無定局。 采風者亦視 政 事,或主道 、聲音 雅 》有大小、正變之分,自來諸儒未有確論。 體裁分則音節亦異。其體裁之所以分者,或 雜,以定格之正變而已矣。 故凡詩皆有正變,不獨小雅爲然。 端 而 德,或主聲音,皆 言 有偏鋒, 然而未盡其旨也。 明白正大,直言其事者,雅之體也。 也。 然則大小之分究何以别之。 其或雜而相兼者,即其體之 有正格則必有變格 非。 蓋優柔委曲,意在 故不可專主政事、 唯 夫風、雅、頌三 嚴氏 ,均因體 如今之 粲 云 故或

> 乎其所不得不變耳。 亦如十二律之本乎天地陰陽,正變相生,循環無間,變 及其變也,則因事而異,且有非作詩人自知而 贈答、感事述懷之作,大雅多受釐陳戒、天人奧藴之旨。 之而已。 之所以爲大雅。 怨誹之音矣。 日 此 在氣體 太史公曰"「小雅怨誹而不亂。」若大雅則必 輕重, 知乎小雅之所以爲小 其體固 魄 力厚 而 不可或雜也。 姚氏顧謂雅之大小必有 薄, 詞意淺 雅,則必 深, 大略小 音節 豐 雅多燕響 知乎大 自主者。 正 殺 而 者 雅 無 無 辨

鹿鳴之什

變者,豈理也哉?

卷,而謂之什,猶軍法以十人爲什也。」仍之。《集傳》云:「《雅》、《頌》無諸國別,故以十篇爲

鹿鳴 燕群臣也。

我,示我周行。一章 呦呦鹿鳴,食野之蒿。鼓瑟吹笙。吹笙鼓簧,承筐是將。人之好鼓瑟吹笙。我有嘉賓,

我 呦鹿 是 鼓瑟鼓琴,和樂且湛。 傚 有 嘉 鳴,食野之芩。 賓,德音孔 我 有旨酒,嘉 昭。 我 賓 我有旨酒 視民不恌,君子是則 有 式 嘉 燕 賓 以 敖。 ,鼓瑟鼓 ,以燕樂嘉 琴。 呦

臣,以 王。 直以 盛治 且 仿古遺意 古若矣。 大賓,情意既 群臣嘉賓」。 臣 其 讀 所賦之詩,非 奴隸視之,何賓之有? 周之賓臣,周之所以王耳。 也。 右《鹿鳴》三章,章八句。《序》謂 禮意言曰賓。 望其 詩 ,而上下之情,則多 《傳》 至 雖賜宴飲實、錫 周 此 治 夫嘉賓即群臣,以名分言 行示 不 曰:「賓臣者帝 而節文又敬,故能 沉酣 能 好 文、武之待群臣,如 無 則 時 即 傚 貢 世 爵 (諛,求 升 不 賦 隔 無怪 降 恌 詩,未嘗不 而不通矣。 若後 師 者 如周之 其 成 蓋 臣 治 道 世 寡。 時 隆 則 者 待 燕

美,與《關雎》同列四詩之始,殆無貽議云。污之感焉。至其音節,一片和平,盡善盡

姚説 之久也。 視即視事之視。 習爲偷薄之行。 也。 芩(《集傳》)芩,草名 不應又作「視」。 視〔姚氏際恒曰〕視,鄭氏謂古示字。 猶云指我途路耳。 訓「大道」,皆非。 鹿所食是也。 草》苹有二種:一云:「苹,苺,其大者蘋。」此水生之萍 、姚氏際恒日〕周行,大路也。 雖 解見《采蘋》。 通 集釋】呦呦聲之和也。 燕安也。 未 免 承 又 臨 蓋「視民」猶「民視」,謂小民視之,不敢 而君子則 此與《大東》「行彼周行」之「周 奉 費 事可 蒿〔《集傳》〕蒿, 也。 云:「苹,藾蕭。」此陸生之苹也,即 周 莖 云視事,故臨 折 如 筐 所以 。 「是則是傚」也。〔案〕視民之 矣。 釵 《毛傳》訓 股 恌 葉 盛幣帛 苹(嚴 偷 如竹,蔓 鼓也。 民 按: 薄 亦可云視民也。 「至道」、《集傳 也 者也。 上有 氏粲日》《釋 生。 即 敖 青蒿 「示」字 行 游 周 湛 也 同 行

七陽 標韻」苹 將、行 並同 八 庚。 賓 本 + 韻 真。 蒿 四 笙 庚。 昭 通 蕭

簧

 $\overline{\circ}$ 0

恌 同 傚 十九效,叶 湛、心並同。 胡高反。 本韻 敖豪。 叶 韻 芩十

四 牡 勤 王 事 也

彼四 馬。 將 集 盬 事 翩 ,不遑將父。三章 于苞杞。 翩 來診。 駱,載驟駸駸。 盬 豈不懷歸? 匹 者 我 牡 鵻 騑 心傷 五章 ,載飛載 王. 騑 事 悲。 周 靡 王 道 盬,不 一章 事 豈不懷歸? 下,集于苞 倭遲。 翩 靡 翩 盬,不遑啟 四 · 遑 將 者離 豈不 牡 騑 母。 載 栩。 騑 懷 是用作歌 飛載 嘽 歸? 四 處。 王事 章 嘽 二章 止 靡 駱 王

解 使臣之來」,蓋 曰:「《四牡》,君所 云「是用作歌」 詩 者,因 右《四 作 牡》五章,章 「君探 本《 則明 其情 以 左傳》 明 勞使臣 使 五. 而 句。 臣 襄 代之言 自咏,非 公 也。」故 《序 四 》謂 年 後 穆 探 然 情 詩 世 叔 勞

謂

求

忠臣必於孝子之門者,此

也

何諸

引而 全。 待臣 也。 乃採 禮 心 且用 敢 忠,而「不遑將母」,又人子所宜孝。 感,乃成泰運。 爲上下通用之樂矣。是古來先有此詩,後 之所宜言矣。 以爲勞使臣之詩。」其言亦頗 傳言非歟? 不順。」亦因「作歌」句横 以 讀 • 將母 其詩 此聖 以禮 燕禮》、《鄉飲酒禮》皆歌 以 至詩之所以次《鹿鳴》者,以上章君 去,作使 愈泛,此又不可不知其弊之所 爲樂,非因勞臣 以 之情 ,故此章臣之事 王之所 勞 姚氏又云:「王者採後,或 臣 姚 使臣 而 然 自 氏 以 來告,然後忠 勤 咏 一, 亦 際 深嘉其 勞王事,固人臣 極 恒云: 而後作是詩。 將 順 隔 作 以 君 其 情 以 爲 此 近 間 代 試 而 使 忠,上 詩 理 孝 使 也。 將 樂予焉。 臣 ,則又以 可 臣 此 故《 以 故 所 下 以 故 然 咏 詩 當 交 之 儀 兩 不 失 愈 大 則 極 平.

泥傳言而以爲「代探其情」,如是之迂折難

解歟?

遑暇也。 檵,今枸杞也。 宿 鴀」,音同。〔毛氏萇曰〕騅,壹宿之鳥。 遲回遠之貌。 曰〕夫,方扶反。不,方浮反。 夫不也,今鵓鳩 不 説文》: 煑海爲鹽,煮池爲盬。 ,壹於所宿之木。 堅」訓之。 跪即 集釋】騑騑行不止之貌。 起身、居即 啟跪也。 也。 嘽 盬[《集傳》]盬,不堅固· 駸駸驟也。 嘽 凡鳥之短尾者皆住屬。 坐也。 鵻 〔項氏安世曰〕古者席地,故有跪有 衆 性慈孝 盛之貌。 處居 捻 告 也。 又如字。《爾雅》作「鳺 慤謹。 盬苦而易敗,故《傳》以 也。 駱 周 鵻《 也。 將 白 道 「陸 馬 養 大路 「董氏追 也。 ~羅 集傳訓離, 黑 氏佃日〕壹 鬣 也。 氏中行 日 杞 駱 日 倭 枸

馬,叶 五. 母二十五 反。 滿補反。 標韻 栩 有,叶 七 塵。 迎遲 處 滿 彼反。 父同。 六語。 四支。 駸十二侵。 叶韻。 悲同。 叶 韻 本 下二十一馬 止 韻。 說二十六寢,又 四 紙。 馬二十 杞 叶 同。

音深。叶韻。

皇皇者華 遣使臣也。

如絲。 五章 載 我馬維駰,六轡既均。 駱,六轡沃若。 夫,每懷靡及。 馳載驅,周爰咨諏。二章 皇皇者華,于彼 載馳載驅,周爰咨謀。三章 載 章 馳 原隰。 載驅, 我馬 載馳 周爰咨度。 維 載驅 首章興起。 我馬 駒 維 周爰咨詢 、 、 、 六 轡 我馬 駪 如 四 駪征 章 轡 維

靡及」之心。 可 然而使臣一人,知識 臣之詩。上章臣知盡 民間疾苦,何由 副 以告天子。 朝廷望耳。 右《皇皇者華》五章,章四句。 於是周 故 唐 夫天下至大,朝廷至遠 膺兹選者 知 諮博 有 ? 瘁,此 限,故 唯 訪 賴 乃 故 又 凡 使 戒 可 無 者悉心 修 以「每 負 以 廢 此 使也 職 舉 遣使 訪 庶 懷 墜

者,莫不殷殷致意。上之德欲其宣,下之除害之在所當酌,遺逸耆舊之在所當詢之在所當壽,興利

對。即授以政,而無不達之誚矣。又豈徒問欲其達,故不可以不重也。詩曰「咨詢」者,意固各有所在,非徒叶韻而已。學者當於歌」、又曰「咨謀」、曰「咨度」、曰「咨詢」者,以不重也。詩曰「咨問,以不重也。詩曰「咨問,

常棣

周公燕兄弟也。

生出,又須細玩,四字無一虚下,通經乃可致用也。【眉評】諏、謀、度、詢四字,即從「每懷靡及」一句

循誦習傳爲博雅君子已哉?

爰於也。 也。 夫使臣與其屬也。 高平日 謀計 原。 集釋』皇皇猶煌煌也。 畫 隰 也 下溼 度酌 也。 懷思也。 日 隰。 量 如絲 也。 駪 [朱氏公遷曰]猶言和 如濡鮮澤也。 駪 騳 陰白 衆多疾行之貌。 華草木之華也。 雜 毛 日 周徧也。 均 征 原 柔

> 濡、 駰十一真。均、詢並同。本韻。 叶莫悲反。 諏並同。 (標韻) 隰十四緝。 叶韻。 本韻 駱十藥。 騏 四支。 及同。 若、度並同。 絲同。 本韻 謀十一尤, 駒七虞。 本 韻

喪亂既 難。 莫如 朋,烝也無戎。兩言「良朋」,反應上兩「兄弟」。 牆,外禦其侮。¶《左》、《國》俱作「侮」。 章患難中之兄弟。二章 轉入亂平後之兄弟,是進 兄弟孔懷。 兄 每 常棣之華, 鄂不韡韡。 平,既 有良 弟。 總冒一筆。 说朋,况· 原隰裒矣,兄弟求矣。只用變起二 安且 寧。 也 脊令在原,此。 一章 永 層 雖有兄弟,不 法。 歎。 三章 死喪之威,人事變 五章 興起。凡今之人, 儐 兄 爾 如 每 弟 兄弟急 籩 友 鬩 有 四章 生。 豆, 良 于

調

也

詢

究問也

❶ 「侮」、《毛詩正義》作「務」。

之樂。 换,亦極整飭。 和 樂 之飫。 Ħ. 六章 湛。 妻子好合,如鼓瑟琴。 七章宜 後以妻子作陪,與上良朋相 兄弟既 爾室家,樂爾 具,和樂且 孺。 妻帑。 稱。 兄弟 再追 章 既 想兄弟 法極 是究 翕 變

亶其然乎

?

八章

亂既 爲周 族于 絶。 以閔管、 富 後 召、穆公爲 地 王無道,骨肉恩缺,親親 則不合,斷 哲。 辰謂召穆公作,《國語》富辰 公作,穆公特重歌之耳。 故召、 成周,復作《常棣》之歌以親之。」是詩 平」,則明是 右《常棣》八章,章四 唯韋 若 蔡 他 周族 穆公思 而 昭云:「 兄 斷 親 弟 兄弟。 歌 不 誅管、蔡後語 歌 之,尚 可 周 周 此 移於他 德之不 公作《常棣》之篇 其後周室既衰,厲 禮廢,宴兄弟之樂 可 贵 句。 能 日 類,而合其宗 人兄弟上去。 切 誦 又以 此詩《左傳 且詩云「喪 非周公境 乎 先芬以 ? 爲周文 ^ 戒

所以 侮。 待死 喪矣。 傳》云: 序》 痛 雖 Ŧī. 言又不幸而至於或有 情,其切如此。 次章乃以意外不測之事言之,以明兄弟之 蓋 序》又補以管、蔡事 弟已亡,所 而 集傳》語氣差合,故舍彼録 章 有兄 皆反覆 猶有 非周公親言,人亦不敢代爲 但 ,則姚氏云:「喪亂既平而 喪,然後 著夫兄弟之義者,益深且切矣。」若 其所以言之者,雖 謂「燕兄弟」,則 弟反不如友 所 至於四章,則又以 「首章略言至親 不能已者言之。 與周 明 其 相收,但有急難,便當相 三章但言急難 旋 『莫 者 生, 如兄弟』之意。」此 而不言誰作者, 此 唯 小忿,猶必共禦 友生 若 大失詩旨。 何 其他六、七、八章 莫如兄弟之意。 益 其情義之甚薄, 哉 其序若曰: 而 ? 輕 已,故 言也。 安寧矣,乃 以 ,則淺於死 蓋 約 此 而 亦 故 爲 時 《大 説 《集 助。 不 外 夫 其

姚 良 以 實合,以人合者, 之、良朋妻帑、未嘗無 外之和樂也。」此亦較《集傳》差明,故更録之。 得以管、蔡故遂自 踈,故不厭 周公深有悔於管、蔡之禍,恐兄弟情 弟之情親而相愛也。 良朋陪説,屈之也,妻子陪説,以見一家内 亦 合,而兄弟則以天合,以天合者,雖 凡今之人,莫如兄弟。」豈不 申告之,使其 可謂苦矣。 朋 氏 又云: 陪 説 此 委曲 「追思兄弟之宜和 又以 反 詳 損其天倫之樂。其用 覆 盡,極言異 雖 妻子陪説 窮究而驗其 蓋良朋妻帑,皆以 助 親 於己,然終不若兄 而 實 然有 益 疎。 樂也。 形 同 信然哉? 信然,不 氣 故 不 上以 之 由 離 日 同 總 恩 1 此 而

氏以爲追思,皆通。 是周公當日情景 眉評【五章】 然追思較 故從之。 第五章有 反言有意,讀之令人酸 須 兩解: 看其全詩作法,首章 朱子以爲反言

恒

章是一轉筆,作中間樞紐。 虚 末二章耳。 冒,次章雙題,三、 此八段古文作法也 四章以良朋陪,後二章以妻子 六章乃甚言兄弟之樂,以 陪,此 起

益寡」,謂少其人,猶後世詩 求,故下「脊令」亦用 鄂足得華之光明,則韡韡然盛。 韡 其反而」,則《爾雅 棣,移也。 喪」、「原隰」之下,各有「兄弟」字,豈可爲蒙上之詞? 鄭,而較鄭尤精當,存之。 花苞也。 常之華」,則《爾雅 曰〗《何彼穠矣》「唐棣之華」與《論語 《毛傳》之謬。 [宋氏祁曰]世人多誤以常棣爲唐棣,於兄弟用 日三 》謂 [〔鄭氏康成曰〕承華者曰鄂,不當作柎。 戸 原 集釋』(《集傳》)常棣、棣也。 不、跗 哀聚於原野之間」,令人可畏復可笑也。 隰裒」,只説 移開而反合者也。 又云「不,猶豈不也」,並謬。 同,花蒂也。 》所 》所謂移也。 原 謂棣 原隰 字。 也。 威畏也。 廣 「遍插茱萸少一人」也。 《集傳》以 裒,損少意。 野 此兩物不 此常棣與《采薇 二者異木也。 が姚 之地,不 氏際恒 》所舉 原 子如 鄂 相親。 相 隰 唐 《易》云 爲「鄂然」, 日 [案]姚説本 櫻 值 柎,鄂足 裒 鄂、 棣之華,偏 則 桃,可 》詩日 鄂 「李氏樗 姚 之。 兄 且 萼 不 「裒多 氏際 弟 《集 一死 維 也 同 食 韡 又 唐 必

兩相 鳥 下急難外侮。 隰」,乃山川之變。 損少,則變遷之意。上言「死喪」,乃人事之變。下言「原 少」於其内,豈得 不達文義矣。〔愚案〕詩詞無「尸聚」字,亦無「人少」字。 集傳》既以 也。 形,可 《爾雅 調曲 意增 作鵬 故兩言兄弟,與下兩言良朋,一主一陪,兩 盡人情,文亦整飭有法。 謂爲確訓? 加 總以見勢當變亂,始覺兄弟情親,起 户 鴒。 、聚」於其中,姚氏又以意增添「人 《禽經》「脊令友悌」。 蓋原隰者,陵谷 脊令離渠,水 也。 「陸 裒爲 氏 璣

氏際恒日〕戎,兵也。 但長歎而 當大雪。」況〔季氏本 陸氏佃日》物類 己。 鬩鬥狠也。 曰〕況與怛同,言朋 言有外侮,朋雖衆也,無有兵相 相感志》曰: 禦禁也。 「俗呼雪姑,鳴則天 烝衆也。 友情雖愴怳,亦 戎 姚 助

曰〕大如鷃雀,腹下白,頸下黑,

如連錢,杜陽人謂

之連

伐木

燕朋友、親戚、兄弟

也

也。 矣 經典通爲妻帑字,今讀音 翕合也。 儐 陳也。 帑子也。 飫饜也。 〔陸氏德明日 孥 具 也。 俱 也。 究 窮 孺小兒之慕父母 〕帑依字吐蕩反。 也 圖 謀 也。

【標韻】 鞾五尾。弟八薺。通韻。 威五微。

懷九佳。 慮反。 十四四 韻。 闕疑 寒。 帑七虞。 孺 寧九青。 歎 七遇。 通 同。 韻。 乎同。 本韻 通 生八 裒十一尤。 韻。 本韻。 庚。 務 琴 通 作侮,七麇。 十二侵。 求同。 韻 飫 本 湛 六御, 戎 韻。 同。 叶於 東。 本 難

粲 灑 章 戚。 父。 生。 矣, 于喬木。 之失德,乾餱以 釃 酒 猶求 伐木許許,釃酒有藇。 朋友。 親。 寧適不來,微我 有 掃, 伐木 衍 陳饋 寧適不來,微我弗顧。 友聲。 嚶其鳴矣,求其友聲。此。 丁丁,鳥鳴嚶嚶。 神之聽之,終和且平。 籩 八簋。 豆有踐, 愆 矧伊人矣,人本意。 有咎。 曲 既 兄弟無 有 筆 既有肥貯,以 肥牡 二章 興。 有 言極婉 酒 遠。 出自 接得奇妙 以 伐 湑 木于 速諸 我, 弟兄。 幽谷。 而 不求 相 和。 速 彼 無 阪, 民 友 遷 酒 於 鳥

經 原 始

暇 酤 矣,飲此湑 我 坎坎鼓我 矣。 蹲 蹲 舞 我。 極盡 歡 樂。 迨我

耳。 非也 友。 友通 真,燕饗亦未 之,亦「終和且 明,始終不渝 諸父諸舅與兄弟皆言燕饗之事,唯朋 實燕饗非結 此下但分言燕饗,而不必更及朋友矣。 友不離乎兄弟親 不之及, 豈篤 集傳》引劉氏説爲三章,以詩中有三「伐木」也。 五 所貴 用之樂歌 倫之一也。 故首章統言 右《伐木》三章,章十二句。 蓋兄弟親 乎朋 以 必能 於内者 也。 平」,已貫下親戚兄弟 心性,要之神明 友者,心 如嚶 戚,親戚兄弟自可以 戚 不 朋友之交,當 久且樂也。 中間兼 中,皆有友道在 ·但此 鳴友聲,雖使神之聽 必 性相 疎於外 也,朱氏 言親戚兄 投 此 乎? 可質 舊本六章,從 道 則 友 情誼 義 善 道 也 弟, 在 諸 曰 : 相 所 爲 曰: 友 此 内。 其 以 朋 不 神 交 朋 反 而 朋

> 取友義 豈詩人本意歟 爲天子之詩,意未 之所存 爲貶,内取 爲屈,以 踈之而爲異姓,其分雖不同 也。 而不爲泛。 ____ 而爲父兄,卑之而 「人之所以資乎朋 貴之而爲天子,賤 故以賤交貴而 故也,故 也。 卑就尊 之同姓 道之所 而 E 何貴賤親 朋 而 友 友通用之樂歌。 爲子弟,親之而 免視友道爲甚狹已 不爲僭,以 而 不爲 存 (者,以 不爲 ,德之所存,即吾 之 踈 之 間 哉 諂 昵,外取 而 以以 明 而 爲 道 尊就 貴 其 也,以 庶人,尊之 交 可 ??此 爲同姓 卑 或 之異 賤 友 旧 而 則 進 而 詩 友 姓 不 如 不

爲樂。 内 明 可質。 ",故首章不言燕享,而 須 眉評】[一章]佳句,極爲閒 [二章]親戚 玩他措詞 不同,各還 則婉 但 以 詞 神聽和平要其 相 其分處。 招。 雅渾成。 一章〕兄 然總 信誓也 弟 歸之友朋 朋 友則 則 鼓 舞

集釋】丁丁伐木相 應聲。 嚶 文嬰兩鳥 也。

蹲

蹲

速召 幺 食之薄 如 傳》所云,直罵客耳,非速賓也。 來,①微我弗 新 縮 酒者,或以筐,或以草,沸之而去其糟也。 許許〔《集傳》〕許許,衆人共力之聲。 鼓 不至也」,迂拙之甚。 大木者呼邪許,蓋舉衆勸力之歌也。」 鄭 集傳》云「謂 微我有咎」,謂無乃以我有咎也。 去滓 此 成 用茅」是 深也。 簋 氏康 也。 也 器之盛也。 者也。 也。 衍多也。 成 藇 也。 微 相去聲,視也。 曰〕五齊,醴尤濁,和之以明酌,藉之以茅。 美貌。 明酌 顧, 寧使彼適 無 愆 ○《禮 也。 過 謂 者,事酒之上也。 踐 陳例. 咎過也。 也。 寧得不來乎? 記 〔案〕速客當婉詞以致其誠,若《集 羜〔郭氏璞曰〕今俗呼五月羔爲羜。 顧 有故而不來, 念也。 湑 郊特性〗縮 也。 矧況也。 亦 (姚氏 釃 講學家之不善體 於歎 無遠皆在 也。 自反之意,較前蓋深。 事酒,今之醳酒,皆 而無使我恩意之有 無 際 釃 《淮南子》 酌 酤買也。 辭。 神 乃不我 恒 酒气集傳 用茅,明 聽 《禮》所 日 也。 粲 盟誓之意。 」「寧 行解 鮮 Ĭ: 人情也 坎 乾 明 酌 謂 時 也。 坎 也 也。 餱 縮 不 釃

> 許六語。 遠阮。 咎並 埽十 木同。 塵。 鼓、 同。 -九皓。 本韻。 標韻】丁九青。 愆一 舞並同。 叶韻。 藇、羜並同。 簋 先,叶 四 鳴庚。 [紙,叶 起 湑 阪 淺 同 十三阮。 反。 己有反。 上。 嚶八庚。 父七虞。 聲、生、 叶 通 韻 韻 衍 牡 平 通 顧 十六銑。 <u>-</u> 湑 七遇。 並 韻 六語 同。 五. 有 谷 叶 本 踐 舅、 韻 韻 同。 屋。 七

天保 祝君 福 也

不除。 興。 遐 爾, 福 俾爾 如 天保定爾 維 俾爾多 Ш 戩 日 如 穀。 不足。 阜 益,以 , 亦 罄 如 岡 無 孔之固 章 如 不宜,受天百禄 莫不 陵 天 庶。 保定 俾 如 111 爾 爾,以 章 單 之方至,以 厚 天 莫 保 降 何 不 爾 定 福

0 時 詩 經 通 論》作 「適」當據改

升。 群黎百姓,徧爲爾德。 神之弔矣,詒爾多 烝嘗,于公先 不 增。 爾 如 或 南 承。 山 之壽,不 王。 六章 吉蠲 福。 君曰 爲 騫不 饎,●是用孝享。 五章如月之恒,如日之 民之質矣,日用飲食 1 爾 ·崩。 萬 如松柏之茂 壽 無 疆 禴 四 祠 章

下臣 天 亦 報 次第應如是耳,不可泥以説詩也。 下 意,前三章皆天之福 臣 地 爲 近 僞 1 於諛 此 神 党遗尚 也,且 也。 民 其 右《天保》六章,章六句。《序》謂「 祇之福 耳 祝 章乃臣報君。 乎? 頌且多複筆, 一臣必 有 鄭氏、《集傳》遂謂 蓋 愛君 即 君之福即民之福 豈知臣之祝君,非但 待 天下臣民億萬衆同 之 君 君,後三章皆神之福 誠 賜 殊知 亦略 哉 而 ? 後 五章 無 報 此 前 規 君 不 則 中 Ŧi. 誳 全詩 過 所 非 章 一人受 意,不 君也 享天 編 報 皆 盡 下 大 詩 者 君 君

> 享哉? 夸。 른 詎 也。 德未徧,天雖 至,其實 以然耳。 中,日用飲食皆君 地 福之君,然後在 E 得以 神 群黎 若後 故 臣 祇之福。 是爲名高 極 以 是知 以「德徧 百姓 世 前後 其 此 頌 頌 頌 君 有 ~,徧 其所係不綦重歟? 中 君,臣 禱 雖 下 福 福 歟 群 帶 爲 不爲 極 有受福之民 君 福 而 黎 諷 爾 言 自 所庇,而 不 不 天神)諛,反 德」,是必 降,神 一句 未 致 過 耳, 免有意於其 盡 爲 降 覆 其 又豈 不自 非 主。 福 譬 心 民 在 特 一肯受 喻 所 所 無 夫 知 民 1 故 欲 能 而 使 所 其 有 在 間 非 祝 其 君 不 所 多 又 而 福

【眉評】全詩以「德」字爲主。

傾 爾 集 指 釋 君也。 安也。 「歐 陽 〔曹氏 氏 修 日 粹中 詩 日 人爾其君,蓋稱 二保 則 不 危 定 天 則

不

^{●「}饎」,原作「禧」,據《毛詩正義》改。

穿地而 注: 以爲言。 也。 之方至」,言其盛長之未可量也。 阜,大阜曰陵。 盡 也。 也。 春禴當之,更名春曰祠。 則禴、禘、嘗、烝、《王制》文也。 嘗,嘗新穀。 烝。 [《集傳》] 日擇士之善。 [《集傳》]聞人氏 古 ,詩以便文,故不依先後。 「炊黍稷曰饎。」〔邢氏昺曰〕言饎之一字通酒食兩名 「司馬 [孔氏穎達曰]孫炎曰:「祠之言食。 享獻也。 公〔《集傳》〕公,先公也。 流也。 遐遠也。 〔王氏質曰〕人傳天辭。 **一**饒,酒 八氏遷曰 單 烝,進品 盡 [蔡氏邕日]衆流注海日 宗廟之祭,春日祠,夏日禴,秋日嘗,冬日 蠲 皆高大之意。 食也。 也。 日: 阜岡 〕亞圉子公叔祖類,公叔祖類子古公會 [《集傳》]蠲,言齊戒滌濯之潔 物也。 「戩,與翦同,盡 除 〔劉氏瑾曰〕《儀 除舊而 〔案〕詩日 陵〔《集傳》〕高平曰陸,大陸曰 此皆《周禮 若以四時,當云祠、禴、嘗、 至周公則去夏禘之名,以 川〔劉氏熙 謂后稷以下至公叔 生 古〔《集傳》〕吉,言諏 新 如《皇矣》「帝謂 「禴祠烝賞」,取叶 也。 也。」穀善也 川。 文。 禮》有「饎 礿,新菜可 庶 〔《集傳》〕「川 日〕川,穿 自殷以: 衆也。 祖 地, 也。 上 饎 罄 戩 韻 類

> 恒弦也。 也。 父。 《少牢》云「皇尸命工祝,承致多福無疆,于汝孝孫」之等, 嘏主人之祠。〔毛氏萇曰〕尸,所以象神。 皆爲先公。 表 是傳神詞。 傳》記君,通謂先公先王也。卜,猶期也。 衮冕,祀先公以鷩冕,乃是天子祭先公之禮耳。 上,則止祀以先公之禮。 王業肇於太王、王季、文王,故追王三王。 至於組 》稱叔類,凡四名。 [孔氏穎達曰]周之所追,太王以下。 〔司馬氏貞曰〕《世本》云太公、組紺、諸盩,《三代 [陸氏德明日]恒,本亦作 (《語録 嘏,主人也。 》]問: 先王《集傳》]先王,太王 朱子曰:然。 **円** 至也。 古無追王之禮、武王、周 治遺 縆。 《周禮 此尸傳 〔孔氏穎達日 也。 升 其太王之前 出 》祀先 質實也。 神 意以 王以 紺以 公以 以 騫 下 世

增並同。 德同 穀 王、疆同。 屋。 標 叶 禄同。 本韻。享二十二養,叶虚良反。 韻 韻。 叶 韻。 古 升十一 足二沃。 七遇。 福 蒸。 屋,叶 除 通 崩、承並同 六御。 韻。 筆力反。 興 庶 + 同。 食十三 本韻。 嘗七陽。 蒸。 通 陵、 韻。

虧也。

采薇 戍役歸也。

陽止。 采薇采薇,薇亦柔 家, 玁狁之故 起,是一 彼 四 章調變。 行 心 來 Ŧī. 四 憂心烈烈,載飢 思 牡翼翼, 四 牡業業。 不來。三章 傷悲,莫知我哀。 牡 采薇采薇 雨 昔我往矣,楊柳依 采薇采薇 格調。 王事靡盬,不遑啟處。憂心孔疾,我 四四 彼路斯 雪霏 象弭 牡 豈敢定居,一月三捷。 日 霏 騤 何? 彼爾 薇 歸 魚服。 不 載 薇亦作止。前三章皆以「采薇 騤。 渴。 追 啟 止 曰 行 亦剛 歸,歲 六章 維 道遲遲,載 君子之車。 君子所依 豈不日戒,獨狁 何 ? 我戍未定,靡使歸 曰歸 居、玁狁之故。 岸 依。末章又一變。 亦 日 維 日 莫 歸,心亦憂止 歸 常之華。 岸 渴 小 戎車既 載 人 四章 歸,歲亦 靡 飢 所 孔 今我 室 此二 聘。 腓。 棘。 駕 我 駕 」興 靡

何能 氏謂 聘」者,雖有書不 日 傳 三捷耳。 在 疾,我行不來」者,雖生離猶死別 生還,豈念室家? 之故與在戍之形而 何哀之有耶? 故曰「莫知我哀」。 情實景,感時傷事,别有深情,非可言喻, 景亦可代言,則景必不真。景不真,詩 預計,而柳往雪來,斷非逆覩。 方遣所能逆料 歸」及「今我來思」等語,皆既歸之詞,非 戍,非戰不可。 》皆以爲遣 動 戍役還歸詩也,蓋以 石《采薇》六章,章八句。 人乎? 若其防守,尤加警戒,玁狁之難 戍役而 者也。 其前五章,不過追述出 此詩之佳,全在末章。 暇寄 敢 已。 不然,凱奏生還,樂矣, 日一 代其自言之作。 定 愚謂曰 也。 居 我戍未定,靡 蓋壯士從征 乎, 詩中明言「日 又曰「憂 歸 歲暮,可 小序》、《 使當前 月二 也。 不 戰 至於 心 使 唯 戍 孔 願 真 亦 歸 以 姚 集 好

集 子》文王事昆夷事 作 此 柳 遠 非 情 知 未 並 而 或以爲宣王時,更或謂季歷時,都不可 而 然否 方盛 矣。 及 此 ... 景, 可 亦不能定其 時序頓殊,故不覺觸景愴懷耳。 傳》、姚氏 何可以 (西戎。 近是。 忽也。 詩 不 亦指 於是乃從容 ,此日之景象,雨雪霏微。 啻 大抵遣戍時世 人代言耶 今何幸而生還矣,且望鄉關 姚氏又謂文王 至作詩世代,或以爲文王 爲 目 同 文 爲 前, 駁《大序》,謂文王時 王 何王。 ,謂下章西戎即昆夷,遂 又 時 П ? 何 作。 憶,往時之風 故以 必 唯李氏 難以 無伐 然詩言 强 戍役 不 臆 玁狁事 塨 斷,詩 知 玁狁 歸 詩意若 引《孟 之非, 光, 以 者自 轉 未 攷。 時, 爲 中 而 眴 楊 未

非 E 一所苦。 眉評」 〔二章〕不問 章〕首章重言事 家事。 \subseteq 一章 故 誓 以 無 見 生還 義 不 容 辭 四

知

耶

列

章 傷。 詞。 戰 絶世文情,千古常新 末乃言歸 勝。 [五章]守嚴。 途景物, 並 〔六章〕以 П 憶 來時 風 上 光 Ŧi. 不 章, 皆追 禁 黯 然神 述之

常常棣 既成 北狄 魚服 斑,腹下純青,可爲弓 樗曰〕言此車 稱路者、《左傳》: 〔董氏逌曰〕《爾雅注》、《説文》皆作 《易》之《咸》、《艮》,皆取象以著其隨 鴟張之狀。 乘 稱 其乘路車而稱君 路也。 也。 也 ௱ [《集傳》]魚,獸名, 剛 也,解 集釋】薇解見《草蟲》。 腓 也。 柔始生而弱也。 業業出也。 乃君 猶 見 象弭〔《集傳》〕象弭,以 花也。 陽 《常棣》。 鄭子蟜、 子所 十月 子,故知謂將 鞬 處, 〔董氏 矢服也 也。 似豬。 叔孫豹,王賜之大路 小 捷勝也。 路戎車 烈烈憂貌 人則從 今以十 逌 日」案字 帥。 東海有之。 作生出 戒 也。 而 警也 物以動 月 孔 騤騤 繭。 動 爲 象骨飾弓 君子 書腓,脛 也 地也。 氏穎 聘問 小 繭 棘急也。 强也。 也。 陽 其 翼 達 將 華 月。 也 皮背上 是卿車 朔也 (李氏 日〕得 翼 腨 盛 帥 玁 貌。 也 依 也 爾 岡 狁 行

猶

得

以

【標韻】作七遇。 莫、故 並 同。 本 柔

尤。 同 本 韻 烈 九 屑

七

曷

十

麻。 陽。 霏 韻 宥,叶訖力反。 韻 屋, 陽同。 車 叶 騤 定二十五 遲支。 同。 蒲 四支。 北 本 本 反。 來十 韻 飢 腓 韻 徑 同。 棘 Ŧī. 聘二十 灰,叶立直反。 盬 職。 微。 業 悲 七 + 同。 塵。 通 叶 七 四 韻 韻 治。 哀十 處 敬 六語。 翼十三 捷 灰。 依 叶 通 渴 + 微。 韻。 韻 通 六 疚 職。 葉。 韻 思 二十六 華 剛 支。 服 叶 通 六 七

出 車 征 大還 也

來矣。 方。 心 子 旐矣,建彼旄 其棘矣。 命 |悄悄,僕夫況瘁。二章 我,城 天子命仲 我 召 出 一章 彼僕 我 彼 之言 車 矣。 朔 夫,謂 于 我 方。 出 出 彼 彼 旗 牧矣。 車 我 之載矣。 仲於是乘 旐 彭 車,于彼 斯, 彭 王命 自 旅 建 胡 王事 天子 旐,宣傳天子 南仲,往城 不 郊矣。 旐 旆 央 所, 多 旆 央。 難 設 謂 天 于 此 憂 維 我

> 歸。 采繁祁 戎。 豈不 塗。 稱。 見君子,我心則降。 草蟲,趯 赫 昔 赫 看似間襍,其 五章 我往矣,黍 - 懷歸? 征夫途中 赫 南 祁。 赫 仲 趯 ", 玁 南仲, 玁狁于 春 阜 此真還 往 日 畏此 狁 實 來 遲 景象。 非 稷 于 鄉景物也。 遲,卉木 間 簡 方 襄。 未見君子,憂心 襍 插此 書。 華。 也。 王 夷。 大將 事 又生 赫 筆,乃與前後二章景物 今我來 萋 執訊 多 六章 威靈,所 赫 萋。 難 波 南 獲 仲 不 思 倉 向 醜 四 忡 克 n, 雨 遑 庚 章 薄 忡。 喈 啟 言還 伐 雪 喓 三章 喈 居 既 載 喓 西

非 實 出 還率」。 天子」,亦於語氣不合。 君 非 征 勞臣 也。 之時」,而 右《出 《集傳》因之,以爲「追言其始受命 蓋 之 車》六章,章 「赫 詞。 爲歌以勞之。 赫 且. 南 君自 仲」等語,乃下頌 八 大略此詩 稱 句。 其言似 王 ^ 命」, 序 》謂 作 於當 是 自 稱 而 勞

是

不

但

此

也

靈

٠<u>,</u>

同

士卒勞苦,

朔

方

而

邊

患自

除

喪

膽

玁

狁

攝

服。

加

鄭

重

義

正

詞

耳

目

次又言

所見爲實景,室家思念爲 世王者,採 正意 非 嚴,聲 王之命 故 方 赫 人語 白 何 飛揚,僕夫況瘁,已 南 赫赫 ,出征爲 不煩 寫 觀其首 伐玁狁爲主腦,西 · 議 能 仲 以 靈 出 意,是烏 集 仲, 入樂,用 口 收 勳 南 一鏃 百 傳》又誤 軍 業 功 虚 仲上承天子 仲 倍 驚 二章,先敘 追述 立 懷。 望 早 復 之 心 能辨 效之速如 矢, 但 之 勞還 事 承 動 ?,征夫 ·使敵 頭 以 魄, 而 西 王 詩 緒 爲 戎, 己。 率 威 將 往 城 出 戎 之 人 愈 照 既 勞 矣 ! 矣。 天子 者所 天子 祁祁 無 古 難 時 略 故 迨至今而 室家,撫景懷 而 常武》有 確 征 有 ,簡書迫我,故不敢顧私 以 自 然 , 歸 季 見。 而 能言歟? 郊外,而 解 得 非 夫往 此 非 勝王 矣。 明 以 詩 他 南 功大帥。 鄭氏 春回 天子歸之殷 德 「南仲太祖 意 將 來,景物變遷,固覺 仲 此尤見南仲恩威,並 師 及 人,窜 壯 所能及者。 也 之功 以爲文王時 加 日 僞 士凱 至南仲時代,諸 0 煖,草 諸 傳 西 讀 無怨思? 一隅亡虜, 又 而 1 戎既 還,則執 者 王。 誰 以 長鶯 試試

大將

征

伐聲

一勢,赫:

軍

車旂之盛。

旟旐

多

結體易於散漫。

來

爲

餘

波

,凱還爲

工

拙

也

哉?

此

詩

以

南

仲

而

作

遂

失

詩

* | | | |

未能

分晰

明

然當

其

將

還

未

還

著

謀

國

遠

可

感。

即

其

更不

待

蚵

刃

情

而

辭公義耳。

總

以王事多

飛,采繁婦子,

以

幡

其

庸

蓋

將

以

時

征

夫,後

語

然

《常

武

爲

爲

宣

Ŧ

時

大

姚

氏已駁其

迂

伐、玁

狁

之平

愈

訊

獲

醜,獻俘

功

哉?

於虖

盛

咏

其

辭

· 豈

勞

之

人,因文王不

爲

家

所致,亦

四

匈 時。 令史 獻 之美,而 證歟? 伐玁狁, 獨 宣王之上世 運 俘,皆以 奴傳》又引《出車》之詩,謂 • 匈 處,故能 漢 唯全詩 且. 則 書 奴傳》云 南 有 又在 人 可 使繁者理 製 仲 知 局 爲 一城玁狁,一伐西戎,一 宣王 表》 在 整嚴 束 但 筆。 一時。 襄 有 不 之妙。 而 王 知 南 散者 不唯 史已無 時,又云在 果 中, 何 見功歸 宣 齊也 此 在 王 王命 作 厲 據, 耳? 者 王 懿 斤 將 復 將 時。 歸 王 112 帥 何 征 案

是一 看他 寫,鄭 章〕忽從其室家 了 ,完密之至 玁狁是正意,西戎乃餘波,故 事,此下又生一事。 篇《點兵行》。 處處帶定南仲 重之至,赫奕之至。 眉 評】「一、二章」將出 面,寫其未能 〔三章〕王 章法自 以事之曲 是全詩警策處。 能 命仲言 融成一片。 即 征先寫車旂僕從之盛, 曰 歸 折爲文之波 ,仲傳 薄伐 事,愈閒 末仍歸 王 [四章]以上 命 而 「六章」 兩 文 重 愈 面 玁 須 曲 Ŧī. 互.

也。

其

後鄰國

有戒命,則

亦謂之簡書耳。

執

訊

其魁

首 書 第 簡

謂當時天子

有此簡書

其中

有

同

惡之語

非

鄰國

之簡

書。』簡書

,同惡

相

衈

之謂

也。

請救邢以

從簡

書。」

此 此

畏

城朔 央鮮明 各隨 管敬仲言于齊侯曰: 則奔命救之。」此用《左傳》而誤 子策命也。《毛傳》 靈 同。 所謂前朱雀而後玄武也。 干之首也。 郊。 也。 失伍離次矣。 夏等州 其方以 方而玁狁之難除也。 郊〔劉氏 設陳 南仲此時 也。 集 也。 之 釋】牧公爾雅 爲前後左右 旟 赫 地。 瑾 旆 烏隼日 旐 大將也。 赫 日 旆飛揚之貌。 》謂: 彭 龜 威 都 蛇 「《詩》云:『豈不懷歸? 名 彭 旟。 日 城 「戒命。 光顯 衆 進 説見篇中。 楊氏曰: 外 旐 簡 〔《集傳》〕鳥 》〕郊外謂之牧 盛貌。 退 五 書 也。 有 十里 也。 鄰國有急,以簡 建 度, 悄悄憂貌。 (姚氏際恒日)簡書,天 立 師行之法,四 襄 閔元年,狄人伐邢。 旂 爲 各司其局 也。 除 方指朔方也。 交龍 近 隼龜蛇,《 也。 郊, 蓋 旄 爲 7程 言 百 注 旂。 書 況 方之星 則 里 旄 可 子 曲 相 與 爲 放 士 於 召 日 禮 央 怳 今 無 旗 遠 牧

當訊 敵 也 問 ,于夷者蕩平而 者 也。 醜 徒 無事 衆也。 也 夷平也。 于襄者埽除 而 無

降三江。 居六魚。 佳。 韻 方、襄並同。 隊。 祁 斾 棘十三職。 支。 九泰。 戎東。 が韻 数 数 数 書 歸五微。 同。 本韻。 瘁 轉 叶 屋。 叶 四 韻。 韻 夷支。 真。 韻 華 來十灰,叶 遲四支。 六麻,叶芳無反。 蟲 通 郊三肴。 通韻 韻。 東。 方七 萋八齊。 六直反。 螽、 旄四豪。 陽。 忡 塗七虞。 並 喈九 載十 央、 同 通

我 北 卉木萋止,女心悲止,●征夫歸止。二章陟彼 有 車 杕之杜 憚 山 日。 憚 ,言采其 有 四 日 杕之杜,有睆其實。王事 月陽 杕杜 ,其葉萋萋。 牡 杞。 痯 止,女心傷止,征 痯 念征 征 王事 夫也。 夫不遠。三章 王事 靡盬, 憂我父 靡盬,我心傷 夫遑 **予**靡 鹽 止 母 匪 載 繼 悲 檀 匪 嗣

偕止,會言近止,征夫邇止。四章來,憂心孔疚。期逝不至,而多爲恤。卜筮

哉 ? 可歸 詩本室家思其 子作悲泣狀也。即使爲之,何益勞者 邇 亦 日 而 勞者受之耶? 人法乎? 故作此婦人思夫之詞以媚之,天下有 勞還役」。 不遠矣。 又故曲其説 ,豈尚誑 「征夫遑止」,言可以 也。 右《杕杜》 繼則 既又曰「征夫不遠」,言雖未 聖王縱曲體人情,亦不代 耶? 日 勞之而不慰其心、酬 終則 「征夫歸 八夫歸而 以文所 四章,章七句。 大抵儒者説詩,非迂即 始終望歸 曰「征夫邇止」,言歸 止」,言計其歸期 未即歸之詞,故始 短,則詩旨愈晦 暇矣, 曷爲 而 未遽歸, **^** 小 其 而 序》 力 故作 歸 不 是 程 而 腐, 其 則 此 妻 子 謂 實 謂

❶ 「止」,原作「正」,據雲南本及《毛詩正義》改

識 此 王 事 猜 見之大,詎 ·爲重 疑 無定之詞 ,不敢以私 得 以 耳。 尋常兒女情 情廢公義 然期 望 雖 視之耶 也。 殷, 此 而 ? 詩 終 以 人

愈瑣而心愈迫矣。 情無限。 |章]思而不歸,則代憂其父母,且慮及 眉評】四章落筆,均望征夫之歸,而 [四章]再期不至,卜 - 筮兼 詢 情 切 車 可 馬 各極 知。 疲 敝 其 蓋 深 事

章

章

章

事先筮 裝也 時 續 之惶惑不定也。 也。 也。 而後卜,小事 逝 檀 陽十月也。 集釋】杕杜解見《唐 往 車 也。 役 車 會合也。 恤 也。 引則龜筮 遑 憂也。 暇 憚 也。 憚 蓍 不 1 相襲。 龜之辭 敝貌。 萋萋盛貌。 筮 杕杜》。 [何氏楷曰]《禮》,大 合 今 痯 相襲 痯 院實貌。 也 1疲貌。 俱 春將 作, 莫之 以 載 嗣 心

滿尾 同 傷、遑並同。 上。 反 歸 標 叶 Ŧi. 韻】實四質。 微。 韻 本 通 韻 憚 韻 十六銑。 萋八齊。 日 杞四 同。 痯 紙。 悲四支。 本 十四四 母 韻 早。 <u>-</u> + 陽 五有 遠 萋、 七 十三 陽。 悲 叶

> 力反。 阮 通 至四 韻 真。 來十灰,叶立直反。 恤 四質。 邇 四 紙 疚 二十五 叶 韻 有 叶 託

六

魚麗 燕嘉 賓也

維 二句。 禮均皆用之,則亦未爲過 且 非。」然此詩本無義意,不過極言餚饌 已辨之。 武始于憂勤,終于逸樂」,贅説失理,前 其偕矣。 此王者燕饗臣 物 魚麗于罶,鰋鯉。 魚麗于罶,魴鯉。 美,故宴饗可 魚麗 其 右《魚麗》六章,三章章四 多 從古本,仍歸入《鹿鳴之什 于罶 五章 矣,維其 《集傳》謂 鱨鯊。 物其有矣,維其 以 工之樂歌。 (嘉矣。 通 『宴饗通用之樂歌』,亦 君子有 君子有 君子 用 四 有 也。 且 章 酒 酒 《大序》謂『文 酒 燕 旨 多 ,当 唯 、時矣。 禮、 句,三章章 物 姚 因《儀禮 且旨。 其旨 且有。三 且 氏 鄉 六章 飲 之多 日 酒 人

必擅 哉 ? 間 謬 和 乃 燕賓之禮自當如是。 妄而已。愚故仍移置《南陔》之前,以復其 後,以爲篇次當如此。 三詩之間, 華黍》既與《鹿鳴》三詩間歌,何不並移置 歌《鹿 悠之談,均覺可厭 移《南陔》於此,而 而 移古聖經文也。 及至 物 此可見其心游移,尚無成見,徒成其 類 鳴》三章,後即 用樂 多 而 禮 但 ,自有《儀禮》次序可循,不 意周 移 此 以《魚麗》次《華黍》之 而 若夫餚酒備極豐美, 以 而諸家必衍 然《南陔》、《白華》、 賢士就,亦屬 間歌《魚麗》三章, 配《 由 庚》者, 至 一陰陽 附 何 會

【眉評】重重再描一層,是畫家渲染法。

符 魚 \Box 性 而承梁之空者也。 浮而 魚多 集釋】麗 善飛 種 有極大者. 躍,故 歷 也。 日 鱨 其 揚 揚也。 罶 皮如 也。 沙,今人以 集 鯊鮀 陸 傳 氏 》」闡, 也。 佃 日 へ 濮 爲 以 二今 刀 氏 曲 劍 黄 薄 鞘 之 雌 爲

> 魚。 鮎,別名鯷。」孫炎以爲鰋 穎達曰〕《釋魚》有鰋、鮎。 《本草》云: 吹沙,小魚耳。 有猶多也。 蠡, 鱧 名鮦,今黑鯉 鮦 也。 鮎 (嚴氏粲日)毛氏以鱧 郭 璞 魚,郭 魚 日: 也。 璞以鰋 「今鰋額白 鰋 鮎 也。 、鮎各爲 魚 爲 八孔氏 也 鮦

多歌。 通韻 六麻。 叶 韻 【標韻】 罶二十五有。 多五歌。 嘉麻。 鯉四紙。 有同上。 轉 隔 韻 時四支,叶上紙反。 有二十五有,叶 句 轉 旨紙。 韻 酒同。 偕九佳, 鱧 羽已反。 八薺。 隔 叶 句 叶舉里 韻。 旨 叶 四 韻。 反 鯊

外? 治内? 杜》則 之樂,而《四牡 今觀之乃不盡 云:「文、武以《天保》以上治内、《采薇》以下治外。」 而 征 以 《采薇》以 且 婦思夫、《魚麗》則王者燕賓,又胡 上 《常 然。 棣 》則勤王事、《皇華》則 鹿 》乃周公之作,《采薇 下四章,雖多將 《鹿鳴》以下六篇,雖多 鳴之什》,凡十篇。 土征 遣使臣,何以 成之詩 》未定何 君 《大序 以 臣 而 王之 云治 燕 《秋 云

附 詩,文、武安能用以爲樂? 而 無理 也 即此可見詩《序》之爲,徒

南 陔之什

什首。 什》,則《小雅》皆復孔子之舊。」今從之,而以《南陔》爲 之什》,遂改什首。 戰國及秦,亡之,而獨存其義。毛公傳詩,附之《鹿 古者鄉飲酒、燕禮皆用之,孔子編《詩》,蓋亦取焉。 南陔》以下三詩,蘇氏轍云:「此三詩皆亡其 予以爲非古,於是復爲 《南陔之 辭。 鳴 歷

南陔笙詩也,辭亡。

白 華 同 上。

華 - 黍同上。

《集傳》以爲「有聲無詞」。 古亡、無字 遂以亡爲無,謂 右三詩、《序》謂「有其義而亡其辭」, 通 然 本 無 無 其 其辭 辭 又何 ,非亡之也。 於是諸家解者 以有 其 義 蓋

乎? 皆爲金奏,則奏亦辭 《肆夏》即《時邁》,《樊遏》爲《昭夏》,即《執 《騶虞》亦云『奏』。《周禮》有《九夏》,《國 《華黍》,曰『笙』、曰『樂』、曰『奏』而不言 《四牡》以下曰『歌』,於《南陔》、《白 笙,歌自爲歌,一歌間一笙,風、雅、頌之歌 心,聲託於器。凡樂由心生,聲由辭生。 得以有聲無辭之空名寄之雅中? 删《禮》也。 射》亦《儀禮》也,云奏《騶虞》、《貍首》,而 『歌』,以此爲有聲無 有辭然後有聲,聲無辭不成章。若笙自爲 競》、《渠》爲《納夏》,即《思文》,皆有 五六篇爾?」又謂: 三百,即合有三百笙,奚獨《南陔》、《白華》 語》稱金奏《肆夏》、《樊 郝氏敬辨之云"「夫聖人删《詩》,非 笙歌相間 《儀 也。 辭之徵。今案: 自有《儀禮》在, 遏》、《渠》。 《南陔》、《白華》 禮》於《鹿鳴》、 案: 華 生於 《鄉 何 而

有聲而 有聲 樂。 也。 《七月》,亦猶笙吹《南陔》、《白華》、《華黍》 即 耳。」愚謂樂固有有聲無辭者,不得謂盡 辭乎?」大抵歌即樂也,未有有聲無辭 謂管奏《維清》于堂下。 歌《清廟》,下管《象》。 之名,即《九夏》之類。 有譜焉。 又《禮記・文王世子》、明堂位》《祭統》,升 笙奏《南陔》、《白華》,獨 環佩》、《龍 《豳》有辭,而《南陔》以 籥章》以 即 《集傳》又云:「意古經篇題之下,必 · 滄 第 有 無辭,但非《南陔》、《白華》可比 辭也。 能 如投壺 海龍吟》、《天風 狀 吟》, 籥吹豳詩,即《七月》。 其 古之樂不可知,今之樂如 形 何 魯鼓 聲,即 辭 《象》即《維清 可譜? 薛鼓之節而亡 管有辭,而笙 金奏《九夏》有 無 樂之佳者,故 環佩》之類,均 辭乎? 下獨無辭乎? 聲 即 譜 又《周 籥吹 世。 獨 譜 辭 之 皆 之 無 無

> 耶? 其義尚 知非詩 既明辨《序》、《傳》得失,故僅存詩目於此, 和 正 辭 敷衍成義,又不待明者而自知其僞矣。 傳》駁之,以爲尤無理也。 曰 日 就篇名以立義。 而 名,有題可標,而 意? 也。 歲豐宜黍稷也」,則明是就「華 辭亡者近是。 「孝子相戒以養也」,猶可説 「孝子之絜白也」,果何謂乎? 且其 若《南陔》、《白華》,則明明有篇 在後也。 人借以起興,借以譬喻,然後再入 烏能就此二字即 所序之義,又多無理。 《南陔》、《白華》之謂,安 獨 唯《序》之所謂義者,又僅 夫詩篇名,只取首二字, 無辭乎? 至《華黍 可發全詩大義 也。 故 以 黍」二字 無怪《集 令白 《南 ₩ E 爲 華》 陔 口

南有嘉魚 娱賓也。

而

不復爲之補序云

三九

子有 式 又 翩翩者鵻,烝然來思。 瓠纍之。 燕 思。 酒 以 南 四章 樂。 ,嘉賓式 有 君子有酒,嘉賓式 嘉 魚,烝然罩罩。 章 、燕以 南 有嘉 行。 君子有酒,嘉賓式燕 二章 魚, 君子有 燕綏之。三章 烝然 南有樛木,甘 汕 酒 汕 嘉 賓 君

間 用比 蓋亦燕臣工之樂也。 敘賓主綢繆之情。 魚麗》意略 歌 ,而其後又以 興之法。 右《南有嘉魚》四章,章四 同 ,但彼專言餚酒之美,此 其實無甚深意 爲 故下二章文格一 燕饗通用之樂矣。 故可與《魚麗》同 則 句。 如 變,參 耳, 此 時 與

漢中沔 [《集傳》]罩,篧 是魚之美者。 美,出於沔南之丙穴。 陽 集釋】嘉魚〔《集傳》〕嘉魚 縣。 案:左太沖《蜀都賦》: 嘉 也, 乃是 編細竹以罩 魚 〔李氏樗曰〕嘉 名 也 魚者 烝 然 ,鯉質鱒鱗,肌肉甚 也 嘉魚出 魚 發 意以 語聲 汕《集傳 於丙穴,在 爲善 也 魚 罩

> 解見《四牡》。 氏汝諤曰〕行,即樂之甚也。 並 汕 側交反。 樔 也。 以 「鄭 薄 又既燕又燕也 氏康 汕 魚 成 也。 日 〕今之撩罟 (劉氏瑾 《易》曰 日 也 樔、《爾雅》作罩, 「飲食衎 衎 樂也 衎 鵻 (唐

來十灰。又二十六宥,叶夷昔反。叶韻。諫。衎十五翰。叶韻。纍四支。綏同。本韻。【標韻】罩十九效。樂同。本韻。汕十六

南山有臺 祝賓也。

南 子,遐不眉 李。 之基。 不已。三章 君子,萬壽 桑,北山有楊。樂只君子,邦家之光。 Щ 有枸,北 樂只君子,民之父母。 南 樂只君子,萬 山 有 壽 無 臺 南 Ш 疆。 北 有楰。 Ш 樂只 有栲,北 二章 Ш 有萊。 君子,德音是茂。 壽 樂只君子,遐不黄耈。 無 南 期。 山有杻。 山 樂只君子, 樂只君子, 有 一章 1. 化,北 樂只君 南 四 德音 Ш 樂 邦 Ш 有 只 君 有

樂。 禮 爲過。 中有「萬壽」、「父母」等字也。然《 駁之,而以爲「此臣工頌天子之詩」,以詩 乎?」故《集傳》以 蓋古人簡質,如《士冠禮》祝辭,亦云『眉壽 以當『萬壽』之語。愚謂此詩上下通用之 頌天子詞矣。 自祝之辭,則此詩以『萬壽』祝賓,庸何 萬年』,又況古器物銘所謂『用蘄萬年』、 ·用蘄眉壽」?『萬年』、『無疆』之類,皆爲 集傳》於《魚麗》曰「優賓」,於《嘉魚 樂寶」,於此 ·鄉飲酒》及《燕禮》皆用之,則 「樂得賢」,與前篇「樂與賢」無異。 當時賓客,容有爵齒俱尊足當之者。 右《南山 然自《魚麗》至此,三詩各有 有臺》五章,章六句。《小序》 劉氏瑾曰:「或疑賓客不足 日 「尊賓」,頗得燕樂次序。 爲燕饗通用之樂,亦不 似非 姚氏 儀 傷 專

> 適如其序焉云爾。 等,故曰『變賓』。《嘉魚》言權忻之交通,故曰『樂賓』。《南山》頌德祝壽,而德與壽故曰『樂賓』。《南山》頌德祝壽,而德與壽夫下之達尊也,故曰『尊賓』。三者備斯,本過後王用以入樂,其詞義先後重輕,大下之達尊也,故曰『尊賓』。三者備斯,本氏道行曰:「徐氏曰《魚麗》言品物之豐

枸骨。 者也。 髮復黄也。 [《集傳》] 楰,鼠梓,樹葉木理 堅細,滑緻可爲簦笠。 指,長數寸,噉之甘美如飴。 [《集傳》]枸,枳枸。 氏璣曰〕舊説夫須,莎草也,可爲蓑笠。 日〕秀眉,眉有秀毛也。 【集釋】臺〔《集傳》〕臺,夫須,即莎草也。 〔陸 栲山樗。 君子指賓客也。 着老人面凍梨色,如浮垢 杻億也。 樹高大似白楊,有子著枝端,大如 萊〔《集傳》〕萊,草名,葉香可食 長眉秀出於其間爲壽徵。 杞〔《集傳〕〕杞樹如樗,一名 眉壽秀眉也。 如楸,亦名苦楸。 八月熟,亦名木蜜。 或云臺草,有皮 也。 「朱氏公遷 保安也。 枸

艾養也

紙。 有。 宥。 韻 通 韻 後同。 李同。 茂同。 栲十 標韻】臺 桑七陽。 九皓 本 叶 母二十五有,叶 韻 韻 叶音 十灰。 楊、光、疆並同。 枸 七慶。 萊 杻 同。 <u>二</u> 滿彼 楰同。 五有。 基 反。 四 本 本韻。 支。 已紙。 .韻 壽二十六 期 杞 同。 叶 耈 四

由庚笙詩也,辭亡。

由儀同上。

崇丘同·

上。

入樂。 用以 儀 魚》, 配《魚麗》、《嘉魚》、《南 則笙《崇丘》。 右三詩,案《儀禮 言 每歌《魚麗》,則笙《由 歌 吹 也。 歌《南山 與《鹿 鄉飲酒》及《燕禮》 山》三詩,同 鳴》下三詩 庚》。 | >, 則 笙 歌《 由 嘉 間 配

陔》三笙,同爲燕饗之樂。

《鹿鳴》等樂

必分配 既未移置《鹿鳴》等篇之下,則此三笙又何 \equiv 既 故仍類録 (序》義之無理,已見前説,兹不再辯。 詩分次《魚麗》各章之後。 畢,則《魚麗》諸樂繼進 前詩以改觀耶? 於此以復其舊。 至其辭亡無 且《南陔》三笙 故《集傳》以此 愚以 其 (非古, 義 與

泥泥。 寫兮。 君子, 鞗革沖沖。 德壽 其德不爽,壽考不忘。二章 彼蕭斯,零露瀼瀼。 豊。 三章 燕笑語 彼蕭斯,零露湑兮。 既見君子,孔燕豈弟。 兮,是以 蓼 彼蕭斯,零露濃 和鸞雝 既 有譽處 見君子,爲龍 雝 既見君子, 萬 蓼彼蕭斯,零露 宜兄宜 兮。 福 攸同 濃。 一章 爲光。 一弟,令 既 我 四 見 心 章

「澤及四海也。」案:詩止言天子諸侯「笑右《蓼蕭》四章,章六句。《小序》云:

蓼蕭

天子燕諸侯而美之也

集

釋

蓼

長大貌

蕭

蒿

也

湑

湑

然,

蕭

上

無

識 ? 該」,則 之解 是贵 乃 此蓋 以 以 語 裁 或 和 從 在 寓 澤及四 兄弟? 有 , 寧 其 《令德中特言「宜兄宜弟」。 戒 爲古《序》之旨「簡 建 是壽 徒爲 而 者 親 萬 「心寫」之樂,曷云「澤及 ,乃真天子 以 天子燕諸 有序若無序,何若無序之爲 争 國,親諸侯。」諸 上頌下,當以 ,然後外 凡屬天子 ,乃引《易・比》之《象》 海」矣。 因 諸 奪 古 以 之間 侯頌哉? 也。 勸導之: 侯 福 有 與 而 序 燕諸 以 也,故更日 諸侯之易於失德, 鄰國侵伐之際。 美之之詞 詩 此 而 睦 其鄰。 該」。 如 侯之 種 古人 曰 侯正 爲得 此 德 何 詩, 八立言, 日 以 所以比 夫必内 萬福 耳。 四 諸 體 壽 是爲 日 能 莫 海 侯 ? 使 不 有是 妙 各 然 攸 睦 一先 「簡 天下 乎 人 有 故 則 美 可 同 有 而 ? 體 又 尤 德 中 測 王 爲 萬 以 而 日

> 者。 善聲 軾 也。 也。 露 絲 爽 郝氏敬 貌。 日 日 差也 和, 也。 〔唐氏汝諤 轡, 沖 弟易 君子指諸侯 在 沖 從 日 「蘇 也。 泥 鐮曰鸞。 革 垂 如 氏 貌 曰 泥 韓 濃 日 鞗。 轍 露 二爲 姑燕譽」之譽。 曰 濃厚 和 皆 濡 峰,即 」譽、 也。 龍,增 貌。 鸞 諸侯車馬之飾 貌。 《集傳 寫輸寫 豫 轡 孔 寵之意。 通。 一之别 **鞗** 燕猶言 瀼 也。 凡 名。 也。 和 也。 詩 爲光, 瀼 之譽 灣,皆 | 盛燕 燕謂 露蕃 革 何何 攸所 乃 代楷 皆 也 輝 燕飲 貌 轡 鈴 言 耀 也 也。 首 E 之意。 樂 豊 之 龍 也 從 樂 在 垂 寵

忘陽。 通 語 韻 處 語。 標 叶 濃二冬。 韻 韻。 叶 韻 湑 泥 沖 六 八薺。 瀼七陽。 東 語 寫 弟、弟 雝 -+ 光同。 冬。 並 同 馬 同。 爽二十二 東。 叶 贵 想 通 + 羽 賄 反

湛露 天子燕諸侯也。

歸 湛 湛 章 露 斯 湛 湛 匪 露 陽 斯 不 晞 在 彼 厭 豐 厭 草 夜 飲 厭 不 厭 夜 醉

四

離 顯 飲 允君子,莫不令德。 宗載考。二章 豈弟君子,莫不令儀。 湛 三章 湛 露斯 其桐 四 章 在 其 彼 椅 杞棘 其 實

乎? 謂「 《傳》統言「諸侯」,不言「同姓 之,于是乎爲賦《湛露》。 宗室乎? 室,尤非。 解『不醉 皆于廟, 侯用命也。」此《序》所本,故無誤 肄業及之也。 又不答賦。使行人私焉。對曰 武子來聘,公與之宴,爲賦《湛露》,不拜, 天子燕諸 宴同姓」矣,豈不以「在宗載考」之謂 右《湛露》四章,章四句。《小序》謂 姚 無 則 氏 《集傳》即依《毛傳》,謂宗室,又 歸」,固已疎矣。又以『宗』爲宗 燕 侯也。」案:《左》文四 宗室,宗子之室也。 曰:「宗,宗廟也。 亦廟也。 昔諸 侯朝 《毛傳》以宗子之法 正于王,王 則天子當陽,諸 -0 古朝、聘、享 一一臣以 王者 鄭氏 年,衛 也。 宴樂 則 亦 爲 有 又

> 天子夜 醉中可 乎其 此 所 臣 而 然夜飲至醉,易於失儀,故必不喪其 免有負君恩而 無不善,意實恐其德容之或有未善,則未 德」者,蓋美中 寵以失儀乎? 詩曰「莫不令儀」、「莫不令 日 心 可 後 也 一蓋 愈謹),路 謂 度者,則非有令德以將之 見「在宗」之詞,不 路寢之屬」,益 (宴,而 之禮 以觀德,尤足以知藴蓄之有素。 寢其宗室耶? 一乃可 成。 曰「不醉 寓 虧臣職。 免愆尤不 其 戒耳。 威儀之所 可笑。 無 必其爲 宗室 而昭忠敬, 詎可恃 其所係非淺 外雖 歸。 路 其 美其德容之 以 也 同 寢 君恩愈寬 路 不 醉 姓賦 寢 可。 聽 而 耶 不 威 朝之 ? 也 況 故 改 儀

屨 久也,足也。 日 而 即 楚茨》云: 序者謂之禮,跣 集釋』湛湛 夜飲私燕也。 「備言燕私。」 一露盛貌。 而 上 傳 坐者謂 [韓氏嬰日]飲之禮 日 晞乾 燕而盡 之宴。 也。 〔孔氏 厭 其 私恩。」 厭 安也 不 穎 達 脱 明

離四支。儀同。本韻。離。考同。本韻。棘十三職。德同。本韻。

以上《南陔之什》,六篇無辭,凡四篇。案:《嘉魚》、《南山》與前《魚麗》三篇,同爲燕籍。案:《嘉魚》、《南山》與前《魚麗》三篇,同爲燕樓用之樂。《蓼蕭》、《湛露》則天子燕諸侯之詩。《嘉魚》以下爲成王詩。《集傳》已辨其非矣,兹不再論。

詩經原始卷之十

小雅二

形弓之什

彤弓 天子錫有功諸侯也。

之。我有嘉賓,中心好之。鐘鼓既設,一朝既設,一朝右之。二章 彤弓弨兮,受言囊兮,受言載之。我有嘉賓,中心喜之。鐘鼓貺之。鐘鼓既設,一朝饗之。一章 彤弓弨贶之。鐘鼓既設,一朝饗之。一章 彤弓弨

醻之。三章

右《彤弓》三章,章六句。案《春秋傳》

維持百世 功,而命之宥,亦賜之彤弓一,彤矢百。夫 平王東遷,晉文侯有功焉。王賜之以彤弓 之弓矢,以正諸夏,此王室所以尊 覺報宴。」故《序》與《集傳》皆謂「天子錫有 詞甚莊雅,而意亦深厚。 也。是詩之作,當是周初制禮 有功,況盛時乎?」此彤弓之錫,先王所以 以周室既衰,賞罰無章,而彤弓之賜 故曰彤弓廢則諸夏衰矣。」黄氏櫄曰:「周 然,强凌弱,大并小,天子之令有所不行。 功諸侯」,是也。范氏曰:「先王知諸侯不 於是乎賜之彤弓一,彤矢百,玈弓矢千,以 甯武子 可無長,故爲方伯連帥以統之。 一,彤矢百。其後襄王以文公有獻楚俘之 曰:「諸侯敵王所愾, 而不可廢,亦不可輕以畀人者 曰「一朝饗之」 時 而獻其功。 所定。其 有功則錫 也。 必 不

二六

所尚故。 弓檠,抗弓體使正,言其藏之謹也。 故言朱弓。爲弓者皆漆之以禦霜露。 醴 右、嚴氏曰:助也、右與宥、侑通、皆助 燕。」是其禮盛 [孔氏穎達曰]饗者,烹太牢以 〔孔氏穎達曰〕《説文》云: 嚴 命宥」,注 氏粲 周 集釋』形弓朱弓也。 語》曰:「王饗有體薦,燕有折俎。 曰〕賜弓不張。 賜弓赤一而黑千,以赤爲 云以幣 也。 載 物助 抗之也。 歡也 「弨,弓反。」謂弛之而體 貺 與 飲實。 也。 〔孔氏穎達 [劉氏瑾曰]載彤弓於 橐韜也。 殺牡 右 也。 重耳。 餐大飲賓日 色以 姚 《左傳》言 俎豆,盛於食 公當饗,卿當 日 氏際恒 「陸氏德明 赤者,周之 招 弛貌。 〕彤,赤。 反 E 也。 響。

> 賓,謂之醻。 禮,主人獻賓,賓酢主人,主人又酌 曰〕櫜,弓衣也。 醻,猶厚也,勸也。 好説也。 醻 報也。 自飲, 《集傳 而 遂 影飲 酌 酒之 以 飲

叶大到反。 養。 於記反。 叶韻。 標韻】藏七陽。 叶韻。 叶韻 載十 橐四豪。 隊。 喜四紙。 貺二十三瀁。 好二十號。 右二十六宥,叶 醻十一尤, 饗二十二

菁菁者莪 樂育材也。

載沉 陵。 且有 君子,我心則喜。二章 載浮。 儀。 既見君子,錫我百朋。三章 菁菁者莪,在彼 一章 既見君子,我心則休 菁菁者莪,在彼 中 阿。 菁菁者莪,在 比。 既 中沚。 見君 汎汎楊舟, 四 章 子,樂 彼 既 中 見

謂《序》失詩意,遂改爲「燕飲賓客之詩」。曰:「樂育材也。」朱子初説亦從其義,既右《菁菁者莪》四章,章四句。《小序》

三七

盛。 然詩 臆斷」。 以 能 校 之多,是君見賢 是君見賢而樂,樂則有儀以將意。 朋 以 解 可 亦奚不可? 之,故質雖魯而亦成其德。 陵」,有潤澤以養其材,故物雖微 之産於美 人得見人君,則 (爲「人 以不 ,則斷 中以見之耶? 爲 長 二二句直接不去。 育 即 人君,則下 必與之立異。 亦 如人材之在學校,有教化以培 人材,則天下 君 不可從。蓋君子即賢者也,而 愚 無 地,「在彼中阿」、「中 謂 喜 且 經文 得 燕飲」字,故 所 而以爲實,不啻百朋之錫。 何 見賢之詩 文「樂且 雖 此 儀 謂賢,又安知其不從學 儀謂 之 種詩古來相傳既久, 不露育材字,而 喜樂之矣。」迂曲 唯《大序》云:「君子 有 有 其 姚氏 乎? 「享多儀」之儀 儀 即主育材言, 餘 」、「錫我 兩駁之, 百 則 而 沚 若天下 朋 亦 不 菁 謂 成 可 百 中 莪 貝 乃 難 其 而

謂

而

喜而 若 故 總之,不離育材者近是 此 天 作此 下人得 詩 當 是 或即 君 見 臨 人 以 辟 君,又何寶之是錫 燕饗群材, 廱 見 學校 亦 人材之盛 未 可 乎?

耳。 指賢材 貝爲朋,其一不成貝,不爲朋。」鄭必是誤以五等爲 月中莖可生食,又可蒸,香美,味頗似蔞蒿是也。 一百朋 名蘿蒿,生澤田漸洳之處。 爲朋」,謬。 且以儀將之也,猶「享多儀」之儀。 舟楊木爲舟也 「從來皆承見君子者言」,是 《集傳》漫不加考從之,非也。 也。 集釋】菁菁盛貌。 兩 貝爲朋,凡言朋,是兩 儀〔姚氏際恒曰〕「既見君子」之下句,嚴氏 《漢·食貨志》: 「貝有 「樂且 葉似邪蒿 莪 陸 偶 有儀」,自言其 五等。 前人所論者 之義。 氏璣曰 百朋 而細 其 鄭 「姚氏 〕莪, 科 四等皆兩 氏 生。 如 謂 君 蒿 五貝 際恒 既 五五 也

本 叶 韻 韻 標韻】莪 浮十一尤。 沚 四 紙。 五歌。 喜同。 休同。 呵 同。 本韻 韻 儀四. 陵 支 + 叶 Ŧī. 朋 何反。

楊

貝

日

六月 美吉甫佐命北伐有功,歸宴

私第也。

央,軍 將事。 牡修 服。 是用 行 玁 奏膚 出 不惟力齊,而 匡王 騤 出 勢深人,無所畏忌,逼近京邑。 一颗, 狁 征 戰 戎服。 廣, 急。 或 六月棲 匪 中乃整 共武 馬 几 茹,整居 强 佐 其大有 點明北 章 有嚴有翼,共武之服。 我服既成,于三十里。 且色備,兼 之服,以 天子。 車 載 棲,紀候。 旅。 戎 是 比物四驪 伐之故。 車 顒。 元戎十 焦穫,侵鎬及方,至于 常服 王將中軍,以吉甫爲 既 能調習。 定王國。 三寫馬 安, 戎車 王于出 0 乘,以先 旂 閑 如 織文鳥章,白旆 維 壯。 盛 既 輊 之維 此六 非同 飭 如 薄伐 征,王 玁 啟行。 軒。 紀律軍心,慎 兒戲。 副。 狁 月,既 師 則。 車 行。 堅。 孔 玁 親 二章 車 再寫 征。 狁, 熾 涇 \equiv 雖馳 吉甫 王于 成 四 陽 章 馬 央 以 我 以 我 牡 几 而 先 LI

> 甫,萬 安。 在矣? 鎬,我行永久。 玁 燕喜,既多受祉。 狁 四 邦 至 牡 張仲孝友。 爲 于 既 憲。 大 佶 既 原。 歸功吉甫,是一 飲御諸 燕飲私第,爲獻詩之故。 佶 逐北 以賓陪作收。 且 追 開。 友,炰鼈 奔, 篇之主。 出 馬 境 雖 六章 而 奔 膾 咋 五. 而 鯉 閒 章 文 來 侯誰 歸 吉 武 薄 甫 吉 自 伐

自 自行。 曰 : 爲長。」衆論 與論詩旨? 命方叔、《江漢》命召公, 下謂吉甫伐之也。 甫行,故三章再言『薄伐』。上謂王伐之, 四章説王自親行,下二章説王還之後遣吉 小序》但謂 征 此 耳。」孫 右《六月》六章,章八句。 王基云: 『《六月》使吉甫、《采芑》 經六章,皆是北伐之事。 紛紜、皆未嘗 毓 《集傳》雖亦歸 宣王北 亦以 鄭 此篇王 伐 以爲 也 唯《常武》宣王 二,則 獨 讀 不 功吉甫,而 遣吉甫,王不 自 經文也 尤泛,何 孔 行。 氏 毛 鄭 意 穎 辯 足 親 而 説 達

0

燕。 將 乃 章 間 邑。 王 征 臨 説 理 事 王 細詳之。 也 追 之沖鋒 追奔 敘 中 直 不 或 師 也。 詩 奔 也 直 戰 之 則 足 非自 也 王 達 此吉甫安邊良謀 非 遵古《序》,直以 計 蓄勢 氣 以 此 本 事 日 則 至大 如 先行 以以 日「王 壯 時 親 退 將 曰「以定王國」者,將以 止命 灞 先言玁 養 也。 强 親 王 征 佐 蓋 上 原 故 虜 局 征 初 于出 天子」者,以 而 諸 元 事 而 此前三章命意所在 而 法 即 一戦 將 戎。 又得一 軍 本 統之猖 岸 安王 位、玁 耳 則佐以 征」者,王 直 北 爲 而 詩旨甚 元戎 非 伐 同 國。 蓋 此 迨 敵 兒戲 輕 狁 獗無忌,次寫大 句得之,豈 寇 至 而 吉甫 吉甫 退。 敵 深 故 大將參贊,其 退 四 詩 一于是, 明, 故故 冒 入,逼近 兵 不 Ŧ 則 ___ 爲 進者 Ŧi. 貴先聲, 欲 乃 何 戰 副 自 慎 戰 作 一,亦文 兩章 而 窮 命 以 參 不 將 本 自 得 比 將 京 定 佐 追 將 親 口 私 爲

中,又 邦取 文德 何其 諸 序 甫 詩者之自占身分處。 府 奔 故 吉甫作主, 主,吉甫爲佐。 應,且以見賓客之賢。 以孝友之張仲陪筆作 入題位。 止 儒 又是主。 戈 當 》漫不加 賓客,歌 而 老 也 讀 以 以 恒 其 何 爲 不 詩, 濟之,非 閑 成持重 乘 當 蓋吉甫成功 法 勝 考,故但日 宣 此 功頌 貪 何 有 鹵 也。 逐 功 從 王 王 莽 詩乃幕賓之頌 耶? 而論 北 烈,追 以 則 吉 容 還 然此皆追敘之筆,卒章 如 也 損 甫 不 而 後 此 將,不 私 故論 所謂 過追 其 整 車 再 凱還,歸 上收,與 述 燕情、張 是私 無 北 執 暇 雖 遣 其 伐 述 有 當 怪 哉 馳 北 黷 吉 事 之而 也。 燕作法,亦 武 其 主 伐 武 而 甫 上文武 如 燕私 不 將 事 略者,尤 常 仲是賓,吉 以 此 及其 行 此。 宣 自當 窮兵, 己。 安, 能 > 宜 且 得 説 其詩 字 故 乎 П 王 馬 \sim 以 小 爲 獻 相 末 幕 乃 萬 須 又 軍 雖

意也。

【眉評】〔一、二、三章〕前三章皆閒寫車馬旂服之盛,及軍行紀律之嚴,而未及戰事,是文章中展局法。 [四、五章〕至此乃入戰事,寫得賊熖甚熾而迫,然後我軍出敵,一戰而勝,所謂以逸待勞也。好整以暇,是大軍出敵,一戰而勝,所謂以逸待勞也。好整以暇,是大軍出敵,一戰而勝,所謂以逸待勞也。好整以暇,是大軍出敵,一戰而勝,所謂以逸待勞也。好整以暇,是大軍出敵,及軍行紀律之嚴,而未及戰事,是文章中展局法。

也。 闕車。 知。 服 車,所謂五戎也。戎路,王在軍所乘。 闕車之倅,屏車之倅,輕車之倅。」注云:「此五者皆兵 本朝詩人咏本朝事,豈可忽用夏正耶? 氏一之曰〕《詩》言「四月維夏,六月徂暑」,則爲夏正 整 「孔氏穎達曰〕《春官・車僕》:「掌戎路之倅,廣車之倅・ 也。 輕車,所用馳敵致師之車也。」是其等有五也。 [案]周正改建,未改月。 也 【集釋】六月〔《集傳》〕六月,建未之月也。 所用補闕之車也。 騤 騤 言常之屬 强 貌。 也。 常 《毛 服 屏 (姚氏際恒 傳 車,所用 故四月仍用夏首。不然 》謂 戎服 對敵自 廣車,横陣之車。 日 戎車兵車也 门常,旂 戎 蔽隱之車 服何謂 〔濮 也 飭 之 可

也。 也。 寇也。 也。 當作大將解,猶稱方叔爲元老之稱也。 陽〔《集傳》〕涇水之北。 鎬,非豐、鎬之鎬。 茹 字凡三義。 常服乎? 自鎬,我行永久。」千里之鎬,猶以爲遠。」〔顏氏師古曰 書》〕劉向疏曰: 穫〔毛氏萇曰〕焦穫,周地,接於玁狁者。 曰〕整齊而處之者。 古者吉行日五十里,師行日三十里。 且以服爲衣服,與下章「既成我服」亦複矣。 几 茹,度也。 驪其色又齊也。 公功同。 行,道也。 央央鮮明 織 幟同。 鄭氏謂韋弁服、《集傳》謂戎事之常服,並 玁狁即獫狁, 言 前鋒先開道而行也。 翼敬也。 也 「吉甫之歸,周厚賜之。 玁狁不自 鳥章鳥隼之章也。 方〔《集傳》〕方,疑即 言其居周之地,無所畏憚也。 我服 元戎舊解皆 在豐、鎬之西北。 度量 共與供同。 戎服也。 北狄也。 也。 日 如 整 三十里 戎 顒大貌。 比物齊其力也。 先啟行啟,開 車也。 其詩曰:『來歸 居八孔氏 輊 白旆繼旐 服 朔 言其深人爲 如 事也。 方 鎬気前 通章三服 也 〔案〕此 一舍也 膚大 言 穎 涇 非。 焦 匪 者 車 漢 達

經 原 始

也。 名。 友 之安適 也 吉甫 祉 一,前 福 後視之,皆如軒 即尹 也。 吉 御 甫。 進 也。 此 輊 時 侯 也。 大 將 維 信壯 以 也。 佐 健 宣 張 也 王 仲 者 大 吉 憲 原 甫 之 法 地

閑 陽。 國見 子 或 二 十 同。 十五删。 職 Ŧī. 上。 陽、 有 本 叶 章、央、 叶 韻 韻 韻 鯉紙。 原元。 韻 飭十三 顒二冬。 則 茹 友有。 行 憲十 職。 六 並 職。 語 四 同。 服 公一 叶 [願。 屋。 穫同。 服 韻 本 叶 東。 · 韻。 叶 屋。 韻 韻 本 通 急十 軒十三元。 韻 紙 韻 里 紙。 四 四 方七 服、 緝。 紙 久

旁觀 四 試 騏 興起。 翼翼。 軍 薄言采芑,于彼新,田 雖 衆 方叔涖止,入題。 而 路 有 車 制。 有 南 方 人美 奭 叔 車。 率 方 其車三千,師干之 止 叔 于 簟 一, 乘 威 此 第 服 魚 菑 其 蠻 服 畝 四 荆 車 騏 也 從閒 馬馬 鉤 地

> 畏服。 雷 訊 爲 淵 鉦 鴥 服 旗。 此 膺 方叔涖止 獲醜。 讎。 淵 彼 其 中 鞗 人伐鼓,金鼓。 方叔 顯允 進。 飛 命服,朱芾斯皇,服。 鄉。 革 几 章 方叔元老,克壯其 0 隼,其飛 率止 生擒。 方叔 馬。 振旅 ,其車三千,師干之試。 方 叔 一,約 ,征伐玁狁,蠻荆 涖 章 戎車嘽彈,嘽嘽 闐 陳師 戾天,亦集爰 軝 闐。 咔 薄 錯 鞠旅。 其 言采芑,于 衡 章 車三千,旂 車。 有瑲葱珩。 猶。 蠢 顯允 爾 / 焞 方 岸 來 續 焞, 蠻 方 彼 叔 威。 方叔率止 瑲 又一 率 荆 旐 新 叔 如霆 佩。 瑲。 墊 伐 央 止 田 興 二章 央。 筆 馬 法 鼓 如 邦 執

先立 必 宣 所 王 以 須 題,題立不佳,則 北 佳 審題,題審不真,則 右《采芑》四章 伐 如 ? 前 此詩誰 章《六月》一 章十二句。 又不 詩 更不 必 詩 知 不 誰 其 能 佳 爲 識 凡 不 宣 作 知 閱 人 其 王 詩 南 爲 之 亦 必

止

以

下

即

極

力

描寫

軍

嚴

·已爲

攝

服

鑾

成大

功,歌以誌喜。

及《聞官軍收

河

南

居之地

興

起,及

人

題

乃

方

人,從旁得

字,而

一詩

題既鄭

重,詞

亦宏麗。

誰

手

與

作於何時?

豈無所

蓋此詩非當局

問

誰

作

,第擇其工

國

史所不及,所謂

以

或僚

庶頌之而獻

或

作

於

班

師之後,或

天

寓

荆

而

人

何

征

口

征

伐

也

一,而

詩

則

觀

發

爲

咏歌

以

紀其

事。

Ŧ.

筆

天

至

事

四

作也 惟可 草野歌頌之章。 《大雅》者,朝廷紀功之作。 加 若《江漢》及此篇,則但命將出征可矣。 詩共四篇,二人《大雅》,二載《小雅》。入 常武》,亦宣 親征者,一 以辨大、小雅之分,即此篇之爲南人 ,亦斷斷乎無疑義矣。 王武功詩 患 除肘 讀者試涵泳而諷誦之,不 腋 而 載《小雅》者, 威 玁 狁及徐夷必 官 遠 夷 也 其

文之局 在先爲 而 醒蠻荆,敢抗王師。 率止」,以見節制 大帥 退 來服 有 統率有方。 節 不可 也。 陣如之。 ,秋毫無犯,禽鳥不驚,是王 眉評】前三章皆言車馬、旂幟、佩服之盛,而進 全篇前路閒閒,後乃警策動人。 勝以 何能如是嚴肅乎? 之嚴耳。 待 再以玁狁之事攝之,故不覺其畏威 敵之可 末乃大聲 勝,故 不戰 一者師 疾呼,如 故每章皆言「方叔 而已屈人之師。 行氣象。 雷震蟄 然制勝全 然 非 唤

葉有白 汁出 集釋】艺〔集傳〕芑、苦菜 肥 可生食,亦可蒸爲茹,即今苦藚菜。 也。 青 白 色。 摘 宜 其

鉦鐃也。 之也。 嘽 葱。 芾黄朱之芾也。 也。 篇。 第車蔽也。 師 和柔之意。 二歲日 馬 治兵,人曰振 有樊,有纓也。 五百人爲旅。 人伐鼓,互文耳。 軝,長轂也。」朱而約之,謂以 食。 嘽 衆也。 珩 衡 中 -衆也。 翼翼 新 軍行采之,人馬皆可 佩首横 衡,有文飾 鄉 田、三歲 干扞也。 人擊鉦 民居。 旅。」関 方叔宣王卿士,受命爲將者也。 鉤膺〔《集傳》〕鉤 厚厚盛也 順序貌。 淵 樊,馬大帶。 玉 鞠告也。 淵 皇猶煌煌也。 也。 日 人也。 也。 約 畬。 鼓聲。 闐 試肄習也,言衆且練 軝〔孔氏穎達 隼 路車 亦鼓 命 《釋 伐鼓 鷂 食也。 纓,鞅 服 振 聲 師二千五百人爲師。 屬。 地》文。 戎車也。 皮纏之, 膺,馬婁頷有鉤,而 天子所命之服也。 旅 鉦鼓各有人。 瑲 也。 《春秋 戾 元 菑 玉聲。 大也。 至 菑 曰」《説 畝 **峰**革見《夢蕭 而 者,災 也 傳 奭 田 也 上加以朱 赤貌。 葱蒼色如 Ĕ: 爱於 猶 涖 文》云: 也。 歲 率總 而言 謀 臨 日 出 在 也 也 也 旅 菑 簟 漆 率 噟

十五 八庚。 淵 韻 叶 陌 韻 有, 先。 止 革 轉 標 叶 止紙。 同。 闐 試 韻 韻】芑四紙。 尺由 同。 見上。 本 反。 隼十一 試 本 韻 真。 鼓 韻。 叶 翼十三 軫,叶 鄉 七虞。 韻。 七陽。 畝 讎 十一尤。 二 十 息允反。 雷 職。 旅六語 十灰。 央、瑲並 五 叶 有, 猶 止紙。 韻 叶 同。 威 每 同。 通 五 彼 醜二 奭 韻 微 反。 叶 珩 +

通

韻

佽 奕 草,駕言行狩 徂 建 几 奕。 ,弓矢既 旐 東 既 設 我 赤芾 駕 旄,搏獸 車 既 車 兩 調 攻 攻 金舄,會同 田 驂 。二章 之子于苗,選徒囂囂 射 車 不 于 我 宣王 既 猗 敖。 夫 馬 好, 既 既 復會諸侯於 三章 不 同,助我舉柴。 同。 有 四 失其 繹。 牡 駕 四 孔 馳 彼 牡 四 阜。 余舍矢 章 几 龐 東 牡 龐 都 東有 決 如 也 Ŧi. 拾 四 破 甫 既 牡

> 六章 驚,大庖不 允矣君子,展也 蕭 蕭 馬鳴 · 盈。 大成。 七章 之子 悠悠 旆 八章 旌。 ,于征 神到之筆。 有 聞 徒 御不

其 其 狩 獵 重在 抑 成 狄,復文、武之竟土。 衰,久廢其禮 會諸侯於東都,因田 序》復益 反嫌其贅 宣 餘 實 王 獵 以 亦 王復古也。」語 會諸 歸 會諸 詩 車 ,營洛邑爲 不足攝 右《車攻》八章,章四 中麗 ·徒之盛 重 之曰:「宣 侯,而 「會同 侯,修復先王舊 前 藻 服 無 其 列 ,射御之能,固是當時美觀 有釋」及「展也大成」二句。 迨宣 東都 不 當 邦。 · 重在 所 於 雖渾, 王内 獵而 係 王始舉行古制 義 故詩 修 以 不 事 朝諸 車 句。 在 典 選 修 田 頗 何 前 馬,備器械, 耳。 此 獵 車徒焉。」數 政 得 也? 《小 後 侯。 也。 事 其 雖言 昔周 不過 要。 序》云 周 蓋 而 非 獵 攘 室 公相 藉 此 《大 既 語 復 舉 夷 H

予所 然既 勢輕 肅。 哉? 蓋 子 獵 而 之次序 收軍,八 曰 行,是一 章通言車馬盛 説 五、六通言田 三、四章通言天子 I甫,圃 處也。 東都之朝,不行久矣。 乃會之於敖甫之間? 詩 謂 合而爲四 曰 重,且並 先期 專 會諸 故 非 則回蹕禮成。此事之始終,即詩 篇之冒。 從 田 集傳》欲併八章爲 假 四章諸侯來會。 以 也。 非 此 侯於東都,何不會之於洛邑, 狩 至 獵射 八 不辨 等 世 獵不足以 備,將往東都圃田之地 其 章不足以 日 處 敖,敖山 地,何乃後 御。 諸侯來會東都之事 以 次、三乃言所至之地。 文章踈密。 似此分章,非惟難得 求 七、八通言始終整 詩 攝 至宣王始行之, 且諸 盡 義 五、 也。 服 文局之變耳。 四,意謂首 期 豈 列 六始獵,七 皆所 蓋首 侯朝於天 始 能 邦者也。 來 得 此 期 章東 其 故 ? 會 事 要

> 之助。 車 興之業,豈易建哉! 公,不覺心悦誠服。 而 徒之盛,紀律之嚴,射 謂 列 曰「展也大成」,喜之亦幸之也。 辟 能 帖 然 服 始懽聲鼓 乎? 御 迨 之巧, 至 舞 來 而 會, 頒賜 爲舉 得 中 柴 之 覩

本此。 田。 者之師 肅氣象,是獵後光景。 獲禽之多,不言自見。 [五、六章]五六二章皆言獵事,極力描寫射御之善,而 [三章]屯於敖山。 〔八章〕八章贊美作結,仍帶定軍 眉評』「一章」首章泛言東行。 杜詩 〔七章〕「馬鳴」二語 (四章)諸侯來會,是全詩主 「落日照大旗、馬 行嚴 [二章]東至圃 ,寫出大營嚴 鳴風 肅 乃是 蕭 蕭 腦 Ŧ.

案甫 落。 曰: 恒 尚 疾也。 曰〕甫草、《毛傳》謂「大芟草以爲防」,則「有 宗廟齊豪,尚純也。 圃同,鄭説是。 也。 集釋】攻堅也。 龐 鄭氏謂: 龐 充實也。 「甫草、甫田 田 戎事齊力,尚强也。 必芟草爲防,故有取 阜盛大也。 同 (《集 之草 傳 也。 || || || || 甫 鄭 草 田 齊 于田之草 有 字 姚 獵齊足, 也。 圃 ,無着 氏 田 際 傳

相

也。

氏穎 季設七覆於敖前。 苗者、故獵 氏一正曰〕《大司馬》「夏教茇舍,遂以苗田」,義取 子曰〕蒐苗獮狩,便習軍行草木間事,教茇舍亦然。 曰〕不敢斥王,故以有司言之。 開弓體也。 聯屬之貌 見曰會,無常期也。 (王氏安石曰)諸侯涖 以設伏也。 之,言獲多也。 吕氏祖謙曰〕敖,山 則 調 《集傳》直以 」柴、《説文》作學,謂 達日〕之子,謂 〔鄭氏康成曰〕謂手指相次比 也 赤芾、臣道 可 射 決以象 7通名苗。 拾以 奕奕 夫 〔姚氏 也。 甫草爲 指 皮爲之,著於左臂, 連 則敖山之下,平曠可以屯兵,翳薈 凡從王者,非獨司馬官屬 同殷見日日 諸 骨爲之,著於右手大指 名。 際恒日 絡 其臣庶,則朱芾,君道也。 金舄達屢也,加金爲飾。 選數也。 侯來 布散之貌。 圃 積 晉師救鄭,在 田,謬。 會 禽也。 门毛、 者 同。 苗狩獵之通名也。 鄭訓 **囂囂聲衆盛也**。 也。 使諸侯之人助 之子有司也。 同 殷,衆也。 赤 **华**爲積 以 協 敖、鄗之間。 調謂弓矢强 芾 也。 遂弦。 諸侯之服。 所 也。〔朱子 以 柴 繹陳 會同 以 爲 佽 會時 其 鉤 而 (黄 (張 孔 鬼 敖 害 集 弱 列 於 可 1: 舉 比 弦

王

也。

積禽」。 取之。 之有度,不極欲也。 也。 意。 三十焉,每等得十。 腢,爲上殺。 巧 逐禽左,即 馳驅之法也。 不應舉積 門之設,乃有司事,豈有以諸侯之人同舉柴門乎? 當以《説文》爲長。 玄子謂: 爲賓客。 不獻,不成禽不獻。 善射御矣。 不知其柴門之設有幾許也。 而 餘者,均及於衆 力也。 今御者不失其馳驅之法,而射者舍矢如破,則可 防限之設必有門,故用柴。」未知然否。 是以獲雖多而 案下章方言獵事,此不應遽言積 「即《毛傳》『大芟草以爲防,褐 射左髀達於右 間爲下殺,以充君庖。 則 御 蘇氏 大庖〔《集傳》〕大庖,君庖也。 以爲乾豆,奉宗廟。 田 此章獨非 〔劉氏瑾曰〕五御之目,三曰過君 車馳驅之法也。 日 而 助我舉柴,言其齊力同樂也。 其餘以與 有 擇取三等。 蓋古者田 不善射御者, 詭遇則獲, 不然不能 君 法耳。 獵事乎? 庖不盈也。 至謂下章方言獵事,此 凡 士大夫習射於澤宫,中 獵 事 自左膘而 獲禽, 舍矢如 達右耳本者次之,以 猗偏倚不正 有 張子曰,饌雖 法 面傷不獻, 纏旃以 則 射之,達於 禽,亦非。 破〔《集傳》〕 何患乎不均 不盈,言 〔案〕二説 表,五 也。 爲門」之 每禽取 若柴 多 踐 馳 而 者 右 毛 取 謂 \Box 章 吾 何

不盈,以正説爲是。允信也。展誠也。也。舊説,不驚,驚也。不盈,盈也。亦通。〔案〕不驚

故爲 韻。 有。 成 此韻終難解。 以「柴」作「学」,未然。」案,學人四寘,亦與二蕭不叶,故 同。 句『調』與三句 姚氏曰:「柴,今佳韻。 通 狩二十六宥。 奕十一陌。 韻。 叶韻。 本韻 協制同 説文》以『柴」作『学」,與首句『依』協。 未詳。 旌八庚。 一東。 『同』協也。 繹 叶 同。 猗四支,叶於箇反。 韻。 東同。 本韻。 調,今之蕭韻。 盈同。 不知東、蕭韻不相通 囂 本韻。 四豪。 本 調二蕭。柴九 韻。 敖同。 皆無人聲 阜二十五 破二十 聲庚。 一,故 本

吉日 美宣王田獵也。

孔 之從,天子之所。 午,既差我馬。 阜。升彼大阜,從其 吉日維戊 既 潤 伯既 之所 二章 禱。 同 、群醜。 瞻 麀 彼 田 鹿 一章 中 車既 麇 原,其 好, 吉日 祁 漆 四 庚 孔 沮 牡

> 有。 豝,殪此大兕。 天子。三章 儦儦俟俟,或 既 張 以御賓客,且以酌醴。 我弓,既 群或友。 挾我矢。發彼 悉率左 右, 四 以 章 小 燕

焉,可 者,此、 《車攻》之復古制,大不相侔。 渭 漆沮 人能 即今洛河。 岐陽石鼓爲宣王獵碣,或即此時 能修復之,亦與東都會獵爲中興盛事。 焉,可以見綜理之周焉,欲明文、武之功業 禮,可以 爲「美宣王」,何也? 西都之詩。 自 不相 鳥 ,正近岐陽。」其實非也。 右《吉日》四章,章六句。此宣王獵 以 亦足以觀矣。」故雖 鼠 見師 見王 同 因 不過 其源 穴,東會于 而 律之嚴焉,可以見上下之情 賦之復焉,可以見軍實之 並 自延、鄜、流入同 畿内 美 八乎? 吕氏曰"「蒐狩 歲 涇,又東 時 歲時常典,宣王 姚氏云:「舊 舉 《禹貢》謂導 而《序》亦以 行之典, 也。 過 州 漆 詩 傳 中 之 盛 與 於

此當獵於延、鄜之間,與岐陽獵碣別是一水之東北。岐陽在涇水西南,相離遠甚。

,正不必强爲附會也

馬祖 剛日 同州 北,所 也。 日,内 俟〔嚴氏粲曰〕儦儦而疾走,俟俟若相待。 伯而又禱之也。 狩、朝聘、盟會、治兵,凡出郊皆是也。 友二日友。 〔案〕《皇輿表》: 矢而死日 也。 也,謂天駟房星之神也。〔案〕「既伯既禱」者,既祭 ,即今同州府。 漆沮〔《集傳》〕漆沮,水名,在西都畿內,涇、渭 謂 事以柔日。 【集釋】戊剛日也。〔黄氏一正曰〕外事以剛 洛水。 差擇也。 殪。 **燕樂也**。 今自延韋流入鄜坊,至同州 廊,即今鄜州。 醜衆也。 兕野牛也。 内 並隸陝西省。 同聚也。 事 如郊社、宗廟、冠氏,外 發發矢也。 謂禽獸之群衆也。 醴酒名,今甜 麀鹿牝曰麀。 坊,即今鄜州中 祁大也。 豝豕牝曰豝。 伯〔《集傳》〕伯, 群三日 酒也 儦儦 **慶**慶衆 入河 庚午亦 事 部 如 群 俟 也。 殪 縣 之 巡

【標韻】 禱十九皓。好同。本韻。阜二十

五有。 韻。 六語。 矢紙。 叶韻 醜同。. 兕同。 本韻。馬二十一馬。 有二十五有。 醴八薺。 友同。 通韻 **慶七**慶。 子四 所 叶

嗸。 宣驕。三章 則劬勞,其究安宅。二章 于飛,集于中澤。之子于垣,百堵皆作。 勞于野。 維此哲人,謂我劬勞。 鴻雁于飛,肅肅其羽。比。 爰及矜人,哀此鰥寡。一章 鴻雁 使者承命安集流民也。 鴻雁于飛,哀鳴嶅 維彼愚人,謂我 之子于征,劬 鴻 雖 雁

云:「『哀此鰥寡』,此者,上之人指民而指流民,謂此詩爲流民所作。姚氏駁之阅,指「之子」爲使臣。唯《集傳》以「之子」宣王能安集離散」是已。而是詩之作出自宣王能安集離散」是已。而是詩之作出自

四

0

言,未有 使臣, 則篇· 自 以 中三「劬勞」,皆屬使臣言,而 爲此者也。」其意亦以「之子」

詩 末章「謂 爲 詩 人所作而已。 我 ·劬勞」,乃代使臣之詞。是以此 夫詩人雖能代人言,

必 不能代人難言之言。 不能 代人所不及料之言。 雖能代 人難言之言, 哲人之言如

及 此 料 其哲,愚人之言又若彼其愚,則豈 哉 而 調詩 人能代之言哉? 人所 大 抵

使者承命安民,費盡辛苦,民不能知 頗 有

與圖 煩言,感而作此。蓋小民雖遭 終、難與 慮始之見,則千古 散 轍,牢 離 而 不 口

乃 可 破,非 承命四出,未必僅止 親歷 人 不能道其甘苦也。 一人,故曰「之子于 詩首章

無定 征 而 就 者 所。 中 1,使臣 鰥 但 寡 一覺滿 自 相 謂 目 可哀,則不能 也。 瘡痍,莫非可矜之人。 「劬勞于野」,則尚 不急爲 安

撫

或

施

饘粥暫圖

生存

故以

鴻飛肅肅

無

勞哉? 者謂 其或 整頓 不啻 者 尚 云: 依 我其奈之何哉? 而 譽交集。 屬安宅。 而 乃 何 爲 相 百堵皆 愚 閒 如 云 我 諒 而 比。 知者聞 鴻之集 暇 者, 閒 閒 而無知,則且謂我多事,徒逞能 編聯之爲長久計,則議 乃衆口嗸嗸,哀鳴不已,故又稍 其間 」興,有 歌 而 暇 蓋民之安,即使臣之安也,敢 繼 則以 非 乃擇 宣 而 我 可乎哉? 歌 愚知固自不等,有能見理明 在彼中澤也。 宣驕也。」吾不 歌 惟 爲 所庇矣。 也。 地安置,代 此詩意也。 與 我 知其 詩 之爲民,誠 且詩言「哀 不 出 類,事 此 於 時 爲 雖 知此 劬 若《集傳》所 民 興 論紛起,毀 日 勞。 亦 鳴」 劬 、築,不 劬 漸 並 時之民 勞矣。 勞 來 出 不 而 也, 究究 歸 知 爲 日

眉評【三章」説 透民情 理之外矣。

其

【集釋】鴻雁水鳥 名。 大曰 鴻,小 日 肅

堵一 瘁 肅 也。 羽聲。 丈爲 矜憐也。 板,五 之子使臣 丈爲堵。 鰥 寡老而何 自相謂 究 無妻曰 也。 終 征行也。 也。 鰥,老而 哲 知 無夫日 劬勞勞 也。 寡。 宣

韻 勞同。 澤十一陌。 標韻」羽 驕二 七虞。 作十藥。 通韻 野二十 宅陌。 馬。 叶 韻 寡 同。 嗸 叶 四四

示也

庭燎 勤視朝也。

艾,庭燎晰 至 言觀其旂。 夜如何其? 止 夜 鸞聲將將。一 如 何 晰。 其? 夜鄉晨,庭燎有煇。 君子至止,鸞聲噦噦。 夜未央,庭 章 夜 如 燎之光。 何其? 君子至止 二章 夜未 君子

是 風 士大夫妻警其夫以 鷄 右《庭燎》 鳴》篇,同 三章, 勤 趨 於早 章 朝 五. ,此乃王者自 朝 句。 之 詩 此 與 然 ~ 警 彼 齊

> 哂。 考之宣 宜 ? 及嚴垣叔更謂 名。」以此證之,即以爲宣王詩也,亦 嘗晏起,姜后脱簪珥待罪於永巷。宣王 悟,於是勤於政事,早朝晏退,卒成中 於視朝事哉? 但不知其 急於視朝,故詞氣雍容和緩,大相逕庭也。 箴之」。 誠 唯《序》既以爲「美宣王也」,又以 有 王前後,幽、厲皆無道主,豈尚 如姚 詩無箴意,胡云箴耶? 爲何 氏 王所作耳。 又況《列女傳》云:「宣 所 規宣王之過勤」, 誚 云。 然詩既敘於此, 則 程 尤 伊 奚 興 有 111 不 之 感 勤 口

【眉評】「一章」起得超妙!

於門内也。 燎,大燭也。 集釋】其語辭。 艾盡也。 諸 侯將朝 則 晰 央中也。 晰小明也。 司 短以物 百枚并 庭燎〔《集傳》〕 鄉晨 而東之,設 近曉也。 庭

九泰。 晰 八薺。 韻】央七陽。 噦 泰。 光、將 通 韻 並 晨 同 + 真。 本韻 煇 Ŧi.

旂

同。

叶

韻

沔水 未詳

父母。 隼,載 陵。 憂矣,不 載 止 民之訛 沔 飛 嗟我 彼 章 可弭 載 流水, 揚。 兄弟,邦人諸友,莫肯念亂 言,寧莫之懲。 沔 忘。 彼 念彼不 朝宗于 流 二章 水,其流湯湯。 海 .蹟,載 鴥 0 我友敬矣。 彼 鴥 起 飛 彼飛 載 隼,率 行。 隼 鴥 讒言 彼 心之 彼 載 誰 中 飛 無 飛

耳。 之詩 公輔 句。 詩 後皆美詞,無 前 ^ [《集傳》] 疑當作三章,章八句。 政 小序》謂 右《沔水》三章,二章章八句,一 云「念亂」,後言「讒興」,分明亂 幾 案 復 宣 成 所謂憂亂也。 王 「規宣王」。 、康之舊,何 初 政 多亂, 集 定歸 其朝周、召二 讒 傳 卒章脱 之 謂 有 來之詩 一憂亂 前 章六 世 兩 多 然 句

> 王前 則此 之以俟識者。 必 讒、賢臣遭禍景象,而 有 後 所指 中 諸 不 ", 特 能 詩、大不相類。 無誤 錯 簡 也 耳。 0 豊宣 不然,其詩詞意 況卒章亦脱二句 故難詮釋,姑 三王世 乎 ? 與 此 闕

也。 也。 載 起 〔胡氏紹曾曰〕蹟者,行道之跡,故 懲止也。 載 集釋】沔水流滿也。 行不遑甯處 也。 弭 止也。 不蹟 《集傳 率 不蹟 循 爲不 也 循 訛 循 道 僞 道

本 Ŧī. 有。 韻 母 標韻】海十 陵十蒸。 同。 本 韻 懲、 賄。 興並同。 湯 止 七 四 陽。 紙 本 揚、行、 通 韻 韻 忘並 友二十

其

鶴 鳴 諷宣王求賢 Ш 林 也

此中有人,呼之欲出 在 于 渚。 鶴 鳴 于九阜,聲聞 樂 彼 之 園,爰 他 山之石, 于野。 有 樹 可 檀 魚 以 其 潛 爲 下 在 錯 維 淵 或或 章

山 在 鶴 一之石 淵 鳴 于九皐,聲聞于天。 ,可以攻玉。 樂彼之園 爰 詩有理趣。 有 樹 檀 魚在 ,其下維穀 于渚,或 他 潛

之而. 當歟 滯 粹 袁 中 已 隱 之葱蒨,水石之明瑟,在在可以自樂。 其景,使王讀之,覺其中禽魚之飛躍,樹 山林者耳。詩人平居,必有一賢人在 者」,差爲 誨」字意,亦非。 覺腐 然 中 不肯明 而 詩 亦 何誨之耶? ? 不 人令聞之清遠,出 也, 奈被諸 右《鶴鳴》二章,章九句。 靈。 氣難 唯 得之。 薦朝 鄭 姚氏 堪 氏 可 廷。 謂 儒 以 謂 而 蓋諷之以求賢士之隱於 然「教」字仍本《小 教 夫詩人之於宣王 讀 並 爲「説《詩》之魔」,豈過 又分疏 故第即 壞。 見。 宣 處之高超,德 王求賢人之未仕 蓋 而實按之,則尤 則 所居之園 以 即 此一篇好招 理 景 語 以 一,何教 解 宣旗 思 誼 其 即 其 之 意 木

> 索然 人,因 實 姚 離 躍 然紙 之間 賦, 氏 也 云 人而慕其景,不必 上矣。 故 並非 通 此 篇 雅詩之近乎 作 雅 有 其詞意在若隱若現、不 譬喻看 體。 意 安排 倘 章法雖 , , , , , , 風 以 更言其賢而 者 爲 以 以以 比 爲 奇, 其園 佳。 也 詩 贵 景 味 若 即 賢 非 皆 如 不 已 反

【眉评】〔一章〕園字是全詩眼目,前後景物皆園

中

-所有。

風

乎?

蘀落也。 以 中 或 亮,聞八九里。 穀從木,非從禾也。」〔陸 鷄 宗時 口楮 爲 知將旦,鶴 紙 桑。 謂 桑穀 集釋】鶴 錯 之穀皮紙 荆 共 礪石 知夜半。」 生是 〜 陸 揚、 也。 也。 氏 鳥 交、 璣 名,禽品 攻 廣謂之穀。 臯 今江 榖 日 氏璣曰」 分錯也 二鶴 「韓 陸 南 氏嬰 常 中 氏 人績 夜半 - 之最 穀,幽 德明 中 日 其皮以爲布,又擣 二九 鳴。 高貴 州 日」《説 州 人謂之楮。 息,九折之澤。 人謂之穀桑 者。 淮 文》云: 南 其 子 >: 鳴 殷 高

韻。 韻。 十三元。 穀一屋。 天一先。 標韻】野二十一馬。 檀十四、 玉二沃。 淵 寒。 同。 通 本韻。 韻 通韻 渚六語。 蘀十藥。 園、 檀 叶 錯 同 韻 上 同

通

本

袁

揚勳 之疑耳。 王中興事,除 夫也,何以同列正雅之中?《六月》至《無羊》皆宣 其何取義。 凡十八篇,爲正小雅。 詩雖十篇,其一未詳。 以其詞氣和 莪》,固是雅之正。 麗》、《嘉魚》、《南 薇》、《出車》乃咏征戍之苦,《杕杜》則更思婦之念征 (序)論《詩》,皆略得梗概,未暇悉心詳求,故啟後人 烈以 鹿鳴》、《四牡》、《皇華》、《伐木》、《天保》、《魚 以上《彤弓之什》,凡十篇。案是什 以愚所論,自《鹿鳴》至此,可讀者二十三 紀 若以世變論、《常棣》處兄弟之變、《采 平, 《沔水》一詩未詳外,其餘諸作,無非 時之盛,何以 格 山》、《蓼蕭》、《湛露》、《彤弓》、《蓍 調 即《吉日》、《庭燎》,亦小雅之正。 亦整 《六月》後皆變小雅也。 舊説謂《鹿鳴》以下至《菁莪 飭 也。 悉名變雅? 《六月》、《采芑》、 大抵 不知 古 頌

> 推。 其變焉可耳。 多故,即 亦未嘗無正,不可 格,是變而愈變矣。 《采薇》、《出車》、《杕杜》,亦小雅之變。 車 攻》、《鴻雁》、《 然其義猶 詩筆亦多變幻也。 有 不 以 鶴鳴》, 盡於是者, 蓋正雅中 概 論 固是雅之變, 也。 而 《鶴 讀 未嘗無變,而變雅 者 以 鳴》一詩,尤爲 此例 隨 時 不唯其 觀, 即 諷咏, 《常 餘可 以察 棣》、 時 中 創 勢 類

祈父之什

鄭以千畝之敗實之,而《集傳》又謂「軍士馬徵調失常之詩,諸家皆無異言。唯毛、

牙。

若對王朝之大司馬

,則無此

文矣。」姚

父必侯國之祈父,故其

人自稱爲王之爪

敗,則以勤王不力故耳,故恨責之。

「千畝之戰,諸侯之師皆無恙,而王

一師受其

此祈

氏

以

爲「議論細

而

是」。

然非

轉子」口

故

亦

未

爲

確

也

且

末

云「有母之尸饔」,明

方者。

故當以箋、疏爲

長。

何玄子又

云:

戍乎?

且自古兵政,亦無有以禁衛戍邊

禁旅原不出征,偶一用之,尚且致怨,況

民大原

,人不足用,乃出禁衛以從征

一是

久

也。

此次千畝之役,嚴華谷云:「宣王料

康

成

數少,故統言之則六軍之士,出自六鄉也。 怨於久役,故呼祈父而告之」,是主久戍言 至虎賁、司右,簡勇士屬焉,以左右王。 所謂征行之士,例不取王之爪牙之士 亦出車乘、甲士、步卒,然其爲 遂之衆以作六軍 鄭 也。 辩 興,周室復振幾 明是不應征調 怨而責之者,不亦宜 王不力之故,而致王師敗績,朝綱再 故甯從舊説爲是。 爲責侯 國之祈父耶? 而 四十年。 征調之謂矣,尚 乎? 至是始以 然非詩人本意

獨

是

宣

王

中

諸

侯

勤

·墜,則

何紛

紛

也。

案成

周

兵 制

籍鄉

而

丘

甸之民

事 尸 爪牙」,以鳥獸爲喻也 穎 氏穎達曰]古者祈、圻、 圻之兵甲,故以爲號。《酒誥》曰 也。 主也 達曰〕鳥用爪,獸用牙,以 》作圻也。 集釋】祈父尽集傳》新父司 子司右、虎賁之屬自謂 熟食也。 畿同 言不得奉母, 恤 憂也。 防衛己身。 字,得 「圻父薄違」是 通用,故 底至也。 也。 反使母 此 馬 人自謂 此作祈、 爪牙「孔氏 也。 主饔 亶 誠 也。 職 三王之 殖 掌 冗孔 也 尚 之 封

通 韻 韻 1 四 韻 紙 牙六麻,叶 止 同。 本 韻 五 乎 切。 聰 東 居 六 魚 叶

白駒 放隱士還山也。

遁思。 思。 伊 今朝 駒,食我場藿。 束 賢之心 其 人,於焉嘉 繁白 各有 賢士不得,因放 留 宣 詩 不暇計賢者之心 之纏 而 爾公爾侯,逸豫 皎 王」、毛、鄭之徒遂仍《序》意、謂 人如 三章 所 皎 駒 志,難以 右《白駒 惟 綿 可謂 謂 白 以 冀 玉 伊 亦 駒 永 皎皎白駒,在彼空谷。 其 客。 切, 毋金 朝 人,於焉 影四 縶之維之,以永今夕。 云 相 食 毋相 夕, 至矣。 歸 二章 我 强 而 [章,章六句。 不在是也 玉 Ш 無 繼 場 絶,時 留賢之意 林而 爾音,而 期。 則 何 逍 皎 哉? 而 更欲 遥。 校白 賜 惠 慎 繁之維 ,終則知其不 序》 以詩 一章 我 爾優 縻以 可謂 有遐 觀其 此王者 駒 以 乃 也。 好音 殷,奈 游, 之, 以 生 好 心。 賁 宣王之 皎 初 爲 所 其好 芻 然 則 欲 勉 皎 以 四 「刺 耳 1: 口 欲 留 來 謂 而 爾 永 章

> 武所謂 謂: 立説 初年 以見王之不能留,庶可耳。」然 其 方同樂,奈何遽去」之意。 肅宗所謂「朕 宗,獨行 王朝,如嚴 初定,安知宣 用賢,何以眷眷於賢若是哉? 末 人。 不 |之咏,又豈臣下所宜言哉 仍 亦 能用賢,賢者有乘白駒 或必欲以 若循、 未 本 其 咄 能 其 志以 咄 光之於漢光武,李泌之於 離 説《集傳》雖 文案 子 非 王 去箋、疏 爲 爲高者? 不 敢 陵,不能 義,則 刺王 相 有 臣, 貧 則謂 也。 賤 如 以 相 特無實證,難 至交,不肯 此詩之作,正 不實指宣 是 助 濟 試思宣王 而 大 也 爲 去者。 艱 則 夫 理 其 難 爾 欲留之, 姚 耶, 耳。 時 王 氏 唐 出 中 朱子 不 又 指 能 與 光 肅 仕 興 而

之。此必當時第一流人物。〔四章〕寫出賢人身分,令其轄,同一奇想。〔三章〕謝安爲布衣時,人皆以公輔期【眉評】〔一章〕愛賢而欲縶其駒,與好客而至投

人神往不置

也。 也。 遁 也。 爲豆葉。 何氏楷曰〕藿,本作藿。 遯 實然

《集傳》〕

賣然,光采之貌也。 繋絆其足也。維繫其靭也。 也 思 集釋】皎皎潔白也。 語 嘉客〔吕氏大臨曰〕嘉客者,暫客於斯亦將去 詞。 慎 勿 過 《説文》云:「菽之少也。」或以 也。 勉毋決也,又保重 駒馬之未壯者。 逍遥游息也。 或以爲來之疾 場 意 藿 圃

並同。 十藥。 玉同 (標韻)苗二 二思字自爲韻。 夕、客十一陌。 通韻。 音十二侵。心同。 蕭。 本韻。 叶 朝、遥並同。 韻。 谷一屋。 思四支。 本韻 本 東二沃。 · 韻。 期、 思 藿

黄鳥 刺民風 偷薄 也。

黄鳥 之人,不我肯穀。 黄鳥,無集于桑,無啄我粱。此邦之人, 黄 鳥黄鳥, 無 言旋言歸,復我邦族。一章 集于穀,無 啄 我 粟。 此 邦

> 鳥黄 不可 可與處。 鳥 與 **,**無集于栩,無啄我黍。 明。言旋言歸,復我諸 言旋言歸,復我諸父。三章 此邦之人,不 兄。二章 黄

以 以孝、友、睦、婣、任、恤六行教民。 《我行其野》大略相類,亦同出 異姓也,故教以婣。 以友。爲其有同 父母也,故教以孝。爲其有兄弟 以道民厚矣,猶以爲未 者, 豈無故與? 王氏曰:「先王躬行仁義 不過泛言邦人之不可與處,下章則並 德 也,故教以任。 下,有滔滔難返之勢。 亦不肯相恤 行 爲徒教之或不率也,故使官師以時書其 而勸之。以爲徒勸之或不率也,於是 右《黄鳥》三章,章七句。 此詩與下篇 總以見人心澆瀉, 相 ,姓也,故教以 賙 爲鄰里鄉 相救 也。 其所以致 也,故教 又建官置 黨相保 睦。 於一時。 也,故教 爲其有 爲其有 民 日 以 相愛 如 趨 香姻 師 恤 此 愈 此

乎 在「不 刑 主,固 相恤 乎?」此可 所 在民 我邦族」也。 其民也,則不能 見其然。然皆不可考。 故《小序》以爲「刺宣王也」,《集傳》以 云未 宣 不見收恤,不 焉。 云,民 有 人删《詩》,存此二篇於中興之末,見 王矣,又何刺之有耶? 能 不重在民之不能 不 乃數十年而 而所刺 當遣 可與 孝、不 方是時也,安有 以先王之所 適 見民 使 異 處」及「爾不我畜 則在上耳。 睦、不 安 如 國,不得其所,即 且重在上之無以 之薄 集 仍歸 辭其咎焉。 民 流 媚、不弟、不任、不 風 以 散 實由上之失其教 故土之爲善 偷 教民者教其民 相賙 而 而 若《集傳》及諸 薄 如 此 如故,豈王 夫宣王 在上之無以 有《鴻 恤 故此 二,非 詩 也。 使 投 所 门,則 雁 昏 民 重 二詩 刺 中 蓋 姻 类 在 相 之民 歟 氏 興 是 所 爲 恤 重 賙、 復 也。 周 所 詩 **\$** 美 亦 家 咏 教 未 之 ?

> 栩七麌。 通 之衰實自 韻 集釋】穀木名,解見《鶴 標韻】穀 桑七陽。 黍六語。 此始,不 粱同。 處同。 屋。 必 待 明八庚。 粟 父虞。 東 二沃。 鳴》。 遷 而 通 兄同 穀 穀 後 韻 善 屋。 著 也 也 族 韻 同。

蕌。 以 我 爾 野,言采其蓫。 異。三章 畜, 居。 不思舊 我 言歸 爾不 行 其 我行其野 姻,求 思 我 野 復。 一、蔽 畜,復 昏姻之故,言就爾宿 爾新 二章 带 我 其 刺 邦家。 特。 樗。 睦 我 婣之政不 行 成不 昏 其 姻之故,言 野,言 章 以 富 講 我 也 采 亦 爾 行 其 其 不 就

篇 不 乃 蘇 獲者 而 氏 右《我 詞 所作 又謂「甥舅之諸侯、求 較 迫 行 ,以人愈親 其野》三章,章六句。 則以私 心測詩意 而 情 愈見其 人爲 贵 王 説 薄 能 卿 見 前 切 而

弟有 以不 均 所」, 體 此 同 '皆不切。 與 爲 怠 失所 荒 前 臆 得之故,烏能 而 夫甥舅之國,求入爲卿不得,必有所 何 測 篇朱鬱儀所 ,禮意衰薄 而 故 然較 故甯取王説而諸家 來依于王室者,及其季年,政 國」之可 蘇説差 思返故國 怨 云「宣王之世,諸侯 王 返耶? 有 而 理。 以 此 而賦是詩」, 案之詩意, 唯 可悉棄也。 刺 既 之乎 日 「 失 兄 ?

當惡菜也。 可 矩。」「蓫〔《集傳》〕遠,牛蘈 莊子》曰: 著熱灰中 集釋】樗惡木也。〔李氏樗曰〕樗,不材之木。 「大枝擁腫,不中繩墨。 温噉之。 「陸 氏璣 日 飢 荒之歲可烝以禦飢 幽州 ,惡菜也。 人謂之燕 當,其根正白 小枝卷曲,不中規 今人謂之羊蹄菜。 特匹 也。

叶 叶 筆力反。 韻 標韻】樗六魚。 蓫 特十三 屋。 職。 宿、 復並同。 異四真,叶逸織反。 居 同。 家 本 六麻 韻。 叶 葍 叶 古胡反。 韻 屋,

斯干 公族考室也

攸芋。 冥。 户。 續妣 璋。 其 男爲上,故先及之。 占之:維熊 何? 突接人室寢處。 革,堂高。 好矣,無相 苞矣,如松茂矣。 子之祥。最吉無過生育之繁。 椓之橐橐。 庭,有覺 君子攸 其泣 爰居爰處,爰笑爰語。 祖 秩 吉兆。 三章 秩 承先志。 喤喤 如暈 斯干,臨 猶 維熊維 其 繚垣。 寧。 維 如 乃寢乃興,乃占我夢。 矣。 一、朱芾 楹 斯 羆 載寢、 跂 五章 築室 飛,君子攸躋。 ,男子之祥; 風 水 聚族而處,誓相敦 斯 林木蒨茂。 羆,維 室 雨攸除,鳥鼠 斯皇,室家 之牀、載衣之裳、載弄之 邃。 翼 出出 下 百堵,創 了, 如 出出 . 莞 虺維 噲 七章 南 上簟,乃 1會其 二章 矢 兄及 Ш 蛇。 斯 維 新 乃生男子,生 君 業。 睦。 弟 正 棘 虺 攸 四 約 六章 面 王。 章 維 安斯 之閣 去,君子 矣 Ш 噦 如 一章 吉夢 西 蛇, 及其長 噦 大人 鳥 南 式 殖 如 寢。 維 其 斯 女 其 似 相 竹

成 瓦 次之,亦 所 饋 無 是 爲吉 爲 修,無貽父母以羞爲吉。 非 昏 無 莫 儀 非 載 君 唯 寢 王. 世 酒 之 族。 食 地 是 八 載 章 九章 議 衣 乃 無 之裼 生 父 女子 母 ,載弄之 詒 生 罹 女

所 非 五 以 但言室成,而 且 其 朝 兄弟聚處 Ш 成 言 宜 生 會 」字無着 王 爲 鳥 落成宴飲詩 句 誉 言,以 一男育 考室通用之樂,則 革 右 斯 諸 宣王《小序》。 此詩 洛時 暈飛,亦豈 侯 女於是室哉? 及 而 干》 詩 落,姚氏際恒所駁。 似 設 生男育女之祝 作,朱鬱儀、何玄子之言。 不指 中 也。 1 九章,四 成 有 築初 民間 王非 時作,武王詩 爲 「室家君 然自是皇家 何 成、祀禱 非。 章 王 制 躬居其室 若以 章 度耶? 固 王」等辭故 即 故 七 是。 蓋 篇 此詩 爲 句 語 屋 不 東 中 武 一,何 五 五 非 神之詞, \sim 然其 若以 應 都 亦 王 則 集 士庶 章 必 只 必 厠 傳 耳。 祝 爲 無 南 爲 意 章 于

及諸 志也。 當是 之謂 室小 德既 舉。 乎 以 者,夫豈無人? 擇其林木佳處,聚族環 宣 朝,各營新 其陰陽,有似 更新之,又何必 王」者,昏姻皆王侯世第也。 熊羆占夢」者,子孫繁衍 中饋,無貽 王 ? 一時,中 乎? 一之内, 寢 侯子 衰 然京仍 故其詩 曰「築室百堵」者,創建 廟。 而奢侈,宣王賢 姓 第。 興 是 宣 鎬 詩 次於宣王諸篇之末,以 景 卜築爲乎? 父母羞爲 孰 知 王 京, 人美之。」然則 於是卜築豐水 面 運 雖 能 非爲宣 曰「似續妣 Ш 室仍 中 一新,天潢 創 臨 興, 建 勗。 水,作 處, 舊室,不 三王作, 而 如 不 也。 中 且 是之巍 以 無 此非 祖 興, 相 劉 面 此 唯 世 者 爲世業常 建 新室 可 曰「室家 向云: 彼 女子 胄 詩豈 更爲 過 誉 周 無 纘 對 流泉,觀 我 室 也 以 補 宫 疑 南 承 室之 紀 輪 懿 則 次 儉 儉 葺 矣。 周 Ш 親 君 先 基 奂. 勉 而 日

爲「宣王考室」,皆其讀詩粗率處也。時盛事,爲中興生色耳。《小序》不知,誤

之美 精 再 有 着。 首聚族 皆築室事。 次言承先志,乃創業者之心。 分貼細 密 藉占夢男女雙題,開下兩章,乃不唐突。 法,垣則曰「攸芋」,堂則曰「攸躋」,室則曰「攸寧」, 處。 然非聚國族於斯,則 承 眉評】「一、二章」先從形勝 [八、九章]生男育女,兩 膩處。 先,遥 先垣、次堂、次室、層次井然。 遥 [六章]藉夢作兆,文筆奇幻。 相應。 亦未見其盛也。 非獨卜 三、四、五 大段對寫作收。 後之昌, 起,乃卜築第 章」此下三章 須玩他鍊字 此文心結 故首及之。 亦見 〔七章〕 文章 與篇 要 搆

芋尊大也。 也。 殖 如 南 也」之翼。 之山 殖 閣 平正 也。 集 閣 釋 也 上下 猶當作尤。 跂竦立也。 棘 秩 急也。 覺 相 承也。 秩 高 大 有序也。 革變也。 而 似 翼〔嚴氏粲曰〕如《論 直 椓 嗣 也。 也。 築 干 也。 楹 翬 水涯 爰 柱 雉 於 槖 也 也。 也。 也 彙 躋 杵聲 噲 南 約 語 升 噲 Ш 束 也 也 翼 猶 板 終

簟歟? 族 皇猶煌煌也。 故初生子可弄。 長一、二寸,至長不過三寸。 璋 以 虺,蛇屬,細頸大頭,色如文綬,大者長七八尺。 羆 筵,蒲 快快也。 太卜之屬,占夢官也。 曰〕《司几筵》有次席,注以爲桃枝竹所次成 冥奥愛之間 孔氏穎 (陸氏璣曰)羆有黄 [案]詩云「乃安斯寢」,似此席非筵席,乃寢處之席 西方人呼蒲爲莞蒲,江東謂 禮 也。 ,當止是璋玉也。 神明,及 集傳》〕羆,似 筵, 達 裼 莞 則 爽塏之意。 席在下, 日 褓 爲 也。 也。 朝聘以 褓 兩 君諸侯也。 喤大聲也。 ,縛兒被 莞蒲席 種席 (羅,有 熊 陸 〔姚氏際 即 爲 而 正向明 氏 也。 璋 瑞, 筵 長 也 德 半 赤羆,大於熊。 也。 也。 頭 璋 明 簟竹 其制不一,有孔可穿絲繩, 圭 室家君 恒日]今世傳有 高脚,猛 E 璜 以 處也。 **芾**天子純朱,諸侯黄朱。 之苻籬。」《司 〔孔氏 瓦 竹簟 日 璋。 湯、《 葦 姚 裸宗廟。 在 日 氏 穎 王言昏姻皆王 〔嚴氏粲曰 憨多力, 噦 韓 簟。 上, 際 達 噦 詩 恒 \Box 虺 〔《集傳》〕 **「馮** 即 几筵 者,其 深廣之貌。 曰〕瓦、《毛 三代 此 作 郭 重席 能 生 氏 大人 璞 玉 〕璋 拔 》有 햼 男 即 復 H 樹 耳。 也 侯 弄 玉 此 京 莞

瓦質重大,豈 婦 寸許, 人以麻線爲業,人各 以 紡 如瓦形,或即是此 塼 解之,不可 初生子 所能 以塼 弄 瓦,索麻線于其上」,尤可笑。 未可 爲 哉? 瓦。 知 黄 予又見三 也。 東發 謂 代 一湖 古 州 玉 風 俗

罹支。 興十蒸。 虞。 閣十 陽。 庚。 韻。 祖 四支,叶彼何反。 二十六宥。 瓦二十一馬,叶 七虞。 皇、 正 叶 藥。 祥 飛 標 同。 叶韻 同。 韻。 王 五 夢 堵、户 韻】干十四寒。 橐 茂同。 微。 冥青。 並 本韻 同。 翼十三職。 同。 送,叶彌登反。 魚 躋 蛇六麻,叶 並 本韻 位 好十九皓。 八齊。 二字自爲 同。 反。 本 寧 韻 同。 處六 儀 通 除六御。 棘 山 土何反。 韻。 通 四支,叶 地 叶 韻。 十五删。 同。 語。 猶十一尤。 韻 四 韻 牀陽。 真。 革十一陌。 庭 語 叶 音 寢二十六寢。 何五i 去 同。 九 通 義。 韻。 裼 青。 同 裳、 韻。 + 歌。 叶 通 議 芋七 楹 祥七 璋、 韻 韻 錫 真。 羆 通 苞 八

無羊 美司牧也。

三章 餱。 牛 ? 占之: 衆維魚矣,實維豐年, 旅維旟矣,室 牧來思,以薪以蒸,以 牛來思,其耳 家溱溱。 矜兢兢,不騫不崩。 池,或寢或 三十維物,爾牲則具。 誰 牧人乃夢,衆維 九十 謂 四章 爾 訛 其 無 溼 特。 羊 ? 爾牧 溼。一章 爾 來思,何 羊來思,其 魚矣,旐維旟矣。 麾 雌 之 百 以 或降于阿,或飲 雄。 維 以 此句是主。 | 蓑 肱 群 爾羊來思 何笠,或 畢 角 誰 濈 來 謂 濈 既 大人 負 爾 升。 其 爾 于 爾 無

雖 但 復先王牛羊之數」。 牧人職廢,宣王始興而復之,至此 宣王考牧」。 三二牧 非 大政,而 右《無羊》四章,章八句。《小序》謂 事 有成 犧牲 鄭 而 氏踵之,以爲「厲王 於是乎 牛羊衆 《集傳》則置 出 多 ,賓客於是 也 而 而 夫 一之時, 成,謂 不 牧

寓

言外

總

以

牧人經緯其間,以見人、物

溼

或

牛羊

渾言,或單

咏羊不咏牛,而牛自

隱

育

口

氣。

以下人、物雜寫,或牛羊並題

謂

」二字,飄忽而來,是前

此凋

耗今始

其所 主腦。 也。 繞,是其高 爲犧牲設也。 匪 詩,何能 並 重以言,不累即腐。 人微處,有畫 夷所思。 處,兩相習自不覺其兩相忘耳。 取 其尤要者,「爾牲則具」一語,爲 ,無不具備 蓋祭祀、燕饗及日用常 是夢見此 處。 不知是真 手 然淡淡一筆點過,不 所不 若低手爲之,不知如 境。 ,所以爲盛。 文章死活之分,豈 末章 能 是夢,真化工之筆 到 忽 出 晉、唐田 奇幻, 饌 古 所 其體 不 需, 何 更 徒 全詩 尤 家 爲 物 不 鄭 纏 專 諸 維

羊 ?

至是乃修而復之,亦中興所恒

有

王當板蕩之餘,牧養之政久廢,何

有

乎

牛

宣

享,君庖於是乎充,亦爲國者之先務。

雅、變板成活之法 體物人微,文筆一 人、物雜寫,錯落得妙,是一幅群牧圖。 眉評」 變。 章〕起 四四 勢 [章]幻 飄 忽。 情奇想,深得 牛 羊 (三章)單寫羊 並 題。 化俗爲 章

[《集傳》]溼溼, 集 《釋】惇 潤澤 黄牛 也。 黑 屑 4 日 - 病則 犉。 耳 濈 燥,安 濈 則 和 潤 也 澤 也。 溼

無稽。

竊謂二詩雖同

出於中興初年

', 而

其

室亦

歸

美宣

王,二事

相

題並

論,

則

尤

附

會

考牧」,未免

小視乎朝廷也。

且並

E

篇

考

牧而天子自在其中矣。

《序》必以爲一

宣

王

天子不必以

此誇耀富盛也。

故

但

日

美

司

禮》云:「問庶

人之富,數畜以

對。」似

能

再言以取重複之誚。

是知考室自考室,

微哉!

考牧自考牧,不必盡爲宣王作也。詩首章

同

美

宣

王,則二詩中皆以大人占夢,必不

事

不相

屬。

編詩者後始類録之耳。

若使

Ŧi.

川

肱 騫 雌 訛 州 年之兆耳 日 何氏 雄言 里所建,統人多。 臂 虧 驚 也。 動 也 楷曰〕物 鳥。 維物 雌 貌 既盡 雄 崩 旐 《集 傾 謂毛物 (姚氏際恒 旟 矜 也。 詩 也。 傳》 兢 作 溱 集傳》〕旐,郊野所 升入牢也。 不 與「比 譌 兢 齊 溱泉也。 傾, 曰〕雌雄,字從隹,即鳥也,故以 其 堅 色 何 崎 强 物四驪」之物同 耐 揭 嶇 也。 别 也 險仄 占夢 之,凡爲色三十 欲 之處 蓑笠 建 争 借占夢以 先 統 不 而 人少。 備 傾跌 實 雨 蒸 緩 具 爲豐 細 旗 也。 貌 也 也 薪

十四四 年 肱 居 反。 律 緝 反 升 訛 標韻】群十二文。 歌。 並 叶 溼同。 溱十一 蒸。 韻。 叶 叶 韻。 真。 本韻 蒸十蒸。 韻 笠緝。 通 韻 魚 阳 **犉**十一真。 六 雄 五 物 魚。 歌 東。 五. 物。 旟 池 兢、 同 四支, 通 具 蒸、 韻 七遇,叶 本 叶 崩、 韻。 唐 濈 何

節 南 Ш 家 父刺 師 尹 也

在此。 亂 消 平,則小人雖退而無怨。 可 君子如屆, 惟其不平,天亦屢降大凶。 任親人,小人之尤者。 仕,勿罔君子。 躬弗親,庶民 秉國 尹 領起全詩。一章 師 不弔昊天,不宜空我 知。 筆,乃其爲政之失。 尹 靡有定。 不 君子 之均 民 二章 節 或 平 彼 既卒 具 謂 如 四四 南 爾 俾民心闋。 何 尹 夷,惡怒 根第三章。 Ш , 弗信。 斬 方是維。 氏 瞻 ? 節 式 維 大師 彼 何用不監。 四 天 民 憂心 夷式已,無 石 章 南 瑣 方 言 是 此下歷舉不平之實。 師。 若不爲天所恤 巖 ,特筆振 Ш 昊天不 瑣姻亞 薦 再勉以 無 昊天不 天子 違。 如惔 巖 ,有實其猗。 瘥, 嘉 乃轉入本意。 是 五. 不 首二 故作危言, 進 喪 起。 憯 惠,降 一,則 章 小人殆。 傭 毗 用 莫懲 亂 敢 章 君子 俾 降 亂未能 無膴 維 不 弘 戲 興 周之 起 弔 此 則 此 民 多 虚 嗟 談 弗問 赫 仕。信 喝 昊 大 鞠 不 諸 勉之以 赫 赫 怨自 戾。 迷。 氏 再 其 病 汹 式 筆 弗 弗 赫 師 根 唱 威

懌,故 月 我 是誰之咎? 詩 抑。 王 方茂爾 「不敢戲談 人忠厚處。 瞻 弗 斯 九 親 寧。 四 生,俾民 湯 章 方, 筆。 任用姻亞,六章 家 始 應上 十章 蹙蹙 父作 應「憯莫懲嗟」。 式 出「王」字。 如 不 訛 「秉均」。 · 寧。 相 靡 爾 誦 醻 心, 以以 所 矣。 憂心 聘。 不懲其心,覆怨其 不自爲 以畜 究王 駕 八 相 彼 應「喪 如 章 爾 萬 四牡 宮。 政 醒 矛矣。 邦。 亂弘多」。 誰 昊 天 卒 明點 · 四 再 秉國成? 不 勞 勉以 作 牡 既 平,我 詩, 白 項 七 夷 德 正。 反 領 姓 是 既 應

之世 章四 唯 父 傳》及諸家多疑之,遂有以 來求車」。 未 孔 一亦有 一句。 必 氏 右《節南 穎 是 上 《序》以 人。 達云:「古人父子 距 家父、《春秋》桓十五 幽王之卒已七十五 Ш \checkmark 姚氏 十章, 爲 「刺 7亦云: 幽 六 章 王 爲東遷後詩者 多同 也 章 「東遷後曷爲 年,「天王使家父 八 字,此 句, 歲 然 四 桓 家 集 章 王.

非, 世 弗親 政,失在委任 以 幺 不 咏 畏威,莫敢戲談,況侮之乎? 父之深以爲憂也。 自懲。偶有規而正之者,反以爲怨。 天人交怒,灾異迭興,流言四起,而猶 往 正 因之不寧,乃是臣子愛君之心。 王,非 所能 藉 敢 南 臣,義與 無 亂 _ Π, 戲 山 又 挽回天意 或 ? 況天方降 靡 爲 談, 政 稍 則必 惟 哉? 有 愚 國 失臣 出 隱 而 定」, 同 謂 私 小 己 不 休戚,故 此家 而 門,故 人,且 詩 然 子事君之道,且使小 獨 敢 灾,危 安王朝 顧 以 作 始 然其 直 瞻 父乃 直 詩 猶 題姓氏 多 多 兀 及 刺 以 望 不 人聲勢赫赫 姻 不 方,不 我 與 尹 刺 ·憚誅 其 平, 亞,而 既 氏 王 之者,夫豈 師 進 唯家父 矣。 知 い罰,直 爲主 尹 君 若以 尤 知 其 致 又「弗 同 子 尹 逝 非 無 言 朝, 舉 召 此家 氏 周 臣 將 口 退 刺 不 人 爲 其 子 救 朝 朝 知 得 刺 王

乎 意 以 詩 潔 亦 邦,亦未始非 豈不壯哉! ,以究王訩 身遠 1 孰 改心易慮 所 肯以 由 家父亦可 去、 來 歟? 縅 身當尹氏 則 歌 之所 口 不 猶 謂爲人之所不能 詩之力也 然非忠誠 言之秋。 可 由 以 之怒而 轉 倘 禍 使 爲 此作詩表字之 其 成 不 懷 不 人 得 福 一辭者? 不 聞 不 而 爲 計 作爲 之 畜 者矣, 利 養 而 嗚 萬 歌 大

爲政 職任 章皆虚 結出 其 蓋知 君愛國之心,含蓄無限。 其 自 正,則 作詩原 其 懲,不作痛絶之辭。 之重可 不平,以及信任小人,以見天人交怒之故。 不能 【眉評】(二 籠全局。 惡愈深矣。 知。 由 自懲也,觀下「不懲」二語可 是通 (三章)上言師尹,此特題大師字, 章〕起得嚴厲 〔九章〕「王」字輕輕 篇警策處。 立解 [六章]至此乃深惡 之妙 有勢。 可可 四、五章〕二章 以 見。 (一、二章) 爲 帶 法 出 而 迨 詩 至 痛責之, 〔十章〕 然猶 實寫 覆 則 首 人忠 恕 望 其

【集釋】節高峻貌。〔何氏楷曰〕節,通作岊。

漢》曰 以 正直人言。 也。 也。 也 雖 旁,倚之畎谷也。」或以爲草木之實猗猗 日 也 矣。 後又書「尹 公羊子以爲 《集傳》〕尹 日 顯 徐 (案)山 尊,必 一》《尚 盛 鍇 君子而弗咨詢之, 「實,滿。 貌。 具俱 云: 監 師 均 瘥 : 雖 書 衆 平 病 有親 視 高, 如 師 Ш 也。 也。 也 也 也 氏 〔姚氏際恒曰〕仕,非事也,君子,非 氏蓋吉甫之後、 恢 一機 周官》云「太師、 一之陬 必有草木以實之,而 # 近 立 猗,長也。」箋云: 如 世卿 問 王子 弘 維 以 瞻 大 有 焚。」恢,焚之類 隅 附 師 咨詢之也。 視也。 持 大 弗仕使之,是誣罔 實 高 者」,即 朝, 和 尹 也。 也 處 其 之, 氏 日 則尹 也。 猗鼠集傳 岊 憯 毗 而 恢 此也。 春 太傅、 其 秋》 輔 曾 燔 「猗,倚 氏 大師,三公。 仕 嚴嚴 威 也。 也。 也 也。 其高· 之爲 隱二 任 李 愈 太保, 官之也。 ※ 未 (李 君子 也。 弔 懲 卒 世 氏 積 年 愈 石 顯, 終 一卿,其 樗 然皆不甚 創 愍 書 氏 兹惟三 詳 也。 言草木滿 薦 貌 日》春秋 也。 也 也 樗 尹 以 其 孔 荐 指 君 日一《雲 來 故 氏卒」 興 義 氏 通, 赫 Ŧ 氏 子 空 斬 師 公。 甚 戒 穎 通 也 赫 指 其 窮 本 重 尹 其 傳 絶 久 達

殆 危 夫也。 其 之,以 也。 也。 指其事而言之。 病曰酲。 日 (孟子 勿。 亞。 「無」,應上君子弗仕意。 戾乖也。 也。 相 小人危殆也,故戒其 夷平也。 所 膴厚也。 視 成平也。 謂「士 也。 瑣瑣 懌悦也。 蓋此輩不 屆 師不 小貌。 [姚氏際恒日]小人則平其心而 已止也。 至也。 項大也。 能 治 烟亞 肾之父曰烟,兩壻 唯 無」。 家父家、氏。 関息也。 士,則已之」,與 傭均 (王氏安石曰)已,廢退 仕, 蹙蹙縮小之貌。 而且 也。 無、毋同。 違遠也。 膴仕矣。 鞠窮也。 父,字。 此 瑣 己 瑣 故 同 姻 茂盛 酲 周 汹 亦 相 休 也。 亞 大 酒 蜀 戒 廢 謂

談同。 真。 齊。 歌。 仕 紙。 維四支。 信 瘥、多並同。 監咸 標韻】巖十五 通 同 韻 本 毗、 通 韻 傭 迷齊。 嘉六麻。 韻 一冬。 成。 仕 猗 四 汹 師 瞻十 四支,叶 紙。 嗟同。 同。 支。 四鹽。 子 本 通 於何反。 叶韻。 同。 韻 韻 **惔**十三覃。 **殆**十賄。 惠 親十一 八霽。 氏 何五 八

> 戾同。 醻同。 韻。 九青。 通 支。 韻 違五微。 領二十三梗。 屆十卦。 本韻。 酲 誦二宋。 庚。 通 成同。 平庚。 韻 関九屑,叶苦桂反。 訩冬。 騁同。 定二十五徑。 政二十四敬 寧 邦三江。 青。 本韻。 心十三侵。 轉韻 叶韻。 生八庚。 矛十一尤。 姓 同。 正 夷 叶 四

禄。 以有 莠言 自我 同 京。 言,民謡於下。 一章 被 囚 我獨憂之。 自口。 侮。 先,不自我後。 民之無辜,并其臣僕。 父母生我,胡俾我瘉? 正月繁霜 虜 哀我 見嫉之故。二章 雌黄其口,尤覺可畏。 亦孔之將。 哀我小心, 癙憂以痒。 人斯 ,時乖於上。 于 傷己適遭是 何從禄? 我心憂傷。 憂心惸惸,念我 念我獨兮,憂 我之不幸,將與無罪 疾痛則呼父母。 時。 憂 心 瞻 好言自口, 愈愈,是 烏爰止, 無人能識 民之訛 心 無 民

正月

周大夫感時傷遇也

予聖, 言,寧 赫 我 蜴 維 謂 彼 于 比 又 心之憂矣,如 **云憎**? 亂世 開 瞻林間,篇中興起,大小亦分明易辨。 則 號 窘 天 後 既 宗周 蓋 林 陰 ,如不我得。 斯 棄賢 燎之 束住前半。 一半文字。 誰知烏之雌 莫之懲。 克有定, · ', 侯 高 言, 四章 方揚, 不敢 襃姒威之。 載輸 薪 有 其 不 謂 或 倫有 車 侯 六章 知所 天之机 靡人弗 不 爾 召 Ш 既 蒸 結之。 執我 寧或滅之。 ·局 雄? 載 彼 蓋 止 載 脊。 瞻 故 卑 民 如烏之止於誰 罪人。八章 彼阪 乃 仇仇,亦不我力。 謂 勝。 將伯 我,如不 爲 老,訊之占夢。具 古今通病,召亂之本。 今方 哀今之人,胡爲 今兹之正,胡 地 棄 罔 田 爾 蓋 有皇上 助 殆 借燎 爲 ,有菀其特。 厚,不敢不 輔 子 民急呼天,天獨不 ·我克。 陵。 屋 視 終其永 田起下 以 一帝, 天 九章 三章 陰 民 雨 夢 彼 然 之訛 伊 褎 行 七章 懷 蹐 Ŧi. 姒 車 厲 求 誰 無 又 虺 曰 膽 章

> 夭是 佌 虐。 十章 此 潛雖 鄰,昏姻孔 顧 棄 佌 惸 爾 爾 十一章 核。 彼 獨 伏矣,亦孔之炤。 僕 輔 魚 有屋, 萩蔌方 在 員 不 慘然。十三章 民享承平未久,又遭大亂。 于 云。 輪 于 彼有旨 沼 爾 爾 亦 念我獨兮,憂心 輻 載 匪 有穀。 酒 承 終 克 上 、又有嘉 憂心慘慘,念國 樂。 踰 正言, 絶 民今之無 以見 再 險 以 哿以富 慇 殺 賢不宜 魚 曾是 慇。 比賢 洽 難 人,哀 禄,天 不 十二章 一之爲 比 避 意。 視 其 屢

設 不 殆 人 前 章六句。 出 Ξ, 知 民 想 不 則 也 集 口 後 右《正月》十三章,八章章八句,五 疾 于 時 生 則 痛 何屋。 此自幽 夫天 被 當 非 號泣 虜 詩 厄 心 爲 人語 運 前 人 則 王 深恐國 人臣僕,有 事 此情此境,真不 時 氣。 欲訴之於天。 互相 詩。 蓋其自傷 破家亡,與無辜 然《序》以 倚 似 伏 烏 飛 多難,不 今之天 堪 人當危 一型 爲 預 爲 章

莫能

用

此

世之所

以

亂

而

而

唯

也

況

淫

虐

召

亂

,女戎方

興

平,則「有皇上帝」,福善禍淫,原無所 自聖,更難知其烏之雌雄也者。 恐其不得;繼得之而 始予固嘗見用於 醉,若無辨於人之善 古人有言,勿謂天高,不 人知自警,天亂 若今之人,則貿 特天心未定,訛 譬彼特苗生於阪 世將禍 賢者終莫能 夫始求之以 毒 灾? ,赫赫宗周 夫亦自小之 世 如 以 仇,亦 矣,而 相 亂 子 害 是人 之處 惡 偏 亦 則 也 敢 伸 終 爲 愛 將 習 無 流 也 乎? 辨, 衆賢 破 嘉 既若彼其甚,人心多險,國是日非,賢奸之 禍 淺水,雖曰潛伏 之爲虐,而不勝其深藏而自晦之。然 賢,又將禍焉。 如 雖人世崎嶇,路多絶險,亦不難 其早見及此,無棄 載墮困 也 可 又窘陰雨 家立 耳。 勝嘅 殺 不 ,奈彼自棄其 又若此 呼 經 臣 然彼 一於泥 夫天意難 哉 意 輔之而不足,一 將 朋 而 」,車輔 在 引 小 其 塗,始 自 然衆賢 日 人, 類 難。 夕。 踰 輔。 ,亦甚炤然,恐終無 予是以「憂心慘慘」, 、測、亂未有已、是非之淆 相 則 矣。 爾 相 相 而欲 與 方 失,其 此予獨深 輔,又能 呼 非 如 爲 Ħ. 助,詎 乃今之世,非 行 不劬勞盡 褒姒威之而 樂。 或 肆 車 何 之 然,車載 然 以 慎 能 憂而 而 無 得 安 戒僕 行 及 不 瘁以 志, 亡 車就駕, 耶 ?

甚矣。

而

人

顧不能容,嘗肆

則又

何故?

如

天方

扤我,如恐不勝。

 \mathbf{H}

風

雨

動之,其能長乎?

不局。

勿謂

地

厚,不敢不蹐。

此,未

敢縱恣。

而

爲

福,又豈

有所

偏

憎

而

降

然以

言謗讟尤易煽動

乎人。

,是天心已不可問矣。

則

夢

夢

然

其

如

孔

多

時

則

然。

倘

使

事

又

何

勝言哉?

然此

不

能

自

知

其

或

也,

旨

慮

或

第

棄

夫,則

?

使

迨

至

既

有

餘,

輔之

以

逃

其

魚

游

作,非 此。 如 椓 無 蓛 耳 類。」是已。 亡,言之何益 雀處堂,自以爲樂。 君若臣,尚縱飲宣淫,不知憂懼。 威之」? 古人縱 集傳》疑爲東遷後詩。 害 蓛 不知 刺時,非 此 事 者 ,亦欲救之無可救藥時矣。 然 小 福 前 此必天下大亂,鎬京亦亡 惸 也 躬親其害,不能言之痛 民。 矣。 民 此 禍之將及也。 獨 方 宣 雖 何哉? 然鎬 感舊也。 有穀。 王中 孽 而 然 ? 、孰知大亂又作,是天降夭 無 予何 興 京未亡,何以遽言「襃 可 極 且與前後文意,亦 此周大夫感時傷遇之 將以 追 戅直,亦不應狂 若褒姒已往,鎬京 佌 足惜 富 故詩人憤 朝突決棟焚,而 佌 姚氏駁之云:「 爲從此安居 者尚可自勝 然民 ,所苦者, 加切如 讀者循 在旦夕。 始有家, 極 所謂 此。 而 誕 不 吾 文案 可 爲 相 若 此 怡 其 姒 己 獨 藤 享 是 燕 而 亦 民

義,其情自見,又何必紛紛辯論爲哉?

三章]民弱受害作收 之,爲一大段。〔十二章〕此下言小人、朋黨亂 易警策動人。〔十一章〕賢既不用,必 不專。 雖獨醒,無地能容。 醉 未知何如,偶一念及,詎堪設想! 十章〕二章極言得人者昌,失人者亡,純以 何不幸,乃適當此厄運! 山卑」作一大段。〔七章〕前言是非顛倒,此後言用賢 ! (五章)人乃不知其非,可憐亦復可恨。 〔八章〕政復暴虐。 眉評】〔一章〕天人交變,亂形已著。〔二章〕我 「天高」、「地厚」二語,根上「天夢」、 (三章)亂極則國必亡,將 咎歸褒姒,言之可駭。 〔四章〕天何爲 難相 譬喻出之,故 容,故特憂 〔六章〕己 政。 九、 而 7 此 來

也。 月。 有鼠 也。 愈 愈益甚之意。 憂,至 將大也。 謂之正月者,以 [劉氏彝曰]鼠病而憂,在於穴内,人所不 【集釋】正月正,音 於 痒 病, 京 惸惸憂意。 人 京 純 所 亦 陽 不 大也。 用 知 事 政。 也 爲 無 癙 《集傳》〕 正 瘉 禄 憂 陽 病 不幸 组织 之月 也 憂 正 也。 也 也 知 莠 月 也。 醜 辜 痒 訛 夏 也 罪 我 病 僞 四

扤,動 貌 昭 氏彩曰〕員者,周 請 姒 菀茂盛貌。 也。 也。 云 明 也。 出 局,本又作 易 侯維 虺 「非天夭民。」與此天夭同義。 天 摇 王嬖妾,褒國女,姒姓 見也。 ,如今人縛杖於輻 場皆毒 伯或人也。 夭 臲卼使不遂 也。 天所 特特生之苗也。 云周旋之意。 跼 夢 螫 禍 防完美,無缺 一之蟲 夢 也。 也。 蹐 如 不 某伯 累 也。 明 ,以防輔車 何 足 力用之力 某仲之哲 也。 也。 也 氏 阪 楷 陷傾側之 扤 佌 田 局 日 威 號 動也 極害也。 佌 類。 也。 也。 崎 長言 曲 亦 小 商 嶇 也。 滅 〔黄氏 貌 意。 員 正政 書 輸 墝 之也 也 埆之 益 墮也。 哿可 陸 炤音 蓛 形 也。 輔 也。 氏 處 日 正 脊 蓛 也。 (《集 德 灼 日」 也 將 襃 張 篇 陃 理 明

痒 韻 蒸 陽。 + 叶 陵 標 韻 轉 蒸 夢 韻 韻 禄 懲 送,叶 霜 看七 虞。 同 七陽。 屋。 莫 夢 登 僕、禄、 送。 反。 後二十五 傷、 雄 將並同。 勝 屋並 山有。 蒸。 東 同。 憎 叶 口 京 胡 同。 同。 本 八 陵 韻 反 庚 叶 侮

> 樂十藥。 同。 叶筆力反。 叶 韻 叶 椓 云十二文。 韻 韻。 叶 結 韻。 九屑 局二沃,叶居 雨塵。 獨屋。 炤音灼,同。 載十一 慇同。 特十 厲 輔 轉 隊,叶 同。 八霽,叶 通 \equiv 韻 亦反。 職。 韻 虐 節力反。 子 同。 六語 力桀反。 克、 屋 蹐 屋。 + 本 得、 意 通 韻 陌。 四 韻 滅 力 穀、禄並 真。 屑。 鄰 並 脊、 輻 + 同。 叶 威 蜴並 韻 真。 屋, 同。 本

十月之交 刺皇父煽虐以致灾

也。

之醜。 令。 孔之哀。 日 無政,不用其良。 而 食,于 百川 十月之交,朔 彼月而 一章 沸騰 何 不 微,此 日 臧 Ш 月告凶,不 彼 冢崒崩。 日 二章 月而 辛 日 卯。 而 食 微 爗 則 高 日 爗 用 岸 有 震 今此下民, 維 其 電,不 爲谷、深谷 食之,亦 行。 其 常 寧 几 亦 不 此 或 孔

屋,田 贵 爲 憎 向。 士 休 讒 皇父孔聖,作都 承上「今之人」,歷舉其人以實之。 内史,蹶維趣馬,楀維師氏,豔 四 不整遺一老,俾守我 陵。 方有羨,我獨居憂。 日 口 職 六章 不時。 天命不徹,我不敢傚,我友自逸。 囂 卒汙萊。 競 維 囂 哀今之人,胡憯莫懲 由 司 黽勉從事,不敢告勞。 徒。 人。 胡 下 民之 爲 七章 于向。 家伯 曰予不戕,禮則然矣。 我作,不 孽,匪 王 維 悠悠 民莫不逸,我獨不 擇三有事 宰,仲允膳 擇有 即 我 降 四章 ! 我 里,亦 自 妻煽 車 謀 三章 天。 ,亶侯多藏 -馬,以 抑 ? 無 夫。 方處。 孔之 此 罪無辜, 噂 徹 皇父 八章 皇父, 五章 沓 居徂 聚子 我 海 背 牆 敢 卿 緊

樗 詩 謂 亦云: 「大夫 右《十月之交》八章,章八句。《小序 歐 刺幽 陽修、蘇 「《唐書・ 王。 轍 志》云、《十月之交》,以 鄭氏又以 陳 鵬 飛 皆 非 爲「厲王之 之。 李氏

> 天,日 人情懷 乎? 是也。 以 罔上營私,以致灾異。 詩。」姚氏 曆 小人無忌,往往 食,于何不臧。」是不唯欺君,而又欺天矣。 規避戎禍,土木繁興,徙世家巨族 王 無 桓王『與鄭人蘇忿生之田 一端耳。 著其罪,詩史家法嚴哉 ,乃刺皇父耳。 疑矣。」此詩 推 之,在幽 詩人刺之,開 : 土 去西都千里而 「彼月 皇父援黨,布置要樞,竊權 以 重遷,傷其 爲 王之六年。 此 中 而 如 紀候 説 食, 朱鬱儀 口 此, 得 直書天 遥。 則 之。 獨見搜括,故 力 豊非 曾莫自懲,乃 維 也。 則是爲 日 ,向、盟、州、 皇父恃 其 今案: 變時日於上 罪之尤大者 常。 向 然亦 幽 在 以實之。 寵 此 詩 非 王 固寵, 東 請 賦 一之詩 敢 日 詞 刺 陘 城, 都 誣 是 而 特 出出

天變於上。小人不知自警,反以爲常,則無忌憚之心可【眉評】〔一章〕詩史書法,《春秋》用之。〔二章〕

見。 [七章]至此乃言己之受勞而被讒。 六章〕小人用事於外,嬖妾固 以自安所遇作收 [三章]地變於下。 又不知 寵於内,所 懲, 則 [八章]並 尤 可 以 恨。 致變之由 及鄉里受 四、 五.

害。

之間 災。 者,日 蝕。 于 知畏天,故借口 相 月 IE. 地 脩行,庶幾可弭災戾也。 亦爲陰陽厄會,於人事上必有灾戾。 算,專以 月交會,日爲月掩 對 隔。 食則以爲常者,月 何不臧之有乎?」蓋不欲以天變自加脩省耳 感,此聖王之所以畏也。 也。 日食雖非真厄,而其象則成厄象,象著而 ,則其光反向上以 虧闕則爲變也。 蓋月本自有光,半明半暗 是行度分道,到此交加去處,應當如是。 集釋】十月建亥月也。 此定踈密,本不足爲變異。 歲凡十二會。 則 有盈 「彼月而食,固其常矣,此 日蝕。 避 天人原本一氣,天有 〔案〕日食固爲月掩,月食則非 日,向 虧乃 日有 彼月 日 其 地 月 隨 常耳 相 食之「陳氏植 交日月交會,謂 而 日爲盈 面 但 望,月與 故聖人畏之,側身 食 則 天文纔遇此際, 日 暗 四 虧。 厄 食 而 日 句 日 氣亦 則 而 成 而 小人不 曆 人必 以 蝕。 日 亢 日 爗 食,又 足以 與 家推 爲 則 晦 爆 有 月 變 朔 然 月 日

者也。 EI : + 也。 電 也 在 朝得失之事者也。 趣 傳》本則直改作「冢宰」,更非。 目 事 卿士〔《集傳》〕卿士,六卿之外更爲都官,以總六官之 父、家伯、仲允皆字也。 騰 (陳氏推曰)言其寵 家伯」之下,註 也。 東都畿内,今懷慶府孟縣。 里。 以卿士云。 光 馬 乘 「維宰、未知何宰也。」鄭氏則以「冢宰」釋之。 侯維也 都大邑也。 貌 也 中 皆 〔鄭氏康成曰〕皇父則爲之端首,兼擅 内史中大夫,掌爵禄廢置,殺生予奪之法者也 士,掌王馬之政者 天子公卿 震 冢 雷 Ш 司徒掌邦教也。 藏蓄也。 疏及蘇氏、嚴氏 也。 頂 《周禮》, 所 方固也。 豔 日 寧 封 冢。 妻指褒姒 也, 安 整 [陸氏德明 徐 畿内大都方百 也。 崒 非 抑 番、聚、 三有 也。 崔 都 發語 膳夫掌王之飲食膳羞 本,皆作 也 師 會之都 嵬 維宰〔姚氏際 令善 也。 氏 事 辭。 煽 蹶、楀皆氏 亦中大夫,掌 維 曰〕整,《 也 熾也。 憯 也 里, 卿 時 幸」。 一群職, 也。 曾 小 農隙之時 向 沸 也 都 爾 地 方 恒 出 亶 方五 蘇 故但 ^ 名 雅 日 也 處 也 皇 誠 集 司 氏

餘 也。 云 也 噂 願 徹 聚 也 也 均 强 也 也 沓 且 重 也 複 也 有 車 職 馬 主 也。 者 富 競 民 力 也 也 徂 羨 往

+ 本韻 然 處 微 叶 通 並 四 同。 六語 韻 韻 Ŧi. 真。 先。 微。 通 標 本 憂十一. 勞四豪。 徒七虞。 通 叶 叶 哀十 韻 韻』卯 韻 韻。 韻 灰。 尤 **令** + 囂二 里 夫同。 向二十三漾。 時 八庚。 通韻 八巧。 休 四 四支。 同 紙。 蕭。 崩十蒸。 本 醜 謀十 行 本 痗 通 韻。 -+ 七陽。 韻。 韻 + 藏、王 五. 隊, 尤。 馬二十 陵、 徹 天 有。 良、常 叶 九 懲 萊 向 先。 屑 呼 叶 洧 並 並 + 韻 馬。 同。 灰。 同。 反。 臧 逸

斬 伐 四 浩 或 浩 昊天, 雨 民 無 亂。 正 不 旻天疾 駿其 周 德 御 威 痛 降 弗 王 喪 或 慮 弗 饑 無 啚 饉 也 歲 善 飢 惡

所底 若此 辟更 躬是 侍獨 躬 讒。 咎于天乎? 則 長。 夜。 滅 不 答,譖言 不畏于天 居,莫知我勩。 分。 靡 處 御,憯憯 靡 二章 難 四 形 咋 諸 無罪 瘁 休 所 章 憂瘁。 輔 親亦無人盡 所 舍 臻 相。 凡 彼 則 11: 如 能 忠者不能 哀 三章 ! 百君 淪 有 言者不忠。 日 戾。 哉 退。 何昊天,辟言不信? 只好呼天自訴,君之不信 庶 凡 指上諸 胥 瘁。 罪 日 不 百 宰輔又遠去。 子,各敬爾 職。 爾 以 戎 宗 能 言 式 君子, 室絶 既 諸 鋪。 亂作無 成 臣,雖各潔身不肯格君,獨不畏 臧,覆 言 邦 臣 伏 五. 哿矣 不 終 迹,無 君諸侯,莫肯朝夕。 章 無辜受害。 其 退, 莫 莫肯 人止,民生無人遂,惟 能言 長 進 辜。 出 維 三事大夫,莫肯 嘆。 人救惡。 身。 饑 言 爲 E 用 成 惟 有 忠言 于 匪 惡 巧言 訊 不 胡 知 罪 仕 章 舌 ! 如 唯 正 反 不 遂 ,有如行 · 孔 是 諾 彼 如 舍。 故 聽 相 大 周 流 出 行 更 君 言 棘 曾 畏? 夫 宗 倒 巧 我 路無 惡 邁 句。 夙 H 俾 維 則 我 離 既 近 避 獲 列 H

天子。 爾乃自放,使予幽思,至于泣血,言無不痛。 出居,誰從作爾室? 予未有室家。 枉道者,又得罪于清流。 殆。又代諸臣自解出仕之難。 云不可使,得罪于 然則出君又豈有家耶? 直道,王以爲不可。 鼠思泣血,無言不疾! 六章 七章 雖然,王不可無輔,故相召爾, 亦云可使,怨及朋友。 謂爾遷 于王都, 曰 爾以無家爲 昔爾

古《雨無正》七章,二章章十句,二章章八句,三章章六句。此篇名多不可解。章八句,三章章六句。此篇名多不可解。 「雨自上下者也,衆多如雨,而非所以爲政心。」朱子駁之,以爲尤無理。故《集傳》引业。」朱子駁之,以爲尤無理。故《集傳》引歐陽公之言曰:「古之人於詩,多不命題,不言之人於詩之意,如《巷伯》、《常武》之類是也。今《雨無正》之名,據《序》所言,與詩絶異,

非例。 《韓詩》,有《雨無極》篇。序云:『雨 災,又多不平,是善惡不分,天心 魯魚帝虎,古簡之常。 字或誤,「正」字上下或有脱漏,亦未可知。 近臣,傷國無正 傷稼穡也。 案:《韓詩》於此篇首章,忽多二句。其爲 始以劉説有理,繼疑詩之長短不齊,以爲 詩》篇首多『雨 之「國無正」也,亦奚不可。 憂而望之者,乃僅僅出於近侍微臣,則 無考忽之。 夫以赫赫宗周,匡 且不過借時勢以立言耳。其大旨乃暬御 僞增,自不待言。 正大夫刺幽 此篇名不可考。 且並 歲飢民亂,分明是荒旱景象, 疑 王 其 無其極,傷我稼穡』八字。」 一也。』至其詩之文,則比《毛 人以 非幽王詩。 即詩中所言,亦非爲 或誤,不必强論。」然愚 匡正 但須 王失也。 細審,未可以 首章 姚氏亦 國無 故 天 無 既 測 云: 雨 時 謂 雨 而

其次 之失 禍,而 其 至邦 雖近 矣。 乎 惡 盡 諾 誰 無 也 非 言 ! 不 離 忠 莫過宗親,今之宗親 是以 人 臨 遂, 道 信, 王 君諸 則無 耶 在 正 哀哉 其 又其次三事大夫,而今之三事大 危 獨 然 ,朝廷,「莫肯夙夜」,靖共亦屬 一大夫,今之正大夫,則分封 又以 所 ? 忠告進於 又 唯 而 庶 不 如 以 吾 救 侯,則更各適己國,疇肯朝 畏於天乎? 是天災若彼其 巧 我 百爾君子,雖各潔其身,不 幾其 此 然者, 矣。 左右無賢 於 王 暬 其 孰 御 避 一悟乎? 極,譬彼 天乎 則以 王前 憂心 與 讓 爲 上 王 者 ? ,則滅迹 舉 治 日瘁,而 寇至 失 正 世 天乎 甚,人心 行 其 其 乃 無 邁 居 蓋 悪 道 更 轍 人 而 平 而 爾諸 忠者 故 故 遠蹈 莫 退, 既 無 覆 又 夫 而 耳。 耳 無 何 若 不 知 多 相 所 出 夕焉 離 臣 民 夫, 益 矣。 忠 能 其 唯 其 飢 畏 11: 爲 此 居 左 上

王都,共 者也。 諉乎? 來。 至於 可以 謂 瘁 佞,是 言 象 相 破,王室東遷 破之作,故 友。此仕之所以 至急且殆乎? 去也,又誰 也。 斷 招 不可 而 豈真 流 位 血 大 能言 不 以巧言者反得 凡人莫不欲仕,而 直道者得罪于君,枉道者 難 作 此 思輔導,而皆以無家辭,使我 使」,而 且 無 而 爲 鼠 其 詩 望 者 家 思 則雖 一則勤 (立言 不 爾作之室乎? 諸 不 思泣 乎? 當今之時,直道者,王之所 退 惟 枉 · 忠。 臣 難耳。 也。 言 别 非 道者,王之所 遷 王 血 無 東遷 如 安樂,忠 又自 王之性 歸 二等語。 予 是 不 日 然而君臣之義,未 王 恒 痛, 後 無 抑知 有 都 番 勸 詩, 家, 人, 豈待 詎 而 又 建 爾 誠 筮仕之難 功 若 則 人 謂一可使 惡 諸 Ħ. 可 者 終 見怨于 周 立 西 以 昔 臣 徒 忠 西 各還 不 業 暬 京 京 是 爾 出出 形 而 既 御 己 未 相 之 憂 绺 好

非宗周 以 但 臣 大夫諸 又何以謂之「大夫刺 説《詩》,其實未嘗讀《詩》。 暬御,憯憯日瘁。 滅」者,周之宗室遠 爲 見 也 滅亡,豈不可笑? 無 「周宗」,即以 臣 王 疑 並 或 言歴敘 爲 諸 人 儒 所 凡百君子,莫肯用訊 讀 爲宗 而 去絶 滅 幽 書,何不 下,則知其爲 也 王耶!? 周,但見 且詩中明言 迹,不來 觀 寧不信然? 細 其 既 心 愚謂: 與下 相 體 滅」,即 依 「曾我 會? 文正 諸 耳 儒

失,因詰責之,使窮於辭而無所遁,乃作詩本意。 言極沉痛,筆亦斬絶。〔七章〕末更望諸臣之來共匡 獨深憂慮,愈見國之無人也。 章〕歷數諸臣離心,匡國無人。 [五章]可爲嘆息。 ,乃更爲惡。 眉評】[一章]先寫亂形,見天心之不平。[二 (三章)痛責諸 [六章]代原 臣。 舉 時勢如斯,庶幾君心悔 臣 朝 〔四章〕乃自表己心 心 如是,爲之奈何! 君 亦 不能 無 過 君

戾 乖 也 集釋】 靡 所 止 鋪 戾, 徧 也。 無 人 止 周宗周之宗族 王之乖戾也。 也。 正 大 止 夫 戾

> 戎兵也。 訊 夫也。 爲三 子總上章宗親、正大夫、三事大夫及邦君 常任、準人、亦大夫之職也。 恒 六卿中下大夫,亦謬。 ,姚氏際恒曰]正大夫,上大夫也,即卿。 告也。 事 卿,此三事爲三公,既不一,且皆謬。 大夫「姚氏際恒曰」三事、《書·立政》篇爲常伯· 正 今分之,並謬。 大夫 棘急也。 遂遂,生也。 離 居, 猶前 鼠 且「三事大夫」連言,謂三事之大 辟法也。 思猶言癙憂也 暬 篇 《集傳》以前篇「擇三有 皇父出 御 近 臻至也。 侍 而 也。 作 離 都 諸 憯 又以大夫爲 居 于 侯 凡百君 憯 公而言 向 〔姚氏際 憂 之類 也。 事

天一先。 韻。 虞。 本 韻 韻 韻 辜、鋪並同。 遂四寅。 出 夜二十二馮。 標 真 殆 信十一真。 韻』德 + 瘁 賄 瘁同。 同。 十三職 子 本韻。 夕十 四紙。 本 臻、 訊 韻 十二震。 身並! 戾八霽。 陌。 或 友二十二 同。 流 同。 惡 + 退十一 + Ŧi. 本 天同 勩 四 藥。 有 尤。 韻。 真。 上。 隊。 叶 叶 休 圖 韻。 韻 同 叶 叶 通 七

都虞。

家六麻。

叶韻。

疾四質。

室同。

本韻

位。 又有疑《正月》及《節南山》、《雨無正》三篇爲東周變 謂"「『十月辛卯,日有食之」,驗之唐曆,在幽王六 襃姒以色居位謂之豔妻,其誰曰不可?」又謂"「《韓 父不得並政,褒姒、豔妻不得偕寵,番與鄭桓不得同 《十月之交》、《雨無正》、《小旻》、《小宛》皆厲王之詩 范氏處義駁之云:「《小雅》無厲王之詩。鄭氏以爲 形矣。《節南山》皆幽王時詩,而鄭氏乃以爲厲王詩。 其駁正已散見各篇之下,兹不再贅。 雅者,是皆未嘗案切時勢,細咏詩詞,而漫言之者。 年,亦其一證。」其餘引證雖多,無甚關係,故不録。 徒,安知其前無番爲司徒? 詩》之次與毛氏合。案:幽王八年,以鄭桓公爲司 也,毛氏作傳,遷其第,因改之耳。其説曰,師尹、皇 《黄鳥》、《我行其野》三詩有諷意,蓋末年政荒亂幾漸 (無羊)以上六篇,宣王時詩,多美辭。 先儒非之,謂使師尹、皇父、番與鄭桓先後共事, 以上《祈父之什》,凡十篇。案此什 而四詩非厲王明矣。」又 唯《祈父》及

詩經原始卷之十一

小

小 旻之什

旻天疾威,敷于下土。謀猶回 小旻 刺幽王惑邪謀也。 遹,何日

斯沮 胡 不臧,則具是依。就臣一面言。 訿,亦孔之哀。謀之其臧,則具是違。 面言。 底。 ? 用 二章 二句是主。 我視謀猶,亦孔之邛。 不集。 我 龜 發言盈 謀臧不從,不臧覆 既 厭 庭、誰敢執其咎? ,不我告猶。 我視謀猶 一章 用。 謀夫孔 渝 伊伊 謀之 潝 就 于 訿 如 Ŧ

> 冰。 他。 否。 是 哉 匪 虎,不敢馮河。 不潰于成。 爲 聽 行 如 不知遠慮。 民雖靡膴, ,維邇言是争。 猶,匪先民是程 邁謀,是用不得于道。謀而不行。三章 彼 泉 謀而無斷。 流, 戰戰兢兢,如臨深淵 無 只見目前。 或哲或謀,或肅或艾。 芻蕘堪 淪 胥以 四章 如彼築室于道謀,是用 ,匪大猶是經。 人知其 敗。 或 雖靡止,或 五章 (一, 莫 維 如 不 敢 履 知 聖或 邇 薄 其 暴 哀

七句。 《召旻》、《大明》,獨《宛》、《弁》闕焉,意者 《小雅》者謂之小,故其在《大雅》者謂 旻》、《小宛》、《小弁》、《小明》四詩, 孔子删之矣。 多,難詳其義。《集傳》引蘇氏説云: 『小』名篇,所以别其爲《小雅 右《小旻》六章,三章章八句,三章章 此篇名以「旻」加「小」字,説 雖去其大而其 小者猶謂之 》也。 皆 $\overline{ }$ 其 者 以 在 小 雖

六章

七〇

序體。 闢 得 必 作 杜 字以名篇,故其名多可移易。 古人作詩,多不 者 亦 雖 王」,固是。 兩《杕杜》,一則云《杕杜》,一則云《有杕之 有《小雅》, 小毖》,又焉得有『大毖』乎?」然愚案: 詩 幺 駁之云:「未有二《雅》,先有篇 以 衆 難 有 ,又皆便辟習近之言,無遠大謀猶之計。 論 力 王 者有意以避之耶?《小序》 邪 皆後 即 與爲争。 二正直臣 辟 多 否則 而 用 欲 身任其責以決之乎? 進 其 人分别名之,以示異 而後 何詩 然所刺者何事必須標明,乃符 ,王心愈回惑 而 舊也。」其言頗近是。 無制,好謀 立題。 以 誰肯于發言盈 ,而忠不勝奸,樸不勝 不可謂之 此詩從之也。 詩成而後始拈 而 而 刺 弗明,故群 不 如《唐風》有 辨其是 王 庭之際,獨 耳。 然其所謀 謂 乎? 《頌》 目, 而 「刺 亦豈 首二 非 郝 巧, 非。 此 先 小 幺 有 氏

之君聽 慮哉? 是信 以先 築室 患在 事 在 此詩之作 此,不覺戰兢自持,而 虎」、「馮河」之患,顯而易見,則知所以懼。 焉矣耳。 稍反焉,則「如彼泉流」,有淪胥以至於敗 寡,芻蕘堪 王 而其他隱於無形者,則雖有 馮河 又 用 偏 而 非 有 民 而 惑 況以 二,而 爲法 其 而斷之於後也哉 謀 反謀 而 然國論 「維邇言是聽」者,此亂本也,能 八謀。 蓋人情每惕近憂而 所 而 聽之,亦如 詢。 邪辟之人議之於前 亦 弗用。 前 之道 由 謀非 不 來 苟得 雖 「維邇言是争」,不以 知 歟? 路,豈能 多,賢愚互見。 所懼 所用,則好謀實足以 不患在有謀 行 其要,亦易爲治。 如凛冰淵之戒焉。 夫天 路 也。 有 而 下不 甚於「暴虎」、 忘遠 成 坐謀之於室, 故予 弗 ? 而 患 用 慮。 是皆 民 有念於 以 無 大猶 而患 人 暴 誤 雖 不 無

章〕若無遠慮,必有近憂,是以戰兢自惕。 其病在於不行不斷。〔五章〕人雖至愚,言亦可採。 謀惑人之害,將無所止。〔三、四章〕此二章受惑之故 無韻。《音韻攷》云:《釋文》曰 眉 評】(一、二章)首二章就君臣兩面,寫足邪 與止、否謀協。 《韓詩 〔標韻〕案: 》作腜,莫咍 六六

切

屬灰韻。

存以備考。

日〕潝 邛病 艾與又同,治也。 也。 П 異而無公非。 邪 猶 也。 也 **渝然相和** 集 道 通辟也。 也。 **渝**湯相和 具俱也。 旻幽遠 者,黨同 經 淪陷也。 常也。 也。 沮 而 之意。 止 底至也。 訿訿 無公是。 潰 也。 胥相也。 遂 也 相 敷 臧 訿訿 誠也。 善 布 集成也。 膴 也。 也 然相 大也, 〔曹氏粹 猶 覆 毁 者,伐 反 謀 多 程法 也。 也。 也。 中

底四紙。 作就 反。 宋。 邛二冬。 叶 叶 標 疾救 韻 叶韻。 韻】土七麌。 反。 程 叶 八庚。 咎二十五有。 韻。 猶二十六宥。 哀十灰。 經 沮六語。 九 青。 集十四 道 違 十九皓 聽 通 五微。 同 緝。 韻。 叶 《韓詩 争 依同。 用二 徒候 庚

> 敗十卦。 蒸。 成同。 淵 一先。 通韻 通 韻 冰 止紙。 蒸。 河 五歌。 通 否 韻 同同。 他 同。 本 韻。 本 韻 艾九泰。 兢

小 宛 賢者自箴 也

小心? 粟。 **忝爾** 鳴。 之。 齊聖 誨 昔先人。明發不寐,有懷二人。一章 敬爾儀,天命 何能穀? 五章 爾 興。 興。 興。 所 飲 子,式穀似之。三章 宛彼鳴鳩,翰飛戾天。 興。 如臨于谷。 生。 右 我日斯邁,而月斯征。 哀我填寡,宜岸宜獄。 螟蛉有子, 酒 小宛》六章,章六 温 應上二人。 克。 不又。二章 温温 彼昏不知, 壹醉日 戰 蜾蠃 四章 戰兢兢, 恭人,如集于木。 負之。反跌下文。 中原有菽,庶民 題彼脊令,載飛 交交桑扈,率場 如履 句。 握粟出 我心憂傷, 夙興夜寐, 薄冰。 ^ 小 富 序 人之 1, 惴 六章 謂 惴 載 采 啄 教 念 自 無

賢 又 懼 勉 意 字,不過君 之言,故其 於禍,乃爲此以自警,且 特題「飲酒」 處盛世,此心亦終不能無也 世多嗜酒失儀,三教子,四朂 爲「大夫遭 最爲明白 大 似 亦非 ,「各敬爾儀」,無 ,亦何嘗有遭 悔 也 善自警。 夫 過 不 今細玩詩 刺 特 自 專 全無所 爲 其 箴 説 時 子懷刑,不能 而 王 無非 爲戒,則 特 此 詞 意 之亂,而 穿鑿 意 爲 亂 詞,首章欲承先志,次章 極懇至。 因 故 座右銘言,固 朱子駁之云:「 在 而漫 詞? 破碎,無 人 忝 即 端 難 必 所生,而 兄弟 離 爲之之比 以 測 因 之間 並朂子弟共 「岸獄」、「 説者必 不常作是想。 其旨 過 警其餘 相 理 量無 似 然其作 弟,五、六則 戒 尤 時 無 以 甚。」 所謂 凛 欲 此 ※德,恐i 專爲 規小 薄冰 總之,聖 薄 免 觀 爲 詩 相 禍 冰 次 詩 刺 大 之 刺 此 等 過 之 敦 致 章 本 雖 嘅 之 改 詞 王 王

> 意以 爲 雖 古《序》説詩 語 能 殊 比 王爲言,豈能有當詩意哉 而 知其 知 宜 氣 相 同 全大德,是以 肖 爲螟蛉之子尚且 日 姓 「螟蛉」二句乃反跌下文「爾子」二語 、然,未 乎? 若以 奔 兄弟刺王之詩,故 申,申侯挾之而 比宜 病 諸家 能 愈推 盡 在 日 誤 除 牽涉,尤多附 事, 厥 認 而 相類,況爾親生 愈 獘, 則更失之愈遠 爲 去。 有「螟蛉」二句 廣 興 未免又牽 耳 體 姚氏引嚴 ,故多 會。 又有 諸 不得 獨 謂 氏説 也。 出出 儒 不 此

子。〔四章〕戒弟。〔五章〕自卜。〔六章〕自警。【眉評】〔一章〕思親。〔二章〕嘅世。〔三章〕歎

性,言天命之性也 齊 戾 案」天命 至也 肅 也 集釋』宛 諸家皆 明 聖 發 通 天 明 作天運 小貌。 將 又復也。 也 日 而 克 解, 光 鳴 勝 發 與上文意不 菽 也。 鳩 明 大豆也 也 斑 富 鳩 二人 也 甚 貫。 也 螟蛉桑上 翰 父母 當作 天 羽 也 命 也 天

小青蟲 穀善 忝辱 也。 廷曰獄。 [《集傳》]岸亦獄 不食脂,桑扈不食粟」是也。 啄粟」,「有鶯其羽」也。 肉,好盗脂膏。 食不食粟。 逢蜾蠃,祝之曰:「類我,類我。」則肖之矣。 木空中,七日而化爲其子。 野 也。 也 也。 ·犬所以守,故以獄爲犴。 〔劉氏瑾曰〕《字書》云: 犴一作豻。 〔陸氏 桑扈《集傳》桑扈,竊脂也。 題視 蜾蠃,土蜂也。 素質者其翅與領皆有 也。 也。 佃曰〕桑扈有二種,青質者觜 《韓詩 脊 〔吕氏祖謙曰〕《淮南子》云 令解見《常棣》。 (揚氏雄曰)蜾蛉之子殪,而 似蜂而小腰,取桑蟲負之於 》作犴。 填與旗同,病也。 如集于木恐隊也。 鄉亭之繫曰 文章,所謂 俗呼青觜,肉 豻,胡地犬 式用也。 而 岸獄 犴,朝 曲、食 汝 「率場 「馬 也。

韻。 通 征 采十賄。 韻。 、生並同。 克十三職。 標 木 負二十五有。 韻】天 屋。 本韻。 谷同 一先。 富二十六宥。 粟二沃。 似四紙。 本 人 韻。 + 叶韻。 真。 兢 獄 又 十蒸。 同。 同。 人 鳴八庚。 穀 同。 叶 冰 韻 屋 同。 通

如

臨

于谷恐隕也

本韻。

小弁

宜臼自傷被廢

也

寐。 柳斯 之。借形下文。行有死人,尚或墐之。 雊,尚求其雌。 離于裹。天之生我,我辰安在? 三章 敬止。靡瞻匪父,靡依匪母。不屬于毛,不 心之憂矣,疾如疾首。 心憂傷,怒焉如擣。 之憂矣,寧莫之知。五章 譬彼舟流,不知所屆。比。 云如之何? 獨于罹。 心,維其忍之。心之憂矣,涕既隕之。 四章 ,鳴蜩嘒嘒。興。 弁彼譽斯,歸飛提提。興。 何辜于天,我罪伊何? 鹿斯之奔,維足伎伎。興。 一章 譬彼壞木,疾用無枝。 踧踧周道,鞠爲茂草。 假寐永嘆,維憂用老。 二章 有灌者淵, 萑葦淠淠。 相彼投兔,尚或先 心之憂矣,不遑假 維桑與梓,必 民莫不穀,我 心之憂矣, 君子秉 雉之朝 比。 菀彼 我

子無 君子 予之佗 伐 我 木 符。 易 掎 矣。 由言,耳屬于 矣, 我躬不閲,遑恤 析薪 如 七章 或 一篇之。 他矣。 莫高 垣。 君子不惠,不舒究之。 匪 反形下文。 我後。 名論。 山,莫浚 無逝 八章 舍彼 匪 我梁, 泉。 有 罪 君

何爲 於他 作 耶 且 以 豈可代乎? 序》以爲「太子之傅作」,則不知其 如 姚氏駁之云:「詩可代作,哀怨出 訴 ? 縱 論 無 深之際,獨無良心發現 詩 詩者。」既又疑:「宜 疑,而朱子猶疑之者,過矣。 以『親親之仁』許之?」不知此特就詩 不德,未至大惡。 右《小弁》八章,章八句。 觀其三 亦 耳。 怨 亦慕, 又況孽子被放,良心易見 章追思父母 況此詩尤哀怨痛 與舜之號泣 當此 沉 而 臼實不 操 有 痛 此詩 心 切之甚 迫切,如 於旻天 言之可 慮患 德 于中 何 爲宜 唯《大 所 孟 至 異 據 何 泣 危 宜 子 臼

删也。 或反或 若舜 之辨歟? 異者,蓋彼寓言此 之,當自有得,勿 然,離奇變幻,令人莫測,讀者熟思而 局精 此謂情文兼到之作,宣聖雖欲删 望父母鑒 覆 又何 毛 異 不同耳。 並語者。 邶 申 離 ? 巧, 言 則 怪 裹之思,則 千載 谷 而謂 正,或憂傷於前,或懼禍於後,無非 五. ? 被放之由 風》同 整中 十而 察其 全詩大旨,此章盡之。餘不過反 然此特 下讀之, 1 孟 有 爲 子能不節取之哉? 慕,故稱大孝,又非可 誠,而怨昊天之降罪 觀於此,不又可以識 散,正 以「親親之仁」許之也, 棄 及見逐之苦,或興或比, 則實事,故 其 煩多 妻 猶 良 逐子,而 不 中寓 心之偶 能 贅。 不 奇,如 氣 動 又 有 一發見耳。 體 之而 此 風 握 至其 亦 無辜。 詩 因 雅 同 細 奇 不忍 以 之 與 布 玩 H 抑 屬

心。〔七章〕此章先言信讒,後以伐木析薪,反形不惠,無所歸依之苦。〔六章〕此章先言投兔、死人,反跌忍挫之至。〔四、五章〕二章以舟流壞木作比,見逐子失親挫之至。〔四、五章〕追慕父母,言極沉痛,筆亦鬱勃頓

慮患深矣。

用意同而章法卻變。

〔八章〕去國後猶當謹言,孽子之

園皆種之,故多先人手植以遺子孫者。 疾也。 窮也。 卑居、雅烏也。 也 善 而多群,腹下白,江東呼爲鵯烏。〔毛氏萇曰〕鷽,卑 拚,拊手之義。 之邦爲桑梓,即此意。 又爲祖宗父母所遺,是以過其下必恭敬止。 也 毛膚體之餘,氣末屬 【集釋】弁將飛拊翼貌。 桑梓二木名。桑可給蠶食,梓具器用。古者田 怒思也。擣春也。 罹 憂 也。 烏之將飛而拊翼似之。 斯語詞也。 踧 踧平易也。 瞻 尊仰 也。 假寐不脱衣冠而寐。 提提群飛安閒之貌。 也。 離 〔何氏楷曰〕弁,通 麗也。 周 依親 道大道也。 後人賴其利用 鸒雅烏也。 倚也。 裹心腹也。 今稱父母 屬連 居。 穀 疢 鞠 小 作

> 人耳。 日: 去聲。 傷病 深貌。 訓 佗[《集傳》]佗,加也。 也。 [孔氏穎達曰]獸走,故以遲相待。 辰 人,人宜利而取之也。 云:「雊,雄雉鳴也。 〔孔氏穎達曰〕《高宗肜日》: 類,發於天性。 加, 猶時 「道墐相望。」秉執也。 也。 舒 似 墐埋也。 淠淠衆也。 也。 無 緩 寧猶何也。 意義。 也。 菀茂盛貌。 欲食皆鳴相召,志不忌也。 究察也。 [毛氏萇曰]墐,路冢也。[案]《左傳 子、 雉鳴而句其頸,故字從隹句。」壞 屆至也。 與同。 乃或先之,使得避逃。〔案〕先 先之〔王氏安石曰〕兔見迫而 [姚氏際恒日]佗,即 蜩蟬 隕墜也。 掎 「雉升鼎耳 謂 倚 追暇 舍彼之有罪而 也。 也。 (羅氏 也。 嘒 醻 杝 而 · · · 報也。 願 雊。」《説 伎伎舒: 隨 雊 他, 日」鹿愛其 其 雉 也。 子 謂 理也。 鳴 惠愛 之他 音 文 也 貌 漼 唾

五歌 擣 老並同。 【標韻】斯四支。 何 同。 本韻。 字自 爲 提、罹 憂 + 韻 尤。 並同。 道 十九皓。 首二十五有。 本 · 韻。 草、 何

經 原 始

三七六

先。 柂、 核 同。 真。 + 叶 同 掎 先十七霰,叶蘇晉反。 陳氏《音韻攷》曰:《説文》無杝字,篆文它、也相似,疑爲 賄。 四紙 韻 本韻 言十三元。 叶 通 之訛 叶 叶 韻 韻 梓四 韻 居 佗 何反。 伎四支。 紙。 醻 Ŧi. 垣同。 **嘒**八 十一尤。 歌。 止同。 他《集傳》: 霽。 墐十二震。 叶 雌、枝、 通韻。 母二十二 韻。 淠同。 究二十 救氏反,叶 Ш 知 符二十五 Ŧi. 屆 忍十一軫。 有。 + 並 五 宥。 + 同。 裹紙。 卦。 删 有。 湯何反。 叶 本 泉 寐 韻 韻 後 隕 在 四

巧言 嫉讒致亂 也。

字。 慎 此 亂之又生,君子 無辜。 憮。 亂庶遄 悠悠昊天, 曰父母 昊天已威,予慎 一章 沮 信讒。 亂之初 君子 如祉,亂 點信字。 生,承上。 無罪。 且。 無 庶遄已。二章 君子如 昊天 罪 僭 無 始既 泰 辜, 怒,反信 憮 亂 涵 子 如

> 六章 比。 君子屢 麋。直呼其人。 言,心焉數之。蛇蛇碩言,出自口矣。 透。 **尰**,爾勇伊 人有心, 予忖度之。 君子作之。 亂是用暴。 如簧,顏之厚矣。 四章 匪 其止 盟,亂是用長。 在染柔木,君子樹之。 何? 共,維 振起。 盗言孔甘, 亂是用餤 無拳無勇,職 秩 爲猶將多,爾居徒 王之邛。 五章 秩大猷,聖人莫之。 躍躍 轉入信字。 彼 毚 三章 何人 爲 兔,過犬獲之。 亂 階。 興。 斯, 奕奕寢 君子信盗, 造語 幾 居 往來行 既 奇,信字 巧言 何 微 河 廟, 他 ? Ħ. 之

耳。 盜。 且 讒之所以能入與不能 五章『巧言』二字名篇。」此詩 嗜 故前 其言以 甘之者不唯不 右《巧言》六章,章八句。《集傳》云: 三章皆言信讒,而至比讒 如 飴 知其人之有甚乎盗 則盜 入,則信與不信之故 大旨因 亦益甘其言以 讒 致 人以爲 亂 前 「以 餌 而

私心 進 嗜 聽 無 能 之。「秩秩大猷」,聖人亦恒定之。豈讒 之,是以天心變亂,罪及無辜。 則 而 餤 口 之愬,行乎其間,則不能以無惑。蓋巧言 而 也,如犬獵兔,無不獲矣。奈王性優柔,不 何難辨哉? 相要,欲以 亂 亂 者 知 自 讒 受之, 譖乃能 聽 恥 而 亦 耳 前 一,而 其是非之所在,獨至浸潤之譖,膚受 決、「往來行言」、未嘗不「心焉數之」、 而予不能度之乎? 巧 而 亦 遽 者易 如簧,碩言出 何自 進 不 止矣。 止 然 知 而 人 談之。 夫「奕奕寢廟」,君子尚能 其 亂 而 讒 也。 生乎? 亂機 其 人。使其初入,怒以 非易進 否則,從善如流,讒 噫 ! 何 在餤者方且以爲忠言 П 已形,豈甘讒乎? 能 而 也,有積漸焉。 唯王不然 及 尚 彼 使予而 訥。 ! 何 然後 雖然,讒 人哉? 故訥 忖是 而 相 者惡 屢 又甘 無 拒 盟 實 心 人 容 作 亦 由 而

> 空言 此必有所指,惜史無徵、《序》不足信,徒存 盡 者,亦無 其人乃卑卑無足道哉? 知者方疑其爲謀甚多而負勇實甚,而 紊,天意因之而變,人民亦因 乃憑此三寸舌以惑亂 其材至柔且 言之巧有如是哉? 如此,旨亦微哉 ,奈王不悟,則終末如之何也。 以 爲世戒,俾知信讒之足以召亂也。 幾 何。 懦,論其 若鋤 論其 八疾則 而 君 去之,根株 即其徒之倡 居 心, 更 微 至卑且 或 之 而 政 而 且尰 已矣 因之 不 散 下,論 難 而 贵 净 和 知 不 而 而

讒人之心亦易察耳。 章〕此下言 合,亂即生 緊跟亂字,卸下信讒,以 蛇蛇」、「如簧」上辨之而已。 眉評】[一章]從遭亂虚起,伏下亂階。 於讒 止 讒 不難 也。 特提 以上皆因 〔五章〕其碩言與巧言之分,亦在 止 「寢廟」、「大猷 讒 〔六章〕讒 作開。 信 讒 以 〔三章〕以 致 人毫無才能 以 亂之故。 起下文,見 長 (二章) 亂 四 作

詩 經 原 始

憑 П 舌,足爲 風階 點明 致 亂之由 章 法 線穿 成

受也。 微,腫 道言 也。 瘍 也。 躍 是 躍音的,跳 瘡 也。 泰皆甚也。 麋 奕 也。」 也。 足 君子 集 水草交謂之麋。 奕 爲 數 膝脛 尰。 釋】悠悠遠大之貌。 拳 大 辨 力也。 也。 指 疾貌。 也。 之下 孔 王 慎審 也。 氏 秩 有瘡 蛇 階梯也。 毚狡也。 穎 也。 秩 蛇 遄 〔李氏樗曰〕左氏所謂 達 腫 序 安舒 日 疾 是 僭始不信之端也 也。 也。 郭 微 也。 涉 在染柔貌。 璞 猷 水 且 尰[《集傳》] 骭瘍爲 沮 云: 碩大也。 所 道 語 止 爲。 也。 辭 骭, 也。 莫 猶 行 憮 脚 「孟諸 祉 謂 謀 定 大 脛 言 善 涵 猶 也。 也。 也。 也 之 言 喜 容

何人

斯

刺

反

側

也

暴 韻 本 憮 同。 韻 怒七遇。 標 虞。 本 盟 韻且 韻 八 通 庚。 韻 沮 甘 六魚。 六 長 覃 御。 t 涵 陽 辜 十三 餤 通 七 同。 韻 轉 覃。 虞。 韻 本 祉四 憮 讒 韻 同。 盜 + 紙。 Ŧi. <u>二</u>十 共二冬。 威 咸 已 Ŧī. 號。 微。 同 通

> 厚同 叶 邛 何 五歌。 韻 同。 本韻 本 樹 多、何並同。 韻 七 塵。 斯 作 四支。 + 數 藥。 同 本韻 麋同 莫、 本 度並 韻 階 同 九佳 口 二 十 獲 + 轉 Ŧī. 有 陌

安行 踪跡無定。 斯 有聲 人斯 人從行,誰爲 維 篇之主。 者之來,云何 始者不如今, ? 暴之云。 無形。 亦 ? 彼 其 何人斯? 胡 不 爲 胡逝我 胡 不愧于人,不畏于天。 浙 遑 飄 畧畧點明其 逝 我梁 風。 云不 此 舍。 其 我 禍 陳? 盱 梁? 不 我 ? 其心孔 爾 ! 胡不自北? 可。 之 人,仍不實指 人 胡逝我梁,不入唁我? 我 祇攪我心 亟 我 望其來。 聞 有始無終。二章 一行, 艱 門 其聲,不 ? 遑脂 故 五章 爲誰 三章 胡 伊 作 四章 疑 不 誰 爾 見 詰 自 爾 車 彼 其身。 云 之 還 南? 解, 爾 何 彼 從 之 X 何 而 全

將

大也

不可 仲氏吹箎。 之來,俾我 點明心艱之至。❶ 斥其人,而不忍隱矣。 物,以詛爾斯。 人,我心易 有靦 也。 祇 及爾 也。 八 面 更誓以心。 還 目,視人罔 作 如 再望其 而 貫, 此 不入,否難 好歌,以 來。 諒 七章 不 六章 極。 我 爲鬼 極反 知。 知也。 而終不來,乃 伯 爲蜮 氏 側。 出 吹 壹者 此 則 卒乃 壎, \equiv 直

則只 未 唯 或 字,而無「蘇」字,故《集傳》及諸家多疑之。 互 愚謂《小序》雖僞,其來已久。 此等證據 公,故蘇公作詩以絶之。」然詩中只 案 及 有 :「蘇公刺暴 相 讒 詩 所傳,今亦不必過爲深考。 傾 可 有《何人 軋 譖 意 明題「暴」字,安能更有「蘇」字? 之意 ,通篇極力摹寫小人反側情狀, 語 、斯》八 ,似不專指譖 止 章,章六句。 暴公爲卿士 誰 爲此 認言。 過四 且刺暴公 尒小 字,見其 而 小人之 有「暴」 滅 序》

> 居心 耳。 亦 絶,仍望其來者再至,欲出三物以與盟 爲工者也。 所謂「爲鬼爲蜮」,心極奸險, 是以交友則始合終離,行事則有影 發,乃專斥依附 軋,釀成大禍,而又不來相弔,故曰: 慕暴公權勢,遂疎 其維暴公之從。似此人初與蘇公和好,繼 「不入我門」,繼即 明言,則 傾 人從行,誰爲此禍?」蓋此詩 因曩昔和好,不啻如壎如箎之相應而 君子,未嘗不譖,未嘗不愬。 小人欺天罔人,毫無畏忌, 則忽南 亦不必定 然蘇公雖受其禍,未肯遽與之 忽北。 暴 以此立説 此 詢之「伊誰云從」,始知 公權勢 行踪 而 親彼,以至互相 詭秘,令人莫測。 而 也。 傾 不徒 不徒以 亦不知恥 蘇公之人 但 況詩 爲 詩 無形 譖 始 既 相 傾 云

0

[「]乃」,原作「性」,據雲南本改。

黨勢成 見交游 子 是其心之反 不 和 《雅》? 惜 讀詩至此,不 ,今忽決裂 委 君不能正之於上,臣必亂之於下。 而 曲 不終之故如此。 夫君子小人,同 君心 以 側誠 相 至此,非君子交友大道 孤立,其國焉得不亡? 望 能無 難定也。 , 而不料其 嘅於其際云。 然則何以 秉 乃形諸歌 國 人終不自 政,互相 列之 咏,以 反 於 君 朋 水 故

鬼蜮 [七章]追念從前 作和緩之筆,文勢至 讒人性情不常,行踪詭 讒者聞之,自知所警。 八章」末句 蓋 可 惟心艱,是以反側。 眉評』(一章)開口直刺心艱,而不言何人,使 謂 窮形盡 結出 和好,如壎如箎,反形下文爲鬼爲蜮 「反側」二 相,毫無遁情。 此 〔二、三、四章〕此三章極 秘,往來無定。 曲,亦 字,應上 小人心迹千古如見 詩 (五、六章)此 人忠厚待人之意。 心艱 跟上心艱,起 首 尾 力夢 二章 氣 . 故 相 下 寫

至門之徑 也 釋 舍 艱 息 險 也。 也。 盱[《集傳》] 盱, 唁 弔 也 陳 堂 塗 望 也 也 堂

> 易説 其形 三寸。 豕、雞 林 || 云: 俗呼之水弩。 江 貫 如鵝子,鋭上平底,似稱錘,六孔。 淮水皆有之,能含沙以射水中人影,其 韻 如 也。 凝繩之貫 也 也。 七孔,一孔上出 標韻 盱,張目 禍二十哿。 〔陸氏德明曰〕蜮,狀如鼈,三足。 刺 祇 物。 其 安也 製 靦面 血 視 以 言 十五 見人之貌也。 詛 也。」《易》曰 相 **壎箎**[《集傳》]樂器。 我、可並同。 盟 連 ,徑三分。 删。 也。 屬 也。 門 蜮 十三元。 《集傳》」蜮 諒 凡八孔横 反側 盱 竹曰箎,長四 誠 本韻 豫 也。 人人輒 悔。」還 反覆無常也。 云十二文。 吹之。 土 一名射工 病而 短狐 日 陳 物 寸,圍 壎, 返 + 不見 也 犬 也。 如 大

車六魚。 覃。 真。 祇 + 通 同 職 身同。 心十二 叶韻 得、極 盱七虞。 侵。 天一 **箎**支。 叶 側 先。 叶 韻 並 同 韻 通 知、斯 韻 舍 本 <u>=</u>+ 易 韻 並 + 風 同 禡, 陌 東。 本 叶 韻 知 商 南 四 居 十三 支。 蜮 反

巷伯 遭讒被宫也。

有昊。 天蒼天 虎。 信。 章 言。 是南箕。簸揚其説。 爲 彼譖人者,誰適與謀? 章更深。 譖人者,亦已太甚。 此 楊園之道,猗于畝丘。 緝緝 跌回。 詩。 豈不爾受,既其女遷。既不信則必遷怒,較 豺虎不食,投畀有北。 萋兮斐兮,比。 故作痛快語以洩其憤,亦無可如何之意而已。 六 四章 翩翩,謀欲譖人。 凡百君子,敬 譖人一面。三章 視彼驕人, 矜此勞人。 驕 人好好,勞人草草。 彼譖人者,誰適與謀?二 成是貝錦。 一章 而聽之。淡淡作收,筆意 取彼譖人,投畀豺 捷捷幡 興。寺人孟子,作 慎爾言也,謂 哆兮侈兮, 有北 文致之罪。 開下。 幡,謀欲 不受,投畀 承上。 Ŧi. 爾 蒼 譖 不 成 彼 前

句 右《巷伯》七章,四 章 八 句, 章六 句。 章 章 四句,一 序 ***** 謂 章五 刺 幺

> 奇; 以 腐遷之流無 無此 本以 可 古 同 不然,寺人於王最近,誰得而譖之? 被宫刑爲巷伯者作此詩」。 以自傷《小雅·巷伯》之倫,其意亦謂 食之人,亦可以置之度外,不 至此,自當破 成二人,如出一轍,豈不奇哉? 使伯 唯《集傳》引班固《司馬遷贊》云:「迹其所 讒,故作是詩。」此亦詩中明文,無煩多贅 王,泛而 同 厄文人。 引以譬贊。 類自譖,與寺人惡讒 被譖 伯不遭禍,詩 聲一哭 悲憤痛絶、不欲與共戴天之語。 而 無著。《大序》云:「寺人傷 也。 未有 疑。 遭刑也。」遂以爲「時有遭 泣 此亦天之忌才,故設此 爲笑,則投畀豺 腐遷,先有巷伯,古今人 其禍同,其文亦同,故 雖然,遷不遭刑,文亦不 何能 傳? 作詩 其説較 以做君 此 必 又天之玉 虎 更投諸 豺 子,亦 有 即云 此 虎 回 理 局 班 思 心 于

此 北 耳 極,不能不 與有昊矣。 1 令人 唯其時善人遭讒 扼 腕 而 嘆 彼 被 蒼之夢 禍 至於

夢

其譖。 費手。 甘心焉。 全篇樞紐。 戒後之君子勿受其害而已。 首二章已將小人伎倆,從喻意一面寫足,已下便不 [三、四章]此二章進一層説,言譖人者亦將自受 [五章] 譖人與受譖於人兩面雙題,總上起下,爲 眉評』「一、二章」凡譖人者,不外文致、簸揚 〔七章〕受譖者既已大受其害,則惟 〔六章〕處置小人,不但揮諸天外,且欲得 有作詩 以 而 兩

之貌。 質,黄爲文。又有紫貝,其白質如玉,紫點爲文。皆行 氏璣曰〕貝,龜鼈之屬。 者多驗於南方,故曰 列相當。 古者貨貝是也。 踵,二爲舌。 .集釋】萋斐[毛氏萇曰]文章相錯 南箕箕,星名。 其大者常有徑 其踵狹而舌廣,則大張矣。 餘蚔,黄爲質,以白爲文。 南 箕。 一尺,小者七八寸。 其文彩之異、大小之殊甚 (嚴氏粲曰)箕,東方之宿,考星 [《集傳》]南箕四星,二爲 (朱氏謀 也。 餘泉,白 哆侈 埠 貝 微 日 衆 「陸 張 爲

> 侍也。 投棄也。 矣。 貌。 楊生下濕之地也。 捷儇利貌。 者,則其爲譖 天文,箕主口舌,以 驕人指譖行而得意之人也。 不信謂聽者有時 孟子其字也。 北北方寒涼不毛之地。 幡幡 也 深矣。 猗加也。 喻 反覆貌。 讒者。 蓋被宮而爲寺人之官者也 而悟,亦將遷不信爾言矣。 緝 緝 適主也。 畝丘高地也。 女遷謂禍亦將遷及於女 口 舌 衆 昊昊天也。 勞人指受譖之人。 也。 言 有所 翩 寺人内 翩 以主之 楊園 往 捷 來

支。 草同。 韻。 支。 職。 之同。 昊皓,叶許候反。 謀十一尤。 言十三元。 本韻。 標韻」錦 本韻 謀尤,叶满補反。 叶韻。 二十六寢。 遷 叶 先。 韻。 人十一真。 甚 丘 通 同。 尤,叶 韻。 虎七虞。 本 祛奇反。 好 韻 信 十九皓。 同。 北十三 箕 詩 本 四

谷風 友道 絶 也

習習谷風 維風 及雨。 將恐將懼 維 子

嵬。 將 風 與 樂,棄予 女。 維 無草不 風及頹。 將安將 如 ·死,無木不萎。 遺。 樂,女轉 將 恐將 二章 棄予。 懼, 寘予于懷。 習 忘我大德,思 習谷風,維 一章 習 將 習 山 我 崔 安 谷

則 王 可 夫天下俗薄,朋友道衰,以 之詩,而《序》固謂之「刺幽 不 列之於《雅》。 思 以 可 比皆是。 大 時爲然耶? 凡人處世,當患難恐懼 刺 自已焉耳。 德 朋 右《谷風》三章,章六句。 友 王? 轉瞬不 豈其 遇安樂 而 且亦天下古今通病,豈 間 姚 詩固云爾也,亦身受其怨而 記,遭小人怨終身難忘者, 然詩體 氏 固 無 以 不 事 能 爲 不可 日 絶 無 此 所 類乎《風》,而 ,則謝交遊。 王。 刺 解,愚亦 誤 此朋 王,何 歟 何也 友想怨 獨 事 以 時 受 ? 乃 不 爲 出出

【集釋】谷風〔姚氏際恒曰〕嚴氏曰:「來自大

之意。 置同。 扶而 之木。」恐非語氣。 頹者,迴風從上而下,力薄不能更升,谷風與 變恐懼之時,猶後 谷之風,大風 風,無不萎死也。 云:「焚輪謂之頹。」孫炎曰: 頽〔《集傳》〕頹,風之焚輪者也。 上。 舊說谷風爲生長,習習爲和調 崔 「姚氏際恒 鬼山巔也。 也。 《集傳》云:「然猶無不死之草,無不 又習習然連續不斷, 〔姚氏際恒曰〕言草木萎死,無長 [日]「維風及頹」,頹 以 震風 草死 凌 「迴風從上下曰 木萎言草木值大谷暴 雨 〔孔氏穎達曰〕《 喻 不 難通矣。 安 繼之以雨,喻連 也。」 風 相 頹。 將 遇 《釋天》 且 乃 然則 生 萎 相

十灰。 通 韻 懷九佳。 【標韻】雨七麌。 德十三職。 遺 四支。 怨十三元。 女、予並同。 通 韻。 叶韻。 嵬灰。 本韻。 頹

哀父母 我 劬 勞。 蓼蓼者莪,匪莪伊蒿。 生我勞瘁。 一章 蓼莪 蓼蓼者莪, 孝子痛不 兩章雙譬作 匪莪 得終養 比。 起。 伊 哀哀父母,生 蔚。 也 比。 哀

四

矣。 弗 兮生我,母兮鞠我。 出 收,篇法 昊天罔極。 我,顧我復我,出入腹 民莫不穀,我獨 佛。 則衡 沉 整飭。 恤 語 之恥。 民莫 六章 人則靡至。 四 無 章 父何 何害。 不 比。 南 穀, 題意。 怙 山 鮮 我。 我獨 ? 一烈烈, 五章 寫出 民之生,不如死之久 拊我畜我,長我 腹字鍊。 無母 無依 不 南 飄 卒。 情 Ш 何 風 狀。 律 欲報之德 · 特? 二章雙陪 發 律, 發。 飄 題 興。 育 父 面 風 作

終其 意涉牽 天 唯《序》必牽及人民勞苦,以刺 無 句。 不 ,始思父母 能 (身以奉養,則不覺抱恨終天,悽愴 極,孰不當報? 右《蓼莪》六章,四 强 此詩爲千古孝思絕作, 自 即即 已耳。 ,則遇勞苦乃念所生,不 情 亦 若謂 不 真。 唯欲報之而或不 人民勞苦,不 章 蓋父 章 四四 母深恩 盡 幺 句,二章 王,不 人能 . 得 遇勞 與與 識 之 能 惟 章 終

> 王作哉? 之,斯成爲一代至文耳。 其所作何人,所處何世,人人心 親之苦,一寫育子之艱,備 人子不幸,遥遥相對。 章,前用比,後用興,前説父母劬 所 穀,我獨何害」、「我獨 苦即將不念所生乎? 段至性至情文字在,特其 字一淚,可抵一部《孝經》讀 遭不偶,與人 民 無 關 不卒」者, 中間二章,一 又況 也。 又何暇指 極 人 詩 沉 言「 首 中皆 以 明 痛 古 勞,後 妙 示 尾 其 明 民 筆 寫 各二 爲 有 必 幾 説 問 無 刺 此 於

裒。 勞之實。 (三章)次言無父無母,拍 (五、六章)末二章以衆襯己,見己之抱恨獨深 眉評】[一、二章]先言父母劬勞勞 姚氏云"勾人淚眼,全在此無數我字,何 合題位。 一四 章〕追 念父 瘁, 總 母 必 起。 王

嚴氏粲曰以釋草》曰:「蘩之醜,秋爲蒿。」釋云:醜,類【集釋】蓼長大貌。 我美菜也。 蒿賤草也。

本

韻

同。 長。 也、言蘩、蕭、蔚、 疾 腹 盡 月 莪 也 也。 始華 也。 美而蒿惡。 懷抱 至秋老成 [案]此蒿之麤者。 育 穀善也。 鮮 也。 覆 寡 胡胡 育 也 也。 麻 图 ※則皆 蔚 華 莪之類。 無 而 [《集傳》]蔚,牡 律 恤 也。 顧 I蒿也 紫 律 憂 旋視 餅疊皆酒器也。餅 赤。 也。 極 猶烈烈 此説 春始生,氣味既異,故其名不 也。 窮也。 鞠、 月 莪 復覆 也 爲 畜皆養也。 . 鼓 蒿甚 角,似 烈烈高大貌。 也。 弗弗猶發 也,不能 明。 三月始生,七 小 小罍大。 豆 以 暫 角 莪 拊 形蒿 發 鋭 舍 拊 也 也。 罄 發 循 而

德十三 九泰,叶音曷。 叶 瘁 四 韻 真 職。 標 鞠 通 韻 極 韻。 屋。 叶 同 蒿 韻。 四豪。 畜、 恥 本 四 韻。 育、 律 紙。 勞 四質。 同。 復、 烈 矣、恃 九屑。 腹 本 弗 並 韻。 並同 五物。 發六月。 同。 蔚 本 至真 卒質。 五. 韻 未。 害

大東 哀東國也。

其長。 跂彼 四章 我憚 潜焉 來。 霜。 載 國,緊。 直如矢。 女出牽牛。 七襄,不成報章。 寤歎,哀我憚人。 心疚。二章 人之子,熊羆是裘。 施之行。 有饛 織 西人之子,粲粲衣服。 人,亦可息也。 佻佻公子,行彼周 出 或以其酒,不以 杼 涕。 女,終日 維天有漢,監亦有光。 柚 東有 君子 簋 徐徐 因 其 飧 有例氿泉,無浸 牽牛又帶 有拔 啟 空。 所履,小人 七襄。 籠題。 明, 薪是 睆彼牽牛,不以 正 三章 棘匕。 其漿。 旨。 西 出 私 應上「杼柚 以下 章 有 穫 行。 人之子, 糾 所視 長 東 薪 諸 興。 糾葛 小 既 庚。 以西人形東人。 鞙鞙 人之子,職勞 穫 星 尚 忽入《天文志》,奇。 東 薪 往 周 可 四 大東,突接 屨 百 既 睠 有 服 佩 道 五. 句 載 比。 僚 來, 捄 璲 言 箱 如 似 可 也 閒 不以 天 是 顧 砥 文,然 契 使 以 雖 試。 畢 因 舟 契 則 哀 我 履

卒終

也。

不卒,言不得終養

也

節

揚。 南有 去 此,文氣 箕 維 北 載 有 即 翕其 斗 不 舒。 不 舌。 六章 可 以 維 挹 維 北 酒 南 有 漿。 有 斗 箕, 應 西 上 不 柄 酒 可 之揭。 漿。

以

簸

八

維

西

人爲東人之厄。七章

天星 據 謂 若 詩 其 貴 驚 傳》仍之。 有 沉 無 之情,所謂 本 然又恐其 大序》謂『東國困于役而 心 不爲譚 『譚大夫作』,則 咏政 ,豪縱無羈,幾不可解。 興有致,此興 動 痛,亦不過平 後半文字, 右《大東》七章,章 魄 文字? 賦 所 愚謂 煩重 作 或有 一光燄 耶 譚 則 ,人民勞苦。 ? 亦東國 會之極爲歘舉者也。 無 常常 所 所 東 萬 此等考據 可 傳 以 歌 或 丈 稽。」朱子亦以 前 詩 咏 困 長 八 ,詩雖無據,安知 貴 敝 而 也。 傷于財」,是已。 句。 不敢 縱 有 已,安能 不 可 聲 駁 姚 知 極 試 後忽歷 有 以 、故《集 氏 寫 思 此 色, 不必。 如 得 正 曰 此 然 尤 許 + 詩 數 詩 無

明、長、

庚、天畢,無意義者也

使

以

其

無

義

女牽牛

南

箕北

斗,

有意

義

者

也

啟

東。 無益 怨及 可 唯是,即 之空,而 其 不 東國若是乎 厄 更南望箕張,北 虚 見星,不 喻夾寫, 上 於天者,又如 以 一,將東 必論 機 驅 焉 而 簸揚,反張 民之困 ,不可以 詞 以以 其辭之有意 寓 ·禁有 怨及 怨及 啟明、長庚之分見東西,亦若 或 己 意, 其 愁 極 於王者, 織 觸 怨 徒在天而燦然成 牽牛、河鼓難 挹 難 亦 其舌而若有所 於懷 民情 此 女機絲亦 與 顧 堪。 酒 非 西 其 漿 斗 漫 義 既若彼其窮; 呼天 「天漢 人驕 至 極。 反 柄。 無 無 此 紀 意 揭 不 奢 天乎, 箕 律 義也。 自訴。 答怨 其柄 駕服 成 非 而 兩 者 行也。 章 噬 徒 下 兩 極 何 箱 而 無 相 若論 其 而 若 斗 几 矣。 大 忽 大 用,不 六 形 於是 仰 取 非 杼 章 本 有 織 不 之 意 平 甯 故 厄 徒 所 女 柚 頭 正 以

文氣 義 甫 詎 未 消 百所以爲詩家鼻祖也。 長 能 可 息 節 篇,悉脱 免高叟之誚歟? 與論得失也。 迫而不舒,光燄亦因之頓減矣。 而 ,非老於文者不知,即 去之,直接 胎 於此,均 南箕句,未爲不可。 倘斤斤然字句間求之, 後世李白歌行、杜 足以卓立千古。 非深乎詩者亦 此 中 然

出,在《三百篇》中實創格也。 情縱恣,光怪陸離,得未曾有。後世歌行各體從此化情縱恣,光怪陸離,得未曾有。後世歌行各體從此化

黍稷。 澘 肉而升之於俎 謂 也 黍稷 用 涕下貌。 梭以 也。 排曲貌。 集釋】饛滿簋貌。 行緯 [孔氏穎達曰]禮之通例,皆簠盛稻粱,簋 小東: 也。 也。 棘 砥礪石。 大東東方大小之國也 柚 匕〔《集傳》〕以棘爲匕,所以載 「陸氏德 飧熟食也。 矢言直也。 明 E 柚, 〔毛氏萇 睠 本又作軸 杼 反顧 持緯者 日日 也 鼎 盛

> 異。 也。 之貌。 箱車箱。 爲佩 之屬也。 夏秋之間見於南方。 (董氏逌曰)柚,卷織者。 在 星 出,故謂之啟明。 之」之謂。 人西京之人也。 契契憂苦也。 一日而歴 上,故曰引其舌也 ,在天漢之中。 也。 翕引也。 天畢畢星也。 冽 七次也。 僚官也。 漢天河 啟明、長庚皆金星。 織女星名。 寒 也。 舌箕下二星也。 憚 二爲踵,在 以 職專主也。 也。 沈 勞 院 視 也。 試用也。 其夕在西,後日而 云北斗者,以其在箕北耳,與北斗 行行列也。 也。 音 跂〔姚 七襄周天十二次,自卯至酉 軌, 空盡 東 上。 側 氏際 鞙鞙長貌。 來慰撫也。 人 牽牛星名。 也。 出 [朱氏公遷日]箕,四 東諸 二爲舌,在下。 以其朝 箕、斗二星名。 日 恒 佻 沈 侯之人 人,故謂之長庚 泉。 輕薄不 在 跂,「跂 東,先 私 璲以 服 也。 穫 人皂隸 一耐勞苦 駕 **JIX** 踵 予 瑞 日 也。 西 也。 以 玉 反 望 而

八霽。通韻。東一東。空同。本韻。霜七陽。【標韻】匕四紙。砥、矢、履、視並同。涕

三八八

同 本 來十灰, ,叶六直 反。

六直 + 行 轉 並 試 訖 同。 力 四 韻 隊 反。 反 [真,叶 叶 本 服一 場 叶 節力反。 韻 申之反。 陽。 韻 屋,叶蒲北反。 章 漿 薪 息十三職。 同。 陽。 叶 + 韻。 本 箱 真。 韻。 同。 漿七陽。 裘十一尤,叶渠之反。 叶 人 舌九屑。 庚 同。 韻。 **疚**二十六宥 八庚。 長、 本韻 來音齊,叶 光、 揭 行 同。 陽。 襄 叶 載

几 月 逐 臣 南遷 也

本

韻

賊 適 秋 時既久。 飄 風 歸 日淒淒,百卉具腓。 莫 胡 發 ? 兀 知 寧忍予? 三章 發。 月 又 其 維 遭 尤 亂 夏,六月 民莫不穀,我獨 Ш 離,將安所歸? 有 廢 不念先臣舊烈,忍逐其子孫。 同縲囚 嘉 徂 卉, 歷 暑。 不知 侯 秋。 二章 栗 自首夏起。 何 亂 何 侯 罪。 害? 離 梅。 冬 四 瘼矣,奚其 章 日烈烈, 歷 廢 先 冬。 爲 祖 相 殘 彼 爲 匪

> 哀。 報國 自西 能同 泉水 山 不能高飛。 有蕨薇, 隰有杞桋。 流 而 ,君反不知。 只好作詩,聊以志痛而已。 南 載 所 以 經程又遠。 清 匪 致 載 鳣 禍。 六章 濁 匪 五 鮪 盡 章 我 ,潛逃于淵。 匪 瘁以 日 鶉 滔 興。 構 匪鳶,比。 滔 八章 仕,寧莫 禍 君子作 江 易 漢,南國之紀。 不 云能穀? 不 歌 翰飛 我 能潛伏。 有。 維 戻天 以 七章 精誠

亂並 如 禍 義竟不能 《序》以爲「刺 行役,或主構禍,或主思祭,皆未嘗即 臣南遷之詞,而諸家所解,或主遭 曰:「我先祖 而 也。 是子孫? 興焉」。 誦之也。 右 因 四月》八章,章 .遭 通。 亂 至 . 贵 割 幺 ^ 而 頭 王在位 非人乎? 裂詩體 集 廢爲殘賊」, 怨及祖宗非 緒既 傳)雖 專 · 貪殘,下國構禍 雜 四句 紛,不知 湊成言, 何忍使我 主遭 則又云: 人,天下 此 所 詩 亂 亂, 前後 從 明 説 · 豈 遭 全詩 或 明 怨 有 此 文 $\hat{\pm}$ 而 故 逐

矣。

獨予

盡

瘁

王

室

一,而

王

何

此

其

中

蓋

亦

有

南國之有

江

位者變爲殘賊,誰之過哉?」方敘已之遭 ,其奈諸説自生轇轕,何哉? 故於去國之日,作詩以志哀云: 見江、漢交流,滔滔不 功之典行,亦當寬宥 漢,南國之事皆可 秋而冬,歷時三序,始抵 今遭放廢,適當其厄,豈 ,遭害被逐 一終不 得賴 有 **从根,事** 故 加罪于予耶 先 條 而 我 以安居。 詩詞 斷,包絡 人恒 矜全之,何 遠遠 而 坐 愚謂 知 彼 亦不 有理 而 謫 並 而 泉 有 冒暑 就 我 當 不 江 功。 流 也。 倫 是 大 有 理 南 ? 濱 時 難 積 是 隰 所遭之不偶耳。 於其際者。 干落寞,百草皆枯,不覺愴然泣 飄 憶 亂 悵 遷 鶉 鱣 鳶 其尤 構 清 離多 也; 之氣 以 風 來 望 謫之禍所由來歟 而 ,物各有宜,人亦隨 而 禍 濁異派。 作 發發。 時,景 何 匪 匪 ,莫知所致。 潛淵而 故,萬民交病,更覺無所依歸。 之? 予之放 而 爲 鳶,更宜乎其 鮪 已矣。 宜 歌 象 雖 既 蓋人皆安樂而 詩 **呼其** 頻 游子無家,去將焉 深藏者,鱣 廢 南方 不 更。 用 朱氏 ·同流 ,殘賊之所爲 雖然,薇 不能潛 訴 蓋 ! 嘉 不能高 哀情 秋則白 展 善善 而合污,自當見 遇,豈 卉,不 嗟嗟 翰 曰:「此 與 藏 蕨 而 我 亦 鮪 飛 而 日 生 高 少梅栗,而 可 獨 聊 也。 而 避 也。 淒淒,冬則 飛 例 Ш 窮 往 孤 下,有嘅 以 詩 遠 患。

者。

大夫,必有功臣

後裔

亂

忽言在位兇殘,語

既

無

且訓「廢」爲「變」,恐無此解

者,

鶉

與

故

欲

問

嫉

而

子

既

厞

又

厞

國。

則

地

而

經帶乎

荆、揚

何

其

瀆納

111

而注之海,民

故

自

夏徂秋,由

朝

廷

不

监

我

祖於人而

獨忍.

論

貴

論

得已哉?

然予雖

獲

罪,

而

遠征,人情所難。

視!

抒

吾

專

以

· 杞

桋

在

烈愁,未

免

平

江.

П

臣 ?

遠邁,

又況

難

此

焉 於遠 行 之亂懼其禍之辭也。」姚氏際恒曰 專以爲憂亂,則『滔滔江漢』之詠,其 而 大夫之後爲仕者,遭小人構禍,身歷南國 嘆 役 而 其 ,則『先 未盡· 然則 無 所 也。 是詩 容身 祖 匪 愚故爲之衍其緒如此 也,蓋大夫行役, 也。」是二 人』之怨, 説者,蓋 其 辭 過於深 : 而 庶 此 憂 辭 云 疑 幾 時 调

禍無可逃,妙以譬喻出之。〔八章〕結始點明。 篇眼目。〔五章〕召禍之由。〔六章〕遠謫南國。〔七章〕 時。〔四章〕獲罪之冤,實爲殘賊人所擠。「廢」字乃全 時。〔四章〕獲罪之冤,實爲殘賊人所擠。「廢」字乃全

也。 即此 也 家作夏之四月者,非。 痱 訓 卉草也。 病 爲 亦足見周 若腓 集釋】四月建已月,孟夏,即周之四月也。 去聲。 則 正未改 屬足 腓 殘賊指在位貪殘賊民之人也。 姚氏際恒 肚 成時 另有 瘼 也。 辯。 病 曰〕腓 也。 徂 六月建未月,季夏 當 往 侯 也。 維 依 也 爾爾 淒 雅 淒 廢 》作 尤咎 涼 放 痱 也 諸 廢 風

> 鷙 謂經帶包絡之也。 也。 鳥 也。 江 ·漢見《周· 鱣、鮪大魚也。 南 有識 漢廣》。 有是 杞枸檵. 人也。 紀〔《集傳》〕紀,綱 也 鶉 桋 雕 赤 也。 楝 也 鳶 紀 也 亦

淵同 歸同。 韻 灰。 尤十一尤。 紀四紙。 標韻】暑六語。 本 本 韻 韻。 桋四支。 有二十 發六月。 叶 韻。 五有。 子 哀十灰。 害九 濁 同。 三覺。 泰。 叶 本 韻。 通 韻 叶 穀 韻 韻 天 腓 屋。 梅 五. 先。 轉 +

《小弁 被腐儒説壞 刺 臣 咎,或以朋友不終,或因父母早殁,致不得終養,或因 爲刺王之作,其餘皆臣子自傷所遭不偶。 《序》皆以爲「刺幽王」。 君。 排擠,致被宫而被 》被廢,子未可 以 今乃概謂之刺,其可乎哉? 上《小旻之什》,凡十篇。 即 此亦見 滴。 以 刺父。 今閲之,僅《小旻》、《大東》二篇 斑 無非各寫遭際,各抒胷懷。 《巷伯 遭 愚 謂 刑 三百 或以弟兄 臣 案: 亦 佳 未 詩, 是 可 朝 多 以 純 雖 什

什

傍。 從 慘劬勞。 息偃在床,或不已于行。或不知叫號,或慘 四方。三章 不均,我從事獨賢。二章 下,莫非王土。 飲酒,或慘慘畏咎。 事。 四章 陟 嘉我未老,鮮我方將。 彼北 王 事 或棲遲偃仰,或王事鞅掌。 北 山 靡 山,言采其杞。 或燕燕居息,或盡瘁 盬,憂我父母。 率土之濱,莫非王臣。 刺大夫役使不均也。 或出入諷議,或靡事 四牡彭彭,王事傍 偕偕士子, 旅力方剛, 章 事國。 或湛 溥 大夫 天之 朝夕 經 不 或

文法相同也。 句。〔姚氏際恒曰〕末舊分三章,今當爲一章,以其 右《北山》四章,三章章六句,一章十 從之。 《序》謂「刺幽王」,而不言

詩經原始卷之十

徒以無數「或」字見局陣之奇也。 怨而怨自深矣。 末乃勞逸對舉,兩兩相形,一直到底,不言 勞之故,尚屬臣子分所應爲,故不敢怨。 則實士者之作無疑。 時,役賦不均,豈獨一士受其害? 均」之語,故不得又謂大夫作耳。 夫也。」 蓋以詩中有「偕偕士子」及「大夫不 詩。」惟姚 何人作。《集傳》云:「大夫行役 氏以爲"「此士者所作,以 此詩人善於立言處,固不 前三章皆言一己獨 然此 而作 幽 王之 怨 此

末更無收束竟住,尤奇。 言,兩兩相形,愈覺難堪。 眉評】歸重獨勞,是一篇之主。末乃以勞逸對 姚氏曰:或字作十二疊,奇。

將出也。 居安逸,不聞人聲也。 傍不得已貌。 集釋】偕偕强壯貌。 旅與齊同。 嘉善也。 鞅掌[《集傳》]鞅掌,失容也,言 燕燕安息貌。 鮮少 也。 彭彭不得息貌。 以爲 不 少 知 而 叫 難得 號深 傍

三九一

此。 勞之狀,故云失容。 事 煩 勞,不 出 入諷 暇爲 議 儀 容 孔 也。 今俗 氏 穎 孔 語 達 以 氏 日 職 穎 謂閒 煩 達 爲 日 鞅 暇 」傳 掌, 無 以 事, 其 鞅 出 言 掌 入放 爲 出 於 煩

恣

議

量

一時

政者

羈反。 掌同。 本 韻 韻 叶 韻 韻 母二十五 息 彭 爲四支。 本韻。 標 十三 八庚。 濱 號 + 四 職 豪。 有。 杞 叶韻 酒 真。 傍 四 或 有。 七陽。 勞 叶 紙。 臣、 同。 同。 韻 咎同。 事 均 本 將、 本 四 下二十 並 韻 韻 真。 本韻 剛、 同。 0 叶 牀 仰 方 賢 陽。 馬。 韻。 二 十 二 並 議 先。 真,叶 同。 行 土 監 虞。 養 同。 轉 通 七 魚

無將大車 自遣也。

疷 憂,不出于 兮。 無 將 章 大車,祗自 類。 無 將 大 車 塵 無 雜 兮。 將 大 塵 無 車,維 冥 思百 冥。 塵雝 憂, 無 思 祗 兮。 百 自

無思百憂,祗自重兮。三章

如是。 感時 語。 將小人」,而詩 遣之詞,亦 徒憂無益,祗 「行役勞苦而憂思者之作」,而詩更 不知諸 傷亂,搔首茫茫,百憂并集,既 右《無將 極 儒 無 以 大車》三 無將 説詩,何 聊 自病,故 時 小人意。 也。 一章,章一 作此 《序》謂「大 以 四 好 曠 句 集 爲 達 傳 附 無 聊 又 此 會 夫 又 知 詩 行 以 也 役 謂 悔 其 自

[《集傳》]類,與耿 能音壅,猶蔽也。 同 牛 者也。 眉貧反。 集釋】將扶進也。 祇適 [案]右昬、昏字同寫。 也。 同,小 重猶累也 疷 病 明 也。 也。 大車平地任 「劉 在 憂中耿 氏 冥 日 冥昏 一當 耿不 載之車,蓋駕 作 晦 疧 能 也。 出 與 潁 痦

叶韻 重 一同。 標韻」塵 本韻 冥九青。 十一真。 類二十四 底四支,當作 迥 叶 韻 疧 叶 雝 真 韻

小明 大夫自傷久役,書懷以寄

友也。

艽野。 云莫。 章起句作追憶之辭,章法一變。 畏此罪罟。 毒大苦。 以 嗟爾君子,無恒 豈不懷歸? 云其還? 政事愈蹙。 畏此譴怒。二章 我不暇。 心之憂矣,自詒 明 靖共爾位,正 理語 念我獨兮,我事孔庶。心之憂矣,憚 明上天,照臨下土。 二月初吉,載離 念彼共人,涕零如雨。 念彼共人,睠睠懷顧。 無塵腐氣,自是不朽名言。 一章 畏此反覆。三章落筆同調。 伊戚。 一安處。 昔我往矣,日月方除。此一 昔我往矣,日月方奥。 直是與。 此二章起句作正喝之辭,又 歲聿云莫,采蕭穫菽 念彼共人,興言出宿。 寒暑。 曷云其還? 我征徂 神之聽之,式穀 心之憂矣,其 四章 豈不懷歸? 豈不懷歸? 西,至于 嗟 歲 爾 曷 聿

聽之,介爾景福。五章子,無恒安息。靖共爾位,好是正直。神之

共」,己顧自悔其出仕,有是理哉? 謂 羡人之逸,且勉其不可懷安也。 之安居。題既各别,詩亦迥異。 彼刺大夫役使不均,此因己之久役而念友 章六句。此詩與《北 「大夫悔仕於亂世」。 右《小明》五章,三章章十二句,二章 山》相 詩 似而 方 勉人 故此不獨 而《序》乃 實不同。 、以「靖

罟網也。 也。 傾 也。 ||月建卯月也。 、四、五章〕末二章最友以無懷安,首尾義意自相環貫。 倒無常之意。 奥煖也。 共人指僚友之處者。共、恭同,即靖共爾位之人。 【集釋】艽野地名。 【眉評】〔一、二、三章〕前三章因久役 除除舊 蹙急也。 君子亦指其僚友也。 生 初吉朔日也。 新,即二 詒 蓋荒 遺 月 也 初 遠 毒言憂心如毒之苦 吉 戚憂也。 之地,無 也。 靖共 譴 怒罪責 可 而 〔謝氏 反 考也。 思 覆

大也 也。 得 日 温 穀 共 朝 禄 如 也 夕」之共,凡 自 靖 以 自 猶 獻」之靖,凡事謀之心而 與 事 也。 共 敬 息 而 猶處 不敢 也。 慢 也 安也。 與 景 猶 共 皆 助

覆同。 息十三 苦麌。 屋。 庶同。 蹙、 標 暇二十二馮。 雨、 叶 菽 韻】土七七 韻 罟 直 並 「並同。 同 同。 處 福 六語。 戚十二 麇。 顧 屋。 叶 遇。 韻。 野二十 叶 與、女並 錫,叶子 怒同 韻 除 六 馬。 六反。 御。 叶 同 韻 暑 莫 宿 七 六 奥 遇 屋。 語

鼓鐘 未詳。

君子, 鼓 湝,憂心且 其 德 鐘伐鼛 不猶。 鼓 懷 允不 將 悲。淑 淮 三章 將 有 忘。 淮 鼓鐘欽欽 洲 人 水湯 __ 一憂心 君子,其德 章 鼓 且妯 憂 ,鼓瑟鼓琴,笙磬 鐘 心 喈 不 且 喈, 淑 回。 傷 人君子 淮 水 淑 湝 人

同音。以雅以南,以籥不僭。四章

哉 ? 氏 周臣 記》, 沂 鼓 此詩 斷。 者。」論固當已,然詩文亦何嘗有 出 淮上矣。 無 並 何王 義,自是作樂淮 幽 鐘 興。』蓋自 東人于海。 又云: 王 淮上矣。 時 皆 歐 何 亦疑其非 王 右《鼓鐘》四章,章五句。 夫疑此詩 東 無 陽 事。 作,且並 宣 「古事亦有 當闕 幺 王時嘗遣將征之,亦 至 氏 《小序》漫謂 |淮、徐之事,然則不得作樂 成王時,徐戎及淮夷已皆不 王東巡之事 云:「旁考《詩》、《 淮上 其所未詳。」觀此不惟不 禹 詩 淮之境固甚寬,不必定指 上,然不知其 非 導 亦疑其 幽 一詩也 淮自 不見於史 王 時 不可。 0 刺 桐 非 詩 書》曰 柏 淮 幽王」,已屬 也, 爲 不自 而 此詩循文案 1 東會于泗 何時 以詩 因 可; 幽 詩 書》、《 『徐 經以 往。 也 王 何代, 固 且 並 爲 見 嚴 於 初 夷 史 臆

闕 詩 周 徐 特史無徵,詩更失考,姑釋其文如此,而 不可忘,而至於憂心且傷也。此非淮、徐 時 何 其序云。 樂之盛,不禁有懷 夷爲言。 而 云亦不自往? 八重觀 誤 簡 於此歟? 周樂以誌欣慕之作而誰作哉? 又況《常武》伐徐,宣王親征 此詩之作,或即 在昔。 玩其詞意 淑人君子 極 爲 在 於 歎 其 仍 美

【眉評】[四章]極力摹寫周樂之盛作收。

淵 旨:《小雅》言「鼓瑟吹笙」,則瑟依于笙,《商頌》「鞉鼓 堂上,磬在堂下,言堂上堂下之樂,皆和 磬三句〔姚氏際恒 至淮安入海。 周禮》作臯,云「臯鼓,尋有四尺」。 ,則不言同音矣。 淵 暳 集釋】將將 嘒 管 聲」,又曰 湯湯沸騰之貌。 此固夫人知之。然别有妙旨: 日」笙磬同 鐘聲 依我 也。 磬聲」, 音,以 回邪也。 淮 三洲 水 則鼓 其異器也。 出 也。 管依于磬,故 信 淮上地。 鼛大鼓. 陽桐 然尤 柏 有妙 笙在 若琴 也 Щ 笙

叶

韻。

《南》也。 《雅》、《南》爲三者、謬。 《集傳》釋「不僭」之義曰「言三者皆不僭也」, 禮所言以爲歌,蓋以爲籥耳。 矣。 籥也,故承之曰「以籥不僭」,謂以籥《南》,以籥《雅》也 季札觀樂,所謂「見舞《象》箾《南》籥者」是矣。 于三百篇後,不可據以解三百篇也。 言笙磬以統堂上堂下之樂。詩人之善言如此。 唯雅未詳,或《大雅》歟? 二《南》爲文王之詩,後世子孫必以用之爲樂 僭亂也。 籥,管籥也,吹以應舞也 大抵議禮作樂之説,出 然二《南》亦非 此《南 以 南,二 籥與 如

喈九佳。 豪。 琴、音並同。 洲 【標韻】將七陽。 十一尤。 湝同。 南十三覃。 妯、 猶 並 悲四支。 湯、傷、忘並同。 同。 回十灰。 僭二十九艷,叶七心反。 叶韻 通 韻 欽十二侵。 本韻 鼛四

楚茨 王者嘗烝以祭宗廟也。

蓺 黍 稷。 楚楚者茨 追 敘 田 言抽 工之始,是長篇展 其 棘。 自 局法。 昔 何 爲? 我 黍 與 我

三九五

鼓

九

不

祭于 與, 報以 如 孫。 下,略爲停 壽 不 外而貴者。 是皇,神保 濟 酒 極 知法 至賤 濟 食, 孫徂 一,時 幾 我 祭名。 嘏 介福,降福。 祊, 蹌 酢。 役。 如 而 以饗以 萬 詞 内而貴者。 位 式。 得 蹌,人祭 頓, 翼 時 祀 三章 爲 宜。 獻酬交錯,禮儀卒度,笑語卒獲。 或剥或亨,或肆 苾芬 Í. 是饗。 是中 億 事 俎 既 祀 祝既告。 神保是 孔 孔 孝祀 事。 齊 權 我 我 四 爲 萬壽 明。 過 碩 孔 既 章 以妥以 倉 初 豆孔 脉 絜 神 稷, 熯矣,式 格,報 獻,神是以 既 法。 求神 無 爾 禮 俎 神具 盈 嗜飲 庶,亞獻。 疆 既 豆豆 儀 牛羊,牲體。 致誠, 侑, 或將。 工祝致告, 我 匡 既 以 醉 或 二章 食。 享。 禮莫愆。承上 以 既 備 總 庾 介 止 燔 介景 束 敕。 維 一,皇尸 福,降神。 熟而薦之。 或 鐘 孝 爲 1 執爨踖 億 炙,君 句。 孫 鼓 賓 爾 福 徂 以 永 載 有慶, 既 百 爲 錫 先 賚 往 以 起。 踖 福 戒 老 爾 婦 祖 祝 萬 烝 爲 啓 無 章

> 子子孫 章。 殺既 嗜 遲 鐘 五. 送尸 飲 將,莫怨具慶。 章 祭畢。 孫 食, 樂 ,神保聿 ,勿替引之。 使君壽考。 具入奏,以綏後 諸父兄弟, 歸。 既醉既飽, 六章 送神。 孔 備言 惠孔 禄。 燕 諸 時,維其 私 宰 入内 小 君 大 順 私 婦 勢 稽 燕。 盡 帶 廢 首。 起 爾 徹 下

神

之既 得不創 明王 爲 其 語 云 而 大田》四詩,辭氣典重,禮 肆夏》,爲天子禮樂,翁豈未 傷 又指 疎 公卿 今,顧 詳,且疑爲 不足以 忽 右《楚茨》;六章,章十二句。 煌 作 爲 爲「傷今思古」之論 乃 煌 也,他不具論 公卿之詩 大篇 爾 安得謂 語此,故《序》無 耶 ? 正 備 之思古耶 雅之篇 極 至 也, 典 詩 即即 何 制 體 有錯 哉 鼓 儀 之佳 ? 辭 ? 之前 鐘 明 然 其 脱在 以 送 備 中 此詩之非 朱 詩 自此 聞 戸 説 非 非 則 實 自 晦 , 乃 此者。 之,不 始 姚 無 盛 篇 翁 奏 至 氏 何 辩 至 世

《少牢》兩篇,皆從此脱胎。」亦可謂善於論終,一一可案,雖繁不亂。《儀禮・特牲》、

文者矣。

闢而 不亂 章人燕宗族,是祭後一層文字。 之人莫不敬謹將事,是以神降之福。 (二、三章)二、三章備言牲體之絜,俎豆之盛,以及從祀 於農事者,所以爲神饗致其誠也。 四章〕四章祝致神語。 有收成,由收成而得享祀,由享祀而 往肅穆,敬謹之至。 【眉評】〔一章〕首章總冒,先從稼穡言起, (五章)五章神醉尸 是既祭,二大段。〔六章〕卒 通篇層次井然,一絲 是祭前一層文字。 是初祭,二大段 獲福禄。 起,送尸歸 蓋力 由 墾

庾。 名。 旦 誤 祖 謙曰〗《説文》曰:「薺,蒺藜也。」而茨則以茅葺屋覆之 也 鄭康成謂「趨以采齊」,當爲「楚薺」之「薺」。 然則當康、成世,字猶爲「薺」。 億十萬日 【集釋】楚楚盛密貌。 抽 除也 億。 與 饗 與、翼翼皆蕃盛貌。 獻 也。 妥安坐也。 茨蒺藜也。〔董氏 其爲「茨」者,後人 庾露 (《集傳 〇吕 積 日 氏 逌

神。 間。 應變言「皇尸載起」矣。 姱目巫,非以靈保目巫也。 案《楚詞》云「思靈保兮賢姱」,乃謂神安附於巫身,以腎 恒曰〕神保,何玄子曰:本其生存謂之祖,言其精氣謂之 明猶備也,著也。 則求諸陰,焫蕭則求諸陽。 乎?」注:索,求神也。 特性》: 也。 秋祭曰嘗。 景 侑。」尸又食。 [《少牢》]《饋食禮》: 妥,安坐 神保是格」,固 ,既奠,迎之使 亦大也。 朱子謂神保蓋尸之嘉號,猶《楚詞》所謂「靈保」者。 蓋魂無不之,神無不在,求之之備如 將奉持而 「索祭祝于祊,不知神之所在於彼乎? 也。 剥解剥其皮也。 《禮》曰「詔妥尸」,蓋祭祀筮族人之子爲 濟濟蹌蹌言有容也。 主人不言,拜侑。 自 進 處神坐,而 難 皇大也。 之也。 通 尸 〔輔氏廣曰〕王氏云:凡祀,裸鬯 告飽。 而第五章 孝孫 祊 廟門· 若以神保名尸,則于第三章 索祭祝于祊,則求諸陰陽之 保安也。 非以安之也。 亨煑熟之也。 祝獨侑 主祭人也。 尸又三飯。 神 内 也。 保聿歸」之前,不 烝當冬祭日烝. 曰:「皇尸未實, 神保 此 ○ 禮記 孔甚 介大也。 侑 肆陳之 「姚氏際 竈也 勸 於 也 也。 此 郊

三九七

經 原 始

徹

九

芬香 客筮 稷 尸 徂 來 錯 酬。 内 見之也。 養 致 特 奏《肆 以 酌 羞在 公告「《集 而 成 (疾也。 也 位 是 牲 偏也。 畢 賓 賓受之奠於席前 而戒之, 豆 神 也。 学主 [《集 也 也 日 右 所 歸 酢 夏 陰 也 矣。 獻 以 諸宰 王 业。 傳》〕祝傳尸 傳》」祭事 報 1 人 卒盡也。 盛内羞庶羞,主婦薦之也。 君 神 使 也 也。 賓飲主人曰 正 獻 日 子 助 醉 也。 尸, 鬼神無形,言其 也。 燒 皇尸」者,尊 庶 祭 后 兀 熯 句[姚氏際 肉 賓長 羞在左,陽也。 既畢, 者既 敕戒也。 也。 「句気集 而 竭 也 意,告 幾 度法度也。 不舉 也。 以 獻尸 期 酢,主人又自 莫 主 炙 肝 也。 至旅 人往 《傳》〕 利成於主人,言孝子之利 稱之也。 工 莫 從,主 炙肝 而 恒 醉 極至也。 祝 遂 沖 日 阼 式 於是 而 而 與之相 獲得其 也 漠之意。 I. 賓客《集傳》〕 婦 歸 階 後 諸 法 於 獻 皆 神醉 者誠敬之至, 「鼓鐘」 下 少 宰 也。 孔 飲 尸 爲 長 所 徹 西 衆善所歸 而 獻 , 兄 氏 以 宜也。 而尸 祝 諸 面 相 復 栅 齊 穎達 者 之位 勸 從 饌 也。 豆 飲 弟 也。 起,送 p' 整 獻 賓 以 而 曰 也。 也 也 苾 格 也 如 出 集 交 賓 日 主

> 廟之制 先。 祭既受禄矣,故以燕爲將受後禄 寢,故於此將 女御之屬, 籩 何玄子以 豆 前 諸宰徹 、鑿也。 廟 以 燕而祭時之樂,皆入奏於寢也。 君 奉 于 婦 神,後 不 先 在 遲 諸 君婦 宰 寢以 疾爲敬也。 後 徹 藏 于後。 遂 而綏之也。 衣 謂 冠。 君 入奏〔《集傳》〕凡 故言 婦 祭於 爲 九 諸 惠 廟 嬪 宰 後 順 在 而 世 也。 禄 燕 君 婦 前 於 婦

宥, 支。 億並 莫陌 韻 格 慶 並 紙 + 同。 同 叶 疆 歸 號 福一 同 音 祀 標韻】棘 酢 庶 並 亨 叶 Ŧi. 族 紙。 屋,叶 叶 微 同 古 藥。 六御。 八 得 韻 庚。 禄 食 反。 轉 筆力反。 遲 叶 職。 屋 十三職。 支。 客 備四 韻 將 韻 止 陌。 福 陽。 叶 紙。 真。 私 屋。 踖 叶 愆 韻 錯 同 稷、 + 祊 韻 戒十卦。 起 十藥。 式 先。 庚。 翼、 同。 將 通 陌 職。 蹌 陽 韻 孫十三元。 億並 明 七陽。 叶 度 稷、敕、 碩、 位 同。 同。 韻 慶 奏二十 真。 同。 炙 羊、 皇 獲 並 尸 告二 祀 極、 陽 陌 同 嘗 木 通 六 四 四

信南山 王者烝祭也。

翼,黍 曾孫 清酒 祖。 疆場 報以介福 其 考,執其鸞刀。 畀我尸賓,壽考萬 既 天同雲,雨雪雰雰。天時。益之以霡霂,既 八血膋。 渥 苾苾芬芬。 獻瓜。 河田之。 有 信 稷彧 方祭事。 既 彼南 瓜 告殺。 霑 萬 曾孫壽考,受天之祜。 彧。 既足,生我 種瓜。 我疆我 Щ 灌 壽 維 升臭。 酒。 主人親執。 無 祀事 曾孫之穡,以爲酒 年。 疆 禹 是 從 四章是烝是享,承上點明祭 理,南東其 甸之。 孔 剥 以 降福 三章 百 是 明,總束。 騂牡。 以 作收。 穀。二章 菹,剥 地利。 啟 中田 其毛,告純。 迎 六章 畝 瓜瓜。 牲。 先 四 有 畇 食。 祖 章 廬 畇 獻 享于祖 疆 是皇。 章 治 原 人事。 祭以 之 埸 隰 翼 皇 屋。 取 優 F.

作。 别。 詩中灌 前 楷 非 爲徹 爲公卿咏者耶? 言起,以疆理南東之制屬之『曾孫』,此豈 者皆得稱之。 理」,則指成王也。 氏又云"「此篇言『曾孫』與上篇『曾孫』 爲大指與《楚茨》略同,而以『曾孫』爲凡祭 獨言烝,蓋言王者烝祭歲 「獻之皇祖」,則更非諸侯之所宜言矣。 此篇與《楚茨》略同,但 幽 亦 但 法也。」然則此詩乃正雅之錯脱在 云:「《楚茨》、《信南 王時詩,誠有 上篇『曾孫』指主祭者,此言『我疆 右《信南山》六章,章六句。 楚茨》 以『祀事孔 酒迎牲,謂爲天子諸侯之禮。 詳於後 案,首章從『南 明一 謬矣。」愚謂不寧惟是, 如晦 蓋『我疆』二句,此 而 語該之。 略 翁之疑矣。 也。 彼篇言烝、當, 於 山》同爲 前 山」、『禹甸』 《集傳》亦 《信· 自 姚氏云: 祭 而 南 時之 祊 何氏 初制 且 此, Ш 我 姚 曰 以 此

曾孫均 孔 詳於前 而 明』一語該之。」是二詩同 稱之哉? 指成王 而 略於後, 也。 自薦 詎得謂凡爲祭者皆得 熟以後, 出 但 時 以 一祀 則二 事

事矣。 法也。 雪春雨,寫景皆人微,後世不能到。」〔四章〕至此可 致 敘閱整,敘事詳明,此篇則稍略而 盛所自出,與《楚茨》同意而較詳。 ,格調又自不同。」 [五、六章] 寫祭事精 而未言牲酒先及獻瓜,看似閒筆,乃文章中 眉評』(一、二、三章)前三 細入微。 加以跌蕩,多閒 〔二章〕姚氏曰: 一章因 姚氏 祭祀 日: 而推 一 上 情 養局 入祀 篇 原 「冬 别 鋪 築

也 畝 中水道,古作 疆爲之大界也。 辟 為高 貌 〕韋昭云:「下 ,將雪之候如此。 (集釋)南 曾孫曾,重也。 畝 即 账 田 日 身 六畎爲 理定其溝塗也。 畎,高日 也。 Ш 雰雰雪貌。 一終南 自曾祖以 同 畝。 畝。 Ш 雲〔《集傳》〕同 也。 對畝則 畝,隴 至 霡 甸 畝壟也。 無窮、皆得 霂 治 也。」案: 畎爲下,對 也。 小 雲, 雨 何 畇 貌 稱 雲 畝 之也 畇 氏 畎 乃 優 色 則 隴 楷 墾

> 之名。 形 故既奠然後烤蕭合羶薌。 既灌然後迎牲,致陰氣也。 鬯臭,鬱合鬯,臭陰達於淵 於蕭而燔之,以求神於陽也。 其 鸞刀,刀 鬱鬯灌地,求神於陰,然後迎牲。 潔之酒,鬱鬯之屬也。 菹酢菜也。 場通作易。 渥 八血,以 魄歸于地,故祭求諸陰陽之義也。 也 疆乃 霑足也。 有鈴也。 告殺也。 八家同 翼翼整飭貌。 枯福也。 膋,脂膏也。 取 埸 井之界畔,場乃 其膋,以升臭也。 音亦。 騂,赤色,周所尚也。 清酒 凡祭慎諸此。 泉。 蕭合黍稷,臭陽達於 彧 《記》曰 何氏楷 一章[《集傳》]清酒, 啟其毛,以告純 灌 彧茂盛貌。 執者,主人親執 以 烝冬祭名。 周周 畫 日 夫百 合之黍稷,實 一璋,用 疆 魂氣歸 人尚臭,灌 祭禮 場 畝 畀 與 玉器 之界 皆 也。 一先以 于天 牆 田 屋。 也 也 畔 也 清 用 之 取 界

叶韻。 二沃。 韻。 雲十二文。雰同。 理四 穀屋。 標 賓 韻 紙。 + 一旬十七三 通 畝 真。 韻 本韻。 二十五有,叶 年 翼 霰。 先。 十三職。 霂 ,屋。 田 通 滿彼 先, 韻 彧 叶 反。 渥 屋。 去聲。 廬 覺。 叶 食 六魚 足 叶

同。 韻 瓜 六麻, 膋 酒二 叶 蕭。 + 攻 五. 呼 通 有 反。 韻 牡 菹 同。 芬 魚 十二文。 本 祖 韻 七 塵。 明 刀 祜 八 四 庚。 豪 同。 毛 皇 叶

陽。

疆

同。

通

韻。

庾,如 髦士。 克敏 省。 如 彼 御 以 食 畫。 我農 南 方。 田 或耘 總點祀事。 畝,田 祖 倬 禾易長畝,終善且 勸耕。一章 坻 被甫 我 人。 或耔,黍 如 田 以 甫 京 畯 周 田 田 既 祈 二章 曾孫之稼, 至 給。 ,歲取十千。 甘 臧 喜。 乃 農 王者祈年因 雨,以介我稷黍,以穀我 以我齊明,與我犧羊,以 稷 自 求 曾孫 薿 古 夫之慶。 于 攘 嶷。 有 有 斯 其 來 如 年。 倉 茨 左 止,以其 賦斂。 攸 曾孫 以 右 如 乃求 介攸 琴瑟 今 省 梁。 嘗其 不怒,農夫 滴 我 耕 擊鼓 萬 婦子,饁 止 取其 也 南 曾孫之 斯 旨 畝 烝 箱 否。 陳 以 社 我 Wi.

另提一筆,總前祈年、省耕作收,非美農夫也。四章黍稷稻粱,農夫之慶。報以介福,萬壽無惡

謬耳。 按章分釋、虚實莫辨、已失語 因 乎? 孫 祈 報 不然,方祈甘雨,何以 前 年,因而省耕也。 萬 路, 來 Ħ 福 農 壽 省, 爲 雨 右《 無 自 夫克敏」一言推 至末章極言稼穡之盛,乃後 上頌 甫 疆 非 有 以 」,竊恐三代聖王不 後路。 報 田 至 下之詞,以 嘗 成 》四章,章十句。 也。 其 祭方社,祀田 賓主 饁 觀 便報成耶? 食, 而言之耳。 其 君 須分,乃 (「或耘 非 王 春 而 氣 如 祖,皆 夏 或好 祝 此 是之悖 得 日成效, 文章有 農 乃更 耕 ^ 王 其妙。 《集傳》 耨 者 夫 所 謂 Ħ. 時 以 祈 E

以見義。 章〕次入祭事,於方社 眉 評 時 之祭皆 章」首 則詳 祈 年耳 禮 章泛舉 物,於 非 農 報 田 自 政 祖 大 報 則 端 而 詳 作 樂器,互文 祈 起。 自 祈 也

〔三章〕 貼周 農夫之敏,由於君上 寫得如許親 密,神不外散 此 乃省 耕。 切。 至 能 四四 「嘗其旨 愛農以事神。 章〕稼穑之盛, 否」,古王 全篇章 由於農夫克敏。 者愛民 法 重 線,妥 農之

幾達 農 配。 者。 也。 也。 之法,九夫爲井,井税一夫,其田百畝。 蓋 見其數,從井通 十夫,其田千畝。 也 饁 明貌 也 齊 餉 盛 有多也 於衆也。 慰勉之意,不可人人曉之,惟可 烝進也。 方四方之神也。 耘 也 」,不切。 也。 穀 集釋】倬〔姚 除草 養 攘 犧 也。 也。 取 齊明齊與築同。 羊純 起,故言十千。 甫亦大也。 敏 髦士[朱氏公遷曰]髦士,即農人之秀 也 又善 通十爲成,成税百夫,其田 疾也。 籽雕本也。 色之羊。 旨 氏際恒日〕倬,大也。 田 也。 美 祖 如 也 十 曾 先嗇也,謂始耕 茨茨,屋 陳舊粟也。 易去聲 社 孫 薿 千 (鄭氏康 一曲禮 疑 茂盛 后 主祭王 與言者與之言 土 ₩ E 蓋 井 也。 治 「稷日 十爲 者 貌。 成 如茨,言 有 《毛 也 田 以 萬 之 1者,即 通 日 年豐 1明粢」, 句 畝 井 傳 稱 介大 長 龍 通 》作 也。 庶 其 竟 神 氏 年 欲 税 \mathbb{H}

> 之高 密 比 地 如 屋 也 茨也。 京 高丘 如梁梁,車梁,言其穹 也。 箱 車 箱 也 窿 也 坻 水中

疆 反。 有。 女同。 年先。 並 士 同 並同。 並同 叶韻。 否、畝、有 標 通韻。 轉 通韻。 轉 叶 韻 韻】田一先。 韻 韻 梁陽。 並同。 止紙。 鼓 畝二十五 明八庚。 七 京庚。 慶。 怒七遇。 千同。 子 有。 同。 祖、 羊 倉陽。 甫 七 耔 畝 陳十一真。 敏十 陽。 並同。 四 有。 紙。 箱、粱、 方、臧、慶 軫,叶 喜 薿、止、 黍六 紙。 人同 母 語 右 鄙

大田 王者西成省斂也。

皁,發 去其 既 以 庭 我 螟螣 覃 且 大 苗 碩 耜 田 曾孫 驅 既 利器。 多 稼 堅 蟲 既 是若。 既 及其蟊賊 俶 好,結 種 載 既 南 先冒 穟。 戒 畝 無 擇 不 筆。 播 種。 害 稂 厥 一章 我 不 百 既 田 莠。 穀。 備 稺。 既 乃 去 方 耕 事 種。 田 既

喜。 祖 黍 來止,始入省斂。 穗 不 私 雨 黎。 折 斂 祁 有 先公後私,忠懇可愛。 來方禋 神, 穧。 亂穗。 祁 粢盛。 秉畀炎火。 雲霓慰望,借 遺 伊寡 川 祀,並祀四方。 以 穗。 享 以其婦子, 饈 婦 彼 以 之 點景物。 禱神。 有 利。 祀, 彼有不可 遺 以 以其 利及鰥寡。 秉,失載 二章 介景 雨 ·穫稺 彼 我公田 、解黑,性。 南 有渰萋萋 福 穗。 、低穗 畝 三章 祈 遂 此 田 福 有 與其 畯 曾 及 此 作 收 至 孫 滯 我 興 有

者 秋 在 則 九 面 時。 句。 極 播 也 斂 極其愛,所 種 右《大田 力 收 前 蓋 害 此王者 摹 成,故 春 必 篇 寫 務 秋巡省,祈年 重 ***** 以 祀 西 去 四 在 於 從 農 盡 事 成省斂之詩 章,二章章 盡 祈 在 巡 年 人 上者之心也。 典。 利 省 心 耕,故 面極 報 使 神 賽,用 ·八句 有 則 與前 力摹 致 餘 從 所 其誠 此篇 王 以 篇 寫 者 答 章 以 春 口 竭 耕 民 神 章 重 出

旁煊 寡婦 王愛民 愈奇。 爲 閒 多 盡 爲 不 刈 之多自見。 複,尤難出色。 千 所不備者; 本欲形容稼 在 盡 倉萬 稼 情 XIJ 穫之所不 下者之力也。 有 愈 之利 染 穡 穫 者 曲 妙 餘 之情 繪, 所 ; 箱等語 前篇 不盡取」,又以爲 善 且 也 或 語設色生光,所謂愈淡 不 刻 於烘 亦有束 及者; 其 更有 穡之多。 閒 省耕 削 ,千古如 摹無遺,娓 事 穗之遺 處 而 詩只從遺 有何 托 極 辇 凡 襯 束 只嘗 有刈 法 縛 瑣 文正面 載 縛 托 見其 耳 碎,情 雖 意 若從正 也,有 雖 之 饁 備, 則 而 味 難 盡 娓 與 誠。 穗 食 遺忘,爲束縛之 ? 愈 難 拾者。 前 不 集 而 極 鰥 説 低 閒 於著 面 倦 且與 爲 傳 閒 寡 語,寫 起, 折 此篇省斂 小之穗,爲 描 愈 素 淡 輦載之所 共爲不 愈奇 亂 摹,不 妙 筆, 凡 八上篇 而 無 在 知 此 非 詩 正 出 愈 須 過 皆 聖 費 愈 爲 偏 穗 從 犯 淡

四〇四

譏。又謂「農夫答前篇之意」,則更非也。皆呆泥句下,未能曲盡詩旨,誠如姚氏所之惠」,且以爲不棄於地「爲不輕視天物」,

所不能 耕而 局 純從旁面烘托,閒情别致,令人想見田 敘夏耘除害一層。 勢不 略於省與察。 同。 到者。 【眉評】〔一章〕追敘方春始種 前篇詳於察與 [四章]此乃省斂正 [三章]秋成收穫 省 而略於耕,此 面, 一層。〔二章〕順 家樂趣,有 路順 層。 篇詳於斂 描摹多 寫,與 畫 前 稼 與 篇 圖

以爲 早 日〕渰、《説 螟 也。 也。 似無據。 葉螣,食節賊,食根蟊。」按,賊乃賊害之意,以 螣 實未堅者 俶始也。 蟲名、恐非。 方《集傳》方,房 集釋 孟 賊 祁祁 文》: 日 [姚氏際恒日]《爾雅 早。 載 「雲雨貌。」《毛傳 種 當指雲言、《韓奕》之詩曰 稺 事 擇 粮童粱 也。 幼 其 禾也。 也,謂爭甲 種 也。 庭 也。 直 有渰 也。 戒 》云:「食苗 》專以渰爲「雲興貌」, 莠似 始 飭 生而 碩 其 二句 苗 而 大 具 「祁祁如雲」 也。 未 害苗 心 也。 一何 合 此 日 「螟,食 時也。 押 者 若 覃 氏 也 韻 楷 順 利

> 禋。 也。 祁祁然也。 萋 口 畝,其中爲公田,八 女然。 證 (董氏逌曰)「來方禋祀」,以其所至之方而禋 滯 興 有 亦遺棄之意也。 八雨祁祁 渰萋萋」雖兼 公田 」雖專 八家皆 〔《集傳》〕公田者,方里 雲, 指 私 雨 百畝 裡〔《集傳》〕 而意專在 而 而 意獨 同 養 在雲,言興 雨,言隨雲之雨 公田 精 而井,井 意以 也。 享 雨 祀 穧 謂 之雲 也。 九 之 百 萋 束

十三 八齊。 本韻。 韻。 五有。 同。 叶韻。 阜十九皓。 祁四支。 穀一屋。 標 稺四真。 稷同。 韻】戒十卦。 止紙。 私同。 叶韻。 福屋,叶筆力反。 好同。 火二十哿,叶虎委反。 子、喜、祀並同。 稺真。 本韻。 耜四 碩十一 紙 穧八霽。 叶韻 陌。 螣十三職。 叶 韻。 若十藥。 本 叶 穗真。 韻 韻 畝二十 賊 同 叶 黑 利 萋

瞻彼洛矣 闕疑。

茨。韎韐有奭,以作六師。一章 瞻彼洛矣,瞻彼洛矣,維水泱泱。君子至止,福禄如

至止,福禄既同。君子萬年,保其家邦。三章保其家室。二章、瞻彼洛矣,維水泱泱。君子萬年,維水泱泱。君子至止,鞞琫有珌。君子萬年,

泛者。 耶? 講武 自 以俟知者之爲愈也。 詩云「以作六師」,豈亦爲未受命之世子咏 子謂紀東遷,爲鄭武公咏。姚氏取之。 天子事也。《序》説之謬,固不必辯。 當是爲平王賦 秦風 如 此 事,而諸侯美天子之詩。」循文案義 右《瞻彼洛矣》三章,章六句。 此詩 《集傳》云:「天子會諸侯於東都,以 今既求 解。 終南》相似。 唯此等歌咏,必 庶乎 其 事 而不得, 可耳。 然彼自咏諸侯,此 如必謂 則 有 爲 所 不如闕 東遷事,則 紀, 非泛 何玄 疑, 然 則 與

指天子也。 茹 集釋】洛東都水名。 藘 茨積也。 古 謂之茅蒐,今謂之茜 韎茅蒐所染色也。 泱泱深廣貌。 草。 「梁氏益日 茜 亦 君子 作 蒨

> 琫上飾。 六師 官》所 染絳之草也。 謂 六軍 韋 珌下飾。皆玉爲之。 也。 弁, **給**[《集傳》] 幹, 兵 天子六軍。 事 之服 也。 韓 奭 鞞 容刀之 韩,今 同 也。 赤 猶聚也。 貌 合韋爲之。 作 刀 猶 起 《周

本韻 末句協 師同。 本韻。 甚爲創 同 韻】矣四紙。 東。 格。 〔姚氏際恒云〕每章六句,三句 邦三江。 從之,下同。 止 紙。 通 韻 本 珌 韻 四 質。 茨 室同。 韻,首 四 支

裳裳者華 闕疑。

裳者華、芸其黄矣。我覯之子、維其有章矣。 或黄或白。我覯之子,乘其四駱。 寫兮。我心寫兮,是以 駱,六轡沃若。 維其有章矣,是以有慶矣。 二章 右之右之, 君子有之。 裳裳者華,其葉湑兮。 三章 左之左之,君子宜之。 維其有之,是以似之。 有譽處兮。 我觀之子,我 裳裳者華, 一章 乘其 兀

四章

筆 闕 前 通。 躬,常變大小,無適不宜。蓋必 若」而下,不過借六轡在手,以寫全德 其説,愚弗取也。 父興復王室事,則尤鑿之又鑿。 事,右,陰道,爲喪戎之事。」未免泥 之言以釋《毛傳》曰:「左,陽道,爲朝祀之 若何玄子引《老子》「吉事尚左,凶事尚右 後形諸外也。 疑。 篇 ·妙,自是名言,足垂不朽。 又以有似二語爲「賦象賢」,指武 互相酬答。 石《裳裳者華》四 唯末章似歌非歌 故曰「維其有」、「是以 上篇既無可考,則此 章,章六句。 似 謡非 雖 記誠於中 日 姚氏 謡 承 此 上沃 理 雖存 公繼 似 亦 而 詩 鮮 備 瑩 當 而 與

芸黄盛也。 古本 作 常 集釋】裳裳〔《集傳》〕裳裳,猶堂堂。 常 章文章也。 棣 也。 湑 盛 有文章斯有 貌。 覯 福慶也 見 也。 處 董氏云, 安

> 駱十藥。 何反。 韻。 黄七陽。 叶韻。 【標韻】湑六語。 若同。 右二十五有。 章、 叶韻。 慶 並 寫二十一馬 同。 左二十哿。 似四紙。 本 韻 宜四支,叶牛 叶韻 白 處 + 語 陌 叶

可讀 非亂世之音。 地 詩誤簡於此無疑。 集傳》疑爲豳 、瓦礫相混 者纔七篇,餘皆 以 上《北山之什》,凡十篇。 諸儒不求其真,曲爲附會,以致明 雅,固屬擬議。要自是古王者田 然其精光寶氣,自不可 即《洛矣》以下二篇,詞氣和平,亦 未詳其 世。 而《楚茨》下四 掩 是什 祀諸 詩,

詩經原始卷之十二

桑 小 扈 之 雅_四

浥 之 什

桑扈 天子饗諸侯也。

子樂胥,萬邦之屏。二章 之屏之翰,百辟爲天之祜。一章 交交桑扈,有鶯其領。興。君交桑扈,有鶯其領。興。君

憲。不戢不難,反起末句。受福不那。三章 兕

正應上章。四章

觥其觩,旨酒

思柔。

彼交匪敖,萬福來求。

右《桑扈》四章,章四句。此詩詞義昭

詩旨。 敖。 寓箴 平莊雅之音。 和其德性 柔」句,亦當作飲此兕觥之酒,宜思所以柔 急而反言之。那,語辭,非多也。 與「來求」犯複。 多乎?」是意在求福,略無警傲之意,恐非 日豈不斂乎? 求。」今夫子敖,取禍之道也。」正爲此詩下 食也,以觀威儀、省禍福也,故《詩》曰: 年:「衛侯饗苦成叔,甯惠子相。 雜之際,能無所誤歟? 考《左傳》成 然,的爲天子燕諸侯之詩無疑。然頌禱 『兕觥其觩,旨酒思柔。 注脚。而《集傳》解「不戢」三句云:「蓋 甯子曰: 苦成叔其亡乎! 規意,非上世君臣交儆,未易有 故姚氏駁之,以爲「詩味索然」,且 則 「彼交匪傲」,而 編詩者偶檢於此,亦正 豈不慎乎? 蓋二句皆正言,非古語聲 彼交匪敖,萬 其受福豈不 萬 古之爲饗 福來 苦成叔 即「 十三 變互 福 此 思 來 和 中

四〇七

敢 較 妄爲附和也 一君臣 《集傳》訓 順,故從之。 上 下動無禮文焉」,不知所謂,不 思爲語辭者,皆非。 至《序》所謂「刺 其説 幽 王 於

【眉評】〔三、四章〕頌不忘規,可作兕觥銘。

戢斂也。 敖傲通。 氏際恒 枯福 鑒戒之意,使人不敢剛而傲也。 小宛》。有鶯其羽〔姚氏際恒日〕有如鶯之羽與領 古用字多拗折如 也。 日 【集釋】交交飛往來之貌。 萬福) 兕性 難音儺,慎也。 屏 蔽 剛 也。 來求無事求 好觸,故以其 此。 翰 幹也。 那語 君子指諸 福 角製 而福 觩 辭。 辟 角曲 爲 桑扈竊脂也。 君 兕觥爵也。 侯也。 反來求 觥飲 也。 貌。 酒 我也 旨美也。 憲 胥 語 ,所以 法 **が** 也。 辭。 見 寓

柔 叶 二十三梗。 、求並同。 韻 標韻】扈七慶。 難 屏同。 Ŧi. 本韻 歌 本韻 那 同。 羽、枯並同。 翰十五翰。 本 韻 觩 本 憲十四 韻 + 尤。 領

> 鴛 鴦 幽 王 一初昏 也

四章 物。 摧之秣之。❶ 禄宜之。 在 君子萬年,宜其遐福。二章 鴛鴦 廐,秣之摧之。 章 于飛 君子萬. ,畢之羅之。 鴛鴦在梁,戢其 君子萬年,福禄綏之。 年,福禄艾之。 興。 八左翼。 君子萬 乘馬 年,福 在 工於賦 乘

馬

得。 乃有 然以 兀 養有節焉。」朱子譏其穿鑿尤 刺 幽王。思古明王交於萬物 爲 取於在梁斂翼之鴛鴦 蓋臣子頌君,何物不可以起 ,當其倦而雙棲,一正 右《鴛鴦》四章,章 此諸 侯所 以答《桑扈》也,亦未爲 四四 鳥 一倒 句。《序》 耶 無 有道,自奉 理,誠 興? 夫鴛 左翼 謂 鴦 而

⁰ 秣」,原作「抹」,據《毛詩正義》改。 下「抹」字同。

子無良 於伉 以 詩 初 婦 創自鄒肇敏。 之,故並 「二三其德」,雖有初而靡終也。 華》爲申后被黜之詩,安知此 切 甚 昏 情 相 鑿,唯 儷 而有據耳 而作? 依 而 ,二三其德」,詞意固昭然矣。《白 之不終,亦引用其語,而下即云「之 無 於内,舒其右翼以 一誌焉。 君 解 臣 聖人兩存其詩,正 但彼謂 此 義 然其説亦非始於何氏,蓋 與 焉。 鄙 故《白 咏 意 成王 同。 防患於外,有 華》之詩 , 自不如幽 姚 詩 氏 以 不爲 何玄子 亦 見 甚 出 申 有 取 説 后 夫 王 王 感

[眉評][一、二章]細膩如畫。

摧 則 長 が柄者 雄 秣 未嘗相離,故謂之匹鳥。 以 介許 也。 掩 集釋】鴛鴦匹鳥也。 物 氏 羅 謙 , 罔也。 梁 E 石 莝 絶 〔孔氏穎達 與 水 摧 爲 同。 梁 畢 位在氏 《説 羅 曰〕羅則張以待鳥,畢 戢 文》: [《集傳》]畢,小 豹田 斂 也 莝, 〕鴛鴦, 遐 斬 芻 遠 鳧 罔 也 類 也

秣,食馬穀也。 艾養也。 綏安也。

佩反。 韻。 通 韻 翼十三 艾九泰。 標 韻 職。 羅 福一 Ŧī. 叶 歌 屋。 韻 宜 叶 摧 四 韻 支, + 灰。 叶 秣 牛 七曷,叶 何 綏 反。 四

支。

叶

頍弁 刺幽王親親誼薄也。

既嘉。 豈伊異 弟俱 期 ? 霰 子,憂心怲怲。 施 君子,庶幾説懌。 有頻者弁,實維在首。 于松柏。比。 來。 比。 有類者弁,實維伊 爾酒既旨,爾殺既 (人? 豈伊異人? 死 蔦與女蘿,施 喪 無 兄 日 既見君子,庶幾有臧。 弟 未見君子,憂心奕奕。 無 甥 兄弟匪 章 舅。 幾 何? 爾酒既旨,爾殺既阜。 于 時。 相 有類者弁, 如 松 見 他。 彼 上。 **豈伊異人**? 爾 雨雪,先集維 樂酒今夕,君 酒既 比。 蔦與 旨, 實 未見君 女蘿 二章 既 維 爾 見 何 殺

0

子

耶 ? 刺幽 疑。 之辭 誰 他 以爲此兄弟也,豈異人乎哉? 使王不以 和 將亡」,則 屬 不必定謂 何,王能 ·豈伊異人」,曰「兄弟匪他」,皆言外見意 樂酒今夕」, 節 弗知之? 人視 睦 南 王 氣。 卒 以 右《頻弁》三章,章 蓋王平日親親誼薄,雖有宴樂,未能 Ш 章 骨肉 詩 故同姓諸公,借飲酒 相 》後,無 無 也 非。 即 又曰「死 孤 誳 所 異姓諸親、 ,則骨肉自骨肉,他 危將亡,而 刺 動 同 何 但 詩明言「爾 ? 於中 姓 得謂之「不能宴樂同 不 謂「不能宴樂 喪 此以 諸公,又何至 歟 以 無 ? 亦 對 爲 日 十二 知 非外人。 酒」「爾殺 無 酒當歌 刺 夫同 其 以諷刺之。 出 一句。 爲 幾 同 王 姓聯支,本 一作此 人自他人, 王 相 姓 , 此 《序》 發 人生 見, 凡屬兄 」,又云 孤 世 自 則 姓 外 幾 雖 無 危 真 自

> 之心 先撥 無 蔭其 家? 弟 尋常款治,何足 以爲「宴兄弟親戚之詩」,則此一宴也不過 如 ,溢於言表,固自足存。 君之外視兄弟,疎遠舅甥,未免本 根株,以 ,何哉? 如蔦蘿之施 及 舅 甥 故見君 此雖刺王,而 重輕於其際歟 疇 弗 松 則 柏 欲 喜 前 庇 背背 護 松 本 若《集傳》第 片忠誠愛君 君 柏 根 亦 則 因 以 憂 以 古 會 自 皇 而

者,以 也。 傳》〕蔦、寄生也。 在王者,常 以從禽,非常服 多矣,但爵弁則士之祭服,韋 女蘿兔絲也 〔曹氏粹中曰〕士之爵弁,服之以祭,皮弁服之以朝。 〔張氏彩曰〕許氏曰,類即古規字。 弁皮弁。 白 集釋】類〔《集傳》〕類,弁貌。 鹿 朝則服皮弁,而燕同 皮爲冠,其衣十五升布,其裳積 〔孔氏穎達曰〕弁者,冠之大名。 也。 奕 葉似當盧,子如覆盆子,赤黑 奕憂心無所薄也 惟皮弁上下通服之,故知皮弁 弁則 姓 服 亦服之。 規 以 爲員 即 何 戎,冠 素 者,弁 期 所 猶伊 蔦《集 謂 稱弁者 甜美 弁 之貌 則 皮 也 其 何 弁

或曰

舉首

貌

怲 其 也。 霰,稷雪 時 則 時 善 滿也 善 也。」 矣,與 也。 徐鍇 阜猶多也。 維 輔 云 其 氏 廣 時 「雪初作未成花,圓 日 矣」之「時 以 霰〔何氏楷曰〕《説文》云: 時 爲善 同 何 也? 具 如 稷 俱 曰 : 粒, 也 撒 物 怲 而 得

高

下也。」

來十灰。 田反。 同。 柏十 本 臧七陽。 陌。 標 韻。 通韻 韻 奕、懌並同 霰十七霰。 何 叶 五. 上二十三漾。 韻 歌 嘉六麻。 見、宴並同。 首二十五有。 本韻 怲二十三梗,叶 期四支。 他 歌。 本韻 阜、 通 時 舅 韻 同 兵 並

一章 式 匪 辰 彼 燕 創 碩 且. 厞 閒 雖 女,令德來教。 喜。 渴 關 無旨酒 一。德音 車 車 牽 之 奉兮, 章 式 來括。 嘉賢 依 飲 彼 庶 思 友 式 平. 思慕之忱。 幾 變 得 燕 林 淑 季 且譽,好 雖 女爲配 有 女 無 〈逝兮。 集 雖 嘉 維 無 殺 爾 也 鷮 式 好 無 往 友, 射 興 迎 食

> 行 鮮 爾 庶 幾。 新 止 我觀爾,我 出 昏,又得賢配。 析其 品高。 雖 無 柞 德 四 心 薪。 與 牡 寫 女, 以 騑 兮。 興。 慰我 騑 式歌 析其 四章 ,六轡如琴。 心。 且 柞 高 舞。 點明作意。 薪 Ш 其 仰 \equiv 章 葉 止 歸 來。 清兮。 景 Ŧi. 陟 章 覯 行 彼

選新 鄭袖 擊 何能 則 義 不賢見黜 之云:「思得孌女以 得賢女以配君子,故作是 幽王」、《大序》謂 及《集傳》, 節」, 第 而 傷教、 淑? 以 昏,無論 陳平紿 右《車舝》五章,章六句。 然 爲 ? 亦不能定其爲 亦已甚矣。」姚氏 「宴樂新 均 且 有可 豔妻驕扇,寵 詩 賦《白華》者安在 閼 不 氏之計 昏之詩 諷 襃姒 疑 間 處。 王 耳。 其 復 嫉 誰 《序》云「大 故 寵 詩 妒 以 不 作 門則是 無 后 以嬖易嬖, 夫樂新 爲 再 也 此詩依《序 前 移 道, ? 鄒肇 閲 其 豈真 張 周 諷 此 集 儀 敏 夫 爲 可 以 「,則 以 以 其 思 刺 别 駁 傾

門。 思 ? 譽? 酒 覺 其 故 在 以 而 爲 孰 舞,皆於事 此 無 頌 昏禮 飲 中 攬 望 慰 謂證之《關 音 所 爾 德 於 得 以 轡 我 淑 之 藏 其 ,景行之堪追 試 燕 可 亦能 閨 且令德既 心。 新 女以爲之配乎? 通 思 爲 以 而 乘 而 門 賢。 來歸 用之樂乎? 昏 女子無 稱 車 心寫之,以爲 甘 理 無 以 而 述 而 此 雎 有 非 ,雖無嘉 貞 己。 於女 詩人與友 也,愈見琴瑟之静好。 往 賢 ×, 其人學品既端 難 望其來教,式 静是 迎 儀 非 淑 通 可 然 汀,則 也, 即即 是式 , 以 殺 頌 得碩女,何堪來 修, 而 佳耦 唯有 不啻 共 ()食亦 無已,其 頌 ,均堪不朽。 新 高 故 得性情之正 更 揚 昏 Ш 而 日 飢 式 鮮覯,雖 亦覺其 景 而 何 歌 何 自飽 歌 渴 覯 行, 不忘 仰 德 爲樂賢 又 如 之難 且 爾新 樂 止 音 高 亦 舞,以 弗 碩 遂不 之 之 教 其 但 無 Ш 屬 待 類 昏 之 友 Ħ 堪 恨 ? 而 可 閨

鐵

兩章皆寫思慕之懷,却用

興體

中

間

忽

易

流利之筆,三

俛 道 引 焉 而 之, 廢,忘身之老也,不知年數之不足也 日有孳孳,斃 眉 以 評】前後兩章實賦,一往迎,一 爲 「詩之好仁如 而 後已」者,豈無意歟 此 鄉 道 歸來。 而 行 二、四 ? 中

又 曰: 聲。 層反跌作勢,全詩章法皆靈 長 貌。 也。 也 其説本此 肉 〔董氏逌曰〕案《説文》: 鶴八集 柞 整,車聲也。」車鍵而 集釋】閒關車 甚 美。 櫟 也 傳》 變美貌。 辰 清 時 鷮, 盛 也。 雉 ~ 牽聲。 也 也, 碩 逝 行則有聲,故古人以 鮮 微 大 一 幸, 鍵 往 整《左傳 小於 也。 少 也。 也 濯, 射 也。 括 覯 》作 會 厭 走 故 也 見 也 而 轄 謂 且 也 之關 閒 車 鳴,其 女 依 關爲 軸 景 指 茂 頭

叶韻 教 四 肴 標韻】牽八點。 友二十五 通 韻 有。 譽 六御。 喜 逝 几 八霽。 紙 射 + 叶 渴 韻 七曷。 陌 鷮 叶 括 韻 蕭 同。

行

大道

也。

慰安也。

友

尾

木

幾 二十一馬。 通 韻 五 微 出 幾 七陽。 叶韻 同。 二字 薪十一真。 仰二十二養。 同 韻 叶 女 韻 六語 行 七 湑 陽。 舞 語 七 麇。 叶 寫

琴十二侵。

心同。

本韻。

罔極 讒 無 人罔極,構我二人。 三章 1讒言。 一交亂 誉 |青蠅 青 四 蠅 國。 章 止于樊。 大夫傷于讒因以戒王 二章 營營青蠅,止 營營 興而 青蠅,止 比 一于棘。 豈弟 于榛。 君子, 也。

以 王 我二人」,是此 聽也。」二者似是而未盡 聽讒言,故以 刺 及疎,由 ,非徒空言刺 幽王 右《青蠅》三章,章 也。 近 青蠅 以 《集傳》則云:「詩人以 人已中其害 而戒之已耳。 及遠 飛聲比之,而 唯讒 也。 四句。 則必先由 一,乃爲 蓋詩明言「 凡事 《序》 戒 詩 必 王 遠以 以 王 以 由 以 構 親 遺 好 勿

> 耳。 禍。 故首章直呼君子以勿聽戒之,然後甚言其 往不入,漸 樊」,繼且「止于棘」,終且「止于榛」。 往來,飛聲可以 之使去而復來。及其聚而成多也,營營然 離,外信而内疑者,其爲術不 以我二人之親且信也,似無所用其間矣, 得,至是亦爲所 讒 詞 見青蠅乎? 吾願王慎勿聽之可也。 及 而讒居然行乎其間 近, 也 則 而 如 讒 由 後世禪 君子」之上必加之曰「豈弟」者,微 真 疎 無所 而 以 青蠅之爲物至微 相 及 家之當頭棒喝,使人猛 底 亂 譖,故曰 親 親 極 人之聽。 ,是非淆而黑白亂矣。 己。 迨 使我二人始合而終 王不知讒,王獨 至親 此 「構我二人」。 人與 始不過「止 - 甚可 近 而 而 王始 甚穢。 畏哉? 亦 受其 是無 必 于 不 相

【集釋】營營往來飛聲。 青蠅〔鄭氏康成曰〕

四四

四

更惑亂也。 樊 蠅 之爲 [孔氏穎達日]構 也 汙 君 一人己與 白 子 使黑, 王 者, 也 汙 聽者 構合兩端,令二人 黑 棘 使 所 白 以 爲 喻 藩 佞 也 人變 彼 極 亂 此 善 相 猶 悪 嫌 已 交 也 也

職。國同。本韻。榛十一真。人同。本韻。【標韻】樊十三元。言同。本韻。棘十三

賓 之初筵,左右 賓之 初筵 ·秩秩。 衛 武公飲 籩 豆 酒 有 悔 楚, 過 也 殽 核

樂既 偕 夫 進止安徐。 維 其 百 祈 湛 爾 既 旅 飲者齊一。 日 既 和 爵 同 奏。 坐有次序,陳列 樂, 至 獻 大侯 有 務 求 爾 各奏爾 備 中 樂。 壬 鐘 發 既 的 有 抗 鼓既 功。 借罰 烝 林 能 ,弓矢斯張。 整潔。 衎 善射者多。 設,舉 勸 烈祖 錫 各 飲。 酌 爾 酒 獻尸。 醻 純 既 以 章 逸逸。 嘏 治 和 發 射之有 子 旨,飲 百禮 賓 籥 彼 載 舞 有 孫 將射改縣 節。 手 笙 的 其 備 酒 仇 湛 鼓 禮。 射 孔

> 再醉則 之言, 圖。 俄, 寫,一 止,威 止,威 二章 謂 伐 既 又。 或佐之史。 坐遷,屢 室人人又。 凡 醉止, 德 ,無俾大怠。 既 屢 五章 層深 此 0 亂籩 賓之 儀 儀 舞 俾 醉 飲 飲 一層。 抑 舞 反 傞 載 豆。 出 而 酒 酒 僊僊。 初筵, 反。 抑 傞。 號 出 童 加 或或 孔 彼 是 載 是曰 爵 羖。 嘉 醉 並 醉 日 再 日 匪 日 醉 呶。 温 受其 極, 酌 既 不臧,不 既 初醉,僅遷其坐,屢舞。 既 既 言勿言 維 奇 或 温 則 醉 語。 醉 醉 醉 其 亂 否。 酌 其 冠 福 不 止 止 **\$** 我 彼 弁 不 恭。 \equiv 儀。 總束。 亦復不 醉 籩 康 知 知 威 威 爵 匪 醉 人 反 其 豆, 爵 其 儀 儀 由 不 而 歸 正 耻 整,是 郵 怭 秩 識,矧 幡 勿 既 屢 重令儀 傳。 不 怭。 幡 語 立之監 出 舞 式 側 其 其 僛 爾 幅 作 勿 是 未 敢 弁 舍 未 由 醉客 四 謂 之 從 醉 名 醉 賓 其 醉 音

右《賓之初筵》五章,章十四句。《集

)。遂使

詩旨不

明,

以

啟

後世之争。

夫

以

身

教。

武

公立朝,正己以格君

非,雖曰

悔

過

一,實以

譎

諫

意耳。

毛、韓二説、原未嘗錯、特各主

未始

非

詩

之力也。

其

如

此

武

公初入

爲

王

卿

下沈湎

淫

悔

過

用

以

時,國政荒廢,媒近小人,飲酒無 出《後漢書》注,未知是否。 公自悔之作,當從韓義。」姚氏以爲「此 無禮,而又未敢直陳君失,只好作 意,與《大雅·抑》戒相 自警,使王聞之,或以稍正其失, 臣子事君,以言諫不如以身諫。 疑,不必過爲苛論 泆,以成風俗者,尚堪問 愚謂二説實相 士,難免不與其宴。 古人教人,以言教不如 『衛武 公飲酒 《小序》因 也。 通。 公 悔 類,必 度, 當 刺 詩爲 调 既 幺 哉 以 出 君 也 見 臣 説 武 ? 王 武 爲 \pm 難安。 也又如 鱗 整飭 法,非武公盛德,孰能 章法各極變化,盡作者之能 警語,總前 俾勿大怠,以至妄語,大傷 客醉態,縱令其醒後自思,亦當發笑,忸 必至醉,醉必失儀,不至伐德不止 貴。古之飲也如是,今之飲酒則不 飲 以 **豊無因** 見飲 次排比者比。不惟言可爲戒,文 而飲又當有節,不至失 ,而前 是。 此所以善爲譎 而 酒 至此哉? 原 作收,爲全詩正旨。 四 兩義對舉,曲繪無遺。 未 章 嘗 雖若古今二義平説 廢,但須 詩本刺今,先陳古義 諫也。 爲之哉? 射 酒德。 儀,乃 事,又非 末乃言立

公之作無

衛武公刺時」。

今案此

詩

傳》云:「毛氏《序》曰

也。』韓氏《序》曰

:

「衛

武

祭大

禮

而

所

以

爲

其

無

其

寫

酒

怩

然。

飲

之不失儀者作起。 層起法。 眉評』「一章」將言燕飲之失儀,先舉射飲 [二章]上章先飲後射, 開 局 既覺宏廠,宴飲 此 章先祭後飲 亦非 偏 廢, 是高 祭飲

四 Ŧi.

總是自

篇法

極

爲

介亦當

後

世

其

實

醉,次由失儀回顧令儀 章〕至此乃入燕飲 末章總收,歸重悔過,是爲本旨 醉客失儀狀,❶可謂 不然即與首章 窮形 ,回環變换, 盡 相 一犯複。 然上章 絶不 呆 由 四 板。 未 章」三章 醉寫 五 到 章 既 描

耳,其 也。 筵 几 其耦之。 繋下綱 畫以 天子侯身一丈,其中三分居 侯,赤質。 侯 也。 左下綱,中 孔 氏穎達 注: 謂之衆耦 《集傳》〕 雲氣。 設將 楚 實核亦爲殺。 也。 筵 集釋】初筵初即 列貌。 射禮: 亦席 掩束之。 射,更整 日〕 殺是總名 大夫布侯, 大侯張而弓矢亦張,節 抗 大侯,君侯 也。 張也。 選 獻 殽 群臣 猶奏也 其樂也。 豆實 鋪 至將射,司 旅 畫 陳 陳也。 張 爲 也。 以 菹 此文殺核與篡豆 日 三耦,三耦之外,其餘 《集傳》 席也。 虎 醢 筵,藉之日 天子 白質 發矢發也 豹。 也。 逸 馬 和旨調美 逸往來有序 命張侯,弟子脱 熊侯, 士布 也。 核 周 畫 凡射、張侯 熊,其 席 禮 籩 一侯,畫 射夫 白 實桃 心也。 相對 質。 春 的 外 秩 官 質 既 以 也。 故故 梅之屬 則 秩 偕 諸 各自 而 鹿 也 丹 束 同 侯麋 分之 不 司 有 豕。 地 大 取 遂 比 序 几 侯

觶 中 禮 應 也。 所 也 言其備也。 畫 籥 之地爲質。 烝 進 舞 也。 文舞 壬大也。 也。 衎 祈求 樂也。 (毛氏萇日)秉籥而 也。 林 烈業也。 盛 爵 也。 射 不中 各 奏 洽 者 舞 爾 合 與 飲 也。 能 笙 豐 鼓 上 (《集 百 相 之

傳》〕謂子孫各酌獻尸,尸

酢

而

卒爵

也。

仇

《集

傳》

0

仇 也。 屬。 也。 不休貌。 慎 反 酒 也。」室人室中有事者,謂佐食也。 密 ,室人復酌,爲 顧禮 讀日 也。 僛 姚 謂 也。 氏際恒 告 () () () () () () 兴 俄傾貌。 怭 也。 幡 怭 二許 日日 由 幡 媟 加 氏謙 從也。 嫚 爵 輕 伐害也。 由醉之言」二句, 也。 數 也。 日」《釋 郵 也。 童 與尤同,過 秩 康 投無角之殺羊,必無之物 僊 文》: 安也。 令善也。 常 僊 也 軒 謂 又復也。 兴 也。 時 號 舉 其 之狀。 時祭 (醉言 呼 音 監 拘, 傞 也 史司 無實,如 也。 傞 賓手 挹 抑 呶 盤 正 取 反 抑 之 挹 旋 讙 酒

0 「三章」,依文意當作 「四章」。

口

使

出

童

段。

然此

必

無之物,甚言其不實

也。

醉而失德者多因寬量 然無所記矣」,夫人量有寬窄,何以 不 志 既 \overline{Z} 亦不識 日 則 識 ,不畏於人,無所恐也。 必無之物,又烏 則 亦 一句 「姚氏際恒 將罰 不能再飲,何 況 改使出 敢又多飲乎? 童羖矣,設言必無之物以 足以 一,飲 由 曰」「三爵 至于失德 也 而不止所至。 若猶有恐,則不醉 恐之? 《集傳》謂 不識」二 耶 且 知其 醉 若三 飲 者 況 量 一句,謂 正 以 止 至三爵 矣。 以 爵 不 三爵 恐之也。」 變易 識 便 已昏 爲 爵 已 平 爵 無 昏 之

湛同 旨 先。 叶 韻 四 呶 同 質。 四 韻 東。 通 紙 奏二十六 標 能十蒸。 通 韻 恭 功同。 偕九佳,叶舉里 僛 韻 同 四支。 抑 上, 秩 宥。 十三職。 抗 本韻。 無 通 無 韻。 韻 二十三漾。 郵 禮 韻 + 八 反。 楚六語。 反十三元。 薺。 怭 的十二錫。 又 尤。 四質。 叶 宥,叶音怡 叶 張 韻 叶 韻 七 旅 秩同。 韻 幡 爵十藥。 陽。 設 同。 林 同 九屑 俄 時 + = 叶 本 通 四支。 Ŧī. 僊 韻 韻 韻 侵 歌 叶 逸

> 儀支。 傞 同。 上。 通 韻 叶 韻。 叶 本 語 韻 韻 六語 福 否 羖七 兀 屋。 紙 麇 德職。 史、 通 耻 韻 叶 並 韻。 同 識 職。 怠 嘉 + 六麻。 又見 賄

蒲。 在鎬 飲 王在 酒。 魚在 飲 酒 在藻, 在鎬,有 魚 章 樂 贵。 魚 有頒其首。 二章 那其居。 在 在 藻 魚 三章 有 興。 在 幸 在 王在 也 其 藻,依 尾 在 鎬 于 王 其 在 贵

樂

藻

鎬

民樂王

都

鎬

所記

,更不知欲其記

何

事

美天子 出出 以 自 體 周 其體 武 王 近 王 乎 王 都 右《魚藻》三章,章四 之詩 風,所 詩 鎬 變故耳 其説 而祝其永遠 不當 固 以爲變雅歟 亦未 別序 非 小 得 序》不 即 在 詩 在兹之詞也。 《集 此 意 ? 句 《傳》以 知,遂 而 不然,都 夫使 此 序在 鎬 爲 以 諸 民 此者 爲 諸 侯 鎬 然 私 刺 其 侯 幸 而

夷也。 細玩 美天 唯鎬 周 誠 皇居,遂若私爲己有,不啻形諸歌咏已耳。 無疑矣。 之在鎬,則其細已甚。 興又不過 侯美天子之詩。今不過曰 愷還」之「愷」耳。 武 初 無 王愷還之詩」,則徒泥「豈樂」之「豈」爲 子 盛 僞,採以入樂,且採以入雅樂,亦足見 兩「在」字,則其情自見。 民 乃所以 則尤深幸無已焉。 也 時,民情之愛戴其君上也如是, 而 夫細民何知險要? 日 願 則 魚 必 吾主之宅是鎬京 爲下頌上之詞,乃所以 在 將先序鎬京形勝,以 一藻耳。 説詩 故知爲 而死於句下, 以 王在鎬耳,而 若何玄子以 魚之在藻 聖人喜其真 但喜其身近 細民聲 以 撫 則豈 爲 口 興 爲 有 爲 而 世 Ŧ. 其 諸 四 天

莘長也' 那安也。 深釋】藻 水草 居處也。 也。 頒 大首 貌。 豈亦樂也。

善説詩者哉?

尾。 豈同。 標 韻 首二 本韻。 十五 蒲七虞。 酒 居六魚。 同。 本 韻 通 尾 五.

采菽 美諸侯來朝也。

三章 幟。 賦朝見。 芹。 之 ? 平平左右,亦是率從。並及侍從。 殿天子之邦。 子,天子命之。錫命。 初至。二章 舟,紼纚維之。 錫予之? 興。 樂 鸞聲 采菽 維柞之枝,其葉 玄衮及 只 彼交匪紓,天子所予。 一噦噦。 君子來朝,言觀其旂。 君子,福 采菽,筐之筥之。 赤芾在股,邪 雖無予之,路車乘馬。 黼。 一章 屏 興。 載 藩。 禄膍之。 **驂載駟**,車馬。 樂只君 樂只君子,福 樂只君子,萬 蓬 幅在 蓬。 觱沸檻泉,言采其 興。 子,天子 優哉游 興。 下。 容 君子 四 其旂淠淠,旗 咋 章 樂 服飾。 君子所屆。 哉,亦 葵之。 福 只君子, 禄申之。 來 又何 樂 汎 攸 (朝,何 此 汎 只君 同。 章實 是 楊 子

集釋】路車〔《集傳》〕路車,金路以賜同姓,象

非。 《集傳》云「此天子所以答《魚藻》也」,則尤 四 盛 將此詩與《彤弓》、《湛露》等篇並 語,則非天子自言可知。 國家錫予 朝廷制作,乃草野歌咏其事而已。 之説,不悉辯。 之盛云爾。若《序》謂「刺幽王侮慢諸侯 同,詩旨各别。 象之廣狹輕重,迥不相侔,然後知事 氣,安能更望其深探作者微意? 學者試 章 王諸侯來朝加以錫命之詩。然非 詩中明言「天子所予」、「天子所命」等 興筆自見。 右《采菽》五章,章八句。 而有取於筐筥以爲興耶? 太史編之,亦將以紀 事極典重而起極輕微 讀詩不先明語 此固 並讀,其 觀前 是 體 一時 出 西 贵 若 雖 氣 後 自 唐

足。 [五章]考察乃天子維制諸侯之權 眉評】〔三章〕朝覲正面,只「彼交匪舒」一 句寫

詩經原始卷之十二

水草。 膍 也。 也。 股下也。 雅》云「檻泉,正出」、《公羊傳》云「直出 己。」觱沸泉出貌。 下。 畫以 路以賜異姓也。 義,亦作辯。《毛傳》云「辯治」, 曰 正出者,涌出也。 冕三章,則衣粉米而裳黼黻。 冕九章,已見《九罭》篇。 股。 厚也。 平平「姚氏際恒云」平平、《韓詩 子男毳冕五章,衣自宗彝以下而裳黼黻。 卷龍也。 率循 淠淠動貌。 邪 戾至也。 交交際也。 幅 也。 偪也,邪纏於足,如今行縢 黼,如斧形,刺之於裳也。 紼 玄衮及黼 自發源處涌 繂 **艦泉正出也。〔梁氏益曰〕《爾** 也。 舒 緩 也。 侯伯鷩冕七章,則 纚 大夫玄冕,則玄衣黻 《集傳》曰:「玄衮,玄衣而 而直上,故曰正 未聞。 維 蓬蓬盛 皆繫也 屆至也。 》作「便便」,安順 左右諸侯之臣 _ 所以 周制,諸公衮 直猶 貌 自 葵揆 東脛, 股脛本 出。 華 孤卿絲 正 殿 一蟲以 裳而 也 也 鎮 在

標韻】筥六語。 予同。 馬二十一馬。 黼

几 一九

子 八 七 霽。 虞。 語 葵同。 東。 叶 嘒 叶 邦三江 同。 韻 韻 本韻。 屆 芹十二文。 命 + 同東。 二十四四 膍八霽。 卦。 敬 從二冬。 通 旂 韻 戾同。 申 Ŧi. + 微 股 通韻。 真。 叶 叶 麇。 韻 韻 叶 下 維 韻 馬 淠 四

四章 遺 塗塗 遠 如 不令兄弟,交相 矣,民胥傚矣。二章 此令兄弟,綽綽有 雨 方。 雪 食 式居婁 附。 瀌 宜饇,如 老馬 一章 一語關合上下。 瀌 騂角弓, 比。 見 角弓 反爲駒,不顧其後。比。 「騙 爾 君子 晛 酌 之遠矣,民胥然矣。 七章 翩其 E 孔 爲痛。三章 刺幽王遠骨肉而近愈壬也 消。 有 取。 受爵不 徽猷 反 雨 比。 五章 矣。 雪浮浮, ,小人與 承上「與屬」。 讓,至 民之 兄弟 毋 教 見 于己 猱 無 昏 承上 屬。 晛 升 良 姻 爾之教 斯亡。 木,如 示 日 相怨 六章 無 裕 讓 流 胥

比。如蠻如髦,我是用憂。八章

疑。 流 聽 子爲轉移焉 附塗,其 知其惡,反飽之欲,是教猱以升木,而 載,如飲食之不自足而貪殘是縱。 良 句綰合上下。 比,乃篇法變換處。 怨,而民且傚尤,體多用賦,後四 是此詩大旨。 詩 小人,以至不 兄弟刺幽王之詩 用 中 ,故小人不讓。 也 而 特《大序》謂「不親九族 無 右《角弓》八章 與 無 刺 可 爲 如 讒 乎哉 君 屬 耳。 語,唯疏遠兄弟 顧 唯無良,故兄弟 子 前四章疏遠兄弟,難保 ? 其 ,則此 譬彼 君子而 如老馬之不量 莫肯下遺以德,反 雖然 後,而 ,章四句 中間以「民 雨 篇 ,小人之情 雪,見日 有徽猷,小 亦 相 而 爲 殘 而 好 刺 觀 賊 相 親 之無良」 《 類 即 力 继 詩 瘉 近 人 章 王 消 亦 而 佞 王 心小人, 弁》 唯 自 純 親 而 亦 視 以 又 思 不 」,則 世 不 矜 任 自 涂 相 君 無 用 沂 無

怨,説 内。 氣 讓 陰 吾 則 重 章法之妙,無以踰此。 自見矣。 主哉? 用 來,「雨雪」二章,即承小人與屬來。 凝之象,兄弟相瘉,小人縱欲,均包 與 ,小人得以 相 承 《集傳》專指讒言,姚氏 是隱然深憂,而不能自解者也 鑾 均非。 而 髦 奈何説《詩》諸儒,多不以章法爲 下,前後雖若分説,而蟬 無 異,非 蓋「老馬」二章,即承受爵 逞志,滅棄禮義,敗壞王綱 世 道 章法明,則詩旨亦 人心一大害 專 主 聯不 兄 弟 哉 雨 斷 在 不 雪 疑 ?

翩反貌。 猱獼猴 外反 瀌 瀌 也。 而去,有 盛 集釋】騂騂弓調和貌。 也 貌。 [《集傳》]弓之爲物,張之則内向而 綽 塗 寬 晛 似兄弟昏 泥 也。 日 也 氣 裕 也 徽 姻 饒 親 美 也。 蠻 疎遠 也 南 瘉 近 蠻 猷 角弓以角飾弓 之意。 也。 病 道 也。 也 來, 弛之則 胥 饇 屬 夷 髦 飽 相 附 也。 也 也。 也。 也

《書》作髳,義同。

圓反。 附遇。 本韻 本韻 韻。 裕七遇。 然一先。 屬二沃。 浮十一尤。 後二十五有。 韻】反十三阮。 **瘉七虞**。 叶 叶韻。 流、憂並同。 韻 取 叶韻。 遠 教 源二蕭。 同。 同。 + 九效。 本 方七陽。 本韻 本 · 韻。 消、 韻。 傚 驕 木 同。 亡同。 遠 並 叶於 屋。 同

菀柳 諸侯憂王暴厲也。

暱焉。 柳,不尚愒焉。上帝甚 X 天。彼人之心,于 靖之,後予邁 矜。三章 有菀者柳,不尚 俾予靖之,後 焉。 二章 何 其 息焉。 子 臻。 極焉。 蹈,無自瘵焉。 有 鳥 上帝甚 曷予靖之,居以 高 一章 一飛,亦 蹈 有 菀 傅 俾 無 自

「《小序》謂『刺幽王』,或謂厲王。《大序》右《菀柳》三章,章六句。姚氏曰:

四

焉? 《集傳》所云,是以私心待天王,不臣孰甚 其説 君 謂 所刺,又似厲王,非幽王也。 即虐,於厲王爲尤近云。 王待諸侯不以禮,諸侯相與憂危之詩。」 雖 『諸侯皆不欲朝』、《集傳》從之, 義理較正大,故録之。 不 此詩直可删去,何存之有? 淑 ,臣節宜敦,不朝豈可 若如《序》與 蓋其所述,非 訓 耶 然詩 非 ? 也 中 大

民受害,日居凶矜之地,曷時能已哉 [三章]末章言天王之欲無有極至,使予不早靖之,則小 威甚厲,使予靖職,莫敢或後,後則責予 眉評】〔一、二章〕兩「後」字宜一頓、言天王之 無有 窮 極 也。

言矣。 謂 則上帝指天也。 ,姚氏際恒日〕上帝甚 ,故訓動 古人引《詩》,類多字句錯互,學者宜從本書,不必 【集釋】菀茂盛也。 然其解釋則可 郝仲輿謂猶《樂記》「發揚蹈厲 蹈、毛傳 以 蹈、戰國策》、《荀子》作「上天甚 依之。 》訓動。 尚庶幾也。 如以「上帝 蹈者,足動 上帝甚蹈 一之蹈, 」爲「上天」 而履之之 亦可

> 之遭凶危而可憐 曷予靖之言我曷不靖其厥職 病也。 暱 帝則從《國策》之文,於甚蹈則又不從甚神之訓,何也? 諸書雖作「上天」,其實即以上帝比天王也。 曰 : 參 天甚神」與下文「俾予靖之」,語意殊不相貫。 言「王甚神」,是贊之,非刺之矣。〔案〕「上帝」,《國策 策》諸書,以蹈作神,而又别解上帝爲王,混亂之極。 玩也。 證 F. 帝,指 謂 邁 上 靖靖職也。 過 帝 王 也,言王 也。 甚 也。 蹈 又不言 厲, 必過 惕息也。 不 可 責 何 自 王。 我 暱 也。 凶 蹈 於宴 瘵 當作 危地 **病也。** 傅、 安 神 也。 也 臻 言 姚氏於上 不然,「上 皆 矜言民 既 無 至 集 從 自 傳 也 《國 且 取

韻。 臻十一真。矜十蒸。通 惕八霽。 標 韻 察十卦。 息 十三 職。 韻 邁 同。 暱 四 通 質。 韻 極 天 職。 通

樂王都鎬、《采菽 多刺幽王之詩,而 以 上《桑扈之什》,凡十篇。 》則又詩人美諸侯之來朝 《桑扈》則天子饗諸侯,《魚藻 均非後 案是 》則 什 世 民

心,須各還本 簡 衰亂之音,幽王世烏有此和平作哉? 在 此,不必 面 曲爲之説也。 雖不能言皆有中,要亦十得八九, 大凡説 詩,不可預設 蓋周 初 正 雅 成 錯

都人士之什

不可不知也

厲。帶。 言有章。 令人神往不置。 匪伊卷之,髮則 兮,言從之邁。 不見兮,我心苑結。 琇實。冠飾。彼君子女,謂之尹吉。門第。 我不見兮,我心不説。二章 人士,臺笠緇 彼都人士,狐 彼君子女,卷髮如蠆。髮。 行歸 都 人士 我不見兮,云何盱矣。 撮。 于周,萬民所望。一章 四章 有 冠。 旗。 裘黄黄。衣。 緬舊都人物 三章 匪伊垂之,帶則有餘 彼君子女, 绸直 重寫帶、髮 彼都人士,垂帶 彼都人士,充耳 其容不改,出 盛 層 也。 Ŧi 風 我不見 致 如 彼都 翩 然 我 而

> 美之休,猶未盡泯於人心云。 以紀一時盛衰之感,而因以見先王化淳俗 之風度端凝,儀容秀美自見,即其人之品 都而言矣。詩全篇只咏服飾之美,而其 況曰「彼都」,曰「歸周」,明是 此詩以歎惜之。」然則此又東遷以後詩也。 復見昔日都邑之盛,人物儀容之美,而作 誤,不再辯。《集傳》云:「亂離之後,人不 望優隆,與世族之華貴,亦因之而見,故曰 萬民所望」也。詩本無甚關係,然存之可 周 人刺 有 都人士》五章,章六句。 衣 服 無常」,蓋 襲《禮・ 東都 緇 《序 人指 衣》之 》謂 人 西

並見篇法之變。 士女並題。〔五章〕一女雙收,與首章若相應若不相應, 上女並題。〔五章〕一女雙收,與首章若相應若不相應,

也。 見《南 集釋】不改有常也。 Ш 有臺》。 緇 撮 緇 撮, 周鎬京 緇 布 冠 也。 也。 臺夫須 直

今訓 仍非。 實物 且以 以 之曲,亦矛盾。 無隆殺」,此説是。 推之,亦言其髮之美耳。 卷髮者,以其綰髻也。 髮,後又咏其髮,亦複。 蠆」,用字分明,安得泥此以爲咏其髮乎? 如 密直如髮」,鄭謂 集韻》: 爾 性 髮之鮮明光膩 雅 也 司 網爲密緻,直爲正直,是以虚對 髮喻女,亦本地 情 《集傳》 檀弓》「綢 • 釋 歌》「 詩以「綢 馬 如 ,則綢直如髮亦應是實物,非徒虛咏性 「韜 相 髮,覺迂 故以對士子之冠。 天》「素錦綢杠」注: 薜 如 音套,臂衣也。」然則綢當是臂衣束素之類 傳 荔 直 此言如髮者,以髮之本末而言也。 綢 》「靡 練 ,幾委乎地者。 柏 |如髮」對上「臺笠緇撮」。 「其性情密緻,操行正直 直 如此解殊有味,正見古人罕譬之妙。 折 設 兮 風 如 難 旐 屈 蕙 [案]姚駁朱《傳》是矣,而遵 髪, 光。 又此咏其髮之直,後又咏其髮 通 「姚氏際恒日 虹 綢」注: 注: 未詳 而爲 此云「如髮」,下以髮云「如 遍 日 以以 「以 攷諸 其義。 綢 直如髮者,其物必垂下 秀美石也 注: 綢,縛 練 白 書, 實、未能相 綢 地錦韜旗之竿。」 川綢 然以 「綢,韜也。」又 旋之杠。」《楚 綢 束 直 ,如髮之本末 多 也。」《前漢 臺笠緇 如 又此 四 以美石爲 章、 訓 情 髪,毛 縛 而 鄭説 咏其 咏其 五. 束。 己。 撮 且 章

> 七曷。 姚説。 瑱。 有禮法也。 昏姻舊姓也。 尹 「標韻」黄 蠆 螫蟲也。 髮六月。 古二 苑猶屈也,積也。 集傳》」鄭氏曰吉讀爲姞 人見都之女,咸 説九屑。 七陽。 邁 行 也。 章、望 通韻 謂尹氏、姞氏之女,言 厲垂帶之貌。 旟 揚 並 也。 同。 ,尹氏、 實四 盱 本 姞 望也。 韻 卷髮 質。 周 撮 之 其

通韻。餘六魚。旟同。盱七虞。通韻。

同。

結九屑。

通

韻

厲

八霽。

蠆

一十卦。

邁

同

之子于釣、言綸之繩。三章 期,六日不詹。二章 之子于狩,言 歸沐。一章 鲂及鱮。維魴及鱮,薄言觀者。 也, 終朝采緑,不盈 何 右《采緑》四 以列之於雅? 采 終朝采藍,不盈一襜。 緑 婦人思夫期逝不至 章, 一匊。予髮曲 章四 倘 其 所 句 ()釣維 謂 四 變 此 韔 局,薄 也。 何 體 Ŧi. 真 其 者 風 日 爲 非 維

外, 深爲 歟 諸言外,故曰 雖 在 怨曠者。《序》説既欠分明,辯之者亦未暇 録之以刺時。 無 其人,即在 ? 踰 理 時 幽 語及王政,而 一會也。 不歸 王 一之時, |刺也 其家。 故 非詩 夫王 其室思之如 政 有刺王意,亦非 政失平,民人嗟怨,不 煩 王政之苦於民者自見 兹録其室怨曠之詩 賦 重,征夫 此 久 詩 採 勞 之刺 詩 於 者

眉評』[四章]單承釣説,章法一變。

夏無刈 曰〕藍 矣。 膝 云 呼鴟腳莎。 爲 期 也 「終朝采菉」,今攷鄭氏説以爲王芻,則當逸時字爲菉 匊兩手口 可以染青,故 藍」。 一句,五 詹與 集釋】緑王獨也。 董氏道曰:《楚辭》曰「薋菉葹以盈室」,王逸 八瞻同。 是可 日,成言也。 匊。 以染之草。 《淮南子》云「青出於藍」、《月令》「仲 局卷也。 Ŧi. 日 六日 六日 〔郭氏璞曰〕菉,蓐也。 襜衣蔽; 藍染草也。 ,調笑之意。 姚 氏際恒 前謂 之襜 〔孔氏穎 言本五 巨三五 即 蔽 達 今 H H

> 爲 古 日 哉! 而咏也。 期,今六日 倫理絲日 鄭氏以 尚不 瞻 綸 其 見,只是過期之意,不 不 · 近 理 ,改爲五月六月,吁, 必 定 泥 何其 爲 六

繩 藍十三覃。 十蒸。 標韻】緑二沃。 叶 襜十 韻 四鹽。 触六語。 詹 匊 同。 者 屋。 二十一馬。 通 沐同。 韻 弓一東。 叶 通 韻 韻

勞之。 既平,泉流既清。 伯營之。 我行既集,蓋云 集,蓋云歸哉! 穆公營謝功成士役美之之作,而《序》固 刺 芃 丝 一章 芃黍苗,陰雨 右《黍苗》五章,章四句。 王」者 烈烈征 黍苗 我任我 何也? 二章 歸 美召穆公營謝功成 師, 召伯有成,王心則寧。 處 **、** 華,我 膏之。 召 我徒我 [伯成 事與《崧高》同 三章 車 悠悠 之。 我 御、我 肅 牛。 此 肅 南 四 詩 章 謝 師 行, 也。 我 明 功, 我 言 原 行 召 Ŧi. 旅 濕 既 伯 亦 云 召 召 章

四二六

樂

如

何

章

濕

桑

有

团

其

葉有

沃。

既

見

同。 《小雅》 而 當自有得於心 分大小哉? 於 讀 者試合兩篇 者 時 體 而 異 党。豈以 彼 姚氏之論未足 故耳 篇 而 則 士役朝臣及詩之 細咏之,其厚 人《大 詩 以 體分,不 雅 憑 ₩, 也 此 薄 長 在 自 輕 歸 短 重 事

乘車 平 車 T. 役之事 也 土治 者。 謝 【集釋】芃芃長大貌。 日 牛所以駕大車也。 邑名,申 也。 平。 師 旅 清水治! 誉 五百人爲旅 伯所封國 治 也 H 清 烈烈 也,在 集成也。 五. 任負任者也。 旅爲師。 今汝甯府信陽州。 威武之貌。 徒步行者。 肅 肅 征 辇 嚴 行 人輓 正 也 功 御 >

尤。 1八庚。 哉十 標 成同 灰。 韻】膏二十號。 叶 本韻 韻 旅 清 勞同。 六語 庚。 寧九 本韻 處 同。 青 本 牛 通 韻 + 韻

隰桑有阿,其葉有難。興。既見君子,其隰桑 思賢人之在野也。

遐 出 君子,云 不 出 謂矣? 既 王」、《辯説》以 右《隰 見君子,德音孔 何不樂? 中心藏之,何日忘之? 桑 **>** 四章,章 二章 爲「非 膠。 隰 刺 四 三章 桑 句。 詩 有 《序》謂 阿, 心 然 乎愛矣, 四 桑 其 章 而 有 刺

似 以 賢人君子之儔又可 賢 隰 則 而 厚 當 思 人君子 亦不必據此爲説,徒傷 ,則以興賢人君子之在野者可知 非 H 野 朝 處 政 賢 特此皆言外意,詩 而隱處巖阿, 爲 士,以至中藏心寫 何 如 哉? 知 0 則 詩不喜在位 詩 故《序》言亦未可 朝廷之上 人忠厚意耳。 中原未嘗露 無 日能 所 廷 夫 處 忘 臣 以 非

告 何同。 沃 也。 光澤也 集 表記 釋 幺 祚 黑色也。 瑕。 隰 下 鄭氏注 溼 之地。 膠 日 : 固 也 四 瑕之言胡 遐 美 | (《集 貌。 也。」 傳》〕遐,與 難 盛 謂 貌 猶

樂十藥。 隊。 標 謂五未。 叶 韻 韻 難 通韻。 丝 五. + 歌。 尤。 何 藏七陽。 同。 膠三肴。 本 忘同。 韻。 叶 沃二 韻。 本韻。 沃。 愛

白華 申后自傷被黜也。

兮。 四章 煁。 子無良,二三其德。七章 有鶴 聽。 歌 章 茅。二比王恩之不及。天步 之遠,俾 傷懷、念彼碩 滤池北 八比尊卑異蹈。 在林。 念子懆懆,視我邁邁。 四比己供無釜之爨。 白華菅兮,白茅束兮。一比己之潔。之子 鴛鴦 鼓鐘于宫,聲聞于外。 我 在梁,戢 流,浸彼稻田。三比王澤之不廣。 獨兮。 六比嫡失位。 人。三章 之子之遠,俾我底兮。八章 一章 其左翼。 維彼碩 維彼碩人,實勞我 艱難,之子不猶。二 英英白雲,露 有 樵彼桑薪,卬烘 五章 七比夫婦 扁 人,實勞我 五比己不足以 斯 有鶖 石,履之卑 反目。 在 彼 動 梁 心。 菅 之 于 嘯 Ŧ.

遇弑 最 門》耳。』此論爲允。」又曰:「郝 于 以責申后。 能爲《小弁》之親愛,胡乃預驪山之大惡? 時申后存亡亦未可知。 也。』何玄子駁之曰:『驪山之事 讀古《序》始知二詩託刺,故《序》不 華》之忠厚,胡不能戢父兄之逆謀? 故《集傳》以爲申后作也。 詩情詞悽惋,託 謂「幽王取 輿云:『愚幼受朱《傳》,疑申后能 后,故周 周 外、在梁、在林之咏,亦如後世之賦 屬可恨,故録何氏之駁于此,俾人無 人刺 事 右《白華 在十 人爲之作是詩」者,亦非。 出 申 后 申后被廢,未必大歸。又幽 一年,距廢 女以 也」,蓋誤,不必 》八章,章 恨 爲后,又得襃姒 幽 深,非外人所能代。 后時蓋已九載。 鄒肇敏 四句。《小 姚氏曰:「郝仲 辩。 氏佞《序》, 謂觀于宫、 不不 而黜 按,此 爲《 序 大 可 宜臼 可 序 》謂 惑 此 易 王 舉 申

焉。」 申后乎? 即 爲苛論以責人也。是詩之作,與《小弁》同 自已,非至情而能若是乎? 爲千古至文。 位 老婦人耳,何能阻父兄之逆謀。 愚案,后 後,尚不能 論古人當即勢以原心,不可 此 至今讀之,猶令人悲咽不能 時 指 縱 叛 歸申且尚 臣 而 申弑 在 逆之典 觀宜 亦 不 (),沉 好 臼 過

格,又一奇也。
【眉評】全篇皆先比後賦。章法似複,然實創

佃 如 乃尤善矣。 文》云〕愁不安也。 尊大之稱, 菅似茅,而滑澤無毛,根下五 日 也 〕鶖性貪惡,一 煁,無釜之竈,可燎而不可烹飪者 【集釋】白華野菅也,已溫爲菅。 滤流貌。 英英輕明之貌。 幽 王 北流豐、鎬之間,水多北 名扶老,狀 也 邁邁不顧 印 我 寸中 也。 天步猶言 如 也。 鶴 ·有 而 烘 鶩秃鶩也。 白粉 大,長 也。 燎 也。 1時運 者 〔陸氏璣曰〕 流 頸 懆 宜 赤目 也。 爲 煁 懆 **陸** 索。漚 碩 (《集 ⟨ 説 人 猶 其 氏

也。鴛鴦見前。扁卑貌。疧病也。毛辟水毒,頭高八九尺,善與人鬭,好昭蛇。梁魚梁

邁十卦。 薪真。 猶十一尤。 德同。 【標韻】東二沃。 煁十二侵。 通韻。 本韻。 叶韻。 人真。 林侵。 卑四支。 田一先。 獨 心同。 心侵。 屋。 疧同。 人十一真。 通 通 本 韻。 韻。 本韻 韻。 外九泰。 茅三肴。 翼 通 十三 韻。

緜蠻 王者加惠遠方人士也。

命彼 勞 丘 敢憚行,畏不能 謂之載之。 側。 如 後 何 緜蠻黄鳥,止于丘阿。 車,謂之載之。二章 豊 飲之食之,教之誨之。命彼後 一章 敢 憚行,畏不能 趨。 縣蠻黄鳥,止于丘隅。 飲之食之,教之誨之。 比。 極。 緜蠻黄鳥,止于 道之云遠,我 飲之食之, 贵

■「側」,原作「隅」,據雲南本改。

教之誨之。命彼後車,謂之載之。三章

能趨以 卑鄙 勞, 惠 側 果 所云「此微賤勞苦 後車以載之,使其利用。賓王者無所憚其 内 之云遠,我勞如何」,「豈敢憚行」,亦畏 觀光,難賓於王者。 飛不遠,極其所至不過止于丘阿、丘隅、丘 遠方人士也。 夫求賢,大夫爲 云「微臣 無所 而 而 誰 則野無遺賢而國多俊士矣。若如《序》 己。 體 爲之命耶 無足道哉 右《緜蠻》三章,章八句。 憂,「教之誨之」,使學有所就,更命 [恤之乎? 夫亦曰「飲之食之」,使 極所至云耳。 刺 以喻遠方寒士,雖有令聞 亂,而 ? 緜蠻黄鳥,音雖 咏 是皆不可通之說也。 詩 姚 而思有所託者」,又何其 此 故代爲之設想曰「道 無刺 詩。」然則 氏曰:「此疑王命大 然則國家 意。 此王者加 即 命車載之, 可 宜 如《集傳》 聽,而 何 無 如 舊 加 不 力 所 惠

> 夫,而 甚乎 説 其何所謂矣。 又謂「大臣 望其飲 出使,小臣爲介,依託 噫 ! 食教 誨,後車 説《詩》之難也若是其 以 載 于卿大 則 不 知

阿也。 也。 相 連,不絶如縣, 極 後 至也。 集釋】縣蠻鳥聲。 車 副 車 而鳥語不可與人解,又似蠻也。 也。 五歌。 隅 何同。 角 〔何氏楷曰 也。 憚畏也。 韻。 〕以其聲之微 趨 阿 + 疾 行 曲 細

隊。 十三職。 載 標 同。 極 韻」阿 同。 本 韻 本 韻 隅 七 虞。 趨同。 本 本 誨 側

瓠葉 不以物薄廢禮也。

嘗之。一章 君子有酒,酌言酢之。 三章 酒 ,酌言獻 幡 幡 瓠葉,采之亨之。 之。 有 二章 兔斯首,炮之燔之。 有 兔 斯首,燔之炙之。 君子有 有兔 斯首, 燔之 酒,酌 君子有

炮之。君子有酒,酌言醻之。四章

泛。 之《彖傳》曰『大亨以養聖賢』。 首 備 篇之濫 矣。」然而格調平庸,詞意膚淺,未免三百 可用亨』。 者、《瓠葉》是也、《易・損》之《彖》曰 幽王, 而 固不必 大抵古人燕賓,情真 寡情,亦不以 右《瓠葉》四章,章 豐以燕賓者、《魚麗》是也、《易·鼎》 觴 固鑿。 則 知《易》之意,則知《詩》之意 拘,然總是微薄意。 又不可不知 《集傳》以爲 微薄 四 而 也。 而意摯,不以豐 句。 廢 「燕飲之詩 禮 <u></u> 《序》謂 薄 徐氏常吉 瓠葉、 以 三二簋 燕賓 兔 刺 亦

報也。 爲菜。 實既卒爵,而酌主人也 炮毛日 集釋】幡幡瓠葉貌。 炮。 燔 加 火日 燔 [羅氏願日]瓠 炙 炕 火 日 炙。 其 葉可 酢

元。 獻十四 韻 願 亨八庚。 叶 韻。 嘗 炙十一. 七陽。 陌 轉 韻 酢 十藥。 燔 十三 叶

韻。炮三肴。醻十一尤。叶韻

漸漸之石 東征怨也。

勞矣。 矣。 東征,不遑他矣。 三章 東征,不遑出矣。二章 石,維其卒矣。 異事。 漸 武 漸之石 人東 月離于畢,天象。 征,不 ,維其高矣。 Щ 川悠遠,曷其没矣。 遑 朝 有豕白 矣。 俾滂沱矣。 Ш]1] 1蹢,烝 章 悠遠, 漸 武 涉 武 維 漸 波 其

征, 而無據耳。 之候,故以 甚薄,唯務造警句 王」,姚氏謂其無據。 東征勞苦自歎之詩。《小序》以 云:「戎狄叛之,荆 右《漸漸之石》三章,章六句。 病於 外,故 屬諸幽王 又豕 作 涉 以 波 是 舒 一亦無疑 爲奇。 然以詩體觀之,氣 詩 四 不 句 至,乃命將 則 也 此正雅降 或以 徒 成 唯《大序》 爲 爲 此將 爲 刺刺 既 率 附 雨 東 風 继 士

實,況 波 家遠 理 遑 涉 畢 以 詞 儒 之」之類。 迥 可 或 説 自 他 起 異 知 波 起 以 而 詩,不 不 興, 行 顧 順 而 大 興 爲 備國 離 此 ,情景亦 者,更可見。 即 均均 逝 將 雨 可 東 畢 何 徒賞 武 雨, ,則人民之被水災而幾爲 滂沱,雖 史採録。 以 非 所謂 從 物 征 之 人之霑體塗足,冒險東 確 此 辭 或 不 其 象 **尤關** 真。 詩 論 以 等處著 可 而 乎? 語 史, 起 害 負塗曳泥之豕,亦 爲 意 如「十月辛卯,日 或 詩 此 四 興, 意 實境,或以 奇警, 不可 必當日 事, 古人作詩, 人造句結體與 句只 眼 也 而 細 不可 滑 必有取 勘,反 須 不然,武 爲 過。 實 倒 得 不 爲 事 説 未曾 據 以 務 於 魚鼈 奈 虚 征 實 爲 何 有 要 豕 文 擬 人 則 烝 而 月 徵 家 有 諸 直 涉 離 者 虚 .食 文 然 離 借 不

【眉評】〔三章〕紀異而造語甚奇,若使「月離」句

哉

吁

可

、歎已。

在上,則語意自順,而文筆庸平矣。不可不知

末也。 況 武人有家室而今東征 不得其所爲興。 謂 而 暘,武人何沾沾以 之説同一 諸説紛如,總因注下『離畢』之義,認爲苦雨, 波,月離畢,將雨之驗也」,何居? 多可知矣。」此正指既雨後爲言也。 塗曳泥,其常性 將雨之驗也。 叉,形亦類畢,故月宿之則雨。 下,若雨然。 名。 白 語喜雨 言 意直 蹢 不可 〔朱子曰〕畢是 四 曷何也。 至于游泳波漣 集釋 捷 句 可 而味深雋。 以此例彼也。 哂。 蹢, 畢,星名,義蓋取此。 [姚氏際恒日]《 也。 漸 豕性負塗而今涉波,月行中道 蹄 愚謂出師日久,三年六月,不 此爲苦? 没盡 也。 漉 漸 今其足皆白,衆與涉波而去,水患之 鮮 ,是以行役久病,不遑他 此説甚佳,存之。 魚底叉網。 高峻之貌。 烝, 衆 也。 豕性或喜群聚卑濕之所有之,若 不『載胥及弱』矣。 若東山零雨,特就歸 集傳 出謂 也。 [《集傳》]豕涉波,月離 今畢星上有柄,下 姪炳曰: 漉 離, 》引張子曰: 深 卒即崒字,謂 乃《集傳》又曰 魚 月 入不 則 [案]數説皆似 所 其 暇 宿 將 與 汁 蓋二者皆以 事。 而今離畢 也。 出 知 水 鸛 雨、既 「豕之負 鳴蟻 兩 途 幾 淋 Ш 畢, 不 歷 嶺之 兩 所 開 漓 雨 豕 是 相 遇 蛭 洮 雨 兩 星 而

而實非。其駁已見本文,不再贅。

他並同。 卒四質。 標韻 本韻 没六月。 高 四豪。 出 質。 勞同。 通 韻 朝 二蕭。 波五歌。 通 沱、 韻。

苕之華 傷饑亂也。

可以食,鮮可以飽。三章不如無生。二章 牂羊墳首,三星在罶。人傷矣。一章 苕之華,其葉青青。知我如此, 苕之華,芸其黄矣。興。心之憂矣,維其

不幸而 閔時」,則不知其所閔者何事?《大序》乃 也。 微 云師 牂羊」二句,造語甚奇,較之「豕涉波」尤 ,既亂且饑。所謂大兵之後,必 人民生當此際,不如無生,蓋深 右《苕之華》三章,章四句。 旅並起,因之以 生此凶荒之世耳。 饑 饉 《序》但謂「大夫 」,而其 義 有 周 始 悲其 室 X 衰 年

> 爲警闢 過深之處,故既信而 難 唯《集傳》較近。 餘,百物彫耗如此。」以 首」,言無是道也。 而水静,但見三星之光而已。 也。」《集傳》云:「羊瘠則首大。 能深得其解。」因引《毛傳》云:「『牂羊 解 ? 可愕。 姚氏説 姚氏 詩 愚案:《集傳》是也,何云 雖多 『三星在罶』,言不 謂: 復疑耳。 穎悟,要亦有推 爲二説皆非 一但 覺其奇妙, 言饑 罶 中 確 饉之 無 可 墳 不 魚

【眉評】沉痛語,不忍卒讀。奇闢。

霄。牂羊牝羊也。墳大也。《本草》云:即《集釋》苕〔《集傳》〕苕,陵苕也。《本草》云:即

叶補苟反。叶韻。生八庚。通韻。首二十五有。罶同。飽十八巧,生八庚。通韻。首二十五有。罶同。飽十八巧,

何草不黄 征夫恨也。

哀我征· 夫,獨 幺 四 方。 何 爲匪民。二章 草不 夫,朝夕不暇。 有棧之車,行彼周道。 黄 何 草不玄,何人不矜。 何日 匪 不 三章 行。 兕 匪虎,率彼曠野 何人不 有芃者狐,率彼 四 將,經 哀 我 征

征夫匪 耳。 得 欲 在 虎」二句,迄無定解,何哉?《大序》云: 不息,行者愁怨之詩,人皆知之矣。 視民如禽獸,君子憂之。」《集傳》云:「言 閒 以 途」也,亦非。 非兕非虎耶」,而又以爲「興征 暇 姚 右《何草不黄》四章,章四句。 此征伐 氏雖 興 興,故泥 也。」是皆泥兩「匪」字而 兕匪虎,何爲使之循曠 獨 知 虎 是倒句法,乃曰「 而 児章 蓋全詩皆賦體,而 鮮 通。 以 爲 至《集傳 賦 野 尤 率彼 不得 而 覺)則前 夫 諸 朝 唯「兕 可 朝 夕不 其 家 曠 夕 野 解 必

> 衰,可 獸所 兕芃 芃 矣,而 歟 獨 夫征 雅》之終,亦《易》卦純陰之象。 此,其亡豈能 至無人不鰥也哉? 蓋怨之至也。周衰至 朝夕不暇」, 且 曰:「龍戰于野,其 至草色皆枯 ? 狐。 非 也 噬 狐 民哉? 曠野之間,無非虎兕,幽草以 役不息,終歲往 觀於《詩》而 經經 相 此 者,亦幾希矣。 嗟嗟 覽而識其 何 率而爲群也。 營四方」者猶 由黄 乘此棧車,「行彼 如荒涼景象乎? 胡爲遭此 久 待? (故矣。 而 世 玄,而 血 運 來,以至「何草 編詩 亂離,棄其室家 之升降,人事之盛 玄黄。」其是之謂 未 其 幸 有 征 者 已 行 「哀我征夫, 周道」,是虎 而不至爲惡 以 我征 時 《坤》上六 仍 此 内,盡是 耶 如 殿《 夫也 不 故 幾 也。 黄 小 即

謂亡國之音哀以思也。詩境至此,窮仄極矣。【眉評】純是一種陰幽荒涼景象,寫來可畏,所

四三三

既黄而黑也。率循也。芃尾長貌。棧車役車也。【集釋】將相將而行也。玄赤黑色。草衰而黄,

道同。本韻。野二十一馬。暇二十二馮。叶韻。草十九皓。玄一先。矜十蒸。民十一真。通韻。虎七慶。玄一先。矜十蒸。民十一真。通韻。虎七慶。

其中者、《縣蠻》是也。要之,氣味甚薄,體兼乎風,故 什有宣王時詩雜人其中者、《黍苗》是也。有東遷 即《桑扈》一什,除《賓之初筵》及《車舝》、《采菽》洋洋 爲風,亦有其漸歟?」可謂知言。 朱氏公遷曰:「自《菀柳》至此,其詩多似風體。 薄,關乎氣運,雖三代著作,亦不能不爲風會所移。 人語 之詩,徒以造句奇警爲驚人之具。有似六朝、陳、隋 不得爲雅之正。其餘急管繁絃,哀音促節,盡是亡國 詩雜人其中者、《都人士》是也。亦有周盛時詩雜人 ,專以琢句爲工,求其真氣,則索然矣。文章厚 以上《都人士之什》,凡十篇。案,是 然愚謂不獨此 雅降 也 後

乃判然而無混耳。變者,有以體變者,不能不細心剖别,而後雅詩體裁則小雅正變之分,亦可以得其梗概。惟其間有以事數篇外,其餘莫非風體。讀者試合前六什而遞觀之,

詩經原始卷之十三

大

雅

平易明白,正大光明。」章氏潢亦曰:「嘗讀李白詩云: 賢不能爲,誠爲有見。 非此意。 哉?」又曰:「自『文王在上』,以至《召旻》,篇什不齊,莫 義云耳。求其知性知天,洞晰《大雅》之精奥者,幾何人 天人之奥也。 其不明於世也亦久矣,何也?《大雅》篇什,皆所以發 至於《大雅》,豈特『久不作』而已乎? 下,如韓退之《唐平淮西碑》,其於《小雅》猶庶幾近之。 『《大雅》久不作。』白其深明《大雅》之旨矣乎? 三代而 亦孰能有此《大雅》之音也。」案"二説皆謂《大雅》非聖 未 盡然。 説 見《小雅》。〇朱子曰:「《大雅》非聖賢不能爲, 但是詩也,向非周召、衛武、申伯,大聖大賢, 夫《大雅》固有美有刺也,雖多尚德,亦嘗論 雖後儒終生勤苦探索,亦止能敷陳其理 若云《大雅》篇什皆發天人之奥, 而《大雅》之義

> 見。又即《賓之初筵》與《抑》詩合而咏之,而其體愈見。 異焉耳。讀者試即《嵩高》、《黍苗》二詩誦之,而其體自 中興,《瞻印》、《召旻》,刺幽王之召亂。 功,安能盡發天人奧哉? 是以盡《大雅》之體,則將以性理爲《風》《騷》,又何異宋 奥藴,固非聖賢不能發,《大雅》篇什亦多發之。 音節迥然不同? 數詩皆前人之所謂人同、事同者也,而何以詩之詞氣與 事,固不害其爲《大雅》詩也。 於天人性理? 人談詩入魔,不知隔卻幾重障霧 即《行葦》、《鳧鷖》,亦無非燕飲祈 此可以知大、小雅之分矣。 如《江漢》、《常武》,美宣王之 蓋大、小雅之分,亦以體 也耶? 何嘗有 竊謂天人 而欲執 言及 福

文王之什

文王 周公追述文德配天以肇造

乎周也。

帝左右。一章 亹亹文王,令聞不已。陳錫維新。有周不顯,帝命不時。文王陟降,在文王在上,於昭于天。周雖舊邦,其命

四三五

不億。 翼翼。 義問 凡周 儀 福 裸將,常 周 啃 承 句 哉 命 承上 天 不 》詩本此。」愚 之楨 不 斷 念 · 易。 文王 ,有虞殷 假 之士,不顯 殷之未 一語作 命 詩 爾 哉 上 思皇多 服 靡 格 文王 六章 轉 祖,聿修 萬 帝 天 濟濟 尤 黼 常 韻,委委屬屬,連 調曹詩 喪師, 既 命 奇 昂。 邦作孚。 自天。 孫 有 命,侯 多 士 命之不易, 殷 三章 亦 子 生 士,文王 只起落處相承,此 厥德。 王之蓋 克 世 商 士 0 上天 配 膚 孫 此 于 文 七章 二章 穆 子。 上 敏 周 王 王 成 穆 臣 帝 永言 裸 以 或 服。 之載 孫子, 無 文 片。 寧。 商之孫子, 無念爾 世之不 將 遏 王, 配 宜 四 王 則中 曹 爾 于 章 姚 無 本 命,自求 鑒 或 植 躬。 於 京 氏 間 聲 支 于 克 顯 祖 《贈 日 侯 組 换 無 殷 百 韻 生 白 宣 服 每 厥 其 熙 厥 臭。 Ŧi. 馬 亦 世 昭 駿 多 作 于 麗 敬 猶 維 四四 音 相 王

右《文王》七章,章八句。《小序》謂

作 室於 耳。 天子 殷。 王 士 推本文王之德,足以 王 元 改元,何以尚云「 孔子不云乎: [三 元, 不信經傳而信符讖,不 家,辯之詳已。 畔 文 蓋 率 也 時 亦 國」,豈尚可 何以云受命? 王受命作周」, 奕 《集註》引《春秋傳》以釋《論語 而 即 來 商之畔國 周之德,其可 亦 禛。 可 如 助 「三分有二」,亦就人心之向 近之。 云服 是 祭,皆武王有 商之孫子臣 也。 以事 以 然愚 唯《集傳》云「以 事」者? 服 謂至德也 分天下有其 吕 似是 事 歐陽 紂 事」哉? 覽》引此 獨 配天,故可以 二,亦! 紂」乎哉? 而 信 怪 天下後 服 氏 故 非 孔 漢 于周 屬 知文王 已矣。」使受命 也 蘇 子 以 詩 天下豈 非 二,以 氏、游 事 與殿 而 後 戒 是。 以 文 信 儒 成 爲 非 肇 此 背言之 影云「文 並 王 者,何 雜 王 周 之 造 詩 既 未 有 服 謂 氏 未 唐 改 諸 事 改

瑞之章 賢能. 爲萬 眉 能 以 代後帝王所必無 位 所以爲文也,『純』亦『不已』。] 此 之命,於穆不已」,蓋曰天之所以 則不必泥。 「於乎不顯,文王之德之純」,蓋曰文王之 於緝熙敬止」而已。 下 爲也。至其章法之佳,句法之奥,已見 能 育權畀之耳。 評旁批,讀者細玩之,而 者,蓋 知聖賢矣。 世 與天合德之故,則不過 法 抑亦聖學傳心之典,故非周 一,豈獨 能 夫文王德配上 盡 爲 人 也。 然則此詩 中古前聖君固 成 性 王 故周 以 子思子曰: 『維天 戒 合天 耶? 自有得於心焉。 公述焉,亦將 一帝,而其 固 曰「穆穆」, 心 不 常有之, 然求 獨 可謂 而 爲天也。 後 興 天 公不 其 王 因 遂 唯 兆 聖 所 以 有 E 以

福及多士。〔三章〕理語無塵障,三代聖賢之所以異於合一,而造語特奇,此詞文之分也。〔二章〕福及孫子。【眉評】〔一章〕首章總冒,不過言文王之德與天

宋儒 直。 首章與天合德作收,法極嚴整 追念殷德未失,亦可 士亦助祭于周 處。 [七章]天無聲臭可求,唯 [四章]商之孫子亦臣服于周。 四章平列對舉, 配天,以襯 法文王即所以法天。 起下章,文勢乃曲 法一 戒。 [五章]殷之多 〔六章〕再 而 不

天有 庶子 字通。 辭。 以學言也。 敬止」,以德言也。 也。 也。 氏際恒日」 也。』《集傳》云: 顯 〔真氏德秀曰〕《詩》言「緝熙」者四、《文王》之詩 [姚氏際恒日]不顯「不」字,楊慎、 也。 陳敷也。 假大也。 成 楨幹 命 從之,後放此。 集釋】於歎辭。 猶謀 也。 E 亹,《爾雅 《維清》之詩曰「維清緝熙,文王之典」、《昊 「於緝 麗數也。 穆 也。 哉 「勉强之貌。」增强字,非。 熙 穆深遠之意。 語辭。 《敬之》之詩曰 翼翼 訓 單 不,《説文》:「大也。」 亹亹 厥 勉。 不 侯維也。 (勉敬 心」,二者以事言也。 昭 億不止於億也。 《毛傳》亦云: 明也。 也。 「學有緝熙于 緝 陸深皆作丕,謂 續 思 本 命天命也。 也 語 宗子也 令聞 辭。 亹 熙 「於緝 服 光 明 亹, 皇美 善 也 不 姚 支 語 譽 勉

衆也。 之京師 也。 通。 也。 爾。」其自爲迂拙 德乎?」蓋以戒王而不敢斥言,猶所 之臣,豈 也。 曰:「于是呼王之蓋臣而告之曰: 曰〕王之蓋臣,承上殷士言,謂 嚴 氏粲曰 孚信 有又通。 遏 也。 上 一得無念爾祖文王之德乎? 絶 也 也。 〕裸,謂 也 帝天之主宰也。 ,古字通 黼黼裳也。 用 虞 宣 也 如此。 以 言 度 布 也。 鬯 也。 也。 服 酒 獻尸 聿 將 行。 載 昭 發 行 駿大也。 此殷 , 户 膚美也。 也,酌 事 明 語 也。 也。 辭。 受酒 『得無念爾祖文王之 士,今皆爲王所 義 而送之也 謂『敢告僕夫』云 自明 蓋臣 儀 義 命天理也。 而 灌 不易 敏 象 善 順。 於 疾 也 也 姚 地 也。 言 《集傳 氏際 以 刑 問 京 難 進 降 師 聞 保 裸 法 用 恒 周 神

支。 韻 右二十 或 世 同 韻】天一 五 本 有。 韻 世 同。 先。 叶 楨 韻 新十一真。 八庚。 字 已 自 四 寧 爲 紙 九青。 通 韻 子 韻。 同。 翼 通 時 十三 韻 本 四

> 常七陽。 德職。 叶 止 東。 韻 紙。 天先。 福屋。 子 京庚。 同。 叶韻。 叶 本 轉 韻。 韻。 韻 帝霽。 億職。 臭二十六宥。 日 塵。 易真 服 祖 屋。 同。 通 韻 叶 本 七 韻 韻。 躬

大明 追述周德之盛,由於配偶天

斯,天。 翼。 載 之行。 方 章先出太任,後出王季。二章 商。來嫁于周,曰嬪于京。 使不挾四 國。 ,天作之合。 昭事· 明 三章 大任 不易 明 方。 上 在 一帝,聿 有 天 下,人。 維 錬字。 身,生此文王。 監 王。 句綰合兩代佳 在 懷多福。 一章 人。 赫 下, 赫 天 有 摰 在上。 維 位 命 此 乃及 一种氏 厥德 偶 既 殷 文 以下追 適, 天。 在 不 王 王 任 述周 回,以 小 季,維 治之陽, 自 側 天 文王初 落 心 難 彼 殷 受 翼 王 德 殷 忱 此

洋,檀 維幸。 定厥 王,再 太任則曰 在渭之涘。 父,隱含邑姜,文章虚實之。 帝臨女,應在上。 ,肆伐大商,會朝 商之旅,其會如林。 保右命爾 祥,親 出太姒 有命自天,命此文王。 車煌 雙收婦德。 來嫁,太姒 煌 迎于 四章 文王 河,駟 ,變伐大商。 長子維行,篤生武王。 則曰親迎。 渭。 嘉止,大邦有子。 騵 大邦有子, 俔 無貳爾心。 清明。 彭 造舟爲梁,不顯其光。 彭。 矢于牧野,維予侯興。 時 兩世昏配,作兩樣寫 八章 維 以下側重伐商。 維 于周于京,續女 鷹 師 七章 揚。 天之妹。 尚 此章先 父,特題尚 牧野 涼 落到 六章 彼 出 洋 法 武 文 武 文

五章

明 王 八句。 云「言王季、大任、文王、太姒、武王 也」,直不知詩中命意 而 右《大明》八章,四章章 《序》謂「文王有明德,故天 天命之」,亦甚 含囫 所 在 六 蓋 句, 即《辯 周 復 家 四 当皆 奕 章 命 説 世 有 武 章

易爲。 彰耶? 以武 之。 下撫 吾願 皆有 偶 捷於影響。天可信而不可信,王易爲 詩者無人道及,不將詩人一片苦心埋没 成,有非人力所能 故詩人命意 赫赫之天命。 四方無所恃。 寫,邑姜暗寫,此又文心變幻處。從 使非天作之合,何能聖配相承不爽若是? 積功累仁,人悉知之。 然得 其昌之也,一 王 四 萬 盛 一爲法 徳以 之者歟? 方,一 世之有天位者,當以殷 逆天者天必亡之,順天者天必昌 至首尾三章,極言天人感應之機 相 ,即從此著筆,歷敘其昏媾天 戎衣 庶可以上應天心,中 故必有明明之聖德,而後有 天人之際,豈不亦甚微哉? 輔 助 於虖 朝 而 爲者。 並 天下大定 而清明。 盛矣! 所奇者,歷代夫婦 生聖嗣,所以 然大 也。 適爲 任、大姒 其亡之也, 承祖 然亦 戒,而 來 而 説 明 不

上

王

殷

皆有盛德以相配偶,而生聖嗣。 相間成章,又是一格 明」、「赫赫」相應,用字亦極不苟如是。 而 在 武 惕之也。〔二、三、四、五、六章〕次章至六章皆歷敘文、 感 詩 (生有聖德,並非偶然。 通之故,以爲全篇綱領。 有天下,以終首章之意。 意此爲追述要義。 眉 章〕將言文、武受命,故先揭 〔七、八章〕七、八兩章始言伐商 蓋天作之合,故父子夫婦之間 而説 [八章]「清明」作收,與 在文法此爲鋪敘閒文 得 赫 然可 全詩六句八句 畏,蓋危言以 出 明

忱信也。 名也。 其成婦也。 云: 摯,商 姓 之適嗣也。 汭,嬪于虞』。」按《書》曰 周 也。 」,國名也。 「嬪于京疊言,以釋上句之意,猶曰『釐降二女于爲 畿内國 此詩 殷 集 商「黄氏一 釋】明明 不易難也。 挾持也。 正與之同。 日 也。 「京」,京師之地也。 汭」,詳其地 來 正曰〕摯,奚仲之後,自 嫁二句 摯國名。 德 「降」,言其下嫁也。 「來嫁」,始嫁。 天位天子之位也。 之明 也。 名 「姚氏際恒 仲中女也。 也。 古 赫 人立言,悉有文 曰「虞」, 詳其國 「嬪」,成 赫 日一《集 命 日 彼殷商, 之顯 殷 任 「嬪」,言 婦 擎 適 也。 傳 也。 蓋 國 殷

天人 翼翼 文理 日 理 起」,是也。 析字義,其精 懷孕也。」孔氏曰: 〔姚氏際恒日〕身,《毛傳》曰: 方國,爲方百 淺事尚不之知而談 其 恭敬之貌 層次毫忽不苟。 鄭氏 如 此。《集 謂 里之國。 以 懷 四 來也。 身中復有 經耶? 乃皆誤以 方 傳》但日 **《孟** 來附之國」,向 重 П 子》曰「文王由 王 也。」鄭氏曰:「重,謂 《詩 邪 「身懷孕也」,甚麤 身,故言重。」古人解 季文王父也。 也 》、《書》爲疊 方國 來從之,非 方 が姚 言,胡 百 身 里 氏

傳》〕梁,橋 吉 也。」孔氏曰: 同之夏陽,漢郃陽也,有大姒家祠。 天妹尊稱之也。 〔姚氏曰〕妹,少女之稱。 [《集傳》] 俔,磬也。 也。 言 1 也 · 得 「如今俗語譬喻物曰磬作然也。」天妹 祥 作 猶王曰 而 船 《韓詩 以 於 納 水,比 天王之義云耳。 幣 女將歸 》作磬。 之禮 之而 定 故 加板 《説文》云:「俔, 其 子指大姒也。 《易》卦 祥 於其 文禮 也 名《歸妹 上以 梁 也。 通行 (《集 祥 俔 礕

也。

[梁氏益曰]莘,姒姓之國,文王妃大姒之母家。

今

加

邑。

渭水亦逕

此

人

河

也。

嘉

昏禮

也。

大

邦

莘

或

治水名,在今西安府同州郃陽縣。

今流已絶,故去水

而

也。 者 清 朝 騵。 侯,謂武王也。 都牧野之邑。 明八孔氏類 會戰之旦 即今之浮橋也。 尚 行 父大公望也。 也。 《集傳》 侯[姚氏曰][維予侯興」,鄭 達 牧 日〕王肅云: 〔蘇氏轍曰〕《 野 纘 在朝歌 以 繼也。 涼 侯爲維,非。 《韓 南 「天下乃大清明,無復濁 書》 詩 幸國名。 七十里 》作 所 謂 亮, ,衛之汲縣 騵 駠馬 甲 佐 長子指大姒 子 氏解 助 昧 也。 侯爲諸 爽 白 腹 故 也。 會 日 商

亂之政。」

聿

西

十五 陽 侵。 十三 王 韻 隊。 陽。 合。 商 興十 商陽。 【標韻】上二十二養。 幸十 渭 同 福 通 五 韻。 明 未。 一真。 京八庚。 屋 庚。 心 侵。 通 涘 或 轉 王、商 四紙。 韻 職 韻 行陽。 通 韻 叶 並陽。 梁 子同。 王七陽。 韻 陽。 王 煌 同。 陽。 叶 光 集 本韻。 韻。 同。 + 轉 方同。 彭 四 韻 緝。 庚。 林 本 妹 + 韻 揚 叶 翼 + 合

> 緜 追 述 周 室 一之興 始自 遷 岐 民

附 也。

四章 其繩 章。 立門。 理, 兹。 筆,領起全局。 後宫室。 始爰謀,爰契我龜。 古公亶父,溯源。 捄之陾陾,度之薨薨,築之登登, 水 來胥宇。二章 迺宣 七 皐門有伉。 定宅。三章 則直 滸,至 緜 乃召司空,乃召 迺 緜 百堵皆興,鼛鼓弗勝。 立冢 迺 肆 瓜瓞。 ,縮版以 畝 不 于岐 土,戎醜 殄 章 迺 迺立應門, 經 厥 比起。 陶復陶穴,未有家室。 下。 畫。 載,作 慰迺 周 古公亶父,來朝 愠 1 原 外侮。 遷居。 攸行。 司 自 地。 止 民之初生,自土沮 膴 徒,董 廟翼翼。 西 ,迺左迺右 膴, 堇荼如飴。 日 應門 徂 爰及姜女,挈眷。 亦 止 兼營大社 事。 東, 不 六章 日 將 隕 周 削 先宗廟。 俾 時 將 走馬 厥 爰 築 屢 立 迺疆 迺 問。 室 執 先翻一 馮 再次乃 起 立 室 下二 一家。 漆。 馮 五. 事 泉 洒 爰 率 内 音

几 四

喙 厥 奏,予曰有禦侮。 生。 矣。 予日 服敵。 棫拔矣,行道兑矣。 八章 有 疏 四輔。 附,予曰有先後,予曰 虞芮質厥成,德 九章 混夷駾矣。 化。 文王 有 維 蹶 奔 其

《大明》以人事言,故有王季即生大任,有 《文王》以天德言,故曰「令聞」,曰「厥猶 淑,互相纘承。 文王即生大姒,有 周公述祖德詩也。 明》之旨也。 其光? 故人紀肇修者,人心亦附,此《大 無。使非 義問」,而總歸之於陟降配天,以至聲臭俱 有 「緝熙敬止」,曰「聿脩厥德」,又曰「宣 」,曰「至于岐下」, 天德者,必膺天命,此《文王》之旨也。 右《緜》九 穆穆不已,烏能「作孚萬邦」? 此 章,章六句。 使非 詩 以 武 然三章立義各有不同。 地利言,故曰「自土 王 曰「築室于兹」,凡屬 天作之合,烏能歷 即生邑姜,奕世 此上三章,皆 賢 顯 沮 昭

> 宗廟 《文王》。 若論功德,周至文王而始大,自 王,是 能自昌者。 乎外,故以 感虞、芮,王道大行,天下歸 利,仍以威德爲主,故後二章一服昆夷,一 數,故能如是之盛且遠耶? 然詩雖重 天、地、人三者之厚,實有異乎歷代 追述而無所别,豈知周室之興,其 當以《文王》弁首。 爲首,王迹所自始也。 何以 而致此哉? 蓋文王德修於内,四臣 人意旨,從來説者不明作者深心,概謂 臣服 社稷,莫不制畫昭然,使非 則《緜》詩之旨耳。 戎狄? 作收。 地靈尤須人傑,是之謂 故 自古帝王未有不 此編《詩》義例 地 次《大明》,再次乃 利之美者,地足以 若論 心,夫豈無因 世次、《縣 去邠踰梁, 7,亦即 有得 得 耳 帝 人 力贊 王 之 而 地 於

落筆乃乘勢帶起下章,機局乃緊,否則平散無力【眉評】〔七章〕自次章至此,皆經營遷居立國之

事。

而 昌大也。 [九章]上章威服强敵,此章德感二君,周 收筆奇肆 亦饒姿態 所以 日 盛

也

不絶貌。

邢

氏景日

[]瓞,

名

王不相 王。 孫文融 風 北 瓝,小瓜也。 作耶?」案,此誠 古公當殷末,時猶尚質,故亶父以名言。 公、號也。 自沮漆之土也,語倒如此也。 雨 復、穴雖皆土所爲,而 陶 趙 縣》之卒章,以晉侯比文王,以韓子比四輔矣。 杜 地直路縣,東過馮翊祋祤縣 穴〔姚氏際恒曰〕陶、《説文》:「瓦器也。」蓋瓴、甓之 氏順孫曰〕古公,猶言先公也。蓋未追王前之本號 豈 復者,平地 陽縣俞山 則 連屬,疑 武王初克商,甫尊文王,尚未追王大王,是 曰:「此詩不但稱古公,且仍書其名,乃後又稱 集釋」縣縣 以 亶父,名也, 隔 沮 土 東北入于渭。 氣。 纍土爲之,故曰 爲 漆二水名,在 不可 錯簡。 《集傳》云: 曉。 以瓴、甓之類甃之。 或曰 殊妄。 季明德以末章言文王,與 l 字也。 [朱氏公遷曰]自土沮漆。 北,東入于洛。 古公亶父《集傳》古 豳地。 瓞 復。 陶 《左傳》昭二年 窑 後乃追稱大王焉。 穴者, 《水經 竈 〔姚氏際恒日 也。 復則以 土中 漆水出 三洲 復, 室 陶 Ė 重 拒 彼 水 也 復 賦 風 大 時 窑 文 扶 出

類

是也。 也。 氏曰: 也。 真堇於肉」爲證,蓋以此堇爲《爾雅》『芨,堇』之堇也 堇。 姚 [《集傳》]契,所以 言其宜毒物也。 説者皆祖之。 名,在岐山之南。 北十里。 異》、《郡縣志》,岐山,亦名天柱 也。 ,與荼菜可食之物非其類矣。 氏際恒日〕司空、司 雨 則堇是美菜。《七月》言食農夫以茶,則 絶不明。 周 「《内則》言婦養舅姑、《公食禮》言君待其臣,皆以 孔氏謂堇即烏頭,且引《晉語 或曰以刀刻龜甲欲鑽之處也。 露所濡,甘若薺實。堇、茶皆甘如飴,言美 徧也。 姜女大王妃也。 若爲驪姬寘酖堇肉内之堇,❶則與酖毒 岐下岐山之下也。 且毒物不可食,何由知其如飴乎?」契 司 然火而灼龜者 膴 空 徒、 膴 掌營國 肥美貌。 司 胥相也。 馬,商世所有之官,天子有 邑。 詩 山 也。 在 人稱周原之美,不應 茶 〔許氏謙曰〕《地 司 《儀 》驪姬『真酖於酒 鳳翔 慰安也。 宇宅也。 徒 (姚氏際恒 掌徒役之事。 禮》所謂 府 茶非 岐 Ш E 止居 、惡皆 周 楚焞 美 理 縣 同 菜 嚴 地 東 考

宜

真 真 肉 酖 堇 於義爲長 肉 内」,影 印 文 淵 閣 四四 庫 全書 》本《詩 緝

0

之,諸侯亦有之,故武王《牧誓》呼 也。 時、未有制度、特作二門、其名如此。 門,伉,高貌。 事 馮 度投土於版也。 猶言遂也,承上起下之辭。 諸侯皆立也。 以爲天子之門,而諸侯不得立焉。 室之故召此二官 能殄絶昆夷之愠怒,亦不隕墜己之聲聞. 實,則此章亦事實可知。 字,與下章「虞芮質厥成」二句二厥字同,可見彼 章〔《集傳》〕虞、 虞、芮之君,相與争 一句 弗勝者。 牆堅聲。 》亦求其實而不得,故爲此虛擬之言耳。 問 ,必指當時與昆夷之事實言,今不可考矣。 聞通,謂聲譽也。〔姚氏際恒曰〕「肆不殄厥愠 皐門應門□</br>
《集傳》]傳曰:王之郭門 堵五版爲堵。 王之正門曰應門,將將,嚴正也。 戎 、芮, 二國名。 也。 醜大衆也。 薨薨衆聲 田、久而 **捄**盛土於器 [案]此與《集傳》「言大王雖不 <u>殄</u>絶也。 鼛鼓解見《鼓鐘》,以 不平,乃相與朝周 質 也。 肆〔《集傳》〕肆,故今也 Ę 此三官。 冢土大社也。 登登 也。 及周有天下,遂尊 成,平也。 愠怒也。 者 相應聲。 陾 而 異。 虞芮 此 陾 觀二厥 大王之 傳曰 詩 然《集 衆 隕墜 天子 爲 入其 日 鼓 以 也 馮 役 事 泉 築

> 侮。 而相 提挈。 摹儗,益無是處矣。 約是謂動其生讓畔之心耳。 自承上句「虞芮質厥成」來,而文王乃爲之「蹶厥生」,大 附,相道前後曰先後,喻德宣譽曰 焉,則虞、芮之所讓也。」蹶生,未詳其義。 蘇氏曰:「虞在陝之平陸,芮在同之馮 以其所争田爲閒田而退。天下聞之而歸者四十餘國。」 境 而疾也。 則 「姚氏際恒 謂曰: 耕者讓畔,行者讓路。 人其朝,士讓爲大夫,大夫讓爲卿。 生,猶起也。 『我等小人,不可以履君子之境。』乃相 曰〕「文王蹶厥生」,蹶字難 予,詩人自予也。 入其邑,男女異路,斑 解者離上句釋之,便紛 奔奏,武臣 翊。 率下 平陸 解。 或曰,蹶, 二國之君 折 親 然其 上曰 有 衝 白不 日 閒 然 義 禦 原 疏 動

六語。 通韻。 直十三職。 四 本韻 真。 宇麌。 叶 標韻』瓞 父七虞。 止四紙。 韻 翼 叶 徒七虞。 同。 韻。 馬二十一馬。 九屑。 右二十五有。 本 飴四支。 韻。 家六 漆 四質。 麻 陾 滸麌。 理 十蒸。 叶 龜、時、兹並 紙。 穴屑。 音 姑 下馬。 畝 薨、 有。 叶 室質。 登、 韻。 同 事 女

本韻 行同 隊。 興、勝並同。 兑九泰。 叶韻。 附七 遇。 愠十三問。 喙 本韻。 隊。 後 有。 通 伉二十三漾。 問同。 奏二十六宥。 韻 成 本韻 八 庚。 將七陽。 侮 生 拔 同。 +

棫樸 文王能作士也。

叶

韻

于天。 趣之。 峩,髦士攸 章,金玉其相。 周王于邁,六師 芃 周王壽考,遐不作人。四章 章 芃棫樸,薪之槱之。 宜。 濟 二章 勉勉我王,綱紀四 濟辟王,左右奉璋。 及之。三章 淠彼 涇舟,烝徒楫之。 濟濟辟 倬彼雲漢,爲章 方。 王,左 奉 追琢其 Ŧi. · 璋 章 右

爲人所歸。後二章言文王之德,有以振作耳。《集傳》又云:「前三章言文王之德,文王能官人」。姚氏以爲差些,蓋能作士右《棫樸》五章,章四句。《小序》謂

下化成。 故雖有聖人在上,亦必久於其道,而後天 之人材所以獨盛於唐、虞三代上也。 有以作之,使其振興鼓舞而變化焉。 勇之士也又可見。蓋非徒能 征 士攸宜」,則其作文德之士也 與征伐。 不倬然也哉? 及其歸心也,莫大乎承 發成采,如「彼雲漢」之「爲章於天」矣,豈 作人之盛也,既美其質,復琢其章,故能 士,人孰歸之? 綱紀天下之人,而人歸之。] 使非不能 朝一夕故哉? 伐,六師扈從,有似烝徒楫舟,則其 才難之歎,不益信歟? 文王承祭,「奉璋峩峩」,無非「 故此詩 「周王壽考」,始見成功。 亦倒 官人而 可知。 敘 法 耳 已, 此 作 文 周 Ŧ 髦 武 其 作 焕

長耶?【眉評】「四章」以天文喻人文,光燄何止萬丈

【集釋】 芃芃木盛貌。 棫白桵也。小木,叢

四

四

六

生 不已也。 追 乃終,故 六軍也。 名。 向之意。 諸臣助之。 也。 雕 有 璋《 烝 也。 衆也。 日 倬大也。 綱 **我** 我 盛 出 貌 。 [壽考。 集傳》〕半圭曰 琢 亞裸以 樸言根枝 紀凡網罟張之爲綱,理之爲紀 金 楫櫂也。 日 雕, 遐與胡同。 璋瓉,左右奉之。 雲漢天河也。 迫连相附 玉 日 璋。 髦俊也。 于往也。 琢。 祭祀之禮,王 作人謂鼓舞變化之也 著 相質也。 也 壽考文王九十七 其制在内,亦 淠舟行貌。 邁行也。 槱 積 勉 裸 也 以 勉 六 圭 涇 辟]猶言 有趣 瓚 師 水 君

真。 楫 陽。 十六葉。 叶 璋 韻。 同。 標韻】標二十五 及十四 本韻。 章陽。 緝。 相、王、方並同。 峩 有。 通韻。 五. 歌。 趣 同。 天一先。 宜 四 本韻。 支。 本 人十 韻。 叶 王七 韻

旱麓 祭必受福也。

豈弟。 膽 彼旱 章 麓 瑟 榛楛 彼 玉 瓚,黄流 濟 濟。 豈弟君 在 中。 子,干 豈弟君 禄

> 既備。 六章 棫,民所燎矣。 豈弟君子,神所勞矣。 子 莫莫葛藟,施于條枚。 豈弟君子, 遐不作 ~,福 禄攸降。 以享以祀,以 二章 人。 介景 鳶飛 三章 豈弟君子,求福 福。 戾天 清 四章 酒 既 魚 躍 載 瑟 不回。 五章 于 彼 騂 淵 柞 牡

福 而 遂謂其與上篇大抵相 入亦見其極盛。 人,於祭祀見其 福 文王之德」,亦殊泛泛。 焉」,不知作何夢囈。 后稷、公劉之業,大王、王季申以百福 受祖也」、《大序》因以爲「周之先祖 而言也,與上篇絕不相類。上篇言作 咏之耶? 右《旱麓》六章,章 夫福禄豈可干而求之哉? 首章日 一端。 姚氏但見其有「作人」字, 即《集傳》以爲「詠 似。 辛 此 四 此蓋指其祭祀 篇言 禄」,卒章曰「求 句。 胡不即前後文 祭祀 <u></u> 小 又況 序 而 世 干 ***** 受 歌 修 禄 曰

臻 ? 所 遇 禄 福 能 術 之以禄。 神鬼無毫髮之間 天,下有以得人,幽有以 人立言之妙耳。 王 神勞之以福。 之有意干而求之也。不然,何 何待求而始至? 可求 摹 以 能 明 漢 求 大 ,福不可求 一級中極 德 福 致之哉? 儒 預,抑豈有意爲之哉? 厄 無福不備 也。 配天,禄自我禄,福自我福 儗文王,亦 而 不 一若事之操券而得者。 厄,遇 意以摹儗之,非真謂禄可 知 宋儒不解詩意 ,乃爲之極力回護,是真 不干禄則已,一干禄 何 此蓋以 ? 若日 時 宋 何 禄 而自人視之,則若文 不求福則已,一 始 獃 何 儒 文王盛德,上 常情 能 又 待 而 格神、夫固與天 撥 干 可 以以 凝聖 而後 厄 雲 哂 不 遇 耶? 霧 爲禄 以 知 一德,從 夫 獲? 非 求 無 而 明 此 而 有 主 非 天降 見 儒 不 福 禄 以 正 以 他 干 口 有 不 王 又 而 福 得 詩 人 而

> 酒 西襄

天 也。

主,而作人則推原致福之由 禄,中間乃插入「作人」「享祀」二端。 眉 評】[二章]華貴。 ,得人者昌 \equiv 四 章 蓋 ,天必相之矣。 享祀 前 後 是此篇 均 泛言 之

也。 也。 外,而 黍爲酒,築鬱金煑而和之,使芬芳條鬯,以 [《集傳》]玉瓚,圭瓚也。 搭似 荆而 П 在器 和爲酒,以 [邪也。 [孔氏穎達曰] 秬,黑黍,一 瑟 朱其中 流 集釋】旱山名。 茂密貌。 動 赤。 故謂 也。 鬱金之草和之。 **豈弟**樂易 之黄 燎爨也。 黄流 [《集傳》] 黄流, 鬱 流 以圭爲 麓 攸所也。 勞慰撫 也。 草名鬱金,則黄如 Ш 胚二米者也。 足也。 柄,黄金爲勺,青金爲 瑟 也。 縝 鳶鴟 密貌。 榛似栗而 莫莫 瓚 鬯也。 類。 酌 秬 而 | 鬯者 盛貌 金色。 玉 戾至 裸 醒 小 瓚 2 秬

二十 韻。 降 三江。 備 標韻 四 通 轉韻。 真。 韻 濟 福 枚十灰。 八霽。 天一先。 屋。 弟同。 叶 П 淵同。 韻 同 本 本 燎十 人十 韻 韻 八嘯 真。 中 東。 叶

几 四四 七

思齊 刑于化洽也。

之婦。 不顯 字亦包在内。 假 恫。 于之實。 不瑕。 亦 亦臨 刑于寡妻,至于兄弟,以御于家邦。 思齊大任,文王之母。 刑于之本。 一章 章 四章 跟「家邦」,爲刑于所推。不聞 ,無射亦保。 三章 古之人無斁,譽髦斯士 雝 惠 肆成人有德,小子有 大姒 于宗公,神罔時 在宫,肅 嗣徽音,則 肅 思媚周姜,京室 在 肆戎疾 廟。 怨,神 百斯男。 五章 刑于之象。 造。 亦式,不 不殄,烈 罔 點明 兄弟 時 刑

文王 此 特標「文王之母」句也。 四 一篇眼目在是,全詩只以首章爲主。殊知 特 句。 刑于之化也。 推 右《思齊》五章,二章章六句,三章章 《小序》謂「文王 原 刑 于之化所自始耳。 治化無不本於閨門,由 所以興」,●以 姚氏遵之,遂以 詩蓋 咏 首 歌 爲 章

> 且速 《集傳》以爲此詩「亦歌文王之德」,則所歌 成乎天下者,非文王 則虚寫其刑于氣象。 化而成内助之功。 姑,以盡子婦之職。 蓋 末二章戎疾、造士 身爲率,又得聖母以爲之倡,故其宫闈 以導之,勢甚 寡妻而兄弟,由兄弟而家邦。 重大任,則全詩氣脉 廟間,肅 亦不能如是之神且 刑于」數語 其母大任氏德性 ,而獨有異乎人者也。 肅雝雝 爲主。 便 太和 也 順徵其效。 速。 首章大任,逆溯其源。 此文王刑于之化至神 終難 齊莊,而又能 故其子婦亦有所式, 然 而能若是乎? 所謂 翔洽,莫可言喻 非有 文王治家,不 德修於内而 氣貫下。 所本? 故此詩 乘其 三章宫廟 上媚先 則 機 若單 當以 獨 其 而 此 寢 化 以 順

❶「興」、《毛詩正義》作「聖」。

者何德? 造語殊欠分明,均非善説詩者。

邦」推廣言之。 《眉評》(一章)首章推本刑于之化,實賴上有聖母。〔二章)數語爲全詩之主。〔三章〕描寫文王居室氣母。〔二章〕數語爲全詩之主。〔三章〕描寫文王居室氣

先公也。 美也。 見於書傳者耳,亦可見其多矣。 原、豐、郇,文之昭也。」并伯考、武王十八人。然此特其 也。 也。 雝 傳》云:「管、蔡、郕、霍、魯、衛、毛、聃、郜、雍、曹、滕、畢、 大王之妃大姜也。 雝 射與斁同,厭 疾 和之至也。 【集釋】思語辭。 百男舉成數而言其多也。 難 也。 恫 痛 殄 絶 也。 也。 京周也。 也。 肅 刑 肅 保守也。 儀 敬之至也。 烈光也。 齊莊也。 法 也。 大 惠順也。 姒 〔朱子曰〕案、《春秋 肆故今也。 御 文王之妃 媚愛也。 假大也。 不 迎 顯 也,又治也。 宗公宗廟 幽隱之處 也 周姜 戎大 瑕過 徽

【標韻】母二十五有。婦同。本韻。音十

也。

式法

也。

髦

俊也。

通韻。 二侵。 江。 三章皆無韻,今攷之,唯殄、瑕、造、士無韻 十六銑。 轉韻。 男十三覃。 造二十號。 瑕六麻。 廟十八嘯。 無 通韻。公一東。 士四紙。 韻 保十九皓。 式十三職。 無 韻。 恫同。 叶 江氏以爲 入十四緝。 韻。 邦三 殄

皇矣 周始大也。

雋語。 攘之剔之,其檿其柘。 友。 省其山,柞棫斯拔,松柏斯兑。帝作邦作對, 載路。天立厥配,大姜。 修之平之,其灌其栵。 究爰度。 之莫。維此二國,其政不獲。維 自大伯 從王 皇矣上帝,臨下有赫。 此維與宅。一章 王季。 季 上帝耆之,僧其式廓。 一面寫友愛,而大伯之讓 夾寫大伯。 啟之辟之,其檉其椐。 作之屏之,其菑其翳。 帝遷明德,大王。 受命既固。二章 維 此 監 德自見。 王季,因 觀 乃眷 彼 四方,求民 四 則 國,爰 西 串 心 友 顧, 其 夷 則 帝

侮

逗下四 方。 攻具。 聲以 度其 下。 其 兄 帝謂 其 斬 臨 下民之王。 無 不恭,敢距大 王 王此大邦,克順克比。比于文王,其德靡 俘 旅, 矢 德 無 則 五章 色,不 鮮原 克 文王 我 閑 章。 與爾 然畔 篤 是 以 陵 閑 明 類 其 按 我陵 既受帝祉 ,居岐之陽,在渭之將。 。跟 依 維 慶,載錫之光。 是碼,祭禱 崇墉 臨 長夏以 六章 援,無然歆羡,誕先登于岸。 詢 徂 其 此 邦,侵阮徂 定 衝 爾 旅,以 明德。 在 王 我阿。 言言。 攻具。 仇方, 帝謂 一季,帝 革。 京,侵自阮 施施 篤 克明克類,克 同 文王,予懷明德,不大 不識 無飲 于孫子。 執 以 是 于 共。 度 爾兄弟,以 訊 伐崇 致 周 受禄 其 我泉、我泉 是 連 不 祜 王赫斯怒,爰整 疆 心 知 連 附 墉 0 無 四章 一,陟我 攸 順 貊 喪, 萬邦之方, 以 兀 城 長 其 馘 爾 帝 對 方 池 帝謂 奄 安安。 高 克 德 之則 鉤 我 以 于 密人 有 七章 君。 援 池 尚 悔 無 天 文 川

> 聖一 此 也。 推 齊》與此篇皆咏文王。《思齊》則述其母 莫若文王。」朱子無 意 王,亦只言其伐密、伐崇二事,有 上及王母,此篇則述大王以下至 唯姚氏 美周也。天監代殷莫若周, 是伐是肆 詩 原其所生以見其爲聖也。」然「以 臨衝 摹 何以 周 寫 歷 右《皇矣》八章,章十二句。 語,又何當非泛混哉? 雖 茀 王 敘 以 遽 季 世 茀,崇墉仡仡。 大 爲:「美周泛混,大抵 見其 ,是絶是忽, ·友愛 世修德,然至文王 王 以 爲聖? 來 段至 積功累仁之事, 異議,故《 四 德, 此 再 方 述攻 似 以 以見大 是 集 周 而始大。 堅 無 況經 世世修德 《序》云: 而 此 傳》從之。 王 以 上 拂 非 武 見 季。 見降 而 篇 伯 其 之 咏 尤 功 八 ^ 敵之 章 説 故 著 思 而 文 爲 皆 以

❶ 「于」,原缺,據《毛詩正義》補。下句同。

伐崇始。有文德而又有武功,所謂「一怒 代帝王,莫不本天德以 無 骨,此尤周家世傳心學,與虞廷執中受授 顧 言,而其所以昌大大王之業者,實自伐密 國之美,一以 不有所眷顧,然而 兵强馬壯者爲之而已。 而安天下之民」者。 心,故至文王 異。 也 也,其可得哉? 至篇中處 學者於此,斷 而 見王季實能 昌 大也。 雜霸純王之分,判若霄 天之眷戀,雖 斷 爲王道。 不 天命之歸,亦未嘗 可 文王聖德自 不 輕 負 處 大伯 意 若後 以 滑 明德作 欲 過 推 世 不 讓 不 =則 必 西 之

家學。 是 景象,歸重明德。 民莫來,天豈有私於周哉? 推 原 法。 (三、四章)寫王季 眉評】〔一章〕天眷西顧是全篇主腦。 而 精 理名言 通篇跟定 ,粹美無痕,所以爲佳。 友愛,帶 二字發揮,是周室歷代傳 [二章]接敘大王 出太伯 是 夾敘法,亦 遷 (五章) 然自 岐 開 心 闢 求

> 民,所謂王者之師 而後降。 亦作三樣寫。 何等聲靈。 以下敘伐密、 (六章)定都於程。 是文章詳略相間法。 通篇文勢皆振,後代文唯 、伐崇。 上章伐密,止按旅一句。 也 [七章]不脱 連用 一帝謂 〔八章〕一怒而安天下之 文王 「明德 二句,特 字。 韓 此下伐崇,備久 愈往 筆 一聖明 往 一提 有 起,是 德 此。

似松 也。 栵 木蒙密蔽翳者 廓。 增。 也。 則亦不云此矣。 夏、商,不應遠及夏。 大不相得,于是悉反之,承上天監民定言。 姚氏際恒日〕二國,商、周 行生者 似 作拔起也。 式 耆[毛氏萇日]耆,致也。 楊、赤色、生河 据〔《集傳》〕据,樻 集釋】皇大也。 郭〔輔氏廣日〕式,如式樣之式。 也。 也。 啟、辟芟除 四 屏去之也。 國四方之國也。 修、平 且此者,本國及紂云也,若夏、商 邊。 「陸 臨視也。 也。 也, 也。 皆 氏 腫 菑 獲,得 1治也 僧〔《集傳》〕僧 璣 節 樫〔《集傳》〕 木立 日 似 也。 莫定也。 究尋也。 扶 死者也。 灌 老,可 名 廓, 如 商、 舊解二國爲 叢 雨 檉 生 周 師,枝葉 爲 一者也。 匡 之政 河 當 二國 翳小 度謀 杖者 廓 柳 之 作

畔

詞

兑,通 路 謂明德之君,即大王也。 也。 不倦 親 者,王季因大王之心也,故受大伯之讓而 皆作莫,莫然清静也。 上糾纏作解,古人作詩要無此意。 光」,描摹家庭 大王少子,文王父也。 人物蕃盛,于是始成其爲邦而 也 謂 在忽、 《考工記·弓人》,取榦,柘爲上,檿桑次之。 也。 滿 作對,猶對于天下也。 也。 下單承則友言,「則友其兄」,因 比 路 氏 櫟也。 、遂之間 | 歴, 克君賞慶刑 于至于也。 而 璣 姚氏際恒 Ш 去。 日 桑也, 段靄然致祥光景也。 棫,白桵也。 即 配 今靈 貊 指 日 與 [《集傳》] 貊、《春秋傳》、《樂記 因心四 克明 悔遺 威 〕柞棫 大姜也。 柘 壽 串夷串即患,謂昆夷也 也 皆美材 杖 很 能察是非也。 是也。 大伯大王長子。 有君矣。 拔 均叢生有刺,拔挺 順 也 句〔姚氏際恒日〕因 而松 慈 帝 奄〔《集傳》〕奄字之 可爲弓榦 帝 和 柏 攘 舊解皆切合受讓 上 故曰「帝作邦作 也 以 謂 兑,往 帝 剔 不 也。 設爲天命之 也 篤 解,則 克長 比 慶」、「錫 來 又可 上下 明 王 道 柞 檿 而 教 是 上。 季 通 棫 載 德 柘 相 誨 能 心

以

征伐者,

非

利

人土

地,

非

阻

人來

歸,

蓋

將拯民水火

能以自 又曰 教也。 固非。 極至。 也。 言拯民溺流,而登諸高岸之上也。 慕之念耳。 者,欲之動乎中,羨者,心之慕乎外,蓋利人土地 而附之也。 王」之意不如是耳。 非。 不恭則征之。 日 [案]姚氏之駁《集傳》是已。 密人不恭」如何接得去? 也。 離 畔 「誕先登于岸」,謂先據高以 且登岸爲據高以制下,義亦甚淺 羨,愛慕也,言肆 人心有所畔援,有所歆羡 援,猶 畔 《集傳》說作道,無論解《詩》不可説入理障,且 濟。 解《詩》不可 蓋天實命之,而非人力之所能及也。 也。 畔 今皆無之,是帝心之所深眷者矣。 援 文王無是二者,故獨能 無然者,謂無間 跋 援,攀援也,言 不恭即 扈也。 句〔《集傳》〕無 人吾 愚謂畔 畔援、歆羡之類。 情 歆羡, 覬 儒之理,況可入釋氏之理 以 舍此 離 徇 又以道爲岸,彼岸,釋氏 者,離而去之也。 然謂 物 人以攀附之心 覦 則 而 也。 制 然 也。 溺 以故密人不恭 先知先覺,以 取 「畔援猶 下也。 於 猶 彼 岸,道之極 而粗,恐 無然,謂 也。 人欲之流 言 岸,鄭氏 不 于是密 跋 「姚氏 歆 可 也。 登 扈 援 如 一帝 、欲之 無 而 造 岸, 者, 者 謂 前 處 此 謂 使 際 道 生 至 耶 人 獄 也。 羨 歆 文 亦 2 下 之 其 恒 >

依其 甚。 淺見所 尤不通。 伐密之侵阮來,在伐密以後也。《集傳》云:「文王安然 按遏 今涇州之共池是 説 遠 周 地 密。」按,既云遏密,又云出以侵密,無異 之。」阮國名,在今涇州。 無逼泉。 在周之京,而所整 ,姚氏際恒日]此言定都也。 以篤于周祜 名以 京 〕密須,子爵,商侯國。 不 亦未遠 且 均 在周京左近之地,故曰 也。 是地名,或即 能 未明。 證,此書不可信。 |侵阮本謂密人,即上「侵阮阻共」也,乃云侵 相其陰陽,故 鮮 泉以爲池,陵易成谷,均非善地。 測 徂旅密師之往共者也。 也。 原必是地名,今無考。 哉 ,以對于天下」而已。 蓋既伐密之後,將别遷都,不必遠去,但 也。 陟高岡」 上之兵既 程邑也。 密 〔梁氏 密 「陟我高岡」而後辨耳。 《世本》云:「商有密須,文王伐 須氏也,姞姓之國。 〔案〕「依其在京」一語,姚、朱 遏 密則静甯州也。 五 「居岐之陽,在渭之將」,去 密 懷明 謂依其在周京之時, 句,正度地之宜,無 益 人,遂 曰〕虞公所奔之共 帝謂 或據《竹書紀年 德 依其在京 從 Ŧi. 八醉夢 如此,夫豈 阮 一句 (姚氏) 疆 共阮 然非登高 語,可 而 鮮 「梁 出 原 近陵 地名, 蓋 氏 後 際 如 怪 以 》爲 密 章 池 恒 姚 望 殊 侵 從 益 儒

> 西 以 人

地而 知《中 縱兵也。 附使之來附 安安不輕暴也。 狀。 墉 名,在今西安府鄠縣。 在上臨下 聖王處事,臨大敵抒大難,不動聲色,不輕喜怒,但循 音與色相也,不長其侈大與變革也。 獻紂。 謂 二帝 伯者、崇侯虎也。 一西伯於羑里。西伯之臣閎夭之徒求美女、奇物、善 以著威德,是此章大旨。 城 祭始 「德之深微,不暴著其形迹」,全本《中庸 也。 馘 庸 謂予懷文王之明德,其 割 》斷章取義,豈可從乎? 忽滅也。 紂乃赦西伯,賜之弓矢鈇鉞,得專征伐。 者也。 造 開開 耳 也。 軍 也。 法, 徐緩也。 軍 衝 茀 類將 謂 拂戾也 法: 西伯三年,伐崇侯虎而作豐邑 衝車 茀 黄 [《史記》]崇侯虎譖 强盛 帝 出 獲者不執,則 也。 及 言言高大也 師祭上 鉤 整旅、遏 貌 蚩 皆攻城之具 援鉤梯也。 尤 其説 一帝也。 也。 仡 旅之時,不 《集傳》解「不大」 佐堅 殺 近是,存之。 致 而 西伯於紂, 禡 出親 致 獻 連 也。 臨 》説理。 至所征之 其 其左耳。 臨車 連 大其 至 崇國 屬 日 也 也 也 肆 不 續 譖 馬 紂 天

理

句

E

標韻」赫 + 陌 莫、 獲 並 同。 度 十藥。

四 Ŧi.

据六御。 池四 四紙。 韻。 叶韻。 同。 + 廓 叶 韻 冬。 通 韻 馬。 韻 韻 同 隊。 岸十五翰。 通 支。 心十二侵。 王 德 悔十賄。 叶 宅陌 韻 兄八庚。 兑九泰。 閑 陽。 禡 十三職。 叶 柘二十二馮。 韻 禡。 十五. 韻 怒七遇。 方 叶 附 删。 疆 同。 叶韻。 子 慶七陽。 韻 明 色 七遇。 陽陽。 陽。 對 紙。 言元。 庚。 同。 隊。 援十三元。 旅 路 翳 出 通韻。 侮麌。 六語 君十二文。 御。 八霽。 恭二冬。 革 將、 季 同。 光、喪、 連一 + 四 固同。 方、王 真。 本 祜 栵□□。 叶韻 先。 陌。 援 衝 韻 七慶。 邦三江。 方並同 友二十 十七霰 通 冬。 叶 安十四 則 並 韻。 阿 茀五: 韻。 同。 職。 下二十 墉 Ŧi. 五 韻 寒。 歌。 同。 共 有。 拔 通 本 羨 比 轉

鏞。

於論鼓鐘,於樂辟

廱。

三章

於論鼓鐘

於樂辟

廱

鼉鼓逢逢, 矇瞍奏公。

四

靈沼,

於

牣

魚

躍。

二章

虡

業

維

樅, 賁

鼓

維

囿,麀

鹿

攸伏。

麀

鹿

濯

濯

一,白鳥

翯

翯。

王

在

成之。

經始

勿

亟, 庶

民

?子來。

一章

王

在

靈

經

始靈臺,經之營之。

庶

民

攻

不

日

覺可笑。 以爲樂名,或又以爲習樂之所,且更以 四 引《莊子》論歷代樂曰「文王有《辟廱》」,故 廱 大射行禮之處。 何足深辯! 又以爲樂名也。 爲講學之地。 「天子曰辟廱,諸 句。 爲澤,更名其學曰澤宫。 右《靈臺》四章,二章章六句,二章章 《小序》以爲「民始附 以爲學名者,引《王制》論 而辟廱之名,或以 且 紛紛聚訟,迄無定解, 蘇氏疑之曰:「古人以樂 其 侯 制 曰泮宫」,遂以 水旋 以 丘 爲 如 如同 爲學名,或 樂名者, 璧,遂謂 此 醉夢 學 辟 爲 廱 亦

仡

忽六月。

拂

同。

通韻

靈

臺

美遊

觀

也

有

沼

日

靈

射爲主者矣。」此又以爲習射之處,皆爲學 然有游必有宴,有宴 氛祲、察灾祥也,設囿所以域禽獸、備 廱之學耶? 之學也,其時文王未爲天子,而何 同,《孟子》所謂『序者,射也』,則學蓋 文王之所經 夫人君游樂,必有園圃 至於闢沼,則蓄潛鱗、兼資 地近靈臺、靈沼、靈 名歟 耳。朱子又曰:「古人之學與 隣,更非習樂 名歟?」是不敢 然獨 未 沼 ? 且辟廱環丘以水,則不 知 不 學以 誉 雖 其後 思 也 日 所謂學者曰辟廱 樂 民 周家 必有樂,此《辟 講學 情 臺 以 而 囿 樂 日 爲 得名 與與 盛 地。 赴 樂,而 靈臺,囿 王 築臺 麛 實 歟? 以 蓋 鹿 灌 爲 所以 游 、禽鳥 以 以 亦 溉 天子 廱 能習 辟 觀 田 有 今不 爲 地 日 有 樂 学之 耳。 處 辟 以 學 氣 靈 獵 望 以 若 之而 供文王 教,或 後 覩 此 樂之音也,同此臺池鳥獸之觀 諸 諸侯不得立焉矣。 見之者,有樂有不樂,非 興,此何如 樂此? 之速,使非民情踴躍 可 鍾 蕃育之盛,不啻人物相忘, 則不 忽講 以 此 儒 知 靈。 辟 能 不 何不平心一細察之。 假其名以别 故或就 道 廱 能 之游玩,而非以待諸生之觀聽也 然於是始有 不 惟民心樂赴,且亟欲同樂,雖欲 末二章 ,殊覺不倫,何以立訓? 爲學,則《靈臺》一詩,前方縱游, 一再咏之,以紀聖王游觀之美? 者,果操何 太平景象乎 其地 川 若此時之辟廱 辟 乎泮水學宫之號,均 以 以 ,胡以至是? 術 廱鐘 辟 爲學,或仿其制

射。

所泥

也。

教

胄子,則

樂之所

廱

爲天子學者,而

以

設

,則實以

前

得

也。

樂所由

耳。

四 Ŧi. Ŧi.

古人斷

以

致之哉?

詩

可强

而

同之。

而

也

而民

之

鼓

以

助

讌

遊

故

同

此

鐘

鼓

藉非賢者,又烏

次章

見

詩首章見落

成

斷無是文字,而顧可以誣文王哉!

「辟廱」、「鐘鼓」,盛世游觀,何等氣象!
忘、不相驚擾之意。 描摹物情,體貼入微。〔三、四章〕。、不相驚擾之意。 描摹物情,體貼入微。〔三、四章〕不走鱗介,各適其性,卻處處與王夾寫,見人物兩章〕飛走鱗介,各適其性,卻處處與王夾寫,見人物兩

氏際恒 定其位處也。 氏康成日〕營表其位。 爲崇牙,其 [《集傳》] 虞,植木以懸鐘磬,其横者曰 與鷺之類。 伏言安其所處,不驚擾 不終日 論〔《集傳》〕論 ,鐘鼓之節度,不必改作倫。 ,刻之捷業如鋸齒者也。 [案]臺下有囿,所以 者,非。 日 集釋』經度 门辟 狀 翯 樅 廱 攻作也。 ,倫也,言得其倫理 非天子之學,戴仲培 樅 翯 亟 急也。 然者 潔白貌。 也。 〔孔氏穎達曰〕謂以繩度立表,以 也。 也。 不日言不數日也。 域 靈臺文王所作 樅,業上懸鐘磬處,以綵色 囿〔《説文》曰〕囿,苑有 賁 濯 養禽獸也。 辟 牣 大鼓 濯 滿 離解已見篇中。 也。 肥澤貌。 也。 也 楊用修皆闢之。 栒。 姚 **虞業** 也。 麀 鏞 業,栒上大 氏 《集傳》言 牝 大鐘 白 際 誉 維 恒 鹿 鳥 如 日 也 也。 鄭 樅 鶴 垣

> 矣。 爲天子學,乃作樂之地耳。 傳》「水旋丘如璧」之説,亦非實。 《王制》之時,鄭在其後,而皆不之信,則《王制 傳 概謂辟廱非學,則不然。 而亦法文王爲作樂之地焉。 廱」,是矣。「鎬京辟廱」者,築城池,建垣翰,以成京 者,作樂之地也。 未然也。大抵辟,君也,廱,和也。《文王有聲》上章曰 氏于《文王有聲》曰: 天子之學。 今按,《毛傳》第言「水旋丘 皇王維辟」,下章曰「鎬京辟廱」,正可證。 》〕鼉,似蜥蜴,長丈餘,皮可冒 》泮水爲半璧之形所自來矣。 考古家只知駁前而不顧後,往往如是。 自《王制》曰:「天子之學曰辟廱。」《毛傳》輯 故《莊子》言歷代之樂,曰「文王有 「武王于鎬京行辟 蓋後世固以辟 如璧日 然以之解是詩,則近是,若 然則 鼓。 〔案〕是説 然自有此説,而以 辟 辟 「陸 廱 廱既非學,即《 廱之禮。」皆不言 以以 廱爲天子之學 氏 亦不以 佃日》夏小 節觀者」,鄭 **電鼓** (《集 謂之辟 》之説 辟 毛 果 辟 廯

曰矇,無眸子曰瞍。古者樂師皆以瞽者爲之,以其善聽物志》曰:「鼉長一丈,其聲如鼓。」矇,瞍有眸子而無見

鼉鼓非特有取於皮,亦其鼓聲逢逢然象鼉之鳴。

《類博

鼓

正》云:「剥鼉以爲鼓。」其皮堅厚,取以冒鼓,故曰鼉

躍十藥。 韻。 職。 來十灰。 鐘、廱、逢冬。公一東。通韻 通 韻 韻 營八庚。 叶 韻。 樅二冬。 伏一 成同。 鏞、鐘、 屋。 本韻。 濯 三覺。 廱 並 同。 亟十三 翯 同。 本

下武 美武王上繼文德以 昭 後

嗣 也

順德。 受天之祜,四方來賀。 許,繩其祖武。於萬斯年,受天之祜。五章 永言孝思,孝思維則。 命,成王之孚。二章 成王之孚,下土之式。 于京。一章 下 永言孝思,昭哉嗣 武維 周,世有 王 配于京,世德作求。永言配 哲王。三后在天,王配 三章 於萬斯年,不遐有佐 服。 媚兹一人,應侯 四章 昭兹來

右《下武》六章,章四 句。《小序》謂

詩經原始卷之十三

周」。 父固 王通先, 流通。 傳 以善繼述爲能孝,故武王之孝曰達孝,尼 大而已。」又可謂 哉嗣服」,不但以其變侯化國爲能闡揚光 乎天理而下孚乎人心。徐氏光啟曰:「武 德在永孝思,孝思之永在求世德,以上合 善述者,乃在文德而不在武功,故詩人特 繼先世之業,孝思之永,孰大乎是? 表而咏之,亦可謂深知武王者矣。武 而文德或有媿乎三后。殊知其所稱善繼 日武,樂亦曰《武》。 繼伐」相對故也。 繼文也」,意是而 ·甚明,而朱晦翁乃云「下,義未詳」, 嘗稱之。 下者,後也。 人之節以濟天下之變,與先人志意 此其心事 此 善説此詩者矣。 何等光明正大,故曰『昭 詩發端,即曰「下武 武者,繼也。 武王伐殷而有天下,謚 詞未達,蓋有意與下章 人幾疑其以武 以後 夫天 功顯, 人而 王之 子

857

四五七

雖未免言之太甚,實亦有以自取耳。因之而晦。姚氏譏其文義、字義均不通,其「字當作文」。無論文複三后,即詩旨亦

章忽用第三句相承,格又一變。
【眉評】前後四章,皆首句跟上蟬聯而下,中兩

也。 也。 葨曰〕武,繼也。 三后大王、王季、文王也。 服事也。 配 【集釋】下[鄭氏康成日]下猶後也。 對也。 繩繼也。 京鎬京 也。 武迹也。 媚愛也。 佐 助也。 一人謂 武〔毛氏 王武王 武 王

德職。 尤。 孚七虞。 【標韻】王七陽。 服一 屋。 叶 叶韻。 韻。 式十三職。 京八庚。 武七虞。 轉 則同。 祜 韻。 同。 求十一 本韻 本 韻

佐同。

本韻

厥 成。 王 文王烝哉。 有聲,適駿 文王有聲 單 有 句 鎬以 聲。 成豐志 谲 章 求 文王受命, 厥 也。 寧 ",通

> 文。 維翰。 三章 文王 子。 棘其 龜正之,武王成之。武王烝哉。七章 烝哉。武王。 辟。皇王 禹之績。 有 有芑,武王豈不仕。 此 自西自 武王烝哉。八章 欲,遹 烝哉。二章 武 王公伊濯,維豐之垣。 功。 王后烝哉。 以豐水作兩京樞紐。 烝哉。武王。 追來 東,自南自北, 六章 文中有武。 孝。 築 考卜維王,宅是鎬 文王。四章 治厥孫謀,啟後。 承先。 城伊淢,作豐伊匹。 五章 既伐于崇,作 四 無思不 王 鎬京辟 方攸 四方攸同,王 后 豐水東注, 烝 同 服。 廱。 哉。 邑于 京。 以 武中有 豐水 皇 文王。 翼 維 維 匪

其欲」, 建 以遷 鎬之先聲。 辟 廱 都定鼎爲言。 右《文王有聲》八章,章五句。 此詩 以貽 蓋求厥甯,以追來孝耳。 武王之遷鎬也,豈徒繼伐,蓋 孫 謀耳, 文王之遷豐 又無非 成作豐之素 然已兆 也 匪 專

待言? 志 也。 鎬 呆説豐、鎬,於事又何益 此詩要旨。不然泛言繼述,與詩 當從此究心,以求兩聖心心相印處,乃得 咏文、武多矣,未有以豐、鎬並題者。 有事不容已之機。文、武亦順乎天心之自 武之事實文之事。 前 題之,則必以建置宏謀爲纘承大計。 此詩言文王遷豐,武王遷鎬之事」,又 而 一,而 兀 伐」,固非 已,夫豈有私意於其間哉?《序》云 遷鎬 章乃説 武 然八句煞 故文、武對舉 皆以 王 蓋詩人命意必有所在。 則 中 單句 「 貽 文王 詩 間 腳 厥 人意旨。 四 贊 中 遷豐,後四 ,並言文之心即武之心 孫謀」,遷 自有日進於大之勢,更 章,二言王后,二言皇 詞 ·, 前 煞腳,此 兩章言文王 耶 即《集傳》所 ? 豐則「遹 章説 兩平騃 詩 《大雅》之 無涉 共 武 後 八 兹特 説 追 王 板 章 遷 格 即 者 何 謂 兩 來

> 伐崇武 哉 ? 此 氏 王 末二章曰武王者,本其崩後之謚 亦文章幻化之奇,則更變中之變矣。 中寓文,文中有武,不獨兩聖兼資之妙 忽生忽死,忽皇忽后,夾雜不清,豈成文 日 引鄧 | 歎説《詩》之難也 王后、皇王者,本其 ,則又變矣。不獨此 法律尚且弗知,義旨烏能盡 潛谷之言曰:「中四章皆言武 功,言武王 一者,偏 在 也,言文王者,偏 日 生爲君 鎬京辟 而 而 識 言 言 若姚 也。 王。 也 抑 武 日

王即 乃 作邑徙都 上行。」贊其熾盛升進之意。 語 辭。 作邑于豐以居之。 君 駿大也。 也,又曰 眉評】[五章]豐水之東即鎬,遞下鎬京無迹 集釋】適〔《集傳》〕適,義 也。 (嚴氏 君哉,可乎? 烝〔姚氏際恒曰〕烝,《説文》: 豐即 粲日]國 崇國之地,在 舊説謂 勢寝盛、程邑不足以 伐崇 未詳 君 事 非。 今鄠縣 見《皇矣》篇。 疑 與 如王后、皇 聿 杜 同, 「火氣 陵 西 發

四五九

南。 材 正 二十五里。〔吕氏祖謙曰〕《後漢·地志》曰:「鎬在京兆 績 豐水〔《集傳》〕豐水東北 棘 深廣各八尺。 養成之材 以正定之也。 或至此始爲學耳。 尹上林苑中。] 孟康云: 鎬京[《集傳》]鎬京,武王所營也。 張子 也。 日]孔氏日 功也。 急 家訓 至此始爲天子之學矣。 也。 武王遷鎬,長安豐亭鎬池 減

(《集傳 也 曰〕靈臺辟廱,文王之學也。 蓋欲傳其孫之謀而燕安輔翼其子耳。〔案〕是説 也。 仕爲事之説差直 嚴氏粲曰〕以吉凶 王 ,述用材也。 武王豈有不仕之官者,言無不用之,無遺 〜 陸 成之作邑居也。 王 后 指 淢 有 氏 思服心服也。 ,成溝 天下之號,指 文王 德明 「長安西南有鎬池。」《古史考 豐水之傍,以潤澤生芑穀 也。 日」《 也。 流, 捷,故從之。 〔案〕靈臺辟廱,不必爲學, 取正于龜,而 徑豐邑之東而 韓 方十里爲成 公功也。 也。 芦草名。 詩 鎬京辟 考稽也。 武 》作 在 辟 王 一豐水 也。 廱 洫 詒 廱,武王之學 龜出 濯 仕 説見 東, 遺 成 宅居也。 辟 兀 注 著 也 間 姚 去豐邑 其吉 前 于 君 明 稱 有 氏 也。 也。 河。 溝 也 燕 際 兆

安也。翼敬也。子指成王也。

陌。 豐 仕 職。 十三元。 一四紙。 同。 服 通 本韻。 標韻】聲八庚。 韻。 子同。 翰十四寒。 屋。 廱二冬。 叶 匹四質。 本韻 韻。 通 東一東。 京 韻。 成同。 孝十九效 八 庚。 績十二錫。 本韻。 通 成 韻。 同 叶 功 北 辟 本 十三 東。 垣

多不可 作乎? 時詩。 皆周家有 明》、《有聲》,并言文、武者非一,安得爲文、武之時所 也 追述文、武之德,故譜因此 王之詩矣。 云: 即 「《鄭譜》此以上爲文、武時詩,以下爲成王、周 攷,强 今案"《文王》首句即云『文王在上』,則 以 《棫樸》、《旱麓》、《靈臺》三篇,或譜人文王之 蓋正雅皆成王、周公以後之詩,但此什皆爲 天下後追述祖德之詩 上《文王之什》,凡十 又曰『無念爾祖』,則非武王之詩矣。 爲之譜,亦 臆測 而誤耳。」愚謂作詩時 耳。 ,故疑非周公不能 大抵《 文王》一 集 非 《大 文

念詩學根本乎? 是烏可以無辯也?

四六

詩經原始卷之十四

大 雅

生 民 之 什

生民 述后稷誕生之異,爲周家農

業始 也。

厥

初生民,時維姜嫄。

特題母名。

生民

如

何? 尚無子。 克裡克祀,素性好神。 履帝武敏歆,忽感異迹。 以弗無 攸介攸止。 子。 以 佛字, 載

無菑 明。 震載夙,載 無害,以赫厥靈。 章 誕 生載、 彌 厥 育,遂有身孕。 月, 先 上帝不寧,不康禋 生 如 達。 時 維 不 后 坼 稷。 不 祀 副

右《生民》八章,四章章十句,四

章章

字之。 實栗。 穟,麻 載,載燔載烈。 祀如何? 之糜芑,是任是負。 實 嶷,以就口食。 維秠,維糜维芑。恒之秬秠,是穫是畝。 穡,有相之道。 冰,鳥覆翼之。 居然生子。 時,后稷肇祀。 于豆于登。 烝之浮浮。 苞, 實種實衰,實發實秀,實堅實好,實 麥幪幪, 厥聲載路。 誕寘之平林,會伐平林。 即有邰家室。五章 或春或揄,或簸或蹂。 微詞。 其香始升,上帝居歆。 載謀載惟, 瓜瓞 鳥乃去矣,后稷 庶無 以 茀厥豐草,種之黄茂。 蓺之荏菽,荏菽旆 二章 三章 興 唪唪。 罪 嗣 以 悔,以迄于今。 歲。 誕寘之隘 歸 取 誕實 肇祀。 蕭祭 七章 四章 誕降嘉 匍 「呱矣。 脂 匐,克 巷, 印 六章 旆、禾 釋之叟叟, 誕真 誕 種 盛 后 取羝 胡 4 于豆, 實 維 稷 之 臭 役 岐 實 羊 誕 以 會 我 方 之 克 寒 穎 稼 恒 和 腓

四六二

種

嫄

出

雖

履

禖,見大人迹 逢庇護,雖牛羊禽鳥 然證以二三章「居然生子」,及屢棄寘而屢 道之感,於是即其所大所止之處而震動 克祀,以弗無子。履帝武敏歆,攸介攸止。 迹之説 句。 ·無子,求有子也。」 意蓋謂 「姜嫄出祀 ,必多方以棄寘之乎? 若《毛傳》云「姜 享謂之禋。 載夙,載生載 祀 迹而心動,安知其娠不爲帝子而 曷言之? ,故説者紛然各異。 其説本《史記》及鄭箋,諸儒多非之。 從《集傳》。 郊 ",似非 棋,履帝嚳之迹, 由 於不 而 祀,郊禖也。弗之言祓也。 詩曰:「生民 虚 履其 此詩 誕。 通文理,一 育。」《集傳》云: 拇,遂歆歆然如 亦腓字而覆翼之,則 事異文奇,未免駭人 唯 從 然所以異者,其 帝 如何? 而 由 出 行 於不解 祀 將 「精意 郊 事 爲異 克禋 有 襟, 郊 祀之。 乎? 之。 謂 謂 敏

以

祓

載震

聽聞

亦

有

子也。 人,性必好道 有感而心動,故下又云「居然生子」而 尚無子也。下乃云「履帝武敏歆」,是倏 字於人也。「無子」者,以其未字於人,故 生子者得之。 唯鄧潛谷與季明德兩家,以爲姜嫄未嫁 何以知其爲求子乎? 未言郊禖也。凡言郊禖者、皆後儒 有未通耳。 」,則尤不通之至。 「祓除其無子之疾」,已迂而鑿,姚氏 「弗使其無子」,亦與下意棄寘不相貫。 何哉? 文氣本自 凡此皆「克禋克 其所履者,亦即天帝之迹,非 求子而得子,又反棄之,有 詩言禋祀,不過精意以致祭, 然則禋祀 而敬神,故於天帝之類,恒 蓋「以弗」云者,以其弗嫁 相貫,其 謂 蓋從祀郊禖者,求 祀,以弗無子」之文 「以弗 何? 奈諸 儒 無子」,鄭 愚意姜 不 細 所增。 是 棄 别 嫄 心 其 真 又 未 而 理

源,但 明 現 交而 棄,爲虎所乳,《前 存,亦其 今黄梅意生寺爲釋子慧能所生地,居然 官 此 氣 所 無 義 之,子文母未嫁 而 后 亦不能不棄之,有名與無名之分也。 矣。 小 等 感 謂 娠 稷之生,必因無名而 有太公,故明 定 説 豊尚 事 通, 豈必待郊禖求子而後有 大 解 娠,何一非 題其 並 姜嫄 及 不必 X 八類也。 不 釋典中者,不一而足,固 也 然皆後日 母,不及其父,則是無父而 解 無名乎哉? 上世始有之,即後世之見 爲 人情者,此 蓋 高 即《春秋傳》鬬穀於兔之被 駭 而 知 平日日 辛氏 人 孕,故雖知其爲 其 漢書》高帝之母夢與 事。 爲 聽聞者哉? 精神所聚,故不 世妃,或曰 見棄。 若此 龍 愚謂 也。 種 時 諸儒 又 而 若從帝 ,則尚未 況 亦 所遇 元妃 無足異。 不 詩 不察 父後 唯高 是 郊禖 忍 於稗 哉 覺 生 中 文 知 都 也 溯 棄 龍 尚 而 帝 ? 靈

詩」。 也。 封。 繹之耶? 又謂「受釐頒胙之禮」,何不即詩辭 何 以 已有《思文》一頌,此特推原其 傳》從之,謂「周公制禮,尊 「文、武之功起于后稷,故推以配天」。 自姜嫄始。《小序》曰 是皆后稷所賜,故將尊之以 業,不敢有懈 祭祀之誠,並 稍 誕 夫也,故足怪。 玄子謂此 爲配天之樂。 長即知稼 生之易。三言被棄 然非姜嫄不及此,故曰「厥初生民 六言其能降嘉 然皆得其半而 詩 穡。 而 祈 「郊祀后稷 詩首章言受孕之奇 因 來 衆説 五言其 年。 以 種 未 得 「尊祖也」、《大序》曰 以 不 而 明 膺 有 明, 八言周人世守其 歸肇祀。 庇護者多。 以 也。 后稷配天,故作 天 功農民,因 祈穀 故 配天,未爲 命 異 故耳,非用 后稷 而 」,朱晦 論 有天下。 七言 而 配天, 滋 細細 四 以 次 過 其

唯八章中皆以八句十句 八章〕尊祖無怠。 |章]保護之異。 教種膺封。 眉評】(一章)受孕之奇。 〔六章〕播種肇祀。〔七章〕報賽祈 通篇層次井然,不待深求而自了了。 [四章]嗜好天 相間,又二章以後,七章以 生。 五 章 章〕克勤 誕 前 年。

每

`章起句均用「誕」字作首,另是一格

達小羊

也。

羊子易生,

無留難

也。

坼、

副

皆

裂

也

帝嚳 譽世 也。 御。 禖, 此中年歲不無可疑。 氏際恒日]或云元妃,歷來相傳如此。 後世子孫之妃也,未知其爲幾世,故直以世言之。❶ 之世妃。 精 其禮以玄鳥至之日,用太牢祀之。天子親往,后率九嬪 [《集傳》]姜嫄,炎帝後,姜姓,有邰氏女,名嫄,爲高 意以享祖 蓋祭天於郊,而以先媒配也。 亦 元妃所生,即棄。 [案]祀者,祭之通 乃禮天子所御,帶以弓韣,授以弓矢,于郊禖之前 未遠 集釋】民人也,謂周 〔孔氏穎達 耳 耳。 並 祀《集傳》〕 無 曰〕鄭以姜嫄爲高辛之世妃,謂 或以爲世妃者,庶幾近之,第去帝 名。 語 於堯爲長兄,何以至舜始 及郊禖意。 詩第言「克禋克祀」者 人也。 祀,郊禖也。 變媒言谋者,神之也。 不 [案]《通鑑》亦作 時 知《集傳 是 也。 古者立 姜嫄 謂 影何 用 (姚 能 郊 其 辛

生之易。 也。 之也。 誕發語 傳》〕夙,肅也。 以引及此禮,至使第三章棄寘之言竟不能 迹大指處。 帝上帝也。 然不獨 辭。 彌終也。 歆 《集傳》爲然,諸家正坐 生子者,及月辰 動 武 也。 迹 終十月之期也。 也。 介 大 敏 也。 居 拇 側 也。 震 室也。 娠 「郭 此 先生首生 病 也 通 耳。 氏 皆 育 璞 夙 此 養 É 履 注 也。 也 集 拇 踐 誤

唪 也。 腓 自然食也。 滿 赫 也 顯也。 芘 棒多實也。 役列也。 匍 字愛也。 匐手足並 不寧寧也。 蓺樹也。 穟穟 相 會值也。 助 行也。 也。 苗美好之貌也。 荏菽大豆也。 不 康康也。 茀 岐 覃 治 嶷峻茂之狀。 長也。 也。 居 種 旆旆枝旟揚 幪 訂 大也。 然猶徒然 布之也。 家 蒙 茂密 口 也 也 黄 食 載 起

直」,原作「真」,據雲南本改。

0

茂嘉穀也。

方

房也。

苞甲

而

未

坼

也。

褎

漸

長

也。

發

盡發也。

秀始穟

也。

堅其實堅也。

好形味好

也

四六五

四

六六

于邰 也。 知稷 日: 也。」 大姜祖 姜。 謂 有 時 民 姓 胙 吕 京 〔孔氏穎 穎 四 帝 駘 君絶滅,遷之他所也。」羅泌駁之曰: 兆 熟爲栗。」邰 也 ⟨説説 或是訛 氏,日 羅 岳 封 堯 が 武 何玄子 是姜姓之駘至周猶 。」孔氏日 相 國, 之駘 説 也。 以 稃二米者也。 功 文》曰 似 ,姜嫄之國也。 達日》《左 是, 其 縣。 姜嫄,生后稷。 命爲 「有 在于武 母 . Н 疑但當作『吕 然大姜之『有台』, 日 何 國封之。 **が** 吕」爲「有台」,轉 陸 稷 説 侯 「邰國 穎 瑯琊之駘 一傳》 降 亦存之。 伯 氏 氏德明 禾 功,而姜姓之駘在于 際 播 <u>-</u> 末 糜 賜姓曰 當自有君。 堯見天因邰而 種 在, 豈得云以 恒 然及太王復取于 也 耳。 陸氏德明 而后稷之封亦曰 日〕邰,后稷所封國 「嘉 日 是 固 降〔《集傳》〕 言 栗旨 姜, 也。 據《列 齊地, 姜姓 即 其 訛 氏 所以 穗 有 酒 日 爲 秬 曰 也。 乃有 是 重 女傳 邰 生后稷,故國后稷 『有 〕《爾雅》作 黑 有 「昔者帝嚳 得 而 家 服 而 瑯琊, 。[四]。 黍 降, 封 封 有 邰一, 逢伯陵所 穎 室」,《毛 虔 駘。 7稷哉? 駘 作『有吕』。 也 后稷者,或 垂 語》云 降 굸: 也。 氏 也 未 嫄 固 説 是 秠 者 穀之 可 固 不 日 取 今在 種 『堯 傳 居 栗 同 大 赤 黑 知 姜 不 咸 於 于

> 粱粟 日: 也。 幸 嗣 使臭達牆屋 脂 米 臼 姚 烝 負 也。 得 聲 也 也。 歲 氏際恒 [《集傳》] 「我,后 無罪悔 也。 也 釋 祈 謂 肇 謀 淅米也。 《爾 取米出 來歲 古白粱栗 始 曰〕 軷 1 稷也。」終言 也 也。 也。 脂 雅》作 日 也。 蔣膋 擇士 (案) 爲祭行,《月令》冬祀 白 稷 叟叟[陸氏德明日]叟字又作 也。 溞 也。 切 始 也。 此 也。 受國 姚 后 亦氣 浮浮 簸揚去糠也。 恒 宗廟之祭,取 惟 稷肇 氏 爲 徧 相 際 齊 《爾雅》《說文》並作 祭 也。 感耳。 祀」,至於今承 恒 戒 主 日」 具修 故 任 行本 印, 羝 蕭合膟膋爇之, 日 肩 蹂 也。 牡羊 肇 任 我 此 蹂 祀 也。 也。 以 蕭 而 也。 脱 以 : 烰, 云 渡,濤 行 蒿 鄭 揄 負 其 之 興 軷 也 氏 穗 抒 背

十三 四 韻 韻 紙。 職。 字 靈 子、止並同。 標韻】民十一 四真。 九 叶 青。 韻 翼 寧 月六月。 十三 同。 本韻 真。 職。 本 韻 嫄 達七曷。 隔 十三元。 夙 句 祀 屋。 叶 紙。 韻 害 通 子 育 [九害。 韻 林 同 同。 叶 稷 祀

韻。 褎宥。 韻。 訏 侵。 紙。 旆 本 通 本 同。 韻 九 韻 韻 叶 林 泰。 惟 道 秀同。 韻。 同。 路 祀紙。 四支。 + 登十 秠 穟 七 九皓。 紙。 揄虞。 真。 遇。 字自 脂同。 芑同。 悔十賄。 好 通 叶 草 皓。 升 蹂 韻 同。 韻 同 爲 十一尤。 叶 本 畝二十 韻。 通 茂二 韻。 幪 韻。 匐 本 韻 職。 去 + 東。 Ŧi. 栗四真。 軷 隊。 叟、浮並同。 六 六 有。 食同 歆 宥。 御。 唪 侵。 負 苞三 歲 呱 同。 董。 本 今 八霽。 室 七 韻 同 虞。 同。 肴。 叶 祀 叶

棋,以

介景福

四

章

行葦 詩用未詳。

席 肆 葉 醢 一,授几 泥 以 之筵,或授 泥。 敦彼 有 或 行 戚戚兄弟,緊承上來。 燔 緝 葦, 御。 之 或 牛羊勿踐履。 炙 几。 或 獻 點 嘉 明燕樂。 或酢,洗 殺 脾 臄,或 莫遠 方苞方體 爵奠斝。 章 具爾 歌或 肆筵 設 醓 或 維

> 二章 黄耇。 以 爲主,則兄弟爲賓。 鍭如樹,序賓以不侮。 三章 賢。 敦弓既 黄耇台背,如繪。 敦弓既 堅,四 句,既 酒 醴 鍭 維 挾 既 醹。 鈞 四 以 0 鍭 引以 曾孫 酌 舍 射作兩 以 矢 翼。 維主,以曾孫 大 既 斗, 均,序 層寫 壽考維 以 賓 祈 几

内睦 復 福 非角射之典。 蓋 序》衍之云:「周家忠厚,仁及草木,故能 末言尊優耆 詩首章總提燕兄弟,次言醻酢,三言射 倫 禄 以 理」,是已。 焉。」朱晦翁駁之,以爲「逐句生 九族、外尊事黄耇、養老乞言,以 爲 右《行葦》四章,章八句。 燕射 老。 而無尊老之文,以爲養老則更 故《小序》但謂 詞意甚明而詩用莫詳者, 然詩 中有 射,而《序》遺 「忠厚」。 從《集傳》。 成 《大 其 此

「鈞」,原作「均」,據《毛詩正義》改。

0

四六七

詩 故 之,終之以尊優耆老焉。 矢序賓之事? 技,即少壯者不堪,又可苛求於高年乎?」 劉之詩 爲 辭 得以後世禮文執而求之。」此亦無 同異姓父兄賓客之詩,而醻酢射禮亦並 養老之文。況燕毛不及異姓,又安能 公劉慈仁,行不履生草,運車以 豈 知 肇 詩 耳,然猶勝强不知以 徵之《列女傳》,曰:「晉弓工妻謁 無 即《集傳》疑爲「祭畢而燕父兄耆老之 無 聖王制禮,必無祭後之射,尤無 用未詳也。 所用乎? 論稽之三禮,無文可考,縱使有之, 無乞言、《序》反增之。 曰:「夫孔熯之餘,再欲逞破的之 蓋 其非祭後燕也明矣。 姚氏 徵之《吴越春 至何玄子則直 爲知者。 云:「是詩者 古禮 則尤荒謬之 不可考,不 秋 >>, 避 故愚 以 葭 爲 可 固 然則 曰: 美公 于 華。」 亦 有 行 如 平 燕 射 U 何 行 舍

> 爲疑。 説雖 及耶 公曰 之樂,故又曰「曾孫爲主」,不必以「序賓 遠,則皆骨肉兄弟也。 遠具爾」,蓋承上來, 爲美公劉,則臆測耳。 之者衆。 葦,惻然爲痛之。」一徵之王符《潛 王塟枯骨,公劉敦行葦,世稱其仁。]案衆 感德。」一徵之《後漢 曰:「公劉厚德,恩及草木,牛羊六畜 非詩義,然公劉 君聞昔者公劉之行乎 其曰「序賓」者,特射禮爲然,他 觀詩引此 爲興、未必無 必 書》,桓榮曰:「昔文 以爲去公劉之世 詩曰「戚戚兄弟,莫 然則是詩 有是事,而 ? 因。 古 牛 |燕同 後 夫 羊 特 且 論 踐 姓 何 未 稱 葭

射 末章地步。 踐」,故知非泛然起興 禮 ,爲燕中事。 眉評』〔一章〕牛羊未有不踐 〔二章〕此寫醻酢,爲燕正 [四章]老者不射,故酌大斗飲之,座 者 比。 同一 筵燕而 面。 生草者,詩 有 (三章)此 分别 爲

中乃不寂寞。

吉也 發矢 張楫 也。 之稱,不必祭也,如宗子嫡孫之類。 也。 也。 也。 醓 酢 而 而奠之,不舉 未 醢之多汁者也。 進 也。 大 作 坼 不侮射以中多爲雋,以不侮爲德。 鍭 歌粤歌者,比於琴瑟。 |酒於客曰獻,客答之曰酢。 也。 老 「苨苨」、云「草盛 集 《爾雅》」金鏃翦羽謂 則 均 釋】敦聚貌、勾萌 體成形也。 背 皆中 也。 有 也。 鮐 **斝**爵也。 燔 魚 文。 賢射多中 炙燔用 也。 泥 泥柔澤貌。 夏日 引 徒擊鼓曰咢。 之鍭。 緝 時也。 肉、炙用肝。 導 主人又洗爵醻客,客受 也。 醆,殷 續 也。 也。 行道也。 醹 鈞 句 翼 曰斝,周 「陸氏德 参亭 厚 曾孫 御 彀 敦雕通 輔 也。 通 臄 侍 也。 也 也。 主席者 謂 П 明 日 台 苞 引 上 日 書 爵。 祺 獻 舍 鮐 滿 肉 甲

弟 馬。 並 同 炙二十二碼。 標 爾紙。 韻 葦 几 五 同。 尾。 叶 韻。 通 履 韻 四 臄 紙。 十藥。 御 體 六御。 八薺。 **咢**同。 斝二十 十 泥、 本

> 本 韻 句 韻 韻 二十六宥。 主麌。 堅 翼十三職。 先。 醹同。 鍭同。 鈞 + 福一 本 本 真。 韻 韻 屋。 均 斗二十 同。 叶 樹 韻 七 塵。 賢 -五有。 先。 侮 同。 通 韻 本

既醉 嘏詞也。

年,景 威儀 將。 年, 類。 助之誠。 祭品之誠。 告。 三章 融,高朗令終。單承「德」言。 其 介胤 介爾景福。 孝嗣之誠。 君子萬年,介爾 孔 既 命 維 醉 君子 時,君子有孝子。 有僕。 何 ? 朋友攸攝,攝 以 其告維何? 酒 萬 五章 年,永錫祚 後胤之錫。 既飽 福。 七章 其類維何? 昭 章 以 其 以 德。 明。 以下嘏詞。 天 威儀。 僕 胤。 既 孝子不匱,永錫爾 令終有俶 被 維 德。 醉 一篇之主。 爾 於是始錫福。 二章 何 以 贊助之誠。 禄。 ? 籩 酒 室家之壺。 ",公尸 豆静嘉。 釐 君 爾 君 昭 明 爾 子 殽 子 四章 六章 萬 嘉 女 有 既 萬

士。妾婦之錫。釐爾女士,從以孫子。以昌厥後。

其敬! 何其潔 謀。 之賢且: 爾以 於後 殊 尤無謂。 明德之光,即「籩豆静 言,其實以德爲主,不獨「昭明」、「高朗」爲 嘏之詞耳,何答之有耶? 葦》之詩。」因此章言祭,並前篇 太平」,既 後。「釐爾女士」、「從以孫子」,則 知前篇非祭,此詩亦非 祚 嗣 右《既 凡 所以 以 與内 化及於僕婦,後嗣之孝更貽 ! 「孝子不匱」,「室家之壼」,誠之著 **^** 爲 泛且 「朋友攸攝」,誠之萃於人 集 醉》八章,章四 助 誠 厚其身。 傳》云:「此父兄 也。 也又何其賢且孝! 泥。 誠者,德之極,有是德 孔氏 嘉」,誠之寓於物 錫爾以胤 又從 答,蓋祭而述神 句。《小序》謂 詩 雖 所 而 以 所 以 亦言祭。 附 於是錫 介 厥 答《行 和之, 以 也何 福 内 夫 昌 爲 孫 助 也

> 哉 ! 此 治 嘏 之光大,「令终」爲福之悠遠,舍德言 而 佞即諛,而豈詩 咏 化 無 後 膺 時 歌 熙洽之世,不克 其爲成王 是福 而 故諸 不錫以 祭者無 家皆 時詩也。 人意旨哉? 福 以 有 此非 事 爲 此 而 唯以「昭明」爲 祀 :光明俊偉之君 不盡 成 事,亦 王 其 時 誠 詩 不克當 故 福 神 誠

以傳神 下,次序分明。 何 福德雙題,三章單承德字,四章以下皆言福,蓋 元、明以來儒者,乃 意耳。 眉評】〔一章〕起得飄忽。〔二至八章〕首二 然非 (四章)以下雖言福,仍帶定 有是德何以膺是福? 有專主福而 不言德者? 德 詩 意 字。 借 甚 聯 嘏 明。 詞 而

恒 《春秋傳》 是。 氏安石曰〕 曰〕「高朗令終」,鄭氏 殺俎實也。 集釋】德 Ĭ 昭 明,明 明 而 將行也。 王德 德 未 也。 融。 日 也。 朗 融〔《集傳》〕融 「天既與女以光明之道,又 奉持而進之意。 統 虚 下昭 明 也 明 及祀 令終 明之盛 事之誠 昭 「姚氏 明〔王 也

牽合之。 而誤者。 使之長有高明之譽,而以善名終。」此説是。 《集傳》從之,非也。 何也? 自孔氏釋「令終」爲「考終命」,則又承鄭之誤 鄭氏妄以 「景福」爲「五福」,故孔氏遂 俶始也。 公尸

《集 即 以 永 終

傳》公尸,君尸也。

周稱王,❶

而尸但曰公尸,蓋

因其

公。」引證亦明。 類 指賓客之助祭也。 告善言以告,即嘏詞 士行者。 壺〔《集傳》〕壺,宮之巷也。言深遠而嚴肅也。 祚福禄 教道天下也。 人之嗣子也。《儀禮》,祭祀之終有嗣舉奠。 姚氏際恒 如秦已稱皇帝,而其男女猶稱公子、公主也。 胤子孫也。 從隨也。 《春秋傳》曰:『潁考叔,純孝也,施及莊 曰〕類,鄭氏謂族類,是。 《毛傳》以類訓善、《集傳》從之,亦非。 僕附屬也。 攝檢也。 也。 静 嘉清潔而美也。 釐予也。 孝子《集傳》〕孝子,主 曰:「謂廣之以 女士女之有 匱竭也。 朋 友

陽。 俶 明八庚。 【標韻】德十三 告二沃。 轉 韻 通 韻 融 福 嘉 東。 六麻。 屋。 終同 叶 儀四支。 韻。 本 將七 韻 叶

> 子同。 韻 十二震。 0 子 四紙。 叶 韻 類 禄 四 真。 屋 叶 僕 韻。 同 本 壺 十三 阮。 士 胤

本韻

鳧鷖 繹祭也。

來宗。 嘉。 五章 旨酒欣欣,燔炙芬芬。公尸燕飲,無有後艱 燕飲,福禄來下。 三章 鷖 爾殽既馨。公尸燕飲,福禄來 禄來崇。 公尸來燕來處。 在沙,公尸來燕來宜。 公尸燕飲,福禄來爲。二章 鳧鷖在涇,公尸來燕來寧。 既燕于宗,福禄攸降。 四章 鳧鷖在亹,公尸來止熏 爾酒既湑,爾殽伊脯。公尸 鳧鷖在潨,公尸來燕 爾酒既多,爾殽 公尸燕飲,福 成。 爾 鳧鷖在渚 酒 既 熏。 鳧

0 周 原作「同」 據朱熹《詩集傳》改。

几 七

以

鄭氏 之樂 爲 醴 祭七祀之尸。 明了,惜乎其未閱耳。」此説詩旨甚明。 巳, 有事 之繹,以祭之明日。 日,今有司徹 喻燕祭社稷 之「在渚」喻燕祭天地之尸,四章之「在潨 鄭氏又以首章之「在涇」喻燕祭宗廟之尸, 也。」此『公尸燕飲』是繹祭之事,疏語 『燕尸之禮,大夫謂之賓尸,即 |章之「在沙」喻燕祭四方萬物之尸,三章 詩旨。 而 而 于上 也 與尸燕,成王之時尸來燕也。』此 賓尸之樂」,然又有 右 於太 鳧鷖》五章,章六句。 姚 而《 章 氏 Ш 下曰:『祭祀既 是其 集傳》本之,因 廟、壬午、猶繹、是謂在 日 : 一「在涇」也,而 川之尸,五章之「在亹」喻燕 事 「《序》謂『守成』,泛混 《春秋》宣八年,言辛 也。 天子、諸 誤 畢,明 謂『祭之 0 此繹祭燕尸 曲 用其 孔 爲 侯 氏 日又設 分别 、祭之 明 分 則 日 明 説 而 别 謂 日 H 口

> 也夫! 乎? 涘耳 皆從 又將 水雖 譬在宗廟等處,豈尚知詩人用字義 前 誰 涇上推説,猶言涇之旁、涇之涯、涇之 有 且 屬? Ŧi. 燕 何 ,唯涇是名。 至以 諸儒 尸 而 配 説《詩》,大都如此, 衆 天地、萬物、山川、社稷 P 其餘 皆咏,則所燕之尸 沙、渚、潨、亹 哉? 可

者 [《集傳》]亹,水流峽中,兩岸如門也。 爾 也。 指王也。 深水會也。 集釋】鳧水鳥如鴨 爲 猶助也。 來宗尊 渚水中 者。 也。 高 驚 鷗也。 于宗 地也。 熏 熏和説也 宗廟 湑 涇 也。 酒之沸 水 名

麇。 成庚。 艱 東。 麻。 十五删 爲支。 下二十 通 標 韻 通 韻】涇九青。 韻 通 一馬。 叶 亹十三元。 韻。 沙 叶韻 六 渚 麻。 六語。 寧同。 熏十二文。 宜 潨 四 東。 處、 支。 清 湑並同。 八庚。 宗二冬。 欣、芬並同 多 五 馨 脯 青。 嘉 七

假樂 詩用未詳。

百辟 「宜人」。 儀抑抑,德音秩秩。跟「令德」。 王。不愆不忘,跟「令德」。 福,跟「受禄」。 跟「宜民」。 于天。保右命之,自天申之。 宜民」。三章 卿 假 士,媚于天子。不解于位,民之攸塈。 樂君子,顯顯令德。 率由群匹。 四章 之綱之紀,燕及朋友。跟「宜人」。 子孫千億。 受福無疆,四方之綱。 率由舊章。二章 穆穆皇皇,宜君宜 宜民宜人,受禄 一章 無怨無惡 干禄 威 百 跟 跟

無非 露 近 章四句,季明德分爲三章章八句,皆不必從。 此分章從舊本、《中庸》引此詩首章可證。 諛矣。 ,故不知其爲何王,亦莫定其爲何用矣。 奉上美詞,若無 右《假樂》四章,章六句。〔姚氏際恒 其所 用既無考證,詩意 「不解于位」一語, 嚴氏分爲六 亦未顯 此等詩 日 則

> 近焉。 入樂。 也。 詩中,實爲變體,故又另爲一格也 賓筵、祀事、嘏祝、頌禱之章,後世因 以爲據哉? 自《行葦》至此四詩,大抵 疑爲下章之武王咏也。 祭武王之詩,則 篇在《鳧鷖》後而言也。至何玄子更以爲 序》云「嘉成王」,以其詩次成王之世 《集傳》疑即公尸之答《鳧鷖》,又以 唯體兼小雅,在《文王》、《生民》諸 世雖未詳,而 因《中庸》引詩以證舜,故 以爲成王咏者,庶 皆臆測也,而 用 何 而 幾 以 皆 可 其

言之。〔四章〕至末始寓規意。 【眉評】〔一章〕一詩大旨,全在首章,以下第承

燕安也。 也。 王 天子也。 中重也。 【集釋】假〔《集傳》〕《春秋傳》皆作嘉。 解惰也。 抑 穆穆敬也。 抑 密 塈 息也。 也。 秩 皇皇美也。 秩 有 常 也 君諸 兀 嘉,美 類 侯 也 也

【標韻】子四紙。德十三職。 叶韻。 人十

韻。 職。 叶 韻 塈質。 秩 紀紙。 天 四 皇 質。 七 叶韻 先。 友二十 陽。 兀 申 同。 王、 真。 ·五有 通 忘、 通 韻 章並 韻 士 疆 紙 同 福 陽。 子 本 屋 同。 綱 韻 同 億 位 抑 職 本 四

公劉 始遷豳也。

舟之? 篤 在 于 覯 宣 弓矢斯張,干戈戚 目前 公劉 公劉 時言言, 于京。 足食。 無 逝彼 三章 ,于胥斯 公劉,匪 維玉 永 京師之野,于 ,于時 迺裹餱糧,于橐于囊。 歎 篤公劉,于 及 百 1泉,瞻 語 瑶 原 陟 居 湯,足兵。 爰方啟行。 語。 則在 ,點染華貴。 匪 既庶既繁、民衆。 康 彼溥 描 巘,復降 京 時 摹遷 斯 迺 原。 處 埸 依 都 鞞琫 處 人衆未定景象, 迺 迺 一, 于 在原。 思輯 疆 容 蹌 陟 蹌 時 南 刀。 迺 既 用光。 濟 廬 出 一章 何 順 積 二章 濟 旅 以 迺 迺 乃

> 之即。 皇澗 陽, 四章 執 俾筵 亂 得如許風 徹 豕 田 觀其 取 爲糧 于牢,酌之用匏。 俾 篤 遡 厲 竟住,妙。 雅。 几 公劉,既 取 流 其 泉。 鍛。 五章 過 税法。 落 澗 成宴飲。 六章 其 止 篤公劉,于豳 溥既 度其夕陽,豳居允荒 新 基 軍三單,兵制。 居 迺 既登乃 長,既景 如 食之飲之,君之宗之。 理,爰衆爰有。 畫。 止 依 斯 旅 迺 館 迺 度其隰 岡,相其陰 乃 密, 造其 涉 芮 夾其 渭 偏寫 曹 原 爲

作,同 遺詩。 耶 ? 事 時 辭 「《小序》謂『召康公戒 者 而 ,召康公亦未 ,然皆明著其爲後 後有此哉? 右《公劉》六章,章十句。 金仁山謂《七月》及《篤公劉》皆豳之 蹈 其言曰 厲。 有據。 七月》亦然,豈至周、召之 『《篤公劉》下視《商 且周詩 成王」。 《集傳》漫從之, 人之作。 古 有追述先公之 按,詩 姚 《生民》之 氏 頌 無 曰 | 諸 何 戒

未

必

不

世

强

豩

舊

作

然則此詩 蟲,其聲音名物,圖畫所不能及。安有 詩,極道岡阜、佩服、物用、里居之詳。《 之事。此皆後人之作也。若《篤公劉》之 心附會周、召處,明白顯然。 之周公,則此詩不能不屬諸召公矣。 周、召之徒傳之以 知決爲豳之舊詩也。』案,此説深爲有 之七百歲而言情狀物如此之詳,若身親 月》之詩,上至天文、氣候,下至草木、昆 詩,述后稷之事也,而終之曰「以迄于今」。 縣》之詩,述古公之事也, 聯名具 ,亦可概見。 此爲召康公作者,蓋因《七月》既 分而屬之誰作者,適 又其末無一語追述之意,吾是以 者固當日豳民咏公劉之舊詩,而 上,以 陳于 二公當 見同 心輔 嗣王歟?」愚 而係之以文王 成其私心臆測 日陳之王 即二詩之爲 政之誠。 其 有 理 一前 見 去 而 謂 何哉? 乎是。 以整屬 之本。 置。 之見 都 館 並言焉。 邑。 以 處 而 已。 之。

之者?

《序》以

都之事已畢,而更度其夕陽以爲之地者, 並立税法,糧什取 至五章,區畫略定,乃定兵制,軍分爲三, 四既落成而燕飲之。 無咨嗟怨歎之言。此國之所以日大 時言」、「于時 首章將言遷都,先寫兵食具足,是爲民信 三寫民情歡洽,「于時處」、「于時 或夾皇澗,或遡 古人舉事不苟如此。次 其民,乃開國大計,非泛然者。 周家世守成規,有由來矣。 豳居之境,乃益擴耳。 蓋舊民雖安,新附日衆,不可不設 此寓兵于農之法,千秋軍制無 于 是烏可 語」,莫非鼓舞操作氣象,毫 是更即芮 0 與 過澗,莫非民居,悉成 君乃爲之立長分宗, 談 民即兵,兵即民,故 大雅 水之外,廣 之樂哉? 首尾六章 相度地勢。 廬」、「于 至 爲 此 也。 過 迨

也 無 覩 開 遺 其 哉? 金氏之言大有見也。 或 事 宏 又況千百載下人,能執筆摹而 而胸有條理者,未見其如是之覼 規 居瑣務,無不備具。 故録之。 使非 爲 之 縷 親

無疆也。 【眉評】〔一章〕遷都之始。〔二章〕度地之宜。 〔三章〕民情之洽。〔四章〕燕饗之樂。君宗即此亦定。 〔五章〕軍制税法並寫,蓋寓兵于農也。〔六章〕新附民 至。 〔二章〕度地之宜。

地,故 也 也。 囊。 也。 失官,而犇于戎狄之間。 豳風》。 》傳云: 巘 官 輯 餱 遷豳。 集釋】篤厚也。 和也。 食 徧也,言居之徧也。 山 〔陸氏德明曰〕王肅云:公,號。劉,名也。 公,爵。 也。 頂 也 場田小界也。 戚 糧 劉,名也。 舟未詳。 斧也。 糗 也。 公劉爲不窋孫,自不安于戎狄 揚鉞也。 公劉后稷之曾孫也。 居安也。 無永 疆 玉 囊 瑶 田大界也。 無底 歎 胥相也。 得其所,無 一句「姚 康甯也。 日 積 氏際 有 順 露 不窋 事見 嗟 底 《尚 積 安 恒 怨 E

> 耳。 上玉 鞞作琿耳。《集傳》解容刀爲容飾之刀,❶謬。 謂公劉自邰遷 人于涇水,自平涼 後達于今西安府之邠 時爲義渠戎國。 戎,其地即慶陽府是也,有不窋城,又有不窋 是其地因詩『百泉』而得名。」何玄子曰: 「不窋竄 漢爲朝那縣,屬安定郡。 地理家言衆水所聚爲得水也。」曹氏據杜佑云:「百泉在 刀上玉飾,何能容刀? 鞞爲刀鞘,又云「或云容刀謂鞞琫之中容此刀耳」, 曰鞞,混鞞爲珌,非是。 但言琫,不言珌。 佩 曰〕舟、《毛傳》謂帶,或謂佩,今未詳。 玉 飾。 也。 百泉〔姚氏際恒曰〕百泉,嚴氏曰: 珌,刀下玉飾。 「鞞琫容刀」,言佩刀也。) 豳,而 厥後公劉往遷于豳,蓋道慶陽、平 容刀,謂鞞之容此刀也。 而來者也。 百泉遂茫然不知其處矣。」溥大也 州。 尤謬。 珌又與 蹕同,非鞞也。 在唐爲百泉縣,屬平 《小雅》「鞞琫 邠州乃涇流 故詩人咏及之。 總于諸字之義全未清 鞞,刀 有 所經,而 「維玉及瑶」,言 「泉,水也。 珌」是也。 《毛傳 也 塚。 涼 又上既解 舊説但 蓋 百 郡 琫,刀 》謂 于西 琫爲 誤 泉 涼 則 秋 而 當 今 楚 以 下 此

「容刀」,「刀」字原脱,據朱熹《詩集傳》補。

0

+ 傚 出

以

雖

以 諱

異

之禮 此,則 徹、《毛傳》訓 卒,丁夫適滿三 造其曹」至末,言與群臣燕飲之事。 之」字,皆指 妙妙 于是也。 稍遜,然自是 正 而行之,故 高邱 畝 是 一筵,設同几,爲依神也。
] 正此詩義。」此説 氏 謂 姓 公劉 進神之衣服 四 際恒 宗師 宗廟之禮 也 方 蹌 之臣言, 也。 也。 君之宗之」,謂 動也。 者 日〕何玄子曰: 廬 想 古 于 治。 群臣言。 師 寄 亦 寓兵于農之義 蓋 亦依乎 一軍之數,迂 此治 稱君; 衆 起於 司 于坐 也。 單 按: 解, 濟濟言 也。 田 此。 不 姚 也。 井 存之亦足以備參考。 旅 此 [案]此説與吕氏建國立 京 然 爲 以 公劉以 田 氏 一齊也。 矣。 賓旅 糧 依 師 同姓之臣 其 鑿 「京即上 起于三代,商 際恒 爲 後 高 未然。 故營建 以 如 商 神 也 世 丘 爲國 之臣 此。 日 筵、几,乃供神者。 所 身爲 大 而 單 依 章京字。 殺 于 以 言 衆 用 甫畢,即 徹 鄭 敢 虚 也。 所都爲 豕、酌匏,禮 居 京 群 人行助 稱宗。 氏 變商之法 姚 也 斯 也 臣之君宗 助 謂 氏 祭 景 法 可 單 人既 謂 是舉 依 京 董 存。 統 際 法,公劉 爲 考 宗 合 師 氏 *\frac{\times}{\times} 恒 夫七 之義 依乎 日 簡 乎 無 軍 上 遷 也。 万乃 日 登, 日 也 章 景 四 不 廟 羨 盡

時

姚

京

所

謂

登

一鋪

分? 作? 後之别 《孟子》之文明相反乎! 也。 養公田。 也。 均分其粟爲九處,公取其 家各自耕百畝 敢 朝 其 居 可 且 公九百畝,非皆私百畝矣,更不分公事與私事矣。 此始。」其説謬也。 也 治私。 行 詩云「雨我公田,遂及我私」,既無公私之分,又 家皆私百畝,同養公田。 」。《集傳》曰: 變 後周公增爲 也 若 更之號焉。 也。 蜀 其 適以長其争 與 ? 謂 基 舟之截流横 中 通力而 耕則通力 故 勺 勤 定 孟子 陽 惰 也 如 百畝 同 其 作 山 作,計 讀 總之,商 「一井之田 出 端,又安能 西 止 (説,九 《孟子》曰: 之制 理 而 下雨 渡者 力耕公田百畝,如今之「當官事」是 也。 作,收 誰 疆 畝 我公田」之詩 因 也。 爲之察? 百 而乃引《孟子》文于前,何 理 允信也。 一,八家取其八。 而分,是八家合耕九百 周皆有公田 取 公事畢,然後敢治私事。」八 畝 則 也 九百畝,八家皆私百 相 此 「井九百畝,其中爲公田 計 之廣地,安能 厲 友助 詩 畝而 衆 砥 徹 也。 多 人 荒 而 分。 "皆治 之 寡 而 名 親 大也。 衡 謂 也 鍛 睦 周之徹 則是八家皆 量 乎? 字,以 鐵 公畢,然 雖 有 也。 館 誰 鼓 周 畝 畝 爲之 何 愈 客舍 而 法 必 也 不 亦 爲 田 止 衆 齊 百 不 先 與 自 助 後 本

四 七八八

彼

北 也 東人涇。 皇、過 《周 二澗 禮 名 職 方 》作 汭。 》〕芮 鞫 水外也 ,水名, ,出吴山 西

匏三肴。 歎 十四 1 陽、 爲韻。 轉韻 六諫 同 濟 韻 揚 韻 八薺。 荒並 行並同。 叶 泉先。 泉 寒。 標韻 澗 韻。 顧氏 處六語。 先。 同。 同 通 几 原元。 韻。 四 以 】康七陽。 理紙。 本韻。 單 原 自 本 纸。 爲 + 元。 韻 爲 無 之、之、之、之四支。 旅、語並同。 通 四 依 韻 韻者,非。 有二十五 寒。 通 韻。 微。 原十三元。 館 疆、倉、糧、囊、光、 韻 密 十四旱。 原 叶 瑶二蕭。 四質。 元。 韻 長陽。 有。 岡 本韻 繁同。 七 通 即 亂 曹豪。 叶 陽。 刀四豪。 十三職 + 韻 韻。 尚 Ŧī. 宣一先。 四 依 京 同。 翰 糧 字 牢 八 澗 Ŧi. 張、 庚。 陽。 自 同。 微 本 通 鍛 +

泂 酌 彼 泂 行 酌 潦, 召 挹 康 彼注兹 公戒 成 王 可 也 以 餴 饎 豈

> 注兹 弟君 君子,民之攸塈。 泂 酌 可 子,民之父母。 彼 以 行 濯罍。 潦,挹 彼注 豈弟君子,民之攸歸 章 兹, 泂 可 酌 以 彼 濯 行 溉。 潦, 贵 挹 弟

依樂從 戒。 誠。 既久,亦姑從之。此等詩總是欲 不 不 壓」者,爲民所安息也。 祥豈弟之念,而後在下者有 「召康公戒成王」,未知其何 自居,外視其赤子,則小民 人,當以父母斯民爲心。 知 似 其 唯 小 曰「攸歸」者,爲民所歸往 右《泂酌》三章,章 何 其 雅 夫父母? 體 故 之 ~ 發揚 耳。 近 乎 風,匪 蹈 故詞若襃 厲 剴 獨 蓋必 五 使君子 不 切 句。 又豊 所據 直 類 美 親 在 也。 大 陳 而 附 不 如 上 小 者 雅 在 意 以 來 者 然 赤 序 日 則 且 實 子 父 上 相 有 攸 並 勸 母 之 相 慈 傳 謂

【集釋】 泂遠 也。 行 潦 〔孔氏穎達 日 二行 道 上

溉 以 使清潔也。 故 雨 水流 有父之尊。 水沃之,乃 亦滌也。 聚,故 孔 云流 再烝也。 弟以 氏穎 潦 悦安之,故有 也。 達 饎 曰〕《傳》云: 餴 酒食也。 [《集傳》]餴, 母 豈弟豈以强 溉 之尊。 清 烝 也 米 濯 謂 滌 教之, 熟, 洗 也。 之 而

叶 四 韻 標 墾 十 韻 韻】兹四支。 灰。 歸 Ŧi. 微 饎 通 四 真。 韻 母二十五 溉 五未。 有。 塈

塈

息也

通

子,人。 君子 矣。 伴奂爾游矣,承上「游」字人,勢甚便捷。 命 二章 長 ,俾爾彌 豈弟君子,俾爾 矣,有 有 爾 來 卷者 土宇昄章,有土。 游 卷 壽。 阿,地。 四 來 爾 歌 茀 性,百神爾主矣。 三章 召康公從游,歌以 游。 禄 飄 爾 彌 風 康 以 爾性,似先公酋矣。 亦孔 自 矢 矣。 其 南 之厚矣。 有 音。 時。 福 優游 歌。 太太王 豈 **豈弟君** 一章 弟 豈弟 爾受 爾休 也 君

十章

于天。 子。 六章 翼 子 既閑且馳。 君子之車,既 矣,于彼朝 能愛民。 藹藹王多吉士,扈從之盛。 璋,令聞 君子,四 有 ·, 俾 能忠君。 鳳 輔。 爾 八章 藹藹王多吉人,維君子命,媚于庶 凰于飛, 翽翽其 令望。 彌爾 方 有孝 陽。 矢詩不多,維以遂歌。 爲 七章 鳳凰鳴矣,于彼高 性 庶且多。 則。 有 有 菶菶萋萋, 雝 德 純 鳳 名。 五章 ,有德。 嘏 凰 贵 于 爾 不脱游字。 弟 飛,翽 羽,亦集 顒 常 維君子 君子, 矣。 以 顒 雝 引 印 翽 四 岡。 喈 以 爰止 使,媚 卬 四 君子之馬, 其 章 喈 應首章作結 翼 ', 如 羽,亦 方 梧桐 有 爲 九章 于 紀瑞。 圭 贵 馮 綱。 生 傅 天 如 有

六句。 年》,以爲 王」,未見其必 右《卷阿》十章,六章章 姚氏 成王三十三年,遊于卷阿, 曰:「《小序》謂 然。」又曰 :「或引《竹 召召 五句,四 康 公 書 戒 章 召 康 紀 成

乎? 意。 據 王游 公從,政 嘏 者 必 詩 卷阿之上,因王之歌而作此以爲戒。」當信 又不云乎「矢詩不多,維以遂歌」也。 夫 有卷者阿 極矣。 而 也 性天以弗遺 ,胥於是乎在 深信 端 性、 記 ? 卷阿,而公因有是詩以 二、三、四 反 也 又何待旁考他 總敘以 疑 《集傳》亦云:「疑公從成王游 附 而統 中 之,亦由其心之游移未有 無 ,豈弟君子,來游來歌」矣,卒 謂 間 德, 疑 此 充 章 借 爲全篇之冒,是一段卷 而 則 此 而 滿 而 歸 有 游 何也? 云 其 德之内蕴者然也。 似 之 後 土 陳 性 書 日 一、有 先公、主 來 詞 不 量 ,然後足信 故 俾 福 足信。」 壽、有福 而 詩首章不 稱 陳王前之一 爾彌爾性 禄、徵。 無 頌 一百神、 間, 中 殊 其 又 有 知 可 定耳。 常 悦 日 謂 勸 呵 爲 此 云 此 Ŧī. 純 怡 彌 蓋 頌 戒 游 於 有 證 非 平 IF.

瑞人 帶 其 才日 忽題 其 然 應 盛 喈 陽 而 諷 六 天子」,「媚于庶人」也。 才德具備 吉人」,豈 作 咏 盛 "階」之象,自足 ,此其所 民 德之外著者言之。 無 焉 而 兩 章,曰 定 收。 游 鳴高 也。 盛。 鳳 喜,有不 材雙美並 凰以 是前 解 時 九章復即 者虚 章法 虚 哉? 車 即 以 馬 半 與吉光瑞 此 譽 頌賢臣,曰「王多吉士」,「王 四 ·期然 爲周、召學歟 咏。 極 並 寫 哉? 方爲則 寫 一游 又《大序》云:「言求 爲 點 君 以 而然者。 明 明 鳳凰之集于梧 君顧之而君樂、民 番,則「菶菶萋萋 想 德,後半 蓋自鳳 備 作詩意旨 羽 見其「蹌 雖 時扈 7,互相 ,何諸家議 然猶未足以 四 日 ? 方 故 從賢 祝 喻 鳴于岐, 煇映。 爲 七、八兩章 頌 蹌 又 與首 臣 不忘 綱 賢 曰 臣 濟 桐 論 濟」之 雝 賢 望之 末 尚 向 形 媚 故 無 而 則 多 乃 用 朝 干 非 唐

媚。 子。 公有 天子 乎庶人」而已。 其所以寓規於頌者,在「媚于天子」與「媚 之盛,不待求而自足者可知也。召公不必 吉士也。」不唯止説得詩之後半面,且並似 歌 心滑過,徒賞其鍊字之工也。至嚴氏 庶人而不能事天子,庶人未必媚。即能 勸王求,王亦何必待召公之勸而 夫既曰「藹藹」,而又曰「多」矣,則其人才 之所自爲。 咏、欲 尚 |多吉士」、「吉人」二語亦並未嘗讀者。 是 而 鑿實爲指賢。 淺,任用非人,故作《卷阿》之詩,反 明農之請,將釋天下之重負,以 能愛庶人,乃能媚乎庶人也。 不能愛庶人,天子亦未必 「媚」之一字,似頌而實諷,不可 以 動 康公慮周公歸政之後,成 悟 蓋能 成 王。 此尤如夢 事天子,乃能 因以 每章「豈弟君 初 醒 後用哉? 純純 爲 媚乎 且能 其 謂 以 王 聽 天 覆 涉 所 愛 私 周 輕 事 王

心測古聖,詎能得其要領哉?

新。 義。 [十章]總收因游獻詩意。 三章俱以「彌性」作主。 所謂賢,無過忠君愛民。 著乎外者。〔七、八章〕二章就實景以喻賢臣。 内者。〔五、六章〕二章爲則爲綱,即從德望來,乃德之 〔九章〕承上再虚摹一 似先公、主百神、常純嘏、端賴乎是。 眉評】[一章]總點作詩之由。 彌性兼充滿無間、悦怡 詩特鍊一「媚」字,遂覺異樣生 層,喻意始足而文心亦鬯。 \subseteq 此德之裕平 而臣 四章 2

販當作 王也。 稱歟? 無虧間 也。 [姚氏際恒日]先公,似指文、武。 際恒曰〕彌,《釋文》:「益也。」「彌爾性」,謂充足其性,使 展之意。 翼 也。 毛、鄭作賢人看者,非。 版, 輔 酋终也。 集釋】卷曲也。 優游起居自適之意。 也。 版章,猶版 不可解作「終命」,亦不可説 顒 顒 昄 圖 印 章〔《集傳》〕昄章,大明也。 也。 印 阿大陵也。 尊嚴 茀、 矢陳也。 爾指 當日 也 嘏 王也。 皆 先王,抑 入理障。 豈弟君子指 鳳 福 伴矣精 凰 也 彌 靈 亦可 先公 鳥也 が姚 馮 或 神 依 \Box 百 氏 舒

喻, 見。 鹿 雄 東方君子之國。 後 日 蛇蛇 亦 鳳 本 初,鳳鳴于岐 雌 頸 地 魚尾 日 風 凰。 光也 ,龍文龜 見則天下大安甯。」〔案〕鳳 孔 Ш 翽 氏 ,故鄭氏謂 背 穎 翽 燕項 達 羽 日」天老 聲。 雞喙,五 時鳳 藹 日 藹 凰 色 衆多 至,詩因 備 鳳 靈 象 舉 鳥, 也 以爲 不常 出 麟 媚 于 前

順

愛也

同。 德、 韻。 休、 十三 萋 同。 先。 八齊。 **酋並同。** 翼、 覃。 本 本 長七陽。 人十 韻 韻 則 音十二 《韻】 阿 喈 隔 並 一真。 九 句 止 同。 本 佳 叶。 康、常並 四 韻。 侵。 五. 紙。 本 歌。 人 通 出 韻 韻 同。 陽。 厚二十 通 士 歌 同。 韻 同。 通 陽 子 印 多 隔 五有。 本 陽。 歌 韻 並 同。 韻 本韻 同。 韻 叶 璋、 馳 本 鳴 主七虞。 隔韻 四 本 韻 翼 游 八 望、 支。 韻。 庚。 十三 + 隔 叶。 句 綱 多、 叶。 職 尤。 生 天 叶 南 並

敬

慎

威儀

以

近有

德。

三章

民亦

勞止

無

縱

詭

隨

以以

謹

罔

極。

式遏

寇虐,無

俾

-作慝。

882

民

亦勞止, 汔可

小

息

惠此

京

師

以

綏

四

或

以

爲

民逑。

無

縱

詭

隨,以

謹

惽

怓。

式

遏

寇

虐,無俾民憂。

無

棄

爾

勞,以爲王休。二章

四方。 正君。 遏寇 虐, 憯不畏明。 民 安民。 章 亦 勞 民 民亦勞止 勞 止 無 縦詭 沱 召穆公警同列 可 隨,以 柔遠 小 康。 小 能 謹 惠 休。 邇 無 此 以 良。 以 中 惠 戒 定 國,以 此 防 王 我 姦。 中國, 也 王。 大 绥

謹 五章○□《集傳》〕《春秋傳》、《荀子》書並作 式 此 而 小 遏 惕。 中 式 醜 寇虐 弘 厲 或 大。 惠 右《民勞》五章,章十句。 或 ,無俾正反。 式 此 無 四章 中國 遏 有 寇 殘。 虐,無 俾 民 亦勞止, 汔可小安。 民 無縱 王欲玉女,是用 俾正 憂 泄 詭 敗。 隨,以 無 簡」,音 《序》謂 戎 縱 謹 雖小 詭 繾 隨 大 石召 以以 綣。 惠

歌

並見上。

叶

韻

言

安乎? 故全詩當以中四句爲主。 皆然,特各變其義以見淺深之不同,而 唯末二句輔成君德,似戒同列辭耳。 穆公刺厲王」、《集傳》謂 始。」嚴氏粲曰:「穆公戒同 諸夏之本。 聽,冀君有以格其 公未便直陳君惡,故借同僚相勗言以聳君 同列,實則望君以去邪爲急務也。 每章首言民今勞弊,可少休息。 國以 無道時,王必信用詭 四句尤反覆提唱,則其主意專注 公之用心可謂勤矣。濮氏一之曰: 四句 姚氏 民 蓋姦不去,則君德不 爲本、民勞則國危。 以爲皆是。 説 欲安四方之民,當自恤 防姦,非君上不 非 心 愚謂詩起 隨 而同歸於治焉耳。 一乃同 人以寇虐天下。 列之用事者 成,民亦何 今周民 足 列 四句説 京師者 以 公當厲 雖曰 防 相 當此。 京 戒 每章 亦 女妓 疲 師 戒 能 中 安 之 也 者。 外而 虐。 熟而 召禍 隨者 朱氏 詭 勞矣,庶歲 而 何 隨 善 取 詳 無 而

王

可知

間

民,中

辭」。

之本,非寇虐無以 善良之士也。 取寵,皆爲自利之計,而非忠於所事,實非 心知其非而詐順從之,此姦人也。 **詭隨,則可以謹防無良之人,用遏止其** 上位者縱之爲患也。 根本,愛此京師則可以安天下也 者,柔惡之所爲,寇虐者,剛惡之所 此理甚明,可 惲正直,故詭隨之人得肆其志,是居 亂、致寇虐。但權位尊重者往往樂軟 日 詭 於詭隨 内,惟『柔遠能邇』者可以安吾君, 所傷拂,則目爲良善,不知其容悦 隨 : 可以 與寇虐互相 非 苟喜其甘言而信用之,足 乎?」二説皆深知召公心 詭 小安之乎? 痛其不畏明也 隨 威下,而 無 今戒用事者無 以 爲奸,尤難遏止。 媚上,而 遂詭隨之志。 京師 人 爲寇虐 治道略 諸 詭 縱 見詭 隨 夏之 此 以

發

是

詭

隨

不

除,寇

虐

何自

止

哉?

夫

詭

王休。 極,曰 以 結 以言窮者也。 隨 則 諫 威 王 知明命之當畏,民憂之足慮,「無俾作慝 而 女 責之之 言女身雖微而所係甚重,不可不謹。 句,始則正告之以「柔遠能 室。 一 儀 情狀,不一 必大用女。 至於敗,常反經而無乎不爲也。故末二 痛絶之耳。 君心而 」,言王將以女爲材而寶重之,吾用是器 始 有 醜厲,曰繾綣,皆小人之變態 固 三則不徒遠惡,尤當親近有德 所 繼則姑誘之以無棄前功,乃可以 詞 規諫 不可 也。 四 而足: 焉。 迨至詭隨除 而就中唯繾綣 王大用女,則天下安危、民 日 解,故終之以此,欲王深惡 五曰「王欲玉女,是用大 「戎雖小子,而式弘 何者? 日 無良,曰惽怓 而 邇」,乃可以定 蓋王寶重女, 寇虐止 一類,唯 而 一,然後 大, 能 蓋 莫 日 深 成 固 圣 而 可

> 蓋 列者,惜乎無可攷耳 生 休 述作詩之旨也。 戚 係 女 ___ 身, 此 而 必 可 有 無 所指 言 非 以 泛戒 相 勗 同

見安頓之法。 換,又一格也。〔三章〕京師爲天下根本,故以居中。亦換,又一格也。〔三章〕京師爲天下根本,故以居中。亦《眉評》五章章法一例,唯於字句淺深間見變

深。 固牢 也。 懷詐 盡 戎 達日〕其憂寫泄而 也。 昭二十五年《左傳》: 反 汝 而爲不正也。 相著之意。 面從也。 罔 玉寶愛之意。 柔 也。 (集釋] 汔幾也。 安也。 極 繾綣小人之固結其君者也。 爲惡無窮極之人也。 謹敛束之意。 能 正 去。 正 順 反反於正 「繾綣從公,無通外内。」則 一反則 習 厲惡也。 也。 無正 詭 隨 逑 也。 憯 矣。 惕息也。 聚 [嚴氏粲日]詭 正敗 曾 每 正 也。 也。 章 敗 孔 言 者 惽 正 明 愈 道 泄 敗 氏 怓 天之明 切 敗 繾 穎 而 孔 猶 而 詐 已,未 綣 達 壞 意 氏穎 讙 日 也 也 愈 譁 命

標韻】康七陽。方、良並同。明八庚。

大九泰 並 尤。 王 同。 休 本 同 轉 反十三阮。 · 韻。 通 韻 叶 韻 韻。 惕八霽。 休 安十四 + 息十三 諫十六諫。 尤。 泄、 職。 逑 殘同。 厲 同。 叶 或 並 同。 怓三 極、慝 本 敗十 一肴。 卦。 綣 德 憂

板 凡伯規同 僚以警王 也

治矣。 不遠。 灌 遠,是用大諫。 維 事,及爾同僚。 _{慢天}。天之方蹶,無然泄泄。辭之輯矣,民之 熇 以誘之。 小小 服,勿以 子蹻 不 辭之懌矣,民之莫矣。二章 三章 靡聖管管,非聖。不實于亶。猶之未 一帝板 口 爲笑。 先民有言, 詢于芻蕘。 蹻 救 板,下民卒 天之方 藥。 一章 我即爾謀,聽我囂 匪 我 危詞 虐 言 天之方難 以警 無無 耄,爾 癉。 之。 然 出話不然, 謔 用 四 無 謔 章 。謔。 囂。 然 我 天之方 老 憲 夫 雖 我 遜 憲 將 灌 異 詞

> 天日 子維 翰。 師。 以此作收,令人凛凛而敬心自生。 如 懠 之怒,無敢戲豫。 之多辟,無自立辟。 方殿屎,則 垣,大邦維屏,意不過得人,而措詞極警。 圭, 無 養。 明, 城。 懷德維 如 爲 五章 及爾 取 夸 無俾 莫我 如 毗 寧 攜 天之牖民,教。 出 ,唯德是輔,故五者 城 敢 威 王。 壞,無 敬天之渝,無 葵。 攜 儀 六章 無 卒 昊天日 迷,善 獨 日 喪 八章 益 亂蔑資 价 斯 牖 畏。 人維藩,大 如壎如箎,如 旦,及 都 以 敢 載 民孔易。 此 八,曾莫 七章 户。 馳 句 爾 八爲主。 驅。 大宗 游 師 敬 惠 民 天 宗 維 維 民 璋 我

上 略異耳。 亦 規 相 説。 同僚以警王也。 「用大諫」在 類,且出一手。 右《板》八章,章八句。 此著意違聖慢天,故多從天命言。 且 前 著意詭隨寇虐,故多從 章 一首 前警同列 前「用大諫」在篇末,此 也。 大旨 此與前篇 以 不殊 戒王 而 一,此 章 不 法 但 亦

四

八六六

自是。 屬之凡 者。 哉 ? 足法 爲 而 震 儔 也 所 聽,王道 聖遠大謀猷 無忌者,以天爲不足畏 不可者? 立 怠 贵 ,亦不能 或 事 怒,降災下民。 池,以 前 勳 知禍由 雖 我用是 我言雖微 蓋 雖 主德之衰,又莫衰 伯 舊 資辛 放蕩自恣,凡 與 與 一故借 不 召公耶 爲 且夫人 輯 人 肆 諸 人哉? 同 爲諸公懼,且 ,靡不蔑絶以遂其私。 此詩。 而 情若大 其 公異,而 中 民治,辭懌而 而 欲。 重二公名 天意與人心若甚遼 ? 則有 心之患,莫患於非聖而 實 自是者,又以聖爲 可 即以之分屬二公,奚 相懸,而 故 蓋厲 上天昭 參 忝 物 古聖 而 一爲諸: 於慢天 列 予智自 王 耳 願 口 民 鑒在兹,又無 時 法言不 公島。 贵 勿笑焉 朝 定,有 知治 然 唯 則 雄、凡古 而 故上帝 則 非 此 何 無忌。 我之 二公 僚 甚 必 以 民 然 不 友 邇 分 何

而

箎

和

也

如

璋

判

而

圭合也,

取則

得

而

攜

泯

滅

以

故

天之牖

民

其

覺甚

易。

如

壎

唱

者。 以 唯 媚以 以欺 天心至仁,而 以爲昏耄妄言 唯 聽 吾民,已覺難 上 不分,威儀迷亂 火之燎原,不 則 無 況 愁苦呻 有 ? 下,方且迷亂 老者知其不可 箝 毗 世 爲 際兹喪亂 僚 昔者 訓 П 人,世或 友乎? 吟而 尸 或信 至 先 位 於 爲之。 或 可 民 ,資財蔑亡 、隱忍不 而 無 撲 取 其 亂 懠怒者,則以 ,雖有賢者,難以自白 有言, 暴虐,無敢 而 且. 更驕焉,是以 所控告者也。 真 焉 其容悦而 滅,其可 正告之。 天 能 耳。 上而 方虐 ·言而 而 芻蕘之言, 蓋 用 人有 曾 救 威,未 揆 任之。 之。 己。 小人好爲夸大 倘 小人用事 藥 無 度 秉彝, 乎哉 憂爲戲 少 其 恩 此 又工 然 者 可 惠 其 所 民 則善惡 ? 戲 不 未 於 下 以 君 之所 口 信, 逮 然 則 採

敬畏。 壞,而 本。 爲之奈 則 苟 曰 吾城者也。 翰,且並可以爲城,而總視乎君德以 敬天爲主。 多辟,又豈可自立 猶 無 變也,不愈甚 將至矣。 也,大邦也,大宗之與宗子也,皆所以 隨。 不與之隨。 不之敬,而戲豫自荒,馳驅無忌 方懠,其變也 一出入而天無不與之俱,人一動息 有德則安,無德 ,況怒且 王且獨居矣。 何? 上之化下,何 日 板板 而 板, 曰 吾城壞, 可 人可以爲 乎? 渝 日 日 忽乎哉? 王道 不 明 方難 邪 一,則 日 蓋天之陟降 欲 則危。 莫不 以 王且 則藩 辟 回 旦,狀天威 藩、爲 , 日方蹶, 日方虐 得 以 天者 其怒也 . 然? 至於天變,尤當 獨居,則 人爲盛,君 導之耶? 垣 价人也 將舍敬 屏 垣、爲屏、 日 翰 也。 今者民 亦 監 ,則怒而 無 可 大大 不 在 畏者 乎不 爲之 平 其 而 古 心 然 兹 時 天 平 師 以 既 則

奈王不悟,何歟?上篇,意尤深切,而詞愈警策,足以動人。從哉? 吾是以不能不爲諸公告也。較之

天人相接處, 説得至嚴 告以自修之法。 而人心易覺,不難教化以導之。〔七、八章〕末二章又正 二章乃正告以救民之方。 微,不可不聽,一言爾病之深,將不可救。 時大病。〔三、四章〕此二章乃進言之,故 眉評】〔一、二章〕首二章言其違聖慢天,乃當 唯德乃 而 足以 精 民方困苦,雖無恩惠以及之, 得 人,唯 敬 · 乃可 (五、六章)此 言 以 我 П 言 天 雖

乎? 也。 傳》 《毛傳》以板爲反,恐未然。 服 弛緩之意。 亶 誠 事 謂 管管「姚氏際恒日 也。 也 無 【集釋】板板 謔 所依 戲 憲 芻 堯 採薪者,言古人尚詢及芻蕘,況僚友 侮 輯和也。 憲欣也。 繫,亦未 也 灌 (姚氏際恒 然。 灌 治合也。 躝 一管 款 卒盡 〔案〕此 動 管,似小 款 也 也 曰〕板板,似 也。 懌 泄 即 智 蹻 悦也。 所 泄 癉 自 蹻 謂 猶沓 用之意。 病 管 驕 也 遼隔之意。 莫定也。 窺 1也,蓋 見 也 熇 手 謀

四

之暗 得 氏穎 也。 也。 衷」,用字同此。 開 也 爲,飲食而已者也。 迅 明 而 亦明也。 雷風烈必 無所費。 達曰〕半圭爲璋,合二璋則 也,故設牖以通明。 也,猶言天啟其心也。 資 翰 垣 榦也。 牆也。 財 也 也。 衍寬縱之意。 价大也,大德之人也。 宗子同 怒也。 大邦强國也。 惠 燻、 篪 爆 唱 而 恩也。 殿 夸大也。 屎 姓 [何氏楷曰]《左傳》言「天牖其 王 呻吟也。 〔程子曰〕牖,開 也。 師 往 衆也。 也。 成 屏樹也。 渝 篪和也。 圭。 毗附也。 變也。 葵揆也。 言 藩籬也。 牖 出 取 而 《集傳》〕 〔朱子曰〕 通之義。 主、璋〔孔 有 大宗强族 攜 尸不言不 所 取求 蔑猶 往 師 也 如 攜 室 無 衆

管旱。 韻 四 + ·四願。 緝 僚 亶同。 治十七治。 叶韻。 韻 蕭。 】板十五潸。 諫十六諫。 囂 蹶八霽。 同。 通 韻 笑十八嘯。 叶 懌 泄同。 癉 韻 + + 四 早。 陌。 蕘 難 本 十五. 蕭。 莫同。 韻。 遠十三 叶 輯 阮 本 憲 +

日

畏五未。 虐十藥。 + 虞。 寒。 易、辟並同。 毗 通 Ŧī. 四支。 韻。 翰。 驅同。 通韻 箎支。 衍十六銑。 迷八齊。 通 謔、 本韻 韻。 寧九青。 本 蹻、 圭齊。 韻。 怒七遇。 謔、 尸 明庚。 叶 支。 藩十三元。 城 韻 攜同。 藥 八庚。 並同。 屎、葵、資、 豫六御。 王七陽。 通韻。 通韻 本 垣同。 韻。 轉 通 益十 韻 師 壞十 翰 懠 並 十四四 卦 陌 同。 日 渝

焉者 詩體 事俱變矣。 以格變,非因時與事變也。 酌》、《卷阿 行葦》至《假樂》四詩爲一體,兼乎小雅 凡 也 以上《生民之什》,凡十篇。 數 噫 ! 變。 》爲 時 與 《生民》、《公劉》爲 一體,兼乎風者也。 知乎此,可 事 雖變,而詩體不變,則又變而 以識大雅正變之分矣。 若《民勞》與《板》 一體,正 皆變大雅也。 者 也。 大 案,是什 則 雅 時 《泂 也。 然 與

詩經原始卷之十五

式

内。

跟貪欲。

侯作侯

祝,靡

屆

靡

究。

三章

蕩 大 雅三

之 什

蕩 召穆公託古傷周 也。

靡 殷商。以下設詞借殷作鑒。 帝,其命多辟。天之變。 不有初,鮮克有終。 蕩蕩上帝,下民之辟。天之常。 一章 天生烝民,其命 曾是彊禦,暴。 文王曰咨,咨女 疾威上 匪諶。 曾是

掊克,貪。

曾是在位,曾是在服。

天降滔德,

女興是力。二章

文王

曰咨,咨女殷商。

而

義

類,彊禦多懟。

跟暴虐。

流言以懟、寇攘

殷商。 世可知。 不時,殷不 鬼方。六章 王 靡 商。 明 以 文王 實先撥。 曾是莫聽,大命以傾。七章 小大近喪,人尚乎由行。 爲德。 日 明 咨 靡 天不湎 曰咨,咨女殷商。 無 八章 人亦有言,顛沛之揭,枝葉未有害,本 晦 咨女殷 陪 殷鑒不遠,在夏后之世。點明殷鑒,後 不明爾德,時無背無 用舊。 無 式號 爾以 文王曰咨,咨女殷商。 卿。 商。 式呼,俾晝 酒,不義從式。 雖 四章 無老成 如 女炰烋于中國,斂 蜩 文王曰 内奰于中 如 文王曰咨,咨女 作 螗, 人,尚 夜。 側 咨, 如 既 有 國, 覃及 沸 五章 您爾止, 匪 答 爾 典刑。 如 女殷 德 羹。 文 不 怨

君不敢直斥其惡,而 下,皆託言文王歎商 右《蕩》八章,章八句。 以 目 刺 擊 厲 時 此詩 王。 事 日非 蓋臣 自二章以 子奉 紀 綱

四八九

皆彊 害乎 以 欲 曾是二者而使之任事,而事 輩 啚 雖 蓋二者之德,滔德也。豈天 有不貪,亦未有不暴者。 有所不能已於言者。 曾是彊禦,曾是掊克」,自古 以以 敗 無 心 聚 而 壞 彊 禦之人。 相 斂。 怨之也得 曾是二者而使之在 而 蓋 臻 已 女 於 由 亦女之興起其 極 顧 斂以 治 於 則 則必忌賢而 自 而 舍 爾 詛 唯貪也,故所用 忍 乎? 巧,不 善 德 此 祝 猶 故故 類 不 相 臣 冀 而 要,靡 假 人而 明 子 其 謂 觀其 人 用 託 憂 妒 感 位 之 故 唯暴 而 此 語 語 克 能 或 往 悟 而 攘 有屆 有逆背傾 降是 力 有 借殷爲喻 庶 事 危 愛君之 内 爲 不 位 暴 以 妒 也 亂之君,未 皆掊克 幾 也 則 德以 敗者 極 之耳 有 之人, 警 且忌, 放所 得 必 窮 弗 心 時 改 仄 巧 究 乎 爲 争 乎 王 之 ? 取 ? 之 用 何 時 而 夫 民 自 厥

遠 則 威,不 女不知 堪 以 人 不 如 不 靡 無 故 人 是,女又沈湎于 而 《羹之沸 惟求舊 夫 晦 陪陪 邇 過 爲 知 無 有 不 出 靡明, 人情 所 卿 内 可。 檢 無 前 不 ·爲民 其 也。 奰 忌 背 堪 而 召 不 怨亂,咨嗟歎息,不啻 此 側 而 中 以 用 爲 非 無時不醉,甚至「俾晝作夜」,亦 辟 亂 無 知 女之任 之明 乃 陪 或 故 之也,則以爲無陪卿之人 又何怪 而 老成 其 時 而 尚 爲 女方且斂衆怨以 繼 贵 朝 酒 能 爲 乃 不 卿之人 也 政 有 人無 縱 逆背 多 且 静 知 用 可。 今之上帝 極 無 外 變,復 邪 淫 小人,以 哉 大 無 以 延 至 辟 傾 亦 無 地能 無 ? 定大計 鬼 也哉? 度。 前 仄 由 小 由 夫國 方 於 而 不浩 行於惡 清 至肆 不 悉 爲德焉 如蟬之鳴, 用 不 用 可 也 決 知 明 有 近 之 燕喪儀 蕩 謂 不 行 其 喪亡。 大疑 大 爾 也 其 甯 中 也 無 而 爲 唯 疾 或 亦 不 而 則

得乎? 無 實 木將 也。 與 不 知 壞,國家之根本又若是將傾,而 之所謂 古 序》謂「厲王無 后之世耳。 辯 法 老 可 是言外之意。 ,又君心之根本。 先撥矣。 学 成 藉 既 傾,必有所損 雖 日 《小序》云:「傷 曾是莫聽」,夫然後大命從 爲 人 棄 ,兹不再贅。 然,舊人 「蕩蕩」也,不 此 無 舊 扶 可 殷鑒 侮 勳舊者,國家之根 殷 鑒· 而 持,以 用, 老成 道,天下蕩蕩 弗 而 乃 也 然其所謂 在 ,雖枝葉固未折傷 先王 用,夫亦 怨乎天者,謬 資治理乎? 人」,盤 夏, 豈 君心之根本既 可 周 則 甚 法 不 後 遠 政 庚 室大壞 何 「蕩蕩 知。 無綱紀文 哉? 紀 之 之 害? 鑒 綱 矣 所 本。 説 欲 唯 也。」《 者, 猶 以 ! 亦 見 無 若 獨 其 而 又 存 興 非 從 在 道 正 晦 章 亡 彼 念 傾 并 而 忧 大 夏 覆 使 翁 詩 口 也 其 德 本 大 獨

> 典刑。 [五章]沈湎於酒。 作全詩眼目。 〔八章〕剥喪本根 眉 評】[一、二章]貪暴二字,是厲 〔三章〕任 〔六章〕怙惡不悛。 用 僉壬。 四 王 〔七章〕廢 章 病 善 悪 故 棄 不 先

明。

揭

出

謂厲王 暴自棄,故鮮克有終耳。 性生之初,未必遂與文王異。 善,而少能以善道自終。 其命難信,無不有 也。 炰 侯 而 終「姚氏際恒日」「天生 也。 滔 人維也。 亦女也。 然 氣 健貌。 德。 多辟多邪辟也。 也。 服 集釋】蕩蕩廣大貌。 以 興起也。 無陪 事 作 此于 義善也。 也。 《集傳 無卿」。 背、側、陪、 詩 滔慢也。 初 意爲 而鮮克有終者。 力如「力行」之力,言任之之堅 懟怨也。 烝衆也。 烝民」以 作 近。 何玄子曰 似迂。 彊禦暴虐臣 讀 〔王氏安石日〕 《集傳 爲 及其後 卿 〔案〕二説皆可通。 辟君 詛 下,孔氏謂 「姚氏際恒 湛信也。 流言浮浪不根之言 》謂,人降 初,謂文王也。 反 也。 竟與文王異者, 祝 也。 面 詛 疾威 爲 彊禦掊克,是 视, 三三二 **掊克聚** 背,不 天之生 有 命之初皆 怨 初、鮮 猶暴 時 謗 厲 正 無 也 終 背 斂 白 Ŧ.

謂

臣

無

也,而 以 行志》曰: 側 葉必隨 雖 已得詩意。 反者,有堪爲卿大夫者,皆不知之也。』」按,班、顏之解, 者受賞,有罪者不殺。 開 刑 也 浄 静 止 左右之稱。 無 默之時 處也。 有而 也。 也 側 無背無反」,言上不明,暗昧蔽惑,則不能知善惡,亡 舊 陪無卿」者,不知其不堪爲陪卿,而漫以之爲陪卿,故 俱 法也。 鬼方〔《易》〕高宗伐鬼方。 者,彼實背側,不知其爲背側,故明有 非 其本實先已撥開于土矣。 之敝 大樹 亦 蜩 佳 也。 猶之無也。 小大指政事言。 「《詩》云『爾德不明 字。 壞也。 背 遭仆 但背側陪卿四字,俱就小人身上説。 螗 顛 可謂之前乎? 沸、羹〔朱氏善曰〕如羹之沸,言其 皆蟬 皆指 沛 拔 鄭 而揭 \equiv 也。 小人之斂 氏訓 湎 顔注云: 『言不别善惡, 有逆背 句 起之時,其 [朱氏善曰]如蟬之鳴,言其 飲 姚 酒變色也。 揭 吴音皮器反,怒也。 以以 怨言 其不該明矣。」《漢書 氏 爲「蹶」,「 言 際 老成 亡陪亡卿。 本實 也 恒 枝葉儼 日 人舊臣 舊 式用 既 撥 揭 説 無 而謂之無也。 然尚未 以 」爲「絶」,未 土 也 起 不明 背 滋 也 也 爲 「無背 爾 覃 有 止 無 而 前 撥 典 功 枝 害 延 清 無 容 傾 Ŧi. 後

然。鑒視也。夏后桀也。

揭 叶 羹 職。 二十六宥。 真。 韻 而義異。 克十三職。 九屑。 八人庚。 韻 懟同。 晦 明 標韻】辟十 + 八 人真。 害九泰。 民十一真。 行陽。 庚。 叶 對十一 服 隊。 韻。 卿 屋。 刑 方同。 夜二十一馬。 同。 撥七曷。 隊。 九 或 陌 諶十二侵。 德 青。 職。 内同。 本 職。 轉 辟 韻。 聽 德、 世八霽。 韻 同。 力 同。 通韻 同 德、 叶 酒 終一東。 本韻。 時 傾 二 十 韻 叶 四 側 庚。 叶 支。 韻 祝 並 Ŧi. 二字字 螗 屋。 有。 同。 叶韻 通 舊宥。 七陽。 類 韻 式 本 究 四 同

抑 衛武公自儆也。

之。 愚, 不愚。 亦 有覺德行, 抑 維 名言。 抑威 斯 戾。 儀,維德之隅。人亦有言, 庶人之愚,亦 四國 章 順之。 無 競 職 維 訏謨定命, 維 人,四 疾。 哲 方 遠 其 人 靡 猶 訓 哲

投我 無曰 刑。 辰告。 讐,無德不報。惠于朋友,庶民小子。子孫 也。 慎 矧 無 話,敬爾威儀,無不柔嘉。白圭之玷,尚可磨 爾顏,不遐有愆。 繩繩,萬民靡 車馬,弓矢戎兵,用戒戎作,用遏蠻方。 雖湛樂從,弗念厥紹。 今,興迷亂 質爾人民,謹爾侯度,用戒不虞。 爾 可 日 三章 止,不 射思。 苟矣。 莫捫朕舌,言不可逝矣。 夙興夜寐,灑埽庭内,維民之章。 斯言之玷,不可爲也。五章 以 不顯,莫予云觀。神之格思,不可度思, 敬 桃,報之以李。 慎 肆皇天弗尚,如彼泉流 于政。 愆于儀。 七章 成儀 不承。六章 辟 相在爾室,尚不愧于 顛覆 維 爾爲德,俾臧 不僭不賊,鮮不爲 民 彼童 罔敷求先王,克共明 厥德、荒湛 之則。 視爾友君子,輯柔 而角,實虹小子。 無淪 無易由 俾 于酒。 慎爾 無言不 其在 嘉 ,屋漏。 修爾 骨以 四 則。 言 淑 出 女 于 章

> 聽用我謀,庶無大悔。 子,未知臧否。 之基 八章 取譬不遠,昊天不忒。 知,亦聿既耄。十一章 聽我藐藐。 生靡樂。 之靡盈,誰夙知 維愚人,覆謂我僭,民各有心。九章 命之,言提其耳。借曰未知,亦既抱子。 一。其維哲人,告之話言,順德之行。 **荏染柔木**,言緡之絲。 視爾夢夢,我心慘慘。 匪 用爲教,覆用爲虐。 而 匪手攜之,言示之事 莫成。十章 天方艱難 於乎小子,告爾舊止。 回遹其德,俾民大棘。 温 昊天孔昭,我 温 誨 恭 爾諄 人,惟 喪厥國 借 於乎小 日 匪 未 民 面

以《史記》考之,武公即位在厲王之後,宣朱子駁之,云「不應一詩既刺人又自警」。公刺厲王,亦以自警也」,未免言涉兩歧。公刺厲王,亦以自警也」,未免言涉兩歧。一篇座右銘也。而《序》謂「衛武十句。此一篇座右銘也。而《序》謂「衛武

之言。 寐,灑 此詩 悔」等 以 誠 噫 ! 丢。 語 歷舉「諄諄」、「藐藐」及「聽用 王 抑作 四 》專 爲 之 有 國」、「車馬」、「戎兵」等詞 此 時 喻 警者得之也。」如以爲 如 因 雖無戒字,純是戒辭 埽 此真 興迷亂于政」之言似矣,而 語,云決非 以武公自警爲言。 而 站,屋 譏 且篇中句句刺王,無一 刺 晦 「懿」,乃韋昭之言,非《國 亦謂之爲刺人,有是理乎? 庭 説 翁 厲王之詩,非 晦 文義 内 者 云 翁 漏 」之語,豈亦爲王咏 謂 爲 不 銘心,是何 「其 是 自警之辭。 通 文 追 曰 而 義 刺 刺 乃 武公《 不 並 尤 厲 反 通 而姚 等親 刺王,則「其 不 唇以 王 無 ,則尤切 我謀,庶 語自警。 何 而四四 者 懿 是 氏 切内省 論 語 乎? 「夙興 失之, 譏 戒》。 語》左史 又駁之, 刺 人乎。 經 故 方し、 無大 此 于刺 王。 學。 以 在 集 夜 乃 而 之 且 而

若謂 名 ? 欲 愚 蓋 哲 不宗朱。 此 自儆 體 也。 傳》爲得,而姚與《序》並失焉。 顧,此門户之見未除也。 因以悮之耶? 姚氏有意力翻朱案,故 我」等詞 不 砭 也 愚 不愚」一語,千古學人大病,四字説 應如是耳,豈可 一字,層駁不休,遂並詩中正旨亦 知 也。 故發端以此 其 難 人之愚,其愚也易破。 至「小子」、「告爾」 「懿」讀爲「抑」,乃韋昭之悮,而後 「懿」之非「抑」,其言固是,而詩 則 明。 愚 ,乃詩人自 真 然平心而論,此詩之解,實以《集 安知非詩自名「懿」,不以 ,必先針其自哲之病,而言乃 文義之不 自以 爲哲 爲第一義也。 執是 爾 通 ,則無乎不愚矣。 而 矣 自 以 以 愚非佞《序》,更 及「聽 我, 箴戒行 爲 而 哲人之愚,其 刺 何 诗首章 於是特提 人言 論 我」、「 河抑 乎 文之 不 則 乎 經 故 口 之 爲 ? 用 執 實 學 返

故

有

玷

定爾人 方之遠 泉之流 遠猷辰告」者,不於此益見其實歟? 兵之變,無 敷求 莫捫之舌,苟焉 言尤無易出焉。 氣之間 違 己 所 飲 勗 遠 先 民,謹我侯度,可 天悖德,天必弗尚,以 酒 猶 承 正 ,滔滔莫返,詎 如 蓋天下之理, 可 細 敗 ,尤悔易集,能無致謹? 之緒 意 王之道,以共明 欲自勵,内 以 使平。 而 一非當整飭。 德亂政,莫此 爲 寢 而 是 興 無如 何等緒,而 (所當 灑埽之常,大而 而 斯言 使其 已, 能 今日俗習囿 而 無有言而不讐者,亦 圖 易出 有玷 庭除之近,外 挽 詎 無意外之虞。 所謂 刑 回? 不 爲 可 其 乃惟 而 可 , 失 莫 能 任其 至 甚。 「訏謨定命, 苟 不自持 故不 淪亡。 可 樂是從 且. 乎哉? 夫白 車馬 而 一逝不 偷 女獨 而 欲 非 也, 圭 既 戎 而 自 如 湛 蠻 耳提 行。 也。 小子 我 以 無 縱 有

勵

則

似

此

呂

不

念

樂即

自

訏

謨

我言雖善,聽者難 有失, 況敢厭 遺,至神莫測,不顯 爲成器之本,而 欲人服之,是童牛而角之所必無者。 之,猶投桃報李之有必然者。 無愧也。 屋漏之中,鬼神鑒焉。 言之效,至於如此。 於乎小子」,吾不 大廷之緘默易凜,獨 我之誨 而 其在愚人,聞且未信。 欲 德 則「子孫 面 敗 而 命之矣。 慎勿謂 度 不 爾諄 報 也。 射之乎? 者 繩 論 幽暗莫顯,遂無 諄然 繩 當 從。 啻手攜 人 亦臨 誠 慎無視爲 知 然猶不敢自以爲無玷 以 萬民 惠及 爾之聽 鬼神之盛 於此 其在哲 温 夫修 恭 居之私 靡 而 雖 朋 故論木以 事 爲入德之基 而 友,以 不 夢 極敬謹 德 不 承 示 人,告即 我藐藐 夢 無 而 修 人覯 念難 又不 愧 體 矣。 德 欲 至 猶 則 荏 然 物 人 庶 而 而 然, 防 真 啻 染 亦 法 謹 而 不 口 民

詳之。 矣。 不知 也,冤哉! 其德」也,則君道失於上,而小民困於 運方艱,國危可 子矣,乃未幾「亦聿既耄」矣。 少壯猶 其可乎哉? 幾無悔。 欲國之無亡也得乎? , 豈老耄而猶不知耶? 於乎小子 此非自做辭乎? 兹並附録兩家之言於後,讀者 借 畏。 日 未知」,乃女今則既 倘不知做而更「回 而必謂之刺 尚其 (聽哉 可 大, 下 人 庶 谲 日 抱

者自相背戾,二也。 之三十六年,不與厲王同時,一 之,則其曰 又以《國語》有 此詩之次適出於宣王之前,故直以爲「刺厲王」之詩 爾汝之,無人臣之禮,與其所謂 「刺厲王」之所以爲失者,《史記》,衛武公即位於宣 蓋其本例以爲非美非刺,則 【附録】〔朱子《辯説》曰〕此詩之《序》,有得 「刺厲王」者失之,而曰 左史之言,故又以爲「亦自警」。 厲王無道,貪虐爲甚,詩不以 也。 詩無所爲而 「自警」者得之也。夫 詩以 威儀」、「慎 「小子」目其 作。 以 出 詩考 又見 此 話 箴 Ŧ 有

卿以

下至於師長、士,苟在朝者,無謂我耄而舍我,必恭

「昔衛武公年數九十五矣,猶箴儆于國,曰:

自

相

以自警」,與韋説同。

然又以詩中實多刺厲王之辭,

曰 :

「《懿》、《大雅・抑》之篇也。

懿讀爲抑。」《序》謂

亦昭

恪于朝夕,以交戒我。」於是乎作《懿戒》以

自做。」章

堪之? 則詩 味之厚薄淺深,可以不待考證而判然於胸中矣。 文,而各以其一説反復讀之,則其訓義之顯晦踈 也。 必去其失而取其得,然後此詩之義明。今《序》者乃 人,五 其膏肓,而 日 讀《詩》之簡要直訣,學者不可以不知也。 合而一之,則其失者固已失之,而其得者亦未足爲全 筵》所悔相表裏,五也。二説之得失,其佐騐明白如此 又曰「亦聿既耄」,四也。 詩 也。 〕此刺厲王之詩,不知何人所作也。 詞倨慢,雖仁 所謂 然此猶自其詩之外而言之也。 也。 詩 四 曰「謹爾侯度」,二也。 「聽用我謀,庶無大悔」,非所以望於既往之 也。 曰「自警」之所以爲得者,《國語》左史之言 徒以威 或以《史記》之年不合,而 厚之君 儀詞令爲諄切之戒,緩急失宜,三也。 有所 詩意所指,與《淇奥》所美、《賓 不能容者 又曰 若但即其詩之本 案《楚語 「喪厥國」,三也。 ,厲王之暴,何以 以爲追 ○〔姚氏際 》左史倚 刺者 此 恒 又 得 欲

乎?

則

知《楚

語

武

公自警之詩

既 德

皆

Ξ, 可

非

,俾民大棘

孫繩繩,萬民靡不承」、「天方艱難,曰 刑」、「修爾車馬,弓矢戎兵,用戒戎作,用 之」、「其在于今,興 若夫切于王之尤著者,如 若作懿,則爲美美威 ,亦聿既耄」、「視爾夢夢,我 可以音之偶近而遂不别其義乎? 惟其嚴密,故曰 「抑抑」、《毛傳 」等語皆是,固 自警、楚語 詩《賓之初 我謀,庶無大悔」 何以 厲 「好是 無「戒」字,亦不合,二也。 抑威儀」同,未嘗有以 、迷亂于 王。 如 所 不 日 指 懿 筵》及《假 儀 人《衛風 「借曰未知,亦既抱子」、「借曰 今按 非 》何 訓 日 德」、「懿厥哲婦」,亦未嘗有 政」、「罔敷 「德隅」,内嚴密則外 柳 不待識 ,句既淺俚, 四四 以 密」也。 以 心慘慘。 等 反言自警 》併 詩明 方其訓之」、「四 此 樂 語,決 者 詩 不入《小雅 喪厥國」、「回 》篇 矣 而知之矣。 求先王,克 當 若懿自訓 且下句 逷 皆 非自警之辭。 抑爲懿之説 **愈** 誨爾諄諄 也。 而 四 鑾 有 不言 篇中 戒》,其 也。 「威 方」、「子 《楚 見廉 義 美」, 恭 或 若 刺 詩 遹 句 儀 而 亦 聽 語 其 爲 Ŧ 中 明 順 旬 不 隅 抑 不 理。 得有失。 否乎? 皆以爲武公作乎? 刺 刺厲王之事甚明。 善惡無預于物,不 刺 刺厲王」,又曰 顛 以 警」者得之也。」雖非武 鄭 人 而 大雅 爲失。 倒 亦 誦 不依《 而聽,然則 》乎? 也。 白錯 若武公自警 《序》。 必 互 聽 不 可 笑殊甚

我藐 未知

藐」、「聽用

云

戒」,今篇中

贵

王

無

語

自警。

先之日

武

公刺

信者

有

五

」之文,與此

作爲

不

相 抑 詩

同。 也。 用

而

他

懿

字,

如 抑

也。 義

當武公之《懿戒》哉? 王之世,武公時爲諸 則自警爲侯事,與王事又不相涉 王,無一語及武公與自警。 篇,自警一篇,而 王,自警則自警,未有兩事 詩則實爲刺王之辭,于是立兩歧之地,而 尤可異者,朱氏之辨《序》曰 以詩考之,則其曰 孔氏曰: 「亦以自警也」。 此 可 刺王 二也。 應作詩 必 明明可見者,奈何自《序 三也。 通。 侯 「武公以 以兩事 作《序 之義 公刺厲 庶子耳,未 五. 刺王。」此 詩 如 也。 何居? 『刺厲王』者失之,而 》者 夾雜可 中《毛傳》、鄭箋句 夾雜 宣王三十六年 是,則《序 毛在《序》前, 王,然實爲刺厲王,乃反 其謬有三: 也。 見相 如 爲 爲 實録 是 爲文者。 刺 傳説 若然,何難 國 則 「此詩之《序》, 篇? 王期王改 》説 君, 安 也 楚 得 夫人刺 尚可 固 未有 日 即 当出 此 則 自警既 以 語 無此 位 衛武 必無 而舉 作 句 武 日 用 悟 抑 如 公無 皆 刺王 則 王 说说。 自 、》詩 事。 乎 此 言 之 # 厲 使 則 公

則

絶

無

此

本不必辨,但恐人惑

其 非

此意,乃

反以爲得。

詩語 將以 也。 自 説 其 同 文義之不通而尚云通經學乎? 又曰:「『曰喪厥國」,三也。」鄭氏解謂「下災異生兵寇、 女萬民之事,慎爲君之法度,用備不億度而至之事。]義 史之言,一也。」案,此非《國語》左史之言,乃韋昭之言 表裏,五也。」案:《淇奥》所美,《賓筵》所悔,與 云「亦聿既耄」,承上章而言。 職,亦不肯趨公事,故又戒鄉邑之大夫及邦國之君,平 人民,謹爾侯度,用戒不虞」曰:「侯,君也。 既耄 如此。 《序》之失,而後此詩之意明。 」,亦侯國乎? 而 又曰:「詩曰『謹爾侯度』,二也。」案,鄭氏解 《賓筵》悔飲 滅王。」且國乃天下之通稱、《節南 此,必去失而取其得,然後此詩之意明。」予 又曰: 遂謂之相 」爲指其年九十五,「既抱子」則 章深 試平心讀之可見,何嘗是使人告己之説乎? 而 辨之。 一層,皆然也, 「詩意所指 表裏乎? 酒,此 又曰:「『亦聿既耄』, 其曰 詩刺王荒湛于酒,豈以 ,與《淇奥》所美、《賓筵》所 : 又曰: 何爲指其一 自警之所以爲得、國 方抱子時,忽然耄矣。 上章曰「亦既抱子」,此 其云「取其得」者 「既有得 Щ 在壯年,將作 處而言之乎? 四 》詩云「國既卒 失,其 也。」嗟嗟! 此時萬民失 謂 佐 酒 此 質 正 正 語 字 皆 必 騐 悔 凡 美 去 隋 明 偶 無 相 何 爾

> 爲哉? 警而 容涵 疵而 翁所舉詩中證語,不舉其大而標其 意吹求朱《傳》之失,未免强 序》之雲霧不淺耳! 力駁之。 作 泳領其大旨,則此詩之爲刺 乎? 愚解此詩,但撮大要連綴成文,使讀 可 得諸意言之表者矣。 案」二説各執己 詞 求勝 人而 細,故使人得 原 作乎? 無 何必 是。 是 處 一紛紛 亦將爲 姚 以 氏 亦 聚 者 摘 雖 由 訟 自 從 有 其 晦

提面 當順。 推入微。 [三章]拍合今日亂政。 剔出,以下方好自砭。 語,名論不勘。〔六章〕承言語一章。〔七章〕承容止, 見事無大小常變,内外遠近,無不當警。 至 [八章]就威儀上言德之當修。 中 侯度」,以下容貌辭氣 一章〕末用危言自警,愈見修省之切 既 庸》「慎獨」,從此而 命,是正説; 耄」,均 〔十、十一章〕二章皆欲其聽言以修 眉評』(一章)哲、愚二字雙起,先將學 聖學存養工夫,數語 不可 後章諄 以未知自諉, 出 逐段 一四 〔二章〕特提 諄 却 藐藐,是反説。 章〕承上章亂政總 無半點理障氣,所以爲高。 細勘,「白 〔九章〕就話言上言德之 括盡。 層 深 人字,正 《大學》「誠意」, 生」四 似 <u>—</u> 德。 自 層 句 章〕點 疏一 言 前章 專 者 貼 病 段。 段 耳 順 明 根

殺」也。 格 執 定審 反 直 賢者道行心平,可外 染 也。 問 也。 也 戒 木 何氏楷曰〕 定 也。 氏 也 也 ,則外有廉隅也。」哲知也。 也 至也。 》謂 曰:「人密審於威 集傳》〕荏染,柔貌。 止 定不易 也。 之當室之白。 緡 刑 則 競 持 容止也。 虹 度測也。 也 法也。 法 釋 侯 」童以角 强 潰 也也。 也。 集傳》 亂 度諸侯所守之法度也。 也。 抑 警答 也。 命號令也。 僭差 興 弗尚厭棄之也。 爲言,猶 抑 覺 孫炎云,當室之白,日光所漏 緡 占 射斁 也。 〔王氏逢日〕字 尚 儀 密 直 而 也。 也。 綸 者, 也 大 柔木〔《集傳》〕柔木,柔忍之 知 也。 通 屋 《易》言「童 也。 是 内。),厭也。 賊 紹 隅 庶衆也。 漏 猶 其德 被 害 承 《集傳 圖 之綸 「李氏 訏 如 也。 必嚴 也 也。 宫 書 大 遏遠 辟 牛」、《詩》言 虞 室 以 虹 也。 如圭曰』《曾子 正 一之制 童 敷 職 與 君 辰 爲弓也。 慮 隅 也。 也也 江同。 廣 主也。 無 也。 也。 時 謨 也。 角 廉 也 指 内 故 謀 入也。 日 質 角 玷 武武公 有繩 古之 也。 荏 一章 童 共 告 戾 也 覆 缺 成

> 耄。 猶 反 也。 舊章 僭 也 不 信 也。 止 語 慘 也。 慘 太 憂貌。 差也。 耄 遹 八 十、九 僻 也 + 棘 日

急也。

+ 歌。 八庚。 四政。 告二沃。 戾八霽。 先。 韻 叶 叶 王 韻 陌。 七陽。 韻 韻 尤。 爲四支。 通 繩 絲 方陽。 叶 度十 標 韻 支。 賊 十蒸。 寐四 報二十號。 刑九青。 則 は 韻 】隅 韻 叶 職。 十三職。 藥。 韻。 漏二十、 真。 基 叶 轉 承同。 酒二十五有。 則同 同 韻。 七 韻。 射 訓十三問。 内 叶 陌。 ·六宥。 叶韻 + 叶 本 苟有。 韻。 本 本韻 虞七 愚同。 韻。 韻 隊。 叶 韻 覯 尚二十三漾。 韻 虞。 友 紹十七 逝霽。 今十二侵。 同 通 順十二震。 行 李紙。 有。 本韻。 顔 韻 庚。 嘉 嘉 十五删。 本 六 子 篠。 麻。 叶 韻 子同。 心 麻。 章 四 韻 疾四 紙。 政 叶 通 儀 磨 愆 二十 韻 韻 支。 陽。 質 本 叶 兵 通 + 五.

五〇〇

棘 子紙 庚。 七 韻 感。 並 成 同 否 藐 同。 止 紙 篠。 本 同。 本韻 韻 事 教 悔十 寘 效。 賄 昭二蕭。 耳 虐 紙。 通 藥。 韻 子 耄 樂十 =+ 同 或 九效。 職。 號。 叶 太 韻 慘二十 叶 德、 韻 盈

桑柔 芮伯哀厲王也。

憂心 步 不 旐 天,寧不 瘼 止 筆。 疑 斯 泯 有 此 徂東 慇慇 云 下 頫 翩 菀 民。 民 彼桑柔,比起。 我矜! 徂 生 臣 靡 ,靡所定處。 二章 厲 念我 何 吏奔 有 不 階 往 黎,具 殄心 走,兵 ? 土 ? 或 呼天自訴。 宇。 步 暗 君子 憂,倉 役繁興。 蔑 禍 指厲王。 其 我 多我觀 資,天 以 實維 下 生不 一章 燼 侯 兄 亂 至今爲 秉心 填兮。 旬 痻 辰 不我將。 於乎 生 四牡 逢天 孔 不 捋 無 有 夷 梗。 棘 騤騤,旗 倬 採 僤 競 我 哀 其 靡 靡 彼 三章 幸 怒 劉 或 昊 所 或 襯

聖人

言百

里。

維

彼

愚

覆

狂

以

喜

匪

弗

迪

維彼忍

心,

是顧

是復。

民

之貪亂

言

不

能

胡

斯

畏忌?

+

章

維

此

良

人,

弗

求

筆陣開 風,亦 胥 秉 賊 章 稼 序 四 忽然興起,有 自 回天運。 彘,故若贅然。 何 章 稼 穑, 以 有 爵 心宣猷,考慎其 能 天 穀。 肺 合 淑 爲謀 穡卒 降喪 力民 孔之僾。 七章 腸 誰 動 載 人 能 搔首茫茫,百憂交集之感。 盪有勢。 痒。 俾民 亂,滅我立 代 胥 亦有 靡 執 維 毖 食。 及 熱,如 有 亂 此 哀恫 民 卒 溺 八章 言, 旅 惠君、民 相。 狂。 有 稼 況 力,以 火益熱。 中國,具贅卒荒。 肅 如水益 進 穡 斯 王。 維彼不 瞻 拍 心, 退 削 維 彼 合属 念穹倉。 國人逐厲王。 寶, 維 人所瞻。 荓云不逮。 深。 中 逝 告 王自 谷 順,自 林 代食 朋 不 Ŧi. 爾 姓 章 用 友已 九 以 憂 自 維 牲 以 先開 濯 獨 恤 恨 降 如 致 好 譖 其 俾 王 無 維 彼 大亂 此 好 誨 出 力 鹿。 層 不 此 孟 是 溯 其 爾 居 六 挽

獲。 誦言. 十二章 維 爲 職 爾朋 爲正直,陰爲險詐。 極,職涼善背。 口 此 盗 通,職競用力。 爲寇。 如 良 既之陰女,反予來赫。 友,予豈不知而 毒 醉。 大風有隧,貪人敗類。 人,作爲式穀。 0 + 指聚斂。 匪 章 用 雖曰 爲民不利,如云 其良 大 指暴虐。十五章 涼曰不可,覆背善詈。 匪予,既作爾歌。十六章 風 作。 ,覆俾我悖。 維 有 如 彼 隧 不 有 彼飛 十四章 比。 順 不克。 空大 ,征以中 蟲,時 聽言則 民之未戾, 十三章 民 民之 之罔 亦 對 外 + 比 嗟

之詩。 章六句。 王 年,秦穆公引「大風有隧」篇,稱爲芮 知其作於何時,則又可異。 前 右《桑柔》十六章,八章章八句,八章 但斥 下諸家皆從之,且謂篇 故《小 此詩 當 時 序》謂「芮伯 人皆知爲芮良夫作矣,而 執 政者信用非人,貪利生 刺 案《左傳》文元 中不 厲 王 敢 良夫 斥 集

若諸 卒荒」。 神結 不惟 民水 也。 共 能 託 事 以刺爲? 贅然哉? 哀此中國,誰 「共和」,而王至共和十四年始死於彘。 被逐,尚居於彘,故又曰「哀恫中 立王」,此時國人已畔,厲王已逐。 説夢耶? 和之後作,然又曰不 匡 言規諷 以 聚之處,亦不能顯。 火 救 臣 家但謂 朝廷之上雖有周、召二公行政,謂 致 可可 子拳拳愛君之心 君惡,以 正《春秋傳》所謂「君若綴旒」 禍 僚友 夫詩不云乎,「天降喪亂,滅 以 凡詩中所言,無非追究同朝 此詩 亂 刺王,且並謂借諷 挽 爲之主? 以刺王耳。 正作於其時,蓋傷之也 蓋 П 至 一天意。 厲 危 亡,並 王 暴 知 無 雖曰有君,不且 《集傳》雖 此作 虐,不 的 所 恨己無大力拯 此又何異 在 見 友以 何時 詩大旨 敢 或 然 此 亦 刺王 具 諫 疑 癡 則 \pm 可,何 也。 其 若 我 則 之 贅 雖 時 故

耳。 領 ? 求其 即 義,不暇尋繹血 之詞,偏又呆疏碎釋,豈能抓人癢處哉? 而 生義,無 心 乃爲游移無定之解,其餘不過追遡悔恨 如 尚 此詩 大旨 大凡諸 無 晦 定 ·翁譏《行葦》序,以爲「逐句自生意 復 了,其佳處全在「滅我立王」三章**,** 見, 所 倫 儒説《詩》,總不肯全篇合讀 在 理」。 亦 脈,管照前後」,又云「隨文 由 而碎釋之,烏能得 於未能 不知己亦正 讀詩之佳 坐 一此病。 其 處 故 要

以風 退 未可信用。 章〕二章以聖愚善惡相形對言,見愚人不能遠慮,忍人 相 撥之筆,便不平板。〔六章〕朝不可仕,不如在野。 章〕於是民無所往。〔五章〕告以救亂如拯水火,卻用 何時勢? ,信任小人之過。 處,亦難安居,更 行隧 眉評】(一、二章)征役不息爲亂之本。(三、四 道爲比。 是追究厲王之失。〔十二、十三章〕二章皆 雖其自取,臣 凡小人垢由中藏,善不入耳,皆 進一 二章極沉鬱頓挫之致。〔十、 層。〔七、八、九章〕君若綴 心何安? 凡此皆君 不 + 能 然即 有 旒 所 摆 翻

愛君之心,千載如見其誠。章〕以下規諷僚友,見不能匡正君惡皆臣下之失。忠臣自。君臣昏聵如此,其國焉得不亡。〔十四、十五、十六

殄絶也。 熱 執勞煩熱之人,誰能不 棘 也。 注: 平 濯」,亦倒字句,猶云「不以 執 脩 禮》「疑立」之疑,定也。 頻急蹙也。 恒 集傳 曰」亂 也。 曰〕填,填塞之意。 急也。 熱 爲執持熱物,幾曾見人執持熱物之後必濯以水乎。 「疑,正立自定之貌。」 徂 梗 》以資作咨,非。 姚氏際恒 黎黑也,謂 集釋』菀音鬱,茂 萍 日 幸 梗, 倉兄與愴怳同,悲閔之意也。 滋 則 蔑 邊也。 謂 或 資 曰〕執熱,執 飄 日 黑首 **「姚氏** 泊無定也。 毖慎也。 愴怳填 削。 將 〔《鄉射禮》〕「賓升西階上疑 往 也。 養 逝 際恒日 而 序 濯 也。 塞于胸 也。 勞 洗 燼 爵 往 況滋 也。 濯 煩 灰燼 也。 〕蔑 辨 僤 熱 疑〔《集傳》〕疑 旬 其 也。 别 也。 自來解此皆以 厚 徧 體乎? 資,無所資 也。 也。 競 賢 也 也。 争 倬明 否 逝 填 削 步 而 也。 往 痻 劉 貌。 官 猶 「歐 姚 逝 也。 運 病 賴 殘 人 如 厲 不 陽 氏 立 也 也。 執 也 也 也 夷 以 氏 恕 謂 際

言

乃曰 附會 又曰 我以 日 也。 具 執之然」, 之言以告之,則昏昏如醉。 言 君子者,非。 毒 相 如 陷 溺 而 垢 誰 俱 輔 茶 姚 · 或 中 其 醉 如 Ш 」,謂行以中藏之汙穢 維 也 也 也 能 『茶、苦菜也、味苦氣辛、能殺物、故謂之茶毒。』其 (或能聽我之言而對之,然亦知其 此。」隧道也。 氏 心 谷然。」《毛 」,根 苦葉。 執 亦 谷〔姚氏際恒 際 鍾 如 遡 守 贅 知 狂 恒 伯敬解爲 醉。」 上 執持 此熱以 聽言二句「姚 屬 鄉 文來。 惑 日 毒 也。 也。 也 熱物之非 侄 傳 **整蟲。** 字不 往 炳 道 謂 卒 「熱不可 征以 日)維 甡 僾 而不 日 聽彼 可 訓 盡 唈 牲 也。 《集傳》曰 皆惡物。」本爲二物。 爲 也。 解。 思澣濯」,竟無 孫文融解 谷、嚴氏 中垢〔姚氏際恒日〕「征 也。 茶惟 衆 之言則 窮, 氏際恒 解」,何玄子解 或謂小 多 荒虚 赫 以苦 未 並 茾 明。 威 喜 日 行之貌 日 使 爲 「王使貪人爲政 人以内汙之事 也。 怒之貌 名 而 〕「聽言則對, 不能聽也 也。 「言進退皆 「熱氣 迪 對之,誦 無 旅與齊 進 通 爲「盛暑之 毒。 恫 也。 者 盈 譖 《集 故 痛 身 職 古 孔 不 傳 窮 同。 也。 茶 溺 誦 人 誦 誣 以 氏 專 信 如

如

反背也 際恒 旦 詈我也。 也。 爲爾作歌,以冀爾之一 也 覆背善詈」,「背善」即上章 日 涼 П 匪 則又工爲惡言,以詈君子。」亦通。 潏 鄭 從來以善置連言,非。 非也。 讀 邪 爲 僻 也。 諒,信 謂 戾定也。 雖 悟 也。 必以予言爲非,然不能 也 善 背 「善背」,謂 〔案〕《集傳》云: 覆 工 背 爲 善 反 書 覆爲背 覆 匪予〔姚氏 也 姚 自己, 氏 「及其 善,且 克 際 既 勝 恒

陷

時

十蒸。 隔句 叶 叶 叶 階 震。 韻 哀 十灰。 九佳。 韻 韻 韻 韻。 頻真。 隔 通 標韻』柔十 句 隔句 隔 隔 韻。 韻 旬十一真。 通 通 句 句 韻。 叶 韻 韻 韻 韻 殷十二文。 隔句 韻 宇七麌。 毖 競 隔 隔 韻。 四 二十 句 隔 句 民同。 韻。 真 尤。 句 韻 騤 韻。 四 辰 、四支。 怒七 敬 將 恤 劉、 翩 真。 填 七陽。 資 先。 四 遇。 支。 憂 質 梗二十三梗。 夷同。 東 先。 並 泯 處 熱 疑、 往二十二養。 同 真。 東。 麇。 天 九屑 維並 黎 同 燼 本 痻 幸 八齊 + 韻 同 同 淑 叶 矜

中

原始

Ŧi.

〇四

四鹽。 王七陽。 八霽。 谷屋。 韻。 叶 同。 真。 鹿 溺 赫 屋 屋。 藥。 韻 同 叶 對 或 愛十 食同。 叶 寇宥。 叶 穀同。 叶 隊。 韻。 穀、谷並同。 通 七章以 力並同。 韻 痒、荒、蒼 韻 韻 韻 醉 隊。 迪十二錫。 **署**真。 上隔 本 隔 真。 背隊。 垢二十五有。 相 隔 句叶。 韻。 逮 陽。 句 句 **悖**隊。 本 同 叶 本韻。 並同。 韻 叶韻。 韻 寶十 蓋 克職。 臧、 削 復屋。 本 轆 風 + 通 腸、狂 隔句 九皓。 轤 韻 藥。 東。 里四紙。 本 叶韻。 韻 力同 韻 予六 叶。 韻 毒二沃。 隔 爵 心十二侵。 好同。 並同。 句叶。❶ 魚。 作 君 同 隔 叶 喜同。 隧 文。 句 歌 韻 濯 叶。 真。 叶 本 本 獲 五. 瞻 穡 韻 韻 韻 歌 陌。 覺 戾 類 忌 賊 叶 + +

倬彼雲漢,昭回于天。王曰於乎,何辜雲漢 宣王爲民禳旱也。

俾 川。 沮。 先祖 殄禋 如 寧 靡 可 神不宗。后稷不克,上帝不臨。 寧 總言群神。 有孑遺。 今之人! 推。 莫我 忍 顧 我 熏 下土,寧丁我躬! 旱魃 赫赫 遯 子 于摧 祀,自郊徂宫。 群 兢兢業業,如霆如 聽 ! 群公先正,則不 昊天上帝,則不我遺。 公先 爲 炎炎,云我無所。 靡 ! 涕泣 無 天降 寫得可畏。 愛斯 可 虐 章 奈何。 一而道 正, 如如 . 喪 牲。 亂 則不 恢 旱既 四 五 三章 饑 如 先尊後親。 二章 章 童 祭 我助。 我聞 焚。 大甚 品。 饉 早既 雷。 早 早既 薦 早 既 我 大 , 藴 圭璧既 臻。 既 大甚 昊 天 父母 命近 上下奠瘞, 心 大 周 大甚 先親後尊。 胡不相畏? 隆 憚 甚 餘 太 靡 蟲 電)上帝, 黎民, 暑,憂 一,滌 先祖 甚 卒,祭 止 則 神 蟲。 一,則 不 勉 滌 靡 不 儀 畏 心 胡 膽 口 靡 不 耗 不 Ш

❶ 「隔句叶」,原作「隔叶句」,據雲南本改。

爲我, 子, 帝 不 凡在朝臣,莫不救旱。 趣 旱既大甚,散無 馬 知 ,則不我虞。 跟上「遯 其 師氏,膳夫左右。 印 假 以 故。 戾庶 無 昊天,有嘒其 」字轉 贏 祈 正。瞻卬昊天,曷惠其 敬恭 年 友 人 大命近止,無棄爾成 瞻卬昊天,云如 孔 正 紀。 意。 夙 明 星。 , 方 靡人不周,無不能 鞫哉庶 神,宜無 胡 應上「雲漢 寧 社 滇 不 正 我 悔怒。六章 莫。昊天 一,疾哉 以 何 早? 大夫 里 冢 寧 何求 宰。 七 ! 君 上

亦非 文也。 民 已,已足 號 有考」。 祗 冤,仰天上訴,曰:「於乎 美王意,乃王自禱詞耳。 右《雲漢》八章,章十句。此一篇 而《序》謂 爲 此 然使其實有所考,而 消 念之 烖 弭 「仍叔美宣 誠,哀矜 禍之本。 三王,姚 惻 況又爲 詩 ,,何 旧 開 篇 不不 辜 氏 中 民 能 今之 即 所 譏 禳 求 自 爲 其 早

曾亦 之而 神,上 左右 臣 所謂 亦 正 矣。夫是以憂心憚暑,「如 其不至散 臻」,凶歲頻 推 乎? 夫「旱既大甚,藴 乎上帝式臨,后稷克勝矣。而乃甯莫 方社之神且 天降喪亂」,曷其有 昊天上帝」、「胡甯瘨我以旱」,而不我遺, 如如 一,縱 **甯忍予而「靡** ,又不可沮。「滌 無 不 ,又無不同心救旱,悉敬悉誠 「靡神不宗」,無牲不備者也。凡 庶 而 不 可避, 知 正,如冢宰,如趣馬、師氏 后 我 無友紀,「先祖 其 稷、上 助,亦 仍。 靈。 何 即 故 瞻 逃之又 「自郊徂 周 帝之尊且 也? 靡 不 雖 滌 我 顧」乎? 極? 餘 Щ 聞 隆 嗟 不 民,「靡有 于摧」者,亦]]] .宫」,罔 嗟! 能 惔如焚」。 蟲 親 於是「饑 而 旱魃 蟲 下 逃。 夫「上帝不 父母先祖, 亦亦 如如 不 而 於乎 群公先 爲 既 子 奠瘞 祈 欲避 幾 饉 虐 我 遺 不 庶 在 年、 聽 薦 幾 口 夫 朝

哉 ? 畏 乎? 天乎 修、天心 益 亂 唯 怒,而無苦吾民爲也。 甯 臨 消 口 事天之敬,有事神之誠,有恤民之仁。 王」也? '特矣。 禍 之業,皆自《雲漢》一念之烈而 ,豐穰之效著,内治既修,外攘 以事天,而天監之。 矢敬恭,以 昭回雲漢,而且「有嘒其 ,莫能挽回,敢不業業兢兢,如 后 此非禱 始將 稷 惻怛以 仰視蒼蒼,何 悔 人,猶 朱氏 莫勝,是「大命 夫與其耗斁下土,害及蒼生, 以 禍 祝 定衆志於 於 答明神。 恤 善曰:「 詞乎? 得以身當之,庶可 將 民,而民懷之。 來,此豈 時是 虔恭以 讀是詩,見宣王 獨是瞻彼昊天,不 蓋 何以謂之爲「美 庶司 近 昭 止」,尊親 星」。天未 爲吾 惠 格不 也 事神,而 我 斯 基之也。」 **藴隆之氣** 雷 以 暫息 天 懈 舉。 如霆, 甯 乎 人 於 俱 厭 敬 有 慮 前 神 官 中 時 天 毋 1 無

旱文也。恐懼之不暇矣,而何以美爲? 吾故曰禳此所以爲「美宣王」意歟? 然詩則固脩省

〔七章〕 之本。 如見。 當裁,則爲民之心尤切。 棄前功,總以挽回天心爲主。 王心爲民,可 則上帝至尊豈肯宥我?〔六章〕此章自閔其格 跟上「靡神」句爲民祈澤也。 [五章]沉痛語,不忍卒讀。 〕此章勸衆人共力回天。 即此一語,已足上格 眉評】〔一章〕開口爲民號冤,哀矜惻怛,其 [四章]恐懼脩省,是救災弭患 穹蒼而 (三章)此又甯以己身爲民 〔八章〕再益 父母 消 災 至親既忍視予 禍 謂切矣。 也。 求昭 天無術 格,

也 (《爾 也。 陽氣蓄積 「晉荐饑」、《釋天》云「仍饑爲薦」。 其光隨天而轉也。 雅》》《釋訓 奠瘞〔孔 郊 祀 集釋】雲漢天河也。 于中 天地 也。 氏穎達日」 也。 蟲蟲,薰也,蓋旱熱薰炙人也。 薦荐通。 隆 宫宗廟也。 盛也,陽氣驕亢于外 奠謂置 〔孔氏穎 昭 之於地, 上祭天也。 臻至也。 光 也 達 日》左 瘞 也 口 謂 藴 轉 下 埋 傳》曰 也,言 蟲 蓄 殄絶 之於 祭 也 蟲 地

亦倒字 祭時 尺,袒身而目 早神也。 稷之類。 滅也 言以 欲 紀。」未聞 紀 祭四方之神也。 憯 令》所謂 土 疚 止 救 ,皆禮神之物,酒食牲玉之屬也。 曾 死將至也。 病 [姚氏際恒日]君以臣爲友,今以旱故將離散無紀矣。 一名旱母。 《月令》注云,百辟卿士,古之上公以下,若勾龍 此 我身當 , 言先祖之祀將自 也。 也 句 菑 瘞是祭畢 「雩祀百辟卿士之有益於民者,以祈穀實 〔孔氏穎達曰〕《神異 友之訓綱也。 謂 而 滌 祈年 冢 是裁害 不 滌言山. 在頂 友散無紀 能 宰 蓋是鬼魅之物。 群公先正《集傳》」「群公先正」、《月 勝 祈穀于上帝與祈來年于天宗也。 又衆 社祭土神 上,走行如風,名曰 時 也。 也。 事。 無木,川無水,如滌而除之也。 此 長之長 也。 鞫 窮也。 臨享 而滅 推 宗尊也。 《集傳》曰: 去也。 也。 經》曰: 也。 也。 也 恢燎之也。 虞 庶 沮 斁 敗 子無 〔黄氏佐 趣 度也。 克勝也。 南方有人,長二三 魃。 止也。 正衆官之長也 「友紀 馬 也。 右臂貌。 所見之國大 掌 日 散 大命 馬之官。 滇 T] 奠是 ,猶言綱 言后 無 病 當 也 友 方 魃 摧 也 近 后 者 方

> 也。 然則里、理、俚,蓋通 於口。」《集傳》訓賴,亦引《季布傳》「無俚」之俚爲 傳》〕里,憂也。 夫不食粱,士飲酒不樂。言諸臣 兵,馳道不除,祭事不縣,膳夫徹 師 釋詁 | 吕氏祖謙曰]《釋文》曰: 氏 [《集傳》]歲凶年,穀不登,則 無不能 》曰:「悝,憂也。」〔劉氏瑾曰〕《孟子》:「稽大不 掌以 兵 守王 止 與《漢書》「無俚 無以 門 用。 者。 不 嘒 「里本作瘦。」《爾雅》作 能 膳 「明貌。 而 夫 遂止不爲 」之俚同,聊賴之意也 膳, 無有一人不周救 趣馬不秣。 掌食之官 假音格,至也 左右布 也。 而 也。 師 里
>
> (集 不 氏 恒 周 百 弛 證 姓 大 其 救

七遇。 遇。 文。 臨 庚。 室 支。 $\dot{+}$ 十二侵。 遺同。 莫同。 熏、聞 聽九青。 賄。 【標韻】天一先。 助六御。 右二十五有 躬東。 並同。 虞七虞。 摧 灰。 通 子 韻 遯十三阮。 六魚。 叶 通 韻。 韻。 怒 止 蟲 人十一真。 紙。 叶 遇。 東。 推十灰。 沮 韻 叶 里同。 叶 六語。 宫同。宗二冬。 韻。 韻。 111 雷同。 臻 叶 所同。 去御。 同。 紀 韻 焚 四 遺四 牲八 += 紙。 故 星 顧

贏 庚。 成 正 並 司。 寧青。 通 韻

崧 高 送 邦 也 申 伯 就 封 于謝 用 式 南

宗廟。 客。 税。 其 及 鉤 命 申伯、王纘之事。 寶 啚 功,召伯是營。 申。 爾 膺 功。二章 召伯,定申伯之宅。宮室。 王 以 四 崧 居 濯 往 既 作 命 國于蕃,功。 高 近王舅,南 維 ,莫如南 濯 成 爾 傅 申 維嶽 藐藐 御、遷其私人。家人。三章 庸。 四 及 王命申伯,式是南邦。 章 甫, ,駿極于天。 土。 有俶其城,城郭。寢 王命 王錫 王 土 維 于邑于谢, 四 錫 遣 是 周 召伯 方于宣。 申伯 爾 申 之翰 保。 介 伯 『,徹申 圭, 五章 登是南 維 四 路 南國 功。 姚氏云,急轉見 嶽 桓圭。 牡 車 降神, 伯 申 一章 蹻 乘 是式 土田 邦,世 伯信 廟既 因 蹻 以 申伯之 馬。 車 是 作 亹 生 0 成 邁 馬 爾 謝 執 甫 我 王 亹 賦 主

> 於是始 聞于 七章 翰。 徒御 行糧。 碩,詩品。 誠 歸。 之。 德又相配,故於二臣之行也,特贈詩以美 一詩發端皆極 烝民》同爲尹吉甫贈送之作。 送仲山 嘽嘽。 不顯申 四 行。 申伯之德,柔惠 式遄 於申伯則曰嶽降,於山 王命召伯, 徹申伯 國。 右《崧高》八章,章八句。 其風肆 王 其行。 就國是行後事。 伯,王之元舅,文武 餞 甫。 功。 于 好,以 吉 意經營,工力亦 六章 以二臣位相亞,名相将,才 郿 甫 且直。 郊 作誦,作 贈 申 餞 申 伯 周 土 伯。 至德。 疆 番 邦 申 番 詩 甫 伯 咸 點明作收。 此詩與下 人。 極 是憲。至德。 既 則 一送申伯 以 還 揉此 喜, 戎有良 相 峙其 南 曰天生, 其 敵 于 謝 萬邦, 詩 八章 粻, 是 篇 孔 于

甫及申」之甫,非仲山 配二臣,爲宣王中興生色,則篇中所謂 一詩者,尹吉甫有意匹配之作也 甫而 何 ? 乃諸 有意 儒 生 忽 兀

或

以

Ħ

相

民》言「天生仲山 文,以辭害意矣。 祀,嶽神福興其子孫。」則執著于「嶽降」之 辭,真是可怪。蓋泥申、甫皆國名耳。 同見於詩之人不言,而乃爲 於經,以文意考之,蓋當如此也。」舍現 王時賢諸侯,同有功於王室者。 集傳》疑二人不同時 ,申伯亞于山 匹之,非 申伯光輔中興,而遠 」。」吕氏 甫,甫 此是宣王時人,而作《吕刑》者之子 知古人文 曰:「舊説 國,則名 所以 祖 侯 也 謙 衰揚 即即 甫,借山 亦曰:「甫、申,意者皆 辭 稱 甫」耳。 此詩言「嶽降」,猶《 謂姜氏之先,主四嶽 難 不 穆 申 難 類,故以 以 王 伯 取 例 時 甫以 以 也 周道始衰之甫 當時 拘。 作《吕 此 並舉。 猜 或者疑甫 大申 申、甫皆爲 仲 甫雖 《舜典》 疑 刑》者。」 又云: 山 無 伯 甫 定 不 也。 烝 之 之 在 見 官 爲 侯 爲 唯 稱 美仲山 代伯 詩以 絳以封 泰 儒 噫 同編 尤 局 如 寶 契稷」,稷以 是, 異者,伯之家人,亦令傅御代爲遷徙 玉 山巖巖 ! 則其

嚴

氏

粲

孫

也

或日

曰

此手筆不足以 以見甫之爲仲山 爲之覈實曰:「或謂吉甫 二甫字同,必無自贊之理。」然《烝民》之詩 甚平,無足爲異。 一言以決之耳。此詩用筆雖俊 ,以及土田 申、甫並言,乃似統爲二詩發端 經營其國,自城郭 ,二臣對咏,明白如是,尚煩諸儒 經學之難,不難於考證多端,難 甫,篇中亦明著爲吉甫 邑,灌以 氣象。 他有 官,契 稱題。 姓。 、賦税之屬,無不具 甫,又斷斷無疑 中興賢佐,天子 疑 以 唯 皆不類 難定者, 名。 以下歷敘王命諸 、宗廟、宮室、車 發端 既 《漢》稱 也。 爲作詩之人, 嚴 不言可 所作 重 也。 此何玄子 懿親,非 逐,而 莊 絳 亦 凝 於 二詩 則 辯 知 所 製 诵 可 此

者。 賢臣 忘身 就 或 則 得 以 爲 自宣 寶 也 嘉 感泣忘身以報之耶? 有代遷其室家,且並 古之寵賚,予以弓矢,賜以甲第者有之,未 可) 歟? 諸 論 其資兼文武,望重 元 也 玉 謂 行 不如是之恩意周浹,禮文備至焉爾。 以 者 其 舅之尊也,非以 王待申伯始。 至矣。 此 臣之旁觀者,又不知如 糧 功則 報之矣。 蓋王之爲是, 亦 尹 有之,未有代營其 推 吉 誠 蕃宣足式,故 夫古之封 命召伯早爲 甫 相 與,夫 之 嗚乎 所 然則爲之臣者,宜何如 一屏藩 曲 伯 慮及餱糧者。 爲 ! 建、錫以 固 此中興業所以 有 盡 儲 用 長言 有 令德聖主 擁戴之勞也 備。 ,論德則柔 恩榮者,非 以 城 非形 何感泣 、邑、寢 式 而 車 王 迹 南 一之寵 馬,畀以 歌 所 邦,不 有之, 廟 咏 能 忠 亦 惠 以 不 者。 臣 之 蓋 將 然 堪 誠 伯 難 喻

非

甫呈 應有之意。 更爲備及行 其家人,則寵榮者至矣。 馬、寶玉以及土田 皆王遣臣代其經營而錫予之。 :徒以親貴邀寵者,亦詩人自占身分處 獻鉅篇,專學此種。 眉評 [八章]結尾點明作意,並特表其功德之盛 糧,是何等周密。 賦 章〕起 税之屬,無不具備。 二、三、四、五 筆峥嵘,與 [六章]至是始 〔七章〕人謝乃文章後 自城郭、宗廟、 嶽勢 章〕中 競 且 餞 命傅 行 宫 間 後 I室、車 四 正 御 世 面。 章, 遷 杜

翰幹 華、 巡曰」 或 四 申 高,或取此文以立名乎? 豐」、「商邑翼翼」是也。 都之處也。 岳之祭。 ,周之南土也。 申 北 也 伯 恒 山高大者自名松,本不指 集釋】松高《集傳》」山大而 姜姓國也。 是 蕃,蔽 也。 周 (王氏安石曰)國之所都 則 駿 有 〔曹氏粹中 也。 大也 甫、 〔孔氏穎 亹 申、 謝 **亹**强勉之貌 嶽 齊、 日》地理 《集傳》〕謝在 甫 達 山之尊者,東岱、南 日 許, 即 中 」堯之時 仲 嶽。 皆姜氏之苗 志》: Ш 亦 高曰崧。 甫, 説 今之中 日邑,「作 纘 有 今鄧 南陽宛 姜氏 見 也 嶽 州 裔 者 篇 霍 邑于 李氏 縣 名 南 也 中。 西西 邑 有 陽

從丌。 貌。 也。 傅 平 之脩明 守 申 果 郿 氏 [《集傳》]近,辭 虐 漢 召 也 近 自 是。 行 (康成日)聲如「彼記之子」之「記 而 ·原隰、清泉流之事。 其 穆公虎也。 鎬 》言 伯 御 適 功 國 也 申 俶 介 申 徹 徹 申,塗 也。 今從近,誤。 伯既受命,王 信 , 税賦之畫一, 皆在其中 圭 始 氏 棘 伯 法壞 我疆土」,而 謝 飛 陽 也。 邁 諸 家 徹何 鵬 于誠歸」者 縣 不 誠 臣 盡 登成也。 侯封圭, 也。 日川 經 東 藐 之長 矣。 歸 北 貌深貌。 郿 氏楷 「徐氏 餞 南國是式」者,命 郿 百 何何 也。 宣王 此言 又曰: 還 蓋 里 今鳳 時 日 鄭云 氏楷 世執 川用 有 歸 桓 宣 光啟 中興之美,亦可 徹申 私 於 圭 謝 翔 王 《韓奕》言 E 蹻 徹法以正 人家人也。 矣。 城, 誠 鎬 以 蓋 府 日 其 邁,行 蹻 伯土田 而 郿 朝 省 歸 0 其 功言使申伯 縣。 辭 後 於天子 此即《黍 視岐 壯 于謝 爲州牧 地 [案]《説 者, 適 貌 也。 「實畝實籍 其 蓋 孔 申 周 語 土 相 也 蓋白厲 見其 也。 故 也 信 氏穎 濯 遷 辭 者 苗 田 近 文》 邁, 也。 也。 濯 》篇 [案]此 使 餞之于 峙 則 後 召伯 達 式 從是 王 光 就 所 經 世 「鄭 也 粻 日 近 明 暴 云 或 江 云 界 常 法

> 戎汝 風 也 I. 能 也 而 使申 集 師 則 風 所 傳 也。 不可稱雅頌耳。 曰 已斂其稅賦 誦 伯 「其風 之辭 無留 峙 揉 積 肆好 治也。 也。 行 也 也。 積 碩大也。 粻 則 吉 其餱糧,使 番 肆 知 糧 甫尹 遂 凡 番 也 也。 詩 武 吉甫, 皆 風 勇 廬市 遄 可 が姚 貌 速 稱 周 有 也。 風 氏 之卿 嘽 止 際 宿之委積, 召 第 嘽 恒 士 雅 伯 日 衆 也。 頌 之 盛 誉 此 可 誦 雅 故 稱 謝

冬。 宣先。 或 韻 疆 九 帰 同。 叶 皓。 並 0 陽。 韻。 句 叶 同。 本 韻。 翰十 保同。 標 行 韻 韻 通 邦七陽。 本韻 同。 韻 韻 Ŧī. 馬二十一 翰。 田 伯 本韻。 天 本 先。 陌。 事 憲十 韻 功一東。 碩 四 人真。 陌。 馬。 先。 濯三 真。 四 郿 謝 [願。 伯 四支。 土七虞。 申 覺。 式 士 叶 同。 通 + 十三 叶 藐 韻 韻 韻 歸 本 真。 職 + 韻 叶 五 七 邦陽。 喜 誉 德職 微。 宅十 韻 翰 [八庚。 四紙。 + 通 蹻 四 寶十 庸 直、 韻 叶 同 陌 成 寒

諸侯也。
烝民 送仲山甫築城于齊,懷柔東

德字 政。 治 司 王 之德,承德字 不爲之心折。 仲 懿 考,世官。 是力。修行。天子是若 政本。 四 德。 命 Ш 方。 邦 致君 甫 天 仲 以 國若 天監 生烝民,有物有 小心翼翼。 王之喉舌。 Ш 保 深源星宿,不獨理精,詞亦粹然,雖宣聖亦不能 王 四 甫 此三百篇説 其 否 章 躬是保。 來。 有 式式 肅 身。 仲 周, 肅 柔 是百 山 亦有言,柔則茹之,剛 保 王 昭 裏。 嘉 賦政 理第 甫明之。 身。 命 假 内輔君 維 明明 辟。 ",仲山 古訓 于下。 則。 一義 則。 于外,四方爰發。 夙 命 外 德。 夜 也。 是式 使賦。 民 總百官。 跟 甫 既 匪 則 保兹天子,生 之秉彝,好 出 將之。 明 學問。 解 字。 章 納 且 事業。二章 王 纘 以 **令** 哲 仲 承 命,人 一,回 戎 儀 事 Ш 則 威 上 祖 令 儀 甫 是 吐 出 顧 賦

> 仲山 圖之, 其 及。 祖,人 點詩人。 彼 之。 衮職有闕, 亦 吐,剛亦有則。 有言 東 甫 方。 四牡彭彭, 維 題 維 八章 :,德輔 穆如 徂 正 仲 仲 一齊,地 築城。 面 Ш 維 Ш 清 甫,柔 不侮矜寡,不畏 如 四 仲 甫 風。 名。 七章 八鸞 毛,奇喻。 牡 Ш 舉之,愛莫助之。 業 式遄 甫補之。 名句。 亦 鏘 、業,征 四 不 鏘。 牡 其 茹,柔 民 仲山 歸。 騤 夫 鮮克舉 王 六章 温禦。 騤 捷 甫永 命 有 吉 捷,每 則 仲 八 甫 仲 懷,以 鸞 Щ 五 作 剛 Ш 喈 甫 誦 懷 甫 層言。 我 亦 城城 並 慰 靡 出 不

也。 已不 美王 宣王 請 ·知有 意 郝 任賢使能 , 豈非宣王復興之烈哉? 右《烝民》八章,章 仲 ,故《集 天子。 輿 駁 傳》改 周室 之云:「時 齊遠 爲 中 送 興 八 而 厲 句。 品 焉 行 王 之 品 《序 作,本 之城 流 删《詩 而 彘 》謂 詩 且. 諸 中 無 美

乎? 準以 常卿 甫賢 以 諸 重臣 能 官守,無不 甫 詩乎?」案:郝論甚正大,未可 親受其成? 廷,今一旦以築城請,不得不命天子 自是詩外意,非詩中旨也。詩本美仲 真腐儒之見,詩末句明言『仲山 烝民》,《春秋》之旨。 政? 侯也。 慰其心」,並不及美宣王之意,何緣不 使 ,故備舉其德性、學行、事業,以及世 則焉 遠 ,即作詩之尹吉甫亦可不謂之爲 宣 士任之足矣,何至以才全德備 此詩 出 聖三復其言而歎 何登於《雅》?」姚 而 故 而司其事? 極 内意也。 尹吉甫作詩美之,亦此意歟 不過、幾於《中庸》至善學,故 意推美,而總歸之於德。 雖 城城 若築城於齊,不過 彼東方」, 豈非以諸侯 如 美之。 解 氏 以 作 送行, 爲「佞序 然則仲 厚 實懷 甫永懷 久 非 柔 保 補 無 何 系 讀 賢 且. Ш 東 傅 朝 衮 Ш 然 歸

> 指摘 率多半明半暗,未能窺其全旨,故來後 於齊,則《春秋》之義 唯不宜直 不然,何云「仲 相 循 云美宣王,但 而 未有已 Ш 甫 永懷, 時 自見。 當日 耳 以 送仲山 惜諸: 慰 其 心 儒 甫 説詩, 築 耶 城 ?

此一 骨。 事轉言德行。 行遞到事業。 治 三代之異於南宋者以此。 然總不脱則字。 章方寫出行,爲作詩送别之由,篇法極爲整飭。 須看他描寫山甫德行,處處無過乎則。 然「嶽降」以氣言,「天生」以理言 眉評』〔一章〕工於發端,與上篇同一 [五、六章]二章表其德,至補衮始微 [三章]此章總言職守。 蓋則字是懿德之準,即 [二章]此詩 四四 妙妙 備舉 [章]此 在説 〔七、八章〕 其 是此詩 德, 理 高渾 章 不 帶 由 由 腐 之 政 政 有

於樊」。 仲 也。 也。 Ш 甫 懿美也。 仲 諫 集釋』烝 Ш 宣 二十五年《左傳》説晉 甫樊侯字 王」,是山 監 視 衆 也。 也。 也。 甫 爲 樊國之君 〔孔氏穎 昭 則 明 法 文公納定襄王,王賜之 也。 也 達 也 日 假 秉 一》周 韋 至也 執 也。 昭 語 云 稱 保 彝 食采 「樊 佑 常常

Ŧī.

四

樊邑。 色 則 也 樊 在 翼 東 翼 都 之畿 恭 敬 内 貌。 也。 古 嘉 訓 美也。 先王之遺 令善 典 也 也

其世 所謂 也。 若 兹天子」、「王躬是保」,則是爲大保可 官也與? 保其身體 纳 曰 : 也。 行而復之也。 其言「式是百辟」,則是爲宰相可知。 賦 布 者 《或問 也。 也。 戎 然則仲山 》))仲 喉 女也。 舌所以出言也。 Ш 甫 甫蓋以 以冢宰兼太保,何 王 躬 知。 是保 冢宰兼太保, 出 發 承 [《集傳 其 而 發 日 以 而 布 保 之 抑 應 知

祭也。 非趨 於理。 之也 有 氏 利 濟 避 業業健貌。 將奉行也。 哲 日 害 1]《駟驖》 謂 儀 而 察於事。 偷以 度也。 $\stackrel{>}{\exists}$ 全軀之謂 若順也。 捷 「輔車」者,亦取其馳逐之輕 置 保 捷疾貌。 謀 身〔《集傳》〕蓋 也。 也。 否猶臧否 衮職 茹 東方齊也。 納 王職也。 也 也。 順 理 輶 以 明 式 故 輕 守 祖 謂 身 遄 也 行 明

馬。 甫七麇。 標 韻】則十 叶 韻。 德職。 德 同。 則、 本 色、翼、式、 韻 下二十 其

不欲其久於外也。

穆深長

也

喈九佳。 叶 補獎。 茹語。 甫、 通 十一真。 發六月。 力 韻 韻 並 辟 同。 無韻。 叶 吐 彭庚。 人同。 歸 通 韻。 塵。 本 韻。 Ŧi. 考十九皓。 韻 禦 業十七治。 鏘 本韻。 將七 語。 陽。 通 若 韻 陽。 + 通 方 保同。 茹 藥。 同。 韻 捷十六葉。 明 六語 風 賦 八 轉 舉 本 庚。 東。 七 韻 韻 語 吐 遇。 轉 廋。 心十二侵 及十 騤 助 舌九屑。 韻 叶 甫同。 四 四 六 韻 支。 緝 御 身

韓 奕 送 韓 侯 人 覲 歸 爲 或 北

衛 也。

辟。」 虔共 親 封 建 命之:「纘 作勢嚴 爾 奕奕梁 章 位 正有法。 几 Щ 牡 朕 戎祖考,無 奕 命 維 奕, 不 有 禹 甸之。 易,榦 倬其道,韓 孔修且 廢 朕 從韓地 不庭 一張。 命。 侯受 方,以 起,遠 韓侯 夙 夜匪 命 溯 入覲 佐 禹 甸 戎 王 爲

弗 其 介 圭 衡 人 玄 覲 衮 于 赤 王 舄 鉤 王 膺 錫 鏤 韓 錫 侯 鞹 淑 鞃 旂 淺 綏 章 幭

簟

以

鞗 革 金 厄。 二章 韓 侯 出 祖 出 ? 宿 于 顯

其 父餞之,清 蔌 維 何 酒 維筍 百 壺 及 其殺 蒲 維何 其 贈 維 何 炰 ? 鼈 鮮 乘 魚 馬

路 車。 汾 王之甥, 籩 豆· 有 蹶父之子。 且. 侯氏 燕 忽入取古 胥。 三章 妻一 段, 韓 不 侯 獨 取 文

迎。 百 兩 彭 彭 八八 鸞 鏘鏘 不 顯 其光。 諸 娣

章生

色,事

亦極

有關

係。

韓侯迎

止,于蹶

之

里。

親

從 四 溯。 章 祁 祁 蹶 如 父 雲。 孔 武, 韓 侯 靡 順勢 或 顧 之, 不 入韓 到 爛 或 其 爲 盈 韓 姞 相 人

土 攸 111 追 澤 訏 莫 訏 如 魴 韓 鱮 樂。 甫 甫 麀 逗 鹿 噳 噳 孔 有 樂 熊 韓 有

溥 羆 彼 有 韓 貓 城 有 虎 燕 師 慶既令居 所 完。 以 韓 先祖 姞 受 燕 命, 譽。 大 Ŧi. 時

非

世

伯 鑾 實 王 錫 墉 韓 侯 壑 其 實 追 畝 其 實 貊 籍 , 奄受北 獻 其 貔 或 皮, 因 赤 以 其 豹 百

> 黄 羆 收筆 莊 雅 得 體

> > 章

未可 傳》 序》 或 篇 能 詩 韓 則 錫 謂 與知人論 有 又只以 人美之之作。 命諸侯」,亦豈詩中 「尹吉甫美宣 初立,入覲 韓 奕》六章,章十二 爲送别之章,尤屬 世 也。 受賜 王 於國 唯 鄒 固 因 何 氏 大旨? 涉 句。 以 所 忠 泛 便 關 胤 隔 泛。 道 係 此 靴 日 ? 親 不 至《 搔 即 迎 调 集 謂 小

爲 或 一,爲 望 或 方 諸侯之向背 屏 藩 韓 侯 係 來 焉 朝 猶 而 用 又 密 繼 世 邇 稟 北

其 命 依 之禮 毗 亦 王因令之纘舊 隆 重 哉 ! 而 馭下 服, 受北 之柄 或 可 爲 概 伯, 見

矣。」此 差得 詩 人作 詩 義 山山 然 曰 猫 用 繼

稟 深 明 命 當 之禮 日 時 亦只 勢 者 説得 也 能 愚 錫 意 命 此 諸 詩 侯 必 作 節 於

玁 月 狁 背 北 叛 伐 以 之後 來 故 北 方諸 爲 歸 侯 係 梗 中 命 興 之作 不 朝 者 亦

自

六

Ŧi. Ŧī.

子耳。 等處 瀾 言。 親 倚 王 膺 覲 已 詩 未 戚 侯 H 多矣。 嘗 者。 迎 皆絶 賴 因 兹 不 ,而又年少英賢 且以見其爲國至戚,尤宜 故首 非 知 訝 不 中 至 之日, 餞之以 其 屏 若天子寵錫之隆,蹶父相攸之美 侯 中 其 其 其 由 極 翰,實足以 來朝,特隆 大 泛常比 入覲 兹值 意烘 間 此 於 何 恩 尾均以受命建 事 而 此 故 遇 親 天子 見 託 北 非 詩, 耶 迎 也。 如 伐 也。 法 常 兩 制 韓韓 詩, (),爲 此 以 亦 有 章,不過 非關 詩 北 詩 禮 姚 僅 則 惜後! 功 國 亦將 侯 人 狄 氏 不 與與 日 何 韓 懿 取天子 正意。 國、 亦 而 一人《大 際 異 儒説 : 於 以 申 親 衛 侯 「宣 恒,近 矮 借 勤 輸 更配 北 其 伯 王 適以受命 人觀場,終 詩,專從此 忠以 作 修 雅 甥 王 然正 諸 方 歸 # 文 女 册 職 保 臣 或 帝 章 爲 善 意 報 貢 故 命 障 便 同 而 甥 必 或 韓 説 亦 天 波 爲 望 道 官 X

以此事爲絶大事,詩爲《大雅》詩,則其識標曰『美宣王』,然後入《大雅》耶?」噫!

不

又出矮

人下數等哉

因 興 且. 處 擇壻于韓,見韓 章〕此章並 奪 詞。 其 時 目。 令其懷柔北狄 幾于無 上 《前人之土字,增今日之疆域,不唯 盛事,寵榮極矣。 [二章]此章既朝覲而得天子之賜,奇 侯 〔三章〕此 眉 氏燕胥」遥 迹 及擇壻,文勢更覺 評】[一章]首章來朝受命, 미 尋。 土之美,仍 章祖 遥 章末 送歸 且見爲 相 對。 落 國。 歸 到 六 舒 國 封 歸 展。 戚足以 國 韓, 章」末 四 章 本 特 姚 旨 使 言 氏 捍 「纘戎 章 此 其 云,因 仍 衛 章 光異彩 韓 其 勤 歸 便 王 姑 聯 以 修 到 室。 道 絡 取 下 職 封 親 炫睛 脱 妻 皆 五 建 迎 貢 及 卸 制

之鎮 名 是 爾 韓滅之後故 侯爵 雅 也。 集釋】奕奕大也。 ,武王之後也 今在 一梁山 以 司 ,晉望也。」孫 爲晉 州 韓 望 城 也 受命〔《集傳》〕受命、蓋即 縣。 炎注 甸 梁 治 李 日 Ш 也 氏 樗 倬 晉 集傳 日 或 明 其 所 貌 後 望 梁 祭 屬 Ш 韓 位 晉 除 或 則 韓

以

玉

也 横

之事上 喪,以 穎達 當盧者,當馬之額盧,在眼眉之上。 注於旂竿之首,爲 梁氏益 字字 刻 木可 集傳》〕鞹, 金路 纓,金路鉤 有 毛之皮爲幦。 日〕幭字、《禮記》作 辟 也。 金也。 士 衣 》言「羔幦鹿幦」、《春官 一作幦,又作幎。 矣, 皆 憑者,以鞹持之,使牢 服 曰》《左傳》,鄭莊公以王命討 君 改 士 成禮 人見 而 也。 服 綏章[《集傳》]綏章,染鳥羽 也。 樊纓。」 馬眉 去毛之革 得 何 於庭中。 天子 有 修 榦 上 鏤鍚者,蓋特賜 表章者 注云: 謙 小 飾曰錫,今當盧 長 正 而 不 儀 也。 也。 也。 聽 :幦,《 以 不 敢 御 命 也。 有毛之皮覆式上 「金路,無錫有鉤。」此言 庭,言不趨走於庭,故 自 不 也。 鞃,式中 張 固 車之法云, 《周禮 專 巾 也。 大也。 庭 鉤 也。 車》言「犬 班 **虚**也。 》作 複, 之。 方 案《巾車 膺 淺 也。 氏 不 纘 不 鏤 或旄 庭。 固 虎 孔 介 拖 鞹 來 字異 謂 繼 日 皮。 錫 諸幦 複豻 圭 庭之 鞃 兩較 也。 氏 牛 説 也。 世子 ()集 玉 幭 封 而 穎 尾 者 孔 複 淺 之間 達 爲之, 圭 日 或 義 戎 覆 傳 討 上 明 鉤 路 同。 也。 日 也。 下 幭 在 氏 式 噟 錫 其 汝 受 溥 相 娣 彘 也。 H. 或 軾 士

鏤

必 樊 罪。

淑

也。

爵

周之卿 之號 也。 帝之後百 古通用。 〔《集傳》〕屠, 大蟲、似蠶。 也。 上。 (攸擇可 ,漢宣帝塟其地, 大也。 ,韓姞父也。 多 《集傳》〕 在汾水上, 胥語: 金 貓。 貌。 貓瓜集傳 厄,以 故 士 晉 鮴姓 知 也。 慶 辭。 燕 嫁之所 侯 覆 有杜蒯,亦作屠 諸 地名,或日 金厄者,以 金爲環,纏搤 氏《觀 喜 故曰 師 軾 姞,后稷妃家也。」 》〕貓 蔌 侯 姞 汾 也。 也。 所 也。 菜殺 姓 因 汾王也。 王 完燕召公之國也 似 娶九女,二國媵 禮》,諸侯來 也。 日 鞗 一之甥 令 訏 也。 虎 杜陵,在 金接轡之端 即 革 善 「曹 訏 轡 而 杜 蒯。 也。 淺 甥 金 首 氏粹中 汾 也。 筍 甫甫皆大也 也。 毛。 指 王,厲 厄《集傳》〕 然 朝 長安南五十里。」 竹 韓姑。 漢志》注 が姚 燕 者之稱 則 萌 《爾雅 〔孔氏穎 之, 曰》《説文》 如 蹶 安 也。 氏 王 蓋 厄 韓 也。 也。 際 皆 蹶 其 云: 蟲 初 恒 此 蒲 氏 有 鞗 封 然 父 日日」屠、 達 厲 虎 譽 則 噳 娣 「古杜 蒲 革, 也。 時 日 周 日 竊 王 指 樂 顯 姪 蒻 噳 之 毛 王 流 韓 也 也。 厄 也 諸 父 屠 命 謂 衆 黄 卿 伯 干 侯 杜 首

Ŧī.

八

以 也 其 籍税 爲 此 也。 城 追 猛獸 貊 也 夷狄之國 也 墉 城 也 壑

池

貔

陽。 虎麌。 九效。 雲十二文。 蒲 四 通 通 止、皇同。 真。 韻 韻 虞。 王 通 厄陌。 通 譽 、章並同。 車 道十九篠。 貊 韻 一六御。 韻 韻 魚。 門十三元。 本 陌。 韻 通韻 易十 甸 土七七 且、 伯、 叶 + 衡 彭 考同。 韻 胥 七 籍 八人庚。) 慶。 庚。 陌。 通 屠 霰。 並 並 七虞。 完十四寒。 同。 同。 韻。 訏 鏘 辟 本 轉 命 虞。 陽。 同。 二 十 韻 韻 通 本 到二十號。 壺同。 韻。 韻 光同 甫 本韻。 四 舄 解 敬。 麇。 蠻 陌。 + 皮四支。 子 魚 + 掛 轉 噳 命 四 五. 樂十 六魚。 錫十 張 韻 删。 虞。 紙 同 位 七

江 漢 浮 江 浮, 漢 武夫滔滔 召穆公平 淮 匪 銘 安 器 匪 也 遊 淮 夷

羆

同

本

韻

德,治: 召祖 一卣。 受命, 疆土。 之滸 銘勳於器是主。 肇敏戎公,用錫爾 靡 夷 虎拜稽首,對揚王 于南海。三章 四 來 求。 方 有争,王心 來 命。 一告成 ,王命召虎。 鋪 此四 召公維翰。 告于文人,錫山 匪 0 既 受賞。 一章 一 疾匪棘,王 出 國 于 我 明明天子,令聞不已。 載 王。 虎拜稽首,天子萬 車 六章 王 江 寧。 一,既 命召 以下善後事。 漢 祉 四 休,作召公考,天子萬壽。 無 湯 或 平淮之事止此。二章 方 設 日 四章 湯,武 虎,來旬 土 來 既 我 子 田 。 極。 平, 旟 小子,召公是似。 釐爾 式辟 夫洸洸。 王 于疆 于周受命,自 匪 來宣。 或 圭瓚, 秬 四方 安匪 年。 庶定。 矢其 于 渝 理, 舒 Ŧi. 文 經 江 章 文 武 幽 至 我 漢 時 淮

賞 伯家 因 廟 右《江漢》六章,章 作 紀勳 成 於祖 銘。 廟,歸 蓋 穆 公平 八句。 美 康 公, 淮 此 夷 以 似 歸 祀 其 受 篇 先 1 召

作勢。 是宣 祝頌 者 者 不 層 甚 可 甫美宣 王 也 知 略 不 命之詞,以便 可 明,詎 之,以 亦非。 作 王中興 知 細 鄭 何 王 豈 後二章述慶賞報塞之義極詳 觀 重 一,能興 中興 夢 非 詩 得 見 賡颺,歌 囈? 事 廟 蓋自銘 意 因 宣 復 器銘哉?《序》以 自 歸 然詩 其 王 衰撥亂,命召公平淮 見。 舊 《集傳 平 之 功 其器 咏 典,旬宣遠 淮 非 祖 功 不已。 首二章 爲宣一 夷, 德,亦無非 也 耳。 影以 遂漫然以 爲「詩 此 王作,特編 夫淮夷平, 則其 敘 猷 中 平 界限 爲 人美 爲 皆 歸 淮 尹吉 爲 夷 後 設 之 重 反 不不 之 美 詩 自 半 爲 後 覆 功

再 章〕善後安民,不外興復井田 論定貫行,鄭 勉以 眉 評 繼述先業,皆設爲王策 重之至。 [一章]整師 〔五、六章〕頌揚王休,乃 而 往 命 清 〔二章〕 之言 釐 賦 税 落 淮 諸 句 夷 法 即 患 臣 起 除。 子 下 几

宣

王

而

無所區

别

哉

報塞之義。然仍勸君以文德,則寓箴規於賡拜時台

賜 公名 敢對揚天子休命,用作朕皇考龔伯 以考其成,且祝天子以萬壽也。 揚 周,從其祖康公受命於文王之所,以 傳》」古者爵人必於祖 複,亦非。 《爾雅 自稱 宣 也。 曰:「文人,先祖之有文德者也,謂 人自指文王、《毛傳》但訓爲「文德之人」、非。 也 由 江 ,遂答稱天子之美命,作康公之廟器,而勒王策命之詞 稱也。 布 也。 也。 陳師 漢 也。 極 率 》》《釋器》: 集 中之表也。 師 肇開也。 以伐之也。 辟與闢同。 作召公考[《集傳》]考, 周岐 召 釋 順 公召康公奭 流 》浮浮水盛貌 周 而 也。 「卣,中尊也。」文人「姚氏際恒 下 戎汝也。 居 廟 也。 洸洸 中 徹 ,示不敢專也。 召 而 井其 淮 也。 爲 祖 武貌。 四 夷夷之在 公功也。 古器物銘 穆公之祖康公也。 田 方所 滔 翰 尊敦 也 榦也。 滔 文王也。」爲 成 寵 庶幸 取 也。 異之。 又使往受命於 順 正 疚 조 鄉 淮 釐賜也。 流 也。 也 病 其眉壽 南 言 子 心也。 郝 者 穆公既受 對答也。 小 旬 拜稽 説 虎 蓋平 集傳 日」文 徧 子 棘 鋪 召 雜 也 卣 集 而 王 穆 急 淮 陳

也 此 疆 詩 即 矢陳也 語 銘 正 詞 相 類 集 傳 但 談既 彼 自 知 祝 考成 其 壽, 爲 銘器 而 此 祝君 而 不 壽 敢 耳。 斷 者 案 何

十賄。 宥。 先。 有。 紙。 本 争 湯 叶 七陽。 韻 庚。 韻 同 叶 叶 無 似、 標韻 通 韻 韻 本 韻 甯 車 棘 祉 洸、方、王並同。 韻 韻 九 - 六魚。 十三職。 並同。 首有。 人十一真。 子 浮 宣一先。 紙。 + 叶 旗、 本韻 休尤。 極 韻 尤。 己 舒 同。 同。 田 翰十四 並 滔 滸 平八庚。 同。 先。 瓚 考十九皓。 本 四 七麌。 本 + 豪。 韻 韻 命二十四敬 寒。 鋪 四 早。 七虞。 游 虎、 理 定二十五徑 通 尤。 德 壽二十六 卣二十五 四 土並 韻。 十三 紙 通 求 韻 職 同。 同。 年 子 海

赫 赫 明 常 明 武 王命 宣 王 卿 自 士,南仲 將 伐 也 大 祖 ,世爲名

或

徐土。 徐 濯 流,動 如 王師 鋪敦淮濆, 麾。 霆,聲勢。 緒。」二章 既 將。 徐 匪 父:「左右陳 戒, 方 方 征 江 紹 大師 如 之所。 既 徐國 不回,王曰 匪 攻。 如 惠此 震 取 同 遊 漢 皇父: 道 徐 如 緜 ,天子之功。 赫赫 仍執 南國。」一章 于淮,所征 痛勦。 四章 怒。 洶 方震驚。三章 緜翼 徐 行 湧。 還歸。 方 業 戒 醜 進 整我 五章 業 王 翼。 繹 如 虜。 厥 我師 在徐。 旅嘽嘽, 有有 騷,震驚 山 虎臣,猛 聯營。 六 生擒。 暢然满 王猶 几 之苞。 嚴天子。 王 旅 師 不 方 謂 王奮 既 以 允塞,徐 留 志,凱旋。 不 如 尹 截 率 將。 徐 平,徐 修 測 静 飛 不 彼 彼 氏 方。 我 守。 厥武,王親指 處,三 如 闞 ()命程 不 王舒保作, 淮 淮 戎。 翰。 克,秘 浦 六章 方來 方既 如 浦 如 如雷 省 , 奇兵 虓 111 事 伯 迅 既 庭。 來。 虎 疾 之 如 此 敬 休

字, 而以名篇,故又啟諸儒紛紛疑議,二千 右《常 武》六章,章八 句。 詩 無「常 武

亦

則可, 均覺難. 唯當其 穆公特名其篇,蓋有二義: 序》曰「有常德以立武 言,而又近乎黷者也。 召穆公美宣 何 通 中 年 也 解 「佞《序》者莫朱若也」。 也 正 此 。」是又本《序》以 以 有 謂 以武爲常則不可。此所 尚 則 時 武 故 解。《辯説》獨不敢非 謂之,「常德」 美 事 無 其言 不能 也? 而 匪 之有 其 定 黷 無 他 王 解 不 也 日 戒 也 恒 不 又 -用武 月 ,乃無忘乎恒耳 : 者 何論 抑 可贖,又豈 詩 而後可常焉 不 所 又 而 事 爲説,無怪 以定亂 中無 可 武者,事之變,詎 耶 知 謂常德者,亦不 始 ,因以爲戒然」,然 ? 其 笑 然姚氏 可「立武 有常 『常武』字, 何 ! 可視 愚按:常者 ,以爲「於 以 則 所 ^ 德以 雖 姚 有 小 據 周 蓋 亦 美 戀 爲 氏 事 序 之世 對變 無 譏 而 立 也 恒 ? **>** ? 説 其 武 召 理 知 大 而 口 有 曰

以

恒

戒

篇

餘

其

亦

誓師 征 武 武之常。 蓋 是 正 可撼 武 歟 商 武 尤 甫 而 而 士尤貴奇謀 下,直 用 道 ? 詩 列 爲常哉? 功 一篇古戰場文字。 ,四五則皆臨陣 事之謂哉? 又不可暫忘武備,必如宣王之武而後爲 ,樂日《大武》; 一、故縣 最 擊 ; 則 而 即樂也。 殆將以示後世子孫,不可以武 著者 必敬必 動 援; 醜 薄徐土。 攻 然變而不失其正焉者耳,而 虜 緜 濯 則如 <u>-</u>: 成 ,故不測而 而翼 又豈如《序》所云有常德 戒, 征 此名「常武」者,其宣王之樂 禽。 詩首命將,次置副,三乃 徐國 JII 日 宣 王 翼。 軍未 整隊 指 之流 武 静守則如 達出 擒渠魁 王 中 截被 迨 不 則 行 ,氣莫能 興 至「徐 日 克;有偏 成列成 奇進攻諸 而 詩 淮 宣 先聲已震, 山之苞,勢不 並 浦 王 日 方 當 行。 ||《常 防 勦 既 事。 師 武 爲常 餘 其 來 乃行 循 以 贵 武 有 王 逸, 猛 陣 淮 親 立

不敢 是贵 用 舞,不能不爽 所 輕試其鋒,又恐後世臣民 武》,是之謂 令還歸矣。 庭」,「徐方不回」,天子亦不自 徐 備 意,可不謂之深且遠哉! 方 可以爲常哉? 下同黷武,特恐後世子孫以 來 是皆不可 同 中興業建,樂舞斯成,名命《常 歟 然而 乃 ? 蓋不敢上 以爲常,載 歸 自失也。 蓋 功天子。 不得 與 武 咏篇 已 於乎 媲《大武》,亦 相 也 有 而 武爲 章 其 忘 徐 可以 並 功 而 宣 常 方 觀 竟 王 樂 無 而 下 來 日

遺孽。 截淮 土,是 主,即 巫 章」「徐方」 蓋以順討逆,宜無不克,況親征乎? 浦 便下襄陽向洛陽」之句 師 臨事而懼之意。 故 斷 眉評』「一章」命將。 行 日 其歸路,並扼援師,下章乃能浄 正 二字 「濯 道。 П 征 1環互 〔三章〕以 」,鍊字新而 〔二章〕置副。 用,奇 下 絶快絶, ,有此神理。 奇,並 兵凶 方寫 自 戰 循 杜 有 將 危, 更 淮 甫 洗賊窟 新之意。 (四、五章)横 而下,以 標韻 故以 先聲早 即從巴峽 敬 不 至 已 戒 六六 戎 穿 留 爲

未詳

其

義

或曰

舒,

徐。

保,安。

作,行也。

言

王

師

舒

不入韻。諸家叶音汝,不必從。

父其後 夫也。 嚴 也。 字休父。 冢宰兼大師也。尹氏 謂之六卿,大師而下謂之三公。 也。 世稱之,亦未可知也。 夫」也。 毛傳 大師皇父」,周家不特設三公,皆兼職 (十月之交》皇父與此皇父,得爲一人。 之日〕程,畿内邑,在豐。 事」及《詩・十月》篇「擇三有 威 鄭 也。 大師皇父之兼官也。 》謂之立三有事之臣。 也。 氏謂三農之事,謬。 程伯休 集 謂 《楚語》云:「重黎民世敘天地,其在周 天子自將 分主六軍 當宣王 卿 父周大夫。 時,失其 士: 威 之三事大夫,無 可 即 吉甫也。 南仲見《出 畏 皇父之官 也。 (官守, 三事 「陳氏 案,此 赫 〔孔氏穎達 事」、《 既曰 赫 蓋爲内史,掌策命卿大 王舒保作《集傳》 即《書 姚 而 飛 顯也。 也。 車》篇。 爲 三王命 鵬 雨 氏際恒日」三 司 而 日 不 無 或皇氏 日〕程 已 孔 门自冢 馬 業 盡 正》「三事 立 卿士, 大祖 氏 氏。」「濮 政 職 如 業 穎 程伯 國之伯 父字 》篇 以 周 宰 大也 達 公以 就 始 又 而 日 大 氏 \Box 下 祖

之路 也。 也。 徐 也。 虎之自怒也。 安徐詳諦 而 《老子》曰:「攘臂而仍之。」截絕也,謂斷絕其出人 安行 也。 濯 不單 征 擾 而 也。 嘽 動 也。 有 後動。 也。 嘽 洗濯其腥穢之意。 鋪布也。 曹 不 衆 進鼓而 氏 盛 測不厭詐也。 紹 粹 貌。 糾緊 中 敦頓也。 日 進之也。 二雖 苞 也。 一本也。 以 游 天子 允信也。 不克先爲不可 仍《集傳》仍,就 闞 遨 之威 游 奮 緜 ル 也 。 一怒之貌。 緜 靈 塞實 不 如 繹 斷 此, 連 也。 也 虓 勝 絡 亦

遊十一 處語 流 語 轉 \equiv 職 韻 尤 叶 尤。 標韻】士四 叶 叶 緒 武 韻 同。 韻。 騒 翰 四 通 怒七遇。 父慶。 十五翰。 翼 豪。 韻。 職。 紙。 叶 克、 父七麇。 子紙。 旅 韻。 漢同。 虎麌。 六 或 語 方七陽。 並同 作 本韻 虜、浦 戎 十藥。 浦 麌。 本 東。 並同。 苞三肴。 驚 韻 無 土 八庚。 國十 韻 同。 塞 所

> 庚。 職。 來十 庭 九青 灰。 通 叶 韻 韻 口 同 灰。 東。 歸 功 同。 五 本韻 通 韻

> > 平

竟背。 章 之。 陪一筆。 健句,挺接極有力。 予胥忌。不弔不祥,威儀不類。 匪 罪,女覆説之。 土田,女反有之。跟蟊賊。 有夷 大厲 長舌,維 教 天何 此宜無罪,跟罪罟。 匪 屆 瞻 邦 **豈曰不極**? 誨,時維婦寺。 印 君子是識。 以刺? 厲之階。 昊天 罪罟不收,靡 靡有定,士民 瞻 印 二章 懿厥哲婦,爲梟爲鴟。 則 刺 何 不 亂 婦無 幺 神不富? 伊胡 我 匪 哲夫成 王 三章 惠。 其 降 有 嬖襃姒 女反收之。 公事,休 爲慝? 瘵。 人有民人,女覆 夷 自天,生自婦 鞫 孔 瘳。 城,哲婦 蟊賊 舍 人忮忒,譖 填 以 一章 人之云亡, 爾 其 如賈三倍 致 不 蠶織 **柔** 介 寧, 亂 彼 狄 傾 疾, 婦有 也 宜 城 始 有 奪 有 靡 此 四

庭

朝

也。

孔

氏

穎

達

日

既

降服

後

朝

京師

而

至

王

庭。

口

不復叛也。

還

歸

班

師

而歸

也

克鞏。無忝皇祖,式救爾後。七章 宪之降罔,維其優矣。人之云亡,心之憂矣。六章 屑,維其幾矣。人之云亡,心之悲矣。六章 屑,維其幾矣。人之云亡,心之憂矣。天之降 , 無國殄瘁。罪置遺害至於如此。五章 天之降罔,

以 亂」,姚氏譏之,以爲「襃姒實有其人,實由 年矣,決非一人,猶家父也。」然亦不必辯。 作《板》詩在厲王末,至幽王大壞時七十餘 謂凡伯作,則未有考。 詩 何人乎」? 唯《集傳》謂 致亂。 句。 雖以 ,故帶言之,非所重也。 右《瞻卬》七章,三章章十句,四章章 此刺幽王嬖襃姒致亂之詩,而《序》 婦寺連言,不過女寵、内侍因緣 今以奄人與褒姒並舉爲言,然則 使晦 「刺幽王嬖襃姒任奄人以 翁聞之,亦無以爲對。 曹氏粹中曰:「凡伯 倘使女寵無實可 蓋 致 爲

> 哉 ? 階」,可謂窮形盡相,不遺餘力矣。 而奄寺 惜乎無可考耳,然而 之云亡而 子,國之棟梁,,耆舊老成,邦之元氣。 既有其人,而奄人不過虚以對之,其可乎 指,則奄人與嬖妾並舉,亦自無妨。 重輕,雖曰「云亡」,又何足殄人邦國 有所指,如箕子、比干之死與奴。 氣已損,梁棟將傾,此何如時耶? 語,而諸家多易忽之,真不可解。 夫賢人君 之尤爲痛切者,在「人之云亡,邦國殄瘁」 則末句偶一及之,豈可據以爲言耶? 匪由天降。 且詩極言女禍之害,以爲亂自婦 「邦國殄瘁」也。 曰「傾城」,曰「長舌」,曰「厲 誦矣。 倘使其人無足 故曰「人 蓋 今襃姒 也 又詩 今元 必

【集釋】填〔《集傳》〕填,舊説古塵字,又久也。〔五章〕言之慘然。〔七章〕猶望其補救於後,忠厚之至。【眉評】〔三章〕極力描寫女禍,可謂不留餘力。

悪 忮害也。 夷平 也。 也。 而 廢太子事 背」,非謂多言也。 鳥 説 厲 之正言不諱 [《集傳》]言必將有夷狄大患,今王舍之不忌,而反以 不 曰〕長舌,猶言長于舌,指其善爲譖言,故下 王之爲政既 也。 福 能 音脱,赫 亂 爲譖 [姚氏際恒日]天何以 王. 觱 也。 也。 也。 而 長舌〔《集傳》〕長舌,能多言者也。 沸 故曰 亂者 有災害也?」較《集傳》爲明。 忒變也。 賈居 也。 屆 瘵 泉湧貌。 爲忌,何哉? 無過 惟 病 極 「爲厲之階 哲婦 貨者也。 也。 也。 婦 惡,天何以責王見變異乎? 譖言豈必在多乎? 與寺。 檻 潛不信也。 罟 指褒姒也。 蟊 泉 刺? 網 賊 罔罟也。 三倍獲利之多 泉正出者。 《集傳》毫 也 「匪教 害 苗 何神不富? 竟終也。 反 之 懿美也。 匪 蟲 覆 優多也。 不明 誨,謂 此正指 藐藐 也 也 介狄 . 曰「譖: 〔姚氏 也。 鄭 不待 背 收 疾 高遠貌。 鞫 梟 譖 神 氏 二句 反也。 拘 害 窮 申 幾 刺 鴟 教誨 始 何 日 際 也 也 后 也 近 責 我 以 竟 惡 恒

【標韻】惠八霽。厲同。瘵十卦。屆同。

鞏

固

也

憂同。 背隊。 侵。 通韻 韻。 十五有。 富二十六宥。 曷。 + 通 韻 真。 今同。 説 鴟四支。 本韻 極職。 音脱, 鞏二腫。 誨 收十一尤。 通 + 本韻。 韻 同。 忌真。 慝、 幾五微。 隊。 階 後有。 罪 九佳。 本 識、 寺四真。 先先。 瘳 + 類、瘁並同。 韻。 賄 同。 織並 叶韻 悲 通 天同。 城 罪 本 支。 韻。 同。 通 同。 韻 韻。 庚。 通 叶 叶 天 本 本 韻 田 韻。 韻 先。 韻 城 韻 龙 同。 先。 十三職。 深十二 人真。 優尤。 刺 後二 奪 真。 本 七

召旻 刺幽王政由内亂也。

訌。 不 流亡,我居圉卒荒 臯 寧 泉 唇椓靡 旻天疾威 我 訿 位 訿 孔 曾 共, 貶。 潰 天篤 不 潰 知 \equiv 回遹 章 其 降 章 玷。 喪。)實靖 如 天降 彼 兢 滇 歲 兢 罪 我 夷 早,草 業業,孔 罟,蟊 我邦。 饑 饉 不 賊 民 二章 潰 填 内 卒

茂 斯害矣,職兄斯 矣,不云自頻? 泉之竭矣,不云自中? 牌,胡不自替? 國百里,於乎哀哉! 維昔之富不如 王受命,有如 如彼棲 苴 召公,日辟國百里。 時,維今之疾不如兹 我相 弘,不裁我躬! 職 兄斯 此邦、無不潰止。 維今之人,不尚有舊。 引。 五章 六章 今也日蹙 池 彼 四 之竭 昔先 疏 溥 斯

也? 陳氏 今正之。」從其說。 係於召公,豈非化之盛者必有待乎二公 旻》,以别《小旻》而已。」然亦不能無意焉 首章稱『旻天』,卒章稱『召公』,故謂之《召 七句。姚氏際恒曰: 以《召旻》,豈非化之衰者必有思乎二公 傅良曰:「《周南》係於周公、《召南 右《召旻》七章,五章章五句,二章章 至於《風》之終係以《豳 此詩命名,蘇氏 「舊謂四章章五句,三章章七句 》、《雅》之終 云 因 其

無意 篇,不再辯 由内訌 遹」者,不定指襃姒左右 城」,已明 家之柄者,又豈少哉? 姒,而襃姒又工於讒譖,爲厲之階,則一時 政之亂,無不由内以及外。 爲 任用小人以致饑饉侵削之詩」,姚氏 《辯説》譏之是已。而《集傳》云「此刺幽 天下 耶?」作者雖未必其如是,而 小人「皐皋訿訿 夷我邦」,又似非專主襃姒爲言。 可 曰「内訌」也。然「昬椓」以下,有曰「實 執是以爲主 「涉泛無著落」。 無 於其間 如 而成者。 刺襃姒 召公之臣」,殊穿鑿不成 哉? 耶? 」,因緣 「蟊賊」句特溯其原耳,豈 ,則此章之「昬核」、「回 唯《序》云「旻,閔 蓋「蟊賊」仍指襃姒,故 至謂凡伯作,已見上 倖進,乘隙 也。 故上章「哲 況幽王嬖寵 然亦未有不 編《詩》者豈 大 而 文理。 也,閔 凡 婦 弄 又以 靖 傾 或 襃 朝 王

態。然在《大雅》中實爲變調,文章風會日趨愈下也。【眉評】〔五章〕長句甚兀奡,篇中多以此見姿

内,故 敗。 是以 潰 也。 不治之貌。 靖 潰 木上者,安得而不枯槁乎? 澤,則草不潰茂。」舊以上潰字訓遂,下潰字訓亂,非矣。 且 曰〕歲之旱,則草之生於谷中且不能以遂長,況其棲 <u>樓苴〔《集傳》〕棲苴,水中浮草棲於木上者。</u> 不能 也。 説與供同,謂共其職也。 集傳》〕言昔之富 ,皆訓散亂義。 治也 我 填 日内訌。 胡氏一桂曰〕小人之害在内,蟊賊之害稼, [孔氏穎達曰]以訌字從言,是 以 集釋】篤 久也。 相此邦」,無不潰 自給,況其 夷平也。 訿 訿 潰 昬 曹氏曰:「草散亂則茂盛,故歲旱無 厚也。 未當若是之疾 「蘇 椓 姚 窮 泉泉《爾雅疏》)舍人曰: 氏轍曰〕泚 昬亂核喪之人也。 氏際恒日」「潰茂」及 而 亂者也。 無告者, 滇病也。 潰潰亂也。 國之亂,則 泚,多讒 也, 安得 時 争 而今之疚又未有 是 幸 訟 民優 而 也。 口 邊 謗 相 不 共與恭 遹 陷 陲 也。 於財 「潰 流亡乎? 〔朱氏善 疚 邪僻 也。 故 止之 病 泉 玷 用 亦在 河同。 至 泉 也 也 訌 者 於 雨 缺 潰

> 頻,厓。 同。 辟開 之發也。 蘇説較《集傳》爲明,故再録之。 也。 分審矣。 若此之甚 豈不裁及我躬也乎?」先王文、武也。 是使我心專爲此故,至於愴怳日益弘大,而憂之曰: 言禍亂有所從起,而今不云然也,此其爲害亦已廣 小人曷不自替以避君子,而乃自任以長此亂也? 故,至於愴怳引長, 去宣王中興之日不遠,其舊臣故老無尚存者乎? 料,精 引長 也。 溥,廣。 故池之竭由外之不入,泉之竭 而曷不自替以 也。 蹙促也。 也。 也。 疏 [集傳]彼小人之與 君子與小人精麤之不同 弘,大也。又曰:池,水之鍾也。 糲 而 也。 舊舊臣也。〔曹氏粹中曰〕當是時 不 能 避君子乎? 粺則 自已也。 精 池 矣。 君 竭 「蘇 子, 而 替 一章〔《集傳》〕 可 氏 使 召公康公也 由内之不 如 廢 轍 我 指 也。 疏 心 日 與 而 專爲 泉,水 疏,麤 知 兄 「是 矣 出 案 也 此 怳 其

三江 兹 韻 同。 茂二十六宥。 邦 標韻】喪七陽。 本 同。 韻 本韻。 粺 十 卦。 止 玷二十 四 亡、荒並同。 替八霽。 紙。 叶 八 琰。 韻 通 本韻。 貶 韻 時 同。 四 引 支。 本 訌 +

五二七

五二八

弘、 叶 韻。 躬 無 並 韻 同 未 叶 詳 韻。 何 叶。 里 頻 紙 + 里 真。 同。 中 舊 東。 宥

舊矣。 羊》,司牧攷成,國富兵强。 蓋 雅》宣王諸什,其中興事可概言焉。 除首尾刺幽、厲數篇外,餘皆宣王中興詩。 申 蓋至是而四夷賓服,中興勢成,可以復文、武、成 國,深入腹心。 出 夷,討其不庭。❶ 芑》,二詩實相去未遠耳。 漢,威加無容暫緩也。 京邑、害先去其太甚也。於是南服蠻刜、以其形踞江 而 |初承厲王後,民散久矣。 伯 有《鴻鴈》之什。 江漢,襲取淮揚,斷夷右臂, 入謝 以上《蕩之什》,凡十一篇。 然猶未也。 ,厚以餞之,用式南邦。 故《江漢》、《常武》二詩,又同時並 故分兵二路,遠伐淮徐。 繼則爲民禳旱,而成《雲漢》之章。 韓侯來朝,因 所以《六月》 南北之患既除,乃 然後北伐玁狁,以其逼 故以安民爲本。 一自將循淮 而封之,使爲北 而 且命仲山甫築城 始則安集流民 甫 咏 即 [案]是什 流 一命召公 合觀《小 迨至《無 加兵遠 直搗 歌 《采 咏。 康 徐 近

> 乎? 焚及鎬京。王轍既東,宗周不復。 影響矣。 怨,王室遂衰。 續千秋。乃未幾而徵調失常,敗績千畝。 空谷,無非好賢慕士,傳爲美談。 輔治于外,更逢哲后佐理其中,而欲世之不 必興,無墜不舉,而更勤 于齊,以懷柔諸侯。 而未已也。《鶴鳴》則求賢山林、《維駒》則送客 君子讀詩至此,能無致嘅於其際歟? 加以嗣君不德,女戎召亂,驪山烽火, 然後大會東都,近田畿内,有 于視朝問 故能 蓋治亂之機,捷於 夜,何其不唯 收功一世,著 《祈父》受 治 賢臣 也 得 廢

「討」,原作「詩」,據雲南本改。

0

詩經原始卷之十六

頌

異于《周頌》也。《魯頌》主咏僖公功德,又與《商頌 商之頌,則異于是。《商頌》雖是祭祀之歌,祭其先王之 成 盡 章氏潢曰: 矣。」然愚謂此特言頌之用耳,非深知乎頌之體者 舊也。」按,孔、蘇二 制又異。』蘇氏曰:『商、周二頌,皆用以告神明,而 也。」又曰:《魯頌》之文,尤類《小雅》。 也。 ,述其生時之功,正是死後頌功,非以成功告神, 功告于神明者也。」孔氏曰:『此特釋《周頌》耳。 》乃用以善禱。 《維天之命》與《雅》之《文王》,均之美文王 姚 氏曰: 如《天作》與《雅》之《綿》,均之美大王也,《清 「頌有頌之體,其詞則簡,其義味則雋永而不 「《大序》云:『頌者,美盛德之形容, 後世文人獻頌,特效魯耳,非商、 一氏説 問、魯、 商頌之異,可 比于《商頌》,體 謂 、周之 其體 明 也; 以 也 《魯 製 7 其

乎? 曰: 也。 也。 聲 體與頌之功用,可謂至矣。 見文王焉。」以此意會通諸頌,頌豈 其左右焉。 也。 相」、『多士』能無感乎? 盛德成功,固不如雅詩之詳盡。 頌 則近乎風、《閟宫》與商之伍篇,則皆近乎雅。 成功,而謂之爲雅,可乎哉? 盡 誦之,同乎? 而人神懽恰,幽明貫通,此頌之所以爲頌 人,莫不精白一心,以對越祖考,洋洋乎如在其上,如 『於乎前王不忘』之音一人于耳,而思及前 酌》、《桓》與《雅》之《下武》,均之美武王 也。 也。 『周公升歌《清廟》,苟在廟中嘗見文王者,愀然如復 『噫嘻成王』之旨一 寓悚動做惕之意於登歌祝頌之間 大約主於祭祀而交神明,頌之道也。 聞《烈文》、《天作》,『辟公」與其子孫能無感乎? 别白之也。 頌之體於是乎可識矣。《敬之》、《小毖》雖非 故謂爲變頌也亦宜。」又曰:「宗廟朝 則先人之盛德成功,固已洋溢於升歌之表 否乎? 案: 蓋雅之詞俱昌大,在頌何 《禮 惕於衷,而思及成王者不容已 聞《維天之命》,『曾孫』能 然尚從詞義辨之而已,非從 樂記 《魯》之《有駜》、《泮水》, 然聞《清廟》之頌,「 ₩ ⊟ : 有餘蘊哉?」此辯 使 也。 也。 在廷在廟之 敷揚先王 王者不容 《書大傳 廷均 而 試 其 其 取 無感 有 體 約 而 頌 在 己 顯 之 則 頌 告 而 同

五二九

「《清廟》之瑟

音以

之。 而正 朱絃 其發而爲聲也,沖融而雋永,肅穆而沉静。故頌之音象 音沉而柔。 肉好、順成、和動之音作,而民慈愛。」又曰:「寬而静、柔 體 〕此又善辨乎雅、頌之音也。 讀者苟於此而熟復涵泳,體諸心復會以神,又何患 又頌之於四序近乎冬。冬之爲氣也,收斂而閉藏。 又曰: 者,宜歌《頌》,廣大而静、疏達而信者,宜歌《大 而 之難辨哉? 疏越、壹倡 「廉直、勁正、莊誠之音作 知乎此,則頌之體與用與音,無不燎然於心 而三歎,有遺音者矣。」此真善言頌 大約雅音宏而肆,頌 ,而民肅敬; 寬裕 音

頌上

周

詩》所以多滯也」。信然

清廟 祀文王也。

無射于人斯。 之德。對越在天,駿奔走在廟。不顯不承,於穆清廟,肅雝顯相。濟濟多士,秉文

武。 之樂歌,不必執泥洛成告廟之言。 傳》從之。姚氏以爲謬,蓋《洛誥》之文有 既成洛邑,朝諸侯,率以祀文王焉」,《 亦無此意,安見其必爲洛邑祭乎? 曲爲之説,於理殊未當也。 文王之德者,父子並祭,統於尊也。」 日 曰:「《書》言『烝祭文、武』,而此樂歌 一、武王騂牛一」、是洛邑既成、兼祀文、 「則禋于文王、武王」,又曰「文王騂牛 此詩專祀文王,故不可通。 右《清廟》一章,八句。《序》謂「周公 然此自祀 而劉氏瑾 且 則又 至 詩 文 止 Ŧ 集 中 頌

實

可 悟

耶 ? 則 ? 漢儒 愚謂 廟 胡 能 氏 至善,淪 嚴事者無 者,亦不見其有可承之實,而人心之敬 所對越者,已不見其有顯然之迹,所奔 文王之德,自有隱然見於辭意之表者 堂位》周公踐天子位朝諸侯以爲言耳。 面 朝 以 氏 闢之,以爲「誣妄」,是已。 描 ,餘皆就祀文王者身上説。 之妙,不於此 諸侯,率以祀文王」,則尤謬。 定文王之樂? 爲書, 烏足以爲據而乃以之誣周公 寫 此正善於形容文王之德 文王往矣,今助祭之公侯、執事之人 據《序》言,是周公之冤且未白,又安 桂曰:「此詩只第一 雖千言萬 肌 派厭射 浹 髓,没世自有 乃如 語 此。 一,何能 無怪其滯礙難通也。 於此 窮 不能 盡? 句説文王之 《明堂位》本 也 可 雖未嘗 以 忘 蓋本《 使從 者 文章 見 矣。」 明 盛 虚 恭 走 何 頌 正 德 姚 明

> 之意。 越於也。 之「濟 廟。 得以静釋清乎? 旦 則說不去,又釋爲「容貌之美」,何居? 謂 明,何居? 明,文王象焉。」此釋 助祭之公卿諸侯也。 《集傳》仍之,釋清爲清静。 清廟」,鄭氏曰: 濟」, 《集傳》釋爲衆,亦非也。 集釋】於歎辭。 駿大而疾也。 亦只是 肅敬 《集傳》于下篇《維清》,又釋清 也。 儀 「清廟」是。 「祭有清明之德者之居 度 雝 濟 整齊,非 不〔姚氏際恒曰〕不,皆作不 和 穆深洁 濟〔姚氏際恒 也。 于《棫 夫清與静其義各殊,安 遠也。 自杜預始以爲 容貌 顯 明 樸》「 之美也。 然 清〔姚 也。 Ħ []濟濟 也。 濟 濟 相 濟辟 濟 清 天 氏 辟 助 皆 爲清 静之 德 際 Ŧ 也 Ŧ 齊 清 恒

人和,便已成韻,未爲不可也。 説是已。 歌此句,三人和之,所謂 所歌,尤當有 標韻】無韻。 然 韻。 唱三嘆,恐不必 今多無 「姚氏際恒 韻者,舊 唱三嘆,則 如是 其説近是,存之。 謂 泥 日 解。 成 句 案: 四 爲 即 韻 頌 章,一 人 愚謂此 爲 奏樂 唱 人

承尊奉也。

斯語

辭。

維天之命 祀文王也。

説理釋詩,義既非詩之本旨,即姚氏 非,固不足辯。 者,又如聚訟。 又爲誰? 後世」之「王」爲誰?「溢及于我」之「我」 周」是已,文王豈「中道 之也。」亦不知 順文王之德不敢違,而爲曾孫者益宜 之德,更以溢及于我。我今其承之,以 崩,天命久而不已,王其後世,乃大顯 蘇説,謂:「天命文王以興周,文王中道 右《維天之命》一章,八句。 都不可解。 其 《集傳》與鄭箋本《中庸》以 《序》謂「太平告文王」之 何 所謂。 而崩」哉?「王其 愚謂此詩並非説 「天命文王興 此詩 本歐 篤 文 承 大 Ŧ. 而 解

> 《詩》,而引者自引 以大 説於後,使覽者自詳焉 不説理,亦好爲排擊者之過耳。 見,惜其所解又 者何得引以釋《詩》? 庸》引之以 者,宜何如篤 使其澤洋溢及我後王。我後王其承受之, 膺天命而 恒悠久不息。 來曆數,維天所命。 「文王之德之純」,此中自有理在,故《中 理,命字亦不可訓爲 順 我 文王之德而 大顯王業。 釋 至誠 承之也? 唯「文王之德之純」,足以 不 -明晰 也。 無 道字。 而天命至深且遠,又 乃王身未及受命,而 息之道。 不敢違,則爲之曾孫 姚氏之言、未爲 兩義 然天命於穆,及 且謂周公之作 其 原 (意若) 不相涉 蓋《詩》自 兹並 日 党,説 無 誕 自

乃大顯文王之德,更以溢及于我。我今其承之,以大順文王以興周,文王中道而崩,天命久而不已,王其後世,文王以興周,文王中道而崩,天命久而不已,王其後世,

哉

説 此

復疑。 道。 如是釋矣。況又有鄭以先得我心,于是毅然直解,更不 自鄭氏依《中庸》解詩,然于「天命」命字難 引詩者,可 敢以人比天,此自後世意見。 命」命字必不可作實字用,固已難通。 所以爲文也,純亦不已」,將「天命」與「文德」説作兩事, 上二句曰「蓋曰天之所以爲天也」,下二句曰「蓋曰文之 命此文王」諸語也。 氏皆如 文王之德不敢 「不顯」對,「不已」與「純」對,有如是之深刻談理者乎! 獨訓 據以作解 顯 ,亦起於後世。 「文王之純」與「天之不已」無異,是與天爲一。 ,猶見詩之真面目。 嗟乎! 帝 道乎? 此解。 假以溢我,我其收之」、《左》襄二十 至今天下人從之,乃盡 命不 盡 時」,「天監在下,有命既 詩之言「天命」者多矣,何以彼皆不訓 據以 上四句猶之「周 違,而爲曾孫者益宜篤承之也。 《中庸》 歐、蘇爲前宋之儒,故尚能闢鄭,不從其 必以 作解乎? 自《中庸》引用爲説理之辭,于此詩 》亦在《禮記》中,凡《禮記》諸篇之 後此之人,陷溺理障,即 「天命」與「文德」對,「於穆」與 《中庸》引詩斷章取義,豈 前古之人又未嘗深 雖舊邦,其命維新。 没 詩 之真 集」,「有命自天 且前古之人從未 面 七年引 通, 目。 歐 微 乃 按「天 鄭 刻談 蘇 可 訓 有 道 詩 亦 爲 周 而

可

《左傳》而若自爲説者,更奇。 句,非 也。 故予謂漸開説理之端。 也。」按何、遐爲聲之轉,不聞何、假也。 《中庸》之説,斷乎不可用于此詩也 爲『溢」,字之訛也。」據傳以改經,失理甚矣。 解亦自明順。 》皆然,不可爲據,自當依本詩作解,不必惑于所引詩 何 假,使也。 逸詩也。 以 恤 我,我其收之」, 溢,歐陽氏曰「及也,如水溢 但古人引詩, 《集傳》曰: 此詩周公作,豈亦説理乎? 杜 「『何』之爲『假』,聲之轉 原 《烝民》,宣王時之詩 預 多異字。《左傳》、《禮 以 爲 逸 又曰: 「恤」之 詩。 而旁及也」 且不明標 即 此 也 故

其

記

日

不

兩平對也。《集傳》依《中 氣直下。 假」以下作一截,殊非語氣。 眉評】首二句從天命總起,下乃接 如曰「皇天無親,惟德是輔」之意。 庸》, 以「文」與「天」對作一 入文王,一 天與文非

也。 也。 曾孫後王也。 假、溢已見姚説。 【集釋】命猶運也。 篤 厚 也。 收 《集傳 受也 》作「道 駿 大也。 非。 惠 純 誠 順

韻 **三**無 韻 説見前

維 清 祀文王也

熙」,則不類矣。 止」、言文王也、故『緝熙文王之典』爲句。 維周之禎 而無著,故不若從舊爲善。 維 清緝熙,文王之典。肇禋,迄用有成 姚氏以「維清」作句。 且『清』字爲起 韻。」亦通。 其言 然「清」字雖 若日 ☐ : 「『緝 二維 清 熙敬 有 緝

臆測 也。 章亦不知其何所用,後儒 象也,故謂之《象》。 爲聲,舞以 《大武》。即《下武》詩。 武王克商有天下,周公作樂,《象》之名曰 案:《象舞》者,象武 忽云「奏《象舞》也」,遂 文王則以文德顯 非 然必有大武功若武王然,乃可象之。 右《維清》一章,五 真知也。 爲容,聲容備謂之奏。 也,夫何《象》爲? 此詩本祀文王,而《序》 此《象舞》之名所由 凡樂有歌有舞,歌 功之樂 一句。 啟 循 後 文案 古樂既 而 人 爲 無 之舞 義 限 容所 率皆 疑 雖伐 也 議 來 以 以 樂

象武

功

諸 儒

詩,泥

「舞」爲

《象》有「箾」、《韶》亦有「箾」。 已也。 歟? 密、伐 武 擊人曰箾,然則執箾以舞猶干舞也,執 裳,無爲而治者,亦有武功之可象耶? 以舞即籥舞也。 見舞《韶箾》者,杜預云:「舜樂也。」 箾》、《南籥》者,杜預云:「文王樂也。」又 其言即爲武功乎? 舞。《序》云「《象舞》」,非云「象武」,安 聲有容,是武功固可舞,文德亦未嘗 日 佞《序》者之心。 然愚又有疑焉:凡樂 韶简》者既非象武功,則舞《象简》者亦非 功之始,固可 「詩中未見奏《象舞》之意」,故不足以 是知象文王者,必非一擊一刺之事 崇,不無擊 朱子不用《序》言,誠 也明矣。 象而爲 文王伐密、伐崇,爲 ·刺之事 季札觀樂,見舞《象 舞。 讀 而 豈舜之揖 爲 贵 説者謂 有 文王 見。 周 以 不 然僅 之至 知 有 室 竿 口 服

蓋《象》者,文王之樂;《武》者,武王之樂。

《象》,示事

也。」事

即

典

也。

可

見《象》自

象》、《武》自《武》,非

可混

而

爲

一者也。

《象》、《武》。」蓋文、武二樂並

題耳。

故

下

「武」耶?

至《仲尼燕

居》曰:「下

詩,《象》即此篇,兩不相混,何至指「舞」而

又云:「升歌《清廟》,示德

也。

下

而

管

伐之功而爲樂也。 非清無以立熙之本,非熙亦無以成清之 曰:「下管《象》,舞《大武》。」《武》本《武 舞》者,象其清明之德而爲舞耳,非象其刺 日新月盛,時時繼續,以底乎熙明 文王之典,既本清明之德以 ,謂非周家之禎祥不得 則王業之成,實肇乎此。 緝 議 熙」,此正文王之德之盛。 滋生,極 故《禮記・文王世子 爲 可笑。 也。 遂至於後 出之,而 此詩首 而益 故《象 著 也。 姚氏 能洞 自。 也。 也 皆樂中之舞者。 三云爾。 見

其效。

而

有成

功。

四字曰「維清

武」,故

致 疑

《武》曰:「奏《大武》也。」其授受必 疏亦時有出入,即諸儒之遵《序》者,亦 奏《象舞》』耶? 《序》於此篇 不然,詩無奏《象舞》意,何以知 然詩之用,則祀文王也。故但曰祀文 又攻之不遺餘力、皆非真知《詩》義 其所以然,但以爲自古而存之。 然舞亦必有詞,詩 日 《集傳》既不深考,故 :「奏《象舞》 也 即 其 有 其 孔 詞 爲 於

孔疏矣。 也。 其曰:「《序》者於此云『奏《象舞》」,於《武》之篇不可復 武》之樂亦爲《象》,故 而 言『奏《象》』,故指其樂名,言『奏《大武》』耳。其實《大 祭統 明辨之,則何以使後人不疑乎? 朱仲晦不從,以爲詩中無此意,是已。 》皆云『升歌《清廟》,下管《象》」,《武》與《清廟》相 附録』「姚氏際恒日」《小序》謂「奏《象武》」,妄 孔疏本非闢《序》,今節録其説可爲闢 《禮記・ 文王世子》、《明堂位》、 今按其説,莫詳於 然未嘗深考 《序》用。

也。 謂之「象舞」。 君臣上下之義,明《象》非文王之事。 其意云: 『正君臣之位,貴賤之等,而上下之義行焉。』言 吹管而舞《武》、《象》之樂也。」皆《武》詩、《武》樂並解之 也,以管播其聲,又爲之舞。」於《祭統》註云: 之、《武》樂則干戚以舞之,所以並設其文。 文於『管』之下别云『舞《大武》』,謂《武 舞」之説,謂《禮記 以舞名乎? 象武王之武功也。 者,謂《武》詩。 有父子尊卑之異。《文王世子》於升歌下管之後,覆 事,不容一升一下。 廟》,下管《象》』。 解其意,於《文王世子》註云: 禮記 必知彼《象》非此篇者,以彼三文皆云『升歌 ,於「象武」何涉耶? 是詩 》詩爲《象》,明《大武》之樂亦爲《象》矣。 》諸篇「下管《象》」皆指《武》詩甚明。 是《武》 蓋用以爲武,此後世事,當時原詩安得 故 但序者避此象名,不言象耳。」按孔説謂 《明 若是此篇,則與《清廟》俱是文王之 》諸篇所言《象》者即此篇,反以鄭 且謂《武》詩爲「象武」可 》詩且不可謂之「象舞」,何況《維 今《清廟》則升歌,《象 堂》註: 諸儒好穿鑿者,誤信《序》「象 『《象》,謂 『《象》,周武王伐紂之樂 故知『下管《象》』 周 》詩則簫管以 頌. 故鄭併《武 》則下管,明 也,亦不得 蓋《象》者 『《象》管 武 但《記 也。」 《清 清 注 沭 吹

> 者? 有聲 謂文德不可象而爲舞,則舜之《韶箾》又何舞耶? 故武乃可象也。 詩明矣。 子》曰:「武王因先王之樂,命曰《象武》。」董子曰: 爲句,「《武》、《夏》籥序興」爲句,斯 武》」,則直言《武》,此尤明證。 樂象功乃獨象其刺伐耶? 嘗無武功,而武功豈足以盡文王? 王制焉。」似以用兵時刺伐屬文王者,謬矣。 皆是,獨於此篇下云: 文「下而管《象》以示事也」之句耶? 自是不通。 王作《象樂》。」則《象》自屬武詩,而 爲《武》詩及孔疏爲非。 「下管《象》、《武》」,乃二樂並言。 則有容,故有歌必 左傳》在董子之前,其言當更可信。 [案]此亦誤認舞爲武耳。 而以 殊知文德亦可象,則文德亦可 「象武」爲一名,又豈可通? 「《象舞》,象用兵時刺伐之舞, 有舞,奚獨《大武》之樂乃可 此佞《序》之過也。 又《仲尼燕居》云「下管《象 而説者猶以「下管《象》」 解者以「武」屬下句 不可混 誠何心哉? 其意謂武乃可 文王之德至矣,作 人《維清 鄭註《禮 文王雖 至《禮 何不讀下 舞。 凡 一武 学之 記 舞 若 樂 未

也。禋祀也。迄至也。【集釋】清清明也。緝續也。熙明也。肇

始

韻 案,上「清」字本 韻 禋 + 頓,與 真。 下 成 諸 八 韻 庚。 叶 唯 禎 姚 同。 氏 竟 通 以

清

作

句者,則非

烈文 成王戒助祭諸侯也。

保之。 功,繼序其皇之。 不顯維德,百辟其刑之。 天下 功 宗 成王即政,諸侯助祭。」《集傳》謂:「祭於 集傳》爲 助 或可,但不必即 廟 烈 ·之諸侯 文辟 祭」,則何大功之有? 則是成王初年,所與祭者皆與前王定 而 無封靡于爾邦,維王其崇之。念兹戎 右《烈文》一章,十三句。《小序》謂: 獻諸 公,錫兹 强 也,故 侯助祭之樂歌。」姚氏 矣。 無競維人,四方其訓之。 唯詩意上下若成兩 政耳。」今案,詩「念兹戎 日 祉 戎 福 於乎前 功」。 惠 是《序》義又較 我 若概 王不忘 無 疆 謂 言「諸 子子 ":「成 孫

語,而 歌,而 戒其 之。 祭而 獻賓 成王 歐 專 以 則 蓋 辭 此時之歌自當以主人爲主。 三獻尸之後,主人酌酒 駁之,以爲一詩不可作兩 此詩當是周 以 有 取 詩起 陽 受福 也。 中四 對諸侯之辭也。 而 功,其後嗣亦將世繼屏 之 無 無競維 氏 一詩又豈可勉 末因以 四句,乃勞諸侯以助祭之意。 分「繼序 有 因 封 成王既爲祭主,又何煩周公代爲 制 句則戒辭而 以 而 ,以及其子孫,皆諸侯相 人以 ; 無 勉王耶? 公作, 勉王也。」夫一詩 慰 靡 其皇之」以 則 無 下爲臣戒君之意 慰其 以爲 兩人乎? 靡則用之有節,無 後五 兼 此皆不 獻賓,因以 先 獻 以 人語,而 慰意也 人既 上爲 句 助祭諸 藩 忽題 主人爲誰 不 而 通之論也。 夾 君 昌 且祭禮賓 可 先王 作 助 自 輔 敕 大。 侯 有歌 言王 之 戒則 以 臣之 王 兩 謂 姚 成 封 氏 ? 樂

外必 盡 其生前之能得人,能務德也。 所 能得詩中妙旨哉? 耳,有何意味? 詩兩勉之説乎? 古人説詩,正意既畢,言 此君臣交儆之意,而豈一 勉,蓋不 以 試思此詩若無後段,則不過戒諸侯辭 能 有餘波,層出不窮,乃能使人領略不 感激 唯有 人 望諸列 心,至没世 解者不知,妄生别議,豈 辟,亦將 詩 而 兩 不忘者,實 以此互相敦 以自勗 語,又豈一 耳。 由

君臣交相勉勵,神味尤覺無窮。【眉評】末段忽提先王所以能使後人不忘之故,

九青。叶韻。王陽。忘同。本韻。功同。皇陽。轉韻。人十一真。訓十三問。刑《標韻》公一東。疆七陽。邦三江。崇東。

君言之也。」愚案:二説頗有見,姚氏

之祭。」鄒肇敏亦云:「天子爲百神主。 四爻曰:『王用享于岐山。』則周本有岐 此蓋祀岐山之樂歌。 矣。然何以下乃接云「彼徂矣岐,有夷之 之基,文王治岐爲王業之盛。光前裕後, 不言王季者 山王氣攸鍾,豈容無祭? 「祀先王先公」之謂 行,子孫保之」? 則又似專重 二君爲大。故《序》以爲「祀先王先公」,似 ,以所重 也。 在 案:《易·升卦》 岐 季明德 祭,豈 山,故止挈首 曰:「竊意 在 無樂章? 岐 而 尾 ĺЦ 非 岐

能得其精意? 真令人莫解其故也。 写四此「祭大王之詩」乎? 讀詩如此,何 事祭一王者。況下文並二君亦不之及,詎 遊頌其孫者,亦斷未有兼頌二君而可指爲 游置文王於何地? 天下斷未有祭其祖而 將置文王於何地? 天下斷未有祭其祖而 取之。不似《集傳》但見「大王」字,即漫以

際恒曰〕「徂」,沈括《筆談》改作「岨」,妄改經文,以就我 疑或别有所據,故今從之,而定讀「岐」字絶句。 案:彼書「岨」但作「徂」,而引《韓詩》薛君章句亦但訓 纂》〕沈括曰:《後漢書·西南夷》作「彼岨者岐」。 談》引《朱浮傳》作『彼岨者岐』,今按《後漢書·朱浮傳 曰〕治荒謂之荒,猶治亂謂之亂也。 「岐雖阻僻」,則似又有「岨」意。 韓子亦云 「彼岐 在」,獨「矣」字正作「者」,如沈氏説。然其注末復云 此 最爲武斷。 【集釋】高山謂岐山也。 《西南夷傳》朱輔上 《集傳》從之,何也? 疏曰:『彼徂者岐,有夷之 荒治也。〔輔氏 康安也。 王伯厚曰: 徂 有 **が** ○《彙 岨 今 氏 爲 廣

不如仍其舊之爲當也。夷平也。行路也。〔案〕字義當以「岨」字爲是。但諸家皆無確證,故難從。行。」註云:『徂,往也。」蓋誤以朱輔爲浮,亦非『岨』字。」

十九皓。無韻。不叶。 【標韻】荒七陽。康、行並同。本韻。保

諸儒之紛紛辯論爲哉?《集傳》本歐説, 養奉宥密。於緝熙,單厥心,肆其靖之。 友,[二后]下皆言文、武受命及成王之德。 天,[二后]下皆言文、武受命及成王之德。 曰[不敢康],曰[宥密],曰[緝熙],而終之 以[單厥心],所以上基天命,纘成王类,而 能安靖天下者,於是乎在。於天地毫不相 能安靖天下者,於是乎在。於天地毫不相 能安靖天下者,於是乎在。於天地毫不相 。天下豈有此等祭天地文乎? 尚何煩 。天下豈有此等祭天地文乎? 尚何煩

五三九

夙

昊天有成命

祀成王也。

耶 ? 證 援 自 不 解 -肯明 辭 辨其得失焉 引 無 亦費 兹並 或 言, 紆 語 一附録 曲 盡 》以 且 無數 其説 更引及揚雄 爲 諸儒之説於後,覽者可 祭 唇舌矣。 較 成 正。 王 一之詩 姚氏亦從之,而 賈誼之言以 何不憚煩若 蓋 依 經 以 是 爲 爲

己自 之謚 同助 道德 而作,故具言之。 道德,故述之而 王有天下。 天地之樂歌 命,行寬仁安静之政以定天下。 文王、武王受其業,成此王功,不敢自安逸早夜,始順 氏康成曰〕有成命者,言周自后稷之生而已有王 , 言天可以兼 ,撫民不倦之事 者因祭天地 所言成王,有涉成王之嫌。 附録』〔《序》〕《昊天有成命》,郊祀天地。 成其王 也。 詩人見其郊祀,思此二王能受天之命 功, 爲此歌焉。 天地 又 曰 : 地 而 非 也。 故 爲此歌,王者之有天下,乃是 神 謂 祇佑助! 辭不及地。 此詩作在成王之初,不得 又 曰: 周 成 經之所陳,皆言文、武 王 〔孔氏穎達曰〕詩,郊祀 此經不言地、《序》云 周室、文、武受其 身也。」鄭、 韋昭云 《序》知其因此 賈、 「謂文、武 唐 勤 靈 命 天 施 説 稱 「鄭 命 也 皆 成 祭 地 地 行 行 天

舊説

所

囿

乃

能見詩真

面。

若囿

於

偏,

或妄逞武斷

闕。 王成 也。 王釗 康」, 錯 成功之理? 夙 氣 而 篇不當有 當次於此間,故改成王二字爲成其 皆遵《序》以爲郊祀天地之樂歌者。 命之君,而周之「奄有四方」非自成、 於禮樂者備矣,後世無容易之。 禮之所及,樂必從之。 古制,天子親 周 然。 亂? 不 夜基命宥密」,又曰 制 ,即天子舞 紊耶? 其説頗紆 三代至今,世 也。 而《執 是時 功,與天地何與? 禋 豈可抱 祀 康 然則《周頌》有康王子 人 競 畢 有 王 其謬 後 在 當 獻之後,天子舞 曲 以 疑是 人釋 雅 舞位。 代之樂。 一而難 「不顯成康」 後詩,且 已 不 成 頌得所」之言,謂 經,總要眼光如 遠 言 通。 「自彼成康,奄有四方」,成王 王 樂之所及,詩必從之。 矣。 (蘇氏轍 前 豈有祭天地不告天地 一身者, 其樂章用《昊天 自 文公制 然正 況經 見矣。 世 六代之樂。 故 使 孫之詩 日〕此 或以爲此言成 且 辯 秦火,斷 禮, 其能 王 至 詩曰 之也。 蓋 康始也。 炬,照徹上下, 功 禋 一疑《周 古聖樂歌 泥康王以後 通, 詩 矣。 祀 非 成 有 簡 大典 有 而 若 謂 周公制 王 遺 頌 成 杜 (案) 而 故頌之施 成 感 詩 周 經 不 王 氏 悉 不 命 帝 專 所 成 王 敢 一誦 佑 可 詩 以 非 有 能 + 頌 不 云 王 及 康 也 日 條 無 或 王 皆 身 不 上 基 康 敢 迎

宋儒 與,即武王亦非配天者,而言二后何耶? 其心,故今能安靖天下,而保其所受之命也。《國 受之矣。成王繼之,又能不敢康寧,而其夙夜積德,以 祀成王之詩 均之一失,鮮 説 王 而頌聲寢」,此一 也。 未成,及成王承嗣,仁以蒞民,故稱『昊天』焉。」此 文王之孫也。 曰:「后,王也。二后,文王、武王也。 德,及武王能明文昭、定武烈」,此一 此詩成王自是爲王之成王。 者多矣,何獨此爲祀天地乎? 郊祀天地不但于成王無 定武烈者也。」以此證之,則其爲祀成王之詩無疑矣。 向引此詩而言曰:「是道成王之德也。 承天命者,又宏深而静密。 姚氏際恒日》《小序》謂 詩 解,固泥于凡頌皆爲成王時周公作耳。 揚雄謂「康王之時,頌夸作于下」,班固謂 且引此詩以爲合祀之證,其經 有 如是通 也。 有當也。 文王有大德而功未既,武王有大功而 證也。 言天祚周以天下,既有定命,而文、武 明圓 [《集傳》]此詩多道成王之德, 當者。 然則毛、鄭輩必以成王作「成其 「郊祀天地」,妄也。 是能續光明文、武之業而 《國語》 姚 氏最攻《集傳》,至此 》叔向 證 術 成王,武王之子、 也。 成王 之踈謬可 曰「道成王之 漢儒惑其説 〔案〕《集傳》 賈誼 能 《詩》言天 「成、康没 明文昭、 《新書 語》叔 知 一證 矣。 盡 疑

> 曰:「古注、晦菴凡二説,在學者詳之。」愚謂 不能不用 注直可删耳 其説。 然而 不及《集傳》者何 哉? 晦庵是,古 又黄氏震

眉評 姚氏曰:「通首密練。」

也。 聲也。」《禮・仲尼燕居》篇,「孔子曰: 也。」密,當依《新書》作謐,《說文》云: 宏深也。 無聲之樂也。」今案,密爲謐,乃無聲之義。 基〔《集傳》〕基,積累於下以承藉乎上者 集釋】二后文、武也。 密静密也。〔何氏楷曰〕宥、《説文》云: 成 「夙 「静語也。 王名誦,武 夜基命宥密』, 靖安也。 也。 王 日 「寬 宥 無 子

標韻』無韻

我將 祀帝于明堂,以文王爲之 也。

配

饗之。 式型文王之典,日靖四方。伊嘏文王,既右 我將我享,維羊維 我其夙夜,畏天之威,于時保之。 右《我將》一章,十句。《小序》曰: 牛,維天其右之。

五四四

議。 故以 焉。 於帝 祀帝 親 王 尊稷 盡 用 者祭天於圜 配之,以季秋成物之時 而 曰:「萬物本乎天,人本乎祖,故冬至祭天 是專祀文王,而 王于明堂,以配上帝」之文。 其説 祀文王于明堂也。」蓋本《孝經》「宗祀 配 文王 以 其意之委曲,故於季秋之月有大享之禮 犢,其禮 祖配之,以冬至氣之始也。 焉 也。 于明堂,而以文王配之也。若《序》言 然詩以 后 天即帝 而 也。 稷 人成形於父,故季秋享帝而 明堂 配 文 極簡。 焉。 丘,埽地而行事,器用陶匏,牲 王親 也。 祀帝爲主,文王配焉 尊尊而親親,周道備矣。 而 無所謂配天之説矣。程子 后稷遠矣,配稷於郊亦以 也 日 郊而曰天,所以尊之也 聖人之意,以 帝, 配文王於明堂,亦 所以 也。」陳氏 親之也,以 萬物成 爲未足 自 曰: 自 以 當 無 然則 古古 以 父 形 以 文 文 可

> 也。 不敢 備引之篇末,旨深哉 統於尊也。 畏天所以畏文王也,天與文王 之也。」東萊吕氏曰:「於天維 郊者古禮,而 『日靖四方』。天不待贊,法文所以法天 一也。」合觀數說,是詩無餘藴矣。《集傳》 卒章惟言『畏天之威』而不及文王者, 加 辭焉。 明堂者周 於文王則言儀 制也 周 庶其饗之, 公以義起 式 其 典,

祭並顯然矣。 祭者本旨。賓主次序井然。觀此,則上章並非天地合祭者本旨。賓主次序井然。觀此,則上章並非天地合

祀。 東左西右,則饌在左而神在右矣。 遷曰〕明堂之位,帝居中,文王居西南。 在『維牛』之上。 謂積柴祭天,則用羊實柴也。 日 〕案,彭山季氏云:「《周禮・羊人》曰:『積,共羊牲。』 理或然歟?」右古人尚右,故以右爲尊。 集釋】將奉也。 將者,奉羊以共柴。 享獻也。 先柴而後獻,故『維羊』文 儀 羊 饗者,獻牛 主皆西 式 牛 刑 Ξ 、「朱氏 皆法 坐 氏 東 ·以共 志 向 長

嘏 福

方七陽。 標韻】牛十一尤。 餐二十二養。 叶韻。 右二十五有。 威五微。之四支。 叶韻。

通

時邁 武王巡守告祭柴望也。

保之! 戈,載櫜弓矢。 薄言震之, 莫不震疊。 允王維后! 明 時邁其邦,昊天其子之,實右序有 昭有周,式序在 我求懿德,肆于時夏。 懷柔百神,及河喬嶽 位。載戢干 允王 周。

《序》爲是。 覺緊緩不順。 下乃分二段。 分「明昭有周」 理,於是有 右《時邁》一章,十五句。姚氏本何玄子, 」以下爲第二章。今案之首二句若總提 若照何本,不惟章法長短不齊,即文氣亦 陳氏大猷曰:「天下非 故不若從舊爲當。 封 建諸侯。不能保其長 此 詩 自 宜 所 從

《九夏》之三也。」吕叔玉云:「《肆夏》,《時 《肆夏》、《樊》、《遏》、《渠》,天子以饗元侯 柔。 也。」韋昭注云:「《肆夏》一名《樊》,《昭 好尚定,乃益見天命之有常。故《春秋傳》 接云若果「實右序有周」也,則使我治人, 以我爲子也者,蓋初有天下之辭耳。 後,告祭柴望朝會之樂也。故首二句云 案,此乃古常制。 夏》一名《遏》,《納夏》一名《渠》,即《周禮》 周公作無疑矣。然《外傳》又云:「金 曰"「昔武王克商,作頌曰『載戢干戈』。」 周」也,則慶讓黜陟而刑賞行,偃武修文而 治,於是有巡守。 而《外傳》又以爲「周文公之頌」,則此詩爲 而人無不 時邁其邦,昊天其子之」。 乃信君道之克盡。 震疊; 使我事 巡守所以 若詩則實武王初 神,而 又言果「明昭 若不敢必天之 維 持 神莫不 封建 下乃 克 也。 懷 商

五四三

耳。 日 族人侍,奏《族夏》。客醉而出,奏《陔夏》。 臣有功、奏《章夏》。 牲出入,奏《昭夏》。 「王出入,奏《王夏》。 義各別,姑不具論。案,《周禮・鐘師》: 夏」,鄭氏謂「陳其功于是,大而歌之」,訓 也。」夫以此詩爲《肆夏》,特詩有「夏」之語 邁 配 賓來,尤爲無理,其可信乎? 無干,何以 祭之文,固不可以之饗元侯,亦與尸出 夏》,而《時邁》之文乃周武王初 公出入,奏《鰲夏》。」既 凡樂事以鐘 r,第循[°] 业 某樂,非鑿即妄,誠未見其能當也。 《肆夏》,《集 文以 樊遏》、《執競》也。 奏爲? 至《思文》之奏于四方 求 鼓 奏《 其 傳》謂「陳 義焉可矣,如必指某詩 四方實來,奏《納夏》。 九夏》。」杜子春日 夫人祭,奏《齊夏》。 尸出入,奏《肆夏》。 以《時邁》爲《肆 《渠》、《思文》 布懿 故《詩》至今 有天下朝 德于 中

> 序次也。 夏,大也。 恒日〕時,是也。 允信也。 集 戢 聚 釋】邁 震 動 也。 夏〔《集傳》曰〕夏,中國 也。 行 櫜 也。 疊 韜 懼也。 也 邦 諸侯之國 肆 懷 陳 來也。 也 也。 也 時 〔姚氏曰〕 柔 右 グ姚 安 尊 氏 也。 也。

【標韻】無韻。

執競 祀武王也。

儀反反。既醉既飽,福禄來反。鼓喤喤,磬筦將將,降福穰穰。降福簡簡,威是皇。自彼成康,奄有四方,斤斤其明。鐘、執競武王,無競維烈。不顯成康,上帝

以爲 或以 紛辯論,迄無定解,總爲「成王」二字所誤 祭武王、《小序》、《毛傳》、鄭箋、 三王並祭,歐陽氏、《集傳》及姚氏際恒 爲祭成王,朱鬱儀、季 右《執競》一章,十四句。 明德、何玄子。 孔 疏及范 此詩 氏 或 又或 景 以 爲

也。

所

以

不

祭則已,祭

必

降

福。

當其

祭

也,鐘鼓

則喤喤然,磬筦則將將然,降福

則

來,明無不

照

,知無不周,故曰

「斤斤其明」

望之也。故自其成功康定,奄有

四

方以

無競之烈,雖在

上帝亦不能不以

君

人之道

濬哲文明」、「温恭允塞」等句。

而

因

成

穰

穰

然。

而

神之降

福

雖

多

而

大祭者之威

儀

愈

益

謹

重,不

敢

以

醉

飽

而

失其度。

天

是

增人厭 禮無 謂 王 武王其必享之。」仍泥「成康」字爲 其功則能崇天下,其德能 之武王,「皇」則屬諸 武 以 謬 至吕叔玉謂「《樊遏》,《執競》也」,杜 善繼。」與吕涇野之言曰:「自成、康以 氏景仁曰:「祀武王而 又當從《序》,爲「祀武王」之説爲是。 王,而「奄有四方」亦非自彼二后也。 不言而自辨已。 者又始自成、康矣。 一,已見 王之 ,而更曲爲之説。 福 牲出 稽,即文勢亦隔 禄頻來,常反覆 耳 詩乎? 上篇。 入奏《昭夏》」,即 ! 吕説愈不通,可 然終不知《執 若謂 即 謂合祀成、康,推 通乎? 閡 成、康,而「奄有四方」 真 而 述成、康,見子孫之 難通 不厭也。 所 王 謂 和敬 此 並 詩 腐 不乎? 競》之武 恨 祭 蓋 其 以 儒 此 烈 迂 成 奉祭祀, 附 可 非 無 王、康 論 子春 恨 唯 故 本 則 會 專 王 論 來, 與 范 亦 祭 典

也。

康,康定也。

一字一義,如《舜典》之

勢極嚴重。

下二句歷言其功德之著。

不」讀作「丕」,大也。

顯,明

也。

成、武成

説《詩》焉能

解

頭?

詩

發端特題

「武王」,

成王

論

康

王

到」爲訓。

讀書

古

執

如

此

安逸」

作解。

此篇之「成康」,本是武王「成

功康定天下」,而歐陽氏

以下諸家,又偏以

耳。

「昊天有成命」之「成王」,分明是成

誦

而

毛

鄭

輩乃以爲「成此

王功,不

敢

白

王

牲出入何所干涉,而必用而奏之也!

下 豈 後 禮 之意乎? 言成、康之文如此,其屢言武王無幾矣。 而 之簡直,然觀諸詩亦有窒礙者。 鄭氏以爲「成安祖考之道」。 也,當是昭王已後之詩。 作 當是康王以後之詩。」而毛、鄭之説,以《頌 禮》,牲出入奏《昭 又曰 己。 可 ,昭穆之季,未聞 遂以 猶《酒 、競》之祀武王,如果是成、 白 『成王不敢康,夙夜基命宥密。』則成王者,成 以 「郝氏敬曰 定自 配《九夏》乎? 不可以爲基命 彼成康,奄有四 附 「成王」爲「成此王功不敢康」。《執競》之詩 惟 誥 不 録』「李氏樗日 周 當以 助 言 公。 成 〕祀成、康,則 「成王」、《大誥 王德」。 成 是篇 有 夏》,天子以 也。 王, 繼周 云「成康」者, 方。」則「成康」者,乃成王、康王 而毛氏以爲「成大功而安之」 所 康 今日基命,則非持盈 《書》之所言,不是周 〕歐陽公曰:「《昊天有成 公作禮樂者矣。 謂《遏》,即《昭夏》者 觀毛、鄭之説,雖不如歐 王爲説。 此詩作於康王以後。 康,則 成王之時,但持盈守 》言「寧王」云 《遏》饗元侯。 是祀 成王 《書》日 武 豈古人祀 成 》皆是成 王之詩。 功,康定天 即 「成 一守成 有 康王 之成 爾。 新 王 周 王 先 王 聲 也 也 命 也 凡 > Ŧ 畏 祖 其 成 陽 時

説也? 則祀武王之詩,周公豈不曾作,而直待昭王之臣作乎? 于武 祭不當給,給 王廟之詩 武王也。」案祭禮或分或合,昭 主祭成、康之説者,朱鬱儀曰: 功能崇天下,其德能和 豈昭王以後祭武世 升曰:「祭三王無其例,然武 康,見子孫之善繼也。」吕涇野 無稽據。 王,如成王崩,康王袝之,武王 袷非禘,故止及三王耳。」案,成、康各有專廟, 豐,武王廟在鎬,其成、康亦祔於武 鹵莽耶? 王、成王、康王」,是已。 氏際恒日冰小序 祖考以爲謚耳。 詩 廟? 書》言 流、 季明德 主祭武王之説者,范景仁曰:「祀武王而述 也。」又曰 後之主祭三王之説者,鄒 此妄説 祭 E : 只 成 》謂「祀 豈凡言「成康」者,即 也。 一室而 「此蓋昭 康、 尸, 「但不 敬以奉祭祀,武王其必享之。」然 惟新 寧,多頌 配 然三王並祭,出 武 其 以成、 王,固 知何故而舉此 辭 王 王有 主 時 亦 「祀成 一未成 在 王 廟 武 以 獨 曰:「自 康歟?」 世室, 不 己 非。 成 王 祀成、 肇敏 應 廟 廟 亦 王、康王而 疑 乃 有兩王 可 《集傳》 爲二王 康 而 則 袝。 É 何典禮? 知。 众之,何 成、康以 此 王 二王袷食于 康二王 祭耳。」案 必 誦 有 亦 「文王 然亦 也。 何 》謂 乎? 而 臆 專祭矣。 王 待 推 得 此 漁測,毫 來 釗 朱允 祀 此 本 只 謂 祭 廟 其 成 が姚 駁 何 於 非 毋 在 武 率

乎? 即所謂『日祭』之詩也。 者先王日祭、月享、時數、歲祀。」劉歆曰:『祖、禰則 祀、時享、歲貢終,先王之訓也。」《楚語》觀射父曰:『古 詩 王崩,周人祀之于廟,則有《昊天有成命》及《下 何氏搜索及此,亦爲難能,聊存之以逆此詩之難可 베 上食歌之,故以二王並言。」愚按「日祭」雖出 然則成于昭爲祖,康于昭爲禰,《執競》之詩當是于日祭 祭。」案,日祭之典,雖于他經無所見,而《國語》兩及之。 ,而康王祀廟之始無聞焉。《執競》之詩爲成、康作. 「祖、禰日祭」,不僅見于劉歆之言? 何 而以二王並言,則又心疑之。已乃恍然悟 玄子曰:「昭王之世,始以成、康備 《周語》祭公謀父曰:『日祭、月 然耶否耶? 七 廟。 | 國 - 武》二 日,此 也 語 然 日 然 武

重也 也。 將將集也。 反覆也。 集釋】競强也。 穰穰多也。 斤斤明之察也。 簡簡大也。 喤 反 喤 反 謹 和

庚。 十三阮。 喤 一陽。 標韻】王七陽。 反同。 將、 穰並 通 韻 同。 康、皇、 轉 韻 方並同。 簡 十五 潛 明 反 八

> 思文 后稷 配天也

陳常于時夏。 極 問我來牟,帝命率育。 思文后稷,克配彼天。立我烝民,莫匪 無此疆爾界,

爾

播 阻 乃粒」義同。 箋「立當作粒」,與《尚書・益稷》篇「烝 耳,夫何怪焉?「立我烝民」、《集傳》從 言牛羊「維天其右之」,而此則更簡益從簡 又有不待人述者乎? 稷以配天」矣,古人文字類多簡質,況天功 傳》疑之,不言郊祀,但云「后稷之德真 稷配天」,是也。 民,皆后之功也。 配天」而已。然《孝經》嘗云「昔者周 飢 種 ,教化不得 右《思文》一章,八句。《小序》云「后 民 人率育, 孔疏,立當讀 施 而經無祀天之文,故《集 而 故 無以 陳常時 曰「莫匪 即《我將》祀帝,亦 立 如字。時 人之道。 夏,是立 爾 極」, 義 我 烝 公后 后 較 民 民 鄭 烝 稷 口

之訓 直 制 豈 爲 道 疆 民 之樂歌也。」朱固近腐 時,是。夏,大。 道於中 于時夏」、《集傳》謂: 能 阻 禮 大之説也。 亦 捷 而 外此 情已哉? 爾 飢 以 于是乎大立矣。 「極」爲至,不待紆曲費解矣。「陳常 《毛傳》訓 久矣,失其常性。 祖 界,則有常産者有常性,即五常之 國。」姚 哉? 配 天,夫豈 若訓「夏」爲中夏,則其義 氏謂:「 后稷之功與天無極,周公 爲陳此常行之禮于是大 「極」爲中,又不若《集傳 一朝一代、一身一家 此 姚 陳 訓 郊祀 亦未通。 其君臣父子之常 今方率育,無此 「時」爲是、「夏」 毎歳 愚謂 常行。 亦 派

甘,大麥味鹹,爲五穀長。」注:「大麥,今稞麥,一名 小麥也。 形似小麥,皮厚,故謂大麥。」率偏也。 集釋】思 牟大麥也。 語 辭。 一劉 氏瑾曰》《本草》曰: 文文德 也。 貽 育養也。 遺 「小麥 也。 來 味

夏二十一馬。叶韻。 本韻。育一屋。 【標韻】稷十三職。極同。本韻。育一屋。

何新 來茹 迄用 在《雅 乎 ? 呼臣 既 至耕籍豈容無詩? 『明堂朝覲 夫之屬,至嗟保介, 「《小序》謂『諸侯助祭遣于廟』,甚迂。 康年。 畬? 無 嗟 工、車右,如以卑告尊不敢斥言之例 嗟臣工,敬爾在公。 祭事,天子于諸侯何不敢斥言之,而 右《臣工》一章,十五 嗟嗟保介,維莫之春,亦又 《集傳》謂『戒農官之詩』。若是則當 \approx 臣工 於皇來牟,將受厥明。 何 命我衆人, 庤乃錢鎛, 奄觀銍艾。 ,則《我將》、《載見》諸詩是已。 以 列於《頌》乎? 王耕 籍 則義益 嗟臣工,正指公卿大 田 以敕農官也 王釐 顯然。 句。 鄒 明昭 何 爾 姚 肇 成,來 求 其爲 敏 氏 ? 日 日 : 詩 咨 如

時耳。 異矣。 孟春。 矣。 秋成 非專爲 時不 以 孟 籍 者,得無謬乎? 未 于農事,何敕之有? 副 不改置仲冬之月,且並仍在孟春之令,特 孟 爲 而 可據 「暮春」之語,則以其未知周 能更。 季乎? 姚氏雖亦見及鄭箋之謬,而究無 時乎? 春爲 然天子耕籍乃 古 戒農官,益可據矣。』其説近是。」故 至「保介」、《集傳》以 暮 詩固因孟春 秦、漢僞書以 屬杜撰。 然則周正可改寅爲子,天時亦可 建子而 春言也。 觀此益信周之歲首與夏、商無 若泥「暮春」,則 何其不通如是也。 然保介之在車右,實無與 不建 鄭氏謂周之莫春,于夏 掛籍而戒以終歲之事 故末言「奄觀銍艾」,非 解成周真頌也。 孟 古今官名隨時更易, 寅耳。 春事,而 蓋建可改,而 以 爲 正 此 辭而 周正不 一改建 「農官 云 識者 説 害意 未 暮 之 改 唯 易 爲 以 從 春

詳焉。

茹度也。 詳明。 中。 《周頌》之「保介」否 疏駁《集傳》,固是。 爲農官之副,不知何者爲農官之正乎? 農官之副也。」以保介爲籍田之官,杜撰殊甚。 耒耜于車右,故敕之也。 故敕之也。 右者,此人與之同車,而置田器于其間,常見勸農之事, 已,今言[保介]與[御],明保介即車 之與御者二人間。君之車上,此有御者與車右二人而 耕籍田之禮。天子親載耒耜,措置之于參乘之人保介 日: 間。」介,甲也。 也。 保介見《月令》、《吕覽》,其説不同,然皆爲籍田 「知保介爲車右,故即引《月令》以證之。 《月令》:「孟春,天子親載耒耜,措之于參保介之御 畲三歲田也。 是保介爲車右,本無與于農事。此因農事而出,措 集 不敕御人,以御人專主于御車也。」其説 保介「姚氏際恒 釋】公公家 車右,勇力之士,披甲執兵 也。 〔朱氏謀瑋 第《月令》之「保介」,亦不知其果爲 説已詳篇中。 作《集傳》者並不閱註、 也。 \Box 曰]稱新 釐 〕保介,鄭 賜 右 也。 也。 暮春亦詳見篇 [案]姚氏本註 畲者,田 氏 以農事 成 日 也。」孔氏 彼説天子 成 而言,蓋 疏,曰: 野之日 夫保介 「車右 法 甚爲 勅 也。 車

事,必 闢 鎛,迫地去草。」《世本》云:「垂作鎒。」《吕氏春秋》高誘 作銚。」宋仲子注云: 氏穎達曰〕《説文》云:「錢,銚,古田器。」《世本》云: 年猶豐年也。 銍以穫禾,用於穀。 注云:「鎒,芸苗也。 [《集傳》]明,上帝之明賜,言麥將熟也。 [錢氏天錫曰] 錢以起土,用於耕。 説文》云:「鎛,田器也。」《釋名》云: 《釋名》云:「銍,穫禾鐵也。」《管子》云:「一農之 有 於皇歎美之辭。 一銍、一鎒、一銚,然後成農。」是三者皆 衆人甸徒也。 艾穫也。 六寸,所以入苗間。」 鎛、鎒當是 「銚,刈也。」然則銚,刈物之器也 來牟麥也。 **庤**具也。 鎛以去草,用於耘。 「鎛, 説見上篇。 **迄**至也。 錢鎛 鉏 銍 田器 類 也 孔 康 明

真。 畬 同 艾九泰,叶 本韻。 標韻】工一東。公同。 音 求十一尤。 끼 通 韻。 牟 同。 年 本韻。 一
先
。 本韻 茹 人十 六魚。 帝

噫嘻 春祈穀也。 通

韻

千維 百穀。 耦 噫 嘻成 駿發爾 王,既 私,終三十里。 昭 假 爾。 率 時 亦服爾耕,十 農夫,播

月 尊祖親考之義也。』又《左》襄七 農官之詩。《家語》孔 王 ? 天子卜郊,則受命于祖 官」,則尤謬。 食,豈待成王而 相通,故可並,勿庸疑也。 夏祈穀於上帝」,是也。 急,治農之官,自古 「戒農官之詩」,則 此康王春 春祈穀,夏則雩」矣。其實雩、祈穀,義 ()三卜郊,不從。 右《噫嘻》一章,八句。《小序》謂「春 此易辨者。 祈 穀 季明德曰:「農 也。 始置哉?」何玄子亦 非。 乃又云「成王始 孟獻子曰 有之, 況武 既得卜于禰廟, 子對定公日 戒農官何必禱及 廟 姚 而作龜于禰宫, 唯《集傳》以 氏 駁之,以 事古 年 吾乃今而 所 重 『夏四 一一 置 大 日 者 聞 民 所 戒 田 成 爲

詩

意者哉

溝

洫

用

貢

法,無公田,故皆謂之私。」豈知

又本鄭箋解「三十里」句云:

鄉遂之官,司稼之屬,其職以萬夫爲界者。

敕農官,何不于始祖之廟舉始祖 其不從。』愚以此詩章首有『成王昭格』之 已政教光明如是,猶能敬重農事,率是典 辭,乃祝辭,故入《頌》也。 顧于成王,何取乎?」此論 語,是此詩作于康王之世,乃主作龜 十里」而遥,萬夫齊力,及時務功,以大發 而言。不然,周 今之教民耕田 而 夫郊祀后稷,以 後耕。 自后 稷以農事開 今既 ,各極其望,「終三 較是。 詩意云: 耕 祈農 而 爲 或 不 然非 辭 郊 事 王 禰 即 而 也 既 宫 戒 欲 詩 活相,釋者均獃,又安能望其以意逆志,得 真是癡人説夢,烏足當人一 十里有奇者,又有謂萬耦當云五千耦者, 有謂萬夫之地方三十里少半里者,有謂三 儒竟爲之持籌核算,計畝受夫,絲厘弗爽。 見其地之寬,非有成數在其胸中。不意後 萬衆齊心合作也。 十里」者,一望之地也。 三里有奇。」亦爲姚氏 三十里,萬夫之地。 人言外旨耶?

一以見其人之衆,一以

言「十千維耦」者,

四旁有川,内方三十

所

駁。

竊意詩言「三

啟

後

郊

郊

後

知

有

卜筮。

萬爲盈數。 徧及天下矣。 『三十』以極望爲言,則『十千維耦』者,以 曰:「各極其望,謂人目之望所見極于三十,每各極望 之大發其私田耳。『終三十里』,言各極其 《毛傳》曰:「私,民田也。 疏之説 附録』「姚氏際恒 甚明, 故舉之以言,非謂三十里内十千人也。」按 詩意只 如 言上欲富其民而讓于下,欲民 E 此, 「駿發爾私、終三十 非 可 鑿 然以 望 典制求之。 也。」孔 則 氏

望。

要非

王之惠不及此。

其不言公田者,

爲民祈故

耳。

《集

傳》不知,乃云:「此

必

其私。

故地

無

遺利,人無遺力,豐穣乃可

田之官。

哂哉?

詩本

萬也。 耳,安得有萬夫? 今欲以萬夫合三十里之地,只得 記·匠人》「九夫爲井」句而增 畝、方百步、積萬夫方之、是廣長各百夫、以百乘百、是 地,三十三里少半里 千夫有澮,澮上有道。 上有經。 111 世乃如此! 以百乘百。 三十三里又少半里也。」按《周禮》之説本襲《考 十里者,舉成數。」孔又疏之曰:「計此萬夫之地,一夫百 無論其不當從鄭之妄說也,且于鄭箋、孔 百,而三十里亦非百夫也。 云三夫爲一 鄭氏篤信《周 《周禮 ,内方三十三里有奇。 、孔謂三十里百夫之地、非謂萬夫之地 一夫百畝,一井八夫,三十里之地僅二百 既廣長皆百夫,夫有百步,三夫爲里,則百夫爲 通論》。 里」與「十千」之義各别 十夫有溝,溝上有畛。 嗟乎! 里, 尤謬。 《集傳》本之曰:「三十里萬夫之地,四 禮 孟子曰:「方里而井。」則三十里爲三十 》,引之曰: 也。 詩意果如是乎? 萬夫有川,川上有路。 不特詩言萬夫非百夫之以百 言三十里,舉成數也。」嗟乎 川之間萬夫,故有萬耦。 其曲紐妄合,誤而又誤 凡 廣爲此説,必不可 不,不 治野 百夫有洫,洫 得聯 田、夫間 且一里八夫,乃 疏毫釐 合以 也。 此萬夫之 鄭引 上有塗 解 有 四 據。 不解 遂,遂 明 + 欺 《周 矣。 Ι. 詳 謂 夫

少

誤也。 以註經,而後世群遵之而習讀之,不可曉也。 四萬夫矣。 又其云溝洫用貢法,亦誤。 無公田之貢法,可乎? 正見其交相忠愛處。 法,無公田,故皆謂之私。」亦謬。 必鄉遂之官,司稼之屬,其職以萬夫爲界者。 夫有川」,是 禮》「萬夫有川」之文,非 ,郊野地多,何爲僅戒國中 不詳來歷,不解文義,直與稚子塗鴉何異 鄭三十三里少半里,今言三十三里有奇,又 一川萬夫。 乃因詩無「公」字,遂認「私」字爲 今作「四旁有川」,是 謂 且依其解,爲戒農官。 辨見《孟子通論》。 四四 之農官,而 旁有川 君言「私」,民言「公」, 也。 不及郊野 《周 爲四 又曰: 溝洫 禮 JII 乎? 》「萬 中 用 山此 地 貢 乃 當

是也。 見篇中。 駿大也。 集釋】噫嘻歎辭。 耦二人並耕爲耦 發耕也。 昭明也。 私私田也。 假音格。 三十里説 時

耦 一十五有。 標韻】爾 叶韻 四紙。 里 同。 本韻。 穀 屋

振 鷺 微子來助祭也

振鷺于飛,于彼西 雝。 我客戾止,亦有

斯容。在彼無惡,在此無斁。庶幾夙夜,以

永終譽。

耶 ? 于陳 説。 異説 庶 庸 此 不 不 序》謂『二王之後來助祭』,宋人悉從之, 而 改其色,故「亦 曰: 『武王西雝之客,蓋指禄父,而夏之後 幾 愚 來 改色之證也。 立受子禄父爲殷公,以撫殷餘民,而 與,何者? 棄之不屑道,必 封 ,不知天命,故使之觀樂辟雝以 武王既有天下,封堯後于薊,封舜後 其能忠順耳。』鄒肇敏踵其意 助祭,獨言二王之後,何爲 右《振鷺》一章,八句。姚氏曰:「《 竊意此詩必專爲武庚而發。蓋武 自季明德始不從,曰:『《序》似 禹後 于杞,而 鷺,白鳥 有 後儒 斯 以「我客」屬 容」與「亦白其 見武庚以叛見誅,舉 陳與杞、宋爲三恪 也。 殷人尚白,武 嗣封之微 不及陳 馬」,皆 而爲説 養德 庚 臆 無 小

是 黜 用白 《有客》,皆一時之詩,爲微子作也。 祭于祖 之意 丹朱在 子。 子在成王時來助祭也。』愚按、《微子之命》 在 我客、有客似之。 季説 日 王,修其禮物,作賓于王家,故《有客》之詩 知其爲微子也? 微子之封宋也,統承先 之嘉賓 武 **削微** 殷 成王時來助祭也? 「亦白其馬」。 王 命 與? 夫由 而 尤 之 、孰先武 别 爲 # 子之封宋 ,殺武庚,命微子啟作《微子之命 廟 虞,商均在夏,三恪莫敢望焉。 周 後 爲説曰:『周成王時,微子 宛 觀 此以知其爲微子也。 轉 而 之,則 人作詩美之。 知 盡致矣。 庚者? 鴟 自成王始命之,此以 商尚白也,鷺乃白鳥, 意者其衣服車旂之類皆 武 · 鴞毁室,罪存不貰。 庚固殷之冢 《書序》曰:成 無問 何玄子又踵 其賢否 此與《有 何以 嗣 也。」 亦 知微 王 知 瞽 來 何 兩 由 其 以 而 助 家 周 猶

五五五三

原有可 與 助 則 理 自 爲微子,所自來矣。 後,三也。 篇明言『亦白其馬』,似指殷後 二也。 王 有事,膰焉。 武子曰:『宋,先代之後,于周爲客。 較優于武庚,且有《左傳》以證。《左傳》皇 一後? 祭 武 勢 季 語 愈 則宜爲 于杞。 、鄒揣摩之説 前 所 此 庚亦必仍舊制,安見非武王時武 乃 稱 自然也。 此篇言有振鷺之容,白也、《有客》 疑者三:周有三恪,助祭何以獨二 僞 必 客 古文,不足據。 也。 成王 有此三者,故或以爲武庚,或以 微子 蓋 」, 指 有喪,拜焉。』按,周之隆宋, 詩但言『我客』,不言二客, 一時微子 殷後 ,而非 《商頌》亦稱『嘉客』,指夏 近一遠,近親 無異 以今揆之,微子之説 也。 武 也。 來 庚也。 若 助 宋國之臣言 總之、《序》説 祭乎? 以 尚 而 而不指夏 『有 遠 白) 踈,亦 爲言 天子 事 是仍 庚來 宋

愚謂 證。 《集傳》「二王之後來助祭」之非,是已。而 焉」, 若夏王後同來,則斷斷不出此也。 武庚則勉其令終,在微子則令其鑒往 客》篇,而必爲此詩? 是烏足以爲證耶 助祭發也。 舉宋之于周爲客也云爾,非謂此詩爲微 周爲客。 所以優之之故,但引《左傳》皇武子之言爲 姚氏引季、鄒、何三家之説,闢《小序》及 焉』之語,然則只説得宋,遺卻杞矣。」案: 曰「庶幾」,曰「以 又謂何氏微子之説較優于武庚,而不言其 乃引《左傳》『天子有事,膰 微子來見祖廟」矣,安見微子助 夫武子之言,僅云「宋,先代之後,于 詩 亦來 前 有事,膰焉。 助祭之證 四 且下《有客》篇,《 語 雖 似 永終」,二者均 贊,後四 集傳 有喪,拜焉」,是泛 》引《序》説 語 焉。 《序》亦 乃戒 有可 祭 有喪,拜 況詩明 非 明言 有

知。 以鄒説「爲箕子發也」近是。《序》蓋誤以 則《有客》之詩,又將誰屬? 武庚之説也。惜諸家均未見及此耳。然 箕子爲微子,遂不能不謂此篇爲「二王後」。 嗣封,縱能賢尤應箴規。此指微子較優于 言容似白鷺, 誤而無乎不誤耳! 但武庚被誅,雖有詩亦當删黜。 則客僅商客而無夏客 曰:此自當 微子 也 口

【眉評】姚氏曰:「全在意象之間,絶不著迹。」

 Ξ

氏安石曰〕西雝,蓋辟廱也。 集釋】振群飛貌。 辟廱有水,鷺所集也。 鷺白鳥。 能 澤 也。

指微子也。

彼其國也。

斁同。 標韻】雝二冬。 譽六御。通韻。 容同。 本韻。 惡七遇。

法,今以其篇什無多,但分上、下二卷。 以上《周頌》上,凡十三篇。 舊用分什

Ŧi. Ŧi. Ŧi.

詩經原始卷之十七

頌

周

頌下

豐 年 秋冬大報也。

豐年多黍多稌。

亦有

高廩,萬億及秭

酒 爲醴,烝畀祖妣,以 治百禮 ,降福孔皆。

右 豊年 一章,七句。 《 彙 纂》 曰

冬報爲嘗烝。王安石以《豐年》屬天地之 豐年》、《序》以爲『秋冬報也』。 。箋以 秋

功,故 以 證《禮 以 此詩爲祭上帝。 》,謂 秋報者,季秋之於明堂 陳祥道引《豐 也。 年

《序》不言祭何神,但云「秋冬報」,故後多 觀此 中謂 之,古禮既廢,古樂又亡,第從樂章以考祀 吕 求其義焉云爾 典,詎能有符? 章,故《序》不明斥所祭爲 考祀典,秋冬大報,上自天地,以至方蜡, 咸備,皆上帝之賜,故曰『降福孔 酒 之樂歌」,蓋指 之説,大約如是。《集傳》定爲『報賽 神、無所不報、同歌是詩。』漢、唐、宋諸 安知不併歌《豐年》之詩以爲報歟?』曹粹 疑議。若云「大報」,則 靡祀不舉,祀則有樂。 醴 祖 詩言黍稌之多,倉廩之富,而得 謙 以饗祖考, 治群神, 祀事無 『秋冬大饗,及祭四 謂:『以祈爲郊, 田 縱極 祖 先農方社之屬。 切合,亦不過懸揣 是詩概爲報祭之樂 則季 其義 方八蜡,天 何神也。」案, 秋 自 大饗明堂 明 缺 皆也 矣。 而 百 爲 然 田 地 以 禮 詳 事 此 儒

【集釋】徐音杜,稻也。〔郭氏璞曰〕今沛國呼

至億日秭。烝進也。畀予也。洽備也。皆徧也。稻爲稌,是也。亦助語辭。億秭數萬至萬日億,數億

妣紙。禮薺。皆九佳。叶韻。

標

韻】廩二十六寢。

秭

四

紙

醴

八薺。

有瞽 成王始行祫祭也。

始成之故合乎祖 行合祖之禮,大奏諸樂云爾,非 袷,合也。又曰:『《序》意謂 文王也。 小序》謂『始作樂而合乎祖』,近是。 右《有瞽》一章,十三句。 成王祭也。 也。」」案,諸 何玄子因以爲大給 家多以 成王至是始 姚 謂 氏 以 樂 新 티 : 祖 樂 初

> 亦止 何 王 諸家爲尤精耳。「我客」而與「先祖」並題, 成 統承先王修其禮物,非尊其後,尊聖帝 祖並言,尊之至也。 『先祖是聽,我客戾止。』以先代之後 何如哉? 亦猶舜之「虞賓在位」,其所以尊之者,爲 『虞賓在位,祖考來格。』成王合樂 也。 勞 而 薦之祖考爲言。 ,則必舉行祫祭大典可知。 「我客戾止」? 謝氏枋得曰:「舜 《書》曰『崇德象賢』, 今「先祖是聽」,我客 樂初成而薦之祖 作樂而 故何説較 而 與先 日 曰 明

古人爲文亦有藍本也。 【眉評】姚氏曰:此詩微類《商頌·那》篇,固知

臺》篇。 鼓 田 大鼓 鞉 也。 集釋】瞽樂官無目者也。 如 樹 鼓 羽 而 縣 置五采之羽於崇牙之上也。 小,有 鼓 周 制也。 柄,兩耳,持其柄 夏后氏足鼓,殷楹鼓,周 業處崇牙見《靈 而 摇之,則旁耳 應 小 韓。 縣

客二王 也 虎,背上有二十七组 連 還 底,挏 自 簫編小管爲之。 後也。 之令左右擊,以 磬石磬· 成樂関也。 也。 鋸,刻以木,長尺櫟之,以 管如箋,併兩而吹之者也。 柷狀. 起樂者 如 如 簫韶 漆桶 也 ,以木爲之,中 九成」之成 幸 亦作 敔 也 止 狀 樂者 如 有 我 伏

圉語。舉同。通韻。 【標韻】瞽七慶。虡六語。羽慶。鼓同。

潛冬薦魚也。

鰋鯉。以享以祀,以介景福。 猗與漆沮,潛有多魚。有鱣有鮪,鰷饄

名? 且單 薦之,何至用 冬薦魚,春獻鮪。」魚是總名,鮪乃 薦鮪,則文當言鮪,何 周 何以冬則總 庭 縦 一章,六句。《小序》云:「季 極不文,亦不 此不通之文以獻 薦 魚,春 難 以 則 别 諸 仍 作 單 下 祖 樂 用 薦 一考前 總 六魚 歌 鮪 以 魚 ?

> 魚 乎? 敢有異説。 非其樂矣。《序》乃統 而 魚,隨薦皆可,用以爲樂。若季春,鮪 行而肥美,凡魚皆可薦之時也。 然則魚本二季皆 寒,魚不行,乃性定而肥充,故冬薦之也。」 稱 寢 子親往,乃嘗魚,先薦寢廟。季春 浮,陽魚之先至者也,故單 魚。 」,下並舉六魚以實之者,是冬令魚 廟。」孔氏 案、《月令》:「季冬、命漁師 春惟獻 豈深知文義者乎? 曰:「冬則衆魚皆可 鮪 而 可薦,而 已。」又曰:「冬月 而言之、《集傳》亦 詩云「潛 - 薦鮪 故總 薦,故 1,薦鮪 始漁,天 始 有 此 潛 多 既 總 于

涔、潛,古今字。 「今以木投水中 也。 積 柴養魚,使得隱藏避寒,因以 〔孔氏穎 集釋 達 **)** 猗與歎辭。 養 日 解 白 縣 也 魚曰涔。」孫炎曰:「積柴養魚曰 釋器 潛〔《集傳》〕潛,椮 薄取之也。 槮 謂 之涔。」李 或曰 1 藏之深 巡 修。」 日 蓋

鯉 同 標 本 韻 沮六魚。 祀 紙。 福 魚同。 屋。 本韻。 叶 韻 鮪 四 紙

祭文王以徹俎也。

考,綏予孝子。 穆 繁祉。 燕及皇天,克昌厥後。 三章 穆。 有 章 既右烈考,亦右文母。 來 雝 於薦 雝,至 止 二章 宣哲維 廣牡,相予肆祀。 肅 肅。 綏我眉壽,介以 相維辟公,天子 四章 人,文武維 假哉皇 后

又曰 及大 《序》謂「禘大祖」,朱子辨之云:「《祭法》, 周人禘馨。」又曰:「天子七廟,三昭三穆 將 其祖之所自出,以其祖配之者也。 《祭法 禘嚳於后稷之廟,而以 死 (者之主於廟,亦謂之吉禘。 祖 ,周祖文王,而春秋家説三年喪畢 右《雝》四 之廟 而 七。 章,章四 周之大祖 后稷配之,所謂 句。 從姚 即 是祖 后稷 氏際 恒 也。 號 本。

> 書粗率,未能悉心體認之過耳。 得而更有「徹」之名耶? 凡若此者, 分明言「以《雝》徹」,非云「以《徹》徹」,何 名《徹》乎? 文,姚氏譏爲「蛇足」,云「此詩 不若從《集傳》之爲當也。 既不可通,即文母之祭亦與諦義無涉,故 祭文王之詩,則詩中「烈考」、「皇考」之稱 晰,可無疑義矣。 詩,而後通用於他廟耳。」案此説頗 恐《序》之誤也。 文王,則與《序》已不協,而詩文亦無此意。 其詩之詞無及於嚳、稷者。 而二廟,禘一名而二祭也。今此《序》云 《禮·鐘師》「及徹,率學士而 禘大祖」,則 《周禮》之妄也」。 宜爲禘譽於后稷之廟 此詩但爲武 若如箋、疏,以爲成王 若以爲吉禘于 而篇末又引 王祭徹俎之 歌《徹》」之 徹 案、論 時用,豈 皆讀 爲 用 褅 明 而

【集釋】雝雝和也。肅肅敬也。相助祭也。

之。 肆陳也。 辟 母上耶? 禮之末失也。 以 昌 也 武 《毛傳》訓 日 王時尚未有 謂 王自 其名號之耳,不遂廢其文也。 而 〕烈考,亦文王。 「烈考」、「文母」,明相對偶,子豈可與母 此 昌大其後也。 稱 詩 侯也 助,于此處難 也。 假大也。 右爲尊,故謂其神在右,猶 日 此,亦一 「克昌 〔姚氏際恒曰〕愚按,或謂周公始定諱,武 宣 穆 通 穆美也。 《集傳》是。 厥後」,何也? [蘇氏轍日]周 説。 也。 皇考文王也。 通 右尊也。 哲 文母大姒 於歎辭。 知 《毛傳》謂武王,嚴 諱其名而廢其文者,周 也 人以諱事神,文王 日 烈考「姚氏 周 綏 燕 也 云如 安也。 廣 之所謂 安 在 也 牡 對 其 大牲 而 孝子 諱,不 上 且 氏 際 也 也 居 主 恒

此詩每 皓。 先。 屋。 韻 穆同。 叶 通 祀 句 韻 韻 四 有 韻 紙。 韻,甚 本韻。 祉 后 雝二冬。 子同。 紙。 奇。 有。 牡二十五有。 母 又凡四 後同。 有。 本韻。 公一東。 章,二、三、四章皆 叶韻 本 人十一真。 韻... 考十九皓。 通 **が** 韻。 壽 氏 際恒 有 天 肅 有 日 叶 考

> 調纏綿 韻, 用韻之奇,亦無過乎是者 而 繚繞,尤爲奇變。 四 兩 章皆 先「有 「愚 韻 案」此 後 紙 真 韻 所 謂 前 轆 後 韻 相 關 也 音 而

載見 諸侯入朝,始助祭于武王

廟

也。

文辟公, 綏以多福 以享,以介眉壽。永言保之,思皇多祜。 央央,鞗革有鶬,休有烈光。 載見辟王, 日求 傳緝 厥章。 風子 龍旂 純嘏 率見昭考,以 陽 陽, 和 烈 孝 鈴

氏謂: 論 辭 朱子以爲恐未然,故 見乎武王之廟也」。毛萇訓「載」爲「始」, 云發語辭。 莫定,其他 ,豈可作 右《載見》一章,十 「《集傳》既 發語用?」一虚字也,而 若爲 可 知。 虚字之『則」,則乃承 訓『載』爲『則」,則 以「載」作 然從毛、鄭 四 句。 發 《序》謂「始 訓 語 幹。 「始」者 諸 接之 儒 不 當 辩 姚

不參觀 詣武 也。 諸侯助祭,則烈祖 烈彌光,一以彰萬國之歡心如一。 辟見於昭廟,以隆孝享。 此又讀書別有所見,亦實詩中要義,不可 所從出,而宗廟者,又禮法之所由施 率之以祀武王,何也? 王業、畏懷天下氣 訓「載」爲發語辭者,何哉? 大旨,亦存詩者之微意也。 諸侯之來朝,將以禀受法度也。而 '則以下文「率見昭考」與首句相 《彙纂》亦曰:「成 王一廟而作此歌乎?」案,此乃作詩 而並 詳 焉者也。 有功德之廟多矣,何獨 象,故曰始也。 王 蓋先王者,法 新即 而《集傳》必欲 以 朱氏善日 顯耆定之大 政,率 若泛言 有丕承 度之 應故 我 是百 也。 乃

和 和 也。 鈴軾前曰和,旂上 集釋】章法度也。 姚 氏 際 恒 日 有 日 鈴。 鶬 毛傳》 **峰**革善首 旂交龍日 謂 有 旂。 也。 法度」, 陽明 有 鶬 鄭 也 謂 聲

> 王爲「昭考」。 王當昭,故《書》稱「穆考文王」,而此詩及《訪落 王 二説而義乃備也。 鶬」而言也。 像金厄而言也。《集傳》謂「聲和」,蓋本《商頌》「八鸞鶬 集傳》言其聲。 金飾貌」。其謂 也。 廟制,大祖居中,左昭右穆。 當于後二説中求之。〔案〕鄭説言其貌 思語辭。 蓋轡首必以金飾像鶬而又有聲,故合 「金飾貌」者、《韓奕》「鞗革金厄」,蓋依 休美也。 皇大也。 昭考〔《集傳》〕昭考,武 周廟 文王當穆, 武

韻,餘皆一 享二十二養。 馬、又叶古。 標韻】王七陽。 韻。 叶韻。 漢《柏梁詩》本此。 叶 韻 〔姚氏際恒 (姚氏 章、陽、央、鶬、 際 日」此八句 恒日〕三句 枯七麌。 惟 光 嘏 韻, 並 <u>-</u>+ 句 同 出

有客 箕子來朝見祖廟也。

功德碑》本此

繫,以繫其馬。二章 薄言追之,左右綏之。其旅。一章 有客宿宿,有客信信。言授之有客有客,亦白其馬。有萋有且,敦琢

既有淫威、降福孔夷。三章

者爲道,箕子之來見武王者亦 之切合箕子,並不在「威福」字有符《洪 莫大之福饗。 蓋祝之也。』此説甚新,以威 福,亦即就箕疇中「嚮用五福,威用六極」, 此詩之作,其因來朝而見廟乎? 武王十三祀,王訪于箕子,乃陳《洪範》。 之,唯鄒肇敏曰:『愚以爲箕子也。 氏曰:「《小序》謂『微子來見祖 容即去者。故一宿不已,必曰 相投,自有來之不能不來,亦即有去之不 武王之眷顧如是也。蓋武王之訪于箕子 範》,蓋繫馬、追綏等句,非箕子不足以當 福合《洪範》,尤巧而確,存之。」愚謂此 遂用其意,言前之非常之凶禍,今當酬 已,欲繫其馬而不使之去。 右《有客》三章,章四句。 [信宿。 爲 從姚氏 即 廟」 道。 使或去 淫威、降 《書》, 本。 兩聖 向 詩 以 從 姚

> 蓋此乃千古之公論,非一人之佞言。 其爲微子發,此詩愚尤信其爲箕子咏也。 者其亦有以諒之也夫 尤當警以戒詞,乃爲得體。 必眷顧羈留若是? 且前懲武庚之禍,後 極賢德,不過寵以封賜,俾承殷祀足矣,何 合《範》言,遂足據以 此《洪範》之道故耳。 亦必追還而安留之。 爲證哉? 豊區 果何爲哉? 故《振鷺》愚信 區「威福」字 若微 凡 子,縱 知言 以 偶 爲

【眉評】起得飘然。

也。 鐘次之,以和居參之也。 别 國之所有,則致遠物也。』《郊特牲》曰:『旅幣無方, 也。《禮記》云:『籩豆之薦,四時之和氣也。 琢」爲玉、「旅」爲陳、蓋來朝之享禮、所謂 敦琢其旅」,鄒肇敏曰:「『有萋有且』,薦其籩豆 ?土地之宜,而節遠邇之期也。 丹漆絲纊竹箭,與衆共財也。 集釋】萋且二句「姚氏際恒日 虎豹之皮,示服猛 龜爲前列,先知也 其餘無常貨,各以其 一有 也。 『旅幣無方』 内金,示 萋有 也。『敦 東帛 所以 加 以 和

[敦琢其旅」之即爲加璧,明矣。」亦通。 信再宿曰信。 思》言諸侯助祭之事,《棫樸》『追琢其章』,豈選擇之謂證,何以作敬慎解?《棫樸》『追琢其章』,豈選擇之謂。 因鄒言《巷伯》萋斐,遂謂:「萋當作緀,且即『籩豆有且』 之且,乃薦帛之具,薦緀于且,故曰『有萋有且』。《禮之且,乃薦帛之具,薦緀于且,故曰『有萋有且』。《禮之里,乃薦帛之具,薦緀于且,故曰『復豆有且』。《禮之,乃薦帛之具,薦之事,《敬兵》。 [敦琢其旅」之即爲加璧,明矣。」亦通。 信再宿曰信。

屋。馬馬。叶韻。綏四支。夷同。本韻。【標韻】馬二十一馬。旅六語。叶韻。宿

武 奏大武也。

厥後。嗣武受之,勝殷遏劉,耆定爾功。於皇武王,無競維烈。允文文王,克開

「武王克商,作《武》,其卒章曰『耆定爾《大武》也。」《左》宣十二年,楚子亦曰:右《武》一章,七句。《小序》曰:「奏

《象》、《武》」之句爲一樂名,又誤讀「象武 詩耶? 云:「武王樂也。」《象》即《維清》,《武》乃 樂,「見舞《象箾》、《南籥》者」,杜預注 《左》襄二十九年,吴公子札來聘,請觀周 《象》,是未嘗讀季札觀周樂之文矣。案, 功」。」孔氏以卒章爲終章之句,是。 傳》之誤而又誤,以此詩即「下管《象》」之 「《傳》以此詩爲武王所作,則篇内已 即《大武 姚氏最自負,而其讀《詩》亦疎略如此,以 爲「象舞」,其説已見《維清》篇内,兹不贅。 此篇。《武》原非一詩,何云或吹或舞皆此 自誤而反云人誤者,何哉? 姚氏知《集 也。《傳》云「武王克商作」,非云「自作」, 王之謚,而其説誤矣。」此又以辭 「文王樂也。」「見舞《大武》者」,杜 蓋泥《禮記·仲尼燕居》「下管 》,可 無疑矣。 然《集 傳》 而 此詩 預注 害意 有 云: 武

此 見説詩之難 也

集釋】於歎辭。 皇大也。 遏止也。 劉殺

也。

耆致也。

標韻】無韻。

不忘! 予小子, 夙夜敬止。 皇考,永世克孝! 念兹皇祖,陟降庭止。 閔予小子,遭家不造,嬛嬛在疚。於乎 閔予小子 **祔武王主于廟也** 於乎皇 王, 繼 序 思 維

爲「成王免喪,始朝于先王之廟而 詩」,蓋本鄭 謂「嗣王朝于廟」,而不言何時。《集傳》以 袝主于廟』,似爲得之。」此正其時詩也,何 在疚」等語, 豈免喪之言乎? 何玄子引殷大白《副墨》曰『武王 右《閔予小子》一章,十一句。《小序》 氏説也。 然「遭家不造、嬛 姚氏 一既葬 作此 曰 : 嬛 而

> 此哉? 耳。 武 詩,而其志向已如此。 止」。其心傳之要不在是歟? 者,頌之變也。 中而忘道德也。 統,欲上繼祖父之緒于不忘,亦曰「夙 武王之學曰「敬勝怠者吉」。 不外一「敬」字。文王之學曰「緝 事朝政,故知其 越在天之時,常若其「陟降庭止 云似 大業,爲聖世 郭? 然詩似祝辭 蓋首 周家聖聖相 三句方在 爲既 此當爲成王沖幼第一章 非 明王。 頌 葬 無怪 體,而 而 夫豈 喪中,下 袝主于廟之時 其能纘承文、 承,家學淵源 今成 亦列 故每 無 一,不 熙敬 大 之《 又將 王 而 於對 以 夜 方嗣 止 致 喪 敬 有

義同。 皇祖文王也。 氏楷曰〕石經作祭。 嬛者,孤 集釋】閔 獨 皇王兼指文、武也 而已。 痛 [李氏樗日] 嬛字 也。 疾 哀 造成 病也。 也。 與「哀此 嬛 皇考武王也。 與 榮 祭 同 獨一之 何何

九青。敬二十四敬。叶韻。王七陽。忘同。【標韻】造二十號。孝十九效。通韻。庭

本韻。

訪落 成王即政告廟,以咨群

臣也。

考,以保明其身。 堪家多難。紹庭上下,陟降厥家。休矣皇有艾。將予就之,繼猶判涣。維予小子,未有艾。將予就之,繼猶判涣。維予小子,未

矣。 謂 昭考,蓋家學原有 以延訪群臣之詩。名雖延訪,而意實屬望 言,大略相同。蓋成王初即政而 學如 往追維皇皇,如 右《訪落》一章,十二句。 至「維予小子」而 不及,猶恐失之者,其慕道可謂切 素也。 有所求而弗獲之心,所 下,忽覺焄蒿悽愴 故「於乎」以下, 此詩諸家所 朝于廟

始自宫庭,不於此益信然哉?學術上言。三代聖君治道本乎學術,事業初告廟時景象。末乃以保身收住,仍歸重若或見之,則又孝思之感動不能自已。此

【眉評】姚氏曰:多少宛轉曲折。

也。 未有艾」,謂未能盡 艾」之艾。〔許氏謙曰〕《庭燎》傳:「艾,盡也。」則 落之,故以落爲始。 保安也。 集釋】落始也。 明 **瀬也。** 悠遠也。 率昭考之道也。 (曹氏粹中日)凡宫室始成 艾〔《集傳》〕艾如 判分也。 此「朕 涣散 「夜未 則

【標韻】無韻。

敬之 成王自箴也。

時仔肩,示我顯德行。 不聰敬止。日就月將,學有緝熙于光明。佛高高在上,陟降厥士,日監在兹。維予小子,

陳,意 氏 《集傳》于上截云「成王受群臣之戒而述其 吅 也。 以 乎成王語。 言」,于下截云「此乃自爲答之之言」。 謂「群臣 蓋 陟 謂 而 語,惟此篇 兹」,先立 呼一 異? 成,人多讀作 降於吾之所 其 成王又答之也。」然與《集傳》所言又何 曰:「愚向者 高 俯仰間 右《敬之》一章,十二句。 甚 起直呼「敬之敬之」,至「日監 應,如自問自答之意,並 而 進 是皆未察文義之過耳。 警 一案,見天道甚明,命不易保, 不吾察,當知其 戒 切,下皆規戒之辭; 則宛肖。 故敢定爲群臣答《訪落》之意 而如或見諸目 爲,而 兩截,真不可 亦不 王」,只説得 ·敢以 無 上章先以『敬之』直 日 不 聰 前 一詩硬作兩 上 臨監 明明畏,常若 解 也。 此詩· 半 ! 非兩 蓋此 下章則 截文意 維 於此者。 《小序》 本一 予小 詩 姚 在 語 純 氣 無 乃

> 《維 積續以 姚氏 分作 亦即緊 所擔 矛盾 者,於此篇又以 《烝民》之詩,則譏 學,唯言學而 《詩》不可以言學也。 格 追吾所見而 無 子」,性既 非 形,則 天之命》,則 荷 又謂:「此 兩 如是耶 成王奇創。 至于 截 承 之任,而示我以顯明之德行,乃 唯有「日就月將」,勉强 上 並謂二人語 不聰,行又弗敬,不 能及也。 文相 光明耳。 入于理障 三百篇言學 爲「言學之始」,何 謂 應 諸 其 而 其 夫《詩》非不 儒何至 故「維予小子」以下 漸 然必賴 爲 則 下,機神一片,何容 耶? 開 周 不 説理之端 可耳。 公作,非説 之始。」 迷惑若 群臣 能 而行, 亦尋 體 可 天 其 姚 輔 是? 常 自 意 命 以 庶幾 氏 助 文 可 謂 於 相 理 於 我 于

楷曰〕案、《説文》,事乃士之本訓。其以士爲人品之稱【集釋】顯明也。 思語辭。 士事也。〔何氏

者,則謂其人足任事,故亦以士名之。 將進也。 佛弼

通。仔肩任也。

庚。行陽。轉韻。 通韻。子四紙。止同。本韻。將七陽。明八 【標韻】之四支。思同。哉十灰。兹支。

小毖 成王懲管、蔡之禍而自

做 也。

《訪落》之意」,則全非。 王求 迥 徽,此詩乃懲後患,用意各有所在 百 不侔。 郭? 助」, 右《小毖》一章,八句。《小序》謂 然武 **豊** 語雖 庚之禍亦非 其 混 一謀始,一 而 近 是。 蓋 小者,向非周公, ^ 《集 毖 訪落》欲 小,遂謂 傳 解 謂 氣 紹 亦 嗣 相 亦 前

耳。 想見 故開 子》一篇似祝辭外,餘皆箴銘 子》至此,凡四章,皆成王自作。 沖幼,未堪多難,偏又集于辛苦之地,如 以爲小物竟成大禍者。 此詩 也,不可不知。 則不能如是之親切有味矣。 蓼而不堪其味也,奈之何哉? 自《閔予小 防,豈所料哉? 誰爲之咎? 於禍,慮之深則惕之至耳。「荓蜂」二句, 本無毒于予,而自取其毒者。 王室存亡尚不可 手。 至於筆意清矯,思致纏綿,四 其憂深慮遠、道醇術 名雖「小毖」,意實大戒,蓋深自懲也。 口即言懲患,不知如何 故知 其 非自取歟? 爲成王 蓋箴銘體近頌,故 凡此皆非常禍亂,而予 知,而猶謂之爲小耶? 作。 武庚之叛,人不及 「桃蟲」二句,向 正 至今讀之,令人 自做而後可免 然除《閔予小 氣 體 管、蔡之變, 象,非太平 非 若他人, 詩 附 頌之正 實 乎 出 頌 嘗

有 道明王而能若是哉?

偏取 允 氏佃日〕其毒在尾,垂穎 也。 璣曰:「俗語『鷦鷯生鵰」。」案,鷦鷯雖小鳥,亦鳥也,安 始小而終大者。]郭璞曰: 鳥」、《毛傳》云: 信也 草蟲等作喻,以見姿致,尤奇 蜂小物而有毒者。 集釋】懲有所傷 眉 評姚 桃 蟲 「桃蟲、鷦也。」本《爾雅》。 郊 氏 氏 日: 際恒 〔許氏慎 「鷦鶥小鳥,而生鵰、鴞。」陸氏 如 憤懣、蟠 而 日 蜂,故謂之蜂。 知 戒也。 〕「肇允彼桃 曰〕飛蟲螫人者。 鬱,
毖慎也。 發爲古奥之辭。 又云:「鳥之 蟲,拚 肇始 荓使 飛 〜 陸 也 維

篠。

蓼同。

本韻。

案,此詩中二句

「蟲」字

與

£

爲

鳥也。」其見與予合。

蓼辛苦之物

也

標韻】蜂二冬。

蟲

東。

通

韻

鳥

十七

字叶,「鳥」字與下「蓼」字叶,甚奇

妣,以 其馨,胡考之寧。 濟,有實其積,萬億及秭。爲酒爲醴,烝畀祖 厭其傑。 南 畝。 載芟載柞,其耕澤澤。 治 百 播厥百穀,實函 禮 厭厭其苗,綿綿其 有飶其香,邦家之光。 匪且有且,匪今斯今,振古 斯活。 麃。 驛驛其達,

載

穫

濟

有

椒

得以蟲名?

且《莊子》謂其所棲不過一枝,不云桃

枝

載

春籍田 右《載芟》一章,三十一句。《小序》謂 而祈社稷」。朱子《辯説》以爲 與

春祈社稷也。

嗿其饁,思媚其婦。有依其士,有略其耜,俶 畛。 侯主侯伯,侯亞侯旅,侯彊侯以。 千耦其耘 徂 有 隰

徂

爲鳥

決不又云「拚飛維

蓋謂蟲之小物忽變

總之,若使桃

而

爲飛鳥,以

喻

武

庚其

始

甚微, 鳥」矣。

而

臣 服

後

乃鴟

張

也。

詩

超》載

張氏

日

猶言向爲鼠,後爲虎,不必謂桃蟲化

鳥爲大鳥,增添語字以就己説,可乎?

云鳥,不云大鳥也。

今爲彼説,以桃蟲爲小鳥,勢必

以 旧

鷦鷯生子爲鵰、鴞,不知鷦鷯又何物所生乎?

且詩

説,幾曾見鷦鷯生子爲鵰、鴞來?

其附會更何疑

若

爾雅》之説已自難信,

而郭璞復實之以生鵰、

、鴞之

有

則章 《序》所言,或有所本, 案詩 詳 下 不 以 皆 田 前 社 亦 用 朱子《傳》以 沈氏守正云:「《小序》曰:『《載芟》,春籍 後 殺時犉牡」,是秋報無疑矣,且王者之報 下 篇 稷亦無疑矣。 應 所 似 云:「詩無 世 昭 預言之,冀望之,言報,則直述其已然, 而 中耕 亦 用 祈 辭果如二家所云,然下篇《良耜》有 文 後 神 兩 篇云報,不應此篇又云報 不殊」。 法 貺 社 詩 人 未見 曲 然 相 耳。」言亦有理。 耘、收穫、祭祀、尊賢、養老諸 稷 拘 折分明。 也。』『《良耜》,秋報社稷也。』 又 爲報詩,亦不相遠。 耕籍事 有 謂 是以 此詩與之同序,且居 且《 祈報意,故《集傳》云「未 解 噫 爲報 ,亦未見有祈意。」 意與 此等詩歌,又不得 嘻》春祈 唯不必定耕籍耳。 而 **()** 豐 古人文字簡質 非 祈 年 亦無 》相 也。 但言祈 也 似 姚 甚 事 其 祈 以 似 氏 其 日

春祈社稷也,亦何疑哉?意,不能不以之爲祈穀用。則此詩之用

于

摹盡致,是一幅田家樂圖。 【眉評】一家叔伯以及傭工婦子,共力合作。

描

達旦」 散 也 作 也 主人所左右者也。 餘 長,迫近父也。 畛 澤可耕」之爲得乎? 是除木曰 之。」是除草曰芟也。 挈。 力而來助也。 」,若是則以澤作釋,何 田 士夫也。 俶 畔 「隱六年《左傳》云:「如農夫之務去草焉,芟夷蕴崇 《説文》云「刀劍刃 也。 始也 集釋】芟除草曰芟。 作。 主家長也。 澤澤 亞 仲 叔· 略利 載事也。 以 能 嗿 《秋官》作氏 也。 一姚 左右之曰以,若今時 耘 衆 也。 如 除草根 飲食聲 氏際恒日〕澤澤,鄭 也」,言 何何 伯長子也。 函 依本字,謂 旅衆子 含 氏 作 除 木 曰 也。 楷 也。 也。 有 「掌攻草木及林 鋭 日 弟 活 利如 媚悦也。 〔班氏固曰〕子最 隰 方 略 也。 生也。 爲田 春 柞。 當 刀 傭力之人隨 土 彊 依 劒 氏 孔 之處 刃之耜 民之有 書 訓 動,潤 依 麓」, 氏 || 通 也 「解 驛 倚 穎

胡之訓 綿 香始升」是也。 其香矣。 苗 薦 亦只是老人之狀 老狼亦垂胡。 壽」矣。 牢 曰〕飶、《毛傳》曰 也。 ğ 綿 生 詳 「胡壽」, 壽, 振極也。 又《解 密 飶字從食,只是飯食之類,所謂 達 亦 也 未聞。 ,皆與遐 頭新 出 今老者或有此狀,故詩人取之。」然據此 胡 "「飶,芬香也。」是使飶爲芬,不當又云 土 非 麃 也。 語 〔姚氏際恒日 耘 訓壽 通。 案、《儀禮 $\stackrel{>}{\boxminus}$ 也 厭 也。 使胡爲壽、《少牢》不當云「胡 《説 受氣足 積 露 且猶「籩豆有且」之且, 士冠》 文》云『胡,牛頷垂也』。 〕胡、《毛傳》曰 積 也。 也 飶(姚 傑 「于豆于登,其 胡 先長 福」、《少 「壽也」。 氏 者 際 也 恒

醴薺。 支 苗 畝 旅 本 六語。 有。 韻 蕭。 通 叶 韻 妣 馨 原同。 韻 韻 以 紙。 九 四 柞 青。 紙。 禮 活七曷。 本韻。 十 寧同 薺。 婦 陌。 二十五有。 叶 達同。 本韻。 濟 韻。 澤、 八齊。 伯 傑九屑。 香七陽。 且六魚 士紙。 並同。 積 陌 本 光同。 通 秭 耜 兹四 韻 韻。 紙。 同。

良耜 秋報社稷也

之人。 黍稷茂 斯活。 啃 墉,其比如櫛,以開百室。 笠伊糾,其鎛斯趙,以薅荼蓼。 殺時犉牡,有捄其角。 罗 罗 止。 或來瞻女,載筐及筥,其饟 良 耜 穫之挃 俶 載 挃,積之栗 南 畝。 百室盈 以似以續,續古 播 厥 栗。 茶蓼 百 止,婦子 伊 穀 一朽止,❶ 其 黍。 崇 實 寧 如 其 函

詩爲報 祭 $\overline{ }$ 而 **犉牡』,是王者以** 追 小序》謂『秋報 而 述 預 右《良耜》一章,二十三句。 言冬穫,則前詩當春祭何 春耕、預言冬穫也。』」案,此 社 稷 ,必陳農功之本末,故當 大牢祭也。 社稷」,近是。 嚴氏曰:『 詩云『殺 姚氏 不 可 以 當 秋 日 預 秋 時 此 時

哉 ? 篇 工类《 言秋 迂 等明顯易見之事,尚多疑議, 成王昭格之詩,豈古公未遷豳以前即有此 此分、《思文》乃后稷配天之樂、《噫嘻》實 翢 香,並云「邦家之光」,非王者之祭而誰 詩皆舉農 二詩乎? 即即 儒談《詩》,鮮所當也。 風 成成? 《噫嘻》、《豐年》、《載芟》、《良耜 《集傳》又云:「或疑《思文》、《 豩 所謂《豳 雅、豳頌之文不必如此分,即 工本 不然,何以謂之《豳 是《載芟》爲春祈無疑矣。 末 頌》,未知其是與否。」無 而言。 此殺犉牡,彼言 何 頌 **彩耶**? 論其他? 蓋 使 **>** 等 臣 此 論 祭 飶 如

[毛氏萇曰]社稷之牛角尺。

續謂續先祖以奉祭祀。

【眉評】如畫。

鎛 結于項下也。 是 猶 鉏 省也。 類,故 集釋】畟畟嚴利也。 趙 糾「姚氏際 趙 爲刺 刺也。 地 也。 [孔氏穎達曰]趙是 恒 日」「其笠伊 薅 音呼毛反,拔 瞻女婦子之來饈者 糾 用 謂 田 鎛之事 以 草也。 繩 糾

> 茶陸地 也。 積之密 稷太牢,獨云牛者,牛三牲爲大,故特言之。 用黝,至於報功,社是土神,故用黄色,仍用黑脣也。 社稷也。」然則社稷用黝牛,角以黑。 「凡陰祀,用黝牲毛之。」注云:「陰祀,祭地 犉牡黄牛黑屑, 實 穢草。 也 櫛 蓼 澤中 理 髮器, 特。 水草。 〔孔氏穎達曰〕《地 言 密 挃 也 挃 而用黄者,蓋 盈 穫 聲 滿 也。 官 也 捄 北郊及 曲 牧人》 栗 寧 正 栗 社 禮 安

韻。 本韻 十六宥。 屋。 盈 活七曷。 標韻】耜四紙。 八庚。 趙十七篠。 叶 韻 寧九青。 叶 挃 蓼同。 韻。 四質。 畝 人十一真。 女六語。 二十五 栗、櫛、 本韻。 有 室並同。 筥、 通 朽有。 叶 韻 黍 韻 並 茂二 同。 本 穀

絲衣 闕疑。

牛,鼐鼎及鼒 絲 衣其紑, 載弁俅 兕 觥 其 俅。 觩 旨 自 堂 酒 徂 思柔。 基,自 不

徂

关不敖,胡考之休。

也。 誰 子曰、靈星之尸也」,則不可解。夫高子爲 不難辨。 子,是高子與孟子同時。趙岐以爲齊 不知何人。 又胡爲而因高子之言以證 尸之意,故不可 因引以爲證。然上文言「繹賓尸」,下即 之。』」故高子論他事云「靈星之尸」,後 韶御史,令其天下立靈星祠。』張晏 去子夏已遠,胡爲子夏作《序》而引高子之 ·龍星左角曰天田,則農祥也,晨見而 靈星之尸也」,似此賓尸非他,即靈星之 ? 靈星,則《漢 右《絲衣》一章,九句。 若云後人引以 靈星與繹祭何涉? 唯《序》既曰「繹賓尸」,又曰 唯公孫丑稱高子之言以問 解。 書 爲證 且高子與孟 郊祀 孔氏曰:「高 , 則 此 志》云:『高 此詩爲繹 尸耶 後 人 子同時, ? 爲 誰 E 一高 祭, 人 集 云 祭 祖 孟

> 詩」。 之,又何必沾沾必飲酒爲言也。 傳》既知 且闕疑。」愚亦曰 案,詩云繹祭詳矣,飲酒則 其誤,而又云「此亦 且 闕 疑 也。 祭 而 姚氏 無 語 飲 酒 日 及 之

堂,而統名曰繹。 門之外因名焉。其祭之禮,既設祭於室,而事尸於堂。 其爲繹祭明矣。 基」,則基是門塾之基,蓋謂廟門外西夾室之堂基 繹禮在廟門,而廟門側之堂謂之塾。 亦不以《集傳》爲然也。 酒 而飲酒之詩」,然未嘗指其爲何祭。 又繹祭之明證矣。 士之省視,從堂上往於堂下之基,故曰「自堂徂基」,此 是祊之與繹,一時之事。 濯具,告充,告潔,則非王祭而爲繹祭又明矣。《禮記 逆齊,省鑊,告時告備於王。 爲祊乎外」注:「祊祭,明日之繹祭也。謂之祊者,於廟 ,何與於天子而列之於《頌》耶? 附録】〔《彙纂》曰〕宗廟正祭之明日又祭 天子宗廟正祭,小宗伯視滌濯,祭之日 疏引《頌 朱子辨《序》説以爲誤,而以爲「亦 唯 ·
於廟門外之西室,釋又於其 · 絲 高子「靈星之尸」未有説, 今詩言絲 衣》篇證繹祭在堂事尸。 但士而祭,祭 [案]此云繹祭,而 今詩云「自堂徂 衣爵弁之士,告 日 而 則

妄也。 則詩何以言「廢徹不遲」乎? 從之。」意謂正 祭乎? 非别殺牲先夕省視也。 非 此 之言是此否? 之尸也」。 祭,亦臆測。 説,是已。 服 據 基, 自羊徂牛, 鼐鼎及鼒, 羊先出而牛從之, 鼎先出 士」,非杜撰禮文乎? 天下立靈星祠。」史傳之説靈星,惟有此耳。 古祭天地、日月、星辰、 實尸」爲言,即以《有司徹》證之,其云「埽堂,燅尸 春秋》、《儀禮》。 漢 記詩終未 有 ,然何以天子之繹獨使士? 《儀 志》張晏註 禮 孔氏曰: 佞《序》之徒爲之説曰: 》以解詩 明 天子、諸 但謂「祭 按,其言尸與《序》同,其言靈星與《序》大異。 耳。 故且闕疑。 祭日不即徹,至繹 附 而或者宗之,以爲祭靈星之詩。」愚按 「《漢・郊祀志》云:『高祖詔 也。 姚氏 會「靈星 今以 侯名辉,大夫名賓尸,此 而飲酒之詩」,甚混。 二也。 三也。 際恒日」《小序》謂 山川之屬,無尸。 今何以告濯、告充、告潔一 「繹賓尸」連言,一 又曰:《序》下有 即 即《儀 《集傳》不 據舊解,絲 農 鄭氏 「自堂徂基,尸 之日始徹于門外。 祥 禮》果如是,亦 日 故樂從其說者以 繹 用 衣、爵 其謂有日 「高子日 辉 也。 鄒肇敏主蜡 「繹賓尸」之 舊説, 禮 御史,其今 未知高子 賓尸」,其 輕, 弁爲 彼 儐 尸者 不 如 俎 具 故 于 既 而 星 然 門 見 使 ± 口 鼒 IF. 以

> 公孫 者,是此祭之名,賓尸是此祭之事。 爲之,不别立名,直指其事,謂之賓尸耳。 大,異日爲之,别 謂 末世之好誣也。〔按〕此闢「靈星」之説,可謂盡 道宗之,而明之鄒氏、何氏,或竭 無論其僞,即使屬真,亦同爲固 爲即祭農祥之星。 (是漢人之語無疑,而詭託之高子者也。 「繹賓尸」不可連言者,過也。 丑所引論 《小弁》之詩,而 爲立名,謂之爲繹。 孔謂 漢高始立靈星祠,他史傳無見 執 孟子所斥 孔氏云:「天子、諸侯 力以證 而不可從矣。 故特詳言之也。」 卿大夫禮小,同 其 爲「固 又案,高子即 此《序》言 (説。 宋陳祥 一哉」者。 矣。 甚 矣! 繧 日 禮 而

則

之基。 譁 弁爵弁也。士祭于王之服。 也。 鼐 集釋】絲衣祭服 大鼎 鼒 小 鼎 也。 思 俅 語 俅 紑 辭。 恭 潔也。 順貌 柔 和 載 也。 基 戴 門塾 也 吴

同。 本 標韻 韻 紑 + 尤。 俅、牛、 觩、 柔、休並

酌 美武 王能酌 時 宜 也。

五七三

實維爾公允師。 大介。我龍受之,蹻蹻王之造。載用有嗣,於樂王師,遵養時晦。時純熙矣,是用

《武》之三,以《恒》爲《武》之六。《恒》、 時措之宜,而《序》偏云「酌先祖之道」。 晦 時宜之意,義旨極 字,而以「酌」名篇,其所言皆頌武 語相反,何以解經? 朱氏善曰:「方其 氏傳》以《武》爲《武》之卒章,以《賚》爲 之武也。」數語頗得詩中要義。 下之心,亦無利天下之心,此所以爲聖人 用大介」,聖人非利天下也。聖人無忘天 遵養時晦」,聖人非忘天下也。 能酌先祖之道以養天下也」? **贅》二篇既入《大武》,則此詩與《賚》、** 待時,而《序》偏云「養天下」。 右《酌》一章,八句。此詩雖不用詩中 一明。 不知《序》何以 故或謂《左 詩本云養 詩本云酌 及其『是 王 能 謂 語 酌

> 信,又安見其爲支離不足信哉? 是人編《詩》、《酌》、《資》、《般》皆不問詩中 是人編《詩》、《酌》、《資》、《般》皆不用詩中 是人編《詩》、《酌》、《資》、《般》皆不用詩中 是人編《詩》、《酌》、《資》、《般》皆不用詩中 是人編《詩》、《酌》、《資》、《般》皆不用詩中 是人編《詩》、《酌》、《資》、《般》皆不用詩中 是人編《詩》、《酌》、《資》、《般》皆不用詩中 是人編《詩》、《酌》、《資》、《般》皆不用詩中 是人編《詩》、《酌》、《資》、《 是一體,而獨不可以入《大武》乎?

也。 第。」其説當矣。不知者,以楚子所云缺一、二、四、五 杜預曰:「三六之數,與今《頌》篇次不同,蓋楚樂歌之次 卒章、《費》爲三章、《桓》爲六章。 其説支離、未可信 年,隋武子曰:「《汋》曰『於鑠王師,遵養時 章,故以《酌》屬之《大武》耳。又《漢書·禮樂志 『無競維烈』。」明《酌》之與《武》,不得以此詩爲《大武 又謂「言能酌先祖之道以養天下也」。 而增以 (序)說皆不可用也。 周公作《勺》、《勺》言能酌先祖之道也。」《序》似襲之、 特以《左》宣十二年,楚子以「耆定爾功」爲《武 「養天下」。 | 附録 | 「姚氏際恒日」《小序》謂 其于詩之言「遵養」者亦不 《集傳》云「頌武王之詩,但不知 按《左》宣十二 「告成《大武》」, 晦」、《武 切,故 所

説 用 用」,此固闕疑之意。 武宿夜》僅見于《祭統》,他經 亦支 詩中字名篇,疑取節樂之名,如云《武宿夜》云爾。」其 離。 他 詩 篇 名 然又云:「《酌》及《齊》、《般 亦 有 不 傳 用 亦無見也 詩 中 字者,又 何 》皆不 居?

[眉評]造語雄健。

載 也,所謂 則 也。 集釋 公事也 戎衣也。) 樂盛也。 龍 寵· 也。 遵 循也。 蹻蹻 武貌。 熙光也。 造爲也。 介甲

【標韻】師四支。熙、之並同。嗣四真。

師支。叶韻。

桓 祀武王于明堂也。

保有厥士,于以四方。克定厥家,於昭于天,綏萬邦,屢豐年,天命匪解。桓桓武王,

皇以

閒

之。

類碼」,亦未盡非,但不若鄒肇敏云「祀武右《桓》一章,九句。《小序》謂「講武

《大武》六章,或楚樂則然,本義 故舍《序》而 只説得中數句,於首尾詩意皆不相涉。 者,以連篇皆武詩故耳。 也。其序當次《我將》之後,而 天,故祭用配天,與文王並配上帝 閒 之。」蓋言夏喪邦 夏圖厥政,不集于享,天降時喪,有 氏駁之曰:「按《多方》之誥曰:『乃惟 也。」嚴氏曰:「《多方》云『有邦閒之』。」鄒 王 祀武之樂歌。」此 蓋儼然以武配天也。 左右之曰『以』。『於昭于天,皇以閒之』, 不同。彼『之』字屬夏,此『之』字屬天,能 之「閒」、《集傳》未詳其義、《毛傳》曰 天耶? |於明堂||之説爲較 蓋閒 從鄒也。 天即參天之意。 論甚是。不然,何云皇 而殷代之,與此處『閒之』 切耳。 愚意《桓》詩即 至《春秋傳 若如《序》言,則 案,「以閒之」 恐不如是。 編之於 以以 德可 於明 此 明堂 邦 一代 爲 此 堂 冬 以 愚 閒 有

故曰 耶? 無闕 氏駁之曰: [《詩》三百 者,豈定論乎? 其名也。《集傳》固未見及於此,姚氏 「三百」之名,其來已舊,非至夫子而 平昔教人學《詩》,莫不曰「《詩》三百」。 子正樂,是自衛 非孔子所定,自季札觀樂時 摭拾其殘編斷簡 『《雅》、《頌》各得其所』,則《雅》、《頌》尤自 者,夫子之時則然,豈秦火以後 文、武以前者,則又 序頗覺顛倒不倫。 得所」之言,遂得三百篇無 集傳》因 失也。 《詩》三百, 可謂 此 不察而妄談矣。」案、《詩》三百 若如所云,是孔子從闕失之餘 又疑今之篇次已失其舊。 反 現今《周頌》三十一 而 其 魯時,年已近七十。 (何説? 已,何以云『各得其所』 有康、昭 無 五篇,經孔子手定, 闕 失 蓋 而已然矣。 以後詩 可 所謂 殘闕失次 知。 而 亦得所 而越在 篇,世 「得所」 又 【過信 始 其 孔 有 日 姚

> 乎? 教,不能不辯以附於此云。 無 耶 反脣以譏 ? 所考,姚氏 此真 又況古樂既亡,詩篇 人耶? 所謂「不察 能 必三頌 愚非宗朱者,蓋論關 而妄談者」矣,尚 無 僅 一失所之樂 存 ,其得失都 章 何

【集釋】綏安也。桓桓武貌。

天一先。閒十六鍊。叶韻。

標韻】邦三江。

王七陽。

方同。

通

文王既勤止,我應受之。敷時繹思,我齊 武王克商,歸告文王廟也。

徂

維

求定,時周之命。

於繹思

名,實不知何人作,亦不知其意指所在。故依篇名以立説耳。姚氏云:「此等篇説者,皆佞《序》者也。蓋詩以「賚」名篇,封於廟」,而詩中無大封之義。凡爲之曲封於廟」,而詩中無大封之義。凡爲之曲

蓋武 此詩 作詩,雖多不自立題,要亦未始盡無題者 篇者不可知爲誰作,即凡三百之以詩 乎?」愚謂詩名不獨此數篇不以詩中字名 千載後人,豈能測之? 以得天下之意耳。其言曰:「《集傳》云: 特世遠年湮,又遭秦火,難復舊觀 名篇者,又可知其爲誰作耶? 竊意古 其言『大封功臣』,固不能出《序》之範圍 『此頌文、武之功,而言其大封功臣之意。』 而云『頌文、武之功』,尤謬。此篇與下 『武王』字,故知爲武王。 《般》詩,皆武王初有天下之辭。 二篇皆 「時周之命」,是武王語氣也。 序》得以竊出其間,此千秋一大疑 ,下言我者,武王自我也。 既不從《序》説,自當以姚氏説爲當 王初克商,歸祀文王廟,大告諸侯所 乃據此釋《詩》,可 又以 若謂頌文、武 此篇上言文 詩中皆 案也 故僞 中字 人

> 得八九。姚説此詩,蓋庶幾焉。 意旨所在爲主。雖不能言皆有中,要亦十泥詩名及執《序》説,總以涵泳經文,求其命』,豈成王語氣耶?」大凡説《詩》不可徒云『我應受之』及『我徂維求定,時周之之功,則必作于成王。詩即無武王字,其

得王也。 與諸侯始終無倦勤之意。 商以來之辭。云我往而求定者,是周之所以受天命 我祖二句〔姚氏際恒曰〕「我祖維求定」二句,明是反 續而不絶,不敢倦而中止也。 氏際恒日〕繹,聯續不絶意。 集釋】應當也。 於釋思〔姚氏際恒曰〕「於繹思」,又重申己 敷布也。 思,語 正對上「文王勤止」意。 辭。 時是也。 布施是政,使之 繹〔姚 而

自爲韻,本姚氏。 【標韻】思四支。 思同。 本 韻。二「思」字

般 武王巡守祀嶽瀆也。

於皇時周! 陟其高山,嶞山喬嶽,允猶

与《安》一章,二可。 篇 名 诸 灵 乡 · 翕河。 敷天之下,裒時之對,時周之命。

有《般》一章,七句。篇名諸家多未 有《般》一章,七句。篇名諸家多未 ,或曰:「般,樂也。」鄭氏。或曰:「遊 之義,謂巡守而徧乎四岳,所謂盤旋也。」蘇氏。又或以爲「般旋」,范氏。取盤旋 也。」蘇氏。又或以爲「般旋」,范氏。取盤旋 也。」蘇氏。又或以爲「般旋」,范氏。取盤旋 也。」蘇氏。又或以爲「般旋」,范氏。取盤旋 此則初克商,巡守柴望嶽瀆,告所以得天 下之意。固在《時邁》之先也。詩原無次 下之意。固在《時邁》之先也。詩原無次 等,不得拘求之。」

【眉評】姚氏曰:寫得精采。

河,同爲逆河。」注云:「同合爲一大河,名爲逆河。」然翕者。」 翕河 〔嚴氏粲曰〕《禹貢》:「河自大陸北播爲九楷曰〕《爾雅》云:「戀山曰嶞。」《説文》云:「山之嶞嶞

【標韻】無韻。 對答也。

以上《周頌》下,凡十八篇。

詩經原始卷之十八

頌三

魯

頌

集傳》:「魯,少皡之墟,在《禹貢》徐州蒙羽之

乃當時之事,則猶未純於天子之頌。若其所 此,然夫子猶録之者,蓋其體固列國之風,而所歌者 下,故賜伯禽以天子之禮樂。魯於是乎有頌,以爲 密、海等州即其地也。 野,成王以封周公長子伯禽,今襲慶、東平府,沂 事,又皆有先王禮樂教化之遺意焉。則其文宜若猶 皆以爲伯禽十九世孫僖公申之詩,今無所考。 廟樂。其後又自作詩,以美其君,亦謂之頌。 、閟宫》一篇,爲僖公之詩無疑耳。夫以其詩之僭 成王以周公有大勳勞於天 歌之 舊説 獨 如

非天子,則功德必不盛,故頌惟天子有之。 既冤魯,又冤夫子,吾誠不知其何心也。」案,姚氏駁 民亦可以頌諸侯,安見諸侯之不可有頌而爲僭哉? 冤哉?《魯頌》有何非何失? 商、周之《頌》爲 失,自有不可掩者,亦《春秋》之法也。』嗟乎! 于是明知其無廟頌,謂『自作詩以美其君,亦謂之 之法也。」姚氏際恒駁之云:「按,謂成王賜周公以 侯盛德隆功,則何不可頌之有? 侯不得而有,亦未盡然。 快,足以爲夫子洗寃矣。 謂夫子存《魯頌》所以彰君上之過,爲《春秋》之法, 爲頌其君上,若是,則天下之民可以頌天子,一國之 頌,惟天子有之,諸侯不得有也。今《魯頌》多變而 其曲折乎? 頌」,始指其實焉。 于是乎有頌,以 天子之禮樂,此本《明堂位》之邪説。 實而著之,而其是非得失,自有不可揜者,亦《春秋 可予也。 (集傳))謂夫子存《魯頌》爲《春秋》書法之謬,可謂 況夫子魯人,亦安得而削之哉? 又曰: 『夫子因其實而著之, 是非 爲廟樂」,此非揣摩杜撰之説乎? 然則以前何必爲此誣妄之説,多 夫頌者,所以頌功與德耳 然謂廟頌惟天子有之,諸 既可頌君,即 且因之謂『魯 倘使諸 然因 可告 豈不 痛 廟 得 其

然在成王之心,則猶以爲不足酬周公之勳勞於生 此 用天子禮樂無疑。 樂,則三家亦必無八佾之舞。 百非定自夫子。 庸常無奇之僖公頌乎? 爲魯受封始祖 未免近浮而夸矣。 功德堪以告廟,不得不變而爲頌君之辭也可 無大功德 廟,又安見廟頌惟天子有之,諸 語 頌 也 舞於庭」之言,獨不可信乎? 天子禮樂,爲本《明堂位》之邪説,則尤不可以不辯。 《明堂位》固屬僞書,未可據以爲信,而 魯頌》,非存魯之頌,乃存頌之變者耳。 詩》者雖欲删 君之僭; 誠 》八佾之舞,均屬夢夢,可乎哉? 故 誣 枉。 非 虚也。 而 姚 至 有 氏不信 一謂成 ,其廟樂當有可歌,何以不存 而除之,其可得乎? 頌,且變爲頌 《集傳》不謂其禮樂之僭,而 夫子又何容心於其際耶? 《明堂位》言周公踐阼而 此頌之變也。 王賜魯以 《明堂位》之誣,而 且雅、頌雖正自夫子,而三 君 天子禮 三家既舞八 一候不得 夫使魯 而 頌既變爲此體 非告廟 樂,不 是編《詩》而 《論語》「八佾 而 不用天子禮 亦並 不然,周 有 則 (佾,則 一,而必 爲 郭? 朝 至魯用 獨謂 知。 其 忘 諸 無 無 **淪** 過 侯 編 存 公 其 前 魯 存 然 大 魯

駉 喻育賢 也

有

野。 臧。 祛。 無斁,思馬 駉者,有驒有駱, 馬斯才。 有騅有駓,有騂有騏 皇,有驪有黄 一章 思無邪,思馬斯 薄言駒者,有駰 駉 駉 二章 牡 駉駉牡馬,在坰之野。 斯作。 馬,在坰之野。 駉 八,以 有駵 駠 三章 車彭彭。 徂 有騢 牡 ,以車伾伾。 有雒,以車繹繹。● 馬,在 四章 駠 ,有驔有魚 駠 薄言 思 坰 牡 無 之野。 馬, 駉者,有 思無 薄言駉者 疆 以以 思思 在 期,思 薄 坰 馬 祛 之 思 驈

不可 蓋借馬 僖公牧馬之盛,愚獨以 思 無 知 右《駉》四章,章八句。 斁」、「思 以比賢人君子耳。 但觀每 無 章「思無 邪」句, 爲 必非 疆」、「思無 喻魯育賢之衆 其 此諸家皆謂頌 爲頌魯何公 獃 咏 馬 期」、

窮也; 《魯頌》之首,未必無所取意。 後東 也; 人言。 駉 於 功,用之郊 公、《序》與《集傳》。 之首耶? 心之正者,其品行必端向而 上 人假牧馬以頌育賢,爲一國開基盛 詩》者追溯其原,實由於是,故以 詩》,專以馬 四四 ,何關大政,而必爲之頌,且居一國 朝 馬歌,實一篇賢才頌耳。 都 神之王者,其舉動必振 廟 Ш 思」字當屬馬言,下四「思」字乃屬 無所考,焉 才之長者,其幹濟必 一、 泗 意謂德之良者,其智慮必深 無所用之。 廟。 竊意伯禽初封,人材必衆,故詩 水間果多英賢,甲 論馬,致滋多疑。 此 或謂 有定 獨 故又爲《頌》中變體,已 虚 頌 美伯禽,黄東發,季明 論? 馬 德、以 無曲 興而 不然,牧馬 因 頌 其奈諸儒 於列 體本告成 應 或 也。 無 喻賢. 此篇 邦。 謂 而 事。 厭 廣 無 此 頌 頌 也 而 才, 其 説 冠 編 聲 縱 僖 雖 方 牧 無

> 開後世《天馬歌》、《白馬篇》等詩之先,故 又不可不存,以 備《頌 学 體 也

章〕馬精神。〔四章〕馬志向。 【眉評】〔一章〕馬之德。 〔二章〕馬之力。 \subseteq

彊健 作奮 二目白日 驪馬白跨 騢彤白雜毛曰 鱗,今之連錢驄也。 伾 毛曰胚,今之桃華馬也。 騂曰黄。 外謂之牧,牧外謂之野,野外謂之林,林外謂之坰。 駵。 伾 也 起 有力也。 【集釋】駉駉腹幹肥張貌。 也。 雅 黑身白 鬣 曰 魚,似 日 徂 彭彭 「騙。 行也 駅 陰白 颗。 魚目 盛貌。 驒 皇黄白日 青驪 也。 驔 [雜毛日] 駱白馬黑鬣日 雒。 豪骭日 騅蒼白雜毛曰 驎曰驒。 馬之大病,故次在後。 騂赤黄曰騂。 駰。 皇。 繹 一驔。 繹 陰,淺黑色,今泥 驪 色有 不 骭, 駱。 純 坰邑外謂之郊,郊 絶 騅。 黑 膝下之名。 淺深,斑 貌。 騏 日 駵 青黑曰騏。 胚黄白 驪 赤身 斁 駁 祛祛 驄 厭 黄 黑 如 也。 也。 魚 驈 鬣 魚 黄

日

標韻】馬二十一馬。 野同。 本韻。

陽 祛同。 期 陌 黄、 同 斁 才十灰。 彭、臧並 同。 徂虞。 作 藥。 同。 通 叶韻。 韻。 叶 本韻 韻 駱十藥。 胚 四 支。 騢 六麻。 雒 同。 騏、 魚 六魚 伾

咽,醉 明明 始,歲其有。 駜 夜在公,在公飲酒。 于胥樂兮! 彼 乘騙。 有 言歸。 駜 振 有駜,駜彼乘黄。 有駜 振 鷺,鷺 夙夜在公,在公載燕。 一章 于胥樂兮! 君子有穀, 治孫子。 頌魯侯燕不廢公也。 有駜有 于 振振鷺,鷺 下。 |駆,|駆 ·二 章 鼓 夙 咽 夜在公,在公 咽 于飛。 彼 有 , 醉言 乘牡 駜 于胥樂 自今以 有 鼓 駜, 舞。 咽 夙

未有據,云君臣之有道,尤不切合。」季明「頌僖公君臣之有道」。姚氏云:「頌僖公君臣之有道」。姚氏云:「頌僖公

道。 也。 良馬 開後 無怠 辭 然也 必 言者之過耳。 德 强 以 0 爲之辯。 世柏梁燕饗賦詩獻 唯 喻賢材者别爲 爲「美伯禽」,亦屬 政,又勿忘本,君臣 唯其措詞過寬,致招 然燕飲不忘在公,頌 頌 故《集 何公,因何飲酒,則皆不可考,不 傳》但 然亦何必爲之深辯哉 愚謂此 一體,故亦不可以不 以爲「燕 詩 臆 因飲 頌之漸 測, 譏 禱 同樂,所 酒 刺,亦不善立 專 飲 未 與前 而稱頌 稱 而 有 歲 頌禱 以 謂 ? 有 虚 見 了又 有 既 存 其 頌 之

之舞。 穀 聲之深長 鷺〔姚氏際恒曰〕「振振鷺」,亦興 章「醉言歸」不言舞,上何以言舞器乎? 善 也 下文「醉言舞」始言舞事,不應先言舞 集釋】恥馬肥强 也。 詒 遺 駽 也 今鐵 驄 也 貌。 載則 明 也。 明 也 《集傳》以 辯 治也。 咽與淵同,鼓 有 器。 有 爲 振 年 振

標韻】黄七陽。明八庚。轉韻。下二十

韻 馬。 叶 飛 舞 韻 Ŧi. 七 微 慶。 有有。 歸 叶 同。 子四紙。 韻 本 牡 韻 二十 叶 駽 Ŧi. 韻 有。 先。 酒 同。 燕 十七 本

泮水 受俘泮宫也。

侯、敬 茆。 公于邁 其 難 服 允武,昭格烈祖 色載笑,匪怒伊 戾止,其馬 明 老。 獻 旂 明 矯 人 魯侯戾止,在泮飲酒。 思 明其德。 魯侯,克 其 樂 順 矯 彼長 Ŧi. 旂 泮水,薄采其芹。 虎臣,在 蹻 夜 蹻 夜,鸞聲噦噦。 道, 思 濟 敬慎 教。 明 濟 其馬 樂泮水,薄 其 靡 泮 屈 二章 多 德 有不孝,自求伊祜 獻 威 此 士 儀,維 馘。 蹻 群 既 蹻, 思樂泮水,薄 醜 克 魯侯 作泮宫,淮 淑 既飲旨 采其 廣德 其音 民之則。 三章 問 無 戾 如 小 藻。 心 昭 臯 酒 止 無 穆 昭 -陶,在 永 言 大,從 允文 夷 穆 采 魯 桓 四章 錫 觀 攸 其 載 侯

> 鴞,集 搜。 于征 淮 告 不 逆。 學也。 于 爲 泮者,水名。 爲諸侯之學者也。❶ 學。」蓋雖不信其爲僖公之詩,而實指泮 詞。 夷,來獻其琛。元龜象齒,大賂 不信其能修,但以爲「飲於泮宫而頌 頌 戎車孔 訩,在 諸 狄 「僖公能修泮宫也」。 于泮 式 侯之學,漢儒 右《泮水》 又云:「泮水,泮宫之水也,諸 彼 負工 古 洋獻 林。 東 博、徒 爾 南 諸侯作宫其上,謂之泮宫,非 猶 一制》以 食我 功。 八章,章八句。 御 淮 烝 六章 無斁。 桑 承襲其偽,遂相沿以 烝 夷 辟廱爲天子之學,泮 姚氏均兩闢之,以 黮,懷我 皇 卒 皇,不 《集傳》不言僖公, 角弓其 獲。 既 克淮 七 好音。 · 吴 不 章 解 南金。 小序 夷, 東 翩 揚 、禱之 侯 憬 彼 孔 矢 八章 之 謂 爲 官 其 彼 飛 淑

「侯」,原脱,據上文補。

0

如 沿 世 非。 爲 年 禽之 其 於 之釋泮 水 楊、戴之論泮宫,蓋原其始作 禽」者,近 ,則尚 之地 是。 美 九月 説 以 振 泮宫,林 至 詩 誠 爲 興 當日作宫泮水、未必 如 水, 于 乃 鎬之辟 即 典 學 然 唯 後 未 校,或 其後 如辟廱,其始亦不過文王苑 制 如 得釋歸。 宋 是。 儒 乃 蓋 日 可 又引 此 戴 更襲其 因 伯 所 以 泮 武 仲 廱, 豈 也 至泮 禽 其 爲學。 即 云泮之言半,到 林 王鎬 培 許魯齋之言,謂 有征 成 其 詩言縱夸大,不應以 宫 愚案,是詩以 制 明 名 地 乃始 尚 京 爲 言 淮 楊 而 以 是豐 則 也。 夷,而 有意於學也 學之説 泮本水 開 用 不 作 有 能 修 講 :意耳; 宫 之辟 唯此 事 改 堂 始 爲 於 處學宫皆 辟 宗未可 爲 名,故 遂 者 此 以 齊 泮 時之 廱 廱 毛、 執 爲 頌 頌 水 哉 以 有 大 至 非 之 泮 鄭 都 爲 游 相 後 盡 伯 醜 明 伯

> 僅 作泮 諸 頌 落 有 則 故 然 奏凱 禱 釋前半文義,而《集傳》又以 成 生 廟 豊 世 宫,淮 論 虚 新 獻 廷 詞 宫 道 重 人 書 魯 党遗不 ,後半乃 動 講學混而爲 地 獻 侯 夷攸服 既作泮宫, 功 ,斷不至以 ,飲酒受俘 處哉? | | | | 哉 威 」,詩旨甚 服 ____ 醜 元 或 而 夷 其 戎 家 征 詩前半皆飲 故故 明。 地 執 命 淮 獻 若 訊 將 中間 滴 馘 何《小序》 收 獲 已 來 實 建 云、既 功 獻 馘 爲 酒 與

章乃 夷之獻 吉也 宫 爲興,謂 于其上,其 修皆以爲泮水之宫,非學宫。 ,此漢儒之説,未可 郡泗 故故 盼 琛焉。 泮 飲酒 既作泮宫而淮 附 水縣,泮水出 水之前 水有芹、藻之屬,故 録 于是,獻馘于是,獻囚于是,獻 】〔姚氏際恒曰〕泮宫, 通 篇意旨如 有林 而 焉」,泮爲水名可 信 夷攸服,言其成宫之後 也。 林 此。 上 使 其説 有飛鴞集之,因 詩 自《 泮宫爲 人 Ŧ 誠 作 宋戴 制 然。 頌 證。 諸 以以 因 仲培、 侯學宫 按,《 魯侯新 爲諸 功 以 于是。 發祥 託 采芹、 通 明 侯 以 典 之學 楊 則 比 而 作 淮 末 獲 宫 用

者曰: 其芹」, 其非。 之如 將爲半林乎? 今既以泮爲半璧之形,呼其林爲「泮林」,可通乎? 之水,顛倒不順,一也。 可笑之甚乎! 其半于辟廱之水,而作 泮宫者,泮水之宫也。 此自指從邁之多賢言,非關學也。 濟多士,克 侯作學宫乃其常事,詩 入而 多芹藻之類。 人安得思樂于此乎? 公之修泮宫,述魯人之辭 ,晉之虒祈之宫也。 其 游 今以爲築土所製半璧之形,其水幾何? 「觱沸檻 馬蹻蹻 就泮水所有以興作泮宫之意,必當時魯人原 「漢儒謂學者,以詩 樂焉,故如此云。 詩曰「泮水」,又曰 廣德心」,下即 ,其音昭昭」,不過晏遊之和樂耳。 泉,言采其芹」,于水澤之地多水草 又此詩爲魯人所咏,言「思樂泮水,薄 二也。 若泮宫本爲泮水之宫,今以泮水爲泮 何以 故 今解之者曰:「築水形如半壁,以 文義自明。 首曰「思樂泮水,薄采其芹」, 字爲泮以名之。」何其展轉 詩又曰 若以爲魯侯所製之泮水, 繼以 孔氏知其弊,爲之説曰 「泮宮」,言泮水者,水名也,言 中『匪怒伊教』一語。」夫先之 便謂 而 云『思樂泮水』,故知泮水 桓 「泮林」,明是泮水之林 使 名泮宫者,猶楚之渚 桓于征,狄彼 又有 淮夷攸服 四説可 恐未 乎? 以 東 「此美 又「濟 直 則 必 而 曲 南 猶 遂 亦 宫 説 折 得 采 折 魯 云 氏注 位》: 也。 試問 每 堪 説 謂 自

以

禱之辭 稷,將以配天也」。 言遂牢不可破。 即泮宫之外水也。」此因 學,鑿然不可易哉! 璧之形,俗 地,若夫學校,豈有不在國都中者? 飲于泮宮而頌禱之辭」,于第三章下云,此章以下皆頌 有事于上帝,必先有事于頖宫」,云「謂于頖宫之中 致 絶 可 諸侯鄉射之宫,或以 不細心察耳。作《序》者祖述《王 倒 詩曰「從公于邁」,曰「魯侯戾止」,泮宮必在郊外之 詩言「思樂泮水」,固是思樂 難通,必爲之迂回其説,以 《禮記》云:「頖,班 「頖,周學也。」《説苑》云:「泮,諸侯鄉射之宫。」鄭 見原無 謂獻 語 馘、 一定之説。 不 實、流爲丹 獻囚、獻功、獻琛,皆是祝其未來事,尤 後人且繪 當時解泮宮者,又或以謂周學 《集傳》知于僖公不合,故但曰 謂 也,所以 説 如此 后稷 《詩 辟廱爲全璧之形,泮宫爲 青,不 》者 ,則安得信 廟, 班政 泮 「泮水之外」否乎? 不順 信 而 一制》以 水」爲「泮水之外」, 教。」孔氏 然乎? 四 鄭氏 其 也。 《王制 義,故 説《詩》,而 亦復 此四者,人 又《明 疏 》謂 疏 或 「魯人 -告后 之者 諸 此 其 以 堂 半 侯 其

眉 評】[八章]收尚堂皇典 重

五八五

也。 也。 搜矢疾聲。 不告于 屈 赤圓 蹻 曰〕狄,古 蹻 服 ,言彊盛也。 而 南 憬 也。 滑 覺悟 金荆、揚之金也 汹 逊通。 江. 醜 釋】花花飛揚 不争 衆也。 也。 無 南 人 斁 東 功 茆〔《集傳》〕茆,鳧葵也。 謂 琛 言 也 南謂淮夷也。 馘 之蓴菜者 寶 競 也。 所格者之左耳也。 勸 觩 也。 也。 弓健 元 也 蹻 貌。 龜 逆違 蹻〔毛氏节 不吴不揚 尺二寸 長 命也。 東五十矢爲 道 狄 猶 葉大 莨曰 龜 大 「蘇 黮 道 肅也 如 賂 氏轍 桑 其 束 手 也 遺 實 馬

閟宫

美僖公能

新

廟祀

也。

囚十 蹻十 韻。 三職 茆二十五有。 泰。 韻 -七篠。 噦 皇七陽。 德職。 則同。 同。 標韻】芹十二文。 昭同。 叶 太同。 服 酒同。 本 揚同。 韻 屋。 韻 笑十八嘯。 邁十卦。 老皓。 心十二侵。 馘 武 本 韻。 + 七虞。 旂四支。 醜有。 陌。 叶 教十九效。 訩 祖 韻 二冬。 南十三覃。 叶 叶韻。 叶 祜 韻 韻。 藻 並 功 + 同 叶 陶 德十 九 夜九 韻 東。 皓 蕭。 通 本

> 同。 通 韻 本 韻。 觩 尤。 林侵。 搜 同。 音、琛、金並同。 本 韻 斁 陌 本韻 逆、 獲 並

之子。 東。 啟爾宇 厥功。 野。 其德 有 穉菽麥。 月不遲,是生后稷。 至于文武,纘大王之緒。 稷之孫,實維大王。 稻 太。 錫之山 悶 有 無貳無虞,上帝臨女。 不 ,,爲 龍旂 王 秬。 宮有仙 П 日 奄有下國,俾 皇皇 周 溯源。 叔父,建爾元子,俾侯于魯。 承 奄有 111 室 小祀,六); 土 ,實實枚枚。 后帝,郊天。 輔。 下 上帝是依 田 二章 土,纘 善耳 降之百福 居 附 庸。 民 岐之陽,實始翦 耳。 稼 致天之屆,于牧之 乃 禹 皇祖 直 無 敦商之旅,克 周 穡 之緒。 命魯公,俾侯 起。 ,黍稷重醪 春 公之孫,莊 后 災 秋 有 赫赫 稷。 無 匪 稷 害。 章 有 解 姜 配 商 以 嫄 稙 后 彌

居常與許,復周公之宇。

總魯境一

筆。

魯侯燕

大房。 稷。 衡。 俾爾壽 公皇祖, 享以 白牡騂剛,犧尊將將。毛炰 而臧。 萬舞洋洋,孝孫 亦其 騂 福女。三章 保彼東方,魯邦是常。 是饗是宜 有 慶。 秋 而 俾 載 降 爾 裁羹, 籩豆 嘗 福 夏 熾 既 不虧不 而昌, 多 而 周 楅

工之人。

孔曼且碩,萬民是若。

九章

貝胄朱綅,烝徒增增。戎狄是膺,荆舒是懲,公車千乘,朱英緑縢,二矛重弓。公徒三萬,崩,不震不騰。三壽作朋,如岡如陵。四章

髮 艾,萬有千歲 則莫我敢承。 巖,魯邦所詹。 台背,壽胥與試。 , 眉壽 俾爾昌 奄有 無 龜 俾爾昌 而熾,俾爾 蒙,遂 有 害。 而 荒大 五章 大, 壽而 東。 俾爾耆 泰 富,黄 至于 Щ 巖 而

是若。 貊。 海 邦 有鳧繹,遂荒徐宅。至于海邦,淮 及彼 ,淮夷來同。 七章 南 夷,莫不 天錫 莫不率從,魯侯之功。 公純 率從。 嘏,挺接。 莫敢 眉 不 諾,魯侯 保魯。 夷 六章 曫

> 碩。 喜,令妻壽 柏,是斷是度,是尋是尺。 多受祉 新 廟奕奕,新字是題中 ,黄髮兒齒。 母。 宜 大夫庶 八章 眉 松桷有舄,路寢 士 徂來之松, 目。 一,邦 奚斯 或 是 所作 新 有 甫 孔 之 既

端, 言,是 朱氏 謂 王 爲作新之,或以 經,然與經異,且 章十七句』。 曰:「章從《集傳》。《集傳》謂第四章脱一 十六句,二章章八句,二章章 一事,但不知爲 以 頌 何 下, 公遷曰:「但曰 右《閟宫》九章,四章章十七句,一章 以能 頌 僖公能 爲 曰閔公廟,則不當及周公皇祖 今案第四章本無脱句,又正之。」《小序》 賅 廟 全 祀 復周公之宇也」,雖 爲修 魯何 詩 作 非 耶? 也。 詩旨。詩首尾 姜 舊 ,廟。 而 嫄 復 閟宫、新 新之,似皆可 廟 新之云者,或以 土宇僅 ,則不當及大 + 句,故謂『五 · 句。 廟,當是 詩 皆 辭 中 以 出 通 廟 於 氏

洋鉅 稱閟 僖 敘 毫無實據。 也,嚴肅之謂。 有大工役, 豈 干》之意耳。」斯言也差爲得之。 寢廟,史臣張大其事而爲頌禱之辭,猶《斯 秋》不書,則知其非大工役,止爲僖公能 魯之群 未嘗薨 無 五. 厲,發爲兹 公始命奚斯葺 上 公,乃 中 源 兩 篇,詞 官官。 生有。 章一寫承祭,一寫征伐,皆極其稱 流 僖 推 廟,都不可考。 也。」姚氏主閔 入正位,特題郊祀爲魯生色。 公 則 頌。 雖多複,法實整飭。 本所自,是 焉能符合? 其 廟 六、七兩章,又就魯之境土誇 無可考歟? 爲魯舊有之廟 而 凡廟皆然,不必姜嫄 以致後之儒者多方考證 則 新之、詩人於是鋪 詩 正 公廟言、《集傳》以 爲 唯 爲 總 嚴氏 亦可哂也。 公祝 冒。 竊意 可 粲云:「《 頌之, 三章 首二章歴 知。 不然, 閟 者, 張 落 詩 至 廟 僖 揚 四 洋 到 僖 閉 春 揚 始 魯 爲 古

> 存。 係 格,早開 此詩褒美失實,制作又無關緊要, 趨美熟一路,文章風氣洵有升降 則規模崇焕、鄭重其役也可知。 取材於徂 其家人臣 耀 此三百篇中最 也。 其所以存者,以 番。 西漢揚、馬先聲,固知其 一來、新 庶,可謂備矣。 八章總束 爲長篇,然序近 甫二山,命重臣爲之監 「周公之字」一筆,順 備 體耳。 九章始言作廟, 蓋 姚氏 非 冗 也 頌 全 原 而 中 無 愚 辭 不 日 祝 足 亦 歸 變

並 起,有勢。 虚詞溢美,開後世 誠 天子禮樂,得以郊天,故特題之。 乃追溯祖德。〔二章〕歴敘譜 應篇首「閟宫」及所作之人。 ,能以受福 (三章)又由受封之始遞到僖 眉評』「一章」題本因官 〔八章〕並及其家人臣庶。 (五章)此頌其征 詞賦家虚夸之漸。 系。 伐之勞 四四 作 公, 落到 頌, 章〕此頌 〔九章〕點清作意 [六章]就 乃是正 分 能以 故 先 封,乃全 總 其祭 昌 位 起 大。 地特 祀之 魯用 詩總 句

其

楅

衡

是

也。

秋

將

嘗 禮

而

夏楅

衡其牛,言夙戒也

白

0

角

所以

止觸

也。

《周

封人》云「凡祭,飾其

牛牲,設

郊

,故以騂。

嘗秋祭也。

福衡

〔《集傳》〕福

海,施

於牛

正月。

冬至,陽之始,正月,歲之始也。

〔姚氏際恒日

此祈穀之郊,非

冬至之郊也。

祈穀之郊,諸

侯

皆得

行

犠騂,赤也。

犧,純也。

周色尚赤,魯以天子命

成王

一命魯郊天亦配以后稷之事。

[朱氏公遷日]天子

以 是 於

天下,是以魯君祀於郊帝,❶配以后稷,天子之禮也。

(孔氏穎達曰〕《明堂位》稱,成

王以周公爲有大勳勞

冬至祭天。

魯、諸侯也、不敢純用天子之禮、故用夏之

子僖公也。

耳耳柔從也。

芯

差也。

后

市

后

稷

也。

元子魯公伯禽也。

附

庸

猶屬城

也。

莊

公之

始

屆

極

也。

敦治之也。

王

成王

也。

叔父周

公

翦

商周之克商,

雖非大王。

推其克商之由,實自大王

孔

氏穎

達

日

重

主琴、稙

穉,

生

熟早

晚

之異

稱

非

穀

名

枚礱密也。

口

邪

也。

稙

先

種

日

稙

穉

後

種

日

穉。

廟

非

姜嫄

廟

也。

侐

清

静

也。

實

實

鞏

古

也

枚

集

釋】閟宫閟

深閉

也。

1氏大臨

日

」関

宫

牛爲尊 牲。 羹,鉶 是 政 太和中,魯郡於地中得齊大夫子尾送女器有犧尊 文、武同。 復爲之説曰:「白牡,殷牲也。 文,猶後言「朱英絲縢 騂 牡 登,貴其質也。 炰之豚,注: 阮諶之言,殆臆度耳。 類三家村老人説古事,毫無稽據也。 也。」白牡 傳》云: 以和 間 尚 也。 剛見周 騂 騂剛,魯公牲。」鑿説也。 羹也。 剛 也。 其 周 謂白特, 方所貯,盡 魯公則無所嫌,故用騂剛。」尤爲飾 何 亦不專 [馮氏復京曰]宋蔡絛云:「徽宗崇尚古器 公用白牡,魯公用騂犅。」《説文》云: 爓去其毛而炰之也。 氏 大羹, 正如王肅所言,全作牛形,開背受酒 楷 鉶 騂犅謂 羹,肉汁之有菜和者也 日 用騂,言其 太古之羹,涪 一剛 三代冢墓中物。 一之意。 毛魚《周禮 通 赤 作 特 《毛傳》遂謂: 無不 犅。 何據而分之耶? 也。 周 煑肉汁不 公有王禮,故不敢與 備 「姚氏際恒 孔氏 羹〔《集傳》〕羹,大 · 封 **犧尊**(王氏 今《博 也。 穎 人》一祭祀有 盛之鉶器,故 且 「白牡 達 古 和,盛之以 以 説。 日》公羊 圖 日)白 《集傳 白 「犅,特 肅曰 周公 [。]則 以 騂 所 此 載 成 犧 毛 絶 牡

祀於郊帝」、《毛詩正義》作「祀帝於郊」、當據改

若順也。 弓。 御; 陵等而 堂房也。 也。 三百十六里有奇也。 日 方十里出革車 齒 成風也。 母 侵於諸侯而未復者,故魯人以是願僖公也。 □《集傳》〕許,許田也,魯朝宿之邑也。 東蒙山 龜 鉶 蒙二 落更生細者,亦壽徵也。 〔《集傳》〕令妻,令善之妻,聲姜也。 步卒七十二人,將重車者二十五人。千乘之地, 此言「令妻壽母」,又可見公爲僖公無疑 羹。 貝胄貝飾 一矛夷矛、酋矛也。 爲三也。 Ш [案]蒙山即 閔公八歲被弒,必是未娶,其母 萬舞名。 大房〔《集傳》〕大房,半體之俎: 常〔《集傳》〕常,或作嘗。 名。 一乘,甲士三人,左持弓,右持矛,中 (曹氏粹中日)龜則鄒之龜山,蒙則費之 胄也。 千乘〔《集傳》〕千乘,大國之賦 二壽《集傳》」或曰 東山 朱英所以飾矛。 朱綅所以 重弓備折壞也。 徂 **鳧**繹二山名。 來 綴也。 新 嘗,在薛之旁。 壽母,壽考之母 甫 皆魯之故地,見 緑縢所以 二山 足下有 叔姜亦應未 增 願公壽與 也。 令妻壽 宅居 1增衆也。 徒步卒 名 也。 兒齒 跗 許 也 舄 岡 約 則 成 如

> 以藏衣冠。 大貌 己。 爲之主帥,教令工匠,監護其事,屬付功役,課其章程而 日 即 曼長也。 前閟宫也。 路 寢 新 正 碩大也。 廟 寢 奚斯公子魚也。 也。 [鄭氏康成日] 〔黄氏佐日 萬民是若順萬民之望也 修 一路 〔孔氏穎 舊 寢, 日 新。 在廟之後,所 達日〕奚斯 「劉 氏 瑾

方、常 東同。 土七麌。 遲四支。 剛 本 本 同。 本 本 十一陌。 韻。 韻。 韻。 韻。 陽。 父麇。 【標韻】枚十灰。 並同。 庸二冬。 將同。 武慶。 騰蒸。 **忒**職。 祖 緒語。 或 通韻。) 慶。 職。 魯、 轉韻。 羹庚。 緒語。 稷同。 綅十二侵。 女同。 宇、 通韻 穡 通 稷十三職。 同。 韻。 輔 崩十蒸。 房陽。 野二十 本韻。 回同。 本韻 叶 並 子四紙。 王七陽。 同。 韻 增蒸。 福 洋、慶、昌、 馬。 叶 本 騰、朋、陵 屋。 嘗 犧 四 支。 黍 韻。 韻。 膺、懲、承並 陽。 陽、商 六語。 祀、耳並 女語。 穋同。 公 衡 依 宜 秬 五微。 八庚。 並 臧、 東。 同。 同。 同 同。 旅 麥

四鹽。 通韻 紙。 東。 大九泰。 同。 碩 若同。 战 通 通 通韻。 韻。 韻。 奕陌。 同。 喜紙。 艾、害並同。 本 叶 熾真。 繹 作藥。 蒙東。 韻。 韻。 陌。 母二十五有。 富二十六宥。 嘏 宅、貊並 碩、若並同。 柏 東、同並同。 本韻。 陌。 魯 度藥。 同。 士紙。 麇。 嚴十五咸。 試真。 叶韻。 本韻。 許 從二冬。 尺、 語。 有 有。 叶 舄 宇 諾十 詹十 韻 麇。 陌。 功 祉

末,而 神明者,果安在哉? 張褒美失實。 水》雖受俘、國宮》亦祭祀,而皆以新宮告成,不免虚 而 不唯體類《大雅》,且開漢賦之先,是詩變爲騷、騷變 頌,而《駉》實近雅,《有駁》、《泮水》則兼風。 體 而未至焉者也。 賦之漸也。 猶可 以 上《魯頌》,凡 '彷彿於文、武、成、 其所謂美盛德之形容,以其成功 又況《駉》本虚頌、《有駁》徒飲酒、《泮 則何怪編《詩》者之取以嗣頌 然後世之所謂頌者,又專 四篇。 康之遺意哉 案是册名雖 《閟 學此 告 聲 宫 之 於 日

商

頌

《商頌》多爲此體,正見去古未甚遠處。」又曰:「《集 《禹貢》徐州泗濱,西及豫州盟豬之野。 傳》云『多闕文疑義,今不敢强通』。 之禮樂日以放失。七世至戴公時,大夫正考甫得《商 湯有天下。其後三宗迭興,及紂無道,爲武王所滅。 氏悌生曰: 文,亦無疑義。」後於《殷武》第三章下云:「疑脱 爲春秋時人作,又不足置辯。 峭,文質相宜,允爲至文。 頌》五篇文字,風華高貴,寓質樸于敷腴,運清緩于古 也。」楊子亦疑《商頌》爲正考父所作。 又亡其七篇。然其存者,亦多闕文疑義,今不敢 頌》十二篇於周大師,歸以祀其先王。 封其庶兄微子啟於宋,修其禮樂以奉商後。其地 然頌之編不始於孔子,頌之名自商始有之。 (集傳》所謂『多闕文』者,惟此而已。」愚案之果 集傳》云: 「樂之作,自黄帝時已有之。夔之樂,神 「契爲舜司徒而封於商,傳十四 孰謂商尚質耶? 虞廷賡歌,每句用韻 按、《商頌》無闕 姚氏曰: 至孔子編詩 其後政衰, 妄夫以 强通 「《商 世 而 商 在 偂

然。 句。

經 原 始

耳。 者 先周者尊本朝,後商者溯 三頌之體所由 於商,而盛於周,魯其末焉者耳。然必合三詩 意測聖人,況《詩》又非夫子所定歟? 於魯,存魯與商二《頌》,不忘其所生之意。 後比於先代之説,皆妄談也。 無《風》,乃王者聖人之後,天子巡守,不敢陳其風。 商耳。」説者謂夏之篇章泯棄,惟商有《頌》,及魯、宋 備,亦猶後世之論唐詩有盛、中、晚三唐之分。 人因取魯、商二《頌》以附《周頌》之末,所以 以 亦可無疑義於其中也歟 至「《 和 雅》、《頌》得所」,存乎音節,不在此例 祭祀 辨也。 有樂,虞、夏時皆然,但 而乃先周而後商者,何哉? 詩源 又或謂孔子殷 編詩體例,應如是 愚謂頌之體 『頌』之名始 均皆以 而 人而 褒周 其 此 讀 蓋 體 始 私 生 公 於

那 祀成湯也

穆穆 烈祖 傳管聲。 厥聲。 猗 與 湯 既 孫 那 和 奏假 與,置我鞉 庸 鼓 且平,依我磬聲。 綏 有斁,萬舞有奕。 我思 鼓。 成 奏鼓 鞉 於 鼓 簡 赫 淵 簡 我 湯 淵 有嘉 衎 "," 孫 我

> 客 朝夕,執事有恪。 亦 不 夷 懌。 自古在 顧予烝嘗,湯孫之將。 昔, 先民 有 作 温 恭

五九

然哉? 祖 故曰 諸樂以成文者,亦復相 迎牲」是也。 以 此所謂聲,即《大濩》之聲耳。凡聲屬陽, 德之盛也。 則又何故? 舉鞉鼓、管磬、庸鼓之聲與《萬舞》之奕者 氏必以爲武丁,皆屬臆測,亦徒辭費,何必 然亦不必深考也。 祀成湯」,諸家從之。但不知何王所祀 「永觀厥成」,是樂之終,此以聲音詔 「臭味未成,滌蕩其聲,樂三闋,然後出 求神,亦如周人「取蕭祭脂」之意。 樂由陽來。 右《那》一章,二十二句。《小序》以爲 然詩雖祀湯,而不言湯之功德,獨 湯之功德,自有《大濩》之樂, 全詩辭意與周之《有瞽》備 説者謂商人尚聲,聲之盛是 首章是將祭之時,先作樂 鄭氏必以爲大甲,金燫 類。 第彼以作 :樂合

觀

此

又人神交感,實合聲與

思

而

以

致之。

音耶?

《集傳》「周以磬爲堂上升歌之樂」,尤謬。

石磬,要是佞説。

夫樂惟

有八音,今分玉、

石,不成

有

堂下,玉

石同

之,決

無

玉

磬

在 堂

上,石

磬

在

堂下之理。

作主耳。陳氏 成」者,是求神雖以聲爲先,而格 其來享,是樂之始 際泰曰:「商 而 人尊 日 神仍 鬼 綏 而 以 我 尚 思 思

聲者,所以

韶告於

天

地

之

間

聲

召

其類也不至,心有精氣而 湯孫之思矣。思者,氣之精者也。 風 無 不格矣。」此可謂深得詩人大旨者也。 ,風召氣,氣召神。 懼其雜 借聲以 而 集焉 召之,神 鬼神 則 非 有

聲之美也。 湯孫,穆穆厥聲』終焉,樂復因人而成其 焉,人固因樂以 朱氏善又曰:「『湯 至於鏞鼓之斁 致其 孫奏假,綏 感格之效也。 斁 我思 然 而 『於赫 成」始 盛 也 和

感乎神,而嘉賓在位,亦無不夷懌者矣。」 萬舞》之奕奕然有次序也,則不 特幽 有以

音聲之道,豈不微哉? 而 知 德。 非 湯盛德 是故 ,孰克當此? 審 音以知樂, 故

> 商 頌》以《那 》爲首者, 此

祭而 其位; 思其 亮 見聞本非 然必有聞乎其歎息之聲。」此之謂思成。 以所思而成之人,謂神明來格也。《禮記》曰: 假 祖 玉,有石,古人隨用, 齊三日乃見其所爲齊者。 也。 而多之也。 湯 與格同。 如 (居處,思其笑語,思其志意,思其 也。 周旋出户,肅然必有聞乎其容聲; 磬〔姚〕 有見聞,則成此人矣。 集釋】猗歎美之辭。 有也,生於思耳。」此二説近是。 湯 綏安也。 孫湯之孫。 氏 置陳也。 際 恒 何以 日 思成 知其爲玉磬乎? 簡簡和大也。 磬,鄭氏謂 祭之日,人室,僾然必有見平 自大甲以下之時王 淵淵深遠也。 [《集傳》]鄭 那多也,美之不足又 玉 八所樂, 磬 蘇氏曰: 蓋 出 衎 氏 孔氏因 未 思 户 樂也 齊而思之、 日 「齊之日 嘒 而 其 皆 「其所 聽,愾 「安我 所 是 嘒 磬 以 嗜 也。 清 烈 爲 有

五九三

堂上之樂,以笙爲主,堂下之樂,以

磬爲主。

小

五九四

悦也。 也。 笙 奕有次序也。 恪敬也。 同 此 將奉也。 云 嘉客先代之後,來助祭者 依 我磬聲」 也。 庸 鏞 通 也 斁 夷 盛

叶 並同。 聲、平、聲並同。 韻。 本韻。 標韻】鼓七麌。 嘗七陽。 昔 本韻。 將同。 陌。 祖同。 作十藥。 本韻 **数**十一陌。 本韻。 夕 陌。 奕、客、懌 成八庚。 恪

烈祖 祀成湯也。

既 爾 來假來饗,降福無疆 以享,我 壽,黄耈 戒 斯 既 小序》謂『祀中宗』,本無據,第取别于上 所 嗟 嗟 平。 右《烈祖》 受 無 既載 烈 疆。 命 祖 鬷 溥 清 ! 約 假 將。 酤,賚 一章,二十二句。 無言,時 軝錯 有秩斯祜。 自天降 顧予烝嘗 衡,八鸞 我思成。 靡 康,豐 有 申 鶬鶬。 争。 ,湯孫之將 姚氏 錫 亦 年 有 無 綏 疆,及 穰穰 和 我 티 : 羹 假 眉

> 焉。 既祭而後歌《烈祖》歟?』此説似有文理。 《那》詩則專言樂聲,至《烈祖》則及于酒 篇 知 專言聲,一 羹,其五獻薦熟之章歟? 不然,何 言聲,當一獻降神之曲。 無 醴、薦熟,以及九獻祭畢諸大節目 不能盡皆有歌,其一 考,要亦大略相同。 愚案,周制,大享先王凡九獻。 曰 : 云然。 云『湯孫之將』,疑同爲祀成湯。 辭。 其各有專用,同爲一祭之樂無疑 又以 『《那》與《烈祖》皆祀成湯 商 特詩難悉載,且多殘闕耳。 然一祭兩詩,何所分别? 人尚聲,豈始作樂之時 下 詩則 篇 而 及 兼 之耳。 言 獻降神,四獻、五獻 每獻有樂 酒 與 此詩兼言清 然此 (饌耶? 與 則 則歌《那 商制 故《集 之樂, 上 有歌 均 輔氏 前 此 以 篇 也 口 不 雖 詩 酤 末 能 縱 以 詩 饌 和 專 酌 無 然 廣 皆

集釋】烈祖湯也。秩常也。鬷《中庸》作

見《載見》篇。溥廣也。將大也。穰穰多也。「奏」,正與上篇意同。約 軧錯 衡見《采芑》篇。鶬

鶬、將、康、穰、疆、嘗、將並同。本韻。成八庚。羹、平、争並同。本韻。疆七陽。【標韻】祖七慶。祜同。所六語。通韻。

幺鳥 祀高宗也。

有。 帝 假,來假祈祈,景員維河。 是 邦畿千里,維民所止,肇域彼四 丁孫子,武王靡不勝。龍旂十乘,大糦是承。 何。 命武 商之先后,受命不殆,在武丁孫子。 天命玄鳥,降而 湯,正域彼四方。方命厥后,奄有九 生商,宅殷土芒芒。 殷受命咸宜,百禄 海。四海 武 來 古

宗廟之詩」。然詩前半追述湯之「奄有九「祀高宗」,而《集傳》不之信,故泛以爲「祭不之信,故泛以爲「祭門,」

疑哉? 生。 《吕覽》好爲附會,遂以爲 理。 有履 鳥,鳦也。 哉? 夫履迹而生,亦偶然之事,豈 契,故本爲天所命,以玄鳥至而生焉。」自 簡狄配高辛氏帝,帝率與之祈于郊禖 「天命玄鳥,降而生商」,《毛傳》云:「玄 「武王靡不勝」之言,未有自祭而自贊之 曰孫子。如必泥「孫子」爲主祭時王,則 斯頌,所謂「孫子」者,武丁也。 又將誰屬? 殷至武丁後,别 海」,以復成湯之舊。 有」,後半歸 (史記))從之,鄭氏更本以説經。 是何天之好異,而古聖之生如出 故諸儒多是《序》而 迹生稷之異,故並 若泛言「祭宗廟」,而「武丁孫子」 春分玄鳥降。湯之先祖有娀女 重武丁之中興,能「肇域 辭意俱極 此亦以爲 非朱者,此也。 吞 無顯王可當 息 對湯言 顯 蓋 卵 然,尚 鳦 可襲以 因姜嫄 而 卵所 彼 而 生。 故 轍 牛 何 四

常 穆 息 靈 爲 以 其爲附會,不言 姜嫄祀郊禖, 簡狄 真,豈堪一 故作奇異,借 耳,豈可以是誣聖人哉? 詩所不能及,況在《魯頌》? 異相 卵, 實亦 一,而意亦復雋 常 爲春秋時人作者,何哉? 則 感觸,故 天 彼 何靈異之有? 噱! 靈 蓋 所 秉 以 天 聚 永,實爲三《 可 驚人。 且簡狄與姜嫄同配帝譽, 乃 遇 亦祀郊禖。文章犯複 地 知 陰 而 獨 詩 不謂 陽 成胎,雖 縱使靈異,亦禽種 鍾 之和 骨 大凡詩人造語 爲 奇秀,神氣 頌》壓卷。 後 而揚子雲猶 異 儒 産。 非 適 信以 人 與 若 道 兩 周 爲 夫 之 渾 間

武德,故號之也。 集釋】芒芒大貌。 正治也。 域封 帝 上 境 帝 也。 也。 方 武 命 湯 厥 湯 后 有

> 西亳。 也。 肇 河,正指亳也。 隕」義同,蓋 而言也。 此云『景員維河、殷受命咸宜」、舉湯暨武丁會諸侯之地 員 四 何〔《集傳》〕何,任也。《春秋傳》作荷 方諸 維 開 (嚴氏粲曰)武丁至庚丁,八世皆居亳。 河」,朱鬱儀曰: 也。 湯自南亳遷西亳,盤庚所遷即西 侯無不受命也。 員與云通,語助辭。」〔《集傳》云〕員與下篇「幅 假與格同。 言周 亳有三,蒙爲北亳,穀熟爲南亳,偃 也。 「湯有景毫之命,高宗亦自 河,大河 景員 九 有 也。 維 九州 河 言景山 也。 が姚 亳, 氏際恒日」「景 武 四 1 偃 周 此 高宗 師 河 詩 皆 是 徂 師 所 大 也 亳。 也 爲 言 河

河 止 通 后二十五 同。 韻 五 歌 海賄。 標韻】商七陽。 勝十蒸。 有 何 同 有 通 同。 本 韻。 乘、 韻 本 祈五微。 承並 芒、湯、方並同。 韻 同。 殆十 宜四支。 本 賄。 韻。 子四 本 通 里紙。 韻。 · 韻。 紙

長發 大禘也。

哲維商,長發其祥。洪水芒芒,禹敷

濬

句,

章九句,一章六句。

桀。六章

昔在中葉,有震

且業。

蘖,莫遂莫達。

虔秉鉞。

如火

達,受大國是達。率履不越,遂視既 降予卿士。實維阿衡,實左右商王。七章 也」,諸儒皆疑之。《禮記》曰:「王者禘其 右《長發》七章,一章八句,四章章 何天之休,不競不絿,不剛 何天之龍、敷奏其勇、不震不動、 烈烈,則莫我敢曷。 九有有截,韋顧既伐,昆吾夏 受小球大球,爲 受小共大共,爲 昭格遲遲,上帝 桓撥,受小 武王 《序》曰「大禘 不違,至于 長。 允也天子, 載旆,有 苞有三 有娀 發。 不柔 或 湯 相 是 方 帝; 不得有 契,而 娀氏 後。 意 立子生商」,娀子者,契也。 及譽耶?」然愚案,詩明言「有娀方將,帝 所自出之帝也。 得謂之禘詩? 述玄王以下,而不及於所自出之帝,則 曲爲之説,非真知詩意者也。何、姚二説 屬非是。 傳》疑爲「祫祭」,與鄭氏 群廟之主; 祖之所自出, 到 語開端 唯楊氏云:「《詩・頌・長發》大禘,但 欲以爲袷 女 而筆不到者,此類是已。 不及契之所自 也。 廟 即姚氏、何氏之主禘祭者,亦 ,明是指帝嚳而言,未嘗不及於 故欲以爲禘,而無祖所自出之 中間雖 言娀女即言帝嚳也。 以 而 今案篇首即以『長發其祥』 其 豈必舉譽之名而後謂之 無群廟合食之文。《集 言相 祖配之。」今詩 出 ,下及湯,而 「郊祭天」之説,固 土,相土未 契所 又況古人文 自出

下或

一級旒。

下國駿厖。

不戁不竦。

百禄是總。五章

敷政優優,百禄是遒。

四章

是祗,帝命式于九圍。三章

湯降不遲,聖敬日躋。

土烈烈,海外有截。二章

帝命

將

,帝立子生商

一章

玄王

下土方。

大國

是疆

幅幅

隕

既

唯上

及

不

及

五九七

詩固有

多

附

安

出耳。 商人 定于 人乎? 獃 而已 此 此詩禘其祖所自出,而不及於祖所自出 商順勢直下,則禘義自明。 在於濬哲相繼之時,而有商受命之基,實 文不及天,自不失爲郊天之文,又何疑 與郊祭天耶? 享之。」此非大禘證乎? 庚》篇曰:「兹予大享于先王 若至篇末兼頌功臣,實 察,妄生議 |可見詩言有娀生商者,並非泛言所自 板文法,篇篇 類多 之所由生,而有娀又商之所自出 有娀生商之日。 若使先從有娀敘起,如前篇玄鳥 蓋倒裝文法,先言契而後及其 又朱氏善曰:「有商受命之祥,雖 簡 論,真可怪 質 如《思文》本 《序》曰大禘,可無疑矣。 例耶? 也! 必言有娀者,以契固 維 何至疑爲給祭 以 阳 此首章之義也 諸儒不於此 然天下豈有 爾 衡。 后 稷 祖其從 **《**書 西己 天 所 也。 盤 與 此 之 世 細 牛 自 出 於 而

書 也。 爲朝享。 舉 馬端臨謂: 發》爲「大禘」,信非妄矣。 謂 《周禮 大禘之禮,七廟之祖皆在,亦以明矣。又曰:此詩 宗,而以君臣之故,所及有遠近也。 見知於君,許之給,則 及其祖之所自出。 及其太祖。 不王不禘。 一人而已。 配之」一語,謂禘祭推始祖之所自出,其配之者,惟 程 審諦昭穆」、張純謂 及 則如宋神宗謂 禘追其所自出,故爲追 子、胡致堂皆從其 阳 盤 盤庚》篇:「兹予大享于先王、爾祖其從與享之。 衡, 司尊彝》云:「凡四時之間祀,追享朝享。」先儒 附 庚 禘、治皆以 》言功臣配享,正大享之時。 朱子亦以 録 玩其文意,亦似共只説一祭。 天子則謂 王者禘其祖之所自出 大夫、士有大事省于其君, 于袷及其高 正 (何氏 西己 「審諦其祖之所自出 享 諸侯所祭止太祖。 享名,而禘尤大於給 説。 「諦諟昭穆尊卑」之義是 爲然。 太 楷 于袷可 廟 日 享。 而 何休亦云: 之 〕漢儒皆以 趙、 今據《大傳》本文曰: 事, 及高祖。 袷,群主皆 楊泥《大傳 古 ,以其祖配之。 蓋禘之爲言 大禘 大禘 」,一則如許 「禘所以 大夫、士有 蓋共 則《序 朝 ,故以大享名 爲合祭 之 》中「以 於太廟 是 也 異於給 》以 合 諦 證 群 末章 斯則 功勞 之禘 祖。 禮 諸侯 始祖 慎 祭 其 也 也 爲 祖 祖

王,爾 者謂 者,功 唯於詩首無所自出之文,均未能確有所見,故多遷就其 之主,惟袷及之。 及群廟之主,此疑爲祫祭之詩。」彼意似謂禘不及群 不言契之所自出,似非禘矣。 説以合經,豈能使人信而不疑哉? 上二説皆主禘祭,於詩末功 祭之説更不如禘,抑或商之禘不必所自出耶? 未爲王,無廟也,豈認相土爲廟耶? 文「禘其祖之所自出 禘則功臣與祭,徵之于《盤庚》曰:「兹予大享于先 祖其從與享之。」詩末有阿衡之語也。 臣皆祭也。 然詩中未嘗有及群廟之主語。 〔姚氏際 ,以其祖配之」。 恒日》《小序》謂 臣與祭之説 《集傳》謂: 更 難曉。 皆 「今案,大禘不 今惟言契而 「大禘」。 確 案,禘 而有 愚按, 袷 〔案〕以 相土 者 據 廟 説

達通 獨 土,契之孫也。〔王氏質曰〕契之後,湯之前,十三傳。 玄鳥降而生也。 玄王〔《集傳》〕玄王,契也。玄者,深微之稱。 隕 舉 讀 相 也。 作 土 集 員, 受小國二句授之以國,政無不能達。 釋】濬深也。 人,左氏謂 謂 周也。 王者,追尊之號。 有 閼 娀 契之母 伯 哲 居 加也。 商丘,相土因之」,是 桓 家 武 幅 也。 也。 猶 言 將 撥治 邊 或日 大也。 幅 也。 也。 相 最 而 以

《公羊》曰:「君若綴旒然。」言諸侯反繫屬於大夫。 桀之黨也 苞 竦 恃湯以爲安,如倚賴于磐石然也。 氏楷曰〕《説文》:「厖,石大貌。」「爲下國駿厖」者,下 氏粲曰]萬邦惟 轍 緩 綴旒者,取其相繫屬之義也。 綴旒,與彼意相似,而詞有正反之異。 盛者也。 本生三蘖 天子之所執也。 成曰〕小球,鎮圭,尺有二寸。 成,與天命會也。 駿 曰〕共珙通,合珙之玉也。 也。 云「結也」。 懼 蘖 驅 也。 五 優優寬裕之意。 謂 也。 句[《集傳》]苞,本也。 截整齊 馬 武 鄭 也。 氏 本則夏桀,蘖則 王 旒,毛云「章也」。 正之供。 日 下國諸侯也。 湯 以馬 也。 九圍九州也。 也。 「韋,彭 比 湯 〔案〕二説皆可通 曷 道聚也。 先王,不倫甚矣! 齊〔蘇氏轍曰 姓 遏 [郝氏敬曰]共供通。 大球,大圭,三尺也。 韋 何荷 通。 也、 章爲冕 顧 蘖,旁生萌蘖也,言 綴旒[何氏楷日] 大球 《齊詩》以 也。 或 昆 顧 小 日 : 湯爲冕,下國爲 也、 共大共 吾 小 飾, []至湯 競强也。 昆吾 曷, 己 球「鄭 駿厖 襄十 姓。」言 「駿尾」作 戁 誰 也。 而 恐 何 (蘇氏 此言 六年 氏 王 (嚴 綴 也。 也 何何 絿 皆 湯 國 皆 一業 康

既 伐夏桀。 受命 ,而天下截 載旆 當 日用師之次序如此。 然歸商矣。 秉 鉞,以 征 不義。 初 (伐韋,次伐顧,次伐昆吾,乃 桀與三蘖,皆不能 葉世也。 業危也。 遂 其

阳

衡伊尹官

號

也

發同。 鉞月。 韻。 韻。 月。 勇同。 本 商 韻 並 桀 遲 同。 球十一尤。 子 烈屑。 烈九屑。 標韻」商七陽。 動 四支。 屑。 共 四 本韻。 紙。 供 董。 叶 通,二冬。 曷七曷。 躋 韻。 士 竦腫。 截 齊。 旒、休、絿、柔、優、遒並同。 撥七曷。 同。 同。 葉十六葉。 遲支。 蘖屑。 祥、芒、方、疆、長、將、 本 **尨**三江。 總 通 韻。 董。 達、達同。 韻。 祗同。 達曷。 叶 衡 業十七 違 龍同 韻 八庚。 五微。 截屑。 韋 寵,二 越六月。 斾 治。 微。 王 九 齊 陽。 腫。 叶 伐 通 八

殷武 高宗廟成也。

韻。

六章 生。 國,封 之旅。 赫 下 辟、設都于禹之績。 謂《商頌》多闕文,然亦惟此耳。]〇三章 稼穡匪 楚,居國南 來享,莫敢不來王,曰商是常。 方斲是虔。 民有嚴。 赫厥聲,濯濯厥 五章 撻 建 有截 解。 彼殷武,奮 厥 陟彼景山,松柏丸 鄉。 福。 姚氏曰: 松桷有梴,旅楹 不僭不 其 、所,湯 昔有 四 章 「此句無韻 伐荆楚。 靈,壽考且寧,以保我後 濫,不敢迨遑。 成湯,自彼氐羌 歲事來辟,勿予 孫之緒。 商 邑翼翼,四 ,或脱 有閑, 丸。 罙入其阻,裒荆 一章 二章 下 天命降監, 是斷是遷, 一句。 寢成孔安。 方之極。 莫 命于下 天命多 維 ,禍適。 《集傳》 敢 女 荆

七句。《小序》曰「祀高宗也」。《玄鳥》既祀句,朱子疑其脱一句。則此詩當作四章章六句,二章章七句,一章五句。劉氏瑾曰:「篇内第三章爲五右《殷武》六章,三章章六句,二章章

於

陽

遷之廟 乃作廟以妥其 章所受命中興之故,五章極言其盛,六章 烈,二章則述戒楚之詞,三章諸 也。」今觀詩詞,首章稱高宗伐楚爲中興 宗之,雖親盡而不祧,别立百世不遷之廟 高宗矣, 詩爲春秋時 與《玄鳥》又異也。 限其數。 特祔其主焉。 桃於太祖之廟。 世、九世而後,隨其昭 |天子七廟,三昭三穆,與太祖之廟 荆 爲 「《商 荆 州 耳。 以 而 楚即. 書》曰:『七世之廟,可 此詩 地名 人作。 而商則止有三宗,高宗即其 廟既落成,故袝其主 靈。 南荆也 又祀高宗, ,非今日之所 凡有功德者皆然,初不可 其有功德之君 殊不 或疑商時 然則此固高宗百世不 穆 -知《禹 其後 親 何 哉? 無 盡 謂楚。 成 貢》 楚,遂謂此 侯來朝, ,遞遷其 以 Ŧ 而祭之, ,則後世 荆 封 觀 劉 而七。 熊 及 德。」 氏 詎 繹 衡 顯 主 瑾 得 几

預

而

蓋

曰

而

與此略 氏敬 新 周之中葉是也。 以 所以酬報之者,不亦宜 宣之《采芑》是也。」然則高宗有廟,子孫之 則天下視此爲向背焉。 文王之二《南》是也。 高宗之功,當以 曰鬼方。説者謂驗諸 鬼方,今之烏蠻,楚屬國 方,三年克之」,與此 ,此始作,尤大異 是而疑之哉? 曰:「荆楚之國,天下有道則首善焉, 同,蓋襲之也,奚足 此爲 繼世之王 又況《易》稱「高宗伐鬼 軟 詩 最,故詩首述之。 無道則首叛焉,商 屈 哉 高宗之《殷武》,周 也。 原《九歌》。 ! ,有能中 入其阻」者合。 疑? 其俗尚鬼,故 ^ 閟 宫》卒章 且 興 可見 者, 郝 更

速。 方,三年克之」,此詩云「罙入其阻 殷武 集釋】撻疾貌。 殷王之武也。 訓「冒」者、未然。 采 [姚氏際 「曹氏 」,與之合。 粹 易 中 恒日」「罙」、《毛 日 》稱 门言其 高 可見 宗 兵 伐鬼 非 威 神 暫

六〇二

邑王都也。 世 氐羗之種,漢世仍存,其居在秦隴之西。 事 類推矣。 也。 言爲桷與衆楹,故 遷,是遷之於造作之所。 也。 都之山名。 傳》云:「商湯有景亳之命。」而此言「陟彼景山」,蓋商所 濯 僭賞之差也。 來辟來王也。 子繼,及嗣王即位乃來朝,謂之世見也。 見曰王。 也 〕如虔劉之虔。 濯 [何氏楷曰]《閟宫》篇詠廟 遷徙也。 大行人》云:「九州外謂之蕃國,世一見。」謂其父死 光明 裒聚 安所以安高宗之神也 也。 《衛詩》亦言景山,乃商舊都也。 〔孔氏穎達曰〕遠 翼翼整敕貌。 也 〔徐氏常吉曰〕 濫刑之過也。 適〔郝 景 訓旅 梴 湯 Ш 孫謂高宗。 長 名,商 爲衆。 也。 氏敬曰〕責讓 方正也。 所歸也。 夷一 旅衆也。 極 遑暇也。 斷,是斷之於景山之上。 閑 新,亦但舉 表也。 大也。 世 氏差 八氏類 虔截也。〔季氏本 而 也。 〔朱子曰〕《 孔 赫赫顯盛 享獻也。 封大也。 多辟諸侯也。 路寢 見於王。 寢 蓋適、 氏 丸 廟 穎達曰」 九圓直 則 中 謪 達 此可 一之寢 春 《秋 也。 通。 王 日 商 秋

> 勘。 同。 寧同 韻。 韻 韻 先。 遑七陽。 通韻。 翼職。 監 辟 標韻】武七麌。 虔、梴並同。 生庚。 十五咸。 + 陌。 鄉 極 通韻 叶 七陽。 同。 韻。 嚴 績 閑删。 + 十二錫。 本 楚六語。 四 湯、羗、王、常並同。 山十五删。 國十三職。 韻。 鹽。 安寒。 聲 通 辟 阻、旅、所、緒並 八庚。 陌。 韻 通韻。 丸十四寒。 福 適 屋。 濫二十八 靈 同。 九 青。 叶 遷 本 通

以 上《商頌》,凡五篇 本焕法師

《儒藏》精華編惠蒙善助,共襄斯文,謹列如左,用伸謝忱。

壹佰萬元

北京大學《儒藏》編纂與研究中心

本册責任編委 谷 建本册 審稿 人 張衍田 陳

新

